


Tupanaarü Ore i Tóru Cori ya Ngechuchu ya

Cristuchiga



New Testament in Ticuna (PE:tca:Ticuna)

Tupanaarü Ore i Tórü Cori ya Ngechuchu ya Cristuchiga New Testament in Ticuna (PE:tca:Ticuna)

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ticuna

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022
9d5dc22a-30be-5d26-85a9-76047f4c89e6

Contents

MATEU	1
MARCU	58
LUCA	92
CUÁŮ	151
PURACŮGŮ	194
DUMACŮĀX	245
1 CORĪTIUCŮĀX	271
2 CORĪTIUCŮĀX	295
GÁRATAANECŮĀX	310
EPĚCHIUCŮĀX	319
PIRIPUCŮĀX	328
COROCHACŮĀX	334
1 TECHARÓNICACŮĀX	340
2 TECHARÓNICACŮĀX	345
1 TIMUTĚU	348
2 TIMUTĚU	355
TITU	360
FILEMŮŮ	363
EBRĚUGŮ	365
CHAŮTIÁGU	385
1 PEDRU	391
2 PEDRU	398
1 CUÁŮ	403
2 CUÁŮ	409
3 CUÁŮ	410
YUDA	411
APOCARÍCHIU	413

ORE I MEXÜ GA MATEU ÜMATÜXÜ

*Ngechuchu ya Cristu natanüwa ngóxü ga duüxügüchiga
(Lc 3.23-38)*

¹ Ñaã nixi ga yema nuxcümäxügüxü ga duüxügü ga Ngechuchu ya Cristu natanüwa ngóxü. Rü yematanüwa rü Dabi nixi ga wüxi, rü Abräu nixi ga to.

² Rü Abräu rü Ichaánatü nixi.

Rü nüma ga Ichaá rü Acóbunatü nixi.

Rü nüma ga Acóbo rü Yudánatü rü naëneëgünatü nixi.

³ Rü Yudá rü Fárenatü rü Záranatü nixi. Rü Támara iyixi ga norü mamá.

Rü nüma ga Fáre rü Eróñnatü nixi.

Rü nüma ga Eróñ rü Aráñnatü nixi.

⁴ Rü Aráñ rü Aminadánatü nixi.

Rü nüma ga Aminadá rü Nachóñnatü nixi.

Rü nüma ga Nachóñ rü Charmóñnatü nixi.

⁵ Rü Charmóñ rü Boónatü nixi, rü Raá iyixi ga naë.

Rü nüma ga Boó rü Obénatü nixi, rü nae rü Rux iyixi.

Rü nüma ga Obé rü Ichaxínatü nixi.

⁶ Rü nüma ga Ichaxí rü äëxgacü ga Dabínatü nixi.

Rü nüma ga äëxgacü ga Dabi rü Charomóñnatü nixi. Rü ngima ga Bechabé ga Uría namëxchirëx ixicü iyixi ga naë ga Charomóñ.

⁷ Rü Charomóñ rü Roboáñnatü nixi.

Rü nüma ga Roboáñ rü Abíanatü nixi.

Rü nüma ga Abía rü Achánatü nixi.

⁸ Rü Achá rü Yochapánatü nixi.

Rü Yochapá rü Yoráñnatü nixi.

Rü nüma ga Yoráñ rü Uchíanatü nixi.

⁹ Rü Uchía rü Yotáñnatü nixi.

Rü Yotáñ rü Acánatü nixi.

Rü nüma ga Acá rü Echequíanatü nixi.

¹⁰ Rü Echequía rü Manachénatü nixi.

Rü Manaché rü Amóñnatü nixi.

Rü nüma ga Amóñ rü Yochíanatü nixi.

¹¹ Rü Yochía rü Yeconíanatü rü naëneëgünatü nixi. Rü yexguma nixi ga Babiróniäcñäx ga churaragü Yudiügüxü iyauxüxü rü Babiróniäñewa nagagüäxü.

¹² Rü yexguma Babiróniäwa Yudiügüxü nagagüguwena, rü Yeconía nane ga Charatíe nabu. Rü nüma ga Charatíe rü Chorobabénatü nixi

¹³ Rü Chorobabé rü Abiúnatü nixi.

Rü Abiú rü Eriaquíñnatü nixi.

Rü nüma ga Eriaquíñ rü Achónatü nixi.

¹⁴ Rü Achó rü Chadóxnatü nixi.

Rü Chadóx rü Aquíñnatü nixi.

Rü nüma ga Aquíñ rü Eriúnatü nixi.

¹⁵ Rü Eriú rü Ereachánatü nixi.

Rü Ereachá rü Matáñnatü nixi.

Rü nüma ga Matáñ rü Acóbunatü nixi.

¹⁶ Rü Acóbu rü Yúchenatü nixi. Rü nüma ga Yúche rü María ngíte nixi. Rü ngima ga María rü Ngechuchu ya Cristu naë iyixi. Rü guma Ngechuchuxü nixi ga naxunetaxü ga Tupana.

¹⁷ Rü yemaäcü Abräuwa inaxügü ga yema duüxügü rü 14 nixi ñuxmata Dabiwa nangu. Rü yemawena to ga 14 inaxügü ga Dabiwa rü ñuxmata Babiróniäcñäx ga churaragü Yudiügüxü iyauxüxguwa nangu. Rü yemawena to ga 14 inaxügü ga yexguma Yudiügüxü inayauüxguwena rü ñuxmata Cristu buxguwa nangu.

*Ngechuchu ya Cristuarü buxchiga
(Lc 2.1-7)*

¹⁸ Rü ñaäcü nixi ga yexguma nabuxgu ga Ngechuchu. Rü naë ga María rü marü Yúchemañ ixätechañ. Natürü naxüpa ga nügüna na nangugüxü rü marü Tupanaäë i Üñexüärü inüäxü ixäxäcü.

19 Rū Yúche ga María ngĩtechaũ ixĩcũ rũ wũxi ga mecũ nixĩ. Rũ yemacèx tama nanangoxèèchaũ ga yema na naxãácũxũ ga María. Rũ nagu narũxinũ ga bexmamare ngĩxũ na ínataxũ.

20 Rũ yexguma yemagu ínaxĩnũyane, rũ wũxi ga daxũcũãx ga Tupanaãrũ orearũ ngerũ, rũ nanegũwa naxcèx nangox rũ namaã nidexa. Rũ ñanagũrũ nũxũ: —Pa Yúche Pa Dabitanũxũx, ãtãxũ i ngĩxũ cuxox i María na ngĩmaã cuxãmaxũ! Erũ Tupanaãe i Üünexũ ngĩxna ãnũxũgagu nixĩ i naxãácũxũ.

21 —Rũ ngĩma tá ngĩxũ nangèxma ya wũxi ya ngine, rũ cuma rũ tá Ngechuchugu cunaxũéga. Rũ ngẽma naega rũ 'maxèeruxũ' ñaxũchiga nixĩ, erũ nũma tá norũ pecadugũwa ñnanangũxũèè i norũ duũxũgũ —ñanagũrũ.

22 Rũ guxũma ga yema orearũ ngerũxũ nũxũ ixuxũ rũ nangupetũ na yanguxũcèx ga Cori ga Tupanaãrũ ore ga nuxcũmaũxũ ga norũ orearũ uruũwa nũxũ yaxuxũ ga ñaxũ:

23 “Rũ tá tauemacũ ngĩxũ inayarũtaxu i ngẽma nge i taguma yatũxũ cuèxcũ. Rũ tá nayatũ. Rũ Emanue tá nixĩ i naega. Rũ ngẽma naega rũ ‘Tupana tatanũwa nangu’, ñaxũchiga nixĩ”,

ñanagũrũ.

24 Rũ yexguma pewa nabèjãchigu ga Yúche, rũ nanaxũ ga yema Tupanaãrũ orearũ ngerũ ga daxũcũãx namaã nũxũ ixuxũ. Rũ Maríamaã naxãmèx.

25 Natũrũ taguma ngĩxũnèxũ nacuèx ñuxmata nabu ga guma ngĩne. Rũ Ngechuchugu nanaxũéga.

2

Ngechuchuxũ ñnayadaugũ ga yatũgũ ga nũxũ cuèxũchigũxũ

1 Rũ Ngechuchu rũ Yudéaanewa yexmane ga ãane ga Berèũgu nabu ga yexguma Erode àèxgacũ ixĩxgu ga yema nachĩũãnèwa. Rũ yexguma nixĩ ga ãane ga Yerucharéũwa nangũxũx ga ñuxre ga yatũgũ ga nũxũ cuèxũchigũxũ ga woramacuriwa ngũexũ ga yaxũwa ne ãxũ ga uèxcũ ne ãxũwa.

2 Rũ duũxũgũna nacagũe, rũ ñanagũrũgũ: —¿Ngextã nixĩ i nangèxmaxũ ya yima Yudũgũarũ àèxgacũ ya ngèxwacèx bucũ? Toma rũ yéama tochiũãnèwa nũxũ tadau ya norũ woramacuri rũ ngèmacèx nũma taxĩ na nũxũ tayarũcuèxũũgũxũcèx —ñanagũrũgũ.

3 Rũ yexguma yemachigaxũ nacuèxgu ga àèxgacũ ga Erode rũ porãcũ naxoegaãe. Rũ guxũma ga duũxũgũ ga Yerucharéũcũãxgũ rũ ta naxoegaãegũ.

4 Rũ yexguma ga àèxgacũ ga Erode rũ naxcèx nangema ga guxũma ga paigũarũ àèxgacũgũ rũ ngũexèerũgũ ga ore ga mugũwa nguxèètaegũxũ. Rũ nũxna naca, rũ ñanagũrũ: —¿Ngexta nixĩ i nabuégaxũ ya Cristu? —ñanagũrũ.

5 Rũ nũmagũ nanangãxũgũ, rũ ñanagũrũgũ: —Nuã Yudéaanewa ngèxmane ya ãane ya Berèũgu tá nixĩ i nabuxũ. Yerũ nuxcũmaũcũ ga Tupanaãrũ orearũ uruũ rũ nachiga nanaxũmatũ, rũ ñanagũrũ ga yema ore:

6 “Rũ Berèũ ya ãane ya Yudéaanewa ngèxmane, rũ yima rũ tama wũxi ya ngèxnerũñemare ya ãane nixĩ, erũ nagu tá nabu i ngẽma àèxgacũ i taxũ i Cristu. Rũ nũma tá nũxna nadau i guxũma i Tupanaãrũ duũxũgũ i Yudũgũ”,

ñanagũrũ.

7 Rũ yexguma ga àèxgacũ ga Erode rũ bexma naxcèx naca ga yema yatũgũ ga nũxũ cuèxũchigũxũ ga yaxũwa ne ãxũ. Rũ nũxna naca ga tãxacũ rũ ngunèxũ na nangóxũ ga noxri ga guma woramacuri.

8 Rũ ñuxũchi ga Erode rũ Berèũwa nanamugũ ga yema yatũgũ. Rũ ñanagũrũ nũxũ: —¡Rũ ngema pexĩ rũ meã naxcèx peyadèux i ngẽma buxũ. Rũ ngèxguma nũxũ ipeyangauxgu rũ chomaã nũxũ pixu na choma rũ ta ngema chaxũxècèx, na nũxũ chayarũcuèxũũxècèx i ngẽma buxũ! —ñanagũrũ.

9 Rũ yexguma yema orexũ naxĩnèguwena, rũ inaxĩachi ga yema yatũgũ. Rũ guma woramacuri ga noxri nũxũ nadaugũcũ rũ napèxegu nixũchigũ rũ ñuxmata guma bucũ ga Ngechuchu ãyexmaxũetũwa nangu. Rũ yéma nayachaxãchi.

10 Rũ yexguma guma woramacurixũ nadaugũga ga yema yatũgũ, rũ porãcũ nataãegũ.

11 Rũ nagu nichocu ga guma ã ga nawa nayexmane, rũ yexma nũxũ nayangau ga guma bucũ ngĩmaã ga naè ga María. Rũ guma bucũpegu nacaxãpũxũgũ, rũ nũxũ nicuèxũgũ. Rũ ñuxũchi nayawãxna ga norũ baũxacũgũ, rũ õxchanana nanaxãmaregũ ga uiru rũ pumaragũ ga yixichixũ.

12 Rũ yemawena, ga yexguma napeeyane ga yema yatũgũ, rũ nanegũwa Tupana nayaxucũxègũ na tama Erodecèx nawoeguxũcèx. Rũ yemacèx to ga namagu nachĩũãnècèx nawoegu.

Equitanewa nabuxmũ

¹³ Rū yexguma marū íyaxíxguwena ga yema yatügü rü wüxi ga daxüçüãx ga Tupanaârü orearü ngeruü, rü nanegüwa Yúhecèx nangox, rü ñanagürü nüxü: —¡Nabèixáchi rü írúda! ¡Rü ínaxüxü namaã ya yima bucü rü naē rü Equituanewa naxü! ¡Rü ngema pengëxmagü ñuxmatáta choma cumaã nüxü chixu na ñuxgu tá cutaeguxü! Erü äëxgacü i Erode rü yima bucücèx tá nadau na yamáãxücèx —ñanagürü nüxü.

¹⁴ Rū yexguma ga Yúche rü nabèixáchi rü ínarüda. Rū yexgumatama chütacü namaã inaxüáchi ga guma bucü ga Ngechuchu rü naē. Rū Equituanewa naxü.

¹⁵ Rū Equituanewa nayexmagü ñuxmata nayux ga äëxgacü ga Erode. Rū yemaäcü nangupetü na yanguxücèx ga Tupanaârü ore ga nuxcúmaücü ga norü orearü uruü nüxü íxüü ga ñaxü:

“Naxcèx changema ya Chaune rü Equituanena chanataeguxëë”,
ñaxü ga yema ore.

Erode nanamu na tüxü nadèixücèx ga buxegü

¹⁶ Rū yexguma äëxgacü ga Erode nüxü cuèxgu ga to ga namagu na nawoeguxü ga yema yatügü ga nüxü cuèxüchigüxü ga yaxüwa ne íxü, rü poraäcü nanu. Rū Berèüwa nanamugü ga norü churaragü na guxü ga yema naänewa tüxü nadèixücèx ga guxáma ga guxema buxegü ga iyatüxe ga yexwacèx buexe rü ñuxmata taxre ga taunecü tüxü yexmagüxewa nangu. Yerü yema yatügü ga yaxüwa ne íxü rü marü nüxü nixugügü rü taxre ga taunecü nixü ga noxri na nangóxü ga guma woramacuri.

¹⁷ Rū yemaäcü ningu ga ore ga nuxcúmaüxü ga Tupanaârü orearü uruü ga Yeremá ümatüxü ga ñaxü:

¹⁸ “Rü Ramáwa nüxü taxínüë i wüxi i naga i poraäcü ngechaügaäcüma auxexü. Rū Raquera iyixü i ngíäcügücèx poraäcü auxcü. Rū taxuacüma ngíxü tataäëxëëga, erü nayue i ngíäcügü”,

ñanagürü ga yema ore.

¹⁹ Natürü yexguma marü nayuxguwena ga äëxgacü ga Erode, rü Equituanewa rü wüxi ga daxüçüãx ga Tupanaârü orearü ngeruü rü nanegüwa Yúhecèx nangox. Rū ñanagürü nüxü:

²⁰ —Pa Yúchex, írúda, rü pechiüñecèx namaã pewoegu ya yima bucü ya Ngechuchu! Erü marü nayue i ngema duüxügü ya yima bucüxü imèxgüchaxüxü —ñanagürü.

²¹ Rū yexguma ga Yúche rü ínarüda rü nachüñecèx namaã nataegu ga guma bucü rü naē.

²² Natürü yexguma Yúche nüxü cuáchigagu na Aqueránu äëxgacüxü ingucuchixü nanatü ga Erodechicüü ga Yudéaanewa, rü namuü ga Yúche ga yéma na naxüxü. Yerü wüxi ga daxüçüãx ga Tupanaârü orearü ngeruü nanegüwa nanaxucuxè na tama yéma Yudéaanewa na naxüxücèx. Rū yemacèx Gariréaanewa naxü.

²³ Rū yexguma Gariréaanewa nangugügu, rü íäne ga Nacharétuwa naxü, rü yexma naxáchiügü. Rū yemaäcü nangupetü na yanguxücèx ga yema ore ga nuxcúmaügüxü ga Tupanaârü orearü uruü nüxü íxugüxü ga ñaxü:

“Ngechuchu ya Cristu rü Nacharétuçüãxmaã tá nanaxugü”,
ñaxü.

3

Cuáü ga baiüxëëruü nüxü nixu ga Tupanaârü ore ga dauxchitawa ga ngextá taxúema íxápataxüwa

(Mr 1.1-8; Lc 3.1-9, 15-17; Cu 1.19-28)

¹⁻² Rū yexguma Nacharétuwa nayexmagu ga Ngechuchu, rü Cuáü ga baiüxëëruü ínanaxügü ga Tupanaârü orexü na yaxuxü ga Yudéaanewa ga dauxchitawa ngextá taxúema íxápataxüwa. Rū duüxügümaã nüxü nixu rü ñanagürü: —¡Nüxü perüxoe i pecüma i chixexü! Erü marü ningaica na perü äëxgacü na yíxü ya Tupana —ñanagürü.

³ Rū guma Cuáü ga baiüxëëruüchiga nixü ga naxümatüãxü ga nuxcúmaücü ga Tupanaârü orearü uruü ga Ichaxía ga yexguma ñaxgu:

“Rü dauxchitawa i ngextá taxúema íxápataxüwa tá nangëxma i wüxi i duüxü i ngema tagaäcü ñaxü: ‘¡Pegü pemexëëx naxcèx ya Cori! ¡Rü naxcèx ipeyanawéxáchixëëx i perü maxü!’ ”

ñaxü.

⁴ Rū naxchiru ga Cuáü rü cameyutëxanaxcèx nixü, rü norü goyexü rü naxchëxmünaxcèx nixü. Rū beruremaã rü munümaã naxáwemü.

⁵ Rū yéma Cuáüxütawa inayarüxñüëgüxü ga duüxügü ga Yerucharéçüçüãx, rü duüxügü ga guxü ga Yudéaanewa ne íxü, rü duüxügü ga natü ga Yudáárü ngaicamagu áchiügüxü.

⁶ Rū guxema duüxëgü ga nüxü íxugüxex ga túmaârü pecadugü, rü Cuáü rü tüxü ínabaiüxëë ga natü ga Yudáüwa.

⁷ Natürü yexguma Cuáü nüxü dèuxgu ga naxütawa na nangugüxü ga muxüma ga ãëxgacügü ga Parichéugü rü Chaduchéugü na ínabaiüxëëäxüçëx, rü Cuáü ñanagürü nüxü: —Pa Áxtapearü Duüxügüx, ¿rü texé pemaä nüxü tixu na naxchaxwa pibuxmüxüçëx i ngëma Tupanaärü poxcu i äücümäxü i marü ingaicaxü?

⁸ —[Rü penaxwëxe na Tupana naxwëxëxüäcüma pemaxëxü na ngëmaäcü guxüma i duüxügü nüxü nadaugüxüçëx na aixcüma marü nüxü perüxoexü i ngëma pecüma i chixexü!

⁹ —Erü Tupanaapéxewa rü taxuwama name na pegü pixuxü na Abráütanüxü i Yudíugü pixígüxü erü tama ngëmacëx nixí ya Tupana i duüxügüxü nayaxuxü. Rü pemaä nüxü chixu rü ngëxguma Tupana naxwëxegu, rü tama nüxü naguxcha na daa nutawa Abráütanüxü nanguxüxëëxü.

¹⁰ —Rü Tupanaärü yuema rü marü ímemare na nadaxüxüçëx i ngëma nanetügü i tama mexü. Rü guxüma i nanetügü i chixearü öðxü rü tá nadaxü, rü ñuxüchi tá ínagu —ñanagürü.

¹¹ Rü ñanagürü ta ga Cuáü: —Choma rü aixcüma dexáwamare pexü íchabaiüxëë na togü i duüxügü nüxü cuáxüçëx na aixcüma marü nüxü perüxoexü i pecüma i chixexü. Natürü choweama tá ínangu i to i Tupanaärü orearü uruü. Rü nüma tá pexütawa nanamu i Tupanaäë i üñexü na naporaxëëäxü i ngëma Tupanawe rüxüxü, rü nüma tá nanapoxcue i ngëma Tupanaxü oexü. Erü nüma rü poraäcü choxü narüyexera na ãëxgacü yíixü. Rü choma rü napëxewa rü taxuwama chame rü bai i norü chatuarü ngewaxüra chame.

¹² —Rü nüma rü marü ínamemare na ñoma i nañewa yadexechiäxüçëx i norü duüxügü ñoma wüxi i yatü trigu naätüna idexechixürü. Rü ngëmaäcü tá nayadexechi i ngëma noxrü íxígüxü na naxütawa nangëxmagüxüçëx, natürü ngëma tama noxrü íxígüxü rü tá ínanagu nawa ya yima üxü ya taguma ixoxüne —ñanagürü ga Cuáü.

Ngechucharü baiechiga

(Mr 1.9-11; Lc 3.21-22)

¹³ Rü yexguma nixí ga Gariréanewa ne naxüxü ga Ngechuchu. Rü Cuáüxütawa nanguxü ga Yudáü ga natüwa, na Cuáü ínabaiexëëxüçëx.

¹⁴ Rü noxri rü tama Ngechuchuxü ínabaiexëëchaü ga Cuáü. Rü ñanagürü nüxü: —Choxü waxi nixí i namexü na ícubaieçëëxü. ¿Rü ñuxäcü i cuma i chauxütawa cuxüxü na choma cuxü íchabaiexëëxüçëx? —ñanagürü.

¹⁵ Natürü ga Ngechuchu rü ñanagürü nüxü: —Name nixí i choxü ícubaieçëë i ñuxmax. Erü name nixí i tanaxü i guxüma i ngëma Tupana tüxü muxü —ñanagürü. Rü yexguma ga Cuáü rü: —Ngü —ñanagürü.

¹⁶ Rü yexguma marü Cuáü Ngechuchuxü íbaieçëëguwena, rü dexáwa ínaxüächigu ga Ngechuchu. Rü yexgumatama niwáxna ga daxüguxü ga nañe, rü Ngechuchu nüxü nadau ga Tupanaäë i Üñexü ga wüxi ga muxtucurü na inagoxü rü nüxna na nanguxü.

¹⁷ Rü dauxüwa inanaxü ga wüxi ga naga ga ñaxü: —Daa nixí ya Chaune ya nüxü changechaüxüchicü, rü poraäcü namaä chataäëxüchicü —ñaxü.

4

Ngechuchuxü naxü ga Chataná

(Mr 1.12-13; Lc 4.1-13)

¹ Rü yemawena rü Tupanaäë i Üñexü rü wüxi ga nachica ga ngextá taxüema íxápataxüwa Ngechuchuxü naga na yéma Chataná nüxü üxüçëx.

² Rü taguma nachibü ga 40 ga ngunexü rü 40 ga chütaxü. Rü yemawena rü nataiya.

³ Rü yexguma ga ngoxo ga Chataná rü Ngechuchuxütawa nangu, na nüxü naxüxüçëx. Rü ñanagürü nüxü: —Ega aixcüma Tupana Nane quixígu, ¡rü daa nutagüxü namu na päuxü nanguxüxüçëx! —ñanagürü ga Chataná.

⁴ Natürü Ngechuchu nanangäxü, rü ñanagürü: —Tupanaärü ore i ümatüxü rü ñanagürü: “Täütáma päuxíca nanamäxëë i duüxügü, natürü guxüma i ore i Tupana nüxü ixuxü nixí i duüxügüxü maxëxëxü”,

ñanagürü.

⁵ Rü yexguma ga ngoxo ga Chataná rü guma íäne ga üñene ga Yerucharéüwa nanaga. Rü tupauca ga taxünetapéxegu nanamunagü.

⁶ Rü ñanagürü nüxü: —Ega aixcüma Tupana Nane quixígu, ¡rü nuä cugü rütáe! Erü Tupanaärü ore i ümatüxüwa rü ñanagürü:

“Tupana tá nanamu i norü orearü ngeruügü i daxüçüäx na cuxna nadaugüxüçëx. Rü naxméxmaä tá cuxü niyaxügü na tama íacü rü nutago cunguxüçëx”,

ñanagürü.

⁷ Rü Ngechuchu nanangäxü rü ñanagürü: —Rü Tupanaärü ore i ümatüxü rü ñanagürü ta: “¡Tama name i nüxü na cuxüxü ya Cori ya curü Tupana!”

ñanagürü.

⁸ Rū yexguma wenaxārū ga ngoxo ga Chataná rü wüxi ga mēxpüne ga máxpüxüchinetapēxewa nanaga. Rū yéma Ngechuchuxü nanawēx ga guxüma ga nachüüānegü na ñuxācü yamexēchixü.

⁹ Rū Chataná rü ñanagürü nüxü: —Choma chi cuxna chanaxā i guxüma i ñaā cuxü chawēxü i ngēxguma chi chopēxegu cucaxāpüxügu rü choxü quicuēxüügu —ñanagürü.

¹⁰ Rū yexguma ga Ngechuchu rü ñanagürü nüxü: —¡Choxna ixügachi, Pa Chataná! Erü Tupanaärü ore i ümatüxü rü ñanagürü:

“¡Nüxü icuēxüü ya Cori ya curü Tupana, rü yimaāxüüxīcatama napuracü!”
ñanagürü.

¹¹ Rū yexguma ga ngoxo ga Chataná rü Ngechuchuna nixügachi. Rū Ngechuchuxütawa nangugü ga daxücüāx ga Tupanaärü orearü ngeruügu. Rū Ngechuchuxü narüngüxēēgü rü nüxna nadaugü.

Ngechuchu rü inanaxügu ga norü puracü ga Gariréaanewa
(Mr 1.14-15; Lc 4.14-15)

¹² Rū yexguma Ngechuchu nüxü İnügu ga na napoxcuxü ga Cuáü ga baiüxēēruü, rü Gariréaanewa naxü.

¹³ Natürü tama ñāne ga Nacharétugu narüxāüx, rü ñāne ga Capernáüwa naxü na yexma yaxāchiüxüçèx. Rū guma ñāne rü nextaxa ga Gariréacutüwa nayexma ga Chaburāütanüxü rü Netarítanüxü ga duüxügu ixāchiügüxüwa.

¹⁴ Rū yema nangupetü na yanguxüçèx ga ore ga nuxcümaücü ga Tupanaärü orearü uruü ga Ichaxía ümatüxü ga ñaxü:

¹⁵⁻¹⁶ “Rü duüxügüçèx tá nangox i wüxi i ngóonexēēruü i Chaburāütärü naānewa, rü Netaríarü naānewa, rü Yudáütärü tocutüwa rü ngēma nama i taxtücutüwa nadaxüwa, rü Gariréaanewa i nextá duüxügu i tama Yudiügu ixügüxü ixāchiügüxüwa. Rū ngēmaācü i ngēma duüxügu ga noxri ēānexüwa yexmagüxü, rü tá nüxü nadaugü i wüxi i taxü i ngóonexēēruü. Rū ngēma duüxügu ga noxri yutüüwa yexmagüxü rü tá nüxü nabaxi i ngēma ngóonexēēruü”,

ñanagürü ga yema Ichaxíaarü ore.

¹⁷ Rū yexgumaücüü nixi ga inaxügüāxü ga Ngechuchu ga nüxü na yaxuchigaxü ga norü ore ga ñaxü: —¡Nüxü perüxoe i pecüma i chixexü! Erü marü ningaica na perü āēxgacü na yixü ya Tupana —ñaxü.

Ngechuchu rü naxçèx naca ga āgümücü ga püchaetanüxü
(Mr 1.16-20; Lc 5.1-11)

¹⁸ Rū yexguma nextaxa ga Gariréaanacügu yaxüxgu ga Ngechuchu, rü yéma nüxü nadau ga taxre ga yatü ga nügüeneēgü ixügüxü. Rū wüxi rü Chimáü ga Pedrugu āegaxü nixi. Rü to rü Aüdrégu āegaxü nixi. Rü nümagü rü ñapüchaegü, yerü woetama püchaetanüxü nixügu.

¹⁹ Rū yexguma ga Ngechuchu rü ñanagürü nüxü: —¡Chowe perüxü! Rü chorü puracüwa tá pexü chamugü na chauxütawa penagagüxüçèx i duüxügu —ñanagürü.

²⁰ Rū yexgumatama ga yema taxre, rü yéma nanatèxgü ga norü püchagü. Rū Ngechuchuwe narüxü.

²¹ Rū yéamaxüra naxü ga Ngechuchu, rü yéma nüxü nadau ga to ga taxre ga nügüeneēgü. Rū Acobu nixi ga wüxi, rü Cuáü nixi ga to. Rū Zebedéu nanegü nixi ga nümagü. Rū nanatümaā wüxi ga nguewa nayexmagü. Rū yéma ínanangáitagü ga norü püchagü. Rū Ngechuchu naxçèx naca.

²² Rū yexgumatama yéma nguewa tüxü natèxgü ga nanatü. Rū Ngechuchuwe narüxü.

Ngechuchu nanangüxēē ga muxüma ga duüxügu
(Lc 6.17-19)

²³ Rū guxü ga Gariréaanegu nixügüchigü ga Ngechuchu. Rū wüxichigü ga ñānewa, rü duüxügüarü ngutaquēxepataüwa ningüxēētaechigü. Rü duüxügümaā nüxü nixuchiga ga ore ga mexü na ñuxācü āēxgacü yixü ya Tupana. Rü guxüma ga duüxügu ga yema idaaweexü rü nanameēxēē ga woo nañuxraüxü ga norü ñaawe nüxü yexmaxü, rü naxçèx nitaanegü.

²⁴ Rū Ngechuchuxü nacüachigagü ga guxüma ga duüxügu ga Chíríaanecüāx. Rü naxütawa nanagagü ga nagüxüraüxü ga daxweanemaā idaaweexü. Rü yematanüwa nayexma ga duüxügu ga ngüanemaā idaaweexü, rü duüxügu ga poraācü naxünewa nangüxü, rü duüxügu ga ngoxo nawa yexmaxü, rü duüxügu ga óxwaāxgüxü, rü duüxügu ga nawāixāchigüxü. Rü Ngechuchu nanameēxēē ga guxüma ga yema.

²⁵ Rū Ngechuchuwe narüxü ga muxüma ga duüxügu ga Gariréaanecüāx, rü Decaríchiuanecüāx rü Yerucharéüçüāx, rü Yudéaanecüāx, rü natü ga Yudáütärü tocutüçüāx.

5

Ngechuchu rü mëxpúnëwa nüxü nixu ga Tupanaärü ore

¹ Rü yexguma Ngechuchu nüxü dëuxgu ga yema muxüma ga duüxügü, rü wüxi ga mëxpúnëwa ñaxüñachi namaã ga norü ngüexügü. Rü yéma narüto, rü norü ngüexügü nüxü ñachomaëguächi.

*Yixema taãëgüxechiga
(Lc 6.20-23)*

- ² Rü ñanaxügü ga Ngechuchu ga na nangüexëëäxü, rü ñanagürü:
³ –Tataãëgü ya yixema nüxü icuëxächitanüxë i tumaärü pecadu rü nüxü rüxoexe. Erü tümacëx nixi i ngema daxüguxü i naane i Tupana äëxgacü ñixüwa.
⁴ –Tataãëgü ya yixema ngechaügüxe, erü Tupana tá tüxü nataãëxëë.
⁵ –Tataãëgü ya yixema tama tügü icuëxüxügüxe, erü tá tanayauxgü i ñoma i naãne i Tupana tümamaã ixunetaxü.
⁶ –Tataãëgü ya yixema poraäcü tüxü nangüchaüxë na Tupanapëxewa meã tamaxëxü, erü Tupana tá tüxna nanaxã i ngëma maxü i mexü i naxcëx tadaugüxü.
⁷ –Tataãëgü ya yixema togü i duüxügü tüxü ngechaütümüügüxe, erü tümagü rü tá ta Tupanaaxü tangechaütümüügü.
⁸ –Tataãëgü ya yixema tama chixëxügu rüxñüëxë i tumaäëwa, erü yixemagü tá tixigü ya Tupanaxü daugüxe.
⁹ –Tataãëgü ya yixema togüarü chogüruü ñixügüxe, erü Tupana rü nanëgümaã tá tüxü naxu.
¹⁰ –Tataãëgü ya yixema togü i duüxügü tümachi aïexe naxcëx na Tupana naxwëxëxüäcüma meã tamaxëxü. Erü tümacëx nixi i ngema daxüguxü i naane i Tupana äëxgacü ñixüwa.
¹¹ –Petaãëgü i pema ega duüxügü tacü pemaã ixügüegu, rü chixri pemaã namaxëgu, rü chaugago doramaã poraäcü chixri pechiga yad exagügu.
¹² –Rü petaãëgüma rü tama pexoegaãëgü! Erü daxügüxü i naãnewa tá penayauxgü i wüxi i perü ämare i mexëchixü. Rü ngëma ñuxma pexü ngupëtüxürü nixi ga nüxü nangupëtüxü ga nuxcümaügüxü ga Tupanaärü orearü uruügü, yerü ga duüxügü rü naxchi rü ta naxaie.

*Yucürarü rü omürüü pixigü i ñoma i naãnewa
(Mr 9.50; Lc 14.34-35)*

- ¹³ –Pema rü ñoma yucürarü pixigü i ñoma i naãnewa. Erü yima yucüra rü ñna na namexëëxürü, rü ngëxgumarü ta i pema rü ñoma i naãnecüäx i duüxügüarü mexëëruü pixigü. Natürü ngëxguma chi nangeacagu ya yucüra, çrü factüwa chi i namexü i ngëxgumax? Rü dücax, rü taxuwama name, rü ñtanatëxmare, rü ngema duüxügü nawa nangagü.
¹⁴ –Pema rü ñoma i naãnecüäxärü ngöonëxëëruü pixigü. Rü wüxi ya ñaie ya wüxi ya mëxpúnëwa ngëxmane, rü taxuacüma ñicux.
¹⁵ –Rü taxüema wüxi i omüwa tanangixichi na wüxi i caichäütüügu na tayaxücuchixücëx. Natürü wüxi i omüwa tanangixichi na norü üchicügu tanaxünagüxücëx, na ngema tüxü nabaxixücëx ya guxäma ya yixema yima ñwa ngëxmagüxe.
¹⁶ –Rü name nixi i duüxügüpëxewa na meã pemaxëxü. Erü ngëmaäcü i pema rü omügürüü tá pinaigü. Rü ngëmaäcü duüxügü tá nüxü nadaugü i ngëma mexü i pëxüxü, rü tá nüxü nicuëxüügü ya Penatü ya daxüwa ngëxmacü.

Ngechuchu nanangüexëë ga mugüchiga

- ¹⁷ –Tama name i nagu perüxñüë na numa chaxüxü na ichayanaxoxëëxücëx i Tupanaärü mugü ga Moïché ümatüxü, rü yema ore ga nuxcümaügüxü ga Tupanaärü orearü uruügü namaã ngüxëëtaëgüxü. Natürü numa chaxü na meã chayangüxëëxücëx i ngëma mugü, rü tama na ichayanaxoxëëxücëx.
¹⁸ –Rü aïxcüma pemaã nüxü chixu, rü ñuxma na tama nangupëtüxü i daxügüxü i naane rü ñoma i naãne rü taxucürüwa naxüchicüxü i ngëma mugü, rü bai i ñrarüwa ñuxmatáta yangu i guxüma i ngema mugü nüxü nixuxü.
¹⁹ –Rü ngëmacëx ya yixema tama naga ñnuxë i ngëma mugü, rü woo i tacü i ñraxü i ngëma nüxü yaxuxü rü duüxügüxü tangüexëëxgu na nümagü rü ta tama naga naxñüëxücëx, rü yixema rü tá guxüärü yexera wixweama tatëx i Tupana äëxgacü ñixüwa. Natürü yixema naga ñnuxë i Tupanaärü mugü rü duüxügüxü ngüexëëxë na tümagü rü ta naga taxñüëxücëx, rü guxüpëxewa tá taxü i Tupana äëxgacü ñixüwa.
²⁰ –Rü pemaã nüxü chixu, rü ngëxguma tama Parichëgü rü ngüexëëruügü i ore i mugüwa ngüxëëtaëgüxüärü yexera meã pemaxëgu, rü tagutäma Tupana ñngëmaxüwa pichocu.

*Ngechuchu nanangüexëë na tama namexü na texë tümäneëmaã na nuxü
(Lc 12.57-59)*

- ²¹ –Pema rü marü nüxü pëxñüë ga Moïchéarü ore ga nuxcümaügüxü ga duüxügümaã nüxü yaxuxü ga ñaxü:

“¡Tãxũ i pemaétaguxũ! Erũ texé yamáétaxe rü tá tapoxcu”,
ñaxũ.

²² —Natürũ choma rü pemaã nüxũ chixu rü texé ya tũmaëneëmaã nuxê, rü tá tapoxcu. Rũ texé ya tacũ tũmaëneëmaã ixugũxe, rü ãëxgacũgũpëxewa tá tũxũ nagagũ na tũxũ napoxcuxũcëx. Rũ texé ya tũmaëneëxũ ngoxo wogũxe, rü ãücũmaxũwa tangëxma, erũ ngürũãchi tá tapoxcu nagu ya yima ùxũ ya ngoxo nagu poxcuene.

²³⁻²⁴ —Rũ ngëxguma tupaucawa Tupanana cunaxãxgu i curũ dïëru, rü ngema nüxna cucuëxãchigu na tacũcëx cumaã nanuxũ i cueneë, ¡rũ ngëxma tupaucagutama naxũ i ngëma curũ ãmare i Tupanana cuxãxchaũxũ! ¡rũ cueneëxũtawa naxũ, rü namaã yamexëëxãra i ngëma cuxchi na naxaixũ! Rũ ngëmawena rü marũ name i tupaucacëx cutaegu na Tupanana cuyaxãmarexũcëx i curũ dïëru.

²⁵ —Rũ ngëxguma chi wũxie wũxi i ngetanücëx cuxũ íxuaxũgu, rü ãëxgacũxũtawa cuxũ tagaxgu, rü name nixĩ i namawatama tũxũ curũngũxmũxëë na tama ãëxgacũpëxewa cuxũ tagaxũcëx. Erũ wũxicana na ãëxgacũxũtawa cunguxũ, rü ãëxgacũ tá purichãgũna cuxũ namu na cuxũ napoxcuxũcëx.

²⁶ —Rũ aixcũma cumaã nüxũ chixu rü tãütãma ngema poxcupataũwa ícunguxuchi ñuxmatãta ngĩxũ cuxũtanũ i gũxcũ i ngëma dïëru i nüxũ ngĩxũ cungetanücũ. Rũ name nixĩ i paxa Tupanana peca na pexũ nüxũ nangechaũxũcëx i perũ pecadugũ na tama pexũ napoxcuxũcëx.

Ngechuchu namaã nangũxëëtae na tama namexũ na wũxi i ngemaã chixexũgu rixĩnũxũ

²⁷ —Pema marũ nüxũ pexĩnũë ga Tupanaãrũ mu ga Moïché nuxcũma nüxũ ixuxũ ga ñaxũ: “¡Tama name i naĩ i ngemaã na icupexũ!”

ñaxũ.

²⁸ —Natürũ choma rü pemaã nüxũ chixu, rü yixema texé ya wũxi i ngexũ dawenũxë rü tũxũ nangũchaũxë na ngĩmaã itapexũ, rü Tupanapëxewa rü marũ chixexũ ngĩmaã taxũ i tũmaãëwa.

²⁹ —Rũ ngëxguma chi yima curũ tũgũnëxëtũ pecadu cuxũ ùxëëgu rü ¡noxtacũma nayaxu rü yaxũgu naña! Erũ narũmemaë nixĩ na yima cuxetũxicatama iyarũtaxuxũ na tama guxũ i cuxune iyarũtaxuxũcëx nagu ya yima ùxũ ya ngoxogũ nagu poxcuene.

³⁰ —Rũ ngëxguma chi yima curũ tũgũnemëxë pecadu cuxũ ùxëëgu, rü name nixĩ i noxtacũma ícunadae rü yaxũgu cuyaña. Erũ narũmemaë nixĩ na yima cuxmëxĩcatama iyarũtaxuxũ na tama guxũ i cuxune iyarũtaxuxũcëx nagu ya yima ùxũ ya ngoxogũ nagu poxcuene. Rũ ngëmaãcũ ega woo pexũ naguxchagu rü name nixĩ i nüxna pixĩgachi i guxũma i chixexũ i nagu piyixchaũxũ —ñanagürũ.

Ngechuchu namaã nangũxëëtae na tama namexũ na texé tũmamëxũ ítãxũ

(Mt 19.9; Mr 10.11-12; Lc 16.18)

³¹ Rũ ñanagürũ ta ga Ngechuchu: —Moïché rü ùpa nüxũ nixu rü yixema tũmamëxũ ítãxe, rü tanaxwëxe i ngĩxna tanaxã i wũxi i popera i nawa nüxũ tixuxũ na marũ ngĩxũ ítãtaxũ.

³² —Natürũ choma rü pemaã nüxũ chixu, rü ngëxguma wũxi ya yatũ naxmëxũ ítëxgu, rü chi tama naĩ ya yatũmaã nangëãëxũgagu yixĩgu, rü ãücũmaxũwa ngĩxũ tangëxmaxëë erũ ngëmaãcũ ngürũãchi pecadu ixũ. Rũ yixema ngĩmaã ãmaxë i wũxi i nge i marũ ngĩte ngĩxũ ítëxcũ, rü tũma rü ta pecadu taxũ.

Ngechuchu namaã nangũxëëtae ga unetachiga

³³ Rũ ñanagürũ ta ga Ngechuchu: —Pema rü marũ nüxũ pexĩnũë ga Moïchëarũ ore ga nuxcũmaũgũxũ ga duũxũgũmaã nüxũ yaxuxũ ga ñaxũ:

“Ngëxguma Tupanaëgagu texëmaã tacũcëx icuxunetagu, rü name nixĩ i cuyanguxëë i ngëma curũ uneta”,

ñaxũ.

³⁴ —Natürũ choma rü pemaã nüxũ chixu rü tama name i texëëgagu rü ëxna tacũëgagu wũxi i duũxũmaã ipexuneta. Rũ tama name i daxũguxũ i naãnegagu ipexuneta, erũ ngema narũto ya Tupana.

³⁵ —Rũ tama name i ñoma i naãnegagu ipexuneta, erũ Tupanaãrũ cuaixcutũchica nixĩ. Rũ tama name i Yerucharëũegagu ipexuneta, erũ Tupana ya guxũãrũ ãëxgacũarũ ñane nixĩ.

³⁶ —Rũ tama name i cugũëgagu icuxuneta, erũ woo wũxitama i cuyae rü taxucürũwa cunaxũchicũ na nachõxũcëx rü ëxna nawaxũxũcëx.

³⁷ —Rũ ngëmacëx rü ngëxguma icuxunetagu rü narũmemaë nixĩ i: —Ngũ, tá chanaxũ —ñaperũgũ, rü ëxna: —Tãütãma chanaxũ —ñaperũgũ. Erũ guxũma i to i ore i namaã icuxunetaxũ, rü ngoxo i Chatanãwa ne ùxũ nixĩ.

Ngechuchu namaã nangũxëëtae na ñuxãcũ namexũ na namaã ichopetũxũ i ngëma duũxũgũ i chixri tamaã maxëxũ

³⁸ Rû ñanagürü ta ga Ngechuchu: —Pema rû marü nüxü pexĩnûe ga Tupanaärü mu ga Moiché nuxcüma nüxü ixuxü ga ñaxü:

“Ngëxguma texé wüxi i duüxüxü icháixetüxëëgu, rû tûmaxëtümaâtama tayangutanüxëë. Rû texé wüxi i duüxüxü ibüepütagu, rû tûmapütamaâtama tayangutanüxëë”, ñaxü.

³⁹ —Natürü choma rû pemaã nüxü chixu rû tama name i pegütama ípepoxü nüxna i duüxü i chixecümaxü. Rû ngëxguma texé cuxü pechiwegu, rû marü name i curü tochiwe rû ta icunaxã na ngema rû ta cuxü tapechiwexüxcëx rû tama name na cuxütanüxü.

⁴⁰ —Rû ngëxguma texé cuxü iyaxuaxügu rû cuxna tayapuchaxügu i curü daxü, rû name nixĩ i curü gáuxüchiru rû ta noxtacüma tûxna cunaxã.

⁴¹ —Rû ngëxguma texé cuxü muxgu na wüxi i kilómetrugu ñacü tûxü quingexüxcëx, rû name nixĩ i taxre i kilómetrugu tûxü cuyange.

⁴² —Rû ngëxguma texé curü ngëmaxüxcëx cuxna caxgu, rû name nixĩ i tûxna cunaxã. Rû tama name na namaã cuxaxü i curü ngëmaxügu ega texé paxaachi cuxna naxcëx caxgu.

Name nixĩ i nüxü tangechaü i ngema tamaã rüuwanügüxü

⁴³ Rû ñanagürü ta ga Ngechuchu: —Pema rû marü nüxü pexĩnûe ga Tupanaärü mu ga Moiché nuxcüma nüxü ixuxü ga ñaxü:

“¡Nüxü nangechaü i cumücü, rû naxchi naxai i curü uwanü!” ñaxü.

⁴⁴ —Natürü i choma rû pemaã nüxü chixu rû: —¡Nüxü pengechaü i perü uwanügü! ¡Rû naxcëx peyumüxë i ngëma duüxügu i chixexümaa pewe ingexütanüxü!

⁴⁵ —Rû ngëxguma ngëmaãcü pemaxëgu rû aixcüma Penatü ya daxügücü nanegü tá pixigü. Erü nüma rû inanabáixëë ya üexcü naxcëx i mexü i duüxügu rû chixexü i duüxügu. Rû nanapuxëë naxcëx i duüxügu i meã maxëxü rû duüxügu i chixri maxëxü.

⁴⁶ —Rû ngëxguma chi ngëma duüxügu i pexü ngechaügüxüxüxicatama pengechaügügu, ¿rû ñacü rû ñmare tá Tupanaxütawa peyaxügu naxcëx i ngëma? Erü ngëma yatügu i Dumaärü äëxgacüxcëx ðëru ngüxü ideetanüxüwa puracüexü rû ngëxgumarüü nanaxügu.

⁴⁷ —Rû ngëxguma chi peeneëgüxüxcatama perümoxëgu, rû guxü i duüxügürüütama pixigü. Erü woo ngëma duüxügu i tama Tupanaxü cuëxgüxü, rû ngëxgumarüütama nanaxügu.

⁴⁸ —Rû ngëmacëx penaxwae na aixcüma namexü i perü maxü naxrüxü ya Penatü ya Tupana ya aixcüma mearü maxüäcü.

6

Ngechuchu rû norü ngüetanüxüxü nangüexëë na ñuxäcü mexü naxügüxü

¹ Rû ngëxguma ñacü rû mexü pexüxchaügu, rû name nixĩ i pexuãe na tama duüxügüpëxewa penaxüxü i ngëma na duüxügu pexü dauxüxcëx rû pexü yacuëxüügüxcëx. Erü ngëxguma duüxügu pexü icuëxüügüxcëx mexü pexüxgu, rû Penatü ya daxügücü rû tãütama ñmare pexna naxã.

² —Rû ngëmacëx ngëxguma texëxü curüngüxëëchaügu, rû name nixĩ i tama poraãcü nüxü quixuchiga i ngëma. Rû tama name i ngëma duüxügu i togüpëxewa meã maxënetaxürüü na quixü. Erü nümagü rû norü me nixĩ i ngutaquëxepataügüwa rû ítamügüwa nüxü nixuchiga ega ñacü rû mexü naxügügu. Rû ngëmaãcü nanaxügu na togü meã nachiga idexagüxcëx. Natürü choma rû aixcüma pemaã nüxü chixu rû ngëma na duüxügu nüxü icuëxüügüxü nixĩ i norü ñmare, rû tãütama nanayauxgü i to i ñmare i Tupanaxütawa.

³⁻⁴ —Natürü i cuma rû ngëxguma ñacü tûxna cuxãxgu ya yixema ngearü ngëmaxüäxgüxe, rû name nixĩ i taxüema cuxü dauãcüma na cunaxüxü i ngëma. Rû woo cumücüxüchi rû tama name i nüxü na nacüaxü i ngëma. Rû Cunatü ya daxügücü ya nüxü daucü i ngëma cuxicatama cuxüxü, rû tá cuxna nanaxã i curü ñmare.

Ngechuchu nanangüexëë ga yumüxëchiga

(Lc 11.2-4)

⁵ —Rû ngëxguma peyumüxëgügu, rû tama name i ngëma duüxügu i togüpëxewa meã maxënetaxürüü pixigü. Erü nümagü rû ngëxguma nayumüxëgügu, rû norü me nixĩ na chiãcü nayumüxëgüxü i ngutaquëxepataügüwa rû ítamügüwa na duüxügu nüxü na daugüxcëx. Rû aixcüma pemaã nüxü chixu rû ngëma na duüxügu nüxü daugüxüxcatama nixĩ i norü ñmare.

⁶ —Natürü ngëxguma cuyumüxëgu, rû name nixĩ i curü ucapugu cuxücu, rû cunawãxta i curü íax, rû ngema cuyumüxë namaã ya Cunatü ya hexma cumaãxcatama ngëma ngëxmacü. Rû ngëxguma ya yima Cunatü ya Tupana ya nüxü daucü i ngëma cúãcü cuxüxü, rû nüma tá cuxna nanaxã i curü ñmare.

7—Rü tama name i natüçexma cunamêxêê i curü yumüxê naxrüü i ngêma duüxügü i tama Tupanaxü cuêxgüxü. Erü nümagü rü nagu narüxînüê rü ngêma na namêxêêgüâxücêx i norü yumüxê rü Tupana tá nüxü naxînü.

8—Rü tama name i ngêma duüxügürüü pixîgü, erü woo tauta naxcêx îpexaxgu rü Penatü ya Tupana rü marü nüxü nacuêx na ñacü pexü taxuxü.

9—Rü ngêmacêx rü ñaâcü tá peyumüxêgü i pemax:

“Pa Tonatü ya Daxügucüx, rü aixcüma üü necü qixî i cumax.

10 ¡Rü núma naxü na torü âêxgacü quîxücêx! Rü tanaxwêxe i curü ngúchaü na naxügüxü i duüxügü i ñoma i naânewa ngêxgumarüü i daxüguxü i naânewa na curü ngúchaü ínaxügüxüü.

11 ¡Rü toxna naxâ i torü ñna i ñoma i ngunexücêx íxîxü!

12 ¡Rü toxü nüxü nangechaü i torü chixexü i taxüxü ngêxgumarüü i toma rü tüxü nüxü na tangechaüxüüü ya yîxema chixexü tomaâ ügüxe!

13 ¡Tâxü i ñacü rü chixexüpêxewa toxü cuwogüxü na tama nagu tayîxücêx! Natürü tanaxwêxe i toxna cudau na tama ngêma chixexü taxügüxücêx. Erü cuma rü guxüguma guxüârü âêxgacü qixî rü cuporaxüchi rü cumexêchi. Rü ngêmaâcü yî”.

14—Rü ngêxguma pema nüxü nüxü pengechaügu i ngêma duüxügü i chixexü pemaâ ügüxü, rü Penatü ya daxügucü rü tá ta pexü nüxü nangechaü i perü pecadugü.

15—Natürü ngêxguma tama nüxü nüxü pengechaügu i ngêma duüxügü i chixexü pemaâ ügüxü, rü Penatü ya daxügucü rü tá ta tãütama pexü nüxü nangechaü i perü pecadugü.

Ngechuchu nanangüxêê ga aurechiga

16—Rü ngêxguma tama pechibüeâcüma peyumüxêgügu rü tama name i pegü pengechaüchîwexêê naxrüü i ngêma duüxügü i togüpêxewa meâ maxênetaxü. Erü nümagü rü ngêmaâcü nanaxügü na togü nüxü na daugüxücêx i ngêma na Tupanacêx naxaureexü. Rü aixcüma pemaâ nüxü chixu rü ngêma na duüxügü nüxü daugüxüxîcatama nixî i norü âmare.

17—Natürü ngêxguma cuma rü tama cuchibüâcüma cuyumüxêgu rü name nixî i meâ cugü cuyauxchiwe rü meâ cugü curüxîxêêru.

18—Rü ngêmaâcü i togü i duüxügü rü tãxütama nüxü nacuêxgü na tama cuchibüâcüma cuyumüxêxü. Rü Cunatü ya bexma cumaâ ngêma ngêxmacüxîcatatama cuxü nadau, rü tá cuxna nanaxâ i curü âmare naxcêx i ngêma cuxüxü.

Ñuxâcü tüxü nangêxma i torü merüügü i daxüguxü i naânewa (Lc 12.33-34)

19—Rü tama name i pegücêx penanutaquêxe i muxüma i perü merüügü i ñoma i naânewa. Erü ñoma i naânewa rü paxama nagux i perü ngêmaxügü, rü naweane rü paxama nanachixexêê, rü ngîtêêxgüxü rü naxcêx nangîxgü.

20—Rü narümemae nixî i penamuxêê i perü merüü i daxüguxü i naânewa. Erü ngema rü tãxütama nagux, rü naweane rü tãxütama nanachixexêê, rü ngîtêêxgüxü rü tãxütama ngexma nachocu na naxcêx nangîxgüxücêx.

21—Erü ngextâ ínangêxmaxüwa i perü ngemaxügü, rü ngêxma nixî i perüxînüêxü.

Taxüneârü omüchiga (Lc 11.34-36)

22—Cuxetügü rü ñoma wüxi i omürüü nixî i cuxunecêx. Rü ngêxguma ngêma Tupana cuxü naxwêxêxücêx cudêyxgu, rü guxüma i curü maxü rü name.

23—Natürü ngêxguma ñoma i naâneârü ngúchaücêx cudêyxgu, rü guxüma i curü maxü rü chixexüwa nangêxma. Rü aixcüma nataxuma i êanexü i ngêmaârü yexera íxîxü i Tupanapêxewa.

¿Texécêx tá cumaxü, Tupanacêx rü êxna dîerucêx? (Lc 16.13)

24—Taxucürüwa wüxi i duüxü rü nataxrearü coriâx. Erü wüxi i norü corichi rü tá naxai, rü ngêma to rü tá nüxü nangechaü. Rü êxna wüxicêx rü tá meâ napuracü, rü ngêma to rü tá nüxü naxo. Rü taxucürüwa Tupanacêx pemaxê, ega perü dîeruguama perüxînüêgu.

Tupana rü naxâcügüna nadau (Lc 12.22-31)

25—Rü ngêmacêx pemaâ nüxü chixu rü: ¡Tâxü i pexoegaâêgüxü naxcêx na ñacü tá pengêxgüxü rü ñacü tá pixaxgüxü, rü ñacümaâ tá na pexâxchirügüxü! Erü perü maxü rü ñnaârü yexera nixî, rü pexene rü naxchiruarü yexera nixî.

²⁶ —¡Dücèx penangugü i werigü i tama toegüchiréxü, rü tama nanetüarü o ibuxgüxü, rü ngepatagüxü na ngexta namaã nanguxügüxüçèx i norü òna! Natürü Penatü ya daxügucü rü nanaxüwemü. Rü pema rü Tupanacèx rü guxüma i werigüarü yexera pixigü.

²⁷ —Rü taxuwama name na tacüçèx pexoegaãégüxü. Erü taxucürüwa ya wüxie i pema rü wüxi i oragu rü ipenamèxächixèé i perü maxü ega woo poraãcü naxcèx pexoegaãégügu.

²⁸ —¿Rü tüxcüü pexoegaãégü naxcèx i pexchiru? ¡Dücèx penangugü i ngéma putüragü i ngextámare yaexü i tama puracüexü, rü tama nügü üxchirugüxü!

²⁹ —Natürü pemaã nüxü chixu rü woo guma ãëxgacü ga Charumóü ga na namexèchixü ga naxchiru, rü taguma wüxi ga putürachacurüü namexèchi.

³⁰ —Rü ngëxguma Tupana ngémaãcü nangëxãëgu i ngéma putüragü i ñuxma ngëxmagüxü natürü moxü rü marü taxuxü, rü yexera tá pexna nadau i pemax, Pa Yatügü i Tama Aixcüma Meã Yaxögüxüx.

³¹ —Rü ngëmacèx tama name i pexoegaãégü rü ñaperügügu: —¿Tacü tá tangöxgü? rü éxna —¿tacü tá tixaxgü? rü éxna —¿tacümaã tá taxãxchirugü? —ñaperügügu.

³² —Erü ñoma i naãnecüãx i duüxügü rü naxcèx nadaugu i guxüma i ngéma pemaã nüxü chixuxü. Natürü pema rü pexü nangëxma ya Penatü ya daxügucü ya nüèchama nüxü cuácü i pexü na nataxuxü i guxüma i ngéma.

³³ —Natürü narümemae nixü i Tupanacèxira pedaugü na ngéma nüma pexü nanaxwëxèxüxira pexügüxüçèx. Rü naetü tá pexna nanaxã i guxüma i tacü i pexü taxuxü.

³⁴ —¡Tãxü i naxcèx pexoegaãégüxü i ngéma moxü tá üpetüxü! Erü ngéma moxüarü ngunexü rü tá nüxü nangëxma i guxchaxügü i namaã ínanguxü. Erü wüxichigü i ngunexü rü nüxü nangëxma i noxrütama guxchaxügü, rü ngëmacèx tama name i moxüarü guxchaxügüçèx pexoegaãégü i ñuxmax —ñanagürü.

7

Tama name i toguexü tixu

(Lc 6.37-38, 41-42)

¹ Rü Ngechuchu rü ñanagürü ta: —¡Rü taxü i togüxü pixuxü! Rü ngëxguma ya Tupana rü tãxütama pexü nixu na pechixexü.

² —Erü ngëxgumarüü na togüxü pixuxü rü Tupana rü tá pexü nixu na pechixexü. Rü ngéma na togüxü pepoxcuxü, rü ngémaãcü tátama nixü ya Tupana i pexü napoxcuxexü.

³ —¿Rü tüxcüü i nüxü cudawenüxü i ngéma cueneëärü üxaxetüxü i íraxü, ega chi tama naxcèx cuoegaãëgu i ngéma cuxetüwatama ngëxmaxü i naípüta i taxü?

⁴ —Rü ngëxguma cuxetüwatama nangëxmagu i wüxi i naípüta i taxü ¿rü ñuxãcü i cueneëxü chixixewexü, rü ñácuxü nüxü:

“¡Pa Chaueneëx, cuxü chanayauxchaü i ngéma curü üxaxetüxü!” —ñácuxü?

⁵ —Pa Duüxü i Meã Maxnetaxüx, rü name nixü i cunayauxira i ngéma naípüta i cuxetüwatama ngëxmaxü, rü ngémaãcü tá mea nüxü cudau na cunayauxüçèx i ngéma cueneëärü üxaxetüxü. [Rü ngëmacèx name nixü i cuxira nüxü curüxo i ngéma chixexü i taxü i cumatama cuxüxü, rü ngëxguma tá cume na nüxü curüngüxëxüçèx i cueneë na nüxü naxoxüçèx i ngéma chixexü i íraxü i naxüxü.]

⁶ —Rü tama name i Tupanaärü ore i üünexümaã penachixewe i ngéma duüxügü i chixecümagüxü i tama yaxögüchaüxü, erü ngürüächü ngëmacèx tá pexü nimëxgü. Rü ngëxgumarüü tama name i Tupanaärü oremaã penachixewe i ngéma duüxügü i tama nüxü cuëxgüchaüxü, erü tá ínatëxgü.

Name nixü i törü yumüxëwa Tupanana naxcèx taca rü naxcèx tadaugu rü íãxwa: Tu tu tu, ñatarügügü

(Lc 6.31, 11.9-13)

⁷ —¡Tupanana naxcèx peca! rü nüma tá pexna nanaxã. ¡Rü Tupanaxütagu naxcèx pedau! rü tá nüxü ipeyangau. ¡Rü norü íãxwa: Tu tu tu, ñapegü! rü tá pexcèx nayawãxna.

⁸ —Erü guxãma ya yixema naxcèx íçaxe, rü tanayaxu. Rü guxãma ya naxcèx dauxe, rü nüxü itayangau. Rü guxãma ya yixema íãxwa: Tu tu tu, ñagüxe, rü tá tümacèx niwãxna.

⁹ —Rü dücax i pemax, rü ngëxguma chi wüxi i pexacü pãüçèx íçaxgu, rü ¿ñuxãcü chi wüxi ya nuta nüxna pexãxü?

¹⁰ —Rü ngëxguma chi choxnícèx pexna nacaxgu rü ¿ñuxãcü chi i äxtape nüxna pexãxü?

¹¹ —Rü pema na pichixecümachiréxü rü nüxü pecuèx na mexü i ämare pexacügüna pexãxü. Natürü Penatü ya daxügucü rü ngéma pema pexacügüna pexãxüarü yexera tá tüxna naxã ya yixema naxütawa naxcèx íçaxe.

¹² —Rü pemaã nüxü chixu, rü ngéma pema penaxwëxexü i togü pemaã na naxüxü, rü name nixü i pema rü ta ngémaãcüta namaã penaxü. Erü ngémaãcü tüxü namu i

Tupanaãrũ ore ga Moĩché ũmatũxũ rũ yema ore ga nuxcũmaũgũxũ ga Tupanaãrũ orearũ uruũgũ ũmatũxũ.

Ĩax i iraxũchiga
(Lc 13.24)

¹³—Name nixĩ i ngẽma ĩax i iraxũwaama pichocu. Erũ ngẽma ĩax i yuwa tũxũ gaxũ rũ ngẽma nama i yuwa daxũ rũ nata. Rũ muxũchixũma i duũxũgũ nagu naxĩ.

¹⁴—Natũrũ ngẽma nama i maxũwa nadaxũ rũ ngẽma ĩax i maxũcex nawa ixũcuxũ rũ naxĩra. Rũ noxretama nixĩ i duũxũgũ i nũxũ iyangaugũxũ.

Wũxi i nanetũ rũ norũ owa nixĩ i nũxũ icuáxũ
(Lc 6.43-44)

¹⁵—Rũ naxcex pexuãẽgũ i ngẽma doratẽẽgũxũ i nũgũ ixugũnetaxũ na Tupanaãrũ orearũ uruũgũ yixĩgũxũ. Erũ nũmagũ rũ petanũwa nangugũ, rũ nũgũ mexũ i duũxũgũneta nixĩgũxũ. Natũrũ naãẽwa rũ poraãcũ chixexũgu narũxinũ.

¹⁶—Rũ pema rũ nacũmawa tá nũxũ pecuex i ngẽma duũxũgũ, ngẽxgumarũũ i wũxichigũ i nanetũgũ rũ norũ owa na nũxũ icuáxũrũũ ngoxi name rũ ěna tama. Rũ wũxi i torawa rũ taxucũrũwama ubagũ tayaxu. Rũ wũxi i chuchuxũwa rũ taxucũrũwama orĩx i igu tayaxu.

¹⁷—Erũ guxũma i nanetũ i mexũ rũ name i norũ o. Rũ guxũma i nanetũ i chixexũ rũ nachixe i norũ o.

¹⁸—Rũ wũxi i nanetũ i mexũ rũ taxucũrũwama nachixe i norũ o. Rũ wũxi i nanetũ i chixexũ rũ taxucũrũwama name i norũ o.

¹⁹—Rũ guxũma i nanetũ i tama mexũ i norũ o rũ tayadaxũchi, rũ ñuxũchi tayagu.

²⁰—Rũ ngẽxgumarũũ nacũmawa tá nũxũ pecuex i ngẽma duũxũgũ i Tupanaãrũ orearũ uruũgũneta ixĩgũxũ.

Tãũtama guxũma i duũxũgũ nichocu i ngextá Tupana ãẽxgacũ ĩixũxwa
(Lc 13.25-27)

²¹—Rũ tama guxũma i duũxũgũ i nũgũ ixugũxũ na chorũ duũxũgũ yixĩgũxũ rũ tá nichocu i ngextá Tupana ãẽxgacũ ĩixũxwa. Natũrũ yixema aixcũma Chaunatu ya daxũgucũga ĩnũxẽxĩcatátama tixĩ ya ngema ichocuxe.

²²—Rũ ngẽxguma ngẽma ngunexũ i naãneãrũ guxwa nanguxgu, rũ muxũma i duũxũgũ rũ choxũ tá ñanagũrũgũ: —Pa Corix, toma rũ togũ i duũxũgũmaã nũxũ tixu i curũ ore, rũ cuẽgagu ĩtanawoxũ i ngoxogũ, rũ cuẽgagu tanaxũ i muxũma i mexũ i taxũ i Tupanaãrũ poramaã taxũxũ —ñanagũrũgũ tá choxũ.

²³—Natũrũ ngẽxguma rũ tá ñacharũgũ nũxũ: —Taguma chorũ duũxũgũ pixĩgũ. ¡Rũ choxna pixĩgachi i pema i chixexũ ũgũe! —ñacharũgũ tá.

Yatũ i Cristuga ĩnũxũ rũ yatũ i tama Cristuga ĩnũxũchiga
(Mr 1.22, Lc 6.47-49)

²⁴—Rũ ngẽmacex ya yixema choxũ ĩnũxẽ rũ naxũxe i ngẽma choma tũxũ chamuxũ, rũ wũxi ga yatũ ga meã naãẽxũ cuácũ ga nuta ga tacũtũgu ũpatacũrũũ tixĩ.

²⁵—Rũ pucũ ga tacũ ĩnangu, rũ narũmex ga taxtũ, rũ nixũũchi ga wũxi ga tacũ ga buanecũ rũ guma ĩgu nanguema. Natũrũ guma ĩ rũ tama niwẽxtaũ yerũ wũxi ga nutaẽtũgu naxũ.

²⁶—Natũrũ yixema choxũ ĩnũxẽ rũ tama naxũxe i ngẽma choma tũxũ chamuxũ, rũ wũxi ga yatũ ga tama naãẽxũ cuácũ ga naxnũcũgumare ũpatacũrũũ tixĩ.

²⁷—Rũ pucũ ga tacũ ĩnangu, rũ narũmex ga taxtũ, rũ wũxi ga tacũ ga buanecũ nixũũchi rũ nagu nanguema ga guma ĩ. Rũ niwẽxtaũ, rũ yexma nayarũxo ga guxũma —ñanagũrũ ga Ngechuchu.

²⁸ Rũ yexguma yagũegagu ga Ngechuchu ga na yadexaxũ, rũ ga duũxũgũ rũ nabẽjxãchiãẽgũ namaã ga norũ nguxẽetae.

²⁹Yerũ nũma rũ Tupanaãrũ poramaã nanangũxẽẽ, rũ tama yema ngũxẽẽruũgũ ga ore ga mugũwa ngũxẽẽtaegũxũrũũ nixĩ.

8

Ngechuchu rũ wũxi ga rũchaxũnẽxũcex nayataanẽxẽẽ
(Mr 1.40-45; Lc 5.12-16)

¹ Rũ yexguma guma mẽxpũnẽwa yanaxũegu ga Ngechuchu, rũ muxũma ga duũxũgũ nawe narũxĩ.

² Rũ Ngechuchucex nixũ ga wũxi ga yatũ ga chaxũnemaã ĩdaawecũ. Rũ Ngechuchupẽxegu nayacaxãpũxũ, rũ ñanagũrũ nũxũ: —Pa Corix, ngẽxguma chi cuma cunaxwẽxegu, rũ chi cuxũ natauxcha na choxũ curũmexẽẽxũ —ñanagũrũ.

³ Rū yexguma ga Ngechuchu rü nüxü ningögü, rü ñanagürü nüxü: —Ngü, chanaxwêxe. jRüme! —ñanagürü. Rū yexguma yema ñaxgu ga Ngechuchu, rü naxcêx nitaane ga guma yatü ga na nachaxüneäxü.

⁴ Rū Ngechuchu rü ñanagürü nüxü: —jDücêx, taxuemaâ tá nüxü quixu! jNatürü ngema paixütawa naxü, rü cugü iyawêx! jRü nüxna naxâ i ngêma âmare ga Moîché tüxü muxü na duüxügü nüxü cuäxücêx na curümexü! —ñanagürü.

Ngechuchu rü Dumacüâx ga churaragüarü âëxgacüarü duüxüxü narümexêë
(Lc 7.1-10)

⁵⁻⁶ Rū Capernáüwa naxü ga Ngechuchu. Rū yexguma yéma nanguxgu, rü wüxi ga churaragüarü âëxgacü ga capitáü ga Dumacüâx rü Ngechuchucêx nixü. Rū Ngechuchuxü nacêxü, rü ñanagürü: —Pa Corix, chorü duüxü rü nanawâixâchi. Rū ngürücarewa nangêxma i chopatawa, rü poraäcücüchima ngüxü ninge —ñanagürü.

⁷ Rū Ngechuchu rü ñanagürü nüxü: —Marü tá ngema chaxü na naxcêx chay-ataanaxêxücêx —ñanagürü.

⁸ Natürü nüma ga capitáü nanangäxü, rü ñanagürü: —Pa Corix, choma rü taxuwama chame na chopatagu na cuxücücêx. Rū chanaxwêxe i curü orewaxicatama nüxü quixu, rü tá naxcêx nitaane i chorü duüxü.

⁹ —Erü choma rü ta rü chorü âëxgacümêxêwa changêxma. Rū choxmêxwa nangêxmagü ta i ñuxre i churaragü. Rū ngêxguma chanamuxgu i wüxi na ngextá naxüxücêx, rü ngema naxü. Rū ngêxguma chaugüxütawa naxcêx changemagu i to, rü chauxütawa nangü. Rū ngêxguma wüxi i chorü duüxüxü chamuxgu na tacü na naxüxücêx, rü choxü nanaxü —ñanagürü.

¹⁰ Rū yexguma yemaxü naxüügu ga Ngechuchu rü nabêjâchiâë. Rū ñanagürü nüxü ga yema duüxügü ga nawe rüxüxü: —Aixcüma pemaâ nüxü chixu rü taxuüma i Yudiügütanüwa nüxü ichayangau i wüxi i duüxü i ñaâ yatürüü aixcüma yaxöxü.

¹¹ —Rü choma rü pemaâ nüxü chixu rü muxüchixü i duüxügü rü guxüwama tá ne naxü, rü Tupana âëxgacü ñixüüwa tá nachibüe namaâ ya törü oxigü ya Abráü rü Ichaá, rü Acobu.

¹² —Natürü muxüma i Abráütanüxügü i Yudiügü rü täütäma nichocu i ngextá Tupana âëxgacü ñixüüwa. Rū êanexüwa tá nawogü. Rü ngema tá naxauxe, rü tá nixüxchapütägü —ñanagürü.

¹³ Rū yexguma ga Ngechuchu rü ñanagürü yema capitáüxü: —jCupatacêx nataegu! Rū tá naxcêx nitaane i curü duüxü, erü cuyaxö na naxcêx tá yataanexü —ñanagürü. Rū yexgumatama naxcêx nitaane ga yema capitáüarü duüxü.

Ngechuchu rü Pedru nëxêcêx nayataanexêë
(Mr 1.29-31; Lc 4.38-39)

¹⁴ Rū Pedrupatawa naxü ga Ngechuchu. Rū yéma ngixü nadau ga Pedru nëxê ga ngürücaregu irüxäüxcü yerü iyaxaxüne.

¹⁵ Rū Ngechuchu ngixmêxgu ningögü, rü yexgumatama igêüxâchi ga yema na yaxaxünexü. Rū ñirüda ga ngîmax. Rū ñuxüchi naxcêx inamexêë ga öna.

Ngechuchu rü muxüma ga idaaweexücêx nayataanexêë
(Mr 1.32-34; Lc 4.40-41)

¹⁶ Rū yexguma marü yanaxücuchaügu ga üêxcü, rü Ngechuchuxütawa nanagü ga muxüma ga duüxügü ga ngoxoâxgüxü. Rū wüxitama ga oremaâ Ngechuchu ñanawoxü ga yema ngoxogü. Rū nanameêxêë ta ga guxüma ga yema togü ga idaaweexü.

¹⁷ Rū yemaäcü Ngechuchu nayangüxêë ga yema ore ga nuxcümaüxü ga Tupanaärü orearü uruü ga Ichaxia nüxü ixuxü ga ñaxü:

“Rü nüma rü tüxü naporaexêë i ngêxguma ituraegu, rü tüxü narümeexêë i ngêxguma idaaweegu”,
ñaxü.

Duüxügü ga Ngechuchuwe rüxüxchäüxüchiga
(Lc 9.57-62)

¹⁸ Rū yexguma Ngechuchu nüxü dëuxgu ga muxüma ga duüxügü na nüxü íchomaëguächixü, rü norü ngüexügümaâ nüxü nixu, rü ñanagürü: —jRü ngixâ, rü nextaxaarü tocutüwa taxü! —ñanagürü.

¹⁹ Rū wüxi ga ngüexêëruü ga ore ga mugüwa ngüxêëtaexü, rü Ngechuchucêx nixü, rü ñanagürü nüxü: —Pa Ngüxêëruü Pa Ngechuchux, cuwe charüxüxchäü i ngextá cuma ícuxüüwa —ñanagürü.

²⁰ Rū Ngechuchu nanangäxü rü ñanagürü: —Ngowagü rü nüxü nangêxma i naxmaügü, rü werigü rü nüxü nangêxma i naxchiäügü. Natürü choma i Tupana Nane na duüxüxü chíixü, rü naxaxuma i chauchica i ngextá nagu chicuxeruxü —ñanagürü.

²¹ Rū wūxi ga to ga norū ngúexū, rú ñanagürü nüxū: —Pa Corix, cuwe charūxūchaū, natürü chanaxwèxe i chaunatū tūxū ichayatèxira —ñanagürü.

²² Rū Ngechuchu nanangāxū, rú ñanagürü nüxū: —¡Noxtacūma chowe rūxū! Rū nüe i ngēma cutanūxū i tama yaxōgūxū iyatèxgū i ngēma yuexū —ñanagürü.

Ngechuchu rú buanecūxū rú yuapexū ñayachaxāchixēē
(Mr 4.35-44; Lc 8.22-25)

²³ Rū yexguma ga Ngechuchu rú wūxi ga nguegu nixūe. Rū norū ngúexūgū rú ta ñnayaxūmūcūgū, rú ñnaxīāchi.

²⁴ Rū ngürüāchi naxtaxaarū ngāxūttūgu nüxū naxū ga wūxi ga buanecū ga taxūchicū. Rū guma nguewa rú niyaucuchichigū ga dexá. Natürü ga Ngechuchu rú nape.

²⁵ Rū yexguma ga norū ngúexūgū rú ñnanabèixgūgū, rú ñnanagürügū nüxū: —Pa Corix, ¡toxū rüngūxēē, erū ngēmama itabaxūgū! —ñanagürügū.

²⁶ Rū Ngechuchu nanangāxū, rú ñanagürü nüxū: —Pa Duūxūgū i Tama Aixcūma Yaxōgūxū, ¿tūxcūū pemuñē? —ñanagürü. Rū yexguma ga Ngechuchu rú ñnarūda. Rū buanecū rú yuapena nachogū. Rū ñnayachaxāchi ga buanecū, rú ñnayarūxo ga yuape, rú ñnachaxanemare.

²⁷ Rū nūmagū ga norū ngúexūgū rú nabèixāchiāēgū, rú nūgūmaā ñnanagürügū: —¿Tacū ēxna nixī i ñāā yatū rú ngēmācèx woo ya buanecū rú yuape rú naga naxīnūxū? —ñanagürügū.

Yatūgū ga Gadāracūāx ga ngoxogū nawa yexmagūxū
(Mr 5.1-20; Lc 8.26-39)

²⁸ Rū Ngechuchu rú norū ngúexūgū rú naxtaxaarū tocutūwa nangugū ga Gadāraarū naānewa. Rū yexguma yéma nangugū, rú Ngechuchucū yéma nibuxmū ga taxre ga yatūgū ga duūxēchiquèxetanūgu yarūxāuchigūtanūñeñūxū. Rū yema taxre rú ningoxoāx, rú nidūraexūchi. Rū yemacèx taxucūrūwama texé yéma namawa taxūpetū.

²⁹ Rū yema taxre rú aita naxūe, rú ñnanagürügū: —¿Tūxcūū toxū nuā cuyachixewe, Pa Ngechuchu ya Tupana Nane? ¿Éxna nuā cuxū na toxū ¡cuyawoxūxūcèx tauta nawa nanguyane na Tupana toxū poxcuexū? —ñnanagürügū.

³⁰ Rū yema nachicaarū ngaicamana nachibūe ga muxūma ga cuchigū.

³¹ Rū yema ngoxogū rú Ngechuchuxū nacèèxūgū, rú ñnanagürügū: —Rū ngēxguma toxū ¡cuwoxūgū, ¡rū ngēma cuchigūgu toxū nachocuxēē! —ñnanagürügū.

³² Rū yexguma ga Ngechuchu, rú ñnanagürü nüxū: —Ēcū, ¡ngema pexī! —ñnanagürü. Rū yexguma ga yema ngoxogū rú ñnachoxū nawa ga yema taxre ga yatūgū, rú yema cuchigūgu nayachocu. Rū ññuxūchi guxūma ga yema cuchigū rú ñnaxūāchi, rú naxtaxacutūarū mēxpūxūwa nayarūyuxgū, rú yexma nayi.

³³ —Rū yema cuchigūarū dauruūgū rú nabèixāchiāēgū, rú ññanecèx nibuxmū. Rū yexguma ñānewa nangugū, rú nüxū nixugūgū ga guxūma ga yema ngupetūxū ga ññaxcū naxcèx na yataanegūxū ga yema taxre ga yatūgū ga ngoxōāxgūxū.

³⁴ —Rū yexguma ga guxūma ga yema ññanecūāx ga duūxūgū, rú Ngechuchuxūtawa naxī. Rū yexguma Ngechuchuxū nadaugū, rú nüxū nacèèxūgū na ñnaxūxūxūcèx ga yema norū naānewa.

9

Ngechuchu rú wūxi ga yatū ga nawāixāchicūcèx nayataanexēē
(Mr 2.1-12; Lc 5.17-26)

¹ Rū yexguma ga Ngechuchu rú wūxi ga nguegu nixūe. Rū naxtaxaarū tocutūwa naxū, rú noxrūtama ñānewa nangū.

² Rū yéma guma ñānewa rú duūxūgū rú Ngechuchuxūtawa nanangetaūgū ga wūxi ga yatū ga nawāixāchicū. Rū yexguma Ngechuchu nüxū dēuxgu ga ññuxācū aixcūma na yaxōgūāxū ga yema duūxūgū rú ñnanagürü nüxū ga guma ñāawecū: —¡Nataāē, Pa Chaunex! Erū curū pecadugū rú marū cuxū nüxū changechaū —ñnanagürü.

³ Rū yéma nayexma ga ññuxre ga ngúexēēruūgū ga ore ga mugūwa nguxēētaegūxū. Rū nūmagū rú naāxēgūwa ñnanagürügū: —¿Ñāā yatū rú tacū Tupanamaā nixugū? —ñnanagürügū.

⁴ Natürü ga Ngechuchu rú nüxū nacūèxama ga yema naāēwa nagu naxīnūxū. Rū yemacèx ñnanagürü nüxū: —¿Tūxcūū chixexūgu perūxīnūē?

⁵ —¿Tacū nixī i ngēma rūtauxchamaēxū na namaā nüxū ixuxū ya daa nawāixāchicū:

“Rū curū pecadugū rú marū cuxū nüxū changechaū”, rú ēxna:

“¡Inachi rú ñixū!” ñagūxū nüxū?

⁶ —Natürü i ññuxma rú tá pexū nüxū chadauxēē na Chaunatū ya Tupana nūma choxū muxū na duūxūgūxū nüxū changechaūxūcèx i norū pecadugū —ñnanagürü. Rū yexguma

rü ñanagürü nüxü ga guma nawāixāchicü: —¡Inachi, rü nayaxu i curü caruü, rü cupatawa naxü! —ñanagürü.

⁷ —Rü yexgumatama ga guma nawāixāchicü rü inachi, rü napatawa naxü.

⁸ Rü yexguma yemaxü nadaugügu ga duüxügü, rü poracü namuüê. Rü Tupanaxü nicuëxüügü, rü ñanagürügü: —Moxê, Pa Tupanax, erü cunaporaxêê i ñaã yatü na ngêmaäcü mexü toxcêx naxüxücêx —ñanagürügü.

Mateucêx naca ga Ngechuchu

(Mr 2.13-17; Lc 5.27-32)

⁹ Rü yexguma yéma inaxüächigu ga Ngechuchu, rü yéma nüxü nadau ga wüxi ga yatü ga Mateugu äegaxü ga yéma rütoxü ga ngextá Dumaärü äëxgacücêx diëru ngixü inayauxgüxüwa yerü woetama yemawa napuracü. Rü Ngechuchu rü ñanagürü nüxü: —¡Chowe rüxü! —ñanagürü. Rü yexguma ga Mateu rü inachi, rü nawe narüxü.

¹⁰ Rü Mateupatawa naxü ga Ngechuchu, rü yéma nachibü. Rü inangugü ta ga muxüma ga togü ga duüxügü ga Dumaärü äëxgacücêx diëru ngixü yauxgüxüwa puracüexü, rü togü ga duüxügü ga taxüema nacümmaaã taäëgüxü. Rü yema duüxügü rü yéma mechawa narütogü namaã ga Ngechuchu rü norü ngüexügü.

¹¹ Natürü yexguma yemaxü nadaugügu ga Parichéugü, rü Ngechuchuarü ngüexügüna nacagü, rü ñanagürügü: —¿Ñuxäcü i perü ngüexêëruü rü namaã nachibü i äëxgacüaruü duüxügü i diëruaruü yauxwa puracüexü, rü duüxügü i pecaduäxgüxü? —ñanagürügü.

¹² Rü yexguma yemaxü naxinügu ga Ngechuchu, rü ñanagürü nüxü ga Parichéugü: —Ngêma poraexü rü tama nanaxwêxegü ya duturu, natürü ngêma idaaweexü nixi i naxwêxegüxü.

¹³ —¡Rü ípíxí, rü nawa pengüé i Tupanaärü ore i ümatüxü i ñaxü:

“Choma rü tama chanaxwêxe i chauxcêx peyamêx i carnerugü, natürü chanaxwêxe i togü pexü nangechaütümütügü”,

ñaxü! Rü ñanagürü ta ga Ngechuchu: —Choma rü tama mexügüna na chaxuxücêx nixi i núma chaxüxü, natürü núma chaxü na nüxna chaxuxücêx i ngêma pecaduäxgüxü na ngêmaäcü nüxü naxoexücêx i nacümagü i chixexügü —ñanagürü.

Ngechuchuna nacagüe ga aurechiga

(Mr 2.18-22; Lc 5.33-39)

¹⁴ Rü yexguma ga Cuáü ga baiüxêëruüärü ngüexügü, rü Ngechuchucêx naxi, rü nüxna nacagüe, rü ñanagürügü: —Toma i Cuáüärü ngüexügü na tixigüxü rü númagü i Parichéugü rü muëxpüxcüna tama tachibüeäcüma tayumüxêgü. ¿Rü tüxcüü i curü ngüexügü rü tama toxrüü tama nachibüäcüma nayumüxêgü? —ñanagürügü.

¹⁵ Rü Ngechuchu nanangäxü rü ñanagürü: —¿Ëxna wüxi i ngigüaruü petawa rü pexcêx namexü na nangechaüëxü rü naxaureexü i ngêma nüxna naxugüxü ega natanüwa nangëxmagü i ngêma yatü i ngexwacêx ämaxü? Maneca tama nixi. Natürü wüxi i ngunexügu rü ngêma yatü i ngexwacêx ämaxü rü tá namücügüna nixügachi. Rü ngêma ngunexügu tá nixi i aixcüma naxaureexü i namücügü.

¹⁶ —Rü taxüema tanapaita i wüxi i naxchiru i ngauxü namaã i wüxi i natüchi i ngexwacaxüxü i tauta nañaächimüxü. Erü ngëxguma nayauxgu i ngêma naxchiru rü tá nügü inanaxíraxächi i ngêma natüchi i ngexwacaxüxü, rü tá nanagauxêê i ngêma wexachiru. Rü noxriaruü yexera tá nixi i na nagauxü.

¹⁷ —Rü ngëxgumarüü ta rü taxüema ngexwacaxücü ya binu rü nagu tayabacuchi i wüxi i naxchixü i marü ngauxü i naxchêxmünaxcêx. Erü ngëxguma ngêmaäcü naxüxgu rü yima binu ya ngexwacaxücü rü narüngu, rü tá nayawāixêê i ngêma naxchixü i ngauxü i naxchêxmünaxcêx. Rü ngëxma tá nayarütaxu ya binu rü ngêma naxchixü rü ta. Rü ngêmacêx tanaxwêxe ya ngexwacaxücü ya binu rü ngexwacaxüxü i naxchixügu tayabacuchi. Rü ngêmaäcü täütáma inayarütaxu. [Rü chorü nguxêëtae i ngexwacaxüxü rü ngëxgumarüü ta nixi na taxucürüwama namaã nawüxigüxü i ngêma nuxcümaüxü i pecümagü —ñanagürü ga Ngechuchu.]

Yáiruxacüchiga rü yema nge ga Ngechuchuchirugu ingögücüchiga

(Mr 5.21-43; Lc 8.40-56)

¹⁸ Rü yexguma yemaäcü inangüexêëtaeyane ga Ngechuchu, rü naxütawa nangu ga wüxi ga äëxgacü ga Yudiügarü. Rü Ngechuchupêxegu nayacaxäpüxü, rü ñanagürü nüxü: — Pa Corix, chauxacü rü ngexwacêx iyu. Natürü ngëxguma chi ngema cuxüxgu rü ngixü quingögügu, rü wena chixaruü imaxü —ñanagürü.

¹⁹ Rü inachi ga Ngechuchu, rü norü ngüexügümaã yema äëxgacüwe narüxü.

²⁰ Rü yexguma yéma naxüyane ga Ngechuchu rü wüxi ga ngecü ga 12 ga taunecü ägüechacü rü naweama ne ixü. Rü naxpechinüchirugu iyangögü.

²¹ Yerü ngîma rü nagu irüxînu rü yexguma chi naxchiruxüxcátama yangögümaregu, rü chi ngîxcèx nitaane.

²² Natürü nûma ga Ngechuchu rü nügü índau, rü ngîxü nadau ga yema nge. Rü ñanagürü ngîxü: —¡Nataãe, Pa Chauxcüx! Marü cuxcèx nitaane, erü cuyaxô —ñanagürü. Rü yexgumatama ngîxcèx nitaane.

²³ Rü yexguma yema âëxgacüpatawa nanguxgu ga Ngechuchu, rü nüxü nadau ga paxetatanüxü ga marü na ínamemaregüxü na ngîxü iyatèxgüxü ga yema bucü. Rü ga duüxügü rü nixáicha rü naxauxe.

²⁴ Rü Ngechuchu ñanagürü nüxü ga yema duüxügü: —¡Ípechoxü i nuã! Erü ngêma bucü rü tama iyu. Rü ipemare —ñanagürü. Natürü nûmagü ga duüxügü rü Ngechuchuxü nacugüeama.

²⁵ Rü yexguma Ngechuchu ínachoxüxëëxgu ga duüxügü, rü yema bucüarü ucapugu naxücu. Rü ngîxmëxgu nayayauxáchi, rü yexgumatama írúda ga ngîmax.

²⁶ Rü guxüwama ga yema naãnewa, rü duüxügü nüxü nixuchigagü ga yema Ngechuchu üxü.

Ngechuchu naxcèx nayataanexëë ga taxre ga yatü ga ingexetüxü

²⁷ Rü yexguma yéma ínaxüüxgu ga Ngechuchu, rü taxre ga ngexetüxü rü nawe nangëgü. Rü tagaãcü ñanagürügü: —Pa Ngechuchux, Pa Dabitanüxüx, ¡cuxü tangechaütümüügü! —ñanagürügü.

²⁸ Rü yexguma Ngechuchu guma í ga nagu napexünegu naxücuuxgu, rü yema taxre ga ngexetüxü rü naxcèx naxí. Rü Ngechuchu nüxna naca, rü ñanagürü: —¡Peyaxögüxü yíixü na chaporaxü na pexü charümeëxëëxüxcèx? —ñanagürü. Rü nûmagü nanangáxügü, rü ñanagürügü: —Ngü, Pa Corix, tayaxögü —ñanagürügü.

²⁹ Rü yexguma ga Ngechuchu rü naxëtügügu ningögü, rü ñanagürü nüxü: —¡Cü pexcèx yataane, erü peyaxögü! —ñanagürü.

³⁰ Rü naxcèx nitaanegü. Rü Ngechuchu rü poraãcü nayaxucüxëgü na taxúemaãma nüxü na yaxugüxcèx ga yema nüxü ngupetüxü.

³¹ Natürü yema taxre rü yexguma yéma ínachoxügu rü guxüwama ga yema naãnewa rü nüxü nixugüeama ga yema Ngechuchu üxü.

Ngechuchu rü naxcèx nayataanexëë ga wüxi ga yatü ga tama idexacü

³² Rü yexguma yema taxre ga yatü íchoüxguwena, rü ñuxre ga duüxügü rü Ngechuchuxütawa nanagagü ga wüxi ga yatü ga tama idexacü yerü ngoxo nawa nayexma.

³³ Rü Ngechuchu ínanatëxüchi ga yema ngoxo. Rü yexgumatama ínanaxügü ga na yadexaxü ga guma yatü. Rü nûmagü ga duüxügü rü nabëixáchiãëgü. Rü ñanagürügü: —Taguma nüxü tadau i nuã tachiüãnewa i ¡tacü i ñaãrüü íxíxü —ñanagürügü.

³⁴ Natürü ga Parichëügü rü ñanagürügü: —Ñaa yatü rü ngoxogüarü âëxgacü i Chatanáãrü poramaã nixí i ínawoxüãxü i ngoxogü —ñanagürügü.

Ngechuchuaxü nangechaütümüügü ga duüxügü

³⁵ Rü yema naãnewa rü guxünema ga íanëgügu rü íanëxácügügu nixügüchigü ga Ngechuchu. Rü wüxichigü ga íãnewa, rü duüxügüarü ngutaquëxepataüwa ninguxëëtaechigü. Rü duüxügümaã nüxü nixuchigü ga ore ga mexü na ñuxácü âëxgacü na yíixü ya Tupana. Rü nanameëxëë ga duüxügü ga idaaweexü. Rü woo nañuxraüxü ga norü ãaawe nüxü yexmaxü, rü nanameëxëë.

³⁶ Rü yexguma Ngechuchu nüxü dëuxgu ga yema muxüma ga duüxügü ga naxütawa ngugüxü, rü nüxü nangechaütümüügü. Yerü carnerügü ga ngearü dauruüãxürüü nanaxíxáchiãëgü, rü tama nataãëgü.

³⁷ Rü yexguma ga Ngechuchu rü ñanagürü nüxü ga norü ngüexügü: —Aixcüma pemaã nüxü chíxu rü nangëxma i muxüchixü i duüxügü i ímemaregüxü na yaxögüãxü i Tupanaãrü ore. Natürü nanoxreëxpüx i Tupanaãrü puracütanüxü na namaã nüxü yaxugüxcèx i ngêma ore.

³⁸ Rü ngëmacèx name nixí i duüxügüarü yora ya Tupanana naxcèx peca i perü yumüxëwa na yamugüãxüxcèx i norü puracütanüxü i orearü uruügü na ngêma duüxügümaã nüxü yaxugüxcèx i norü ore i mexü —ñanagürü ga Ngechuchu.

10

Ngechuchu nanade ga 12 ga norü ngüexügü na toxnamana namugüãxüxcèx (Mr 3.13-19; Lc 6.12-16)

¹ Rü yexguma ga Ngechuchu, rü yema 12 ga norü ngüexügüxcèx naca. Rü nüxna naxága rü nanaporaexëë na ínawoxüãxüxcèx ga ngoxogü rü nameëxëëãxüxcèx ga duüxügü ga idaaweexü ga woo nañuxraüxü ga ãaawe nüxü yexmaxü.

² Rū ñaã nixĩ ga naegagü ga yema 12 ga Ngechucharü ngüexüügü ga imugüxü. Rū natanüwa rü Chimáü ga Pedrugu ñegacü nixĩ ga naëru ixixü. Rū to nixĩ ga Pedrueneë ga Aüdré. Rū to nixĩ ga Chaütiágu rü to nixĩ ga Chaütiágueneë ga Cuáü. Rū yema taxre rü Zebedéu nanegü nixĩgü.

³ Rū togu nixĩ ga Piripí, rü Baturumé, rü Tumachi, rü Mateu ga Dumaärü ñexgacüçèx diëruarü yauxwa puracüchirécü. Rū togu nixĩ ga Chaütiágu ga Arupéu nane, rü Tadéu.

⁴ Rū to nixĩ ga Chimáü ga iporañèçüçü. Rū to nixĩ ga Yuda ga Icariüte ga yixcama bexma cüaçü Ngechuchuxü íxuaxüxü.

Ngechuchu rü norü ngüexüügüxü nimugü na nüxü yanaxugüexüçèx ga norü ore
(Mr 6.7-13; Lc 9.1-6)

⁵ Rū Ngechuchu nayamugü ga yema 12 ga norü ngüexüügü. Rū nüxna naxága, rü ñanagürü: — ¡Täütáma natanüwa pexí i ngéma duüxüügü i tama Yudiügü ixixüxü! ¡Rü täütáma Chamáriacüñax i duüxügiarü íanegüwa pexí!

⁶ — Natürü chanaxwéxe i ngéma Yudiügü i carnerugürüü iyarütauxexütanüwa pexí.

⁷ — ¡Rü ngéma natanüwa nüxü peyarüxu na marü yangaicaxü ya Tupana na norü ñexgacü yixüxü!

⁸ — ¡Rü penameëxëx i ngéma duüxüügü i idaaweexü! ¡Rü wena penamaxëxëx i ngéma duüxüügü i marü yuexü! ¡Rü penameëxëx i ngéma duüxüügü i chaxünamañ idaaweexü! Rū ngéma duüxüügü i ngoxogü nawa ngëxmagüxü ¡rü nüxü ípenawoxüxü! Rū tama name i penaxätanü ega texéxü perümexëëxgu, erü pema rü pexü nangenatümare i ngéma pora.

⁹⁻¹⁰ — ¡Rü täütáma ípingearü diëruaxgü na perü tacüçèx petaxegüxüçèx rü bai i perü choca i perü namawaü! ¡Rü wüxitama i pexchiru ípinge, rü bai i perü chapatu, rü bai ya perü caxüchigüxü ya ñaxmenëxá ípinge! Rū pemañ nüxü chixu rü wüxi i puracütanüxü rü name nixĩ i ngéma duüxü i nüxü napuracüxüxütawa nachibü.

¹¹ — Rū ngëxguma wüxi ya íañewa rü ëxna wüxi ya íañexäçüwa pengugügu i pemax, ¡rü naxçèx pedëux i wüxi i duüxü i mecümäxü! ¡Rü ngëmaxütagu perücho ñuxmatáta ípexiächí i ngéma íañewa!

¹² — Rū ngëxguma yima ípatagu pechocugu, rü meã tá nüxü perümoxëgü i ngéma duüxüügü i ngéma ngëxmagüxü rü: “¡Tupana pexü rüngüxëëx!” ñaperüügü tá nüxü.

¹³ — Rū ngëxguma ngéma duüxüügü rü meã pexü nayauxgu rü Tupana tá nüxü narüngüxëë. Natürü ngëxguma tama meã pexü nayauxgu i napatawa rü ñaperüügü tá nüxü:

“Marü name i toxnamana taxí”, ñaperüügü tá.

¹⁴ — Rū ngëxguma wüxi ya íwa rü ëxna wüxi ya íañewa duüxüügü tama meã pexü yauxgügu rü tama nüxü naxíñëçhaüü i perü ore, ¡rü ípechoxü! Rū ngëxguma ípechoxgü, ¡rü meã pegü ípepagücutü i perü üxaxücutü, na ngëmawa nüxü nacüexgüxüçèx na chixexü na naxügüxü i ngéma duüxüügü!

¹⁵ — Rū aixçüma pemañ nüxü chixu rü ngéma ngunexü i nagu nagüxü i naãne, rü Chodomacüñax rü Gomoracüñax i duüxügiarü yexera Tupana tá nanapoxcúe i ngéma duüxüügü i tama meã pexü yauxgüxü.

Guxchaxügümeã tá pewé ñingëxütanü i duüxügü

¹⁶ — Düçèx, äücümäxüwa pexü chamugü, ngëxgumarüü i carnerugüxü aigütanüwa imugüxürüü. ¡Rü ngëmacèx penaxwéxe i äxtapegürüü pexuäëgü, natürü muxtucugürüü taxuüma i chixexü pexügü!

¹⁷ — ¡Rü pegüna pedaugü! Erü duüxüügü rü tá pexü ínayauxü, rü ñexgacügüxüxütawa tá pexü nagagü na pexü napoxcúexüçèx. Rū ngütaquëxepataügügu tá pexü ñicuaixgü.

¹⁸ — Rū chaugagu tá ñexgacügü ya tacügüpëxewa pexü nagagü. Rū ngémaaçü tá chauchigagu pidexagü napëxewa i ngéma ñexgacügü rü napëxewa i ngéma duüxüügü i tama Yudiügü ixixüxü.

¹⁹ — Natürü ngëxguma ñexgacügüpëxewa pexü nagagügu na pexü napoxcúexüçèx, ¡rü taxucëxtáma pexoegaäëgü na tacümeã tá penangäxüxü rü ëxna tacüxü tá namañ na pixuxü! Erü ngëxguma nawa nanguxgu na pidexagüxü, rü Tupanaäë tá pexü nangüxëë na tacüxü tá namañ pixuxü.

²⁰ — Rū täütáma pema nixĩ i pidexagüxü, natürü Tupanaäë i Üünexü tá nixĩ i pewa idexaxü.

²¹ — Rū nügüeneëgüwa rü tá nügü ínaxuaxügü na ñexgacügü yamëxgüxüçèx. Rū ngëxgumarüü tá ta nanatügü rü naxäçügüxü ínaxuaxügü, rü naxäçügü rü nanatügüxü tá ínaxuaxügü na ñexgacügü xüxü imëxgüxüçèx.

²² — Rū chaugagu tá guxü i duüxüügü pexchí naxaie. Natürü yixema aixçüma yaxödmáxë i chorü ore rü tama choxü ítaxe, rü yixema tá tixí ya nayaxüxe i ngéma maxü i taguma güxü.

²³ — Rū ngëxguma wüxi ya íañewa rü duüxüügü pexü daixchaügu, rü name nixĩ i píboxmü ya yima íañewa, rü náí ya íañewa pexí. Rū aixçüma pemañ nüxü chixu rü täütáma güxüne ya Yudiügüarü íañewa pengügü naxüpa na chataeguxü i chomax.

²⁴—Rü taxuüma i wüxi i ngüexü rü norü ngüexëëruüxü narüyexera. Rü taxuüma i wüxi i coriarü duüxü rü norü corixü narüyexera.

²⁵—Rü ngëma norü ngüexëëruüxü üpetüxü rüü tátama nüxü naxüpetü i ngëma norü ngüexü. Rü ngëma norü corixü üpetüxü rüü tátama nüxü naxüpetü i ngëma norü duüxü. Rü ngëxguma duüxügü rü ngoxo i Bechebú choxü nawogüegu, çrü ñuxäcü tá pexü naxu i pemax?

Name nixi na Tupanaxü pemuüëxü

(Lc 12.2-7)

²⁶—Rü ngëmacëx jtäxü i nüxü pemuüëxü i ngëma duüxügü! Erü guxüma i ngëma cúacü üxü rü tá nangoxoma. Rü guxüma i ngëma ñuxma duüxügücëx ëxüguxü, rü yixcüra rü tá nüxü nacüëxgüama.

²⁷—Rü guxüma i ngëma pemaäxicatama nüxü chixuxü, çrü meä duüxügücëx penangoxëëx! Rü guxüma i ngëma bexma pemaä nüxü chixuxü, çrü tagaäcü guxü i duüxügümaä nüxü pixu!

²⁸—çRü täxü i nüxü pemuüëxü i ngëma duüxügü i pexü daixchaüxü! Erü taxünexüxicatama nimëxgü. çNatürü name nixi i nüxü pemuüë ya yima Tupana! Erü nüma nüxü nangëxma i pora na napoxcäxüçëx i pexene rü peäë rü ta i ngëma ngoxogüxü ínapoxcuëxü.

²⁹—çTama ëxna wüxitchinü i dïerugu namaä petaxe i taxre i werixacügü? Natürü bai i wüxi i ngëma werixacü rü ñaxtúanegu nangu, ega tama nanaxwëxegu ya Penatü ya Tupana.

³⁰—Rü woo i peyae rü Tupana rü wüxichigü rü nayaxugü, rü nüxü nacüëx na ñuxre ngëxmaxü.

³¹—Rü ngëmacëx jtäxü i pemuüëxü! Erü pema rü muxüma i werixacügüarü yexeraxüchi pexü nangechaü ya Tupana.

Yixema duüxügüpëxewa tügü ixuxe na Ngechuchu ya Cristuarü duüxügü tixü

(Lc 12.8-9)

³²—Rü guxüma ya texé i ñoma i naänewa i duüxügüpëxewa tügü ixuxe na chorü duüxü tixü, rü choma rü tá ta Chaunatü ya daxügücüpëxewa tüxü chixu na chorü duüxü tixü i tümax.

³³—Natürü texé ya ñoma i naänewa i duüxügüpëxewa tügü ixuxe na tama chorü duüxü tixü, rü choma rü tá ta Chaunatü ya daxügücüpëxewa tüxü chixu na tama chorü duüxü tixü i tümax.

Ngechuchugagu nixi i yatoyexü i duüxügü

(Lc 12.51-53; 14.26-27)

³⁴—Rü tama name i nagu perüxüñüë na núma chaxüxü na guxü i duüxügü rü wüxigu naxüñüëxüçëx. Natürü pemaä nüxü chixu rü núma chaxü na chaugagu yatoyexüçëx i duüxügü.

³⁵—Rü nuä chaxü na wüxi ya yatü rü tama nanatümaä wüxigu naxüñüxüçëx, rü wüxi i paxü rü tama naëmaä wüxigu naxüñüxüçëx, rü wüxi i naneäx rü tama ngüxëmaä na wüxigu naxüñüxüçëx.

³⁶—Rü ngëmaäcü wüxi ya íwa, rü nügütanüxümaä tátama naxuwanüäxgü.

³⁷—Rü yixema texé ya choxü na tangechaüxüärü yexera tümanatüxü rü ëxna tümaëxü ngechaüxë, rü taxucürüwama chorü duüxü tixi. Rü yixema texé ya choxü na tangechaüxüärü yexera tümanexü rü ëxna tümaxäcüxü ngechaüxë, rü taxucürüwama chorü duüxü tixi.

³⁸—Rü yixema tama yaxna namaä íñüxë i ngëma guxchaxügü i chaugagu tümacëx ínguxü rü ngëmaäcü chowe rüxüxë, rü taxucürüwama chorü duüxü tixi.

³⁹—Rü texé ya tügü maxëëchaüxë rü tá itayarütaxu. Natürü texé ya chauxcëx yuxe rü tá tanayaxu i maxü i taguma güxü.

Ämarechiga

(Mr 9.41)

⁴⁰—Rü texé ya pexü yaxúxe rü choxü nixi i tayaxuxü. Rü texé ya choxü yaxúxe rü yima núma choxü mucü ya Chaunatüxü nixi i tayaxuxü.

⁴¹—Rü texé ya wüxi i orearü uruü i Tupana ngëma muxüxü yaxúxe, rü ngëmatama ämare i wüxi i orearü uruü yaxuxüraüxü tátama tayaxu. Rü texé ya wüxi i yatü i mecümaxüxü yaxúxe erü namecüma, rü ngëmatama ämare i wüxi i yatü i mecümaxü yaxuxüraüxü tátama tayaxu.

⁴²—Rü texé ya wüxi i pochuyuäcu i dexá i gëyxchiüxü nüxna äxë i ngëxü rüüxü i chorü buxügü i chowe rüxüxü, rü aixcümaxüchi tá tanayaxu i tümaärü ämare —ñanagürü ga Ngechuchu.

11

Cuáŭ ga baiŭxêêruŭ nanamu ga ñuxre ga norú duŭxŭgŭ na Ngechuchuxŭtawá ñyadaugŭxŭcèx

(Lc 7.18-35)

¹ Rŭ yexguma nŭxŭ nachauxgu ga Ngechuchu ga na yaxucŭxègŭãxŭ ga yema 12 ga norú ngŭexŭgŭ, rŭ inaxŭãchi ga yéma na duŭxŭgŭxŭ nangŭexèxŭcèx rŭ nŭxŭ yaxŭxŭcèx ga ore ga mexŭ ga guxŭne ga ñanegŭ ga yema naãnewa yexmagŭnewa.

²⁻³ Rŭ Cuáŭ ga baiŭxêêruŭ rŭ yexguma poxcupataxŭwa nayexmayane, rŭ nŭxŭ nacuáxchiga ga yema Ngechuchu ŭxŭ. Rŭ yemacèx ga Cuáŭ rŭ Ngechuchuxŭtawá nanamugŭ ga ñuxre ga norú duŭxŭgŭ na nŭxna yacagŭxŭcèx rŭ aixcŭma Cristu ga ñangŭxègŭcŭ yŭ, rŭ éxna to tá yŭ ya Cristu.

⁴ Rŭ Ngechuchu nanangãxŭ rŭ ñanagŭrŭ nŭxŭ ga yema duŭxŭgŭ: —jPewoegu rŭ Cuáŭmaã nŭxŭ peyarŭxu i ngéma pematama nŭxŭ pedaugŭxŭ rŭ nŭxŭ pexinŭèxŭ!

⁵ —jRŭ namaã nŭxŭ pixu rŭ ngéma ngexetŭgŭxŭ rŭ marŭ nidauchigŭ, rŭ ngéma ichixeparaxŭ rŭ marŭ inachigŭ, rŭ ngéma chaxŭneãxgŭxŭ rŭ marŭ naxcèx nitaanegŭ, rŭ ngéma ngauchŭxègŭxŭ rŭ marŭ ningoxnamachŭxègŭ, rŭ ngéma yuexŭ rŭ wenaxãrŭ namaxè, rŭ ngéma ngearŭ ngèmaxŭãxgŭxŭ rŭ marŭ namaã nŭxŭ tixu i Tupanaãrŭ ore i mexŭ!

⁶ Rŭ tataãe ya yŭxema texé ya tama nŭxŭ rŭxoxe na choxŭ tayaxôxŭ —ñanagŭrŭ ga Ngechuchu.

⁷ Rŭ yexguma nawoeguxgu ga yema Cuáŭ ga baiŭxêêruŭãrŭ duŭxŭgŭ, rŭ Ngechuchu inanaxŭgŭ ga guma Cuáŭchiga na yadexaxŭ. Rŭ ñanagŭrŭ nŭxŭ ga duŭxŭgŭ: —¿Tacŭ nixŭ ga pema ñpeyadaugŭxŭ ga dauxchitawá ga ngextá taxŭema ñãpataxŭtawá? —¿Éxna wŭxi ga ngèxŭrŭŭxŭmare ga yatŭ ga ñoma dexne ga buanecŭ yaxŭãxŭtanŭcŭŭxècŭrŭŭ ñixŭ nixŭ ga ñpeyadaugŭxŭ?

⁸ —Rŭ éxna ega tama guma ñpeyadaugŭ, ¿rŭ tacŭ nixŭ ga ñpeyadaugŭxŭ? ¿Éxna wŭxi ga yatŭ ga poraãcŭ nŭgŭ ngèxãèxŭ yŭxŭ ga ñpeyadaugŭxŭ? Pema nŭxŭ pecuèx i ngéma poraãcŭ nŭgŭ ngèxãègŭxŭ rŭ ñèxgacŭgŭ ya tacŭgŭpatawá nangèxmagŭ.

⁹ —¿Tacŭ éxna nixŭ ga ñpeyadaugŭxŭ? ¿Éxna wŭxi ga Tupanaãrŭ orearŭ uruŭxŭ? Ngémaãcŭ aixcŭma yema nixŭ ga ñpeyadaugŭxŭ. Rŭ pemaã nŭxŭ chixu rŭ Cuáŭ ya baiŭxêêruŭ rŭ tama wŭxi i ngèxŭrŭŭxŭmare i Tupanaãrŭ orearŭ uruŭ nixŭ.

¹⁰ —Rŭ Cuáŭchiga nixŭ ga naxŭmatŭxŭ ga yema Tupanaãrŭ ore ga ñaxŭ: “Cupèxegu chayamu i chorŭ orearŭ ngeruŭ na cuxcèx namexèèxŭcèx i duŭxŭgŭarŭ maxŭ”, ñaxŭ.

¹¹ —Rŭ aixcŭma pemaã nŭxŭ chixu rŭ guxŭ i duŭxŭgŭtanŭwa rŭ nataxuma i Tupanaãrŭ orearŭ uruŭ i Cuáŭ ya baiŭxêêruŭãrŭ yexera ñixŭ. Natŭrŭ yŭxema Tupana ñèxgacŭ ñixŭtawá wixwexŭchi ŭxe, rŭ Cuáŭãrŭ yexera tixŭ.

¹² —Rŭ yexguma noxri Cuáŭ ya baiŭxêêruŭ inaxŭgŭga na nŭxŭ yaxŭxŭ i ñuxãcŭ Tupana ñègacŭ ñixŭtawá nangugŭxŭ i duŭxŭgŭ, rŭ nŭma ga duŭxŭgŭ rŭ norŭtama ngŭchaxŭmaã nawa nangugŭchaxŭ i ngéma nachica. Rŭ ñuxma rŭ ta ngemagutama narŭxŭnŭe.

¹³ —Rŭ guxŭma ga Tupanaãrŭ orearŭ uruŭgŭarŭ orewa, rŭ ore ga mugŭ ga Moïché ŭmatŭxŭtawá rŭ nŭxŭ nixuchigagŭ na ñanguégaxŭ ya Cristu na ñèxgacŭ na yŭxŭcèx. Rŭ yemaãcŭ nixŭ ñuxmata ñangu ga Cuáŭ.

¹⁴ —Rŭ ngèxguma chí peyaxŭgŭchaŭgu i ñãã chorŭ ore, rŭ pemaã nŭxŭ chixu rŭ Cuáŭ ya baiŭxêêruŭ nixŭ ya yima yangŭxècŭ ga yema ore ga guma nuxcŭmaãcŭ ga orearŭ uruŭ ga Eria ga ñpanangŭxècŭchiga ŭmatŭxŭ.

¹⁵ —Rŭ yŭxema achixègŭxe, jrŭ naga taxŭnŭe i ngéma ore! —ñanagŭrŭ.

¹⁶ Rŭ ñanagŭrŭ ta ga Ngechuchu: —¿Tacŭgŭ tá chanangu i ñãã duŭxŭgŭ i ñuxma maxèxŭ? Maneca ñãã duŭxŭgŭ rŭ taxumaãma nataãègŭ ngèxgumarŭŭ i ñuxre i buxŭgŭ i nŭgŭmaã ñãxŭtawá rŭtogŭxŭ, rŭ ñixnŭcèxwèxegŭxŭ, rŭ tagaãcŭ namŭcŭgŭxŭ ñagŭxŭ:

¹⁷ “Marŭ wowerumaã pexcèx tapaxetagu, natŭrŭ tama ñpixŭãchitanŭxŭ. Rŭ marŭ ngechaŭ i wiyægu pexcèx tawiyægŭ, natŭrŭ tama pexauxe”, ñagŭxŭ. Rŭ ngéma buxŭgŭrŭŭ nixŭ i ñãã duŭxŭgŭ.

¹⁸ —Yerŭ nŭma naxŭ ga Cuáŭ ga baiŭxêêruŭ rŭ tama pãu nangŭx rŭ tama binu nayaxaxŭ. Rŭ yexguma ga nŭmagŭ rŭ: “Nangoxoãx” ñanagŭrŭgŭ nŭxŭ.

¹⁹ —Rŭ ñuxŭchi nŭma chaxŭ i choma ya Tupana Nane na duŭxŭxŭ chíixŭ. Rŭ choma rŭ ñna changŭx rŭ binu chayaxaxŭ. Rŭ ngèxguma i nŭmagŭ rŭ taanŭxŭchixŭ rŭ ngãwèxexŭ choxŭ nawogŭe. Rŭ nŭxŭ nixugŭe rŭ pedacuãxgŭxŭmaã chaxãmŭcŭ, rŭ namaã chaxãmŭcŭ i ngéma duŭxŭgŭ i Dumaãrŭ ñèxgacŭcèx dŭèru ngŭxŭ ideetanŭxŭ. Natŭrŭ Tupanaãrŭ cuèx rŭ meãma nangŭx tŭmawa ya yŭxema aixcŭma nawe rŭxŭxè —ñanagŭrŭ ga Ngechuchu.

*Īānegü ga tama Tupanaga ĩñüēne
(Lc 10.13-15)*

²⁰ Rū yexguma ga Ngechuchu rü inanaxügü ga na yangagüãxü ga yema duñxügü ga guma ĩānegüçüãx ga ngextá yexeraãcü ĩnaxüaxüwa ga taxü ga mexügü ga Tupanaärü poramaã naxüxü. Rū poraãcü nayangagü, yerü yema duñxügü rü tama nüxü narüxoe ga norü chixexü.

²¹ Rū ñanagürü ga Ngechuchu: —Rü wüxi i ngechaü nixi i pexcèx, Pa Corachüçüãxgü rü Pa Bechaidacüãxgüx, yerü yexguma chi Tiruarü ĩānewa rü Chidäüärü ĩānewa chanaxüxgu ga yema mexügü ga cuèxruügü ga Tupanaärü poramaã petanüwa chaxüxü, rü woo ga na poraãcü yachixexü ga yema duñxügü rü nuxcüma chitama nüxü narüxoe ga yema nacüma ga chixexü, rü poraãcüxüchi chima nügümaã nangechaügü rü naxauxe, yerü chi nügü nicuèxächitanü ga na yapecaduãxgüxü.

²² —Natürü pemaã nüxü chixu rü ngēma ngunexü i Tupana nagu napoxcuexü i pecaduãxgüxü, rü ngēma ngunexü rü Tirucüãxgü rü Chidäüçüãxgüärü yexera tá pexü napoxcue i pemax, Pa Corachüçüãxgü rü Bechaidacüãxgüx.

²³ —Rü pemax, Pa Capernäüçüãxgü i Duñxügüx, ¿rü pema nagu perüxnüēgu rü daxügüxü i naānewa tá ipexixü? Pemaã nüxü chixu rü naānetüdüwa i ngextá Tupana Chatanaxü ĩpoxcuxüwa tá nixi i pewogüxü. Rü yexguma chi Chodomaärü ĩānewa chanaxüxgu ga yema mexügü ga cuèxruügü ga Tupanaärü poramaã petanüwa chaxüxü, rü guma ĩāne ga nuxcüma norü pecadugagu iyarüxoxüne rü ñuxma rü chi nangëxma.

²⁴ —Natürü pemaã nüxü chixu rü ngēma ngunexü i Tupana nagu napoxcuexü i pecaduãxgüxü, rü ngēma ngunexü rü Chodomaçüãxgüärü yexera tá pexü napoxcue i pemax, Pa Capernäüçüãxgüx —ñanagürü.

*Chauxcèx pexi na chauxütagu perüngüñxüçèx
(Lc 10.21-22)*

²⁵ Rū yexguma rü ñaãcü nayümüxē ga Ngechuchu, rü ñanagürü: —Pa Chaunatü ya Daxügüxü i Naāne rü Ñoma i Naāneärü Yorax, cuyü chicuèxüü, erü ñaã chorü ngüexügüxü nüxü cucuèxēē i ñaã ore i naxchaxwa iquicüxü i duñxügü i ñoma i naānewa nüxü cuèxüchigüxü.

²⁶ —Rü moxē cuyna chaxā, Pa Chaunatüx, erü cuma cunaxwēxe na ngēmaãcü cunaxüxü —ñanagürü.

²⁷ Rū ñanagürü ta ga Ngechuchu: —Chaunatü choxna nanaxā i guxüma i tacü i ngëxmaxü. Rū Chaunatüxicatama choxü nacuèx na texé chiixü i choma i Nane. Rū tama guxüma i duñxügü aixcüma nüxü nacuèx na texé yüxü ya Chaunatü. Rū choma ya Nane, rü ngēma duñxügü i Chaunatüxü nüxü chadauxēēchaxüxüxicatama nixi i aixcüma nüxü cuèxgüxü na texé yüxü ya Chaunatü.

²⁸ —¡Rü nuã chauxütawa pexi i guxāma i pema ya ipaxe nagagu i perü chixexügü rü perü ĩächiaēgü! Rū choma rü tá pexna chanayaxu i pexweta na iperüngüñxüçèx.

²⁹ —¡Rü ñuxüchi penayaxu i chorü ucuxëgü rü naxcèx pedauxütaegü i chaucüma! Erü choma rü yaxna pemaã chaxinü rü taguma chaugü chicuèxüxü. Rū ngemaãcü tá nüxü ipayangau i ngema taãē i aixcüma ixixü.

³⁰ —Erü ngēma pexü chamuxü rü natauxcha na naga pexinüèxü. Rū ngēma pexü chanaxwaxü rü tama naguxcha na penaxüxü —ñanagürü ga Ngechuchu.

12

*Ngechuchuarü ngüexügü rü trigu nicäüetanü ga ngüchigaarü ngunexügu
(Mr 2.23-28; Lc 6.1-5)*

¹ Rū wüxi ga ngüxchigaarü ngunexügu rü Ngechuchu rü norü ngüexügümaã trigunecügu nixü. Rū nataiyae ga norü ngüexügü, rü yemacèx ĩnaxiãcüma yoxocüne triguta nicäüetanü, rü ĩnayangōëtanü.

² Rū yexguma yemaxü nadaugügu ga Parichéugü rü ñanagürügü Ngechuchuxü: —Dücèx i curü ngüexügü rü chixexü naxüe. Erü ngüxchigaarü ngunexügu napuracüe, rü nachuxu nixi i ngēma —ñanagürügü.

³ Rū Ngechuchu nanangāxü, rü ñanagürü: —¿Taguma ëxna poperawa nüxü pedau ga tacü na naxüxü ga nuxcümaüçü ga äëxgacü ga Dabi ga yexguma nataiyëxgu ga nüma rü natanüxügü?

⁴ —Rü Tupanapatagu naxücu rü nanangōx ga yema pāu ga üünexü ga Dabicèx rü natanüxügüçèx chuxuxü ga na nangōxgüãxü. Yerü paigüçéxicatama nixi ga yema pāu.

⁵ —Rü pemax, Pa Parichéugüx ¿taguma ëxna nawa pengüe ga yema ore ga mugüpanegu Moïché ümatüxü ga ñaxü rü marü name i paigü rü ngüxchigaarü ngunexügu napuracüe i tupauca ya taxünewa? Rū ngēma rü tama wüxi i pecadu nixi naxcèx i ngēma paigü.

⁶ —Natürü pemaã nuxû chixu rü nuã petanüwa nangëxma i wüxi i duüxü i tupauca ya taxüneärü yexera ixixü i Tupanapëxewa.

⁷ —Natürü pema rü tama nuxü pecuëx i ñuxü ñaxûchiga nixi i ngëma Tupanaärü ore i ümatüxü i ñaxü:

“Choma rü tama chanaxwëxe i chauxcëx peyamëx i carnerugü, natürü chanaxwëxe i togü pexü nangechaütümügü”,

ñaxü. Rü ngëxguma chi meã nuxü pecuëxgü i ngëma ore, rü tãu chima chixri nachiga pidexagü i ñaã chorü ngüexügü i taxuüma i chixexü ügüxü i Tupanapëxewa.

⁸ —Rü choma i Tupana Nane na duüxüxü chiixü, rü aixcüma ngüxchigaarü yora chixi —ñanagürü ga Ngechuchu.

*Wüxi ga yatü ga yumécüchiga
(Mr 3.1-6; Lc 6.6-11)*

⁹ Rü yexguma yema nachicawa ínaxüüxgu ga Ngechuchu, rü guma ñaneärü ngutaquëxepataügu naxücu.

¹⁰ Rü yéma nayexma ga wüxi ga yatü ga norü wüxichacüüwa yumécü. Rü nümagü ga Parichéügü rü naxcëx nadaugü ga ñuxácü norü äëxgacügüxütawa Ngechuchuxü na ínaxuaxügüxü. Rü yemacëx Ngechuchuna nacagü, rü ñanagürügü: —¿Namexü yíixü na texé naxcëx yataanexëëxü i wüxi i ñaawexü i ngüxchigaarü ngunexügü? —ñanagürügü.

¹¹ Rü Ngechuchu nanangãxü, rü ñanagürü: —¿Texé i petanüwa rü ngëxguma chi ngüxchigaarü ngunexügü wüxi i perü carneru puchugu nguxgu, rü taux éxna i ngëxgumatama ípeyadaugüxü rü ípenatüächixü woo ngüxchigaarü ngunexü yixígu?

¹² —Natürü Tupanapëxewa rü wüxi i duüxü rü poraäcüxüchima wüxi i carneruarü yexera nixi. Rü ngëmacëx name nixi i mexü taxü i woo ngüxchigaarü ngunexü yixígu —ñanagürü.

¹³ Rü ñuxüchi ga Ngechuchu rü ñanagürü nuxü ga guma yatü ga yumécü: —¡Iyarüwëxächimëxë! —ñanagürü. Rü guma yatü rü inayarüwëxächimëxë, rü yexgumatama narümemëx, rü naí ga naxmëx ga mexünerü nixi.

¹⁴ Rü yexguma yemaxü nadaugü ga Parichéügü, rü ínachoxü ga yéma. Rü inanaxügüe na naxcëx nadaugüxü ga ñuxácü tá na Ngechuchuxü yamëxgüxü.

Nuxcümaixü ga ore ga Ngechuchuchiga

¹⁵ Rü yexguma Ngechuchu nuxü cuáchigagu na Parichéügü na yamëxgüchaixü, rü ínaxüxü ga guma ñanewa. Rü muxüma ga duüxügü rü nawe narüxü. Rü nüma ga Ngechuchu rü nanameëxëe ga guxüma ga yema duüxügü ga ídaaweexü.

¹⁶ Rü duüxügüna naxága na tama nuxü yaxugüexücxëx na texe na yíixü ga nümax.

¹⁷ Rü yemaäcü nanaxü ga Ngechuchu na yanguxëëaxücxëx ga yema ore ga nuxcümaäcü ga Tupanaärü orearü uruü ga Ichaxía nuxü íxuxü ga ñaxü:

¹⁸ “Daa nixi ya chorü duü ga chomatama nuxü chaxunetacü rü nuxü changechaücü rü namaã chataãëxüchicü. Rü Chauãe i Üünexü rü nüxna tá chanamu. Rü nüma tá guxü i duüxügü i tama Yudiügü íxigüxümaã nuxü nixu i ore i mexü i aixcüma íxixü.

¹⁹ Rü tagutáma ngextá texémaã niporagacüü rü taxüemaátáma ngextá nipura. Rü tagutáma texé ñaneärü ítamügüwa nuxü taxínü na natagaxü.

²⁰ Rü nüma rü tãütáma nanadai i ngëma duüxügü i norü öwa turaexü, rü tãütáma inayanaxoxëë i ngëma duüxügü i írarüwatama yaxögüxü. Rü ngëmaäcü tá nixi ñuxmatáta guxü i naãnewa nangu i ngëma norü ore i aixcüma íxixü.

²¹ Rü guxü i duüxügü i tama Yudiügü íxigüxü rü tá naxcëx naxi na ngëmaäcü naxütawa nayauxgüäxücxëx i norü maxü i taguma gúxü”, ñanagürü ga Ichaxía.

*Parichéügü rü Ngechuchuxü nixugüe na ngoxoarü poramaã napuracüxü
(Mr 3.20-30; Lc 11.14-23, 12.10)*

²² Rü Ngechuchuxütawa nanagagü ga wüxi ga yatü ga ngoxoäcü ga ngexetücü rü tama idexacü. Rü Ngechuchu nanamexëë. Rü guma yatü rü yexgumatama nidauchi rü nidexa.

²³ Rü guxüma ga duüxügü rü nabëixächiaëgü ga yexguma yemaxü nadaugü. Rü ñanagürügü: —¿Taux éxna daa yíixü ya Dabí nane ya Cristu? —ñanagürügü.

²⁴ Natürü yexguma yemaxü naxínüëgu ga Parichéügü, rü ñanagürügü: —Ñaã yatü i Ngechuchu, rü ngoxogünatü i Bechebúarü poramaã nixi i ínawoxüxü i ngoxogü —ñanagürügü.

²⁵ Natürü nüma ga Ngechuchu rü nuxü nacüexama ga íacügu na naxínüëxü. Rü yemacëx ñanagürü nuxü: —Ngëxguma chi wüxi i nachiüñanecüäx i duüxügü nügü itoyegu rü nügütanüwa chitama nügü nadaixgu, rü nügü chitama naguxëë. Rü ngëxguma chi wüxi ya íanecüäx rü éxna wüxi ya ícüäx nügümaã nuëëchagu rü nügü nadaixgu, rü nügü chitama naguxëë.

²⁶—Rü ngëxguma chi Bechebú nügütama ítëxüchigu rü nügütama yamëxgu, ¿rü ñuxácü chi ãëxgacüecha yïxü?

²⁷—Rü pemax, Pa Parichéugüx, rü choxü pixuxgu rü Bechebúarü poramaã íchanawoxü i ngoxogü. Natürü ngëxguma chi Bechebúarü poramaã íchanawoxü i ngoxogü, ¿rü texëarü poramaã nixi i perü ngüexügu rü ínawoxüãxü i ngoxogü? Rü dücax, rü ngëma perü ngüexügütama nixi i peccëx nangoxëëxü na ípetüexü.

²⁸—Natürü pemaã nüxü chixu rü aixcüma Tupanaãe i Üünexüãrü poramaã nixi i íchanawoxüãxü i ngoxogü. Rü ngëmawa pexü nüxü chacuëxëe na marü núma petanüwa nanguxü ya Tupana, na perü ãëxgacü yïxücëx.

²⁹—¿Rü ñuxácü texë wüxi ya yatü ya poracüpatagu taxücu na tanapuxüãxü i norü ngëmoxüãgü, ega tama tayanëixiragu i noxrix? Rü ngëxguma tayanëixiraguxicatama nixi i nüxna tanapuxüãxü i norü ngëmoxüãgü ya yima yatü ya poracü.

³⁰—Rü yixema tama choxü ngechaüxë rü chauxchi taxai. Rü yixema tama choxü rüngüxëxë na Tupanacëx tananutaquëxëxü i duüxügu rü chauxchawa tanangianexëe.

³¹—Rü ngëmoxëxë pemaã nüxü chixu rü Tupana tá nüxü nixü nangechaü i guxüma i pecadugü i duüxügu ügüxü rü guxüma i norü dexagü i chixexü. Natürü yixema Tupanaãe i Üünexüãrü tacü ixugüxe, rü Tupana rü tagutáma tüxü nüxü nangechaü i ngëma chixexü.

³²—Rü guxüma ya texë ya tacü chomaã ixugüxe rü Tupana tá tüxü nüxü nangechaü i ngëma. Natürü texë ya Tupanaãe i Üünexüãrü tacü ixugüxe, rü Tupana rü tagutáma tüxü nüxü nangechaü i ngëma, rü bai i ñoma i nañewa, rü bai i daxüguxü i nañewa.

*Wüxi i nanetü rü norü owa nixi i nüxü icuáxü na tacü rü nanetü yïxü
(Lc 6.43-45)*

³³—Rü ngëxguma wüxi i nanetü rü namexgu, rü norü o rü ta name. Natürü ngëxguma wüxi i nanetü rü nachixëxgu, rü norü o rü ta nachixe. Rü wüxi i nanetü rü norü owa nixi i nüxü icuáxü ngoxi name rü ëxna tama.

³⁴—Pa Áxtapearü Duüxüãgüx, ¿ñuxácü i mexü i orexü pixuxü ega pematama rü pichixecümagu? Erü ngëma ore i peëxmaã nüxü pixuxü rü peëwa nixi i ne naxüxü.

³⁵—Wüxi ya mecü ya yatü rü mexü i orexü nixu, erü naãëwa rü aixcüma mexügu narüxüñü. Natürü wüxi i yatü i chixecümaxü rü chixexü i orexü nixu, erü naãëwa rü chixëxügu narüxüñü.

³⁶—Rü choma pemaã nüxü chixu rü ngëma ngunexü i nagu nagüxü i naãne, rü Tupana rü tá nüxna naca i guxü i duüxügu naxcëx i guxüma i ore i chixexü i nüxü yaxuxü i ñoma i nañewa.

³⁷—Erü ngëma curü dexagüwa rü Tupana tá cuxü nangugü, rü tá cumaã nüxü nixu ngoxita cume i napëxewa rü ëxna tama —ñanagürü ga Ngechuchu.

Duüxüãgü ga tama yaxögüchaüxü rü naxcëx ínacagü ga to ga cuëxruü ga Tupanaãrü poramaã üxü

(Mr 8.12; Lc 11.29-32)

³⁸ Rü yexguma rü ñuxre ga Parichéugü rü Yudiügüarü ngüexëëruügu ga ore ga mugüwa ngüxëëtaegüxü rü ñanagürügü Ngechuchuxü: —Pa Ngüexëëruüx, cuxü tadauxchaü na cunaxüxü i wüxi i cuëxruü i mexü i Tupanaãrü poramaã cuxüxü —ñanagürügü.

³⁹ Rü Ngechuchu nanangäxü, rü ñanagürü: —Ñaa duüxüãgü i chixecümagüxü rü tama yaxögüxü rü naxcëx ínacagü i wüxi i cuëxruü i mexü i Tupanaãrü poramaã üxü. Natürü yema cuëxruü ga nuxcümaücü ga Tupanaãrü orearü urüü ga Yonáxü ngupetüxüxüxüca tátama nadaugü. Rü taxuütáma i to i cuëxruü nüxü tadauxëe i ñaa duüxüãgü.

⁴⁰—Rü yexgumarüü ga Yoná ga tomaëxpüx ga ngunexü rü tomaëxpüx ga chütaxü choxni ga taxü ga bayenaãnuwa na nayexmaxü rü wenaxäru na nangóxü, rü ngëxgumarüü tá ta nixi i choma i tomaëxpüx i ngunexü rü tomaëxpüx i chütaxü i chatáxüwa changëxmaxü. Natürü wena táxarü changox.

⁴¹—Rü ngëxguma naãneärü guxgu rü Tupana rü ñaa duüxüãgüna nacaxgu i norü pecaduchiga, rü nuxcümaügüxü ga Nínibecüãx ga duüxüãgü rü tá inachigü. Rü Tupanapëxewa tá ínanaxuaxügu i ñaa duüxüãgü i ñuxma maxëxü. Yerü nümagü ga Nínibecüãx rü nüxü narüxoe ga nacümagü ga chixexü ga yexguma Yoná namaã nüxü ixuxgu ga Tupanaãrü ore. Natürü ñuxma nuã petanüwa nangëxma i wüxi i Yonáãrü yexera ixüxü.

⁴²—Rü ngëxguma naãneärü guxgu rü Tupana rü ñaa duüxüãgüna nacaxgu i norü pecaduchiga, rü ngüma ga nuxcümaücü ga Chabaaneärü ãëxgacü rü tá iichi. Rü tá ínanaxuaxü i ñaa duüxüãgü i ñuxma maxëxü. Yerü ngüma rü yaxüwaxüchi ne ixü na ãëxgacü ga Charumóüxü naxüñüxücëx ga ñuxácü poraãcü nüxü na nacüxüchixü. Natürü ñuxma nuã petanüwa nangëxma i wüxi i Charumóüärü yexera ixüxü.

*ngoxo i taeguxüchiga**(Lc 11.24-26)*

⁴³⁻⁴⁴—Rü ngëxguma wüxi i ngoxo rü wüxi ya yatüwa ínaxüüxgu, rü dauxchitawa i ngextá taxüema íxâpataxüwa rü nu ne nanaxümare. Rü naxcèx nadau na ngexta na nangüxcèx. Rü ngëxguma taxuxguma nüxü iyangauxgu na ngexta nangüegaxü, rü nagu narüxinü na wena nataeguxü naxcèx ya yima yatü ga noxri nawa ínaxüxüchirécü. Rü ngëxguma nataegugu, rü nüxü inayangau ya yima yatü na wüxi ya í ya ngëácüne rü mexëene rü meã nabixichinerüü na yíixü.

⁴⁵—Rü ngëma ngoxo rü ínixü rü naxcèx nayadau i to i 7 i ngoxogü i norü yexera i chixexü. Rü guxüma i ngëma rü yima yatügu nayachocu, rü ngëxma naxächüügü. Rü ngëxguma ya yima yatü rü noxriarü yexera nachixe. Rü ngëxgumarüü tá ta nüxü naxüpetü i ñãã duüxügü i chixecümagüxü —ñanagürü ga Ngechuchu.

*Ngechuchuarü mamá rü naëneëgüchiga**(Mr 3.31-35; Lc 8.19-21)*

⁴⁶ Rü yexguma duüxügümaã íyadexayane ga Ngechuchu, rü yéma tangu ga naë rü naëneëgü. Rü ípataarü düxétügu tarücho, rü Ngechuchumaã tidexagüchaü.

⁴⁷ Rü wüxi ga duüxü Ngechuchumaã nüxü nixu, rü ñanagürü: —Yéa düxétüwa tangëxma ya cue rü cueneëgü, rü cumaã tidexagüchaü —ñanagürü nüxü.

⁴⁸ Natürü Ngechuchu nanangäxü ga yema duüxü ga namaã nüxü ixuxü ga yema ore, rü ñanagürü nüxü: —¿Texé tixí ya chaue? ¿Rü texégü tixí ya chaueneëgü? —ñanagürü.

⁴⁹ Rü yexguma ga Ngechuchu rü norü ngüexügüxü naxuneta, rü ñanagürü: —Dücèx, daxe tixí ya chaue, rü daagü nixí ya chaueneëgü.

⁵⁰—Erü guxäma ya texé ya naxüxe i Chaunatü ya daxügücüarü ngüchaü, rü yíxema tixí ya chaueneë rü chaueyèx rü chaue —ñanagürü ga Ngechuchu.

13*Ore ga toecügu ixuxü**(Mr 4.1-9; Lc 8.4-8)*

¹ Rü yematama ngunexügu ga Ngechuchu rü ínaxüxü nawa ga guma í ga nagu napexüne. Rü naxtaxaãnacüwa nayarüto.

² Rü muxüma ga duüxügü rü yéma naxcèx nangutaquëxegü. Rü yemacèx düxwa wüxi ga nguegu nixüe ga Ngechuchu, rü guma nguewa narüto. Rü guxüma ga duüxügü rü yexma naxnecütéxegu nachigü.

³ Rü yexguma ga Ngechuchu rü muxüma ga ore ga cuëxruüwa nanangüexëë ga duüxügü. Rü norü ngüxëetaewa rü ñanagürü: —Rü wüxi ga yatü ga toecü rü trigumaã nanagüane.

⁴—Rü yexguma trigumaã nagüaneägu, rü ñuxre ga guma trigu rü namacüwagu nayí. Rü ínangugü ga werigü, rü nanawecu.

⁵—Rü náigü ga trigu rü nutatanügu nayí ga ngextá ínachixcaxüwa ga waixüümü. Rü paxa narüxügü ga guma trigu, yerü ga waixüümü rü tama nayaxcü.

⁶—Rü yexguma nangunagügu ga üëxcü, rü narüngëxgü ga guma trigu. Rü nayue yerü tama poraäcü nixãmëxä.

⁷—Rü náigü ga trigu rü tuxunecügu nayí. Rü yexguma nayaegu ga tuxugü, rü guma triguxü inawocu, rü nanadai.

⁸—Natürü náigü ga trigu rü mexü ga waixüümügu nayí. Rü yexguma nayaegu rü muxüma ga trigu nawa ínanguxuchi. Rü nümaxü rü wüxireewa rü 100 püxü ínanguxuchi ga norü o, rü náireegüwa rü 60, rü náireegüwa rü 30.

⁹—Rü yíxema ächixëgüxe, ¡rü nagu tarüxinüë i ngëma ore! —ñanagürü.

*Tacücèx nixí ga yema ore ga cuëxruügügu ixuxü**(Mr 4.10-12; Lc 8.9-10)*

¹⁰ Rü yexguma ga norü ngüexügü rü Ngechuchucèx naxí, rü nüxna nacagüe, rü ñanagürügü: —Pa Corix, ¿Tüxcüü i cuëxruügügu cuyaxuäcüma cunangüexëëxü i ñãã duüxügü? —ñanagürügü.

¹¹ Rü Ngechuchu nanangäxü, rü ñanagürü nüxü: —Tupana rü pexüxícatama nüxü nacüexëë i ngëma ëxüguxü na ñuxäcü äëxgacü yíixü i nümax. Natürü nüma i togü i duüxügü rü tama nüxü nüxü nacüexëë i ngëma.

¹²—Rü texé ya aixcüma naga ínuxë i chorü ore, rü Tupana rü yexeraäcü tá tüxü nüxü nacüexëë. Rü ngëmaäcü tá tüxü nangëxma i taxü i cuëx. Natürü texé ya tama naga ínuxë i ñãã ore rü Tupana tá tüxna nanayaxu i ngëma íraxü i cuëx i tüxü ngëxmachiréxü.

¹³—Rü ngëmacèx nixí i ore i cuëxruümaã chanangüexëëxü i ngëma duüxügü. Erü nümagü rü woo nüxü nadaugügu, rü ñoma tama nüxü nadaugüxürü nixígü. Rü woo nüxü naxínüëgu, rü ñoma tama nüxü naxínüëxürü nixígü. Rü tama nüxü nacüexgüëga.

14—Rü aixcüma ngëma duüxügüchiga nixi ga yema Tupanaärü ore ga nuxcümaücü ga norü orearü uruü ga Ichaxía nüxü ixuxü ga ñaxü:

“Rü ngëma duüxügü rü tá aixcüma nüxü naxínüë, natürü täütáma nüxü nacuëxgüëga i ñacüchiga na yíixü i ngëma nüxü naxínüëxü. Rü aixcüma tá nüxü nadaugü, natürü täütáma nüxü nacuëxgü na ñacüchiga yíixü i ngëma nüxü nadaugüxü.

15 Erü ngëma duüxügü rü täütáma nüxü nacuëxgüchaü i chorü ore, rü naxchaxwa tá nügü narütütamachixëgü rü tá naxchaxwa napexetügü. Rü ngëmaäcü tá nanaxügü na tama nüxü nadaugüxüçëx i ngëma mexü i naxcëx chaxüxü, rü tama nüxü naxínüëxüçëx i chorü ore, rü tama nüxü nacuëxgüxüçëx na ñuxäcü choma chanaxwëxëxüäcüma na namaxëxü, rü tama chauxcëx nadaugüxüçëx na chanamaxëxëxüçëx”, ñanagürü.

16 Rü ñanagürü ta ga Ngechuchu: —Natürü pemax, Pa Chorü Ngüëxügüx, rü petaäëgü erü pexetügümaätama nüxü pedaugü i ngëma chaxüxü rü pexmachixëmaätama nüxü pexínüë i chorü ore.

17—Rü aixcüma pemaä nüxü chixu rü muxüchixü ga nuxcümaügüxü ga Tupanaärü orearü uruügü rü muxüchixü ga duüxügü ga imecümaxü, rü nüxü nadaugüchaü i ngëma ñuxma chauxütawa nüxü pedaugüxü. Natürü tama nüxü nadaugü. Rü nüxü naxínüëchaü i ngëma ore i ñuxma chauxütawa nüxü pexínüëxü. Natürü tama nüxü naxínüë —ñanagürü.

Ngechuchu rü meä nanangoxëë ga yema ore ga toecüchigagu yaxuxü
(Mr 4.13-20; Lc 8.11-15)

18 Rü ñanagürü ta ga Ngechuchu: —¡Düçëx, iperüxínüë na ñuxü ñaxüchiga yíixü i ngëma ore i cuëxruü i toecüchiga!

19—Rü guma trigu ga namagu yixünerüü tixígü ya yíxema nüxü Inüëxë i ore i mexü na ñuxäcü äëxgacü yíixü ya Tupana natürü tama nüxü cuëxgüxë i ñuxü ñaxüchiga na yíixü i ngëma ore. Rü tümaxütawa nangu i Chataná, rü tüxü nüxü inayarüngümaëxëë i ngëma ore i tümäëwa ngëxmachirëxü.

20—Rü guma trigu ga nutatanügu yixünerüü nixi i ngëma duüxügü i nüxü Inüëxü i Tupanaärü ore rü taäëcüma nayauxgüxü.

21—Natürü ngëma na tama aixcüma nagu naxínüëxü i ngëma ore, rü paxaächitama nayaxögü, rü yixcüra ngëxguma ngëma oregagu guxchaxügü nüxü üpetügu rü éxna duüxügü naxchi aiegu, rü inanatëxgü i ngëma ore.

22—Rü guma trigu ga tuxunecügu yixünerüü nixi i ngëma duüxügü i Tupanaärü orexü Inüëxü rü yaxögüxü. Natürü ñoma i naäneärü ngëmaxügüçëx oegaäëgüxü, rü ngëmaguama rüxínüëxü, rü düxwa nüxü inayarüngümaë i ngëma ore. Rü guxüma i ngëma rü Tupanaärü orexü nüxü narüxoxëë na tama aixcüma meä Tupanawe naxíxüçëx i ngëma duüxügü.

23—Natürü guma trigu ga mexü ga waixülmügu yixünerüü nixi i ngëma duüxügü i nüxü Inüëxü i Tupanaärü ore, rü nüxü cuëxgüxü i ñacüchiga na yíixü, rü naga Inüëxü rü meä naxcëx maxëxü. Rü tümáxë rü guma trigu ga 100 püxü nawa Inguxuchinerüü tixi. Rü tümáxë rü guma 60 püxü nawa Inguxuchinerüü tixi. Rü tümáxë rü guma 30 püxü nawa Inguxuchinerüü tixi —ñanagürü ga Ngechuchu.

Ore ga chixexü ga natüane ga trigutanügu toxüchigagu ixuxü

24 Rü Ngechuchu rü to ga ore ga cuëxruüxü duüxügümaä nixu, rü ñanagürü: —Rü nüma ya Tupana rü ñoma wüxi ga yatü ga mexüne ga triguchire naänegu tocürüü tá nanaxü.

25—Rü guma yatü rü yexguma inapeyane rü wüxi ga norü uwanü ga naxchi aixü rü yéma naxü. Rü naëchita yexma trigunecügu nayatogü ga chixexü ga natüane. Rü ñuxüchi inixü.

26—Rü yexguma naxügügu ga trigu rü nayaegu rü yexwacëx yaxoxgu, rü yema natüane rü ta nangox.

27—Rü yexguma ga yema yatüarü duüxügü, rü namaä nüxü nayarüxügü, rü ñanagürügü: “Pa Corix, cuma rü cuanegu rü triguxicachirëx ngëxma cuto. ¿Natürü ñuxäcü i ñuxma rü chixexü i natüane rü ta ngema naxügüxü?” ñanagürügü.

28—Rü yexguma ga yema naäneärü yora, rü ñanagürü nüxü: “Maneca wüxi i chorü uwanü i chauxchi aixü nixi i ngema ngexü wagüxü” ñanagürü. Rü yexguma ga norü duüxügü rü nüxna nacagü, rü ñanagürügü:

“Pa Corix, ¿cunaxwëxëxü na tanabëxü i ngëma chixexü i natüane?” ñanagürügü.

29—Natürü nüma ga norü cori rü ñanagürü nüxü ga yema norü duüxügü:

“¡Nüëtama ngema nangëxmagü! Erü ngëxguma chi penabëxgu, rü ngürüächi trigumaä chi ta penangauxëë na penabëxü.

30—Rü narümemäë nixi i nüëtama ngema nayae ñuxmatáta triguarü buxgüwa nangu. Rü ngëxguma rü ngema tá chanamugü i chorü puracütanüxü, rü tá nanabëxira i ngëma chixexü i natüane. Rü tá inanaxögüçüta, rü ñuxüchi tá inaganu. Rü ngëmawena tá nayabuxgü i trigu, rü naxchiügu tá choxü namaä nanguxügü” ñanagürü.

*Ore ga motachachiregu ixuxü**(Mr 4.30-32; Lc 13.18-19)*

³¹ Rû Ngechuchu rû to ga ore ga cuèxruüxü duüxügümaã nixu, rû ñanagürü: —Rû ngêma Tupanaarü ore rû yexera nixüchigü. Rû ñoma wüxi ya motachachire ya wüxi ya yatü naãnegu toxünerüü nixi.

³² —Rû woo naxíraxüchichirêx ya yima naxchire, natürü ngêxguma naxüxgu rû nayêxgu, rû wüxi i nanetü i taetaxü nixi. Rû ngêmacèx i werigü rû natanüwa naxi, rû ngêxma nayarüxüchiãügü —ñanagürü.

*Ore ga pãüarü puxêëruügu ixuxü**(Lc 13.20-21)*

³³ Rû Ngechuchu rû to ga ore ga cuèxruüxü duüxügümaã nixu, rû ñanagürü: —Rû Tupanaarü ore rû duüxügütanüwa nangu. Rû nixüchigü rû nanaxüchicüxü i norü maxü. Rû ñoma íxraxü i pãüarü puxêëruü i wüxi i nge taxü i ngürü pãüchara namaã ipuxêëxürüxü nixi —ñanagürü ga Ngechuchu.

*Cuèxruügu ixuxü ga oremaã nidexa ga Ngechuchu na yanguxêëãxücèx ga Tupanaarü ore**(Mr 4.33-34)*

³⁴ Rû guxüma ga yema ore ga Ngechuchu duüxügümaã nixü ixuxü, rû cuèxruügu yaxuãcüma namaã nixü nixu. Rû yemaãcüxicatama nixi ga namaã nixü yaxuxü.

³⁵ Rû yemaãcü nanaxü ga Ngechuchu na yanguxêëãxücèx ga yema Tupanaarü ore ga nuxcümaücü ga norü orearü uruü ga Ichaxía ümatüxü ga ñaxü:

“Choma rû cuèxruügu ixuxü i oremaã tá duüxügümaã chidexa. Rû tá namaã chanangoxêë i ngêma cuèx i êxüguxü ga yexguma noxri naãne ixügügumama iicüxü”, ñaxü.

Ngechuchu nanangoxêë na tacüchiga yïxü ga yema ore ga chixexü ga natüane ga trigutanügu toxüchigagu ixuxü

³⁶ Rû Ngechuchu ínayamugü ga duüxügü, rû guma í ga nagu napexünegu naxücu. Rû norü ngüexügü rû yéma naxcèx naxi, rû ñanagürügü nixü: —Pa Corix, ¡tomaã nangoxêë na tacüchiga yïxü i ngêma chixexü i natüanegu ixuxü i ore! —ñanagürügü.

³⁷ Rû yexguma ga Ngechuchu rû ñanagürü nixü: —Rû yima mexü i trigumaã toecü, rû nüma nixi ya Tupana Nane ya duüxüxü ixücü.

³⁸ —Rû ngêma naãne i nagu natoexü, rû ñoma i naãne nixi. Rû ngêma mexü i trigu rû ngêma nixi i duüxügü i Tupanaarü duüxügü ixügüxü. Rû ngêma chixexü i natüane, rû ngêma nixi i duüxügü i Chatanáarü ixügüxü.

³⁹ —Rû ngêma norü uwanü i chixexü i natüanemaã naêchita naãnegu yatoexü, rû ngêma nixi i Chataná. Rû ngêma ngunexü i nagu nabuxuxü i trigu rû naãnearü güxchiga nixi. Rû ngêma puracütanüxü i triguarü buxwa puracüexü, rû Tupanaarü orearü ngeruügü i daxücüãx nixügü.

⁴⁰ —Rû ngêxgumarüü i ngêma chixexü i natüane rû na nabéxü rû ñuxüchi na ínaguxü, rû ngêxgumarüü tá ta nixi i naãnearü guxgu.

⁴¹ —Rû choma i Tupana Nane na duüxüxü chiüxü, rû tá chanamu i chorü orearü ngeruügü i daxücüãx na nadeãxücèx i ngêma duüxügü i chixexü ügüxü rû ngêma duüxügü i foguãxü chixexü ügüxêëxü. Rû tá ínanawoxü.

⁴² —Rû tá üxüxetüwa nayawocu. Rû ngema tá naxauxe rû tá nixüxchapütagü.

⁴³ —Natürü guxüma i ngêma duüxügü i Tupanaga ínüexü, rû tá üexcürüü inabaixgü i ngextá Tanatü ya Tupana äëxgacü íixüüwa. Rû yíxema ächixêgüxe, ¡rû nixü taxínüé i ngêma ore! —ñanagürü.

Ore ga taxü ga ñerü ga icüxügu ixuxü

⁴⁴ Rû Ngechuchu rû to ga ore ga cuèxruüxü duüxügümaã nixu, rû ñanagürü: —Rû ngêma na äëxgacü yïxü ya Tupana rû duüxügücèx rû namexechi ñoma wüxi i uiru i wüxi i naãnegu icüxürüxü. Rû wüxi ya yatü rû ngêxguma nixü iyangauxgu i ngêma uiru, rû paxa wena ngêma naãnegu nayacux. Rû taãëcüma namaã nataxe i guxüma i norü ngêmaxügü na naxcèx nataxexücèx i ngêma naãne na noxrü yïxücèx i ngêma uiru —ñanagürü.

Ore ga nuta ga ngêxãëruü ga tatanücügu ixuxü

⁴⁵ Rû ñanagürü ta ga Ngechuchu: —Rû duüxügü rû ñoma wüxi i taxetanüxü i nutagü ya ngêxãëruücüx daxürüü nixügü na poraãcü Tupanaxcèx nadaugüxü na nüma norü äëxgacü yixüxücèx.

⁴⁶ —Rû ngêma taxetanüxü rû ngêxguma düxwa nixü iyangauxgu ya wüxi ya nuta ya ngêxãëruü ya guxüarü yexera mexêchicü, rû namaã nataxe i guxüma i norü ngêmaxügü na naxcèx nataxexücèx ya yima nuta ya mexêchicü, na noxrü yïxücèx.

Ore ga pūchagu ixuxū

⁴⁷—Rū ngēma Tupana na āēxgacū yixixū rū wūxi i pūcha i nagúxūraūxū i choxni namaā iyaxuxūxūrū nixī.

⁴⁸—Rū ngēxguma naxāacuxgu i ngēma pūcha, rū ngēma pūchaetanūxū rū naxnecūpechinūgu ínanatūāchigū. Rū ngema narūtogū rū nayadexechi i ngēma mexū i choxni, rū pexchigu nananucu. Rū ngēma tama ingōxū i choxni rū ínanawogū.

⁴⁹⁻⁵⁰—Rū ngēxgumarū tū nixī i ngēxguma naguxgu i naāne. Erū Tupanaārū orearū ngeruūgū i daxūcūāx, rū nūma tá naxī. Rū tá nayadexechi i ngēma mexū i duūxūgū nūxna i ngēma íchixexū, rū tá úxūetūwa nayawocu i ngēma duūxūgū i chixexū. Rū ngema tá naxaxe, rū tá nixūxchapūtagū —ñanagūrū ga Ngechuchu.

Ngezwacaxūgūxū rū nuxcūmaūgūxū i ngēmaxūgūchiga

⁵¹ Rū yexguma ga Ngechuchu rū norū ngūexūgūna naca, rū ñanagūrū: —¿Nūxū pecuáxū yīxū na íacūchiga yīxū i ngēma pemaā nūxū chixuxū? —ñanagūrū. Rū nūmagū nanangāxūgū rū ñanagūrūgū: —Ngēmāācū, Pa Corix, nūxū tacuēx —ñanagūrūgū.

⁵² Rū yexguma ga Ngechuchu rū ñanagūrū nūxū: —Rū ngēxguma wūxi i ngūexēerū i ore i mugūwa ngūxēētaexū aixcūma nūxū cuēxgu na ñuxācū āēxgacū yīxū ya Tupana, rū nanaxwēxe na meā nūxū nacuáxū i ngēma nuxcūmaūxū i Tupanaārū ore rū ñāā ngezwacaxūxū i chorū ore rū ta, ngēxgumarū i wūxi i cori i norū taxepatawa duūxūgūcēx inawēxū i norū ngēmaxūgū i ngezwacaxūgūxū rū norū ngēmaxūgū i nuxcūmaūgūxū ta —ñanagūrū ga Ngechuchu.

Ngechuchu rū Nacharētūwa nayexma

(Mr 6.1-6; Lc 4.16-30)

⁵³ Rū yexguma Ngechuchu nūxū rúchaxgu ga yema ore ga cuēxruūgūxū na yaxuxū, rū inaxūāchi ga yéma.

⁵⁴ Rū guma íāne ga nawa nayaxūne ga Nacharētūwa naxū. Rū guma íāneārū ngutaquēxepataūgu naxūcu rū yéma nanangūexē ga duūxūgū. Rū yema duūxūgū rū nabēixāchiāēgū namaā ga norū ore. Rū ñanagūrūgū: —¿Ngextá nūxū nacuēx i ngēma ngūxēētae? ¿Rū ñuxācū nūxū nacuēx na naxūāxū i ngēma mexūgū i taxūgū i Tupanaārū poramaā naxūxū?

⁵⁵—¿Taux ēxna i daa yīxū ya carpinteru ya Yúche nane ya María ngēne, ya Chaūtiágu rū Yúche rū Chimáú rū Yuda naēneé íxīcū?

⁵⁶—¿Rū taux ēxna i naēyēxgū rū nuxma tatanūgu naxāchiūgūxū? ¿Rū ngēxguma i ngextá yīxū i nayauxāxū i ngēma nūxū nacuáxū? —ñanagūrūgū.

⁵⁷ Rū yemacēx ga duūxūgū rū tama nūxū inarūxūñūēchaū. Natūrū Ngechuchu rū ñanagūrū nūxū: —Guxūma i togū i duūxūgū rū namaā nataāēgū i wūxi i Tupanaārū orearū urū. Natūrū ngēma orearū urūchīñānewatama rū duūxūgū rū tama namaā nataāēgū —ñanagūrū.

⁵⁸ Rū yema duūxūgūtanūwa rū tama poraācū nanaxū ga mexūgū ga taxūgū ga Tupanaārū poramaā naxūxū, yerū tama nūxū nayaxōgūchaū ga yema duūxūgū.

14*Nayu ga Cuáú ga baiūxēerū*

(Mr 6.14-29; Lc 9.7-9)

¹ Rū yema ngunexūgūgu nixī ga Gariréaaneārū āēxgacū, ga Erobe rū Ngechuchuxū nacuāchigaxū.

² Rū Erobe rū norū duūxūgūmaā ñanagūrū: —Yima nixī ya Cuáú ga baiūxēerū rū marū wena namaxū. Rū ngēmacēx nūxū nangēxma i pora na naxūāxū i ngēma mexūgū i taxūgū i Tupanaārū poramaā naxūxū —ñanagūrū.

³ Rū yema ñanagūrū, yerū nūmatama ga Erobe rū ūpaacū norū churaragūxū namu na Cuáúxū yayauxgūxūcēx rū cadenamaā yanēixgūācūma poxcupataūwa nagagūāxūcēx. Rū yemaācū nanaxū ga Erobe, yerū yemaācū naxcēx íca ga naxmēx ga Erodía ga naēneé ga Piripi naxmēxchirēx íxīcū.

⁴ Rū Erobe rū Cuáúmaā nanu yerū ga Cuáú rū ñanagūrū nūxū: —Tama name na cuxumēxmaā cuxāmaxū —ñanagūrū.

⁵ Rū Erobe rū Cuáúxū nimāxchaū, natūrū duūxūgūxū namu yerū guxūma ga duūxūgū rū nāgu narūxūñūē rū aixcūma Tupanaārū orearū urū nixī ga Cuáú.

⁶ Natūrū yexguma norū taunecuarū ngunexūwa nanguxgu ga Erobe rū wūxi ga peta naxū. Rū yema petawa rū Erodíaxacū rū íyayūxparachigūxū napēxewa ga yema petatanūxū. Rū nūma ga āēxgacū ga Erobe rū poraācū norū me nixī ga yema naxūxū ga naxācūrūcū.

⁷ Rū yemacēx ngīmaā inaxuneta rū ñanagūrū ngīxū: —¿Choxna naxcēx naca i íacu i cunaxwēxexū, rū aixcūma tá cuxna chanaxā! —ñanagūrū.

⁸ Rū yexguma ga ngīma rū ngīēxūtawa ixū, rū ngīēna iyaca, rū ngīgūrūgū: —Pa Ma, ꞑtacū i cunaxwēxexū na naxcēx íchaçaxū? —ngīgūrūgū. Rū ngīē ngīxū ingāxū, rū ngīgūrūgū: —ꞑNaxcēx ínaca i Cuáŭ ya baiūxēēruūēru! —ngīgūrūgū ga ngīē. Rū yexguma ga yema pacū rū ngīgūrūgū nūxū ga Erode: —Chanaxwēxe i wūxi ya poratugu choxna cunaxā i Cuáŭ ya baiūxēēruūēru —ngīgūrūgū.

⁹ Rū yexguma ga aēxgacū ga Erode rū inayarūmaāchi namaā ga yema ore, natūrū norū unetacēx rū norū petatanūxūcēx rū tama ngīxū nawomūxēēchaū. Rū nanamu ga űuxre ga norū churaragū na ngīxna naxāgūāxūcēx ga yema naxcēx ínaçaxū.

¹⁰ Rū yemaācū poxcupataūwa nanamu na yēma Cuáŭxū yanadaenaāxūcēx.

¹¹ Rū yemawena wūxi ga poratugu ngīxūtawa nanange ga Cuáŭēru, rū yema pacūna nayaxā. Rū ngīma rū űuxūchi ngīēna iyaxā.

¹² Rū yexguma ga Cuáŭārū ngūexūgū rū yēma naxī, rū nayangegū ga naxūne, rū inayatēxgū. Rū yemawena rū Ngechuchumaā nūxū nayarūxugūe.

Ngechuchu rū nanachibūexēē ga 5000 ga yatūgū

(Mr 6.30-44; Lc 9.10-17; Cu 6.1-14)

¹³ Rū yexguma yemaxū nacuāchigagu ga Ngechuchu, rū nūxīcatama wūxi ga nguēgu nixūe, rū ínaxūxū ga yēma. Rū wūxi ga nachica ga taxūema íxāpataxūwa naxū. Natūrū ga duūxūgū rū nūxū nacuēxgūama ga ngextā na naxūxū. Rū ínaxoxū ga norū íānegūwa, rū dauxchitagu nawe narūxī.

¹⁴ Rū yexguma nguēwa ínaxūegu ga Ngechuchu rū nūxū nadau ga yema muxūma ga duūxūgū. Rū nūxū nangechaūtūmūgū. Rū nanameēxēē ga yema duūxūgū ga ídaaweexū ga naxcēx yēma nagagūxū.

¹⁵ Rū yexguma marū nachūtachaūgu rū Ngechuchucēx naxī ga norū ngūexūgū, rū űanagūrūgū nūxū: —Marū nachūtachaū, rū űuxūchi taxūema nuxma taxāpata i nuā. Rū name nixī ícuyamugū i űaā duūxūgū na íānexācūgū ya ngaicamana ngēxmagūnewa naxīxūcēx, rū ngema norū űnatēex yataxegūxūcēx —űanagūrūgū.

¹⁶ Natūrū ga Ngechuchu rū űanagūrū nūxū: —Taxuacūma nawoegu. ꞑRū pematama penachibūexēēx! —űanagūrū.

¹⁷ Rū nūmagū nanangāxūgū, rū űanagūrūgū: —Natūrū nuā rū wūximēēxpūx i pāu rū taxre i choxnixīcatama toxū nangēxma —űanagūrūgū.

¹⁸ Rū Ngechuchu nanangāxū rū űanagūrū: —ꞑNuā chauxūtawa penana! —űanagūrū.

¹⁹ Rū yexguma ga Ngechuchu rū duūxūgūxū namu na maxētēxewa natogūxūcēx. Rū űuxūchi nanade ga yema wūximēēxpūx ga pāu rū yema taxre ga choxnigū. Rū daxūgu nadawenūācūma Tupanana moxē naxā, rū űuxūchi ínanabūcu ga yema pāgū. Rū norū ngūexūgūna nanana, rū yema duūxūgūxū nayanu.

²⁰ Rū guxūma ga yema duūxūgū rū meāma nachibūe. Rū yemawena rū 12 ga pexchigū nanapagūamatama namaā ga yema pāu rū choxnichipēxegū ga iyaxūgūxū.

²¹ Rū yema yēma chibūexū rū 5000 ga yatūgū nixī, natūrū ga ngexūgū rū buxūgū rū tama nayaxugū.

Dexāétūgu nixū ga Ngechuchu

(Mr 6.45-52; Cu 6.16-21)

²² Rū yemawena ga Ngechuchu rū duūxūgūxū íyamugūyane rū wūxi ga nguēgu nayaçoxūēē ga norū ngūexūgū na yoxni naxtaxaarū tocutūwa naxīxūcēx.

²³ Rū yexguma duūxūgūxū íyamugūguwena rū guma mēxpūnewa ínaxūāchi ga Ngechuchu na nūxīca yēma yayumūxēxūcēx. Rū yexma nūxīcatama nachūtaū.

²⁴ Natūrū ga norū ngūexūgū rū naxtaxaarū ngāxūtūchiūgu nixāgū ga yexguma. Rū tacū ga buanecū yexma nūxū naxū, rū poraācū nayuape.

²⁵ Rū yexguma marū yangunechaūgu rū norū ngūexūgūwe ínaxūāchi ga Ngechuchu. Rū dexāchiūétūgu nixū naxcēx ga norū ngūexūgū.

²⁶ Rū yexguma norū ngūexūgū nūxū daugūga ga dexāchiūétūgu na yaxūxū, rū poraācū nabējāchiāēgū. Rū norū muūmaā aita naxūe, rū űanagūrūgū: —Wūxi i naxchiximare nixī —űanagūrūgū.

²⁷ Natūrū ga Ngechuchu rū namaā nidexa rū űanagūrū nūxū: —ꞑPeporae! rū choma chixī. ꞑRū tāxū ípemuūēxū! —űanagūrū.

²⁸ Rū yexguma ga Pedru rū Ngechuchumaā nidexa rū űanagūrū: —Pa Corix, ega chí cuma quixūgu, ꞑrū choxū namu na choma rū ta dexāétūgu chixūxūcēx rū cuxūtawa na chaxūxūcēx! —űanagūrū.

²⁹ Rū Ngechuchu űanagūrū nūxū: —Ēcū ¡nuā naxū! —űanagūrū. Rū yexguma ga Pedru rū ínaxūe ga nguēwa. Rū ínanaxūgū ga dexāétūgu na yaxūxū na Ngechuchuxūtawa naxūxūcēx.

³⁰ Natürü yexguma nüxü yacuèxächigu ga na naporaxü ga buanecü rü namuü, rü inanaxügu ga na dexächitügu nanguxü. Rü aita naxü rü ñanagürü: —Pa Corix, ¡choxü rüngüxëë! —ñanagürü.

³¹ Rü yexgumatama ga Ngechuchu rü Pedrumëxëgu nayayauxächi, rü ñanagürü nüxü: —Cuma rü írarüwatama cuyaxö. ¿Rü tüxcüü tama aixcüma cuyaxöxöchi? —ñanagürü.

³² Rü yexguma nguëgu yachoügu ga Ngechuchu rü Pedru, rü nangupetü ga guma buanecü.

³³ Rü guxüma ga norü ngüexügu ga nguëwa yexmagüxü rü Ngechuchupëxëgu nacaxápüxügu rü nüxü nicuèxüügu, rü ñanagürügu nüxü: —Aixcümaxüchi cuma nixi i Tupana Nane quüxü —ñanagürügu.

Yenecharétuanewa Ngechuchu nanameëxëë ga idaaweexü
(Mr 6.53-56)

³⁴ Rü yexguma marü yanguügu ga naxtaawa, rü Yenecharétuanewa nangugü rü yéma ínaçhöü.

³⁵ Rü yexguma yema duüxügu ga yëmacüäx nüxü icuèxächitanügu ga Ngechuchu na yíixü ga guma, rü guxüma ga yema naänewa nanguchiga ga yéma na nayexmaxü ga Ngechuchu. Rü yëmacëx naxütawa nanagagü ga yema duüxügu ga idaaweexü.

³⁶ Rü Ngechuchuxü nacëexügu na naxchirupechinügamare yangögügüxücëx. Rü guxüma ga yema naxchirupechinügu ingögüexü rü narümeë.

15

Tacü nixi i Tupanapëxëwa duüxüguü chixexëëxü
(Mr 7.1-23)

¹ Rü Ngechuchucëx naxi ga ñuxre ga Parichëgu rü ngüexëëruügu ga ore ga mugüwa nguxëëtaëgüxü ga Yerucharëüwa ne ixü. Rü Ngechuchuna nacagü, rü ñanagürügu:

² —¿Tüxcüü i curü ngüexügu rü tama nagu naxi i nuxcümaüguü i tóru oxigücüma? ¿Rü tüxcüü tama nayanguxëëgu i ngëma nacüma na Tupanacëx nayauxmëxgüxü naxüpa na naxibüexü? —ñanagürügu.

³ Natürü ga Ngechuchu rü nüxna naca ga yema Parichëgu rü ngüexëëruügu, rü ñanagürü nüxü: —¿Rü tüxcüü i pema rü nüxü pexo i Tupanaärü mu na nagu pëxüxcëx i pecümagütama?

⁴ Erü Tupana rü norü orewa rü ñanagürü:

“¡Tüxü nangeçau ya cunatu rü cue!”

ñanagürü. Rü ngëma orewa rü ñanagürü ta:

“Rü texé ya tümanatümaä rü éxna tümaëmaä guxchigaxe rü name nixi i noxtacüma ngëmacëx tüxü tayuxëë”,

ñanagürü.

⁵ Natürü pema rü ñaperügügu:

“Marü name ega wüxi ya yatü nanatüxü rü naëxü ñaxgu: “Taxucürüwa chorü ngëmaxümaä cuxü charüngüxëë erü guxüma i chorü ngëmaxü rü marü Tupanana çanaxä”,” ñaxgu.

⁶ Rü ngëxguma texé ngëma ñagügu rü pëxcëx rü marü namexü na tama tümanatüxü rü tümaëxü tarüngüxëëxü. Rü ngëmaäcü ipeyanaxoxëë i Tupanaärü mu na nagu pëxüxcëx i pecümagütama.

⁷ Pema nixi i duüxügu i togüpëxëwa rü meä pemaxënetaxü, natürü peäëwa rü chixexügu perüxínüë. Rü aixcüma nixi ga yema ore ga nuxcümaücü ga Tupanaärü orearü uruü ga Ichaxia peçhiga ümatüxü ga ñaxü:

⁸ “Ñaa duüxügu rü naäxmaämare choxü nicuèxüügu. Natürü naäëwa rü tama aixcüma çaugu narüxínüë.

⁹ Rü taxuwama name na ngëmaäcü natüxcëxma choxü yacuèxüüguü. Rü guxüma i norü nguxëëtaë rü yatügüarü mugümare nixi rü tama aixcüma chorü mu nixi”,

ñaxü.

¹⁰ Rü ñuxüchi ga Ngechuchu rü duüxügüxcëx naca, rü ñanagürü nüxü: —¡Meä iperüxínüë i ñaa chorü ore, rü nagu perüxínüë!

¹¹ Ngëma ona i duüxügu ngöxü rü tama ngëma nixi i napecaduäxëëgüxü. Natürü ngëma ore i chixexü i nüxü yaxuxü, rü ngëma waxi nixi i napecaduäxëëgüxü —ñanagürü.

¹² Rü ñuxüchi ga norü ngüexügu rü naxcëx naxi, rü ñanagürügu nüxü: —¿Pa Corix, tama éxna nüxü cucuèx na Parichëguäëwa nangüxü i ngëma ore i namaä nüxü quixuxü? —ñanagürügu.

¹³ Natürü nüma ga Ngechuchu rü nanangaxü rü ñanagürü nüxü: —Guxüma i ngëma nanetü i tama Chaunatu itoxü rü tá nanabëx.

14 Rū nūetama i ngēma Parichéugū, erū namaārū cuèxruūgū i ngexetūxūrū nixīgū. Rū ngēxguma wūxi i ngexetūxū rū naxrūū ngexetūxūmaā inacuèxgu rū ngūrūāchi ngēma taxre rū wūxi i āxmaxūgu tá nūgūmaā nayayicu —ñanagūrū.

15 Rū ñūxūchi ga Pedru rū Ngechuchuna naca, rū ñanagūrū: —¡Tomaā meā nangoxēē na ñūxū ñaxūchiga yūxū i ngēma ore i tomaā nūxū quixuxū! —ñanagūrū.

16 Rū Ngechuchu nanangāxū rū ñanagūrū: —¿Éxna pema rū ta tama nūxū pecuèxgūēga i ngēma ore?

17 ¿Tama ēxna nūxū pecuèx rū guxūma i ngēma òna i duūxūgū ngōxū rū naānūwa naxū, rū yixcama rū ñūxūchi inaxūxū?

18 Natūrū guxūma i ngēma ore i duūxūgū nūxū ixuxū rū naāēwa nixī i ne naxūxū. Rū ngēma ore i chixexū waxi nixī i napedaduāxēēgūxū i ngēma duūxūgū.

19 Erū naāēwa nixī i chixexūgu naxīnūēxū i duūxūgū. Rū ngema ne naxū na namaētaxū, rū to ingexū i ātēxūmaā na inapexū, rū na nangēāēmarexū, rū na nangixū, rū na yadoratēxāxū, rū na naguxchigawēxexū.

20 Rū guxūma i ngēma chixexū waxi nixī i duūxūgūxū pedaduāxēēxū. Natūrū ngēma na tama nayauxmēxgūxū naxūpa na nachibūexū, rū ngēma rū tama nanapecaduāxēē i duūxūgū —ñanagūrū.

*Wūxi ga ngecū ga to ga nachīūānecūāx ga Ngechuchuaxū yaxōxcūchiga
(Mr 7.24-30)*

21 Rū yexguma yēma inaxūāchigu ga Ngechuchu, rū Tiruane rū Chidāūānēārū iānegūwa naxū.

22 Rū Ngechuchuxūtawa ingu ga wūxi ga ngecū ga Canácūāx ga Tiruanegu āchiūcū. Rū tagaācū ngīgūrūgū nūxū: —Pa Cori Pa Dabitanūxū, ¡cuxū changechaūtūmū! Erū chauxacū rū wūxi i ngoxo ngīwa nangēxma i poraācū ngīxū chixewexū —ngīgūrūgū.

23 Natūrū ga Ngechuchu rū tama ngīxū nangāxū. Rū dūxwa ga norū ngūexūgū rū naxcēx naxī, rū Ngechuchuxū nacēēxū, rū ñanagūrūgū: —Pa Corix ¡Ngīmaā nūxū ixu i ngēma nge rū iyaxū, erū tawe iyacaechigū! —ñanagūrūgū.

24 Rū yexguma ga Ngechuchu rū ñanagūrū: —Tupana nūma choxū namu na Yudiūgū i pedaduāxgūxūcēxicatama na chadauxūcēx —ñanagūrū.

25 Natūrū ngīma ga yema nge ga tama Yudiū ixīcū rū Ngechuchucēx iyaxū. Rū napēxegu iyacaxāpūxū, rū ngīgūrūgū nūxū: —Pa Corix ¡choxū rūngūxūē! —ngīgūrūgū.

26 Natūrū Ngechuchu rū ñanagūrū: —Tama name i taxacūgūna tanapu i norū òna na airugūna naxāxūcēx —ñanagūrū. [Rū yema ñanagūrū yerū nūmagū ga Yudiūgū rū nūgū nixigūe na Tupanaxācūgūxūchi yīgūxū rū yema togū rū ñoma airugūna na yixīgūxū.]

27 Natūrū ngīma ga yema nge rū ngīgūrūgū: —Rū aixcūma nixī i curū ore, Pa Corix, natūrū airugū rū ta norū yoraarū ònatūchi i mechawa rūyixū nangōx —ngīgūrūgū.

28 Rū yexguma ga Ngechuchu rū ñanagūrū ngīxū: —Pa Ngecūx, aixcūmaxūchi cuyaxō. Marū tá chanaxū i ngēma cuma cunaxwēxexū —ñanagūrū. Rū yexgumatama ngīxcēx nitaane ga ngīxācū.

Ngechuchu rū nanameēxēē ga muxūma ga idaawexū

29 Rū yemawena ga Ngechuchu rū inaxūāchi ga yema naānēwa, rū naxtaxa ga Garirēacutūwa naxū. Rū ñūxūchi wūxi ga mēxpūnēwa inaxūāchi, rū yēma nayarūto.

30 Rū muxūma ga duūxūgū naxūtawa nangugū. Rū yēma naxūtawa nanagagū ga duūxūgū ga ichixeparagūxū, rū ngexetūgūxū, rū tama idexagūxū, rū chixechacūgūxū, rū muxūma ga togū ga idaawexū. Rū Ngechuchupēxegu nayamugū, rū nūma ga Ngechuchu rū nanameēxēē.

31 Rū ga duūxūgū rū poraācū nabēixāchiāēgū ga yexguma nūxū nadaugūga ga ñūxācū yema noxri tama idexagūxū rū marū na yadexagūxū, rū yema noxri chixechacūgūxū rū marū naxcēx na yataañgūxū, rū yema noxri chixeparagūxū rū marū na nameparagūxū, rū yema noxri ngexetūgūxū rū marū na yadauchigūxū. Rū yemacēx ga duūxūgū rū Tupanaxū nicūēxūgū.

*Ngechuchu nanachibūexēē ga 4000 ga yatūgū
(Mr 8.1-10)*

32 Rū ñūxūchi ga Ngechuchu rū norū ngūexūgūcēx naca, rū ñanagūrū nūxū: —Choxū nangechaūtūmūgū i ñaā duūxūgū, erū marū tomaēxpūx i ngunexū nuā chauxūtawa nangēxmagū, rū nūxū nataxuma i norū òna. Rū taxuacūma ngēmaācūmare nachīūwa chanamugū, erū ngūrūāchi namagu tá nayaturae —ñanagūrū.

33 Rū norū ngūexūgū rū ñanagūrūgū nūxū: —¿Natūrū ngextá tá tanayaxu i òna naxcēx i guxūma i ñaā duūxūgū? Erū taxūema nuxma taxāpata i nuā —ñanagūrūgū.

³⁴ Rū Ngechuchu nūxna naca, rū ñanagürü: —¿Ñuxre i pāu pexü nangēxma i pemax? — ñanagürü. Rū nanangāxügü, rū ñanagürügü: —Toxü nangēxma i 7 i pāu rū noxretama i choxnixācügüxicatama —ñanagürügü.

³⁵ Rū ñuxüchi ga Ngechuchu rū duüxügüxü namu na ñaxtüanewa natogüxüxcèx.

³⁶ Rū nanade ga yema 7 ga pāu rū yema choxnigü. Rū Tupanana moxè naxā. Rū ñuxüchi inanabücu. Rū norü ngüexügüna nanana na duüxügüxü yanuāxüxcèx.

³⁷ Rū guxüma ga duüxügü rū meāma nachibüe. Rū yemawena rū 7 ga pexchigü nanapagüamatama namaā ga yema pāu rū choxnichipēxegü ga íyaxügüxü.

³⁸ Rū yema yéma chibüexü rū 4,000 ga yatügü nixī, natürü ga ngexügü rū buxügü rū tama nayaxugü.

³⁹ Rū yemawena ga Ngechuchu rū duüxügüxü ínimugü. Rū ñuxüchi wüxi ga nguegu nixüe, rū Magadāarü nañewa naxü.

16

Parichéugü rū Chaduchéugü naxcèx ínacagü na nüxü nüxü nadauxēēgüxüxcèx ga wüxi ga cuèxruü ga Tupanaärü poramaā naxüxü (Mr 8.11-13; Lc 12.54-56)

¹ Rū ga Parichéugü rū Chaduchéugü rū Ngechuchuxü ínayadaugü. Rū Ngechuchuna nacagüe na nüxü nüxü nadauxēēgüxüxcèx ga wüxi ga cuèxruü ga Tupanaärü poramaā naxüxü, yerü nüxü naxügüchaümare.

² Natürü nüma ga Ngechuchu rū nanangāxü, rū ñanagürü nüxü: —Pema rū yáuanecü rū ñaperügügü:

“Name tá nixī i moxüärü ngunexü, erü nadautüweane”, ñaperügügü.

³ Rū ngēxguma pēxmama nadautüweanegu rū poraäcü nacaixanegu, rū:

“Nachixe tá nixī i ngunexü” ñaperügügü. Pema nixī i duüxügü i togüpēxewa meā pemaxēnetaxü, natürü chixexügu perüxñüē. Rū pema nüxü pecuèx na penangugüxü i ñuxgu tá nameñexü rū ñuxgu tá nachixeanexü. Natürü ñuxma na yanguxü i ngēma cuèxruügü ga nuxcüma Tupana pemaā ixunetaxü rū tama nüxü pecuèxgüéga na íacüchiga yíixü —ñanagürü.

⁴ Rū ñanagürü ta ga Ngechuchu: —Ñaa duüxügü i chixecümagüxü rū tama yaxögüxü rū naxcèx ínacagü i wüxi i cuèxruü i Tupanaärü poramaā üxü. Natürü yema cuèxruü ga nuxcümaäcü ga Tupanaärü orearü uruü ga Yonáxü ngupetüxürüüxcicatama nadaugü. Rū yexgumarüü na bayenaänüwa na ínaxüxüxü, rū choma rū ichatáxüwa tá íchaxüxü. Rū taxuxütama i to i cuèxruüxü nüxü chadauxēē i ñaa duüxügü —ñanagürü. Rū ñuxüchi nüxna yéma nixü ga Ngechuchu, rū inaxüächi.

Parichéugüarü pāüärü puxēēruüchiga (Mr 8.14-21)

⁵ Rū yexguma naxtaxaarü tocutüwa naxíxgu ga norü ngüexügü, rū nüxü inayarüngümaē na nawemü ta íyangegüxü.

⁶ Rū yexguma ga Ngechuchu rū ñanagürü nüxü: —¡Düxcèx, pexuäégü naxcèx i Parichéugü rū Chaduchéugüarü pāüärü puxēēruü! —ñanagürü.

⁷ Rū yema norü ngüexügü rū inanaxügüe ga nügü na ñagüxü: —Ngēma ñanagürü tüxü, erü tama tawemüta ítingegü —ñanagürügü.

⁸ Natürü ga Ngechuchu rū nüxü nacüexama ga ñuxäcü na yadexagüxü ga norü ngüexügü. Rū yemacèx ñanagürü nüxü: —¿Tüxcüü,

“Tüxü nataxu i tawemü” ñaperügügü? Pema rū tama aixcüma peyaxögü.

⁹ —¿Tama ēxna nüxü pecuèxgüéga rū nüxna pecuèxächie ga yema wüximēxpüx ga pāu ga yema 5,000 ga yatügücèx ichabücuxü? ¿Rü ñuxre ga pexchi penaxüäcuxü namaā ga yema naxchipēxegü ga íyaxügüxü?

¹⁰ —¿Rü tama ēxna nüxna pecuèxächie ga yema 7 ga pāu ga yema 4,000 ga yatügücèx ichabücuxü? ¿Rü ñuxre ga pexchi penaxüäcuxü namaā ga yema naxchipēxegü ga íyaxügüxü?

¹¹ —¿Rü ñuxäcü nixī i tama nüxü pecuáxü i tama pāüchiga na chidexaxü i ngēxguma ñachagu:

“¡Pexuäégü naxcèx i Parichéugü rū Chaduchéugüarü pāüärü puxēēruü!” ñachagu? — ñanagürü ga Ngechuchu.

¹² Rū yexguma ga norü ngüexügü rū nüxü nacüexgü ga tama pāüärü puxēēruüchiga na yadexaxü ga Ngechuchu, natürü Parichéugü rū Chaduchéugüarü ngüxēētaechiga na yíixü ga na yadexaxü.

Pedru nanangoxēē na Cristu na yíixü ga Ngechuchu (Mr 8.27-30; Lc 9.18-21)

13 Rū yexguma Checharéa ga Piripuaneārū ngaicamana nanguxgu ga Ngechuchu, rū norū ngúexǵúma naca, rū ñanagǵrū: —ǵÑuxū ñaxū i duǵxǵgū i chauchiga na texé chǵǵxū i chomax? —ñanagǵrū.

14 Rū nūma ga norū ngúexǵgū rū nanangǵxū rū ñanagǵrǵgū: —Nangǵxma i duǵxǵgū rū: “Cuǵǵ ya baiǵxǵǵrū quixǵ” ñagǵxū. Rū togū i:

“Ería quixǵ” ñagǵxū. Rū togū i:

“Yeremiǵ quixǵ” ñagǵxū. Rū togū rū:

“Wǵxi ga nuxcǵmaǵcǵ ga Tupanaārū orearū uruǵ quixǵ” ñagǵxū —ñanagǵrǵgū.

15 Rū yexguma ga Ngechuchu rū nūxna naca rū ñanagǵrū: —ǵRū pema i ñuxū ñapeǵǵxū choxǵ na texé chǵǵxū? —ñanagǵrū.

16 Rū Chimáú ga Pedru nanangǵxū, rū ñanagǵrū nūxū: —Cuma nixǵ i Cristu ya Tupana ya maxǵcǵ Nane quixǵ —ñanagǵrū.

17 Rū Ngechuchu nanangǵxū rū ñanagǵrū nūxū: —Cuma rū aixcǵma cutaǵǵ, Pa Chimáúx, Pa Yonǵ Nanex, erū taxuǵma i duǵxǵ nixǵ i cuxǵ nūxǵ cuǵǵǵǵxū i ngǵma, natǵrū Chaunatǵ ya daxǵgǵcǵ nixǵ ya cuxǵ nūxǵ cuǵǵǵǵxū na Nane chǵǵxū.

18 —Rū choma cumaǵ nūxǵ chixu rū cuma rū Pedru quixǵ. Rū ngǵma cuǵga rū “nuta” ñaxǵchiga nixǵ. Rū cuma tá nixǵ i chorū duǵxǵǵarū dauruǵ quixǵ. Rū Chatanǵ rū tǵtǵtama nūxǵ narǵyexera i ngǵma chorū duǵxǵgū.

19 —Rū choma rū tá cuxna chanaxǵ i chorū ore na duǵxǵǵumaǵ nūxǵ quixuxǵcǵx na nūxǵ nacǵǵǵǵcǵx na ñuxǵcǵ daxǵgǵxū i naǵnewa nangugǵxū i ngǵxtǵ Tupana ǵǵǵgacǵ ǵǵǵǵwa. Rū yǵxema tama cuxǵ irǵǵǵnǵǵǵǵ i ngǵma ore rū tǵtǵtama ngema tichocu. Natǵrū yǵxema meǵ cuxǵ irǵǵǵnǵǵǵǵ i ngǵma ore rū aixcǵma ngema Tupana ǵǵǵgacǵ ǵǵǵǵwa tá tangugū —ñanagǵrū.

20 Rū yexguma ga Ngechuchu rū norū ngúexǵǵumaǵ nūxǵ nixu, rū ñanagǵrū: —ǵTaxǵmaǵtǵtama nūxǵ pixu na choma rū Cristu chǵǵxū! —ñanagǵrū.

Ngechuchu nanaxunagǵ ga norū yuxchiga

(Mr 8.31-9.1; Lc 9.22-27)

21 Rū yemawena inanaxǵgū ga norū ngúexǵǵumaǵ nūxǵ na yaxuxǵ ga tacǵ tá nūxǵ na ũpetǵxǵ. Rū ñanagǵrū: —Choma rū Yerucharǵtǵwa tá chaxǵ, rū ngema poraǵcǵ ngǵxǵ tá choxǵ ñingǵǵǵgū. Rū choxǵ tá nimǵǵgū i Yudiǵǵarū ǵǵgacǵǵǵerugū rū paǵǵarū ǵǵǵgacǵgū rū ngúexǵǵrǵgū i ore i mugǵwa ngǵǵǵǵǵǵǵ. Natǵrū tomaǵǵpǵx i ngunexǵ ngupetǵgū rū wena táxarū chamaxǵ —ñanagǵrū.

22 Rū yexguma ga Pedru rū nūxǵca noxrǵwama Ngechuchuxǵ naga, rū inanaxǵgū ga na naxucǵǵǵǵxū, rū ñanagǵrū: —Pa Corix, Tupana rū tama nanaxwǵxe na ngǵmaǵcǵ quidexaxǵ. Rū tǵtǵtama ngǵmaǵcǵ cuxǵ nangupetǵ i cumax —ñanagǵrū.

23 Natǵrū ga Ngechuchu rū Pedrucǵx nadaueǵuǵchi, rū ñanagǵrū nūxǵ: —ǵChoxna ǵǵǵgachi, Pa Chatanǵx, erū chixexǵgū choxǵ cungǵǵǵǵǵ! Rū tama Tupana naga rūǵǵǵǵgū curǵǵǵnǵ, rū yatǵǵǵ naga rūǵǵǵǵǵumare curǵǵǵnǵ i cumax —ñanagǵrū.

24 Rū yexguma ga Ngechuchu rū norū ngúexǵǵgǵxū ñanagǵrū: —Rū ngǵǵguma texé chowe rūǵǵǵǵǵǵgū, ǵǵcǵ nūxǵ tarǵxo i tǵmaārū ngǵchaǵ, rū namaǵ tapora i ngǵma guxchaxǵǵgū i tǵmacǵx ǵngǵxū i ñoma curuchawa tipotaxǵrǵrǵ tǵxǵ ǵǵǵǵǵǵxū, rū ngǵmaǵtǵwa chowe tarǵǵǵǵma!

25 Erū yǵxema tǵgū maxǵchaxǵǵǵǵǵǵxē rū tá tayu. Natǵrū yǵxema chauxcǵx yǵxe rū aixcǵma tá tǵxǵ nangǵxma i maxǵ i taguma gǵxǵ.

26 Rū ǵTǵcǵwa i nūxǵ namexǵ ya wǵxi ya yatǵ ega nayauǵǵgū i guxǵma i ñoma i naǵǵǵrū ngǵmaxǵgū, natǵrū ǵyanatauxǵǵǵgū i norū maxǵ? Erū taxucǵrǵwama wǵxi ya yatǵ rū norū dǵǵumaǵ naxcǵx nataxe i norū maxǵ.

27 Erū choma i Tupana Nane na duǵxǵxǵ chǵǵxū rū wena táxarū nūma chaxǵ. Rū ngǵǵguma rū Chaunatǵ ya Tupanarǵrǵ tá ǵǵǵgacǵ chixǵ, rū daxǵcǵǵǵx i orearū ngerǵǵǵumaǵ tá ǵchangu. Rū ngǵǵguma tá nixǵ i nūxǵ chanaxǵtanǵxǵ i wǵxichigǵ i duǵxǵǵgū i ngǵma ñuxǵcǵ chauxcǵx na namaxǵǵrǵrǵǵcǵma maxǵxǵ.

28 Rū aixcǵma pemaǵ nūxǵ chixu rū nangǵxma i ñuxre i duǵxǵǵgū i nūma ngǵǵmagǵxū rū tǵtǵtama nayu ñuxmatǵtǵ choxǵ nadaugū na yuwa ǵcharǵdaxǵ rū aixcǵma ǵǵǵgacǵ ya poracǵ na chǵǵxū —ñanagǵrū ga Ngechuchu.

17

Ngechuchu rū toraxǵǵcǵ nangǵx

(Mr 9.2-13; Lc 9.28-36)

1 Rū 6 ga ngunexǵguwena rū Ngechuchu ǵnayagǵgū ga Pedru rū Chaǵtǵǵgū rū Cuǵǵ ga Chaǵtǵǵgueneǵ. Rū nūxǵcatama wǵxi ga mǵxpǵnewa noxrǵwama namaǵ naxǵ.

² Rū yéma yema ngúexǔgǔpéxewa rū toraxǔdácū nangox ga Ngechuchu. Rū üèxcürǔü nixǐ ga nachiwe ga na yayauracǔxǔ. Rū naxchiru rū ta üèxcüemarǔü nixǐ ga na nangóonexèèǎxǔ.

³ Rū ngǔrǔāchi yéma naxcèx nangoxgǔ ga Moǐché rū Eria. Rū Ngechuchumaā yéma nidexagǔ.

⁴ Rū yexguma ga Pedru rū ñanagǔrǔ Ngechuchuxǔ: —Pa Corix, name nixǐ nuā tangèxmagǔ. Rū ngèxguma cunaxwèxegu rū tá tanaxǔ ya tomaèxpǔx ya düxenü, rū wǔxi ya cuxcèx, rū nái ya Moǐchécèx, rū nái ya Eriacèx —ñanagǔrǔ.

⁵ Rū yexguma íyadexayane ga Pedru rū wǔxi ga caixanexǔ ga nangóonexèèxǔ rū natanǔgu nayangaixema. Rū yema caixanexǔwa inanaxǔ ga wǔxi ga naga ga ñaxǔ: —Daa nixǐ ya Chaune ya nüxǔ changechaǔxǔchicǔ rū namaā chataāèxǔchicǔ. ¡Rū naga pexǐnǔe! —ñanagǔrǔ.

⁶ Rū yexguma yemaxǔ naxǐnǔègu ga yema ngúexǔgǔ, rū ñaxtǔanegu nanangǔcuchiāchitanǔ, yerǔ poraācǔ namuǔè.

⁷ Natǔrǔ ga Ngechuchu rū naxcèx nixǔ, rū nüxǔ nayarǔngǔgǔ, rū ñanagǔrǔ nüxǔ: —¡lpechigǔ rū táxǔ ipemuǔèxǔ! —ñanagǔrǔ.

⁸ Rū yexguma wenaxǔrǔ nadaunagǔtanǔgu, rū Ngechuchuxǔxǐcatama nadaugǔ rū taxúema ga toguexǔ nadaugǔ.

⁹ Rū yexguma ínaxǔgǔga ga guma mèxpǔnewa, rū Ngechuchu nayaxucǔxègǔ ga taxúemaāma na nüxǔ yaxugǔexǔcèx ga yema yéma nüxǔ nadaugǔxǔ, ñuxmatáta yuwa ínadaxgu rū wena namaǔxgu.

¹⁰ Rū ñuxǔchi ga yema ngúexǔgǔ rū Ngechuchuna nacagǔ, rū ñanagǔrǔgǔ: —¿Tǔxcǔü i ngèma ngúexèerǔgǔ i ore i mugǔwa nguxèetaegǔxǔ rū ñanagǔrǔgǔ:

“Eria tá nixǐ ya nüxǐra cuxǔpa nuā ücü?” ñanagǔrǔgǔ.

¹¹ Rū Ngechuchu nanangǎxǔ, rū ñanagǔrǔ: —Aǐxcǔma nixǐ i Eria na nüxǐra tá núma naxǔxǔ na chauxǔpa Tupanacèx yamexèèǎxǔcèx i duǔxǔgǔ.

¹² Natǔrǔ choma pemaā nüxǔ chixu, rū Eria rū marǔ núma naxǔ, natǔrǔ duǔxǔgǔ rū tama nüxǔ nacuèxgǔ na texe yǐxǔ. Rū yemacèx chixri namaā nachopetǔ. Rū ngèxgumarǔü tá ta nixǐ na chixri tá chomaā nachopetǔxǔ i duǔxǔgǔ —ñanagǔrǔ.

¹³ Rū yexguma ga yema ngúexǔgǔ rū nüxǔ nicuèxǎchitanǔ ga Cuáü ga baiǔxèerǔüchiga na yǐxǔ ga yema Ngechuchu namaā nüxǔ ixuxǔ.

Ngechuchu rū nanamexèè ga wǔxi ga bucü ga ngoxo nawa yexmacü

(Mr 9.14-29; Lc 9.37-43)

¹⁴ Rū yexguma duǔxǔgǔ íyexmaxǔwa nangugǔgu, rū wǔxi ga yatǔ Ngechuchucèx nixǔ. Rū napèxegu nayacaxǔpǔxǔ rū ñanagǔrǔ nüxǔ:

¹⁵ —Pa Corix, ¡nüxǔ nangechaǔ ya chaune rū naxcèx yataanexèè! Erǔ muèxpǔxcǔna rū naxǎüāèxǔ, rū poraācǔ nüxǔ nangux. Rū muèxpǔxcǔna rū üxǔxetǔgu nayanguxèè, rū èxna dexágu.

¹⁶ —Rū nuā curǔ ngúexǔgǔxǔtawa chanaga, natǔrǔ númagǔ rū tama nüxǔ nacuèxgǔ na namexèègǔǎxǔ —ñanagǔrǔ.

¹⁷ Rū yexguma Ngechuchu nanangǎxǔ, rū ñanagǔrǔ nüxǔ ga yema duǔxǔgǔ ga yéma yexmagǔxǔ: —Pa Duǔxǔgǔ i Tama Yaxǔgǔxǔ i Chixri Maxèxǔx, ¿ñuxgurátata i pemaā chanuxmaxǔ rū yaxna pemaā chaxǐnǔxǔ? ¡Nuā penaga ya yima bucü! —ñanagǔrǔ.

¹⁸ Rū Ngechuchu nananga ga yema ngoxo ga guma bucüwa yexmaxǔ. Rū yemaācü ínatèxǔchi ga yema ngoxo. Rū yexgumatama naxcèx nitaane ga guma bucü.

¹⁹ Rū yemawena ga norǔ ngúexǔgǔ rū noxrǔwama Ngechuchumaā nidexagǔ. Rū nüxna nacagǔe, rū ñanagǔrǔgǔ nüxǔ: —Pa Corix, ¿tǔxcǔü i toma rū taxuacǔma ínatèxǔchi i ngèma ngoxo? —ñanagǔrǔgǔ.

²⁰ Rū Ngechuchu nanangǎxǔ, rū ñanagǔrǔ nüxǔ: —Pema rū taxuacǔma ínatèxǔchi erǔ tama aǐxcǔma peyaxǔgǔ. Rū aǐxcǔma pemaā nüxǔ chixu, rū ngèxguma chí woo wǔxi ya motachahirerǔxǔ naxiraxǔchigu i perǔ õ, rū chí daa mèxpǔnemaā nüxǔ pixuxgu na yaxǔgachixǔcèx, rū chí pega naxǐnǔ. Rū taxuxǔ chima pexǔ naguxcha ega aǐxcǔma peyaxǔgǔgǔ.

²¹ —Natǔrǔ ñaǎrǔü i ngoxo rū tama ínaxǔxǔ ega tama íxaureācǔma iyumǔxègu —ñanagǔrǔ.

Ngechuchu rū wenaxǔrǔ nanaxunagǔ ga norǔ yuxchiga

(Mr 9.30-32; Lc 9.43-45)

²² Rū yexguma norǔ ngúexǔgǔmaā Gariréaarǔ naānegu yaxǔxgu ga Ngechuchu, rū norǔ ngúexǔgǔmaā nüxǔ nixu, rū ñanagǔrǔ: —Choma ya Tupana Nane na duǔxǔxǔ chíxǔ, rū chixri tá chomaā nachopetǔ rū àèxgacǔgǔna tá choxǔ namugǔ i duǔxǔgǔ.

²³ –Rü tá choxü nimèxgü, natürü tomaëxpüx i ngunexüguwena rü wena táxarü chamaxü –ñanagürü. Rü yexguma yema orexü naxínüëgu ga norü ngúexügü, rü poraäcü nangechaügü.

Ngechuchu ngixü naxütanü ga yema diëru ga tupauca ga taxüñecèx ngixü nayauxgücü

²⁴ Ngechuchu rü norü ngúexügümaä Capernáüärü íañewa naxí. Rü yexguma yéma nangügü rü Pedruxü ínayadaugü ga yema yatügü ga tupauca ga taxüñecèx diëru ngixü yaxügüxü. Rü Pedruna nacagüe rü ñanagürügü: –¿Yima curü Cori rü tama éxna ngixü naxütanü i ngéma diëru i tupauca ya taxüñeärü íxícü? –ñanagürügü.

²⁵ Rü Pedru nanangäxü, rü ñanagürü: –Ngemáäcü nanaxütanü –ñanagürü. Rü yixcama ga yexguma íxgu naxücuxgu ga Pedru, rü Ngechuchuxira Pedrumaä nidexa, rü ñanagürü nüxü: –¿Ñuxü ñacuxü i cumax, Pa Pedrux, rü ngextá nixí i nayauxgüäxü i norü diëru i guxü i nachüñeärü äëxgacügü? ¿Cuxcèx i nügütanüwatama rü éxna togü i duñxügütanüwa? –ñanagürü.

²⁶ Rü Pedru nanangäxü, rü ñanagürü: –Maneca togü i duñxügütanüwa nixí i nayauxgüäxü –ñanagürü. Rü ñuxüchi Ngechuchu nanangäxü rü ñanagürü: –Rü ngéxguma ngémaäcü yixügu, rü yixema na Tupanaärü íxügüxü rü taxucèxma tanaxütanügü.

²⁷ –Natürü ngéma na taxüema tamaä nuxücèx, rü chanaxwèxe i cuyaxütanü i ngéma diëru. ¡Rü yéa naxtaawa naxü, rü ngéma yapoxwaxe! ¡Rü ngéma nüxíraüxü i choxni i cunapoxwaüxü rü naäxwa tá nüxü icuyangau i wüxi i diëru i nagu mexü na yangutanüëëxücèx i chauxcèx rü ta! ¡Rü tupauca ya taxüñewa nange i ngéma diëru, rü yaxütanü! –ñanagürü.

18

¿Texé tá tixí ya guxäärü yexera íxíxé?

(Mr 9.33-37; Lc 9.46-48)

¹ Rü yexguma ga norü ngúexügü rü Ngechuchucèx naxí rü nüxna nacagü, rü ñanagürügü: –¿Pa Corix, texé tá tixí ya guxüärü yexera íxíxé i ngéma Tupana äëxgacü íxíxüwa? –ñanagürügü.

² Rü yexguma ga Ngechuchu rü wüxi ga buxücèx naca, rü norü ngúexügüarü ngäxütanügu nanachixéë.

³ Rü ñuxüchi ñanagürü nüxü: –Dücèx, Pa Chorü Ngúexügüx, aixcüma pemaä nüxü chixu, rü ngéxguma tama nüxü perüxoegu i ngéma na togüarü yexera pegü pixügüxéëchaüxü rü ñuxüchi tama ñaä buxürüü pegü íperüxíragu, rü taxucürüwa pichocu i ngextá Tupana äëxgacü íxíxüwa.

⁴ –Rü aixcüma yíxema tügü íruxíraxe rü ñaä buxürüü íxíxé, rü yíxema tá tixí ya guxüärü yexera íxíxé i ngextá Tupana äëxgacü íxíxüwa.

⁵ –Rü texé ya chauéëgagu meä nayaxúxe i wüxi i buxü i ñaärüü íxíxü rü choxü nixí i tayaxuxü.

Naxücüma nixí na pecadugu inguxü

(Mr 9.42-48; Lc 17.1-2)

⁶ –Rü texé ya pecadugu nanguxéëxé i wüxi i ñaä buxügü i choxü yaxögüxü rü tümacèx rü narümemaë chí nixí na noxtacüma wüxi ya nuta tümanaäwa nayangacuchixü, rü ñuxüchi ngémaäcü taxtüchiüwa tüxü nayarütáexü na ngéxma tayuxücèx.

⁷ –Ñoma i naañecüäx i duñxügücèx rü wüxi i taxü i ngechaü nixí na nangéxmaxü i muxüchixü i tacü i pecadugu nayixéëxü. Rü guxügüma tá nangéxma i ngéma chixexügü, natürü wüxi i ngechaüxüchi tá nixí naxcèx i ngéma yatü i togüxü pecadugu nguxéëxü.

⁸ –Rü ngémacèx i ngéxguma chí cuxmèx rü éxna cucutü pecadugu cuxü nguxéëgu, rü name nixí i noxtacüma ícnadae rü yaxügu cuyaña. Erü narümemaë nixí i cuboxméxácüma rü éxna cubocutüácüma na cunayaxuxü i curü maxü na tama guxüne ya cuxméxmaä rü éxna guxüne ya cucutümaä üxü ya tagama ixoxüñewa quitèxcuchixücèx.

⁹ –Rü ngéxguma chí cuxetü pecadugu cuxü nguxéëgu, rü name nixí i ícnacaxüchi, rü yaxügu cunaña. Erü narümemaë nixí i wüxixetümaä na cunayaxuxü i curü maxü na tama guxüne ya cuxetümaä üxü ya ngoxogü nagu poxcuenewa na quitèxcuchixücèx. [Rü ngémaäcü woo cuxü naguchagu, natürü name nixí i nüxna quixügachi i guxüma i ngéma chixexügü i nagu cunguchaüxü.]

Ore ga carneru ga íyarütaxuxügu íxuxü

(Lc 15.3-7)

¹⁰ –Rü tama name i nüxü pexoox i wüxi i buxü i ñaärüü choxü yaxöxü. Erü ngéma norü dauruügü i orearü ngeruügü i daxücüäx rü guxügüma Chaunatü ya daxügucüpéxewa nangéxmagü na ngéma ngéma buxüñetüwa nachogüxücèx.

11—Rü choma i Tupana Nane na duñxũxũ chiĩxũ rü núma chaxũ na chanamaxẽxẽxũcẽxẽ duñxũgũ iyarũtauxexũ.

12—¿Rü ñuxũ ñapegũxũ i pema ega wũxi ya yatũ rü nüxũ nangẽxmagu i 100 i carnerugũ rü wũxi nüxũ iyarũtauxgu? ¿Taux êxna i nachitaũgu namugũãxũ i ngẽma 99, rü ñuxũchi naxcẽx yadauxũ i ngẽma nüxũ iyarũtauxũ?

13—Rü ngẽxguma nüxũ iyanguxgu, rü namaã nataãẽxũchi i ngẽma norũ carneru. Rü woo guxtũguma namaã nataãẽ i ngẽma 99 i tama iyarũtauxexũ, natũrũ yexeraãcũxũchi namaã nataãẽ i ngẽma wũxi i iyarũtauxũ, erũ marũ nüxũ inayangau.

14—Rü ngẽxgumarũ ta nixĩ ya Penatũ ya daxũgucũ na tama nanaxwẽxexũ na wũxi i ñãã buxũ na iyarũtauxũ.

*Ñuxãcũ tamũcũxũ na ingechaũxũchiga
(Lc 17.3)*

15—Rü ngẽxguma cueneẽ chixexũ cumaã ùxgu, rü name nixĩ i nüxĩcatama namaã quidexa, rü nüxna nüxũ cucuẽxãchixẽẽ i ngẽma norũ chixexũ i cumaã naxũxũ. Rü ngẽxguma cuga naxĩnũgu, rü marũ wenaxarũ mexũcẽx cunataeguxẽẽ i ngẽma cueneẽ.

16—Natũrũ ngẽxguma tama cuga naxĩnũgu i ngẽma cueneẽ, rü name nixĩ i naxcẽx cuca i wũxi rü êxna taxre i duñxũgũ na númagũ rü ta namaã yadexagũxũcẽx i ngẽma cueneẽ.

17—Rü ngẽxguma rü ta tama nüxũ inaxĩnũgu i ngẽma taxre i duñxũgũarũ ore, rü name nixĩ i guxũ i yaxõgũxũmaã nüxũ quixu na ngẽma cueneẽmaã yadexagũxũcẽx. Rü ngẽxguma rü ta tama nüxũ inaxĩnũgu i ngẽma yaxõgũxũãrũ ore, rü name nixĩ i wũxi i duñxũ i tama yaxõxũrũũgu namaã curũxĩnũ.

18—Rü aixcũma pemaã nüxũ chixu rü yixema núma ñoma i naãnewa tama pexũ irũxĩnũxẽ i chorũ ore rü tãũtãma Tupana ãẽxgacũ iixĩxũwa tichocu. Natũrũ yixema meã pexũ irũxĩnũxẽ i ngẽma ore rü aixcũma ngema tá tangu.

19—Rü pemaã nüxũ chixu rü ngẽxguma chi taxre i pema i núma ñoma i naãnewa rü wũxigu ñacũcẽx ipecaxgu i Chaunatũ ya daxũgucũxũtawã, rü núma ya Chaunatũ rü tá pexna nanaxã.

20—Erũ ngẽma ngextã taxre rü êxna tomaẽxpũx i duñxũgũ chauéagau íngutaquẽxexũtwa, rü choma rü ta norũ ngãxũtanũwa changẽxma—ñanagũrũ.

21 Rü yexguma ga Pedru rü Ngechuchucẽx nixũ, rü nüxna naca, rü ñanagũrũ: —¿Pa Corix, ngẽxguma chaueneẽ chixexũ chomaã ùxgu, rü ñuxreẽxpũxcũna i namexũ na nüxũ nüxũ changechaũxũ naxcẽx i ngẽma chixexũ i chomaã naxũxũ? ¿Rü marũ namexũ i cuxcẽx ega 7 êxpũxcũna yixĩgu na nüxũ nüxũ changechaũxũ?—ñanagũrũ.

22 Rü Ngechuchu nanangãxũ rü ñanagũrũ: —Tama name i 7 êxpũxcũnaxĩcatama nüxũ nüxũ cungechaũ. Natũrũ guxũgutãma nixĩ i nüxũ nüxũ na cungechaũxũ woo 70 êxpũxcũna i 7 wa nangu—ñanagũrũ.

Ore ga ãẽxgaciãrũ duñxũ ga tama namũcũaxũ nüxũ ngechaũxũ ga norũ ngetanũgu ixixũ

23 Rü Ngechuchu rü ñanagũrũ: —Rü ngẽma Tupana na ãẽxgacũ iixĩxũ, rü ñoma wũxi ga nachĩũãneãrũ ãẽxgacũ ga norũ duñxũgũ ga nüxũ nangetanũgũxũmaã namexẽẽchaũxũrũ rü nixĩ.

24—Rü yexguma inaxũgũãgu ga meã nüxũ na yadaugũxũ ga yema nüxũ nange-tanũgũxũpane, rü naxũtawã nanagagũ ga wũxi ga norũ duñxũ ga taxũchicũ ga dẽru nüxũ ngĩxũ ngetanũxũ.

25—Natũrũ ga yema norũ duñxũ rü nangearũ dẽruãx, rü taxuacũma norũ cori ga ãẽxgacũaxũ nanaxũtanũega. Rü yemacẽx ga yema ãẽxgacũ rü norũ churaragũxũ namu na to ga corixũ namaã nataxegũxũcẽx ga yema yatũ, wũxigu tũmamaã ga naxmẽx rü naxãcũgũ rü norũ yemaxũgũ, na yema natanũ ga dẽrumaã naxũtanũãxũcẽx ga norũ ngetanũ.

26—Rü yexguma ga yema norũ duñxũ rü norũ ãẽxgacũpẽxegu nacaxãpũxũ, rü nüxũ nacẽxũ, rü ñanagũrũ:

“Pa Corix jchoxũ nangechaũ! Rü marũ tá chapuracũ, rü tá cuxũ chanaxũtanũ i guxũma”, ñanagũrũ.

27—Rü yema norũ ãẽxgacũaxũ nangechaũtũmũũ, rü yemacẽx namaã nüxũ nixu ga marũ tama nüxũ na naxũtanũãxũcẽx ga yema norũ ngetanũ. Rü ñuxũchi ínananguxuchixẽẽ.

28—Natũrũ yexgumatama yema ãẽxgacũxũtawã inaxũũxgu ga yema yatũ, rü nüxũ inayangau ga wũxi ga namũcũ ga írarũwatama nüxũ nangetanũxũ. Rü yema yatũ rü nüxna natũxũe, rü nananũxnaxã, rü ñanagũrũ nüxũ:

“jChoxũ ngixũ naxũtanũ i ngẽma dẽru i ngĩxũ cungetanũcũ!” ñanagũrũ.

29—Rü yexguma ga yema namũcũ rü yema yatũpẽxegu nacaxãpũxũ, rü nüxũ nacẽxũ, rü ñanagũrũ:

“Pa Chomũcũx, jchoxũ nangechaũ! Rü marũ tá chapuracũ, rü tá cuxũ chanaxũtanũ i guxũma”, ñanagũrũ.

³⁰ —Natürü ga yema yatü rü tama nüxü nacuáxchañ ga yema ore. Rü poxcupataügu tüxü napoxcuama ñuxmata nüxü tanaxütanü ga yema tümaärü ngetanü.

³¹ —Rü yexguma togü ga yema äëxgacüarü duñxügü nüxü daugügu ga yema ngupetüxü, rü poraäcü naäëwa nangux ga yema naxüxü ga yema yatü. Rü norü corixütawa naxü rü nüxü nayarüxugüe ga guxüma ga yema ngupetüxü.

³² —Rü yexguma ga yema äëxgacü rü nanamu ga norü churaragü na naxütawa nagagüäxücëx ga yema yatü. Rü yexguma naxütawa nanguxgu, rü ñanagürü nüxü:

“Wüxi i chixexü i chorü duñxü quixü. Choma rü cuxü nüxü changechañ ga yema choxü cungetanüxü, erü choxü cucëexü na tama cuxü chapoxcuxütcëx.

³³ —Rü cuma rü chita nüxü nüxü cungechañ i ngëma cumücü i cuxü nangetanüxü, yexgumarüü ga choma rü cuxü nüxü na changechañxürüü ga yema choxü cungetanüxü”, ñanagürü nüxü.

³⁴ —Rü poraäcü nanuxüchi ga yema äëxgacü. Rü norü churaragüxü namu na napoxcugüäxücëx ga yema yatü ñuxmata guxü nüxü naxütanü ga yema nüxü nangetanüxü —ñanagürü ga Ngechuchu.

³⁵ Rü ñuxüchi ñanagürü ta: —Rü ngëxgumarüü tá pemaã nanaxü ya Chaunatü ya daxügücü i ngëxguma tama wüxichigü aixcüma peenexëgüaxü nüxü perüngümaegu i ngema chixexü i pemaã naxüxü —ñanagürü.

19

*Parichéugü rü Ngechuchuna nacagüe i táxmëxchiga
(Mr 10.1-12; Lc 16.18)*

¹ Rü yema ñaxguwena ga Ngechuchu rü inaxüächü ga Gariréaarü naänewa. Rü natü ga Yudañärü tocutüwa naxü ga Yudeaarü naänewa.

² Rü muxüma ga duñxügü nawe narüxü, rü nüma ga Ngechuchu rü yéma nanameëxëë ga yema idaaweexü.

³ Rü Ngechuchucëx naxü ga ñuxre ga Parichéugü, rü nüxna nacagü rü ñanagürügü: —¿Cuxcëx namexü i wüxi i yatü na inatáxmëxmarexü ega tacü rü chixexü taxüxgu ya naxmëx? —ñanagürügü. Rü yemaäcü nüxna nacagü yerü Ngechuchuxü chixexügu nanguxëëgüchañ.

⁴ Rü Ngechuchu nanangäxü rü ñanagürü: —¿Taguma ëxna nawa pengüe i ngëma Tupanaärü ore i ümatüxü i nüxü ixuxü ga noxri Tupana naxüxgu ga duñxügü, rü yatüxü rü ngeçüxü na naxüxü?

⁵ —Rü ñanagürü ga Tupana:
“Rü ngëmacëx ya yatü rü tá nanatü rü naëna nixügachi na namëxmaã inaxäxütcëx. Rü ngëmaäcü i ngëma taxre rü ñoma wüxitama i duñxürüü tá nixügu”.

⁶ —Rü ñuxüchi tama taxre nixü, rü wüxitama nixü. Rü ngëmacëx taxucürüwa texé nüguna tayaxügachitanüxëë i ngëma taxre i Tupana nüguna mugüxü —ñanagürü.

⁷ Rü yexguma Ngechuchuna nacagü rü ñanagürügü: —¿Tüxcüü nixü ga Moiché ga duñxügümaã nüxü yaxuxü rü ngëxguma texé tümamëxü ítáxchañgu rü name nixü i wüxi i popera i tëxgüpane ngüxna taxä, rü ñuxüchi ngüxü ítatëx? ñaxü —ñanagürügü.

⁸ Rü Ngechuchu nanangäxü, rü ñanagürü nüxü: —Pegagu nixü ga Moiché ga tama pexna nachüxäxü na pexmëxü ípetáxü. Yerü nüma nüxü nacüex na tama aixcüma peyaxögüxü. Natürü noxriarü ügügu rü tama yemaäcü nixü.

⁹ —Rü choma pemaã nüxü chixu rü tama name na texé tümamëxü ítáxü ega tama nañ ya yatümaã nangëäxüdgagu yixügu. Rü ngëxguma chi yima yatü rü ñuxüchi nañ i ngemaã naxäxmëxü, rü chixexü naxü, rü ñoma nañ i ngemaãmare nangëäxüdüü nixü. Rü texé ya ngümaã ämaxë i ngëma nge i ngüte ngüxü ítëxcü, rü ñoma nañ i ngemaãmare itapexürüü tixü —ñanagürü ga Ngechuchu.

¹⁰ Rü ñuxüchi ga norü ngüexügu rü ñanagürügü nüxü: —Ega ngëmaäcü yixügu rü name nixü i noxtacüma tama naxämëx ya yatü rü tama ixäte i nge —ñanagürügü.

¹¹ Rü Ngechuchu norü ngüexügüxü nangäxü rü ñanagürü: —Taxucürüwa guxüma i duñxügü nüxü nacüex i tacüchiga na yixü i ngëma nguxëëtae. Natürü yixema Tupana tüxü nüxü cuëxëxëxatama tixü ya nüxü cuëxgüxe.

¹² —Rü nangëxma i nagüxürañxü i guxchaxü na tama naxämëxücëx ya yatü. Erü nümaxü i yatü rü woetama taxucürüwa naxämëx erü norü bucüma nangepüxüchare. Rü nümaxü i yatü rü taxucürüwa naxämëx erü nayauxpüxücharee. Rü togü tama naxämëx erü Tupanaärü ngüchañxatama naxügüchañ. Rü texé ya ngëmaäcü maxchañxë rü marü name i ngëmaäcü tamaxü —ñanagürü ga Ngechuchu.

*Ngechuchu rü buxügüxü nameäxë
(Mr 10.13-16; Lc 18.15-17)*

¹³ Rū duñxügü rü Ngechuchuxütawa nanagagü ga ñuxre ga buxügü na Ngechuchu nuxü ingögüxcèx rü namaã nayumüxcèx. Natürü ga Ngechuchuarü ngüexügü rü inanaxügüe ga na yangagüãxü ga yema duñxügü ga Ngechuchuxütawa buxügüxü gagüxü.

¹⁴ Natürü ga Ngechuchu rü ñanagürü nuxü ga norü ngüexügü: —Marü name i chauxütawa naxi i buxügü. ¡Rü täxü i nüxna penachuxuxü! Erü Tupana ãëxgacü ííxüwä rü tümacèx nixi ya yíxema ñã buxügürü meã yaxögüxe —ñanagürü.

¹⁵ Rū ñuxüchi ga Ngechuchu rü yema buxügüétü naxümëx. Rū yemawena inaxüãchi ga yéma.

*Wüxi ga ngextüxcü ga dïeruãxüchicü Ngechuchumaã nidexa
(Mr 10.17-31; Lc 18.18-30)*

¹⁶ Rū wüxi ga ngextüxcü rü Ngechuchuxütawa nangu, rü nüxna naca, rü ñanagürü: —Pa Ngüexëruü ya Mecüx, ¿facü tá chaxüxü na chanayaxuxücèx i maxü i taguma güxü? —ñanagürü.

¹⁷ Rū Ngechuchu nanangãxü rü ñanagürü nuxü: —¿Tüxcü “Mecü” ñacurügü choxü? Erü Tupanaxicatama nixi ya mecü íxü, rü nataxuma i to. Natürü ngëxuma cunayauxchaügu i maxü i taguma güxü, rü ¡naga naxinü i Tupanaãrü mugü! —ñanagürü.

¹⁸ Rū yexguma ga guma ngextüxcü rü ñanagürü: —¿Ngëxürüüxü tá nixi i Tupanaãrü mugü i naga chaxinüxü? —ñanagürü. Rū Ngechuchu nanangãxü rü ñanagürü nuxü: —¡Tãütáma cumáeta, rü tãütáma naí i ngemaã icupe, rü tãütáma cungtëex, rü tãütáma doraxü quixu i togüchiga!

¹⁹ —¡Rü tümaga naxinü ya cunatü rü cue, rü nüxü nangechaü i cumücügü ngëma na cugü cungechaüxürü! —ñanagürü.

²⁰ Rū yexguma ga guma ngextüxcü rü ñanagürü: —Guxüma i ngëma mugü i nüxü quixuxü rü woetama chorü bucüma meã chayanguxëë. ¿Rü facü rü to tá chaxü na choxü nangëxmaxücèx i maxü i taguma güxü? —ñanagürü.

²¹ Rū Ngechuchu nanangãxü rü ñanagürü nuxü: —Ega aixcüma Tupanapëxewa mecü quixüchaügu, rü name nixi i namaã cutaxe i guxüma i curü ngëmaxügü rü togü i ngearü ngëmaxüãxgüxüna cunaxã i ngëma curü natanü. Rū ngëxguma tá cuxü nangëxma i cuchica i daxüguxü i naãnewa. Rū ñuxüchi marü name i chowe curüxü —ñanagürü.

²² Natürü yexguma yemaxü naxinügu ga guma ngextüxcü rü poraãcü nangechaü, yerü namuãrü dïeruãxüchi.

²³ Rū yexguma ga Ngechuchu rü norü ngüexügüxü ñanagürü: —Aixcüma pemaã nüxü chixu rü naguxchaxüchi nixi na wüxi i duñxü i dïeruãxüchixü rü Tupana ãëxgacü ííxüwä na nanguxü.

²⁴ —Rü aixcüma pemaã nüxü chixu rü ñoma wüxi i cameyu na taxucürüwama wüxi ya ucumaxëtüwa naxüpetüxüãrü yexera narügxuchamaë naxcèx i wüxi i duñxü i dïeruãxüchixü na yaxücuxü i ngextá Tupana ãëxgacü ííxüwä —ñanagürü.

²⁵ Rū yexguma yemaxü naxinüëgu ga norü ngüexügü rü poraãcü nabëixächíãëgü. Rū nügüna nacagü rü ñanagürügü: —¿Rü texé tá ëxna tixi ya nayaxüxe i maxü i taguma güxü? —ñanagürügü.

²⁶ Rū Ngechuchu nüxü nadawenü rü ñanagürü nuxü: —Duñxügü rü taxuacüma nügü namaxëë, natürü Tupanaãxü rü natauxcha na namaxëxëãxü —ñanagürü.

²⁷ Rū yexguma ga Pedru rü ñanagürü nuxü: —Pa Corix, toma rü marü ítanawogü ga guxüma ga torü yemaxügü na cuwe tarüxüxcèx. ¿Rü facü tá nixi i torü natanü i ñuxmax? —ñanagürü.

²⁸ Rū Ngechuchu nanangãxü rü ñanagürü nuxü: —Aixcüma pemaã nüxü chixu rü ngëma ngunexü i Tupana nangu nangexwacaxüxëxü i guxüma, rü choma rü ãëxgacü ya tacü tá chixi. Rü chorü tochica i mexëchixüwä tá charüto. Rü pema i 12 i chorü ngüexügü na chowe perüxüxü rü pema rü tá ta pexü nangëxma i perü tochicaxü i mexëchixü i chauxütawa. Rü ngema tá perütogü na norü maxüchigacèx nüxü picagüxü i guxüma i Yudiügü.

²⁹ Rū guxüma ya yíxema tümapata chauxcèx ítaxe, rü ëxna tümãneëgü rü tümãyëxgüxü chauxcèx ítaxe, rü ëxna tümãnatü rü tümãxü chauxcèx ítaxe, rü ëxna tümãmëx rü tümãxücügüxü rü tümããrü naãne chauxcèx ítaxe, rü 100 ëxpüxcüna i ngëma noxri tüxü ngëxmaxüãrü yexera tá tayaxu. Rü naëtü tá tanayaxu i maxü i taguma güxü.

³⁰ —Natürü muxüma i nūmaxü i ñoma i naãnewa duñxügü wixpëxewa ügüxëxü, rü daxügüxü i naãnewa rü Tupana tá wixweama nanaxügüxëë. Rū muxüma i nūmaxü i ñoma i naãnewa duñxügü wixweama ügüxëxü, rü daxügüxü i naãnewa rü Tupana tá wixpëxewa nanaxügüxëë.

20

Ore ga puracütanixügu ixuxü

1 –Rü ngêma Tupana âêxgacü íixíxúwa rü ñoma wüxi ga ubanecüarü yora ga pèxmama norü puracütanüxü ta yadaucürü nixü.

2 Rü yema puracütanüxümaã nanamexêê na wüxitchinü ga dîerugu nüxü na naxütanüâxüçêx ga wüxichigü ga ngunexügu. Rü ñuxüchi naãnewa nanamugü na yéma yapuracüexüçêx.

3 –Rü yixcama ga 9 arü oragu rü ñayadau ga ngextá yatügü ga puracüçêx daugüxü íngutaquêxegüxüxúwa. Rü yexma nüxü nayangau ga ñuxre ga yatügü ga ngearü puracüâxgüxü.

4 –Rü ñanagürü nüxü:

“¡Ngema chorü ubanecüwa peyapuracüe! Rü meã tá pexü chanaxütanü”, ñanagürü. Rü nümagü rü yéma naxü.

5 –Rü yema ubanecüarü yora rü tocuchigu rü wenaxârü togü ga puracütanüxü ta nayadau. Rü tomaêxpüxaru oragu ga yáuanecü rü wenaxârü yexgumarü ta nayadau.

6 –Rü yixcama ga wüximêxpüxaru oragu ga yáuanecü rü wenaxârü ñayadau ga ngextá yatügü ga puracüçêx daugüxü íngutaquêxegüxüxúwa. Rü yexma nüxü nayangau ga ñuxre ga togü ga yatügü ga ngearü puracüâxgüxü. Rü ñanagürü nüxü:

“¿Tüxcüü i pema rü nuxã perüchomare i guxü i ñoma i ngunexügu, rü tama pepuracüe?” ñanagürü.

7 –Rü nümagü nanangãxügü, rü ñanagürügü nüxü:

“Tama tapuracüe erü taxüema toxçêx tadau na tüxü tapuracüexüçêx”, ñanagürügü. Rü yexguma ga yema naãneärü yora rü ñanagürü nüxü:

“¡Pema rü ta ngema chorü ubanecüwa pexü rü peyapuracüe! Rü meã tá pexü chanaxütanü”, ñanagürü.

8 –Rü yexguma marü nachütagu rü yema naãneärü yora, rü naxçêx naca ga norü puracütanüxüârü dauruü, rü ñanagürü nüxü:

“¡Naxçêx naca i ngêma puracütanüxü. Rü nüxüra nüxü naxütanü i ngêma wixwenaxüchima ngema íxü, rü nawa tá icuyacuêxêê i ngêma nüxüra ngêma puracüexü!” ñanagürü.

9 –Rü yéma naxü ga yema puracütanüxü ga wüximêxpüxaru oragu ga yáuanecü puracüwa íxü. Rü wüxichigü ngüxü nayauxgü ga wüxitchinü ga dîeru.

10 –Rü yemawena rü yéma naxü ga yema nüxürama puracüexü ga puracütanüxü. Rü nümagü nagu naxinüegu rü yexera tá ngüxü nayauxgü ga dîeru, natürü nümagü rü ta ngüxü nayauxgü ga wüxitchinütama ga dîeru ga wüxichigü.

11 –Rü yexguma ngüxü nayauxgüga rü inanaxügüe ga chixri na yadexagüxü nachigagu ga yema naãneärü yora.

12 –Rü ñanagürügü:

“Yixema rü guxü i ngunexügu üexçüxetüwa tapuracüe, natürü i ñaã puracütanüxü i wixwenaxüchi íngügüxü rü wüxi i oratama napuracüe. Natürü ngêma tüxü naxütanüâxüxpüxtama nüxü nanaxütanü”, ñanagürügü.

13 –Natürü ga yema ubanecüarü yora nanangãxü, rü ñanagürü nüxü ga wüxi ga yema puracütanüxü:

“Pa Chomüçix, tama cuxü changüx. ¿Tama êxna i wüxitchinügu yíxü ga chomaã cunamexêxü na cuxü chanaxütanüxü i ngêma puracü?”

14 –¡Ñaã i curü dîeru, rü íixü! Rü ngêma puracütanüxü i wüxi i oratama puracüexü, rü choma nüxna ngüxü chaxãxçauü i ngêma cuxna ngüxü chaxãcüêxpüx.

15 –¿Tama êxna name i ngêma choma chanaxwêxexüâcüma ngümaã na chaxüxü i chorü dîeru? ¿Rü êxna quixãxüãchi erü ngêmaãcü chamecüma?” ñanagürü.

16 –Rü yixcama ñuxma duüxügü wixweama tüxü ügüxêxê, rü daxügüxü i naãnewa rü Tupana tá wixpêxewa tüxü naxügüxêê. Rü yixcama ñuxma duüxügü wixpêxewa tüxü ügüxêxê rü daxügüxü i naãnewa rü Tupana tá wixweama tüxü naxügüxêê. Erü Tupana rü muxüchiena naxü, natürü noxretama tixü ya yixcama tüxü nadexe –ñanagürü ga Ngechuchu.

Ngechuchu rü norü tomaêxpüçüna nanaxunagü ga norü yuxchiga

(Mr 10.32-34; Lc 18.31-34)

17 Rü yexguma namagu yaxüxgu ga Ngechuchu ga Yerucharéüwa na naxüxü rü noxrüwama naxçêx naca ga yema 12 ga norü ngüxügü, rü ñanagürü nüxü:

18 –Pema nüxü pecüex na marü ingaicaxü na Yerucharéüwa íngügüxü. Rü ngema rü duüxügü rü tá chixri chomaã nachopetü. Rü tá paigüarü âêxgacügü rü ngüxêêrüügü i ore i muguüwa ngüxêêtaegüxüna tá choxü namugü. Rü nümagü rü tá chomaã nanaxuegüga na chayuxüçêx.

19 –Rü tá to i nachüñanecüâxna choxü namugü. Rü ngêmagü tá nixü i chaugu idauxçüraügüxü rü choxü çuaxügüxü. Rü ñuxüchi tá curuchawa choxü nipotagü na ngêxma chayuxüçêx. Natürü tomaêxpüx i ngunexüguwena rü tá wenaxârü chamaxü –ñanagürü.

*Wixi ga ngüxêêcêx íca ga Chaútiágu rü Cuáũ rü mamá
(Mr 10.35-40)*

²⁰ Rü yéma iyexma ga naê ga Chaútiágu rü Cuáũ. Rü yema taxre rü Zebedéu nanegü nixígü. Rü ngíma rü Ngechuchucêx iyaxü namaã ga yema taxre ga ngínegü. Rü Ngechuchupêxegu iyacaxápüxü, rü wüxi ga ngüxêêcêx nüxna iyaca.

²¹ Rü núma ngíxna naca, rü ñanagürü: —¿Tacü nixi i cunaxwêxêxü? —ñanagürü. Rü ngíma inangãxü rü ngígürügü: —Pa Corix, ngêxguma âêxgacüxü quingucuchigu rü chanaxwêxe i cunamu na wüxi i ñaã chaune rü curü tügünecüwawa na natoxü, rü ngêma to i curü toxwecüwawa na natoxü —ngígürügü.

²² Natürü Ngechuchu ngixü nangãxü rü ñanagürü: —Pema rü tama nüxü pecuêx na tacücêx ípeçaxü. ¿Namaxã chi peporaexü i ngêma ngúxü i tá choxü üpetüxü? —ñanagürü. Rü nümagü nanangãxügü rü ñanagürügü: —Ngêmaácü namaã tá taporae —ñanagürügü.

²³ Rü Ngechuchu nanangãxü rü ñanagürü nüxü: —Aixcúma tá nixi i chauxrüü ngúxü pingegüxü. Natürü ngêma chorü tügünecüwawa rü chorü toxwecüwawa na perütogüxücêx, rü tama choxmêxwa nangêxma na pexna chanaxãxü. Rü Chaunatümêxêwa nixi na nangêxmaxü i ngêma, rü núma tá tuxna nanaxã ya yíxema tümacêx íyíxê —ñanagürü.

²⁴ Rü yexguma yemaxü naxínüêgu ga yema togü ga 10 ga Ngechucharü ngúexügü, rü Chaútiágumaã rü Cuáũmaã nanuê.

²⁵ Natürü Ngechuchu naxcêx naca rü ñanagürü nüxü: —Pema nüxü pecuêx rü guxü i nachíñanegüarü âêxgacügü rü poraácü nanamu i norü duüxügü. Rü ngêma âêxgacügü i taxügü rü norü duüxügüarü yora nügü nixígüxêê.

²⁶ —Natürü táütama ngêmaácü nixi i petanüwa. Rü ngêxguma texé naxwêxegu na âêxgacü tíxü i petanüwa, rü name nixi i noxri rü guxããrü ngüxêêrüü tíxi.

²⁷ —Rü ngêxguma chi texé i petanüwa naxwêxegu na tümamücügüeru na tíxü, rü name nixi i noxri rü guxüma i tümamücügüarü ngüxêêrüü tíxi.

²⁸ —Yerü chomatama i Tupana Nane na duüxüxü chíxü rü tama togü choxü rü ngüxêêxücêx nixi i núma chaxüxü. Natürü núma chaxüxü na duüxügüxü charüngüxêêxücêx rü naxcêx na chayuxücêx rü ngêmaácü chanaxütanüxücêx na muxüma i nümagü rü nüxü nangêxmaxücêx i maxü i taguma gúxü —ñanagürü.

*Ngechuchu nanameêxêê ga taxre ga ngexetügüxü
(Mr 10. 46-52; Lc 18.35-43)*

²⁹ Rü yexguma Ngechuchu norü ngúexügümaã Yerícüarü íañewa íchoüxgu, rü muxüma ga duüxügü nawe narüxi.

³⁰ Rü yéma namacüwawa narütogü ga taxre ga ingexetüxü. Rü yexguma nüxü naxínüêgu na Ngechuchu yéma üpetüxü, rü tagaácü Ngechuchuna nacagüe, rü ñanagürügü: —Pa Corix, Pa Dabitanüxüx, ¡Cuxü tangechaütümügü! —ñanagürügü.

³¹ Rü yema duüxügü ga Ngechuchuwe rüxüxü rü nayangagü na iyanangeêxgüxücêx. Natürü nümagü ga yema ingexetüxü rü yexeraácü Ngechuchuna nacagüe, rü ñanagürügü: —Pa Corix, Pa Dabitanüxüx, ¡cuxü tangechaütümügü! —ñanagürügü.

³² Rü yexguma ga Ngechuchu rü yexma nayachiãchi rü naxcêx naca ga yema ingexetüxü. Rü nüxna naca rü ñanagürü: —¿Tacü i penaxwêxêxü na pexcêx chanaxüxü? —ñanagürü.

³³ Rü nümagü nanangãxügü rü ñanagürügü: —Pa Corix, tanaxwêxe na toxü quidauchitanügüxêêxü —ñanagürügü.

³⁴ Rü yexguma ga Ngechuchu rü nüxü nangechaütümügü, rü naxêtügügu ningögü. Rü yexgumatama nidauchigü, rü Ngechuchuwe narüxi.

21

*Yerucharéügu naxücu ga Ngechuchu
(Mr 11.1-11; Lc 19.28-40; Cu 12.12-19)*

¹ Rü yexguma marü yangaicagügu ga Yerucharéüwa na nangugüxü, rü nawa nangugü ga guma íãne ga Bechagüe ga Oríbunecüarü mëxpüneärü ngaicamana yexmane. Rü Ngechuchu nanamu ga taxre ga norü ngúexügü.

² Rü ñanagürü nüxü: —¡Gua torü toxmêxtawa ngêxmane ya íañexácüwa pexi! Rü ngêxma tá ngxü pengau i wüxi i buru i ngêxma ngaxücü namaã i wüxi i ngxíacü i yatüxü i ngxüdtagu íruxãüxü. ¡Rü ngxü piwêxü, rü nuã chauxütawa ngxü pega namaã i ngxíacü!

³ Rü ngêxguma texé pexna caxgu na tacücêx ngxü piwêxüxü, ¡rü tümamaã nüxü pixu rü ñapegügü:

“Torü Cori nangixwêxe namaã i ngxíacü, natürü paxa tá ngxü nawoeguxêê”, ñapegügü tixü! —ñanagürü.

⁴ Rü yema naxüpetü yerü yemaácü Tupana nayanguxêê ga norü ore ga nuxcúmaüxü ga norü orearü uruü úmatüxü ga ñaxü:

5 “¡Yerucharéucüãxgümaã nüxü pixu rü ñapegü: ‘¡Dücèx ya perü ãëxgacü ya nuã pexütawa ücü! Rü nüma rü tama nügü yacuëxüüãcü ínangu, rü wüxi i buruxacüëtügumare naxaunagü!’”

ñanagürü ga yema ore.

6 Rü yexguma ga yema taxre ga norü ngüexügü rü yéma naxí, rü nanaxügü ga yema Ngechuchu namaã nüxü ixuxü.

7 Rü Ngechuchuxütawa ngixü nagagü ga yema buru ngixacümaã. Rü yema norü ngüexügü rü naxchirumaã nanaçhatagü ga yema ngixacü, rü ñuxüchi ga Ngechuchu rü nataga naxaunagü.

8 Rü yema muxüma ga duüxügü ga nawe rüxixü rü naxchirumaã nayaçhamatanü ga nama. Rü togü rü naixätü ta nadaügü rü yemamaã nayaçhamatanü ga nama.

9 Rü yema duüxügü ga napëxegu ägüxü, rü yema togü ga wixweama ägüxü, rü tagaäcü ñanagürügü: —¡Nüxü ticuëxüxügü ya daa äëxgacü ya Dabítanüxü! ¡Rü namecümaxüchi ya daa Tupanaegagu nüma ücü! ¡Rü pema rü ta, Pa Daxücüãx, rü nüxü picuëxüxügü ya Tupana! —ñanagürügü.

10 Rü yexguma Ngechuchu Yerucharéüwa ixücuçgu, rü guxüma ga yema ñanecüãx rü nanaxixächiãëgü, rü ñanagürügü: —¿Texe nixí ya daa? —ñanagürügü.

11 Rü yema Ngechuchuwe rüxixü ga duüxügü rü nanangäxügü rü ñanagürügü: —Daa nixí ya Tupanaärü orearü uruü ya Ngechuchu ya Gariréaanewa ngëxmane ya ñane ya Nacharétucüãx ixücü —ñanagürügü.

Ngechuchu rü tupauca ga taxünewa ínanawoxü ga duüxügü ga yéma taxegüxü
(Mr 11.15-19; Lc 19.45-48; Cu 2.13-22)

12 Rü tupauca ga taxünegu naxücu ga Ngechuchu, rü ínanawoxü ga yema yéma ñacümaã taxegüxü rü naxcèx taxegüxü. Rü nanangüegutanü ga norü mechagü ga yema duüxügü ga yéma Tupanaarü ämarewa mexü ga diërumaã taxegüxü rü muxtucugümaã taxegüxü.

13 Rü ñanagürü nüxü ga yema duüxügü: —Tupanaärü ore i ümatüxüta rü ñanagürü:

“Chopata rü yumüxëpataü nixí”.

Natürü pema rü ngítëëxügüxüpataü peyaxixëë —ñanagürü.

14 Rü yéma tupauca ga taxünewa rü Ngechuchucèx naxí ga ñuxre ga ingexetügüxü rü ichixeparagüxü. Rü Ngechuchu nanameëxëë.

15 Natürü ga paigüarü äëxgacügü rü ngüexëëruügü ga ore ga mugüwa nguxëëtaegüxü, rü nüxü nadaügü ga yema mexügü ga taxügü ga Tupanaärü poramaã naxüxü ga Ngechuchu rü buxügüxü naxínüë ga na ñagüxü: —¡Namexëchi ya daa äëxgacü ya Ngechuchu ya Dabítanüxü! —ñagüxü. Rü yemacèx ga yema äëxgacügü rü nanuë.

16 Rü ñanagürügü Ngechuchuxü: —¿Nüxü cuxínüxü i ngëma buxügü namaã idexagüxü? —ñanagürügü. Rü Ngechuchunanangäxü, rü ñanagürü: —Ngü, nüxü chaxínü. ¿Natürü taguma éxna nawa pengüe i Tupanaärü ore i ümatüxü i ñaxü:

“Rü ngëma buxügü i iraxüchixü rü öxchanagü rü tá ta cuxü nicuëxüüügü”,
ñaxü? —ñanagürü.

17 Rü yexguma ga Ngechuchu rü nüxna yéma nixü, rü ñuxüchi ínaxüxü ga guma ñanewa. Rü ñane ga Betániawa naxü, rü yexma nayape.

Ngechuchu rü orix ga iguera ga ngearü öðxümaã chixexü naxuegu
(Mr 11.12-14, 20-26)

18 Rü moxüãcü ga pëxmama rü yexguma wenaxärü Yerucharéücèx nataegugu ga Ngechuchu rü nataya.

19 Rü namacüwawa nüxü nadau ga wüxi ga orix ga iguera. Rü naxcèx nixü, natürü taxüma ga norü oxü inyangau, rü naätüxüxücatama inyangau. Rü yemacèx ñanagürü nüxü ga yema orix: —Rü tagutáma wena cuxox, —ñanagürü. Rü yexgumatama narüñëxë ga yema orix.

20 Rü yexguma yemaxü nadaugügu ga norü ngüexügü, rü nabëxächixüãëgü. Rü Ngechuchuna nacagüe rü ñanagürügü: —¿Rü ñuxäcü i ñaã orix i paxama nañëxëxü? —ñanagürügü.

21 Rü Ngechuchu nanangäxü rü ñanagürü: —Aixcüma pemaã nüxü chixu rü ngëxguma chi meã peyaxögügu rü tama ngëma igueramaã chaxüxüxüca chi pexü. Natürü yexeraxü chi pexü. Rü ngëxguma chi daa mëxpünemaã nüxü pixuxgu na yaxügachixücèx rü taxtü i taxüchiüwa naxüxücèx, rü pega chi naxínü.

22 Rü guxüma i ñacü i naxcèx ípëcaxü i perü yumüxëwa, rü tá penayauxgü ega aixcüma peyaxögüãcüma naxcèx ípëcaxü.

Ngechuchuna nacagüe na texëgagu tupauca ga taxünewa nanguxëëtaexü
(Mr 11.27-33; Lc 20.1-8)

²³ Rū Ngechuchu rū tupauca ga taxūnegu naxūcu. Rū yexguma yéma ínanguxēētaeyane rū naxcēx naxī ga paigūarū āēxgacūgū rū Yudiūgūarū āēxgacūgūerugū. Rū Ngechuchuna nacagūe rū ñanagūrūgū: —¿Rū texégagu nixī i cunaxūxū i ngēma nūma cuxūxū? ¿Rū texé cuxū tamu na cunaxūxūcēx i ngēma? —ñanagūrūgū.

²⁴⁻²⁵ Rū Ngechuchu nanangāxū rū ñanagūrū: —Choma rū tá ta pexna chaca, rū ngēxguma choxū pengāxūgū i ngēma pexna naxcēx chaçaxū, rū choma rū tá ta pemaā nūxū chixu na ngēxūrūxūxū i āēxgacū na choxū muxū na nuā changuxēētaexū. ¿Rū texé tanamu ga Cuáū na duūxūgūxū ínabaiūxēēxūcēx? ¿Pexcēx rū Tupana yīxū ga namucū rū ēxna duūxūgūmare? —ñanagūrū. Rū yexguma ga yema āēxgacūgū rū ínanaxūgūe ga nūgūmaā na yoporagatanūcūxū. Rū nūgūmaātama ñanagūrūgū: —¿Nuxū ñagūgūxū tá? Erū ngēxguma chí nūxū íxuxgu na Tupana nūma namuxū rū nūma rū tá ñanagūrū tūxū:

“¿Rū tūxcūū ga tama nūxū peyaxōgūxū?” ñanagūrū tá.

²⁶ —Rū ngēxguma chí nūxū íxuxgu na yatūgūmare nūma namuxū rū taxcēx rū tá naxāūcūma, erū duūxūgū tá tūxū ndai. Erū nūmagū i duūxūgū rū nagu narūxīnūē na Tupana yīxū ga Cuáūxū nūma mucū —ñanagūrūgū.

²⁷ Rū yemacēx Ngechuchuxū nangāxūgū rū ñanagūrūgū: —Tama nūxū tacuēx ga texé nūma na namuxū ga Cuáū ga baiūxēēruū —ñanagūrūgū. Rū yexguma ga Ngechuchu rū ñanagūrū nūxū: —Choma rū tá ta tātūma pemaā nūxū chixu na texé choxū muxū na chanaxūxū i ngēma choxna naxcēx peçaxū —ñanagūrū.

Ore ga taxre ga nanegūgu íxuxū

²⁸ Rū ñanagūrū ta ga Ngechuchu —¿Nuxū ñapegūxū naxcēx i ñaā ore i tá pemaā nūxū chixuxū? Rū wūxi ga yatū rū nūxū nayexma ga taxre ga nane. Rū wūxi ga guma nanemaā nūxū nixu rū ñanagūrū nūxū:

“Pa Chaunex, chanaxwēxe i yéa chorū ubaarū buxgūwa cuyapuracū”, ñanagūrū.

²⁹ —Rū guma nane nanangāxū rū ñanagūrū:

“Choxū nawēxtūmūū na ngēma chaxūxū”, ñanagūrū. Natūrū ga yixcamaxūra rū nagu narūxīnū rū dūxwa yéma nayapuracū.

³⁰ —Rū yixcūra ga guma nanatū rū naī ga nanexūtawa naxū, rū yexgumarūū ta nūxū yema ñanagūrū. Rū guma nane nanangāxū rū ñanagūrū:

“Marū name, Pa Pa, rū ngēma tá chaxū”, ñanagūrū. Natūrū tama aixcūma yéma naxū.

³¹ —Rū ñuxma chanaxwēxe i chomaā nūxū pixu rū ngexcūrūcū ga guma taxre ga nane ga aixcūma naxūcū ga yema nanatū naxwēxexū —ñanagūrū. Rū nūmagū nanangāxūgū rū ñanagūrūgū: —Ga guma nūxūra namuācū nixī ga naga ínucū —ñanagūrūgū. Rū yexguma ga Ngechuchu rū ñanagūrū nūxū: —Aixcūma pemaā nūxū chixu rū ngēma yatūgū i Dumaārū āēxgacūcēx dīeru ngīxū dexū rū ngēma ngexūgū i chixri maxēxū tá nixī i pexūpa nūxūra íchocuxū i ngextá Tupana āēxgacū íixūxūwa.

³² —Yerū Cuáū ga baiūxēēruū rū nūma naxū na pemaā nūxū yaxuxūcēx na ñuxācū tá na pemaxēxū, natūrū ga pema rū tama nūxū peyaxōgū. Natūrū ga yema yatūgū ga Dumaārū āēxgacūcēx dīeru ngīxū dexū rū yema ngexūgū ga chixri maxēxū rū Cuáūxū nayaxōgū. Natūrū ga pema rū woo nūxū na pedaugūxū ga ñuxācū na yaxōgūāxū, rū tama nūxū perūxoeçaxū i pecūma i chixexū na peyaxōgūxūcēx —ñanagūrū.

Ore ga chixexū ga puracūtanūxūgu íxuxū

(Mr 12.1-12; Lc 20.9-19)

³³ Rū ñanagūrū ta ga Ngechuchu: —Rū chanaxwēxe i iperūxīnūē i ñaā to i ore i cuēxruū i tá pemaā nūxū chixuxū. Rū nayexma ga wūxi ga yatū ga nūxū nayexmacū ga wūxi ga norū naāne. Rū yexma nanato ga muxūma ga orīx ga uba. Rū ñuxūchi ínanapoxegu, rū nanaxū ga wūxi ga ubaarū yaxūxūxūchica rū wūxi ga dauxūtaechica. Rū ñuxūchi ñuxre ga puracūtanūxūna nūxū nadauxēē. Rū namaā nanamexēē na ngāxūgu namaā ngīxū yatoyexūcēx ga yema ubatanū. Rū ñuxūchi ga yema naāneārū yora rū wūxi ga to ga nachīūāne ga yaxūguxūwa naxū.

³⁴ —Rū yexguma norū ubaarū buxgūwa nanguxgu, rū yema naāneārū yora rū yéma nanamugū ga ñuxre ga norū duūxūgū na yema puracūtanūxūna ngīxcēx yaçaxūcēx ga yema ubatanū ga nūxna ūcū.

³⁵ Natūrū ga yema puracūtanūxūgū rū ínanayauxū ga yema coriarū duūxūgū. Rū nanaçauixgū ga wūxi, rū ga to rū nayamēxūchigū, rū ga yema to rū nutamaā ínanamuxūchigū.

³⁶ —Rū yema naāneārū yora rū wenaxārū noxriarū yexera rúmumaēxū ga norū duūxūgū yéma namugū. Natūrū ga yema puracūtanūxūgū rū yema togūrūūtama chixri namaā nachopetū.

³⁷ —Rū dūxwa ga yema naāneārū yora rū yéma nanexūchixū namu yerū nūma nagu naxīnūgu rū chí nanega naxīnūē ga yema puracūtanūxūgū.

³⁸ —Natürü yexguma yema cori nanexü nadaugüga ga yema puracütanüxügü, rü nügümaã ñanagürügü:

“Ngëmaãrü tá nixí i ñaã naãne i yixcama. ¡Rü ngíxã tayamëxgü na tóxrü yíixütcèx!” ñanagürügü.

³⁹ —Rü nayayauxgü, rü toxnamana nanagagü, rü yexma nayamëxgü —ñanagürü.

⁴⁰ Rü yexguma ga Ngechuchu rü yema paigüarü äëxgacügüna naca rü ñanagürü: —¿Rü ngëxguma ñanguxgu i ngëma naãneärü yora, rü ñacü tá yema puracütanüxümaã naxü? — ñanagürü.

⁴¹ Rü yema äëxgacügü rü Ngechuchuxü nangãxügü, rü ñanagürügü: —Ngëma naãneärü yora rü tama nüxü nangechaütümüüãcüma tá nanadai i ngëma puracütanüxügü i chixri maxëxü. Rü ñuxüchi togü i puracütanüxügü i meã namaã ngíxü itoyexü i ñëruna tá nüxü nadauxëë —ñanagürügü.

⁴² Rü Ngechuchu rü ñanagürü nüxü: —¿Taguma ëxna nawa pengüe i Tupanaärü ore i ümatüxü? Erü ngëmawa rü ñanagürü:

“Rü yima nuta ya mecü ya ñärü üruügü nüxü oechirëcü rü ñuxma rü yimatama nixí ya Tupana nüxíra yaxücuchicü na namaã inaxügüãxütcëx ya ñpata. Rü tóru Cori ya Tupana nixí ga naxücü ga yema, rü ñuxma rü namexëchi i taxcëx”,

ñanagürü i ngëma ore.

⁴³ —Rü ngëmacëx pemaã nüxü chixu rü woo pexcëxchirëx na yíixü i ngëma naãne i ngextá Tupana äëxgacü ñixíxüwa, natürü pexna tá nanapu. Rü togü i duüxügü i aixcüma Tupanaga ñnüëxüna tá nanaxã.

⁴⁴ —Rü yima nuta ega texë namaã yarüñaxgu rü tá itapoügü. Rü yíxema tümaëtügu nanguxe ya yima nuta, rü tá tüxü ñiñaxmü —ñanagürü ga Ngechuchu.

⁴⁵ Rü yexguma ga paigüarü äëxgacügü rü Parichëügü nüxü ñnüëgu ga yema ore ga cuëxruü ga Ngechuchu namaã nüxü ixuxü, rü nüxü nicüëxächitanü ga nachiga na yíixü ga yema ore.

⁴⁶ Rü yexgumatama ga yema äëxgacügü rü Ngechuchuxü niyauxgüëga. Natürü taxucürüwama nayayauxgü yerü duüxügüxü namuüë, yerü nümagü ga duüxügü rü nayaxögü ga aixcüma Tupanaärü orearü urü na yíixü ga Ngechuchu.

22

Ore ga ngígarü petagu ixuxü (Lc 14.15-24)

¹ Rü Ngechuchu rü wenaxärü nanangüexëë. Rü ore ga cuëxruüga namaã nayaxu, rü ñanagürü nüxü:

² —Rü ngëma Tupana na äëxgacü ixíxü rü ñoma wüxi ga nachiüñaneärü äëxgacü ga naneärü ngígü üchiücürüü nixí.

³ —Rü norü duüxügüxü namu na naxcëx yaxaxütcëx ga yema duüxügü ga marü üpaacü nüxna naxuxü. Natürü yema duüxügü ga marü nüxna naxuchirëxü rü tama yéma naxíxchaü.

⁴ —Rü wenaxärü togü ga norü duüxügüxü yéma namugü. Rü ñanagürü nüxü:

“¡Ngëma pexí naxütawa i ngëma duüxügü i nüxna chaxuchirëxü, rü namaã nüxü peyarüxu rü marü ñname i chorü ñna i taxü. Rü marü chanadai i chorü wocagü i ingüexü rü guxüma marü ñnamemare. Rü chanaxwëxe i paxa nuã naxí naxcëx i ñaã chorü peta!” ñanagürü.

⁵ —Natürü yema duüxügü ga nüxna naxuchirëxü rü tama naga naxíñüë. Rü wüxi rü naãnewa naxü, rü ga to rü norü taxepataüwa naxü.

⁶ —Rü ga togü rü yema äëxgacüarü duüxügüxü ñnayauxü rü nayaçuaixgü ñuxmata nayuxëëã.

⁷ —Rü yexguma ga guma äëxgacü rü poraãcü nanu. Rü norü churagügüxü yéma namugü na yadaíaxütcëx ga yema duüxügü ga máëtagügüxü, rü na yagügüãxütcëx ga guma norü ñane.

⁸ —Rü ñuxüchi ñanagürü nüxü ga norü duüxügü:

“Guxüma i chorü peta rü marü ñnamemare. Natürü ga yema duüxügü ga nüxna chaxuchirëxü rü woetama nüxü chaxo na nuã naxíxütcëx.

⁹ —¡Rü yéa taxü i ítamüwa pexí, rü nüxna peyaxu i guxü i duüxügü i ngëma nüxü pedauxü, na núma chorü petawa naxíxütcèx!” ñanagürü.

¹⁰ —Rü yema äëxgacüarü duüxügü rü yéma ítamüwa naxí. Rü nüxna nixuetanü ga guxüma ga duüxügü ga mexügü rü chixëxügü ga nüxü iyangaugüxü. Rü yemaãcü duüxügümaã nanapa ga guma äëxgacüpata.

¹¹ —Rü yexguma ga guma äëxgacü rü nixücu nawa ga yema upaü ga nawa peta naxüxü, yerü ñnayadau ga yema duüxügü ga nüxna naxuxü. Natürü yéma nüxü nadau ga wüxi ga yatü ga tama norü ngëxäëchirugu icüxü.

12 —Rü ñanagürü nüxü:

“Pa Chomücüx çñuxácü i nuxá cuxücuxü na tama curü ngèxãechirugu quicúxü?” ñanagürü. Natürü numa ga yema yatü rü nangeëxmare.

13 —Rü yexguma ga guma ãëxgacü rü ñanagürü nüxü ga yema norü duüxügü:

“¡Meã peyanëïxpara rü peyanëïxchacüügü i ñaã yatü, rü yéama düxétüwa i poraãcü ñaxëãñexüwa peyatá! Rü ngema tá narüdoxü rü tá nixüxchapüta erü poraãcü tá nüxü nangux”, ñanagürü.

14 —Rü Tupana rü muxüchiena naxu, natürü noxretama tixí ya yíxema aixcüma Tupana tüxü ndexe —ñanagürü ga Ngechuchu.

Dïeru i ãëxgacüna ngixü ixãüchiga

(Mr 12.13-17; Lc 20.20-26)

15 Rü yexguma ga Parichëügü rü nixígachi. Rü noxrüwama nügümaã nayamexëëgü na tacü rü oremaã tá Ngechuchuna nacagüexücëx na chixexügu nanguxëëgüãxücëx rü ñuxüchi ãëxgacüxütawa na ñaxuxügüãxücëx.

16 Rü yemacëx Ngechuchuxütawa nanamugü ga ñuxre ga norü duüxügü namaã ga ñuxre ga Erodearü duüxügü na yema oremaã Ngechuchuna na yacagüexücëx. Rü yexguma Ngechuchuxütawa nangugügu rü ñanagürügü: —Pa Ngüexëeruüx, nüxü tacuëx rü aixcüma nixí i ngëma nüxü quixuxü i curü ore. Rü aixcüma cunangüexëë i duüxügü na Tupana naxwëxexüácüma namaxëxücëx. Rü tama duüxügügamare cuxínü, erü tama norü düxëtüxünegu cudawenü, natürü nacüma nixí i cunggügütü.

17 —¡Rü tomaã nüxü ixu! rü ngëma dïeru ya ãëxgacü ya tacü ya Dumacüãx totanüwa yayauxchaüxü, çrü namexü yíxü na nüxna ngixü taxãxü rü éxna tama? —ñanagürügü.

18 Natürü Ngechuchu nüxü nacüexama na chixexügu naxínëxü ga yema duüxügü, rü yemacëx ñanagürü nüxü: —Pema nixí i togüpëxewa meã pemaxënetaxü, natürü peãëwa rü chixexügu perüxínüë. çRü tüxcüü i chixexügu choxü penguxëëchaüxü?

19 —¡Choxü ngixü pewé i wüxi i dïeru i ngímaã ãëxgacüaxü penaxütanücü! —ñanagürü. Rü yéma naxütawa ngixü nangegü ga wüxitchinü ga yema dïeru.

20 Rü yexguma Ngechuchu ngixü dëuxgu, rü nüxna naca, rü ñanagürü —çRü texëchicünëxã rü texéega nixí i ngígu üxü? —ñanagürü.

21 Rü nümagü nanangãxügü, rü ñanagürügü: —Dumacüãx ya ãëxgacü ya tacüchicünëxã nixí —ñanagürügü. Rü yexguma ga Ngechuchu rü ñanagürü nüxü: —¡ãëxgacüna ngixü pexã i ngëma ãëxgacüarü ixícü, rü Tupanana ngixü pexã i ngëma Tupanaarü ixícü! —ñanagürü.

22 Rü yexguma yema orexü naxínüëgu, rü nabëixãchiãëgü. Rü Ngechuchuna inixí.

Ngechuchuna nacagüe rü ngoxi yuwa ñnadagü i duüxügü

(Mr 12.18-27; Lc 20.27-40)

23 Rü yematama ngunëxügu rü ñuxre ga Chaduchëügü rü Ngechuchuxütawa naxí. Rü nümagü nixí ga nagu naxínüëxü na yuexü rü tagutáma wena namaxëxü. Rü yemacëx Ngechuchuna nacagüe, rü ñanagürügü:

24 —Pa Ngüexëeruüx, Moíché nüxü ixuxgu rü ngëxguma wüxi ya yatü naxãmëx rü nangexacüyane nayuxgu, rü name nixí i naëñëtama ngímaã naxãmëx i ngëma yutecü i naxümmëx, na ngëmaãcü naxãxácüxücëx nüxü ya yima naëñëe ya marü yucü —ñanagürü ga yema ore.

25 Rü ñanagürügü ta ga Chaduchëügü: —Nayexma ga totanüwa ga 7 ga nügüeneë. Rü naxãmëx ga guma yacü, natürü tauta naxãxácüyane nayu. Rü yexguma ga naí ga naëñë nüxü ngímaã naxãmëx ga yema ngecü.

26 —Rü guma rü ta nayu, rü nangexacü. Rü yexguma rü naí ga naëñë nüxü ngímaã naxãmëx. Rü yemaãcü gücüma ga guma 7 ga nügüeneë rü ngímaã naxãmëx ga yema nge. Rü gücüma nayue tauta naxãxácüyane.

27 —Rü yemawena rü ngíma rü ta iyu ga yema nge.

28 —Rü ngëxguma yuexü wena maxëgu, çrü ngëxcürüücü ga guma 7 ga nügüeneë naxmëx tá iyixí i ngëma nge? Yerü gücüma ga guma 7 ga nügüeneë ngímaã naxãmëx —ñanagürügü.

29 Rü yexguma ga Ngechuchu rü nanangãxü, rü ñanagürü: —Pema rü ipetüë erü tama nüxü pecuëx i Tupanaarü ore i ümatüxü, rü tama nüxü pecuëx i ñuxácü na yíxü i Tupanaarü pora.

30 —Rü ngëxguma yuexü wena maxëgu rü taxüetáma tixãmëxgü rü éxna tixãtegü. Erü daxücüãx i Tupanaarü orearü ngerüügürüü tá tixígü i ngëxguma.

31 —Pema choxna peca i yuexüarü dagüchiga. çNatürü tama éxna nawa pengüë i Tupanaarü ore i ümatüxü i ngëxtá Tupanatama ngëmachigaxü pemaã íyaxuxüwa? Erü ngëma rü ñanagürü ya Tupana:

32 “Choma nixí i Abrãüarü Tupana, rü Ichaáarü Tupana, rü Acobuarü Tupana”, ñanagürü. Rü ngëma orewa nüxü tacuëx rü woo ñoma i naãnewa nayuegu i duüxügü, natürü Tupanaarü ñüwa rü guxügüma namaxë —ñanagürü ga Ngechuchu.

³³ Rū yexguma yemaxū naxīnūēgu ga duūxūgū, rū guxūma nabeixāchiāēgū namaā ga norū nguxēētae ga Ngechuchu.

Ngēma Tupanaārū mu i guxū i norū mugūarū yexera ixīxū

(Mr 12.28-34)

³⁴ Rū nangutaguēxegū ga Parichéugū ga yexguma nūxū naxīnūēgu ga űuxācū Ngechuchu rū yema Chaduchéugūxū na iyanangeēxgūxēēxū.

³⁵ Rū wūxi ga yema Parichéugū ga ore ga mugūwa nguxēētaexū rū Ngechuchuxū chixexūga nanguxēēchaū. Rū yemacēx Ngechuchuna naca rū űanagūrū:

³⁶ —Pa Ngūxēēruūx, űngēxūrūxū i Tupanaārū mu nixī i guxū i norū mugūarū yexera ixīxū? —űanagūrū.

³⁷ Rū Ngechuchu nanangāxū rū űanagūrū: —Ngēma Tupanaārū mu i guxū i norū mugūarū yexera ixīxū, rū űanagūrū:

“űRū nūxū nangechaū ya Cori ya curū Tupana i guxūne ya curū maxūnemaā, rū guxū i cuāēmaā, rū guxū i naga curūxīnūxūmaā!”

űanagūrū.

³⁸ —Rū ngēma nixī i Tupanaārū mu i guxū i norū mugūarū yexera ixīxū. Rū ngēma nixī i nūxīraūxū i norū mu ga duūxūgūna naxāxū ga Tupana.

³⁹ —Rū ngēma norū taxre i Tupanaārū mu, rū ngēma nūxīraūxū i norū murūűtama nixī, rū űanagūrū:

“űNūxū nangechaū i cumūcū ngēma na cugū cungechaūxūrū!” űanagūrū.

⁴⁰ —Rū ngēma taxre i Tupanaārū mugūwa nixī inaxūgūxū i guxūma i Tupanaārū mugū ga Moīché űmatūxū rū nuxcūmaūgūxū ga Tupanaārū orearū uruūgū namaā nguxēētaegūxū —űanagūrū.

űTexētaa yīxū ya Cristu?

(Mr 12.35-37; Lc 20.41-44)

⁴¹⁻⁴² Rū yoxni ga Parichéugū rū yēma nangutaquēxegū, rū Ngechuchu nūxna naca, rū űanagūrū: —űRū űuxū űapegūxū i pema nūxū ya Cristu? űRū texētaa yīxū? —űanagūrū. Rū nūmagū ga Parichéugū rū nanangāxūgū rū űanagūrūgū: —Cristu rū nuxcūmaūcū ga āēxgacū ga Dabītaa nixī —űanagūrūgū.

⁴³ Rū yexguma ga Ngechuchu rū űanagūrū: —űTūxcūū ga Dabī ga norū Corimaā naxuaxū ga Cristu ga yexguma Tupanaāē ga űūnexū Dabīxū idexaxēēgu? Yerū ga Dabī rū űanagūrū:

⁴⁴ “Tupana rū chorū Cori ya Cristuxū űanagūrū: ‘űNuā chorū tūgūnecūwawa rūto űuxmatāta nūxū charūporamaē i curū uwanūgū na cuga naxīnūēxūcēx!’ ”

⁴⁵ —Natūrū űūuxūcūrūwa i Dabītaa yīxū ya Cristu ega nūmatama ga Dabī rū norū Corimaā naxuāgu? —űanagūrū ga Ngechuchu.

⁴⁶ Rū taxumaāma nanangāxūgūēga ga yema Parichéugū, rū bai ga wūxi ga oremaā. Rū yemawena rū guxūma namuūē na űacūcēx Ngechuchuna nacagūexū.

23

Ngechuchu rū duūxūgūtanūwa űnanaxuaxū ga Parichéugū rū ngūxēēruūgū ga Moīchéarū mugūwa nguxēētaegūxū

(Mr 12.38-40; Lc 11.37-54, 20.45-47)

¹ Rū yemawena ga Ngechuchu rū duūxūgūxū rū norū ngūxūgūxū űanagūrū:

² —Ngēma ngūxēēruūgū i ore i mugūwa nguxēētaegūxū rū Parichéugū, rū meāma nūxū nacūxgū ga Tupanaārū ore ga Moīché űmatūxū.

³ —Rū ngēmacēx name i naga pexīnūē i guxūma i ngēma pemaā nūxū yaxugūxū. Natūrū tama name i nūma namaxēxūācūma pemaxē, erū nūma nūxū nixugū i mexū i ore natūrū chixri namaxē.

⁴ —Erū nūma rū poraācū pexū namu na naga pexīnūēxūcēx i norū mugū i guxchaxū i taxucūrūwama texē aurexū. Natūrū nūmagūtama rū bai i űrārūwa naga na naxīnūēxū i ngēma nawa pexū namuxū.

⁵ —Rū guxūma i ngēma naxūgūxū, rū nanaxūgū na duūxūgū nūxū daugūxūcēx. Rū inayangegū i Tupanaārū ore na ngēmaācū duūxūgū naga rūxīnūēgu rū aixcūma Tupanaārū duūxūgū na yīgūxū. Rū nūgū nangēxāēgu na duūxūgū nūxū rūdaunūxūcēx.

⁶ —Rū petagūarū űnawa rū nūmagū i Parichéugū rū nanaxwēxegū i űnaārū yoraxūtawaxūchi na natogūxū na duūxūgū ngema nūxū rūdaunūxūcēx. Rū ngutaquēxepataūgūwa rū nanaxwēxegū na napēxewaxūchi űgūxū i naxmēxwēxegūwa natogūxū.

7 —Rü ñañeärü ítamüğüwa rü nanaxwèxegü na duüxügü meã nüxü rü möxëgüxü ñoma ãëxgacüxü meã rü möxëxüü. Rü nanaxwèxegü na duüxügü rü: “Pa Ngüxëëruüx” ñagüxü nüxü.

8 —¡Natürü pema rü täütäma ngëmagu perüxünüë! Erü guxäma i pema rü pegüeneëgü pixigü, rü wüxixicatama nixi ya perü ngüxëëruü ixüü.

9 —Rü tama name i ñoma i naañecüãxmaã pexänatü, erü wüxixicatama nixi ya Penatü, rü nüma rü daxüwa nangëxma.

10 —Rü tama name i texé: “Pa ãëxgacüx” ñatarügü pexü. Erü chaxicatama nixi i perü ãëxgacü chiüxü.

11 —Rü yixema petanüwa guxäärü yexera ixixë rü tanaxwèxe na guxüma i tümamücüarü ngüxëëruü tüxü.

12 —Erü yixema tügü írütaxe rü Tupana tá tüxü naxänexëë. Natürü yixema tügü íruxírxaxe, rü Tupana tá tüxü nicüxüü.

13 —Pa Ngüxëëruügü i Ore i Mugüwa Ngüxëëtaegüxü rü Pa Parichéugüx, pema nixi i togü i duüxügüpëxewa meã pemaxënetaxü natürü peãëwa rü chixexügu perüxünüëxü. Rü wüxi i ngechaü nixi i pexcëx erü pegagu nixi na tama Tupanaxütawa nangügüxü i togü i duüxügü. Rü pema rü ta rü täütäma ngëxma pechocu, Rü ngëxgumarüü ta rü nüxü penaguxchaxëë na tama ngëxma nachocuxüçëx i togü i ngëxma chocuchaüxü.

14 —Pa Ngüxëëruügü i Ore i Mugüwa Ngüxëëtaegüxü rü Pa Parichéugüx, pema nixi i togü i duüxügüpëxewa meã pemaxënetaxü natürü peãëwa rü chixexügu perüxünüëxü. Rü wüxi i ngechaü nixi i pexcëx erü tüxna penapuxü ya tümapata ya yixema yutegüxe. Rü ñüxüchi penamëxëë i perü yumüxëgü na duüxügü nagu rüxünüëgu rü aixcüma mexü i Tupanaärü duüxügü na pixigüxü. Rü ngëmacëx pema tá nixi i togü i duüxügüarü yexera pepoxcuxëx.

15 —Pa Ngüxëëruügü i Ore i Mugüwa Ngüxëëtaegüxü rü Pa Parichéugüx, pema nixi i togü i duüxügüpëxewa meã pemaxënetaxü natürü peãëwa rü chixexügu perüxünüëxü. Rü wüxi i ngechaü nixi i pexcëx erü guxüwama pexi na togü i duüxügümaã nüxü peyarüxüçëx i ore na wüxitama ya duüxë pexüü na yaxöxüçëx. Rü ngëxguma marü pexü tangüxgu, rü tüxü pechixexëë na düxwa taxreëxpüxcüna perü yexera chixexüwa tangëxmaxüçëx.

16 —Pa Ngüxëëruügü i Ore i Mugüwa Ngüxëëtaegüxü rü Pa Parichéugüx, pema rü ñoma cuëxruügü i ngexetüxüü pixigü. Rü wüxi i ngechaü nixi i pexcëx, erü nüxü pixuxgu rü:

“Ngëxguma texé ya tupauca ya taxüneegagu ñacüçëx ixunetagu, rü marü name ega tama tayangüëëgu i ngëma tümäärü uneta”, ñaperügügü. Natürü ngëxguma texé tupauca ya taxüneärü diëruëgagu ñacüçëx ixunetagu, rü:

“Tanaxwèxe i aixcüma tayangüxëë i ngëma tümäärü uneta”, ñaperügügü.

17 —Pema rü pengëãëgü rü ñoma pengexetügüxüü pixigü. ¿Pexcëx rü ñacü nixi i yexera rümemaxü, tüpauca ya taxüneärü diëru rü ëxna nümatama ya tupauca ya nagagu naxüünene i ngëma diëru?

18 —Rü tupauca ya taxünewa nangëxma i ngëma ämarechica i ngexta Tupanacëx ñadaiaxüwa i naxünagü na Tupanana naxämarexüçëx. Rü pema rü ñaperügügü:

“Rü ngëxguma texé ya tupauca ya taxüneärü ämarechicáëgagu ñacüçëx ixunetagu, rü marü name ega tama tayangüxëëgu i ngëma tümäärü uneta. Natürü ngëxguma texé tupauca ya taxüneärü ämarechicawa ngëmaxü i ämareëgagu ñacüçëx ixunetagu, rü tanaxwèxe i aixcüma tayangüxëë i ngëma tümäärü uneta”, ñaperügügü.

19 —Pema rü pengëãëgü rü ñoma pengexetügüxüü pixigü. ¿Pexcëx rü ñacü nixi i yexera rümemaxü, rü yima tupauca ya taxüneärü ämarechicawa ngëmaxü i ämare rü ëxna nümatama ya tupauca ya taxüneärü ämarechica i nagagu naxüünexü i ngëma ämare?

20 —Erü yixema tupauca ya taxüneärü ämarechicáëgagu ñacüçëx ixunetaxe, rü tama ngëma nachicáëgagüxicatama itaxuneta, natürü ngëma ämare i ngëma nachicawa ngëmaxüëgagu rü ta itaxuneta.

21 —Rü yixema tupauca ya taxüneegagu ñacüçëx ixunetaxe, rü tama ngëma tupaucaëgagüxicatama itaxuneta, natürü Tupana ya ngëma maxüçüëgagu rü ta itaxuneta.

22 Rü yixema daxügüxü i naañëegagu ñacüçëx ixunetaxe, rü Tupanaärü torüëgagu rü ta itaxuneta, rü ngëxgumarüü ta Tupana ya ngëma rütocüëgagu rü ta itaxuneta.

23 —Pa Ngüxëëruügü i Ore i Mugüwa Ngüxëëtaegüxü rü Pa Parichéugüx, pema nixi i togü i duüxügüpëxewa meã pemaxënetaxü, natürü peãëwa rü chixexügu perüxünüëxü. Rü wüxi i ngechaü nixi i pexcëx, erü woo ñacü i íraxü i pexü ngëmaxü rü Tupanana penaxä i ngëma nüxna üxü. Natürü tama naga pexünüë i Tupanaärü mugü i guxü i mugüarü yexera ixixü. Erü pexü nataxu na ãëxgacügü i aixcüma meãma duüxügümaã icuëxgüxü na pixigüxü, rü pexü nataxu na duüxügü pexü nangechaütümüügüxü, rü aixcüma meã Tupanamaã pixaixcümagüxü. Rü guxüma i ngëma nixi i Tupana naxwëxexü na penaxüü, tama nüxü ipëyarüngümaëcüma i ngëma mexü i marü pexüü.

²⁴ —Pa Cuèxruügü i Ngexetügüxüx, pema rü guxüma i mugü i woo íraxüchixü rü meäma penaxaure, natürü tama Tupana naxwèxexüläcüma pemaxè. Pema rü ñoma wüxi i duüxü i tunüçèx norü axexü bapetüxü rü ñuxüchi arü wüxi i cameyu ixaxwetaüxürüü pixigü.

²⁵ —Pa Ngüexèèruügü i Ore i Mugüwa Nguxèètaegüxü rü Pa Parichéugüx, pema nixü i togü i duüxügüpèxewa meä pemaxènetaxü natürü peäèwa rü chixexügu perüxünüèxü. Rü wüxi i ngechaü nixü i pexcèx, erü perü düxétüxünewaxicatama pegü pemexèèchaü, natürü perü maxüwa rü poraäcü pichixe. Erü penawomüxèèäcüma poraäcü naxcèx pengüx i duüxügüarü ngèmaxügü, rü pegügüxicatama perüxünüè.

²⁶ —Pa Parichéugü i Ñoma Ngexetüxürüü Ixügüxüx, name nixü i pegü pimexèè i perü aixepewa i perü maxüwa. Rü ngèxguma tá nixü i perü düxétüwa rü tá ta pimexü.

²⁷⁻²⁸ —Pa Ngüexèèruügü i Ore i Mugüwa Nguxèètaegüxü rü Pa Parichéugüx, pema nixü i togü i duüxügüpèxewa meä pemaxènetaxü natürü peäèwa rü chixexügu perüxünüèxü. Rü wüxi i ngechaü nixü i pexcèx, erü ñoma yuetachiquèxegü i düxétüwa cómuxümaä chauxetügüxü natürü aixepewa rü yuetachinaxämaä rü nagüxüraüxü i äüachixümaä napagüxürüü pixigü. Erü perü düxétüwa i duüxügü nüxü ídaugüxüwaxicatama pime, natürü aixepewa i peäèwa rü poraäcü pichixe.

²⁹ —Rü wüxi i ngechaü nixü i pexcèx, Pa Ngüexèèruügü i Ore i Mugüwa Nguxèètaegüxü rü Pa Parichéugüx. Pema rü peyamecagü ga naxchiquèxegü ga nuxcümaügüxü ga Tupanaärü orearü uruügü rü yema düxügü ga imexü ga yuexü.

³⁰ —Rü ñuxüchi ñaperügügü:
 “Rü yexguma chi nuxcümaügüxü ga tórü oxigü maxèyane imaxègu, rü tãu chima nüxü tarüngüxèè ga na nadaiaüxü ga yema nuxcümaügüxü ga Tupanaärü orearü uruügü”, ñaperügügü.

³¹ —Rü ngèma oremaä rü pegü pengoxèè na nataagü pixigüxü ga yema duüxügü ga nuxcümaügüxü ga Tupanaärü orearü uruügüxü dèixü.

³² —íçcü, noxtacüma chomaä rü ta peyangüxèèx ga yema chixexü ga nuxcümaügüxü ga perü oxigü ügüexü!

³³ —Pa Áxtapearü Duüxügüx, pema rü poraäcü pichixe. ¿Ñuxäcü tá naxchaxwa pibuxmü ya yima üxü ya Tupana tá namaä pexü poxcuene?

³⁴ —Rü ngèmacèx i choma rü tá pexcèx núma chanamugü i Tupanaärü orearü uruügü, rü yatügü i mexügü i nüxü cuèxüchigüxü, rü ngüexèèruügü i mexügü. Natürü pema rü tá curuchawa peyapotagüäcüma penadai i ñuxre. Rü togü rü ngutaquèxepataügüwa rü tá peyaçuaixgü, rü togü rü íanechigüwa rü tá nawe pingèxütanü na chixexü namaä pexügüxüçèx.

³⁵ —Natürü Tupana tá pexü napoxcúe naxcèx i guxüma ga norü duüxügü ga imexügü ga perü oxigü dèixü. Rü Abèwa nixü ga inaxügüäxü ga na nadaiaüxü rü Chacaríga ga tupauca ga taxünegu peyamèxgücügü nixü ga yacuäxü ga yema.

³⁶ —Rü aixcüma pemaä nüxü chixü rü guxüma ga yema chixexüçèx rü Tupana tá nanapoxcúe i duüxügü i ñomaüçüü maxèxü —ñanagürü ga Ngechuchu.

*Ngechuchu rü Yerucharéüçüäx ga duüxügüçèx naxaxu
 (Lc 13.34-35)*

³⁷ Rü ñanagürü ta ga Ngechuchu: —Pa Yerucharéüçüäx, pema penadai i Tupanaärü orearü uruügü, rü nutamaä ípenamuxüchigü i Tupanaärü orearü ngeruügü i pexcèx núma namügüxü. Rü ñuxreèxpüxcüna wüxigu chaugüxütagu pexü chanutaquèxexèèchaü ñoma wüxi i ota i naxäcüxä nügütüügu tüxü nutaquèxexürüü. Natürü pema rü tama penaxwèxe.

³⁸ —Düçèx i ñuxma ya perü íane, rü Tupana tá ínanatèx.

³⁹ —Rü pemaä nüxü chixü rü tãütäma wena choxü pedau ñuxmatáta daxügüxü i nañnewa ne chaxü. Rü ngèxguma rü tá choxü pedaugü rü tá ñaperügügü:

“Namexèchi nixü ya yima Cori ya Tupana núma namücü”, ñaperügügü tá —ñanagürü ga Ngechuchu.

24

*Ngechuchu nanaxunagü na tupauca ga taxüne rü tá nagu na napogüèxü
 (Mr 13.1-2; Lc 21.5-6)*

¹ Rü yexguma tupauca ga taxünewa ínaxüüxgu ga Ngechuchu, rü norü ngüexügü naxcèx naxü. Rü ñanagürügü nüxü: —Düçèx, Pa Corix, ñuxäcü nimexèchi ya daa tupauca ya taxüneärü ípatagü —ñanagürügü.

² Natürü Ngechuchu nanangäxü rü ñanagürü: —Pema nüxü pedaugü ya guxüñema ya yima tupauca ya taxüneärü ípatagü. Natürü pemaä nüxü chixü rü aixcüma guxüñema ya daa ípatagü rü tá nagu napogüè. Rü naxtapüxarü nutagü rü taxucütäma nügüétü naxüxüra, rü bai ya wüxi —ñanagürü.

*Cuèxruũgũ i tá nüxũ idauxũ naxũpa na nagũxũ i naãne
(Mr 13.3-23; Lc 17.22-24, 21.7-24)*

³ Rũ ñuxũchi guma Mèxpũne ga Oríbunecũgu ãeganewa naxĩ. Rũ yexguma guma mèxpũnewa natoꝝgu ga Ngechuchu rũ norũ ngũexũgũicatama naxũtawa naxĩ na noxrũwama nüxna nacagũexũcèx. Rũ ñanagũrũgũ: –Tanaxwèxe i tomaã nüxũ quixu na ñuxgu tá nangupetũxũ i ngẽma nüxũ quixuxũ. ¿Rũ tacũ tá nixĩ i norũ cuèxruũ i nawa nüxũ tacaxũ i ñuxgu tá wena nüma na cuxũxũ rũ tá na nagũxũ i naãne? –ñanagũrũgũ.

⁴ Rũ yexguma ga Ngechuchu rũ ñanagũrũ nüxũ: –¡Pexuãègũ na taxúema pexũ womũxèèxũcèx!

⁵ –Erũ muxũchixũ i duũxũgũ tá ínangugũ, rũ chaugu tá nügũ nicuxgũ rũ tá ñanagũrũgũ: “Choma nixĩ i Cristu”, ñanagũrũgũ tá. Rũ muxũchixũ i duũxũgũxũ tá nawomũxèè.

⁶ –Rũ tá nüxũ pexĩnũèchiga na nügũ nadèixũ i ñuxre i nachĩũãnegũ rũ nügũ na nadaixchaũxũ i togũ i nachĩũãnegũ. ¡Natũrũ tãũtãma ngẽmacèx pebèixãchiãègũ! Erũ woetama ngẽmaãcũ tãtama nangupetũ i noxrix. Natũrũ tãũtãma naãneãrũ gux nixĩ i ngẽma.

⁷ –Erũ wũxi i nachĩũãne rũ to i nachĩũãnemaã tá nügũ nadai. Rũ wũxi i ãèxgacũ rũ to i ãèxgacũmaã tá nanu, rũ norũ churaragũ rũ ngẽma to i ãèxgacũarũ churaragũmaã tá nügũ nadai. Rũ tá taiya nangux, rũ tá nataxũchi i ãaaweanegũ, rũ muxũma i nachicawa rũ tá naxĩãxãchiane.

⁸ –Rũ guxũma i ngẽma pemaã nüxũ chixuxũ, rũ ngẽma nixĩ i norũ ügũmare i ngẽma ngũxũ i tá ngupetũxũ.

⁹ –Rũ ngèxguma i togũ i duũxũgũ rũ tá pexũ ínayauxũ na chixexũ pemaã naxũgũxũcèx. Rũ tá pexũ nadai. Rũ guxũ i naãnewa i duũxũgũ rũ tá pexchi naxaie, erũ chorũ duũxũgũ pixĩgũ.

¹⁰ –Rũ ngèxguma rũ tá muxũchixũ i chorũ duũxũgũ ínanatèxgũ i chorũ ore, rũ nügũtanũwa rũ tá nügũchi naxaie. Rũ nügũèchita tá ãèxgacũxũtawa nügũ ínayauxũgũ.

¹¹ –Rũ muxũchixũ i orearũ uruũgũneta tá ínangugũ. Rũ tá nüxũ nixugũgũ na Tupana yĩxũ ya nüma namugũcũ na nüxũ yaxugũxũcèx i ore. Rũ ngẽmaãcũ tá muxũchixũ i duũxũgũxũ nawomũxèègũ.

¹² –Rũ poraãcũ tá nangèxma i chixexũ, rũ ngẽmagagu rũ muxũchixũtãma i duũxũgũ rũ tãũtãma nügũ nangechaũgũ.

¹³ –Natũrũ yixema naetũwa meã Tupanaãxũ yaxõõmãxè rũ yixema tá tixĩ ya aixcũma nayaxũxe i maxũ i taguma gũxũ.

¹⁴ –Rũ ngẽma Tupanaãrũ ore i mexũ rũ guxũ i naãnewa tá nüxũ nixugũgũ na guxũ i duũxũgũ nüxũ na cuègũxũcèx. Rũ ngẽmawena tá nixĩ i nagũxũ i naãne.

¹⁵ –Rũ nüxcũmaãcũ ga Tupanaãrũ orearũ uruũ ga Daniè nachiga nanaxũmatũ i ngẽma chixexũ i Tupanapèxewa ãũãchixũ i ínguxchaũxũ. Rũ ngèxguma nüxũ pedèuxgu na tupauca ya taxũnewa nangóxũ i ngẽma chixexũ i Tupanapèxewa chixexũchixũ, rũ name nixĩ i pexuãègũ.

¹⁶ –Rũ ngèxguma ngẽma üpetũgu, rũ ngẽma Yudéanewa ngèxmagũxũ i duũxũgũ rũ nanaxwèxe na mèxpũneãnewa nabuxmũxũ.

¹⁷ –Rũ ngẽma ngunexũgu ega texè tũmapataèxtũwa ngèxmagu, rũ tama name i tũmapatagu tayangaxi na tũmaãrũ ngẽmaxũ tayayaxuxũcèx.

¹⁸ –Rũ texè ya tũmaãnewa ngèxmaxè rũ tama name i tũmapatacèx tataegu na tũmachirugũ tayayaxuxũcèx.

¹⁹ –Rũ ngẽma ngunexũgũgu rũ wũxi i ngechaũ tá nixĩ i tũmacèx ya yixema ngeãxtagũ ya tacharaũgũxe rũ yixema imaĩxãcũgũxe.

²⁰ –¡Rũ Tupana na naxcèx peça i perũ yumũxèwa na tama gáuane ixũyane rũ èxna ngũxchigaarũ ngunexũgũyane pexũ na nangupetũxũcèx i ngẽma chixexũ!

²¹ –Erũ ngẽma ngunexũgũgu rũ poraãcũ tá nangèxma i ngũxũ ga noxri naãne ixũgũgumama taguma yexmaxũ, rũ ngẽmawena rũ tagutãma wena nangèxma.

²² –Rũ ngèxguma Tupana tama nanoxrexèègu i ngẽma ngunexũgũ, rũ taxũetãma tamaxũ. Natũrũ Tupana tá nananoxrexèè i ngẽma ngunexũgũ tũmacèx ya yixema nüma tũxũ nadexe.

²³ –Rũ ngèxguma texè pexũ ñagũgu:

“Dũcèx, daa nixĩ ya Cristu” ñagũgu, rũ èxna:

“Gua nixĩ ya Cristu” ñagũgu, ¡rũ tama name i nüxũ peyaxõgũ!

²⁴ –Erũ Cristugũneta rũ Tupanaãrũ orearũ uruũgũneta tá ínangugũ. Rũ tá nanaxũgũ i muxũma i cuèxruũgũ i taxũgũ na ngẽmaãcũ, ega nüxũ natauxchagu, na tũxũ nawomũxèègũxũcèx èixrũxe ya yixema duũxègũ ya Tupanatama tũxũ dexe.

²⁵ –Dũcèx, naxũpa na nangupetũxũ i guxũma i ngẽma ngũxũ, rũ marũ pemaã nüxũ chixu i nachiga.

²⁶ –Rũ ngẽmacèx i ngèxguma duũxũgũ ñagũgu pexũ:

“Düçèx, yéa taxúema íxãpataxúwa nangëxma ya Cristu”, ñagügu, rü tama name i ngëma pexí. Rü ngëxguma ñagügu pexú:

“Düçèx, nuá ucapuwa nangëxma ya Cristu”, ñagügu, rü tama name i nüxü peyaxögü.

²⁷ —Erü ñoma wüxi i bëjxëxane i guxúwama nangóonexëëxürüü tá nixí i ngëxguma wenaxärü núma chaxúxgu i choma i Tupana Nane na duúxüxü chíixü.

²⁸ Rü duúxügü rü tá chauxcèx nangutaquëxegü ñoma ëxchagü nawemüçèx ngutaquëxexürüü.

Ñuxácü tá nixí i ngëxguma nataegugu ya Tupana Nane ya duúxüxü íxíü
(Mr 13.24-37; Lc 21.25-33, 17.26-30, 34-36)

²⁹ —Rü nawena i ngëma ngúxügü rü tá nixu ya üèxcü, rü tãütáma inabáxi ya tauemacü. Rü woramacurigü rü ëxtagü rü tá narüyi. Rü guxúma i ñoma i naáne rü üèxcü rü tauemacü rü woramacurigü rü ëxtagü rü tá naxíxãchitanü rü tá nu ne nanaxímare.

³⁰ —Rü ñuxüchi duúxügü tá nüxü nadaugü na ñuxácü daxúwa ne chaxúxü. Rü guxü i nachüüanecüãx i duúxügü rü tá naxauxe. Rü tá choxü nadaugü i ngëxguma caixanexüügü ícharüxíxgu rü núma chaxúxgu. Rü ngëxguma i choma rü äëxgacü ya poraxüchicü rü mexëchicü tá chixí.

³¹ —Rü tá chanamu i chorü orearü ngeruügü i daxüçüãx na yacuegüãxüçèx ya norü cornetagi na ngëmaãcü naxítaquëxexëãxüçèx i guxúma i ngëma duúxügü i chadexü i guxúwama ngëxmagüxü ñuxmata naáne iyacuáxúwa ngëxmagüxü.

³² —¡perüxinüë i ñaa ore i cuèxrüü i orix i iguerachiga, rü naxcèx pengüë! Rü ngëxguma ngexwacaxüxü i nachacüügü iyaryüyxgu rü naxüátügu, rü ngëmawa nüxü pecuèx na paxa tá taunecü na yíxü.

³³ —Rü ngëxgumarüü tá nixí i ngëxguma nagúxchaügu i naáne. Erü ngëxguma nüxü pedëuxgu na nangupetüxü i ngëma pemaã nüxü chixuxü, rü ngëmawa tá nüxü pecuèx na marü chingaicaxüchixü.

³⁴ —Rü aixcüma pemaã nüxü chixu rü guxúma i ngëma nüxü chixuxü rü tá nangupetü naxüpa na nayuxü i duúxügü i ñomaçüü maxëxü.

³⁵ —Rü ñoma i naáne rü ngëma daxúwa nüxü idauxü rü tá nagux. Natürü chorü ore rü tagutáma inayarüxo rü aixcüma tá ningu.

³⁶ —Natürü ngëma ngunexü rü ora i nagu tá nangupetüxü i ngëma pemaã nüxü chixuxü, rü Chaunatü ya Tupanaxícatama nüxü nacuèx na ñuxgu tá nangupetüxü i ngëma, rü taxúema ya toge nüxü tacuèx. Rü woo i norü orearü ngeruügü i daxüçüãx rü tama nüxü nacuèxgü, rü woo i choma i Nane na chíixü rü tama nüxü chacuèx na ñuxgu tá nangupetüxü i ngëma.

³⁷ —Rü yexgumarüü ga duúxügüxü ngupetüxü ga yexguma Noë maúxgu, rü ngëxgumarüü tá ta nüxü nangupetü i ngëxguma íchanguxgu i choma i Tupana Nane na duúxüxü chíixü.

³⁸ —Rü yexguma, naxüpa ga guma mucü ga taxüchicü ga guxúwama inanguanexëëcü, rü ga duúxügü rü nachibüë, rü naxaxegü, rü nixãmëxgü rü nixütëxacügü ñuxmata nawa nangu ga yema ngunexü ga nagu Noë naweügu íxüexü.

³⁹ —Rü noxri ga yema duúxügü rü tama nüxü nacuèxgüéga ga tacü tá nüxü na ngupetüxü. Natürü yexguma ínanguxgu ga guma mucü ga taxüchicü ga yema duúxügüxü daicü, rü yexguma nixí ga nüxü yacuèxãchitanüxü. Rü ngëxgumarüü tá ta nixí i ngëxguma wenaxärü núma chaxúxgu i choma i Tupana Nane na duúxüxü chíixü.

⁴⁰ —Rü ngëma ngunexügu rü taxre i yatügü rü wüxi i naánewa tá nügümaã nangëxmagü. Rü wüxi tá nixí i Tupana igaxü rü ngëma to rü tá ngema natèx.

⁴¹ —Rü taxre i ngexügü tá nügümaã ínacaegü. Rü wüxi tá nixí i Tupana igaxü rü ngëma to rü tá ngema natèx.

⁴² —¡Rü pexuãëgü! Erü tama nüxü pecuèx i tacü rü ora tá íchangu i chomax.

⁴³ —¡Rü nagu perüxinüë i ñaa ore! Rü ngëxguma chí wüxi i ípataarü yora nüxü cuèxgu na tacü rü oragu tá ínanguxü i ngítëxáxü rü tãü chima nape. Erü nüxna chí nadau ya napata na tama ngëxma naxücuèxüçèx i ngëma ngítëxáxü na tacüçèx ngema yangíxüçèx.

⁴⁴ —Rü ngëmaccèx name nixí i pexuãëgü i pemax. Erü ngëma ngunexü i tama nagu íperüxinüëxügu tá nixí i ngürüächí íchanguxü i choma i Tupana Nane na duúxüxü chíixü.

Wüxi ga duúxü ga meã norü coriga ñixü rü to ga tama meã norü coriga ñixüchiga
(Lc 12.41-48)

⁴⁵ —¿Rü texé tíxü ya túmaärü coriarü duúxü ya aixcüma yanguxëxè rü túmaãëxü cuáxe? ¿Tama ëxna yíxema tíxü ya túmaärü cori túxna ägaxe na meã nüxna tadauxüçèx rü meã oragu tanachibüexëëxüçèx i norü duúxügü?

⁴⁶ Rü tataãë ya yíxema coriarü duúxë ega ngëxguma ínanguxgu i túmaärü cori rü túxü íyanguexügu na meãma ítanaxüxü i ngëma puracü i nagu túxü namuxü.

⁴⁷ —Rü aixcüma pemaã nüxü chixu rü ngëma túmaärü cori rü tá guxúma i norü ngëmaxügiarü dauruüxü tá túxü nixíxëë.

48-50 —Natürü ngëxguma chi ngëma coriarü duüxü rü wüxi i yatü i chixexü yixügu, rü chi nagu naxinügu na täütäma paxa inanguxü i norü cori, rü chi inaxüguägu na chixri namuäxü i namücügu i norü coriarü duüxügu, rü chi ngäxëxütanügu naxäxgu na namaä nachibüxüccëx rü naxaxëxüccëx, rü ngürüächi ngëma ngunexü rü ngëma ora i tama nagu inanguxëëäxügu rü tä inangu i norü cori.

51 —Rü poraäcüxüchima tá nanapoxcu i ngëma norü duüxü, ñoma meä maxënetaxü i duüxügüxü napoxcuexürü. Rü ngëma tá narüdoxü rü nixüxchapüta.

25

Ore ga 10 ga pacügu ixuxü

1 Rü ñanagürü ga Ngechuchu: —Pemaä tá nüxü chixu i wüxi i ore na nawa nüxü pecuäxüccëx i ñuxäcü ta duüxüguäru äëxgacü na yixü ya Tupana i ngëxguma naguxgu i naäne. Rü iyexma ga 10 ga pacü ga ngürü daparinamaä ngüguäru petawa icü na yaxümücüguäxüccëx ga guma yatü ga ingixchaücü.

2 —Rü 5 ga yema pacü rü tama ixuäëgü. Rü yema naí ga 5 ga pacü rü meäma ixuäëgü.

3 —Rü yema tama uäëgücü, rü yexguma ngürü daparina iyangëgügu rü tama to ga ngürü queruchinu ta iyangëgü.

4 —Natürü ga yema uäëgücü rü to ga ngürü queruchinu ta iyangëgü.

5 —Natürü ga guma yatü ga ingixchaücü rü tama paxa inangu. Rü düxwa ga yema pacügu rü ipee yerü iyaxtae.

6 —Rü yexguma ngäxücüüwa nanguxgu, rü yema pacügu nüxü ixinüë ga wüxi ga naga ga ñaxü:

“Domama nixü ya yima yatü ya ingixchaücü. ¡Rü Íperüdagü, rü Ípeyadaugü!” ñaxü.

7 —Rü guxcüma ga yema pacügu rü íirüdagü, rü iyamexëëgü ga ngürü daparinagü.

8 —Rü yexguma ga yema 5 ga pacügu ga tama uäëgücü rü ngüürügügu ngixü ga yema pacügu ga uäëgücü:

“¡Íraxü i perü queruchinu toxnata pexä, erü torü omügu rü nixogü!” ngüürügügu.

9 —Natürü ga yema pacügu ga uäëgücü rü ngixü ingäxügu, rü ngüürügügu:

“Taxucürüwa pexna ta taxä, erü ngëxguma chi pexna ta taxäxgu rü täu chima ningu i toxcëx rü pexcëx. Rü ngëmacëx narümemaë nixü i ngextä namaä inataxëgüxüwa pegüxü nawa pexü”, ngüürügügu.

10 —Natürü yexguma ga yema 5 ga pacügu ga tama uäëgücü ngürü queruchinuwa naxiyane, rü inangu ga guma yatü ga ingixchaücü. Rü ga yema pacügu ga uäëgücü rü iyachocu nawa ga guma i ga nawa iyangixüne. Rü ñuxüchi narüwäxta ga íäx.

11 —Rü yemawena íingügu ga yema pacügu ga tama uäëgücü, rü ngüürügügu:

“¡Pa Corix, toxcëx yawäxna i íäx!” ngüürügügu.

12 —Natürü nüma ga cori, rü ngixü nangäxü, rü ñanagürü:

“Pemaä nüxü chixu rü aixcüma tama pexü chacuëx na texëgu pixüxüxü”, ñanagürü.

13 Rü ñuxüchi ñanagürü ga Ngechuchu: —¡Ípexuäëgü! Erü tama nüxü pecuëx i tacü rü ngunexü rü tacü rü ora tä íchangü i choma i Tupana Nane na duüxüxü chüxü —ñanagürü.

Ore ga dïerugu ixuxü (Lc 19.11-27)

14 Rü ñanagürü ta ga Ngechuchu: —Rü ngëma Tupana na duüxüguäru äëxgacü na ixüxü rü ñoma wüxi ga yatü ga ixüächichaücü ga to ga nachüñänewa na naxüxüccëxrüxü nixü. Rü nüma ga guma yatü rü norü duüxüguëccëx naca, rü nüxna ngixü naxä ga dïeru na nüxü ngümaä nanguxüxüccëx rü ngümaä na ínapuracüexüccëx.

15 —Rü wüxi ga yema norü duüxüna ngixü naxä ga 5000 tachinü ga dïeru. Rü yema tona ngixü naxä ga 2000 tachinü ga dïeru. Rü yema tona ngixü naxä ga 1000 tachinü ga dïeru. Rü yemaäcü nanangugü na ñuxäcü tá yema dïerumaä napuracüexü ga wüxichigü ga norü duüxügu rü yemaäcü wüxichigüna ngixü naxä ga yema dïeru. Rü ñuxüchi inaxüächi ga yema cori na to ga nachüñänewa naxüxüccëx.

16 —Rü yema norü duüxü ga 5000 tachinü ga dïeru ngixü yaxuxü, rü ngümaä napuracü, rü naí ga 5000 tachinü ngümaä nayaxu.

17 —Rü yexgumarü ta ga yema norü duüxü ga 2000 tachinü ga dïeru ngixü yaxuxü, rü ngümaä napuracü, rü naí ga 2000 tachinü ngümaä nayaxu.

18 —Natürü ga yema norü duüxü ga 1000 tachinü ga dïeru ngixü yaxuxü, rü ngümaä ínixü. Rü ngixü nixaixmaü, rü yexma ngixü natëx ga yema norü coriarü dïeru.

19 —Rü nuxcüxürama nataegu ga yema duüxüguäru cori. Rü yexguma inanguxgu rü inanaxügu ga norü duüxüguämaä na namexëëäxü ga norü dïeruchiga.

20 —Rü nüxüra norü corixütawa naxü ga yema norü duüxü ga 5000 tachinü ga dïeru ngixü yaxuxü. Rü norü corina ngixü naxä ga yema 5000 tachinü. Rü ngëxü ngixü inaxä ga naí

ga 5000 tachinü ga ngîxü nayaxucü ngîmaâ ga yema norü cori nûxna ngîxü äcü ga dîeru. Rû ñanagürü norü corixü:

“Dücêx Pa Corix, ñaâ iyixî ga yema 5000 tachinü ga dîeru ga choxna ngîxü cuxâcü. Marü ngîmaâ chapuracü rû ngîmaâ cuxü ngîxü chayaxu i ñaâ naî i 5000 tachinü”, ñanagürü.

²¹—Rû norü cori rû ñanagürü nûxü:

“Pa Chorü Duïxüx, wüxi i mexêchixü quixî, rû meâma cupuracü. Rû meâ nûxna cudau ga yema noxre ga dîeru ga cuxna ngîxü chaxâcü, rû meâma ngîmaâ cupuracü. Rû ngêmacêx i ñuxma rû tá rûmumaêcûna cuxü chadauxêê. ¡Rû ixücu i chopatawa rû ngîxâ tataâêgü!” ñanagürü.

²²—Rû yemawena íngu ga yema to ga norü duïxü ga 2000 tachinü ga dîeru ngîxü yaxuxü. Rû ñanagürü norü corixü:

“Dücêx Pa Corix, ñaâ iyixî ga yema 2000 tachinü ga dîeru ga choxna ngîxü cuxâcü. Marü ngîmaâ chapuracü rû ngîmaâ cuxü ngîxü chayaxu i naî i 2000 tachinü. Rû ñaâ iyixî”, ñanagürü.

²³—Rû norü cori rû ñanagürü nûxü:

“Pa Chorü Duïxüx, wüxi i mexêchixü quixî, rû meâma cupuracü. Rû meâ nûxna cudau ga yema noxre ga dîeru ga cuxna ngîxü chaxâcü, rû meâma ngîmaâ cupuracü. Rû ngêmacêx i ñuxmax rû tá rûmumaêcûna cuxü chadauxêê. ¡Rû ixücu i chopatawa rû ngîxâ tataâêgü!” ñanagürü.

²⁴—Natürü yexguma norü corixütawa nanguxgu ga yema norü duïxü ga 1000 tachinü ga dîeru ngîxü yaxuxü, rû ñanagürü norü corixü:

“Dücêx Pa Corix, choma nûxü chacuêx rû wüxi i yatü i aüxü quixî. Rû cunayaxu i nanetüarü o i ngextá tama ícutoexüwa, rû cunabuxarü oïx i nanetü i tama icutoxü.

²⁵—Rû yemacêx chamuü. Rû waixümgü ngîxü chixaixmaü rû ngîxü ichatêx. Natürü ñaâ iyixî i ngêma curü dîeru”, ñanagürü.

²⁶Rû yexguma ga norü cori rû nanangâxü rû ñanagürü:

“Pa Chorü Duïxüx, wüxi i chixexü rû oxü i chorü duïxü quixî. Rû cuma meâma nûxü cucuêx rû ngextá tama íchatoexüwa rû chanayaxu i nanetüarü o, rû chanabuxarü oïx i nanetü i tama ichatoxü.

²⁷—Rû yemacêx narümemaê chi nixî ga bancugu choxü ngîmaâ na cunguxüxü ga chorü dîeru na ngema choxü ngîxü yamuxêêgüxcêx, rû ngêmaâcü mucü ngîxü na chayaxüxcêx i ngêxguma íchanguxgu”, ñanagürü.

²⁸—Rû yexguma ga yema cori rû nanamu ga yema togü ga norü duïxügü ga yéma yexmagüxü, rû ñanagürü nûxü:

“¡Nûxna ngîxü peyaux i ngêma dîeru, rû ngêma yatü i 10,000 i dîeru nûxü ngêxmaxüna ngîxü pexâ!

²⁹—Erü yíxema tüxü nangêmxêcü rû yexera tá tüxna ngîxü taxâ, rû ngêmaâcü tá tüxü imuxüchi. Natürü yíxema tüxü nataxücü rû woo ngêma noxre i tüxü ngêmxêcü rû tá tüxna ngîxü tayaxu.

³⁰—¡Rû yéma düxétüwa i poraâcü ínaxêânexüwa peyatá i ñaâ chorü duïxü i taxuwama mexü! Rû ngema tá narüdoxü rû tá nixüxchapüta”, ñanagürü.

Naâneärü guxgu rû Cristupêxegu tá nangutaquêxegü i guxü i nachiiüñecüâx i duïxügü na yadexechiâxüxcêx i ngêma mexügü rû na napoxcueâxüxcêx i ngêma chixexügü

³¹Rû ñanagürü ga Ngechuchu: —Rû ngêxguma wenaxârü núma chaxüxgu i choma i Tupana Nane na duïxüxü chiïxü, rû chorü orearü ngeruügü i daxü-cüâx rû tá choxü naxümcügü. Rû âêxgacü ya tacü tá chixî rû chorü tochica i mexêchixüwa tá charüto.

³²—Rû guxü i nachiiüñecüâx i duïxügü rû tá chopêxegu nangutaquêxegü. Rû choma rû tá chayadexechi ñoma wüxi i carneruarü dauruü i norü carnerugü rû chibugü noxrüwama mugüxüü.

³³—Rû ngêma choxrü ixîgüxü rû chorü tügüñecüwawa tá chanangêxmagüxêê. Rû ngêma tama choxrü ixîgüxü rû chorü toxwecüwawa tá chanangêxmagüxêê.

³⁴—Rû ngêxguma i choma i tá âêxgacü ya tacü na chiïxü rû ñacharügü tá nûxü i ngêma chorü duïxügü:

“¡Nuâ pexî i pema ya texé ya Chaunatü ya Tupana tüxü rüngüxêêgüxe, rû penayaxu i ngêma pechica i ngextá núma âêxgacü iyixüwa! Yerü Chaunatü rû pexcêx nanamexêê i ngêma pechica ga yexguma tauta naâne naxüxgu.

³⁵—Rû ngêmaâcü tá pemaâ namecüma yerü yexguma chataiyagu rû pema rû choxü pechibüxêê. Rû yexguma chiñawagu rû choxü pexaxêê. Rû yexguma tama nûxü pecuêxu na texé chiïxü rû meâ choxü peyauxgü ga pepatawa.

³⁶ –Rü yexguma changexchirugu rü choxü pexüxchiru. Rü yexguma chidaawegu rü choxü perüngüxêê. Rü yexguma poxcupataüwa chayexmagu rü choxü ipeyadau”, ñacharügü tá nüxü.

³⁷ –Rü ngëxguma i ngëma duüxügü i chadexü rü ñanagürügü tá choxü:

“Pa Corix, ¿ñuxgu ga cuxü tadauxü ga na cutaiyaxü rü cuxü tachibüxêêxü? ¿Rü ñuxgu ga cuxü tadauxü ga na quitaawaxü rü cuxü taxaxêêxü?”

³⁸ –¿Rü ñuxgu ga tochixüwa cunguxü rü meã cuxü tayauxgüxü ga woo tama cuxü tacuëxgü? ¿Rü ñuxgu ga cungexchiruxü rü cuxü taxüxchirügüxü?”

³⁹ –¿Rü ñuxgu ga cuxü tadaugüxü na quidaawexü rü êxna poxcupataüwa cuyexmaxü rü cuxü itayadaugüxü?” ñanagürügü tá choxü.

⁴⁰ –Rü choma na ãëxgacü ya tacü na chiixü, rü tá chanangãxü, rü ñacharügü tá:

“Aixcüma pemaã nüxü chixu rü yexguma nüxü perüngüxêêgüga i ngëma chorü duüxü i yexeraãcü ngearü ngemaxüáxü, rü choxü nixi ga perüngüxêêgüxü”, ñacharügü tá nüxü.

⁴¹ Rü ñuxüchi i choma na ãëxgacü ya tacü na chiixü, rü ñacharügü tá nüxü i ngëma tama chorü duüxügü ixigüxü:

“¿Choxna pixigachi i pema i perü chixexücëx poxcuexe! ¿Rü ngema pexi nawa ya yima üxü ya taguma ixoxüne ya Tupana imexëene naxcëx i ngoxo i Chataná rü norü duüxügü!”

⁴² –Yerü yexguma chataiyagu rü pema rü tama choxü pechibüxêê. Rü yexguma chitawagu rü tama choxü pexaxêê.

⁴³ –Rü yexguma tama nüxü pecuëxgu na texé chiixü rü tama meã choxü peyaxgü ga pepatawa. Rü yexguma changexchirugu rü tama choxü pexüxchirügü. Rü yexguma chidaawegu rü poxcupataüwa chayexmagu rü tama choxü ipeyadaugü”, ñacharügü tá nüxü.

⁴⁴ –Rü ngëxguma i nümagü i tama chorü duüxügü ixigüxü, rü ñanagürügü tá choxü:

“Pa Corix, ¿ñuxgu tochixüwa cingu rü tama meã cuxü tayauxgü yerü tama cuxü tacuëxgü? ¿Rü ñuxgu ga cuxü tadaugüxü ga na cutaiyaxü, rü êxna na quitaawaxü, rü êxna na cungexchiruxü, rü êxna quidaawexü, rü êxna poxcupataüwa na cuyexmaxü, rü tama cuxü tarüngüxêêgüxü?” ñanagürügü tá choxü.

⁴⁵ –Rü choma na ãëxgacü ya tacü na chiixü, rü tá chanangãxü, rü ñacharügü tá nüxü:

“Aixcüma pemaã nüxü chixu rü yexguma tama nüxü perüngüxêêgüga wüxi ga duüxü ga yexeraãcü ngearü ngemaxüáxü, rü choxü rü ta tama perüngüxêêgü”, ñacharügü tá nüxü.

⁴⁶ –Rü ñuxüchi i ngëma duüxügü i tama chorü duüxügü ixigüxü rü tá poxcu i taguma güxüwa naxi. Natürü ngëma duüxügü i aixcüma meã chauxcëx maxëxü rü tá nanayauxgü i maxü i taguma güxü, –ñanagürü ga Ngechuchu.

26

Yudiügarü ãëxgacügü naxcëx nadaugü na ñuxãcü Ngechuchuxü yayauxgüxü

(Mr 14.1-2; Lc 22.1-2; Cu 11.45-53)

¹ Rü yexguma Ngechuchu nüxü rüchaxgu ga yema orexü na yaxuxü, rü ñanagürü norü ngüexügüxü:

² –Pema nüxü pecuëx rü taxre i ngunexü nataxu na nangõxgüãxücëx i ngëma ñna i Üpetüchigaarü petacëx naxügüxü. Rü ngëxguma tá nixi i choxü yayauxgüxü i chorü uwanügü na curuchawa choxü yapotagüxücëx –ñanagürü.

³ Rü yexgumaücüü ga paigüarü ãëxgacügü, rü ngüexëeruügü ga ore ga mugüwa nguxëëtaegüxü, rü Yudiügarü ãëxgacügügerügü rü nangutaquëxegü ga napatawa ga Caipá ga paigüarü ãëxgacü ixicü.

⁴ Rü yéma nügümaã nanamexëëgü na Ngechuchuxü nawomüxëëgüãcüma na yayauxgüãxücëx rü na yamëxgüãxücëx.

⁵ Natürü nügümaã ñanagürügü: –Taxucürüwama i ñuxma petagu tayayauxgü, erü duüxügü rü tá tamaã nanuë –ñanagürügü.

Wüxi ga nge rü Ngechuchuerugu inaba ga pumara

(Mr 14.3-9; Cu 12.1-8)

⁶ Rü Ngechuchu rü Betániãwa nayexma napatawa ga Chimáü ga rüchaxü necümaã nax-güãcü.

⁷ Rü Ngechuchucëx yéma iyaxü ga wüxi ga ngecü ga yéma nangecü ga wüxiweü ga pumara ga tatanüxüchixü ga mexëchicü ga butiyamaã ächiixü. Rü yexguma mechawa inachibüyane ga Ngechuchu, rü ngüma rü naëru inaba ga yema pumara.

⁸ Rü yexguma yemaxü nadaugüga ga Ngechuchuarü ngüexügü, rü naãëwa nanguxgü, rü inanaxügüga na ñagüxü. –¿Tüxcüü ngëxma inaxaiyaxü i ngëma pumara?

⁹ –Rü narümeaë chi nixi i tatanüxüga namaã itaxe, rü ñuxüchi ngëma diërumaã nüxü irüngüxêê i ngëma duüxügü i ngearü ngëmaxüãxgüxü –ñanagürügü.

¹⁰ Rū Ngechuchu nūxū naxīnū. Rū űuxūchi űanagūrū norū ngúexūgūxū: —¿Tūxcūū ngīxū pechixewe i ngēma nge? Erū ngēma chomaā naxūxū rū wūxi i mexū nixī.

¹¹ —Ngēma ngearū ngēmaxūāxgūxū rū guxūgutáma petanūwa nangēxmagū. Natūrū choma rū tāūtáma guxūgu petanūwa changēxma.

¹² —Rū ngēma chomaā naxūxū i űāa ngecū na chaxunegu nabaāxū i ngēma pumara i yixixū, rū ngēmaācū inaxū erū paxa tá chayū rū tá choxū inatēxgū. Rū ngēmacēx nixī i chaxunegu nabaāxū i ngēma pumara.

¹³ —Rū aixcūma pemaā nūxū chixu rū guxū i naānewa i ngextá duūxūgū nūxū íxugūgūxūwā i Tupanaārū ore i mexū, rū űāa ngecū chomaā űxū rū tá ta nūxū nixugūgū. Rū ngēmaācū tá ngīxna nacūēxāchie i duūxūgū —űanagūrū ga Ngechuchu.

*Yuda rū āēxgacūgūmaā nanamexēē na űuxācū Ngechuchuxū yayauxgūxūcēx
(Mr 14.10-11; Lc 22.3-6)*

¹⁴ Rū űuxūchi ga wūxi ga Ngechuchuarū ngúexū ga Yuda ga Icaríute rū paigūarū āēxgacūgūxūwā naxū rū namaā nayarūdexa.

¹⁵ Rū Yuda rū űanagūrū nūxū: —¿űuxre tá choxū penaxūtanūxū i ngēxguma pexū chanatauxchaxēēgu na Ngechuchuxū piyauxgūxūcēx? —űanagūrū. Rū yexguma ga nūmagū ga paigūarū āēxgacūgū rū 30 tachinū ga dīerugu namaā naxuneta.

¹⁶ Rū yexgumama inanaxūgū ga Yuda ga naxcēx na nadauxū ga űuxācū nūxū na natauxchaxēēgūāxū na Ngechuchuxū yayauxgūxūcēx.

Coriarū ōnachiga

(Mr 14.12-25; Lc 22.7-23; Cu 13.21-30; 1 Co 11.23-26)

¹⁷ Rū nawa nangu ga ngunexū ga nugu inaxūgūxū ga yema peta ga pāu ga ngearū puxēēruūāxū nagu nangōxgūxū. Rū norū ngúexūgū rū Ngechuchucēx naxī, rū űanagūrūgū nūxū: —¿Ngextá tá tanamexēē i nachica i nawa nangōxgūxū i ōna i Ūpetūchigaarū petagu ingōxū? —űanagūrūgū.

¹⁸ Rū nūma ga Ngechuchu rū űanagūrū nūxū: —¿Ngema íānewa pexī, rū yima yatū ya pemaā nūxū chaxunetacūpatawa pexī i rū namaā nūxū pixu rū űapegūgū:

“Torū ngúexēēruū rū űanagūrū: ‘Marū ningaicaxūchi na chayuxū rū nuā cupatawa rū chorū ngúexūgūmaā chanangupetūxēēchaū i Ūpetūchigaarū peta’,” űaperūgūgū tá nūxū!

¹⁹ Rū yēma naxī ga yema norū ngúexūgū. Rū yema Ngechuchu namaā nūxū íxuxūruū nanaxūgū. Rū nanamexēēgū ga yema ōna ga Ūpetūchigaarū petagu tá nangōxgūxū.

²⁰ Rū yexguma nachūtagu rū yēma mechawa nachibū ga Ngechuchu namaā ga yema 12 ga norū ngúexūgū.

²¹ Rū yexguma ínachibūeyane, rū Ngechuchu rū űanagūrū nūxū: —Aixcūma pemaā nūxū chixu rū wūxie i petanūwa tá tixī ya bexma chauechita choxū íyaxuaxūxē —űanagūrū.

²² Rū yexguma ga nūmagū ga norū ngúexūgū rū poraācū nangechaūgū. Rū wūxichigū nūxna nicachigū, rū űanagūrūgū: —Pa Corix, ¿choma ēxna tá chíxū ya yīxema cuxū íyaxuaxūxē? —űanagūrūgū.

²³ Rū nūma ga Ngechuchu nanangāxū rū űanagūrū: —Ngēma wūxi ya poratuwa namaā tá chachibūxū, rū ngēma tá nixī i chauechita choxū íyaxuaxūxū.

²⁴ —Erū choma i Tupana Nane na duūxūxū chíxū rū tá chayū ngēxgumarū i Tupanaārū ore i űmatūxū nūxū íxuxūruū. Natūrū wūxi i ngechaūxūchi nixī naxcēx i ngēma yatū i choxū íyaxuaxūxū. Rū narūmemaē chi nixī ga noxtacūma tāu chima na nabuxū —űanagūrū.

²⁵ Rū nadexaāchi ga Yuda ga naēchita íyaxuaxūxū, rū űanagūrū: —Pa Ngúexēēruūx, ¿tāūtáma choma nixī? —űanagūrū. Rū Ngechuchu nanangāxū rū űanagūrū: —Ngēmaācū cuma nixī —űanagūrū.

²⁶ Rū yexguma ínachibūeyane rū Ngechuchu nanayaxu ga wūxi ga pāu. Rū Tupanana moxē naxā, rū inanabūcu, rū norū ngúexūgūxū nayanu. Rū űanagūrū: —űāa pāu rū chaxunechiga nixī. Rū ípenangō! —űanagūrū.

²⁷ Rū yemawena rū nanayaxu ga wūxi ga pochiyu ga binumaā āācuxū. Rū yexgumarū ta Tupanana moxē naxcēx naxāxira, rū űuxūchi norū ngúexūgūna nanaxā, rū űanagūrū nūxū: —¿Rū guxāma i pema rū peyaxēux ya daa binu!

²⁸ —Erū daa binu rū nachiga nixī ya chaugū ya muxūma i duūxūgūcēx tá ibacū na ngēmaācū Tupana nūxū nūxū nangechaūxūcēx i norū pecadugū. Rū yimawa Tupana nanangoxēē na aixcūma yīxū i norū uneta.

²⁹ —Rū pemaā nūxū chixu rū tagutáma wena binu chayaxaxū űuxmatáta Chaunatū ya Tupana āēxgacū íxixūwā ngexwacaxūcū ya binu pemaā chayaxēux —űanagūrū.

*Ngechuchu nūxū nixu rū Pedru rū taxūtáma nūgū nixu na norū ngúexū yīxū
(Mr 14.26-31; Lc 22.31-34; Cu 13.36-38)*

³⁰ Rū ñuxūchi nawiyaegū ga wūxi ga Tupanaārū wiyaegu. Rū yemawena rū guma Mèxpūne ga Oríbunecūgu ãeganewa naxī.

³¹ Rū yexguma ga Ngechuchu rū ñanagūrū nūxū ga norū ngūexūgū: —Guxāma i pema rū tá choxū ípetèxgū i ñoma i chūtaxūgu. Erū Tupanaārū ore i ūmatūxūwa rū ñanagūrū: “Tá chayamèx ya carneruarū dauruū, rū tá nanaxūanemare i carnerugū”, ñanagūrū i ngēma ore.

³² —Natūrū ngēxguma marū yuwa ícharūdaxguwena, rū tá chaxira pexūpa Gariréaanewa chaxū —ñanagūrū.

³³ Rū yexguma ga Pedru rū nanangāxū rū ñanagūrū: —Rū woo guxūma i togū cuxū ítèxgu, natūrū i chomax rū tātūama cuxū íchatèx —ñanagūrū.

³⁴ Rū Ngechuchu ñanagūrū nūxū: —Aixcūma cumaã nūxū chixu rū ñomatama i chūtaxūgu rū naxūpa na otá ícaxū, rū tomaèxpūxcūna tá cugū íquicux na chorū duūxū quūxū.

³⁵ Rū Pedru nanangāxū rū ñanagūrū: —Rū woo wūxigu cumaã chayuxgu rū tātūama chaugū íchicux na curū duūxū chíxū —ñanagūrū. Rū guxūma ga togū ga norū ngūexūgū rū ta yema ñanagūrūgū.

Ngechuchu rū Yechemaníwa nayayumūxē
(Mr 14.32-42; Lc 22.39-46)

³⁶ Rū Ngechuchu rū norū ngūexūgūmaã nawa nangugu ga wūxi ga nachica ga Yechemanígu ãegaxū. Rū Ngechuchu rū ñanagūrū nūxū: —¡Nuã perūtogu! Rū paxa yoxni yéa chayayumūxē —ñanagūrū.

³⁷ Rū Ngechuchu nūgūwe nanagagū ga Pedru rū Zebedéu nanegū ga Chaūtiágu rū Cuáū. Rū Ngechuchucèx inaxūgū ga na poraãcū nangechaūxū rū naxīxāchīãèxū.

³⁸ Rū yexguma ga Ngechuchu rū ñanagūrū nūxū: —Poraãcū changechaū rū nagu charūxūnū rū ngēmamaã tá chayū. ¡Rū nuxa perūcho i pemax, rū chauxrūū ípedaue! —ñanagūrū.

³⁹ Rū yexguma ga Ngechuchu rū yéaxūra naxū. Rū waixūmūãxegu nanangūcuchi. Rū nayumūxē rū ñanagūrū: —Pa Chaunatūx, ngēxguma cuma cunaxwèxegu, ¡rū nūxna choxū ínanguxuchixèè i ñaã ngūxū i tá choxū ūpetūxū! Natūrū chanaxwèxe i cuxrūtama ngūchaū cuxū rū tama i choxrū —ñanagūrū.

⁴⁰ Rū yemawena ga Ngechuchu rū nataegu ga yema norū ngūexūgū íyexmagūxūwa. Rū nūxū inyangau ga na ínapeexū. Rū ñanagūrū Pedruxū: —Pa Pedrux, ¡taxucūrūwama èxna namaã peporae na chomaã ípedauexū, rū bai i wūxi i ora?

⁴¹ —¡Rū pexuãègū rū Tupanana naxcèx peça na pexū nangūxèèxūcèx na tama choxū ípetáxūcèx ega ngēxguma tacū rū guxchaxū pexū ūpetūgu! Erū aixcūma peãewa rū ípememare, natūrū pexene nixī itiraxū —ñanagūrū.

⁴² Rū yexguma rū wenaxārū noxri ínayumūxèxūcèx nataegu ga Ngechuchu. Rū wenaxārū nayumūxē, rū ñanagūrū: —Pa Chaunatūx, ngēxguma tama cunaxwèxegu na nawa choxū ícunguxuchixèèxū i ñaã ngūxū i tá chingexū, rū marū name i ngēma cuma cunaxwèxèxūcūma chomaã cunaxū —ñanagūrū.

⁴³ Rū ñuxūchi wenaxārū norū ngūexūgū íyexmagūxūwa naxū. Rū nūxū inyangau ga na ínapeexū, yerū poraãcū nayaxtaexūchi.

⁴⁴ Rū yéma nūxna nixū, rū wenaxārū nayayumūxē. Rū noxriãcūtama nayumūxē.

⁴⁵ Rū yemawena rū norū ngūexūgū íyexmagūxūwa naxū. Rū ñanagūrū nūxū: —¡Ñuxma waxi pepee rū íperūngūè! Erū marū nawa nangu i ora na chorū uwanū choxū iyaxugūxū rū pecaduãxgūxūna choxū namugūxū.

⁴⁶ ¡Ipechīgū rū ngīxā ítitix! Erū marū ñomatāma nixī i ngēma choxū íyaxuaxūxū —ñanagūrū.

Ngechuchuxū niyaxgū
(Mr 14.43-50; Lc 22.47-53; Cu 18.2-11)

⁴⁷ Rū yexguma iyadexayane ga Ngechuchu, rū ínangu ga Yuda ga norū ngūexūchirèx íxīxū. Rū nawe narūxī ga muxūma ga duūxūgū ga taramaã rū naímaã íxānxexū. Rū yema nixī ga duūxūgū ga paiguarū ãèxgacūgū rū Yudiugarū ãèxgacūgūerugū yéma mugūxū.

⁴⁸ Rū ga Yuda ga ínaxuaxūxū rū marū yema duūxūgūmaã nanamexèè, rū ñanagūrū: —Ngēma nūxū chachūxūxū tá nixī i Ngechuchu. Rū ngēma tá nixī i piyaxugūxū —ñanagūrū:

⁴⁹ Rū yexguma Ngechuchucèx nixū, rū ñanagūrū nūxū: —Nuxmaè Pa Ngūexèerūx —ñanagūrū. Rū ñuxūchi nūxū nachūxu.

⁵⁰ Rū Ngechuchu nanangāxū rū ñanagūrū: —Pa Chomūcūx, ¡tacūwa nuã cuxū? —ñanagūrū. Rū yexgumatama Ngechuchuxū niyaxgū ga yema duūxūgū ga Yudawe rūxīxū.

⁵¹ Rū wūxi ga Ngechuchumūcū nanawèxechi ga norū tara, rū paiguarū ãèxgacuarū duūxūxū ínadaechinū.

⁵² Rū yexguma ga Ngechuchu rū ñanagūrū: —¡Naxchīūgu yaxūcuchi i curū tara! Erū guxāma ya yixema taramaã nuèxē, rū taragu tátama tayue.

⁵³ —¿Tama éxna nüxü cucuèx rü ngéxguma chi choma chanaxwèxegu, rü Chaunatüna chi naxcèx chaca na choxü núma namugüäxüçèx i muxüma i norü orearü ngeruügü i daxüçüäx na choxü yanangüxègüxüçèx?

⁵⁴ —Natürü ngéxguma chi ngéma chaxüxgu, rü ¿ñuxäcü chi ningu i Tupanaärü ore i ümatüxü i nüxü ixuxü na choma rü tá chayuxü?

⁵⁵ Rü yexguma ga Ngechuchu rü ñanagürü nüxü ga yema duüxügü: —¿Tüxcüü taragü rü naixmenèxägümaä chauxcèx nuä pexü na choxü peyarüyauxgüxüçèx ñoma wüxi i ngítéaxü chüixürüü? Rü guxü ga ngunexügu rü tupauca ga taxünewa changuxèétae natürü taguma yexma choxü piyauxgü.

⁵⁶ —Natürü guxüma i ñaä ñuxma ngupetüxü, rü ngémaäcü nangupetü na yanguxüçèx i Tupanaärü ore ga nuxcümaügüxü ga norü orearü uruügü ümatügüxü —ñanagürü. Rü yexguma ga guxüma ga norü ngüexügü rü nüxna nibuxmü. Rü nüxicatama yéma nanatèxgü ga Ngechuchu.

*Äëxgacügü ga taxügüpèxewa Ngechuchuxü nagagü
(Mr 14.53-65; Lc 22.54-55, 63-71; Cu 18.12-14, 19-24)*

⁵⁷ Rü Caipá ga paigüarü äëxgacüxütawa Ngechuchuxü nagagü ga yema duüxügü ga yayauxgüxü. Rü yexma nixü ga nangutaquèxegüxü ga ngüexèeruügü ga ore ga mugüwa ngüxèétaegüxü rü Yudiügüarü äëxgacügüerugü.

⁵⁸ Natürü ga Pedru rü yaxügu nawe nixächigü ñuxmata paigüarü äëxgacü ga Caipáxütawa nangu. Rü purichüagü ga tupaucaarü dauruügümaä yéma iäxtüwa narüto, yerü nüxü nadauxchaü ga tacü tá Ngechuchumaä na naxüexü.

⁵⁹ Rü ga paigüarü äëxgacügü rü guxüma ga Yudiügüarü äëxgacügüerugü rü naxcèx nadaugü ga wüxi ga ore ga doramare ixüxü na yemamaä Ngechuchuxü inaxuaxügüxüçèx na yamèxgüäxüçèx.

⁶⁰⁻⁶¹ Natürü woo muxüma ga duüxügü doraxümare nachigaxü yéma yarüxugüe, natürü taxuxüma ga chixexü inayangaugü ga naxcèx tá yamèxgüäxü. Rü düxwa yéma naxü ga taxre ga yatügü ga doraxümare yéma yarüxugüxü. Rü ñanagürügü: —Toma nüxü taxünüe i ñaä yatü rü ñanagürü.

“Tá nagu chapogü ya daa tupauca ya taxüne ya Tupanaärü, rü tomaèxpüx i ngunexügu tá wenaxärü íchanadaxèè”, ñanagürügü.

⁶² Rü yexguma ga paigüarü äëxgacü ga Caipá rü inachi, rü ñanagürü Ngechuchuxü: —¿Rü tacümaä cunangäxü i ñuxmax? ¿Rü ñuxü ñaxü yüxü i ngéma cuchiga i nüxü yaxugügüxü? —ñanagürü.

⁶³ Natürü ga Ngechuchu rü nangeèxmare. Rü yemacèx ga paigüarü äëxgacü ga Caipá rü ñanagürü nüxü: —Tupana ya Maxüçüéagü chanaxwèxe i aixcüma tomaä nüxü quixu na texé quüxü. ¿Rü cuma éxna i Cristu ya Tupana Nane quüxü, rü éxna tama? —ñanagürü.

⁶⁴ Rü Ngechuchu nanangäxü rü ñanagürü: —Ngü, rü ngéma nüxü quixuxü chixü. Rü pemaä nüxü chixu rü tá choxü pedaugü i ngéxguma Chaunatü ya Poracüxütawa charütöxgu rü ngéxguma caixanexügu wenaxärü núma chaxüxgu —ñanagürü.

⁶⁵ Rü yexguma ga paigüarü äëxgacü rü norü numaä nügüchirugu nagaugü. Rü ñanagürü: —Rü ñaä yatü rü tacü Tupanamaä nixugü. Rü taxucèxma marü tanaxwèxe i ñuxma i to i ore na napoxcuxüçèx i ñaä yatü. Rü pematama marü nüxü pexünüe na ñuxäcü chixexümaä na yadexaxü.

⁶⁶ —¿Ñuxü ñapegüxü i pemax? —ñanagürü. Rü nümagü ga togü ga äëxgacügü rü nanangäxügü rü ñanagürügü: —Ngémaäcü chixexü naxü. Rü name nixü i noxtacüma nayu —ñanagürügü.

⁶⁷ Rü yexguma rü Ngechuchuchiwewa naçuaixgüe. Rü nüxna nanaçuaixcagü. Rü togü rü nanapegüchiewegü.

⁶⁸ Rü ñanagürügü: —Pa Cristux, inüxü nacuèx na texé cuxü pegüchiewegüxü rü cuxna naçuaixcagüxü! —ñanagürügü.

*Pedru rü tama nügü nixu na Ngechuchuxü nacuáxü
(Mr 14.66-72; Lc 22.56-62; Cu 18.15-18, 25-27)*

⁶⁹ Rü yoxni ga Pedru rü äëxgacüpataèxtüwa narüto. Rü wüxi ga pacü ga äëxgacüarü duüxü ixücü, rü Pedrucèx iyaxü. Rü ngügürügü nüxü: —Cuma rü ta namücü quixü i ngéma Ngechuchu i Gariréaanecüäx —ngügürügü.

⁷⁰ Natürü ga Pedru rü guxü ga yema duüxügüpèxewa rü tama nügü nixu na Ngechuchuarü duüxü yüxü, rü ñanagürü: —Choma rü tama nüxü chacuèx i tacüchiga nixü i ngéma nüxü quixuxü —ñanagürü.

⁷¹ Rū yexguma marū yema İpataèxtıarū İāxwa İnaxūıxgu ga Pedru, rü naİ ga pacū nūxū idau. Rū ngıgürügü namaā ga yema duıxūğü ga yema yexmagūx: –Naā yatü rü Ngechuchu ya Nacharétucūāxmücü nixı –ngıgürügü.

⁷² Natürü ga Pedru rü wenaxārū tama nügü nıxu na Ngechuchuarü duıxū yııxū. Rū ñanagürü: –Choma rü tama nūxū chacuèx i ngēma yatü. Rū Tupana choxū poxcux ega tama aixcūma yıxıgu i chorü ore –ñanagürü.

⁷³ Rū yıxcamaxıra rü yema duıxūğü ga yema yexmagūx rü Pedrucèx naxı, rü ñanagürügü nūxū: –Aıxcūma nıxı i cuma rü ta rü ngēma Ngechuchutanūxū quııxū, erü wūxi i Garıréaanecūāx idexaxürüü quıdexa –ñanagürügü.

⁷⁴ Rū nūma ga Pedru rü poraācū nügü nıxā, rü ñanagürü nūxū: –Rü aixcūma tama nūxū chacuèx i ngēma yatü. Rū ngēxguma doraxū chıxuxgu rü Tupana choxū poxcux –ñanagürü. Rū yexgumatama nıca ga otá.

⁷⁵ Rū nūma ga Pedru rü yexguma nūxna nacuèxachi ga yema ore ga Ngechuchu namaā nūxū İxuxū ga ñaxū:

“Rü naxūpa na otá İçaxū, rü cuma rü tomaèxpıxcūna cugü tá quıxā na chorü duıxū quııxū”, ñaxū. Rū yema İnaxūxū ga Pedru rü poraācūxūchıma naxaxu.

27

*Yudıgüarü āèxgacügü rü Piratuxūtawa nanagagü ga Ngechuchu
(Mr 15.1-; Lc 23.1-2; Cu 18.28-32)*

¹ Rū yexguma yangunegu rü guxūma ga paıgüarü āèxgacügü rü Yudıgüarü āèxgacügüerugü, rü nügümaā nanamexēègü na ñuxācū Ngechuchuxū yamēxgūxū.

² Rū nayanēıxgüchacuügü rü yemaācū āèxgacü ga Piratuxūtawa nanagagü. Piratu nıxı ga Dumacuāx ga āèxgacü ga Yudéaanemaā İcuācū.

Nayu ga Yuda

³ Rū nūma ga Yuda ga Ngechuchuxū İyaxuaxūxū rü nūxū nadau ga Ngechuchuxū na napoxcuexū. Rū poraācū nıxu narūıxınu ga yema chıxexū ga nūmatama naxıxū. Rū yema naxū naxūtawa ga yema paıgüarü āèxgacügü rü yema Yudıgüarü āèxgacügüerugü. Rū ngıxū nayataeguxēè ga yema 30 tachınü ga dıeru ga nūxna ngıxū naxāgücü.

⁴ Rū ñanagürü nūxū: –Choma rü marü chıxexū chaxū, erü naèchıta İchayaxuaxū i wūxi i yatü i taxuūma i chıxexū üxū, rü ñıxma rü tá ngēmagagu nayu –ñanagürü. Natürü nūmagü ga āèxgacügü rü nanangāxūğü, rü ñanagürügü: –Toma rü tama nūxū tacuāxchaı i ngēma. Cugagutama nıxı, rü cuma i nūxū cucuāxū na ñuxācū cugümaā cunamexēèxū i ngēma –ñanagürügü.

⁵ Rū yexguma ga Yuda rü yexma tupauca ga taxūnechiāgu ngıxū nawotanü ga yema dıeru. Rū ñıxūchi İnixū rü nügü nayawēxnaxā.

⁶ Rū ga paıgüarü āèxgacügü rü ngıxū nade ga yema dıeru. Rū ñanagürügü: –Taxucürüwa tupauca ga taxūneārü dıeruchiıgu ngıxū tanu i ñaā dıeru, erü ngēmamaā tanaxūtanü i ngēma yatü i tá yuxū –ñanagürügü.

⁷ Rū ñıxūchi nügümaā nanamexēègü na yema dıerumaā naxcèx nataxegüxūcèx ga wūxi ga naāne ga waıxūmü ga üwechıxū nawa nayauxgūxū. Rū yema naānecèx nataxegü na nūxū nayexmaxūcèx ga nachıca ga ngexta na natēxgüāxūcèx ga yema duıxūğü ga togü ga nachıūānecūāx İxıgūxū.

⁸ Rū ngēmācèx i ñıxma rü ta i ngēma naāne rü Nagüchıtāğü naxāega.

⁹ Rū yemaācū nıngu ga Tupanaārü ore ga nuxcūmaıcū ga norü orearü uruü ga Yeremıā ümatıxū ga ñaxū:

“Rü nūmagü ngıxū nade ga yema 30 tachınü ga dıeru ga Cristutanü Yudıgü ngıxū İxāgücü.

¹⁰ Rū yema dıerumaā naxcèx nataxegü ga wūxi ga naāne ga waıxūmü ga üwechıxū nawa nayauxgūxū, yema Corı ga Tupana chomaā nūxū İxuxürüü”, ñaxū.

Piratupēxewa nayexma ga Ngechuchu

(Mr 15.2-5; Lc 23.3-5; Cu 18.33-38)

¹¹ Rū āèxgacü ga Piratuxūtawa Ngechuchuxū nagagü. Rū nūma ga Piratu rü Ngechuchuna naca, rü ñanagürü: –ıCuma quııxū i Yudıgüarü āèxgacü ya tacü? –ñanagürü. Rū Ngechuchu nanangāxū, rü ñanagürü: –Ngü, rü ngēma nūxū quıxuxū chıxı i chomax –ñanagürü.

¹² Rū Ngechuchuxū İnaxuaxūğü ga paıgüarü āèxgacügü rü Yudıgüarü āèxgacügüerugü. Natürü ga Ngechuchu rü taxuxūmaāma nanangāxū.

¹³ Rū yexguma ga Piratu rü ñanagürü: –ıTama ēxna nūxū cuxınu i ngēma ore i namaā cuxū İnaxuaxūğüxū? –ñanagürü.

¹⁴ Natürü ga Ngechuchu rü taxuxümaãma nanangãxü. Rü yemacèx poraãcü nabèixächiãê ga ãëxgacü ga Piratu.

Piratu rü Ngechuchumaã nanaxuegu na nayuxüçèx
(Mr 15.6-20; Lc 23.13-25; Cu 18.38-19.16)

¹⁵ Rü guxüguma ga yema Üpetüchigaarü petagu, rü Piratu ínananguxuchixèèxü ga wüxi ga poxcuxü ga duüxüğü naxcèx ícagüxü, yerü yema nixí ga nacüma.

¹⁶ Rü yéma nayexma ga wüxi ga poxcuxü ga guxü ga duüxüğü meã nüxü cuáxü. Rü Barabá nixí ga naega.

¹⁷ Rü yexguma yéma nangutaquëxegüga ga duüxüğü, rü Piratu nüxna naca, rü ñanagürü: —¿Rü ngexürüxüxü i penaxwaexü na íchananguxuchixèèxü? ¿Penaxwèxexü na Barabáxü íchananguxuchixèèxü rü éxna Ngechuchu i Cristumaã naxugüxüxü íchananguxuchixèèxü? —ñanagürü.

¹⁸ Rü yema ñanagürü ga Piratu yerü nüxü nacuèx na Ngechuchuchi naxaixèxü ga Yudiügarü ãëxgacüğü, rü yemacèx nixí ga naxütawa nagagüãxü.

¹⁹ Rü yexguma norü tochicawa natoxgu ga Piratu, rü naxmèx yéma imuga, rü ngígürüğü: —Tama name i cunapoxcu i ngéma yatü i taxuüma i chixexü üxü. Yerü nagagu íne chütacü rü poraãcü chachixenegü —ngígürüğü.

²⁰ Natürü yema paigüarü ãëxgacüğü rü Yudiügarü ãëxgacüğüerüğü, rü duüxüğüxü naxucuxègü na naxcèx ínacagüxüçèx na Barabáxü ínananguxuchixèèxüçèx rü Ngechuchuxü na nayuxèègüxüçèx.

²¹ Rü ãëxgacü ga Piratu rü wenaxärü duüxüğüna naca, rü ñanagürü: —¿Ngèxürüüxü i ngéma taxrewa i pema penaxwèxexü na íchananguxuchixèèxü? —ñanagürü. Rü nümagü ga duüxüğü nanangãxüğü, rü ñanagürüğü: —Tanaxwèxe i Barabáxü ícunguxuchixèè —ñanagürüğü.

²² Rü yexguma ga ãëxgacü ga Piratu rü nüxna naca, rü ñanagürü: —¿Tacü tá chaxüxü namaã i ngéma Ngechuchu i Cristugu ãegaxü? —ñanagürü. Rü guxüma ga duüxüğü rü nanangãxüğü, rü ñanagürüğü: —¿Curuchawa yapota! —ñanagürüğü.

²³ Rü yexguma ga Piratu rü ñanagürü nüxü: —¿Natürü íacü rü chixexü naxü? —ñanagürü. Natürü ga nümagü ga duüxüğü rü wenaxärü tagaãcü ñanagürüğü: —¿Curuchawa yapota! —ñanagürüğü.

²⁴ Rü yexguma Piratu nüxü dèyxgu ga marü taxucürüwama Ngechuchuxü na ínananguxuchixèègaxü, yerü ga duüxüğü rü marü nanaxixächiãègüchaü, rü yemacèx wüxi ga norü duüxüxü namu ga dexá naxütawa na tanangèxüçèx. Rü nügü nayauxmèx ga Piratu napèxewa ga guxüma ga yema duüxüğü. Rü ñanagürü: —Tama chaugagu tá nixí i na nayuxü i ñaã yatü i taxuüma i chixexü üxü, rü pegagu tátama nixí —ñanagürü.

²⁵ Rü guxüma ga yema duüxüğü nanangãxüğü, rü ñanagürüğü: —Togagu rü toxocüğügagu tá nixí i nayuxü —ñanagürüğü.

²⁶ Rü yexguma ga Piratu rü Barabáxü ínananguxuchixèè. Rü ñuxüchi norü churaragüxü namu na Ngechuchuxü naçuaixgüxüçèx, rü yemawena curuchawa na yanapotagüãxüçèx.

²⁷ Rü ñuxüchi ga yema churaragu rü Piratupataarü aixepewa Ngechuchuxü nagagü. Rü yexma Ngechuchuxütagu nanangutaquëxexèè ga guxüma ga churaragü.

²⁸ Rü ñuxüchi Ngechuchuxü ínacuxuchigü, rü wüxi ga máxü ga naxchiru ga dauxügu nayacuxègü.

²⁹ Rü naèruwa nayangèxcuchigü ga wüxi ga boxü ga chuchuxüwa naxügüxü. Rü wüxi ga naíxmenèãxãcüxü nüxü nayayauxächixèè ga norü tügünemèxewa. Rü ñuxüchi napèxegu nacaxãpüxüğü, rü nüxü nacugüe, rü ñanagürüğü: —¿Namaüx ya Yudiügarü ãëxgacü ya Tacüx! —ñanagürüğü.

³⁰ Rü nüxna naçuaixgüe. Rü nüxna nanayauxgü ga guma naíxmenèãxãcü, rü naèruwa namaã nanaçuaixcagü.

³¹ Rü yexguma nüxü nacugüguwena rü ínacuxuchigü ga yema naxchiru ga daucharaxü. Rü wenaxärü naxchirugutama nayacuxègü. Rü ñuxüchi nayagagü na curuchawa yanapotagüãxüçèx.

Ngechuchuxü curuchawa nipotagü
(Mr 15.21-32; Lc 23.26-43; Cu 19.17-27)

³² Rü yexguma yéma inaxíächigu, rü nüxü nadaugü ga wüxi ga yatü ga Chiréneçüãx ga Chimáügu ãegacü. Rü guma yatüxü ngíxü íningexèègü ga Ngechuchuarü curucha.

³³ Rü nawa nangugü ga wüxi ga nachica ga Górgutagu ãegaxü. Rü ngéma naega rü Duüxèeruchinèã ñaxüchiga nixí.

³⁴ Rü nüxna nanaxägü ga binu ga ngüxüärü naächixèèruümaã ãexücü na yaxaxüçèx. Rü Ngechuchu nüxü naxaxneta, natürü tama nayaxaxü.

³⁵ Rū yexguma marū curuchawa yapotagüãxguwena rü ga churaragü rü nanade ga Ngechuchuru. Rū ñuxüchi wüxi ga ñeru ngixü nañanagügu na yemawa nüxü nacuëxgüxcëx na tacü tá nayaxuxü ga wüxichigü.

³⁶ Rū ñuxüchi yéma narütogü ga churaragü na Ngechuchuna yéma nadaugüxcëx.

³⁷ Rū norü curuchatapëxewa nayapocuchi ga wüxi ga mürapewa ga ägatachinüxü ga nüxü ixuxü ga tacüxcëx Ngechuchuxü curuchawa na yapotagüxü. Rū ñanagürü: “Ñaa nixi i Ngechuchu i Yudüguarü Äëxgacü ya Tacü”, ñanagürü.

³⁸ Rū yexgumarüü ta curuchawa nayapotagü ga taxre ga máëtagüxü. Rū wüxi rü Ngechuchuarü tügüncüwawa naxü, rü to ga norü toxwecüwawa.

³⁹⁻⁴⁰ Rū yema duüxügü ga yéma chopetüxü, rü Ngechuchumaã naguxchigagü, rü nanexäerügüäcüma ñanagürügü: –Düxcëx, cuma cunangutaüxëëga ya tupauca ya taxüne, rü tomaëxpüx i ngunexügu wenaxärü ícunadaxëëga. ¡Cügütama namaxëë i ñuxmax! Rū ngëxguma chi aixcüma Tupana Nane quixügu, rü jírüxi i curuchawa! –ñanagürügü.

⁴¹ Rū yexgumarüü ta Ngechuchuxü nacugüecüraxü ga paigüarü äëxgacügü, rü ngüxëerügüga ore ga mugüwa ngüxëëtaegüxü, rü Parichëügü, rü Yudüguarü äëxgacügüerügü. Rū nügümaã ñanagürügü:

⁴² –Rü nüma rü togüxü namaxëëë natürü i ñuxma rü tama nüxü nacuëx na nügütama namaxëëxü. Rū ngëxguma chi aixcüma Yudüguarü äëxgacü yixügu, jrü ñuxma rü inaxix i curuchawa na nüxü yaxögüxcëx!

⁴³ –Rü nüma nagu naxinügu rü Tupana tá nüxü narüngüxcëë. Ècü, ñuxma rü Tupana nüxü rüngüxcëëx ega aixcüma nüxü nangüxcëëchaügu. ¿Tama ëxna nümatama tamaã nüxü yaxuxü na Tupana Nane yixü? –ñanagürügü.

⁴⁴ Rū woo ga yema máëtagüxü ga naxrüü curuchawa ipotagüxü, rü namaã naguxchigagü.

Nayu ga Ngechuchu

(Mr 15.33-41; Lc 23.44-49; Cu 19.28-30)

⁴⁵ Rū yexguma rü guxü ga naãnewa naxëãne. Rū tocuchigu inaxügü ga yema ñuxmata tomaëxpüxarü orawa nangu ga yáuanecü.

⁴⁶ Rū yema tomaëxpüxarü oragu nixi ga Ngechuchu ga tagaäcü aita naxüxü, rü ñaxü: –Eri, Eri, ¿damá chabátani? –ñanagürü. Rū ngëma rü ñaxüchiga nixi:

“Pa Chorü Tupana, Pa Chorü Tupanax, ¿tüxcüü choxna quixügachixü?” ñaxüchiga nixi.

⁴⁷ Rū nümaxü ga duüxügü ga yéma yexmagüxü rü nüxü naxinüë, rü ñanagürügü: –Ñaa yatü rü nuxcümatüci ga Tupanaärü orearü uruü ga Eriacëx naca –ñanagürügü.

⁴⁸ Rū yexgumatama rü wüxi ga yema duüxügü ga yéma yexmagüxü rü inañaächi rü Ngechuchuxütawa nanange ga wüxi ga tüaxmü ga binu ga marü ngüchiëxüchicümaã yawaixëëxü. Rü wüxi ga dexnewa nayanëix. Rü ñuxüchi Ngechuchuëxgu nanawëx na nüxü natuxuxüxcëx.

⁴⁹ Natürü ga yema togü ga duüxügü ga yéma yexmagüxü rü ñanagürügü: –Yixrüma. Rü ngixã itarüdauntü ngoxita Eria nuã ü na nüxü yanangüxcëëxcëx –ñanagürügü.

⁵⁰ Rū wenaxärü tagaäcü aita naxü ga Ngechuchu, rü ñuxüchi nayu.

⁵¹ Rū yexgumatama ga tupauca ga taxüneärü tüyemachiãxü rü taxregu narügaute. Rü daxüwa inanaxügü ga na nagautexü rü ñuxmata ñaxtüwa nangu. Rü naxiãxächiane, rü narüngüxtegü ga nutagü ga itacü.

⁵² Rū yuetamaügü rü ningenagü. Rū wena namaxë ga muxüma ga duüxügü ga yuechirëxü ga Tupanaãxü yaxögüxü.

⁵³ Rū yexguma Ngechuchu wena maüxguwena, rü naxmaüwa ínachoxü ga yema duüxügü ga wena maxëxü. Rü Yerucharëüwa naxi. Rü muxüma ga duüxügü nüxü nadaugü.

⁵⁴ Rū yema churaragüarü äëxgacü rü norü churaragü ga Ngechuchuna ídaugüxü, rü nüxü nadaugü ga na naxiãxächianexü rü guxüma ga yema ngupetüxü. Rū yexguma rü poraäcü namüë, rü ñanagürügü: –Aixcüma nixi ya daa yatü i Tupana Nane na yixü –ñanagürügü.

⁵⁵ Rū iyexmagü ga mucüma ga ngecügü ga yéma yaxüwa nüxü rüdauncü. Rū yema ngecügü iyixi ga Ngechuchuxü íxümücügücü rü nüxü rüngüxcëëgücü ga yexguma Garirëaanewa ne naxüxu.

⁵⁶ Rū yema ngecügütanüwa iyexma ga María ga Magadäcüãx, rü María ga Chaütiágu rü Yúche naë, rü Zebedü namëx ga Chaütiágu rü Cuãü naë.

Ngechuchu rü naxmaügu nayaxüchigü

(Mr 15.42-47; Lc 23.50-56; Cu 19.38-42)

⁵⁷ Rū yexguma marü nachütachaügu, rü yéma nangu ga wüxi ga yatü ga Arimatëacüãx ga taarü ñeruäcü ga Yúhegu äëgacü. Rü nüma rü ta Ngechuchuaaxü nayaxö.

⁵⁸ Rū nūma rū Piratuna nayaca rū ngoxita name na nayaxāxū ga Ngechuchuxūne ga curuchawa. Rū Piratu norū churaragūxū namu na nūxna naxāgūāxūcēx ga Ngechuchuxūne.

⁵⁹ Rū Yúche nanayaxu ga Ngechuchuxūne ga curuchawa. Rū wūxi ga naxchápenūū ga ngēmataxūmaā nananuque.

⁶⁰ Rū yema naxmaū ga yexwacaxūxū ga Yúche nūgūcēxtama duūxūgūxū yacaxmaxēēxū ga nuta ga tacūarū mēxpūxūwa yexmaxūgu nayaxūcuchi ga Ngechuchuxūne. Rū űuxūchi nanangūxtaū namaā ga wūxi ga nuta ga taxūchicū. Rū yemawena rū inixū.

⁶¹ Rū yéma Ngechuchumaūārū toxmēxtawa irūtogu ga María ga Magadācūāx rū naī ga María.

Purichāgu nūxna nadaugu ga yema naxmaū ga Ngechuchuxū nagu yaxūcuchigūxū

⁶² Rū moxūācū ga ngūxchigaarū ngunexūgu rū paigūarū āēxgacūgū rū Parichēugū rū yéma Piratuxūtawa naxī.

⁶³ Rū űanagūrūgū nūxū: —Pa Corix, nūxna tacūxāchie ga yema yatū ga Ngechuchu ga idoratēxāxū rū yexguma namaūxgu rū űanagūrū tomaā:

“Ngēxguma chayūxgu rū tomaēxpūx i ngunexūguwena rū wena táxarū ícharūda”, űanagūrū tomaā.

⁶⁴ —Rū ngēmācēx tanaxwēxe i churaragū ngema cumugū na nūxna yadaugūxūcēx i ngēma naxmaū űuxmatáta tomaēxpūx i ngunexūwa nangu na tama chūtacū ngema naxīxūcēx i norū ngūxūgū na yayaxgūāxūcēx i naxūne rū űuxūchi duūxūgūmaā nūxū na yaxugūxūcēx na marū wena namaxūxū. Erū ngēxguma chi ngēmaācū naxūpetūgu, rū noxriarū yexera tá nixī na duūxūgūxū nawomūxēēxū —űanagūrūgū.

⁶⁵ Rū Piratu űanagūrū nūxū: —Ngēāgū nixī i churaragū i pexcēx. ¡Ēcū ngema namaā pexī na meāma pema penaxwēxēxūcūma nūxna pedaugūxūcēx i naxmaū! —űanagūrū.

⁶⁶ Rū yema churaragūmaā yéma naxī, rū meāma nayataixēēgū ga guma nuta ga Ngechuchumaxū namaā rūngūxtaūcū. Rū nanaxūarū cuēxruūāxgū na taxūema naēchita inaxūgachigūxūcēx ga guma nuta. Rū űuxūchi yexma namamugū ga churaragū na nūxna nadaugūxūcēx.

28

Yuwa inarūda ga Ngechuchu

(Mr 16.1-8; Lc 24.1-12; Cu 20.1-10)

¹ Rū sabaduarū ngunexūguwena ga yūxūarū pēxmama, rū yéma naxmaūwa íyadaugū ga María ga Magadācūāx rū naī ga María.

² Rū ngūrūāchi porācū naxīāxāchiane, yerū wūxi ga daxūcūāx ga Cori ga Tupanaarū orearū ngeruū inarūxi, rū naxmaūwa nangu rū inananūxgachi ga guma nuta ga namaā nangūxtaūcū ga yema naxmaū. Rū űuxūchi guma nutaētūwa narūto.

³ Rū yema orearū ngeruū rū wūxi ga bēixbēxanexūrū niyauracū. Rū nacómūxūchi ga naxchiru.

⁴ Rū yexguma yemaxū nadaugūgu ga churaragū rū norū muūmaā nidūruxe, rū yexma niyuāchitanū.

⁵ Rū yexguma ga yema orearū ngeruū, rū űanagūrū ngīxū ga yema ngecūgū: —¡Tāxū i pemuūēxū! Choma nūxū chacuēx rū naxcēx pedaugū ya Ngechuchu ga guma curuchawa yapotagūācū.

⁶ Nataxuma i nuā, erū marū wena namaxū, yema nūma űpa pemaā nūxū yaxuxūrū. ¡Rū nuā pexī, rū ípeyadēux i naxmaū i ngēma inaxūgūāxūwa ga naxūne!

⁷ ¡Rū paxa ípixī, rū norū ngūxūgūmaā nūxū peyarūxugūe rū marū inarūda rū wena namaxū ya Ngechuchu! Rū űuxma rū marū pexūpa nūxīra Garirēaanewa naxū i nūmax. Rū ngema tá nixī i nūxū peyadauxū. Rū ngēma nixī i ore i pemaā nūxū chayarūxuxū —űanagūrū.

⁸ Rū yexguma ga yema ngecūgū rū paxama nūxna íyaxī ga yema naxmaū. Rū imuūē, natūrū itaāēgū ta. Rū porācū íixūāchi na Ngechuchuarū ngūxūgūmaā nūxū na yanaxugūxūcēx ga yema ore ga daxūcūāx ngīmaā nūxū ixuxū.

⁹ Rū yexguma inaxūāchiyane, rū ngūrūāchi yéma ngīxcēx nangox ga Ngechuchu, rū ngīxū narūmoxē. Rū ngīmagū rū Ngechuchucēx iyabuxmū rū nūxū iyacuēxūgū, rū naparawa inēixāchitanū.

¹⁰ Rū nūma ga Ngechuchu rū űanagūrū ngīxūgū: —¡Tāxū i pemuūēxū! ¡Rū ípixī rū chaueneēgū i chorū ngūxūgūmaā nūxū peyarūxu rū Garirēaanewa naxī! Rū ngēma tá nixī i choxū nadaugūxū —űanagūrū.

Churaragū rū paigūarū āēxgacūgūmaā nūxū nayarūxugūe ga yema ngupetūxū

¹¹ Rū yexguma ga yema ngecūgū rū namagu naxīyane, rū űuxre ga churaragū ga yéma naxmaūwa dauxūtaēgūxū rū Yerucharēūwa naxī. Rū paigūarū āēxgacūgūmaā nūxū nayarūxugūe ga guxūma ga yema ngupetūxū.

¹² Rū yema paigüarü ãëxgacügü rü namaã nayarüdexagü ga Yudíugüarü ãëxgacügüerugü. Rū nügümaa nanamexëëgü ga tacümaa tá churaragüxü na yaxucuxëgüxü. Rū ñuxüchi nuxna ngixü naxägü ga tacü ga dïeru.

¹³ Rū namaã nüxü nixugüe rü ñanagürügü: —¡Pema rü ñaperügügü tá:

“Ngëxguma chütacü tapeeyane, rü norü ngüexügü toechifa ngema naxi rü nayayauxgü ga naxüne” ñaperügügü tá!

¹⁴ Rū ngëxguma ãëxgacü ya Piratu tá nüxü cuëxgu i ngëma ngupetüxü, rü toma rü tá namaã tidexagü rü namaã tá tanamexëë na taxuüma pemaã naxüxcëx —ñanagürügü.

¹⁵ Rū yexguma ga yema churaragü rü ngixü nayauxgü ga yema dïeru. Rū yema ãëxgacügü namaã nüxü ixugüxürüü duüxügümaa nüxü nixugüe. Rū ñuxma rü ta ngëmatama dexa nixi i nüxü yaxugüxü i Yudíugü.

Ngechuchu nanamu ga norü ngüexügü

(Mr 16.14-18; Lc 24.36-49; Cu 20.19-23)

¹⁶ Rū yema 11 ga Ngechuchuarü ngüexügü rü Gariréa- anewa naxi ga guma mëxpüne ga Ngechuchu namaã nüxü ixuxünewa.

¹⁷ Rū yexguma Ngechuchuxü nadaugügu rü nüxü nicuëxüügü, woo ñuxre ga norü ngüexügü rü tama aixcüma nayaxögü na Ngechuchu yixü.

¹⁸ Rū yexguma ga Ngechuchu rü naxcëx nixü, rü ñanagürü nüxü: —Tupana rü ãëxgacüxü choxü nixixëë i guxü i daxügüxü i nañnewa rü guxü i fioma i nañnewa.

¹⁹ —Rü ñuxma rü chanaxwëxe i guxü i nachüññnewa pexi i guxü i duüxügütanüwa. ¡Rü chorü duüxügüxü peyaxigüxëëx! ¡Rü ípenabaiüxëëx chauéegagu rü Chaunatuéegagu rü Naãe i Üünexüegagu!

²⁰ ¡Rü penangüexëëx na naga naxinüëxüxcëx i guxüma i ngëma pexü chamuxü! ¡Rü dücax, guxügütama pexütawa changëxmaëcha ñuxmatáta nagü i naãne! —ñanagürü ga Ngechuchu.

ORE I MEXÜ GA MARCU ÜMATÜXÜ

Cuáü ga baiüxëerüü nüxü nixu ga Tupanaärü ore ga dauxchitawa ga ngextá taxúema íxápataxüwa

(Mt 3.1-12; Lc 3.1-9, 15-17; Cu 1.9-28)

¹ Ñaã nixí i norü ügü i ore i mexü ya Ngechuchu ya Cristu ya Tupana Nanechiga.

² Rü nuxcümaücü ga Tupanaärü orearü uruü ga Ichaxía ümatüxü ga Tupanaärü ore, rü ñanagürü:

“Cupëxegu chayamu i chorü orearü ngeruü na namexëëäxüçèx i cumaü.

³ Rü dauxchitawa i ngextá taxúema íxápataxüwa rü tá nangëxma i wüxi i duüxü i ngema tagaäcü ñaxü: ‘¡Pegü pemexëëx naxçèx ya Cori. Rü naxçèx ipeyanawëxächixëx i perü maxü!’ ”

ñaxü tá.

⁴ Rü Cuáü rü dauxchitawa ga ngextá taxúema íxápataxüwa nangox rü yéma ínanabaiüxëë ga duüxügü. Rü namaã nüxü nixu ga na namexü na Tupanacèx nadaugüxü rü ínbaiüxü na Tupana nüxü nüxü nangechaüxüçèx ga norü pecadugü.

⁵ Rü guxüma ga duüxügü ga Yudeaanecüäx rü íäne ga Yerucharëüçüäx rü yéma Cuáüxütawa naxüxü ga na nüxü iyanaxüüxüçèx. Rü nümagü rü norü pecadugüxü yéma nayarüxügüxü, rü Cuáü rü natü ga Yudaüwa ínayabaiüxëëtänü.

⁶ Rü naxchiru ga Cuáü rü cameyutëxanaxçèx nixí, rü norü goyexü rü naxchëxmünaxçèx nixí. Rü beruremaã rü munümaã naxäwemü.

⁷ Rü Cuáü rü yema nüxü yaxuxü ga orewa, rü ñanagürü: —Choweama tá ne naxü ya choxü rüyexeracü. Rü choma rü taxuwama chame rü bai na ichayarümaxächixü na ichayawëxüçèx i norü chapatucunügü.

⁸ —Choma rü dexáwamare pexü íchabaiüxëë, natürü nüma rü tá Tupanaäë i Üünexü pexna nanguxëë —ñanagürü ga Cuáü.

Ngechucharü baiechiga

(Mt 3.13-17; Lc 3.21-22)

⁹ Rü yema ngunexügü, rü Ngechuchu rü ínaxüxü nawa ga guma íäne ga Nacharéту ga Gariréaanewa yexmane. Rü Cuáü rü natü ga Yudaüwa ínanabaixëë.

¹⁰ Rü yexguma dexáwa ínaxüächigu, rü Ngechuchu nüxü nadau ga na yangenaxü ga daxüwa. Rü yema Tupanaäë i Üünexü rü wüxi ga muxtucurüü inanago, rü Ngechuchuna nangu.

¹¹ Rü daxüwa inanaxü ga wüxi ga naga ga ñaxü: —Cuma nixí i Chaune i cuxü changechaüxüchixü rü cumaã chataäëxüchixü —ñaxü.

Ngechuchuxü naxü ga Chataná

(Mt. 4.1-11; Lc 4.1-13)

¹² Rü yemawena rü Tupanaäë i Üünexü rü dauxchitawa ga ngextá taxúema íxápataxüwa Ngechuchuxü naga.

¹³ Rü yéma nayexma ga 40 ga ngunexü. Rü naëügü ga idüraexü íyexmagüxüwa nayexma, rü ngoxo ga Chataná rü nüxü naxü. Natürü Tupanaärü orearü ngeruügü ga daxüçüäx rü Ngechuchuxü narüngüxëëgü.

Ngechuchu rü Gariréaanewa inanaxügü ga norü puracü

(Mt 4.12-17; Lc 4.14-15)

¹⁴ Rü nawena ga poxcupataügu na napoxcuxü ga Cuáü, rü Gariréaanewa naxü ga Ngechuchu na naxunagüäxüçèx ga Tupanaärü ore i mexü.

¹⁵ Rü ñanagürü: —Marü nawa nangu i ngunexü ga Tupana nagu unetaxü, rü pexçèx ningaica na perü äëxgacü na yüxü. ¡Rü ñuxma rü name nixí i Tupanacèx pedaugü rü peyaxögü i ngëma norü ore i mexü! —ñanagürü.

Ngechuchu rü ägümücü ga püchaetanüxüçèx naca

(Mt 4.18-22; Lc 5.1-11)

¹⁶ Rü yexguma nextaxa ga Gariréaanacügu yaxüxgu ga Ngechuchu, rü yéma nüxü nadau ga Chimáü rü naëneë ga Aüdré. Rü nümagü rü woetama püchaetanüxü nixügü rü yéma naxtaawa napüchaegü.

¹⁷ Rü Ngechuchu rü ñanagürü nüxü: —¡Chowe perüxí rü tá pexü charüngüxëë na chauxütawa penagagüxüçèx i duüxügü! —ñanagürü.

¹⁸ Rū yexgumatama ga yema taxre, rū yéma nanawogū ga norū pūchagū. Rū Ngechuchuwe narūxi.

¹⁹ Rū yéamaxūra naxū ga Ngechuchu, rū yéma nūxū nadau ga Chaūtiágu rū naēneē ga Cuáū. Rū Zebedéu nanegū nixīgū ga nūmagū. Rū wūxi ga nguewa nayexmagū, rū yéma inanangáitagū ga norū pūchagū.

²⁰ Rū yexgumatama Ngechuchu naxcèx naca. Rū nūmagū rū yéma nguewa tūxū natèxgū ga nanatū ga Zebedéu namaā ga tūmaārū puracūtanūxūgū, rū Ngechuchuwe narūxi.

*Wūxi ga yatū ga ngoxo nawa yexmaxūchiga
(Lc 4.31-37)*

²¹ Rū iāne ga Capernáūwa nangugū. Rū yexguma ngūxchigaarū ngunexūwa nanguxgu, rū Ngechuchu rū ngutaquēxepataūwa naxū rū yexma naxūcu. Rū yéma inanaxūgū ga nanangūxēētaexū.

²² Rū duūxūgū rū nabèjxāchiāēgū namaā ga norū nguxēētae, yerū aixcūma Tupanaārū poramaā meā nanangūxēē rū tama ngūxēēruūgū ga Moīchearū mugūwa nguxēētaegūxūrū nixī.

²³⁻²⁴ Rū guma iāneārū ngutaquēxepataūwa nayexma ga wūxi ga yatū ga ngoxo nawa yexmaxū. Rū aita yéma naxū, rū űanagūrū: —ǂTūxcūū totanūwa cuxū, Pa Ngechuchu Pa Nacharétucūāx? ǂNuā cuxū na toxū cuyadèjxūcèx? Choma rū cuxū chacuèx na Tupana Nane ya űūnecū quiūxū —űanagūrū.

²⁵ Rū Ngechuchu nūxū naxoox ga yema ngoxo, rū űanagūrū: —ǂIyarūngeèx rū ínaxūxū nawa ya yima yatū! —űanagūrū.

²⁶ Rū yexguma ga yema ngoxo rū guma yatūxū niyuāchixēē, rū tagaācū aita naxūācūma nawa ínaxūxū.

²⁷ Rū guxūma ga duūxūgū rū nabèjxāchiāēgū, rū namūcūgūna nicachigū rū űanagūrūgū: —ǂTacū nixī i űaā? Maneca wūxi i ngexwacaxūxū i nguxēētae nixī. Nūma rū aixcūma Tupanaārū poramaā meā nangūxēētae. Rū woo i ngoxogū rū naga naxīnūē i ngēxguma namuāxgu —űanagūrūgū.

²⁸ Rū yemaācū nixī ga paxa guxūwama ga Gariréaanewa rū Ngechuchuchigaxū nacuèxgūxū ga duūxūgū.

*Ngechuchu rū Chimáū ga Pedru nèxècèx nayataanexēē
(Mt 8.14-15; Lc 4.38-39)*

²⁹ Rū yexguma ngutaquēxepataūwa ínaxūxūgu ga Ngechuchu, rū Chaūtiágu rū Cuáūmaā Chimáū rū Aūdrépatawa naxū.

³⁰ Rū Chimáū nèxē rū ngūrūcarewa iyexma, yerū iyaxaxūne. Rū Ngechuchumaā ngīxū nixugūe.

³¹ Rū ngīxcèx nixū, rū ngīxmēxgu nayayauxāchi, rū ngīxū inarūdaxēē. Rū yexgumatama igèuxāchi ga na yaxaxūnèxū. Rū līrūda, rū inaxūgū ga naxcèx na namexēēāxū ga űna.

*Ngechuchu rū muxūma ga idaaweexūcèx nayataanexēē
(Mt 8.16-17; Lc 4.40-41)*

³² Rū yexguma marū yanaxūcuxgu ga uèxcū ga na nachūtachaūxū, rū Ngechuchuxūtawa nanagagū ga guxūma ga duūxūgū ga idaaweexū rū guxūma ga ingoxoāxgūxū.

³³ Rū guxūma ga yema iānecūāx rū yexma guma ĩpataarū ĩāxwa naxcèx nangutaquēxegū.

³⁴ Rū nūma nanamexēē ga muxūma ga duūxūgū ga nagūxūraūxū ga daawemaā idaaweexū. Rū inanawoxū ga muxūma ga ngoxogū, natūrū nūxna nanachūxu ga na yadexagūxū, yerū nūmagū ga ngoxogū rū nūxū nacuèxgū na texē yīixū.

*Ngechuchu rū nanaxunagū ga ore ga mexū ga ngutaquēxepataūwachigū
(Lc 4.42-44)*

³⁵ Rū ngunetūū ga tauta yangóonegu, rū inaxūāchi ga Ngechuchu. Rū iāneārū yéaxūra ga ngextá taxūema ĩxāpataxūwa naxū na yéamaxūra yayumūxēxūcèx.

³⁶ Rū Chimáū rū namūcūgūmaā Ngechuchucèx nayadaugū.

³⁷ Rū yexguma nūxū iyangaugū, rū űanagūrūgū nūxū: —Guxūma i duūxūgū rū cuxcèx nadaugū —űanagūrūgū.

³⁸ Natūrū ga nūma rū nanangāxū rū űanagūrū nūxū: —ǂNgīxā rū toxnamana taxī náigū ya iānèxcūgū ya ngaicamagūnèwa na ngema rū ta chanaxunagūxūcèx i ore i mexū! Erū woetama ngēmācèx nixī i Capernáūārū iānèwa ĩchaxūxūxū.

³⁹ Rū yemaācū ga Ngechuchu rū guxūma ga Gariréaanegu nixūāgūchigū. Rū wūxichigū ga iāneārū ngutaquēxepataūwa rū nūxū nixuchigū ga ore ga mexū, rū inayawoxūētanū ga ngoxogū.

*Ngechuchu rü wüxi ga rüchaxüñexüçèx nayataanexëë
(Mt 8.1-4; Lc 5.12-16)*

⁴⁰ Rü Ngechuchucèx nixü ga wüxi ga yatü ga chaxüñemaã idaawecü. Rü napëxegu nayacaxäpüxüäcüma ñanagürü nüxü: —Pa Corix, ngëxguma cunaxwëxegu na choxü curümexëëxü, rü cuxü natauxcha na chauxcèx cuyataanexëëxü —ñanagürü.

⁴¹ Rü Ngechuchuxü nangechaütümüü ga guma yatü. Rü nüxü ningögü rü ñanagürü nüxü: —Ngü, chanaxwëxe. ¡Marü curüme! —ñanagürü.

⁴² Rü yexgumatama nüxü ñinarüxo ga na nachaxüñexü ga guma yatü. Rü meãma naxcèx nitaane.

⁴³⁻⁴⁴ Rü Ngechuchu rü yexgumatama ñayamu. Rü meãma nanaxucuxë rü ñanagürü nüxü: —¡Dücèx, täxütáma texémaã nüxü quixu! ¡Natürü ngema paixütawa naxü, rü cugü nüxü yadauxëë! ¡Rü curü mexëëcèx nüxna yaxuaxü i curü ñmare ga yema Moïché tüxü muxü na nüxü nacuáxüçèx i duüxügü na curümexü nawa i curü daawe! —ñanagürü.

⁴⁵ Natürü nüma ga guma yatü rü ñixü rü ñanaxügü na na guxámaãma nüxü yaxuxü ga yema nüxü ngupetüxü. Rü yemacèx ga Ngechuchu rü marü taxucürüwa ngóxüwama duüxügüpëxewa ñanegügu naxücu. Natürü dauxchitagu ga ngextá duüxügü itaxuxügu narüxäüx. Rü yéma naxcèx naxüxü ga duüxügü ga guxüñawewa ne ñixü.

2

*Ngechuchu rü wüxi ga yatü ga nawäixächicüçèx nayataanexëë
(Mt 9.1-8; Lc 5.17-26)*

¹⁻² Rü yixcama ga ñuxre ga ngunexüwena rü wenaxärü Capernáüärü ñanegu naxücu ga Ngechuchu. Rü yexguma duüxügü nüxü cuáchigagügu na Ipatawa nayexmaxü, rü yéma nangutaquëxegü ga muxüma ga duüxügü. Rü düxwa ga ñäxtüwa rü nanapá. Rü nüma ga Ngechuchu rü namaã nüxü nixu ga ore i mexü.

³ Rü yéma nangugü ga ägümücü ga yatügü ga yéma nangetaügüxü ga wüxi ga yatü ga nawäixächicü.

⁴ Natürü yema na namuxüchixü ga duüxügü, rü taxucürüwama Ngechuchuxütawa nangugü. Rü yemacèx ñanapogüétü ga Ngechuchu iyexmaxüwa ga guma Ipata. Rü yéma norü carüügu ñanachüxüetaügü ga guma nawäixächicü.

⁵ Rü yexguma Ngechuchu nüxü dëuxgu ga ñuxäcü aixcüma na yaxögüãxü ga yema duüxügü, rü ñanagürü nüxü ga guma nawäixächicü: —Pa Chaunex, curü pecadugü rü marü cuxü nüxü changechaü —ñanagürü.

⁶⁻⁷ Natürü ñuxre ga ngüexëëruügü ga Moïchéarü mugüwa nguxëëtaegüxü rü yéma narütogü. Rü naãewa ñaxügu narüxüñü: —¿Ñuxäcü tama namuü na ngémaäcü yadexaxü? ¿Rü tacü Tupanamaã yaxugüxü? Erü Tupanaxücatama nixü ya duüxügüarü pecaduxü ngechaücü —ñaxügu narüxüñü.

⁸ Natürü yexgumatama ga Ngechuchu rü nüxü nicuëxächi ga yema nagu naxüñüxü, rü yemacèx nüxna naca rü ñanagürü nüxü: —¿Tüxcüü ngëmagu perüxüñü i pemaxü?

⁹ —¿Tacü nixü i rütauchamaëxü na namaã nüxü ixuxü ya daa nawäixächicü:

“Curü pecadugü rü marü cuxü nüxü changechaü”, rü ëxna:

“¡Inachi, rü nayaxu i curü carü, rü ñixü!” ñaxü?

¹⁰⁻¹¹ —Natürü ñuxma rü tá pexü nüxü chadauxëë na Chaunatü nüma choxü muxü na duüxügüaxü nüxü changechaüxüçèx i norü pecadugü —ñanagürü. Rü yexguma yema ñaxguwena rü guma nawäixächicüxü ñanagürü: —Cumaã nüxü chixu rü jinachi, rü nayaxu i curü carü, rü cupatawa naxü! —ñanagürü.

¹² Rü yexgumatama inachi ga guma idaawecü. Rü nanayaxu ga norü carü, rü ñanaxü napëxewa ga guxüma ga yema duüxügü ga yéma yexmagüxü. Rü yemacèx ga yema duüxügü rü nabëixächiäëgü, rü Tupanaxü nicuëxüügü, rü ñanagürügü: —Taguma nüxü tadau i tacü i ñaarüü ixüxü —ñanagürügü.

*Lebícèx naca ga Ngechuchu
(Mt 9.9-13; Lc 5.27-32)*

¹³ Rü yemawena rü wenaxärü naxtaacutüwa naxü ga Ngechuchu. Rü yema muxüma ga duüxügü rü naxcèx naxü. Rü nüma rü nanangüexëë.

¹⁴ Rü yexguma yéma naxüpetügu ga Ngechuchu, rü yéma nüxü nadau ga Lebí ga Arupéu nane. Rü nüma ga Lebí rü yéma narüto nawa ga yema nachica ga duüxügüna dëru ngixü ñayaxuxüwa naxcèx ga Dumacüñaxärü äëxgacü yerü woetama yema nixü ga norü puracü. Rü Ngechuchu rü ñanagürü nüxü: —¡Chowe rüxü! —ñanagürü. Rü inachi ga Lebí, rü nawe narüxü.

¹⁵ Rü yéma Lebípatawa nachibü ga Ngechuchu. Rü yéma nachibü ga muxüma ga duüxügü ga Lebírüü Dumaärü äëxgacüçèx dëru ngixü yauxgüxü. Rü nayexmagü ta ga

togü ga duüxügü ga taxúema nacü mamaã taãëgüxü ga yéma mechawa rütogüxü namaã ga Ngechuchu rü norü ngüexügü. Yerü namu ga yema nawe rüxüxü.

¹⁶ Rü yéma nayexmagü ta ga ñuxre ga Parichéugü rü ngüexëëruügü ga Moïchéarü mugüwa nguxëëtaegüxü. Rü yexguma nüxü nadaugügu ga yema togümaã na nachibüxü ga Ngechuchu, rü norü ngüexügüna nacagü, rü ñanagürügü: —¿Ñuxacü i perü ngüexëëruü rü namaã nachibü i ãëxgacüaru duüxügü i diëruaru yauxwa puracüexü rü duüxügü i pecaduãxgüxü? —ñanagürügü.

¹⁷ Rü yexguma yemaxü naxinügu ga Ngechuchu rü ñanagürü nüxü: —Ngëma poraxü rü tama nanaxwëxe ya duturu, natürü ngëma idaa weexü waxi nixi i naxwëxexü ya duturu. Choma rü tama mexügüna na chaxuxücëx nixi ga núma chaxüxü, natürü núma chaxü na nüxna chaxuxücëx i pecaduãxgüxü —ñanagürü.

*Ngechuchuna aurechigacëx nacagüe
(Mt 9.14-17; Lc 5.33-39)*

¹⁸ Rü wüxi ga ngunexügu rü tama nachibüe yerü Tupanacëx naxauree ga Cuáü ga baitüxëëruüaru ngüexügü rü Parichéugüaru ngüexügü. Rü yemaxü nadaugügu ga ñuxre ga duüxügü, rü Ngechuchuxütawa naxi rü nüxna nayacagüe, rü ñanagürügü: —Ngëma Cuáüaru ngüexügü rü Parichéugüaru ngüexügü rü naxauree. ¿Rü tüxcüü i curü ngüexügü i tama naxaureexü? —ñanagürügü.

¹⁹ Rü Ngechuchu nanangãxü rü ñanagürü nüxü: —¿Éxna wüxi i ngügüaru petawa rü pexcëx namexü na naxaureexü i ngëma nüxna naxugüxü ega natanüwa nangëxmagu i ngëma yatü i ngexwacëx ãmaxü? Pemaã nüxü chixu rü ngëxguma natanüwa nangëxmayane i ngëma yatü i ngexwacëx ãmaxü rü taxucürüwama naxauree i ngëma nüxna naxugüxü.

²⁰ —Natürü wüxi i ngunexü rü ngëma yatü i ngexwacëx ãmaxü rü tá namücügüna nixügachi. Rü ngëma ngunexügu tá nixi i naxaureexü. [Rü chorü ngüexügü rü taxucürüwama naxauree i ñuxma erü natanüwa changëxma. Natürü ñangu tá i ngëma ngunexü na nüxna chixügachixü, rü ngëxguma tá nixi i naxaureexü.]

²¹ —Rü taxúema wüxi i naxchirutüchi i ngexwacaxüxümaã tanapaita i wüxi i naxchiru i ngauxü. Erü ngëxguma nañaächimügu i ngëma natüchi i ngexwacaxüxü, rü tá nanagauxëë i ngëma ngauxü i naxchiru. Rü noxriarü yexera tá narügäu.

²² —Rü ngëxgumarüü ta taxúema ngexwacaxücü ya binu rü wüxi i marü ngauxü i naxchiü i naxchëxmünaxcëxgu tayabacuchi. Erü ngëxguma ngëmaacü naxüxgu rü yima binu ya ngexwacaxücü rü narüngu, rü tá nayawãixëë i ngëma naxchiü i ngauxü i naxchëxmünaxcëx. Rü ngëma incü na inayarüxo ya binu rü naxchiü rü ta. Rü ngëmacëx tanaxwëxe ya ngexwacaxücü ya binu rü ngexwacaxüxü i naxchiügu tayabacuchi. [Rü chorü nguxëëtae i ngexwacaxüxü rü ngëxgumarüü ta nixi na taxucürüwama namaã nawüxiguxü i ngëma nuxcümaixü i pecümagü —ñanagürü ga Ngechuchu.]

*Ngechuchuarü ngüexügü rü trigu nibuxetanü ga ngüxchigaarü ngunexügu
(Mt 12.1-8; Lc 6.1-5)*

²³ Wüxi ga ngüxchigaarü ngunexügu ga Ngechuchu rü norü ngüexügümaã trigunecüwa nachopetü. Rü nümagü ga norü ngüexügü rü inaxiäcüma inanaxügüe ga trigu na yabuxetanüxü.

²⁴ Rü yema Parichéugü rü Ngechuchuna nacagü rü ñanagürügü: —Dücëx ¿rü tüxcüü i curü ngüexügü rü nanaxügü i ngëma tama mexü i ngüxchigaarü ngunexügu na naxüxü? —ñanagürügü.

²⁵ Natürü núma ga Ngechuchu rü ñanagürü nüxü: —¿Taguma éxna poperawa nüxü pedau ga tacü na naxüxü ga nuxcümaicü ga ãëxgacü ga Dabi rü natanüxügü ga yexguma ðna nüxü tauxgu rü nataiyaegu?

²⁶ Rü yexguma paigüaru ãëxgacü yixügu ga Abiatáru, rü Dabi rü Tupanapatagu naxücu. Rü nanangöx ga yema päu ga üünexü ga paigücëxcatama ixüxü. Rü núma ga Dabi rü natanüxügümaã rü ta nangau ga yema päu —ñanagürü.

²⁷ Rü ñanagürü ta ga Ngechuchu: —Ngëma ngüxchigaarü ngunexü rü duüxügücëx nixi ga naxüxü. Rü tama ngüxchigaarü ngunexücëx nixi ga naxüxü ga duüxügü.

²⁸ —Rü ngëmacëx ya Tupana Nane ya duüxüxü ixücü rü namaã inacüëx ta i ngüxchigaarü ngunexü —ñanagürü.

3

*Wüxi ga yatü ga yumécüchiga
(Mt 12.9-14; Lc 6.6-11)*

¹ Rü wenaxäru ngutaqëxepataügu naxücu ga Ngechuchu. Rü yéma nayexma ga wüxi ga yatü ga norü wüxichacüüwa yumécü.

² Rū yema Parichéugū, rū Ngechuchuxū nangugūgū ngoxi tá namexēēā ga ngūxchigaarū ngunexūgu, na yemaācū nūxū nayexmaxūcēx ga ſacūcēx na ínaxuaxūgūāxū.

³ Rū yexguma ga Ngechuchu rū űanagūrū nūxū ga guma yumēcū: —ĵrūda, rū nuxā ngāxūtanūgu yachi! —űanagūrū.

⁴ Rū yexguma ga Ngechuchu rū yema togū ga yéma yexmagūxūna naca, rū űanagūrū nūxū: —ĵTacū nixī i mexū na naxūxū i ngūxchigaarū ngunexūgu? ĵNamexū na naxūxū i mexū rū ēxna chixexū? ĵRū namexū na namaxēēxū rū ēxna yamáxū? —űanagūrū. Natūrū ga nūmagū rū yexma nayarūngeēxgūmare.

⁵ Rū nūma ga Ngechuchu rū nuchametūācūma nūxū nidaugūāchi ga yema nūxū íchomaēguāchixū. Rū nangechaū yerū tama inaxīnūēchaū ga yema duūxūgū. Rū guma yatūxū űanagūrū: —ĵlyanawēxāchixēē ya cuxmēx! —űanagūrū. Rū yexguma ga guma yatū rū nūgū inayarūwēxāchimēxēē. Rū yexgumatama rū narūmexmēx.

⁶ Natūrū yexguma yemaxū nadaugūgu ga Parichéugū, rū inachoxū ga yéma. Rū Erodetanūxūmaā inanaxūgūe ga na naxcēx nadaugūxū ga űuxācū tá na Ngechuchuxū yamēxgūxū.

Naxtaacutūwa Ngechuchucēx nangutaquēxegū ga muxūma ga duūxūgū

⁷ Rū Ngechuchu rū norū ngūexūgūmaā naxtaacutūwa naxū. Rū muxūma ga duūxūgū ga Gariréaanecūāx rū nawe narūxī.

⁸ Rū yexguma nūxū nacuāchigagūgu ga guxūma ga yema mexūgū ga naxūxū ga Ngechuchu, rū naxcēx naxītaquēxe ga muxūma ga duūxūgū ga Yudéaanecūāx, rū Yerucharéucūāx, rū Iduméānecūāx, rū Yudāūārū tocutūcūāx rū yema naāne ga Tīru rū Chidāūārū űānegū nawa yexmaxūcūāx.

⁹ Rū yemacēx ga Ngechuchu rū norū ngūexūgūxū namu na wūxi ya ngue naxcēx namexēēgūxūcēx na tama yéma yaxūxtūgūāxūcēx ga yema muxūma ga duūxūgū.

¹⁰ Yerū nūma rū nanameēxēē ga muxūma, rū yemacēx guxūma ga yema idāaweexū rū naxcēx naxī na nūxū yangōgūgūxūcēx.

¹¹ Rū yexguma yema ngoxoāxgūxū ga duūxūgū nūxū daugūgu, rū napēxegu naxāāpūxūgū rū tagaācū űanagūrūgū: —Cuma nixī ya Tupana Nane quīxū —űanagūrūgū.

¹² Natūrū nūma ga Ngechuchu rū poraācū nayaxucūxēgū na tama duūxūgūmaā nūxū yaxugūexūcēx ga nachiga.

Ngechuchu nanade ga 12 ga norū ngūexūgū na toxnamana namugūāxūcēx (Mt 10.1-4; Lc 6.12-16)

¹³ Rū yemawena ga Ngechuchu rū wūxi ga mēxpūnewa inaxūāchi. Rū yéma naxcēx naca ga yema ngūexūgū ga nūma nanaxwēxexū. Rū naxūtagu naxītaquēxegū.

¹⁴ Rū yematanūwa nayadexechi ga 12 ga norū ngūexūgū na namūcūgūxūchi yīxūcēx, rū na yamugūāxūcēx ga norū orearū unagūwa. Rū yemagū rū Imugūxūgu nanaxūéga.

¹⁵ Rū pora nūxna naxā na Tupanaārū poramaā ínawoxūāxūcēx ga ngoxogū.

¹⁶ Rū űaāgū nixī ga naega ga yema 12 ga norū ngūexūgū ga nadexū. Rū wūxi nixī ga Chimáu ga Pedrugu naxūégaxū.

¹⁷ Rū togū nixī ga Chaūtiāgu rū naēneē ga Cuāū. Rū nūmagū rū Zebedéu nanegū nixī. Rū Ngechuchu rū Boanéregu nanaxūéga. Rū ngēma nixī i Duruanexū Nanegū —űaxūchiga.

¹⁸ Rū togū nixī ga Aūdré, rū Piripi, rū Baturumé, rū Mateu, rū Tumachi, rū Chaūtiāgu ga Arupéu nane, rū Tadéu, rū Chimáu ga iporaāēcūcū.

¹⁹ Rū to nixī ga Yuda ga Icarīute ga yixcama bexma Ngechuchuxū íxuaxūxū.

Ngechuchuxū nixugūe na ngoxoarū poramaā napuracūxū (Mt 12.22-32; Lc 11.14-23, 12.10)

²⁰ Rū yemawena rū wūxi ga ĵpatagu naxūcu ga Ngechuchu. Rū wenaxārū naxcēx nangutaquēxegū ga muxūma ga duūxūgū. Rū yemacēx woo na nachibūexūcēx rū nangechicagū ga nūma rū norū ngūexūgū.

²¹ Rū yexguma yemaxū taxīnūégū ga guxema natanūxūgū ga Ngechuchu, rū ĵtayadaugū na tayagagūxūcēx, yerū nūxū tixugūgū rū: —Naxānāēmare —űatagūrūgū.

²² Rū yexgumarūū ta ga yema ngūexēēruūgū ga Moīchéarū mugūwa ngxūēētaegūxū ga Yerucharéūwa ne íxū, rū űanagūrūgū: —Naā yatū i Ngechuchu, rū ngoxogūnatū i Bechebuarū poramaā nixī i ínawoxūāxū i ngoxogū —űanagūrūgū.

²³ Natūrū ga Ngechuchu rū naxcēx naca ga yema ngūexēēruūgū. Rū wūxi ga ore ga cuēxruūxū namaā nixu, rū űanagūrū: —ĵRū űuxācū i Chataná i nūgūtama inatēxūchixū?

²⁴ —Rū ngēxguma chí wūxi i nachīūānecūāx i duūxūgū rū nūgūtānūxūwatama nūgū nadaixgu, rū taxuacūma natai i ngēma nachīūāne.

²⁵ —Rū ngēxguma chí wūxi ya ĵpatacūāx nūgū itoyegu, rū taxuacūma natai ya yima ĵpata.

²⁶—Rü ngëxgumarüü chi ta nixi i Chataná ega nügümaã nanuxgu rü nügü yamëxgu, rü taxuacü chima naitai i ngëxguma. Rü chi ngëxma nagux.

²⁷—Rü taxuacüma texé wüxi ya yatü ya poracüpatagu taxücu na nüxna tanapuxüxüçëx i norü ngëmaxüğü, ega tama tayanëixiragu. Erü ngëmaãcücica tá nixi i tüxü nanguxüxü na tanapuxüxü i norü ngëmaxüğü.

²⁸—Rü aixcüma pemaã nüxü chixu rü Tupana tá nüxü nüxü nangechaü i duüxüğü i guxüma i norü pecadugü rü guxüma i tacü i chixexü i namaã yadexagüxü.

²⁹—Natürü texé ya chixexü namaã ixugüxe i Tupanaãe i Üünexü, rü tagutáma tüxü nüxü nangechaü ya Tupana. Rü guxügutáma chixexüwa tüxü natëx —ñanagürü.

³⁰ Rü yema ñanagürü ga Ngechuchu, yerü yema ngüexëeruüğü ga Moichéarü mugüwa ngüxëetaegüxü rü: “Nangoxoãx” ñanagürüğü nüxü.

Ngechucharü mamá rü naëneëgüchiga
(Mt 12.46-50; Lc 8.19-21)

³¹ Rü yexgumayane rü ítangüğü ga Ngechucharü mamá rü naëneëgü. Natürü ípataarü düxëtüğü tarücho, rü naxcëx yëma tangemagü.

³² Rü yema duüxüğü ga Ngechuchuxü íchomaëguächixü, rü ñanagürüğü nüxü: —Curü mamá rü cueneëgü rü cueyëxgü, rü yéa düxëtüwa tangëxmagü, rü cuxcëx tadaugü —ñanagürüğü.

³³ Rü nüma nanangãxü, rü ñanagürü: —¿Texé tixi ya chawe rü chaueneëgü? —ñanagürü.

³⁴ Rü yema nüxü íchomaëguächixüxü nidaugüächi, rü ñanagürü: —Rü daxegü tixi ya chawe rü chaueneëgü.

³⁵—Erü guxãma ya texé ya naxüxe i Tupanaãrü ngüchaü, rü yíxema tixi ya chaueneë rü chaueyëx rü chawe —ñanagürü.

4

Ore ga toecügu ixuxü
(Mt 13.1-9; Lc 8.4-8)

¹ Rü wenaxãrü inanaxüğü ga Ngechuchu ga na nangüexëëãxü ga duüxüğü ga guma naxtaxaãnacüwa. Rü muxüma ga duüxüğü yexma naxcëx nangutaquëxëgü. Rü yemacëx düxwa wüxi ga ngue ga yëma naxtaawa yexmanegu nixüe ga Ngechuchu, rü gumawa narüto. Rü yema duüxüğü rü naxtaxaãnacügu narücho.

²⁻³ Rü yexguma ga Ngechuchu rü inanaxüğü ga muxüma ga ore ga cuëxruüwa na nangüexëëãxü ga duüxüğü. Rü norü ngüxëëtaewa rü ñanagürü: —¡Düçëx, íperüxüñüë i ñaã ore! Wüxi ga yatü ga toecü rü triguarü towa naxü.

⁴—Rü yexguma triguchiremaã nagüaneëgu, rü ñuxre ga triguchire rü namagu nayi. Rü ínangüğü ga werigü, rü nanawecu.

⁵—Rü náigü ga triguchire rü nutatanüğü nayi ga ngextá ínachicaxüwa ga waixüümü. Rü paxa narüxüğü ga guma triguchire, yerü ga waixüümü rü tama nayaxcü.

⁶—Natürü yexguma nangunagüğü ga üëxcü, rü ínanagu ga guma trigu rü narüñëxgü. Rü nayue, yerü tama poraãcü nixãmaxã.

⁷—Rü náigü ga triguchire rü toranecüğü nayi. Rü yexguma nayaegu ga tora, rü guma triguxü ínawocu, rü yemacëx tama nixo.

⁸—Natürü náigü ga triguchire rü mexü ga waixüümüğü nayi. Rü meãma nayae, rü muxüma ga trigu nawa ínanguxuchi. Rü nümaxüneyëxawa rü 30 püxü ínanguxuchi ga norü o, rü náigüwa rü 60, rü náigüwa rü 100 ínanguxuchi —ñanagürü.

⁹ Rü ñuxüchi ñanagürü ta: —Rü yíxema ächixëgüxe, ¡rü nüxü taxüñüë i ñaã ore! —ñanagürü.

Tacüchiga nixi ga yema ore ga cuëxruüğügu ixuxü
(Mt 13.10-17; Lc 8.9-10)

¹⁰ Rü yemawena ga yexguma nanüxcëxgu ga Ngechuchu, rü yema naxütagüxü wüxigu namaã ga yema 12 ga norü ngüexüğü, rü nüxna nacagüe ga na tacüchiga yíxü ga yema ore ga cuëxruüğü ixuxü.

¹¹⁻¹² Rü nüma nanangãxü rü ñanagürü nüxü: —Tupana rü pexü nüxü nacuëxëë i ngëma ëxüğüxü i taxuüma i togü nüxü cuáxü na ñuxãcü äëxgacü na yíxü i nümax. Natürü ngëma togü i tama tatanüxü íxüxüçëx rü cuëxruüğü chayaxuãcüma namaã nüxü chixu i ore na woo nüxü nadaunüğü rü ñoma tama nüxü nadaugüxü rü na yíxüçëx, rü woo nüxü naxüñüëgu rü tama nüxü na nacuëxgüxüçëx. Rü ngëmaãcü namaã nüxü chixu na tama nüxü naxoëxüçëx i nacüma i chixexü rü tama Tupana nüxü nüxü ngechaüxüçëx i norü pecadugü —ñanagürü.

Ngechuchu rü meã nanangoxëë ga yema ore ga cuëxruü ga toecüchigagu ixuxü
(Mt 13.18-23; Lc 8.11-15)

13 Rū Ngechuchu ñanagürü nüxü: —¿Pema rü ta éxna tama nüxü pecuèxgü na tacüchiga yixü i ngéma ore i cuèxruü i nüxü chixuxü? ¿Rü ñuxücürüwa tá nüxü nacuèxgü i ngéma togü?

14 —Rü yixema toexe, rü yixema tixü ya ore i mexü unagüxe.

15 —Rü nangëxma i duixüügü i guma triguchire ga namagu yixünerüü ixigüxü. Rū nümagü rü nüxü naxinüë i ore i mexü, natürü yixcama marü nüxü naxinüëguwena, ngema nangu i Chataná rü nüxna nanapu i ngéma ore i mexü ga noxri yaxögüxü.

16 —Rü togü rü ngéma triguchire ga nutatanügu yixünerüü nixigü. Rū ngëmagü nixü i nüxü ñnëxü i ore i mexü, rü taäëácüma nayauxgüxü.

17 —Natürü ngéma na tama aixcüma nagu naxinüëxü i ngéma ore, rü paxaächitama nayaxögü. Rū ngëmacëx i yixcama ngëxguma ngéma oregagu guxchaxüügü nüxü üpetügu rü éxna duixüügü naxchi aiegu, rü nüxü narüxoe i ngéma ore ga noxri yaxögüxü.

18-19 —Rü togü rü guma triguchire ga toranecügu yixünerüü nixigü. Nümagü rü nüxü naxinüë i ngéma ore i mexü, natürü ñoma i naäneärü ngëmaxügücëx naxoegaägü rü norü diërguama narixinüë, rü nanaxwëxegü i nüxü na nangëxmaxü i muxüma i to i norü ngëmaxügü. Rū guxüma i ngéma rü nüxü nüxü inayarüngümaëxëë i ngéma ore i mexü rü nüxü nüxü narüxoeëë na tama naxügüäxücëx i ngéma mexü i Tupana nüxü naxwëxëxü.

20 —Rü togü rü guma triguchire ga mexü ga waixüümügu yixünerüü nixigü. Ngëmagü nixü i nüxü ñnëxü i ore i mexü rü nayauxgüxü rü meä Tupana naxwëxëxüäcüma maxëxü. Rū nümamaxü rü guma trigu ga 30 püxü nawa ínguxuchinerüü nixigü. Rū nümamaxü rü guma 60 püxü nawa ínguxuchinerüü nixigü. Rū nümamaxü rü guma 100 püxü nawa ínguxuchinerüü nixigü —ñanagürü.

*Ore ga omügu ixuxü
(Lc 8.16-18)*

21 Rū yexgumarüü ta ñanagürü nüxü: —¿Éxna nuä tanange i wüxi i omü na wüxi i caichäütüügu rü éxna wüxi i pechicatüügu na yaxüchixüëcëx? Tama ngëmaäcü nixü, erü wüxi i omü rü dauxnagu tanaxünagü na ngema inabaxixüëcëx.

22 —Rü ngëxgumarüü ta i guxüma i tacü iicüxü, rü yixcüra rü duixüügü rü tá nüxü nacuèxgüma. Rū guxüma i ngéma ñuxma duixügücëx ëxüguxü rü tá nangoxoma i yixcüra.

23 —Rü yixema ächixëgüxe, jrü nüxü taxinüë i ngéma ore! —ñanagürü.

24 Rū yexgumarüü ta ñanagürü nüxü: —¿Meä naga pexinüë i ngéma nüxü pexinüëxü! Rū ngéma pema naga na pexinüëxürüü tá nixü i Tupana i pexna naxäaxü i cuëx. Rū naeütü tá poraäcü pexü narüngüxëë.

25 —Rü pemaä nüxü chixu, rü texé ya aixcüma naga ñnëxë i ñaä ore i mexü rü Tupana rü yexeraäcü tá tüxü nüxü nacuëxëë. Natürü yixema tama naga ñnëxë i ñaä ore rü Tupana tá tüxna nanayaxu i ngéma íraxü i cuëx i tüxü ngëxmachirëxü —ñanagürü.

Ore ga triguchire ga rüxüügü ixuxü

26 Rū Ngechuchu rü ñanagürü ta: —Pemaä tá nüxü chixu i wüxi i ore i cuëxruü na nüxü pecuäxücëx na ñuxäcü äëxgacü na yixü ya Tupana. Rū wüxi ya yatü rü waixüümügu nanato ya triguchire.

27 —Rü nüma ya yatü rü chütacü nape rü moxüäcü ínarüda, rü yoxni ya yima triguchire rü narüxü rü niyachigü. Natürü nüma ya yatü rü tama nüxü nacuëx na ñuxäcü na naxüxü rü na nayaxü.

28 —Rü ngëmaäcü i ngéma waixüümü rü nüëchamatama nanaxüxëë ya yima triguchire. Rū naätügüxira narüxü rü yixcama i nachacu rü ngëmawena nachacuwa nanguxü i norü o.

29 —Rü ngëxguma marü yadauxgu i ngéma norü o, rü nanabuxu erü marü nawa nangu i norü buxgü —ñanagürü.

*Ore ga motachachiregu ixuxü
(Mt 13.31-32; Lc 13.18-19)*

30 Rū ñanagürü ta ga Ngechuchu: —Rü Tupanaarü ore rü yexera nixüchigü ¿Rü nanatacüraxü rü tacügu tanangu?

31-32 —Rü ñoma wüxi ya motachachire ya waixüümügu itoxünerüü nixü. Rū woo guxüdnema ya nanetüchirëxü narüxíramaë, natürü ngëxguma inatoxgu, rü narüxü rü naya ñuxmata guxüma i togü i nanetüxü nayexera. Rū nachacüü rü nita, rü woo werigü rü natanügu nixüachiäü —ñanagürü.

*Cuëxruügu ixuxü ga oremaä nidexa ga Ngechuchu
(Mt 13.34-35)*

33 Rū yemaäcü ga Ngechuchu rü muxüma ga nayexgumaächiraüxü ga ore ga cuëxruügümaä nanangüxëë ga duixüügü. Natürü yema cuëxruügü rü tama yema duixüügüarü cuëxü nangupetü.

³⁴ Rū ore ga cuèxruūgu ixuxūxīcatama nixī ga norū nguxēētae. Rū yixcama ga yexguma nanūxīcèxgūgu, rū norū ngúexūgūcèx meāma nanangoxēē ga guxūma.

*Ngechuchu rū buanecūxū rū yuapexū inayachaxāchixēē
(Mt 8.23-27; Lc 8.22-25)*

³⁵ Rū yematama ngunexūgu ga marū nachūtachaūgu, rū Ngechuchu rū ñanagūrū nūxū ga norū ngúexūgū: —¡Ngūxā rū naxtaxaarū tocutūwa taxī! —ñanagūrū.

³⁶ Rū yexguma duūxūgūna yéma inaxīāchi. Rū norū ngúexūgū rū Ngechuchuxū nigagū nagu ga guma ngue ga marū nawa nayexmane. Rū yexgumarū ta ga togū ga duūxūgū rū náigū ga nguegūgu inayaxūmūcūgū.

³⁷ Rū yexguma yaxāūyane rū inaxū ga wūxi ga buanecū ga taxūchicū. Rū yema na nataxūchixū ga buanecū, rū guma nguegu niyauxcuchichigū ga yuape, rū yexma nabaxūgūchaū.

³⁸ Natūrū ga Ngechuchu rū guma nguechinūwa wūxi ga cūxeruūgu naca, rū yéma nape. Rū inanaūaixgūgū, rū ñanagūrūgū nūxū: —Pa Ngúexēeruūx, ¿éxna curū me nixī na nuxma ibaxūgūxū? —ñanagūrūgū.

³⁹ Rū yexguma inarūda ga Ngechuchu. Rū buanecūna nachogū rū ñanagūrū nūxū ga guma naxtaxa: —¡Iyarūchiane rū iyachaxāchi! —ñanagūrū. Rū inayachaxāchi ga buanecū rū guxūwama inachaxanemare.

⁴⁰ Rū yemawena ga Ngechuchu rū norū ngúexūgūxū ñanagūrū: —¿Tūxcūū ngēmaācū poraācū pemuūē? ¿Nuxma rū ta éxna tama aixcūma peyaxōgū? —ñanagūrū.

⁴¹ Natūrū nūmagū ga norū ngúexūgū rū poraācū namuūē. Rū nūgūna nacagūe rū ñanagūrūgū: —¿Texe éxna nixī ya daa rū éjxrcū ya buanecū rū yuape rū naga naxīnūēxū? —ñanagūrūgū.

5

*Yatū ga Gadarácūāx ga ngoxogū nawa yexmagūxū
(Mt 8.28-34; Lc 8.26-39)*

¹ Rū naxtaxaarū tocutūwa nangugū ga Gadáraanewa.

²⁻³ Rū yexguma marū nguewa inaxūegu ga Ngechuchu, rū yéma naxcèx nixū ga wūxi ga yatū ga ngoxo nawa yexmaxū. Rū yema yatū rū duūxēgūchiquéxewa ne naxū, yerū yexma nixī ga yanaxachigūnèxūxū. Rū taxúexūma nanguxū na tayanáixū, woo cadenamaā.

⁴ Rū woo muēxpūxcūna cadenamaā nayanējxparagū rū nayanējxchacūgū, natūrū nūma rū guxūguma iraxūgu inanaçauūgūama, rū yemaācū taxúexūma nanguxū.

⁵ Rū ngunecū rū chūtacū rū yuetachiquéxetanūgu rū naxpūxgūgu nanaxachigūane. Rū yexma nanacaeane, rū nutamaā nūgūgu napogū.

⁶ Natūrū yexguma yaxūgutama Ngechuchuxū nadēuxgu, rū naxcèx inañaāchi, rū napēxegu nayacaxāpūxū.

⁷ Rū aita naxūācūma ñanagūrū nūxū: —¿Tūxcūū nuā choxū cuyachixewe, Pa Ngechuchux, Pa Tupanaxūchi Nanex? Rū Tupanaegagu cuxū chacèèxū na tama ngúxū choxū quingexēèxū —ñanagūrū.

⁸ Rū yemaācū nidexa ga yema ngoxo yerū Ngechuchu rū marū ñanagūrū nūxū: —Pa ngoxox, jínaxūxū nawa ya yima yatū! —ñanagūrū.

⁹ Rū yexguma ga Ngechuchu rū nūxna naca, rū ñanagūrū: —¿Tacū nixī i cuéga? —ñanagūrū. Rū nūma ga ngoxo nanangāxū, rū ñanagūrū: —Muxūchixū nixī i chauéga, erū tamu i tomax —ñanagūrū.

¹⁰ Rū poraācū Ngechuchuxū nacèèxūgū na tama inawoxūāxūcèx ga yema naānewa.

¹¹ Rū yema nachicaarū ngaicamana ga naxpūxpechinūwa rū nayexmagū ga muxūma ga cuchigū ga yéma chibūexū.

¹² Rū yemacèx ga yema ngoxogū rū Ngechuchuxū nacèèxūgū, rū ñanagūrūgū: —¡Ngema cuchitanūwa toxū namugū na nagu tachocuxūcèx! —ñanagūrūgū.

¹³ Rū Ngechuchu rū: —Ngū —ñanagūrū. Rū yexguma ga yema ngoxogū rū guma yatūwa inachoxū, rū yema cuchigūgu nayachocu. Rū yema cuchigū ga wixgu 2000 ixīgūxū rū inaxūāchi, rū naxtaacutūarū mēxpūxūwa nayarūyuxgū. Rū yexma nayī.

¹⁴ Rū yema cuchigūarū dauruūgū rū ñānewa nabuxmū. Rū ñānewa rū yema ñānēarū ngaicamana ipeagūxū ga duūxūgūtanūwa nūxū nayarūxugūgū ga yema ūpetūxū. Rū ga duūxūgū rū inayadaugū.

¹⁵ Rū yexguma Ngechuchu iyexmaxūwa nangugūgu, rū yéma nūxū nadaugū ga guma yatū ga ngoxoāxchirécū. Rū yéma narūto, rū naxāxchiru, rū meāma naāèxū nacuèx. Rū poraācū nabaixāchiāégū ga duūxūgū.

16 Rū yema cuchigüarü dauruügü ga nüxü daugüxü ga tacü na nüxü ngupetüxü ga guma yatü ga ngoxoaxchirécü rü tacü nüxü na ngupetüxü ga yema cuchigü, rü yema nixü ga togü ga duüxügümaã nüxü ixugüexü ga guxüma ga yema ngupetüxü.

17 Rū yexguma yemaxü naxinüëgu ga duüxügü, rü inanaxügüe ga Ngechuchuxü na nacëëxügüxü ga na inaxüxüxcëx ga yema naãnewa.

18 Rū yexguma wenaxârü nguëgu yaxüëgu ga Ngechuchu, rü guma yatü ga ngoxoaxchirécü, rü nüxü nacëëxü na Ngechuchuwe naxüxcëx.

19 Natürü ga Ngechuchu rü tama nanaxwëxe, rü ñanagürü nüxü: —¡Cuchiüwa naxü rü cutanüxümaã nüxü yarüxu i guxüma i ngëma cuxcëx naxüxü ya Cori ya Tupana, rü ñuxäcü nüxü na cungechaütümüüxü! —ñanagürü.

20 Rū nüma ga guma yatü rü inixü. Rū inanaxügü ga guxüma ga Decaporíchiuanewa yexmagüne ga ñanegüwa nüxü na yaxuxü ga yema Ngechuchu naxcëx üxü. Rū guxüma ga duüxügü rü nañaxächiaëgü.

*Yáiruxacüchiga rü yema nge ga Ngechuchuchirugu ingögücüchiga
(Mt 9.18-26; Lc 8.40-56)*

21 Rū yexguma nguëgu naxtaaarü tocutüwa nataëgu ga Ngechuchu, rü muxüma ga duüxügü rü naxcëx yéma nangutaquëxëgü. Rū nüma rü naxtaapechinüwa nayexma.

22 Rū yexguma yéma nayexmayane, rü yéma naxütawa nangu ga ngutaquëxepatañârü äëxgacü ga Yáirugu äëgacü. Rū yexguma Ngechuchuxü nadëuxgu, rü napëxegu nanangücuchi.

23 Rū poraäcü nüxü nacëëxü, rü ñanagürü nüxü: —Chauxacü rü ituraxüchi. Rū chanaxwëxe i ngema cuxü na ngixü cuyarüngögüxcëx na ngixcëx yataanëxcëx rü namaxüxcëx —ñanagürü.

24 Rū yexguma ga Ngechuchu rü nawe narüxü. Rū muxüma ga duüxügü inayaxümücügü. Rū yéma nayaxüxtügü.

25 Rū yema muxü ga duüxügütanüwa iyexma ga wüxi ga nge ga 12 ga tauncü idaawecü namaã ga na naxägüechaxü.

26 Rū muxüma ga duturugü ngixü naxüxügü rü poraäcü ngüxü ngixü ningexëëgü. Rū yemaäcü natüxcëxma ngixü iguxëë ga guxcü ga ngirü diëru. Natürü tama ngixcëx nitaaneëga, rü niyexeraguchigüama ga ngirü daawe.

27 Rū üpaacü togüëxwa Ngechuchuchigaxü ixinü. Rū yemacëx yéma ixü. Rū natanüwa ga yema muxüma ga duüxügü rü Ngechuchuweama ne ixü rü naxchirugu iyangögü.

28 Yerü ñaxügu irüxinü: —Ngëxguma chi naxchiruxümare chingögügü, rü chi chauxcëx nitaane —ñaxügu irüxinü.

29 Rū yexgumatama inayachaxächi ga ngigü, rü nüxü iyacüëxächi ga ngixñewa ga na ngixcëx yataanëxü.

30 Natürü ga Ngechuchu rü nüxü nicüëxächi ga na nawa inaxüxüxü ga pora. Rū naxcëx nadauegu ga yema muxüma ga duüxügü, rü nüxna naca, rü ñanagürü: —¿Texé tixü ya chauxchirugu ingögüxe? —ñanagürü.

31 Rū norü ngüëxügü nanangäxügü, rü ñanagürügü: —Cuma nüxü cudau i ñuxre i duüxügü ngema cuxü na yaxütügüxü rü ngëxguma rü ta:

“¿Texé ya choxü ingögüxe?” ñacuxü —ñanagürügü.

32 Natürü ga Ngechuchu rü nüxü nidaugüächiaama na tüxü nadauxcëx ga na texé na tiixü ga guxema nüxü ingögüxe.

33 Rū yexguma ga yema nge rü ngirü muümaã yadurüxäcüma naxütawa ingu, yerü nüxü icüëx ga tacü na ngixü ngupetüxü. Rū napëxegu iyacaxäpüxü, rü aixcümäxüchi namaã nüxü iyaxu ga guxüma.

34 Rū nüma ga Ngechuchu rü ñanagürü ngixü: —Pa Chauxacüx, curüme erü cuyaxö. ¡Rü taäëcüma ñixü, erü marü naxüxü i curü daawe! —ñanagürü.

35 Rū yexguma iyadexayane, yéma nangugü ga ñuxre ga natanüxügü ga guma ngutaquëxepatañârü äëxgacü rü ñanagürügü nüxü: —Cuxacü rü marü iyu. ¿Tüxcüü nüxü cuchixeweecha ya Ngüexëëruü? —ñanagürügü.

36 Natürü ga Ngechuchu rü tama nüxü nacüaxcháü ga yema duüxügüarü dexa. Rū yemacëx guma ngutaquëxepatañârü äëxgacüxü ñanagürü: —¡Täxü i cumüxü, rü yaxömare! —ñanagürü.

37 Rū yexguma ga Ngechuchu rü inayagagü ga Pedru rü Chaütiägu rü Cuäü ga Chaütiägueneë. Natürü tama nanaxwëxe na texé ga togue nawe rüxixü.

38 Rū yexguma guma ngutaquëxepatañârü äëxgacüpatawa nangugügu, rü Ngechuchu nüxü nadau ga na iyacüxcüxü rü poraäcü aita naxüëcüma naxauxexü ga duüxügü.

39 Rū guma ipatagu naxücu ga Ngechuchu, rü ñanagürü: —¿Tüxcüü ipicüxcu rü ngëmaäcü pexauxe? Ngëma bucü rü tama iyu. Rū ipemare —ñanagürü.

⁴⁰ Rū nūxū nacugüecüraxūāma ga duūxūgū. Natürü nüma ga Ngechuchu rü īāxtūwa nanamugū ga guxūma. Rū yema bucünatücex naca rü ngīe, rü yema namücügū, rü namaā nixūcu ga īnayemaxūwa ga yema bucū.

⁴¹ Rū ngīxmēxgu nayayauxāchi, rü űanagürü ngīxū: –Tarita cumi –űanagürü. Rū ngēma ore rü űaxūchiga nixī:

“īnachi, Pa Bucū, űacharügū cuxū!” űaxūchiga nixī.

⁴² Rū yexgumatama ga yema bucū ga 12 ga taunecū ngīxū yexmēxcū, rü īirūda rü iyaxū. Rū poraācū naűaixāchiāēgū ga duūxūgū.

⁴³ Natürü ga Ngechuchu rü poraācū nūxna nanachuxu na taxúemaāma nūxū yax-ugüexücex ga yema ngupetūxū. Rū űuxūchi nanamu na ngīxū naxūwemügūxücex ga yema bucū.

6

Nacharētūwa nayexma ga Ngechuchu (Mt 13.53-58; Lc 4.16-30)

¹ Rū yēma inaxūāchi ga Ngechuchu, rü guma īāne ga Nacharētu ga nawa nayaxūnewatama naxū. Rū norū ngüexūgū rü nawe narūxī.

² Rū yexguma ngūxchigaarū ngunexūwa nanguxgu rü inanaxūgū ga na nangüexētaexū ga ngutaquēxepataūwa. Rū yema muxūma ga duūxūgū ga yēma irūxīnūēxū, rü naűaixāchiāēgū. Rū nügūna nacagüe rü űanagürügū: –īNgextá naxcēx nangux i guxūma i ngēma ngxüētae? īRū ngextá nanayaxu i ngēma cuēx? īRū űuxācū nanaxū i ngēma mexūgū i taxūgū i naxūxū?

³ –īTaux ēxna űaā yīxū i carpinteru i Ngechuchu, i Marīane, ya Chaūtiāgu rü Yūche rü Chimāu rü Yudaēneē ixīcū? īRū taux ēxna i naēyēxgū rü nuxma tatanūgu naxāchiūgūxū? –űanagürügū. Rū yemacēx ga yema duūxūgū rü tama naga naxīnūēchaū.

⁴ Natürü ga Ngechuchu rü űanagürü nūxū: –Wūxi i Tupanaārū orearū uruū rü guxūwama i duūxūgū rü nūxū nangechaūgū. Natürü norū īānewatama rü natanūxūgūtaniūwatama rü napatawatama rü tama aixcūma nūxū nangechaūgū –űanagürü.

⁵ Rū yemacēx taxuacūma yēma nanaxū ga muxūma ga mexūgū ga Tupanaārū poramaā naxūxū. Rū noxretama ga duūxūgū ga īdaaweexūxūxīcatama ningōgū rü naxcēx nay-ataanexēēgū.

⁶ Rū naűaixāchiāē ga Ngechuchu, yerū yema duūxūgū rü tama nūxū nayaxōgū.

Ngechuchu rü norū ngüexūgūxū nimugū na nūxū yanaxugüexücex ga Tupanachiga (Mt 10.5-15)

Rū Ngechuchu rü guma ngaicamagūne ga īānexācūgūgu nixūgūchigū, rü nayangüexēetanū ga duūxūgū.

⁷ Rū naxcēx naca ga yema 12 ga norū ngüexūgū, rü inanaxūgū ga na namuāxū ga taxrechigū. Rū nūxna nanaxā ga pora na īnawoxūāxūcēx ga ngoxogū.

⁸ Rū nūxna naxāga ga na taxuxūma īyangegūxūcēx ga norū namawaxū, rü bai ga choca rü bai ga pāu rü bai ga norū dīeru. Rū nanaxwēxe ga naxnetūxūxīcatama na īyangegūxū.

⁹ Rū namaā nūxū nixu na nacuaixcuxū ga norū chapatu. Natürü tama nanaxwēxe ga taxre ga naxchiru na īyangegūxū.

¹⁰ Rū űanagürü nūxū: –Rū ngēxguma wūxi ya īānewa wūxi ya īgu pechocuxgu, īrū ngēxma pepegū űuxmata pema űuxgu ngēma īpexīāchīx nawa ya yima īāne!

¹¹ –Rū ngēxguma ngexnerūine ya īānewa tama meā pexū nayauxgūchaūgu rü tama pexū inaxīnūēchaūgu, īrū īpechoxū i ngēma! Rū ngēxguma īpexīāchīgu, īrū īpenapagū i perū űaxūcutū na ngēmawa nūxū nacüēxgūxūcēx na nataxūchixū tā i norū poxcu i ngēxguma nanguxgu i naāne! –űanagürü.

¹² Rū yexguma inaxīāchi ga norū ngüexūgū. Rū duūxūgūmaā nūxū nixugüe ga na nūxū naxoexücex ga nacūma ga chixexū rü Tupanacēx na nadaugūxūcēx.

¹³ Rū īnawoxū ta ga muxūma ga ngoxogū. Rū chixūmaā yachagūācūma nanameēxēē ga muxūma ga īdaaweexū.

Nayu ga Cuāu ga baiūxēēruū (Mt 14.1-12; Lc 9.7-9)

¹⁴ Rū Ngechuchuchigaxū naxīnū ga āēxgacū ga Erode, yerū guxūwama duūxūgū poraācū nachiga nidexagū. Rū yexguma ga Erode rü űanagürü: –Rū ngēma Ngechuchu nixī i Cuāu i baiūxēēruū ixīxū rü wena namaxū, rü ngēmācēx nixī i nūxū nangēmaxū i pora na naxūāxūcēx i ngēma taxū i mexū i Tupanaārū poramaā naxūxū.

¹⁵ Natürü ga togū rü űanagürügū: –Nuxcūmaūcū ga orearū uruū ga Eria nixī –űanagürügū. Rū togū rü űanagürügū: –Wūxi i Tupanaārū orearū uruū i nuxcūmaūgūxūrūū nixī –űanagürügū.

¹⁶ Natürü yexguma yemaxü naxĩnũgu ga Erode, rü ñanagürü: —Rü ngẽma Ngechuchu nixĩ i Cuáũ ga chorü churaragũxü chidayenaxãxẽchirẽxü, rü ñuxma rü wenaxãrũ namaxü — ñanagürü.

¹⁷ Rü yema ñanagürü ga Erode yerü marüchirẽx Cuáũxü niyaxu rü poxcupataũgu cadenamaã nayachota. Rü yemaãcü nanaxü ngĩgagu ga naxmèx ga Erodía ga naẽneẽ ga Piripimèxchirẽx ixĩcü ga ngĩxü napucü ga Erode.

¹⁸ Yerü ũpaacü ga Cuáũ rü Erodemaã ñanagürü: —Tama name i cuxmèxü cuyaxĩxẽẽ i cueneẽmèx —ñanagürü.

¹⁹ Rü yemacèx ga Erodía rü poraãcü Cuáũchi ixai rü inaxwèxe ga na yamáãxü, natürü poraãcü ngĩxü naguxcha.

²⁰ Yerü ngĩte ga Erode rü Cuáũxü namuũ, yerü nüxü nacuèxchirẽx na wüxi ga yatü ga mecü rü üünecü na yĩxü, rü yemacèx nixĩ ga naetüwa nachogũxü. Rü yexguma Cuáũrũ orexü naxĩnũgu ga Erode, rü naxoegaãe, natürü meã nüxü inarüxinü.

²¹ Natürü wüxi ga ngunexü nawa nangu na ngĩxü natauxchaxü na yamáãxücèx ga Cuáũ, ga yexguma Erodearü taunecũarü ngunexüwa nanguxgu rü wüxi ga peta ga taxü naxüxgu naxcèx ga norü ñatügumaẽgũxü ga ãexgacügü, rü norü churaragũarü ãexgacügü rü yema Gariréaanecũãx ga corigü ga taxügü.

²² Rü yema petawa iyaxücu ga Erodíaxacü, rü yema petatanüxpèxewa íyããchixüchigüxü. Rü poraãcü norü me iyixĩ ga Erode rü norü petatanüxügü. Rü yemacèx ga nüma ga ãexgacü ga Erode rü ñanagürü ngĩxü ga yema pacü: —¡Choxna naxcèx naca i tacü i cunaxwèxexü, rü tá cuxna chanaxã! —ñanagürü.

²³ Rü aixcũmaxüchi ngĩmaã inaxuneta, rü ñanagürü: —Ngèxürüüxü i tacü i choxna naxcèx cuçaxü rü tá cuxna chanaxã, woo ngãxügu i chorü naãne yixĩgu —ñanagürü.

²⁴ Rü nüxna iyaxügachi, rü ngĩena iyaca, rü ngĩgürügü: —¡Tacü i cunaxwèxexü na naxcèx íchaxaxü? —Ngĩgürügü. Rü ngĩe ngixü ingãxü, rü ngĩgürügü: —¡Naxcèx ínaca i Cuáũ ya baiũxẽerũẽru! —ngĩgürügü.

²⁵ Rü yexgumatama ga yema pacü rü paxa iyaxücu ga ãexgacüxütawa rü ngĩgürügü: —Chanaxwèxe i ñuxmatama paxa wüxi ya poratugu choxna cunaxã i Cuáũ ya baiũxẽerũẽru —ngĩgürügü.

²⁶ Rü nüma ga ãexgacü rü poraãcü inayarümaãchi, natürü yema norü petatanüxpèxewa marü ngĩmaã na inaxunetaxücèx, rü tama ngixü nawomüxẽechaü.

²⁷ Rü yemacèx ga Erode rü yexgumatama yéma ínapoxcuxüwa nanamu ga wüxi ga churara na naxütawa nangeaxücèx ga Cuáũerü.

²⁸ Rü poxcupataüwa naxü ga yema churara, rü Cuáũxü nidaeru. Rü wüxi ga poratugu ãexgacüxütawa nanange ga yema naẽru. Rü yema pacüna nanaxã. Rü ngĩma rü ngĩena iyaxã.

²⁹ Rü yexguma yemaxü nacuáchigagügu ga norü ngüexügü ga Cuáũ, rü yéma poxcupataüwa nayayauxgü ga naxüne, rü inayatèxgü.

*Ngechuchu rü nanachibüexẽẽ ga 5000 ga yatügü
(Mt 14.13-21; Lc 9.10-17; Cu 6.1-14)*

³⁰ Rü yemawena rü yema norü ngüexügü ga yamugüxü rü Ngechuchumaã nangutaquèxegü. Rü namaã nüxü nixugüe ga guxüma ga yema naxügüxü rü yema nanguxẽẽtaegüxü.

³¹ Rü Ngechuchu rü ñanagürü nüxü: —¡Nuã pexĩ, rü ngĩã, wüxi i nachica i ngextã taxúema íxãpataxüwa taxĩ, na paxaãchi ngèxma yarüngüxügüxücèx! —ñanagürü. Rü yema ñanagürü yerü namu ga duũxügü ga yéma ingugütanücüüxü rü woeguxü ga togü. Rü yemacèx ga Ngechuchu rü norü ngüexügü rü woo na nachibüexücèx rü nangechicagü.

³² Rü yemacèx wüxi ga ngegu nichoũ, rü noxrüwama wüxi ga nachica ga taxúema íxãpataxüwa naxĩ.

³³ Natürü muxüma ga duũxügü nüxü nadaugü ga yexguma inaxĩachigu, rü nüxü nacuèxgü ga texégü na yĩxü. Rü yemacèx guxüne ga guma íãnegücũãx ga duũxügü, rü dauxchitagu nibuxmü rü napèxegu nayayi.

³⁴ Rü yexguma nguewa inaxüegu ga Ngechuchu, rü nüxü nadau ga yema muxüma ga duũxügü. Rü nüxü nangechaütümüügü yerü ñoma carnerugü ga ngearü dauruũãxgüxürüü nixĩgü. Rü inanaxügü ga na nangüexẽẽãxü ga muxüma ga norü ore.

³⁵ Rü yexguma marü nayáuanegu, rü norü ngüexügü rü naxcèx naxĩ, rü ñanagürügü: —Marü nayáuanexüchi rü ñãã rü wüxi i nachica i taxúema nagu ãpataxü nixĩ.

³⁶ —Rü ngèmacèx name nixĩ i ícuyamugü i duũxügü na namapechinüwa ipeagüxü i duũxügüxütawa rü íãnexãcügu ya ngaicamagünewa naxüxcèx na ngema norü õnacèx yataxegüxücèx —ñanagürügü.

³⁷ Natürü ga Ngechuchu rü nanangãxũ, rü ñanagürü nüxũ: –¡Pematama penaxüwemü! – ñanagürü. Rü nümagü nanangãxũgü rü ñanagürügü: –¿Éxna cunaxwexe i 200 tachinü i dñeru naguxũ i päücex nüxũ tayataxexũ na ngëmamaã tanachibüexëxũcëx? –ñanagürügü.

³⁸ Rü yexguma ga Ngechuchu rü ñanagürü nüxũ: –¿Ñuxre i päü pexũ nangëxma? ¡Rü ípëyadëux! –ñanagürü. Rü yexguma íyadaugüãgu, rü ñanagürügü nüxũ: –Toxũ nangëxma i wüximëxpüx i päü rü taxre i choxni –ñanagürügü.

³⁹ Rü yexguma ga Ngechuchu rü duũxügüxũ namu na ñuxrechigü nügüxütawa rütogüxüçëx ga maxëtëxewa.

⁴⁰ Rü ínarütogü ga 100 chigü rü 50 chigü ga duũxügü.

⁴¹ Rü yexguma ga Ngechuchu rü nanade ga yema wüximëxpüx ga päü rü yema taxre ga choxni. Rü daxügüxũ ga naãnegu nadawenüãcuma Tupanana moxë naxã. Rü inanabücu ga yema päü, rü norü ngüexügüna nanana na yema duũxügüxũ yanüãxüçëx. Rü yema taxre ga choxni rü ta guxüma ga yema duũxügüxũ nüxũ nayanuxëë.

⁴² Rü guxüma nachibüe ñuxmata meãma nüxũ yangu.

⁴³ Rü yemawena rü 12 ga pexchigü nanapagüamatama namaã ga yema päü rü choxni ga íyaxügüxũ.

⁴⁴ Rü yema yéma päügü ngõxgüxũ rü 5000 ga yatügü nixĩ.

*Dexáétügu nixũ ga Ngechuchu
(Mt 14.22-27; Cu 6.16-21)*

⁴⁵ Rü yemawena ga Ngechuchu rü duũxügüxũ íyamugüyane rü wüxi ga nguëgu naya-choüxëë ga norü ngüexügü na yoxni naxtaxaarü tocutüwa Becháidawa naxüxüçëx.

⁴⁶ Rü yexguma duũxügüxũ íyamugügüwena, rü mëxpünewa naxũ ga Ngechuchu na yéma yayumüxëxüçëx.

⁴⁷ Rü yexguma marü nachütägu, rü naxtaxaarü ngãxütüwa nayexmagü ga norü ngüexügü. Rü Ngechuchu rü nüxücatama dauxchitawa nayaxüãchi.

⁴⁸ Rü nüxũ nadau na guxchaxüãcuma yaxãgüxũ ga norü ngüexügü, yerü ga buanecü rü nawaama nabuxuchi. Rü yexguma marü yangunechaügu, rü Ngechuchu rü dexáétügu nawe narüxü. Natürü ñoma nüxũ naxüpetüchaüxürü nügü nixüxëë.

⁴⁹⁻⁵⁰ Rü yexguma norü ngüexügü nüxũ daugügu ga dexáétügu na yaxüxũ, rü nagu narüxüñë ga wüxi ga naxchiximare na yüxũ. Rü yemacëx aita naxüe, yerü guxüma nüxũ nadaugü rü poraãcü nabaixüãchiãëgü. Natürü yexgumatama ga Ngechuchu rü namaã nidexa rü ñanagürü nüxũ: –¡Peporae! Rü chomachirëxtama chixĩ. ¡Tãxü i pemüëxũ! – ñanagürü.

⁵¹⁻⁵² Rü nguëgu nixüe, rü inarüxó ga buanecü. Natürü nümagü ga norü ngüexügü rü nabaixüãchiãëgümare yerü woo nüxũ na nadaugüxũ ga yema mexũ ga Tupanaarü poramaã naxüxũ ga Ngechuchu ga yexguma yema päü yamuxëëgu, natürü tama nüxna nacüë x-ãchie na Tupana Nane na yüxũ yerü nüxũ naguxcha na yaxögüãxũ.

*Yenecharétuanewa Ngechuchu nanameëxëë ga ídaaweexü
(Mt 14.34-36)*

⁵³ Rü yexguma marü yangüügu ga naxtaawa, rü Yenecharétuanewa nangugü. Rü yexma naxãnacügu nanangaxügü ga nawëü.

⁵⁴ Rü yexguma nguëwa ínachoügu, rü yexgumatama ga duũxügü rü nüxũ nicüëãchitanü ga Ngechuchu na yüxũ.

⁵⁵ Rü yema naãnewa rü guxüne ga ígüwa nabuxmü ga yema duũxügü. Rü yexguma nüxũ nacüëxgügu ga ngextá na nayexmaxü ga Ngechuchu, rü yéma norü carüügügu naxcëx nanagagü ga ídaaweexü.

⁵⁶ Rü guxüwama ga ngextá íyanguchigüxüwa ga Ngechuchu, ga íãnexãcügüwa rü íãnegü ga itaxünewa, rü íãnepechinüwa, rü yexma ítamüpechinügu naxcëx nayamugü ga ídaaweexü. Rü nüxũ nacëëxügü na tama nüxna nachüãxüçëx na naxchirüpechinügumare yangögügüxüçëx. Rü guxüma ga yema nüxũ ingögüexũ, rü naxcëx nitaanegü.

7

*Tacü nixĩ i Tupanapëxewa duũxügüxũ chixexëëxü
(Mt 15.1-20)*

¹ Rü Ngechuchucëx naxĩ ga Parichëügü namaã ga ñuxre ga ngüexëëruügü ga mugüwa nguxëëtaegüxũ ga Yerucharëüwa ne íxũ.

² Rü yexguma ñuxre ga Ngechucharü ngüexügüxũ nadaugügu ga tama Yudíugüçüma na yanguxëëgüxũ, rü tama Yudíugü yaxmëxgüxürü na nayauxmëxgüxũ naxüpa na nachibüexũ, rü chixri nachiga nidexagü.

³ Yerü nümagü ga Parichéugü rü guxüma ga togü ga Yudiugü rü nagu naxí ga norü oxigücüma na nayauxmëxiraxü na yemaácü Tupanapëxewa nügu yamexëëgüxü naxüpa ga na nachibüexü.

⁴ Rü ngëxguma taxepataüwa ne naxíxgu ga nümagü rü tama nachibüe ega tama ngëmaácü nügu nayauxmëxiragu. Rü nangëxma i muxüma i togü i nuxcümaüxü i nacümagü. Rü ngëmacëx nagu naxí i ngëma nacümagü na Tupanacëx nayauxgüäxü i norü pochiyugü rü basugü rü paneragü rü pechicaxügu.

⁵ Rü yemacëx ga yema Parichéugü rü ngüexëëruügu rü Ngechuchuna nacagü, rü ñanagürügu: —¿Tüxcüü i curü ngüexügu i tama nagu naxíxü i ngëma tórü oxigücüma rü tama toma tayauxmëxgüxü rü nü nayauxmëxgüxü naxüpa na nachibüexü? —ñanagürügu.

⁶ Natürü Ngechuchu nanangäxü rü ñanagürü: —Pa Duüxügu ya Pegü Naxaixcümarauëgüxe, rü aixcüma pechiga nixí ga yema ore ga nuxcümaücü ga Tupanaärü orearü uruü ga Ichaxía ümatüxü ga ñaxü:

“Ñaa duüxügu rü naäxmaãmare choxü nicuëxüügu, natürü naäëwa rü tama chaugu narüxínüe.

⁷ Rü taxuwama name na ngëmaácü natüçëxma choxü yacuëxüügu. Erü guxüma i ngëma norü ngüxëëtae rü yatügarü mugümare nixí, rü tama aixcüma chorü mu nixí”, ñaxü.

⁸ —Rü pema i ñuxma rü aixcüma nüxü perüxoe i Tupanaärü mugü na nagu pexíxüçëx i ngëma duüxügücümamare ixíxü —ñanagürü.

⁹ Rü yexgumarüü ta ñanagürü nüxü: —Pema rü penangexrü i Tupanaärü mugü na pecümagügutama pexíxüçëx.

¹⁰ —Yerü ga Moíché rü ñanagürü:

“¿Tüxü nangechaü ya cunatü rü cue!”

ñanagürü. Rü ñanagürü ta:

“Texé ya tümanatümaã rü ëxna tümaëmaã chixexü ixugüxe, rü äëxgacü tá tümamaã nanaxuegu na tayuxüçëx”,

ñanagürü.

¹¹ —Natürü pema rü ñaperüguü:

“Marü name ega wüxi ya yatü nanatüxü rü naëxü ñaxgu: ‘Taxucürüwama chorü ngëmaxümaã cuxü charüngüxëë, erü guxüma i chorü ngëmaxü rü marü Tupanana chanaxá’,” ñaxgu.

¹² —Rü ngëxguma texé ngëma ñagügu, rü pexcëx rü marü namexü na tama tümanatüxü rü tümaëxü tarüngüxëëxü.

¹³ —Rü ngëmaácü ipeyanaxoxëë i Tupanaärü mugü, na nagu pexíxüçëx i pecümagütama i togüwa pexüexëëxü. Rü ngëxgumarüü ta muxüma i to i pecümagü i ngëmarüü ixíxügu pexí —ñanagürü.

¹⁴ Rü yexgumawena duüxüguçëx naca ga Ngechuchu, rü ñanagürü nüxü: —¿Meã choxü iperüxínüe, rü nüxü pecuá i ñaa chorü ore!

¹⁵ —Rü taxüma i ñacü i düxétüwa ne üxü rü taëxwa ixücuxü nixí i Tupanapëxewa tüxü chixexëëxü. Natürü ngëma taäëwa ne üxü, rü ngëma waxi nixí i tüxü chixexëëxü i Tupanapëxewa.

¹⁶ —Rü ngëxguma pixächixëgu, ¡rü nüxü pexínüe i ngëma ore! —ñanagürü.

¹⁷ Rü yexguma Ngechuchu duüxüguina ixügachigu rü Ípatagu naxüçuxgu, rü norü ngüexügu nüxna nacagü nachiga ga yema ngüxëëtae.

¹⁸ Rü nüma rü ñanagürü nüxü: —¿Pema rü ta ëxna tama nüxü pecuëxëga i ngëma? ¿Éxna tama i nüxü pecuáxü na taxüma i ñacü i düxétüwa ne üxü rü taëxwa ixücuxü yíxü i Tupanapëxewa tüxü chixexëëxü?

¹⁹ —Erü guxüma i ngëma düxétüwa ne üxü rü taëxwa ixücuxü, rü tama taäëwa nangu. Natürü taanüwa naxümare na yixcama taxünewa ínaxüxüçëx —ñanagürü. Rü yemaácü nüxü nixu na guxüma i ðna rü namexü na nangóxü.

²⁰ Rü ñanagürü ta: —Rü ngëma duüxüäëwa ne üxü, rü ngëma waxi nixí i Tupanapëxewa nachixexëëxü.

²¹⁻²² —Erü norü aixepewa i naäëwa nixí i ne naxüxü i muxüma i chixexügu. Rü ngëma nixí i chixexügu na naxínüxü, rü naxüneärü ngüchaüwe na naxüxü, rü na nangíxü, rü na namáetaxü, rü naí i ngëmaã na inapexü, rü togüarü ngëmaxü na nüxü nangüchaüxü, rü chixexü na naxíxü, rü na yadoratëxáxü, rü chixexü i nacümagügu na naxáüxü, rü na yaxáüxächiwëxexü, rü na naxoregütëxáxü, rü nügu na yacuëxüüxü, rü tama meã naäëxü na nacuáxü.

²³ —Rü guxüma i ngëma chixexügu rü duüxüärü aixepewa nixí i ne naxíxü, rü ngëma nixí i Tupanapëxewa nachixexëëxü —ñanagürü.

*Wixi ga ngecü ga to ga nachiiãnecũãx ga Ngechuchuaxũ yaxõcũchiga
(Mt 15.21-28)*

²⁴ Rũ yemawena rũ iãne ga Tiru nawa yexmaxũ ga naãnewa naxũ ga Ngechuchu. Rũ yema wũxi ga İpatawa nangu, natũrũ tama nanaxwexe na texe nũxũ cuaxũ ga yema na nanguxũ. Natũrũ taxuacũma nũgũ inicux.

²⁵ Rũ paxama nũxũ icuáchiga ga wũxi ga nge ga ngĩxácũwa ngoxo yexmèxcũ. Rũ yema ixũ, rũ Ngechuchupéxegu iyacaxápũxũ.

²⁶ Rũ yema nge rũ to ga nachiiãnecũãx ga Chiropeníchiucũãx iyixĩ. Rũ Ngechuchucèx iyaxũ, rũ nũxũ icèèxũ na ngĩxácũwa inatèxũchiãxũcèx ga yema ngoxo.

²⁷ Natũrũ ga Ngechuchu rũ ñanagũrũ ngĩxũ: —Name nixĩ i taxacũgũxũĩra tachibũexèè. Erũ tama name i taxacũgũna tanayaxu i norũ õna na airugũna naxãxũcèx —ñanagũrũ. [Rũ yema ñanagũrũ yerũ nũmagũ ga Yudũgũ rũ nũgũ nixugũe na Tupanaxãcũgũxũchi yixĩgũxũ rũ yema togũ rũ ñoma airugũrũũ na yixĩgũxũ.]

²⁸ Natũrũ ngĩma ga yema nge rũ inangãxũ, rũ ngĩgũrũgũ: —Aixcũma nixĩ i curũ ore, Pa Corix, natũrũ woo airugũ rũ ta nanangõx i ngẽma õnatũchi i mechatũũgu nayixèèxũ i ngẽma İpataarũ yoraxacũgũ —ngĩgũrũgũ.

²⁹ Rũ yexguma ga Ngechuchu rũ ñanagũrũ ngĩxũ: —Aixcũma name nixĩ i ngẽma nũxũ quixuxũ. Rũ marũ name i cutaegu, erũ ngẽma ngoxo rũ marũ İnaxũxũ ngĩwa i cuxacũ —ñanagũrũ.

³⁰ Rũ yexguma ngĩpatawa nanguxgu ga yema ngecü, rũ yema ngĩrũ ngũrũcarewa ngĩxũ iyanguéũ ga ngĩrũ bucũ. Natũrũ marũ ngĩxna İnaxũxũ ga yema ngoxo.

Ngechuchu nanamexèè ga wixi ga yatũ ga ngauchixècü rũ moxũcü

³¹ Rũ Tiruanewa nataegu ga Ngechuchu. Rũ Chidãũarũ iãnewa naxũpetũ, rũ ñuxũchi Decaporíchiuaneãrũ iãnegũwa rũ ta naxũpetũ rũ ñuxmata Gariréaaneãrũ naxtaawa nangu.

³² Rũ yema naxũtawana nanagagũ ga wũxi ga yatũ ga ngauchixècü rũ moxũcü, rũ nũxna naxcèx nacagũ ga nũxũ na yangõgũxũcèx.

³³ Rũ yexguma ga Ngechuchu rũ noxrũwama duũxgũna nanaga. Rũ naxmachixègu nixuxmèx, rũ naxbũxágũmaã nũgũ yawaixmèxèèacũma norũ contũgu ningõgũ.

³⁴ Rũ yemawena rũ daxũ nadawenũacũma yaxna narũngũ, rũ guma yatũxũ ñanagũrũ: —Epéta —ñanagũrũ. Rũ ngẽma rũ: “İngoxnal” ñaxũchiga nixĩ.

³⁵ Rũ yexgumatama ningõxnamachixè ga guma ngauchixècü, rũ norũ conũ rũ marũ narũme rũ meã nidexa.

³⁶ Rũ Ngechuchu rũ duũxgũxũ namu na taxũemaãma nũxũ yaxugũexũcèx. Natũrũ yexguma yexeraãcü duũxgũna nachũxãgu ga na taxũemaãma nũxũ yaxugũexũcèx ga nachiga rũ yexeraãcü nũxũ nixugũeama.

³⁷ Rũ poraãcü nahaixãchiãègũ ga duũxgũ, rũ ñanagũrũgũ: —Meãma nanaxũ i guxũma rũ woo ngauchixègũxũ rũ nangõxnamachixègũxèè, rũ ngeèxgũxũ rũ nyadexagũxèè —ñanagũrũgũ.

8

*Ngechuchu nanachibũexèè ga 4000 ga duũxgũga
(Mt 15.32-39)*

¹ Rũ wũxi ga ngunexũgu wenaxãrũ naxcèx naxĩtaquèxe ga muxũma ga duũxgũ, rũ nũxũ nataxuma ga norũ õnagũ. Rũ Ngechuchu rũ norũ ngũexũgũcèx naca, rũ ñanagũrũ nũxũ:

² —Choxũ nangechaũtũmũgũ i ñaã duũxgũ, erũ marũ tomaèxpũx i ngunexũ ñaã chauxũtawana nangèxmagũ, rũ nataxuma i nawemũ i nangõxgũxũ.

³ —Rũ ngèxguma chi ngẽmaãcumare ichayamugũgu, rũ chi ngũrũãchi namagu tá nayaturae, erũ nũmaxũgũ rũ yaxũwama ne naxĩ —ñanagũrũ.

⁴ Rũ norũ ngũexũgũ rũ nanangãxũgũ, rũ ñanagũrũgũ: —İNatũrũ ñuxãcü tá tanachibũexèè i nũma i ngextã taxũema İxãpataxũwa? —ñanagũrũgũ.

⁵ Rũ Ngechuchu nũxna naca, rũ ñanagũrũ: —İNuxre i pãũ pexũ nangèxma i pemax? —ñanagũrũ. Rũ nũmagũ nanangãxũgũ, rũ ñanagũrũgũ: —Toxũ nangèxma i 7 i pãũ —ñanagũrũgũ.

⁶ Rũ ñuxũchi ga Ngechuchu rũ duũxgũxũ namu na ñaxtũanewa natogũxũcèx. Rũ nanade ga yema 7 ga pãũ, rũ Tupanana moxè naxã. Rũ ñuxũchi inanabũcu, rũ norũ ngũexũgũna nanana. Rũ nũmagũ rũ duũxgũxũ nayanu.

⁷ Rũ nũxũ nayexma ta ga ñuxre ga choxnixãcũgũ. Rũ Ngechuchu rũ Tupanana moxè naxã, rũ ñuxũchi norũ ngũexũgũxũ namu na iyanuãxũcèx.

⁸ Rũ guxũma ga yema duũxgũ rũ meãma nachibũe ñuxmata meã nũxũ yangu. Rũ yexguma rũ ta 7 ga pexchi nanapagũ namaã ga yema İyaxũgũxũ.

⁹ Rũ yema duũxgũ ga yema chibũexũ rũ maneca 4000 nixĩ. Rũ yemawena ga Ngechuchu rũ duũxgũxũ İnimugũ.

10 Rū ņuxūchi wūxi ga nguegu nixūe namaā ga norū nguēxūgū, rū Damanūtaanewa naxū.

Parichéugū naxcēx ínacagū ga wūxi ga cuēxruū ga Tupanaārū poramaā íxū
(Mt 16.1-4; Lc 12.54-56)

11 Rū Ngechuchuxūtawa nangugū ga Parichéugū, rū inanaxūgūe ga na namaā yaporagatanūcūxū. Rū nūxna nacagūe na nūxū nūxū nadauxēxūcēx ga wūxi ga cuēxruū ga Tupanaārū poramaā naxūxū, na yemaācū nūxū naxūgūxūcēx, rū nūxū nacuēxgūxūcēx ngoxi aixcūma Tupana Nane yīxū.

12 Rū Ngechuchu rū poraācū yaxna narūngū, rū ņanagūrū: —ǀTūxcūū i ņāa duūxūgū naxcēx ínacagū i wūxi i cuēxruū i Tupanaārū poramaā úxū? Rū aixcūma pemaā nūxū chixu rū bai i wūxi i cuēxruū tá nūxū chawēx —ņanagūrū.

13 Rū yema ņaxguwena, rū nūxna yéma nixū ga yema duūxūgū. Rū wenaxārū nguegu nixūe rū naxtaxaarū tocutūwa naxū.

Parichéuarū pāūārū puxēerūchiga
(Mt 16.5-12)

14 Natūrū ga norū nguēxūgū rū nūxū inayarūngūmaē ga norū ōna na íyangegūxū, rū wūxixicatama ga pāū nūxū nayexma ga nguewa.

15 Rū yexguma ga Ngechuchu rū nayaxucūxūgū, rū ņanagūrū nūxū: —ǀDūcēx, pexuāē naxcēx i Parichéugūarū rū Erodearū pāūārū puxēerū! —ņanagūrū.

16 Rū yema norū nguēxūgū rū inanaxūgūe na nūgūmaā ņagūxū: —Ngēma ņanagūrū tūxū erū tama tawemū ta ítingegū —ņanagūrūgū.

17 Natūrū ga Ngechuchu rū nūxū nacuēxama na yema ņagūxū, rū yemacēx ņanagūrū nūxū: —ǀTūxcūū “Tangearū ōnaāx”, ņaperūgūgū? ǀÉxna ņuxma rū ta tama nūxū pecuēxgūgēga rū tama nūxū picuēxāchitanū i ngēmachiga? ǀÉxna pexcēx naxē i ngēma?

18 Pema rū pexāxētūgūchirēx, ǀrū ņuxācū i tama nūxū pedauxū? Rū pexāxmachixēgūchirēx, ǀrū ņuxācū i tama nūxū pexīnūxū? ǀRū éxna tama nūxna pecuēxāchie ga yexguma chayamuxēgū ga yema pāū rū choxni?

19 —Rū yexguma yema 5000 ga duūxūgūxū chayanuxgu ga yema wūximēxpūx ga pāū, ǀrū ņuxre ga pexchigū yīxū ga napagūcū ga yexguma penadexgu ga yema íyaxūgūxū? —ņanagūrū. Rū nūmagū nanangāxūgū rū ņanagūrūgū: —Rū 12 ga pexchigū —ņanagūrūgū.

20 Rū ņuxūchi ņanagūrū ta ga Ngechuchu: —Rū yexguma yema 4000 ga duūxūgūxū chayanuxgu ga yema 7 ga pāū, ǀrū ņuxre ga pexchigū yīxū ga napagūcū ga yexguma penadexgu ga yema íyaxūgūxū? —ņanagūrū. Rū nanangāxūgū rū ņanagūrūgū: —7 ga pexchigū —ņanagūrūgū.

21 Rū yexguma rū ņanagūrū nūxū: —ǀRū ņuxma rū ta taūtama nūxū pecuēxgūgēxū na Parichéugūcūma rū Erodecūma i chixexūchiga yīxū i ngēma pāūārū puxēerūgu pemaā chixuxū? —ņanagūrū.

Ngechuchu rū nanamexēē ga wūxi ga ngexetūcū ga Bechaidawa

22 Rū yemawena rū Bechaidaarū íānewa nangugū. Rū yéma Ngechuchuxūtawa nanagagū ga wūxi ga ngexetūcū. Rū nūxū nacēēxūgū na nūxū yangōgūxūcēx.

23 Rū Ngechuchu rū guma ngexetūcūmēxēgū nayayauxāchi, rū íāneārū yémaxūra nanaga. Rū yéma naxbūxāgūmaā nayawaixetūxēē, rū ņuxūchi naxētūgu ningōgū, rū nūxna naca ngoxi marū ņacūxū nadau.

24 Rū yexguma ga guma ngexetūcū rū inanaxūgū ga na yadauchixū. Rū ņanagūrū: —Nūxū chadau i duūxūgū i ņoma naīgū i íxūxūnerū íxīgūxū —ņanagūrū.

25 Rū yexguma ga Ngechuchu rū wenaxārū naxētūgu ningōgū. Rū nūma ga guma yatū rū meāma inadawenū. Rū yemaācū naxcēx nitaane rū meāma naxcēx nangox ga guxūma.

26 Rū yemawena ga Ngechuchu rū napatawa nanamu. Rū namaā nūxū nixu na tama íānecēx nataeguxū.

Pedru nūxū nixu rū Ngechuchu nixī ya yima Tupana nūxū unetacū ya Cristu
(Mt 16.13-20; Lc 9.18-21)

27 Rū yemawena rū Checharéa ga Piripuanewa yexmane ga íānecūgūwa naxū ga Ngechuchu norū nguēxūgūmaā. Rū namawa rū Ngechuchu rū norū nguēxūgūma naca, rū ņanagūrū nūxū: —ǀNuxū ņagūxū i duūxūgū i chauchiga na texē chíxū i chomax? —ņanagūrū.

28 Rū norū nguēxū nanangāxūgū rū ņanagūrūgū: —Nangēxma i duūxūgū rū:

“Cuāū ya baiūxēerū quixī”, ņagūxū, rū togū i:

“Ería quixī”, ņagūxū, rū togū rū:

“Wūxi ga nuxcūmaūcū ga Tupanaārū orearū urūū quixī”, ņagūxū —ņanagūrūgū.

²⁹ Rū yexguma Ngechuchu rü nüxna naca rü ñanagürü: —¿Rū pema i ñuxū ñapegügüxū choxū na texé chüxū? —ñanagürü. Rū Pedru nanangäxū rü ñanagürü: —Cuma nixi i Cristu i Tupana cuxū unetacü quüxū —ñanagürü.

³⁰ Rū yexguma ga Ngechuchu rü norü ngüexüügüxū namu na taxüemaäma nüxū yax-güexüücëx ga yema ore ga nachiga.

Ngechuchu nanaxunagü ga norü yuchiga
(Mt 16.21-28; Lc 9.22-27)

³¹ Rū yemawena rü Ngechuchu inanaxügü ga norü ngüexügümaä nüxū na yaxuxū ga ñacü tá nüxū na üpetüxū. Rū ñanagürü nüxū: —Choma i Tupana Nane na duüxüxū chüxū, rü poraäcü ngüxū tá chinge. Rū choxū tá naxoxgü i Yudiügarü äëxgacügüerugü, rü paigüarü äëxgacügü, rü ngëma ngüexëeruügü i Moïchéarü mugüwa ngüxëetaegüxū. Rū tá choxū nimëxgü, natürü tomaëxpüx i ngunexügu rü wena táxarü chamaxū —ñanagürü.

³² Rū yema ore rü meäma namaä nanangoxëë. Natürü yexguma ga Pedru rü nüxica noxrüwama Ngechuchuxū naga, rü inanaxügü ga na naxucüxëäxū na tama yemaäcü yadeaxücëx.

³³ Natürü ga Ngechuchu rü nadauegu, rü norü ngüexügüxū nadawenü. Rū Pedruxū nanga, rü ñanagürü: —¡Choxna ixügachi, Pa Chatanáx! Cuma rü tama Tupana nagu rüxüxüxügu curüxüxü, erü yatügü nagu rüxüxüxüxü gumare nixi i curüxüxüxü —ñanagürü.

³⁴ Rū yexguma ga Ngechuchu rü norü ngüexügüxü rü duüxügüxü naca. Rū ñanagürü nüxū: —Rü ngëxguma texé chowe rüxüxüxüxü, jëcü nüxū tarüxo i tümaärü ngüchá, rü ñoma wüxi i curucha ngüxū tayaxuxürüü namaä tapora i guxüma i ngüxü i chauxcëx tingexü, rü chowe tarüxü!

³⁵ —Erü yíxema tügü maxëcháxëëcháxüxë rü tá tayu. Natürü yíxema chaugagu rü ore i mexüxüxü yuxe, rü aixcüma tá tamaxü.

³⁶ —¿Rü ñacüwa nüxū namexü ya yatü ega ngëxguma nayauxägu i guxüma i ñoma i naäneärü ngëmaxüügü, natürü norü maxü iyanatauxëëgu?

³⁷ —Rü ngëxgumarüü ta, ¿rü ñuxre i ñëru iyangu na ngëmamaä naxcëx nataxexü i norü maxü i wüxi ya yatü?

³⁸ —Rü ngëxguma texé i ñaä duüxügü i pecaduäxgüxü i tama yaxögüxüpëxewa chauxcëx taxänegü rü naxcëx taxänegü i chorü ore, rü choma i Tupana Nane i duüxüxü na chüxü rü tá ta tümacëx chaxäne i ngëxguma Chaunatüarü poramaä rü norü orearü ngerüügü i daxücüäx i üünëgüxümaä wenaxärü nüma chaxüxü.

9

¹ Rū yexgumarüü ta ga Ngechuchu rü ñanagürü nüxū: —Aixcüma pemaä nüxü chixu rü ñuxre i duüxügü i nuä ngëxmagüxü rü täütäma nayu ñuxmatáta nüxü nadëux na ñuxäcü äëxgacü ya poracü na yüxü ya Tupana —ñanagürü.

Ngechuchu rü toraxüäcü nangox
(Mt 17.1-13; Lc 9.28-36)

² Rū 6 ga ngunexügüwena rü Ngechuchu rü wüxi ga mëxpünewa naxü. Rū ínayagagü ga Pedru rü Chaütiägu rü Cuäüxícatama. Rū yéma yema ngüexügüpëxewa toraxüäcü nangox ga Ngechuchu.

³ Rū niyauracüü ga naxchiru rü nacómüxüxüchi. Rü nataxuma i yaxuchiruxü i nüxü cuäxü na ngëmaäcü nacómüxëëäxü.

⁴ Rū nüxü nadaugü ga Eria rü Moïché ga yéma Ngechuchumaä idexagüxü.

⁵ Rū yexguma ga Pedru rü ñanagürü Ngechuchuxü: —Pa Ngüexëeruüx, namexëchi nixi na nuä ingëxmagüxü. Rü tá tanaxü ya tomaëxpüx ya düxenü, rü wüxi ya cuxcëx, rü nai ya Moïchécëx, rü nai ya Eriacëx —ñanagürü.

⁶ Rū yema na poraäcü nabaixächiaëgüxü ga yema ngüexügü, rü yemacëx ga Pedru rü tama nüxü nacüex ga na ñuxü ñaxü.

⁷ Rū yexgumatama wüxi ga caixanexü ínarüxü, rü natanügu nayangëxjema. Rü yema caixanexüwa inanaxü ga wüxi ga naga ga ñaxü: —Daa nixi ya Chaune ya nüxü changecháxüchicü. ¡Rü nüxü iperüxüñü! —ñaxü.

⁸ Rū yexgumatama nügücwagu ínadaueguächitanü, rü taxüexüma ga toguexü nadaugü, rü Ngechuchuxüxícatama.

⁹ Rū yexguma ínaxügü nawa ga guma mëxpüne, rü Ngechuchu nüxna naxäga ga taxüemaäma na nüxü yaxugüexü ga yema yéma nüxü nadaugüxü, ñuxmatáta yuwa ínadaxgu ga nümax.

¹⁰ Rū yemacëx ga yema ngüexügü rü bexma nüxü nacüexgü ga yema nüxü nadaugüxü. Natürü nügüna nacagü ga ñacüchiga na yüxü ga: “Yuwa ínadaxgu”, ñaxü.

¹¹ Rū ñuxūchi ga yema ngúexūgū rü Ngechuchuna nacagū, rü ñanagürügū: —¿Tüxcüü i ngúexēēruüügū i ore i mugüwa nguxēētaegüxū rü ñanagürügū:

“Eria tá nixī ya nuxīra cuxūpa núma ücü?” ñanagürügū.

¹² Rū Ngechuchu nanangāxū, rü ñanagürü nüxū: —Aixcūma nixī i Eria na nuxīra núma naxūxū na chauxūpa namexēēaxūcēx i guxūma. ¿Natürü tüxcüü i ore i ümatüxūwa i ñaxū: “Rü Tupana Nane ya duüxūxū ixīcü rü tá ngūxū ninge, rü duüxūgū rü tá nüxū naxoe”, ñaxū?

¹³ Natürü i choma rü pemaā nüxū chixu, rü Eria rü marü núma naxū. Natürü ga duüxūgū rü nümagū nanaxwēxegüxūācūma poraācü chixri namaā nachopetü, yexgumarüü ga ore ga ümatüxūwa nüxū yaxuxürüü —ñanagürü.

*Ngechuchu nanamexēē ga wüxi ga buxū ga ngoxo nawa yexmaxū
(Mt 17.14-21; Lc 9.37-43)*

¹⁴ Rū yexguma yema togū ga norü ngúexūgūtanüwa nangugūgu, rü yéma nüxū nadaugū ga muxūma ga duüxūgū ga yema ngúexūgūxū ichomaēguāchixū. Rū ñuxre ga ngúexēēruüügū ga Moichéarü mugüwa nguxēētaegüxū, rü yéma niporagatanücüü namaā ga yema ngúexūgū.

¹⁵ Rū yexguma Ngechuchuxū nadaugūga ga yema muxūma ga duüxūgū, rü poraācü nabaixāchiāēgū. Rū guxūma naxcēx nibuxmü na nüxū yanamoxēgüxūcēx.

¹⁶ Rū nüma ga Ngechuchu rü nüxna naca, rü ñanagürü nüxū: —¿Tacü nixī i pema namaā naxcēx ipiporagatanücüüxū? —ñanagürü.

¹⁷ Rū wüxi ga yema duüxūgū ga yéma yexmagüxū rü nanangāxū, rü ñanagürü: —Pa Ngúexēēruüüx, nuā cuxcēx tüxū chaga ya chaune, erü tümawa nangēxma i wüxi i ngoxo i tüxū ngegaxēēxū.

¹⁸ —Rü ngextá ítangēxmaxūwa rü ngēxma tüxū yaxūxgu rü waixūmüānegu tüxū naña. Rū tarüchiwa, rü tixūxchapüta, rü ngēxma tiyuāchi. Rü marü nüxū chacēxū i curü ngúexūgū na tümawa ínatēxūchiāxūcēx i ngēma ngoxo, natürü tama nüxū ínaxūn —ñanagürü.

¹⁹ Rū Ngechuchu nanangāxū, rü ñanagürü: —Pa Duüxūgū i Tama Yaxōgūxū, ¿ñuxguratáta i pemaā chanuxmaxū rü yaxna pemaā chaxīnūxū? ¡Nuā penaga ya yima bucü! —ñanagürü.

²⁰ Rū Ngechuchuxūtawa nanagagū ga guma bucü. Natürü yexguma Ngechuchuxū nadēuxgu ga yema ngoxo, rü guma bucüxū naxū ga na yayuāchixēēxū. Rū yexma ñaxtūānegu nayangu. Rū yexma nidixegugū, rü narüchiēx.

²¹ Rū Ngechuchu rü guma bucünatüna naca, rü ñanagürü: —¿Rü ñuxgumama nixī ga naxcēx ínaxūgūxū ga yema? —ñanagürü. Rü guma bucünatü nanangāxū rü ñanagürü: —Nabuxgumamatama.

²² Rū muēxpūxcüna i ngēma ngoxo rü üxüxetügu rü dexāgu nanañaxū na ngēmaācü yamaāxūcēx. Rü ngēmacēx ega cumaā nanguxūgu na tacü toxcēx cuxūxū, ¡rü cuxū tangechaütümüügū, rü toxū rüngūxēē! —ñanagürü.

²³ Rū yexguma ga Ngechuchu rü ñanagürü nüxū: —¿Rü tüxcüü “ega chomaā nanguüxgu”, ñacurügü? Erü guxūma natauxcha tümacēx ya yixema yaxōxē —ñanagürü.

²⁴ Rū yexguma ga guma bucünatü rü tagaācü ñatarügü: —Chayaxō. ¡Choxū rüngūxēē na yexeraācü chayaxōxūcēx! —ñatarügü.

²⁵ Rū yexguma Ngechuchu nüxū dēuxgu na muxūma ga duüxūgū marü yexma ngutaquēxexū, rü nananga ga yema ngoxo. Rü ñanagürü nüxū: —Pa ngoxo i Ngegaxēēruü rü Ngauchixēēruüx, ¡choma cuxū chamu na nawa ícuxūxūxū ya daa bucü, rü tagutāma wena nagu cuyaxūcuxū! —ñanagürü.

²⁶ Rū yexguma ga yema ngoxo rü aita naxū, rü wenaxārü guma bucüxū niyuāchixēē. Rū ñuxūchi nawa ínaxūxū, rü ñoma nayuxchixürüü yéma nanatēx. Rü yemacēx ga muxūma ga duüxūgū rü ñanagürügü: —Marü nayuxuchi nixī —ñanagürügü.

²⁷ Natürü ga Ngechuchu rü naxmēxgu nayayauxāchi, rü ínanadaxēē. Rü nüma ga guma bucü rü ínachi.

²⁸ Rū yemawena ga Ngechuchu rü wüxi ga ípatagu nayaxūcu namaā ga norü ngúexūgū. Rü yéma nüxīca nüxna nacagū, rü ñanagürügü nüxū: —Pa Corix, ¿tüxcüü i toma rü taxuacūma ítanatēxūchi i ngēma ngoxo? —ñanagürügü.

²⁹ Rū Ngechuchu nanangāxū rü ñanagürü: —Tama ngēmaācümare ítanatēxūchi i ngēmarüü íxūxū i ngoxo. Natürü tanaxwēxe i Tupanana tanaxuaxū i tórü yumūxēwa na nüma ínatēxūchiāxūcēx. Rü ngēmaācüxicatama nixī i ínaxūxūxū —ñanagürü.

*Ngechuchu ru wenaxārü nanaxunagū ga norü yuchiga
(Mt 17.22-23; Lc 9.43-45)*

³⁰⁻³¹ Rū yéma ínaxīāchi rü Garirēaanewa nachopetü. Natürü ga Ngechuchu rü tama nanaxwēxe ga texé nüxū na cuāxū ga na yéma nayexmaxū, yerü norü ngúexūgūxū ínangúexēē. Rü ñanagürü nüxū: —Tupana Nane ya duüxūxū íxīcü, rü duüxūgū tá

nayayauxgü rü tá nayamèxgü. Natürü tomaèxpüx i ngunèxügu rü wena tá ìnarüda – ñanagürü.

³² Natürü ga nümagü rü tama meã nüxü nacuèxgü ga ñacüchiga na yïxü ga yema ore, rü namuñè ga nüxna na nacagüexü.

¿Texé tá tixü ya guxäärü yexera ixïxè?
(Mt 18.1-5; Lc 9.46-48)

³³ Rü Capernáürü ñanewa nangugü. Rü yexguma ìxwa nayexmagügu, rü Ngechuchu nüxna naca, rü ñanagürü: –¿Rü ñacü nixü ga pegümaã naxcèx piporagaetanüxü ga namawa? –ñanagürü.

³⁴ Natürü ga nümagü rü nangeèxgümare, yerü ga namawa rü nachigagu nügümaã niporagaetanü ga texé tixü ga natanüwa rüyexeramaèxè.

³⁵ Rü yexguma ga Ngechuchu rü ìnarüto, rü naxcèx naca ga yema 12 ga norü ngüexügu, rü ñanagürü nüxü: –Rü ngèxguma texé naxwèxegu na guxàetüwa na taxüxü, rü name nixü i noxri rü guxäärü ñaxtümaèwa tügü taxüxèè na guxäärü ngüxèèruü tixü –ñanagürü.

³⁶ Rü yemawena rü norü ngàxütanügu nayachixèè ga wüxi ga buxü. Rü ñüxüchi nachacüügu yayauxächiaçüma ñanagürü:

³⁷ –Rü texé ya chauégagu meã nayaxüxe i wüxi i buxü i ñaärüü, rü choxü nixü i tayaxuxü. Rü texé ya choxü yaxüxe, rü tama choxüxícatama tayaxu, natürü yima núma choxü mucü ya Chaunatüxü rü ta nixü i tayaxuxü –ñanagürü.

Texé ya tama taxchi aixe rü torü ngüxèèruü tixü
(Mt 10.42; Lc 9.49-50)

³⁸ Rü yexguma ga Cuáü rü ñanagürü nüxü: –Pa Ngüxèèruüx, nüxü tadau ga wüxi ga yatü ga cuégagu ngoxogü iwoxüxü. Natürü toma nüxna tanachüxu ga yema, yerü tama tatanüxü nixü ga nümax –ñanagürü.

³⁹ Natürü Ngechuchu nanangäxü, rü ñanagürü: –Tama name i nüxna na penachüxuxü. Erü texé ya chauégagu naxüxe i wüxi i mexü i Tupanaärü poramaä üxü, rü taxucürüwama yixcama chixri chauchiga tidexa.

⁴⁰ Erü texé ya tama taxchi aixe, rü tórü ngüxèèruü tixü.

⁴¹ Rü texé ya woo wüxitama i pochüyuäcu i dexá pexna äxè naxcèx na chorü duüxügu pixigüxü, rü aixcüma pemaã nüxü chixu rü tá tüxü nangèxma i tümaärü ämare –ñanagürü.

Naxäüçüma nixü na pepadugu inguxü
(Mt 18.6-9; Lc 17.1-2)

⁴² Rü ñanagürü ta: –Texé ya pepadugu nangüxèexè i wüxi i ñaã buxügu i choxü yaxögüxü, rü tümacèx rü narümemaè chi nixü i noxtacüma wüxi ya nuta ya tacü tümanaxäwa tayan-gacuchi, rü ngèmaäçü taxtüchiüwa tüxü tayatäe.

⁴³⁻⁴⁴ –Rü ngèxguma chi wüxi ya cuxmèx pepadugu cuxü ngüxèègu, rü name nixü i noxtacüma icunadae. Erü narümemaè nixü i cuboxmèxäçüma cunayaxu i curü maxü na tama guxüne ya cuxmèx ya mexünemaã nawa quitèxcuchixüçèx ya yima üxü ya ngoxogü nagu poxcuene ya taguma ixoxüne.

⁴⁵⁻⁴⁶ –Rü ngèxguma chi wüxi ya cucutü pepadugu cuxü ngüxèègu, rü name nixü i noxtacüma icunadae. Erü narümemaè nixü i cubocutüäçüma cunayaxu i curü maxü na tama guxüne ya cucutü ya mexünemaã nawa quitèxcuchixüçèx ya yima üxü ya ngoxogü nagu poxcuene.

⁴⁷⁻⁴⁸ –Rü ngèxguma chi wüxi ya cuxetü pepadugu cuxü ngüxèègu, rü name nixü i noxtacüma icunacaxüchi. Erü narümemaè nixü i wüxitama ya cuxetümaã Tupana äxgacü ñixüüwa quixücu, na tama guxüne ya cuxetü ya mexünemaã nawa quitèxcuchixüçèx ya yima üxü ya taguma ixoxüne ya ngoxogü nagu poxcuene i ngextá öxmigü taguma iyueüüwa.

⁴⁹ –Rü aixcüma ñoma önawa yucüra nagüxürüü tá nixü na guxätäma guxchaxüwa chopetüxü.

⁵⁰ –Name ya yucüra. Natürü ngèxguma chi nangeacagu, ¿rü ñuxäçü tá wenaxärü naxäãca? ¿rü meã pegüna pedaugü na ñoma yucüra ya taguma iyarüngeacacürüü na namèxüçèx i perü maxü! ¿rü meã pegümaã pemaxè! –ñanagürü.

10

Ngechuchu namaã nangüxèètae na tama namexü na texé tümamèxü itáxü
(Mt 19.1-12; Lc 16.18)

¹ Rü yexguma ga Ngechuchu rü Capernáürü ñanewa inaxüächü. Rü Yudéanewa naxüpetü rü ñüxmata natü ga Yudáürü tocutüwa nangu. Rü yéma rü wenaxärü naxcèx nangutaquèxegü ga duüxügu. Rü nüma rü inanaxügü ga na nangüxèètaexü guxügurüü.

² Rū ñuxre ga Parichéugü rü naxcèx naxī ga na nüxü yaxügüxüdcèx yerü chixexügu nananguxèégüchaü. Rū yemacèx nüxna nacagüe, rü ñanagürügü: —¿Namexü i cuxcèx na wüxi ya yatü rü naxmèxü inatáxü? —ñanagürügü.

³ Rū nüma nanangāxü, rü ñanagürü nüxü: —¿Rü ñacü yüxü ga Moiché pexü muxü? —ñanagürü.

⁴ Rū nümagü nanangāxügü, rü ñanagürügü: —Moiché nüxü nixu ga na tama nachuxuxü na wüxi ya yatü rü inatámaxü, ega wüxi i popera i tèxgüpane ngüxna naxāxgu —ñanagürügü.

⁵ Rū yexguma ga Ngechuchu rü nanangāxü, rü ñanagürü nüxü: —Rü yema na taxüegama na pexñüèxügagu nixi ga Moiché ga tama pexna nachüāxü ga pexmèxü na ípetáxü.

⁶ —Natürü noxriarü ügügu, rü Tupana nanaxü ga yatüxü rü ngèxü.

⁷ —Rü ngèmacèx ya yatü rü tá nanatü rü naëna nixügachi na naxmèxmaā inaxāxüdcèx.

⁸ —Rü ngèmaācü i ngèma taxre rü ñoma wüxitama i duüxürüü tá nixügü. Rü marü täütáma taxre nixi, erü wüxi tátama nixi.

⁹ —Rü ngèmacèx taxacürüwa texé nügüna tayaxigachixèè i ngèma taxre i Tupana nügüna mugüxü —ñanagürü.

¹⁰ Rū yexguma marü ñpatawa nangugügu, rü norü ngüexügu rü wenaxärü nüxna nacagüe naxcèx ga yema.

¹¹ Rū Ngechuchu rü ñanagürü nüxü: —Rü yíxema tümamèxü ítáxe rü naī i ngemaā āmaxè rü pecadu taxü ngümaā i ngèma noxriücü i tümamèx.

¹² —Rü ngèxgumarüü ta, ega wüxi i nge ítèxtegu rü naī ya yatümaā naxātegu, rü ngüma rü ta pecadu ixü —ñanagürü.

*Ngechuchu rü buxügüxü nameāxè
(Mt 19.13-15; Lc 18.15-17)*

¹³ Rū yéma Ngechuchuxütawa tüxü nagagü ta ga ñuxre ga buxegü na tüxü yangōgügüxüdcèx. Natürü ga yema norü ngüexügu rü inanaxügüe ga tüxü na yangagüxü ga guxema tümamaxücxegüxü Ngechuchuxütawa gagüxe.

¹⁴ Rū yexguma yemaxü nadèuxgu ga Ngechuchu, rü naāëwa nangux, rü ñanagürü nüxü: —Chanaxwèxe i chauxütawa naxi i buxügü. ¡Rü täxü i nüxna penachuxuxü! Erü Tupana äëxgacü íxixüwa rü tümacèx nixi ya yíxema ñaā buxügürüü taxuüma i chixexüxü icuāxe.

¹⁵ —Rü aixcüma pemaā nüxü chixu rü texé ya tama wüxi i buxürüü Tupanaxü yaxüxe na tümäärü äëxgacü yüxüdcèx, rü tagutáma nagu taxücu i ngèma naäne i Tupana äëxgacü íxixüwa —ñanagürü.

¹⁶ Rū nüma rü tüxü naganagütanü ga guxema buāxta, rü tümäärugügu naxümèxäcüma ñanagürü tüxü: —¡Tupana pexü rüngüxèèx! —ñanagürü.

*Wüxi ga yatü ga ñëruāxüchixü Ngechuchumaā nidexa
(Mt 19.16-30; Lc 18.18-30)*

¹⁷ Rū yexguma marü inaxüächichaügu ga Ngechuchu, rü yéma naxcèx niña ga wüxi ga yatü. Rü napèxegu nayacaxäpüxü, rü nüxna naca rü ñanagürü nüxü: —Pa Ngüexèëruü ya mecüx, ¿ñacü tá chaxüxü na chanayaxuxüdcèx i maxü i taguma güxü? —ñanagürü.

¹⁸ Rū Ngechuchu nanangāxü, rü ñanagürü nüxü: —¿Tüxcüü, “Mecü” ñacurügü choxü? Erü Tupanaxicatama nixi ya mecü ixücu, rü nataxuma i to.

¹⁹ Cuma rü marü nüxü cucuèx i Tupanaärü mugü i ñaxü:

“¡Täütáma cumáëta, rü täütáma naī i ngemaā icupe, rü täütáma cungitèèx, rü täütáma doraxü quixu i togüchiga, rü täütáma quidoratèèx, rü tümaga naxinü ya cunatü rü cue!”

ñaxü —ñanagürü.

²⁰ Rū yexguma ga guma yatü rü ñanagürü nüxü: —Pa Ngüexèëruüx, rü chorü bucümatama meā chanaxaure i guxüma i ngèma mugü i nüxü quixuxü —ñanagürü.

²¹ Rū yexguma ga Ngechuchu rü nüxü nangechaüäcüma nüxü nadawenü, rü nanangāxü rü ñanagürü: —Rü wüxixicatama cuxü nataxü. ¡Rü íxü, rü namaā yataxe i guxüma i curü ngèmaxügü, rü ñuxüchi togü i ngearü ngèmaxüāxgüxüna naxā i ngèma curü natanü! Rü ngèmaācü tá cuxü nangèxma i cuchica i daxügüxü i naänewa. Rü ngèmawena rü marü name i chowe curüxü —ñanagürü.

²² Natürü nüma ga guma yatü rü nanaxixächiaë ga yexguma nüxü naxinügu ga yema ore. Rü nangechaüäcüma ínixü, yerü namuxüchi ga norü yemaxügü.

²³ Rū Ngechuchu rü nüxü nidaugüächi, rü ñanagürü norü ngüexügüxü: —Naguxchaxüchi tá nixi na Tupana äëxgacü íyíxüwa na yachocuxü i ngèma ñëruāxüchigüxü —ñanagürü.

²⁴ Rū nañaxixächiaëgü ga norü ngüexügü namaā ga yema ore. Natürü ga Ngechuchu rü wenaxärü namaā nüxü nixu, rü ñanagürü: —Pa Chauxacügüx, ñuxäcü wüxi i guxchaxüchixü nixi na Tupana äëxgacü íyíxüwa na yaxücxüü i wüxi i duüxü.

25 —Rü aixcúma pemaã nüxü chixu rü ñoma wüxi i cameyu na taxucürüwama wüxi ya ucumaxëtüwa naxüpetüxüñarü yexera narüguxchamaë naxcèx i wüxi i duñxü i dñeruñxüchixü na yaxücuñxü i ngextá Tupana ãëxgacü ñixüñüwa —ñanagürü.

26 Rü yexguma yemaxü naxinüëgu ga norü ngüexüğü, rü yexeraãcü nabaixächiãëgü. Rü nügüna nacagüe, rü ñanagürüğü: —¿Rü texé tá éxna tixü ya nayaxüxe i maxü i taguma güxü? —ñanagürüğü.

27 Rü Ngechuchu rü nüxü nadawenü, rü nanangãxü rü ñanagürü nüxü: —Yatüğü rü taxuacüma nüğü namaxëë, natürü Tupanaãxü rü natauxcha i ngëma, erü Tupanacèx rü nataxuma i tacü i guxchaxü —ñanagürü.

28 Rü yexguma inanaxüğü ga Pedru ga na yadexaxü, rü ñanagürü nüxü: —Toma rü marü yéma tanawogü ga guxüma ga torü yemaxüğü na cuwe tarüxixüçèx —ñanagürü.

29-30 Rü Ngechuchu nanangãxü, rü ñanagürü: —Aixcúma pemaã nüxü chixu rü texé ya chaugu rü ore i maxëxëëruütagu tümapatana, rü éxna tümaëneëgüna, rü éxna tümaëyëxgüna, rü éxna tümaëna, rü éxna tümanatüna, rü éxna tümaxäcügüna, rü éxna tümaänegüna ngëma ixüxë, rü tá tanayaxu i tümaärü natanü. Rü aixcúma ñuxma i ñoma i naãnewa rü tá tanayaxu i 100 éxpüxcüna ya tümapatagü, rü tümaëneëgü, rü tümaëyëxgü, rü tümaëgü, rü tümaxäcügü, rü tümaänegü. Natürü ngëxgumarüü tá ta tanayaxu i ngüxüğü i togü tá tüxü ingëxëëgüxü. Natürü yixcamaxüra i daxügüxü i naãnewa rü tá tanayaxu i maxü i taguma güxü.

31 —Natürü muxüma i nümaxü i ñuxma ñoma i naãnewa duñxüğü wixpëxewa ügüxëëxü, rü daxügüxü i naãnewa rü Tupana tá wixweama nanaxügüxëë. Rü muxüma i nümaxü i ñuxma ñoma i naãnewa duñxüğü wixweama ügüxëëxü, rü daxügüxü i naãnewa rü Tupana tá wixpëxewa nanaxügüxëë —ñanagürü.

Ngechuchu rü wenaxärü nanaxunagü ga norü yuxchiga
(Mt 20.17-19; Lc 18.31-34)

32 Rü Yerucharéüwaama naxü. Rü nüma ga Ngechuchu rü norü ngüexügüpëxegu nixü. Rü nümagü rü nabaixächiãëgü, rü yema togü ga duñxüğü ga wixweama ägüxü rü namuñë. Rü Ngechuchu rü wenaxärü noxrüwama naxcèx naca ga yema 12 ga norü ngüexüğü. Rü inanaxüğü ga namaã nüxü na yaxuxü ga tacü tá nüxü na ngupetüxü.

33 Rü ñanagürü nüxü: —Pema nüxü pecuèx na marü ingaicaxü na Yerucharéüwa ingüxü. Rü ngëma rü duñxüğü rü tá chixri chomaã nachopetü. Rü paigüarü äëxgacügü rü ngüexëëruüğü i ore i mugüwa ngüxëëtaegüxüna tá choxü naxuaxüğü. Rü nümagü rü tá chomaã nanaxuegugü na chayuxü, rü tá ngëma Dumacüãxgüna choxü namugü.

34 Rü ngëmagü tá nixü i chaugu idauxcürüğüxü. Rü tá choxna nacuaixgüe, rü tá choxna nanaçuaixcagü, rü tá choxü nayuxëëgü. Natürü tomaëxpüx i ngunexüguwena táxaru chamaxü —ñanagürü.

Chaütiägu rü Cuáü rü wüxi ga ngüxëëcèx ínacagü
(Mt 20.20-28)

35 Rü Ngechuchucèx naxü ga Chaütiägu rü Cuáü ga Zebedéu nanegü, rü ñanagürüğü nüxü: —Pa Ngüexëëruüx, tanaxwëxe i toxcèx cunaxü i ngëma ngüxëë i naxcèx tá cuxna taçaxü —ñanagürüğü.

36 Rü nüma rü nüxna naca, rü ñanagürü: —¿Tacü nixü i penaxwëxexü na peccèx chanaxüxü? —ñanagürü.

37 Rü ñanagürüğü: —Rü ngëxguma äëxgacüxü quingucuchigu, rü tanaxwëxe na wüxie i toma rü curü tügüncüwawa tarüttoxü, rü togie i curü toxwecüwawa —ñanagürüğü.

38 Rü Ngechuchu nanangãxü, rü ñanagürü nüxü: —Pema rü tama nüxü pecuèx na tacüçèx ípëcaxü. ¿Rü pexü chi natauxchaxü i na peyaxaxüxü i ngëma axexü i üxchiüxü i choma tá chixaxüxü? ¿Rü namaã chi peporaexü i ngëma ngüxü i tá chingexü? —ñanagürü.

39 Rü nümagü nanangãxüğü rü ñanagürüğü: —Ngëmaäcü, namaã tá taporaë —ñanagürüğü. Rü Ngechuchu nanangãxü, rü ñanagürü nüxü: —Aixcúma tá nixü i chauxrüü peyaxaxüxü i ngëma axexü i üxchiüxü rü chauxrüü ngüxü na pingëgüxü.

40 —Natürü ngëma chorü tügüncüwawa rü chorü toxwecüwawa na perütögüxüçèx, rü tama choxmëxwa nangëxma na pexna chanaxãxü, erü Chaunatü tá tüxna nanaxã ya yixëma tümaxèx íyüxë —ñanagürü.

41 Rü yexguma yemaxü naxinüëgu ga yema togü ga 10 ga ngüexüğü, rü Chaütiägumaã rü Cuáümaã nanüë.

42 Natürü Ngechuchu naxcèx naca rü ñanagürü nüxü: —Pema nüxü pecuèx i togü i nachüñanegüwa rü nangëmagü i äëxgacügü i nüğü nacüxëgüga na namexü na nuäcü namuãxü i norü duñxüğü. Rü ngëma äëxgacügü i taxüğü rü norü duñxügüarü yora nüğü nixügüxëë.

43 —Natürü täütäma ngëmaäcü nixü i petanüwa. Erü ngëxguma texé naxwëxegu na guxãärü yexera na tüxü i petanüwa, rü name nixü i noxri rü guxãärü ngüxëëruü na tüxü.

44 —Rü ngëxguma chi texé i petanüwa naxwëxegu na tümamücügüeru na tiixü, rü name nixi i noxri rü guxüma i tümamücügüaru ngüxëëruü na tiixü.

45 —Rü woo i choma i Tupana Nane na duüxüxü chiixü, rü tama togü choxü rüngüxëëxücëx nixi i nüma chaxüxü. Natürü nüma chaxü na duüxügüxü charüngüxëëxücëx rü naxcëx ichanaxäxücëx i chorü maxü, na ngëmaäcü chanaxütanüxücëx na norü pecadügüna inanugüxücëx i muxüma i duüxügü —ñanagürü.

*Bartiméu ga ngexetücüxü narümeëë ga Ngechuchu
(Mt 20.29-34; Lc 18.35-43)*

46 Rü Yericüaru iānewa nangugü. Rü Ngechuchuwe narüxi ga norü ngüexügü rü muxüma ga togü ga duüxügü. Rü yexguma guma iāneärü guxwa nangugüchaügu ga nüxna na inachoxüxü, rü yéma namacüwawa narüto ga wüxi ga ngexetücü ga Bartiméügu ägegacü ga Timéu nane.

47 Rü yexguma guma ngexetücü nüxü inügu ga Ngechuchu ga Nacharétücüäx na yixü ga guma yéma üpetücü, rü inanaxügü ga poraäcü aita na naxüxü, rü: —Pa Ngechuchu ya Dabitanüxüx, jcxü changechaütümü! —ñanagürü.

48 Natürü muxüma ga yema duüxügü rü inanangaxüchigüama ga na iyanangeáxücëx. Natürü ga nüma rü yexeraäcü aita naxüama, ñaxümaä: —Pa Dabitanüxüx, jcxü changechaütümü! —ñaxümaä.

49 Rü yexguma ga nüma ga Ngechuchu rü inayachiächi, rü ñanagürü: —jNaxcëx peca! —ñanagürü. Rü guma ngexetücücüx nacagü, rü ñanagürügü: —jNataäë rü inachi! Rü cuxcëx nixi i naçaxü —ñanagürügü.

50 Rü guma ngexetücü rü yexacü nanaña ga norü gáuxüchiru. Rü inayuxnagü rü Ngechuchucëx nixü.

51 Rü Ngechuchu nüxna naca, rü ñanagürü nüxü: —¿Tacü nixi i cunaxwëxexü na cuxcëx chanaxüxü? —ñanagürü. Rü nüma ga guma ngexetücü, rü nanangäxü, rü ñanagürü: —Pa Ngüxëëruüx, chanaxwëxe na chidauchixü —ñanagürü.

52 Rü yexguma ga Ngechuchu, rü ñanagürü nüxü: —jËcü, iixü! Rü marü cuxcëx nitaane erü cuyaxö —ñanagürü. Rü yexgumatama ga guma ngexetücü rü nidauchi, rü Ngechuchuwe narüxi ga namawa.

11

*Ngechuchu rü Yerucharéügu naxücu
(Mt 21.1-11; Lc 19.28-40; Cu 12.12-19)*

1 Rü marü Yerucharéüaru ngaicamana nangugü ga Oribunecüaru Mëxpüñeärü ngaicamana yexmagüne ga iānexäcügu ga Bechagué rü Betániä. Rü yexguma yéma nangugügu, rü Ngechuchu nanamu ga taxre ga norü ngüexügü.

2 Rü ñanagürü nüxü: —jGua törü toxmëxtawa ngëxmane ya iānexäcüwa pexi! Rü ngëxguma nawa pengugügu, rü ngëxma tá nüxü peyangau i wüxi i buru i ngëxma ngaxüxü i taguma texé natagu aunagüxü. jRü peyawëxü rü nuä penaga!

3 —Rü ngëxguma texé pexna caxgu na tacücüx peyawëxüxü i ngëma buru, jrü tümamaä nüxü pixu rü ñapegügü:

“Torü Cori nanaxwëxe, rü ñuxma tátama nanataeguxëë, ñapegügü!

4 Rü yéma naxi. Rü yexma namacüwagu nüxü nayangaugü ga yema buru ga wüxi ga ipataëxüttagu ngaxüxü.

5 Rü ñuxre ga duüxügü ga yéma yexmagüxü rü nüxna nacagüe, rü ñanagürügü: —¿Tacü ipexü? jRü tüxcüü peyawëxü i ngëma buru? —ñanagürügü.

6 Rü nümagü ga yema ngüexügü, rü yema ore ga Ngechuchu namaä nüxü ixüxüäcü nanangäxügü. Rü yemacëx tama nüxna nanachuxgü.

7 Rü natagu nanachagümü ga naxchirugü. Rü yemaäcü Ngechuchuxütawa nanagagü. Rü nüma ga Ngechuchu rü natagu naxaunagü.

8 Rü muxüma ga duüxügü rü naxchirumaätama nanachamagü. Rü togü rü naixätügü ga naānewa nadaüxümaä nayaçhamagü.

9 Rü yema duüxügü ga napëxegu ägüxü rü yema togü ga wixweama ägüxü, rü tagaäcü ñanagürügü: —jCuxü ticüexüxügü! jRü naxüüne ya daa Tupanaeggau nüma ücü!

10 jRü äëxgacü ya Dabirüxü namecümäxüchi ya daa äëxgacü ya nüma ngücü! jRü pema rü ta, Pa Daxücüäx, rü nüxü picüexüxügü ya Tupana! —ñanagürügü.

11 Rü Yerucharéügu naxücu ga Ngechuchu, rü tupauca ga taxüñecëx nixü. Rü meäma guxüwama inanadauaxüne. Rü ñuxüchi yema norü 12 ga ngüexügümaä Betániäaru iāñecëx nataegu, yerü marü nayáuane.

*Ngechuchu rü orix ga iguera ga ngearü oöxümaä chixexü naxuegu
(Mt 21.18-19)*

¹² Rū moxūācū yexguma Betániāwa inaxīāchigu ga Ngechuchu rū nataiwa.

¹³ Rū yaxūgu nūxū nadau ga wūxi ga orjx ga iguera ga āātūxū. Rū nūma ga Ngechuchu rū naxcèx nixū na iyadauāxūcèx rū ngoxi nayexmèx ga norū o. Natūrū yexguma naxūtawa nanguxgu, rū taxūma inayangau, rū naātūxūxīcatama, yerū tauta norū owa nangu.

¹⁴ Rū yexguma rū ñanagūrū igueraxū: —¡Tagutāma texé wena cuxū tamūārū oōx! — ñanagūrū. Rū norū ngūexūgū rū nūxū naxīnūē ga yema.

Ngechuchu inanaxoxū ga yema tupauca ga taxūnewa taxegūxū ga duūxūgū
(Mt 21.12-17; Lc 19.45-48; Cu 2.13-22)

¹⁵ Rū yexguma Yerucharēūwa nangugū, rū Ngechuchu rū tupauca ga taxūnegu naxūcu. Rū inanaxūgū ga na inawoxūāxū ga yema yéma tacūmaā taxegūxū rū naxcèx taxegūxū. Rū nanangūegutanū ga norū mechagū ga yema duūxūgū Tupanaarū āmarewa mexū ga dīerumaā taxegūxū rū muxtucumaā taxegūxū.

¹⁶ Rū nanachuxu ga texé tacū na yéma ngepetūxū tupauca ga taxūnemachiawa.

¹⁷ Rū inanaxūgū ga na nangūexētaexū, rū ñanagūrū: —Tupanaārū ore i ūmatūxūwa rū ñanagūrū:

“Chopata rū guxūma i nachīūānecūāxgūarū yumūxēpataūgu tá naxāega”,

ñanagūrū. Natūrū pema rū ngūtèxgūxūpataū peyaxīxēē —ñanagūrū.

¹⁸ Natūrū yexguma yemaxū naxīnūēgu ga paigūarū āēxgacūgū rū ngūexēēruūgū ga Moīchearū mugūwa nguxēētaegūxū, rū inanaxūgūe ga naxcèx na nadaugūxū ga ñuxācū Ngechuchuxū na yamēxgūxū. Natūrū duūxūgūxū namuūē, rū yemacèx taxucūrūwama duūxūgūpegu nayayauxgū. Yerū nūma ga duūxūgū rū namaā nataāxēgū ga yema Ngechuchuarū nguxēētae.

¹⁹ Natūrū yexguma marū nayāuanegu, ga Ngechuchu rū norū ngūexūgūmaā nawa ínachoxū ga guma íāne.

Nariūñexē ga yema iguera ga ngearū oōxū
(Mt 21.20-22)

²⁰ Rū moxūācū pèxmama rū igueraxūtawa nachopetū. Rū yéma nūxū nadaugū ga na nañexēxū ñuxmata naxchūmèxāwa nangu.

²¹ Rū yexguma ga Pedru rū nūxna nacūexāchi ga yema íneācū ngupetūxū, rū ñanagūrū Ngechuchuxū: —Pa Ngūexēēruūx, dūcax i iguera ga chixexū namaā cuxueguxū, rū marū narūñexē —ñanagūrū.

²² Rū Ngechuchu nanangāxū, rū ñanagūrū: —¡Nūxū peyaxōgū ya Tupana!

²³ —Rū aixcūma pemaā nūxū chixu rū ngēxguma chí wūxie daa mēxpūnèxū tamuxgu na yaxūgachixūcèx rū taxtū i taxūchīuwa nūgū na yatāexūcèx, rū chí pega naxīnū, ega aixcūma peyaxōgūācūma nūxū ngēma ñapegūgu.

²⁴ —Rū ngēmacèx pemaā nūxū chixu rū guxūma i tacū i naxcèx ípeçaxū i perū yumūxēwa, rū name nixī na peyaxōgūxū na marū penayaxuxū, rū aixcūma tá penayaxu.

²⁵ —Rū ngēxguma peyumūxēgūgu, natūrū nangēxmagu i tacūcèx texēmaā na penuēxū, ¡rū tūxū nūxū pengeçau! na Penatū ya daxūgucū rū ta pexū nūxū nangeçauūxūcèx i perū pecadugū.

²⁶ —Natūrū ngēxguma pema tama tūxū nūxū pengeçauūgūgu, rū Penatū ya daxūgucū rū tá ta tāūtāma pexū nūxū nangeçauū —ñanagūrū.

Ngechuchuna nacagūe na texéarū oregagu tupauca ga taxūnewa nanguxēētaexū
(Mt 21.23-27; Lc 20.1-8)

²⁷ Rū yemawena rū Yerucharēūcèx nawoegu. Rū yexguma Ngechuchu rū tupauca ga taxūnegu yaxūgūchigūyane, rū naxcèx naxī ga paigūarū āēxgacūgū, rū ngūexēēruūgū ga Moīchearū mugūwa nguxēētaegūxū, rū Yudūgūarū āēxgacūgūerugū.

²⁸ Rū nūxna nacagūe, rū ñanagūrūgū: —¿Texéarū mugagu nixī i cunaxūxū i ngēma nūma cuxūxū? ¿Rū texé cuxū tamu na cunaxūxūcèx i ngēma? —ñanagūrūgū.

²⁹⁻³⁰ Rū yexguma ga Ngechuchu rū nanangāxū, rū ñanagūrū nūxū: —Choma rū tá ta pexna chaca, rū ngēxguma choxū pengāxūgu i ngēma pexna naxcèx chaçaxū, rū choma rū tá ta pemaā nūxū chixu na texé choxū muxū na chanaxūxūcèx i ngēma. ¿Rū texé tanamu ga Cuāū na duūxūgūxū ínbaiūxēēxūcèx? ¿Rū Tupana yīxū ga namucū rū ēxna duūxūgūmare? —ñanagūrū.

³¹ Rū yexguma ga nūmagū rū inanaxūgūe ga nūgūmaā na yaporagatanūcūxū, rū ñanagūrūgū: —Rū ngēxguma chí:

“Tupana nūma nanamu”, ñagūgūgu, rū nūma rū chí ñanagūrū tūxū:

“¿Tūxūcū ga tama nūxū peyaxōgūxū?” ñanagūrū chí tūxū.

³² ¿Rū ñuxcūrūwa rū:

“Yatügümare núma nanamu”, ñatarügügü tá? Rû yema ñanagürügü yerü duüxügüxü namuê. Yerü guxüma ga duüxügü rû nayaxögü rû aixcüma Tupana nanamu ga Cuáü na nüxü yaxuxüçex ga norü ore.

³³ Rû yemacêx Ngechuchuxü nangäxügü, rû ñanagürügü: —Tama nüxü tacuêx ga texé núma na namuxü ga Cuáü ga baiüxêêruü —ñanagürügü. Rû yexguma ga Ngechuchu rû nanangäxü rû ñanagürü nüxü: —Choma rû ta tãütãma pemaã nüxü chixu na texé choxü muxü na chanaxüxü i ngêma choxna naxcêx peçaxü —ñanagürü.

12

*Ore i puracütanüxü i chixexügü ixuxü
(Mt 21.33-46; Lc 20.9-19)*

¹ Rû Ngechuchu rû inanaxügü ga ore ga cuêxruügü ixuxümaã na nangüexêêtaexü. Rû ñanagürü nüxü: —Nayexma ga wüxi ga yatü ga norü naãnegu ubanecü ücü. Rû ñanapoxegu, rû nanaxü ga wüxi ga ubaarü yauxtüxüchica, rû wüxi ga dauxütaechica na meã nüxna nadauxüçex ga guxüma. Rû ñuxüchi ñuxre ga puracütanüxüna nüxü nadauxêê. Rû namaã nanamexêê na ngäxügu namaã ngixü yatoyexüçex ga yema ubatanü. Rû ñuxüchi ga yema naãneärü yora rû to ga nachüãnewa naxü.

² —Rû yexguma nawa nanguxgu ga na yadauxü ga yema ubagü, rû guma yatü rû yéma puracütanüxügüxtawa nanamu ga wüxi ga norü duüxüxü na naxcêx iyaxaxüçex ga yema ubagü ga nüxna üxü.

³ —Natürü yema puracütanüxügü rû nayayauxgü, rû nanaçuaixgü ga guma yatüarü duüxü. Rû taxuüma ga ubagü nüxna naxägü, rû yemaãcü ñayamugü.

⁴ —Rû yexguma ga guma yatü rû to ga norü duüxüxü yéma namu. Natürü ga guma rû nayamêxêrugü, rû namaã naguxchigagü.

⁵ —Rû yexguma rû to ga norü duüxüxü yéma namu. Natürü nayamêxgü. Rû yemawena, rû yéma nanamugü ga muxüma ga togü ga norü duüxügü. Natürü ga yema puracütanüxügü rû nayacuaixgü ga ñuxre, rû togü rû nanadai.

⁶ —Rû yexguma rû nüxü ñayaxü ga nanexüchi ga poraãcü nüxü nangechaücü. Rû düxwa guma nanexü yéma namu, yerü núma nagu naxñügu rû chi nanega naxñüê ga yema puracütanüxügü.

⁷ —Natürü yexguma guma cori nanexü nadaugüga yema puracütanüxügü, rû nügümaã ñanagürügü:

“Ngêmaärü tá nixü i ñãã naãne i yixcama. ¡Rû ngixã tayamêxgü na tóxrü na yixüçex!” ñanagürügü.

⁸ —Rû yemaãcü nayayauxgü, rû nayamêxgü. Rû yema ubanecüpechintüwa nayatêxgü ga naxüne.

⁹ —Rû ñuxma rû pexna chaca, çpexcêx rû facü tá naxü ya yima ubanecüarü yora namaã i ngêma puracütanüxügü i chixexügü? Rû dücax, rû ngema tá naxü, rû tá nanadai i ngêma puracütanüxügü, rû togüna tá nanaxã i ngêma ubanecü.

¹⁰ —¿Taguma êxna nawa pengüe i Tupanaärü ore i ümatüxü? Erü ngêma rû ñanagürü: “Rû yima nuta ya mecü ya ñãrü üruügü nüxü oechirécü, rû ñuxma rû yimatama nixü ya Tupana nüxñra yaxüchicü na namaã inaxügüãxüçex ya ñpata.

¹¹ Rû tórü Cori ya Tupana nixü ga naxücü ga yema, rû ñuxma rû namexêchi i taxcêx”, ñanagürü i ngêma ore.

¹² Rû yexguma ga yema paigüarü äëxgacügü, rû ngüexêêruügü ga Moichéarü mugüwa ngüxêêtaegüxü, rû Yudiügarü äëxgacügüerügü, rû Ngechuchuxü niyauxgüchaü. Yerü nüxü nacuêxgü ga nachiga na yixü ga yema ore ga cuêxruügu yaxuxü. Natürü duüxügüxü namuê rû yemacêx taxuüma namaã naxüe. Rû nüxna yéma ñixümare.

*Äëxgacüaxü dñerumaã naxütanüxüchiga
(Mt 22.15-22; Lc 20.20-26)*

¹³ Rû yexguma ga yema äëxgacügü rû Ngechuchuxütawa nanamugü ga ñuxre ga norü duüxügü ga Parichéugü rû Erodetanüxügü na nüxna yacagüexüçex, rû ngoxi facü rû chixexü ga dexamaã nüxü nangäxü na yemaãcü äëxgacügüxtawa na iyaxuaxügüãxüçex.

¹⁴ Rû nümagü rû naxütawa naxü, rû ñanagürügü nüxü: —Pa Ngüexêêruüx, nüxü tacuêx rû aixcüma nixü i ngêma nüxü quixuxü i ore. Rû tama duüxügügamare cuxñü, erü tama norü düxétüxüdnegu cudawenü, natürü nacüma nixü i cungügüxü. Rû aixcüma cunangüexêê i duüxügü na Tupana naxwêxêüãcüma namaxêxüçex. ¡Tomaã nüxü ixu! Rû ngêma dñeru ya äëxgacü ya tacü ya Dumacüãx totanüwa ngixü yauxchaücü çrû namexü yixü na nüxna ngixü taxäxü, rû êxna tama? —ñanagürügü.

¹⁵ Natürü ga Ngechuchu rü nüxü nacuëxama ga na chixexügu namaã naxĩnũxü ga yema duũxügu woo meã namaã na yanadexagüxü. Rü yemacëx ñanagürü nüxü: — ¿Tüxcüü chixexügu choxü penguxëëchaüxü? ¡Nuã ngĩxü pinge i wüxıtachinü i dĩeru na ngĩxü chadauxücëx! —ñanagürü.

¹⁶ Rü yëma naxütawa ngĩxü nangegü ga wüxıtachinü ga dĩeru. Rü Ngechuchu rü ñanagürü nüxü: —¿Texëchicünëxã rü texëéga nixĩ i ngĩgu üxü? —ñanagürü. Rü nümagü nanangãxügu, rü ñanagürügü: —Dumacüãx ya ãëxgacü ya tacüchicünëxã nixĩ —ñanagürügü.

¹⁷ Rü yexguma ga Ngechuchu rü ñanagürü nüxü: —¡Ãëxgacüna ngĩxü pexã i ngëma ãëxgacüarü ixicü, rü Tupanana ngĩxü pexã i ngëma Tupanaärü ixicü! —ñanagürü. Rü yexguma yema orexü naxĩnũëgu, rü namaã nabaixãchiãëgü.

*Ngechuchuna nacagüe rü ngoxi wena namaxë i duũxügu
(Mt 22.23-33; Lc 20.27-40)*

¹⁸ Rü yemawena rü Ngechuchuxütawa ñayadaugü ga ñuxre ga Chaduchëugü. Rü nümagü nixĩ i nüxü yaxugüxü na tagutãma wena namaxëxü i yuexü. Rü yemacëx Ngechuchuna nayacagüe, rü ñanagürügü:

¹⁹ —Pa Ngüxëëruüx, Moichëarü mugüwa rü ñanagürü:

“Rü ngëxguma wüxi ya yatü naxmëx ngexacüyane nayuxgu, rü name nixĩ i naëneëtama ngĩmaã naxãmëx i ngëma yutecü i naxümmëx, na ngëmaãcü naxãxãcüxücëx ya naëneë ga marü yucü”,
ñanagürü ga yema ore.

²⁰ —Dücëx, nayexma ga 7 ga nügüeneëgü. Rü naxãmëx ga guma yacü, natürü tauta naxãxãcüyane nayu.

²¹⁻²² —Rü yexguma ga naĩ ga naëneë nüxĩ ngĩmaã naxãmëx ga yema ngecü, natürü guma rü ta nayu rü nangexacü. Rü yexguma ga guma norü tomaëxpüx ga naëneë nüxĩ ngĩmaã naxãmëx, natür ü yexgumarüütama nüxü nangupetü. Rü yemaãcü, gucüma ga guma 7 ga nügüeneë rü ngĩmaã naxãmëx ga yema nge. Rü gucüma nayue tauta naxãxãcüyane. Rü düxwa ngĩma rü ta iyu ga yema nge.

²³ —Rü dücax, ngëxguma yuexü wena maxëgu, ¿rü ngexcürüücü naxmëx tá iyixĩ i ngëma nge? Yerü gucüma ga guma 7 ga nügüeneëgü ngĩmaã naxãmëx —ñanagürügü.

²⁴ Rü yexguma ga Ngechuchu rü nanangãxü, rü ñanagürü nüxü: —Pema rü ípetüe erü tama nüxü pecuëx i Tupanaärü ore i ümatüxü, rü tama nüxü pecuëx i ñuxãcü na naporaxü ya Tupana.

²⁵ —Rü ngëxguma yuexü wena maxëgu, rü taxüetãma tixãmëxgü rü ëxna tixãtegü. Erü daxücüãx i Tupanaärü orearü ngerüügürüü tá tixgü i ngëxguma.

²⁶ —Pema choxna peca i yuexüärü dagüchiga. ¿Natürü tama ëxna nawa pengüe i Tupanaärü ore ga Moichë ümatüxü ga naixãcü ga iyauxratanünechigaxü iyaxuxüwa? Erü yema orewa rü Moichëxü ñanagürü ga Tupana:

“Choma nixĩ i Abrãüärü Tupana, rü Ichaáarü Tupana, rü Acobuarü Tupana”,
ñanagürü.

²⁷ —Rü ngëma orewa nüxü tacuëx rü Tupana rü maxëxüärü Tupana nixĩ rü tama yuexüärü Tupana nixĩ, erü Tupanaärü ñnüwa rü taxüema tayu. Rü ngëmaãcü i pema rü poraãcü ípetüe —ñanagürü.

*Ngëma Tupanaärü mu i guxü i norü mugüarü yexera ixĩxü
(Mt 22.34-40)*

²⁸ Rü wüxi ga ngüxëëruü ga Moichëarü mugüwa nguxëëtaexü, rü nüxü naxĩnü ga yema togü ga namücügü ga Ngechuchumaã na ñaporagatanücüxü. Rü nüma rü nüxü nicuëxãchi ga meãma na nangãxüãxü. Rü yemacëx Ngechuchucëx nixü, rü nüxna naca, rü ñanagürü nüxü: —Pa Ngüxëëruüx, ¿ngëxürüüxü i Tupanaärü mu nixĩ i guxü i norü mugüarü yexera ixĩxü? —ñanagürü.

²⁹ Rü Ngechuchu nanangãxü, rü ñanagürü: —Ngëma Tupanaärü mu i guxü i norü mugüarü yexera ixĩxü, rü ñãã nixĩ, ñanagürü:

“¡Iperüxĩnũë, Pa Iraëanecüãxgü! Rü nüma ya Cori ya tórü Tupana, rü yixicatama nixĩ ya tórü Cori.

³⁰ ¡Rü nüxü nangechaü ya Cori ya curü Tupana guxüne ya curü maxünemaã, rü guxü i cuãëmaã, rü guxü i nagu curüxĩnũxümaã, rü guxü i curü poramaã!”
ñanagürü.

³¹ —Rü ngëma norü taxre i Tupanaärü mu, rü ñanagürü:

“¡Rü nüxü nangechaü i cumücü na cugü cungechaüxürüü!”

ñanagürü. Rü nataxuma i to i Tupanaärü mu i ngëmagüarü yexera ixĩxü —ñanagürü.

³² Rū yexguma ga yema ngúexēēruū ga mugūwa nguxēētaexū, rū ñanagürü Ngechuchuxū: —Marū name, Pa Ngúexēēruūx, erū aixcūma nixī i ngēma nūxū quixuxū na wūxixicatama na yīxū ya Tupana, rū nataxuma ya nāi.

³³ —Rū ngēma Tupanaxū na ingechaūxū guxūne ya tórū maxūnemaā, rū guxū i nagu rūxīnūxūmaā, rū guxū i tórū poramaā, rū nūxū na ingechaūxū i tamūcū i yigū na ingechaūxūrūū, rū ngēma rū guxūma i carnerugū i Tupanacēx idējū rū íguxūarū yexera narūmemae —ñanagürü.

³⁴ Rū yexguma Ngechuchu nūxū dēuxgu ga mexūgu na naxīnūācūma na nangāxūāxū ga yema ngúexēēruū ga mugūwa nguxēētaexū, rū ñanagürü nūxū: —Marū tama taxū cuxū nataxu na cunayaxuxū ya Tupana na curū āēxgacū yīxūcēx —ñanagürü. Rū yemawena rū marū taxuūma nūgū naporaxēē na nūxna yacachigūxūcēx.

*¿Texé nane nixī ya Cristu?
(Mt 22.41-46; Lc 20.41-44)*

³⁵ Rū yexguma tupauca ga taxūnewa ínangúexēētaeyane ga Ngechuchu, rū duūxūgūna naca, rū ñanagürü: —¿Tūxūcū nixī i ngēma ngúexēēruūgū i mugūwa nguxēētaegūxū i ñagūxū: “Yima Cristu ya Tupana nūxū unetacū rū nuxcūmañcū ga āēxgacū ga Dabítaa nixī”, ñagūxū?

³⁶ —¿Rū ñuxācū i ngēmaācū yadexagūxū? Yerū nūmatama ga Dabí, rū yexguma Tupanaāē i Ūñexū naāēwa ideaxgu rū ñanagürü:

“Cori ya Tupana rū chorū Corixū ñanagürü: ‘¡Nuā chorū tūgūnecūwawa rúto ñuxmatáta nūxū charūporamaē i curū uwanūgū na cuga naxīnūēxūcēx!’ ”

ñanagürü ga yema orewa.

³⁷ —¿Natürü ñuxūcūrūwa i Dabítaa yīxū ya Cristu, ega nūmatama ga Dabí, rū norū Corimaā naxuāgu? —ñanagürü. Rū yema muxūma ga duūxūgū ga yéma yexmagūxū, rū taāēācūma Ngechuchuxū inarūxūñē.

*Ngechuchu rū nūxū nixu na tama yameārū maxūāxgūxū ga yema ngúexēēruūgū ga Moichéarū mugūwa nguxēētaegūxū
(Mt 23.1-36; Lc 11.37-54, 20.45-47)*

³⁸ Ngechuchu rū norū nguxēētaewa rū ñanagürü: —¡Pexuāēgū naxcēx i ngēma ngúexēēruūgū i Moichéarū mugūwa nguxēētaegūxū! Erū nūmagū rū norū me nixī i mexū i naxchirumaā na naxīāneāxū. Rū nanaxwēxegū na ítamūwa duūxūgū meā nūxū na rūmoxēgūxū.

³⁹ —Rū ngutaquēxepataūgūwa rū norū me nixī i āēxgacūgūmēxwēxewa na natogūxū. Rū ónagū i taxūwa rū ngēma ónaārū yoraxūtawa ūgūxū i nachicacēx nadaugū.

⁴⁰ —Natürü tūxna nanapuxū ya tūmapatagū ya yixema yutegūxe. Rū ñuxūchi nanamēxēē i norū yumūxēgū na ngēmagu nūgū yacūxgūxūcēx rū duūxūgū nagu rūxīnūēxūcēx na aixcūma mexūgū na yixīgūxū. Natürü nūmagū tá nixī i yexeraācū napoxcuxū —ñanagürü.

*Yutecū ga ngearū dīēruāxcū ga Tupanacēx dīēru ngīxū ixācū
(Lc 21.1-4)*

⁴¹ Wūxicana ga Ngechuchu rū tupauca ga taxūneārū dīēruchiñārū toxmēxtawa narūto. Rū yéma inadawenū ga ñuxācū duūxūgū yexma ngīxū yanaxūcuchigūxū ga norū dīērugū. Rū muxūma ga duūxūgū ga idīēruāxgūxūchixū rū yexma ngīxū nayarūxūcuchigū ga muxūchicū ga norū dīēru.

⁴² Rū ngürü yéma ingu ga wūxi ga yutecū ga ngearū dīēruāxcū. Rū ngīma rū wūxi ga yema dīēruchiñū ngīxū iyarūxūcuchi ga taxretachinū ga dīēruacū ga ítanūcū.

⁴³ Rū yexguma ga Ngechuchu rū norū ngúexūgūcēx naca, rū ñanagürü nūxū: —Aixcūma pemaā nūxū chixu rū ñaā ngecū i yutecū i ngearū dīēruāxcū, rū guxū i ngēma togū i dīēruchiñū dīēru ngīxū ixūcuchigūxūarū yexera ngīxū ixā.

⁴⁴ Erū guxūma i togū rū ngīxū inaxāgū i ngēma nūxū íyaxūgūcū. Natürü ngīma ngīxū natauxyane ngīxū ixā i guxcūma i ngīxū ngēxmēxcū i ngīrū ónatanū —ñanagürü.

13

*Ngechuchu nanaxunagū na tupauca ga taxūnegu tá na napogūexū
(Mt 24.1-2; Lc 21.5-6)*

¹ Rū yexguma tupauca ga taxūnewa ínaxūxūgu ga Ngechuchu, rū wūxi ga norū ngúexūgū rū ñanagürü nūxū: —Pa Ngúexēēruūx ¡dūcax ñuxācū nimexēchi ya daa tupauca ya itaxūne rū naxtapūxarū nutagū! —ñanagürü.

² Natürü Ngechuchu nanangāxū, rū ñanagürü: —Pema nūxū pedaugū ya guxūnema ya yima tupauca ya taxūneārū ípatagū. Natürü pemaā nūxū chixu rū aixcūma guxūnema ya

daa İpatagü rü tá naga napogüe. Rü norü nutagü rü taxucütama nüğüétü naxüúra, rü bai tá ya wüxi –ñanagürü.

*Cuèxruüğü i tá nüxü idauxü naxüpa na nagüxü i naäne
(Mt 24.3-28; Lc 21.7-24, 17.22-24)*

³⁻⁴ Rü yemawena rü Orıbunecüarü Mèxpüne ga tupaucu ga taxüneärü toxmèxtawa yexmanewa naxı. Rü yéma narüto ga Ngechuchu. Rü Pedru rü Chaütiágu rü Cuáu rü Aüdré rü naxütawa naxı na noxrüwama nüxna nacagüexücèx. Rü ñanagürüğü: –Tanaxwèxe i tomaã nüxü quixu na ñuxgu tá nangupetüxü i ngéma nüxü quixuxü. ¿Rü tacü tá nixı i norü cuèxruü i nawa nüxü tacuáxü ega nawa tá nanguxgu i ngéma? –ñanagürüğü.

⁵ Rü yexguma ga Ngechuchu rü nanangáxü rü ñanagürü nüxü: –¡Pexuãégü na taxúema pexü womüxèxücèx!

⁶ –Erü muxüchixü i duüxüğü tá ínangugü, rü chaugu tá nüğü nicuxgü, rü ñanagürüğü tá: “Choma nixı i Cristu”, ñanagürüğü tá. Rü muxüchixü i duüxüğüxü tá nawomüxèè.

⁷ –Rü ngèxguma nüxü pexınüègu na nüğü nadèjxü i nachiüñanègu i ngaicamagüxü rü togü i nachiüñanègu i yaxüügüxü, ¡rü tãütama ngémacèx peñaxiãchiãégü! Erü woetama ngémaãcü tá nangupetü. Natürü tãütama naäneärü gux nixı i ngéma.

⁸ –Erü wüxi i nachiüñane rü to i nachiüñanemaã tá nüğü nadai. Rü wüxi ya äëxgacüarü churaragü rü to i äëxgacüarü churaragümaã tá nüğü nadai. Rü muxüma i nachicawa rü tá naxiãxãchiane. Rü tá taiya nangux. Natürü guxüma i ngéma rü norü ügümare nixı i ngéma ngüxü i tá ínguxü.

⁹ –¡Rü meã pegüna pedaüğü! Erü äëxgacügüpèxewa tá pexü nagagü, rü ngutaquèxepataüğüga tá pexü nicuaxgü. Rü nachiüñanègüarü äëxgacügüpèxewa tá pexü nagagü naxcèx na chorü duüxüğü na pixigüxü. Natürü ngémaãcü tá pexü natauxcha na ngéma äëxgacügümaã nüxü pixuxü i chauchiga.

¹⁰ –Natürü naxüpa na nagüxü i naäne rü tá nüxü nixugüe i Tupanaärü ore i guxü i nachiüñanèguwa.

¹¹ –Natürü ngèxguma äëxgacügüpèxewa pexü nagagüga, ¡rü tãütama pexoegaãégü naxcèx na tacümaã tá penangáxüxü! ¡Rü namaã nüxü pixu i ngéma ore i ngèxgumatama Tupana pexna äxü na nüxü pixuxücèx! Erü tãütama pema nixı na pidexagüxü, natürü Tupanaãè i Üünexü tá nixı i pewa idexaxü.

¹² –Rü nüğüeneègüwa tãtama rü äëxgacügüxütawa nüğü ínayaxuaxüğü na ngémaãcü tüxü nadèjxücèx. Rü ngèxgumarüü tá ta i papágu rü mamágu rü tá naxácügüxü ínayaxuaxüğü. Rü númagü i naxácügü rü tá nanatügümaã rü naègümaã nanuè, rü tá tüxü ínayaxuaxüğü na äëxgacügü tüxü nadèjxücèx.

¹³ –Rü guxü i naänewa rü duüxüğü tá pexchi naxaie naxcèx na chorü duüxüğü pixigüxü. Natürü yixema naëtüwa meã Tupanaãxü yaxõmáxè, rü yixema tá tixı ya aixcüma nayaxüxe i maxü i taguma güxü.

¹⁴ –Rü ngèxguma nüxü pedèuxgu i ngéma äüächixü rü äücümáxüchixü i chixexèèruü i ngextá tama ínaxwèxexüwa na nangèxmaxü, rü ngèxguma ya yixema Yudéaanewa ngèxmagüxe, rü tanaxwèxe i mèxpüneãnèwa tabuxmü. Rü texé ya yixema nüxü daumatüxe, ¡rü name nixı i meã nagu türüxünü i ngéma!

¹⁵ –Rü ngéma ngunexüğü texé tümapataèxtüwa ngèxmagu, rü tama name i tümapatagu tayangaxı na tacü i tümaärü ngèmaxü tayayaxuxücèx.

¹⁶ –Rü texé ya tümaãnèwa ngèxmaxè rü tama name i tümapatacèx tataegu na tümachirugü tayayaxuxücèx.

¹⁷ –Rü ngéma ngunexüğüga, rü wüxi i ngechaü tá nixı i tümacèx ya yixema ngexegü ya itacharaügüxe rü yixema mañácügüxe.

¹⁸ –¡Rü Tupanana naxcèx peca i perü yumüxèwa na tama gáuane ixüyane pexü na nangupetüxücèx i ngéma chixexü!

¹⁹ –Erü ngéma ngunexüğüga rü poraãcü tá nangèxma i ngüxü ga noxri Tupana naäne ixügügumama taguma yexmaxü, rü ngémawena rü tagutáma nangèxma.

²⁰ –Rü ngèxguma Tupana tama nanoxrexèègu i ngéma ngunexüğü, rü taxüetáma tamaxü. Natürü Tupana rü marü nananoxrexèè i ngéma ngunexüğü erü tüxü nangechaü ya yixema noxrüxü tüxü nadexe.

²¹ –Rü ngèxguma texé pexü ñagüga:
“Dücèx, daa nixı ya Cristu”, ñagüga, rü èxna:

“Gua nixı ya Cristu”, ñagüga, ¡rü täxü i nüxü peyaxõgüxü!

²² –Erü Cristugünetá rü Tupanaärü orearü uruüğünetá tá ínangugü. Rü tá nanaxüğü i muxüma i cuèxruüğü i taxüğü. Rü ngémaãcü, ega nüxü natauxchagu, rü tá tüxü nawomüxèègü woo ya yixema duüxègü ya Tupanatama tüxü dexe.

²³ –¡Pexuãégü! Erü guxüma i ngéma tá ngupetüxü, rü marü naxüpa pemaã nüxü chixu.

Ñuxácü tá nixí i ngëxguma nataegugu ya Tupana Nane ya duixúxü ixícü
(Mt 24.29-35, 42, 44; Lc 21.25-36)

²⁴ —Natürü marü nangupetügu i ngëma ngúxügü, rü ngëma ngunexügügu rü tá nixo ya üèxcü rü tãütáma inabaxi ya tauemacü.

²⁵ —Rü woramacurigü rü éxtagü rü tá narüyi. Rü guxüma i daxúwa ngëxmaxü rü tá naxíãxáchitanü rü nachicana tá nixígachitanü.

²⁶ —Rü ngëxguma i duixügü rü tá nüxü nadaugü ya Tupana Nane ya duixúxü ixícü na caixanexügu inaxíxü i guxüma i norü poramaã rü norü ngóonexümaã.

²⁷ —Rü tá nanamu i norü orearü ngeruügü i daxüçüãx na tüxü nanutaquëxëxücëx ya yíxema Tupana tüxü idexechixe ya guxúwama ngëxmagüxe ñuxmatáta naãne iyacuáxüwa nangu.

²⁸ —¡Iperüxínüé i ñãa nguxëétae i orix i iguerachiga, rü naxcëx pengúe! Rü ngëxguma ngexwacaxüxü i nachacüüxácügü iyarüyixgu rü naxúátügu, rü ngëmawa nüxü pecuëx na paxa tá taunecü yíixü.

²⁹ —Rü ngëxgumarüü ta, rü ngëxguma nüxü pedëuxgu na nangupetüxü i ngëma pemaã nüxü chixuxü, rü ngëmawa tá nüxü pecuëx na paxaxüchi tá ínanguxü ya Tupana Nane ya duixúxü ixícü.

³⁰ —Rü guxüma i ngëma ñuxma pemaã nüxü chixuxü rü aixcüma tá nangupetü naxüpa na nayuexü i ngëma duixügü i ngëxguma maxëxü.

³¹ —Daxüguxü i naãne rü ñoma i naãne rü tá inayarüxo. Natürü chorü ore rü tagutáma inayarüxo, rü aixcüma tá ningü.

³² —Natürü ngëma ngunexü rü ora i nagu tá nangupetüxü i ngëma pemaã nüxü chixuxü, rü Tanatü ya Tupanaxícátama nüxü nacuëx i ñuxgu tá na nangupetüxü i ngëma, rü taxüema ya togue nüxü tacuëx. Rü woo i norü orearü ngeruügü i daxüçüãx rü tama nüxü nacuëxgü, rü woo i choma na Nane chiixü rü tama nüxü chacuëx i ñuxgu tá na nangupetüxü i ngëma.

³³ —Rü ngëmacëx, ¡ipepae rü pexuãëgü! Erü tama nüxü pecuëx i ¡acü rü ora tá íchangu i chomax.

³⁴ —Rü guxüma i ngëma pemaã nüxü chixuxü, rü ñoma wüxi ga yatü ga ixüãchichaücü na to ga nachüãñewa naxüüxcëxrüxü nixí. Rü yemacëx norü puracütanüxüna naxãga na mea nüxna nadaugüxücëx ga guma napata. Rü ñuxüchi wüxichigüna nanaxã ga norü puracü. Rü yëma íãxãrü dauruü rü nagu nanamu na mea nadauxütaegüxücëx.

³⁵⁻³⁶ —¡Rü ngëmacëx i pema rü name na ípexuãxëgüxü! Erü tama nüxü pecuëx i ñuxgu tá ínangu ya yima cori ya ípataarü yora, rü bexmana noxri nachütagu, rü éxna ngãxüçüügu, rü éxna otá ícaxgu, rü éxna noxri yangóonegu. ¡Rü ngëmacëx ipedaue na ngürüächí ínanguxgu tama ípepeyane pexü na íyanguéüxücëx!

³⁷ —Rü ngëma ore i pemaã nüxü chixuxü, rü guxü i duixügüçëx nixí. ¡Rü ipedaueecha! —ñanagürü.

14

Áëxgacügü naxcëx nadaugü na ñuxácu Ngechuchuxü yayauxgüxü
(Mt 26.1-5; Lc 22.1-2; Cu 11.45-53)

¹ Rü taxre ga ngunexü nataxu ga na nawa nanguxü ga Yudiügüarü peta ga Üpetüchiga ga nagu nangõxgüãxü ga pãü ga ngearü puxëëruüãxü. Rü ga paigüarü áëxgacügü rü ngüxëëruüügü ga mugüwa nguxëëtaegüxü rü naxcëx nadaugü ga ñuxácü bexma duixügüëchita Ngechuchuxü na yayauxgüxü rü na yamëxgüãxüçëx.

² Yerü nümaxü rü ñanagürügü: —Taxucürüwama ñuxma petagu tayayauxgü, erü duixügü rü tá tamaã nanuë —ñanagürügü.

Wüxi ga nge rü Ngechuchuerugu inaba ga pumara
(Mt 26.6-13; Cu 12.1-8)

³ Rü Ngechuchu rü Betániãwa naxü napatawa ga Chimáü ga rüchaxüncümaã naxugüãcü. Rü yexguma mechawa natoyane, rü yëma ingu ga wüxi ga ngeçü ga wüxiweü ga pumara ga yixichixü ga tatanüxüchixü yëma ngeçü. Rü iyapoyenagu ga yema pumarachixü ga nuta ga mexëchicünaçëx, rü Ngechuchuerugu inaba.

⁴ Natürü ñuxre ga yema yëma yexmagüxü rü nanuë naxcëx ga yema naxüxü ga yema ngeçü, rü nügümaã ñanagürügü: —¿Tüxcüü ngëxma inaxaiyaxü i ngëma pumara?

⁵ —Rü narümemae chi nixí i 300 tachinü i diëruyu namaã itaxe, rü ñuxüchi ngëma diërumaã nüxü irüngüxëé i ngëma duixügü i ngearü diëruãxgüxü —ñanagürügü. Rü yemaãcü ngüchiga nidexagü ga yema nge.

⁶ Natürü ga Ngechuchu rü ñanagürü nüxü: —¡Ngexrüma! ¿Tüxcüü ngüxü pechixewe? Erü ngëma chomaã naxüxü, rü wüxi i mexü nixí.

7 –Rü ngēma ngearū dīeruãxgūxū rü guxūgutáma petanūwa nangēxmagū, rü ngēmaācū pexū natauxcha na nüxū perüngüxēēxū i ngēxguma penaxwēxegu. Natürü i choma rü tātūta guxūgu petanūwa changēxma.

8 –Rü ñaā nge rü inaxū i guxūma i ngēma ngīxū tauxchaxū, rü ngēmacēx yoxni choxū ipumaraxūne naxūpa na ichtatáxū.

9 –Rü aixcūma pemaā nüxū chixu rü guxū i naānewa i ngextá duūxūgū nüxū íxugūgūxūwa i ore i maxēxēēruū, rü ñaā ngecū chomaā üxū rü tá ta nüxū nixugūgū. Rü ngēmaācū tá ngīxna nacuéxāchie i duūxūgū –ñanagürü ga Ngechuchu.

Yuda rü ãëxgacügūmaā nanamexēē na ñuxācū tá na Ngechuchuxū yayauxgūxūcēx (Mt 26.14-16; Lc 22.3-6)

10 Rü Yuda Icaríute ga wūxi ga yema 12 ga ngúexūtanūxū íxīxū, rü Yudiñgüarū paigüarū ãëxgacügūtanūwa naxū na namaā yamexēēãxūcēx na ñuxācū tá na Ngechuchuxū yayauxgūxūcēx.

11 Rü yexguma yemaxū naxīnūēgu, rü nūmagū ga yema ãëxgacügū rü nataāēgū. Rü dīeru Yudana ngīxū naxuaxūgū. Rü yexgumama inanaxūgū ga Yuda ga naxcēx na nadauxū ga ñuxācū nüxū na natauxchaxēēgūãxū na duūxūgūechita Ngechuchuxū yayauxgūxūcēx.

Coriarū ðnachiga

(Mt 26.17-29; Lc 22.7-23; Cu 13.21-30; 1 Co 11.23-26)

12 Rü nawa nangu ga ngunexū ga nagu inaxūgūxū ga yema peta ga pāu ga ngearū puxēēruūãxū nagu nangōxgūxū. Rü yema nixī ga ngunexū ga nagu carneruxacū naxcēx yamēxgūxū ga Üpetüchigaarū peta. Rü yexguma ga norū ngúexūgū rü Ngechuchuna nacagūe, rü ñanagürügū: –¿Ngextá cunaxwēxe na tanamexēēxū i ðna i Üpetüchigaarū petagu ingōxū? –ñanagürügū.

13 Rü yexguma ga nūma rü nanamu ga taxre ga norū ngúexūgū, rü ñanagürü nüxū: –¡Ēcū, yéa íānewa pexī! Rü ngēxma tá nüxū peyangau i wūxi i yatū i wūxi ya tūxū ya dexámaā āācuxe ngēxma tūxū ingexū. ¡Rü nawe perūxī!

14 –¡Rü yima ípata ya nagu yaxūcume i ngēma yatū, rü yima íarū yoramaā nüxū pixu, rü ñapegūgū nüxū:

–Torū ngúexēēruū nüxū nacuáxchaū na ngēxū yīxū i ngēma ucapu i norū ngúexūgūmaā tá nawa nachibūxū i Üpetüchigaarū ðnagu, ñapegūgū nüxū!

15 –Rü nūma tá pexū nüxū nadauxēē i wūxi i ucapu i taxū i marū meā mexēēxū i norū daxūchiūwa ngēxmaxū. ¡Rü ngema penamexēēx i tórū ðna i Üpetüchigacēx íxīxū! –ñanagürü nüxū.

16 Rü inaxīāchi ga yema taxre ga ngúexūgū, rü íānewa naxī. Rü yexma nüxū inayangaugū ga guxūma yema Ngechuchu namaā nüxū ixuxūrüū. Rü yéma nanamexēē ga ðna ga Üpetüchigacēx íxīxū.

17 Rü yexguma marū nachütachaūgu, rü ínangu ga Ngechuchu namaā ga yema 12 ga norū ngúexūgū.

18 Rü yexguma mechawa ínachibūeyane, rü Ngechuchu rü ñanagürü nüxū: –Aixcūma pemaā nüxū chixu rü wūxie ya petanūwa i ñuxma chomaā nuā chibūxe tá tixī ya bexma choxū íyaxuaxūxē –ñanagürü.

19 Rü yexguma ga nūmagū ga norū ngúexūgū rü poraācū nangechaūgū. Rü inanaxūgūe ga na wūxichigū nüxna icachigūxū, rü ñanagürügū: –Pa Corix, ¿choma tá chíxū i cuxū íchayaxuaxūxū? –ñanagürügū.

20 Rü nūma ga Ngechuchu nanangāxū rü ñanagürü nüxū: –Wūxi i pema i 12 tanūwa i daatama poratuwa norū pāu iwaixēēxū, rü ngēma tá nixī i choxū íyaxuaxūxū.

21 –Rü choma i Tupana Nane na duūxūxū chíxū, rü tá chayu ngēma Tupanaarū ore i úmatūxū nüxū ixuxūrüū. Natürü wūxi i ngechaūxūchi nixī naxcēx i ngēma yatū i choxū íyaxuaxūxū. Rü narūmemaē chi nixī ga noxtacūma tāu chima na nabuxū –ñanagürü.

22 Rü yexguma ínachibūeyane, rü Ngechuchu nanayaxu ga pāu. Rü Tupanana moxē naxā, rü inanabūcu, rü norū ngúexūgūxū nayanu. Rü ñanagürü nüxū: –¡Penayax i ñaā pāu! Rü ngēma rü chaxunechiga nixī –ñanagürü.

23 Rü yemawena nanayaxu ga wūxi ga pochiyu ga binumaā āācuxū. Rü yexgumarū ta Tupanana moxē naxcēx naxāíra, rü ñuxūchi norū ngúexūgūna nanaxā. Rü guxūma nawa naxaxegū.

24 Rü ñanagürü nüxū: –Daa binu ya chaugū i muxūma i duūxūgūcēx ibacūchiga nixī. Rü yimawa Tupana meāma nanangoxēē na aixcūma yīxū i norū uneta.

25 –Rü aixcūma pemaā nüxū chixu rü tãxūtáma wena chayaxaxū ya daa binu ñuxmatáta Tupana ãëxgacū íxīxūwa binu ya ngexwacaxūcū chayaxaxūx –ñanagürü.

*Ngechuchu nuxũ nixu rü Pedru rü taxütama nügũ nixu na norü ngüexũ yĩxũ
(Mt 26.30-35; Lc 22.31-34; Cu 13.36-38)*

²⁶ Rũ ñuxũchi naviyaegũ ñuxre ga Tupanaärü wiyaegu. Rũ yemawena rü Orlbunecüarü Mëxpũnewa naxĩ.

²⁷ Rũ yexguma ga Ngechuchu rü ñanagürü nuxũ: —Guxãma i pema rü tá choxũ ípetëxgũ. Erü ngëmaácũ nuxũ nixu i Tupanaärü ore i úmatũxũ i ñaxũ:

“Tá chayamëx ya carneruarü dauruũ, rü tá nanaxüanemare i carnerügü”, ñaxũ.

²⁸ —Natürü ngëxguma marü yuwa ícharüdaxguwena, rü chaxira tá pexũpa Gariréaanewa chaxũ —ñanagürü.

²⁹ Rũ yexguma ga Pedru rü ñanagürü nuxũ: —Woo guxũma i togü cuxũ ítëxgu, rü choma rü táütama cuxũ íchatëx —ñanagürü.

³⁰ Rũ Ngechuchu nanangãxũ rü ñanagürü nuxũ: —Aixcũma cumaã nuxũ chixu rü ñomatama i chütaxũgu rü naxũpa na taxreëxpũxcũna yaçaxũ i otá, rü tomaëxpũxcũna taxütama cugũ quixu na chorü duũxũ quiĩxũ —ñanagürü.

³¹ Natürü nũma ga Pedru rü ñanagürüama: —Woo wũxigu cumaã chayuxgu, rü táxütama chaugũ ichicux na curü duũxũ chiĩxũ —ñanagürü. Rũ guxũma ga togü ga norü ngüexgũ rü ta yema ñanagürügü.

*Ngechuchu rü Yechemaníwa nayayumüxë
(Mt 26.36-46; Lc 22.39-46)*

³² Rũ yemawena rü Ngechuchu rü norü ngüexgũ rü nawa naxĩ ga wũxi ga nachica ga Yechemanígu äegaxũ. Rũ Ngechuchu rü ñanagürü nuxũ: —¡Nuã perütogü yoxni paxa yëa chayayumüxë! —ñanagürü.

³³ Rũ ñuxũchi ínayagagũ ga Pedru, rü Chaütíagu, rü Cuáũ. Rũ naxcëx inaxügü ga na poraãcü nangechaũxũ rü naxixãchiãëxũ.

³⁴ Rũ yexguma rü ñanagürü nuxũ: —Poraãcü changechaũ, rü nagu charũxĩnũ na ngëmamaã tá chayuxũ. ¡Rũ nuxa perücho i pemax, rü ipedaue! —ñanagürü.

³⁵ Rũ yexguma ga Ngechuchu rü yéaxũra naxũ. Rũ ñaxtũanegu nanangücuchi. Rũ Tupanana naxcëx naca na nawa ínanguxuchixüçëx ga yema ngüxũ ga yexguma chi Tupanaärü ngüchaũ yixĩgu.

³⁶ Rũ norü yumüxëwa rü ñanagürü: —Pa Chaunatũx, cuxcëx rü guxũma natauxcha. ¡Rũ nuxna choxũ ínanguxuchixëë i ñaã ngüxũ i tá choxũ üpetüxũ! Natürü chanaxwëxe i cunaxü i cuxrütama ngüchaũ rü tama i choxrü —ñanagürü.

³⁷ Rũ ñuxũchi nataegu ga norü ngüexgũ íyexmagüxũwa. Rũ nuxũ ínayangau ga na ínapëxũ. Rũ ñanagürü Pedruxũ: —Pa Chimãux, çicupe? ¿Tama ëxna namaã cupora na icudauxũ, rü bai i wũxi i ora?

³⁸ —¡Rũ ipedaue, rü Tupanana naxcëx peça na pexũ nangũxëëxüçëx na tama choxũ ípetáxüçëx i ngëxguma tacü rü guxchaxũ pexũ üpetügu! Erü aixcũma peãëwa rü ípememare, natürü pexene nixĩ i ngëma turaxũ —ñanagürü.

³⁹ Rũ wenaxãrũ ínixũ, rü noxrürüütama nayayumüxë.

⁴⁰ Rũ yexguma wenaxãrũ norü ngüexgüçëx nataegugu, rü nuxũ ínayangau ga na wenaxãrũ ínapëxũ, yerü poraãcü nayaxtaëxüchi. Rũ yemacëx ga nũmagü rü tama nuxũ nacüëxgü ga na tacũmaã tá nangãxgüãxũ.

⁴¹ Rũ norü tomaëxpũxcũna wenaxãrũ norü ngüexgüçëx nataegu, rü ñanagürü nuxũ: —¿Ñuxma rü ta ëxna ípepeeama rü iperüngüëãma? ¡Rũ marütama! Erü choma i Tupana Nane na duũxũxũ chiĩxũ rü marü nawa nangu i ora na choxũ na yayauxgüxũ rü nuxna na choxũ namugüxüçëx i duũxügü i chixexũ i pecaduãxgüxũ.

⁴² —¡Rũ ípechigü, rü ngxãã ítixĩ! Erü marü ñomama nixĩ i ngëma choxũ íyaxuaxũxũ —ñanagürü.

*Ngechuchuxũ niyauxgü
(Mt 26.47-56; Lc 22.47-53; Cu 18.2-11)*

⁴³ Rũ yexguma íyadexayane ga Ngechuchu, rü ínangu ga Yuda ga norü ngüexũchirëx ixĩxũ. Rũ nawe narüxi ga muxũma ga duũxügü ga taramaã rü naĩmaã ixãxnexũ. Rũ yema nixĩ ga duũxügü ga yëma namugüxũ ga paigüarü äëxgacügü rü ngüexëerüũgü ga mugüwa ngüxëëtaegüxũ rü Yudiugüarü äëxgacügüerügü.

⁴⁴ Rũ Yuda ga ínaxuaxũxũ rü marü yema duũxügümaã nanamexëë, rü ñanagürü:

“Ngëma nuxũ chachüxuxũ nixĩ i Ngechuchu. Rũ ngëma tá nixĩ i piyauxgüxũ rü meã peyanãicũma peyagagüxũ” —ñanagürü.

⁴⁵ Rũ yemaãcü Ngechuchucëx nixũ, rü ñanagürü nuxũ: —Pa Ngüexëerüũx —ñanagürü. Rũ ñuxũchi nanachüxu.

⁴⁶ Rũ yexgumatama Ngechuchuxũ niyauxgü.

47 Natürü wüxi ga Ngechuchutanüxü nanawëxechi ga norü tara, rü yemamaã paigüarü äëxgacüarü duüxüü inadaechinü.

48 Rü yexguma ga Ngechuchu rü yema duüxügüna naca, rü ñanagürü nüxü: —¿Tüxcüü taragü rü naixmenëägümaã chauxcëx nuã pexi na choxü peyarüyauxgüxcëx ñoma wüxi i ngëtëxáxü chiixürüü?

49 —Rü guxü ga ngunëxügu rü petanüwa chayexma ga yexguma tupauca ga taxünewa changüëetaegu, rü taguma choxü piyauxgü. Natürü ñãã ñüxma ngupetüxü, rü nangupetü na yangüxcëx i Tupanaärü ore i ümatüxü —ñanagürü.

50 Rü yexguma ga guxüma ga norü ngüexügü rü nüxna nibuxmü. Rü nüxcatama yéma nanatëxgü ga Ngechuchu.

51 Natürü wüxi ga ngextüxcü ga düxruümaãica nügü nuquecü nawe nixüchigü. Rü yema duüxügü rü nayayaugü.

52 Natürü nüma rü nüxü ningëx ga yema düxruü, rü yemaãcü ngexchiruãcüma ñiña.

Äëxgacügüpëxewa Ngechuchuxü nagagü

(Mt 26.57-68; Lc 22.54-55, 63-71; Cu 18.12-14, 19-24)

53 Rü yexguma ga yema duüxügü rü paigüarü äëxgacüpëxewa nanagagü ga Ngechuchu. Rü yexma nangutaquëxegü ga guxüma ga togü ga paigü ga äëxgacügü ixügüxü, rü yema Yudiugüarü äëxgacügüerugü, rü yema ngüexëerugü ga mugüwa ngxüëetaegüxü.

54 Natürü ga Pedru rü yaxügu nawe nixächigü ñüxmata guma paigüarü äëxgacüpataëxtüwa nangu. Rü purichiágü ga tupauca ga taxüneärü dauruügümaã yéma iãxtüwa narüto. Rü nügü yéma nanaixü üxüxtawa.

55 Rü yema paigüarü äëxgacügü rü guxüma ga yema togü ga äëxgacügü ga itaxü rü naxcëx nadaugü ga ñüxãcü Ngechuchuxü na inaxuaxügüxü rü na yamëxgüãxüxcëx. Natürü taxucürüwa nüxü inayangaugü ga ñacüxcëx tá na yamëxgüãxü.

56 Yerü woo muxüma ga duüxügü rü nüxü nixugüe ga doramare ga nachiga, natürü nügütanüwatama rü tama nawüxigu ga norü ore.

57-58 Rü ñüxre ga togü inachigü rü doraxümare nixugüe ga Ngechuchuchiga. Rü ñanagürügü: —Toma nüxü taxüncü ga na ñaxü:

“Tá chanangutaxüxëe ya daa tupauca ya taxüne ya duüxügü üxüne. Rü tomaëxpüx i ngunëxügu tá chanaxü ya naï ya tama duüxügü üxüne”, ñaxü —ñanagürügü.

59 Natürü woo yema oremaã, rü tama nawüxiguéga ga norü ore.

60 Rü yexguma ga guma paigüarü äëxgacü rü guxüpëxewa inachi. Rü Ngechuchuna naca, rü ñanagürü: —¿Ëxna taxuxümaãma cunangãxü i ñüxmax? ¿Rü ñacü nixi i ngëma nüxü yaxugüxü i cuchiga? —ñanagürü.

61 Natürü ga Ngechuchu rü nangeëxmare, rü taxuxümaãma nanangãxü. Rü yemacëx ga nüma ga paigüarü äëxgacü rü wenaxärü nüxna naca, rü ñanagürü: —¿Rü cuma quixü ya Cristu ya Tupana ya mecü Nane? —ñanagürü.

62 Rü Ngechuchu rü ñanagürü nüxü: —Ngü. Ngëma nüxü quixuxü chixi. Rü tá choxü pëdaugü i ngëxguma Tupana ya poracüarü tügüncëwawa charütöxgu rü ngëxguma caixanëxügu wenaxärü nüma chaxüxgu —ñanagürü.

63 Rü yexguma ga guma paigüarü äëxgacü rü norü numaã nügüchirugu nagaugü. Rü ñanagürü: —¿Tüxcüü marü tanaxwëxe i to i duüxü i nüxü ixugüxü i nachiga?

64 —Rü pematama marü nüxü pëxüncü na ñüxãcü Tupanamaã naguxchigaxü. ¿Rü ñüxü ñapegüxü i ñüxmax? —ñanagürü. Rü guxüma wüxigu narüxüncü rü: —Aixcüma nixi na chixëxü naxüxü rü namëxü na nayuxü —ñanagürügü.

65 Rü ñüxre ga nümagü rü inanaxügüe ga nüxna na naçuaixgüxü. Rü nanatüxetügü rü ñüxüchi nüxü nidagügü ñaxümaã: —¿Nüxü nacüex na texëcuxü idagüxü! —ñanagürügü. Rü yema tupauca ga taxüneärü dauruügü ga purichiágü rü nanapechiwëgü.

Pedru rü tama nügü nixu na Ngechuchuxü nacüãxü

(Mt 26.69-75; Lc 22.56-62; Cu 18.15-18, 25-29)

66 Rü yoxni ga Pedru rü ñaxtüwa äëxgacüpataëxtüwa nayexma. Rü yexgumayane yéma ingu ga wüxi ga pacü ga guma äëxgacüarü duüxü ixücü.

67 Rü yexguma Pedruxü nadëxgu ga yéma üxüxtawa nügü na nanaixüxü, rü meã nüxü idawenü, rü ngigürügü nüxü: —Cuma rü ta namücü quixi i ngëma Ngechuchu i Nacharëtucüãx —ngigürügü.

68 Natürü ga Pedru rü nügü inicux na Ngechuchuarü duüxü yixü, rü ñanagürü: —Choma rü tama nüxü chacüex ya yima. Rü tama nüxü chacüex i ñacüchiga nixi i ngëma nüxü quixuxü —ñanagürü. Rü yexguma ga nüma rü ipataëxtüarü düxëtüwa naxü. Rü yexgumatama nica ga otá.

⁶⁹ Natürü ga yema pacü rü wenaxärü Pedruxü idau, rü inaxügü ga yema togümaã nüxü na yaxuxü, rü ngígürügü: —Ñãã rü wüxi i natanüxü nixi —ngígürügü.

⁷⁰ Natürü nüma ga Pedru rü wena tama nügu nixu. Rü yixcamaxüra rü yema duüxügü ga yéma yexmagüxü rü wenaxärü ñanagürügü nüxü: —Aixcüma nixi na cuma rü ta ngëma Ngechuchutanüxü na quiixü, erü wüxi i Garirëaanecüñax quiixi —ñanagürügü.

⁷¹ Rü yexguma ga Pedru rü poraäcü nügu nixã, rü ñanagürü: —Rü aixcüma tama nüxü chacuëx i ngëma yatü i nachiga pidexagüxü. Rü ngëxguma doraxü chixuxgu rü ¡Tupana choxü poxcux! —ñanagürü.

⁷² Rü yexgumatama norü taxreëxpüxcüna nica ga otá. Rü yexguma ga Pedru rü nüxna nacuëxächi ga yema ore ga ñpacü Ngechuchu namaã nüxü ixuxü ga ñaxü:

“Rü naxüpa na taxreëxpüxcüna otá içaxü, rü cuma rü tá tomaëxpüxcüna cugü quicux na chorü duüxü quiixü”, ñaxü. Rü yexguma ga Pedru rü poraäcüxüchima naxaxu.

15

Piratupëxewa nayexma ga Ngechuchu

(Mt 27.1-2, 11-14; Lc 23.1-5; Cu 18.28-38)

¹ Rü yexguma yangunegu, rü nangutaquëxegü ga äëxgacügü ga taxügu ga paigüarü äëxgacügü rü Yudiügüarü äëxgacügüerugü rü ngüexëruügu ga mugüwa nguxëetaegüxü rü guxüma ga togü ga yema äëxgacügütanüwa ügüxü. Rü Ngechuchuxü yanëixgüchacuüäcüma äëxgacü ga Piratuxütawa nanagagü.

² Rü nüma ga Piratu rü Ngechuchuna naca rü ñanagürü: —¿Cuma quiixü i Yudiügüarü äëxgacü ya tacü? —ñanagürü. Rü Ngechuchu nanangäxü, rü ñanagürü: —Ngü, yima nüxü quixucü chixi —ñanagürü.

³⁻⁴ Natürü yema paigüarü äëxgacügü rü poraäcü ñanaxuaxügüama, rü yemacëx ga Piratu rü wenaxärü Ngechuchuna naca, rü ñanagürü: —¿Ëxna taxuxümaãma cunangäxü? ¡Dücëx i ñuxre i cuchiga i nüxü yaxugüexü! —ñanagürü.

⁵ Natürü ga Ngechuchu rü taxuxümaãma nanangäxü. Rü yemacëx ga Piratu rü poraäcü nabaixächiaë.

Piratu rü Ngechuchumaã nanaxuegu na nayuxücëx

(Mt 27.15-31; Lc 23.13-25; Cu 18.38-19.16)

⁶ Rü gucü ga taunecügu ga yexguma yema Üpetüchigaarü petawa nanguxgu rü Piratu ñananguxuchixëëxü ga wüxi ga poxcuxü ga duüxügü naxcëx ícagüxü, yerü yema nixi ga nacüma.

⁷ Rü wüxi ga yatü ga Barabágu äegaxü, rü poxcupataügu napoxcu wüxigu namaã ga togü ga natanüxü ga máetagüxü ga yexguma äëxgacüxü ñatëxüchigüchaügu.

⁸ Rü yema duüxügü rü yéma Piratuxütawa nangugü. Rü ñanaxügüga ga Piratuna na nacagüexü na naxcëx yangëäxücëx ga wüxi ga poxcuxü aixrügumarüü.

⁹ Rü Piratu nanangäxü, rü ñanagürü: —¿Penaxwëxëxü na pëxcëx íchananguxuchixëëxü ya yima Ngechuchu ya duüxügü Yudiügüarü äëxgacümaã naxugüäcü? —ñanagürü.

¹⁰ Rü yema ñanagürü ga Piratu yerü nüxü nacuëx ga na yema paigüarü äëxgacügü rü na yaxauxächixëëxü yíixü ga Ngechuchu nüxna yamugüäxü.

¹¹ Natürü ga yema paigüarü äëxgacügü rü duüxügüxü namugü ga na tagaäcü naxcëx ñnacagüxü ga na Barabáxü yangëxücëx.

¹² Rü yexguma ga Piratu rü nüxna naca, rü ñanagürü: —¿Rü tacü nixi i penaxwëxëxü na chanaxüxü namaã ya yima Yudiügüarü Äëxgacügu pëxüegacü? —ñanagürü.

¹³ Rü nümagü ga duüxügü rü tagaäcü nanangäxügü, rü ñanagürügü: —¡Curuchawa yapota! —ñanagürügü.

¹⁴ Rü yexguma ga Piratu rü ñanagürü nüxü: —¿Natürü tacü rü chixëxü naxü? —ñanagürü. Natürü ga nümagü rü wenaxärü tagaäcü ñanagürügü: —¡Curuchawa yapota! —ñanagürügü.

¹⁵ Rü yexguma ga Piratu rü Barabáxü ñnanguxuchixëë, yerü duüxügüxü nataãëxëëchaü. Rü yexguma churaragüxü Ngechuchuxü naçuaixëëguwena ga Piratu, rü ñuxüchi nüxna nanamu na curuchawa yanapatagüäxücëx.

¹⁶ Rü yexguma ga nümagü ga churaragü rü äëxgacüpataëxtüwa nanagagü. Rü yéma nanangutaquëxëë ga guxüma ga namücügü ga churaragü.

¹⁷ Rü ñuxüchi ga yema churaragü rü wüxi ga máxü ga daucharaxü ga naxchirugu nayacuëëgü. Rü naëruwa nayangëxcuchigü ga wüxi ga boxü ga chuchuxüwa naxügüxü.

¹⁸ Rü yemawena ñanaxügüga na tagaäcü ñagüxü: —¡Namaxü ya Yudiügüarü äëxgacü! —ñagüxü.

¹⁹ Rü wüxi ga naixmenëxãmaã naëruwa nanaçuaixcagü, rü nüxna nacuaixgüga. Rü napëxegu nacaxäpüxügü rü nüxü nicuëxüügünetä.

²⁰ Rū yexguma yemaācū nagu yadauxcūraxūgūguwena, rū ínanacuxuchigū ga yema naxchiru ga daucharaxū. Rū wenaxārū naxchirugutama nayacuxēēgū. Rū űuxūchi ínanagaxūchigū na curuchawa yanapotagūāxūcēx.

*Ngechuchuxū curuchawa nipotagū
(Mt 27.32-44; Lc 23.26-43; Cu 19.17-27)*

²¹ Rū yéma naxūpetū ga wūxi ga yatū ga Chireneclāx ga Chimáūgu āegacū ga Areyáūdru rū Rufu nanatū íxícū ga naānewa ne űcū. Rū yexguma yéma naxūpetūgu rū yema churaragū rū guma yatūxū ngīxū iningexēēgū ga Ngechucharū curucha.

²² Rū Ngechuchuxū nawa nagagū ga wūxi ga nachica ga Górgutaga āegaxū. Rū yema naega rū: Duūxēēruchinēxāchitaū, űaxūchiga nixī.

²³ Rū nūxna nanaxāgū ga binu ga miramaā āēűcū. Natūrū nūma ga Ngechuchu rū tama nayaxaxū.

²⁴ Rū yemawena curuchawa nayapotagū. Rū nūmagū ga churaragū rū wūxi ga díeru ngīxū nañanagūgū na yemawa nūxū nacuēxgūxūcēx na űuxācū tá nūgūmaā yatoyeāxūcēx ga Ngechuchuchiru, rū űacū tá na yangexū ga wūxichigū.

²⁵ Rū meāma 9 arū oragu ga pēxmama nixī ga curuchawa yapotagūāxū.

²⁶ Rū yéma nayapocuchi ga wūxi ga mūrapewa ga āegatachinūxū ga nūxū íxuxū ga űacūcēx curuchawa na yapotagūāxū. Rū yema naega ga mūrapewagu űxū, rū űanagūrū: “Yudūgūarū Āēxgacū”, űanagūrū.

²⁷ Rū naxrū ű curuchawa nayapotagū ga taxre ga máētagūxū rū wūxi ga norū tūgūnecūwawa rū to ga norū űoxwecūwawa.

²⁸ Rū yemaācū ningu ga Tupanaārū ore ga űmatūxū ga űaxū:
“Ngēma chixexū űgūxūtanūwaama natēx”,
űaxū.

²⁹⁻³⁰ Rū yema duūxūgū ga yéma chopetūxū, rū Ngechuchumaā naguxchigagū, rū nanexāērugūācūma űanagūrūgū: —jDūcēx! Cuma cunangutaūxēēega ya tupauca ya taxūne, rū tomaēxpūx i ngunexūgu wenaxārū ícunadaxēēega. jĒcū! jCugūutama namaxēē i űuxmax, rū írūxī i curuchawa! —ñanagūrūgū.

³¹ Rū yexgumarū ű ta Ngechuchuxū nacugūecūraxū ga paigūarū āēxgacūgū, rū ngūxēēerūgū ga ore ga mugūwa ngxūēētaegūxū. Rū űanagūrūgū: —Nūma rū togūxū namaxēēē, natūrū taxucūrūwama nūgūutama namaxēē.

³² —jűuxma rū ínaxīx i curuchawa i ngēma Cristu i Iraēanecūāxārū Āēxgacū na nūxū idaugūxūcēx rū nūxū yaxōgūxūcēx! —ñanagūrūgū. Rū woo ga yema máētagūxū ga naxrū ű curuchawa ípotagūxū, rū namaā naguxchigagū.

*Nayu ga Ngechuchu
(Mt 27.45-56; Lc 23.44-49; Cu 19.28-30)*

³³ Rū yexguma tocuchiwa nanguxgu, rū guxū ga naānewa naxēāne űuxmata yáuanecū tomaēxpūxarū orawa nangu.

³⁴ Rū yematama oragu rū tagaācū aita naxū ga Ngechuchu, rū űanagūrū: —Erix, Erix, ¿damá chabátani? —ñanagūrū. Rū ngēma rū űaxūchiga nixī: “Pa Chorū Tupanax, Pa Chorū Tupanax ¿tūxcū ű choxū nuā cutēx?” űaxūchiga nixī.

³⁵ Rū nūmaxū ga duūxūgū ga yéma yexmagūxū, rū nūxū naxīnūē rū űanagūrūgū: —jDūcēx, nūxū pexīnūē! Nuxcūmaācū ga Tupanaārū orearū uruū ga Eriacēx naca —ñanagūrūgū.

³⁶ Rū yexguma rū wūxi ga yema duūxūgū ga yéma yexmagūxū, rū ínañāāchi rū wūxi ga tūaxmū níwaixēē namaā ga binu ga marū ngūchiēxūchicū. Rū wūxi ga dexnewa nayanēix, rū űuxūchi Ngechuchuxūgu nanawēx na nūxū natuxuxūcēx. Rū yema togūxū űanagūrūgū: —jYixrūma! jNgīxā rū itarūdaunū ngxoxita Eriá nuā ű na curuchawa ínaxīxēēāxūcēx! —ñanagūrūgū.

³⁷ Natūrū nūma ga Ngechuchu rū tagaācū aita naxū, rū űuxūchi nayu.

³⁸ Rū yexguma ga tupauca ga taxūneārū tūyemachiāxū rū taxregu narūgaute. Rū daxūwa ínaxūgū ga na nagautexū rū űuxmata űaxtūwa nangu.

³⁹ Rū guma churaragūarū āēxgacū ga Dumacūāx ga Ngechuchupēxewa yexmacū, rū yexguma nūxū nadēuxgu ga na nayuxū, rū űanagūrū: —Aixcūma nixī ya daa yatū i Tupana Nane na yīxū —ñanagūrū.

⁴⁰ Rū iyexmagū ta ga űuxre ga ngecūgū ga yéma yaxūwa nūxū rūdaunūcū. Rū yematanūwa iyexmagū ga María ga Magadacūāx, rū Charumé, rū María ga Yúche rū Chaűtiágu ga rūbūmaēcū naē.

⁴¹ Rū yema ngecūgū iyixī ga Ngechuchuxū íxūmūcūgūcū rū nūxū rūngūxēēgūcū ga yexguma Garirēanewa nayexmagu. Rū yexgumarū ű yéma iyexmagū ga mucūma ga naigū ga ngecūgū ga Ngechuchuwe rūxīcū ga yexguma Yerucharēūwa naxūxgu.

*Ngechuchu rü naxmaxügu nayanaxüchigü
(Mt 27.57-61; Lc 23.50-56; Cu 19.38-42)*

⁴²⁻⁴³ Rü yexguma marü nachütachaügu ga yema ngunexü ga Yudiügu nagu nügü imexëégüxü naxcëx ga ngüxchigaarü ngunexü, rü noxtacüma Piratuxütawa naxü ga Yüche ga Arimatéacüäx. Rü nüma ga guma Yüche rü Yudiüguarü äëxgacügu ga tacütanüwa naxü, rü wüxi ga äëxgacü ga poraacü nüxü nangechaügücü nixi. Rü nüma rü ta inananguxëë na Tupana norü äëxgacü yixüxcëx. Rü Piratuxütawa naxcëx ínayaca ga Ngechuchuxüne.

⁴⁴ Rü nañaixächiaë ga Piratu ga marü na nayuxü. Rü yemacëx norü churragüarü äëxgacücëx nangema na nüxna naçaxüxcëx na ñuxgumama yixü ga marü na nayuxü.

⁴⁵ Rü yexguma norü churragüarü äëxgacü namaã nüxü ixuxgu ga marü na nayuxü, rü nüma ga Piratu rü Yüchena nanaxã ga naxüne.

⁴⁶ Rü yexguma ga Yüche rü naxcëx nataxe ga wüxi ga naxchápenüü ga mexëchixü. Rü curuchawa nanayaxu ga Ngechuchuxüne, rü yema naxchápenüümaã nananuque. Rü wüxi ga mëxpüne ga nutanaxcëxu ðpaacü yacaxmaügüxü ga naxmaxügu nayanaxüchuci. Rü ñuxüchi wüxi ga nuta ga tacümaã nanangüxtaü.

⁴⁷ Rü María ga Magadacüäx rü María ga Yüche naë rü nüxü irüdaunü ga ngexta na yanaxüchigüäxü.

16

*Wenaxãrü namaxü ga Ngechuchu
(Mt 28.1-10; Lc 24.1-12; Cu 20.1-10)*

¹ Rü sabadarü ngunexüguwena, rü María ga Magadacüäx, rü Charumé, rü María ga Chaütüga naë naxcëx itaxegü ga pumara na namaã nachaãxüxcëx ga Ngechuchuxüne.

² Rü pëxmaxüchi ga noxri üëxcü iyarügoxgu ga yixüarü ngunexügu, rü yema ngecügü rü iyadaugü ga yema naxmaxü ga nagu yanaxüchigüäxüwa.

³ Rü ngigü ngigürügügu: —¿Texé tá taxcëx itanaxügachi ya yima nuta ya namaã nangüxtaücü? —ngigürügügu.

⁴ Natürü yexguma meãma nüxü nadaunügu, rü nüxü idaugü ga marü na ínoxügachixü ga guma nuta ga tacü ga namaã nangüxtaücü ga yema naxmaxü.

⁵ Rü yexguma nagu nadaugüga yema naxmaxü, rü nüxü idaugü ga wüxi ga ngextüxücü ga mëxchiruxü ga cómüchiruxü ga yéma naxmaxüarü tügüncëwawa rütöxü. Rü poraacü ðaixächiaëgü ga yema ngecügü.

⁶ Natürü nüma rü ñanagürü ngixü: —¡Tãxü i peñaixächieü! Pema rü naxcëx pedaügu ya Ngechuchu ya Nacharëtucüäx ga guma curuchawa yapotagüäcü. Marü wena namaxü, rü nataxuma i nuã. ¡Düxcëx, meã nüxü pedëux i ñaã nachica ga nagu naxügüäxü!

⁷ —¡Rü paxa ípixi rü Pedrumaã rü ngëma togü i ngüexügümaã nüxü peyarüxugüe, rü ñapegügü nüxü:

“Nüma ya Ngechuchu rü marü nüxira pexüpa Garirëaanewa naxü. Rü ngëma tá nüxü peyadaugü ngëma pemaã nüxü yaxuxürüü”, ñapegügü nüxü! —ñanagürü.

⁸ Rü yexguma ga yema ngecügü rü nüxna iyabuxmü ga yema naxmaxü, yerü ngürü muñëmaã poraacü iyaduruxe. Rü taxüemaãma nüxü iyaxugügü, yerü poraacü imuñë.

*Ngechuchu rü ngixcëx nangox ga María ga Magadacüäx
(Cu 20.11-18)*

⁹ Rü yexguma Ngechuchu yuwa írüdaxguwena ga noxri yangunegu ga yixüarü ngunexügu, rü ngixcëxira nangox ga María ga Magadacüäx ga ngüwa ínawoxüäcü ga 7 ga ngoxögü.

¹⁰ Rü ngüma rü iyaxü, rü namaã nüxü iyarüxu ga yema Ngechuchumücügü ga íngechaügüxü rü íxauxexü.

¹¹ Natürü ga nümagü rü tama nayaxögüchaü ga yexguma nüxü naxñüëgu ga na naxmaxüxü ga Ngechuchu rü na nüxü nadauxü ga ngümax.

*Ngechuchu rü taxre ga norü ngüexügücëx nangox
(Lc 24.13-35)*

¹² Rü yemawena ga Ngechuchu rü tödcü nangox naxcëx ga taxre ga norü ngüexügü ga yexguma nama ga naãnewaama nadaxügu naxixgu.

¹³ Rü nümagü rü nawoegu, rü yema togü ga ngüexügümaã nüxü nayarüxugü. Natürü yemagüaxü rü ta tama nayaxögü.

*Ngechuchu nanamu ga norü ngüexügü
(Mt 28.16-20; Lc 24.36-49; Cu 20.19-23)*

¹⁴ Rü yemawena ga Ngechuchu rü naxcëx nangox ga yema 11 ga norü ngüexügü ga yexguma mechawa ínachibüeyane. Rü nayangagü naxcëx ga tama aixcüma na yaxögüäxü rü

tama na inaxĩnũexũ. Yerũ ga nũmagũ rũ tama nũxũŋ nayaxõgũchaũ ga yema nũxũ daugũxũŋ ga marũ wena na namaxũxũ.

¹⁵ Rũ ñanagũrũ nũxũ: —¡Guxũ i nañewa pexĩ rũ guxũ i duũxũgũmaã nũxũ peyarũxu i ore i mexũ!

¹⁶ —Rũ yĩxema yaxõxẽ rũ ibaiexe rũ tá tũxũ nangẽxma i maxũ i taguma gũxũ. Natũrũ yĩxema tama yaxõxẽ rũ tá tapoxcu.

¹⁷ —Rũ ñaã tá nixĩ i cuèxruũgũ i nawa nũxũ icuáxũ i ngẽma yaxõgũxũ. Rũ chauégagu tá ínanawoxũ i ngoxogũ. Rũ ngexwacaxũxũ i nagagũwa tá nidexagũ.

¹⁸ —Rũ naxmẽxmaã tá nũxũ nayayauxãchi i ãxtapegũ. Rũ ngẽxguma yaxaxgũãgu i tacũ i nawa iyuxũ, rũ táũtãma nanachixexẽẽ. Rũ tá tũxũ ningõgũgũ ya ñaaweexe rũ tá tũmacèx nitaanegũ —ñanagũrũ.

Ngechuchu rũ daxũguxũ ga nañewa naxũ

(Lc 24.50-53)

¹⁹ Rũ nũma ga Cori ga Ngechuchu rũ yexguma norũ ngúexũgũmaã yadeaxguwena, rũ Tupana rũ daxũguxũ ga nañewa nanaga. Rũ Tupanaãrũ tũgũnecũwawa nayarũto.

²⁰ Rũ nũmagũ ga norũ ngúexũgũ rũ inaxĩãchi na guxũwama nũxũ yanaxugũexũ ga ore i mexũ. Rũ nũma ga Cori rũ nũxũ narũngũxẽẽ, rũ nanangoxẽẽ na aixcũma yĩxũ ga yema ore, yerwũ wũxigu namaã napuracũ na naxũgũãxũcèx ga mexũ ga taxũgũ ga Tupanaãrũ poramaã naxũgũxũ.

ORE I MEXÜ GA LUCA ÜMATÜXÜ

Norü ügü i ore ga Ngechuchuchiga

¹⁻² Pa Mecü Pa Teóquirux, nayexma ga tacü ga totanüwa ngupetüxü. Rü muxüma ga duüxügü rü marü nanaxümatügü ga yemachiga, yexgumarüü ga tomaã nüxü na yaxugüexürüü ga yema duüxügü ga noxriarü ügügumama Ngechuchuxü daugüxü rü nüxü rüngüxëëgüxü ga norü orearü uchigawa.

³⁻⁴ Rü ngëmacëx, Pa Teóquirux, rü choma rü ta meãma naxcëx íchaca ga nachiga ga guxüma ga yema Ngechuchü üxü. Rü ñuxma rü chauxcëx rü name na meãma cuxcëx chanaxümatüxü i ngëma na meãma nüxü cucuáxüçëx na aixcüma yïxü ga yema ore ga marüchirëx cuxü nangüxëëgüxü ga togü.

Tupanaärü orearü ngeruü ga daxüçüãx nanaxunagü ga Cuáü ga baiüxëëruüärü buxchiga

⁵ Rü yexguma Erobe äëxgacü ixïngu ga Yudéaanewa, rü yema nayexma ga wüxi ga Yudiügarüü pai ga Zacariagu äëgacü. Rü pai ga Aräütaa ga Abíatanüxü nixü ga nümax. Rü namëxëga rü Erichabé nixü. Rü tüma rü ta pai ga Aräütanüxü tixü.

⁶ Rü nüma ga Zacaría rü namëx ga Erichabé rü meãma Tupanapëxewa, namaxë rü aixcüma naga naxinüë ga norü mugü. Rü yemaäcü taxucürüwa texé chixri nachiga tidexagü.

⁷ Natürü nangexacügü yerü namëx rü ingexacü. Rü ñuxüchi ga nümagü rü marü yaguãxgü nixügü.

⁸ Rü wüxi ga ngunexügu rü yema paigütücumü ga Zacaría natanüwa üxügu nangu na tupauca ga taxünewa Tupanaärü puracü naxügüxüçëx.

⁹ Rü yema paigü rü nacüma nixü ga nüxü na naxunetagüxü ga wüxi ga natanüxü na tupaucaarü aixepëgu naxüçuxüçëx rü yema Tupanacëx na yaguãxüçëx ga pumara ga yixixü. Rü yema ngunexügu rü Zacariagu nangu na tupaucaarü aixepëgu naxüçuxüçëx na yema yaguãxüçëx ga pumara.

¹⁰ Rü yema pumara iyaguyane rü guxüma ga duüxügü ga düxétüwa yexmagüxü rü inayumüxëgü.

¹¹ Rü ngürüächü Zacariacëx nangox ga wüxi ga Tupanaärü orearü ngeruü ga daxüçüãx. Rü yema nachica ga pumara nawa yagugüxüärü tügüncëwagu nachi.

¹² Rü yexguma Zacaría nüxü dëuxgu ga yema Tupanaärü orearü ngeruü ga daxüçüãx, rü poraäcü nabaixächüäë, rü poraäcü namuü.

¹³ Natürü yema daxüçüãx ga Tupanaärü orearü ngeruü rü ñanagürü nüxü: —Pa Zacaría, itäxü i cumuüxü! Erü! Erü! Tupana rü marü nüxü naxinü i curü yumüxë. Rü cuxmëx i Erichabé rü cuxü tá ixäxäcü, rü Cuáügu tá cunaxüéga.

¹⁴ —Rü cuma rü tá poraäcü cutaäëxüchi i ngëxguma nabuxgu. Rü muxüma i togü i duüxügü rü tá ta nataäëgüxüchi.

¹⁵ —Erü yima cunë rü Tupanapëxewa rü tá wüxi ya mexëchicü nixü. Rü täütáma binu nayaxaxü, rü taxuüma to i tacü rü ngüchixáxü tá nixaxü. Rü tauta nabuyane rü Tupanaäë i Üünexü rü tá nüxna nangu.

¹⁶ —Rü nüma tá muxüma i Yudiügüxü narüngüxëë na norü Cori ya Tupanacëx nawoëgüxüçëx.

¹⁷ —Rü nüma ya Cuáü rü tá Cori ya Cristupëxëgu nixü. Rü nuxcümaäcü ga Tupanaärü orearü uruü ga Eriarüü tá nixü erü tá nüxü nangëxma i Tupanaäë i poraxü. Rü ngëmaäcü tá nüxü narüngüxëë i papágü na naxäcügüxü nangechaüxü, rü ngëma tama Tupanaga inüëchaüxü rü na aixcüma inaxinüëxüçëx. Rü ngëmaäcü tá duüxügüxü inamexëë naxcëx ya Cori ya Cristu —ñanagürü ga yema daxüçüãx.

¹⁸ Rü Zacaría rü yema daxüçüãxna naca, rü ñanagürü: —¿Ñuxäcü tá nixü i ngëma na naxäxäcüxü i choxmëx? Erü marü chayaxüchi i chomax rü ngüma rü ta marü iya —ñanagürü.

¹⁹ Rü Zacariaxü nangäxü ga yema daxüçüãx, rü ñanagürü: —Choma nixü i Gabi i Tupanaärü puracü chaxüxü. Rü nüma nüma choxü namu na cumaã nüxü na chixuxüçëx i ñaã ore i mexü.

²⁰ —Natürü ñuxma i cuma rü tama choxü cuyaxö i ngëma ore i cumaã nüxü chixuxü. Rü ngëmacëx i ñuxma rü tá cungega ñuxmatáta nabu i ngëma cune. Natürü ngëma cumaã nüxü chixuxü, rü aixcüma tá ningü nagu i ngëma ngunexü i Tupana ixunetaxü —ñanagürü.

²¹ Rü yoxni ga duüxügü rü tupaucaarü düxétüwa Zacariaxü nananguxëëgü. Rü nügüna nacagüë ga tacüçëx na tama paxa yema inaxüxüxü.

²² Rü yexguma Zacaría tupaucawa ixüüxgu, rü taxucürüwa duüxügümaã nidëxa, yerü nangega. Rü nümagü ga duüxügü rü nüxü nicuëxächitanü ga tacüxü na nadauxü ga Zacaría

ga tupaucaarü aixepena. Rü Zacaría rü naxmëxmaã duüxügüxü nüxü nacuëxëë ga tacü nüxü na üpetüxü, yerü nangea.

²³ Rü yexguma Zacaría naguxëëgu ga na naxüãxü ga Tupanaärü puracü ga tupauca ga taxünewa, rü wenaxärü napatacëx nataegu.

²⁴ Rü yemawena rü Zacaría namëx ga Erichabé rü ixãxãcü. Rü ngïpatagu irüxãüëcha, rü wüximëëxpüx ga tauemacü taguma düxétüwa ixü.

²⁵ Rü ngïxïcatama ngïgürügü: —Cori ya Tupana rü poraäcü choxü narüngüxëë. Rü ñuxma rü marü täütáma chixri chauchiga nidexagü i duüxügü naxcëx na changexacüxü —ngïgürügü.

Wüxi ga Tupanaärü orearü ngeruü ga daxücüãx nüxü nixu ga Ngechucharü buxchiga

²⁶ Rü 6 ga tauemacü marü ngïxü mexgu ga Erichabé ga yema na naxãxãcüxü, rü Gariréanewa yexmane ga ñãne ga Nacharétuwa Tupana nanamu ga norü orearü ngeruü ga Gabi.

²⁷ Rü ngïxütawa naxü ga wüxi ga pacü ga taguma yatü ngïmaã maüxcü. Rü María nixi ga ngïega. Rü ngïma rü ixãtechaü namaã ga wüxi ga yatü ga Yúcheгу äegacü. Rü nüma ga Yúche rü nuxcümaücü ga äëxgacü ga Dabitanüxü nixi.

²⁸ Rü yema nachica ga María nawa yexmaxügu naxücu ga Gabi, rü ñanagürü ngïxü: —Nuxmaë Pa María. Tupana rü poraäcü cumaã nataãë. Rü Cori ya Tupana rü cuxütawa nangëxma, rü guxü i ngëxügüarü yexera marü cuxü narüngüxëë —ñanagürü.

²⁹ Natürü yexguma María nüxü dëuxgu ga yema daxücüãx ga Tupanaärü orearü ngeruü, rü namaã ñaixãchiãë ga yema norü ore ga ngïmaã nüxü yaxuxü. Rü ngïgüãëwa nagu irüxüñü ga tüxcüü yemaäcü ngïxü na namoxëxü.

³⁰ Rü yexguma ga Gabi rü ñanagürü ngïxü: —Pa María, tama name na cumuüxü, erü Tupana rü poraäcü cumaã nataãë.

³¹ —Rü ñuxma rü tá tauemacü cuxü inayarütaxu, rü tá cuxãxãcü, rü tá nayatü i cuxacü. Rü Ngechuchugu tá cunaxüëga.

³² —Rü nüma rü wüxi ya äëxgacü ya taxüchicü tá nixi. Rü Tupana ya Taxüchicü Nane tá nixi i naega. Rü Cori ya Tupana rü tá nuxcümaücü ga äëxgacü ga Dabirüü äëxgacüxü nayaxixëë.

³³ —Rü nüma rü guxügutáma Yudügüarü äëxgacü nixi. Rü tagutáma ñanguxuchi na äëxgacü na yïixü —ñanagürü.

³⁴ Rü yexguma ga María rü Gabina ica, rü ngïgürügü: —¿Ñuxãcü tá nixi i ngëma na chaxãxãcüxü, erü tauta chaxãte? —ngïgürügü.

³⁵ Rü nüma ga Gabi rü ngïxü nangãxü, rü ñanagürü: —Tupanaãë i Üünëxü tá cuxna nangu. Rü Tupana ya Tacüarü pora rü wüxi i caixanëxürüü tá cugu nayangaixema. Rü ngëmacëx ngëma õxchana i namaã cuxãxãcüxü rü Tupanapëxewa mecüxüchi tá nixi, rü Tupana Nanemaã tá nanaxugü i duüxügü.

³⁶ —Rü cutanüxü i Erichabé rü marü ixãxãcü woo marü yaguãxchirëx na yïixü. Rü woo ga duüxügü rü:

“Tagutáma ixãxãcü” ñanagürügü ngïxü, natürü i ñuxma rü marü 6 ya tauemacü ngïxü name na marü naxãxãcüxü.

³⁷ —Erü Tupanaãxü rü taxüüma naguxcha —ñanagürü.

³⁸ Rü yexguma ga María rü ngïgürügü: —Chorü Cori ya Tupanaärü duüxü chixi i chomax. Rü marü name i chomaã nanaxü i ngëma chomaã nüxü quixuxüãcüma —ngïgürügü. Rü yexguma ngïxna ñnixü ga yema Tupanaärü orearü ngeruü ga daxücüãx ga Gabi.

María rü Erichabéxütagu inaxüãne

³⁹ Rü yexgumaücüü ga María rü paxama nawa ixü ga guma ñãne ga Zacaríaapata nawa yexmane ga Yudéaaneärü dauxchitawa.

⁴⁰ Rü Zacaríaapatawa ingu, rü iyaxücu, rü Erichabéxü irümoxë.

⁴¹ Rü yexguma Erichabé nüxü ñnügu ga Maríaarü moxë, rü ngïrü õxchana ga ngïãñüwa yexmaxü rü nixiãxcüü. Rü Tupanaãë ga Üünëxü rü Erichabéna nangu.

⁴² Rü yexguma ga Erichabé rü tagaäcü Maríaü ngïgürügü: —Guxü i ngëxügüarü yexera Tupana cuxü narüngüxëë. Rü ngëxgumarüü ta cunexü narüngüxëë.

⁴³ —¿Tacüwa chame na nuã chauxütagu cunaxüãnëxü? Pa Chorü Cori Naëx.

⁴⁴ —Erü ngëxguma nüxü chaxüñügu i curü moxë, rü chauxacü i chauanüwa ngëmaxü rü norü taãëmaã nixiãxcüü.

⁴⁵ —Cuma rü cutaãë erü nüxü cuyaxó i norü ore ya Tupana. Rü ngëmacëx Tupana tá nayanguxëë i ngëma ore i cumaã nüxü yaxuxü —ngïgürügü ga Erichabé.

⁴⁶ Rü yexguma ga María rü ngïgürügü: —Choma rü chauãëwa poraäcü Tupanaxü chicuëxüü.

⁴⁷ —Rü chorü Cori ya chorü Maxëëruümaã chataãëxüchi.

48 —Rü woo wüxi i Tupanaärü duüxü i ngearü dīeruāxē chixī, natürü Tupana chaugu narüxinü. Rü ñuxmaücüü i duüxügü rü taäëxcümaā guxügütama choxü naxügüe.

49 —Erü Tupana ya Poracü rü taxü i mexü chauxcëx naxü. Rü naxüüne i naëga ya Tupana.

50 —Rü nüma ya Tupana rü guxügütama nüxü tangechaütümüügü ya guxāma ya yixema aixcüma nüxü muüëxë.

51 —Rü guxü ga norü poramaā tüxü narüyexera ga guxema tügütama icuëxüügüxe.

52 —Rü marü ínanawoxü ga yema äëxgacügü ga nügü icuëxüügüxü. Natürü guxema duüxëgü ga tama tügü icuëxüügüxe, rü poraäcü tüxü narüngüxëë.

53 —Rü guxema tüxü nataxüxe, rü muxüma tüxna naxā. Natürü guxema muärü dīeruāxgüxe rü taxuüma tüxna naxāäcüma tüxü ínimugü.

54 —Rü poraäcü nüxü narüngüxëë ga norü duüxügü ga Yudiügü. Rü tama nüxü inarüngüma na nüxü ingechaütümüügüxü, yexgumarüü ga nuxcümaügüxü ga tatanüxümaā na inaxunetaxü.

55 —Yerü yemaäcü inaxuneta namaā ga tóru oxī ga Abráü rü namaā ga tatanüxügü na guxügütama tüxü nangüxëëxü —ngīgürügü ga María.

56 Rü tomaëxpüx ga tauemacü Erichabëxütagu irüxāüx ga María. Rü ñuxüchi ngīpatacëx itaegu.

Cuáü ga baiüxëëruüärü buxchiga

57 Rü nawa nangu ga ngunexü ga na naxíraxacüxü ga Erichabé. Rü nayatü ga ngíxäcü.

58 Rü yexguma nüxü nacuëxgüga na ñuxäcü Tupana ngímaā mecümaxü, rü ngírü ngaicamagu pegüxü ga duüxügü rü ngítanüxügü rü ngíxü ínayadaugü, rü ngíxü narümoëgü rü ngíxü nayataäëgüxëë.

59 Rü 8 ga ngunexügüwena rü ínayawiechëxmüpëxechiraügü ga guma ngíne. Rü nanatü ga Zacariagu nanaxüëgagüchaü ga duüxügü.

60 Natürü naë ga Erichabé rü tama inaxwëxe. Rü ngīgürügü: —Narümemaë nixī i Cuáügu tanaxüëga —ngīgürügü.

61 Rü duüxügü rü ñanagürügü ngíxü: —¿Tüxcüü cunaxwëxe i ngëma naëga? Erü cutanüxütanüwa rü tataxuma ya texé ya ngëmagu äegaxe —ñanagürügü.

62 Rü yexguma ga duüxügü rü naxmëxwa nanatü ga Zacariāna nacagüe ga tacü rü naëgagu tá na naxüëgaäxü.

63 Rü yexguma ga Zacaria rü poperaxü naxuneta na yexma na naxümatüäxüçëx ga naëga. Rü yexma nanaxümatü, rü ñanagürü:

“Cuáü tá nixī i naëga”, ñanagürü ga namatü. Rü guxüma ga duüxügü rü nañaxächiaëgü ga yexguma yema naëgaxü nadaugügu.

64 Rü yexgumatama wenaxärü nidexa ga Zacaria. Rü inanaxügü ga Tupanaxü na yacuëxüxü.

65 Rü yemacëx guxüma ga yema duüxügü ga norü ngaicamagu äpatagüxü rü poraäcü nañaxächiaëgü. Rü guxüwama ga yema naänewa ga Yudeaanewa rü duüxügü nüxü nixuchigagü ga yema ngupetüxü.

66 Rü guxüma ga nüxü cuächigagüxü ga yema ngupetüxü, rü nügüäxëwa nagu narüxinüëcha, rü ñanagürügü: —¿Tacü tá nixī i ngëma buxü? Erü Tupana rü aixcüma naxütawa nangëxma —ñanagürügü.

Zacaria rü Tupanaxü nicuëxüüü

67 Rü nanatü ga Zacariāna nangu ga Tupanaäë i Üünexü. Rü nüxü nixu ga yema ore ga Tupana namaā nüxü ixuxü.

68 Rü ñanagürü: —Name nixī i nüxü ticuëxüügü ya tóru Cori ga nuxcümaücü ga tóru oxī ga Iraëarü Tupana. Erü nüma tatanüwa nangu na tüxü yamaxëxëxüçëx i yixema i norü duüxügü na ixügüxü.

69 —Rü ngëmacëx tüxna nanamu ya wüxi ya poracü ya tóru maxëxëëruü ga nuxcümaücü ga norü duüxü ga Dabitanüxüwa ne ücü.

70 —Rü yemaäcü Tupana tamaā inaxuneta nawa ga yema nuxcümaügüxü ga norü orearü uruügü ga üünegüxü.

71 —Rü yema orearü uruügüwa nüxü nixu rü tá tüxü ínanguxüxëë naxmëxwa i tóru uwanügü rü guxüma i ngema duüxügü i taxchi aiexü.

72 —Rü nuxcümaügüxe ga tóru oxigümaā nüxü nixu na nüxü tangechaütümüügüxü rü tagütama nüxü íyanangümaxü ga yema tümamaā inaxunetaxü.

73-75 —Rü yemaäcü ga Tupana rü nuxcümaücü ga tóru oxī ga Abráümaā inaxuneta. Rü namaā nüxü nixu rü tá tüxü ínanguxüxëë nüxna i tóru uwanügü na tama imuüëäcüma naxüçëx i Tupanaärü puracü rü aixcüma mecü na ixügüxü napëxewa i guxü i tóru maxüwa i wüxichigü i ngunexügü —ñanagürü ga Zacaria.

⁷⁶ Rū ñanagürü ta: —Cumax, Pa Chaunex, rü Tupana ya Taxüchicüarü orearü uruümaã tá cuxü naxugü. Erü cuma rü tá Corixüpa yoxni duüxügümaã nüxü quixu i nachiga ya Cori.

⁷⁷ —Cuma rü Coriarü duüxügüxü tá nüxü cucuëxëë na Tupana tá nüxü nüxü ngechaüxü i norü pecadugü na ngëmaäcü nayauxgüäxüçëx i maxü i taguma güxü.

⁷⁸⁻⁷⁹ —Erü nüxü tangechaütümüügü ya Tupana ya poraäcü tüxü ngechaücü. Rü ngëmacëx daxügüxü i naänewa taxcëx ne nanamu i ñoma i naäneärü ngóonexëëruü i ngëxwacaxüxü na nangóonetanüxëëäxüçëx i ngëma duüxügü ga noxri guxüguma norü chixexügagu äücümäxüwa yexmagüxü. Rü nüma tá tüxü narüngüxëë na Tupanamaã rüngüxmüëxüçëx —ñanagürü ga Zacaría.

⁸⁰ Rü yema buxü rü niyachigü rü wüxichigü ga ngunexügu yexeraäcü Tupanaxü nicuächigü. Rü dauxchita ga ngextá taxüema íxäpataxüwa nayexma ñüxmata yema ngunexüwa nangu ga na Yudiügüxü nügü nacüëxëëxü.

2

Ngechuchuarü buxchiga (Mt 1.18-25)

¹ Rü yexguma Agutu äëxgacü ga tacü ixüxgu ga Dumawa, rü nanaxunagü ga na yaxugüäxü ga guxüma ga duüxügü ga guxü ga naänewa.

² Rü yema nüxüraüxü ga duüxügüarü ugüchiga, rü nanaxü ga yexguma Quirinu äëxgacü ixüxgu ga Chíriaarü naänewa.

³ Rü guxüma ga duüxügü rü wüxichigü norü iäne ga nagu nabuxünewa nixüchigü ga yéma na yaxugüäxüçëx.

⁴ Rü yemacëx ga Yüche rü Gariréaanewa yexmane ga iäne ga Nacharétuwa ínaxüxü, rü Yudéaarü naänewa yexmane ga iäne ga Beréüwa naxü. Rü guma nixü ga iäne ga nuxcümaücü ga äëxgacü ga Dabí nagu buxüne. Rü yemacëx nixü ga Yüche ga yéma naxüxü, yerü Dabítanüxü nixü ga nümax.

⁵ Rü Beréüwa naxü ga Yüche na yaxugüxüçëx wüxigu ngümaã ga María ga ngümaã naxämëxchaücü. Natürü ga María rü itacharaü ga na naxäxäcüxü.

⁶ Rü yexguma Beréüwa nayexmagüyane, ngixna nangu ga ngürü ngunexü ga na naxíracüxü ga María.

⁷ Rü yexma nabu ga nüxüraücü ga ngíne. Rü naxchápenüümaã inanuque. Rü wüxi ga wocaarü chibüchicagumare inacanagüxëë, yerü marü guxüma nixääcu ga ucapu nawa ga guma pegüpataü.

Tupanaärü orearü ngeruü ga daxüçüäx rü carnerugüarü dauruüçëx nangox

⁸ Rü Beréüarü ngaicamana nayexmagü ga ñuxre ga carnerugüarü dauruügu ga chütacü nachitaüwa norü carnerugüna ídaugüxü.

⁹ Rü ngürüächi yema carnerugüarü dauruügüçëx nangox ga wüxi ga orearü ngeruü ga daxüçüäx. Rü Cori ya Tupanaärü üüne rü nawa nayexma rü yemacëx poraäcü nangóone. Rü yema carnerugüarü dauruügü rü poraäcü namuüë.

¹⁰ Natürü yema orearü ngeruü ga daxüçüäx, rü ñanagürü nüxü: —¡Täxü i pemuüëxü! erü pëxcëx nuã chanange i wüxi i ore i mexëchixü i guxü i duüxügüarü taäëxëëruü tá ixüxü.

¹¹ —Erü ñüxmata rü Beréügu nabu ya perü maxëxëëruü. Rü nüma rü Cori ya Cristu nixü.

¹² —Rü ñaã tá nixü i perü cuëxruü. Rü tá nüxü ipeyangau i wüxi i õxchana i naxchápenüümaã nuquexü rü wocaarü chibüchicagu caxü —ñanagürü.

¹³ Rü yexgumatama ngürüächi yema daxüçüäx ga orearü ngeruüxütawa nangox ga muxüma ga togu ga daxüçüäx ga orearü ngeruügü. Rü Tupanaxü nicüëxüügü, rü ñanagürügü:

¹⁴ —Rü ñüxmata rü Tupanaxü ínicüëxüügü rü ínataäëgü i daxügüxü i naänewa. Rü pema i ñoma i naäneçüäx i Tupana pemaã taäëgüë, rü name nixü i pegümaã perüngüxmüë —ñanagürügü.

¹⁵ Rü yexguma daxüwa naxíxguwena ga yema orearü ngeruügü rü yema carnerugüarü dauruügü rü nügümaã ñanagürügü: —¡Ngíxã ítayadau i Beréüwa i ngëma ngupetüxü i Cori ya Tupana tamaã nüxü ixuxü nawa i norü orearü ngeruügü! —ñanagürügü.

¹⁶ Rü paxa inaxíächi, rü yéma naxü. Rü yexma inayangaugü ga Yüche rü María rü guma bucü ga wocaarü chibüchicagu cacü.

¹⁷ Rü yexguma yema bucüxü nadaugügu ga yema carnerugüarü dauruügü, rü duüxügümaã nüxü nixugüë ga yema ore ga Tupanaärü orearü ngeruü ga daxüçüäx namaã nüxü ixuxü ga guma bucüchiga.

¹⁸ Rü guxüma ga duüxügü ga nüxü ínüëxü ga yema carnerugüarü dauruügüarü ore rü namaã nabaixächiaëgü.

¹⁹ Natürü ga María rü inayaxu ga guxüma ga yema ngupetüxü rü ngĩãegu namaã inguxü rü nagu irüxnüëcha.

²⁰ Rü nawoegu ga yema carnerugüarü dauruügu. Rü taãëãcüma Tupanaxü nicuëxüüügu naxcëx ga guxüma ga yema nüxü naxinüëxü rü nüxü nadaugüxü yerü aixcüma yema orearü ngeruü ga daxüçüãx namaã nüxü ixuxüãcüma nangupetü.

Bucü ga Ngechuchu rü tupauca ga taxünewa nanagagü

²¹ Rü yexguma 8 ga ngunexü nüxü yexmagu ga na nabuxü ga õxchana, rü ñanawiehëxmüpëxechiraügu. Rü Ngechuchugu nanaxüëgagü. Rü yematama nixi ga naega ga daxüçüãx ga Tupanaärü orearü ngeruü Maríamaã nüxü ixuxü ga tauta namaã naxãxãcügu.

²² Rü yexguma marü yanguxgu ga yema ngunexü na tupauca ga taxünewa Tupanapëxewa na nügu yamexëëgüxü rü yéma naxi na yemaãcü Tupanapëxewa yanguxëëgüãxüçëx ga yema Moïchéarü mugü nüxü ixuxüürü. Rü Yerucharéüwa ga tupauca ga taxünewa nanagagü ga guma bucü na Tupanana namugüãxüçëx.

²³ Rü yemaãcü nanaxügu yerü Tupanaärü mugüwa naxümatü, rü ñanagürü:

“Ngëxguma wüxi i nge rü nayatügu i nüxüraüxü i ngixãcü, rü name i Cori ya Tupanana inamu”,

ñanagürü.

²⁴ Rü yéma naxi rü yéma nanagagü ga taxre ga muxtucugü ga yexwacëx yaexü, na Tupanacëx nadaiaüçëx ga paigü ga tupaucawa, yerü yema ñanagürü ga Tupanaärü mugüwa.

²⁵⁻²⁶ Rü yexgumaãcüü Yerucharéügu naxãchiü ga wüxi ga yatü ga Chimeügu äegacü. Rü wüxi ga yatü ga mecümacü nixi ga nümax, rü aixcüma Tupanaxü ngechaücü nixi. Rü nüma rü guxüguma ñananguxëë na ñuxguacü tá ñanguxü ya Yudiüguarü nguxüxëëruü ya Cristu. Rü Tupanaãe i Üünexü rü Chimeüxütawa nayexma, rü nüxü nüxü nacuëxëe na täütama nayuxü ega tama nüxü nadauxiragu ya Cristu ya Cori ya Tupana nacamucü.

²⁷ Rü yema ngunexügu rü tupauca ga taxünewa Chimeüxü naxüxëe ga Tupanaãe i Üünexü. Rü yéma nayexma ga Chimeü ga yexguma Yüche rü María tupaucawa nagagügu ga guma bucü ga Ngechuchu na Tupanana namugüãxüçëx na yemaãcü yanguxëëgüãxüçëx ga Moïchéarü mu.

²⁸ Rü Ngechuchuxü naganagü ga Chimeü. Rü Tupanaxü nicuëxüü, rü ñanagürü:

²⁹ —Pa Corix, ñuxma rü marü name na chayuxü, erü marü cuyanguxëë ga yema chomaã icuxunetaxü.

³⁰⁻³¹ —Rü chauxetümaãxüchi nüxü chadau ya daa Maxëxëëruü ya guxü i duüxügüçëx nüma cunamucü.

³² —Rü nüma nixi i ngóonexëëruü naxcëx i guxüma i duüxügu i tama Yudiügu ixigüxü. Rü ñaã õxchanagagu rü togü i duüxügu tá nüxü nicuëxüüügu i curü duüxügu i Yudiügu —ñanagürü.

³³ Rü Yüche rü María rü nabaixãchiãëgü namaã ga Chimeüärü ore ga ñuxãcü guma õxchanachigamaã na yadexaxü.

³⁴ Rü yexguma ga Chimeü rü Tupanana naca na meã nüxü nangupetügüxüçëx ga Yüche rü María rü guma õxchana. Rü ñanagürü ngixü ga María ga Ngechuchu naë: —Düçëx, daa õxchana rü tá nanamaxëëe i muxüma i Yudiügu, natürü ngëma tama nüxü yaxõgüchaüxü rü tá inayarütauxe. Rü nüma rü wüxi i cuëxruü tá nixi i duüxügüçëx, rü muxüma tá nüxü naxoe.

³⁵ —Rü ngëmaãcü tá nanangoxëëãma i guxüma i naãewa nagu naxinüëxü i muxüma i duüxügu. Rü guxüma i ngëma tá ñaã õxchanaxü ngupetüxü rü ñoma wüxi i cüxchi i curü maxünewa yarüwãxüürü tá cuxü nangux, Pa Maríax —ñanagürü.

³⁶ Rü yéma ta iyexma ga wüxi ga ngecü ga Tupanaärü orexü ixucü. Rü Ana nixi ga ngëga. Rü Panuëxãcü iyixi, rü Ácherutanüxü iyixi. Rü marü yaguãxüchi iyixi. Rü yexguma napaxüchigutama ixãte. Natürü 7 ga taunecü- guxicatama ngítemaã iyarüxüüxü, yerü nayu ga ngíte.

³⁷ Rü yemaãcü wüxi ga yutecü ga yaguãxüchi iyixi, yerü 84 nixi ga ngürü taunecü. Rü taguma tupauca ga taxünewa iixüxü. Rü guxüguma ngunecü rü chütacü rü naxaureãcüma iyumüxëëcha. Rü yemaãcü Tupanaxü iyacuëxüü rü inataxëë.

³⁸ Rü yexgumatama Chimeü iidexayane, rü yéma ingu ga Ana. Rü Tupanana moxë ixã. Rü iinaxügu ga õxchana ga Ngechuchuchiga na yadexaxü napëxewa ga guxüma ga yema Yudiügu ga Yerucharéüçüãx ga Cristuxü ñanguxëëgüxü na norü nguxuchixëëruü yixüçëx.

Ïãne ga Nacharétucëx nawoegu

³⁹ Rü yexguma marü yanguxëëgüãguwena ga guxüma ga yema Tupanaärü mugü nüxü ixuxü, rü Yüche rü María rü naxcëx nawoegu ga norü ñãne ga Nacharétu ga Gariréaanewa yexmane.

40 Rū guma bucū rū niyachigū, rū yexeraācū niporachigū, rū yexeraācū nūxū nicuáchigū. Rū Tupana rū poraācū nūxū narūngūxēē.

Bucū ga Ngechuchu rū tupauca ga taxūnewa naxo

41 Nanatū rū naē rū gucū ga taunecūgu Yerucharēūwa taxīxū naxcēx ga Ūpetūchigaarū peta.

42 Rū yexguma Ngechuchu 12 ga taunecū nūxū yexmagu, rū Yerucharēūwa taxī namaā ga nanatū rū naē, yerū yema nixī ga Yudiūgūcūma naxcēx ga Ūpetūchigaarū peta.

43 Rū yexguma yagūechigagu ga Ūpetūchigaarū peta, rū tūmachiūcēx tawoegu ga nanatū rū naē. Natūrū ga Ngechuchu rū tūmaēchita tūxna Yerucharēūgu narūxāūx.

44 Rū tūma nūxū tacuēxgūgu rū yema muxū ga duūxūgū ga tūmaweama ixiūūtanūxūtanūgu naxā ga Ngechuchu. Rū yemaācū marū itaxī ga wūxi ga ngunexū. Natūrū yexguma naxcēx tadaugūgu tūmatanūxūtanūgu rū yema tūxū cuēxgūxūtanūgu rū tama nūxū itayangaugū.

45 Rū yemacēx wenaxārū Yerucharēūcēx tawoegu na yexma naxcēx tayadaugūxūcēx.

46 Rū tomaēxpūx ga ngunexūguwena Ngechuchuxū itayangaugū ga tupauca ga taxūnegu. Rū yēma narūto natanūwa ga yema ngūexēerūgū ga Tupanaārū mugūwa ngūxētaegūxū, rū inarūxīnū ga norū ngūxēētae, rū nūxna nicachigū.

47 Rū guxūma ga yema duūxūgū ga Ngechuchuxū Inūexū, rū nabaixāchiāēgū na űuxācū nūxū nacuēxūchixū rū meāma nangāxūāxū.

48 Rū yexguma nanatū rū naē nūxū daugūgu rū taḡaixāchiāēgū. Rū naē rū űatarūgū nūxū: —Pa Chaunex, ųtūxcūū tomaā ngexū cuwagū? Cugatū rū choma rū poraācū cuxcēx taxoegaēācūma cuxcēx tadaugūecha —űatarūgū.

49 Rū yexguma ga Ngechuchu rū űanagūrū: —ųTūxcūū chauxcēx pēdaugū? ųTama ēxna nūxū pecuēx na woetama Chaunātūchiūwa tá changēxmaxū? —űanagūrū.

50 Natūrū ga tūmagū rū tama nūxū tacuēxgūēga ga yema tūmamaā nūxū yaxuxū.

51 Rū yexguma ga Ngechuchu rū tūmawe nataegu ga Nacharēūwa. Rū guxūguma meā tūmaga naxīnūēcha. Rū naē ga María rū ngīāēwa nagu irūxīnūēcha ga guxūma ga yema ngupetūxū.

52 Rū niyachigū ga Ngechuchu, rū yexeraācū nūxū nicuáchigū. Rū Tupana rū namaā nataāē, rū guxūma ga duūxūgū rū ta namaā nataāēgū.

3

Cuāū ga baiūxēerūū nūxū nixu ga Tupanaarū ore ga dauxchitawa ga ngextā taxūema iāpataxūwa

(Mt 3.1-12; Mr 1.1-8; Cu 1.19-28)

1 Rū yexguma Tibériu 15 ga taunecū Dumaarū āēxgacū yixīxgu, rū yexguma nixī ga Pōūchiu Piratu rū Yudéaaneārū āēxgacū yīxū, rū Erode rū Gariréaaneārū āēxgacū yīxū, rū naēneē ga Piripi rū Itúreaane rū Traconíteaneārū āēxgacū yīxū, rū Lichániā rū Abiriniāāneārū āēxgacū yīxū.

2 Rū yexguma ga Aná rū Caipá rū paigūeru nixīgū. Rū yexguma nixī ga Zacaría nane ga Cuāūmaā yadexaxū ga Tupana ga dauxchitawa ga ngextā taxūema iāpataxūwa.

3 Rū guxūma ga yema nachicagū ga Yudáūcutiārū ngaicamana yexmagūxūgu nixūgūchigū ga Cuāū. Rū duūxūgūmaā nūxū nixuchigū na nūxū naxoexūcēx ga nacūmagū ga chixexū rū inabaiūxūcēx na yemaācū Tupana nūxū nūxū rūngūmaxūcēx ga norū pecadugū.

4 Rū guma nuxcūmaūcū ga Ichaxía ga Tupanaārū orearū uruū naxūmatūxūrūū nixī ga nangupetūxū. Yerū duūxūgūarū maxūārū mexēēchigaxū nixu ga yexguma űaxgu: “Ngēma nachica i ngextā taxūema iāpataxūwa rū tá nangēxma i wūxi i duūxū i ngema tagaācūma űaxū: ‘¡Pegū pemexēē naxcēx ya Cori! ¡Rū naxcēx ipeyanawēxāchixēē i perū maxū!’

5 Rū guxāārū maxū rū tá inayarūwēxāchi űoma wūxi i ngatexū rūgūtaxūrūū na iyawēxūcēx i nama. Rū guxāma ya yixema togūētūwa tūgū ngēxmaxēēgūxe rū tá itarūxī űoma wūxi ya mēxpūne rū wūxi i ngūchitaeru idoxochixēēxūrūū. Rū guxūma i nacūma i wūxū rū tá inayarūwēxāchigū. Rū ngēma duūxūgūarū maxūwa tama mexū rū tá nayamexēēgū.

6 Rū guxūma i duūxūgū rū tá nūxū nadaugū ya yima Maxēxēerūū ya Tupana nūma namucū”, űanagūrū ga Ichaxía űmatūxū ga ore.

7 Rū yexguma Cuāūxūtawa naxīxgu ga duūxūgū na inabaiūxēēāxūcēx, rū nūma ga Cuāū rū űanagūrūama nūxū: —Pa Áxtapearū Duūxūgūx ųRū űuxācū nagu perūxīnūe na naxchaxwa pibuxmūxū i ngema poxcu i marū ingaicamaxū ega tama nūxū perūxoegu i pecūma i chixexū?

8 —¡Rü meã pemaxê na ngêmaácü guxüma i duüxügü nüxü daugüxcêx na aixcüma marü nüxü perüxoexü i pecüma i chixexü! Rü tama name i ñaperügügü:

“Tãütãma Tupana toxü napoxcue, erü Abrãütanüxü tixügu” ñaperügügü. Erü tama ngêmacêx nixü ya Tupana i duüxügüxü nayaxuxü. Rü pemaã nüxü chixu rü ngêxguma Tupana naxwêxegu rü tama nüxü naguxcha na daa nutawa Abrãütanüxü nanguxüxêêxü.

9 —Tupanaãrü yuema rü marü ñimemare na yadaxüãxüxcêx i ngêma nanetügü i tama mexü. Rü guxüma i nanetügü i chixearü õõxü rü tá nadaxü, rü ñüxüchi üxüwa tá ñagu —ñanagürü ga Cuáü.

10 Rü yexguma ga duüxügü rü Cuáüna nacagü, rü ñanagürügü: —¿¡Tacü êxna nixü i mexü na tanaxüxü? —ñanagürügü.

11 Rü Cuáü rü nanangãxü rü ñanagürü: —Texé ya taxrearü gáuxüchiruãxê rü name nixü i texé ya tüxü nataxüxena tanaxã. Rü texé ya õnaãxê rü name nixü i texé ya ngearü õnaãxêmaã tangau i tümaãrü õna —ñanagürü.

12 Rü Cuáüxütawa naxü ta ga ñuxre ga yatügü ga Dumaãrü ãëxgacüxcêx dïeru ngüxü ideetanüxü. Rü nanaxwêxegü ga Cuáü na ñabaiüxêêxü. Rü Cuáüna nacagü, rü ñanagürügü: —Pa Ngüexêêruüx, ¿¡Tacü nixü i mexü na tanaxüxü i tomax? —ñanagürügü.

13 Rü Cuáü rü ñanagürü nüxü: —Tama name i ãëxgacü pemaã nüxü ixuxüãrü yexera penayauxgü i dïeru i duüxügüxütawa —ñanagürü.

14 Rü ñuxre ga churaragü rü ta Cuáüna nacagüe, rü ñanagürügü: —¿¡Toma rü ¡acü nixü i mexü na tanaxüxü? —ñanagürügü. Rü nanangãxü ga Cuáü rü ñanagürü: —Tama name i texéxü pexãxüneãcüma tümaãrü ngêmaxügü pepuxü. Rü tama name i ¡acü rü doraxü tümachigaxü pixu na ngêmaácü tümaãrü ngêmaxügü pepuxüxüxcêx. Rü name nixü i ngêma dïeru i ãëxgacü pexü ngïmaã naxütanücümaãtama petaãëgü rü tama yexeracüxcêx ípeca —ñanagürü.

15 Rü yexguma ga duüxügü rü poraãcü ñananguxêëgü na paxa ñanguxü ga Tupana Nane ga Cristu. Rü nagu narüxüñüë ga na bexmana Cuáü rü Cristu yixü.

16 Natürü ga Cuáü rü guxãxü ñanagürü: —Aixcüma i choma rü dexáwamare pexü íchabaiüxêê, natürü tá ñangu i to i Tupanaãrü orearü uruü, rü nüma tá pexna nananguxêê i Tupanaãë i Üünexü wüxi i üxiemarü. Erü nüma rü poraãcü choxü narüyexera na ãëxgacü yixü. Rü choma rü napêxewa rü taxuwama chame rü bai i norü chapatucunüãrü wëgüwa chame.

17 —Rü nüma rü marü ñamemare na ñoma i naãnewa yadexechiãxüxcêx i norü duüxügü ñoma wüxi ya yatü trigu naãtuna idexechixüürü. Rü ngêmaácü tá nayadexechi i ngêma noxrü ixügüxü na naxü- tawa nangëxmagüxcêx, natürü ngêma tama noxrü ixügüxü, rü tá ñanagu nawa ya yima üxü ya taguma ixoxüne —ñanagürü.

18 Rü yema oremaã rü muxüma ga to ga ucüxëgümaã, rü Cuáü duüxügümaã nüxü nixu ga ore ga mexü ga Ngechuchichiga.

19 Rü Cuáü rü ãëxgacü ga Erodexü nanga, yerü ngïmaã naxãmèx ga Erodía ga naëneë ga Piripi namèx. Rü nananga ta naxcêx ga yema togü ga chixexü ga naxüxü.

20 Natürü ga Erodé rü tama Cuáüga naxüñü. Rü yexeraxü ga chixexü naxü, yerü poxcupataüwa Cuáüxü namu.

Ngechucharü baiechiga

(Mt 3.13-17; Mr 1.9-11)

21 Rü yexguma taxüta napoxcugu ga Cuáü, rü guxü ga duüxügüxü ñabaiüxêêxyane, rü yexguma ta nixü ga Ngechuchuxü ñabaixêêxü. Rü yexguma Ngechuchu íyumüxëyane rü ningena ga daxügüxü ga naãne.

22 Rü Tupanaãë i Üünexü rü wüxi ga muxtucurüü ñanagu rü Ngechuchuna nangu. Rü daxüwa ñanaxü ga wüxi ga naga ga ñaxü: —Cuma nixü, Pa Chaunex, i cuxü changechaüxüchixü rü cumaã chataãëxü —ñaxü.

Ngechuchu ya Cristu natanüwa ngóxü ga duüxügüchiga

(Mt 1.1-17)

23 Ngechuchu rü 30 ga taunecü nüxü nayexma ga yexguma ñanaxügüãgu na guxüwama duüxügümaã nüxü yaxuxü ga Tupanaarü Ore. Rü duüxügü nagu narüxüñüë rü Yüche nane nixü ga nümax.

Rü Yüche rü Erí nane nixü.

24 Rü Erí rü Matáx nane nixü.

Rü Matáx rü Lebí nane nixü.

Rü Lebí rü Merequí nane nixü.

Rü Merequí rü Yana nane nixü.

Rü Yana rü Yüche nane nixü.

25 Rü Yüche rü Matatía nane nixü.

- Rū Matatía rü Amó nane nixī.
 Rū Amó rü Naũŭ nane nixī.
 Rū Naũŭ rü Echi nane nixī.
 Rū Echi rü Nagai nane nixī.
 26 Rū Nagai rü Maãx nane nixī.
 Rū Maãx rü Matatía nane nixī.
 Rū Matatía rü Chemeŭ nane nixī.
 Rū Chemeŭ rü Yuchéx nane nixī.
 Rū Yuchéx rü Yudá nane nixī.
 27 Rū Yudá rü Yuanáŭ nane nixī.
 Rū Yuanáŭ rü Récha nane nixī.
 Rū Récha rü Chorobabé nane nixī.
 Rū Chorobabé rü Charatía nane nixī.
 Rū Charatía rü Nerí nane nixī.
 28 Rū Nerí rü Merequí nane nixī.
 Rū Merequí rü Adí nane nixī.
 Rū Adí rü Cocháŭ nane nixī.
 Rū Cocháŭ rü Elmadáŭ nane nixī.
 Rū Elmadáŭ rü Erú nane nixī.
 29 Rū Erú rü Yochué nane nixī.
 Rū Yochué rü Erieché nane nixī.
 Rū Erieché rü Yoríŭ nane nixī.
 Rū Yoríŭ rü Matáx nane nixī.
 Rū Matáx rü Lebí nane nixī.
 30 Rū Lebí rü Chimeŭŭ nane nixī.
 Rū Chimeŭŭ rü Yudá nane nixī.
 Rū Yudá rü Yúche nane nixī.
 Rū Yúche rü Yonáŭ nane nixī.
 Rū Yonáŭ rü Eriaquíŭ nane nixī.
 31 Rū Eriaquíŭ rü Meréa nane nixī.
 Rū Meréa rü Ména nane nixī.
 Rū Ména rü Matáta nane nixī.
 Rū Matáta rü Natáŭ nane nixī.
 Rū Natáŭ rü Dabí nane nixī.
 32 Rū Dabí rü Ichaxí nane nixī.
 Rū Ichaxí rü Obé nane nixī.
 Rū Obé rü Boó nane nixī.
 Rū Boó rü Cháru nane nixī.
 Rū Cháru rü Nachóŭ nane nixī.
 33 Rū Nachóŭ rü Aminadá nane nixī.
 Rū Aminadá rü Admíŭ nane nixī.
 Rū Admíŭ rü Arni nane nixī.
 Rū Arni rü Esróŭ nane nixī.
 Rū Esróŭ rü Fare nane nixī.
 Rū Fare rü Yudá nane nixī.
 34 Rū Yudá rü Acóbu nane nixī.
 Rū Acóbu rü Ichaá nane nixī.
 Rū Ichaá rü Abráŭ nane nixī.
 Rū Abráŭ rü Taré nane nixī.
 Rū Taré rü Nacúx nane nixī.
 35 Rū Nacúx rü Cherúx nane nixī.
 Rū Cherúx rü Ragáu nane nixī.
 Rū Ragáu rü Peréx nane nixī.
 Rū Peréx rü Ebéx nane nixī.
 Rū Ebéx rü Cháru nane nixī.
 36 Rū Cháru rü Caináŭ nane nixī.
 Rū Caináŭ rü Arpacháx nane nixī.
 Rū Arpachá rü Chéŭ nane nixī.
 Rū Chéŭ rü Noę nane nixī.
 Noę rü Laméx nane nixī.
 37 Rū Laméx rü Matucharéŭ nane nixī.
 Rū Matucharéŭ rü Enóx nane nixī.

Rü Enóx rü Yaréx nane nixí.
 Rü Yaréx rü Maararéx nane nixí.
 Rü Maararéx rü Caináñ rü nane nixí.

³⁸ Rü Caináñ rü Enóx nane nixí.
 Rü Enóx rü Chex nane nixí.
 Rü Chex rü Adáñ rü nane nixí.
 Rü Adáñ rü Tupana nane nixí.

4

Ngechuchuxñ naxü ga Chataná
 (Mt 4.1-11; Mr 1.12-13)

¹ Ngechuchuxñtawa nayexma ga Tupanaañ i Üünexñ. Rü yexguma Yudañchiüwa ñaxññchigu ga Ngechuchu, rü Tupanaañ i Üünexñ rü dauxchitawa ga ngextá taxüema ñaxñpataññwa nanaga.

² Rü yéma nayexma ga 40 ga ngunexñ. Rü ngoxo ga Chataná rü nuxñ naxü. Rü yexguma yéma nayexmagu rü taguma nachibü. Natürü ga yixcama rü nataiya.

³ Rü yexguma ga ngoxo ga Chataná rü ñanagürü nuxñ: —Ega aixcuma Tupana Nane quixñgu, rü jdaa nutamañ nuxñ ixu na pñññ nanguxuchixñcèx! —ñanagürü ga Chataná.

⁴ Rü Ngechuchu nanangññ rü ñanagürü: —Tupanaärü ore i ümatññwa rü ñanagürü: “Täütama ñnamaññca namaxè i duññgü, natürü guxñma i ore i Tupana nuxñ ixuxñ tá nixñ i duññgüññ maxèxèxñ”, ñanagürü.

⁵ Rü yexguma ga ngoxo ga Chataná rü wüxi ga mëxpñnechitaerüwa nanaga. Rü yéma paxañchi nuxñ nuxñ nadauxèè ga guxñma ga nachüññegü ga ñoma ga naññcñññ.

⁶ Rü Chataná rü ñanagürü nuxñ: —Guxñ i ñañ nachüññegü i mexñ rü norü ngëmáññgü rü chí cuxna chanaxä. Erü choxrü nixí i guxñma i ñañgü, rü tññna chanaxä ya texé ya choma chorü me ixixè na tññna na chanaxäññ.

⁷ —Rü ngèxguma chí chopèxgu cucaxñpññgü rü choxñ quicuxññgü rü cuxrñ chí nixñ i guxñma i ñañ cuxñ chawèxñ —ñanagürü.

⁸ Natürü ga Ngechuchu rü nanangññ, rü ñanagürü: —¡Choxna ixñgachi! Pa Chata- nax. Erü Tupanaärü ore i ümatññwa rü ñanagürü:

“¡ññññ icuèxññ ya Cori ya curü Tupana, rü yimaññññcatama napuracü!” ñanagürü.

⁹ Rü yexguma ga ngoxo ga Chataná rü Yerucharèñ ga ññewa nanaga. Rü tupauca ga taxñnetapèxegu nanamunagü. Rü ñanagürü nuxñ: —Ega aixcuma Tupana Nane quixñgu, rü jñuä cügü rñtae!

¹⁰ —Erü Tupanaärü ore i ümatññwa rü ñanagürü:

“Tupana tá nanamu i norü orearü ngeruññgü i daxñññññ na cuxna nadaugññcèx.

¹¹ Rü naxmèxmañ tá cuxñ niyaxñgü na tama ñacü rü nutagu cunguxñcèx”, ñanagürü.

¹² Rü Ngechuchu nanangññ rü ñanagürü: —Tupanaärü ore i ümatññwa rü ñanagürü ta:

“¡Tama name i nuxñ na cuxññ ya Cori ya curü Tupana!” ñanagürü.

¹³ Rü yexguma marü taxucürüwama Ngechuchuxñ naxññgü, rü nñma ga Chataná rü nññna niña ñññmata nuxñ iyangau na ñññcñ wena nuxñ na naxñññ.

Ngechuchu rü Gariréañewa ñanaxññgü ga norü puracü
 (Mt 4.12-17; Mr 1.14-15)

¹⁴ Rü Ngechuchu rü Gariréañcèx nataegu. Rü Tupanaañ i Üünexñ rü naxñtawa nayexma rü porañcñ nanaporaxèè. Rü ga duññgü rü nachiga nidexagü ga guxñ ga yema naññewa.

¹⁵ Rü wññchigü ga ñaññññ ngutaquèxepataññgüwa rü nanguxèètae. Rü guxñma ga duññgü rü nuxñ nicuèxññgü.

Nacharètuwa nayexma ga Ngechuchu
 (Mt 13.53-58; Mr 6.1-6)

¹⁶ Rü Nacharètuwa naxü ga Ngechuchu. Rü guma nixí ga ñañne ga nanatññgü nawa nayaxèègüne. Rü ngññchigaarü ngunexñgu rü ngutaquèxepataññgü naxñcñ, yerü yema nixí ga nacñma ga guxñ ga ngññchigaarü ngunexñgü. Rü yéma ñnachi rü duññgüñcèx nuxñ nadaumatü ga Tupanaärü ore ga ümatñññ.

¹⁷ Rü nññna nanaxññgü ga popera ga Tupanaärü orearü uruñ ga Ichaxía ümatñññ. Rü yexguma yangenañññgü, rü nuxñ ñññññga ga ngextá ññññmatñññwa ga ore ga ñññññ:

18 “Cori ya Tupanaãe rü chauxütawa nangëxma. Rü nüma rü choxü naxuneta na nüxü chixuxücëx i ore imexü namaã ingëma duüxügü i ngearü ngëmaxüãxgüxü. Rü choxü namu na ngëma duüxügü i pecadutüüwa ngëxmagüxümaã nüxü na chixuxücëx rü tá na inanguxüxü. Rü choxü namu na chayadauchixetüxëëgüxücëx i ngëma ingexetügüxü rü na íchananguxüxëëxücëx i ngëma duüxügü i togümëxëwa ngëxmagüxü.

19 Rü nüma choxü namu na duüxügümaã nüxü chixuxücëx na Tupana nüxü rüngüxëëchaüxü i ngëma nüxü yaxögüxü”,
ñanagürü ga yema ore.

20 Rü yexguma ga Ngechuchu rü nügüna nananuxächiatü ga popera. Rü ngutaquëxepataüârü dauruüna nanaxã rü ñuxüchi ínarüto. Natürü guxüma ga yema ngutaquëxepataüwa yexmagüxü ga duüxügü rü nüxü narüdaunüëcha.

21 Rü yexguma ga Ngechuchu rü inanaxügü ga na yadexaxü, rü ñanagürü: —Ñuxmatama nixü i pepëxewa Tupana yanguxëëxü i ñaã ore ga Ichaxía úmatüxü —ñanagürü.

22 Rü guxüma ga duüxügü rü meã Ngechuchuchiga nidexagü. Rü nabaixächiãëgü namaã ga yema ore ga mexü ga namaã nüxü yaxuxü. Natürü tama aixcüma nayaxögüchaü. Rü yemacëx nügüna nacagü rü ñanagürügü: —¿Taux ëxna daa yüüxü ya Yúche nane? —ñanagürügü.

23 Rü Ngechuchu rü ñanagürü nüxü: —Choma nüxü chacuëx rü tá chomaã penaxuxuchi i ngëma ore i ñaxü:

“Pa Duturux ¡Cugütama rümexëë!” ñaxü. Rü ëxna tá choxü ñaperügügü:

“Yema mexü ga taxü ga nüxü taxüñüëxü ga Tupanaârü poramaã cuxüxü ga Capernáüwa, rü tanaxwëxe i nuã curü ñanewa rü ta na cunaxüxü”, ñaperügügü tá.

24 Rü nayadaxëë ga Ngechuchu na yadexaxü rü ñanagürü: —Aixcüma pemaã nüxü chixu rü guxüma i Tupanaârü orearü uruü, rü norü ñanewatama i duüxügü rü tama meã nanayauxgü.

25 —Rü aixcüma pemaã nüxü chixu rü Iraéanewa rü nayexma ga muxüchixüma ga ngexügü ga iyutegüxü ga yexguma Eria maüxgu. Rü yexguma nixü ga tomaëxpüx ga tauncüarü ngãxü rü taguma napuxü, rü poraãcü nangüxü ga taiya ga guxü ga ñaa nachixüanewa.

26 —Natürü ga Tupana rü tama wüxi ga Iraéanecüãx ga yutecüxütawa Eriaxü namu. Natürü ngüxütawa nanamu ga yema yutecü ga Charépacüãx ga Chidãüârü ñanearü ngaicamagu ächiücü.

27 —Rü yexguma namaüxgu ga Erichéu, rü Iraéanewa nayexmagü ta ga muxüma ga duüxügü ga chaxünemaã idaaweexü. Natürü taxuüma ga yema idaaweexü ga Iraéanewa yexmagüxü rü naxcëx nitaaneë. Rü Namáü ga Chíriaanecüãxícata ma nixü ga guma naxcëx yataanecü —ñanagürü ga Ngechuchu.

28 Rü yexguma yema orexü naxüñüëgu, rü guxüma ga yema duüxügü ga guma ngutaquëxepataüwa yexmagüxü rü poraãcü naxcëx nanuë.

29 Rü inachigü ga duüxügü rü Ngechuchuxü ínatëxüchigü ga guma ñanewa. Rü guma mëxpüne ga guma ñane nawa yexmanechitaerua nanagagü na yema yanataegüãxücëx.

30 Natürü ga Ngechuchu rü norü ngãxütanüwa ínaxüxüãma, rü ínixü.

*Wüxi ga yatü ga ngoxo nawa yexmaxüchiga
(Mr 1.21-28)*

31 Rü yexguma ga Ngechuchu rü Gariréaneârü ñane ga Capernáüwa naxü. Rü ngüxchigaarü ngunexügu yéma duüxügüxü nangüexëë.

32 Rü duüxügü rü nabaixächiãëgü namaã ga norü nguxëëtae, yerü Tupanaârü poramaã nidexa.

33 Rü guma ngutaquëxepataüwa nayexma ga wüxi ga yatü ga ngoxo nawa yexmaxü. Rü aita yéma naxü, rü ñanagürü:

34 —¡Toxna ixügachi! ¿Tüxcüü totanüwa cuxü, Pa Ngechuchux, Pa Nacharétucüãx? ¿Nuã cuxü na toxü cudëjüxcëx? Choma cuxü chacuëx na Tupana Nane ya Üünecü na quüxü —ñanagürü.

35 Rü Ngechuchu nananga ga yema ngoxo rü ñanagürü: —¡Iyarüngeëx rü ínaxüxü nawa ya yima yatü! —ñanagürü. Rü yexguma ga yema ngoxo rü duüxügüpëxegu nayanguxëë ga guma yatü, rü nawa ínaxüxü. Natürü tama nanapixëë.

36 Rü guxüma ga duüxügü rü nabaixächiãëgü. Rü nügümücügümaächigü nachiga nidexagü, rü ñanagürügü: —¿Tacü rü ore nixü i ngëma? Erü ñaã yatü rü aixcüma ngëma ngoxogümaã inacuëx rü poraãcü nanamu. Rü nümagü rü naga naxüñüë, rü ínachoü —ñanagürügü.

37 Rü guxüwama ga yema naãnawa rü Ngechuchuchigaxü nixügüë ga duüxügü.

Ngechuchu rü Chimáú ga Pedru nëxêcêx nayataanexêê
(Mt 8.14-15; Mr 1.29-31)

³⁸ Rû guma ngutaquêxepataüwa ínaxüxü ga Ngechuchu rü Chimáúpatawa naxü. Rû Chimáú nëxê rü poraäcü iyaxaxüne. Rû Ngechuchuna nacagüe ga ngíxcêx na yataanexêêxücêx.

³⁹ Rû nûma rü ngíxütagu nayachi rü narümêxâchi rü nananga ga yema axüne. Rû yexgumatama igêuxâchi ga na yaxaxünexü. Rû yexgumatama írûda, rü naxcêx inamexêê ga òna.

Ngechuchu rü muxüma ga idaaweexülcêx nayataanexêê
(Mt 8.16-17; Mr 1.32-34)

⁴⁰ Rû yexguma marü yanaxücuchaügu ga üèxcü, rü Ngechuchuxütawa nanagagü ga guxüma ga duüxügü ga nagüxüraüxü ga ðaaweanemaã idaaweexü. Rû ga Ngechuchu rü wüxichigü ga yema duüxügüxü ningögü, rü yemaäcü naxcêx nayataanexêêchigü.

⁴¹ Rû nanameêxê ga muxüma ga duüxügü ga idaaweexü ga ngoxo nawa yexmagüxü. Rû yema ngoxogü rü aita naxüe, rü ñanagürü: —Cuma nixí i Tupana Nane quiixü — ñanagürü. Natürü ga Ngechuchu rü nayangagü ga yema ngoxogü. Rû nûxna nanachuxu ga na yadexagüxü, yerü yema ngoxogü rü nûxü nacuêxgü na Cristu yiixü.

Ngechuchu rü nanaxunagü ga ore ga mexü ga ngutaquêxepataüwachigü
(Mr 1.35-39)

⁴² Rû yexguma noxri yangónegu rü yema íñewa ínaxüxü ga Ngechuchu. Rû wüxi ga nachica ga taxüema íxâpataxüwa naxü. Natürü ga duüxügü rü naxcêx nadaugü rü düxwa naxütawa nangugü. Rû nûxü nacêêxügü ga tama na ínaxüxüxcêx ga yema norü nañewa.

⁴³ Natürü ga Ngechuchu rü ñanagürü nûxü: —Taxucürüwama petanügü charüxâüêcha erü chanaxwêxe na náigü ya íñegüwa ngêxmagüxü i duüxügümaã rü ta nûxü chixuxü na ñuxâcü äêxgacü yiixü ya Tupana. Erü woetama ngêmacêx nûma choxü namu —ñanagürü.

⁴⁴ Rû yemaäcü Ngechuchu nûxü nixuchigü ga ore ga ngutaquêxepataügüwachigü ga guxüma ga Gariréanewa.

5

Muxüma ga choxni na ínayauxüxüchiga
(Mt 4.18-22; Mr 1.16-20)

¹ Rû wüxicana ga yexguma naxtaxa ga Yenecharétuanacüwa nayexmagu ga Ngechuchu, rü muxüma ga duüxügü rü naxütawa nangugü. Rû düxwa yéma nayaxäütügü, yerü nûxü naxíñüêchaü ga Tupanaärü ore.

² Rû Ngechuchu yéma nûxü nadau ga taxre ga ngue ga ingeäcune. Rû guma nguegü rü naxnecüpechinüwa nanadagü, yerü ga püchaetanüxü rü nûxna yéma ínachoü, yerü norü pücha niyauxgü.

³ Rû wüxi ga guma nguegu nixüe ga Ngechuchu. Rû guma ngue rü Chimáúärü nixí. Rû Chimáúna naca ga naxnecüpechinüärü ngäxütüwaxüra na nangeaxülcêx. Rû guma nguewa narüto ga Ngechuchu. Rû yéma inanaxügü ga duüxügüxü na nangüexêêxü.

⁴ Rû yexguma yagüegagu ga Ngechuchu ga na yadexaxü, rü Chimáúxü ñanagürü: —ÿyéa ínamátamaxüwa namaã naxá ya daa ngue. Rû ngema penatáe i perü pücha na choxnita piyauxgüxcêx! —ñanagürü.

⁵ Rû Chimáú nanangäxü, rü ñanagürü nûxü: —Pa Ngüexêêruüx, ngewêx rü guxü i chütaxü rü tapüchae, natürü taxuüma i choxni tiyaxu. Natürü ñuxma na choxü cumuxü rü wena táxaru íchanatáe i chorü pücha —ñanagürü.

⁶ Rû yexguma ínatägüägu ga norü pücha, rü muxüma ga choxni ínayauxü. Rû düxwa narügäuxchaü ga norü pücha yerü namuxüchi ga choxni.

⁷ Rû naxmêxmaã náí ga nguewa yexmagüxü ga natanüxügücêx nacagü na nûxü yanangüxêêgüxcêx. Rû yéma naxí ga yema natanüxügü ga naxcêx nacagüxü. Rû nanaxüäcügü ga guma taxre ga ngue rü wixgutaêx inangutaügü yerü namuxüchi ga choxni.

⁸ Rû yexguma yemaxü nadêuxgu ga Chimáú ga Pedru, rü Ngechuchupêxegu naya-caxäpüxü, rü ñanagürü nûxü: —ÿchoxna ixügachi! Pa Corix. Erü choma rü wüxi i duüxü i pecaduäxü chixí —ñanagürü.

⁹ Rû yema ñanagürü ga Chimáú yerü nûma rü guxüma ga natanüxügü rü namaã nabaixâchiäêgü ga yema muxüma ga choxni na ínayauxüxü.

¹⁰ Rû nabaixâchiäêgü ta ga Chimámücügü ga Chaütiágu rü Cuáü ga Zebedéu nanegü. Natürü Ngechuchu rü Chimáúxü ñanagürü: —ÿTäxü i cumuüxü! Erü ñuxmacürüwa rü tá choxü cupuracü na chauxütawa cunagagüxcêx i duüxügü —ñanagürü.

¹¹ Rû yexguma naxänacüwa namaã nangugügu ga naweügü, rü yéma nanawogü ga norü guxüma rü Ngechuchuwe narüxi.

Ngechuchu rü wüxi ga rüchaxünexülcèx nayataanexêê
(Mt 8.1-4; Mr 1.40-45)

¹² Rü yexguma wüxi ga yéma yexmagüne ga îānēwa nayexmagu ga Ngechuchu, rü yéma naxütawa nangu ga wüxi ga yatü ga chaxünemaā îdaawexü. Rü yexguma Ngechuchuxü nadēuxgu rü napēxegu nayacaxāpūxü rü yexma nanangücuchi. Rü Ngechuchuxü nacēèxü, rü ñanagürü: —Pa Corix, ngēxguma cuma cunaxwēxegu, rü cuxü natauxcha na choxü curümexēèxü nawa i chorü daawe —ñanagürü.

¹³ Rü yexguma ga Ngechuchu rü nüxü ningōgü, rü ñanagürü nüxü: —Ngü, chanaxwēxe. jRüme! —ñanagürü. Rü yexguma yema ñaxgu ga Ngechuchu, rü naxcèx nitaane ga yema yatü ga chaxüneañxü.

¹⁴ Rü Ngechuchu nanaxucuxē rü ñanagürü nüxü: —jDücèx, taxúemaātáma nüxü quixu, natürü paixü cugü yadauxēè na curümexü rü yanguxēè i ngēma Tupana Moïchéwa nüxü ixuxü na duñxügü nüxü cuáxülcèx na marü curümexü nawa i curü daawe! —ñanagürü.

¹⁵ Natürü ga Ngechuchuchiga rü guxüwama ninguchigüama. Rü muxüma ga duñxügü rü naxcèx naxütaquēxegü na norü orexü naxüñüèxülcèx, rü naxcèx na yataaneèxēèäxülcèx ga norü daawegüwa.

¹⁶ Natürü Ngechuchu rü ñuxguacü rü ngextá taxúema íxāpataxüwa naxüñxü. Rü yéma nayayumüxèxü.

Ngechuchu rü wüxi ga yatü ga nawāixāchicüçèx nayataanexêê
(Mt 9.1-8; Mr 2.1-12)

¹⁷ Rü wüxi ga ngunexü Ngechuchu inguxēètaeyane, rü yéma narütogü ga ñuxre ga Parichégü rü ñuxre ga ngüxèèrüügü ga Moïchéarü mugümaā nguxèètaegüxü ga guxü ga Gariréaaneärü îānexācügüwa ne íxü, rü Yudéaanewa ne íxü, rü Yerucharéüwa ne íxü. Rü Tupana rü poraäcü Ngechuchuwa inanawēx ga norü pora rü muxüma ga îdaaweexü narümeèxèè.

¹⁸ Rü Ngechuchuxütawa nangugü ga ñuxre ga yatügü, rü naxcèx yéma nanangetaügü ga wüxi ga yatü ga nawāixāchicü. Rü îpatagu nanangecuchitaügüchañ na Ngechuchupēxegu yaxütaügüäxülcèx.

¹⁹ Natürü taxuacüma yexma nanangecuchitaügüéga, yerü namuxüchi ga duñxügü. Rü yemacèx îācèxwēxgu naxügü. Rü meāma Ngechuchu íyexmaxüētüwa înanapogüäxüügü ga guma îpata. Rü yéma duñxügütanüwa Ngechuchupēxewa înanaxüxüetaügü ga guma nawāixāchicü.

²⁰ Rü yexguma Ngechuchu nüxü dēuxgu ga na nüxü yaxōgüäxü ga yema yatügü, rü ñanagürü guma nawāixāchicüxü: —Pa Chaunex, marü cuxü nüxü changechañ i curü pecadugü —ñanagürü.

²¹ Natürü yema ngüxèèrüügü ga Moïchéarü mugüarü nguxèètaerüügü rü Parichégü, rü nagu narüñüè, rü nügüäèwa ñanagürügü: —jTacu nixi i ñaā yatü ecèx Tupanamaā chixexü yaxugüxü? Erü taxúema pora tüxü nangēxma na duñxügüaxü pecaduxü tangechañxü. Rü Tupanaxicatama nixi ya nüxü nangēxmacü i ngēma pora —ñanagürügü naäewa.

²² Natürü ga Ngechuchu rü nüxü nacüèx ga factüga na înaxüñüè. Rü yemacèx ñanagürü nüxü: —jTüxcüü ngē-magu perüñüè i pemax?

²³ —jTacu nixi irütauxchamaèxü na namaā nüxü ixuxü ya daa yatü ya nawāixāchicü:

“Curü pecadugü rü marü cuxü nüxü changechañ”, rü éxna:

“jInachi rü íxü!” ñágüxü nüxü?

²⁴ —Natürü ñuxma rü tá pexü nüxü chadauxèè na Chaunatü núma choxü muxü na duñxügüaxü nüxü changechañxülcèx i norü pecadugü —ñanagürü. Rü yexguma yema ñaxguwena rü guma nawāixāchicüxü ñanagürü: —Cumaā nüxü chixu rü jinachi, rü nayaxu i curü caruñ, rü cupatawa naxü! —ñanagürü.

²⁵ Rü yexgumatama guxü ga duñxügüpēxewa inachi ga guma nawāixāchicü. Rü nanayaxu ga norü caruñ ga nagu nacaxü. Rü Tupanaxü yacuèxüchigüäcüma napatawa naxü.

²⁶ Rü guxüma ga duñxügü rü nahaixāchiäégü. Rü Tupanaxü nicuèxüügü. Rü poraäcü namüèäcüma ñanagürügü: —Ñuxma rü nüxü tadaugü i ñuxre i Tupanaärü puracügü i aixcüma mexèchixügü —ñanagürügü.

Lebicèx naca ga Ngechuchu
(Mt 9.9-13; Mr 2.13-17)

²⁷ Rü yemawena ga Ngechuchu rü înaxüxü ga guma îwa. Rü wüxi ga yatü ga Dumaärü äëxgacüçèx dīeru ngixü ideetanüxütawa naxüpetü. Rü guma yatü rü Lebí nixi ga naega. Rü yéma dīeru ngixü înadexüwa narüto. Rü Ngechuchu rü ñanagürü nüxü: —jChowe rüxü! —ñanagürü.

²⁸ Rü inachi ga Lebí, rü yéma nanatèx ga norü guxüma, rü Ngechuchuwa narüxü.

²⁹ Rū yixcama ga Lebí rü Ngechuchucèx napatawa wüxi ga taxü ga ðna naxü. Rū muxüma ga yatüüg ga Lebírüü ðiëruarü degüwa puracüexü, rü muxüma ga togü ga duüxüügü rü ta yéma mechawa narütögü.

³⁰ Natürü ga yema Parichéugü rü ngüexëëruügü ga Moïchëarü mugüarü nguxëëtaeruügü, rü inanaxüüg na Ngechucharü ngüexüügüchigagu chixri yadexagüxü. Rü ñanagürügü: —¿Tüxcüü wüxiwa pechibüe rü namaã pexaxegü i ngëma yatüügü i Dumaärü äëxgacüexë ðiëru ngüxü dexü rü ngëma pecaduãxgüxü? —ñanagürügü.

³¹ Rū Ngechuchu nanangãxü, rü ñanagürü nüxü: —Ngëma poraexü rü taxucëxma duturu nanaxwëxegü, natürü ngëma idaaweexü nixi i duturu naxwëxegüxü.

³² —Choma rü tama mexügüna na chaxuxüçëx nixi i núma chaxüxü, natürü pecaduãxgüxüna na chaxuxüçëx nixi i núma chaxüxü na ngëmaäcü nüxü naxoexüçëx i nacümagü i chixexüügü rü Tupanawe naxüxü —ñanagürü.

Ngechuchuna nacagüe ga aurechiga

(Mt 9.14-17; Mr 2.18-22)

³³ Rū yexguma Ngechuchuna nacagüe ga duüxüügü, rü ñanagürügü: —Cuãü ya baiüxëëruüärü ngüexüügü rü Parichéugüarü ngüexüügü rü nayumüxëgüecha, rü muëxpüxcüna rü naxauree rü tama nachibüe erü Tupanagu narüxüñüë. Natürü i curü ngüexüügü, rü guxüüguma nachibüe rü naxaxegümare —ñanagürügü.

³⁴ Natürü ga Ngechuchu rü nanangãxü, rü wüxi ga ore ga nügüchigaxütama namaã nixu, rü ñanagürü: —¿Ëxna wüxi i ngügarü petawa rü pexcëx namexü na penaxaureexëxü i ngëma nüxna naxugüxü ega natanüwa nangëxmagu i ngëma yatü i ngexwacëx ämaxü? Rü tama nixi.

³⁵ —Natürü wüxi i ngunexü rü ngëma yatü i ngexwacëx ämaxü, rü tá namücügüna nixügachi. Rü ngëma ngunexüüga tá nixi i aixcüma naxaureexü i namücügü —ñanagürü.

³⁶ Rū yexguma ga Ngechuchu rü namaã nüxü nixu ga wüxi ga ore ga yema duüxüügüna ga nuxcümaüxüchiga rü noxrütama nguxëëtae i ngexwacaxüxüchiga. Rü ñanagürü: —Taxüema wüxi i ngexwacaxüxü i naxchiruta tiyo na namaã tanapaitaxüçëx i wüxi i naxchiru i marü ngauxü. Erü ngëxguma ngëmaäcü tanaxüxgu rü tanachixexëe i ngëma naxchiru i ngëma naxchiru. Rü ñuxüchi ngëma natüchi i ngexwacaxüxü rü tama nüxü nayatãxü i ngëma naxchiru i marü ngauxü.

³⁷ —Rü ngëxgumarüü ta rü taxüema ngexwacaxücü ya binu rü nagu tayabacuchi i wüxi i naxchiü i marü ngauxü i naxchëxmünaxcëx. Erü ngëxguma ngëmaäcü naxüxgu rü yima binu ya ngexwacaxücü rü tá narüngu, rü tá nayawãixëe i ngëma naxchiü i ngauxü i naxchëxmünaxcëx. Rü ngëxma tá nayarütaxu ya binu rü ngëma naxchiü rü ta.

³⁸ —Rü ngëmacëx tanaxwëxe na yima ngexwacaxücü ya binu rü ngexwacaxüxü i naxchiüüga yabacuchixü. Rü ngëmaäcü rü taxuütama inayarütaxu.

³⁹ —Rü taxüema ya texé ya tümamaã yaxüxe na ngüchiacü ya binu tayaxaxüxü rü tüxü nangüchaü na tayaxaxüxü ya binu ya ngexwacaxücü ya maïcuracü. Rü ngëxgumarüü ta nixi i ngëma duüxüügü i marü namaã yaxüxü i nuxcümaüxü i nacüma i chixexü rü tama nanayauxgüchaü i ngëma mexü i nguxëëtae i ngexwacaxüxü —ñanagürü ga Ngechuchu.

6

Ngechucharü ngüexüügü rü trigu nicãüetanü ga ngüxchigaarü ngunexüüga

(Mt 12.1-8; Mr 2.23-28)

¹ Rū wüxi ga ngüxchigaarü ngunexüüga rü Ngechuchu rü norü ngüexüügümaã trigunecüwa nachopetü. Rü norü ngüexüügü rü inaxücüma yoxocüne trigu nicãüetanü. Rü naxmëxmaã nanadaxi ga trigu rü nayangöëtanü.

² Rū ñuxre ga Parichéugü rü yema ngüexüügüna nacagü, rü ñanagürügü: —¿Tüxcüü ngüxchigaarü ngunexüüga penabuxu i trigu? Erü ngüxchigaarü ngunexüüga rü nachuxu na texé puracüxü —ñanagürügü.

³ Rū Ngechuchu nanangãxü, rü ñanagürü: —¿Taguma ëxna poperawa nüxü pedau ga tacü na naxüxü ga nuxcümaücü ga äëxgacü ga Dabí ga yexguma nataiyagu ga núma rü natanüxüügü?

⁴ —Rü Tupanapatagu naxücu rü nüxü nadau ga yema pãu ga üünexü ga yexma nuxü. Rü yema pãu rü nachuxu ga ngexerüxëmare na nangöxü, rü paigücëxatama nixi. Natürü Dabí nanayaxu ga yema pãu rü nanangöx, rü natanüxümaã rü ta nangau —ñanagürü.

⁵ Rū ñanagürü ta ga Ngechuchu: —Tupana Nane ya duüxüxü ixücü rü namaã inacüex i ngüxchigaarü ngunexü —ñanagürü.

Wüxi ga yatü ga yumëcüchiga

(Mt 12.9-14; Mr 3.1-6)

⁶ Rū to ga ngūxchigaarū ngunexūgu rū Ngechuchu rū ngutaquēxepataūgu naxūcu. Rū inanaxūgū ga na nanguxēētaexū. Rū yéma nayexma ga wūxi ga yatū ga norū tūgūnewa yumécū.

⁷ Rū yema ngúxēēruūgū ga Moīchéarū mugūwa nguxēētaegūxū rū Parichéugū, rū Ngechuchuxū nangugūgū ngoxita ngūxchigaarū ngunexūgu guma yumécūxū namexēē, yerū naxcèx nadaugū ga űuxācū norū āēxgacūgūxūtawa na Inaxuaxūgūāxū.

⁸ Natūrū nūma ga Ngechuchu rū nūxū nacūx ga yema naāēwa nagu naxīnūēxū ga yema yatūgū. Rū yemacèx guma yumécūxū űanagūrū: —Ĵrūda rū nuxā ngāxūtanūgu yachi! — űanagūrū. Rū guma yumécū rū inachi rū norū ngāxūtanūgu nayachi.

⁹ Rū yexguma ga Ngechuchu rū nūxna naca ga yema Parichéugū rū yema mugūwa nguxēētaegūxū, rū űanagūrū nūxū: —Ĵtacū nixī i ngema mexū ixūxū i ngūxchigaarū ngunexūgu? ĴRū ngema mexū rū ēxna chixexū? ĴRū namexū i na namaxēēxū rū ēxna yamāxū? —űanagūrū.

¹⁰ Rū yexguma Ngechuchu nūxū nidaugūāchi ga yema duūxūgū ga yéma yexmagūxū. Rū guma yumécūxū űanagūrū: —Ĵyanawēxāchixēē ya cuxmēx! —űanagūrū. Rū guma yatū rū nūgū inayarūwēxāchimēxēxēē, rū narūmemēx.

¹¹ Natūrū yema Parichéugū rū ngúxēēruūgū ga Moīchéarū mugūwa nguxēētaegūxū, rū poraācū nanuē. Rū nūgū nixucūxēgū na űuxācū tá Ngechuchuxū na yamēxgūxū.

*Ngechuchu nanade ga 12 ga norū ngúxēēgū na tóxnamana namugūāxūcèx
(Mt 10.1-4; Mr 3.13-19)*

¹² Rū yexguma ga Ngechuchu rū dauxchitawa, wūxi ga mēxpūnewa naxū na yéma yamūxēxūcèx. Rū guxū ga yema chūtaxūgu rū yéma nayumūxē.

¹³ Rū yexguma yangóonegu, rū Ngechuchu norū ngúxēēgūcèx naca. Rū natanūwa nayadexechi ga 12. Rū yema nixī ga yatūgū ga Ngechuchu nūxū unetagūxū na tóxnamana nangegūāxūcèx ga norū ore.

¹⁴ Rū yema yatūgū ga nadexū rū Chimáū ga Pedrugū nanaxūēga nixī ga wūxi. Rū to nixī ga Aūdré ga Chimáū naāneē, rū Chaūtiāgu rū Cuāū, rū Piripi, rū Baturumé,

¹⁵ rū Mateu, rū Tumachi, rū Chaūtiāgu ga Arupéu nane rū Chimáū ga iporaāēcūcū,

¹⁶ rū Yuda ga Chaūtiāgueneē, rū Yuda Icariūte ga yixcama Ngechuchuxū i xūaxūxū naēchita.

*Ngechuchu rū muxūma ga duūxūgūxū nangúxēē
(Mt 4.23-25)*

¹⁷ Rū Ngechuchu rū yema yatūgū ga nadexūmaā inarūxūgū nawa ga guma mēxpūne. Rū wūxi ga nachica ga inametachinūānēxūwa nayachaxāchitanū. Rū yéma nayexmagū ga muxūma ga duūxūgū ga guxū ga Yudéaanewa ne Ĵxū, rū Yerucharéūwa ne Ĵxū, rū taxtū ga taxūānacūwa ga Chidāūwa rū Tiruwa ne Ĵxū. Rū yéma naxī yerū Ngechuchuxū naxīnūēchaū, rū nanaxwēxēgū ga Ngechuchu na nameēxēēxū ga norū daawegūga.

¹⁸ Rū yema duūxūgū ga chixexū ga naāē nawa yexmagūxū rū ta naxcèx nitaanegū.

¹⁹ Rū guxūma ga duūxūgū rū Ngechuchuxū ningōgūgūchaū, yerū norū poramaā nanameēxēē.

*Duūxūgū i taāēgūxūchiga rū duūxūgū i ngechaūgūxūchiga
(Mt 5.1-12)*

²⁰ Rū yexguma Ngechuchu rū norū ngúxēēgūxū nadawenū, rū űanagūrū nūxū: —ĴPetaāēgū i pema ya ingearū ngēmaxūāxgūxe! Rū Tupana āēxgacū Ĵixūxūwa rū pema rū tá ta pexāchica.

²¹ —ĴRū petaāēgū i pema i űuxma taiyaexe! ĴRū tá meāma pingāxcharaūgū! ĴRū petaāēgū i pema i űuxma auxexe! Rū yixcama rū tá pecugūe.

²² —ĴRū petaāēgū i pema i ngēxguma duūxūgū pexchi aiegu, rū pexū inawūxgu, rū űacū pemaā yaxugūegu, rū chaugagu chixri pechiga yadexagūgu!

²³ —Rū ngēxguma ngēma pexū űpetūgu, rū Ĵpetaāēgūama rū tama pexoegaāēgū! Erū daxūgūxū i naānewa rū tá penayauxgū i wūxi i perū āmare i mexēchixū. Rū dūcax, űaā duūxūgū i űuxma pexchi aiexūārū oxigū rū yexgumarūū ta nixī ga naxchi na naxaiexū ga nuxcūmaūgūxū ga Tupanaārū orearū uruūgū.

²⁴ —Natūrū wūxi i ngechaū tá nixī i pexcèx i pema ya muārū ngēmaxūāxgūxe erū nūma űoma i naānewa rū marū petaāēgū.

²⁵ —Rū wūxi i ngechaū tá nixī i pexcèx i pema ya marū ingaxcharaūgūxe erū tá petaiyae. Rū wūxi i ngechaū tá nixī i pexcèx i pema i űuxma marū cugūexe, erū yixcama rū perū ngechaūmaā tá pexauxe.

²⁶ –Rü wüxi i ngechañ tá nixí i pexcèx i ngëxguma guxüma i duñxügü pexñ icuèxüñgügu. Erü ngëma duñxügü i ñuxma pexñ icuèxüñgüñdärü oxigü rü yexgumarüñ nüxñ nicuèxüñgü ga nuxcumañgüñ ga orearü uruñgümeta.

Name nixí i nüxñ tangechañ i ngëma tamañ rüxuanüñgüñ

(Mt 5.38-48, 7.12)

²⁷ –Natürü pema i ñuxma na choxñ pexññüèxñ rü pemañ nüxñ chixu rü: –Ñüxñ pengechañ i ngema pemañ rüxuanüñgüñ! ÿRü meñ nüxñ perüñgüñxëèx i ngëma pexchi aixñ!

²⁸ –ÿRü meñ nachiga pidexagü rü naxcèx ípeca i Tupanañrü ngüñxëè naxcèx i ngëma pemañ guxchigagüñ! ÿRü naxcèx peyumüñgü i ngëma chixri pechigamañ idexagüñ!

²⁹ –Rü ngëxguma texé cumañ nuxgu rü cuxñ tapechivegu rü name nixí i tama cuxñtanü ega woo curü tochiwewa rü ta cuxñ tapechivegu. Rü ngëxguma texé cuxñ napuarü gäuxñchiruñxgu, rü name nixí i tüxñ cungechaññama ega woo curü daxü rü ta cuxna tanapuxgu.

³⁰ –ÿRü tüxna naxā ya texé ya curü ngëmaxñcèx ícaxe! Rü ngëxguma texé curü ngëmaxñ cuxna napuxgu, rü tama name i naxcèx cungema.

³¹ –Rü ngëma mexñ i pema penaxwèxexñ na togü pemañ naxñxñ, rü name nixí i pema rü ta ngëmañcü mexñ namañ pexñ.

³² –Rü ngëxguma pema rü ngëma duñxügü i pexñ ngechaññxññícatama pengechañgu, rü ñtacüwa namexñ i ngëma? Erü ngëma duñxügü i tama yaxögüñxñ rü ngëmañcü nanaxügü.

³³ –Rü ngëxguma ngëma duñxügü i cuxñ rüñgüñxëèxññícatama curüñgüñxëègu, rü ñtacüwa namexñ i ngëma? Erü ngëma duñxügü i tama yaxögüñxñ rü ngëmañcü nanaxügü.

³⁴ –Rü ngëxguma ngëma duñxügü i ixāñrü dñeruññññaxícatama cunaxñxgu i curü dñeru, rü ñtacüwa namexñ i ngëma? Erü ngëma duñxügü i tama yaxögüñxñ rü ngëmañcü nanaxügü, erü nüxñ nacüèxgü rü tá nüxñ nanataeguxëè i ngëma dñeru.

³⁵ –Natürü pema rü name nixí i nüxñ pengechañ i ngema pemañ rüxuanüñgüñ, rü nüxñ perüñgüñxëè. Rü ngëxguma ñacüèx pexna nacaxgu, rü name nixí i tama pexoegeañcüma nüxna penaxā ega woo nagu perüñññüègu na ngürüñachi táñtama pexñ nataeguxëèñxñ. Erü ngëxguma ngëmañcü penaxñxgu, rü Tupana rü ngëmañrü yexera tá porañcü pexñ nanataeguxëè, rü naxñcügü tá pixñgü ya yima Tupana ya Poraxñchicü ya nüxñ rüñgüñxëècü ta i ngëma taguma moxë nüxna āñgüñxñ rü ngëma chixecümagüñxñ.

³⁶ –Rü pema rü name nixí i pengechañwaxegü, ngëma Penatü ya Tupana na ngechañwaxexñrñ.

Tama name i chixexñgu namañ perüñññie i togü

(Mt 7.1-5)

³⁷ –ÿRü taxñ i togüñxñ pixuxñ! Rü ngëxguma ya Tupana rü táññtama pexñ nixu na pechixexñ. ÿRü taxñ i poxcu namañ pexueguxñ i togü! Rü ngëxguma ya Tupana rü táññtama poxcu pemañ naxuegu. ÿRü nüxñ nüxñ perüñgüñmae i norü chixexñ i togü! Rü ngëxguma ya Tupana rü tá pexñ nüxñ narüñgüma i perü chixexñ.

³⁸ –ÿRü togümañ pengau i perü ngemaxñgü! Rü ngexguma ya Tupana rü tá pexna nanaxā. Rü ñoma wüxi i choca i meñma napaxñrñ rü meama ipoñcuxñrñ tá Tupana pexna nanaxā. Erü ngema nguruxñ i namañ cumücüna cuxñxñ i curü ngemaxñ rü ngematama nguruxñmañ tá Tupana cuxna nanaxā –ñanagürü.

³⁹ Rü Ngechuchu rü ñañ cüèxññ norü ngüexñgümañ nixu, rü ñanagürü: –Ññuxñcü i wüxi i ngexetüñxñ rü to i ngexetüñxñ namaxñ nacüèxëèxñ? Erü ngëma taxre i ngexetüñxñ rü wüxi i āñmaxñgü tá nüñgümañ nayayícu.

⁴⁰ –Rü taxuñma i ngüexñ rü norü ngüexññruñxñ narüyexera. Natürü ngexguma meñ nanguxgu rü tá naxñññ nixí ya norü ngüexññruñ.

⁴¹ –ÿRü tüñxññ nachiga quidexa i cumücü naxcèx i ngëma íraxñ i chixexñ i naxñxñ natürü tama cugñtama cugugü naxcèx i ngëma chixexñ i taxñ i cuxñxñ?

⁴² –Rü ngëxguma tama nüxna cucüèxñchigu i ngëma chixexñ i taxñ i cumatama cuxñxñ, rü ññuxñcürüwa i nagu curüññññ na cunamexëèxñ i ngëma cumücñarü chixexñ i íraxñ? Pa Duñxñ i Meñ Maxnetaxñ, name nixí i cuxira nüxñ curüxo i ngëma chixexñ i taxñ i cumatama cuxñxñ, rü ngëxguma tá cume na nüxñ curüñgüñxëèxñcèx i cumücü na nüxñ naxoxñcèx i ngëma chixexñ i íraxñ i naxñxñ.

Wüxi i nanetü rü norü owa nixí i nüxñ icuñxñ

(Mt 7.17-20, 12.34-35)

⁴³ –Nataxuma i nanetü i mexñ i chixearü oñxñ. Rü nataxuma i nanetü i chixexñ i meñrü oñxñ.

⁴⁴ –Rü wüxichigü i nanetü rü norü owa nixi i nüxü icuáxü. Rü wüxi i torawa rü taxucürüwama wüxi i orjx i imúxü tayaxu. Rü wüxi i chuxchuxüwa rü taxucürüwa uba tayaxu.

⁴⁵ –Rü wüxi ya mecü ya yatü rü mexü i orexü nixu, erü naáewa rü aixcüma mexügu narüxínü. Natürü wüxi i yatü i chixecümaxü rü chixexü i orexü nixu, erü chixexügu narüxínü. Rü ngéma naáewa ngexmaxü i chixexü nixi i nüxü yaxuxü.

İpata ya nutaétügu üxılne rü İpata ya naxnücüétügu üxılnechiga
(Mt 7.24-27)

⁴⁶ –¿Tüxcüü i pema rü: “Pa Torü Corix” ñaperügü choxü, natürü tama penaxü i ngéma pemaã nüxü chixuxü?

⁴⁷ –Rü ñuxma tá pemaã nüxü chixu na ñuxácü tixü ya yixema chowe rüxüxé rü choxü İñüxé rü naxüxe i ngéma tümamaã nüxü chixuxü.

⁴⁸ –Rü tümá rü wüxi ga yatü ga üpatacü rü yaméxmañcü ga norü caxta ñuxmata nutawa nangucürüü tixi. Rü yexguma naméxgu ga taxtü rü yabaixügu ga napata, rü woo ga na naporáüchiüxü, rü tama niwéxtaü, yerü meéma inapugüarü caxtañx ga guma İ.

⁴⁹ –Natürü yixema nüxü İñümarexe i chorü ore natürü tama naxüxe i ngéma tümamaã nüxü chixuxü, rü wüxi ga yatü ga naxnücüétügumare üpatacürüü tixi. Rü yexguma naméxgu ga taxtü, rü nibaixü ga napata, rü naporáüchiü. Rü niwéxtaü ga napata, rü yexma nayarüxo ga guma İ.

7

Ngechuchu rü Dumacıñx ga churaragüarü äëxgacüarü duñxüxü narümeëë
(Mt 8.5-13)

¹ Rü yexguma nüxü nachauxgu ga duñxügümaã na yadexaxü ga Ngechuchu, rü Capernáüwa naxü.

² Rü yéma nayexma ga wüxi ga churaragüarü capitáü ga Dumacıñx. Rü guma capitáü rü nüxü nayexma ga wüxi ga norü duñxü ga poraácü nüxü nangechañxü. Rü yema norü duñxü rü niñaawe, rü naturaxüchi.

³ Rü yexguma Ngechuchuxü naxinüchigagu ga guma capitáü, rü Ngechuchuxütawa nanamugü ga ñuxre ga Yudiügüarü äëxgacügüerugü. Rü ñanagürü nüxü: –İNgema Ngechuchuxütawa pexi na nüxü pecéëxügüxcèx rü núma naxü na chorü duñxüxcèx yanataanexéëäxüxcèx! –ñanagürü.

⁴ Rü Ngechuchuxütawa naxi, rü poraácü nüxü nacéëxügü, rü ñanagürügü: –Name nixi i nüxü curüngüxéë ya torü capitáü.

⁵ –Erü núma rü guxü i Yudiügüxü nangechañ. Rü nümatama nanaxütanü na naxügüäxüxcèx ga torü ngutaquéxepataü –ñanagürügü.

⁶ Rü yexguma ga Ngechuchu rü nawe narüxü. Natürü yexguma marü capitáüpataxü yangaicagu, rü núma ga capitáü rü Ngechuchucèx yéma nanamu ga ñuxre ga namücügü na namaã nüxü yanaxugüxcèx ga norü ore ga ñaxü: –Pa Corix, tama cuxü chachixewechañ na chopatawa cungxü erü choma rü taxuwama chame na chopatagu na cuxüxcuxü.

⁷ –Rü ngémacèx nixi i tama chomatama cuxcèx chayaçaxü. Rü chanaxwèxe i curü orewaxicatama nüxü quixu na naxcèx yataanexü tá i chorü duñxü.

⁸ –Erü choma rü ta chorü äëxgacüméxéwa changéxma, rü choxméxwa nangéxmagü ta i ñuxre i churaragü. Rü ngéxguma chanamuxgu i wüxi na ngéxtá naxüxcèx, rü ngema naxü. Rü ngéxguma chaugüxütawa naxcèx changemagu i to, rü chauxütawa nangu. Rü ngéxguma chorü duñxüxü chamuxgu na ñacü na naxüxcèx, rü choxü nanaxü –ñanagürü.

⁹ Rü núma ga Ngechuchu rü yexguma nüxü naxinügu ga yema capitáüärü ore rü nabaixächiaë. Rü yema duñxügü ga nawe rüxüxü nadawenü, rü ñanagürü: –Aixcüma pemaã nüxü chixu rü taxüma i Yudiügütanüwa nüxü ichayangau i wüxi i duñxü i ngéma yatürüü aixcüma yaxóxü –ñanagürü.

¹⁰ Rü yexguma nawoegugu ga yema capitáümücügü ga Ngechuchuxütawa namugüxü, rü nüxü inayangaugü ga marü naxcèx na yataanexü ga yema capitáüärü duñxü.

Ngechuchu İnanadaxéë ga wüxi ga yutecü ngıne

¹¹ Rü yemawena ga Ngechuchu rü wüxi ga İäne ga Naıgu äeganewa naxü. Rü nawe narüxü ga norü ngüexügü, rü muxüma ga togu ga duñxügü.

¹² Rü yexguma guma İäneärü ngaicamana nanguxgu, rü tüxü nadau ga wüxi ga yueta ga téxgüwa tüxü nangegüxe. Rü guxema yuetaarü mamá rü tayute rü guma yucü rü guxicatama nixi ga tümane ixücü. Rü muxüma ga duñxügü ga guma İanecüñx rü tüxü İnixümücügü.

13 Rū yexguma Cori ga Ngechuchu guma yucüarü mamaxü dèuxgu, rü nüxü ingehaütümüü. Rū ñanagürü ngixü: —jTäxü i cuxaxuxü! —ñanagürü.

14 Rū yexguma ga Ngechuchu rü yuetacèx nixü, rü nüxü ningögü ga tümachiü. Rū yema tüxü ingetaügüxü rü tümamaä inayachiächitanü. Rū ñanagürü ga Ngechuchu tüxü ga guxema yueta: —Pa Ngextüxcüx, jirüda! —ñanagürü.

15 Rū yexguma ga guxema yuchiréxe rü itarüto, rü itanaxügü ga na tidexaxü. Rū Ngechuchu rü tümaëna tüxü namu.

16 Rū yexguma yemaxü nadaugügu ga duüxügü, rü guxüma namuë. Rū inanaxügüe ga Tupanaxü na yacuëxüügüxü. Rū ñanagürügü: —Wüxi i Tupanaärü orearü uruü i poraxü tatanüwa nangox. Rū ñanagürügü ta: —Tupana nuä naxü na norü duüxügüxü yanangüxëxcèx —ñanagürügü.

17 Rū guxüma ga Yudéanewa rü norü ngaicamana, rü duüxügü nüxü nacuáchigagü ga yema Ngechuchu üxü.

Cuáü ga baiüxëëruü rü Ngechuchuxütawa nanamugü ga taxre ga norü duüxügü (Mt 11.2-19)

18 Rū Cuáü ga baiüxëëruü rü nüxü nacuáchiga ga guxüma ga yema Ngechuchu üxü, yerü norü ngüexügü ga Cuáü rü namaä nüxü nixugü. Rū yemacèx ga Cuáü rü taxre ga norü ngüexügücèx naca.

19 Rū Ngechuchuxütawa nanamugü. Rū Cuáü rü ñanagürü nüxü: —jNgema pexi rü Ngechuchuna peca rü ñapegügü nüxü: “¿Cuma yixü i Cristu i cuxü itananguxëëxü, rü ëxna to tá yixi i Cristu?” ñapegügü nüxü!

20 Rū yema yatügü ga Cuáü Ngechuchuxütawa mugüxü, rü Ngechuchucèx naxi. Rū ñanagürügü nüxü: —Cuáü ya baiüxëëruü núma cuxütawa toxü namugü na cuxna tay-acagüxcèx rü ¿aixcüma cuma quiüxü i Cristu ya núma ngxuchaücü, rü ëxna to tá yixi i Cristu? —ñanagürügü.

21 Rū yexgumatama Ngechuchuxütawa nangugügu ga Cuáüärü ngüexügü, rü Ngechuchu nanameëxëë ga muxüma ga duüxügü ga nagüxüraüxü ga daawemaä idaweexü rü yema ingexoäxü. Rū nayadauchigüxëë ga muxüma ga ingexetüxü.

22 Rū yemacèx Ngechuchu nanangäxü rü ñanagürü: —jPewoegu rü Cuáümaä nüxü peyarüxu i ngëma pematama nüxü pedauxü rü nüxü pexinüëxü! jRü namaä nüxü pixu i ñuxäcü i ngëma ingexetüxü rü marü nidauchigü, rü ngëma ichixeparaxü rü marü in-achigü, rü ngëma chaxüneäxgüxü rü marü naxcèx nitaanegü, rü ngëma ngauchixëgüxü rü marü ningöxnamachixëgü, rü ngëma yuexü rü wenaxäru namaxë, rü ngëma ingearü ngëmaxüäxümaä rü marü nüxü tixu i Tupanaärü ore i mexü!

23 —Rü tataäë ya yixema texé ya tama choxü rüxoxe —ñanagürü ga Ngechuchu.

24 Rū yexguma nawoeguxgu ga yema duüxügü ga Cuáü yéma mugüxü, rü Ngechuchu inanaxügü ga guma Cuáüchiga na yadexaxü. Rū duüxügümaä nüxü nixu, rü ñanagürü: —¿Tacü nixi ga pema ípeyadaugüxü ga dauxchitawa ga taxüema íxäpataxüwa? ¿Éxna wüxi ga yatü ga turaxü ga ñoma dexne ga buanecü yaxiäxtanücüxëëcürüü íxixü nixi ga ípeyadaugüxü?

25 —Rü ëxna tama guma ípeyadaugügu, ¿rü tacü nixi ga ípeyadaugüxü? ¿Éxna wüxi ga yatü ga poraäcü nügü ngëxäëcü ípeyadaugü? Pema nüxü pecuëx i ngëma poraäcü nügü ngëxäëgüxü rü äëxgacügü ya tacügüpatawa nangëxmagü, rü taxucèxma dauxchitawa nangëxmagü.

26 —¿Tacü ëxna nixi ga ípeyadaugüxü? ¿Éxna wüxi ga Tupanaärü orearü uruü? Ngëmaäcü aixcüma yema nixi ga ípeyadaugüxü. Rū pemaä nüxü chixu rü Cuáü ya baiüxëëruü rü tama wüxi i ngëxürrüxü i Tupanaärü orearü uruü nixi.

27 —Rü Cuáüchiga nixi ga naxümatüxü ga yema Tupanaärü ore ga ñaxü:

“Cupëxegu chayamu i chorü orearü ngeruü na cuxcèx namexëëäxcèx i duüxügüarü maxü”,

ñaxü.

28 —Rü pemaä nüxü chixu rü guxü i duüxügütanüwa rü nataxuma i Tupanaärü orearü uruü i Cuáü ya baiüxëëruüärü yexera. Natürü yixema Tupana äëxgacü íxixüwa wixwexüchi üxe, rü Cuáüärü yexera tixi —ñanagürü.

29 Rū guxüma ga duüxügü rü woo yema yatügü ga Dumaärü äëxgacücèx dïëru ngixü ideetanüxü, rü nüxü naxinüë ga yema Ngechuchuarü ore rü ñuxüchi Tupanaxü nicuëxüügü yerü nüxü nicuëxächitanü na aixcüma mecü yixü ga Tupana. Rū yema nixi ga duüxügü ga üpaacü Cuáü íbaiüxëëxü.

³⁰ Natürü yema Parichéugü rü yema ngúexêeruüğü ga Moïchearü mugüwa nguxêetaegüxü rü tama nanaxwèxegü ga Cuáü na ínbaiüxêêxü. Rü yemaácü nüxü naxoe ga yema mexü ga Tupana naxcèx üxchaüxü.

³¹ Rü nüma ga Cori ga Ngechuchu rü ñanagürü: —¿Tacügu tá chanangu i ñomaücüü maxêxü i duüxüğü? ¿Rü nanañacüaruüğü?

³² —Rü ñaä duüxüğü rü taxuxümaäma nataäëgü i ngêxgumarüü i ngema buxüğü i ñaxtüwa rütogüxü, rü íxñüçèxwèxegüxü, rü tagaäcü namüçügüxü ñagüxü:

“Marü wowerumaä pexcèx tapaxetagu natürü tama ípixüächitanüxü. Rü marü ngechaüxü i wiyaegu pexcèx tawiyaegu natürü tama pexauxe”, ñagüxü. Rü ngéma buxüğü rü taxuxümaäma nataäëgü i ñomaücüü i duüxüğü.

³³ —Yerü ga Cuáü ga baiüxêeruü rü nüma naxü, rü tama paü nangõx rü tama binu nayaxaxü. Rü yexguma ga pema rü: “Nangoxoãx” ñaperüğü nüxü.

³⁴ —Rü ñuxüchi nüma chaxü i choma ya Tupana Nane na duüxüxü chíxü, rü õna changõx rü binu chayaxaxü. Rü ngêxguma i pema rü ñaperüğü choxü:

“Choma rü chataanüxüchi rü changãxwèxe, rü pecadugü x-güxü i duüxügümaä chaxãmüçü, rü yatüğü i Dumaärü äëxgacüçèx diëru ngixü ideetanüxümaä chaxãmüçü”, ñaperüğü choxü.

³⁵ —Natürü Tupanaärü cuèx rü meäma nangox tümawa ya yíxema aixcüma nawe rüxixê —ñanagürü ga Ngechuchu.

Ngechuchu rü Chimáü ga Parichéupatawa nayexma

³⁶ Rü wüxi ga Parichéu rü Ngechuchuna naxu na napatawa nachibüxüçèx. Rü yéma naxü ga Ngechuchu rü yema Parichéuarü mechawa nayarüto.

³⁷ Rü wüxi ga ngeçü ga chixri maüxcü ga guma íanecüãx, rü yexguma nüxü nacuáçigagu na Parichéupatawa tá na nachibüxü ga Ngechuchu, rü yéma ixü. Rü yéma inange ga wüxi ga pumara ga yixixü ga wüxi ga butiya ga nutanaxcèxmaä äxchiüxü.

³⁸ Rü naxauxäcüma Ngechuchucutüxütawa iyarüttoxõchi. Rü ngixgüxüxëtümaä iyawai-cutüxêê. Rü ngíyaemaä ínapicutü, rü inachuxcutü. Rü ñuxüchi yema pumaramaä inach-cutü.

³⁹ Rü yexguma yemaxü nadèuxgu ga yema Parichéu ga Ngechuchuna uxü, rü naäëwa nagu narüxinü rü nügümaätama ñanagürü: —Ngêxguma chi ñaä Ngechuchu rü aixcüma wüxi i Tupanaärü orearü uruü yixügu, rü nüxü chí nacuèx na taçü yixü i ñaä ngexü i nüxü ingögüxü rü ñuxäcü na namaxüxü rü poraäcü na napecaduãxü —ñanagürü ga naäëwa.

⁴⁰ Rü yexguma ga Ngechuchu rü nüxü nacuèxama rü Parichéuxü ñanagürü: —Pa Chimáüx, choxü nangëxma i wüxi i ore i cumaä nüxü chixuxchaüxü —ñanagürü. Rü nüma ga Parichéu rü Ngechuchuxü nangãxü, rü ñanagürü: —¿çèçü, chomaä nüxü ixu, Pa Ngúexêeruüx! —ñanagürü.

⁴¹ Rü ñanagürü ga Ngechuchu: —Taxre ga yatüğü rü wüxi ga corixütawa nanangetanü. Rü wüxi nanangetanü ga 500 tachinü ga diëru rü to nanangetanü ga 50 tachinü.

⁴² —Natürü yema taxre rü taxuacü nanaxütanü ga norü ngetanü. Rü yemacèx düxwa yema norü cori rü nüxü nüxü narüngüma ga yema nüxü na nangetanügüãxü. Rü ñuxmax, Pa Chimáüx, rü ¿chomaä nüxü ixu! rü ¿ngêxürüüxü ga yema taxre ga yatüğü rü yexeraäcü norü corixü nangechaü? —ñanagürü.

⁴³ Rü Ngechuchuxü nangãxü ga Chimáü, rü ñanagürü: —Chauxcèx ga yema yexeraäcü nüxü nangetanüxü nixü ga yexeraäcü norü corixü ngechaüxü —ñanagürü. Rü Ngechuchu rü ñanagürü nüxü: —Ngêmaäcü aixcüma nüma nixü —ñanagürü.

⁴⁴ Rü yexguma ga Ngechuchu rü ngixü nadawenü ga yema ngeçü, rü ñanagürü Chimáüxü: —¿Ngixü cудаuxü i ñaä ngeçü? Rü cupatagu chaxüçü i chomax, Pa Chimáüx, natürü tama dexä choxnata cuxä chorü yauxcutüruü. Natürü ñaä ngeçü rü ngixgüxüxëtümaä choxü iyawaicutüxêê, rü ngíyaemaä choxü ípicutü.

⁴⁵ —Cuma rü tama choxü cuchuxu i noxri choxü curümoxëgu, natürü ngíma i ñaä ngeçü rü noxri nüma changuxgumama rü choxü iyachuxcutüçigü.

⁴⁶ —Cuma rü tama pumaramaä choxü cuchaeruxüra, natürü ngíma i ñaä ngeçü rü chacutügu inaba i pumara.

⁴⁷ —Rü ngêmacèx woo namu i ngírü pecadugü natürü Tupana ngixü nüxü nangechaü i guxüma, erü ngíma rü aixcüma choxü ingechaü. Natürü yíxema tama aixcüma ngechaüçèx íyaçaxe, rü tama poraäcü Tupanaxü tangechaü —ñanagürü.

⁴⁸ Rü yexguma ga Ngechuchu rü yema ngeçüxü ñanagürü: —Curü pecadugü rü marü cuxü nüxü changechaü —ñanagürü.

⁴⁹ Rü yema togü ga nüxna naxugüxü ga yéma Ngechuchumaä mechawa yexmagüxü, rü inanaxüğü ga nügümüçügümaäçigü na yadexagüxü. Rü ñanagürüğü: —¿Tacü nixü i ñaä yatü, ecèx ngêmaäcü duüxügüaxü pecaduxü nangechaüxü? —ñanagürüğü.

⁵⁰ Natürü Ngechuchu rü ñanagürü ngixü ga yema ngecü: —Marü cuxü nangëxma i maxü i taguma gúxü, erü choxü cuyaxö. ¡Ñuxma rü taãëácüma cuchiüwa naxü! —ñanagürü.

8

Ngexügu ga Ngechuchuxü rüngüxëëgüxü

¹ Rü yemawena ga Ngechuchu rü Garirëaaneärü ñanegügu nixüägüchigü. Rü duüxügümaã nüxü nixuchigü ga Tupanaärü ore na ñuxäcü äëxgacü yixü ya Tupana. Rü ñayaxümücügü ga yema 12 ga ngüexügu ga marü nadexü.

² Rü yexgumarüü ta ñiyaxümücügü ga ñuxre ga ngecügu ga üpaacü ngoxogü ngüwa ñawoxücü rü ngürü ñaaweewa ngixü nameëxëëcü. Rü yematanüwa iyexma ga María ga Magadácüäxmaã ngixü naxugücü ga üpaacü Ngechuchu 7 ga ngoxo ngüwa ñawoxücü.

³ Rü yéma iyexma ta ga Cuána ga Cuchu naxmëx. Rü Cuchu nixü ga wüxi ga äëxgacü ga Erodeaxü puracüxü. Rü yéma nayexmagü ta ga Chuchana rü mucüma ga náigü ga ngecügu ga ngürü ñierumaã Ngechuchuxü rüngüxëëgüxü.

Ore ga toecügu ixuxü

(Mt 13.1-9; Mr 4.1-9)

⁴ Rü muxüma ga yema ñanegücüäx ga duüxügu, rü Ngechuchuxütawa ñayadaugü. Rü yexguma yéma nangutaquëxegügu ga muxüma ga duüxügu, rü Ngechuchu namaã nüxü nixu ga wüxi ga ore ga cuëxruü, rü ñanagürü nüxü:

⁵ —Wüxi ga yatü ga toecü rü trigumaã nanagüane. Rü yexguma trigumaã nagüaneägu rü ñuxre ga trigu, rü namagu nayü. Rü duüxügu nawa nangagüxü, rü werigü rü nanawecu.

⁶ —Rü náigü ga trigu rü nutatanügu nayü. Rü yexguma naxügügu ga guma trigu, rü nipagü rü nayuemare, yerü nataxuma ga norü waianexü.

⁷ —Rü náigü ga trigu rü tuxunecügu nayü. Natürü yexguma nayaegu ga tuxugü rü guma triguxü ñawocu rü nanadai.

⁸ —Natürü náigü ga trigu rü mexü ga waixümügu nayü. Rü yemacëx ga yexguma nayaegu rü muxüma ga trigu nawa ñanguxuchi. Rü wüxipüxü ga triguma ñanguxuchi ga 100 püxü ga trigu —ñanagürü. Rü yemawena rü Ngechuchu tagaäcü ñanagürü nüxü ga duüxügu: —Rü yixema ächixëgüxe, rü jnaga taxinüë i ngëma ore! —ñanagürü.

Tacüchiga nixü ga yema ore ga cuëxruügu ixuxü

(Mt 13.10-17; Mr 4.10-12)

⁹ Rü yexguma ga norü ngüexügu rü nüxna nacagüë na tacüchiga yixü ga yema ore ga yatü ga toecügu ixuxü.

¹⁰ Rü Ngechuchu ñanagürü nüxü: —Tupana rü pexü nüxü nacuëxëë i ngëma ëxüguxü i taxuüma i togü nüxü cuáxü i ñuxäcü äëxgacü na yixü i nümax. Natürü togücëx rü cuëxruügu chayaxüäcüma namaã nüxü chixu i ore. Rü ngexguma woo nüxü nadaugügu rü ñoma tama nüxü nadaugüxürü nixigü, rü woo nüxü naxinüëgu rü ñoma tama nüxü naxinüëxürü nixigü —ñanagürü.

Ngechuchu rü meã nanangoxëë ga yema ore ga toecüchigagu yaxuxü

(Mt 13.18-23; Mr 4.13-20)

¹¹ Rü Ngechuchu rü ñanagürü: —Ngëma ore i toecüchigagu pemaã chixuxü rü ñaächiga nixü. Rü ngëma trigupüxü rü Tupanaärü orechiga nixü.

¹² —Rü guma trigu ga namagu yixünerüü nixü i duüxügu i ngëma orexü ñnëxü. Natürü Chataná rü ngëma duüxügüxü nüxü ñayarüngümaëxëë i ngëma ore, na tama yaxögüäxücëx rü tama nayauxgüäxücëx i maxü i taguma gúxü.

¹³ —Rü guma trigu ga nutatanügu yixüne, rü ngëma nixü i duüxügu i nüxü ñnëxü i Tupanaärü ore rü taãëácüma yaxögüxü. Natürü tama aixcüma nanayauxgü i ngëma ore, erü paxaächü nayaxögü, rü yixcüra guxchaxü nüxü üpetügu, rü nüxü narüxoe i ngëma ore.

¹⁴ —Rü guma trigu ga tuxunecügu yixüne, rü ngëma nixü i duüxügu i Tupanaärü orexü ñnëxü rü yaxögüxü natürü ñoma i naãneärü ngëmaxücëx oegaägüxü, rü norü ngëmaxüguama rüxinüëxü rü tama nüxü rüxoechaüxü i norü ngüchaügü. Rü ngëmagagu düxwa tama Tupanacëx namaxë.

¹⁵ —Natürü guma trigu ga mexü ga waixümügu yixüne, rü ngëma nixü i duüxügu i aixcüma taãëácüma nayauxgüxü i Tupanaärü ore, rü naga ñnëxü, rü meã naxcëx maxëxü. Rü ngëma nixü i duüxügu i aixcüma Tupanawe rüxixü rü naxügüxü i ngëma nüma nanaxwëxexü.

Cuëxruü ga omügu ixuxü

(Mr 4.21-25)

¹⁶ —Taxüema wüxi i omüwa tanangixichi na tanatüxpechitaxücëx rü ëxna tümaärü pechicatügu tayaxücuchixücëx. Natürü ngóxügu tanaxü na tüxü nabaxixücëx ya yixema ngexma chocuxe.

17 —Rü ngëxgumarüü ta i guxüma i tacü i cúácüma ixüüxü rü yixcüra rü duüxügü tá nüüxü nacuéxgüama. Rü guxüma i ngëma ñuxma duüxügücëx ëxüguxü rü tá nangoxoma.

18 —¡Meã iperüxinüë i ñuxmax! Erü texé ya naga ñnuxë i ngëma ore i mexü, rü Tupana tá yexeraäcü tüxü nüüxü nacuéxëë. Natürü yixema tama naga ñnuxë, rü yexeraäcü tá tüxna nanayaxu i ngëma íraxü i túmaärü cuëx i noxri tüxü ngëxmachiréxü —ñanagürü.

Ngechuchuarü mamá rü naëneëgüchiga
(Mt 12.46-50; Mr 3.31-35)

19 Rü naë ga Ngechuchu rü naëneëgü, rü yema Ngechuchu íyexmaxüwa tangugü. Natürü taxuacü naxütawaxüchi tangugü, yerü namuxüchi ga duüxügü.

20 Rü wüxi ga duüxü Ngechuchumaã nüüxü nixu, rü ñanagürü: —Yéa düxétüwa tangëxma ya cue rü cueneëgü, rü cuxü tadaugüchaü —ñanagürü.

21 Natürü nüma ga Ngechuchu rü ñanagürü nüüxü ga duüxügü: —Rü yixema nüüxü ñnuxë i Tupanaärü ore rü nagu maxexe rü yixema tixí ya chauë rü chaueneëgü íxügüxë —ñanagürü.

Ngechuchu rü buanecüxü rü yuapexü ínayachaxächixëë
(Mt 8.23-27; Mr 4.35-41)

22 Rü wüxi ga ngunexügü ga Ngechuchu rü norü ngüexügümaã wüxi ga nguëgu nichoü. Rü ñanagürü nüüxü: —¡Ngíxã daa naxtaxaarü tocutüwa taxí! —ñanagürü. Rü ínaxíachi.

23 Rü yexguma yaxäüyane rü nipechigü ga Ngechuchu. Rü ngürüächí yexma nüüxü naxü ga wüxi ga tacü ga buanecü. Rü guma nguëwa rü niyauxcuchichigü ga dexá. Rü düxwa ínayangutaügüchaü.

24 Rü yemacëx nüma ga norü ngüexügü rü Ngechuchuxü nacagü ga na ínadaxücëx. Rü ñanagürügü nüüxü: —Pa Ngüexëëruüx, ngëmama itabaxügü —ñanagürügü. Rü yexguma ga Ngechuchu rü ínarüda, rü buanecüxü rü yuapexü nanga. Rü ínayachaxächí ga buanecü, rü ínayarüxo ga yuape, rü ínachaxanemare.

25 Rü yexguma ga Ngechuchu rü ñanagürü nüüxü ga norü ngüexügü: —¿Tacü pexü naxüpetü ecëx tama meã peyaxögüxü? —ñanagürü. Natürü ga nümagü rü nabaixächíäëgü. Rü nügümücügüna nicachigü, rü ñanagürügü: —¿Tacü ëxna nixí i ñaã yatü rü ngëmamacëx ëjxrcü ya buanecü rü yuape rü naga naxíñüëxü? —ñanagürügü.

Yatü ga Gadarácūāx ga ngoxogü nawa yexmagüxü
(Mt 8.28-34; Mr 5.1-20)

26 Rü düxwa naxtaxaarü tocutüwa nangugü ga Gadáaraarü naãnewa. Rü yema naane rü Gariréaneärü toxmëxtawa nayexma.

27 Rü yexguma marü nguëwa ínaxüëgu, ga Ngechuchu, rü naxcëx nixü ga wüxi ga yatü ga guma íañecüāx ga mucü ga taunecü ngoxogü nawa yexmagücü. Rü guxüguma nangexchiruecha. Rü tama íwa nayexma, yerü duüxëchíquëxetanügu nayarüxauxchigünëxü.

28 Rü yexguma Ngechuchuxü nadëuxgu, rü napëxëgu nayacaxápüxü. Rü aita naxüācüma ñanagürü: —¿Tüxcüü nuã choxü cuyachixewe, Pa Ngechuchux, Pa Tupana ya Tacüxüchi Nanex? Rü cuxü chacëëxü na tama ngüxü choxü quingëxëëxü —ñanagürü.

29 Rü yema ñanagürü yerü Ngechuchu marü nanamu ga yema ngoxogü na ínachoüxücëx. Rü müëxpüxcüna rü guma yatüxü naxäüāëxëëxü ga yema ngoxogü. Rü duüxügü rü cadenamaã nayanëjxchacüügüxü rü nayanëjxparagüxü na taxuwama naxüxücëx. Natürü nüma rü nagu nacaugüama ga cadenagü. Rü yema ngoxogü rü dauxchitawa ga taxüema íxápataxüwa nanagagü.

30 Rü Ngechuchu nüxna naca rü ñanagürü: —¿Tacü nixí i cuéga? —ñanagürü. Rü nüma rü Ngechuchuxü nangäxü, rü ñanagürü: —Muxüchixü nixí i chauéga —ñanagürü. Rü yema ñanagürü yerü namuxüchi ga yema ngoxogü ga guma yatügu chocuxü.

31 Rü yema ngoxogü rü Ngechuchuna nacagü ga tama ngëma poxcuchica i äxmaxü i taguma iyacuáxügu na nawocuāxücëx.

32 Rü guma mëxpüñëärü tuächíwa nayexmagü ga muxüma ga cuchigü ga yéma chibüëxü. Rü yemacëx ga yema ngoxogü rü Ngechuchuxü nacëëxügü na yema cuchigügu nayachocuxücëx. Rü Ngechuchu rü: —Ngü —ñanagürü.

33 Rü yexguma ga yema ngoxogü rü guma yatüwa ínachoü rü yema cuchigügu nayachocu. Rü guxüma ga yema cuchigü rü ínaxüächí, rü naxtaacutüarü mëxpüxüwa nayarüyugü, rü yexma nayí.

34 Rü yexguma yema cuchigüarü dauruügü nüüxü daugügu ga yema ngupetüxü, rü nabaixächíäëgü rü ínibuxmü. Rü íañewa nüüxü nayarüxügüë, rü yema íañëärü ngaicamana ípeagüxü ga duüxügütanüwa rü ta nüüxü nayarüxügü.

35 Rü ga duüxügü rü ínayadaugü ga yema ngupetüxü. Rü yexguma Ngechuchuxütawa nangugügu, rü yéma nüüxü nadaugü ga guma yatü ga ngoxoāxchirëcü. Rü Ngechuchucutüxütawa narüto, rü marü tama naxäüāë. Rü namuüë ga duüxügü.

³⁶ Rū yema duñxügü ga nüxü daugüxü ga yema ngupetüxü, rū yema íyadaugüxümaã nüxü nixugügü ga ñuxácü Ngechuchu na namexêêxü ga guma yatü ga ngoxoãxchirécü.

³⁷ Rū yexguma yemaxü naxñinüëgu, rū guxüma ga yema Gadáranecüãx ga duñxügü, rū Ngechuchuxü nacêêxügü na ínaxüxüxcêx ga yema naãnewa, yerü poraãcü namutê. Rū yemacêx ga Ngechuchu rū nguegu nixüe, rū inaxüãchi.

³⁸ Rū guma yatü ga ngoxoãxchirécü rū Ngechuchuxü nacêêxü ga nawe na naxüxcêx. Natürü ga Ngechuchu rū nanamu ga yexma na naxãxüxcêx, rū ñanagürü nüxü:

³⁹ —¡Cuchiüwa naxü, rū duñxügümaã nüxü yarüxu ga ñacü cuxcêx na naxüxü ga Tupana! —ñanagürü. Rū ínixü ga guma yatü, rū guxüma ga yema ñanecüãx ga duñxügümaã nüxü nayarüxu ga ñacü naxcêx na naxüxü ga Ngechuchu.

*Yáiruxacüchiga rū yema nge ga Ngechuchuchirugu ingögüçichiga
(Mt 9.18-26; Mr 5.21-43)*

⁴⁰ Rū yexguma Ngechuchu wenaxärü taegugu ga naxtaxaarü tocutüwa, rū duñxügü rū taããcüma nanayauxgü, yerü guxüma ínananguxêêgü.

⁴¹ Rū yéma Ngechuchuxütawa nangu ga wüxi ga yatü ga Yáiru ga naega. Rū nüma ga Yáiru rū wüxi ga ngutaquêxepataürü ãëxgacü nixü. Rū Ngechuchupêxegu nayacaxãpüxü rū nüxü nacêêxü ga napatawa na naxüxcêx.

⁴² Yerü nüxü iyexma ga wüxi ga naxácü ga ngügümaã wüxicacü, rū iyadaawe, rū ituraxüchi. Rū ngíma rū maneca 12 ga taunecü ngíxü nayexma. Rū yexguma Yáirupatawa naxüxgu ga Ngechuchu, rū muxüchixü ga duñxügü nawe narüxi, rū düxwa ínayaxütügü.

⁴³ Rū yema duñxügütanüwa iyexma ga wüxi ga ngecü ga 12 ga taunecü ägüechacü. Rū yemamaã iyadaawechea. Rū duturugüxüttagu ngíxü iguxêê ga guxcü ga ngírü diëru, natürü taxüema ga texé ngíxcêx tayataanexêêega.

⁴⁴ Rū yema ngecü ga Ngechuchuweama ne ixü, rū naxpechinüchirugu iyangögü. Rū yexgumatama ínayachaxãchi ga na naxägüxü.

⁴⁵ Rū yexguma ga Ngechuchu rū duñxügüna naca, rū ñanagürü: —¿Texé tixü ya choxü ingögüxe? —ñanagürü. Rū guxüma ga duñxügü rū: —Taxüema —ñanagürügü. Rū yexguma ga Pedru rū namücügü rū ñanagürügü: —Pa Ngüexêêruüx, cuma nüxü cudau i ñuxre i duñxügü ngema cuxü na nayaxütügüxü, rū ngêxguma rū ta:

“¿Texé ya choxü ingögüxe?” ñacuxü —ñanagürügü.

⁴⁶ Natürü ga Ngechuchu rū ñanagürü: —Ngêmaãcü wüxie choxü tingögü, erü nüxü chicüexãchi na chorü poramaã tüxü na charümexêêxü —ñanagürü.

⁴⁷ Rū yexguma nangoxomagu ga na nüxü nacüexamaxü ga Ngechuchu ga yema nüxü na yangögüxü, rū yaduruxácüma naxütawa íxü ga yema ngecü. Rū napêxegu iyacaxãpüxü. Rū guxü ga duñxügüpêxewa namaã nüxü iyaxu ga ñacüxcêx nüxü na yangögüxü, rū ñuxácü yexgumatama ngíxcêx na yataanexü.

⁴⁸ Rū yexguma ga Ngechuchu rū ñanagürü ngíxü: —Pa Chauxacüx, cuxcêx nitaane, erü cuyaxö. ¡Rü ñuxma rū taããcüma íxü! —ñanagürü.

⁴⁹ Rū yexguma íyadexayane ga Ngechuchu, rū yéma nangu ga wüxi ga duñxü ga ngutaquêxepataürü ãëxgacü ga Yáirupatawa ne üxü. Rū ñanagürü Yáiruxü: —Cuxacü rū marü iyu. ¡Rü tãxü i cuyachixewechigüxü ya Ngüexêêruü! —ñanagürü.

⁵⁰ Natürü yexguma yema orexü naxinügu ga Ngechuchu, rū ñanagürü Yáiruxü: —¡Tãxü i cuyanguãêxü! Erü ngêxguma cuyaxöxgu rū cuxacü rū tá wena imaxü —ñanagürü.

⁵¹ Rū yexguma Yáirupatawa nangugügu, rū Ngechuchu nayachocuxêê ga Pedru rū Chaütiágu rū Cuáü rū ngínatü rū ngê ga yema bucü ga yuxcü. Natürü tama nanaxwêxe na togü yexma chocuxü.

⁵² Rū guxüma ga duñxügü ga yéma yexmagüxü rū naxauxe rū ngíxcêx nangechaügü. Natürü Ngechuchu rū ñanagürü nüxü: —¡Tãxü i pexauxexü! Erü ngêma bucü rū tama nixü i nayuxü. Rū ipemare —ñanagürü.

⁵³ Natürü ga yema duñxügü rū Ngechuchuxü nacugüeama, yerü ngíxü nadaugü rū aixcüma marü iyu.

⁵⁴ Rū yexguma ga Ngechuchu rū ngíxmêxgu nayayauxãchi, rū tagaãcü ñanagürü: —Pa Bucüx, ¡jírüda! —ñanagürü.

⁵⁵ Rū yexguma ga ngíma rū wena imaxü, rū yexgumatama írúda. Rū Ngechuchu rū duñxügümaã nüxü nixu na ngíxü naxüwemügüxcêx.

⁵⁶ Rū ngínatü rū ngê ga yema bucü, rū poraãcü taãaixãchiãëgü. Natürü Ngechuchu rū tüxü namu na taxüemaãma nüxü na tixüxcêx ga yema ngupetüxü.

9

*Ngechuchu norü ngüexügüxü namu na nüxü yanaxugüexcêx ga Tupanaarü ore
(Mt 10.5-15; Mr 6.7-13)*

1 Rū Ngechuchu rü nanangutaquëxexëë ga yema 12 ga norü ngüexüğü. Rū pora nūxna naxā rü nūxna naxāga na inawoxūāxūcëx ga nagūxūraūxū ga ngoxogü, rü na nameëxëëāxūcëx ga duūxüğü ga idaaweexü.

2 Rū nayamugü na duūxüğümaā nūxū yaxugüexūcëx ga ore ga mexü na ñuxācü āëxgacü yīxū ya Tupana, rü na nameëxëëāxūcëx ga duūxüğü ga idaaweexü.

3 Rū ñanagürü nüxū: —¡Rū taxuxūtāma íperü namawaū, rü bai ya perü caxūchigüxū ya naixmenëxā, rü bai i perü choca, rü bai i perü pāu, rü bai i perü dīeru. Rū wūxitama i perü daxū ípinge, rü tama i taxre!

4 —Rū ngëxguma wūxi ya ñānewa pengugügu, ¡rū wūxi ya ípatagutama perücho rü ñuxmata ipexīāchi nawa ya yima ñāne!

5 —Rū ngextā tama pexū inayauxgüxūwa, ¡rū ípechoxū nawa ya yima ñāne! Rū ngëxguma ngema ipexīāchigu ¡rū ipepagücutü i perü úxaxūcutü na ngëmawa nüxū nacuëxgüxūcëx na chixexū naxüğüxū i ngëma duūxüğü! —ñanagürü.

6 Rū inaxīāchi, rü guxūma ga ñānexācüğüwa naxī. Rū nüxū nixugüetanü ga Tupanaärü ore ga mexü. Rū guxūwama nanameëxëëtanü ga duūxüğü ga idaaweexü.

*Erode rü tama nüxū nacuëxëga na texe yixūxū ga Ngechuchu
(Mt 14.1-12; Mr 6.14-29)*

7 Rū Garirēaaneärü āëxgacü ga Erode, rü nüxū nacuāchiga ga guxūma ga yema Ngechuchu üxū. Rū poraācü nagu narūxīnū rü naxoegaāë ga Erode, yerü nümaxū ga duūxüğü rü ñanagürüğü: —Cuāü ya baiūxëerü nixī ya yima, rü marü wena namaxū —ñanagürüğü.

8 Natürü togü rü ñanagürüğü: —Nuxcūmaūcü ga Tupanaärü orearü uruū ga Éria nixī, rü wena nangox —ñanagürüğü. Rū togü rü ñanagürüğü: —Bexmana nāi ga nuxcūmaūcü ga Tupanaärü orearü uruū nixī, rü wena namaxū —ñanagürüğü.

9 Natürü Erode rü ñanagürü: —Chomatama chanamu ga churaragü na Cuāūxū yadae-naxāgüxūcëx. ¿Rū tacü éxna nixī i ngëma yatü i duūxüğü ngëmaācü poraācü nüxū ixuchi-gagüechaxū? —ñanagürü. Rū Erode rü nüxū nangúchxūxūchi na ñuxācü Ngechuchuxū na nadauxū.

*Ngechuchu rü nanachibüexëë ga 5000 ga yatüğü
(Mt 14.13-21; Mr 6.30-44; Cu 6.1-14)*

10 Rū yexguma nawoëguxgu ga yema Ngechuchuarü ngüexüğü ga yamugüxū, rü Ngechuchumaā nüxū nixugüë ga yema naxüğüxū. Rū nüma ga Ngechuchu rü yema norü ngüexüğümaā nixügachi, rü Bechaídaarü ñānewa namaā naxū.

11 Natürü yexguma duūxüğü nüxū cuëxüğü ga ngextā na nayexmaxū, rü Ngechuchuwe narūxī. Rū Ngechuchu rü meāma yema duūxüğüxū nayaxu, rü namaā nüxū nixu na ñuxācü āëxgacü yīxū ya Tupana. Rū nanameëxëë ga yema duūxüğü ga idaaweexü.

12 Rū yexguma marü nayāuanegu, rü Ngechuchucëx naxī ga yema 12 ga ngüexüğü ga yamugüxū. Rū ñanagürüğü nüxū: —¡Íyamugü i ñāā duūxüğü na ñānexācüğü rü ípatagü ya ngaicamana ngëxmagūnewa na naxīxūcëx, rü ngëxma na napegūxūcëx rü norü ónatëëx yataxegüxūcëx! Erü nuā íngëxmagüxūwa rü nataxuma i ¡tacü rü óna —ñanagürüğü.

13 Natürü Ngechuchu rü ñanagürü nüxū: —¡Pematama penaxūwemü! —ñanagürü. Rū nanangāxüğü, rü ñanagürüğü: —Wūximëëxpüx i pāu rü taxre i choxnixīcatama toxū nangëxma. ¿Rū éxna cunaxwëxe na naxcëx tayataxegüxū i óna naxcëx i guxūma i ñāā duūxüğü? —ñanagürüğü.

14 Rū 5000 ga yatüğü nixī ga yema yéma yexmagüxū. Natürü Ngechuchu rü ñanagürü nüxū ga norü ngüexüğü: —¡Écü ípenatogüxëëx rü 50 chigü i wūxi tücumüwachigü! —ñanagürü.

15 Rū yemaācü nanaxüğü ga norü ngüexüğü. Rū ínanatogüxëë ga guxūma ga duūxüğü.

16 Rū yexguma ga Ngechuchu rü nanade ga yema wūximëëxpüx ga pāu rü yema taxre ga choxni. Rū daxügu nadawenüācüma Tupanana moxë naxā, rü ñuxūchi ínanabücu ga yema pāu rü choxni. Rū norü ngüexüğüna nanaxā na nüxū yanuāxūcëx ga yema duūxüğü.

17 Rū guxūma ga yema duūxüğü rü meāma nachibüë. Rū yemawena rü 12 ga pexchigü nanapagūamatama namaā ga yema pāu rü choxnichipëxëgu ga iyaxüğüxū.

*Pedru nanangoxëë na Cristu na yīxū ga Ngechuchu
(Mt 16.13-19; Mr 8.27-29)*

18 Rū wūxi ga ngunexū rü Ngechuchu norü ngüexüğümaā noxrūwama yayumüxëgu, rü nüma rü norü ngüexüğüna naca, rü ñanagürü: —¿Ñuxū ñaxū i duūxüğü i chauchiga i choma na texë chíxū? —ñanagürü.

19 Rū norü ngüexüğü nanangāxüğü rü ñanagürüğü: —Nangëxma i duūxüğü rü:

“Cuāü ya baiūxëeruū quixī”, ñagüxū, rü togü rü:

“Éria quixī”, ñagüxū, rü togü rü:

“Wüxi ga nuxcúmañcú ga Tupanaãrú orearú uruú i wena maxúcu quixí”, ñagúxú – ñanagürügü.

²⁰ Rú yexguma Ngechuchu núxna naca rú ñanagürü: –¿Rú pema i ñuxú ñapegúxú choxú na texé chíixú? –ñanagürü. Rú Pedru nanangáxú rú ñanagürü: –Cuma nixí i Cristu i Tupana Nane –ñanagürü.

Ngechuchu nanaxunañgü ga norú yuxchiga
(Mt 16.20-28; Mr 8.30-9.1)

²¹ Rú Ngechuchu rú nayaxucúxëgü ga norú ngúexúgü na taxúemañma núxú yaxugüexúcxëc ga núma rú Cristu na yíixú.

²² Rú ñanagürü núxú ga norú ngúexúgü: –Choma i Tupana Nane na duúxúxú chíixú, rú poraácú ngúxú tá chinge. Rú choxú tá naxooxgü i Yudiugüarú ãëxgacúgüerugü, rú paigüarú ãëxgacúgü, rú ngëma ngúexëeruúgü i Moíchëarú mugüwa ngúxëetaegúxú. Rú tá choxú nimëxgü, natürü tomaëxpüx i ngunexúgu rú wena táxaru chamaxú –ñanagürü.

²³ Rú yíxcama rú guxúma ga norú ngúexúgüxú ñanagürü: –Rú ngëxguma texé chowe rúxúxcháñgu, jëcü núxú tarúxo i túmaãrú ngúcháñ, rú namaã tabora i ngëma guxchaxúgü i túmacëx ñnguxú i ñoma curuchawa tipotaxürüú túxú ixíxëëxú, rú ngëmaëtüwa chowe tarúxúãma!

²⁴ –Erü yíxcama tügü maxëchaxëëcháñxë rú tá tayu, natürü yíxcama chauxcëx yuxe rú aixcúma tá túxú nangëxma i maxú i taguma gúxú.

²⁵ ¿Rú tacüwa i núxú namexú ya wüxi ya yatü ega nayauxãgu i guxúma i ñoma i nañëarü ngëmaxúgü, natürü iyanatauxëëãgu i norú maxú?

²⁶ –Rú ngëxguma texé chauxcëx ãnegu rú naxcëx taxãnegu i chorü ore, rú choma i Tupana Nane i duúxúxú na chíixú rú tá ta túmacëx chaxãne i ngëxguma ãëxgacú chixíãcúma núma chaxúxgu. Rú ngëxguma wenaxãrú núma chaxúxgu rú Chaunatü ya Tupanarüú tá chapora, rú daxúçúñax i Tupanaãrú orearü ngeruúgü i üünegúxürüú tá chamexëchi.

²⁷ –Rú aixcúma pemaã núxú chixu rú ñuxre i duúxúgü i nuã ngëxmagúxú rú tá núxú nadaugü na ñuxãcü ãëxgacú na yíixú ya Tupana naxúpa na nayuxú –ñanagürü.

Ngechuchu rü toraxú nangox
(Mt 17.1-8; Mr 9.2-8)

²⁸ Rú 8 ga ngunexúguwena ga na yema ñaxú, rú Ngechuchu rü wüxi ga mëxpúnëwa naxú na yëma yayumüxëxúcxëc. Rú ñnayaxúmcügü ga Pedru rü Chañtiágu rü Cuáú.

²⁹ Rú yexguma ñayumüxëyane ga Ngechuchu rü nachiwe rü ngürüãchi niyauracüü, rú naxchiru rú ta niyauracüü, rú poraácúxúchima nacómü.

³⁰ Rú yexguma rü yëma nangox ga taxre ga yatügü ga Ngechuchumaã idexagúxú. Rú Moíchë nixí ga wüxi, rü Ería nixí ga to.

³¹ Rú yema taxre iyexmagúxúwa rú poraácúxúchi nangóone. Rú ñindexagü nachiga ga ñuxãcü Yerucharëñgu tá na nayuxú ga Ngechuchu.

³² Rú woo ga Pedru rü namücügü rú poraácü na nayaxtaexú rú tama napee. Rú núxú nadaugü ga ñuxãcü poraácü na nangónexú ga naxútawa ga Ngechuchu rü yema taxre ga yatügü ga namaã yexmagúxúxútawa.

³³ Rú yexguma yema taxre ga yatügü Ngechuchuna ixíngachitanügu, rú Pedru rü ñanagürü Ngechuchuxú: –Pa Ngúexëeruúx, namexëchi nixí na nuã ñngëxmagúxú. ¡Rú ngíxã tanaxú ya tomaëxpüx ya düxenü, rú wüxi ya cuxcëx, rú náí ya Moíchécëx, rú náí ya Eríacëx! –ñanagürü. Natürü ga Pedru rü tama núxú nacüex ga na ñuxú ñaxú yerü poraácü nabaixãchiãë.

³⁴ Rú yexguma ñyadexayane ga Pedru, rü wüxi ga caixanexú natanügu nayangëixema. Rú poraácü namuñë ga yema ngúexúgü ga yexguma yema caixanexú natanügu yangëixemagu.

³⁵ Rú yema caixanexúwa ñanaxú ga wüxi ga naga ga ñaxú: –Daa nixí ya Chaune ya núxú changecháñxúchicü. ¡Rú naga pexíñë! –ñaxú.

³⁶ Rú yexguma yema ñaxguwena ga yema naga rú Ngechuchuarü ngúexúgü rú taxúexúma ga toguexú nadaugü, rú Ngechuchuxúxícatama nadaugü. Rú yema ngúexúgü rú taxúemañma núxú nixugüe ga yema núxú nadaugúxú.

Ngechuchu rü nanamexëë ga wüxi ga bucü ga ngoxo nawa yexmacü
(Mt 17.14-21; Mr 9.14-29)

³⁷ Rú yexguma moxúãcü ga guma mëxpúnëwa yanachoñgu, rú muxúma ga duúxúgü yexma Ngechuchuxú nayangaugü.

³⁸⁻³⁹ Rú yema duúxúgütanüwa rü wüxi ga yatü tagaácü Ngechuchuxú ñanagürü: –Pa Ngúexëeruúx, ¡choxú rüngúxëë, rú túxú nadau ya chaune! Erü tügümaã choxú tawüxcëx, rü wüxi i ngoxo túmawa nangëxma. Rú ngëxguma túxú naxúxgu, rú aita túxú naxúxëë, rú túxú naxúãxëëë, rú túxú narúchiëëë. Rú chixexú túmamaã naxú, rú tama túxú ñngëxcháñ.

40 Rū marū nüxü chacèèxü i curü ngüexüğü na tümawa ínatèxüchigüáxüçèx i ngéma ngoxo, natürü tama nüxü inaxínü —ñanagürü.

41 Rū yexguma Ngechuchu nanangāxü, rü ñanagürü: —Pa Duüxüğü i Tama Yaxögüxüx, çNuxguratáta i pemaã chanuxmaxü rü yaxna pemaã cha xí-nüxü? ¡Nuã naga ya cune! —ñanagürü.

42 Natürü yexguma Ngechuchuxütawa nanguxgu ga guma bucü, rü yema ngoxo rü guma bucüxü ñaxtüanegu nayanguxèè, rü nanaxäüäèèè. Natürü Ngechuchu nananga ga yema ngoxo, rü nanamexèè ga guma bucü. Rū ñuxüchi nanatüxütawa nanamu.

43 Rū guxüma ga duüxüğü rü ñaïxächiaègü ga yexguma nüxü nadaugügu ga ñuxäcü na naporaxü ya Tupana.

Ngechuchu rü wenaxärü nanaxunagü ga norü yuxchiga
(Mt 17.22-23; Mr 9.30-32)

Rü yexguma duüxüğü namaã ñaïxächieyane ga yema Ngechuchu üxü, rü ñanagürü ga Ngechuchu nüxü ga norü ngüexüğü:

44 —¡Meã iperüxínüè i ñaã ore i pemaã nüxü chixuxü! ¡Rü täütáma nüxü ipeyarüngümaè! Choma i Tupana Nane na duüxüxü chüxü, rü chauechita tá choxü ímaxuaxüğü i duüxüğü na äèxgacügü choxü iyauxgüxüçèx —ñanagürü.

45 Natürü ga norü ngüexüğü rü tama nüxü nacüèxgüéga ga yema namaã nüxü yaxuxü. Yerü Tupana rü tama naxcèx nanangoxèè ga yema ore na nüxü nacüèxgüxüçèx. Rū yema ngüexüğü rü namuèè ga Ngechuchuna na nacagüxü na meã namaã nangoxèèxüçèx ga yema namaã nüxü yaxuxü.

çTexé tá tixí ya guxäärü yexera ixíxè?
(Mt 18.1-5; Mr 9.33-37)

46 Rū yexguma ga norü ngüexüğü rü inanaxügüè ga nügümaã na yaporagatanüçüxü nachiga ga texé tá tixü ya natanüwa guxäärü yexera ixíxè.

47 Natürü Ngechuchu rü nüxü nacüèxama ga yema norü ngüexüğü nagu rüxínüèxü. Rū yemacèx wüxi ga buxü nügüxütawa naga, rü nügüxütagu nayachixèè.

48 Rū ñanagürü nüxü ga norü ngüexüğü: —Texé ya ñaã buxüxü meã yaxüxe chauégagu, rü choxü nixí i tayaxuxü. Rū yixema meã choxü yaxüxe, rü Chaunatü ya núma choxü mucüxü rü ta meã tayaxu. Rū yixema guxäärü yexera tügü íruxírxax, rü yixema tixí ya guxäärü yexera ixíxè —ñanagürü.

Texé ya tama taxchi aixe rü tórü ngüxèèruü tixí
(Mr 9.38-40)

49 Rū yexguma ga Cuãü rü ñanagürü nüxü: —Pa Ngüexèèruüx, nüxü tadau ga wüxi ga yatü ga cuégagu ngoxogü íwoxüxü. Rū toma nüxna tanachüxu ga yema yerü tama tatanüxü nixí ga númax —ñanagürü.

50 Natürü Ngechuchu rü ñanagürü nüxü: —Tama name i nüxna na penachüxuxü. Erü texé ya tama taxchi aixe, rü tórü ngüxèèruü tixí —ñanagürü.

Ngechuchu nayangagü ga Chaütiágu rü Cuãü

51 Rū yexguma marü yangaicagu ga Ngechuchu ga daxügüxü ga naãnewa na naxüxü, rü tama namuèäcüma inaxüächi ga Yerucharéüwa na naxüxü.

52 Rū nügüpèxegu nayamugü ga ñuxre ga norü orearü ngerüğü. Rū nümagü rü nawa naxí ga wüxi ga íñexäcü ga Chamáriaanewa yexmane, na yexma naxcèx yadaugüxüçèx ga wüxi ga í na Ngechuchu nagu pexüxü.

53 Natürü yema Chamáriaanecüäx rü tama nanayauxgüchaü, yerü nüxü nacüèxgü ga Yerucharéüwa tá na naxüxü.

54 Rū yexguma yemaxü nadaugügu ga norü ngüexüğü ga Chaütiágu rü Cuãü, rü ñanagürüğü Ngechuchuxü: —Pa Corix, çcumaxwèxèxü na Tupanana naxcèx tacaxü na daxüwa ne namuèäxüçèx ya üxü na naguxèèäxüçèx i guxüma i ñaã duüxüğü, yema nuxcümaücü ga Tupanaärü orearü uruü ga Eria üxüüü? —ñanagürüğü.

55 Rū yexguma ga Ngechuchu rü nüxü nadawenü, rü nayangagü, rü ñanagürü nüxü: —Pema rü tama nagu perüxínüè na texéarü duüxüğü pixígüxü.

56 —Erü choma i Tupana Nane na duüxüxü chüxü, rü tama duüxügüarü tauxexèèwa núma chaxü, natürü núma chaxü na duüxüğüxü chamaxèxèèxüçèx —ñanagürü. Rū yexguma rü náí ga íñexäcüwa naxí.

Duüxüğü ga Ngechuchuwe rüxcháüxüchiga
(Mt 8.19-22)

57 Rū yexguma namagu naxíxgu rü wüxi ga yatü Ngechuchuxü ñanagürü: —Pa Corix, cuwe charüxüxchaü i ngextá cuma ícuxüüwa —ñanagürü.

⁵⁸ Rū Ngechuchu nanangāxū rū ñanagürü: —Ngowagü rü nüxū nangēxma i naxmaxūgü, rü werigü rü nüxū nangēxma i naxchiāügü, natürü choma i Tupana Nane na duñxūxū chīixū, rü nataxuma i chauchica i ngextá nagu chicuxeruxū —ñanagürü.

⁵⁹ Rū Ngechuchu ñanagürü nüxū ga wüxi ga to ga yatü: —¡Chowe rüxū! —ñanagürü. Natürü nüma ga yema yatü rü ñanagürü nüxū: —Pa Corix, noxri chanawēxe i chaunatūxū ichayatēxira —ñanagürü.

⁶⁰ Rū Ngechuchu nanangāxū rü ñanagürü: —Nüē ngēma cutanūxū i tama yaxōgūxū iyatēxgü i ngēma naxrütü yuexū, natürü cuma rü curü puracü nixī na paxa duñxūgūmaā nüxū cuyarūxuxū i Tupanaärü ore na ñuxácü guxāärü āēxgacü na yīixū i nümax —ñanagürü.

⁶¹ Rū wüxi ga to ga duñxū rü ñanagürü Ngechuchuxū: —Pa Corix, ngēmāácü cuwe charūxūxchañ, natürü noxri chanaxwēxe i nüxū chayarūmoxē i ngēma chopatacūāxgü —ñanagürü.

⁶² Natürü Ngechuchu rü ñanagürü nüxū: —Texé ya yīxema inaxūgūxe na Tupanaärü puracüwa tapuracūxū natürü tümaärü ngēmaxūguama rüñinūxē, rü tama tame na Tupanaāxū tapuracūxū —ñanagürü.

10

Ngechuchu nayamugü ga 72 ga norü ngüexūgü

¹ Rū yemawena ga Cori ga Ngechuchu rü nayadexechi ga 72 ga to ga norü ngüexūgü. Rū taxrechigü inayamugü na yoxni guxū ga yema ñānegü rü nachicagü ga Ngechuchu nawa ũxchañxūwa na naxīxūcēx.

² Rū ñanagürü nüxū: —Aixcūmaxūchi nangēxma i muxūchixū i duñxūgü i yaxōgūchañxū natürü ngema Tupanaärü orearü uwa puracūexū rü noxretama nixī. Rū ngēmacēx name i perü yumūxēwa nüxna peca ya yima puracūarü yora na ngema norü puracūwa namugūāxūcēx i to i puracūtanūxū.

³ —¡Rū ipexīāchi rü ngema pexī! Rū dücax, ñoma carnerugü i aigütanūwa imugūxūrū nixī i pexū chimugūxū.

⁴ —¡Rū tātūama choca ípinge, rü bai i perü diēru, rü bai i perü chapatu! Rū tama chanaxwēxe i namagu penuxcū i ngēxguma namawa texéxū perūmoxēgūgu.

⁵ —Rū ngēxguma wüxi ya ũwa pengugūgu, rü ñāāácü tá nüxū perūmoxēgü i ngēma duñxūgü: “¡Petaāxē erü Tupana rü napetanūgul”, ñaperūgūgü tá.

⁶ —Rū ngēxguma ngema nangēxmagu i duñxūgü i Tupanaxū cuēxgūchañxū rü Tupana rü tá nüxna nanaxā i taāxē. Natürü ngēxguma ngema nataxuxgu i duñxūgü i Tupanaxū cuēxgūchañxū, rü ngema Tupanaärü taāxē rü pexrütāma nixī.

⁷ —¡Rū wüxi ya ĩgutama perücho, rü ngema pechibüe rü peyaxū i ngēma nüxū ngēmaxū i ngēma ĩcūāxgü! Erü wüxi i puracūtanūxū rü name nixī na nayauxāxū i norü natanü naxcēx i norü puracū. Rū yima ñānewa pengēxmagūyane rü tama chanaxwēxe i nái ya ĩgu peyapegü.

⁸ —Rū ngēxguma wüxi ya ñāne ya nawa meā pexū nayaxunewa pengugūgu, ¡rū penangō i ngēma ñna i pexna naxāgūxū!

⁹ —¡Rū penameēxēx i ngēma ĩdaaweexū i yima ñānewa ngēxmagūxū! ¡Rū namaā nüxū pixu rü ñapegūgü nüxū:

“Tupanaärü pora rü marü pexna nangaicama rü napexūtagu”, ñapegūgü nüxū!

¹⁰ —Natürü ega nawa pengugūga ya wüxi ya ñāne i ngextá duñxūgü tama meā pexū ĩyaxgūxūwa, ¡rū ngēma ĩtamūgu ĩpechoxū rü ñapegūgü nüxū i ngēma ñānecūāx!

¹¹ —Rū woo ñāā perü ñānēärü ũaxū i tocutūwa yaxūxū, rü itanapagü, na ngēmawa nüxū pecuāxūcēx na Tupana rü tama pemaā nataāēxū. ¡Natürü tama nüxū ĩpeyarūngūmaē na marü pexna nangaicamaxūchichiréxū ya Tupana na perü āēxgacü yīixū”, ñaperūgūgü tá nüxū i ngēma ñānecūāx!

¹² —Rū pemaā nüxū chixu rü ngēma ngunexū i nagu nagūxū i naāne, rü Chodomacūāx i duñxūgūarü yexera Tupana tá nanapoxcue i ngēma duñxūgü i tama meā pexū yaxgūxū.

Ñānegü ga tama Tupanaga ĩñūēne (Mt 11.20-24)

¹³ —Rū wüxi i ngechañ nixī i pexcēx, Pa Corachícūāx rü Bechaidacūāx i Duñxūgūx, yerü yexguma chi Tiruarü ñānewa rü Chidāñärü ñānewa chanaxūxgu ga yema mexūgü ga cuēxruūgü ga Tupanaärü poramaā petanūwa chaxūxū, rü woo ga na poraácü yachixexū ga yema Tirucūāx rü Chidāñcūāx ga duñxūgü rü nuxcūmama chitama nüxū narūxoe ga nacūma ga chixexū, rü poraācūxūchi chima nügūmaā nangechañgü rü naxauxe, yerü chi nügü nicuēxāchitanü ga na yapecaduāxgūxū.

¹⁴ —Natürü pemaā nüxū chixu rü ngēma ngunexū i Tupana nagu napoxcuxū i pecaduāxgūxū, rü ngēma ngunexūgu rü Tirucūāx rü Chidāñcūāxärü yexera tá pexū napoxcue i pemax.

15 –Rü pemax, Pa Capernáucüãxgü i Duñxügüx ¿éxna pema nagu perüxInüëgu rü daxügüxü i nañewa tá pexixü? Pemaã nüxü chixu rü nañetüüwa i ngextá Tupana Chatanáxü İpoxcuxüwa tá nixi i pewogüxü.

16 Rü ñuxüchi norü ngüexüügüxü ñanagürü: –Rü yixema pega İñüexë, rü chauga rü ta taxİñüë. Natürü yixema tama pega İñüexë, rü chauga rü ta tama taxİñüë. Rü yixema tama chauga İñüexë, rü tama naga taxİñüë ya Chaunatü ya numa choxü mucü –ñanagürü ga Ngechuchu.

Nawoegu ga yema 72 ga Ngechuchuarü ngüexügü

17 Rü taãëácüma nawoegu ga yema 72 ga norü ngüexügü ga yamugüxü. Rü ñanagürügü nüxü: –Pa Corix, ngëxguma cuëgagu tidexagügu, rü ëjrxüxü i ngoxogü rü toga naxİñüë –ñanagürügü.

18 Rü Ngechuchu rü ñanagürü nüxü: –Ngëmaãcü aixcüma nixi. Yerü nüxü chadau ga Chataná ga daxügüxü ga nañewa na nataëxü wüxi ga ãëmácürüü.

19 –Rü choma nixi ga pexna chanaxáxü ga pora na tama chixexü pemaã naxügüxüçëx ega woo äxtapegüwa rü éxna tuxchinawegüwa pengagügu. Rü yexgumarüü ta pexna chanaxá ga pora na nüxü perü- yexeraxüçëx i guxüma i Chatanáärü pora na ngëmaãcü taxucürüwama İtacü rü chixexü pemaã naxüxüçëx.

20 –¡Natürü täxü i petañëgüxü naxcëx i ngëma na pega naxİñüëxü i ngoxogü! Rü narümemaë nixi i petañëgü naxcëx na marü naxümatüxü i peëga i Tupanaärü poperawa i daxügüxü i nañewa –ñanagürü.

*Ngechuchu rü nataãë
(Mt 11.25-27, 13.16-17)*

21 Rü yexgumatama ga Tupanaãë ga Üünexü rü poraãcü Ngechuchuxü nataãëxëë. Rü ñanagürü ga Ngechuchu: –Pa Chaunatü, Pa Daxügüxü i Nañe rü Ñoma i Nañeärü Yorax, cuxü chicuëxüü, yerü ñaã chorü ngüexüügüxü nüxü cucuëxëë i ñaã ore ga naxchaxwa iquicüxü ga duñxügü i ñoma i nañewa nüxü cuëxüchigüxü. Rü yemaãcü cunaxü, Pa Chaunatüx yerü yemaãcü nixi ga cunaxwëxexü –ñanagürü.

22 Rü ñanagürü ga Ngechuchu: –Chaunatü choxna nanaxá i guxüma i İtacü i ngëxmaxü. Rü taxüema choxü tacuëx na Tupana Nane chiixü. Rü Chaunatüxicatama nixi ya choxü cuácü na Nane chiixü. Rü ngëxgumarüü ta taxüema nüxü tacuëx na texe yixü ya Chaunatü. Rü choma ya Nane rü ngëma duñxügü i Chaunatüxü nüxü chadauxëëchañxüxicatama nixi i nüxü cuëgüxü na texe yixü –ñanagürü.

23 Rü yexguma norü ngüexüügüxü nadawenü, rü namaãxica ñanagürü: –Tataãëgü ya yixema tümaxëtümaãxüchi nüxü daugüxe i ñaã ñuxma pema nüxü pedaugüxü.

24 –Erü pemaã nüxü chixu, rü muxüma ga nuxcümañgüxü ga Tupanaärü orearü uruügü rü äëxgacügü ga tacügü, rü nüxü nangüchañ ga nüxü na nadaugüchañxü i ñaã ñuxma pema chauxütawa nüxü pedaugüxü. Natürü tama nüxü nadaugü. Rü nüxü nangüchañ ga nüxü na naxİñüëchañxü i ñaã ñuxma pema chauxütawa nüxü pexİñüëxü. Natürü tama nüxü naxİñüë –ñanagürü.

Ore ga mecü ga Chamáriacüãxgu ixuxü

25 Rü yexguma inachi ga wüxi ga ngüexëëruü ga Moïchéarü mugüwa nguxëëtaexü, rü Ngechuchuxütawa naxü na namaã yanadexaxüçëx. Rü Ngechuchuxü naxüxchañ, rü yemacëx nüxna naca rü ñanagürü: –Pa Ngüexëëruü ya Ngechuchux, ¿İTacü nixi i mexü na chanaxüxü na choxü nangëxmaxüçëx i maxü i taguma güxü? –ñanagürü.

26 Rü Ngechuchu nanangãxü, rü ñanagürü: –¿Ñuxü ñaxü i ngëma ore i Moïchéarü mugüwa ümatüxü? ¿Rü İtacüxü i cumaã yaxuxü? –ñanagürü.

27 Rü yema ngüexëëruü ga Moïchéarü mugüwa nguxëëtaexü, rü Ngechuchuxü nangãxü, rü ñanagürü: –¡Nüxü nangechañ ya Cori ya curü Tupana i guxüma i curü maxümaã, rü güxü i cuãëmaã, rü güxü i curü poramaã, rü güxü i nagu curüxİñüxümaã! ¡Rü nüxü nangechañ i cumücü ngëma na cugütama cungechañxüü! –ñanagürü.

28 Rü yexguma ga Ngechuchu rü ñanagürü nüxü: –Ngëma ore i choxü namaã cüngãñxü rü marü name. Rü ngëxguma ngëma ore quinguxëëxgu, rü tá cunayaxu i maxü i taguma güxü –ñanagürü.

29 Natürü ga yema ngüexëëruü ga Moïchéarü mugüwa nguxëëtaexü, rü nügüétüwa nachogüchañ. Rü yemacëx Ngechuchuna naca, rü ñanagürü: –¿Rü texé tixi ya chomücü? –ñanagürü.

30 Rü yexguma ga Ngechuchu rü nanangãxü, rü ñanagürü nüxü: –Wüxi ga yatü Yerucharéüwa ne naxü, rü Yericü ga İañewa naxü. Rü namagu nüxü nangaugü ga ngİtëëxgüxü. Rü güxüma ga norü yemaxüçëx nangİxgü, rü ëjrxüxü ga naxchiru rü ta naxcëx nangİxgü. Rü nanaçuaixgü, rü nayayuächixëëgü, rü yemaãcü yema nanatëxgü.

³¹—Rü yematama namawa naxüpetü ga wüxi ga Yudiüguarü pai. Natürü yexguma yema yatüxü nadëuxgu rü nüxü yéma naxüpetümare.

³²—Rü yéma naxüpetü ta ga wüxi ga Lebítanüxü ga tupaucu ga taxünewa puracüxü. Rü yexguma yema yatüxü nadëuxgu, rü nüma rü ta nüxü naxüpetümare.

³³—Natürü yixcúra rü wüxi ga Chamáriaanecüâx ga yatü rü yematama namawa naxüpetü. Rü yexguma guma yatüxü nadëuxgu rü nüxü nangechaütümüü.

³⁴—Rü guma yatüxëc nixü. Rü chixü rü binumaã nanaxüxü ga norü oxrigü, rü meãma nayanëixgü ga yema norü oxrigü. Rü ñuxüchi norü burugu nanamunagü, rü wüxi ga pegüchicawa nanaga. Rü yéma nüxna nadau.

³⁵—Rü moxüácü ga yexguma inaxüächigu ga yema Chamáriaanecüâx, rü ngüxü nayaxu ga taxretachinü ga norü dïeru, rü yema pegüchicaarü yorana ngüxü naxã. Rü ñanagürü nüxü:

“¡Nüxna nadau i ñaã yatü! Rü ngëxguma yexeragu naxãtanügu na nuã nangëxmaxü, rü choma tá cuxü chanaxütanü i ngëxguma chataeguxgu”, ñanagürü.

³⁶ Rü ñanagürü ga Ngechuchu nüxü ga yema nguëxëeruü ga Moïchéaru mugüwa nguxëëtaexü: —Ñuxma chanaxwëxe i chomaã nüxü quixu i ngëxütrüüxü ga yema tomaëxpüxtanüwa ga aixcüma namücü ixixü ga yema yatü ga ngítëëxgüxü imëxgüxü —ñanagürü ga Ngechuchu.

³⁷ Rü yexguma ga yema nguëxëeruü ga Moïchéaru mugüwa nguxëëtaexü rü ñanagürü: —Yema Chamáriaanecüâx nixü ga yema yatümücü ixixü, yerü nüxü nangechaütümüü —ñanagürü. Rü yexguma ga Ngechuchu rü ñanagürü nüxü: —¡Ñuxma rü íixü rü yema Chamáriaanecüâx üxürüü naxü! —ñanagürü nüxü.

Marta rü Maríapatawa nangu ga Ngechuchu

³⁸ Rü yexguma Ngechuchu namagu ixüxgu norü nguëxügümaã rü wüxi ga ñanexãcüwa nangu. Rü yéma guma ñanexãcüwa rü wüxi ga nge ga Martagu äegacü ngügüpatawa inan-guxëë.

³⁹ Rü Martaaxü iyexma ga wüxi ga ngíeyëc ga Mariagu äegacü. Rü ngíma rü Ngechuchucutüxütawa irüto na inaxinüxcëc ga Ngechuchuarü ore.

⁴⁰ Natürü ga Marta rü itaarü puracüâx rü yemaácü ngürü puracüguama irüxínü. Rü yemacëc Ngechuchucëc iyaxü, rü ngígürügü nüxü: —Pa Corix, çtama ëxna nagu curüxínü i ngëma na chataarü puracüâxü rü ngëma chaueyëc rü choxnaxíca na natáãxü i guxüma i ngëma puracü? ¡Rü namaã nüxü ixu na choxü nangüxëëxcëc! —ngígürügü.

⁴¹ Natürü Ngechuchu rü ngíxü nangãxü, rü ñanagürü ngíxü: —Pa Martax, cuma rü poraãcü curü puracücëc cuxoegaãë, rü muxüma i ngëmaxügu curüxínü.

⁴²—Natürü wüxixicatama nixü i guxüärü yexera i mexü na nagu rüxínüxü. Rü María iyixü i ngëmagu rüxínücü. Rü taxüetáma ngíxna tayanuxü i ngëma —ñanagürü ga Ngechuchu.

11

Ngechuchu nanangüexëë ga yumüxëchiga

(Mt 6.9-15, 7.7-11)

¹ Rü wüxicana wüxi ga nachicawa nayümüxë ga Ngechuchu. Rü yexguma nüxü nachauxgu, rü wüxi ga norü nguëxü rü ñanagürü nüxü: —Pa Corix ¡toxü nangüexëë na ñuxãcü tayümüxëgüxü, yema Cuáü ga baiüxëeruü norü nguëxügüxü nangüexëëxürüü! —ñanagürü.

² Rü Ngechuchu ñanagürü nüxü: —Rü ngëxguma peyumüxëgügu rü ñaperügügü tá: “Pa Tonatü ya Daxügücüx, rü aixcüma Üñecü quixü i cumax. ¡Rü núma naxü na torü äëxgacü quíxüxcëc! Rü tanaxwëxe i curü ngücháü na naxügüxü i duüxüdü i ñoma i naãnewa, ngëma daxügüxü i naãnewa na curü ngücháü ímaxügüxürüü.

³ ¡Rü toxna naxã i torü ñna i wüxichigü i ngunëxüxcëc ixixüü!

⁴ ¡Rü toxü nüxü nangechaü i torü pecadugü, erü toma rü ta tüxü nüxü tangechaü ya guxãma ya yíxema chixri tomaã chopetüxe! ¡Rü tãxü i çacü rü chixexüpëxewa toxü cuwogüxü na tama nagu tayixüxcëc!” ñanagürü.

⁵ Rü ñanagürü ta ga Ngechuchu: —Ngëxguma chi wüxie i pema rü tüxü nangëmaxgu i wüxi i tümamücü, rü chi ngãxücüü napatawa taxüxgu rü ñatagügu nüxü:

“Pa Chomücüx, ¡tomaëxpüx i pãu choxna naxã!

⁶—Erü wüxi i chomücü rü yaxüwa ne naxü, rü ngëxwacëc chopatawa nangu. Rü choma rü changearü ñnaãx, rü taxuümaãma chanachibüxëëga”, ñatagügu.

⁷—Rü ngëma tümamücü i napatawa ngëxmaxü, rü chi tüxü nangãüxgu rü ñaxgu: “¡Tãxü i choxü cuchixewexü! Chorü íax rü marü narüwãxta, rü choma rü chauxacügü rü ngürücarewa tangëxmagü. Rü ngëmacëc taxücürüwa ícharüda na çacü cuxna na chaxãxüxcëc”, ñaxgu chi tüxü.

8—Rü pemaã nüxü chixu, rü ngëma na tümamücü yïixüçëx rü täütáma ínarüda na ñacü tüxna naxãüçëx. Natürü tá ínarüda na tama tanachixeweexaxüçëx, rü tá tüxna nanaxã i guxüma i ñacü i tanaxwëxëxü.

9—Rü ngëmacëx pemaã nüxü chixu rü, ¡Naxcëx ípeça rü Tupana rü tá pexna nanaxã! ¡Rü Tupanacëx pedëux rü tá nüxü ipeyangau! ¡Rü íãxwa: Tu tu tu ñapegü, rü tá pexcëx niwãxna i íãx!

10—Erü guxãma ya yíxema naxcëx íçaxe rü tanayaxu, rü guxãma ya naxcëx dauxe rü nüxü itayangau. Rü guxãma ya íãxwa: Tu tu tu ñagüxe, rü tümacëx tá niwãxna i íãx.

11—¡Rü ñuxácü i wüxi i pema na papágü pïixü rü penena penaxãxü ya wüxi ya nuta ega päücëx pexna nacaxgu, rü éxna wüxi i äxtape ega choxnícëx pexna nacaxgu?

12—¡Rü texé i petanüwa rü penena penaxã i tuxchinawe ega wüxi ya otacharaüçëx pexna nacaxgu?

13—Rü ngëma pema na pichixecümachiréxü natürü nüxü pecuëx na ñuxácü mexü i ämare pexacügüna na pexãxü, rü pemaã nüxü chixu rü Penatü ya Daxügü rü perü yexera tá nixü na pexna mexü naxãxü. Rü guxãma ya yíxema Tupanaxütawa Naãë i Üünexüçëx íçaxe, rü tá tüxna nanaxã —ñanagürü ga Ngechuchu.

Ngechuchuxü nixügü na ngoxoarü poramaã napuracüxü nawogüe
(Mt 12.22-30; Mr 3.20-27)

14 Rü Ngechuchu ínanatëxüchi ga wüxi ga ngoxo ga wüxi ga yatüxü ngegaxëëxü. Rü yexguma ínaxüüxgu ga yema ngoxo rü guma yatü rü nidexa. Rü guxüma ga duüxügü rü nabaixãchiãëgü ga yexguma yemaxü nadaugügu.

15 Natürü ñuxre ga duüxügü rü ñanagürügü: —Ñã yatü i Ngechuchu, rü Bechebú i ngoxogüarü äëxgacüarü poramaã nixü i ínanawoxüãxü i ngoxogü —ñanagürügü.

16 Natürü ga togü rü nüxü naxügüchaü, rü yemacëx naxcëx ínacagü ga nüxü na nawéaxü ga wüxi ga cuëxruü ga daxüçüãx na yemawa nüxü nacüxügüxüçëx rü ngoxi aixcüma Cristu yïi.

17 Natürü nüma ga Ngechuchu rü nüxü nacüëxama ga ñacügu na naxínüëxü, rü yemacëx ñanagürü nüxü: —Ngëxguma chi wüxi i nachiüñecüãx i duüxügü nügü itoyegu rü nügütanüwa chitama nügü nadaixgu, rü nügü chitama naguxëë. Rü ngëxguma chi wüxi ya íçüãx nügümaã nuëëchagu rü nügü nadaixgu, rü nügü chitama naguxëë.

18—¡Rü ngëxguma chi Chataná nügümaãtama nuxgu, rü nügütama yamëxgu, rü ñuxácü chi i äëxgacüëcha yïixü? Rü ngëma ñacharügü i ñuxma erü pema choxü pixuxgu rü Bechebúarü poramaã íchanawoxü i ngoxogü.

19 —Natürü ngëxguma chi Chatanáãrü poramaã íchanawoxügu i ngoxogü, rü perü ngüëxügü rü chita Chatanáãrü poramaã ínanawoxü i ngoxogü. Rü ngëmawa meã nüxü tacuëx na pema rü ípetüëxü.

20 —Natürü pemaã nüxü chixu rü aixcüma Tupanaãrü poramaã nixü i íchanawoxüxü i ngoxogü. Rü ngëmawa pexü nüxü chacuëxëë na nüma petanüwa nanguxü ya Tupana na äëxgacü yïixüçëx.

21—Rü ngëxguma wüxi ya yatü ya poracü rü meãma nügü naxüxnegu rü nüxna nadëuxgu ya napata, rü taxüetãma naxcëx tangix i norü ngëmaxü i napatawa ngëxmaxü.

22—Natürü ngëxguma ínanguxgu i to i yatü i nüxü rüporamaëxü, rü nüxü nayexeragu, rü tá nüxna nanapuxü ya naxne ya nügü namaã ínaporaãxüne, rü tá nüxna nanapuxü i guxüma i norü ngëmaxü, rü tá nayana.

23—Yíxema tama choxü ngechaxüxë rü chauxchi taxai. Rü yíxema tama choxü rüngüxëxë na Tupanacëx tayagagüxü i duüxügü rü chauxchawa tananganexëë.

ngoxo i taeguxüchiga
(Mt 12.43-45)

24—Rü ngëxguma wüxi i ngoxo rü wüxi ya yatüwa ínaxüüxgu, rü dauxchitagu nanañaãne, rü naxcëx nadau na ngextá na nangüxü. Rü ngëxguma taxuguma nangüëgagu, rü nügü ínicuëx rü ñanagürü:

“Maneca naxcëx tá chataegu ya yima yatü ga noxri nawa íchaxüxüchirëcü”, ñanagürü.

25—Rü ngëxguma nataegugu, rü yima yatüxü inayangau na ñoma wüxi ya í ya mexëëne rü meã nabixichinerüü na yïixü.

26—Rü ínixü rü naxcëx nayadau i to i 7 i ngoxogü i norü yexera i chixexü. Rü guxüma i ngëma ngoxogü rü wüxigu yima yatügu nachocu, rü ngëxma naxãchiügü. Rü ngëxguma ya yima yatü rü noxriarü yexera nachixe —ñanagürü.

Taãë i aixcüma íxüxüchiga

27 Rü yemaxü íyaxuyane, rü wüxi ga ngecü rü duüxügütanüwa tagaãcü ngügürügü: —Tataãë ya yíxema tügüanüwa cuxü yaxëxë rü tügü nixüwa cuxü maixë —ngügürügü.

²⁸ Natürü ga Ngechuchu rü ñanagürü: —Yexeraäcü tataäe ya yíxema nüxü Inüxë i Tupanaärü ore rü naga Inüxë —ñanagürü.

Duüxügü ga tama yaxögüchaüxü rü naxcëx ñnacagülama ga to ga cuëxruü ga Tupanaärü poramaä üxü

(Mt 12.38-42; Mr 8.12)

²⁹ Rü nimüetanü ga duüxügü ga Ngechuchuxütawa ngutaquëxegüxü. Rü inanaxügü ga Ngechuchu ga namaä na yadexaxü. Rü ñanagürü: —Ñaa duüxügü i ñomaücüü maxëxü rü nichixecüma. Rü naxcëx ñnacagü i wüxi i cuëxruü i mexü i Tupanaärü poramaä üxü. Natürü Tupana rü wüxixicatama i cuëxruü tá nüxü nawëx. Rü ngëma nixü i cuëxruü ga Tupanaärü orearü uruü ga Yonáwa duüxügüxü nawëxü na nüxü nacüëxgüxüxcëx na aixcüma Tupana yíxü ga guma yéma namucü.

³⁰ —Rü yexgumarüü ga Yoná rü wüxi ga cuëxruü nixü naxcëx ga Nínibecüäx ga duüxügü, rü ngëxgumarüü tá ta nixü ya Tupana Nane ya duüxüxü ixücü na wüxi i cuëxruü tá yíxü naxcëx i ñomaücüü maxëxü i duüxügü.

³¹ —Rü ngëxguma naäneärü guxgu rü Tupana rü ñomaücüü maxëxü i duüxügüna nacëxgu i norü pecaduchigacëx, rü ngüma ga nuxcümaücü ga Chabaaneärü äëxgacü tá írüda rü tá ínanaxuaxü i ñomaücüü maxëxü i duüxügü. Yerü ngüma rü yaxüwaxüchi ne ixü ga na äëxgacü ga Charumóüxü naxünuüxcëx ga ñuxäcü poraäcü nüxü na nacüëxchixü. Natürü ñuxma nuä petanüwa nangëxma i wüxi i Charumóüärü yexera ixücü.

³² —Rü ngëxguma naäneärü guxgu rü Tupana rü ñomaücüü maxëxü i duüxügüna nacëxgu norü pecaduchigacëx, rü nuxcümaücüxü ga Nínibecüäx ga duüxügü rü tá ínarüdagü rü tá ínanaxuaxüxü i ñomaücüü maxëxü i duüxügü. Yerü nümagü ga Nínibecüäxgü ga duüxügü rü nüxü narüxoe ga nacümagü ga chixexü ga yexguma Yoná namaä nüxü ixuxgu ga Tupanaärü ore. Natürü ñuxma nuä petanüwa nangëxma i wüxi i Yonáärü yexera ixücü.

Taxüneärü omüchiga

(Mt 5.15, 6.22-23)

³³ —Taxüema wüxi i omüwa tanangixichi rü ñuxüchi itayacux rü éxna tacütüügu tayaxücuchi. Natürü norü üchicaügu tanaxünagü na ngëma tüxü nabaxixüxcëx ya yíxema duüxëgü ya yima ígu chocuxe.

³⁴ —Cuxetügü rü ñoma wüxi i omürüü nixü i cuxunecëx. Rü ngëxguma ngëma Tupana cuxü naxwëxëxcëx cudëuxgu, rü guxüma i curü maxü rü name. Natürü ngëxguma ñoma i naäneärü ngüchaüxcëx cudëuxgu, rü guxüma i curü maxü rü chixexüwa nangëxma.

³⁵ —¡Meä cügüna nadau na tama éänëxüxü nanguxuchixüxcëx i ngëma ore i mexü i cuxü ngëxmaxü, i ñoma wüxi i omürüü ixücü!

³⁶ —Ngëxguma chi guxü i curü maxüwa nangëxmagü i Tupanaärü ngóonexü rü taxuwama nachixëxgu i curü maxü, rü meä chi nüxü cucuëx i Tupanaärü ngüchaü ñoma wüxi i omü i cuxü baxixürüü —ñanagürü.

Ngechuchu rü duüxügütanüwa ínanaxuaxü ga Parichëgü rü ngüxëëruügü ga Moichéarü mugüwa ngüxëëtaegüxü

(Mt 23.1-36; Mr 12.38-40; Lc 20.45-47)

³⁷ Rü yexguma nüxü nachauxgu ga na yadexaxü ga Ngechuchu rü wüxi ga Parichéu nüxna naxu ga napatawa na yachibüxcëx. Rü yema Parichéupatawa naxü, rü mechawa nayarüto.

³⁸ Rü yema Parichéu rü ñabaixächíäe ga yexguma Ngechuchuxü nadëuxgu na tama yangüxëëxü ga yema Moichéarü mu na nayauxmëxgüxiraxü ga yexguma nachibüegu.

³⁹ Natürü nüma ga Cori ga Ngechuchu rü ñanagürü nüxü: —Pema i Parichëgü rü ñoma pochüyu rü poratu i düxëtüwaxicatama iyaxuxürüü pixigü. Natürü i peäxëwa rü nagu perüxünüe na pengüxü rü chixexü pexüxü.

⁴⁰ —Pa Naëchitamare Maxëxü, çtama éxna nüxü pecuëx na guma Tupana ga naxücü i ngëma torü düxëtüxünewa ngëxmaxü, rü gumatama yíxü ga naxücü ga torü maxü i torü aixepewa ngëxmaxü?

⁴¹ —Rü name nixü i Tupanana penaxä i perü maxü na aixcüma naxcëx pemaxëxüxcëx. Rü ngëmaäcü tá pime i guxüwama.

⁴² —Natürü wüxi i ngechaü nixü i pexcëx, Pa Parichëgüxü, erü pema rü perü ngëmaxüwa rü meä Tupanana penaxä i ngëma noxrü ixüxü, natürü perü maxüwa rü tama aixcüma naga pexünüe rü tama nüxü pengechaü. Rü marü name na perü ngëmaxüwa Tupanana penaxäxü i ngëma noxrü ixüxü. Natürü perü maxüwa rü ta penaxwëxe i meä naga na pexünüxü rü nüxü na pengechaüxü.

43 –Rü wüxi i ngechaũ nixĩ i pexcèx, Pa Parichéugũx, erü pema rü pexũ nangúchaũ i ãëxgacũchicagũwa na perütogũxũ i ngutaquëxepataũgũwa. Rü penaxwëxe na ñoma ãëxgacũxũ rü móxëxũrũũ na meã pexũ namoxëgũxũ i duũxũgũ i ítamũgũwa.

44 –Rü wüxi i ngechaũ nixĩ i pexcèx, erü ñoma yuetamaũgũ i tama nüxũ idauxũ i duũxũgũ naëchitamare naëtũwa chopëtũxũrũũ pixĩgũ. Erü woo perü düxëtũwa pime, natürü aixepewa i peãëwa rü poraãcü pichixe –ñanagürü ga Ngechuchu.

45 Rü wüxi ga ngüxëëruũ ga Moĩchëarü mugüwa nguxëëtaexũ, rü Ngechuchuxũ nangãxũ rü ñanagürü: –Pa Ngüxëëruũ Pa Ngechuchux, rü ngëma na ngëma ñacuxũ, rü toma rü toãëwa nangux –ñanagürü.

46 Natürü Ngechuchu rü ñanagürü nüxũ: –Wüxi i ngechaũ nixĩ i pexcèx, Pa Ngüxëëruũgũ i Moĩchëarü Mugüwa Nguxëëtaegũxũx, erü poraãcü penamu i duũxũgũ na naga naxĩnũxũcèx i ngëma Moĩchëarü mugü i guxchaxũ i pematama bai i írarũwa naga pexĩnũxũcèx.

47 –Rü wüxi i ngechaũ nixĩ i pexcèx, erü peyamexëëgũ i tümamaũgũ ga guxema nuxcũmaũgũxe ga Tupanaärü orearü uruũgũ ga perü oxigü tüxũ dëjxe.

48 –Rü ngëmawa nüxũ tacuèx na pema rü ta ipexãgũxũ nawa ga yema chixexũ ga perü oxigü ügũxũ. Yerü nümagü rü tüxũ ndai ga guxema Tupanaärü orearü uruũgũ, rü ñuxma i pema rü peyamexëëgũ i tümamaũgũ.

49 –Rü yemacèx nixĩ ga Tupana ga ñaxũ:
 “Ngëma duũxũgũtanũwa tá chanamugü i chorü orearü uruũgũ rü chorü orearü ngeruũgũ. Natürü ngëma duũxũgũ i chixexũgũ rü tá nanadai i nümamaxũ rü togũxũ rü tá nachixewegü rü tá nawe ningëxũtanü”,

ñaxũ ga Tupana.

50-51 Rü ñanagürü ga Ngechuchu: –Rü pemaã nüxũ chixu rü Tupana tá nayapeguãchixëë i pema i ñuxma maxëxë erü pema rü ta perü oxigücumagu pexĩ. Nümagü rü noxritama naãneärü ügügumama rü nanadai ga muxũma ga Tupanaärü orearü uruũgũ. Rü nüxĩra nayamëxgũ ga Abë rü gumawena nayadaietanü ga muxũma ga togü ñuxmata Zacaría ga tupauga taxũnegu yamëxgũãcüwa nangu. Rü guxũma ga yema orearü uruũgũ ga perü oxigü dëjxũcèx rü Tupana tá pexna naca, erü pema rü ta perü oxigürüütama pixĩgũ rü tama nüxũ perüxochaũ i ngëma chixexũ i pexũxũ.

52 –Rü wüxi i ngechaũ nixĩ i pexcèx, Pa Ngüxëëruũgũ i Moĩchëarü Mugüwa Nguxëëtaegũxũx, erü duũxũgũchaxwa ipeyacux i Tupanaärü ore i aixcũma ixĩxũ i pematama tama pixögũxũ. Rü nüxna penachuxu i togü i duũxũgũ i aixcũma yaxögũchaũxũ na nümagü rü ta tama yaxögũãxũcèx –ñanagürü ga Ngechuchu.

53-54 Rü yexguma Ngechuchu yema ñaxgu, rü yema ngüxëëruũgũ ga Moĩchëarü mugüwa nguxëëtaegũxũ rü yema Parichéugü rü poraãcü Ngechuchumaã nanuë. Rü inanaxũgũ ga nüxna na nacagüxũ naxcèx ga muxũma ga ore ga guxchaxũmaã na yemaãcü chí nüxũ iyangaugũxũcèx ga ore ga chixexũ na yemamaã norü ãëxgacũgũxũ- tawa Ngechuchuxũ iyaxuaxũgũxũcèx.

12

Ngechuchu nanangüxëë na tama namexũ na duũxũgũpëxewa meã imaxnetaxũ natürü taãëwa rü chixexũgũ rüxĩnũxũ

1 Rü yoxni yexma nangutaquëxëgü ga muxũchixũ ga duũxũgũ. Rü yema na namuxũchixũcèx rü düxwa nügücutũwa ningagüetanü ga duũxũgũ. Rü Ngechuchu inanaxũgü ga norü ngüxëgũgümaãxĩra na yadexaxũ, rü ñanagürü: –¡Pexuãëgü naxcèx i Parichéugü! Erü duũxũgũpëxewa meã namaxëneta natürü naãëwa rü chixexũgũ narüxĩnũ.

2 –Natürü guxũma i tacü i wüxie cúãcü üxũ rü tá nangoxoma. Rü guxũma i tacü iicũxũ rü yixcũra rü tá duũxũgũ nüxũ nacüxgũama.

3 –Rü ngëmamacèx guxũma i ngëma ore i ëãnexũwa cúãcü nüxũ pixuxũ rü yixcũra rü tá nangoxoma rü guxũ i duũxũgũ tá nüxũ naxĩnũë. Rü ngëma ore i ucupuarü aixepewa cúãcü nüxũ pixuxũ, rü yixcũra rü guxãpëxewa tá nüxũ nixugũgũ i duũxũgũ.

*Name nixĩ na Tupanaxũ pemuũëxũ
 (Mt 10.26.31)*

4 –Rü ngëmamacèx i pemax, Pa Chomüçügũx, rü pemaã nüxũ chixu rü ¡tama nüxũ pemuũë i ngëma duũxũgũ i pexũ daixchaũxũ! Erü taxünexũxĩcatama nimëxgü, natürü taxucürüwama taãëxũ nimëxgü.

5 –Natürü pemaã tá nüxũ chixu na texëxũ tá na pemuũëxũ. ¡Nüxũ pemuũë ya Tupana! Erü nüma nüxũ nangëxma i pora na yamaãxũ i pexene, rü napoxcuãxũ i peãë i ngextã ngoxogũxũ ínapoxcuxũgü. ¡Rü yimaxũ tá nixĩ i pemuũëxũ!

6 —¿Tama ěxna taxretachinü i dĕruxacügu namaã petaxe i wüximĕĕxpüx i werixacügü? Natürü Tupana rü tama tüxü inayarüngüma ya yixema werixacüãxgü, rü bai ya wüxi.

7 —Rü woo i peyaegü rü Tupana nüxü nacuĕx na ñuxre i peyae ngĕxmaxü. Rü ngĕmacĕx, ĩtäxü i pexoegaãĕgüxü! Erü pema rü muxüma i werixacügüarü yexeraxüchi pexü nangechaü ya Tupana.

*Yixema duüxüġüpĕxewa tügü ixuxe na Ngechuchu ya Cristuarü duüxü tüxü
(Mt 10.32-33, 12.32)*

8 —Rü pemaã nüxü chixu rü guxãma ya texé i ñoma i naãnewa duüxüġüpĕxewa tügü ixuxe na chorü duüxü tüxü, rü choma i Tupana Nane na duüxüxü chüxü, rü napĕxewa i Tupanaãrü orearü ngeruügü i daxüçüãx rü tá tüxü chixu na chorü duüxü tüxü i tümax.

9 —Natürü texé ya ñoma i naãnewa duüxüġüpĕxewa tügü ixuxe na tama chorü duüxü tüxü, rü choma rü tá ta napĕxewa i Tupanaãrü orearü ngeruügü i daxüçüãx rü tá tüxü chixu na tama chorü duüxü tüxü i tümax.

10 —Rü guxãma ya texé ya chixri chauchiga idexaxe i choma i Tupana Nane na duüxüxü chüxü, rü Tupana tá tüxü nüxü nangechaü i ngĕma. Natürü texé ya Tupanaãĕ i Üünexüchiga chixri idexaxe, rü Tupana rü täütama tüxü nüxü nangechaü i ngĕma.

11 —Rü ngĕxguma duüxügü ngutaquĕxepataügüwa rü ěxna ãĕxgacügüpĕxewa pexü nagagügu na pexü napoxcuĕxüçĕx, rü ĩtäxü i pexoegaãĕgüxü na ĩacümaã tá penangãxüxü rü ěxna ĩacüxü tá namaã na pixuxü!

12 —Erü ngĕxguma nawa nanguxgu na pidexagüxü, rü Tupanaãĕ i Üünexü tá pexü nanguxĕĕ na ĩacüxü tá namaã pixuxü —ñanagürü ga Ngechuchu.

Wüxi i äücümaxü nixü na imuärü dĕruäxü

13 Rü yema duüxügütanewa rü wüxi natü Ngechuchuxü ñanagürü: —Pa Ngüxĕĕruüx, ĩnamaã nüxü ixu ya chaueneä rü choxna naxãã i ngĕma chaunatü ga yucüarü ngĕmaxü i choxna üxü! —ñanagürü.

14 Natürü Ngechuchu rü ñanagürü nüxü: —Pa Yatüx, ¿texé perü ãĕxgacüxü choxü tingu-cuchixĕĕ na chayatoyexüçĕx i ngĕma penatüarü ngĕmaxü? —ñanagürü.

15 Rü ñanagürü ta ga Ngechuchu: —ĩPexuãĕ na tama pexü nangüchaüxüçĕx i togüarü ngĕmaxü! Erü wüxi i duüxü rü tama ngĕma na namuärü ngĕmaxüãxüçĕx nixü i nayauxãxü i norü maxü i taguma güxü —ñanagürü.

16 Rü yexguma wüxi ga ore ga cuĕrxuüxü namaã nixu, rü ñanagürü: —Nayexma ga wüxi ga yatü ga muärü dĕruäcü, rü guxüma ga yema nanetügü ga naãnegu natogüxü rü meãma nüxü nixo.

17 —Rü guma yatü rü nagu narüxinü rü naãĕwa ñanagürü:

“¿ĩacü tá chaxüxü i ñuxmax? Erü naxaxuma i chorü nachica i ngexta namaã na changüxüxü i chaunetügüarü o”, ñanagürü.

18 —Rü naãĕwa ñanagürü:

“Marü nüxü chacuĕx na ĩacü tá chaxüxü. Rü nagu tá chapogü ya guxüñema ya chorü ĩpatagü ga nagu namaã changüxüne ga chaunetügüarü o. Rü náı ya taxüragüme tá chaxü na ngĕxma namaã changüxüçĕx i guxüma i chaunetügüarü o rü guxüma i chorü ngĕmaxügü.

19 —Rü ngĕxguma marü namexgu i guxüma, rü chaugümaã tá ñacharügü: ‘Ñuxma rü tá icharüngü rü meã tá chachibü rü meã chaxaxe rü ngĕmaãcü tá chataãĕ. Erü namuxüchi i chorü ngĕmaxügü, rü mucüma ya tauncü tá choxü nataı, ñacharügü tá chaugümaã”.

20 —Natürü Tupana rü ñanagürü guma yatüxü:

“Pa Yatüx, cüngĕãĕmare i cuma erü ñoma i chütaxügu tátama cuyu. Rü ngĕma curü ngĕmaxügü i namaã cüngüxüxü, rü ¿texĕarü tá nixü i ngĕxguma?” ñanagürü ga Tupana.

21 —Rü ngĕxgumarüü tá ta namaã nangupetü i ngĕma duüxügü i nügücĕxtama norü ngĕmaxügümaã ngüxüxü rü tama nügü ĩmexĕĕxü i Tupanapĕxewa —ñanagürü ga Ngechuchu.

*Tupana rü naxäcüġüna nadau
(Mt 6.25-34)*

22 Rü yemawena rü norü ngüxüġügüxü ñanagürü ga Ngechuchu: —Pemaã nüxü chixu ĩrü täxü i pexoegaãĕgüxü naxcĕx i ĩacü tá na pengöxü rü ĩacümaã tá na pixãxchiruxü!

23 —Erü perü maxü rü ñnaärü yexera nixü, rü pexene rü naxchiruarü yexera nixü.

24 —ĩDücĕx penangugü i werigü i tama toegüchirĕxü, rü tama nanetüarü o ĩbugüxü, rü ngepatagüxü na ngexta namaã nangüxügüçĕx i norü ñna! Natürü Tupana rü nanaxüwemü. Rü pema rü Tupanacĕx rü poraãcü guxüma i werigüarü yexera pixügü.

25 —Rü taxuwama name na pexoegaãĕgüxü. Erü taxucürüwama wüxie i pema rü pegütama ĩpemĕxächixĕĕ ngãxü ya metruġu ega woo poraãcü naxcĕx pexoegaãĕgügu.

26 —Rü ngëxguma tama pemaã nanguxü i ngëma íraxü rü taxucürüwama pegütama ípemëächichëé ega woo naxcëx pexoegaãëgügu, rü çüxcüü i ngëxguma rü ta çacü i togü i ngëmaxügücëx pexoegaãëgüxü?

27 —jDücëx penangugü i putüragü na ñuxácü nayaexü i nachacu! Rü tama napuracüexü, rü tama nügü üxchirugüxü. Natürü woo guma äëxgacü ga Charumöü ga na namexëchixü ga naxchiru rü taguma wüxi ga putürachacuarü mexürüü nixi.

28 —Rü marü nüxü pedau i ñuxácü Tupana na nangëãëxü i putüragü i ñuxma naãnewa rüxügümarexü natürü moxü rü marü taxuxü. Rü ngëxguma Tupana ngëmaãcü nangëãëgu i putüragü rü pema rü tá ngëmaärü yexera pexchiru pexna naxã, Pa Duüxügü i Írätüwatama Yaxögüxüx.

29 —Rü ngëmacëx tama name i pexoegaãë naxcëx i çacü tá na pengöxü rü çacü tá na pixaxüxü.

30 —Erü ñoma i naãnecüãx i duüxügü rü naxcëx nadaugü i guxüma i ngëma pemaã nüxü chixuxü. Natürü pema rü pexü nangëxma ya Penatü ya Tupana ya nüëchama nüxü cuacü na pexü natakuxü i guxüma i ngëma.

31 —Rü ngëmacëx narümemae nixi na Tupanaärü ngüchaücëx pedaugüxü na perü äëxgacü yüüxcëx. Rü ñuxüchi nüma rü tá pexna nanaxã i guxüma i çacü i pexü taxuxü.

*Ñuxácü tüxü nangëxma i törü ngëmaxügü i daxüguxü i naãnewa
(Mt 6.19-21)*

32 —jTäxü i pemuüëxü, Pa Chaucacügüx! Pema rü noxretama pixigü natürü Penatü ya Tupana rü norü ngüchaü nixi na pexna naxããxü i pechica i ngextá nüma äëxgacü íyixüwa.

33 —jRü namaã petaxe i perü ngëmaxügü rü togü i duüxügü i nüxü natakuxüna penaxã i ngëma díëru! Rü ngëmaãcü tá pegüxü penangëxmaxëé i perü ngëmaxügü i taguma pexü ngauxü rü taguma gúxü i daxüguxü i naãnewa i ngextá tama íyaxücuxüwa i ngítëxáxü rü naweane tama ínachixëëxüwa.

34 —Erü ngextá ínangëxmaxüwa i perü ngëmaxügü, rü ngëxma nixi i perüxínüëxü.

Name nixi i yigü ítamexëëgü naxüpa na ínanguxü ya Cristu

35 —jRü ípememare namaã i perü omügü i naígüxü!

36 —Rü name nixi i wüxi i coriarü duüxügü i ímemaregüxürüü na pixigüxü. Rü penaxwëxe na ñoma duüxügü i íãxwa norü corixü nanguxëëgüxürüü na pixigüxü. Rü ngëxguma norü cori rü wüxi i ngígüarü petawa ne naxüxgu rü: Tu tu tu ñaxgu, rü paxa naxcëx nayawãxnagü i íãx.

37 —Rü nataãëgü i ngëma coriarü duüxügü ega inadauegu i ngëxguma ínanguxgu i norü cori. Rü pemaã nüxü chixu rü ngëma cori rü norü mechawa tátama nanatogüxëé i ngëma norü duüxügü i nüxü ínanguxëëgüxü, rü nüma tátama ngëma norü duüxügüxü inaxüwemü.

38 —Rü woo ngãxücüü ínanguxgu rü éxna marü yangunechaügu rü nataãëgü i ngëma coriarü duüxügü ega inadauegu i ngëxguma ínanguxgu i norü cori.

39 —Rü ngëxguma chi wüxi ya íärü yora nüxü cuëxgu na ñuxguacü ínanguégaxü i ngítëxáxü, rü tãu chima nape. Rü chi nüxna nadau ya napata na tama yawãxnaãxücëx rü tama na nüxü nangüxcëx.

40 —Rü pema rü ta penaxwëxe na ípememarexü. Erü ngürüãchi tama nagu íperüxínüëyane tá íchangu i choma i Tupana Nane na duüxüxü chiüxü —ñanagürü ga Ngechuchu.

*Wüxi ga duüxü ga meã norü coriga ínüxü rü to ga tama meã norü coriga ínüxüchiga
(Mt 24.45-51)*

41 Rü yexguma ga Pedru rü Ngechuchuna naca rü ñanagürü: —Pa Corix, çütoxcëxicatama éxna nixi i ñaã ore i cuëxruü i tomaã nüxü quixuxü, rü éxna guxü i duüxügücëx yüüxü? —ñanagürü.

42 Rü ñanagürü ga Cori ga Ngechuchu: —çTexé tüxü ya yíxema túmaärü coriarü duüxë ya aixcüma yanguxëëxë rü meã túmaãëxü cuáxe? çTama éxna yíxema tüxü ya túmaärü cori tüxna ägaxe na meã nüxna tadauxücëx rü meã oragu tanachibüexëëxücëx i norü duüxügü?

43 —Rü tataãë ya yíxema coriarü duüxë i ngëxguma ínanguxgu i túmaärü cori rü tüxü íyanguëügu na meãma ítanaxüxü i ngëma puracü i nagu tüxü namuxü.

44 —Rü aixcüma pemaã nüxü chixu rü ngëma túmaärü cori rü tá guxüma i norü ngëmaxügüarü dauruüxü tá tüxü nixíëë.

45-46 —Natürü ngëxguma chi ngëma duüxü nagu rüxínügu rü norü cori rü tama paxa na ínanguxü, rü inaxügüãgu na chixri namuãxü i natanüxügü i yatüxügü rü ngëxügü, rü peta naxüxgu rü nachibüxgu, rü naxaxegu, rü nügü nangãëëgu, rü ngürüãchi ngëma ngunexü rü ngëma ora i tama nagu ínanguxëëãxügu tá ínangu i norü cori. Rü poraãcüxüchi tá nanapoxcu ngëma duüxügü i tama norü coriga ínüëxüxü napoxcuëxürüü.

47 —Rü ngēma coriarü duñxü i nüxü cuèxchiréxü na tacü nanaxwèxexü i norü cori, natürü tama nügü ìmexèèxü rü tama norü coriga ìnüxü, rü tá poraäcü nanaçuxaxi.

48 —Natürü ngēma coriarü duñxü i tama nüxü nacuaäcüma chixri norü coriga ìnüxü, rü chixexü üxü, rü tá ìrarüwaxüra nanaçuxaxi. Rü texé ya Tupana muxüta tüxna äxè, rü muxüçèxtáma tüxna naca. Rü texé ya muxüta tüxü nadauxèèxè rü tá yexeraäcü tüxna naca.

Ngechuchugagu nixi i yatoyexü i duñxügü
(Mt 10.34-36)

49 —Nüma chaxü na ñoma i nañewa duñxügüxü chidauchitanüxèèxüçèx. Rü chierü aixcüma marü yadauchitanügu.

50 —Rü choma rü tá poraäcü ngüxü chinge, rü chanaxixächiäè ñuxmatáta yangu i ngēma.

51 —Rü tama name i nagu perüxñüè na nüma chaxüxü na guxü i duñxügü rü wüxigu naxñüèxüçèx. Natürü pemaä nüxü chixu rü nüma chaxü na chaugagu yatoyexüçèx i duñxügü.

52 —Erü ñaäwena ega wüxi ya ìpatawa nangèxmagu i wüximèèxpüx i duñxügü, rü tomaèxpüx tá choxü nayaxögü rü taxre i tama, rü èxna taxre tá choxü nayaxögü rü tomaèxpüx i tama.

53 —Rü wüxi i papá tá nayaxö rü nane rü täütáma nayaxö, rü èxna nane tá nayaxö natürü nanatü i tama. Rü ngèxgumarüü ta wüxi i mamá tá iyaxö rü ngixäcü rü täütáma iyaxöxchäü, rü èxna ngixäcü tá iyaxö rü ngiè rü täütáma iyaxöxchäü. Rü wüxi ya ngixè tá iyaxö rü ngièax rü täütáma iyaxö, rü èxna ngièax tá iyaxö rü ngixè rü täütáma iyaxö —ñanagürü ga Ngechuchu.

Cuèxruñgü i nachiga i tacü tá nangupetüxü
(Mt 16.1-4; Mr 8.11-13)

54 Rü Ngechuchu ñanagürü ta nüxü ga duñxügü: —Ngèxguma nüxü pedèuxgu na naxèächianexü, rü nagu perüxñüè tá na napuxü. Rü aixcüma ngēmaäcü nixi.

55 —Rü pema nüxü pecuèx na ñuxäcü penangugüxü ya buanecü, rü ngēmaäcü nüxü pecuèx rü tá na nanguxetüxü. Rü aixcüma ngēmaäcü nixi.

56 —Pa Duñxügüx, pema rü togü i duñxügüpèxewa meä pemaxènetä, natürü peäewa rü chixexügu perüxñüè. Pema nüxü pecuèx na ñuxäcü penangugüxü ega tá napuxgu rü èxna tá nanguxetügu. ¿Rü ñuxäcü i ñuxma i tama nüxü pecuáxü na Tupana yixü ya petanüwa ngucü?

Name nixi na curüngüxmüxü namaä i curü uwanü
(Mt 5.25-26)

57 —Rü tüxcüü tama nüxü pecuáxchäü i ngēma nama i mexü i Tupana pexü naxwèxexü na nagu pexixü.

58 —Rü ngèxguma chi wüxie wüxi i ngetanüçèx cuxü ìxuaxügu rü äèxgacüxütawa cuxü tagaxgu, rü name nixi i namawatama tüxü ìcurüngüxmüxèè na tama äèxgacüpèxewa cuxü tagaxüçèx. Erü wüxicana na äèxgacüxütawa cunguxü rü äèxgacü tá purichlägüna cuxü namu. Rü purichlägü tá cuxü napoxcu.

59 —Rü cumaä nüxü chixu rü ngèxma poxcuchicagu tá curüxäüx ñuxmatáta ngixü cuxütanü i guxcü i dièru i nüxü ngixü cungetanüçü. [Rü aixcüma ngèxgumarüü tá cumaä nanaxü ya Tupana ega tama namaä cunamexèèxgu i curü maxü —ñanagürü ga Ngechuchu.]

13

Wüxi i mexü nixi na nüxü rüxoexü i tacüma i chixexü

1 Rü yexgumatama Ngechuchuxütawa nangugü ga ñuxre ga duñxügü. Rü Ngechuchumaä nüxü nixugü ga na ñuxäcü äèxgacü ga Piratu namuxü ga norü churaragü na nadaixüçèx ga ñuxre ga yatügü ga Gariréaanecüäx ga yexguma yema yatügü rü Tupanacèx carneru nadaixgu tupaucha ga taxünewa.

2 Rü Ngechuchu nüxna naca rü ñanagürü nüxü: —¿Pema nagu perüxñüègu rü yemaäcü nüxü nangupetü ga yema yatügü, yerü yema togü ga Gariréaanecüäxärü yexera nipecaduäxgü?

3 —Pemaä nüxü chixu rü tama nixi. Rü ngèxguma chi pema rü tama nüxü perüxoegu i pecüma i chixexü, rü guxäma i pema rü tá ta ipeyarütauxe.

4 —¿Rü èxna pema nagu perüxñüègu rü guxü ga Yerucharéüçüäxärü yexera nipecaduäxgü ga yema 18 ga yatügü ga yuexü ga yexguma Chiruéwa yexmaxü ga dauxütaechica naetü rüngutaügu?

5 —Pemaä nüxü chixu rü tama nixi. Rü ngèxguma chi pema rü tama nüxü perüxoegu i pecüma i chixexü, rü guxäma i pema rü tá ta ipeyarütauxe —ñanagürü ga Ngechuchu.

Ore ga nanetü ga iguera ga ngearü ððxügu ixuxü

⁶ Rü nüma ga Ngechuchu rü nüxü nixu ga wüxi ga ore ga igueragu ixuxü, rü ñanagürü: —Rü wüxi ga yatü nüxü nayexma ga wüxi ga ubanecü. Rü yexma nanato ga wüxi ga iguera. Rü nüma ga guma yatü rü ñayadauuxü ga yema iguera rü ngoxi naxðð, natürü taxuxüma ga norü oxü ñayangau.

⁷ —Rü yemacëx yema norü duüxü ga norü naänena dauxüxü ñanagürü:

“Düçëx, tomaëxpüx ya taunecü guxülguma íchayadauuxü i ñaã iguera, rü taguma naxo. Rü ngëmácëx chanaxwëxe na cuyadaxüchixü na tama natüçëxma nuã naãnewa naxíaneãxüçëx”, ñanagürü nüxü.

⁸ —Natürü ga yema norü duüxü ga norü naänena dauxü, rü norü corixü nangãxü, rü ñanagürü:

“Pa Corix, ñüetama doma taunecüxícátama nangëmëx! Rü tá chanaxaimüãnepüne rü waxmüãnexümaã tá chanagüpüne.

⁹ —Rü bexmana ngëxguma rü tá naxo. Natürü ngëxguma tãütáma naxoxgu rü tá chayadaxüchi”, ñanagürü.

Ngechuchu rü ngüxchigaarü ngunexügu ngíxcëx nayataanexëë ga wüxi ga ngecü ga püçëxwecü

¹⁰ Rü wüxi ga ngüxchigaarü ngunexügu rü Ngechuchu nanguxëëtae ga wüxi ga ngutaquëxepataüwa.

¹¹ Rü yéma iyexma ga wüxi ga ngecü ga 18 ga taunecü idaawecü. Rü ipüçëxwe yerü wüxi ga ngoxo ngíxü napüçëxwexëë, rü taxuacüma iyariüwëxáchi.

¹² Rü yexguma Ngechuchu ngíxü deüxgu rü ngíxcëx naca, rü ñanagürü ngíxü: —Pa Ngeçüx, ñuxma rü marü cuçcëx nitaane i curü daawewa —ñanagürü.

¹³ Rü yexguma rü ngíxü ningögü, rü yexgumatama iyariüwëxáchiwemüxü, rü ñanaxügu ga Tupanaxü na yacuëxüxü.

¹⁴ Natürü yema ngutaquëxepataüãrü ãëxgacü rü nanu, yerü Ngechuchu rü ngüxchigaarü ngunexügu ngíxü narümemëë ga yema nge. Rü yemacëx ga yema ãëxgacü rü ñanagürü duüxügüxü: —Nangëxma i 6 i ngunexü i nagu namexü na ipuracüexü. Rü ngëma ngunexügügu nixí i namexü na nuã pexíxü na pegü peyarümemëëgüxüçëx rü tama i ngüxchigaarü ngunexügu —ñanagürü.

¹⁵ Rü yexguma ga Cori ga Ngechuchu rü nanangãxü, rü ñanagürü: —Pa Duüxügüx, pema rü togü i duüxügüpëxewa meã pemaxënetá, natürü peãewa rü chixexügu perüxínüë. ¿Tama ëxna guxá i pema rü ngüxchigaarü ngunexügu peyawëxü i perü woca rü ëxna perü buru na peyaxaxexëëgüxüçëx?

¹⁶ —Rü ñaã ngecü rü Abráütanüxü iyixí, rü Chataná rü 18 ya taunecü ngíxü nachixexëë namaã i ñaã daawe. ¿Rü taux ëxna i namexü na ngíxcëx chayataanexëëxü i ngüxchigaarü ngunexügu? —ñanagürü.

¹⁷ Rü yexguma yema ñaxgu ga Ngechuchu, rü guxüma ga norü uwanügü rü poraãcü naxãneë. Natürü guxüma ga togü ga duüxügü rü nataãëgü ga yexguma nüxü nadaugügu ga yema mexügu ga Ngechuchu üxü.

Ore i motacha- chiregu ixuxü

(Mt 13.31-32; Mr 4.30-32)

¹⁸ Rü ñanagürü ga Ngechuchu: —¿Ñuxácü nixí i ãëxgacü na yíxü ya Tupana, rü nañuxraüxü i nüma ãëxgacü iyíxüwa? ¿Rü tacügu tá chanangu?

¹⁹ —Maneca wüxi ya motachachire ya wüxi ya yatü naãnegu toxünerüü nixí. Rü woo naxíraxüchichirëx ya naxchire natürü narüxü, rü naya ñuxmata wüxi i nanetü i taetaxü nixí. Rü ngëmácëx i werigü rü natanügu nixüachiãü —ñanagürü.

Ore i pãüãrü puxëëruügu ixuxü

(Mt 13.33)

²⁰ Rü ñanagürü ta ga Ngechuchu: —¿Ñuxácü nixí i Tupana ãëxgacü íixíxüwa? ¿Rü tacügu tá chanangu?

²¹ —Rü pãüãrü puxëëruüruü nixí na guxüwama nanguxü. Erü wüxi i ngecü rü íraxü- tama i pãüãrü puxëëruümaã ñanaxüéü i taxü i ngírü pãüchara. Rü ngëma pãüãrü puxëëruü rü woo naxíra rü nayapuxëë i guxüma i ngírü pãüchara —ñanagürü ga Ngechuchu.

Íãx i íraxüchiga

(Mt 7.13-14, 21-23)

²² Rü ñanaxüchigü ga Ngechuchu ga Yerucharéüwa na naxüxü. Rü yexguma namagu yaxüxgu rü ñanegüwa rü ñanexácügüwa nixüpetüchigü, rü yéma nayangüxëëtanü ga duüxügü.

²³ Rū wūxi ga duūxū nūxna naca rū ñanagürü: —Pa Corix çnoxretátama nixī i ngēma nayauxgūxū i maxū i taguma gūxū? —ñanagürü. Rū nūma ga Ngechuchu nanangāxū, rū ñanagürü:

²⁴ —Daxūgūxū i naāneārū iāx rū naxíraxūchi. ¡Rū paxa naxcèx pedau na nawa pi-chocuxūtcèx! Erū pemaā nūxū chixu rū muxūchixūma i duūxūgū tá nūxū nangúchañ na nawa yachocuxū, natürü tātúta nawa nichocu.

²⁵ —Erū ngēxguma iārū yora marū nawāxtagu i iāx, rū pema i dūxétúwa ngēxmagūxe rū tá penatutuāñ. Rū ñaperügügü tá:

“Pa Corix, ¡paxa toxcèx yawāxna i iāx!” ñaperügügü tá. Natürü nūma i cori rū tá pexū nangāxū, rū ñanagürü tá:

“Tama pexū chacuèx na ngextácūiāx pixīgūxū”, ñanagürü tá pexū.

²⁶ —Rū ngēxguma rū tá ñaperügügü nūxū:

“Cumaāchirèx wūxiwa tachibüe rū taxaxegü. Rū toxū cungúxèè ga torū iāneārū ítamügüwa”, ñaperügügü tá.

²⁷ —Natürü nūma rū tá pexū nangāxū rū ñanagürü tá: “Marū pemaā nūxū chixu rū tama pexū chacuèx na ngextácūiāxgü pixīgūxū. ¡Rū ípixī i nuā chauxútawa i guxāma i pemax, Pa Chixri Maxèxū!” ñanagürü tá.

²⁸ —Rū ngema tá pexauxe, rū tá pixūxchapütägü i ngēxguma nūxū pedèuxgu i Abráñ rū Ichaá rū Acobu rū guxūma i Tupanaārü orearü uruūgü na Tupana āēxgacú íixíxūwa na nangēxmagūxū rū pema rū nūxna na ípewoxūxū.

²⁹ —Erū guxūwatáma ne naxī i duūxūgü. Rū Tupana āēx- gacú íixíxūwa tá nangēxmagü. Rū ngema tá narütögü na ngema nachibüexūtcèx.

³⁰ —Rū tá nangēxma i nūmaxū i ñoma i naānewa duūxūgü nūxū oexū, natürü daxūgūxū i naānewa rū Tupana tá wixpèxewa nanaxūgūxèè. Rū tá nangēxma i nūmaxū i ñoma i naānewa duūxūgü nūxū icuèxūgūxū, natürü daxūgūxū i naānewa rū Tupana rū tá wixweama nanaxūgūxèè —ñanagürü ga Ngechuchu.

Ngechuchu rū Yerucharéúçūāx ga duūxūgücèx naxaxu (Mt 23.37-39)

³¹ Rū yematama ga ngunexūgu rū Ngechuchuxútawa nangugü ga ñuxre ga Parichéugü. Rū ñanagürügü Ngechuchuxū: —¡íixū i nuā! Erū āēxgacú ya Erode rū cuxū nimèxéga —ñanagürügü.

³² Natürü nūma ga Ngechuchu nanangāxū rū ñanagürü: —¡Naxútawa pexī i ngēma yatū i nūxū cuèxūchixū na ñuxácú duūxūgūxū nawomúxèèxū, rū namaā nūxū pixu rū ñuxma rū moxū rū tá íchana- woxū i ngoxogü, rū tá chanameèxèè i ngēma duūxūgü i idaawexū, rū pèxmaācú tá chanaguxèè!

³³ —Natürü chanaxwèxe i ichixūchigü i ñuxma rū moxū rū paxmaācú ñuxmatáta Yerucharéúwa changu. Erū Yerucharéúgu nixī i na nayuxxū i guxūma i Tupanaārü orearü uruūgü.

³⁴ —Rū dücax, Pa Yerucharéúçūāx, pema peyadaietanū i Tupanaārü orearü uruūgü, rū nutamaā ípenamuxūchigü i Tupanaārü orearü ngeruūgü i pexcèx nūma namugūxū. Rū ñuxreéxpúxcūna wūxigu chaugūxūtagu pexū chanutaquèxèèchañ, ñoma wūxi i ota ya naxācūāx nügütüügu tūxū nutaquèxèèrūñ. Natürü pema rū tama penaxwèxe.

³⁵ —Dúcèx i ñuxma ya perū iāne, rū Tupana tá ínanatèx. Rū pemaā nūxū chixu rū tātúta wena choxū pedau ñuxmatáta daxūgūxū i naānewa ne chaxū. Rū ngēxguma rū tá choxū pedau rū tá ñaperügügü:

“Namexèchi nixī ya yima Cori ya Tupana nūma namucú”, ñaperügügü tá —ñanagürü ga Ngechuchu.

14

Ngechuchu rū naxcèx nayataanexèè ga wūxi ga yatū ga rúchaxūnèxū

¹ Rū wūxi ga ngūxchigaarü ngunexūgu rū Ngechuchu rū wūxi ga Parichéupatawa nayachibü. Rū yéma nayexmagü ga togü ga Parichéugü ga yéma bexma Ngechuchuxū ngugūxū.

² Rū yéma nayexma ta ga wūxi ga yatū ga idaawexū ga rúchaxūnèxū.

³ Rū yexguma ga Ngechuchu rū yema ngúxèèruūgü ga Moíchéarü mugüwa nguxèètaegūxūna rū Parichéugüna naca, rū ñanagürü: —¿Tama penachuxuxū ega ngūxchigaarü ngunexūgu chanamexèèxgu i wūxi i idaawexū? —ñanagürü.

⁴ Natürü ga nūmagü rū nangeèxgūmare. Rū yexguma ga Ngechuchu rū naxméxgu nayayauxāchi ga yema idaawexū, rū nanamexèè. Rū namaā nūxū nixu ga na íyaxūxūtcèx.

⁵ Rū Ngechuchu rū ñanagürü Parichéügüxü: —¿Texé i pema i ngëxguma perü buru rū éxna perü woca puchugu nagoxgu, rū taux éxna i ngëxgumatama ípeyadauxü rū ípe- yatüächixü i woo ngüxchigaarü ngunexügu? —ñanagürü.

⁶ Rū nūmagü rū taxuümaama nanangäxügu.

Duüxügu ga ngígüarü petawa nūxna naxugüxüchiga

⁷ Rū yexguma mechawa natogüchaügu ga yema nūxna naxugüxü, rū Ngechuchu nūxü nadau na wüxichigü rū íärü yoraxütawaxüchi natoxchaüxü. Rū yexguma yemaxü nadëuxgu rū nayaxucuxëgü, rū ñanagürü:

⁸ —Ngëxguma texé cuxna uxgu i wüxi i ngígüarü petawa, rū tama name i petaarü yoraxütawaxüchi üxü i naxmëxwëxewa cuyarüto. Erü yixcüra ngürüächi tá ínangu i to i nūxna naxuxü i curü yexeraxüchi íxüxü.

⁹ —Rū ngëma petaarü yora i pexna uxü, rū tá cumaã nūxü nayarüxu na icuchixüçëx i ngëma nachicawa na ngema natoxëãxüçëx i ngëma to i curü yexera íxüxü. Rū ngëxguma i cuma rū poraãcü cuxãneãcüma rū nawa iyacuáxü i naxmëxwëxewa tá cuyarüto.

¹⁰ —Rū narümemaë ega texé cuxna uxgu, rū nawa iyacuáxü i naxmëxwëxewa curüto. Rū ngëxguma i ngëma petaarü yora i cuxna uxü rū ñanagürü tá cuxü:

“Pa Chomücüx, ¡nuã chauxütawa yarüto!” ñanagürü tá cuxü. Rū ngëmaãcü ngëma petaarü yora rū wüxi i mexü tá cumaã naxü napëxewa i guxüma i duüxügu i nūxna naxuxü i cumaã ngema rütogüxü.

¹¹ —Erü texé ya tügü írütaxe rū Tupana tá tüxü naxãnexëë. Natürü texé ya tügü írúxíraxe rū Tupana tá tüxü nicuëxüü —ñanagürü ga Ngechuchu.

¹² Rū ñanagürü ta ga Ngechuchu nūxü ga yema yatü ga nūxna uxü: —Rū ngëxguma wüxi i ònacëx rū éxna petacëx texéna cuxuxchaügu, rū tama name i nūxna cuxu i cumüçügü, rū bai i cueneëgü, rū bai i cutanüxügu, rū bai i curü ngaicamagu pegüxü i duüxügu i dïeruãxgüxü. Erü nūmagü rū tá nūxü cuxna naxugüe, rū ngëmaãcü tá cuxü nanaxütanügü.

¹³ —Natürü ngëxguma wüxi i peta cuxüxgu, rū narümemaë níxü i nūxna cuxu i duüxügu i ngearü dïeruãxgüxü, rū duüxügu i taxucürüwama puracüexü, rū ngëma ichixeparagüxü, rū ngëma ingexetügüxü.

¹⁴ —Rū tá cutaãëxüchi i ngëxguma erü nūmagü rū taxucürüwama cuxü nanaxütanügü. Natürü tá cunayaxu i curü natanü i ngëxguma wena namaxëgu i Tupanaärü duüxügu i mexü — ñanagürü.

*Ore i taxü i ònagu ixuxü
(Mt 22.1-10)*

¹⁵ Rū yexguma yemaxü naxínügu ga wüxi ga yatü ga mechawa rütöxü rū Ngechuchuxü ñanagürü: —Rū tataãe ya yíxema Tupana äëxgacü íxüxüwa chibüxe —ñanagürü.

¹⁶ Rū yexguma ga Ngechuchu rū ñanagürü nūxü: —Wüxi ga yatü nanaxü ga wüxi ga òna ga taxü. Rū norü duüxüxü namu na nūxna yaxuxüçëx ga muxüma ga duüxügu.

¹⁷ —Rū yexguma marü namexgu ga norü òna, rū wena norü duüxüxü namu na yema duüxügu ga marü nūxna naxugüxümaã nūxü na yanaxuxüçëx ga marü na namemarexü ga norü òna, rū paxa yéma na naxüxüçëx.

¹⁸ —Natürü guxüma ga yema nūxna naxugüxü, rū inanaxügü ga nügu na ínaxuegüxü. Rū yema nūxra nūxna naxu rū ñanagürü:

“Ngexwacaxtama naxcëx chataxe i wüxi i naãne. Rū paxa tá íchayadau. ¡Rü namaã nūxü íxu i cori rū taxucürüwama ngema chaxü!” ñanagürü.

¹⁹ —Rü ga yema to rū ñanagürü:

“10 i wocagü i puracürüçëx chataxe, rū tá ngëmaxü chayaxü. ¡Rü namaxã nūxü íxu i cori rū taxucürüwama ngema chaxü!” ñanagürü.

²⁰ —Rü ga to rū ñanagürü:

“Ngexwacaxtama chaxãmëx rū ngëmacëx taxucürüwama ngema chaxü”, ñanagürü.

²¹ —Rü yexguma nataegugu ga yema coriarü duüxü, rū norü corimaã nūxü níxu ga guxüma ga yema ore. Rū yexguma ga norü cori rū nanu, rū ñanagürü nūxü ga norü duüxü: “¡Paxa ngema ítamügü i taxüwa rū ítamüacügüwa naxü, rū nuã nagagü i ngëma duüxügu i ngearü dïeruãxgüxü, rū ngëma duüxügu i taxucürüwama puracüexü, rū ngëma ichixeparagüxü, rū ngëma ingexetügüxü!” ñanagürü.

²² —Rü yixcamaxüra ga yema norü cori namaã nūxü íxuxü naxüxguwena rū yema norü duüxü ñanagürü nūxü:

“Pa Corix, marü chanaxü i ngëma chomaã nūxü quixuxürüü, natürü naxãchicaaneãmatama i nuã cupatawa”, ñanagürü.

²³ —Rü yexguma ga norü cori rū ñanagürü nūxü:

“¡Paxa ngema nama i taxüguwa rū nama i íraxüguwa naxü, rū nuã nagagü i togü i duüxügu na nuxã chopatagu nachocuxüçëx, rū ngëmaãcü na naxããcuxüçëx ya daa chopata!”

²⁴ Erü pemaã nüxü chixu rü taxuüma ga yema nüxïra nüxna chaxuxü rü nuã chorü ðnawa tá nachibüe”, ñanagürü.

Tama natauxcha na Cristuwe rüxüxü
(Mt 10.37-38)

²⁵ Rü muxüchixüma ga duüxügü Ngechuchuwe narüxï. Rü nadauegu ga Ngechuchu, rü ñanagürü nüxü:

²⁶ —Rü ngëxguma texé chowe rüxüchaügu, rü tanaxwëxe i choxü tangechaü tümanatüarü yexera, rü tümaëärü yexera, rü tümamëxärü yexera, rü tümaxäcügüarü yexera, rü tümaëneëgüarü yexera, rü tümaëyëxgüarü yexera, rü tümaärü maxüärü yexera rü ta. Rü ngëxguma tama ngëmaäcü choxü tangechaügu rü taxucürüwama aixcüma chorü ngüexü tixï.

²⁷ —Rü yïxema tama naxwëxexë na chaugagu ngüxü tingeäcüma chowe tarüxüxü, rü taxucürüwama chorü ngüexü tixï.

²⁸ —Rü ngëxguma chi wüxie i petanüwa rü wüxi ya İpata ya taxüne taxüxchaügu, çrü tama êxna i noxri i tanangugüxiraxü na ñuxre i dïeru tá nagu ngïxü itatáxü? Rü ngëmawa nüxü tacuëx rü marü tüxü iyangu i ngëma tümaärü dïeru i tüxü ngëxmacü na tayanguxëëxüçex ya yima İ.

²⁹ —Erü ngëxguma chi tama meã tanangugügu i tümaärü dïeru na ñuxregu tá naxãtanüxü ya yima İ, rü norü caxtaxica chi itapugügu rü yixcüra rü taxucürüwa chi tanaguxëëgu i ngëma puracü, rü guxüma i duüxügü i nüxü daugüxü i ngëma tümaärü puracü rü tá tüxü nacugüe.

³⁰ —Rü ñanagürügü tá:

“Ngëma yatü inanaxügü na naxüpataxü, natürü taxucürüwama nayanguxëë”, ñanagürügü tá.

³¹ —Rü ngëxguma wüxi i nachiüãneärü äëxgacü rü to i nachiüãneärü äëxgacümaã nügü nadaixchaügu, çrü tama êxna i noxri inanugüãxü rü ngoxi 10,000 i churaragü rü yangu na nügü nadaixüçex namaã i norü uwanü i 20,000 i churaragü nüxü ngëxmaxü?

³² —Rü ngëxguma nangugüägu na tama yanguxü i norü churaragü rü, çtaux êxna i ngëxguma yaxüwa nangëxmagutama i norü uwanü, rü naxütawa namugüãxü i norü orearü ngerüügü, rü namaã nüxü na naxaxugüexüçex na nügümaã nangüxmüëxü?

³³ —Rü ngëxgumarüü tá ta nixï i pemax, erü ngëxguma ngexerüxüxe i petanüwa tama ngëma tanawogügu i guxüma i tüxü ngëxmaxü na chowe tarüxüxüçex, rü taxucürüwama aixcüma chorü ngüexü tixï.

Ngëxguma nangeacagu ya yucüra rü taxuwama name
(Mt 5.13; Mr 9.50)

³⁴ —Pema rü ñoma yucürarüü pixigü i ñoma i naãnewa, erü yima yucüra rü ðna na namexëëxürüü rü pema rü ñoma i naãnecüãx i duüxügütanüwa rü norü mexëëruü pixigü. Name ya yucüra. Natürü ngëxguma chi nangeacagu, çrü ñuxäcü tá wenaxärü naxãaca?

³⁵ —Rü taxuwama name. Rü woo waixüümüärü waxmüãnexëëruüçex rü tama name. Rü İtanatëxmare. Rü yïxema aixcüma ächïxexë, çrü name nixï i nagu tarüxümtüë i ñaa ore! — ñanagürü.

15

Ore i carneru i İyarütaxuxügu ixuxü
(Mt 18.10-14)

¹ Rü guxüma ga yema yatügü ga Dumaärü äëxgacüçex dïeru ngïxü ideetanüxü, rü togü ga duüxügü ga chixexü ga nacümagu İxü, rü Ngechuchucëx naxï na İyanaxüñüëxüçex ga norü ore.

² Rü yemacëx ga Parichëgu rü ngüexëëruügü ga Moïchëarü mugüwa ngxüëëtaegüxü, rü Ngechuchuxü nixugüe, rü ñanagürügü: —Naã yatü rü norü me nixï i pecadüãxgüxümaã na naxãmücüxü, rü namaã na nachibüxü —ñanagürügü.

³ Rü yexguma ga Ngechuchu rü ñaa ore ga cuëxruüxü namaã nixu, rü ñanagürü:

⁴ —ÇTexé i petanüwa rü ngëxguma tüxü nangëxmagu i 100 i tümaärü carnerugü rü wüxi tüxü İyarütaxuxu, rü taux êxna i nachitaüwa tanawogüxü i ngëma 99, rü naxcëx tayadauxü i ngëma tüxü İyarütaxuxü ñuxmata nüxü itayangau?

⁵ —Rü ngëxguma nüxü itayangëuxgu rü taäëcüma tügüätügu tayagaxü.

⁶ —Rü ngëxguma tümapatawa tanguxgu, rü tanangutaquëxexëë i tümamücügü, rü duüxügü i tümaärü ngaicamagu pegüxü, rü ñatagüxü nüxü:

“İWüxigu chomaã petaãëgü, Pa Chomücügüx! Erü marü nüxü ichayangau i ngëma chorü carneru ga İyarütaxuxü”, ñatagüxü nüxü.

⁷ —Rü pemaã nüxü chixu rü ngëxgumarüü ta nataãëgü i daxüçüãx i ngëxguma nangëxmagu i 99 i duüxügü i mexügü i marü Tupanaärü İxügüxü, natürü yexeraäcü nataãëgü i ngëxguma

wüxi i duüxü i pecaduãxü nüxü rüxoxgu i nacüma i chixexü rü Tupanaãxü yaxõõgu – ñanagürü.

Ore ga dïeru ga iyarütauxcügu ixuxü

⁸ Rü Ngechuchu rü wüxi ga to ga ore ga cuèxruüxü nixu, rü ñanagürü: –Ngëxguma chi wüxi i ngecüaxü nangëxmagu i 10 tachimü i dïeru, rü wüxi ngixü iyarütauxgu, çrü taux éxna i omüwa nangixichiãxü rü nabixichiãxü ya ngïpata, rü meãma ngixcèx nadauxü ñuxmata ngixü iyangau?

⁹ –Rü ngëxguma ngixü iyangauxgu, rü inangutaquëxexëë i ngimücügü i ngexüügü rü ngïtanüxüügü i ngïrü ngaicamagu pegüxü, rü ngixü nüxü:

“¡Wüxigu chomaã petaãëgü, Pa Chomücügü! Erü marü ngixü ichayangau i ngëma chorü dïeru ga iyarütauxchirëxcü”, ngixü.

¹⁰ –Rü pemaã nüxü chixu rü ngëxgumarüü ta nataãëgü i daxüçüãx i Tupanaãrü orearü ngeruüügü i ngëxguma wüxi i duüxü i pecaduãxü nüxü rüxoxgu i nacüma i chixexü rü Tupanaãxü yaxõõgu –ñanagürü ga Ngechuchu.

Ore ga wüxi ga ngextüxcü ga nanatüna ixücügu ixuxü

¹¹ Rü ñanagürü ta ga Ngechuchu: –Nayexma ga wüxi ga yatü ga taxre ga nane nüxü yexmacü.

¹² –Rü guma rübumaëcü, rü nanatüxü ñanagürü:

“Pa Pa, ¡choxna naxã i ngëma curü ngëmaxüügü i choxna üxü!” ñanagürü. Rü yexguma ga nanatü rü yema taxre ga nanemaã nayatoye ga norü yemaxüügü.

¹³ –Rü ñuxre ga ngunexüguwena rü guma nane ga rübumaëcü rü nananutaquëxe ga guxüma ga norü yemaxüügü rü namaã nataxe. Rü yema dïerumaã rü to ga nachüãñewa naxü. Rü chixri yëma namaxü, rü yemaäcü ngixü naguxëë ga guxcüma ga norü dïeru.

¹⁴ –Natürü yexguma marü ngixü naguxëëguwena ga guxcüma ga norü dïeru, rü poraäcü naxu ga ñna ga yema nachüãñewa. Rü yemacëx ga guma ngextüxcü rü inanaxüügü ga taiya nüxü na ngüxü.

¹⁵ –Rü yexguma rü norü puracücèx nadau naxütagu ga wüxi ga yatü ga yema nachüãñecüãx. Rü nüma ga yema yatü rü norü naãñewa nanamu na yëma norü cuchigüna yadauxüçèx.

¹⁶ –Rü düxwa nüxü nachixéga ga yema cuchiwemü, yerü poraäcü nataiyaxüchi. Natürü taxüema ñna nüxna taxã.

¹⁷ –Rü yexguma naãëwa nagu narüxüñü, rü ñanagürü:

“¡Ñuxre i chaunatüarü puracütanüxü rü nüxü nangëxma i ñna rü nüxü ínayaxü? Rü choma i nuã rü taiyamaã tá nuxma chayü.

¹⁸ –Rü chaunatüçèx tá chataegu, rü ñachagürü tá tüxü: ‘Pa Papax, marü chixexü Tupanapewa chaxü rü cupewa rü ta.

¹⁹ –Rü tama marü chame na Chaune, ñacuxü choxü. ¡Rü wüxi i curü puracütanüxüxü choxü ixixëë! ñacharügü tá tüxü ya chaunatü”, ñanagürü.

²⁰ –Rü inaxüächü rü nanatüpatacèx nataegu. Rü yexguma yangaicagu ga nanatüpata, rü yaxügu nüxü tadau ga nanatü, rü tüxü nangechaütümüü. Rü naxcèx tiña, rü nüxna tanëjxächü, rü nüxü tachüxu.

²¹ –Rü yexguma ga nüma ga tümane rü ñanagürü tüxü:

“Pa Papax, marü chixexü Tupanapewa chaxü, rü cupewa rü ta. Rü ngemacèx marü tama name na ‘Chaune’ ñacuxü choxü”, ñanagürü.

²² –Natürü tüma ga nanatü rü tümaãrü duüxüügü ñatarügü:

“¡Paxa nuã penange i naxchiru i mexëchixü rü peyacüxcuchix! ¡Rü wüxi i anera ta naxmëxwa ngixü pingëxcuchix! ¡Rü chapatu rü ta nuãta penge, rü peyacuaxcuchix!

²³ –¡Rü peyayaxü i ngëma wocaxacü i rüngümaexü, rü peyamá, rü ngixã namaã tachibüe rü tapetae!

²⁴ –Erü daa chaune rü chauxcèx rü marü nayu, natürü maxücü chauxcèx ínangu. Rü marü inayarütauxchirëx, rü wenaxãrü nangox”, ñanagürü. Rü yexguma inanaxüügü ga na napetaegüxü.

²⁵ –Rü yoxni ga guma nane ga rüyamaëcü, rü naãñewa nayexma. Rü yexguma nataegugu rü marü íãrü ngaicamana nangugu, rü nüxü naxüñü ga na ínapaxetagüxü rü íyaxüächitanüxüxü.

²⁶ –Rü wüxi ga nanatüarü duüxüçèx naca, rü nüxna naca ga íacü na ínaxüexü ga íwa.

²⁷ –Rü yema nanatüarü duüxü rü nanangãxü, rü ñanagürü: “Cueneë rü marü ínangu. Rü ngëmacèx cunatü toxü tamu na tayamáxüçèx i ngëma wocaxacü i rüngümaexü, erü cueneë rü mecü ínangu rü tama niãaawe”, ñanagürü nüxü.

²⁸ –Natürü ga guma naëneë ga rüyamaëcü rü nanu, rü tama ígu naxücuhaü. Rü yemacèx düxwa ga nanatü rü naxcèx ítaxüxü, rü nüxü tayacëëxü na yaxüçüçèx.

29 —Rü nüma rü ñanagürü tüxü ga nanatü:

“Cuma nüxü cucuèx i ñuxre ya taunecü cuxü chapuracü, rü taguma chixri cuga chaxínü. Rü bai i ñuxgu wüxicana wüxi i chibuxacü choxna cumu na chomücügümaã chapetaexücèx.

30 —Natürü ñuxma na ínguxü i ngéma cune i chixri curü díeru ngíxü guxèèxü nagu i ngeñügü i ngèèèxü, rü naxcèx cuyamèx i ngéma wocaxacü i rüngümaexü”, ñanagürü.

31 —Rü yexguma ga nanatü rü ñatarügü nüxü:

“Pa Chaunex, cuma rü guxülguma chauxütawa cungèxma, rü guxüma i chorü ngèmaxügu rü cuxrü nixí.

32 —Natürü ñuxma rü name nixí na ipetaegüxü rü na itaãègüxü erü cueneè ga guma chauxcèx rü marü yucü, rü maxücü taxcèx íngu. Rü woo tüxna inayarütaxu, rü wenaxärü taxcèx nangox”, ñatarügü.

16

Ore ga yatü ga chixri norü coriarü yemaxüna dauxügu ixixü

1 Rü ñanagürü ta ga Ngechuchu norü ngüexüguxü: —Nayexma ga wüxi ga cori ga muärü yemaxüãxüchixü. Rü nüxü nayexma ga wüxi ga norü duüxü ga norü yemaxüärü dauruü. Natürü togü ga duüxügu rü norü corimaã nüxü nixugü na yema norü duüxü rü chixri norü yemaxüna na nadauxü.

2 —Rü yexguma ga yema cori rü yema norü duüxücèx naca, rü ñanagürü nüxü:

“Dücèx, cuchigaxü chomaã nixugügü i duüxügü. ¿Rü tacü nixí i ngéma? ¿Rü chomaã nüxü ixu rü ñuxácü nixí i curü puracü, erü marü taitáma chorü ngèmaxüärü dauruüxü cuxü chixíèè!” ñanagürü nüxü.

3 —Rü yexguma ga yema coriarü duüxü rü nagu narüxínü, rü nügüãewa ñanagürü:

“¿Tacü tá chaxü i ñuxmax, erü chorü cori rü marü choxü ínatèxüchi i ngéma chorü puracüwa? Tama chapora na naãnewa chapuracüxücèx, rü chaxãne na díerucèx na íchaxaxü nüxna i togü.

4 —Rü marü nüxü chacuèx na tacü tá na chaxüxü na choxü nangèxmaxüçèx na texé tümapatawa choxü yaxuxü i ngèxguma changearü puracüãxgu”, ñanagürü.

5 —Rü yexguma nügüxütawa naxcèx naca ga wüxichigü ga yema duüxügu ga norü coriaxü yangetanügüxü. Rü yema nüxíra yéma naxütawa nguxüna naca, rü ñanagürü:

“¿Ñuxre i nüxü cungetanüxü i chorü cori?” ñanagürü.

6 —Rü nüma nanangãxü, rü ñanagürü:

“Nüxü chanangetanü i 100 i data i chixü”, ñanagürü. Rü yema coriarü duüxü rü ñanagürü nüxü:

“Ñã nixí i popera i curü ngetanü nawa ngóxü. ¿Rü paxa írúto rü to i popera naxü, rü 50 i dataguxicatama naxü i curü ngetanü!” ñanagürü.

7 —Rü yemawena rü yema to ga duüxü ga norü coriaxü nangetanüxüna naca, rü ñanagürü:

“¿Cuma rü ñuxre yíxü i nüxü cungetanüxü i chorü cori?” ñanagürü. Rü nüma rü nanangãxü, rü ñanagürü:

“Nüxü chanangetanü i 100 i choca i trigu”, ñanagürü. Rü yema coriarü duüxü rü ñanagürü nüxü:

“Ñã nixí i popera i curü ngetanü nawa ngóxü. ¿Rü paxa írúto rü to i popera naxü rü 80 i chocaguxicatama naxü i curü ngetanü!” ñanagürü.

8 —Rü norü cori rü nüxü nicuèxüñãma ga yema norü duüxü ga chixexü, yerü nüxü nadau ga ñuxácü na naxãèèxüchixü. Rü pemaã nüxü chixu rü ñoma i naãnecüãx i duüxügü, rü ngéma Tupanaãxü yaxögüxü i duüxügüarü yexera paxa naxcèx nadaugü na ñux-ácü nüxü natüxü i duüxügü.

9 —Rü pemaã nüxü chixu rü ngéma ñoma i naãne i chixexüwa pexü ngèxmaxü rü name nixí i ngémamaã nüxü penangüchaüxèè i duüxügü na Tupanaxütawa nangugüxü. Rü ngémaãcü i ngèxguma naguxgu i ngéma ñoma i naãnewa pexü ngèxmaxü rü peyuxgu, rü tá pexü nangèxma ya Penatü ya pexü yaxucü i daxügüxü i naãnewa.

10 —Yíxema meã namaã icuáxe ega woo noxretama tümamèxèwa ngèxmagu, rü ngèxguma muxüma tümamèxèwa ngèxmagu rü tá ta meã namaã itacuèx. Natürü yíxema chixri namaã icuáxe ega noxretama tümamèxèwa ngèxmagu, rü ngèxguma muxüma tümamèxèwa ngèxmagu rü ngèxgumarüü tá ta chixri namaã itacuèx.

11 —Rü ngèxguma tama meã namaã ipecuèxgu i ngéma pexmèxwa ngèxmaxü i ñoma i naãne i chixexüwa, ¿rü texé tá pexmèxgu tanaxü i ngéma aixcüma mexü i Tupanaärü ixixü?

12 —Rü ngèxguma tama meã namaã ipecuèxgu i ngéma Tupana pexna äxü i ñoma i naãnewa, ¿rü ñuxácü tá pexna nanaxá i pechica i daxügüxü i naãnewa?

¹³ –Taxucürüwama i wüxi i duñxü rü nataxrearü coriãx. Erü wüxi i norü corichi rü tá naxai, rü ngêma to rü tá nüxü nangechañ. Rü êxna wüxicêx rü tá meã napuracü rü ngêma to rü tá nüxü naxo. Rü pema rü taxucürüwama Tupanacêx pemaxê ega perü dîeruguxicatama perüñnûêgu –ñanagürü ga Ngechuchu.

¹⁴ Natürü ga yema Parichêugü rü poraäcü norü dîeruguma narüñnûê. Rü yemacêx Ngechuchuxü nacugüe ga yexguma nüxü naxñnûêgu ga guxüma ga yema ore.

¹⁵ Rü yexguma ga Ngechuchu rü ñanagürü nüxü: –Pema nixi i duñxügüpêxewa meã pemaxênetaxü, natürü Tupana pexü nacuêx na ñacügu perüñnûêxü. Rü woo duñxügü pexü nicuêxüügü naxcêx i ngêma pexüxü, natürü Tupana rü naãêwa nangux i ngêma –ñanagürü ga Ngechuchu.

Tupanaärü mugü ga Moiché úmatüxü rü ñuxäcü äêxgacü na yixü ya Tupanachiga

¹⁶ Rü yexguma ga Ngechuchu rü ñanagürü: –Noxri nayexma ga Tupanaärü mugü ga Moiché duñxügüxü nguxêêxü, rü yema nguxêêtae ga nuxcúmaügüxü ga Tupanaärü orearü uruügü duñxügüxü namaã nguxêêxü. Natürü yexguma Cuáñ ga baiñxêêruñ ínguxguwena, rü marü duñxügümaã nüxü chixuchiga i Tupanaärü ore i mexü i ñuxäcü äêxgacü na yixü. Rü ñuxma rü guxüma i ngêma duñxügü rü poraäcü nügü naporaexêê na yachocuxücêx i ngema Tupana äêxgacü íixixüwa.

¹⁷ –Naxüpa na yanguxü i Tupanaärü mugü rü woo wüxi i mu i íramarexü yixügu, rü naguxchaxüchi na iyanaxoxü i ngêma nüxü yaxuxü. Natürü aixcúma narütauxchamaê nixi na iyanaxoxü i ñoma i naãne rü guxüma i ngêma daxüwa nüxü idauxü.

Ngechuchu namaã nangüxêêtae na tama namexü na texé túmamaxü itáxü (Mt 19.1-12; Mr 10.1-12)

¹⁸ –Ngêxguma wüxi ya yatü ítamêxgu rü nañ i ngemaã naxãmêxgu rü Tupanapêxewa rü pecadu naxü. Rü texé ya yixema ngímaã amaxé i wüxi i nge i ngíte ngíxü ítêxcü, rü Tupanapêxewa rü túma rü ta pecadu taxü.

Yatü i dîeruãxüchixüchiga rü Dácharuchiga

¹⁹ –Nayexma ga wüxi ga yatü ga dîeruãxüchixü ga guxüguma mexêchixü ga naxchirugu icüxü. Rü guxü ga ngunexügu rü taxüma ga òna naxü rü napetaexü.

²⁰ –Rü nayexma ta ga wüxi ga yatü ga ngearü dîeruäcü ga Dácharugu äegacü. Rü guxüguma yema dîeruãxüchixüpataêxwa nayarütöoxü.

²¹ –Rü guma Dácharu rü nanangõxchañ ga yema ònatüchi ga yema yatü ga dîeruãxüchixüärü mechawa rüyixixü. Rü naxcêx naxi ga airugü, rü nanawearü oxriãxgü.

²² –Rü wüxi ga ngunexü nayu ga guma ngearü dîeruäcü, rü daxüçüãx ga Tupanaärü orearü ngeruügü rü daxüguxü ga naãnewa nanagagü na wüxiwa Abráúmaã nayexmaxücêx. Rü nayu ta ga yema yatü ga dîeruãxüchixü, rü inayatêxgü ga duñxügü.

²³ –Rü ngêma nachica i Tupana ngoxogüxü nagu poxcuxüwa naxü ga yema yatü ga dîeruãxüchixü rü yema poraäcü ngüxü ninge. Rü daxü nadau, rü yaxügu Abráúxü nadau na Dácharumaã wüxiwa nayexmaxü ga daxüguxü ga naãnewa.

²⁴ –Rü yexguma ga yema yatü ga dîeruãxüchichiréxü rü aita naxü rü ñanagürü:

“Pa Qxi Pa Abráúx, ¡cuxü changechaütümü, rü nuã namu ya Dácharu na dexámaã nügü yawaixpêxemêxêácúma choxü yanawaixpêxearü conüãxücêx! Erü poraäcü choxü nangux i nuã úxüwa”, ñanagürü.

²⁵ –Natürü Abráú rü ñanagürü nüxü:

“Pa Chaunex, ¡ñuxna nacuêxächi na taxüma cuxü taxuxü ga yexguma cumañxgu! Natürü Dácharu rü poraäcü chixêxü nüxü naxüpetü. Rü ngemacêx i ñuxma rü nuã mexüwa nangêxma, rü cuma rü ngema poxcuchicawa ngüxü quinge.

²⁶ –Rü ñuxüchi nangêxma i wüxi i taxüchixü i ngatexü i tóru ngäxüwa úxü. Rü ngêmacêx ega númacüãx ngema íxchañgu, rü taxucürüwama ngema naxi. Rü woo ngemacüãx núma íxchañgu rü taxucürüwama núma naxi”, ñanagürü.

²⁷ –Rü yexguma ga yema yatü ga dîeruãxüchichiréxü rü ñanagürü:

“Cuxü chacêêxü, Pa Qxi, Pa Abráúx, na chaunatüpatawa cunamuxücêx ya Dácharu.

²⁸ –Erü ngema nangêxmagü ya wüximêêxpüx ya chaueneêgü. Rü chanaxwêxe na namaã nüxü na yanaxuxücêx na tama nuã ñaã poxcuchica i poraäcü choxü ínangüxüwa naxixücêx”, ñanagürü.

²⁹ –Natürü ga Abráú rü ñanagürü nüxü:

“Cueneêgü nüxü nangêxma i Tupanaärü mugü ga Moiché úmatüxü rü yema ore ga nuxcúmaügüxü ga Tupanaärü orearü uruügü úmatüxü. Rü name nixi i ngêma orega na naxñnûêxü”, ñanagürü.

³⁰ –Rü yexguma ga yema yatü ga dîeruãxüchichiréxü rü Abráúxü nangäxü, rü ñanagürü:

“Ngēmáãcü, Pa Oxi, Pa Abráũx, natürü ngëxguma chi wüxi i duũxũ i yuchiréxũ ngema ũxgu rü namaã nüxũ yanaxuxgu, rü chi nüxũ narüxoe i nacüma i chixexũ”, ñanagürü.

³¹—Natürü Abráũ, rü ñanagürü nüxũ:

“Ngëxguma tama naga naxĩnũegu ga yema ore ga Moĩché ũmatũxũ rü yema ore ga nuxcũmaũgũxũ ga Tupanaãrũ orearũ uruũgũ ũmatũxũ, rü woo chi wüxi i marũ yuwa írüdaxũ i duũxũ ngema ũxgu, rü namaã nüxũ yanaxuxgu i ore, rü tãũ chima nüxũ nayaxõgũ”, ñanagürü.

17

Naxãücüma nixĩ na pecadugu inguxũ

(Mt 18.6-7, 21-22; Mr 9.42)

¹ Rũ Ngechuchu rü norü ngüexũgũxũ ñanagürü: —Rũ guxũgutãma nangëxma i tacü i duũxũgũxũ pecaduãxëexũ. Natürü wüxi i ngechaũ tá tũmacëx nixĩ ya yixema duũxë ya togũxũ pecadugu nguxëexë.

²⁻³—Rũ tũmacëx rü narũmemaẽ nixĩ na tũmanaxãwa yangacuchixũ ya wüxi ya nuta ya tacü rü ngëmaãcü taxtũwa tũxũ na itãexũ naxũpa na pecadugu tananguxëëxũ i wüxi i chorü duũxũ. ¡Rũ ngëmacëx name nixĩ i pexuãëgũ i pemax! Rũ ngëxguma wüxi i cueneë chixexũ cumaã ũxgu rü ¡meã naxuxcuxë! Rũ ngëxguma nüxũ naxoxgu i nacüma i chixexũ rü ¡nũxũ nüxũ nangechaũ i ngëma!

⁴—Rũ woo 7 ëxpũxcüna chixexũ cumaã naxũxgu i wüxi i ngunexũgu, rü 7 ëxpũxcüna cuxna yacaxgu na nüxũ nüxũ cungechaũxücëx, rü name nixĩ i nüxũ nüxũ cungechaũ —ñanagürü ga Ngechuchu.

Ñuxãcü tapora ega yaxõxgu

⁵ Rũ norü ngüexũgũ ga norü orearũ uwa namugũxũ rü ñanagürügũ: —Pa Corix, ¡toxũ ñũgũxëë na yexeraãcü tayaxõgũxücëx! —ñanagürügũ.

⁶ Rũ yexguma ga Cori ga Ngechuchu rü ñanagürü nüxũ ga norü ngüexũgũ: —Rũ ngëxguma chi woo naxĩraxũchigu i perü õ, rü daa naĩ rü chi pega naxĩnũ ega ñapegũgu:

“¡Cugũ nabëx i nuã rü taxtũchiũgu cugũ yato!” ñapegũgu, rü chi pega naxĩnũ.

Wüxi i ngũxëëruĩãrũ puracũchiga

⁷ —Ngëxguma chi wüxie i petanũwa rü tũxũ nangëxmagu i wüxi i tũmaãrũ duũxũ i tũmaãnewa ne ũxũ i puracũwa rü ëxna carneruarũ dauwa, rü tama nügcëxira naxũwemũ.

⁸ —Natürü norü corixũxĩra naxũwemũ na nachibũxücëx rü naxaxexücëx, rü nüma rü yixcama nachibũ.

⁹—Rũ norü cori rü tama moxë nüxna naxã na naxũwemũãxücëx, erü woetama ngëma nixĩ i norü puracũ i ngëma norü duũxũ.

¹⁰—Rũ ngëxgumarũĩ tá pixĩgũ i pemax. Erü ngëxguma ngëma Tupana pexũ üxëëxũxĩcatama pexũxgu, rü penaxwëxe i pegũ ñaperügũgũ:

“Puracũtanũxũ i taxuwama mexũ tixĩgũ, erü ngëma nawa tũxũ namuxũxĩcatama nixĩ i tinguxëëxũ”, ñaperügũgũ —ñanagürü ga Ngechuchu.

Ngechuchu nanameëxëë ga 10 ga yatũgũ ga chaxũneãxgũxũ

¹¹ Rũ yexguma namagu yaxũxgu ga Ngechuchu ga Yerucharéüwa na naxũxũ, rü Chamãriaane rü Garirëaane nügũmaã ¡xüyexũwa naxũpetũ.

¹² Rũ yexguma wüxi ga ¡ñexãcũwa nanguxgu, rü yexma napëxegu nayayi ga 10 ga yatũgũ ga chaxũnemaã idaaweexũ. Rũ yaxũgu nüxũ nachigũ.

¹³ Rũ tagaãcü ñanagürügũ nüxũ: —Pa Ngechuchux, Pa Ngüexëëruũx, ¡cuxũ tangechaũtũmũgũ! —ñanagürügũ.

¹⁴ Rũ yexguma Ngechuchu nüxũ dëuxgu, rü ñanagürü nüxũ: —¡Yëa paigũxũtawã pexĩ, rü nüxũ pegũ peyawëxgũ! —ñanagürü. Rũ yexguma namagu naxĩyane, rü naxcëx nitaanetanũ ga yema yatũgũ.

¹⁵ Natürü natanũwa rü nayexma ga wüxi ga Ngechuchucëx taeguxũ ga yexguma marũ nügũ nadëuxgu ga naxcëx na yataanexũ. Rũ tagaãcü Tupanaxũ nicuëxũũchigũ.

¹⁶ Rũ Ngechuchupëxegu nanangücuchi rü moxë nüxna naxã. Rũ yema yatũ rü Chamãriaanecũãx nixĩ.

¹⁷ Rũ yexguma ga Ngechuchu rü ñanagürü: —¿Taux ëxna i 10 chirëx pixĩgũxũ na pexcëx chayataanexëëgũxũ? ¿Ngëxũgũ nixĩ i ngëma togũ i 9 i yatũgũ?

¹⁸ —¿Rũ ñaã to i nachĩũñanecũãx i duũxũxĩcatama nixĩ itaeguxũ na Tupanaxũ yacuëxũxücëx? —ñanagürü.

¹⁹ Rũ yexguma rü guma yatũxũ ñanagürü: —¡Inachi rü ¡ixũ! Cuxcëx nitaane, erü cuyaxõ —ñanagürü.

Ñuxăcū tá nixī i ngēxguma ínanguxgu ya Tupana na āēxgacū yīxū
(Mt 24.23-28, 36-41)

²⁰ Rū Parichégū rū Ngechuchuna nacagū, rū ñanagürügü: —Ñuxgu tá nixī na yangucuchixū ya Tupana na āēxgacū yīxūcēx i nūma? —ñanagürügü. Rū Ngechuchu nanangāxū, rū ñanagürü: —Norū nguchiga ya Tupana rū tama wūxi i řacū i nūxū idauxürü nixī.

²¹ —Rū taxuacūma ñaperügü:

“Daa nixī”, rū éxna “Gua nixī”, ñaperügü. Erū marū petanūwa nangu ya Tupana na āēxgacū yīxūcēx —ñanagürü.

²² Rū yexguma norū ngúexūgū ñanagürü: —Rū tá pexcēx ínangu i ngunexū i nagu poraācū tá choxū pedaugūchaūxū woo wūxi i paxaāchicēxtama yixīgu. Natürü tātūtama choxū pedaugū i ngēxguma.

²³ —Rū duūxūgū rū tá ñanagürügü pexū:

“Daa nixī ya Cristu”, rū éxna, “Gua nixī ya Cristu”, ñanagürügü tá. Natürü pemax řrü tātūtama nūxū peyaxōgū, rū tātūtama nawe perūxī!

²⁴ —Rū ngēxguma íchanguxgu i choma i Tupana Nane na duūxūxū chīxū, rū wūxi i āēmacū i guxūāneguma baxixürü tá chixī.

²⁵ —Natürü noxri rū tá poraācū ngúxū chinge, rū ñoma i naānecūāx i duūxūgū i ñuxma maxēxū rū tá choxū naxoe.

²⁶ —Rū yexgumarūl ga duūxūgū na chixri maxēxū ga yexguma Noē maūxgu, rū ngēxgumarūl tá ta chixri namaxē i duūxūgū i ngēxguma íchanguxgu i choma i Tupana Nane na duūxūxū chīxū.

²⁷ —Rū ga duūxūgū ga yexguma rū nachibūe, rū naxaxegū, rū nixāmēxgū, rū nixūtexacūgū ñuxmata nawa nangu ga yema ngunexū ga Noē naweūgu nagu ixūexū. Rū ínangu ga mucū ga taxūchicū, rū guxūma ga yema duūxūgū rū nayue.

²⁸ —Rū yexgumarūl ta nangupetū ga yexguma nuxcūmaūcū ga Lox maūxgu. Rū duūxūgū rū nachibūe, rū naxaxegū, rū norū yemaxūcēx nataxegū, rū namaā nataxegū, rū nixūanegū rū nitoegū, rū nixūpatagū.

²⁹ —Natürü yexguma Lox ixūxgu nawa ga guma íāne ga Chodoma, rū daxūwa narūyi ga ūxū ga naxichine, rū nanadai ga guxūma ga yema duūxūgū.

³⁰ —Rū ngēxgumarūl tá ta nangupetū i ngēxguma íchanguxgu i choma i Tupana Nane na duūxūxū chīxū.

³¹ Rū ngēma ngunexūgu rū texé tama tūmapataarū aixepewa ngēxmagu, rū tama name i tūmapatagu tayangaxi na tūmaārū ngēmaxūgū tayatoxūcēx. Rū texé ya tūmaānewa ngēxmaxē, rū tama name i tūmapatacēx tataegu na řacū ngēma tayayaxuxūcēx.

³² —Rū nūxna pecuēxāchie ga ñuxăcū ngīxū na naxūpetūxū ga Lox namēx ga na nayuxū, ga yexguma ngīgūweama nadēuxgu.

³³ —Erū yixema tūgū maxēchaxēēchaūxē rū tá itayarūtaxu, natürü yixema chauxcēx yuxe rū aixcūma tá tūxū nangēxma i maxū i taguma gūxū.

³⁴ —Rū pemaā nūxū chixu rū ngēma chūtaxūgu rū wūxi i ngürücarewa tá nangēxmagū i taxre i duūxūgū. Rū wūxi tá niga, rū ngēma to rū tá ngema natēx.

³⁵ —Rū taxre i ngexūgū tá nūgūmaā ínacaegū. Rū wūxi tá niga rū ngēma to rū tá ngema natēx.

³⁶ —Rū taxre i yatūgū rū wūxi i naānewa tá nangēxmagū. Rū wūxi tá niga rū ngēma to rū tá ngema natēx —ñanagürü ga Ngechuchu.

³⁷ Rū yemaxū naxīnūēgu ga norū ngúexūgū, rū Ngechuchuna nacagū, rū ñanagürügü: —Pa Corix, řngextá tá nixī i nangupetūxū i ngēma nūxū quixuxū? —ñanagürügü. Rū nūma ga Ngechuchu rū nanangāxū, rū ñanagürü: —Duūxūgū rū tá chauxcēx nangutaquēxegū ñoma ēxchagū nawemūcēx ngutaquēxerūl —ñanagürü.

18

Ore ga āēxgacūgu rū yutecūgu ixuxū

¹ Rū Ngechuchu rū wūxi ga to orexū namaā nixu na yemawa nangūexēēāxūcēx na ñuxăcū nanaxwēxexū na taguma nūxū nachaueācūma guxūguma nayumūxēgūxū.

² Rū ñanagürü nūxū ga norū ngúexūgū: —Wūxi ga íānewa nayexma ga wūxi ga āēxgacū ga tama Tupanaga ínūxū rū taxūexūma ngechaūxū.

³ —Rū guma íānewatama iyexma ga wūxi ga nge ga yutecū ga ngixū nayexmacū ga wūxi ga guxcha namaā ga to ga duūxū. Rū yemacēx yema āēxgacūxūtawa ixūxecha na ngixū namexēēāxūcēx ga yema guxcha.

⁴ —Rū muēxpūxcūna yēma ixūxū, natürü yema āēxgacū rū tama ngīxū narūngūxēēchaū. Natürü dūxwa nagu narūxīnū ga yema āēxgacū rū naāēwa ñanagürü:

“Choma rū tama Tupanaxū changechaū, rū taxūexūma chacuāxchaū.

⁵ —Natürü ngêma choxü na nachixeweechaxüçèx i ñaã nge, rü noxtacüma tá ngixü charüngüxêê na tama yeüçürü choxü nachixeweechaxüçèx”, ñanagürü.

⁶ Rü Cori ga Ngechuchu rü ñanagürü: —Yema nixi ga norü ore ga yema âëxgacü ga chixexü.

⁷ —¿Taux êxna i Tupana rü paxa tüxü ínapoxüxü ya yíxema duüxê ya tüxü nayaxuxe i ngêxguma chütacü rü ngunecü rü norü ngüxêçèx nüxna tacaxgu i tûmaärü yumüxêwa?

⁸ —Rü pemaã nüxü chixu rü Tupana rü paxatáma tüxü narüngüxêê. Natürü ngêxguma wenaxärü núma chaxüxgu i choma i Tupana Nane na duüxüxü chixü, çrü ñuxre i duüxügü i aixcüma yaxögüxüxü tá ichayangau i ñoma i naãnewa? —ñanagürü ga Ngechuchu.

Ore i Parichégu ixuxü rü dîeruarü deruügu ixuxü

⁹ Rü Ngechuchu rü nüxü nixu ga ñaã ore nachiga ga yema duüxügü ga nügü írümegünetaxü rü tama togüxü cuáxchaüxü.

¹⁰ Rü ñanagürü: —Taxre ga yatü rü tupauca ga taxünewa nayayumüxêgü. Rü wüxi rü Parichéu nixi, rü yema to rü wüxi ga yatü ga Dumaärü âëxgacüçèx dîeru ngixü dexü nixi.

¹¹ —Rü yema Parichéu rü yexma nachi, rü ñaãacü nayumüxê:

“Pa Tupanax, moxê cuxna chaxã erü tama togü i duüxügürü chixi. Rü tama togürüü changitêx, rü tama ngêmarüü taxü i chixexü chaxü rü êxna wüxi i nge i âtecümaã ichape. Rü bai i ñaã yatü i Dumaärü âëxgacüçèx dîeru ngixü dexü rüü chixi.

¹² —Choma rü guxcü ya yüxügu rü taxreëxpüxcüna chaxaure rü tama chachibü na cugu charüxüxüçèx. Rü chorü dîeruwa rü guxüguma meã cuxna chanaxã i ngêma cuxna üxü”, ñanagürü.

¹³ —Natürü ga guma yatü ga Dumaärü âëxgacüçèx dîeru ngixü decü, rü yaxügu narüxãüx. Rü namuü ga daxü na nadawenüxü, rü yema norü ngechaümaã nügü napaxremü, rü ñanagürü:

“Pa Tupanax, ¡Cuxü changechaütümüü! Erü wüxi i pecaduãxü chixi”, ñanagürü ga guma yatü.

¹⁴ —Rü ngêmacèx pemaã nüxü chixu rü guma yatü ga Dumaärü âëxgacüçèx dîeru ngixü decü rü yexguma napatacèx nataegugu rü Tupanaxewewa rü mecü nixi. Natürü yema Parichéu rü Tupana rü tama namaã nataãê. Erü texé ya tügü icuëxüxê rü Tupana tá tüxü naxãnexêê. Natürü texé ya tama tügü icuëxüxê rü Tupana rü tá tüxü nicuëxüxü —ñanagürü ga Ngechuchu.

*Ngechuchu rü meã buãxgüxü nayaxu
(Mt 19.13-15; Mr 10.13-16)*

¹⁵ Rü yema Ngechuchuxütawa tüxü tagagü ta ga buãxgü na tüxü yangögüchigüxüçèx. Natürü yexguma norü ngüexüü yemaxü dauxgügu rü tüxü ningagü ga guxema tûmaxãcügü Ngechuchuxütawa tüxü gagüxe.

¹⁶ Natürü Ngechuchu rü nügüxütawa tûmacèx naca ga guxema buãxta rü ñanagürü norü ngüexüüxü: —Chanaxwêxe i chauxütawa naxi i buxüü. ¡Rü táxü i nüxna penachuxuxü! Erü Tupana âëxgacü íixüüwa rü tûmacèx nixi ya yíxema ñaã buxügürüü íixüxê.

¹⁷ —Aixcüma pemaã nüxü chixu rü texé ya tama wüxi i buxüü rü Tupanaxü yaxüxe na tûmaärü âëxgacü na yíxüçèx, rü tagutáma nagu taxücu i Tupana âëxgacü íixüüwa —ñanagürü ga Ngechuchu.

*Wüxi ga yatü ga dîeruãxüchicü Ngechuchumaã nidexa
(Mt 19.16-30; Mr 10.17-31)*

¹⁸ Rü wüxi ga yema Yudiügarü âëxgacü rü Ngechuchuna naca rü ñanagürü: —Pa Ngüexêëruü ya Mecüx, çtacü tá chaxüxü na chanayaxuxüçèx i maxü i taguma güxü? —ñanagürü.

¹⁹ Rü Ngechuchu nanangãxü rü ñanagürü nüxü: —¿Tüxcüü “Mecü” ñacurügü choxü? Erü Tupanaxícatama nixi ya mecü íxüü, rü nataxuma i to i mecü íxüü.

²⁰ —Cuma nüxü cucuèx i Tupanaärü mugü i ñaxü:

“¡Tãütáma nai i ngemaã icupe, rü tãütáma cumãêta, rü tãütáma cungitêx, rü tãütáma doraxü quixu i togüchiga, rü tûmaga naxínü ya cunatü rü cue!”

ñaxü.

²¹ Rü yexguma ga guma yatü rü ñanagürü Ngechuchuxü: —Woetama chorü bucüma meãma chayanguxêê i guxüma i ngêma mugü i nüxü quixuxü —ñanagürü.

²² Rü yemaxü naxínügu ga Ngechuchu rü ñanagürü: —Wüxixicatama cuxü nataxu, rü ngêma nixi na namaã cutaxexü i guxüma i curü ngêmaxüü rü togü i ngearü ngêmaxüüxgüxüna na cunaxãxü i curü natanü, rü ngêxguma rü tá cuxü nangêxma i cuchica i daxüxüxü i naãnewa. Rü ñuxüchi marü name i chowe curüxü —ñanagürü.

23 Natürü yemaxü naxînúgu ga guma yatü rü poraäcü inayarümaächi, yerü namuärü dîeruäxüchi.

24 Rü yexguma Ngechuchu nüxü dèuxgu ga ñuxäcü na nangechaüxü, rü ñanagürü nüxü ga norü ngüexügu: –Naguxchaxüchi tá nixî na Tupana äëxgacü íixüwa na yachocuxü i ngëma dîeruäxüchigüxü.

25 –Rü dücax, wüxi i cameyu rü taxucürüwama wüxi ya ucumaxëtüwa naxüpetü. Rü ngëxgumarütü ta nixî i wüxi i duüxü i dîeruäxüchixü rü taxucürüwama Tupana äëxgacü íixüwa nixücu [ega norü dîeruguama naxînúgu rü tama yaxöögü –ñanagürü.]

26 Rü yexguma yemaxü naxînúëgu ga duüxügu rü ñanagürügu: –¿Éxna texé tá ya nayaxüxe i maxü i taguma güxü? –ñanagürügu.

27 Rü Ngechuchu ñanagürü nüxü: –Duüxügu rü taxuacüma nügu namaxëë, natürü Tupanaäxü rü natauxcha na namaxëxëëäxü –ñanagürü.

28 Rü Pedru ñanagürü Ngechuchuxü: –Pa Corix, toma rü yéma tanawogü ga guxüma ga torü yemaxügu na cuwe tarüxüxcëx –ñanagürü.

29-30 Rü yexguma ga Ngechuchu rü ñanagürü nüxü ga norü ngüexügu: –Aixcüma pemaä nüxü chixü rü texé ya Tupanacëx tümapatana, rü éxna tümanatüna, rü éxna tümaëna, rü éxna tümaëneëgüna, rü éxna tümaëyëxgüna, rü éxna tümamëxna, rü éxna tümaxäcügüna ngëma íxüxë na Tupanaäxü tapuracüxcëx, rü ñoma i naänewa tátama poraäcü tanayaxu i tümaärü natanü. Rü daxüguxü i naänewa rü tá ta tanayaxu i maxü i taguma güxü –ñanagürü.

Ngechuchu rü wenaxärü nanaxunagü ga norü yuxchiga

(Mt 20.17-19; Mr 10.32-34)

31 Rü Ngechuchu rü noxrüwama naxcëx naca ga norü ngüexügu, rü ñanagürü nüxü: –Ñuxma rü Yerucharéüwa tá taxî na ngëma yanguxüxcëx i guxüma ga yema ore ga nuxcümaüguüxü ga Tupanaärü orearü uruügu ümatixü ga chauchiga.

32 –Rü Yerucharéüdüx i duüxügu rü tá to i nachüñanecüäxna choxü namugü. Rü ngëma duüxügu rü tá chaugu nidauxcürügu, rü tá chomaä naguxchigagü, rü tá chauchiwewa nacuaixgüe.

33 –Rü tá choxü nacuaixgü, rü yixcüra rü tá choxü nimëxgü. Natürü tomaëxpüx i ngunexüguwena rü tá wenaxärü chamaxü –ñanagürü.

34 Natürü yema norü ngüexügu rü tama nüxü nacüëxgüëga ga na tacüchiga yüxü ga yema ore ga namaä nüxü yaxuxü. Yerü poraäcü nüxü naguxcha ga aixcüma nüxü na nacüëxgüxcëx.

Ngechuchu nanamexëë ga wüxi ga ngexetücü ga Yericüwa

(Mt 20.29-34; Mr 10.46-52)

35 Rü yexguma Ngechuchu ñäne ga Yericüwa nguxchaügu, rü yéma namacüwawa narüto ga wüxi ga yatü ga ngexetücü ga dîerucëx yéma iwémécü.

36 Rü yexguma guma ngexetücü nüxü ñnúgu ga muxüma ga duüxügu na yéma chopetüxü, rü duüxügüna naca ga tacü na ngupetüxü.

37 Rü nanangäxügu, rü ñanagürügu: –Ngechuchu ya Nacharétüdüx nuä naxüpetü –ñanagürügu.

38 Rü yexguma ga guma ngexetücü rü tagaäcü ñanagürü: –Pa Ngechuchux, Pa Dabitanüxüx, ¡cuxü changechaütümüü! –ñanagürü.

39 Rü yema duüxügu ga Ngechuchupëxëgu íxü, rü nanangagü ga na iyanangeäxüxcëx. Natürü guma ngexetücü rü yexeraäcü tagaäcü ñanagürü: –Pa Dabitanüxüx, ¡cuxü changechaütümüü! –ñanagürüama.

40 Rü yexma nayachiächi ga Ngechuchu, rü duüxügüxü namu na naxütawa nagüäxüxcëx. Rü yexguma marü naxütawa nanguxgu, rü guma ngexetücüna naca ga Ngechuchu, rü ñanagürü:

41 –¿Tacü i cunaxwëxexü na cumaä chanaxüxü? –ñanagürü. Rü guma ngexetücü nanangäxü rü ñanagürü: –Pa Corix, chanaxwëxe na choxü quidauchixëëxü –ñanagürü.

42 Rü Ngechuchu ñanagürü nüxü –¡idauchi! Rü marü cuxcëx nitaane erü cuyaxö –ñanagürü.

43 Rü yexgumatama nidauchi ga guma ngexetücü, rü Ngechuchuwe narüxü, rü Tupanaxü nicüëxüchigü. Rü guxüma ga duüxügu ga nüxü daugüxü ga yema ngupetüxü rü Tupanaxü nicüëxügu ta.

19

Ngechuchu rü Zaquëuchiga

¹ Rü Ngechuchu rü Yericüarü ñanewa naxüpetü.

² Rū yéma nayexma ga wūxi ga yatū ga dīeruāxūchixū ga Zaquéu ſegaxū. Rū nūma nixī ga naēru ga yema yatūgū ga Dumaārū āēxgacūcēx dīeru ngīxū ideetanūxū.

³ Rū yema Zaquéu rū poraācū nūxū nangūchaū ga Ngechuchuxū na nadauxū na nūxū nacuáxūcēx. Natūrū taxuacūma nūxū nadau, yerū namuxūchi ga duūxūgū, rū űuxūchi nanuxchanexūchi ga nūmax.

⁴ Rū yemacēx Ngechuchupēxegu nayangu, rū namacūwawa wūxi ga naīgu naxīnagū na Ngechuchuxū nadauxūcēx ga yexguma yéma naxūpetūgu.

⁵ Rū yexguma yéma naxūpetūgu ga Ngechuchu, rū daxū nadau natūūwa ga guma naī. Rū űanagūrū nūxū: —Pa Zaquéu, ipaxa irūxī i ngema! Erū cupatawa tá changu i űuxma —űanagūrū.

⁶ Rū paxa ínarūxī ga Zaquéu, rū taāēācūma Ngechuchuxū nayaxu.

⁷ Rū yexguma yemaxū nadaugūgu ga duūxūgū, rū guxūma inanaxūgūe ga chixri Ngechuchuga na yadexagūxū. Rū űanagūrūgū: —űNūxācū i nūma rū wūxi i duūxū i pecaduāxūpatawa nangu? —űanagūrūgū.

⁸ Rū yexguma ga Zaquéu rū inachi rū űanagūrū Ngechuchuxū: —Dūcēx, Pa Corix, choma rū ngearū dīeruāxgūxūna tá chanaxā i ngāxūgu i guxūma i chorū ngēmaxūgū. Rū ngēxguma chi texé tūxū chawomūxēēācūma tūxū changīxgu, rū āgūmūcūēxpūxcūna tá tūxū ngīxū chataeguxēē i ngēma tūmaārū dīeru —űanagūrū.

⁹ Rū Ngechuchu rū űanagūrū nūxū: —Rū űoma i ngunexūgu cupatawa nangu i maxū i taguma gūxū, erū cuma rū ta rū Abrāūrū cuyaxō.

¹⁰ —Rū choma i Tupana Nane na duūxūxū chīxū, rū űoma i naānewa chaxū na naxcēx chayadauxūcēx i ngēma duūxūgū i iyarūtauxēxū na chanamaxēxēēxūcēx —űanagūrū.

*Ore i dīeru űuxū
(Mt 25.14-30)*

¹¹ Rū yoxni yema Ngechucharū ore inaxīnūēyane ga duūxūgū, rū Ngechuchu rū wūxi ga to ga ore ga cuēruūxū namaā nixu, yerū marū Yerucharēūxū ningaica, rū duūxūgū nagu rūxīnūēgu rū paxa tá ínangu ga Tupana na norū āēxgacū yīxūcēx.

¹² Rū yexguma ga Ngechuchu rū nūgūchiga nīdexa rū űanagūrū nūxū: —Nayexma ga wūxi ga yatū ga taxū ga cori íxīcū ga nayaxucū ga ore na nachīūāneārū āēxgacūxūtawa naxūxūcēx ga yaxūwa na yema āēxgacū nūxū unetaxūcēx na guma nawa ne naxūxūne ga íāneārū āēxgacū yīxūcēx.

¹³ —Rū yexguma tauta inaxūāchigu, rū naxcēx nangema ga 10 ga norū duūxūgū. Rū wūxichigūna ngīxū naxā ga wūxítachinū ga tatanūcū ga dīeru. Rū űanagūrū nūxū:

“Íngīmaā pepuracūe rū ngīxū pimuxēē i űāā dīeru űuxmatá chataegu!” űanagūrū.

¹⁴ —Natūrū yema íānecūāx ga duūxūgū rū naxchi naxaie ga guma cori. Rū yemacēx nawenaāma nayamugū ga űuxre ga orearū ngerūgū na nachīūāneārū āēxgacūmaā nūxū yanaxugūxūcēx na tama nanaxwēxegūxū na norū āēxgacūxū na yīxūcēx ga guma cori.

¹⁵ —Natūrū nachīūāneārū āēxgacū rū nayangucuchixēēāma ga guma cori. Rū űuxūchi ga guma cori rū norū íānecēx nataegu na yéma āēxgacū na yīxūcēx. Rū yexguma ínanguxgu rū naxcēx nangema ga yema 10 ga norū duūxūgū ga dīeru nūxna ngīxū naxāxū, yerū nūxū nacuáxūchaū ga űuxrechigū ngīxū na yamuxēēxū ga norū dīeru ga wūxichigū ga yema norū duūxūgū.

¹⁶ —Rū yema nūxīra dīeru nūxna ngīxū naxāxū rū norū corixūtawa nangu, rū űanagūrū:

“Pa Corix, curū dīeru rū 10 ēxpūxcūna ngīxū chimuxēē”, űanagūrū.

¹⁷ —Rū guma Cori ga yexwaca āēxgacūxū ingucuchicū rū nanangāxū, rū űanagūrū:

“Wūxi i mexū i chorū duūxū quixī. Maneca meāma namaā cupuracū i ngēma íraxū i dīeru i cuxna chaxāxū. Rū űuxma rū 10 ga íānegūarū āēxgacūxū tá cuxū chixīxēē”, űanagūrū.

¹⁸ —Rū yéma nangu ga to ga norū duūxū, rū űanagūrū:

“Pa Corix, curū dīeru rū wūximēēxpūxcūna ngīxū chimuxēē”, űanagūrū.

¹⁹ —Rū norū cori nanangāxū rū űanagūrū nūxū:

“Cuma rū wūximēēxpūx ya íānegūarū āēxgacūxū tá cuxū chixīxēē”, űanagūrū.

²⁰ —Rū yéma nangu ga to ga norū duūxū rū űanagūrū nūxū:

“Pa Corix, űāā iyixī i curū dīeru. Rū wūxi ya dechugu ngīxū chanuque, rū ngēmaācū ngīmaā changuxū.

²¹ —Yerū cuxcēx chamuū, erū wūxi i yatū i aūxū quixī. Rū cunayauxtanū i ngēma tama cuxrū íxixū, rū cunayaxu i nanetūarū o i ngextá tama cuma ícutoexūwa”.

²² —Rū yexguma ga guma āēxgacū rū űanagūrū nūxū:

“Wūxi i chorū duūxū i chixexū quixī i cumax. Rū curū oretama nixī i cuxū íxuxū na cuchixexū. Marū nūxū cucuēxchirēx ga na chaxaūxū, rū chanayautanūxū i ngēma tama choxrū íxixū, rū chanayauxū i nanetūarū o i tama choma ichatoxū.

23 —¿Natürü tüxcüü tama bancugu choxü ngĩmaã cunguxü i chorü dĩeru na ngema choxü ngĩxü yamuxêëgüxcèx, rü ngẽmaãcü mucü ngĩxü na chayaxuxüxcèx i ngẽxguma íchanguxgu?” ñanagürü.

24 —Rü yexguma ga ãëxgacü rü yema yexmagüxümaã nüxü nixu, rü ñanagürü: “¡Nüxna ngĩxü peyaxu i ngẽma dĩeru, rü ngẽma 10 i dĩeru nüxü ngẽxmaxüna ngĩxü pexã!” ñanagürü.

25 —Rü nümagü rü nanangãxüügü, rü ñanagürügü: “Natürü, Pa Corix, nüma rü marü nüxü ingẽxma i 10 i dĩeru”, ñanagürügü.

26 —Rü guma ãëxgacü nanangãxü, rü ñanagürü: “Pemaã nüxü chixu rü texé ya chauga ñnũxê rü yexera tá tüxna chanaxã. Natürü texé ya tama chauga ñnũxê rü tá tüxna chanayaxu i woo ngẽma íraxü i tüxü ngẽxmaxü.

27 —Rü yema chorü uwanügü ga tama naxwëxegüxü ga norü ãëxgacüxü na chiixü, ¡rü nuã penagagü, rü nuã chopëxegu peyadai!” ñanagürü.

*Ngechuchu rü Yerucharéügu naxücu
(Mt 21.1-11; Mr 11.1-11; Cu 12.12-19)*

28 Rü yema orexü yaxuxguwena ga Ngechuchu, rü inixüchigü ga Yerucharéüwa na naxüxü.

29 Rü yexguma marü nawa nangugüchaügu ga guma ñãnegü ga Bechagué rü Betániã ga Oríbunecüarü Mëxpúneärü ngaicamana yexmagüne, rü Ngechuchu nanamu ga taxre ga norü ngüexügü.

30 Rü ñanagürü nüxü: —¡Gua ñãnexãcüwa pexĩ! Rü ngẽxma tá nüxü peyangau i wüxi i buru i ngexwaca yaxü i ngẽxma ngaxüxü i taguma texé natagu aunagüxü. ¡rü peyawëxü, rü nuã penaga!

31 —Rü ngẽxguma texé pexna çaxgu na tacüxcèx peyawëxüxü i ngẽma buru, ¡rü tümamaã nüxü pixu rü ñapegügü:

“Torü Cori nanaxwëxe”, ñapegügü tüxü!

32 Rü yéma naxĩ ga yema taxre ga norü ngüexügü. Rü yexma nüxü nayangau ga yema buru ga Ngechuchu namaã nüxü ixuxürüü.

33 Rü yexguma yawëxügüãgu ga yema buru, rü norü yoragü rü yema ngüexügüna nacagüe, rü ñanagürügü: —¿Tüxcüü peyawëxü i ngẽma buru? —ñanagürügü.

34 Rü nümagü nanangãxüügü, rü ñanagürügü: —Rü tayawëxü erü torü Cori nanaxwëxe — ñanagürügü.

35 Rü Ngechuchuxütawa nanagagü ga yema buru. Rü yema norü ngüexügü rü norü gáuxüchirumaã nanatütägü. Rü ñuxüchi Ngechuchuxü natagu naxaunagüxëëgü.

36 Rü duüxügü rü Ngechuchupëxewa norü gáuxüchirumaã nayachamagü ga nama.

37 Rü yexguma inaxügüãgu na inaxügüxü nawa ga yema nama ga Oríbunecüarü Mëxpúnewa yarüdaexü, rü guxüma ga yema duüxügü ga yaxógüxü ga nawe rüxixü rü inanaxügü ga taãëacüma aita na naxüexü rü tagaãcü Tupanaxü na yacuëxüügüxü naxcèx ga guxüma ga yema cuëxruügü ga taxü ga nüxü nadaugüxü ga Tupanaärü poramaã naxüxü ga Ngechuchu.

38 Rü ñanagürügü: —¡Namecümãxüchi ya daa tórü ãëxgacü ya Tupanaégagu núma ücü! ¡rü pema rü ta, Pa Daxüçüãx, rü petaãxëgü rü nüxü picuëxüügü ya Tupana! —ñanagürügü.

39 Rü yéma duüxügütanuwa nayexmagü ga ñuxre ga Parichëügü. Rü ñanagürügü Ngechuchuxü: —Pa Ngüexëëruüx, ¡Yangagü i ngẽma cuwe rüxixü i duüxügü na yanachi-anegüxüxcèx! —ñanagürügü.

40 Natürü Ngechuchu nanangãxü rü ñanagürü nüxü: —Pemaã nüxü chixu rü ngẽxguma chi iyanangeëxgügu i ñaã duüxügü, rü daa nutagü ya namacüwawa ngëxmagücü rü chi nüxü aita naxüe —ñanagürü.

41 Rü yexguma Yerucharéüärü ngaicamana nanguxgu ga Ngechuchu, rü guma ñãnecüãx ga duüxügüxcèx naxaxu.

42 Rü ñanagürü: —Pa Yerucharéüçüãxgü, chierü ñoma i ngunexügü nüxü pecuëxgu na texé aixcüma taãë pexna äxü. Natürü ngẽma rü pexchawa inicux i ñuxma, rü taxuacüma nüxü pecuëx.

43 —Rü tá guxchaxügü pexü naxüpetü. Rü perü uwanügü tá nanaxü i norü poxüchica i norü guxücüwawa ya perü ñãne. Rü norü churaragü tá pexü ñachoeqüãchi, rü guxücüwawa tá pexcèx ne naxü.

44 —Rü tá nagu napogüe ya perü ñãne, rü tá pexü nadai. Rü taxucütáma ya nuta ngextá nügüxëtü nanügüxüra i perü ñãneärü poeguxütapüwa. Rü ngẽmaãcü tá pexü naxüpetü, yerü tama nüxü pecuëxgüchãü ga yexguma Tupana petanügu naxüãnegu —ñanagürü.

*Ngechuchu rü tupaüca ga taxüñewa ñanawoxü ga duüxügü ga yéma taxegüxü
(Mt 21.12-17; Mr 11.15-19; Cu 2.13-22)*

⁴⁵ Rū Ngechuchu rū tupauca ga taxūnewa nangu rū yexma naxūcu. Rū inanaxūgū na ínawoxūāxū ga yema duūxūgū ga tupauca ga taxūnewa taxegūxū.

⁴⁶ Rū Ngechuchu rū ñanagūrū nūxū: —Tupanaārū ore i ūmatūxūwa rū ñanagūrū: “Chopata rū yumūxēpataū nixī”.

Natūrū pema rū ngītēēxgūxūpataū peyaxīxēē —ñanagūrū.

⁴⁷ Rū guxū ga ngunexūgū rū tupauca ga taxūnewa nayanguxēētae ga Ngechuchu. Natūrū ga paigūarū āēxgacūgū, rū ngūexēēruūgū ga Moīchēarū mugūwa nguxēētaegūxū, rū Yerucharēūārū āēxgacūgū, rū naxcēx nadaugū ga ñuxācū tá na yamēxgūāxūcēx.

⁴⁸ Natūrū taxucūrūwa facū namaā naxūgū, yerū guxūma ga duūxūgū rū namaā nataāēgū, rū meā inarūxīnūē ga norū ore.

20

*Ngechuchuna nacagū na texēarū oregagu tupauca ga taxūnewa nanguxēētaexū
(Mt 21.23-27; Mr 11.27-33)*

¹ Wūxi ga ngunexū ga Ngechuchu rū tupauca ga taxūnewa nayexma. Rū nanangūxēē ga duūxūgū, rū namaā nūxū nixu ga Tupanaārū ore. Rū yexguma íyadexayane rū yéma nangugū ga paigūarū āēxgacūgū, rū ngūexēēruūgū ga Moīchēarū mugūwa nguxēētaegūxū, rū Yudiūgūarū āēxgacūgūerugū.

² Rū ñanagūrūgū nūxū: —¿Texēarū mugagu nixī i cunaxūxū i ngēma nūma cuxūxū? ¿Rū texē cuxū tamu na cunaxūxūcēx i ngēma? —ñanagūrūgū.

³ Rū yexguma ga Ngechuchu rū ñanagūrū nūxū: —Choma rū tá ta pexna chaca, rū chanaxwēxe i choxū pengāxūgū.

⁴ —¿Rū texē tanamu ga Cuāū na duūxūgūxū ínabaiūxēēxūcēx? ¿Pexcēx rū Tupana yīxū ga namucū rū ēxna duūxūgūmare? —ñanagūrū.

⁵ Rū yexguma ga Parichēugū rū inanaxūgūe ga nūgūmaā na yaporagatanūcūxū. Rū nūgūmaātama ñanagūrūgū: —¿Nūxū ñagūgūxū tá? Erū ngēxguma chi:

“Tupana nūma nanamu”, ñagūgu, rū nūma rū chi ñanagūrū tūxū:

“¿Rū tūxcūū ga tama nūxū peyaxōgūxū?” ñanagūrū chi tūxū.

⁶ —Rū ngēxguma chi ñagūgu:

“Yatūgūmare nuā nanamu”, ñagūgu, rū guxū i duūxūgū chi nutamaā tūxū ínamuxūchigū, rū tūxū chi nadai. Erū nūmagū i duūxūgū rū nagu narūxīnūē na Tupana yīxū ga Cuāūxū mucū.

⁷ Rū Ngechuchuxū nangāxūgū rū ñanagūrūgū: —Tama nūxū tacuēx ga texē nūma na namuxū ga Cuāū ga baiūxēēruū —ñanagūrūgū.

⁸ Rū yexguma ga Ngechuchu rū ñanagūrū nūxū: —Choma rū ta tātūma pemaā nūxū chixu na texē choxū muxū na chanaxūxūcēx i ngēma choxna naxcēx peçaxū —ñanagūrū.

*Ore ga puracūtanūxū ga chixexūgu ixuxū
(Mt 21.33-44; Mr 12.1-11)*

⁹ Rū inanaxūgū ga Ngechuchu ga duūxūgūmaā na yadexaxū. Rū ñāā ore ga cuēxruūxū namaā nixu, rū ñanagūrū: —Nayexma ga wūxi ga yatū ga wūxi ga ubanecū ūcū ga norū naānēwa. Rū ñuxūchi ñuxre ga puracūtanūxūna nanaxā na nūxna nadaugūxūcēx rū yixcama rū norū yoramaā na yayauxyegūāxūcēx ga yema norū o. Rū ñuxūchi ga guma yatū rū nixū ga yéma rū nuxcūma nataegu.

¹⁰ —Rū yexguma nawa nanguxgu ga na yadauxū ga yema ubagū, rū guma yatū rū yéma puracūtanūxūgūxūxtawa nanamu ga wūxi ga norū duūxū na naxcēx íyaçaxūcēx ga yema ubagū ga nūxna íxū. Natūrū yema puracūtanūxūgū rū nanaçauixgū ga guma yatūarū duūxū, rū taxūma ga uba nūxna naxāgū. Rū yemaācū ínyamugū.

¹¹ —Rū yexguma ga guma yatū rū wenaxārū to ga norū duūxū yéma ta namu. Natūrū ga yema puracūtanūxūgū rū chixexū namaā nixugūe, rū nanaçauaixgū, rū taxūma ga uba nūxna naxāgū. Rū yemaācū ínyamugū.

¹² —Rū wenaxārū to ga norū duūxū yéma ta namu ga guma yatū. Natūrū ga yema puracūtanūxūgū rū nanapixēē, rū ínatēxūchigū ga yema naānēwa.

¹³ —Rū dūxwa ñanagūrū ga guma naānēarū yora:

“¿Tacū tá chaxūxū i ñuxmax? Rū name nixī i chaune ya nūxū changechaūcū ngēma chanamu. Rū ngēxguma nūxū nadaugūgu rū bexmana naga tá naxīnūē”, ñanagūrū.

¹⁴ —Natūrū ga yema puracūtanūxūgū rū yexguma guma yatū nanexū nadaugūgu, rū nūgūmaā ñanagūrūgū:

“Ñāārū tá nixī i ñāā naāne i yixcama. ¡Rū ngīxā tayamēxgū na tórū na yīxūcēx!” ñanagūrūgū.

¹⁵ —Rü inanatèxüchigü ga yema nañewa, rü nayamèxgü —ñanagürü ga Ngechuchu. Rü yexguma ga Ngechuchu rü duñxügüna naca, rü ñanagürü: —¿Tacü tá ngëma puracütanüxümaã naxü i ngëma nañeärü yora i ñuxmax?

¹⁶ —Rü ngema tá naxü rü tá nanadai i ngëma puracütanüxügü, rü togüna tá nanaxã i norü nañe —ñanagürü ga Ngechuchu. Rü yexguma yemaxü naxñüëgu ga duñxügü rü ñanagürü: —Chierü tama ngëmaäcü nangupetüxëëaxgu ya Tupana —ñanagürü.

¹⁷ Natürü Ngechuchu rü nüxü nadawenü, rü ñanagürü nüxü: —¿Natürü ñuxü ñaxüchiga nixi i ngëma Tupanaärü ore i ümatüxü i ñaxü?:

“Yima nuta ya mecü ya ñärü üruügü nüxü oechirécü, rü ñuxma rü yimatama nixi ya Tupana nüxüra yaxücuchicü na namaã inaxügüaxü ya ñpa”,
ñaxü.

¹⁸ Rü ñanagürü ta ga Ngechuchu: —Texé ya yima nutamaã yarüñaxé, rü tá itapoügü. Rü yixema tümaütügu nanguxe ya yima nuta, rü tá tüxü niñáixmü —ñanagürü ga Ngechuchu.

¹⁹ Rü ga paigüarü äëxgacügü rü ngüxëëruügü ga Moïchéarü mugüwa ngüxëëtaegüxü, rü yexgumatama Ngechuchuxü niyaxugüchaü. Yerü müñü nacüxëgu ga nachiga na yixü ga yema ore ga cuëxruü ga nüxü yaxuxü. Natürü tama nayayauxgü, yerü duñxügüxü namuñé.

*Äëxgacüaxü dñerumaã naxütanüxüchiga
(Mt 22.15-22; Mr 12.13-17)*

²⁰ Rü yemacëx ga yema paigüarü äëxgacügü rü Ngechuchuxütawa nanamugü ga ñuxre ga norü duñxügü na mexü i duñxügürü yéma iyanaxñüxëxcëx natürü naxcëx na nadaagüxüxcëx ga ñuxäcü nachüñeärü äëxgacüxütawa Ngechuchuxü na ñaxuxaxügüxüxcëx.

²¹ Rü yemacëx Ngechuchuna nacagü rü ñanagürü: —Pa Ngüxëëruüx, toma nüxü tacuëx rü aixcüma nixi i ngëma nüxü quixuxü rü ngëma namaã cungüxëëtaexü. Rü tama duñxüärü düxëtüxünegu cudawenü erü nacüma nixi i cungugüxü. Rü aixcüma cunangüxëë i duñxügü na Tupana naxwëxëxüäcüma namaxëxüxcëx.

²² —Rü dücax, ngëma ñeärü dñeru i äëxgacü ya tacü ya Dumacüäx naxwëxëxü na tanaxütanüxü, ¿rü namexü yixü na nüxü tanaxütanüxü rü éxna tama? —ñanagürü.

²³ Natürü Ngechuchu nüxü nacüxama na chixexügu naxñüxü ga yema duñxügü, rü yemacëx ñanagürü nüxü: —¿Tüxcüü i chixexügu choxü pengüxëëchaü?

²⁴ —¿Choxü ngixü pewé i wüxi i dñeru na ngixü chadauxüxcëx! ¿Rü texëchicünëxã rü texéga ngü üx? —ñanagürü. Rü nanangäxü rü ñanagürü: —Dumacüäx ya äëxgacü ya tacüchicünëxã nixi —ñanagürü.

²⁵ Rü yexguma ga Ngechuchu rü ñanagürü nüxü: —¿Äëxgacüna ngixü pexã i ngëma äëxgacüarü ixicü, rü Tupanana ngixü pexã i ngëma Tupanaärü ixicü! —ñanagürü.

²⁶ Rü yemaäcü ga Ngechuchu rü woo norü orewa rü taxucürüwama chixexügu nanangüxëëgu ga duñxügüpëxewa, yerü meãma nanangäxü. Rü guxüma ga duñxügü rü nangeëxgümare yerü nañaxächiëëgu namaã ga yema norü ore.

*Chaduchëgu rü Ngechuchuna nacagü rü ngoxi wena namaxë i duñxügü
(Mt 22.23-33; Mr 12.18-27)*

²⁷ Rü Ngechuchuxütawa ñayadaugü ga ñuxre ga Chaduchëgu. Rü nümagü nixi ga naga naxñüxü na tagutãma wena namaxëxü i yuexü. Rü yemacëx Ngechuchuxü ñanagürü:

²⁸ —Pa Ngüxëëruüx, Moïchéarü mugüwa rü ñanagürü:

“Ngëxguma wüxi ya yatü naxmëx ngexacüyane nayuxgu, rü name nixi i nañeëtamã ngïmaã naxãmëx i ngëma yutecü i naxümeëx, na ngëmaäcü naxäxäcüxcëx nüxü ya nañeë ya marü yucü”,

ñanagürü ga yema ore.

²⁹ Rü ñanagürü ta ga Chaduchëgu: —Nayexma ga 7 ga nügüeneë. Rü naxãmëx ga guma yacü, natürü tauta naxäxäcüyane nayu.

³⁰ —Rü yexguma naï ga nañeë nüxi ngïmaã naxãmëx ga yema ngecü. Rü guma rü ta nayu, rü nangexacü.

³¹ —Rü yexguma rü naï ga nañeë nüxi ngïmaã naxãmëx. Rü yemaäcü gücüma ga guma 7 ga nügüeneëgu rü ngïmaã naxãmëx ga yema nge. Rü gücüma nayue tauta naxäxäcüyane.

³² —Rü ngïma rü ta düxwa iyu ga yema nge.

³³ Rü ngëxguma yuexü wena maxëgu, ¿rü ngecürüücü naxmëx tá iyixi i ngëma nge? Yerü yexguma namaxëgu rü gücüma ga guma 7 ga nügüeneë ngïmaã naxãmëx —ñanagürü.

³⁴ Rü yexguma ga Ngechuchu rü nanangäxü rü ñanagürü: —Ñoma i nañewa rü yatügü rü nixãmëxgü rü ngexügu rü nixätegu.

³⁵ —Natürü ngëma duñxügü i Tupanapëxewa mexü na wena namaxëxü na daxügüxü i nañewa naxüxcëx rü ngëma rü täütãma nixãmëxgü rü éxna nixätegu.

36 —Erü ngema rü tagutáma nayue. Rú daxüçüâx i Tupanaârü orearü ngeruüçüüü tá nixigü. Rú aixcüma Tupanaxäçügü nixigü erü yuwa inarüdagü.

37 —Rü yema ore ga naïxäçü ga iyauratanüçüxümechigawa, rü Moïché tüxü nüxü nacüxëë rü yuexü rü tá wena na namaxëxü. Erü yema orewa, rü ñanagürü ga Cori ga Tupana: “Choma nixi i Abráüârü Tupana, rü Ichaáarü Tupana, rü Acobuarü Tupana”, ñanagürü.

38 —Rü ngëmawa nüxü tacüx rü woo ñoma i nañnewa nayuegu i duüxügü, natürü Tupanacëx rü guxüçüma namaxë —ñanagürü.

39 Rú yexguma ga ñuxre ga ngüxëëruüçü ga Moïchéarü mugüwa ngüxëëtaegüxü rü ñanagürüçü: —Aixcüma meäma nüxü quixu, Pa Ngüxëëruüçü —ñanagürüçü.

40 Rú yemawena rü marü namuüë ga çacüchigacëx Ngechuchuna na nacagüxü.

¿Texé nane nixi ya Cristu?

(Mt 22.41-46; Mr 12.35-37)

41 Rú Ngechuchu rü ñanagürü nüxü: —¿Tüxcüü duüxügü nüxü nixugüe rü Cristu rü nuxcümaüçü ga äëxgacü ga Dabítaa nixi?

42-43 —Yerü Dabítama ñaäçü nanaxümatü ga Wiyaegüarü poperawa:

“Tupana rü chorü Cori ya Cristuxü ñanagürü: ‘¡Nuä chorü tügüncüwawa rüto, ñuxmatáta cuxmëxwa chanangëxmagüxëë i curü uwanügü na namaä icucüäxçëx!’ ”

ñaäçü nanaxümatü.

44 Rú ñanagürü ga Ngechuchu: —¿Ñuxüçürüwa i Dabítaa yüxü ya Cristu ega nümatama ga Dabi rü norü Corimaä naxuägu? —ñanagürü.

Ngechuchu rü nüxü nixu na tama nameärü maxüäxgüxü ga yema ngüxëëruüçü ga Moïchéarü mugüwa ngüxëëtaegüxü

(Mt 23.1-36; Mr 12.38-40; Lc 11.37-54)

45 Rú guxüma ga duüxügü rü yéma inarüxüçü ga yexguma Ngechuchu norü ngüxüçüçü ñaxgu:

46 —¡Pexuäëgü naxçëx i ngëma ngüxëëruüçü i Moïchéarü mugüwa ngüxëëtaegüxü! Erü nümagü rü norü me nixi i mexü i naxchirumaä na naxiäneäxü. Rú itamüwa nanaxwëxegü na duüxügü meä nüxü rümoçëgüxü. Rú ngutaquëxepataüçüwa rü norü me nixi i äëxgacügümëxwëxewa na natogüxü. Rú ñna i taxüwa rü ngëma ñnaârü yoraxütawa ügüxü i nachicacëx nadaugü.

47 —Rü tüxü nawomüxëgüäçüma tüxna nanapuxü ya tümapatagü ya yíxema yutegüxe. Rú ñuxüchi nanamëxëe i norü yumüçëgü na duüxügü nagu rüxüçüçü na aixcüma mexüçü yüçüxü. Natürü nümagü tá nixi i yexeraäçü napoxcuxü —ñanagürü.

21

Yutecüari ämarechiga

(Mr 12.41-44)

1 Rú yexguma tupauca ga taxünewa nayexmagu ga Ngechuchu, rü yéma nüxü nadau ga ñuxäçü duüxügü ga idüeruäxü Tupanana ngüxü na naxäçüçü ga norü diëru ga tupaucaarü diëruçüwa.

2 Rú ngüxü nadau ta ga wüxi ga ngeçü ga yutecü ga ngearü diëruäçüçü ga tupaucaarü diëruçüçü taxretachinü ga iraxüchicü ga diëru ngüxü ixüçüçü.

3 Rú ñanagürü ga Ngechuchu: —Aixcüma pemaä nüxü chixu rü ñaä ngeçü i yutecü i ngearü diëruäçüçü rü guxü i toçü i diëru ngüxü ixäçüçüârü yexera ngüxü ixä.

4 —Erü guxüma i toçü rü ngüxü inaxä i ngema nüxü iyaxüçüçü. Natürü ngüma ngüxü natauxyane ngüxü ixä i guxüçüma i ngüxü ngexmaxcü i ngüçü ñnatanü —ñanagürü.

Ngechuchu nanaxunagü na tupauca ya taxünegu tá napogüxü

(Mt 24.1-2; Mr 13.1-2)

5 Rú ñuxre ga norü ngüxüçü rü nidexagü nachiga ga tupauca ga taxüne ga ñuxäçü na namexëchixü ga naxtapüçü ga nutanaxçëçü, rü na namexëchixü ga guxüma ga guma tupaucaarü yemaxüçü ga duüxügü nüxna ämarexü. Rú yexguma ga Ngechuchu rü ñanagürü:

6 —Rü nawa tá nangu i ngunexüçü i guxünetama ya daa tupauca ya nüxü pedauxüne, rü tá nangu napogüe. Rú naxtapüçüçü nutagü rü taxucütáma nüçüçüçü naxüçüra, rü bai ya wüxi —ñanagürü.

Cüxruüçü i tá nüxü idauxü naxüpa na nagüxü i naäne

(Mt 24.3-28; Mr 13.3-23)

7 Rú yexguma ga norü ngüxüçü rü Ngechuchuna nacagü, rü ñanagürüçü: —Pa Ngüxëëruüçü, ¿ñuxgu tá nixi i nangupetüxü i ngëma nüxü quixuxü? ¿Rü çacüwa tá nüxü tacüx na nangupetüxü tá i ngëma? —ñanagürüçü.

⁸ Rū Ngechuchu rū ñanagürü: —¡Pexuãëgü tá na taxuüma pexü womüxëëxcèx! Erü muxüchixü tá chaugu nügü nicuxgü rü tá ñnagügü rü ñanagürügü tá:

“Choma nixi i Cristu, rü paxa tá nagux i naãne”, ñanagürügü tá pexü. ¡Natürü täütáma nüxü peyaxögü!

⁹ —Rü ngëxguma tá nüxü pexinüëgu na nügü nadëjxü i wüxi i nachiuñane to i nachiuñanemaã, rü éxna nüxü pexinüëgu na wüxi i nachiuñanewatama rü duüxügü rü norü äëxgacümaã nügü nadëjxü, ¡rü täütáma pebaixächiãëgü! Erü ngëmaãcü tá nangupetü i noxrix. Natürü täütáma naãneärü gux nixi i ngëma.

¹⁰ —Erü wüxi i äëxgacüarü churaragü rü to i äëxgacüarü churaragümaã tá nügü nadai. Rü wüxi i nachiuñane rü to i nachiuñanemaã tá nügü nadai.

¹¹ —Rü nümaxü i nachiuñanegüwa rü poraãcü tá naxiãxächiane, rü poraãcü tá nangux i taiya, rü tá nataxüchi i ñaaweane. Rü duüxügü tá nüxü nadaugu i daxüwa i ñacü i namaã nabaixächixü, rü taxü i cuëxruügü.

¹² —Natürü naxüpa i guxüma i ngëma rü duüxügü tá pexü ñnayauxü, rü tá pewe ningëxütanü. Rü ngutaquëxepataügüwa tá pexü nagagü na ngema pexna nacagüxüxcèx, rü tá pexü napoxcue. Rü nachiuñanegüarü äëxgacügüpëxewa tá pexü nagagü, naxcèx na chorü duüxügü pixigüxü.

¹³ —Rü ngëmaãcü tá pexü natauxcha na äëxgacügümaã nüxü pixuxü i chauchiga.

¹⁴ —Rü ngëxguma tá ngema pexü nagagü, ¡rü täxü i pexoegaãëgüxü naxcèx na ñacümaã tá penangäxüxü na pegüëtüwa pechogüxüxcèx!

¹⁵ —Erü choma tá pexü charüngüxëë na nüxü pecuáxüxcèx na ñacümaã penangäxüxü i perü uwanügü. Rü nümagü rü täütáma nüxü nacuëxgü na ñacümaã pexü nangäxügüxü i ngëxguma.

¹⁶ —Natürü pema rü woo penatügü, rü peegü, rü peeneëgü, rü peeyëxgü, rü petanüxügü, rü pemücügü rü tá napechitaegü na purichiaügüxütawa pexü iyaxuaxügüxü. Rü purichiaügü rü tá pexü nadai i ñuxre i pemax.

¹⁷ —Rü guxü i naãnewa rü duüxügü tá pexchi naxaie, erü choxü peyaxögü rü chorü duüxügü pixigü.

¹⁸ —Natürü woo ñacü pexü üpetügu rü Tupanamëxëwa tá pengëxmagü, rü nüma tá pexü ñnapoxü rü bai i wüxi i peyae tá inayarütaxu.

¹⁹ —Rü ngëxguma aixcüma peyaxögüamagu rü tama choxü ípetëxgu, rü tá penayauxgü i maxü i taguma güxü.

²⁰ —Rü ngëxguma nüxü pedëuxgu na perü uwanügüarü churaragü Yerucharëüxü íchomaëguächixü, rü ngëmawa tá nüxü pecuëx na paxa tá nagu napogüëxü ya yima ñane.

²¹ —Rü yixema Yudeaanewa ngëxmagüxe rü name nixi i mëxpüneãnewa tabuxmü. Rü yixema Yerucharëüwa ngëxmagüxe rü tanaxwëxe na paxa ítachoüxü. Rü yixema tümaãnewa ngëxmagüxe rü tama name na ñanecèx tawoegüxü.

²² —Erü ngëma ngunëxügügu tá ñnangu i Tupanaärü poxcu. Rü ngëmaãcü tá nayangüxëë i guxüma i ngëma norü ore i ümatüxüwa nüxü yaxuxü.

²³ —Rü ngëma ngunëxügügu rü tá poraãcü tüxü naguxcha ya yixema ngexegü ya iitacharaügüxe rü yixema imaixäcügüxe. Erü tá nangëxma i taxü i ngüxü, rü Tupana rü poraãcü tá nanapoxcue i ngëma duüxügü.

²⁴ —Rü ñuxre, rü tá norü uwanügü taramaã nanadai. Rü togü, rü tá ñnayauxü na to i nachiuñanewa nagagüäxüxcèx. Rü ñuxüchi i ngëma norü uwanügü rü tá nagu napogüë ya yima ñane ya Yerucharëü. Rü ngëmaãcü tá nangupetü ñuxmatáta nawa nangu na Tupana ñnamuxüxü i ngema.

Tupana Nanearü taeguchiga

(Mt 24.29-35, 42-44; Mr 13.24-37)

²⁵ —Rü ngëxguma rü tá nangox i cuëxruügü. Rü üëxcü rü tauemacü rü woramacurigü rü tá nixigachitanü i nachicawa.. Rü guxü i nachiuñanegüwa rü duüxügü rü tá nanaxiãxächiatanü rü tá nabaixächiãëgü namaã na poraãcü naxäügüächixü i taxü i taxtü rü norü yuapegü.

²⁶ —Rü duüxügü rü norü muümaã tá inayayiãxë i ngëxguma nüxü nadaugu i ngëma üpetüchaüxü i ñoma i naãnewa. Erü woo guxüma i ñacü i daxüwa nüxü idauxü rü tá naxiãxächitanü rü tá nu ne nanaximare.

²⁷ —Rü ngëxguma rü guxü i duüxügü i ñoma i naãnecüãx rü tá choxü nadaugu i ngëxguma wüxi i caixanëxügu ícharüxixgu rü núma chaxüxgu namaã i chorü pora rü üüne.

²⁸ —Rü ngëxguma inaxügügu na naxüpetüxü i ngëma pemaã nüxü chixuxü, rü name nixi na petaãëgüxü rü meã pedaunagüxü, erü paxa tá íchangu na pexü íchangüxüxëxüxcèx — ñanagürü.

²⁹ Rū yemawena rū wūxi ga ore ga cuèxruūxū namaã nixu ga Ngechuchu, rū ñanagürü: —jDücèx penangugü i iguera, rū èxna ngèxürüüxūmare i to i naïgü!

³⁰ —Rū ngèxguma nūxū pedèuxgu na ngexwaca naxüátüxū, rū ngémawa nūxū pecuèx na paxa tá taunecü na yīxū.

³¹ —Rū ngèxgumarüü ta i ngèxguma nūxū pedèuxgu na nangupetüxū i ngéma pemaã nūxū chixuxū, rū ngémawa tá nūxū pecuèx na yimama yīxū ya Tupana na àëxgacü yīxūcèx.

³² —Aixcūma pemaã nūxū chixu rū guxūma i ngéma nūxū chixuxū rū tá ningu naxūpa na nayuexū i duūxūgü i ñuxma maxèxū.

³³ —Daxūguxū i naãne rū ñoma i naãne rū tá nagux. Natürü chorü ore rū tagutáma inayarüxo.

³⁴ —jPexuãègü na tama tacü rū chixexūgagu düxwa nūxū perüxoexū na peyaxögüxū! Rū ngémacèx penaxwèxe na pegüna pedaugüxū na tama pengāxèxū rū èxna ñoma i naãneärü ngüchaūguama na perüxīnūèxū. Erü ngürüächi ngèmagu iperüxīnūèyane tá pexū íchayabaixgü.

³⁵ —Rū ñoma wūxi ya yūta ya ngürüächi tacü iyaxünerüü tá nixī naxcèx i guxūma i duūxūgü i ñoma i naãnecūāx i ngèxguma wenaxārü nūma chaxūxgu.

³⁶ —Rū ngémacèx name nixī i pegü ipemexèègü. jRū guxūguma peyumüxègü na ngémaacü tama pexū naxūpetüxūcèx i ngéma äicūmaxūgü, rū aixcūma pimexūcèx i ngèxguma chopèxewa pengugü! —ñanagürü ga Ngechuchu.

³⁷ Rū guxū ga ngunexūgūgu rū tupauca ga taxūnewa nayexma ga Ngechuchu, rū duūxūgüxū nangüexèè. Rū chütacü rū guma Mèxpūne ga Orībunecügu äeganegu nayapeexū.

³⁸ Rū guxūma ga duūxūgü rū pèxmamaxūchi tupauca ga taxūnewa nangugüxū na Ngechuchuxū naxīnūèxūcèx.

22

Àëxgacügü naxcèx nadaugü na ñuxäcü Ngechuchuxū yayauxgüxū
(Mt 26.1-5, 14-16; Mr 14.1-2, 10-11; Cu 11.45-53)

¹ Rū marü ningaica ga Yudiügarü peta ga Üpetüchiga ga nagu nangōxgüāxū ga pāu ga ngearü puxèèruūāxū.

² Rū ga paigüarü àëxgacügü rū ngüexèèruügü ga Moīchearü mugüwa nguxèètaegüxū rū naxcèx nadaugü ga ñuxäcü duūxūgüechita Ngechuchuxū na yamèxgüxū, yerü duūxūgüxū namulè.

³ Rū yexguma ga Chataná rū Yuda ga Icariütegu nangaxi. Rū nūma ga Yuda rū yema 12 ga Ngechuchuarü ngüexūgü ga imugüxūtanüxūchirèx nixi.

⁴ Rū nūma ga Yuda rū inayadau natanüwa ga paigüarü àëxgacügü rū tupauca ga taxūneärü purichüagüarü àëxgacügü. Rū namaã nūxū nixu ga ñuxäcü na natauxchaxū ga Ngechuchuxū na yayauxgüxūcèx.

⁵ Rū nūmagü ga yema àëxgacügü rū nataäègü. Rū dīeru Yudana ngīxū naxuaxūgü.

⁶ Rū Yuda rū ngixū nayaxu ga yema dīeru. Rū inanaxūgü ga naxcèx na nadauxū ga ñuxäcü duūxūgüechita Ngechuchuxū na yayauxgüxū ga àëxgacügü.

Üpetüchigaarü ònawa nachibü ga Cori

(Mt 26.17-29; Mr 14.12-25; Cu 13.21-30; 1 Co 11.23-26)

⁷ Rū nawa nangu ga yema petaarü ngunexū ga nagu nangōxgüāxū ga pāu ga ngearü puxèèruūāxū. Rū yema nixī ga ngunexū ga nagu carneruxacü yamèxgüxū naxcèx ga Üpetüchigaarü peta.

⁸ Rū Ngechuchu nanamu ga Pedru rū Cuáü, rū ñanagürü nūxū: —jPeyamexèèx i tóru òna i Üpetüchigacèx! —ñanagürü.

⁹ Rū nūmagü Ngechuchuxū nangāxūgü, rū ñanagürügü: —jNgextá nixī i cunaxwèxexū na tanamexèèxū? —ñanagürügü.

¹⁰ Rū Ngechuchu nanangāxū, rū ñanagürü: —Ngèxguma Yerucharéüwa pengugügu rū ngèxma tá nūxū peyangau i wūxi ya yatü i wūxi i tūxū i dexámaã ääcuxcü ngīxū ingexū. jRū nawe perüxī ñuxmatáta napatawa pengugü!

¹¹ —jRū yima ipata ya nagu yaxücune ya yima yatü, rū yima iärü yoramaã nūxū pixu rū ñapegügü nūxū:

“Torü ngüexèèruü rū nūxū nacuāxchaü na ngèxürüüxū yīxū i ngéma ucapu i norü ngüexūgümaã tá nawa nachibüxū i Üpetüchigaarü ònacèx”, ñapegügü nūxū!

¹² —Rū tá pexū nūxū nadauxèè i wūxi i ucapu i taxū i marü mexèèxū i norü daxüchiüwa ngèxmaxū. jRū ngémawa tá penamexèè i ngéma òna i Üpetüchigacèx ixīxū! —ñanagürü nūxū.

¹³ Rū yéma naxī ga nūmagü rū nūxū inayangaugü ga guxūma yema Ngechuchu namaã nūxū ixuxürü. Rū yéma nanamexèègü ga òna ga Üpetüchigacèx ixīxū.

¹⁴ Rū yexguma nawa nanguxgu ga ora ga na nachibüexü, rü mechawa narüto ga Ngechuchu namaã ga norü ngüexüğü.

¹⁵ Rū yexguma ga Ngechuchu rü ñanagürü: —Ñuxäcü poraäcü choxü nangüchaü na pemaã chachibüxü i ñaã Üpetüchigaarü ðnawa naxüpa na chayuxü.

¹⁶ —Natürü pemaã nüxü chixu rü täütáma wenaxärü Üpetüchigaarü ðnawa chachibü, ñuxmatáta chowa yangu i ngéma Tupana naxwëxexü —ñanagürü.

¹⁷ Rū yexguma nanayaxu ga wüxi ga pochiyu ga binumaã ääcuxü. Rū Tupanana moxë naxäxära, rü ñuxüchi ñanagürü nüxü ga norü ngüexüğü: —¡Peyaxaxü ya daa binu, rü pegümaã pengaul!

¹⁸ —Erü pemaã nüxü chixu rü tagutáma wena chayaxaxü ya binu ñuxmatáta nawa nangu na pecaduarü ütanüçex chayuxü na aixcüma pemaã inacuáxüçex ya Tupana —ñanagürü.

¹⁹ Rū nanayaxu ta ga päü, rü Tupanana moxë naxcëx naxä. Rū ñuxüchi inanabücu, rü norü ngüexüğüna nanaxä. Rū ñanagürü nüxü: —Ñaã päü rü chaxune i pexcëx yuxüchiga nixi. ¡Rü ñaãwena rü ñaäcü tá penaxü na choxna pecuëxächixüçex! —ñanagürü.

²⁰ Rū marü chibüwena rü to ga pochiyu ga binumaã ääcuxü norü ngüexüğüna naxä, rü ñanagürü: —Daa binu rü Tupanaärü uneta i ngexwacaxüxüärü cuëxruü nixi. Rü chaugü ya pexcëx ibacüwa Tupana pexü nüxü nadauxëë na aixcüma yixü i ngéma norü uneta.

²¹ —Natürü ngéma yatü i chauechita äëxgacügüna choxü muxchaüxü, rü nuã mechawa tamaã narüto i ñuxmax.

²² —Rü choma i Tupana Nane na duüxüxü chixü, rü Chaunatü ixunetaxürüü tá chayü. Natürü wüxi i ngechaüxüchi tá nixi naxcëx i ngéma yatü i äëxgacügüna choxü muxü.

²³ Rū yexguma ga norü ngüexüğü rü inanaxüğüe ga nüğüna na nacagüexü, rü ñanagürüğü: —¿Texé tá tixi ya yixema naëchita äëxgacügüna namuxë? —ñanagürüğü.

Norü ngüexüğü rü nüğüna nacagüe na texé tá tixü ya guxäxü rü yexeraxe i natanüwa

²⁴ Rū yexguma ga yema ngüexüğü rü nüğümaã niporagatanücüü nachiga na texé tá tixü ya natanüwa guxäärü yexera ixixë.

²⁵ Natürü ga Ngechuchu rü ñanagürü nüxü: —Ñoma i naãwena rü guxü i nachiüñaneguarü äëxgacügü, rü poraäcü norü duüxüğüxü namugü. Rū ñuxüchi nüğü yaxugügu rü norü duüxüğüärü dauruü i mexüğü nixiğü.

²⁶ —¡Natürü pema rü täütáma ngëxgumarüü pixiğü! Rū ngëxguma texé naxwëxegu na guxäärü yexera tixü i petanüwa, rü name nixi na tügü itarüxiraxü i guxüma i tümamüçügütanüwa. Rū texé naxwëxegu na peeru tixü i petanüwa, rü name nixi i noxri rü guxäärü ngüxëëruü tixi.

²⁷ —Rü ñoma i naãwena rü corigü rü mechawa narütogü na nachibüexüçex, rü norü duüxüğü nixi i ngéma naxcëx ðna ixüxü rü nüxü rüngüxëëxü. Natürü tatanüwa rü tama ngémaäcü nixi, erü choma i perü cori na chixü rü perü ngüxëëruü chixi.

²⁸ —Rü pemagü nixi ga guxüguma chauxütawa peyexmagüxü ga yexguma ngüxü chingexgu.

²⁹ —Rü ngëmacëx i choma rü äëxgacügüxü pexü chixiğüxëë yema chaunatü äëxgacüxü choxü ingucuchixëëxü.

³⁰ —Rü ngémaäcü äëxgacü ichixiüwa rü chomaã tá pechibüe rü tá pexaxegü. Rū äëxgacüchicawa tá perütogü na norü maxüçex nüxna pecagüxü i guxüma i Yudiüğü —ñanagürü.

Ngechuchu nüxü nixu na Pedru tá nüğü icüxü na norü ngüexü yixü

(Mt 26.31-35; Mr 14.27-31; Cu 13.36-38)

³¹ Rū Pedruxü ñanagürü ta ga Cori ga Ngechuchu: —Pa Pedrux, Chataná rü pexcëx ínaca na chixexümaã poraäcü pexü naxüxüçex.

³² —Natürü choma rü Chaunatüxü cuxcëx chacëëxü na taguma nüxü curüxoxüçex na cuyaxöxü. Rū ngëmacëx i cumax, Pa Pedru, rü ngëxguma chauxcëx cutaeguxgu, rü chanaxwëxe i nüxü curüngüxëë i cumüçügü na nümagü rü yaxögüechaäxüçex —ñanagürü.

³³ Rū ñanagürü ga Pedru: —Pa Corix, choma rü marü íchamemare na wüxigu cumaã na chapoxcuxü rü éxna wüxigu cumaã na chayuxü —ñanagürü.

³⁴ Natürü Ngechuchu rü ñanagürü nüxü: —Pa Pedrux, cumaã nüxü chixu rü ñomatama i chütaxügu naxüpa na otá icaxü, rü cuma rü tomaëxpüxcüna tá nüxü quixu na tama choxü cucuäxü —ñanagürü.

Marü ningaica ga na guxchaxüğü nüxü üpetixü

³⁵ Rū yexguma ga Ngechuchu rü norü ngüexüğüna naca, rü ñanagürü: —Yexguma pexü chimugügu ngearü chocaäxgüxemaã rü ngearü diëruäxgüxemaã rü ngearü chapatuäxgüxemaã, ¿rü tacü pexü taxuxü ga yexguma? —ñanagürü. Rū nümagü nanangäxüğü rü ñanagürüğü: —Taxüma —ñanagürüğü.

³⁶ Rū yexguma norū ngúexǔgǔxǔ ñanagǔrǔ ga Ngechuchu: —Natǔrǔ ñuxma rǔ texé ya petanǔwa ya chocaǎxē rǔ tanaxwēxe na ítayangexǔ i túmaǎrǔ choca rǔ túmaǎrǔ díeruchixǔ rǔ ta. Rǔ ngéxguma texé ngearǔ taraǎxgu rǔ tanaxwēxe i namaǎ tataxe i túmaǎrǔ gáuxǔchiru na túmaǎrǔ poxǔrǔ i taracèx tataxexǔcèx.

³⁷ —Erǔ pemaǎ nǔxǔ chixu rǔ chauchiga nixǔ i ngēma Tupanaǎrǔ ore i úmatǔxǔ i ñaxǔ: “Wǔxi i máetaxǔrǔ tǎ nanapoxcugǔ rǔ tǎ nayaméxgǔ”, ñaxǔ. Erǔ guxǔma i ngēma chauchiga úmatǔxǔ i Tupanaǎrǔ ore i úmatǔxǔwa rǔ aixcǔma ngēmaǎcǔ tǎ ningu —ñanagǔrǔ.

³⁸ Rǔ yexguma ga norū ngúexǔgǔ rǔ ñanagǔrǔgǔ: —Pa Corix, nuǎ nangéxma i taxre i tara —ñanagǔrǔgǔ. Rǔ nǔma ga Ngechuchu rǔ nanangǎxǔ rǔ ñanagǔrǔ: —Marǔ ningu i ngēma —ñanagǔrǔ.

Ngechuchu rǔ Yechemaniwa nayayumǔxē
(Mt 26.36-46; Mr 14.32-42)

³⁹ Rǔ yexguma ga Ngechuchu rǔ ínaxǔxǔ ga guma íǎnewa. Rǔ Oríbuncǔarǔ Mèxpǔnewa naxǔ, yerǔ woetama nacǔma nixǔ ga yéma na naxǔúxǔxǔ. Rǔ norǔ ngúexǔgǔ rǔ ta nawe narǔxǔ.

⁴⁰ Rǔ yexguma yema nachicawa nanguxgu, rǔ norǔ ngúexǔgǔxǔ ñanagǔrǔ: —¡Tupanana naxcèx peça na pexǔ nangǔxéxǔcèx na tama Chatanáǎrǔ úgagu chixexǔgu peyixǔcèx! —ñanagǔrǔ.

⁴¹ Rǔ yexguma ga Ngechuchu rǔ yéamaxǔra 50 ga metruwa norǔ ngúexǔgǔna naxǔ. Rǔ yexma nacaxǎpǔxǔ rǔ nayumǔxē.

⁴² Rǔ ñanagǔrǔ: —Pa Chaunatǔx, ngéxguma cuma cunaxwéxegu, ¡rǔ nǔxna choxǔ ínanguxuchixéé i ñǎǎ ngúxǔ i tǎ choxǔ úpetǔxǔ! Natǔrǔ chanaxwéxe i cunaxǔ i curǔ ngúchǎǔ rǔ tama i choxǔrǔ —ñanagǔrǔ.

⁴³ Rǔ yexguma wǔxi ga daxǔcǔǎx ga Tupanaǎrǔ orearǔ ngerǔ rǔ naxcèx nangox, rǔ nanapoxǎéé.

⁴⁴ Rǔ poraǎcǔ nanaxǎchiǎé ga Ngechuchu, rǔ yemacèx yexeraǎcǔ nayumǔxē. Rǔ yema na naxǎchiǎéxǔmaǎ poraǎcǔ nanaxǎchiǎé. Rǔ guma norǔ aiyacǔmaǎ nichuruxǔne. Rǔ ñoma nagǔ waixǔmǔǎnewa ichuruxǔrǔ nixǔ ga norǔ aiyacǔ.

⁴⁵ Rǔ yema ínayumǔxéxǔwa rǔ inachi ga Ngechuchu, rǔ norǔ ngúexǔgǔtanǔwa naxǔ. Rǔ nǔxǔ inayangau ga na ínapeexǔ yerǔ norǔ ngechaǔmaǎ dúxwa nayaxtae.

⁴⁶ Rǔ yexguma ga Ngechuchu rǔ ñanagǔrǔ nǔxǔ: —¿Tǔxcǔú ípepe? ¡¡Perǔdagǔ rǔ Tupanana naxcèx peça na pexǔ nangǔxéxǔcèx na tama Chatanáǎrǔ úgagu chixexǔgu peyixǔcèx! —ñanagǔrǔ.

Ngechuchuxǔ niyauxgǔ
(Mt 26.47-56; Mr 14.43-50; Cu 18.2-11)

⁴⁷ Rǔ yexguma íyadexayane ga Ngechuchu, rǔ yéma nangugǔ ga muxǔma ga duǔxǔgǔ. Rǔ Yuda ga Ngechucharǔ ngúexǔchiréx íxǔxǔ nixǔ ga naxǔpéxexǔ. Rǔ Ngechuchucèx nixǔ na nǔxǔ nachǔxǎcǔma nǔxǔ namoxéxǔcèx.

⁴⁸ Rǔ Ngechuchu rǔ ñanagǔrǔ: —Pa Yudax, ¿tǔxcǔú wǔxi i chǔxumaǎ cuchauechitae? —ñanagǔrǔ.

⁴⁹ Rǔ yema togǔ ga Ngechucharǔ ngúexǔgǔ ga naxǔtawae yexmagǔxǔ, rǔ yexguma nǔxǔ nadaugǔga ya yema ngupetǔxǔ rǔ ñanagǔrǔgǔ nǔxǔ: —Pa Corix, ¿cunaxwéxexǔ na taramaǎ tanadéjǔxǔ? —ñanagǔrǔgǔ.

⁵⁰ Rǔ wǔxi ga Ngechucharǔ ngúexǔ rǔ paigǔarǔ áǎxgacǔarǔ duǔxǔxǔ nanapixéé, rǔ ínanadae ga norǔ túgǔnechinǔ.

⁵¹ Natǔrǔ Ngechuchu rǔ ñanagǔrǔ: —¡Ngexrǔma na pegǔ namaǎ pedéjǔxǔ! —ñanagǔrǔ. Rǔ yexguma ga Ngechuchu rǔ yema yatǔ ga ídaechinǔxǔxǔ ningǔgǔ, rǔ nanamexéé.

⁵² Rǔ Ngechuchu namaǎ nidexa ga yema áǎxgacǔgǔ ga norǔ yaxuwa yéma íxǔ. Rǔ yema áǎxgacǔgǔtanǔwa nayexmagǔ ga paigǔarǔ áǎxgacǔgǔ, rǔ tupauca ga taxǔneǎrǔ purichǎgǔarǔ áǎxgacǔgǔ, rǔ Yudiǎgǔarǔ áǎxgacǔgǔerugǔ. Rǔ Ngechuchu rǔ ñanagǔrǔ nǔxǔ: —¿Tǔxcǔú taragǔ rǔ naǎxmenéxǎgǔmaǎ chauxcèx nuǎ pexǔ ñoma wǔxi i ngǔtǎxǔxǔ chíixǔrǔ?

⁵³ —Rǔ guxǔ ga ngunexǔgu ga yexguma petanǔwa chayexmagu ga tupauca ga taxǔnewa, rǔ tama choxǔ piyauxgǔ. Natǔrǔ marǔ nawa nangu na pexǔ natauxchaxǔ na choxǔ piyauxgǔxǔ, erǔ ñoma nixǔ i ora na naporaxǔ i Chataná —ñanagǔrǔ.

Pedru inayacǔx na Ngechuchuxǔ nacuǎxǔ
(Mt 26.57-58, 69-75; Mr 14.53-54, 66-72; Cu 18.12-18)

⁵⁴ Rǔ Ngechuchuxǔ niyauxgǔ, rǔ paigǔarǔ áǎxgacǔpatawa nanagagǔ. Rǔ Pedru rǔ nawe narǔxǔ, natǔrǔ yaxǔguma nǔxǔ nixǔchigǔ.

⁵⁵ Rū yéma paigüarü ãëxgacüpataëxtüarü ngãxüwa, rü purichüagü nanaxügü ga wüxi ga üxü. Rü nüxü ñachomaëguachi. Rü Pedru rü ta yéma natanüwa narütö.

⁵⁶ Rü yexguma yéma üxücutüwa natoxgu ga Pedru, rü wüxi ga ngecü ga ãëxgacüarü duüxü nüxü idau. Rü meäma nüxü idawenü, rü ngigürügü: —Ñã yatü rü Ngechuchutanüxü nixi —ngigürügü.

⁵⁷ Natürü Pedru rü tama nüxü nacuáxchaü ga yema ore, rü ñanagürü: —Pa Ngecüx, choma rü tama nüxü chacuëx ya yima Ngechuchu —ñanagürü.

⁵⁸ Natürü yixcamaxüra rü to ga duüxü Pedruxü nadau, rü ñanagürü nüxü: —Cuma rü ta Ngechuchutanüxü quixi —ñanagürü. Natürü Pedru nanangãxü rü ñanagürü: —Tama nixi, Pa Yatüx. Tama natanüxü chixi —ñanagürü.

⁵⁹ Rü wüxi ga ora ngupetüguwena rü to ga duüxü rü nüxi ñanagürüama: —Aixcümãxüchi ñã yatü rü Ngechuchutanüxü nixi, erü Gariréaanecüãx nixi —ñanagürü.

⁶⁰ Rü yexguma ga Pedru rü ñanagürü: —Pa Yatüx, tama nüxü chacuëx na tacüchigaxü quixuxü —ñanagürü. Rü yexgumatama Pedru ídexayane rü nica ga otá.

⁶¹ Rü yexguma ga Cori ga Ngechuchu rü Pedrucëx nügü ínidau. Rü nüma ga Pedru rü nüxna nacuëxachi ga yema ore ga Cori ga Ngechuchu namaã nüxü ixuxü ga ñaxü:

“Ñomatama i chütaxügu naxüpa na otá içaxü, rü tomaëxpüxcüna taxütáma cugü quixu na chorü duüxü quüxü”, ñaxü.

⁶² Rü yexguma ga Pedru rü ñaxüxü ga yéma. Rü porãcücüchi naxaxu.

*Ngechuchugu nidaux-cüraügü
(Mt 26.67-68; Mr 14.65)*

⁶³ Rü yema yatügü ga Ngechuchuna daugüxü, rü nagu nidauxcüraügü, rü nüxna nanaçauaixcagüxü.

⁶⁴ Rü nayadüxëtügü, rü nachiwegu nidagügü, rü ñanagürügü: —Nüxü nacuëx na texé cuxü na idagüxü! —ñanagürügü.

⁶⁵ Rü muxüma ga to ga ore ga chixexü namaã nixügü.

*Ãëxgacügü ga tacügüpëxewa nanagagü ga Ngechuchu
(Mt 26.59-66; Mr 14.55-64; Cu 18.19-24)*

⁶⁶ Rü yexguma yangunegu rü nangutaquëxegü ga Yudiügarü ãëxgacügüerügü, rü paigüarü ãëxgacügü, rü ngüxëëruügü ga Moichëarü mugüwa nguxëëtaegüxü. Rü ñuxüchi norü purichüagüxü namu na napëxewa Ngechuchuxü nagagüxüçëx. Rü yéma Ngechuchuna nacagü, rü ñanagürügü:

⁶⁷ —Toma rü nüxü tacuáxchaü rü cuma quüxü i Cristu rü ëxna tama. ¡Tomaã cugü ixu! —ñanagürügü. Rü Ngechuchu nanangãxü rü ñanagürü: —Ngëxguma chi pemaã nüxü chixuxgu na choma chüxü i Cristu, rü tãu chima choxü peyaxögü.

⁶⁸ —Rü ngëxguma chi pexna chacaxgu na tacüçëx choxna peçaxü, rü tãu chima choxü pengãxüga, rü tãu chima choxü pingëxü.

⁶⁹ —Natürü ñuxmawena rü choma i Tupana Nane na duüxüxü chüxü rü Chaunatü ya Tupana ya poracüxütawa tá changëxma —ñanagürü.

⁷⁰ Rü yexguma guxüma ga yema ãëxgacügü nüxna nacagü, rü ñanagürügü: —¿Ëxna cuma quüxü i Tupana Nane? —ñanagürügü. Rü Ngechuchu nanangãxü, rü ñanagürü: —Ngü. Tupana Nane chixi ngëxgumarüü i pematama nüxü pixuxürü —ñanagürü.

⁷¹ Rü yexguma nügümaã ñanagürügü ga yema ãëxgacügü: —Ñuxma rü marü taxucëxma naxcëx tadau i to i duüxügü i nüxü ixuxü i ñã yatüchiga. Erü yixematama marü naãxwatama nüxü taxüñü i norü ore na ñuxü ñaxü —ñanagürügü.

23

*Piratupëxewa nayexma ga Ngechuchu
(Mt 27.1-2,11-14; Mr 15.1-5; Cu 18.28-38)*

¹ Rü guxüma ga yema ãëxgacügü rü inachigü, rü ãëxgacü ga Dumacüãx ga Piratuxütawa Ngechuchuxü nagagü.

² Rü yéma Piratupëxewa inanaxügüe ga Ngechuchuxü na yaxügüxü. Rü ñanagürügü: —Ñã yatü rü nüxü itayangaugü na cumaã nanuëxëãxü i duüxügü. Rü tomaã nüxü nixu na tama namexü na ãëxgacü ya Dumawa ngëxmacüaxü na tanaxütanüxü. Rü nügü nixu na nüma na yüxü i torü ãëxgacü i Cristu —ñanagürügü.

³ Rü yexguma ga Piratu rü Ngechuchuna naca rü ñanagürü: —¿Cuma quüxü i Yudiügarü ãëxgacü? —ñanagürü. Rü Ngechuchu nanangãxü rü ñanagürü: —Ngëmäãcü, ngëma nüxü quixuxü chixi i chomax —ñanagürü.

⁴ Rü yexguma ga Piratu rü ñanagürü nüxü ga paigüarü ãëxgacügü rü togü ga duüxügü: —Chauxcëx rü taxüma i chixexü naxü i ñã yatü —ñanagürü.

⁵ Natürü nūmagü rü yexeraäcü Ngechuchuxü nixugüeama, rü ñanagürügü: —Nūma rü guxü i Yudéaanewa nanangüexëë i duüxügü na cuxchi naxaieüxcëx. Rū Gariréaanewa inanaxügü ga yemaäcü na duüxügüxü nangüexëëxü, rü ngëmaäcü nanaxü ñuxmata nūma Yudéaanewa nangu —ñanagürügü.

Erodepëxewa nayexma ga Ngechuchu

⁶ Rū yexguma yemaxü naxinügu ga Piratu, rü duüxügüna naca rü ngoxi Gariréaanecüäx yixi ga Ngechuchu.

⁷ Rū yexguma Piratu nüxü ñügu ga aixcüma Gariréaanecüäx na yixü ga Ngechuchu rü Gariréaanearü äëxgacü ga Erodexütawa nanamu, yerü Yerucharéüwa nayexma ga Erode ga yexguma.

⁸ Rū yexguma Ngechuchuxü nadëuxgu ga Erode rü nataäëxüchi. Yerü nuxcü mama poraäcü nüxü nadauxchaü, yerü üpaacü nüxü naxinü ga nachiga. Rū inanangüxëë na Ngechuchuxü nadauxchaüxü na napëxewa naxüäxü ga wüxi ga mexü ga taxü ga Tu-panaärü poramaä naxüxü.

⁹ Rū muëxpüxcüna Ngechuchuna naca ga Erode. Natürü Ngechuchu rü tama nanangäxü.

¹⁰ Rū yéma nayexmagü ta ga paigüarü äëxgacügü rü ngüexëëruügu ga Moichéarü mugüwa ngüxëëtaegüxü. Rū nūmagü rü poraäcü Ngechuchuxü ñaxuaxügü.

¹¹ Rū yexguma ga Erode rü norü churaragü rü poraäcü chixri Ngechuchumaä nachopetü. Rū nagu nidauxcüraügu. Rū ñuxüchi wüxi ga äëxgacüchirugu nayacuxëëgü na yemaäcü nüxü nacugüexüxcëx. Rū yemawena Piratuxüta wenaxärü Ngechuchuxü namu ga Erode.

¹² Rū woo üpaacü ga Piratu rü Erodemaä nügüchi na naxaieüxü, natürü yema ngunexügu nixi ga nügümaä nangüxmüëxü.

Piratu rü Ngechuchumaä nanaxuegu na nayuxüxcëx

(Mt 27.15-26; Mr 15.6-15; Cu 18.39-19.16)

¹³ Rū yexguma ga Piratu rü nanangutaquëxexëë ga paigüarü äëxgacügü, rü togü ga Yudiügarü äëxgacügü, rü guxüma ga duüxügü ga yéma yexmagüxü.

¹⁴ Rū Piratu ñanagürü nüxü: —Pema nuä chauxcëx penaga i ñaä yatü, rü nüxü pixu na chomaä nanuëxëäxü i duüxügü. Natürü pepëxewa nüxna chaca i ngëmachiga rü ñuxma rü marü nüxü pedau na taxuüma nawa ichayangauxü i ngëma chixexü i naxcëx ípenaxuaxüxü.

¹⁵ —Rū Erode rü ta taxuüma nawa inayangau i ngëma chixexü, rü ngëmacëx wenaxärü taxcëx nanamuëgu. Rü dücax, taxuüma i chixexü naxü na ngëmagagu nayuxüxcëx.

¹⁶ —Rū ngëmacëx chorü churaragüxü tá chamu na nacuaixgüäxüxcëx, rü ñuxüchi tá chayangëx —ñanagürü.

¹⁷ Rū nūma ga Piratu rü guxüguma ga yexguma yema petawa nanguuüxgu rü duüxügüxü nataäëxëëchaü namaä ga na yangëäxü ga wüxi ga yatü ga poxcuxü.

¹⁸ Natürü guxüma ga yema duüxügü rü wüxigu inanaxügüe ga aita na naxüexü. Rū ñanagürügü: —¡Napoxcu i ngëma Ngechuchu! ¡Rü Barabáxü waxi ínanguxuchixëë! —ñanagürügü.

¹⁹ Rū yema Barabá rü napoxcu yerü üpaacü Yerucharéüwa äëxgacümaä nananuëxëë ga duüxügü, rü ñuxüchi namáeta.

²⁰ Natürü ga Piratu rü wenaxärü duüxügümaä nidexa, yerü nūma rü Ngechuchuxü ningëxchaü.

²¹ Natürü ga duüxügü rü yexeraäcü aita naxüe rü ñanagürügü: —¡Curuchawa yapota! ¡Curuchawa yapota! —ñanagürügü.

²² Rū Piratu norü tomaëxpüxcüna duüxügümaä nidexa, rü ñanagürü: —Düxcëx, ¿tacü rü chixexü éxna naxü? Choma rü taxuüma i chixexüxü nawa ichayangau na ngëmacëx chanayuxëëxü. Rū chorü churaragüxü tá chamu na nacuaixgüäxüxcëx, rü ñuxüchi tá chayangëx —ñanagürü.

²³ Natürü nūmagü ga duüxügü rü yexeraäcü aita naxüeama, rü naxcëx ínacagü na curuchawa yapotaäxüxcëx. Rū yema na nayexeragüamaxü ga yema duüxügü rü düxwa ga Piratu rü duüxügüga naxinü.

²⁴ Rū nūma ga Piratu rü norü churaragüxü namu na naxügüäxüxcëx ga yema duüxügü naxwëxegüxü.

²⁵ Rū Barabáxü ningëx, yerü yema nixi ga duüxügü naxcëx ícagüxü. Rū yema Barabá nixi ga poxcuxü naxcëx na duüxügüxü äëxgacümaä nanuëxëëxü rü namáëtaxü. Rū yexguma ga Piratu rü duüxügüna Ngechuchuxü namu na namaä naxügüäxüxcëx ga yema nūmagü nanaxwëxegüxü.

Ngechuchuxü curuchawa nipotagü

(Mt 27.32-44; Mr 15.21-32; Cu 19.17-27)

²⁶ Rū yema duñxügü rü Ngechuchuxü yagagüyane, rü yexma namagu nüñü nangaugü ga wüxi ga yatü ga Chirenectüax ga nañewa ne ücü. Rū Chimáü nixi ga naega. Rū Chimáüñü niyauxgü ga duñxügü, rü naätügu ngixü naxünagügü ga curucha na Ngechuchuwe ngixü nangexüçex.

²⁷ Rū muxüma ga duñxügü rü nawe narüñi. Rū yema duñxügütanüwa nayexmagü ga muxüma ga ngeñügü ga auxexü rü aita üexü, yerü Ngechuchuçex nangechaügü.

²⁸ Natürü ga Ngechuchu rü yema ngeñügüñü nadawenü, rü ñanagürü nüñü: —Pa Ngeçügüx, Pa Yerucharéüçüax jtaxü i chauxçex pexauxexü, natürü pegüçextama pexauxe rü pexacügüçex!

²⁹ —Erü nawa tá nangu i ngunexügü i nagu ñagüñü tá i duñxügü:

“Tataãegü ya yixema ngeaxta ya taxuacüma axácügüxe, rü taguma tacharaügüxe, rü taguma maixácügüxe, erü taxucatáma tümaxácügüçex taxauxe”, ñagüñü.

³⁰ —Rü ngëxguma i duñxügü rü tá mëxpünegüñü nacèèxügü rü ñanagürügü tá:

“jToétügu rübuemü!” ñanagürügü tá. Rü tá ngüchitaerügüñüñü nacèèxügü, rü ñanagürügü tá:

“jToxü idüxétügü!” ñanagürügü tá.

³¹ —jErü ñuxácü tá namaã nachopetü i ngëma duñxügü i aixcüma chixexü ügüñü, ega ñaã chixexü chomaã naxügügu na woo taxuüma i chixexü chaxüchiréxü? —ñanagürü ga Ngechuchu.

³² Rū yéma nanagagü ta ga taxre ga máetagüñü na Ngechuchurüü curuchawa yanapotagüaxüçex.

³³ Rū yexguma nawa nangugügu ga yema nachica ga Duñxëeruchinëxägu äegaxü, rü yéma curuchawa Ngechuchuxü nipotagü. Rū yema taxre ga máetagüñü rü ta Ngechuchurüü curuchawa nipotagü, wüxi ga norü tügüñecüwawa rü to ga norü toxwecüwawa.

³⁴ Rū yexguma Ngechuchuxü curuchawa iyapotagüyane, rü ñanagürü ga Ngechuchu: —Pa Chaunatüx, jñüñü nangechaü i ñaã duñxügü, erü tama nüñü nacüxgü na jacü rü chixexü naxüexü! —ñanagürü. Rū yema churaragü rü nanade ga Ngechuchuchiru. Rū ñuxüchi wüxi ga diëru ngixü nañanagügü na yemawa nüñü nacüxgüñüçex na texéarü tá yixü ga yema Ngechuchuchiru.

³⁵ Rū duñxügü rü yéma inarüdaunü. Natürü yema Yudiügüarü äëxgacügü rü Ngechuchuxü nacugüe, rü ñanagürügü: —Nüma rü togüñü namaxëxëë. jËcü, ñuxma rü nügütama namaxëë ega aixcüma Cristu ya Tupana nüñü unetacü yixügu! —ñanagürügü.

³⁶ Rū yema churaragü rü ta Ngechuchuxü nacugüe. Rū naxütawa naxi, rü nüxna nanaxä ga binu ga üxchiücü.

³⁷ Rū ñanagürügü nüñü: —Ega Yudiügüarü äëxgacü ya tacü quixügu, jrü cugütama rüñgüxëë i ñuxmax, na icunguxuchixüçex! —ñanagürügü.

³⁸ Rū norü curuchatapëxewa nipota ga wüxi ga mürapewaxacü ga äegatachinüñü ga Griëgugügawa rü Dumacüaxgügawa rü Yudiügügawa ümatüñü ga ñaxü: —Daa nixi ya Yudiügüarü Äëxgacü ya Tacüxüchi —ñaxü.

³⁹ Rū wüxi ga yema máëtaxü ga naxrüü curuchawa ipotaxü rü Ngechuchumaã naguxchiga, rü ñanagürü: —Ega aixcüma Cristu quixügu, jrü cugütama rüñgüxëë na icunguxuchixüçex, rü toxü rü ta rüñgüxëë na itangüñüñüçex! —ñanagürü.

⁴⁰ Natürü ga yema to ga máëtaxü rü namücüñü inangaxüchiama, rü ñanagürü nüñü: —Cuma rü naxrüü na curuchawa quipotachiréxü, jrü ngëxguma rü ta tama Tupanaxü cumuñüñü?

⁴¹ —Yixema rü name nixi na ipoxcuexü erü tagagutama nixi i ngüñü ingegüñü erü ngëma nixi i tóru natanü naxçex ga yema chixexü ga ixügüñü. Natürü daa yatü rü taxuüma i chixexü naxü —ñanagürü.

⁴² Rū yexguma ga yema máëtaxü rü ñanagürü: —Pa Ngechuchux, jchoxnä nacüxächi i ngëxguma wenaxärü núma cuxüxgu rü äëxgacüñü icunguxgu! —ñanagürü.

⁴³ Rū Ngechuchu nanangäñü rü ñanagürü: —Aixcüma cumaã nüñü chixu rü ñomatátama i ngunexügu chomaã cungëxma i mexëchixü i nañewa —ñanagürü.

Nayu ga Ngechuchu

(Mt 27.45-56; Mr 15.33-41; Cu 19.28-30)

⁴⁴ Rū yexguma tocuchiwa nanguxgu rü guñüwama naxëäne ñuxmata tomaëxpüxarü orawa nangu ga yáuanecü.

⁴⁵ Rū ga üexcü rü nixo. Rū tupauca ga taxüñeärü tüyemachiñüñü rü ngäñügu narügaute.

⁴⁶ Rū yexguma ga Ngechuchu rü poraäcü aita naxü rü ñanagürü: —Pa Chaunatüx, cuxmëxwa chanangëx i chauäë —ñanagürü. Rū yema ñaxguwena rü nayu.

⁴⁷ Rū yexguma yema churaragüarü äëxgacü ga Dumacüax nüñü dëuxgu ga yema ngu-petüñü, rü Tupanaxü nicüxüñü, rü ñanagürü: —Aixcüma ñaã yatü rü taxuüma i chixexü naxü —ñanagürü.

⁴⁸ Rū guxūma ga yema togū ga duūxūgū ga yéma yexmagūxū rū nūxū daugūxū ga yema ngupetūxū, rū poraācū nangechaūgūācūma napatacēx nawoegu.

⁴⁹ Natūrū guxūma ga yema duūxūgū ga aixcūma Ngechuchuxū cuēxgūxū rū yaxūwata tama nūxū narūdaunū ga yema ngupetūxū. Rū yema duūxūgūtanūwa ta iyexmagū ga yema ngecūgū ga Ngechuchuwe rūxīcū ga yexguma Gariréaanewa ne naxūxgu.

*Ngechuchu rū naxmaūgu nayanaxūcuchigū
(Mt 27.57-61; Mr 15.42-47; Cu 19.38-42)*

⁵⁰ Rū nayexma ga wūxi ga yatū ga Yudéaanewa yexmane ga iāne ga Arimatéacūāx, rū Yúche nixī ga naēga. Rū nūma rū Yudiūgūarū āēxgacūgūtanūwa naxū, natūrū namecūma rū meā namaxū.

⁵¹ Rū nūma rū poraācū īnananguxēē na īnanguxū ga Tupana na yéma āēxgacū yīxūcēx. Rū yemacēx tama norū me nixī ga yema Ngechuchumaā naxūgūxū ga yema togū ga namūcūgū ga āēxgacūgū.

⁵² Rū nūma ga Yúche rū Piratuxūtawa naxū, rū Ngechuchuxūnecēx īnayaca.

⁵³ Rū curuchawa nayayaxu ga Ngechuchuxūne, rū wūxi ga dūxruūmaā nananuque. Rū wūxi ga naxmaū ga nutaarū mēxpūxūwa yacaxmaūgūxūgu nayanaxūcuchi. Rū yema naxmaū rū nayexwacaxū, rū taguma texēxū nagu yaxūcuchigūxū nixī.

⁵⁴ Rū yema nixī ga ngunexū ga nagu Yudiūgū nūgū imexēēgūxū naxcēx ga ngūxchigaarū ngunexū. Rū marū ningóonechaū ga yema ngūxchigaarū ngunexū.

⁵⁵ Rū yema ngecūgū ga Ngechuchumaā Gariréaanewa ne Īcū, rū Ngechuchuxū īyaxūcuchigūxūwa īiyadaugū. Rū nūxū idaugū ga űuxācū na īyaxūcuchigūāxū ga naxūne.

⁵⁶ Rū yexguma ngīpatawa nangugūgu, rū inamexēēgū ga pumara rū chixū. Rū irūngūgū ga ngūxchigaarū ngunexūgu, yerū yema nixī ga Tupanaārū mu.

24

*Yuwa īnarūda ga Ngechuchu
(Mt 28.1-10; Mr 16.1-8; Cu 20.1-10)*

¹ Rū pēxmamaxūchi ga yūxūarū ngunexūgu, rū yema ngecūgū rū wenaxārū naxmaūwa īiyadaugū. Rū yéma inangegū ga yema pumara ga yamexēēgūxū. Rū naīgū ga ngecūgū rū ta ngīxū īiyaxūmūcūgū.

² Rū yexguma yéma nangugūgu, rū nūxū īiyangaugū ga marū na īnaxūgachixū ga guma nuta ga naxmaūārū ngūxtaūxū.

³ Rū yexma nagu ichocu, natūrū taxūma idaugū ga naxūne ga Cori ga Ngechuchu.

⁴ Rū yema ngecūgū rū poraācū ībaixāchiāēgū, rū tama nūxū icuēxgūēga ga űacū na naxūgūxū. Rū ngūrūāchi nūxū idaugū ga taxre ga yatūgū ga ngīxūtagu chigūxū ga poraācū iyaurachirutanūcūxū.

⁵ Rū yema ngecūgū rū iyarūmaxāchierugū, yerū poraācū imuūē. Rū yemacēx ga yema yatūgū rū űanagūrūgū ngīxū: —ĭTūxcūū nuxā yuetamaūgu naxcēx peyadau ya yima maxūcū?

⁶ —Nataxuma i nuā ya Ngechuchu, erū marū wena namaxū. ĩRū nūxna pecuēxāchie ga yema ore ga pemaā nūxū yaxūxū ga yexguma Gariréaanewa nayexmagu!

⁷ —Yerū pemaā nūxū nixu ga űuxācū pecaduāxgūxū tā na yayauxgūxū, rū curuchawa na yapotagūāxū, rū űuxācū tomaēxpūxū ī ngunexūgu tā wena na namaxūxū —űanagūrūgū ga yema yatūgū.

⁸ Rū yexguma ga yema ngecūgū rū nūxna icuēxāchie ga yema Ngechuchuarū ore.

⁹ Rū nūxna iwoegu ga yema naxmaū. Rū yema 11 ga Ngechuchuarū ngūexūgūmaā nūxū iyarūxugūe ga guxūma ga yema nūxū nadaugūxū. Rū guxūma ga togū ga yaxōgūxū ga yéma yexmagūxūmaā rū ta nūxū iyarūxugūe.

¹⁰ Rū María ga Magadācūāx, rū Cuāna, rū María ga Chaūtiāgu naē, rū naīgū ga ngecūgū iyixī ga wūxigu yéma Ngechuchuarū ngūexūgūxūtawa nangegūcū ga yema ore.

¹¹ Natūrū yema ngūexūgūcēx rū Īnūcamare nixī ga yema ore, rū tama ngīxū nayaxōgūchaū.

¹² Natūrū ga Pedru rū īnafaāchi, rū īnayadau ga naxmaūwa. Rū yexguma nagu yadaucuchigu ga naxmaū, rū nūxū nadau ga dūxruūgū ga wūxicūwagu na nanuxū. Rū poraācū nabaixāchiāē namaā ga yema ngupetūxū, rū ĩaixāchiāēācūma napatacēx nataegu.

*Emaūārū namawa nangox ga Ngechuchu
(Mr 16.12-13)*

¹³ Rū yema ngunexūgutama rū taxre ga yema Ngechuchuarū ngūexūgū rū wūxi ga iāne ga Emaūwa naxī. Rū norū yaxū ga guma iāne rū 11 ga kilōmetru nixī nūxna ga Yerucharēū.

¹⁴ Rū yexguma namagu naxīyane, rū nachigagu nidexatanū ga guxūma ga yema ngupetūxū.

15 Rū yexguma yemachigagu iyadexatanūyane, rū nūmatama ga Ngechuchu rū ngürüächi naxcèx yéma nixū, rū natanūgu nixūchigū.

16 Natürü yema ngúexūgū rü woo Ngechuchuxū nadaugū, rū tama nūxū nacuèxgūxūcèx ga Ngechuchu yīxū, yerü Tupana rū nanatoōégū na tama Ngechuchuxū nacuèxgūxūcèx.

17 Rū yexguma ga Ngechuchu, rū yema taxre ga ngúexūgūna naca, rū ñanagürü: —¿Tacūchiga nixī i pidexatanūxū na nuxā namagu na pexīxū? ¿Rū tacūcèx nixī i pengechaūèxū? —ñanagürü.

18 Rū wūxi ga yema ngúexū ga Creopágu āegaxū nanangāxū, rū ñanagürü: —Guxūma i duūxūgū nixī i nūxū cuáxū ga yema yexwaca ngupetūxū ga Yerucharéūwa. Rū cuma na yexma cunaxūānechiréxū rū maneca cuxicatama nixī i tama nūxū cucuáxū ga yema ngupetūxū —ñanagürü.

19 Rū yexguma ga nūma ga Ngechuchu rū ñanagürü: —¿Tacū nangupetū ga Yerucharéūwa? —ñanagürü. Rū nanangāxūgū ga yema ngúexūgū, rū ñanagürügū: —Poraācū chixexū nūxū naxūpetū ga Ngechuchu ga Nacharétucūāx. Nūma ga Ngechuchu rū Tupanaārü orearū uruū ga mecū nixī. Rū Tupanapéxewa rū duūxūgūpéxewa namecūma rū nanaxū ga taxū ga cuèxruūgū ga Tupanaārü poramaā naxūxū, rū meā duūxūgūxū nangūexēē.

20 —Natürü ga paigüarū āèxgacūgū rū tórü āèxgacūgū rū nayayauxgū. Rū Dumacūāx ga āèxgacūgūna nanamugū na curuchawa yapotagüācūma nayuxēégūāxūcèx. Rū yemaācū nayamèxgū.

21 —Toma nūxū tacuèxgu rū nūma tá nixī i tomaā naporaxū na ínguxuchixūcèx i tachiūāne nūxna i Dumacūāxārū āèxgacū. Rū ñuxma rū marü tomaèxpūx i ngunexū nawena nixī ga na nayamèxgūāxū.

22-23 —Natürü tama ngéxīcatama nixī, yerü ñuxre ga ngexūgū ga totanūxū rū toxū ínayabaixgūgū. Yerü yema ngexūgū rū péxmamaxūchi ínayadaugū ga naxmaūwa, rū tama nūxū inayangaugū ga naxūne ga guma Ngechuchu. Rū yemacèx ga yema ngexūgū rū toxcèx nawoegu, rū tomaā nūxū nayarūxugūe ga nūxū na nadaugūxū ga Tupanaārü orearū ngeruūgū ga daxūcūāx. Rū yema daxūcūāxgū rū namaā nūxū nixugūgū ga Ngechuchu rū na namaxūxū —ñanagürügū.

24 Rū yexguma yema ngexūgūarū orexū taxīnūēgu, rū ñuxre ga tomūcūgū rū naxmaūwa ínayadaugū. Rū yema ngexūgū nūxū ixugūxūrū nūxū inayangaugū ga naxmaū. Natürü tama Ngechuchuxū nadaugū —ñanagürügū.

25 Rū yexguma ga Ngechuchu rū ñanagürü nūxū: —¿Tūxcūl tama peāeta ipexū i pemax? ¿Rū ñuxgura tá ta ipeyaxōgūxū i nuxcūmaūgūxū ga Tupanaārü orearū uruūgūarū ore?

26 ¿Rū tama ēxna nūxū pecuèx ga yema ngúxū tá na yangexū ga Cristu naxūpa na daxūgūxū i naānewa naxūxū, na ngema āèxgacū yīxūcèx? —ñanagürü.

27 Rū yexguma inanaxūgū ga namaā na nangoxēēāxū ga guxūma ga Tupanaārü ore ga nachiga ūmatūxū. Rū yema Tupanaārü ore ga Moiché ūmatūxūtamaā inanaxūgū. Rū ñuxūchi namaā nūxū nixu ga guxūma ga yema Tupanaārü ore ga nuxcūmaūgūxū ga Tupanaārü orearū uruūgū ūmatūgūxū.

28 Rū yexguma yema íāne ga Emaūwa nangugūgu, rū Ngechuchu rū nūmaxū toxnamana nūgū naxūxēēneta.

29 Natürü ga yema ngúexūgū rū nūxū nacèxūgū na yexma naxāūxūcèx, rū ñanagürügū: —¡Nuxma toxūtagu nape, erü marü nayáuane, rū paxa tá nachūta! —ñanagürügū. Rū yexguma ga Ngechuchu rū nawe yexma narūxūūx.

30 Rū yexguma chibūcèx wūxiwa mechawa natogūgu, rū Ngechuchu nanayaxu ga pāu. Rū Tupanana moxē naxcèx naxā. Rū ñuxūchi inanabūcu, rū wūxichigūna nanaxā.

31 Rū yexgumatama naāèxū nicuèxāchitanū. Rū nūxū nacuèxgū na guma yīxū ga Ngechuchu. Natürü yexgumatama ngürüächi inayarūtaxu ga nūmax.

32 Rū yema taxre ga ngúexūgū rū nūgūmaā ñanagürügū: —¿Tama ēxna ga itaāègūxū ga tórü maxūnewa ga yexguma namawa tamaā yadeaxgu rū tamaā nangoxēēāgu ga Tupanaārü ore i ūmatūxū? —ñanagürügū.

33 Rū yexgumatama ga yema taxre ga ngúexūgū rū inaxīächi ga Yerucharéūcèx na nawoegūxū. Rū yexma nūxū nayangau ga na íngutaquèxegūxū ga yema 11 ga Ngechuchuarū ngúexūgū rū togū ga natanūxūgū.

34 Rū yema duūxūgū ga íngutaquèxegūxū rū ñanagürügū nūxū: —Aixcūma nixī i marü wena namaxūxū ya Cori ya Ngechuchu. Rū Chimáu ga Pedru rū marü nūxū nadau —ñanagürügū.

35 Rū yexguma ga yema taxre ga ngúexūgū rū ta nūxū nixugūgū ga yema nūxū ngupetūxū ga namawa, rū ñuxācū nūxū na yacuèxāchitanūxū ga guma na yīxū ga Ngechuchu ga yexguma pāu inabūcūxgu.

Ngechuchu rü norü ngüexügücèx nangox

(Mt 28.16-20; Mr 16.14-18; Cu 20.19-23)

³⁶ Rü yexguma yemaäcü iyadexagüyane, rü ngürüächi norü ngäxütanügu nachi ga Ngechuchu. Rü nüxü narümoxê, rü ñanagürü: —Nuxmaê Pa Chorü Duüxügüx —ñanagürü.

³⁷ Natürü nümagü rü nabaixächiaêgü, rü poraäcü namuüê, yerü nagu naxinüëgu rü wüxi ga naxchixixümare nadaugu.

³⁸ Natürü ga Ngechuchu rü ñanagürü nüxü: —¿Tüxcüü pebaixächiaêgü rü tama peyaxögü na choma chiixü?

³⁹ —¿Dücèx, nüxü pedèux ya choxmëxgü rü chaucutügü! Rü chomatama chixi. ¿Rü choxü pingögü rü meä choxü perüdaunü! Erü wüxi i naxchixi rü tama choxü pedauxürü naxämachi rü naxächinèxã —ñanagürü.

⁴⁰ Rü yema ñaxguwena, rü nüxü nanawëx ga naxmëx rü nactü.

⁴¹ Natürü ga yema duüxügü rü yexguma rü ta tama nüxü nayaxögü, yerü nabaixächiaêgü rü nataêgü. Rü yemacèx ga Ngechuchu rü nüxna naca rü ñanagürü nüxü: —¿Pexü nangëxmaxü i ðna i nuã? —ñanagürü.

⁴² Rü yexguma nüxna nanaxägü ga wüxi ga choxni ga iguxüchipëxe rü wüxiweü ga berure.

⁴³ Rü nüma ga Ngechuchu rü nanayaxu. Rü yema duüxügupëxewa nanangöx.

⁴⁴ Rü ñuxüchi ñanagürü nüxü: —Rü yema choxü ngupetüxü rü yema nixi ga pemaã nüxü chixuxü ga yexguma tauta chayuxgu rü petanüwa chayexmagu. Yerü yexguma rü pemaã nüxü chixu rü ñacharügü:

“Rü tá ningü i guxüma i Tupanaärü ore i chauchiga ümatüxü i Wiyaegüarü poperawa, rü Moiché ümatüxü i mugüwa, rü ore i nuxcümaügüxü ga Tupanaärü orearü uruügü ümatüxüwa”, ñacharügüchirëx pexü.

⁴⁵ Rü yemaäcü namaã nanangoxêê ga Tupanaärü ore ga ümatüxü.

⁴⁶ Rü ñanagürü nüxü: —Tupanaärü ore i ümatüxüwa rü nüxü nixu rü choma i Cristu rü tá chayü, rü tomaêxpüx i ngunexügu rü tá wena chamaxü.

⁴⁷ —Rü yematama ore i ümatüxüwa nüxü nixu rü tá chauéyagu tá nixi i nüxü yaxugüxü i ore i mexü. Rü Yerucharéüwa tá inaxügü i ngëma ñuxmatáta guxü i naãnewa nangu na ngëmaäcü duüxügü nüxü rüxoexüçèx i nacüma i chixexü na Tupana nüxü nüxü ngechaüxüçèx i norü pecadugü.

⁴⁸ —Rü ñuxma rü pematama nixi i chorü orearü uruügü, rü tá duüxügümaã nüxü pixu ga yema chauxütawa nüxü pedaugüxü rü nüxü pexinüëxü.

⁴⁹ —Rü dücax, choma rü pexcèx tá nüma chanamu i Naãê i Üünexü ga pexcèx nüxü naxunetaxü ya Chaunatü. Natürü chanaxwëxe i númatáta daa ñãne ya Yerucharéüwa pengëxmagü, ñuxmatáta penayauxgü i ngëma Tupanaãê i Üünexü i daxüwa ne üxü i tá pexü poraexëëxü —ñanagürü.

Ngechuchu rü daxüguxü ga naãnewa naxü

(Mr 16.19-20)

⁵⁰ Rü yexguma ga Ngechuchu rü Yerucharéüarü toxnamana norü ngüexügüxü nagagü, ñuxmata Betániãrü ngaicamana nangugü. Rü yéma norü ngüexügüetü nawémëx, rü Tupanana naxcèx naca na nüxü nangüxëëxüçèx.

⁵¹ Rü yexguma yema ngüexügücèx nayumüxëguwena rü nüxna nixügachi. Rü Tupana daxüguxü ga naãnewa nanaga.

⁵² Rü nümagü ga norü ngüexügü rü Ngechuchuxü nicuëxüügü. Rü ñuxüchi taãëcüma Yerucharéüçèx nawoegu.

⁵³ Rü guxüguma tupauca ga taxünewa naxüxü, rü yéma Tupanaxü nicuëxüügü. Rü ngëmaäcü yü.

ORE I MEXŪ GA CUÁŪ ŪMATŪXŪ

Tupana Nane rü duixũãcü nangox

¹ Naxũpa ga guxũma, rü marũ nayexma ga Tupana Nane. Rü Tupanamaã nayexma rü woetama Tupana nixĩ ga nũmax. Nũma rü Tupanaãrũ Ore nixĩ i nagega erũ tamaã nũxũ nixu i Tupanachiga.

² Rü naxũpa ga guxũma rü nũma ga Tupana Nane rü naxũtawatama nayexma.

³ Rü guma Nanexũ nixĩ ga namuxũ ga Tupana na naxũãxũcèx ga guxũma. Rü nataxuma i tacũ i ñuxma ngẽxmaxũ i tama nũma naxũxũ.

⁴ Rü Nanewa nixĩ i nangexmaxũ i maxũ. Rü ngema maxũ rü guxũ i duixũgũarũ ngóonexẽeruũ nixĩ.

⁵ Rü yima Nane rü woo chixexũ Íporaxũtwa rü duixũgũxũ nũxũ nacuèxèe i Tupanachiga. Rü ngẽma chixexũ rü taxucũ-rũwama ngẽma mexũxũ narũyexera.

⁶⁻⁷ Rü nayexma ga wũxi ga yatũ ga Cuáũ ga baiũxẽeruũga ãegacũ. Rü guma nixĩ ga Tupana nũma namucũ na nũxũ yaxuxũcèx ga nachiga ga guma ngóonexẽeruũ na yemaãcü guxãma nũxũ yaxõgũxũcèx.

⁸ Rü nũma ga Cuáũ rü tama Tupana Nane ya duixũgũarũ ngóonexẽeruũ nixĩ. Natürũ nũma nixĩ ga Tupana nũma namuxũ na nũxũ yaxuxũcèx ga nachiga ga guma ngóonexẽeruũ.

⁹ Rü ñoma ga naãnewa nangu ya yima aixcũma Tupana Nane ixĩcü i guxũma i duixũgũxũ ngóonetanũxèècü.

¹⁰ Rü nũma ga guma Nane ga Tupanaãrũ Ore ixĩcü rü ñoma ga naãnewa nayexma. Rü woo nagagu nixĩ ga naxũãxũ ga guxũma ga ñoma ga naãne, natürũ ñoma ga naãne-cũãx ga duixũgũ rü tama nũxũ nacuèxgũ na texe yĩixũ.

¹¹ Nuã norũ naãnewatama nangu, natürũ norũ duixũgũ ga Yudiũgũ rü tama nanayauxgũ.

¹² Natürũ guxema nayauxgũxe rü nũxũ yaxõgũxe rü tũxũ nanatauxchaxèe i Tupanaxãcũgũ tixĩgũxũ.

¹³ Rü ñuxma rü Tupanaxãcũgũ tixĩgũ ga guxema yaxõgũxe. Natürũ tama noxri tabuexũgagu nixĩ i ngẽma rü tama tũmanatũgũarũ ngũchaũgagu nixĩ. Natürũ i ñuxma rü Tupanaxãcũgũ tixĩgũ ga guxema yaxõgũxe yerũ nũmatama ga Tupana rü naxãcũgũxũ tũxũ nixĩgũxèe.

¹⁴ Rü nũma ya yima Nane ya Tupanaãrũ ore ixĩcü rü duixũãcü nangox. Rü totanũwa nayexma rü poraãcü toxũ nangechaũ rü aixcũma nixĩ ga norũ ore. Rü toma nũxũ tadaugũ ga ñuxãcü na naxũũnèxũ. Rü Nanatũxũtawa nanayaxu ga yema üüne yerũ nũgũmaã nũxũ nawũxicèx ga nũma.

¹⁵ Rü gumachigaxũ nixĩ ga yaxuxũ ga Cuáũ ga yexguma ñaxgu: —Daa nixĩ ga guma pemaã nũxũ chixuchigacũ ga yexguma ñachaxgu:

“Rü yima choweama ne ücü rü choxũ rüyexeracũ nixĩ, yerũ woetama marũ nayexma ga tauta chabuxgu ga chomax”, ñanagürũ ga Cuáũ.

¹⁶ Rü yima Tupana Nane rü namecũmaxũchi rü naxmẽxwa nangẽxma i guxũma. Rü naxũtawa nixĩ i nayauxgũxũ i guxũma i ngũxèègũ.

¹⁷ Rü Moĩchéxũ nixĩ ga namuxũ ga Tupana na tũxũ nangúexèèxũcèx ga yema norũ mugũ. Natürũ Ngechuchu ya Cristuxũ nixĩ ga namuxũ na tũxũ nangúexèèxũcèx na yigũ ingechaũgũxũ rü nagu imaxèèxũcèx i ore i aixcũma ixĩxũ.

¹⁸ Taguma texè ñuxgu nũxũ tadau ga Tupana. Natürũ Nane ya nũgũmaã nũxũ wũxicacũ nixĩ ya tũxũ nũxũ cuèxèècü. Rü yima Nane rü Tupanaxũchi nixĩ, rü Nanatũmaã wũxiwa nangẽxmagũ.

Cuáũ ga baiũxẽeruũ rü nũxũ nixu ga Ngechuchu ya Cristuchiga

(Mt 3.11-12; Mr 1.7-8; Lc 3.15-17)

¹⁹ Rü yema Yudiũgũarũ ãexgacũgũ ga Yerucharéũcũãx rü Cuáũ ga baiũxẽeruũxũtawa nanamugũ ga paigũ rü Lebitanũxũgũ na nũxna yacagũexũcèx na texe yĩixũ.

²⁰ Rü nũma ga Cuáũ rü meãma nũgũ nixu, rü ñanagürũ: —Tama nixĩ i Cristu chĩxũ i chomax —ñanagürũ.

²¹ Rü wenaxãrũ nũxna nacagũ rü ñanagürũgũ: —¿Texè ãxna quixĩ? ¿Éxna cuma ga nuxcũmaũcü ga Tupanaãrũ orearũ uruũ ga Eria quixĩ? —ñanagürũgũ. Rü Cuáũ nanangãxũ rü ñanagürũ: —Tama Eria chixĩ —ñanagürũ. Rü nũmagũ rü wenaxãrũ nũxna nacagũe rü ñanagürũgũ: —¿Éxna cuma quixĩ ya yima orearũ uruũ ga Moĩché nũxũ ixucũ ga ínguxchaũcü? —ñanagürũgũ. Rü Cuáũ nanangãxũ rü ñanagürũ: —Tama yima chixĩ —ñanagürũ.

²² Rũ yexguma ñanagũrũgũama: —¿Éxna texẽ quiĩxũ? Erũ tanaxwẽxe i ngẽma nũma toxũ mugũxũtawata tanange i curũ ngãxũga. ¿Rũ ñuxũ ñacuxũ i ñuxma na texẽ quiĩxũ? — ñanagũrũgũ.

²³ Rũ Cuáũ nanangãxũ rũ ñanagũrũ nũxũ: —Choma nixĩ i ngẽma duũxũ i dauxchitawa i ngextã taxũema íxãpataxũwa tagaãcũ ñachaxũ:

“¡Rũ nũxũ perũxoe i pecũma i chixexũ rũ ípeyanawẽxãchixẽẽx i perũ maxũ naxcẽx ya Cori ya Tupana!” ñachaxũ, guma nuxcũmaũcũ ga orearũ uruũ ga Ichaxía nũxũ ixuxũrũũ —ñanagũrũ.

²⁴⁻²⁵ Rũ yexguma ga yema paigũ rũ Parichẽugũ yẽma mugũxũ ga Cuáũmaã na yanadex-agũxũcẽx rũ wenaxãrũ nũxna nacagũe, rũ ñanagũrũgũ: —Rũ ngẽxguma tama Cristu quixĩgu, rũ tama Ería quixĩgu, rũ tama yima orearũ uruũ ya ínguxchãcũ quixĩgu, ¿rũ tũxcũũ i duũxũgũxũ ícubaiũxẽẽxũ i ñuxmax? —ñanagũrũgũ nũxũ.

²⁶⁻²⁷ Rũ Cuáũ nanangãxũ rũ ñanagũrũ: —Choma rũ dexãwamare íchanabaiũxẽẽ i duũxũgũ. Natũrũ petanũwa nangẽxma ya yima tama nũxũ pecuãcũ ya choweama ne ũcũ. Rũ choma rũ napẽxewa rũ taxuwama chame, rũ bai i norũ chapatucunũgũarũ wẽgũwa chame — ñanagũrũ ga Cuáũ.

²⁸ Rũ yema nachica ga Betãniãgu ãegaxũwa nixĩ ga Cuáũ ga nũxũ yaxuxũ ga yema ore. Rũ natũ ga Yudããrũ tocutũwa nixĩ ga yema nachica ga ngextã Cuáũ duũxũgũxũ íbaiũxẽẽxũwa.

Ngechuchu nixĩ ga Tupana nũma namucũ na duũxũgũariũ pecaducẽx nayuxũcẽx

²⁹ Rũ moxũãcũ ga Cuáũ rũ Ngechuchuxũ nadau ga naxcẽx na yaxũxũ. Rũ ñanagũrũ ga Cuáũ: —¡Rũ dũcax! Daa nixĩ ya yima Tupana nũma namucũ na nayuxũcẽx na ñoma i naãnecũãx i duũxũgũariũ pecaduxũ íyanaxoxẽẽxũcẽx.

³⁰ —Rũ choma rũ daa Ngechuchuchigaxũ nixĩ ga chixuxũ ga yexguma ñachagu:

“Rũ choweama ne naxũ ya wũxi ya chorũ yexeracũ, yerũ nũma rũ woetama nayexma ga tauta chabuxgu ga chomax”, ñachagu.

³¹ —Rũ chomatama ga noxri rũ tama nũxũ chacuẽx ga texe na yĩxũ ga nũmax. Natũrũ nũma chaxũ na dexãwamare duũxũgũxũ íchibaiũxẽẽtanũxũcẽx na tatanũxũ i Yudiũgũ nũxũ cuẽxgũxũcẽx na texẽ yĩxũ —ñanagũrũ.

³² Rũ ñanagũrũ ta ga Cuáũ: —Rũ chomatama nũxũ chadau ga Tupanaãẽ ga Üünexũ ga yexguma wũxi ga muxtucurũũ daxũwa ínaxexeegu rũ Ngechuchuxũnegu yanawẽxgux.

³³ —Choma rũ noxri tama nũxũ chacuẽx ga texe na yĩxũ ga nũmax. Natũrũ ga Tupana ga choxũ mucũ na dexãwamare duũxũgũxũ íchabaiũxẽẽxũcẽx, rũ ñanagũrũ choxũ:

“Rũ yima nũxũ cудаcũ ya chauãẽ i Üünexũ naetũgu írũxexeecũ, rũ yima tá nixĩ ya chauãẽ i Üünexũ duũxũgũna nguxẽẽcũ”, ñanagũrũ choxũ.

³⁴ —Choma rũ marũ yima Ngechuchuxũ chadau rũ pemaã nũxũ chixu na nũma rũ aixcũma Tupana Nane yĩxũ —ñanagũrũ.

Nũxĩraũxũ ga norũ ngũexũgũ ga Ngechuchu

³⁵ Moxũãcũ rũ wenaxãrũ Cuáũmaã yema nachicawa tayexmagũ ga toma ga taxre ga norũ ngũexũgũ.

³⁶ Rũ yexguma Ngechuchuxũ nadẽuxgu ga yẽma na naxũpetũxũ, rũ Cuáũ rũ ñanagũrũ toxũ: —¡Dũcẽx! Yima nixĩ ya Tupana nũma namucũ na pecaducẽx nayuxũcẽx —ñanagũrũ.

³⁷ Rũ toma ga Cuáũãrũ ngũexũgũ rũ nũxũ taxĩnũẽ ga yexguma yema ñaxgu. Rũ Ngechuchuwe tarũxĩ.

³⁸ Rũ nũgũ ínidau ga Ngechuchu, rũ toxũ nadau ga nawe na tarũxĩxũ. Rũ toxna naca rũ ñanagũrũ toxũ: —¿Tãcũcẽx pedau? —ñanagũrũ. Rũ tomagũ rũ ñatarũgũgũ: —Pa Ngũxẽẽruũx, ¿ngexta nixĩ i cupexũ? —ñatarũgũgũ.

³⁹ Rũ Ngechuchu toxũ nangãxũ, rũ ñanagũrũ toxũ: —¡Nuã chowe perũxĩ rũ ípeyadẽux! —ñanagũrũ. Rũ nawe tarũxĩ, rũ nũxũ tadaugũ ga na ngexta napexũ. Rũ yexguma yẽma tangũgũ, rũ marũ ãgũmũcũarũ orawa nangu ga na nayãuanexũ. Rũ yexma naxũtagu tarũcho rũ ñuxmata nachũta.

⁴⁰ Rũ choma chixĩ ga noxri Cuáũ ga baiũxẽẽruũxũ chaxĩnũxũ ga yixcama Ngechuchuwe charũxũxũ. Rũ chomũcũ rũ Aũdrẽ nixĩ. Rũ nũma rũ Pedru ga Chimãũneẽ nixĩ.

⁴¹ Rũ yexgumatama ga Aũdrẽ, rũ naẽneẽ ga Chimãũcẽx nayadau. Rũ ñanagũrũ nũxũ: —Rũ marũ nũxũ itayangau ya yima Cristu ga nuxcũma Tupana nũxũ unetacũ —ñanagũrũ.

⁴² Rũ yemawena, rũ Ngechuchu íyexmaxũwa Chimãũxũ naga ga Aũdrẽ. Rũ yexguma Ngechuchu Chimãũxũ deũxgu, rũ ñanagũrũ nũxũ: —Cuma nixĩ i Chimãũ i Cuáũ nane quiĩxũ. Natũrũ i ñuxmawena rũ Nuta tá nixĩ i cuẽga —ñanagũrũ. Rũ ngẽma naega rũ Pedru ñaxũchiga nixĩ.

Ngechuchu rũ naxcẽx naca ga Pripri rũ Natanae

⁴³ Rũ moxũãcũ ga Ngechuchu rũ nũgũ namexẽẽ na Gariréaanewa naxũxcèx. Rũ Piripixũ inayangau rũ ñanagũrũ nũxũ: —jChowe rũxũ! —ñanagũrũ.

⁴⁴ Rũ nũma ga Piripi rũ ñãne ga Bechaĩdacũãx nixĩ. Rũ yémacũãx ta nixĩ ga Aũdré rũ Pedru.

⁴⁵ Rũ Piripi rũ Natanaecèx nayadau, rũ ñanagũrũ nũxũ: —Marũ nũxũ itayangau ya yima Cristu ga Moĩché nachiga naxũmatũcũ ga mugũarũ poperawa, rũ nuxcũmaũgũxũ ga Tupanaãrũ orearũ uruũgũ ta nachiga naxũmatũgũcũ. Yima nixĩ ya Yũche nane ya Ngechuchu ya Nacharétucũãx —ñanagũrũ.

⁴⁶ Rũ ñanagũrũ ga Natanae: —jÑuxãcũ i ñacũ rũ mexũ i Nacharétuwa ne naxũxũ? —ñanagũrũ. Rũ Piripi nanangãxũ, rũ ñanagũrũ nũxũ: —jDũcèx, ngĩxã rũ itayadau! —ñanagũrũ.

⁴⁷ Rũ yexguma Ngechuchu Natanaexũ dẽuxgu ga naxcèx na yaxũxũ, rũ ñanagũrũ: —jDũcèx! Yéa ne naxũ i wũxi i yatũ i aixcũma Yudiũ ixĩxũ i aixcũma ngearũ chixexũãxũ —ñanagũrũ.

⁴⁸ Rũ yexguma ga Natanae rũ Ngechuchuna naca, rũ ñanagũrũ nũxũ: —jÑuxãcũ i choxũ cucuãxũ? —ñanagũrũ. Rũ Ngechuchu nanangãxũ rũ ñanagũrũ nũxũ: —Naxũpa ga Piripi cuxcèx na yaçaxũ, rũ choma rũ cuxũ chadau ga yexguma orix ga igueratũũgu curũxãũxgux —ñanagũrũ.

⁴⁹ Rũ Natanae nanangãxũ rũ ñanagũrũ nũxũ: —Pa Ngũexẽẽruũx, cuma rũ Tupana Nane quixĩ. Rũ cuma nixĩ i guxũma i Yudiũgũarũ ãẽxgacũ quiũxũ —ñanagũrũ.

⁵⁰ Rũ Ngechuchu nanangãxũ, rũ ñanagũrũ nũxũ: —Cuma rũ choxũ cuyaxõ erũ cumaã nũxũ chixu na igueratũũwa cuxũ na chadauxũ. Rũ ngẽmacèxicatama nixĩ i cuyaxõxũ. Natũrũ ngẽma ñuxma nũxũ cudauxũãrũ yexera tá nixĩ i nũxũ cudauxũ i yixcũra —ñanagũrũ.

⁵¹ Rũ ñanagũrũ ta ga Ngechuchu: —Rũ aixcũma pemaã nũxũ chixu rũ tá nũxũ pedaugũ na yawãnaxũ i daxũgũxũ i naãne. Rũ tá nũxũ pedaugũ i Tupanaãrũ orearũ ngeruũgũ i daxũcũãx i ngẽma daxũ ñgũxũ rũ írũxĩgũxũxũ i naetũwa ya Tupana Nane ya duũxũxũ ixĩcũ —ñanagũrũ.

2

Ngĩarũ peta ga ñãne ga Canáwa ùxũ ga Gariréaanewa

¹ Rũ yexguma marũ tomaẽxpũx ga ngunexũ Gariréaanearũ ñãne ga Canáwa nayexmagu ga Ngechuchu, rũ nayexma ga wũxi ga ngĩarũ peta. Rũ yemawa ngxina naxugũ ga naẽ ga Ngechuchu.

² Rũ Ngechuchuna rũ toxna rũ ta naxugũe na yéma taxĩxcèx.

³ Rũ nagux ga norũ axexũ ga binu. Rũ Ngechuchu naẽ ngĩgũrũgũ nũxũ ga Ngechuchu: —Marũ nagũarũ binuãxgũ —ngĩgũrũgũ.

⁴ Natũrũ Ngechuchu ngĩxũ nangãxũ, rũ ñanagũrũ: —Pa Mamax, jũxcũcũ chomaã nũxũ quixu i ngẽma? Erũ tauta nawa nangu na chanaxũxcèx i ñacũ rũ mexũ i Tupanaãrũ poramaã ùxũ —ñanagũrũ.

⁵ Natũrũ ga ngĩma ga naẽ rũ ngĩgũrũgũ nũxũ ga yema baegũxũ namaã ga binuchiũ: —jPenaxũx i guxũma i ngẽma nũma pemaã nũxũ yaxuxũ! —ngĩgũrũgũ.

⁶ Rũ yéma iyexma ga 6 ga tũxũ ga nutagũngĩxcèx. Rũ wũxichigũ ga yema tũxũwa rũ maneca yexma name ga 50 rũ ẽxna 70 litrugũ ga dexá. Rũ yema tũxũgũ iyixĩ ga yema Yudiũgũ ngĩxũ ixũgũãcũgũcũ ga yexguma dexamaã nũgũ yayauxmẽxgũchaũgu na Tupanacèx nũgũ yamexẽẽgũxũcèx.

⁷ Rũ Ngechuchu rũ yema baegũxũxũ namu, rũ ñanagũrũ: —jDexamaã ngĩxũ pixũgũãcu i ñãã tũxũgũ! —ñanagũrũ. Rũ nũmagũ ga yema baegũxũ rũ meãma ngĩxũ nixũgũãcu.

⁸ Rũ Ngechuchu ñanagũrũ nũxũ: —Rũ ñuxma chanaxwẽxe i írãxũ peyaxu, rũ petaarũ yoraxũtawã penange —ñanagũrũ. Rũ yemaãcũ nanaxũgũ ga yema baegũxũ.

⁹ Rũ yema petaarũ yora nũxũ naxaxneta ga yema dexã ga binuxũ nacèxichixũ. Natũrũ tama nũxũ nacuèx ga ngextã na nayauxgũãxũ. Rũ yema baegũxũxcatama nixĩ ga nũxũ cuèxgũxũ ga dexámãre na yĩxũ ga noxrix. Rũ yexgumatama ga yema petaarũ yora rũ yema yatũ ga ingĩxcèx naca.

¹⁰ Rũ ñanagũrũ nũxũ: —Guxũ i naãnewa rũ duũxũgũ rũ noxri rũ namaã nabae ya mecũ ya binu. Rũ ngẽxguma marũ meãma guxũma axegũgu i ngẽma nũxna naxuxũ, rũ ngẽmawena rũ nũxna nanaxã ya ngexcũrũcũmare ya binu. Natũrũ i cuma rũ marũ nagũxchaũgu i peta, rũ mexèchicũ ya binumaãtama cuyaxaxegũxẽẽ i duũxũgũ —ñanagũrũ.

¹¹ Rũ guma Gariréaanewa yexmane ga ñãne ga Canáwa nixĩ ga yema naxũxũ ga Ngechuchu. Rũ yema nixĩ ga nũxĩraũxũ ga cuèxruũ ga Tupanaãrũ poramaã ùxũ ga nawa nũgũ inawèxũ ga Tupana Nane na yĩxũ. Rũ toma ga norũ ngũexũgũ rũ nũxũ tayaxõgũ.

¹² Rũ yemawena rũ Capernáũ ga ñãnewa naxũ ga Ngechuchu. Rũ naẽ rũ naẽneẽgũ rũ toma ga norũ ngũexũgũ rũ ta itayaxũmũcũgũ. Rũ yéma guma ñãnewa tayexmagũ ga ñuxre ga ngunexũ.

*Ngechuchu rü tupauca ga taxũnewa ínanawoxũ ga yema duũxũgũ ga yéma taxegũxũ
(Mt 21.12-13; Mr 11.15-18; Lc 19.45-46)*

¹³ Rũ toma ga Yudiũgũ rü marũ ningaica ga torũ peta ga Üpetũchiga. Rũ yemacèx ga Ngechuchu rü Yerucharéũwa naxũ.

¹⁴ Rũ yexma tupauca ga taxũnegu nüxũ nayangau ga duũxũgũ ga yéma norũ wocagũmaã rü carnerugũmaã rü muxtucugũmaã taxegũxũ. Rũ yéma nüxũ nadau ta ga duũxũgũ ga norũ taxechicawa rütogũxũ rü Tupanaarũ ámarewa mexũ ga díerumaã yéma taxegũxũ.

¹⁵ Rũ yexguma yemaxũ nadèuxgu ga Ngechuchu, rü nanaxũ ga wũxi ga çuaixruũ ga naxchèxmünaxcèx. Rũ yemamaã tupauca ga taxũnewa ínanawoxũ ga yema duũxũgũ guxũma ga norũ carnerugũmaã rü wocagũmaã. Rũ yema díerucèx taxegũxũârũ díeru rü ngĩxũ narũwoũ ñaxtũanegu. Rũ norũ mechagũ rü ta nüxũ nawoneta.

¹⁶ Rũ yema muxtucugũmaã taxegũxũxũ ñanagũrü: —¡Ípeyana i ngẽma perũ muxtucugũ i nuã! Tama name i taxepataũxũ peyaxĩxèè ya daa Chaunatũpata —ñanagũrü.

¹⁷ Rũ yexguma ga toma ga norũ ngũexũgũ rü nüxna tacuèxãchie ga nuxcũmaũxũ ga ùmatũxũ ga ñaxũ:

“Duũxũgũ rü tá chauxchi naxaie erũ chanachuxu i ñacũ i chixexũ na naxũgũxũ i Tupanapatawa”,

ñaxũ.

¹⁸ Rũ yexguma ga yema àèxgacũgũ rü Ngechuchuna nacagũ, rü ñanagũrügũ: —¿Tacũ rü cuèxruũxũ toxũ cudadaxèè na nawa nüxũ tacuáxũcèx na aixcũma Tupana yĩxũ ya cuxũ mucũ na ícunawoxũxũcèx i ñaã duũxũgũ i nuã? —ñanagũrügũ.

¹⁹ Rũ Ngechuchu nanangãxũ, rü ñanagũrü: —¡Nagu pepogũe ya daa tupauca ya taxũne! Rũ choma rü tomaèxpũx i ngunexũgũ rü tá wena íchanadaxèè —ñanagũrü.

²⁰ Rũ yexguma ga yema àèxgacũgũ rü nanangãxũgũ, rü ñanagũrügũ: —Rũ 46 ga taunecũ nawa napuracũe ga duũxũgũ na naxũgũãxũcèx ga daa tupauca ya taxũne. ¿Rũ ñuxãcũ tá i cuma i tomaèxpũx i ngunexũ tátama wena ícunadaxèèxũ? —ñanagũrügũ.

²¹ Natürũ guma Tupanapata ga Ngechuchu nachiga idexane rü naxũnechigatama nixĩ.

²² Rũ yemacèx ga toma ga norũ ngũexũgũ, rü yexguma Ngechuchu yuwa írũdaxgu, rü nüxna tacuèxãchie ga yema ore ga Ngechuchu nüxũ ixuxũ. Rũ aixcũma tayaxõgũ ga yema ore ga nüxũ yaxuxũ rü yema Tupanaarũ ore ga nuxcũmaũgũxũ ga orearũ uruũgũ Ngechuchuchigagu ùmatũgũxũ.

Ngechuchu rü nüxũ nacuèx i guxũtma i duũxũgũ

²³ Rũ yexguma Ngechuchu Üpetũchigaarũ petacèx Yerucharéũwa yexmagu, rü muxũma ga duũxũgũ rü nüxũ nayaxõgũ, yerũ nüxũ nadaugũ ga yema taxũ ga mexũgũ ga Tupanaarũ poramaã naxũxũ.

²⁴ Natürũ ga nũma ga Ngechuchu rü tama yema duũxũgũmèxèwa nügũ nayexmaxèèchaũ, yerũ woetama marũ nüxũ nacuèx ga ñacũgu na naxĩnũèxũ ga guxũtma ga yema duũxũgũ.

²⁵ Rũ yemacèx ga nũma rü taxucèxma texé namaã nüxũ tixu na ñacũgu naxĩnũèxũ ga yema duũxũgũ. Yerũ nũmatama marũ nüxũ nacuèx ga ñacũgu na naxĩnũèxũ ga naãewa ga wũxichigũ.

3

Ngechuchuxũtagu nanaxũãne ga Nicodẽmu

¹ Nayexma ga wũxi ga Parichéu ga Nicodẽmugu àegacũ. Rũ nũma rü wũxi ga àèxgacũ ga nüxũ nangechaũgũcũ nixĩ ga Yudiũgũtanũwa.

² Rũ guma Nicodẽmu rü Ngechuchuxũtagu nanaxũãne ga chũtacũ. Rũ ñanagũrü Ngechuchuxũ: —Pa Ngũxèèruũx, toma nüxũ tacuèx na aixcũma Tupana nũma cuxũ muxũ na toxũ cungũxèèxũcèx. Erũ taxucũrũwa texé cuxrũũ tanaxũ i ngẽma taxũ i mexũgũ i Tupanaarũ poramaã ùxũ, ega tama Tupana tũmaxũtawa ngèxmagu —ñanagũrü.

³ Rũ Ngechuchu nanangãxũ rü ñanagũrü nüxũ: —Aixcũma cumaã nüxũ chixu, rü yixema tama wenaxãrũ buxe rü taxucũrũwama Tupana àèxgacũ íixũxũwa tangu —ñanagũrü.

⁴ Rũ Nicodẽmu rü Ngechuchuna naca, rü ñanagũrü nüxũ: —¿Natürũ ñuxãcũ i wũxi i yatũ i marũ yaxũ i wena nabuxũ? ¿Èxna wena naããnũgu naxũcuxũ rü ngẽmaãcũ wena nabuxũ? —ñanagũrü.

⁵ Rũ Ngechuchu nanangãxũ rü ñanagũrü: —Rũ aixcũma cumaã nüxũ chixu rü yixema tama nüxũ rũxoxe i tũmaarũ pecadu rü tama Tupanaãe i Üünexũtwa nayaxũxe i maxũ i ngexwacaxũxũ, rü taxucũrũwama Tupana àèxgacũ íixũxũwa tichocu

⁶ —Yixema duũxũwa buxe rü duũxũtama tixĩ. Natürũ yixema Naãe i Üünexũtwa nayaxũxe i maxũ i ngexwacaxũxũ, rü Tupanaxãcũ tixĩ.

7 —¡Tãütãma cubaixãchiãe na cumaã nüxü chixuxü na Tupana naxwëxëxü na guxüma i duüxügü rü wena nabuexü!

8 —Ya buanecü rü nüma ínanaxwëxëxüwa nabu. Rü nüxü cuxínü i naga, natürü tama nüxü cucuëx na ngextáama ne naxüxü rü ngextáama na naxüxü. Rü ngëxgumarüü ta tixígü ya guxãma ya yíxema Naãe i Üünëxüwa nayaxúxe i maxü i ngëxwacaxüxü —ñanagürü.

9 Rü Nicodému wenaxãrü Ngechuchuna naca, rü ñanagürü: —¿Natürü ñuxãcü nixü i ngëma? —ñanagürü.

10 Rü Ngechuchu nanangãxü, rü ñanagürü nüxü: —Cuma rü Yudiügüarü ngüexëëruü i nüxü cuáxü quixü. ¿Rü ñuxãcü chi i cuma i tama nüxü cucuáxü i ngëma?

11 —Aixcüma cumaã nüxü chixu rü toma rü namaã tidexagü i ngëma nüxü tacuáxü. Rü norü uruü tixígü i ngëma nüxü tadaugüxü. Natürü pema rü tama toxü peyaxögü i ngëma pemaã nüxü tixuxü.

12 —Rü ñuxma na tama choxü peyaxögüxü i ngëma pemaã nüxü chixuxü i ñoma i naãneãrü ngëmaxüchiga, rü ¿ñuxãcü tá peyaxögüxü ega pemaã nüxü chixuxgu i daxügüxü i naãneãrü ngëmaxüchiga?

13 —Taguma texé daxügüxü i naãnewa taxü. Natürü i choma i Tupana Nane na duüxüxü chixü, rü chaxicatama nixü i ngëma ne chaxüxü rü ngëma tá chaxüxü.

14-15 —Pema nüxü pecuëx ga ñuxãcü nuxcümaxüchima yema nachica ga ngextá taxüema íxãpataxüwa, rü Moíché wüxi ga naígu nanaxünagü ga yema áxtape ga diërumünaxcëx. Rü ngëxgumarüü tá ta i choma i Tupana Nane i duüxüxü chixü, rü wüxi i naígu tá choxü naxünagügü i duüxügü na guxãma ya texé ya choxü yaxögüxe rü tüxü nangëxmaxüxcëx i maxü i taguma güxü.

Tupana rü poraãcü nüxü nangechaü i ñoma i naãnecüãx

16 —Rü Tupana rü poraãcü nüxü nangechaü i ñoma i naãnecüãx i duüxügü. Rü yemacëx ínanamu ga Nane ga nügümaã wüxicacü na guxãma ya texé ya nüxü yaxögüxe rü tama ítarütauxëxüxcëx rü tüxü nangëxmaxüxcëx i maxü i taguma güxü.

17 —Yerü ga Tupana rü tama ñoma ga naãnewa nanamu ga Nane na duüxügümaã naxuegüãxüxcëx na napoxcuxü. Natürü nüma nanamu na namaxëxëãxüxcëx i duüxügü.

18 —Rü yíxema Tupana Naneãxü yaxöxë, rü Tupana rü tama tümamaã nanaxuegu na tapoxcuxü. Natürü yíxema tama nüxü yaxöxë, rü marü tümamaã nanaxuegu na tapoxcuxü, erü tama nüxü tayaxö ya yima Tupana Nane ya nügümaã wüxicacü.

19 —Rü yíxema tama nüxü yaxögüxe, rü Tupana rü marü tümamaã nanaxuegu na tapoxcuxü. Yerü yëxguma ñoma ga naãnewa nanguxgu ga Tupana Nane ya duüxügüarü ngóonëxëëruü, rü tama nawe tarüxíchaü. Natürü yëxera tümããrü me nixü ga ëãnëxüwaama na tayëxmagüxü, yerü chixëxü taxügü.

20 —Guxãma ya yíxema chixëxü ügüxe rü naxchi taxaie i ngóonëxü. Rü tama nüxna tangaicamagüchaü erü tama tanaxwëxe na nangóxü i ngëma chixëxü i ítaxügüxü.

21 —Natürü yíxema aixcüma Tupanaãrü ore nüxü íxuxüãcüma meã maxëxë rü nüxna tangaicama i ngëma ngóonëxü. Rü ngëmaãcü tanaxü na meã nangóxüxcëx na Tupanaãrü ngüchaüãcüma na yíxü i guxüma i ngëma taxügüxü —ñanagürü.

Cuáü ga baiüxëëruü rü wenaxãrü nüxü nixu ga Ngechuchuchiga

22 Rü yemawena rü tomaã Yudeãanewa naxü ga Ngechuchu. Rü ñuxre ga ngunëxü tomaã yéma nayexma rü yéma duüxügüxü ítabaiüxëëgü.

23 Rü Cuáü ga baiüxëëruü rü Enóãrü íãnewa ga Charíarü ngaicamana rü ínanabaiüxëë ta ga duüxügü yerü yéma nayexma ga taxü ga dexá. Rü yema yéma íngügetanüxü ga duüxügü, rü Cuáü ínayabaiüxëëtanü.

24 Rü yemaãcü nangupetü naxüpa ga na poxcupataügu yatëxcuchixü ga Cuáü.

25 Rü yëxguma rü ñuxre ga norü ngüexügü ga Cuáü, rü wüxi ga Yudiümaã niporagatanücüü nachiga ga nacümagü na ñuxãcü namëxü na Tupanaçëx nügü yamëxëëgüxü ga duüxügü.

26 Rü Cuáümaã nüxü nayarüxugüxe, rü ñanagürügü: —Pa Ngüexëëruüx, dücax guma yatü ga tomaã nüxü quixucü rü cumaã yëxmacü ga natü i Yudáüãrü tocutüwa, rü yima rü ñuxma rü duüxügüxü ínabaiüxëë, rü guxüma i duüxügü rü nawe narüxü —ñanagürügü.

27 Rü Cuáü nanangãxü rü ñanagürü nüxü: —Taxüema tacü tüxü nangëxma ega Tupana tama tüxna naxãxgu.

28 —Pematama rü marü choxü pëxínüë ga yëxguma ñachagu:

“Choma rü tama Cristu chixü. Natürü choma chixü i Tupana yima Cristupëxegu choxü imuxü na nüxü chixuxüxcëx i nachiga”, ñachagu.

29 —Rü wüxi i ngígüwa rü yima yatü ya íngicü rü naxmëxãrü yora nixü. Rü yima yatümücü i naxütawa ngëxmaxü rü nüxü ínarüxínü i norü ore. Rü nataãe i ngëxguma nüxü naxínügu

i ngêma na yadexaxũ. Rũ ngêxgumarũũ i choma rũ aixcũma Cristumaã chataãêxũchi i ñuxmax.

³⁰ —Nũma rũ tá nixĩnagũchigũ na ãêxgacũ yĩxũ, natũrũ i choma rũ tá ícharũxĩchigũ.

Yima daxũwa ne ũxcũchiga

³¹ —Rũ yima Cristu ya daxũwa ne ũxcũ rũ guxãetũwa nangêxma. Natũrũ i choma rũ ñoma i naãnewa changêxma, rũ ñoma i naãneçũãx chixĩ, rũ ngêma ñoma i naãnewa ngêxmaxũchigaxũ chixu. Natũrũ i nũma ya Cristu ya daxũwa ne ũxcũ, rũ guxãetũwa nangêxma.

³² —Rũ nũma rũ tamaã nũxũ nixuchiga ga yema nũxũ nadauxũ rũ nũxũ naxĩnũxũ. Natũrũ noxretama nũxũ nayaxõgũ i ngêma nũxũ yaxuxũ.

³³ —Natũrũ ngêxguma texê nũxũ yaxõxgu i norũ ore, rũ ngêmaãcũ tanangõxêê na aixcũma yĩxũ i ngêma Tupana nũxũ ixuxũ.

³⁴ —Rũ yima Tupana nũma namucũ, rũ Tupanaãrũ orexũ nixu. Erũ Tupana rũ nũxna nanamu i Naãe i Ũñexũ na guxũguma naxũtawa nangêxmaxũcêx.

³⁵ —Rũ Tanatũ ya Tupana rũ Nanexũ nangechaũ. Rũ ngêmacêx marũ naxmêxwa nanangêxmaxêê i guxũma i ñacũ i ngêxmaxũ.

³⁶ —Rũ yixema Tupana Naneãxũ yaxõxê rũ tũxũ nangêxma i maxũ i taguma gũxũ. Natũrũ yixema tama nũxũ yaxõxchaũxê ya Tupana Nane, rũ tãtũma tũxũ nangêxma i ngêma maxũ i taguma gũxũ. Natũrũ tá tanayaxũ i ngêma ãũcũmaxũ i poxcu i Tupana tá namaã tũxũ poxcuxũ —ñanagũrũ ga Cuáũ ga baiũxêeruũ.

4

Ngechuchu rũ Chamáriaaneçũãx ga ngeçũ

¹ Rũ Parichéugũ rũ nũxũ nacuáchigagũ ga Ngechuchu rũ Cuáũãrũ yexera nũxũ na nayexmaxũ ga norũ ngũexũgũ, rũ norũ yexera duũxũgũxũ na ínabaiũxêêxũ.

² Natũrũ tama Ngechuchu nixĩ ga ínabaiũxêêcũ ga duũxũgũ. Rũ toma ga norũ ngũexũgũ tixĩ ga tanaxũxũ ga yema.

³ Rũ yexguma Ngechuchu nũxũ ñnũga ga Parichéugũ rũ nachigagu na yadexagũxũ, rũ yéma Yudeãanewa ítachoxũ na Gariréaanecêx tawoeguxũ.

⁴ Natũrũ ga yema nama ga nagu tawoeguxũ rũ Chamáriaanewa nadapetũ.

⁵ Rũ yemacêx ga toma rũ nawa tangugũ ga wũxi ga Chamáriaaneãrũ ñãne ga Chicaru. Rũ guma ñãneãrũ ngaicamana nayexma ga yema naãne ga nuxcũmaũcũ ga Acobuaxũ yexmaxũ rũ yixcama rũ nane ga Yũchena naxãxũ.

⁶ Rũ yéma nayexma ga wũxi ga puchu ga duũxũgũ dexácêx íxaixmaũgũcũ ga Acobuarũ Puchugu ãegacũ. Rũ poraãcũ nipa ga Ngechuchu ga namagu na yaxũxũ. Rũ yemacêx guma puchuxũtawa nayarũtoõchi. Rũ tocuchiwa nanguxchaũ ga yexguma.

⁷⁻⁸ Rũ toma ga norũ ngũexũgũ rũ guma ñãnewa taxĩ na torũ õnacêx tayataxegũxũcêx. Rũ towena yéma ingu ga wũxi ga ngeçũ ga Chamáriaaneçũãx ga guma puchuwa dexáwa ũcũ. Rũ Ngechuchu rũ ñanagũrũ ngĩxũ: —Íraxũ i dexá choxna naxã! —ñanagũrũ.

⁹ Natũrũ ga yema nge rũ íbaixãchiãê yerũ ga Yudíugũ rũ Chamáriaaneçũãxgũmaã ngũgũchi naxaie rũ yemacêx ga yema nge rũ inangãxũ rũ ngĩgũrũgũ nũxũ: —¿Ñuxãcũ i cuma na Yudíu quixũ i dexácêx choxna cuçaxũ i choma na Chamáriaaneçũãx chĩxũ? —ngĩgũrũgũ.

¹⁰ Rũ Ngechuchu ngĩxũ nangãxũ, rũ ñanagũrũ: —Ngêxguma chi nũxũ cucuêxgu i ngêma mexũ i Tupana cuxna ãxchaũxũ, rũ chi nũxũ cucuêxgu na texê yĩxũ ya yima dexá cuxna taçacũ, rũ cuma rũ chi nũxnata cuca i dexá i maxũ nawa ngêxmaxũ rũ nũma rũ chi cuxna nanaxã i ngêma dexá —ñanagũrũ.

¹¹ Rũ yema ngeçũ inangãxũ, rũ ngĩgũrũgũ nũxũ: —Pa Corix, ¿ñuxãcũ tá i dexáta cuyaxu? Erũ daa puchu rũ namátamaxũchi rũ cuxũ nataxuma na ñacũmaã cunayaxuxũcêx i dexá. ¿Rũ ngextá tá i cunayaxuxũ i ngêma dexá i maxũ nawa ngêxmaxũ na choxna cunaxãxũcêx?

¹² —Nuxcũmaũcũ ga tórũ oxĩ ga Acobu toxçêx nũma Chamáriaanewa nanatêx ga daa puchu. Rũ gumawa nixĩ ga naxaxexũ ga nũma rũ nanegũ rũ norũ wocagũ. ¿Rũ ñuxãcũ chi i cuma i norũ yexera quixũ? —ngĩgũrũgũ.

¹³ Rũ Ngechuchu ngĩxũ nangãxũ, rũ ñanagũrũ: —Rũ guxãma ya texê ya daa puchuarũ dexáwa axexe, rũ wena táxaruũ tĩtawae.

¹⁴ —Natũrũ texê ya yixema choma tũxna chaxãxũ i dexáwa axexe, rũ tagutãma wena tĩtawae. Erũ ngêma dexá i choma tũxna chaxãxũ rũ wũxi ya puchu ya guxũguma íbaibecũrũũ tá nixĩ i tũmawa, erũ ngêma dexáwa nangêxma i maxũ i taguma gũxũ —ñanagũrũ.

¹⁵ Rũ ngĩma ga yema nge rũ inangãxũ rũ ngĩgũrũgũ: —Pa Corix, ¿choxna naxã i ngêma dexá na taguma wena chĩtawaxũcêx, rũ taguma wena daa puchuwa dexáwa chaxũxũcêx! —ngĩgũrũgũ.

¹⁶ Rũ Ngechuchu ñanagũrũ ngĩxũ: —Íyadau ya cute, rũ naxcèx yaca, rũ nuã pexĩ! — ñanagũrũ.

¹⁷ Rũ yema ngecũ rũ inangãxũ, rũ ngĩgũrũgũ nũxũ: —Nataxuma ya chaute —ngĩgũrũgũ. Rũ Ngechuchu ñanagũrũ ngĩxũ: —Aixcũma nixĩ i ngẽma nũxũ quixuxũ na nataxuũma ya cute.

¹⁸ —Yerũ wũximẽxpũxchirẽx nixĩ ga cute, rũ yima ñuxma cuxũtawa ngẽxmacũ rũ tama aixcũma cutexũchi nixĩ. Rũ ngẽmacèx aixcũma nixĩ i curũ ore i chomaã nũxũ quixuxũ — ñanagũrũ.

¹⁹ Rũ yexguma yemaxũ naxĩnũgu ga yema ngecũ, rũ ngĩgũrũgũ: —Pa Corix, nũxũ chicuèxãchi rũ cuma rũ wũxi i Tupanaãrũ orearũ uruũ quixĩ.

²⁰ —Nuxcũmaũgũxũ ga torũ oxigũ ga Chamãriaanecũãxgũ rũ daa mèxpũne ga Garachĩtwa Tupanaxũ nicuèxũũgũ. Natũrũ i pema i Yudiũgũ rũ ñaperũgũgũ:

“Rũ Yerucharẽũ nixĩ i nachica i mexũ i ngextã Tupanaxũ ticuèxũũgũ”, ñaperũgũgũ.

²¹⁻²² Rũ Ngechuchu ngĩxũ nangãxũ rũ ñanagũrũ: —Pema i Chamãriaanecũãxgũ rũ tama aixcũma nũxũ pecuèxgũ ya yima nũxũ picuèxũũgũcũ. Natũrũ toma i Yudiũgũ rũ aixcũma nũxũ tacuèx ya yima nũxũ ticuèxũũgũcũ, erũ Yudiũgũgagu nixĩ i Tupana namaxèxèèxũ i guxũma i duũxũgũ. ¡Choxũ yaxõ, Pa Ngecũx! Rũ aixcũma ñangu tá i ngunexũ na tãũtãma daa mèxpũnewa rũ èxna Yerucharẽũtwa tá nũxũ na picuèxũũgũxũ ya Tanatũ ya Tupana.

²³ —Erũ yĩxema aixcũma Tupanaxũ icuèxũũgũxe rũ nũetama nixĩ i ngẽxũrũũxũmare i nachicawa Tupanaxũ ticuèxũũgũ. Erũ ñuxma rũ ngẽma Naãe i Ũũnèxũ naxwèxèxũ nixĩ na guxũma i tũmaãẽmaã rũ tũmaãrũ maxũmaã aixcũma Tupanaxũ ticuèxũũgũxũ. Rũ ngẽmaãcũ nixĩ i nanaxwèxèxũ ya Tanatũ na nũxũ ticuèxũũgũxũ.

²⁴ —Erũ Tupana rũ wũxi i Naãe nixĩ. Rũ ngẽmacèx yĩxema texé ya nũxũ icuèxũũgũxe rũ tanaxwèxe i guxũma i tũmaãẽmaã rũ tũmaãrũ maxũmaã na aixcũma nũxũ ticuèxũũgũxũ, ngẽma Naãe i Ũũnèxũ naxwèxèxũãcũma —ñanagũrũ.

²⁵ Rũ yema ngecũ inangãxũ rũ ngĩgũrũgũ: —Choma nũxũ chacuèx rũ tá ñoma i naãnewa nangu ya yima Cristu ya Tupana nũxũ unetacũ. Rũ ngẽxguma yima nũma ũxgu rũ tá tamaã nanangoxèè i guxũma i Tupanachiga —ngĩgũrũgũ.

²⁶ Rũ Ngechuchu rũ ñanagũrũ ngĩxũ: —Choma na cumaã chidexaxũ, rũ yima chixĩ — ñanagũrũ.

²⁷ Rũ yexguma iyadexayane rũ itangugũ ga toma ga norũ ngũexũgũ. Rũ taãaixãchiãegũ yerũ ga Ngechuchu rũ wũxi ga ngecũmaã ñidexa. Natũrũ taxũema ga toma rũ togũ taporaxèè ga nũxna na tacagũxũ ga tacũ ngĩmaã na nanaxwèxèxũ rũ tacũchiga yĩxũ ga ngĩmaã na iyadexaxũ.

²⁸ Rũ yexguma ga yema ngecũ rũ yẽma ngĩxũ itèx ga ngĩrũ tũxũ. Rũ ñãnewa ixũ na duũxũgũmaã nũxũ yanaxuxũcèx.

²⁹ Rũ ngĩgũrũgũ: —¡Ngĩxã rũ itayadaugũ i wũxi i yatũ i chomaã nũxũ ixũxũ ga guxũma ga tacũ ga chaxũxũ! ¿Taux èxna yima yĩxũ ya Cristu? —ngĩgũrũgũ.

³⁰ Rũ ñaxĩãchi ga yema ñãnecũãx, rũ Ngechuchu iyexmaxũwa naxĩ.

³¹ Rũ yoxni ga toma ga norũ ngũexũgũ rũ Ngechuchuxũ tachixewegũ na nachibũxũcèx.

³² Natũrũ ga nũma rũ ñanagũrũ toxũ: —Choma rũ choxũ nangèxma i chowemũ i pema tama nũxũ pecuãxũ —ñanagũrũ.

³³ Rũ yexguma ga toma ga norũ ngũexũgũ rũ togũna tacagũ, rũ ñatarũgũgũ: —Bexmana marũ ¿texé nuã tanange i nawemũ? —ñatarũgũgũ.

³⁴ Natũrũ ga Ngechuchu rũ ñanagũrũ toxũ: —Ngẽma õna i choxũ poraxèèxũ nixĩ na chanaxũxũ i norũ ngũchaũ ya yima nuã choxũ mucũ ya Chaunatũ, rũ na chayanguxèèxũ i norũ puracũ.

³⁵ —Rũ pema rũ ñaperũgũgũ:

“Rũ ãgũmũcũ ya tauemacũ nataxu na yabuxgũxũ i trigu”, ñaperũgũgũ. Natũrũ i choma rũ ñacharũgũ pexũ:

“¡Dũcèx, rũ meã penangugũ i duũxũgũ! Erũ marũ ñãnegũ na Tupanaxũ nayauxgũxũcèx, ngẽxgumarũ i wũxi i trigunecũ i marũ nawa nanguxũ na yabuxgũxũ erũ marũ nidau”.

³⁶ —Rũ yĩxema Tupanacèx nadexe i duũxũgũ rũ tá tanayaxu i tũmaãrũ natanũ. Rũ guxũma i ngẽma duũxũgũ i tũxũ irũxĩnũèxũ rũ tá nanayauxgũ i maxũ i taguma gũxũ. Rũ ngẽmaãcũ rũ wũxigu tá tataãegũ ya yĩxema tũxira ngẽma duũxũgũmaã Tupanaãrũ orexũ ixuxe rũ yĩxema yixcama ngẽma duũxũgũxũ Tupanacèx dexe.

³⁷ —Rũ aixcũma nixĩ i ngẽma ore i ñaxũ:

“Wũxie tixĩ ya namaã toxèe i trigu rũ togue tixĩ ya yĩxema yabuxgũxe i norũ o”, ñaxũ. [Rũ ngẽxgumarũ rũ wũxie tixĩ ya tũxira duũxũgũmaã nũxũ ixuxe i Tupanaãrũ ore, rũ togue tixĩ ya yixcama ngẽma duũxũgũxũ dexe Tupanacèx.]

³⁸ –Rü noxri rü togü nixi ga duŦxügümaã nüxŦ ixuxŦ ga Tupanaãrü ore, natürü ga duŦxügü rü tama nayaxögü ga yexguma. Rü yemawena rü pexŦ chamu na yema duŦxügümaã nüxŦ pixuxŦcëx ga yema ore. Rü pema nixi ga yema duŦxügüxŦ pedexŦ Tupanacëx, yerü nayaxögü ga yexguma namaã nüxŦ pixuxgu ga yema ore. Rü yemaãcü ga pema rü marü peyoxnië nawa ga togüarü puracü –ñanagürü.

³⁹ Rü muxŦma ga yema Chamáriaanewa yexmane ga ñanecŦŦx rü NgechuchuaxŦ nayaxögü, yerü nüxŦ nayaxögü ga yema ore ga yema ngecŦ namaã nüxŦ ixuxŦ ga yexguma ngŦxgu:

“GuxŦma ga Ŧacü ga Ŧpa chaxüxŦ rü chomaã nüxŦ nixu” ngŦxgu.

⁴⁰ Rü yemacëx ga yema ChamáriaanecŦŦxgü rü yexguma NgechuchuxŦtawana nangugügu rü nüxŦ nacëxŦgü ga yexma natanügu na naxãxŦcëx. Rü taxre ga ngunexŦ yexma natanügu narüxãŦx ga Ngechuchu.

⁴¹ Rü muxŦma ga togüamachigü ga ChamáriaanecŦŦxgü rü NgechuchuaxŦ nayaxögü ga yexguma nüxŦ naxŦnügü ga yema norü ore ga numatama nüxŦ yaxuxŦ.

⁴² Rü yexguma ga yema duŦxügü rü ñanagürügü ngŦxŦ ga yema ngecŦ: –Ñuxma waxi nixi i aixcüma nüxŦ tayaxögüxŦ erü tomatama nüxŦ taxŦnügü i ngëma norü ore i tomaã nüxŦ yaxuxŦ. Rü ngëmawa nüxŦ tacuëx na aixcüma yima yiŦxŦ ya Cristu ya ñoma i nañecŦŦx i duŦxügüarü maxëëerü. Rü tama ngëma cuma tomaã nüxŦ quixuxŦcëxicatama tayaxögü –ñanagürügü.

Ngechuchu rü nanamexëë ga wüxi ga ãëxgacü nane

⁴³ Rü taxre ga ngunexŦguwena ga Ngechuchu rü tomaã inaxüãchi ga Chamáriaanewa na Gariréaanewa naxüxŦcëx.

⁴⁴ Rü numatama ga Ngechuchu ga Ŧpaacü rü ñanagürü: –Wüxi i Tupanaãrü orearü uruü, rü norü nañewatama i duŦxügü rü tama meã nanayauxgü –ñanagürü.

⁴⁵ Natürü yexguma Gariréaanewa tangugügu, rü yema nañecŦŦx ga duŦxügü rü meãma nanayauxgü. Yerü nümagü ga yema nañecŦŦxgü rü Yerucharëüwa naxi ta naxcëx ga Ŧpetüchigaarü peta, rü yëma nüxŦ nadaugü ga yema taxŦ ga mexŦgü ga Tupanaãrü poramaã naxüxŦ ga Ngechuchu ga yexguma.

⁴⁶ Rü ga Ngechuchu rü tomaã nataegu naxcëx ga guma ñane ga Caná ga Gariréaanewa yexmane. Rü guma ñanewa nixi ga binuxŦ nanguxuchixëëãxŦ ga dexá. Rü ñane ga Capernáüwa nayexma ga wüxi ga tacü ga ãëxgacü, rü nidaawe ga wüxi ga nane.

⁴⁷ Rü yexguma guma ãëxgacü nüxŦ cuáchigagu ga Ngechuchu rü Gariréaanewa na nanguxŦ ga Yudeaanewa na ne naxüxŦ, rü naxŦtawana naxü. Rü nüxŦ nayacëxŦ na napatawa naxüxŦcëx, rü naxcëx na yanataanexëëãxŦcëx ga guma nane ga marü turaxüchicü.

⁴⁸ Rü Ngechuchu nanangãxŦ, rü ñanagürü nüxŦ: –Pema rü tama peyaxögü ega tama nüxŦ pedauxiragu i taxŦ i cuëxruŦgü i Tupanaãrü poramaã üxŦ –ñanagürü.

⁴⁹ Natürü ga guma ãëxgacü rü ñanagürü nüxŦ: –Pa Corix, ipaxa chowe rüxŦ naxŦpa na nayuxŦ ya chaune! –ñanagürü.

⁵⁰ Rü Ngechuchu nanangãxŦ rü ñanagürü nüxŦ: –iNataegu i cupatawa! Erü cune rü marü naxcëx nitaane –ñanagürü. Rü guma yatü rü nayaxö ga yema ore ga Ngechuchu namaã nüxŦ ixuxŦ. Rü napatacëx nataegu.

⁵¹ Rü yexguma napatawa nanguxchaŦgu ga guma ãëxgacü, rü norü duŦxügü napëxegu nayayi, rü ñanagürügü nüxŦ: –Cune rü marü naxcëx nitaane –ñanagürügü.

⁵² Rü yexguma rü norü duŦxügüna naca, rü ñanagürü nüxŦ: –ŦTacü rü oragu inaxügüxŦ na naxcëx yataanexŦ? –ñanagürü. Rü yema norü duŦxügü nanangãxŦ rü ñanagürügü: –Ñe tocuchiguwena nixi ga nüxŦ nangupetüxŦ ga na yaxaxünexŦ –ñanagürügü.

⁵³ Rü guma bucü nanatü rü nüxna nacüëxãchi ga yema oragu na yiŦxŦ ga Ngechuchu ga ñaxŦ nüxŦ:

“Cune rü marü naxcëx nitaane” ñaxŦ. Rü nüma ga guma ãëxgacü rü guxŦma ga napatacŦŦx rü NgechuchuaxŦ nayaxögü.

⁵⁴ Rü yexguma Yudeaanewa ne naxüxgu ga Ngechuchu, rü yema nixi ga norü taxre ga cuëxruŦ ga taxŦ ga Tupanaãrü poramaã duŦxügüxŦ nawëxŦ ga Gariréaanewa.

5

Ngechuchu rü nanamexëë ga wüxi ga yatü ga idaawexŦ ga Betechawa yexmaxŦ

¹ Rü ñuxre ga ngunexŦgü ngupetüguwena rü nayexma ga wüxi ga peta ga Yudügü auregüxŦ na yemaãcü TupanaxŦ yacuëxüŦgüxŦcëx. Rü yemacëx ga Ngechuchu rü Yerucharëüx nataegu.

² Rü guma ñaneãrü poxeguxŦ rü nüxŦ nayexma ga wüxi ga ñax ga Carneruarü ChoxŦchicagu ãëgaxŦ. Rü yema ñaxãrü ngaicamana nayexma ga wüxi ga puchu ga

Yudiugügawa Betechagu ãegaxŭ. Rŭ guma puchuanacüwa nayexma ga wüximẽxpüx ga chopetüchica ga ãxpataŭetügüxŭ.

³ Rŭ yema chopetüchicagu nacagü ga muxŭma ga duŭxŭgü ga idaaweexŭ. Rŭ nümaxŭ rŭ nangexetügü, rŭ togü rŭ nachixeparagü, rŭ togü rŭ nanawãxãchigü. Rŭ yema idaaweexŭ rŭ yema nananguxẽegü ga guma puchu ga na naxiãxãchichiüxŭcẽx.

⁴ Yerü ñuxguacü rŭ guma puchugu ñnarüxŭxŭ ga wüxi ga daxücŭãx ga Tupanaãrŭ orearŭ ngeruŭ, rŭ nayaxiãxchiücüxẽexŭ. Rŭ guxema tüxira tügü yéma táxe nachiüwa ga guma puchu ga yexguma yaxiãxchiücüügu, rŭ tümacẽx nitaane woo ga ngẽxŭrŭümare ga ãawe tüxŭ yexmaxẽ.

⁵ Rŭ yéma natanüwa nayexma ga wüxi ga yatü ga marü 38 ga taunecü idaawecü.

⁶ Rŭ yexguma Ngechuchu nüxŭ dẽuxgu ga guma yatü ga yexma na nacaxŭ, rŭ nüxŭ nacuãchiga ga marü mucüma ga taunecü na yaãawexŭ. Rŭ yemacẽx nüxna naca rŭ ñanagürŭ nüxŭ: —¿Cunaxwẽxexŭ i cuxcẽx na yataanexŭ? —ñanagürŭ.

⁷ Rŭ Ngechuchuxŭ nangãxŭ ga guma idaawecü, rŭ ñanagürŭ: —Pa Corix, tataxuma ya texẽ ya choxŭ rüngüxẽexẽ na ngẽma choxŭ tataẽxŭcẽx i ngẽxguma naxiãxãchichiügu ya daa puchu. Rŭ guxŭguma i ngẽxguma ngẽma chaugŭ chatãechaŭgu, rŭ yoxni i togü rŭ marü nüxŭra nügü ngẽma natãegü —ñanagürŭ.

⁸ Rŭ Ngechuchu rŭ ñanagürŭ nüxŭ: —¡Nachi, rŭ nayaxu i curü caruŭ, rŭ ñixŭ! —ñanagürŭ.

⁹⁻¹⁰ Rŭ yexgumatama naxcẽx nitaane ga guma yatü. Rŭ nanayaxu ga norü caruŭ, rŭ ñixŭ. Natürŭ ga yema ngunexŭ rŭ ngüxchigaarŭ ngunexŭ nixŭ. Rŭ yemacẽx ga yemacŭãxgü ga Yudiugüarŭ ãẽxgacügü rŭ ñanagürŭgü nüxŭ ga guma yatü ga naxcẽx itaanecü: —Noma nixŭ i ngüxchigaarŭ ngunexŭ. Rŭ ngẽmacẽx nachuxu nixŭ na cuyangexŭ i curü caruŭ erü yemaãcü tamaã nüxŭ nixu ga Moichẽ —ñanagürŭgü.

¹¹ Natürŭ ga guma yatü rŭ yema Yudiugüarŭ ãẽxgacügüxŭ nangãxŭ, rŭ ñanagürŭ: —Yima choxŭ rümaxẽcũ rŭ ñanagürŭ choxŭ:

“¡Nayaxu i curü caruŭ rŭ ñixŭ!” ñanagürŭ.

¹² Rŭ yexguma ga yema ãẽxgacügü rŭ nüxna nacagü, rŭ ñanagürŭgü: —¿Texẽ ngẽma ñatarügü cuxŭ:

“¡Nayaxu i curü caruŭ rŭ ñixŭ!” ñatarügü cuxŭ? —ñanagürŭgü.

¹³ Natürŭ ga guma yatü rŭ tama nüxŭ nacuẽx ga texẽ naxcẽx na yataanexẽexŭ, yerü namuxŭchi ga duŭxŭgü ga yéma, rŭ yexma nayarütaxu ga Ngechuchu.

¹⁴ Natürŭ yixcama ga Ngechuchu rŭ tupauca ga taxünegu nüxŭ nayangau ga guma yatü, rŭ ñanagürŭ nüxŭ: —¡Dücẽx i ñuxma marü cuxcẽx na yataanexŭ, rŭ tãütãma wena chixexŭ cuxŭ na tama quidaawexŭcẽx namaã i wüxi i ãawe i ngẽma marü cuxŭ ngupetüxŭãrŭ yexera ixŭxŭ! —ñanagürŭ.

¹⁵ Rŭ ñixŭ ga guma yatü, rŭ Yudiugüarŭ ãẽxgacügümaã nüxŭ nayarüxu ga Ngechuchu na yixŭ ga guma namexẽcũ.

¹⁶ Rŭ yemacẽx nixŭ ga yema ãẽxgacügü ga Ngechuchucẽx nadaugüxŭ na yamẽxgüãxŭcẽx, yerü ngüxchigaarŭ ngunexŭgu napuracü.

¹⁷ Natürŭ ga Ngechuchu rŭ ñanagürŭ nüxŭ: —Chaunatü ya Tupana rŭ guxŭ i ngunexŭgu napuracü rŭ mexŭ naxŭ. Rŭ ngẽmacẽx i choma rŭ ta naxrŭt chapuracü —ñanagürŭ.

¹⁸ Rŭ yemacẽx ga yema Yudiugüarŭ ãẽxgacügü rŭ yexeraãcü Ngechuchuxŭ nimẽxgüchaŭ. Yerü tama naxrŭt nanaxaure ga ngüxchigaarŭ ngunexŭ rŭ ñuxŭchi nüxŭ nixu ga Nanatüxŭchi na yixŭ ga Tupana, rŭ yemaãcü nügü nixu ga Nanatü ga Tupanamaã na nawüxigüxŭ.

Nüma ga Tupanatama nixŭ ga Nanena naxããxŭ ga pora

¹⁹ Rŭ yexguma ga Ngechuchu rŭ ñanagürŭ nüxŭ ga yema ãẽxgacügü: —Aixcüma pemaã nüxŭ chixu rŭ choma i Tupana Nane rŭ tama chorü poramaã chanaxŭ i ãacü rŭ puracü i mexŭ. Natürŭ ngẽma nüxŭ chadauxŭ i Chaunatü üxŭxŭcatama nixŭ ichaxüxŭ. Rŭ guxŭma i ngẽma Chaunatü üxŭ, rŭ choma ya Nane rŭ ta chanaxŭ.

²⁰ —Chaunatü ya Tupana rŭ choxŭ nangechaŭ, rŭ ngẽmacẽx choxŭ nüxŭ nadauxẽẽ i guxŭma i ãacü i nüma naxüxŭ. Rŭ ngẽma ñuxma choxŭ nüxŭ nadauxẽẽxŭãrŭ yexera tá choxŭ nüxŭ nadauxẽẽ i yixcũra. Rŭ ngẽxguma i pema ega ngẽmaxŭ pedaugügu, rŭ tá pebaixãchiãegü namaã.

²¹ —Rŭ Chaunatü rŭ ñanadagüxẽẽ i yuexŭgü rŭ wena nanamaxẽxẽẽ. Rŭ ngẽxguma-rüŭ ta i choma i Nane rŭ tüxna chanaxã i maxŭ ya yixema chatümaxẽxẽxe na tüxna chanaxãxŭ.

²²⁻²³ —Rŭ tama Chaunatü nixŭ ya duŭxŭgüxŭ icagücü i norü maxŭchiga. Natürŭ choxŭ nixŭ i namuxŭ na chanaxŭxŭcẽx i ngẽma, na choxŭ yacuẽxŭgüxŭcẽx i duŭxŭgü, ngẽma Chaunatüxŭ na yacuẽxŭgüxŭrŭ. Rŭ yixema tama choxŭ icuẽxŭxŭxŭ, rŭ tama nüxŭ ticuẽxŭt ta ya Chaunatü ya choxŭ nuã mucü.

²⁴—Aixcúma pemaã nüxü chixu rü yíxema texé ya choxü irüxinüxé i chorü ore, rü nüxü yaxôxé ya yima Chaunatü ya núma choxü mucü, rü tüxü nangéxma i maxü i taguma gúxü. Rü Chaunatü rü tãütáma túmamaã nanaxuegu na tapoxcuxü erü marü nawa ítanguxuchi na tayuxü, rü tüxü nangéxma i maxü i taguma gúxü.

²⁵—Rü aixcúma pemaã nüxü chixu rü marü nawa tá nangu i ngunexü rü ñuxmatama nixí i chauga naxínüxü tá i ngéma duüxügü i norü pecadugu yuexü rü iyarütauxexü. Rü texé ya chauga ñnüxé rü tá tamaxé.

²⁶—Núma ya Chaunatü rü nüxü nangéxma i pora na namaxéxéãxúcèx i duüxügü. Rü ngéma pora rü choxna nanaxá ya Chaunatü na choma rü ta duüxügüxü chamaxéxéãxúcèx.

²⁷—Rü Chaunatü ya Tupana choxü namu na duüxügüna chaçaxúcèx naxcèx i norü maxúchiga, erü choma nixí i Nane i duüxüxü chiüxü.

²⁸—¡Tãxü i pebaixãchiãgüxü namaã i ñãã ore i pemaã nüxü chixuxü! Erü tá ínangu i ngéma ngunexü i nagu guxüma i duüxügü i yuexü rü tá na nüxü naxínüxü i chauga.

²⁹—Rü naxmaüguwa tá ínachoxü. Rü ngéma meã maxéxü, rü tá ínarüdagü na nayauxgüãxúcèx i maxü i taguma gúxü. Natürü ngéma chixexü ügüxü, rü tá ínarüdagü na napoxcuexúcèx.

Nawa nüxü icuáxü na Tupana yíxü ga Ngechuchuna naxãcü ga pora

³⁰—Choma rü taxucürüwa tacü chaxü chauechamatama ega tama choxü naxüxéãgu ya Chaunatü. Rü Chaunatü chomaã nüxü ixuxüãcúma nixí i nüxna chaçaxü i duüxügü i norü maxúchiga. Rü ngéxguma nüxna chaxaxü rü aixcúma meãma chanangugü i duüxügü. Erü tama choxrütama ngüchaü nixí i ngéma chaxüxü, natürü Chaunatü ya nuã choxü mucüarü ngüchaü nixí i ngéma chaxüxü.

³¹—Rü ngéxguma chi chauchigaxütama chixuxgu rü taxuwama name i ngéma.

³²—Natürü nangéxma i to i chauchigaxü ixuxü. Rü nüxü chachuèx rü aixcúma nixí i norü ore i pemaã nüxü yaxuxü.

³³Pema rü Cuáü ya baiüxéeruüxütawa penamugü ga perü duüxügü na nüxü pecuáxúcèx ga ore ga aixcúma íxüxü ga chauchiga. Rü yema ore ga Cuáü pexü namaã ngãxüxü rü aixcúma nixí.

³⁴—Natürü i choma rü tama chanaxwèxe i tacü rü yatü chauétüwa nachogü, erü choma tátama chaugüna chadau. Natürü pemaã nüxü chixu i ngéma Cuáüãrü ore na choxü peyaxögüxúcèx rü na penayauxgüxúcèx i maxü i taguma gúxü.

³⁵—Cuáü rü wüxi ga omü ga iyauracüüxü rü pexü báxixü—rü nixí ga pexcèx. Rü pema rü paxaãchi namaã petaãgü.

³⁶—Natürü nangéxma i tacü i Cuáüãrü orearü yexera chauétüwa íchogüxü. Rü ngéma nixí ga yema taxügü ga cuèxruügü ga Chaunatü choxü muxü na norü poramaã chanaxüxúcèx. Rü yemawa pexü nüxü chadauxé na aixcúma Chaunatü ya Tupana yíxü ga núma choxü mucü.

³⁷—Rü ngéxgumarütü ta ya Chaunatü ga guma núma choxü mucü, rü marü chauétüwa ínachogü, woo taguma nüxü pexínüé ga naga rü taguma nüxü pedau.

³⁸—Rü ngéma Chaunatüarü ore rü ta tama peãéwa nixücu, erü tama choxü peyaxögü woo Chaunatü núma choxü na muxü.

³⁹⁻⁴⁰—Pema meãma nawa pengúe i Tupanaãrü ore i úmatüxü, erü nagu perüxinüé rü ngémawa tá nüxü ipeyangau i perü maxü i taguma gúxü. Natürü woo ngématama Tupanaãrü ore i úmatüxüwa rü chauchiga meã na yadexaxü, natürü i pema rü tama choxü peyaxögüchaü na ngémaãcü penayauxgüxúcèx i ngéma maxü.

⁴¹⁻⁴²—Rü choma rü tama chanaxwèxe na choxü picüxüüügüxü erü meãma pexü chachuèx, rü nüxü chachuèx na tama aixcúma Tupanaxü pengechaügüxü.

⁴³—Chaunatü ya Tupana nixí ga núma choxü mucü, natürü i pema rü tama choxü peyauxgüchaü. Natürü ngéxguma chi tomare i yatü nagagutama núma üxgu, rü ngéma chi nixí i taãéacúma peyauxgüxü.

⁴⁴—¿Rü ñuxãcü chi choxü peyaxögü ega penaxwèxegu na pemücügütama pemaã taãéxü rü tama naxcèx pedaugügu na Tupanaxüchi pemaã taãéxü?

⁴⁵—¡Tãxü i nagu perüxinüéxü na choma tá yíxü na pexü chixugüxü i Chaunatüxütawa! Erü Moiché ga guma perü maxúcèx nüxü peyaxögücü tátama nixí ya yima pexü ixugücü i Chaunatüxütawa.

⁴⁶—Rü ngéxguma chi peyaxögügu i ngéma ore ga Moiché úmatüxü, rü choxü rü chi ta peyaxögü. Yerü ga Moiché rü chauchigagu nixí ga naxúmatüãxü ga norü poperawa.

⁴⁷—Natürü ngéxguma tama peyaxögügu i ngéma Moiché úmatüxü i ore, ¿rü ñuxãcü tá peyaxögü i ngéma choma pemaã nüxü chixuxü? —ñanagürü ga Ngechuchu.

6

Ngechuchu rü nanachibüexêê ga 5000 ga yatügü
(Mt 14.13-21; Mr 6.30-44; Lc 9.10-17)

¹ Rü yemawena ga Ngechuchu rü naxtaxa ga Gariréagu äeganearütocutüwa tomaã naxü. Rü norü toéga ga guma naxtaxa rü Tibéria nixí.

² Rü muxüma ga duüxügü rü nawe narüxí. Yerü üpaacü rü marü nüxü nadaugü ga ñuxäcü Ngechuchu na naxüxü ga taxü ga mexügü ga Tupanaärü poramaã üxü ga yexguma duüxügü ga idaaweegüxcèx yataanexêêgüägu.

³ Rü yexguma ga Ngechuchu rü wüxi ga mëxpünewa tomaã ínaxüächi. Rü wüxigu tomaã yéma narüto.

⁴ Rü marü ningaica ga yema Yudiügarü peta ga Üpetüchiga.

⁵ Rü yexguma Ngechuchu nüxü dawenügu rü nüxü nadau ga muxüma ga duüxügü ga nawe rüxüxü. Rü yemacèx Piripina naca, rü ñanagürü: —¿Rü ngextá tá naxcèx tataxe i nawemü i ñaã duüxügü na nachibüexêêxüxcèx? —ñanagürü.

⁶ Rü nümatama ga Ngechuchu rü marü nüxü nacüèx ga tacü tá na naxüxü. Natürü yema ñanagürü Piripixü, yerü nüxü nacüáxchaü ga tacümaã tá na nangãüäxü.

⁷ Rü yexguma Ngechuchuxü nangãxü ga Piripi, rü ñanagürü: —Woo chi naxcèx itaxegügu i 200 i dïeru nanguxü i päü, rü tãü chima nüxü ningü ega woo wüxichigüna íraxü íxächigügu —ñanagürü.

⁸⁻⁹ Rü yexguma ga Aüdré ga Ngechucharü ngüexü ga Pedru ga Chimáü nañeñe, rü ñanagürü: —Nuã nangèxma i wüxi i buxü rü nüxü nangèxma i 5 i päü i chebadanaxcèx rü taxre ta i choxni. ¿Natürü tacüwa name i ngéma naxcèx i ñaã muxüchixü i duüxügü? —ñanagürü.

¹⁰ Rü yexguma ga Ngechuchu rü ñanagürü toxü: —¡Écü, namaã nüxü pixu i duüxügü na ínatogüxcèx! —ñanagürü. Rü yema nachicawa rü nametèxeane ga guma maxê. Rü gumatèxewa narütogü ga duüxügü. Rü maneca 5000 wa nangu ga yexguma yatügüxica ixugügu.

¹¹ Rü yexguma ga Ngechuchu rü nanade ga yema päügü, rü Tupanana moxê naxã. Rü yemawena rü toxü nayanu na yema duüxügü ga yéma rütogüxüxü tayanuxcèx. Rü yexgumarüü ta ga choxni rü nüxü toxü nayanuxêê, ñuxmata meãma nachibüe ga guxüma ga yema duüxügü.

¹² Rü yexguma marü meã nachibüegu ga guxüma, rü Ngechuchu toxü namu rü ñanagürü toxü: —¡Penade i ngéma naxchipèxegü i íyaxügüxü na tama ínaxaiyèxüxcèx! —ñanagürü.

¹³ Rü tanade ga yema naxchipèxegü ga yema 5 ga päüwa íyaxüxü, rü 12 ga pexchi namaã tanaxüäcugü.

¹⁴ Rü yexguma yema duüxügü nüxü daugügu ga yema mexü ga taxü ga Tupanaärü poramaã naxüxü ga Ngechuchu, rü ñanagürügü: —Aíxcümaxüchi daa nixí ya Tupanaärü orearü uruü ga guma ínanguxêécü —ñanagürügü.

¹⁵ Natürü ga Ngechuchu rü nüxü nicüèxächi ga duüxügü rü na norü äëxgacüxü yangucuchixêêgüchaxü. Rü yemacèx nüxna nixügachi rü yéamaxüra naxü nawa ga guma mëxpüne na nüxícatama nayexmaxüxcèx.

Dexáétügu nixü ga Ngechuchu
(Mt 14.22-27; Mr 6.45-52)

¹⁶ Rü yexguma marü nachütagu, rü toma ga Ngechucharü ngüexügü rü wenaxärü naxtaacutüwa taxí.

¹⁷ Rü poraäcü naxêãne. Rü tama ínangu ga Ngechuchu. Rü yemacèx wüxi ga ngue ga taxünegu tichoü, rü ítaxíächi ga na tocutüwa taxíxü ga Capernáüärü íñewa na tangügüxcèx.

¹⁸ Rü yexguma tixãüyane rü ínaxügü ga na poraäcü yabuaxü. Rü yemagagu rü poraäcü nayuape.

¹⁹ Rü yexguma marü 5 ga kilómetru tixãügu, rü Ngechuchuxü tadaugü ga na dexächíüéügu yaxüxü. Rü toma ga norü ngüexügü rü poraäcü tamuüê.

²⁰ Natürü nüma ga Ngechuchu rü ñanagürü toxü: —Choma chixí. ¡Rü tãxü i pemuüèxü! —ñanagürü.

²¹ Rü yexguma ga toma ga norü ngüexügü rü taãêäcüma tanayauxgüchaxü ga toweüwa. Rü yexgumatama ítangugü ga yema ítaxíxüwa.

Ngechuchucèx nadaugü ga duüxügü

²² Rü moxüäcü ga yema duüxügü ga naxtaxaarü tocutügu rüchoxü, rü nüxü nicüèxächitanü ga toma ga Ngechucharü ngüexügü ga marü nagu na taxíxü ga guma

ngue ga taxŭne ga nŭgŭmaã wŭxicane. Rŭ nŭxŭ nacuèxgŭ ta ga Ngechuchu rŭ tama towe na naxŭxŭ.

²³ Rŭ yexguma yemagu ínaxínŭeyane, rŭ yoxocŭne ínangugŭ ga náigŭ ga ngue ga itaxŭne ga Tibériaarŭ íānewa ne íxŭne. Rŭ norŭ ngaicamana nangugŭ ga yema nachica ga ngextá Ngechuchu ínachibŭexèèxŭwa ga yema muxŭma ga duŭxŭgŭ ga yexguma moxè ínaxãxgu naxcèx ga yema pãu.

²⁴ Rŭ yexguma yema duŭxŭgŭ nŭxŭ daugŭgu ga guma nguewa na Ngechuchu rŭ toma ga na tatauxexŭma rŭ yexma guma nguegŭgu nichoŭ na Ngechuchucèx yadaugŭxŭ Capernáúârŭ íānegu.

Ngechuchu nixí i pãu i maxŭ tŭxna ãxŭ

²⁵ Rŭ yexguma guma naxtaxaarŭ tocutŭwa nangugŭgu ga yema duŭxŭgŭ, rŭ Ngechuchuxŭ yexma nayangaugŭ. Rŭ nŭxna nacagŭe, rŭ ñanagŭrŭgŭ: —Pa Ngúexèerŭtŭx, ¿ñuxgu nixí i nuã cunguxŭ? —ñanagŭrŭgŭ.

²⁶ Rŭ Ngechuchu nanangãxŭ, rŭ ñanagŭrŭ nŭxŭ: —Aixcŭma pemaã nŭxŭ chixu rŭ tama yema nŭxŭ na picuèxãchitanŭxŭcèx ga yema mexŭgŭ ga Tupanaarŭ poramaa chaxŭxŭ nixí i chauxcèx pedaugŭxŭ. Natŭrŭ chauxcèx pedaugŭ yerŭ meãma pechibŭe nawa ga yema ðna ga pexna chaxãxŭ.

²⁷ —¿Tãxŭ i naxcèx pepuracŭexŭ i ðna i paxama gŭxŭ! Rŭ narŭmemaè nixí i naxcèx pepuracŭe i ngema maxŭ i aixcŭma íxíxŭ i taguma gŭxŭ. Rŭ ngèma nixí i maxŭ i choma i Tupana Nane ya duŭxŭxŭ chixícŭ tá pexna chaxãxŭ, erŭ Chaunatŭ ya Tupana rŭ marŭ nanangoxèè na aixcŭma Nane chíxŭ —ñanagŭrŭ.

²⁸ Rŭ yexguma ga nŭmagŭ rŭ nŭxna nacagŭ, rŭ ñanagŭrŭgŭ: —¿Tacŭ tá taxŭe na tayan-guxèèxŭcèx i ngèma Tupana toxŭ naxwèxexŭ? —ñanagŭrŭgŭ.

²⁹ Rŭ Ngechuchu nanangãxŭ rŭ ñanagŭrŭ nŭxŭ: —Rŭ Tupana rŭ núma choxŭ namu. Rŭ ngèma núma pexŭ nanaxwèxexŭ nixí na choxŭ peyaxðgŭxŭ —ñanagŭrŭ.

³⁰ Rŭ yexguma ga nŭmagŭ rŭ nŭxna nacagŭ, rŭ ñanagŭrŭgŭ nŭxŭ: —¿Tacŭ rŭ cuèxruŭxŭ tá toxŭ cudadaxèè na cuxŭ tayaxðgŭxŭcèx na aixcŭma Cristu quiixŭ? ¿Rŭ tacŭ i to i mexŭ tá toxcèx cuxŭxŭ i ñuxmaxŭ?

³¹ Yerŭ nuxcŭmaŭgŭxŭ ga tórŭ oxigŭ, rŭ nanangðxgŭ ga yema pãu ga Tupana nŭxna ãxŭ ga chianexŭwa ga ngextá taxŭema íxãpataxŭwa. Rŭ Tupanaarŭ ore i ũmatŭxŭwa rŭ ñanagŭrŭ:

“Tupana rŭ daxŭcŭãx ga pãumaã nanachibŭexèè ga duŭxŭgŭ”, ñanagŭrŭ i ngèma orewa.

³² Rŭ Ngechuchu nanangãxŭ rŭ ñanagŭrŭ nŭxŭ: —Aixcŭma pemaã nŭxŭ chixu rŭ tama nixí ga Moiché yíxŭ ga nŭxna naxãxŭ ga yema pãu ga daxŭ- cŭãx, natŭrŭ Chaunatŭ ga Tupana nixí ga nŭxna naxãcŭ. Rŭ núma nixí i ñuxma i pexna naxããxŭ i pãu i aixcŭma íxíxŭ i daxŭwa ne ŭxŭ.

³³ —Erŭ ngèma pãu i Tupana íxãxŭ, rŭ daxŭguxŭ i nañewa ne naxŭ rŭ nanamaxèè i ñoma i nañecŭãx i duŭxŭgŭ —ñanagŭrŭ.

³⁴ Rŭ nŭmagŭ rŭ naxcèx ínacagŭ, rŭ ñanagŭrŭgŭ nŭxŭ: —Pa Corix, ¿guxŭguma toxna naxãècha i ngèma pãu! —ñanagŭrŭgŭ.

³⁵ Rŭ Ngechuchu ñanagŭrŭ nŭxŭ: —Choma nixí i ngèma pãu i maxèèerŭtŭ chíxŭ. Rŭ yíxema texé ya chauxŭtawa ŭxè rŭ tagutáma tataiya. Rŭ texé ya choxŭ yaxðxè rŭ tagutáma tŭtawa.

³⁶ —Natŭrŭ marŭ pemaã nŭxŭ chixu rŭ woo na choxŭ pedaugŭxŭ rŭ tama choxŭ peyaxðgŭ i pemax.

³⁷ —Rŭ guxãma ya yíxema duŭxègŭ ya Chaunatŭ choxna tŭxŭ mugŭxe rŭ chorŭ duŭxŭgŭ tixígŭ. Rŭ texé ya choxŭ yaxðgŭxe rŭ tãtŭtáma tŭxŭ chaxoox.

³⁸ —Yerŭ tama choxrŭtama ngŭchaŭ na chaxŭxŭcèx nixí ga daxŭguxŭ ga nañewa ne chaxŭxŭ. Natŭrŭ núma chaxŭ na chanaxŭxŭcèx i norŭ ngŭchaŭ ya Chaunatŭ ya núma choxŭ mucŭ.

³⁹ —Rŭ ngèma norŭ ngŭchaŭ ya Chaunatŭ ya Tupana ya núma choxŭ mucŭ nixí i na taxŭexŭma ichayarŭtauxèèxŭ ya yíxema choxna tŭxŭ namugŭxe. Erŭ núma ya Chaunatŭ nanaxwæe na tŭxŭ yuwa ícharŭdagŭxèèxŭ i nañeârŭ guxgu.

⁴⁰ —Choma nixí i Tupana Nane chíxŭ. Rŭ ngèma norŭ ngŭchaŭ ya Chaunatŭ ya Tupana ya núma choxŭ mucŭ nixí na tŭxŭ nangèxmaxŭ i maxŭ i taguma gŭxŭ ya guxãma ya texé ya choxŭ daugŭxe rŭ choxŭ yaxðgŭxe. Erŭ choma tá nixí i tŭxŭ ícharŭdagŭxèèxŭ i nañeârŭ guxgu —ñanagŭrŭ.

⁴¹ Rŭ yexguma yema orexŭ naxínŭègu ga yema Yudíugŭ, rŭ inanaxŭgŭe ga Ngechuchuchiga na yadexagŭxŭ. Yerŭ ñanagŭrŭ ga Ngechuchu: —Choma nixí i pãu i daxŭguxŭ i nañewa ne chaxŭxŭ —ñanagŭrŭ.

42 Rũ ñanagürügü: —¿Taux êxna ñaã yĩxũ i Ngechuchu i Yúche nane? Rũ yixema rũ tüxũ tacuêx ya nanatũ rũ naê. ¿Rũ ñuxãcũ i nũma i “Daxũwa ne naxũxũ”, ñaxũ? —ñanagürügü.

43 Rũ Ngechuchu ñanagürũ nüxũ: —ñNüxũ perũxoe na choxũ na pixuechaxũ!

44 —Taxúema chauxũtawa tangu ega tama choxna tüxũ namuxgu ya chaunatu ga guma núma choxũ mucũ. Rũ texé ya chauxũtawa ngugũxe rũ choma rũ tá wena tüxũ chamaxêxêê i naãneãrũ guxgu.

45 —Nuxcũmaũgũxũ ga Tupanaãrũ orearũ uruũgũarũ poperawa naxũmatũ i ore i ñaxũ:

“Tupana tá guxãxũ nangúexêê”,

ñaxũ. Rũ ngẽmacêx guxãma ya texé ya Chaunatũxũ ñnũxê rũ naxũtawa ngũxe, rũ chauxũtawa taxĩ.

46 —Taguma texé Chaunatu ya Tupanaxũ tadau. Rũ chaxicatama nixĩ i nüxũ chadauxũ erũ naxũtawa ne chaxũ.

47 —Aixcũma pemaã nüxũ chixu rũ texé ya choxũ yaxõxê rũ tüxũ nangêxma i maxũ i taguma gũxũ.

48 —Choma nixĩ i pãũ i maxêxêeruũ chiĩxũ.

49 —Rũ perũ oxigũ ga nuxcũmaũgũxũ rũ nanangõx ga yema pãũ ga Tupana núxna ãxũ ga yema nachica ga ngextá taxúema íxãpataxũwa. Natürũ woo nanangõxgũ ga yema pãũ rũ nayueamatama.

50 —Natürũ ñaã pãũ i pemaã nüxũ chixuxũ i daxũwa ne üxũ rũ chomatama chixĩ. Rũ guxãma ya texé ya choxũ yaxúxe ñoma pãũ tangõxũrũ rũ tá tamaxêcha.

51 —Chomatama nixĩ i pãũ i maxêxêeruũ i daxũwa ne chaxũxũ. Rũ texé ya ñoma chomaã taxãwemũxũrũ choxũ yaxõxê rũ guxũgutáma tamaxêcha. Erũ ngẽma pãũ i choma tüxna chaxãxũ rũ chaxunetama nixĩ. Rũ ichanaxã i chaxune na namaxêxũcêx i ñoma i naãnecũãx i duũxũgũ —ñanagürũ ga Ngechuchu.

52 Rũ yexguma ga yema Yudiũgũ rũ poragaãcũ nügũna nacagũe, rũ ñanagürügü: —¿Ñuxãcũ tá i ñaã yatũ i naxũne táama tüxũ nangõxêxũ? —ñanagürügü.

53 Rũ Ngechuchu ñanagürũ nüxũ: —Rũ choma i Tupana nane na duũxũxũ chiĩxũ rũ aixcũma pemaã nüxũ chixu rũ ngêxguma pema rũ tama chaxunemaã pexãwemũgũgu rũ tama nawa pexaxegũgu ya chaugũ, rũ táütáma pexũ nangêxma i maxũ i taguma gũxũ.

54 —Texé ya chaxunemaã ãwemũxê rũ chaugũwa axexe rũ tüxũ nangêxma i maxũ i taguma gũxũ. Erũ choma rũ tá tüxũ chamaxêê ega naãneãrũ guxgu.

55 —Erũ chaxune rũ õnaxũchi nixĩ rũ chaugũ rũ axexũxũchi nixĩ.

56 —Texé ya chaxunemaã ãwemũxê rũ chaugũwa axexe rũ chowa tayaxũx rũ choma i túmawa.

57 —Chaunatu ga núma choxũ mucũ rũ namaxũ. Rũ núma choxna nanaxã i maxũ. Rũ ngêxgumarũ i ta i choma rũ tá tüxna chanaxã i maxũ ya yixema choxũ yaxúxe rũ choxũ yaxõxê.

58 —Marũ pemaã nüxũ chixu na choma rũ pãũ i daxũwa ne üxũ chiĩxũ. Natürũ choma rũ tama yema pãũ ga nuxcũmaũgũxũ ga perũ oxigũ ngõxgũxũ ga pãũrũ chixĩ. Yerũ woo ga yema pãũ na nangõxgũxũ ga perũ oxigũ rũ nayueamatama. Natürũ texé ya choxũ yaxúxe, ñoma pãũ tangõxũrũ, rũ choxũ yaxõxê rũ guxũgutáma tamaxũ —ñanagürũ.

59 Rũ Ngechuchu rũ duũxũgũmaã nüxũ nixu ga yema ore ga yexguma nangúexêêãgu ga Yudiũgũarũ ngutaquêxepataũwa ga ñãne ga Capernãũwa.

Ngechuchuarũ orewa nangêxma i maxũ i taguma gũxũ

60 Rũ yexguma nüxũ naxĩnũegu ga yema nguxêêtae, rũ muxũma ga yema duũxũgũ ga nawe rũxũxũ rũ ñanagürügü: —Rũ ngẽma tamaã nüxũ yaxuxũ, rũ nanguxchaxũchi na nüxũ icuãxũ na ñuxũ ñaxũ. ¿Ñuxãcũ texé tüxũ natauxcha na naga taxĩnũxũ? —ñanagürügü.

61 Natürũ ga Ngechuchu rũ nüxũ nacuêxama ga yemaãcũ nügũmaã na iyadexagũxũ naxcêx ga yema nguxêêtae, rũ yemacêx nüxna naca, rũ ñanagürũ: —¿Êxna peãwa nangux i ngẽma ore?

62 —Rũ ngêxguma peãwa nanguxgu i ngẽma ore i pemaã nüxũ chixuxũ, rũ ¿tacũgu chi perũxĩnũxêx ega choxũ pedêygu na wenaxãrũ daxũ na chaxĩxũ, ga noxri ne chaxũxũwa na chaxũxũ i choma i Tupana Nane na duũxũxũ chiĩxũ?

63 —Tupanaãe i Üünexũ nixĩ i inaxãxũ i maxũ i taguma gũxũ. Rũ tama pexene nixĩ i pexũ maxêxêxũ. Rũ ngẽma ore i pemaã nüxũ chixuxũ rũ peãcêx nixĩ, rũ nawa nangêxma i maxũ i taguma gũxũ.

64 —Natürũ tangêxma i petanũwa ya ñuxre ya tama yaxõgũxe —ñanagürũ. Rũ yema ñanagürũ ga Ngechuchu yerũ noxriarũ ügũgumama marũ nüxũ nacuêx ga texé tá nüxũ na yaxõgũxũ, rũ texé tá cũãcũ inaxuãxũxũ.

65 Rũ ñanagürũ ta: —Rũ ngẽmacêx marũ pemaã nüxũ chixu rũ taxuacũma texé chauxũtawa tangu ega tama Chaunatu chauxũtawa tüxũ gaxgu —ñanagürũ.

⁶⁶ Rũ yexguma inanaxũgũe ga nũxna na yaxĩgũxũ ga muxũma ga yema duũxũgũ ga noxri nawe rũxĩchirẽxũ. Rũ marũ tama nawe ínaxĩxũ.

⁶⁷ Rũ yexguma ga Ngechuchu rũ norũ 12 ga ngũexũgũna naca, rũ ñanagũrũ nũxũ: —¿Éxna pema rũ ta choxna pixĩgachitanũchaĩ? —ñanagũrũ.

⁶⁸ Natũrũ Chimáũ ga Pedru rũ nanangãxũ, rũ ñanagũrũ: —Pa Corix, ¿Texẽxtawa chi taxĩxũ ega cuxna tixĩgachitanũgu? Erũ cuma rũ cuxũ nangẽxma i ore i nawa nangẽxmaxũ i maxũ i taguma gũxũ.

⁶⁹ —Toma rũ marũ cuxũ tayaxõgũ, rũ nũxũ tacuèx na cuma quiĩxũ ya Cristu ya Ũñecũ ya Tupana Nane —ñanagũrũ.

⁷⁰ Rũ Ngechuchu toxũ nangãxũ, rũ ñanagũrũ: —¿Taux èxna choma yĩĩxũ ga pexũ chidexechixũ ga pema ga 12? Natũrũ nangẽxma i wũxi i petanũwa i Chatanáãrũ duũxũ ixĩxũ —ñanagũrũ.

⁷¹ Rũ Yuda ga Icarĩute ga Chimáũ nanechiga nixĩ ga yadexaxũ ga Ngechuchu. Yerũ Yuda tá nixĩ ga cũãcũ ínaxuaxũxũ rũ woo ga nũma rũ wũxi ga totanũxũchirẽx na yĩĩxũ.

7

Ngechuchuenẽgũ rũ tama nũxũ nayaxõgũ

¹ Rũ yemawena ga Ngechuchu rũ Garirẽaanewa yexmagũne ga ñanagũgu nixũãgũchigũ. Rũ tama Yudeáanewa nayexmachau yerũ yemacũãx ga Yudiũgũarũ ãexgacũgũ rũ naxcèx nadaugũ ga na yamẽxgũchaũãxçèx.

² Natũrũ marũ ningaica ga yema Yudiũgũarũ peta ga naga norũ dũxenũgũ yaxũgũxũ na yemawa nũxna nacuèxãchixũcèx ga ñuxãcũ nuxcũmaũgũxũ ga norũ õxigũ na naxũgũxũ ga norũ dũxenũgũ ga naĩãtũnaxcèx ga yexguma Moichẽwe naxĩxgu ga ngextá taxũema íãpataxũwa. Rũ yemacèx nixĩ ga Dũxenũgũarũ Petagu naxãegaxũ.

³ Rũ nañẽnẽgũ ga Ngechuchu rũ ñanagũrũgũ nũxũ: —Tama name i nuxã Garirẽaarũ naãnegu curũãũx. Rũ name nixĩ i petacèx Yudeáawa cuxũ, na ngẽma duũxũgũ i cuwe rũxĩxũ i ngẽma ngẽxmagũxũ nũxũ daugũxũcèx i ngẽma cuèxruũgũ i mexũgũ i Tupanaãrũ poramaã cuxũxũ.

⁴ —Erũ ngẽxguma chi wũxi ya yatũ rũ duũxũgũxũ nũgũ nacuèxẽẽchaũgu rũ tama cũãcũ nanaxũ i tacũ i naxũxũ. Rũ ñuxma na cunaxũxũ i muxũma i mexũgũ i Tupanaãrũ poramaã cuxũxũ, rũ name nixĩ i guxũ i duũxũgũpẽxewa cunaxũ —ñanagũrũgũ.

⁵ Rũ yema ñanagũrũgũ ga nañẽnẽgũ yerũ woo ga nũmagũ rũ ta tama nũxũ nayaxõgũ.

⁶ Rũ yexguma ga Ngechuchu rũ nanangãxũ, rũ ñanagũrũ nũxũ: —Tauta nawa nangu i ngunexũ na petawa chaxũxũ. Natũrũ pexcèx rũ ngẽxũrũũxũmare i ngunexũ nixĩ i mexũ na petawa naga pexĩxũ.

⁷ —Ngẽma duũxũgũ i ñoma i nañẽnẽãx rũ tama pexchi naxaie. Natũrũ chauxchi naxaie erũ chanangõxẽẽ i ngẽma naxũgũxũ rũ na nachixexũ.

⁸ —Name nixĩ i petawa pexĩ i pemax. Choma rũ tauta ngema chaxũ erũ tauta nawa nangu i ngunexũ i naga ngema chaxũxũ —ñanagũrũ ga Ngechuchu.

⁹ Rũ yexguma yema ñaxguwena, rũ Garirẽaanegu narũãũx.

Ngechuchu rũ Dũxenũgũarũ Petawa naxũ

¹⁰ Natũrũ nawena ga nañẽnẽgũ ga petawa na naxĩxũ, rũ Ngechuchu rũ ta yema naxũ. Natũrũ cũãcũ yema naxũ, rũ tama poraãcũ duũxũgũxũ nũgũ nadauxẽẽ.

¹¹ Rũ yema Yudiũgũarũ ãexgacũgũ rũ naxcèx nadaugũ ga yema petawa, rũ ñanagũrũgũ: —¿Ngextá nangẽxma i ngẽma yatũ? —ñanagũrũgũ.

¹² Rũ nũgũtanũwa ga yema duũxũgũ ga yema yexmagũxũ, rũ poraãcũ Ngechuchuchiga ínidexagũ. Rũ ñuxre ga yema duũxũgũ rũ ñanagũrũgũ: —Yima rũ wũxi ya yatũ ya mecũ nixĩ —ñanagũrũgũ. Natũrũ ga togũ rũ ñanagũrũgũ: —Ngẽma yatũ rũ tama name erũ duũxũgũxũ nawomũxẽẽ —ñanagũrũgũ.

¹³ Natũrũ taxũma ga duũxũgũ rũ mea togũpẽxewa Ngechuchuxũ nicuèxũgũgũchaũ, yerũ yema Yudiũgũarũ ãexgacũgũxũ namuẽẽ.

¹⁴ Rũ yexguma marũ yema petaarũ ngãxũwa nanguxgu, rũ nixũcu ga Ngechuchu nawa ga tupauga ga taxũne. Rũ inanaxũgũ ga na nanguxẽẽtaexũ.

¹⁵ Rũ yema Yudiũgũarũ ãexgacũgũ, rũ naãaixãchiãegũ namaã ga yema ore ga Ngechuchu nũxũ ixuxũ. Rũ ñanagũrũgũ: —¿Ñuxãcũ i ngẽmaãcũ poraãcũ nũxũ nacuãxũ, rũ taguma texé nanguxẽẽ? —ñanagũrũgũ.

¹⁶ Rũ Ngechuchu nanangãxũ rũ ñanagũrũ nũxũ: —Ñã chorũ nguxẽẽtae rũ tama choxru nixĩ, erũ Chaunatu ya nũma choxũ mucũarũ nixĩ.

¹⁷ —Ngẽxguma texé naxũxãũgu i Tupanaãrũ ngũchaũ rũ yixema tá nũxũ tacuèx ngoxi aixcũma Tupanaxũtawa chanayaxu i ngẽma chorũ nguxẽẽtae rũ èxna chaugũxũtawatama chayaxuxũ yixĩ i ngẽma.

¹⁸ –Yixema texé ya mexú i tùmachigaxútama ixuxe rú ngémaacú tanaxú erú tanaxwèxe i duũxúgú na tũxú icuèxúũgũxú. Natúrú texé nũxú tixu i ore i mexú nachiga i ngéma tũxú muxú, rú aixcúma nixí i túmaârú ore. Rú tama dora nixí i ngéma nũxú tixuxú.

¹⁹ –¿Tama êxna aixcúma yíxú ga Moíché pexna naxáxú ga Tupanaârú mugú? Natúrú taxúema i pema naga pexinúe i ngéma mugú. ¿Rú ñuxma rú tũxcúú nixí i choxú pimèxgüchaũxú? –ñanagúrú.

²⁰ Rú yema duũxúgú nanangãxúgú, rú ñanagúrügú: –Cuma rú ngoxo cuwa nangèxmamare. ¿Êxna texé cuxú timèxgüchaũ? –ñanagúrügú.

²¹ Natúrú ga Ngechuchu rú ñanagúrú nũxú: –Choma rú ngũxchigaarú ngunexúgu chanamexêê ga wúxi ga yatú. Rú guxãma i pema rú penuãégú naxcèx ga yema wúxitama ga mexú ga ngũxchigaarú ngunexúgu chaxúxú.

²² –Natúrú pema rú ta ngũxchigaarú ngunexúgu pepuracúe na nagu pexíxúcèx ga Moíchéarú mugú. Rú Moíché pemaã nũxú nixu na tũxú ípewiechèxmüpèxechiraũxú ya guxãma ya yatúxe ya buxe. Natúrú tama Moíché nixí ga inaxúgüci ga yema, yerú nuxcúmaũgüxú ga perú oxigüwa nixí ga ne naxúxú. Rú ñuxma i pema rú yema mugagu rú tũxú ípewiechèxmüpèxechiraũ ya guxãma ya buxe ya yatúxe woo ngũxchigaarú ngunexú yixúgu.

²³ –Rú ngémaacú i pema rú ngũxchigaarú ngunexúgu buxexú ípewiechèxmüpèxechiraũ erú naga pexinúechaũ i Moíchéarú mugú. ¿Rú ñuxma rú tũxcúú yíxú i chomaã penuèxú naxcèx na ngũxchigaarú ngunexúgu chanamexêêxú ga wúxi ga yatú ga idaaweecú?

²⁴ –Rú ngémacèx tama name i ngürümare penangugú i ngéma chaxúxú. Rú penaxwèxe i meã nagu perúxñúêxira, na aixcúma meã penangugúxúcèx –ñanagúrú ga Ngechuchu.

Ngechuchu rú Tupana Nane nixí

²⁵ Rú ñuxre ga yema duũxúgú ga Yerucharéúgu áchiũgüxú rú nügüna nacagüe, rú ñanagúrügú: –¿Taux êxna daa yíxú ya yima yatú ya ãexgacügú naxcèx daugüci na yamèxgüchaũãxúcèx?

²⁶ –¿Dúcèx! Gua nixí rú yéa guxú i duũxúgüpèxewa nidexa rú taxúema ñuxú ñatarügú nũxú. ¿Taux êxna i tórú ãexgacügú i marú nũxú yaxögüãxú na aixcúma Cristu na yíxú i nũmax?

²⁷ –Natúrú i yixema rú nũxú tacuèxgú na ngextá ne naxúxú i nũmax. Natúrú ngèxguma aixcúma Cristu núma úxgu rú taxúetáma nũxú tacuèx na ngextá na ne naxúxú –ñanagúrügú.

²⁸ Rú núma ga Ngechuchu rú tupauca ga taxúnewa ínanangüexêê ga duũxúgú. Rú yexguma nũxú naxínügu ga yema ore ga Yudiúgú nũxú ixugüèxú ga nachiga, rú tagaãcü ñanagúrú: –Pema rú marú choxú pecuèx rú nũxú pecuèx na ngextá na ne chaxúxú. Natúrú tama chaugagu nixí i núma chaxúxú. Choma núma chaxú yerú núma choxú namu ga Tupana ya naxwèxecú na nũxú yaxögüxú natúrú i pema rú tama nũxú pecuãcü.

²⁹ –Choma rú nũxú chacuèx yerú naxútawa ne chaxú, rú núma nixí i núma choxú namuxú –ñanagúrú.

³⁰ Rú yexguma ga yema ãexgacügú rú Ngechuchuxú niyaxugüchaũ. Natúrú taxúma nayayaugú, yerú tauta nawa nangu ga ngunexú ga na yayaxugüãxú rú na yamèxgüãxúcèx.

³¹ Natúrú muxúma ga duũxúgú rú nũxú nayaxögú. Rú ñanagúrügú: –¿Ngèxguma ínanguxgu ya Cristu rú tacú rú cuèxruú i taxú tá naxú ya daa yatú tama úxú i ñuxmax? –ñanagúrügú.

Parichégú rú Ngechuchuxú niyaxugüchaũ

³² Rú yema Parichégú rú duũxúgüxú naxínúe ga yemaacú Ngechuchuchiga na yadex-agüxú. Rú yemacèx ga nũmagú rú paigüarú ãexgacügú rú yéma nanamugú ga tupauca ga taxúneârú purichíagú na Ngechuchuxú yanayaugüxúcèx.

³³ Rú yexguma ga Ngechuchu rú ñanagúrú nũxú: –Paxaãchi tátama nixí i petanüwa changèmaxú, rú ñuxúchi tá chataegu naxútawa ya yima núma choxú mucú.

³⁴ –Pema rú tá chauxcèx pedaugú, natúrú tãútáma choxú ípeyangaugú. Erú ngéma ngextá tá íchangèxmaxúwa rú taxuacú ngema pengugú.

³⁵ Rú yexguma ga yema Yudiúgüarú ãexgacügú rú nügüna nacagüe, rú ñanagúrügú: –¿Ngextá tá naxú ega taxuacútáma nũxú iyarúngaugú? ¿Êxna ngéma Yudiúgú i to i nachíúãnewa ngèxmagúxútanüwa tá naxú rú êxna ngéma tama Yudiúgú ixíxúxútanüwa tá naxú na yangüexêêãxúcèx?

³⁶ –¿Rú tacúchiga nixí i ngéma na ngéma ñaxú: “Tá chauxcèx pedaugú natúrú tãútáma choxú ípeyangaugú, erú taxuacútáma ngema pexí i ngéma tá íchangèxmaxúwa”, ñaxú? –ñanagúrügú.

Dexá i maxêêruũchiga nidexa ga Ngechuchu

³⁷ Rū yema nawa iyacuáxū ga petaarū ngunexū nixī ga guxū ga togū ga ngunexūārū yexera rümemaēxū naxcēx ga Yudiugū. Rū yema ngunexūgu nixī ga inachixū ga Ngechuchu rū tagaācū ñaxū: —Rū ngēxguma texé itawaxgu rū jnuā chauxūtawa taxū rū tayaxaxe!

³⁸ —Rū “texé ya choxū yaxōxē rū tūmaārū maxūnewa tá nibaibe i taxū i dexá i maxēēruū” ngēma Tupanaārū ore i ūmatūxū nūxū ixuxūrūū —ñanagūrū.

³⁹ Rū yexguma yema ñaxgu ga Ngechuchu rū Tupanaāē i Ūñexūchiga nixī ga yadexaxū. Rū nūxū nixu ga guxūma ga yema nūxū yaxōgūxū rū tá na nayauxgūāxū i Naāē i Ūñexū. Natūrū tama yexgumatama nanayauxgū, yerū tauta wenaxārū daxūguxū ga naānecēx nataegu ga Ngechuchu na guxūārū āexgacū na yīixūcēx.

Ngechuchugagu nūgū nitoye ga duūxūgū

⁴⁰ Rū nūmaxū ga yema duūxūgū rū yexguma nūxū naxīnūēgu ga yema Ngechuchu nūxū ixuxū, rū ñanagūrūgū: —Aixcūma ñaā yatū nixī i ngēma Tupanaārū orearū uruū i ínguxchaūxū —ñanagūrūgū.

⁴¹ Rū togū rū ñanagūrūgū: —Daa nixī ya Cristu —ñanagūrūgū. Natūrū togū rū ñanagūrūgū: —Tama nixī, erū taxucūrūwa Gariréaanecūāx nixī ya Cristu.

⁴² —Erū Tupanaārū ore i ūmatūxūwa rū ñanagūrū: “Cristu rū tá Dabítaa nixī, rū tá nangox i íāne i Beréūwa ga ngextá Dabí íbuxūwa”, ñanagūrūgū.

⁴³ Rū yemaācū Ngechuchugagu nūgū nitoye ga duūxūgū.

⁴⁴ Rū ñuxre ga yema duūxūgū rū Ngechuchuxū niyauxgūchaū, natūrū taxuūma nayayauxgū.

Yudiugūarū āexgacūgū rū tama Ngechuchuauxū nayaxōgūchaū

⁴⁵ Rū yema tupauca ga taxūneārū purichíagū, rū Parichéugūcēx rū paigūarū āexgacūgūcēx nawoegu. Rū yema āexgacūgū rū nūxna nacagū, rū ñanagūrūgū: —¿Tūxcūū tama nuā penaga? —ñanagūrūgū.

⁴⁶ Rū yema purichíagū rū nanangāxūgū rū ñanagūrūgū: —Taguma texé tidexa i ñaā yatū idexaxūrūū —ñanagūrūgū.

⁴⁷ Rū yexguma ga Parichéugū rū ñanagūrūgū nūxū: —¿Éxna pexū rū ta marū nawomūxēē i nūmax?

⁴⁸ —Dūcēx, rū taxúema i tomāx i Parichéugū rū taxuūma i tórū āexgacūgū rū nūxū nayaxōgū i ngēma Ngechuchu.

⁴⁹ —Natūrū ñaā duūxūgū i tama Tupanaārū mugūxū cuēxgūxū rū marū nachixexūgūgū —ñanagūrūgū.

⁵⁰ Natūrū Nicodému ga Parichéu ixīcū ga wūxicana Ngechuchuxūtagu naxūānecū, rū ñanagūrū nūxū:

⁵¹ —Ngēma tórū mugū i ūmatūxūwa rū ñanagūrū:

“Taxuacūma wūxi i yatūxū tapoxcu ega tama nūxū ixīnūēxīragu i norū dexa na nūxū icuāxūcēx na tacū na naxūxū”, ñanagūrū.

⁵² Rū yexguma ga natanūxūgū rū nanangāxūgū, rū ñanagūrūgū nūxū: —¿Éxna cuma rū ta Gariréaanecūāx quixī? ¡Nawa nangux i Tupanaārū ore i ūmatūxū rū ngema tá nūxū cudau rū taxuūtāma i Tupanaārū orearū uruū rū Gariréaanecūāx nixī! —ñanagūrūgū.

⁵³ Rū yexguma ga wūxichigū rū nachūwa naxī.

8

Nge ga ātecū ga naī ga yatūmaā ngēāēxcū

¹ Rū Ngechuchu rū Orībunecūgu āegane ga mēxpūnewa naxū.

² Rū moxūācū ga yexguma yangunegu, rū wenaxārū tupauca ga taxūnecēx nataegu. Rū ga duūxūgū rū naxcēx naxī. Rū nūma ga Ngechuchu rū ínarūto, rū inanaxūgū ga na nangūxēēāxū ga duūxūgū.

³ Rū yema ngūxēēruūgū ga Moīchēarū mugūwa ngūxēētaegūxū rū Parichéugū, rū Ngechuchuxūtawa ngīxū nagagū ga wūxi ga nge ga ātecū ga ngīxū nadaugūcū ga naī ga yatūmaā na inapexū. Rū guxūma ga yema duūxūgū ga yēma yexmagūxūpēxegu ngīxū nayachixēēgū.

⁴ Rū ñanagūrūgū Ngechuchuxū: —Pa Ngūxēēruūx, ñaā nge i ātecū rū ngīxū itayangau na naī ya yatūmaā na inapexū.

⁵ Moīchēarū mugūwa tamaā nūxū nixu na nutamaā ngīxū ímūxūchīācūma ngīxū imáxū i wūxi i nge i ngēmaācū maxūcū. ¿Nūxū ñacuxū i cuma i ñuxmax? —ñanagūrūgū.

⁶ Rū yema ñanagūrūgū ga nūmagū, yerū Ngechuchuxū guxchaxūgu nanguxēēgūchaū na nūxū nayexmaxūcēx ga tacūcēx na ínaxuaxūgūāxū. Natūrū ga Ngechuchu rū inayrūmaxāchi rū inanaxūgū ga naxmēxmaā waixūmūwa na naxūmatūāxū.

⁷ Natürü nüxü nacèèxügüama, rü yemacèx düxwa wenaxärü nadaunagü ga Ngechuchu, rü ñanagürü nüxü: —Ngexerüxe i petanüwa ya ngearü pecaduäxè rü tüxira nuta ngixü tanaña —ñanagürü.

⁸ Rü wenaxärü inayarümaxächi ga Ngechuchu rü naxmèxmaã nanaxümatü ga waixümwä.

⁹ Natürü yexguma nüxü naxinüëgu ga yema ore ga Parichéugü rü inanaxügü ga nügu na yawüxixü ga nügüwe na inachoxüxü. Rü yaguäxgü ga Parichéugüwa inaxügü ga na inachoxüxü rü düxwa guxüma inachoxü. Rü yexguma marü guxüma ga Parichéugü ichoxüxgu, rü Ngechuchu rü yema ngecüxicatama yéma duüxügüpèxewa nayaxügü.

¹⁰ Rü yexguma ga Ngechuchu rü wena nadaunagü. Rü ngixna naca rü ñanagürü ngixü: —Pa Ngecüx, ¿Ngèxügü nixi i ngèma cuxü ixugüexü? ¿Rü taxuüma cuxü imäxchaü? —ñanagürü.

¹¹ Rü ngïma rü ngïgürügü nüxü: —Taxuüma Pa Corix —ngïgürügü. Rü yexguma ga Ngechuchu rü ñanagürü ngixü: —Choma rü ta tama cuxü chapoxcu. Ñuxma rü marü name rü iquixü rü tama wena pecadu cuxü —ñanagürü.

Ngechuchu rü ñoma i naãneärü ngóonex- èëruü nixi

¹² Rü wenaxärü duüxügümaã nidexa ga Ngechuchu, rü ñanagürü nüxü: —Choma nixi i ñoma i naãneçüäxärü ngóonexèëruü. Rü yixema chowe rüxüxè rü chorü ngóonexüwa tangèxma rü tüxna chanaxä i maxü. Rü tá nüxna itanguxuchi i tümaärü chixexü —ñanagürü.

¹³ Rü yexguma ga Parichéugü rü ñanagürügü nüxü: —Cuma rü cugüchigaxütama quixu. Rü ngèma cuchiga i nüxü quixuxü rü taxuwama name —ñanagürügü.

¹⁴ Rü Ngechuchu nanangäxü rü ñanagürü nüxü: —Rü ngèma ore i chauchiga nüxü chixuxü rü aixcüma nixi woo chomatama yixügu i namaã chaugüétüwa chidexaxü. Erü choma rü nüxü chacuèx i ngextá ne chaxüxü, rü ngextá tá chaxüxü. Natürü pema rü tama nüxü pecuèx na ngextá ne chaxüxü rü tama nüxü pecuèx na ngextá tá chaxüxü.

¹⁵ Pema rü choxü pengugü i ñoma i naãneçüäx i duüxügü nagu rüxünèxüäcümamare. Natürü i choma rü taxüexüma changugü.

¹⁶ Natürü ngèxguma chi texèxü changugügu rü aixcüma meäma tüxü changugü. Erü tama chaxicatama tüxü changugü, natürü yima Chaunatü ga núma choxü mucümaã nixi i wüxigu tüxü tangugüxü.

¹⁷ Rü ngèma mugü ga Moiché ümatüxü i nagu pexixü, rü ñanagürü:

“Ngèxguma taxre i duüxügü rü wüxitama i orexü yaxugügu, rü ngèmawa äëxgacü nüxü nacuèx na aixcüma yixü i ngèma nüxü yaxugüexü”, ñanagürü.

¹⁸ Rü dücax, choma nixi i wüxi i chauchigaxü chixuxü rü Chaunatü ga núma choxü mucü nixi ya naã. ¿Rü tüxçüü tama choxü peyaxögüchaü i ñuxmax? —ñanagürü.

¹⁹ Rü yexguma ga nümagü rü nüxna nacagüe rü ñanagürügü: —¿Ngexcü ya yima Cunatü? —ñanagürügü. Rü Ngechuchu nanangäxü rü ñanagürü: —Choxü rü tama pecuèx rü Chau- natüxü rü ta tama pecuèx. Rü ngèxguma chi choxü pecuèxgügu rü Chaunatüxü rü chi ta pecuèxgü —ñanagürü.

²⁰ Rü yema orexü nixu ga Ngechuchu ga yexguma nanguxèëtaegu ga tupauca ga taxünewa naxütawa ga yema nachica ga ngextá duüxügü tupaucana diëru ngixü ixägüxüwa. Natürü taxuüma Ngechuchuxü niyaxugü, yerü tauta nawa nangu ga yema ngunexü ga nagu yayaugüäxü.

Ngechuchu rü Parichéugümaã nüxü nixu rü ngextá nüma inaxüxüwa rü taxucürüwa ngema naxi

²¹ Rü Ngechuchu rü wenaxärü namaã nüxü nixu, rü ñanagürü: —Choma rü tá pexna chixü i núma, rü pema rü tá chauxcèx pedaugü, natürü tá perü pecadugu peyue. Rü ngextá ichaxüxüwa rü taxucürüwama ngema pexi —ñanagürü.

²² Rü yexguma ga yema Yudügü rü ñanagürügü: —¿Èxna nügu tátama nimèx rü ngèmacèx tamaã nüxü yaxuxü na taxucürüwama ngema ixixü i ngèma inaxüxüwa? —ñanagürügü.

²³ Rü Ngechuchu ñanagürü nüxü: —Pema rü ñoma i naãneçüäx i duüxügü pixigü, natürü i choma rü daxügüxü i naãnewa ne chaxü. Pema rü ñoma i naãneärü duüxügü pixigü natürü i choma rü tama ñoma i naãneçüäx chixi.

²⁴ —Rü ngèmacèx pemaã nüxü chixu rü tá perü pecadugu peyue. Erü ngèxguma tama choxü peyaxögügu na choma chiixü ya Cristu, rü perü pecadugu tá peyue —ñanagürü.

²⁵ Rü yexguma nüxna nacagüe, rü ñanagürügü: —¿Natürü texé quixi i cumax? —ñanagürügü. Rü Ngechuchu nanangäxü, rü ñanagürü: —Marü noxritama pemaã nüxü chixu na texé chiixü.

²⁶ —Rü choma rü choxü nangèxma i muxüma i tacü i chomatama pexü changüexèèchaüxü rü tacücèx pexna na chaçaxü, natürü täütama chanaxü i ngèma. Erü yima Chaunatü ga

núma choxũ mucũ chomaã nüxũ ixuxũ i orexícatama nixĩ i ñoma i naãnecũãxgũmaã nüxũ chixuxũ. Rũ guxũma i ngẽma nüxũ yaxuxũ ya Chaunatũ, rũ aixcũma nixĩ —ñanagũrũ.

²⁷ Natũrũ nũmagũ rũ tama nüxũ nacuẽxgũẽga ga Nanatũ ya Tupanachiga na yĩĩxũ na yema ñaxũ ga Ngechuchu.

²⁸ Rũ yemacẽx ga Ngechuchu rũ ñanagũrũ nüxũ: —Choma nixĩ i Tupana Nane i duũxũxũ chĩxũ. Rũ yixcũra ngẽxguma curuchawa choxũ pipotagũgu, rũ tá nüxũ picuẽxãchitanũ na Cristu na chĩxũ. Rũ tá nüxũ pecuẽx na taxuũma chauechamatama chaxũxũ. Rũ ngẽma Chaunatũ chomaã nüxũ ixuxũxĩcatama nixĩ i pemaã nüxũ chixuxũ.

²⁹ —Yima núma choxũ mucũ ya Chaunatũ rũ chauxũtawana nangẽxma. Rũ taguma choxna nixũgachi, erũ choma rũ guxũguma chanaxũ i ngẽma norũ ngũchaũ ixĩxũ —ñanagũrũ.

³⁰ Rũ yexguma yema ñaxgu ga Ngechuchu rũ muxũma ga duũxũgũ nüxũ nayaxõgũ.

Yixema Tupanaxãcũgũ ixĩgũxechiga, rũ yixema pecadutũtwa ngẽxmagũxechiga

³¹ Rũ yexguma ga Ngechuchu rũ ñanagũrũ nüxũ ga yema Yudiũgũarũ ãẽxgacũgũ ga nüxũ yaxõgũxũ: —Ngẽxguma pema meãma peyaxõgũechagu i ngẽma pemaã nüxũ chixuxũ, rũ aixcũmaxũchi tá chorũ ngũxũgũ pixĩgũ.

³² —Rũ tá nüxũ pecuẽx i ore i aixcũma ixĩxũ. Rũ ngẽma ore tá pexũ ínanguxũxẽẽ —ñanagũrũ.

³³ Rũ nũmagũ rũ Ngechuchuxũ nangãxũgũ, rũ ñanagũrũgũ: —Toma rũ nuxcũmaũcũ ga torũ õxi ga Abrãũtaa tixĩgũ rũ taguma texémẽxewa tangẽxmagũ. ¿Ñuxãcũ i cumax rũ tá na ítanguxũxũ, ñacuxũ? —ñanagũrũgũ.

³⁴ Rũ Ngechuchu ñanagũrũ nüxũ: —Aixcũma pemaã nüxũ chixu rũ guxãma ya pecaduãxẽ rũ pecadutũtwa tangẽxmagũ.

³⁵ —Wũxi i coriarũ duũxũmare rũ tama norũ coripatacũãx nixĩ. Natũrũ wũxi i cori nane rũ guxũguma nanatũ nane nixĩ.

³⁶ —Choma rũ Tupana Nane chixĩ. Rũ ngẽxguma chi choma pecaduna pexũ íchanguũxẽẽgu, rũ aixcũma tá nüxna ípenguũ.

³⁷ —Marũ nüxũ chacuẽx na Abrãũtaa pixĩgũxũ i pemax. Natũrũ choxũ pimẽxgũchaũ erũ tama aixcũma choxũ peyaxõgũ i ngẽma ore i pemaã nüxũ chixuxũ.

³⁸ —Choma rũ yema Chaunatũ choxũ wẽxũ nixĩ i pemaã nüxũ chixuxũ. Natũrũ pema rũ penaxũ i ngẽma penatũ pemaã nüxũ ixuxũ —ñanagũrũ ga Ngechuchu.

³⁹ Rũ nũmagũ rũ Ngechuchuxũ nangãxũ rũ ñanagũrũgũ: —Torũ õxi nixĩ ga Abrãũ —ñanagũrũgũ. Natũrũ Ngechuchuxũ nanangãxũ rũ ñanagũrũ nüxũ: —Ngẽxguma chi aixcũma Abrãũtaa pixĩgũgu rũ chi Abrãũ uxũrũ penaxũ.

⁴⁰ —Natũrũ woo pemaã nüxũ chixu i ore i aixcũma ixĩxũ ga Chaunatũ ga Tupana choxũ nguxẽxũ, rũ pema rũ choxũ pimẽxgũchaũ. Natũrũ ga Abrãũ rũ taguma yemaãcũ nanaxũ.

⁴¹ —Pema rũ penaxũ i penatũgũcũmatama —ñanagũrũ. Rũ yexguma ga nũmagũ rũ ñanagũrũgũ: —Toma rũ tama tangũrwaũgũmare, rũ toxũ nangẽxma ya wũxitama ya tonatũ. Rũ yima nixĩ ya Tupana —ñanagũrũgũ.

⁴² Rũ Ngechuchu nanangãxũ, rũ ñanagũrũ nüxũ: —Ngẽxguma chi aixcũma Tupana yixĩgu ya penatũ rũ choxũ chi pengechaũ, erũ choma rũ Tupanaxũtawana nixĩ i ne chaxũxũ, rũ ngẽmacẽx chanuxma. Rũ tama chauechamatama núma chaxũ, natũrũ núma chaxũ yerũ Chaunatũ ya Tupana núma choxũ namu.

⁴³ —¿Tũxcũtũ tama nüxũ pecuẽxẽga i ngẽma pemaã nüxũ chixuxũ? Pexũ naguxcha erũ woetama tama iperũxĩnũchaũ i ngẽma pemaã nüxũ chixuxũ i ore.

⁴⁴ —Penatũ rũ Chataná nixĩ rũ pema rũ naxãcũgũ pixĩgũ. Rũ ngẽmacẽx penaxũ i ngẽma núma pexũ nanaxwẽxexũ. Rũ ngẽma Chataná rũ noxriarũ ugũgumama wũxi i maẽtaxũ nixĩ. Rũ taguma ore i aixcũmaxũgu narũxĩnũ rũ taguma ore i aixcũmaxũ nixu. Rũ ngẽxguma yadeaxgu rũ doraxũxĩcatama nixu, erũ núma rũ wũxi i doratẽxãxũ nixĩ. Rũ guxũma i doratẽxãxũnatũ nixĩ.

⁴⁵ —Natũrũ i pema rũ tama choxũ peyaxõgũchaũ erũ ore i aixcũmaxũ chixu.

⁴⁶ —¿Texẽ ya petanũwa choxũ dauxe na pecadu chaxũxũ? Rũ ñuxma na nüxũ chixuxũ i ore i aixcũma ixĩxũ, rũ ¿tũxcũtũ tama choxũ peyaxõgũ?

⁴⁷ —Texẽ ya Tupanaãrũ duũxũ ixixẽ rũ itarũxĩnũ i Tupanaãrũ ore. Natũrũ i pema rũ tama Tupanaãrũ duũxũgũ pixĩgũ, rũ ngẽmacẽx nixĩ i tama iperũxĩnũchaũxũ i Tupanaãrũ ore —ñanagũrũ.

Tauta nangõxgu ga Abrãũ rũ Cristu rũ marũ nayexma

⁴⁸ Rũ yexguma ga yema Yudiũgũarũ ãẽxgacũgũ rũ ñanagũrũgũ nüxũ: —Rũ aixcũma nixĩ ga yema torũ ore ga yexguma ñatagũgũgu:

“Cuma rũ wũxi i Chamãriacũãx quixĩ, rũ ngoxo cuwa nangẽxma”, ñatagũgũgu —ñanagũrũgũ.

⁴⁹ Rũ Ngechuchu nanangãxũ, rũ ñanagũrũ nüxũ: —Chowa rũ nataxuma i ngoxo. Rũ ngẽma chaxũxũ nixĩ na Chaunatũxũ chicuẽxũxũ, natũrũ i pema rũ chixri chauchiga pidexagũ.

⁵⁰—Choma rü tama naxcèx chadau na texé choxü icuèxüügüxcèx. Natürü Tupana nixî ya naxwèxecü na duñxügü choxü icuèxüügüxü. Rü nüma tá nanapoxcúe i ngêma chauxchi aixü.

⁵¹—Aixcüma pemaã nüxü chixu, rü texé ya naga ñnuxê i ngêma tümamaã nüxü chixuxü rü guxügutáma tamaxêcha —ñanagürü.

⁵² Rü yexguma ga yema Yudiügüarü ãëxgacügü, rü Ngechuchuxü nangãxügü, rü ñanagürügü: —Ñuxma rü meãxüchima nüxü tacuèx na cuwa nangêxmaxü i wüxi i ngoxo. Yerü ga Abráü rü guxüma ga nuxcümaügüxü ga Tupanaärü orearü uruügü rü nayue. Natürü cuma rü ñuxma tomaã nüxü quixu rü texé ya naga ñnuxê i ngêma curü ore rü guxügutáma tamaxêcha —ñanagürü.

⁵³—¿Éxna cuma rü tórü oxî ga Abráüärü yexera quixî? Yerü nüma rü nayu rü guxüma ga nuxcümaügüxü ga Tupanaärü orearü uruügü rü ta nayue. ¿Rü cugücèx rü texé quixî? —ñanagürügü.

⁵⁴ Rü Ngechuchu nanangãxü, rü ñanagürü nüxü: —Ega chaugü chitama chicuèxüügü rü ngêma rü taxuwama name. Natürü yima choxü icuèxüücü rü Chaunatü nixî. Rü yima Chaunatütama nixî ya perü Tupana ixîcü —ñapegücü nüxü.

⁵⁵—Natürü i pema rü tama aixcüma nüxü pecuèx ya Chaunatü ya Tupana. Natürü i choma rü ngêmaãcü nüxü chacuèx. Rü ngêxguma chi:

“Tama nüxü chacuèx”, ñachaxgu, rü pexrüü chi wüxi i doratèxáxü chixî. Natürü i choma rü aixcümaxüchima nüxü chacuèx ya Chaunatü ya Tupana, rü naga chaxínü i guxüma i norü ore i chomaã nüxü yaxuxü.

⁵⁶—Perü oxî ga Abráü rü nataãe yerü aixcüma nayaxó rü tá na íchanguxü i ñoma i naãnewa. Rü yemaxü nacuèx rü yemacèx nataãe —ñanagürü ga Ngechuchu.

⁵⁷ Rü yexguma ga yema Yudiügüarü ãëxgacügü rü Ngechuchuxü nangãxügü, rü ñanagürügü: —Cuma rü tauta 50 ya tauncü cuxü nangêxma. ¿Ñuxãcü Abráüxü cudau ga tauta cungoxgux ga yexguma? —ñanagürügü.

⁵⁸ Rü Ngechuchu nanangãxü rü ñanagürü nüxü: —Aixcüma pemaã nüxü chixu rü tauta Abráü ngoxgu rü choma rü marü chayexma —ñanagürü.

⁵⁹ Rü yexguma ga nümagü rü nutane nanayauxgü na gumamaã ínamuxüchigüãxüçèx. Natürü ga Ngechuchu rü naxchaxwa inicux. Rü yemaãcü ínaxüxü nawa ga guma tupauca ga taxüne.

9

Ngechuchu nanamexêe ga wüxi ga yatü ga norü bucüma ngexetücü

¹ Rü yexguma namagu tomaã yaxüxgu ga Ngechuchu, rü yéma nüxü nadau ga wüxi ga yatü ga woetama norü bucüma ngexetücü.

² Rü toma ga norü ngüexügü rü nüxna tacagü, rü ñatarügügü: —Pa Ngüexêeruüx, ¿Tüxcüü ngexetücüma nabu ya daa yatü? ¿Éxna nanatü rü naêärü pecadugagu rü éxna norü pecadugagutama? —ñatarügügü.

³ Rü Ngechuchu toxü nangãxü, rü ñanagürü toxü: —Tama norü pecadugagu rü tama i nanatü rü naêärü pecadugagu nixî i ngêmaãcü nabuxü. Natürü ngêmaãcü nabu na nawa nüxü pedauxcèx na ñuxãcü Tupana tüxü na rümexêèxü.

⁴—Rü ñoma rü ta nangune rü name nixî na paxama na naxüxü i ngêma puracü ya Chaunatü ga núma choxü mucü tüxna äxü. Erü paxa tá nachüta rü ngêxguma rü taxucürüwama texé tá tapuracü.

⁵—Rü ñuxma na ñoma i naãnewa changêxmaxü rü ñoma i naãneärü ngóonexêeruü chixî —ñanagürü.

⁶ Rü yexguma yema ñaxguwena rü Ngechuchu waixümüãnewa nacuaxi. Rü yema waixümü ga iwaixümaã nanachaxetü ga guma yatü ga ngexetücü.

⁷ Rü yexguma guma ngexetücüxü ñanagürü: —¡Dexámaã cugü yayauxetü i Chiruéarü puchuwa! —ñanagürü. Rü ngêma naega rü “Tüxü muxü”, ñaxüchiga nixî. Rü yéma naxü ga guma ngexetücü rü nügü dexámaã nayauxetü. Rü yexguma nataegugu rü marü nidauchixetü.

⁸ Rü yexguma ga yema duñxügü ga guma ngexetücüpataarü ngaicamagu pegüxü rü yema duñxügü ga úpaacü nüxü daugüxü ga na nangexetüxü, rü ñanagürügü: —¿Taux éxna i ñaã yixü ga yema yatü ga ngexetüchiréxü ga duñxügüxü díerucèx cèèxüxü? —ñanagürügü.

⁹ Rü nümaxü rü ñanagürügü: —Ngêmaãcü nüma nixî —ñanagürügü. Rü togü rü ñanagürügü: —Tama nixî i yima yixü, natürü nanangêxgumarañxüchi —ñanagürügü. Natürü nümatama ga guma yatü ga ngexetüchirécü, rü ñanagürü: —Ngêmaãcü choma chixî —ñanagürü.

¹⁰ Rũ yexguma ga yema duũxũgũ rũ nũxna nacagũ rũ ñanagũrũgũ: —¿Rũ ñuxãcũ nixĩ i marũ quidauchixũ i ñuxmax? —ñanagũrũgũ.

¹¹ Rũ nũma nanangãxũ rũ ñanagũrũ: —Yĩma yatũ ya Ngechuchugu ãegacũ rũ yima waixũmũãnewa nacuaxi. Rũ yema waixũmũ ga iwaixũmaã choxũ nachaxetũ. Rũ ñanagũrũ choxũ:

“¡Yéa Chiruéarũ puchuwa naxũ rũ ngema dexámaã cugũ yayauxetũ!” ñanagũrũ choxũ. Rũ yéma chaxũ, rũ yexguma dexámaã chaugũ chayauxetũgu rũ chidauchi —ñanagũrũ ga guma yatũ.

¹² Rũ yexguma nũxna nacagũ, rũ ñanagũrũgũ: —¿Ngextá nangẽxmaxũ i ñuxma ya yima yatũ ya cuxũ rũmexẽẽcũ? —ñanagũrũgũ. Rũ nũma ga guma yatũ ga ngexetũchirécũ rũ ñanagũrũ: —Tama nũxũ chacuèx —ñanagũrũ.

Parichéugũ rũ guma ngexetũcũ ga Ngechuchu namexẽẽcũna nacagũe

¹³⁻¹⁴ Natũrũ yema ngunexũ ga Ngechuchu nagu namexẽẽxũ ga guma ngexetũcũ, rũ ngũxchigaarũ ngunexũ nixĩ. Rũ yemacèx ga duũxũgũ rũ Parichéugũxũtawã nanagagũ ga guma yatũ ga ngexetũchirécũ.

¹⁵ Rũ yexguma ga yema Parichéugũ rũ nũxna nacagũe ga guma yatũ, rũ ñanagũrũgũ: —¿Ñuxãcũ i marũ curũmexẽtũxũ i ñuxmax? —ñanagũrũgũ. Rũ nũma nanangãxũ rũ ñanagũrũ: —Waixũmũ ga naxbũxãgũmaã yawaixẽẽxũmaã choxũ nachaxetũ ga Ngechuchu, rũ ñuxũchi dexámaã chaugũ chayayauxetũ, rũ ngẽmacèx marũ chidauchi —ñanagũrũ.

¹⁶ Rũ yexguma ga ñuxre ga Parichéugũ rũ ñanagũrũgũ: —Yema yatũ ga cuxũ rũmexẽẽxũ rũ tama Tupanaãrũ duũxũ nixĩ, erũ tama nanaxaure i ngũxchigaarũ ngunexũ —ñanagũrũgũ. Natũrũ togũ ga Parichéugũ rũ ñanagũrũgũ: —¿Ñuxãcũ nanaxũ i ngẽma cuèxruũ i mexũ i taxũ ega wũxi i pecaduãxũ yixĩxgux? —ñanagũrũgũ. Rũ yemaãcũ nũgũ nitoye ga nagu naxĩnũẽxũwa ga yema Parichéugũ.

¹⁷ Rũ wena nũxna nacagũe ga guma yatũ ga ngexetũchirécũ, rũ ñanagũrũgũ: —¿Natũrũ cuma rũ ñuxũ ñacuxũ nachiga i ngẽma yatũ ga cuxũ rũmexẽẽxũ? —ñanagũrũgũ. Rũ nũma nanangãxũ, rũ ñanagũrũ: —Chauxcèx rũ wũxi i Tupanaãrũ orearũ uruũ nixĩ —ñanagũrũ.

¹⁸ Natũrũ ga yema Yudiũgũarũ ãẽxgacũgũ rũ tama nũxũ nayaxõgũchaũ ga nũma na yĩĩxũ ga na nangexetũchirécũ ga noxrix, rũ ñuxma rũ marũ na yadauchixũ. Rũ yemacèx ga yema ãẽxgacũgũ rũ tũmacèx nangemagũ ga nanatũ rũ naè ga guma yatũ ga rũmexẽtũcũ.

¹⁹ Rũ tũxna nacagũ, rũ ñanagũrũgũ: —¿Daa yĩĩxũ ga guma pene ga nũxũ pixucũ ga woetama ngexetũãcũ bucũ? ¿Ñuxãcũ i ñuxma i yadauchixũ? —ñanagũrũgũ.

²⁰ Rũ nanatũ rũ naè tanangãxũgũ rũ ñatarũgũgũ: —Ngẽmaãcũ nũxũ tacuèx rũ daa nixĩ ya tone ga ngexetũãcũma buchirécũ.

²¹ Natũrũ tama nũxũ tacuèx ga ñuxãcũ na yadauchixũ i ñuxmax. Rũ tama nũxũ tacuèx ga texé na namexẽtũxẽẽxũ. ¡Ècũ nũxnatama pecagũ! Erũ nũma rũ marũ naya, rũ nũmatama pemaã nũxũ na yaxuxũcèx —ñatarũgũgũ.

²² Rũ yema ñatarũgũgũ ga nanatũ rũ naè, yerũ tamuũẽ. Yerũ ga Yudiũgũarũ ãẽxgacũgũ rũ marũ nũgũmaã nanamexẽẽgũ na tũxũ ínãtèxũchigũxũcèx ga ngutaquẽxepataũwa ga texé ga Ngechuchuaxũ yaxõxè na Cristu yĩĩxũ.

²³ Rũ yemacèx nixĩ ga nanatũ rũ naè ga ñatagũgũxũ: “¡Ècũ, nũxnatama pecagũ! Erũ nũma rũ marũ naya rũ nũmatama pemaã nũxũ na yaxuxũcèx”, ñatagũgũxũ.

²⁴ Rũ yexguma ga yema Yudiũgũarũ ãẽxgacũgũ rũ wenaãrũ naxcèx nacagũ ga guma ngexetũchirécũ. Rũ ñanagũrũgũ nũxũ: —Rũ ñuxma tanaxwèxe i Tupanapẽxewa rũ aixcũma tomaã nũxũ quixu na texé cuxũ rũmexẽẽxũ. Erũ toma rũ meãma nũxũ tacuèx i ngẽma Ngechuchu rũ wũxi i pecaduãxũ na yĩĩxũ —ñanagũrũgũ.

²⁵ Rũ nũma nanangãxũ rũ ñanagũrũ nũxũ: —Choma rũ tama nũxũ chacuèx ega wũxi i pecaduãxũ yixĩgu rũ èxna tama. Rũ ngẽma nũxũ chacuãxũ nixĩ ga na changexetũchirécũ ga noxrix rũ ñuxma rũ na chidauchixũ —ñanagũrũ.

²⁶ Rũ wenaãrũ nũxna nacagũe, rũ ñanagũrũgũ: —¿Rũ ñacũ nixĩ ga cumaã naxũxũ? ¿Rũ ñuxãcũ ga naxũãxũ ga cuxũ na yadauchixetũxẽẽxũ? —ñanagũrũgũ.

²⁷ Rũ nanangãxũ rũ ñanagũrũ nũxũ: —Marũ pemaã nũxũ chixu, rũ tama choxũ iperũxĩnũèchaũ. ¿Tũxcũũ penaxwèxe na wena pemaã nũxũ chixuxũ? ¿Èxna pema rũ ta nũxũ peyaxõgũchaũ? —ñanagũrũ.

²⁸ Rũ yexguma rũ guma yatũmaã chixexũ nixugũe, rũ ñanagũrũgũ: —Cumaèrũ nixĩ i nũxũ cuyaxõxũ i ngẽma yatũ, natũrũ i toma rũ Moĩchéarũ oreaxũ nixĩ i tayaxõgũxũ.

²⁹ —Toma rũ nũxũ tacuèx ga Tupana rũ aixcũma Moĩchémaã na yadexaxũ, natũrũ ngẽma Ngechuchu rũ tama nũxũ tacuèx na ngextá na ne naxũxũ —ñanagũrũgũ.

³⁰ Rũ guma yatũ nanangãxũ, rũ ñanagũrũ nũxũ: —¿Ñuxãcũ nixĩ i ngẽma? Nũma rũ marũ choxũ narũmexẽtũxẽẽ, natũrũ ¿ñuxãcũ i pema i tama nũxũ pecuãxũ na ngextá ne naxũxũ?

³¹ —Rü guxãma i yixema rü meãma nüxü tacuêx rü Tupana tama nüxü naxĩnũ i pecaduãxgũũãrũ yumũxê. Natürũ Tupana rü tüxü nüxü naxĩnũ i tũmaãrũ yumũxê ya yixema nüxü icuêxüũgũxe rü naxũxe i Tupanaãrũ ngũchaũ.

³² —Taguma ñuxgu nüxü taxĩnũchiga i wũxi i yatũ na yadauchixêẽãxü i wũxi i duũxü i norũ bucũma ngexetũxü.

³³ —Rü ngêxguma chi tama Tupana núma namũxgux ya daa yatũ ya choxü rümexêẽcũ, rü taxuacũ chima mexü naxü —ñanagürũ ga guma yatũ ga ngexetũchirêcũ.

³⁴ Rü yexguma ga yema Yudiũgũarũ ãëxgacũgũ, rü ñanagürũgũ nüxü: —Cuma na pecadugu na cubuxü, ¿rü ñuxãcũ cunaxwêxe na toxü cungtêxêẽchaũxü? —ñanagürũgũ. Rü ñuxũchi ñinatêxũchigũ ga ngutaquêxepataũwa.

Duũxũgũ i tama yaxõgũxü rü ngexetũxürũ nixĩgũ

³⁵ Rü Ngechuchu rü nüxü nacuãchiga ga na ñinatêxũchigũãxü ga guma ngexetũchirêcũ. Rü yexguma nüxü nadêxũgu, rü ñanagürũ nüxü: —¿Nüxü cuyaxõxü ya Tupana Nane ya duũxũxü ixĩcũ? —ñanagürũ.

³⁶ Rü yexguma ga núma rü Ngechuchuxü nangãxü rü ñanagürũ: —Pa Corix, ¡chomaã nüxü ixu na texe yĩxü na nüxü chayaxõxücêx! —ñanagürũ.

³⁷ Rü Ngechuchu nanangãxü, rü ñanagürũ: —Rü ñoma i naãnewa chaxü na chayadexechixücêx i chorũ duũxũgũ nüxna i ngêma duũxũgũ i tama choxrũ ixĩgũxü. Rü nuã chaxü na chanameêxêxücêx i ngêma duũxũgũ i noxri tama Tupanaxü cuêxgũxü. Rü ngêxgumarũ ta núma chaxü na duũxũgũ i tama choxü cuêxgũchaũxüxü chanawêxü na duũxũgũ i ngexetũxürũ na yixĩgũxü, erũ tama choxü nayaxõgũchaũ —ñanagürũ.

³⁸ Rü yexguma ga guma yatũ ga ngexetũchirêcũ rü Ngechuchupêxegu nacaxãpũxü, rü nüxü nicuêxüũ, rü ñanagürũ nüxü: —Ngêmaãcũ cuxü chayaxõ, Pa Corix —ñanagürũ.

³⁹ Rü yexguma ga Ngechuchu rü ñanagürũ: —Rü ñoma i naãnewa chaxü na chayadexechixücêx i chorũ duũxũgũ nüxna i ngêma duũxũgũ i tama choxrũ ixĩgũxü. Rü nuã chaxü na chanameêxêxücêx i ngêma duũxũgũ i noxri tama Tupanaxü cuêxgũxü. Rü ngêxgumarũ ta núma chaxü na duũxũgũ i tama choxü cuêxgũchaũxüxü chanawêxü na duũxũgũ i ngexetũxürũ na yixĩgũxü, erũ tama choxü nayaxõgũchaũ —ñanagürũ.

⁴⁰ Rü ñuxre ga Parichêugũ ga yéma Ngechuchumaã yexmagũxü, rü yexguma yema orexü naxĩnũegu, rü Ngechuchuna nacagũ, rü ñanagürũgũ: —¿Ëxna toma rü ta tama Tupanaxü tacuêxgũ ñacuxü? —ñanagürũgũ.

⁴¹ Rü Ngechuchu nanangãxü rü ñanagürũ: —Ngêxguma chi tama aixcũma Tupanaxü pecuêxgũgũ rü tãũ chima pegagu nixĩ na pepecaduãxgũxü. Natürũ ngêma na pegũ pixuxü na Tupanaxü pecuãxü rü ngêmacêx pegagutama nixĩ na pepecaduãxgũxü i ñuxmax —ñanagürũ.

10

Carnerugũarũ dauruũ rü norũ carnerugũ

¹ Rü yexguma ga Ngechuchu rü ñanagürũ: —Rü aixcũma pemaã nüxü chixu rü ngêma yatũ i tama carnerupũxũãrũ ñãxwa ixücxüxü rü wũxi i ngitêxãxü nixĩ i ngêma, erũ ngextãmare nixücu.

² —Natürũ ngêma carnerupũxũãrũ ñãxwa meãma ixücxüxü, rü ngêma nixĩ i norũ dauruũxüchi i carnerugũ.

³ —Rü ngêma yatũ i carnerupũxũãrũ ñãxna dauxü rü nayawãxna i ñãx na yaxücxüxücêx i carnerugũarũ dauruũ. Rü núma i carnerugũ rü nüxü nacuêxgũ i naga i ngêma norũ dauruũ. Rü ngêma norũ dauruũ rü wũxichigũ i norũ carneru rü naegamaã naxcêx naca na ñnamuxũãxücêx i naxpũxũwa.

⁴ —Rü ngêxguma ñnamuxũãxü i guxũma i norũ carnerugũ, rü núma i norũ dauruũ rü napêxegu nixüchigũ. Rü nümagũ i carnerugũ rü nawe narũxü, erũ nüxü nacuêxgũ i naga.

⁵ —Natürũ ngêxguma wũxi i yatũ i tama aixcũma norũ dauruũ ixĩxü, rü tama nawe narũxü i ngêma carnerugũ. Rü nüxna naxĩgũ, erũ tama nüxü nacuêxgũ i naga i ngêma tama norũ dauruũ ixĩxü —ñanagürũ ga Ngechuchu.

⁶ Rü Ngechuchu rü duũxũgũmaã nüxü nixu ga yema ore ga cuêxruũ, natürũ ga nümagũ rü tama nüxü nacuêxgũga ga ñacũchiga na yĩxü.

Ngechuchu rü carneruarũ dauruũ ya mecü nixĩ

⁷ Rü yexguma ga Ngechuchu rü wenaxãrũ ñanagürũ nüxü: —Aixcũma pemaã nüxü chixu rü choma nixĩ i carnerupũxũãrũ ñãx i nawa yachocuxüxü i carnerugũ.

⁸ Guxũma ga yema chopegu nüxira núma ñxü rü ngitêxêxgũxü rü mãetãgũxü nixĩgũ. Natürũ yema carnerugũ rü tama naga naxĩnũe.

⁹ Choma nixĩ i ñãx. Rü texê ya chowa ixücxüxe rü tá tamaxü. Rü meãma tá tüxü naxüpetü ngêxgumarũ i wũxi i carneru i naxpũxũgu ücxüxü rü ñuxũxüxüxü rü nüxü iyangaucü ya mecü ya maxê.

¹⁰ Ngẽma ngĩtẽaxũ rũ nũma naxũ na yangĩxũcẽx rũ namãetaxũcẽx rũ nachixexẽẽxũcẽx. Rũ ngẽmacẽxicatama nũma naxũ. Natũrũ i choma rũ nũma chaxũ na chanamaxẽxẽẽxũcẽx i duũxũgũ rũ na aixcũma nũxũ nangẽxmaxũcẽx i maxũ i taguma gũxũ.

¹¹ Choma nixĩ i carneruarũ dauuruũ ya mecũ chĩĩxũ. Erũ wũxi i carneruarũ dauuruũ ya mecũ rũ norũ carnerugũxũ ĩnapoxũ rũ ñuxmata naxcẽx nayux.

¹² Natũrũ ngẽma dĩerucẽxmare puracũxũ, rũ ega ngẽxguma aixũ nadẽuxgux rũ carnerugũna ngẽma niña. Rũ ngẽmaãcũ nanaxũ erũ tama aixcũma norũ dauuruũ nixĩ i nũmax, rũ tama noxrũ nixĩ i ngẽma carnerugũ. Rũ ngẽma ai rũ carnerugũxũ ĩnayauxũ rũ ngẽxma tũxũ naxũanexẽẽmare.

¹³ Rũ ngẽma yatũ rũ niña, erũ norũ dĩerucẽxicatama ngẽma napuracũ. Rũ tama aixcũma carnerugũgu narũxĩnũ.

¹⁴⁻¹⁵ Choma nixĩ i carnerugũarũ dauuruũ ya mecũ chĩĩxũ. Rũ ngẽxgumarũũ ya Chaunatũ na choxũ nacuãxũ rũ choma rũ Chaunatũxũ na chacuãxũ, rũ ngẽxgumarũũ ta nũxũ chacuẽx i chorũ carnerugũ, rũ nũmagũ rũ choxũ nacuẽxgũ. Rũ choma rũ naxcẽx chayũ i chorũ carnerugũ.

¹⁶ Rũ choxũ nangẽxmagũ ta i togũ i carnerugũ i tama ñaã naxpũxũwa ngẽxmagũxũ. Rũ ngẽmagũ rũ tá ta nuã chanagagũ, rũ tá chauga naxĩnũẽ. Rũ wũxitũcumũ tátama nixĩ rũ choma tátama nixĩ i norũ dauuruũ chĩĩxũ.

¹⁷ Chaunatũ rũ choxũ nangechaũ, erũ chorũ carnerugũcẽx chayũ rũ wena táxaru chamaxũ.

¹⁸ Taxúema choxũ tayuxẽẽ, natũrũ chomatama chorũ ngũchaũmaãtama ichanaxã i chorũ maxũ. Erũ choxmẽxwa nangẽxma na ichanaxãxũcẽx, rũ wena na chanayaxuxũcẽx, yerũ yemaãcũ choxũ namu ga Chaunatũ –ñanagũrũ.

¹⁹ Rũ yexguma yema orexũ naxĩnũẽgu ga yema Yudiũgũarũ ãẽxgacũgũ rũ wenaxãrũ nũgũ nitoye ga yema nagu naxĩnũẽxũwa.

²⁰ Rũ muxũma ga nũmagũ rũ ñanagũrũgũ: –¿Tũxcũũ nũxũ ĩperũxĩnũẽ i ñaã yatũ i ngẽãẽxũ i ngoxo nawa ngẽxmaxũ? –ñanagũrũgũ.

²¹ Natũrũ ga togũ rũ ñanagũrũgũ: –Taxũũma i yatũ i ngoxo nawa ngẽxmaxũ rũ ñaãrũũ meã nidexa. ¿Ñuxãcũ i wũxi i yatũ i ngoxo nawa ngẽxmaxũ rũ tũxũ narũmexẽtũxẽẽ ya wũxi ya ngexetũxe? –ñanagũrũgũ.

Yudiũgũarũ ãẽxgacũgũ rũ Ngechuchuxũ naxoe

²² Rũ nawa nangu ga yema peta ga cucũ ga tauncũgu norũ tupauca ga taxũnecẽx naxũgũxũ ga Yudiũgũ na nũxna nacuẽxãchigũxũcẽx ga yema ngunexũ ga nagu yanguxũ ga guma tupauca. Rũ nagãuane ga Yerucharẽũwa ga yexguma.

²³ Rũ guma tupauca ga taxũnewa nayexma ga wũxi ga chopetũchica ga Charumũãrũ Chopetũchicagu ãegaxũ. Rũ yemagu nayarũxũxũ ga Ngechuchu.

²⁴ Rũ ga yema Yudiũgũarũ ãẽxgacũgũ rũ nũxũ ĩnachomaẽguãchi, rũ ñanagũrũgũ nũxũ: –¿Ñuxguratãta tomaã quixaixcũma na cugũ quixuxũ na texẽ na quiĩxũ? Ega aixcũma cuma rũ Cristu quixĩgu, rũ jmeã noxtacũma tomaã nũxũ ixu! –ñanagũrũgũ.

²⁵ Rũ Ngechuchu nanangãxũ, rũ ñanagũrũ nũxũ: –Marũ pemaã nũxũ chixu, natũrũ i pema rũ tama choxũ peyaxõgũ. Guxũma i ñacũ i chaxũxũ rũ Chaunatũarũ poramaã nixĩ i chanaxũxũ, rũ ngẽmawa meãma pexũ nũxũ chadauxẽẽ na choma rũ Cristu na chĩĩxũ.

²⁶ –Natũrũ pema rũ tama peyaxõgũ, erũ tama chorũ carnerugũtanũxũ pixĩgũ.

²⁷ –Chorũ carnerugũ rũ nũxũ nacuẽx i chauga, rũ choma rũ chorũ carnerugũxũ chacuẽx, rũ nũma rũ chowe narũxĩ.

²⁸ –Rũ choma rũ nũxna chanaxã i maxũ i taguma gũxũ. Rũ nũmagũ rũ tagutãma ĩnayarũtauxe, rũ taxũetãma choxna tanapuxũ i choxmẽxwa.

²⁹ –Rũ yĩxema Chaunatũ choxna tũxũ mugũxe ya chorũ carnerugũ, rũ guxũãrũ yexera tixĩ i napẽxewa. Rũ taxúema texẽ nũxna tũxũ tapuxũ.

³⁰ –Chaunatũ rũ choma rũ wũxitama tixĩgũ –ñanagũrũ.

³¹ Rũ yexguma ga yema Yudiũgũarũ ãẽxgacũgũ rũ wenaxãrũ nutane nanayauxgũ na gumamaã Ngechuchuxũ ĩnamuxũchigũxũcẽx.

³² Natũrũ ga Ngechuchu rũ ñanagũrũ nũxũ: –Pepẽxewa chanaxũ i muxũma i mexũgũ i Chaunatũarũ poramaã chaxũxũ. ¿Rũ ngẽxũrũxũ i ngẽma mexũ i chaxũxũcẽx nixĩ i choxũ nutamaã ĩpemuxũchigũchaũxũ? –ñanagũrũ.

³³ Rũ yema Yudiũgũarũ ãẽxgacũgũ rũ Ngechuchuxũ nangãxũgũ, rũ ñanagũrũgũ: –Tama wũxi i puracũ i mexũcẽx cuxũ ĩtamuxũchigũchaũ. Natũrũ cuxũ ĩtamuxũchigũchaũ erũ Tupanamaã rũ ñacũ quixugũ. Cuma rũ wũxi i duũxũmare quixĩ rũ cugũ Tupanaxũ quixĩxẽẽchaũ –ñanagũrũgũ.

³⁴ Rũ nũma ga Ngechuchu rũ ñanagũrũ nũxũ: –Perũ mugũpanewa rũ naxũmatũ i Tupanaãrũ ore i ñaxũ:

“Rü pematama nixi i tupanagü pixîgüxü”,
ñaxü.

³⁵—Rü ngêma Tupanaârü ore i ümatüxüwä nuxü yaxuxü, rü nuxü tacuèx rü taxucürüwama
texé itayanaxoxêê. Rü ngêma orewa rü Tupana rü ñanagürü:

“Guxâma ya yîxema texé yanayauxgüxe i chorü ore rü tupanagü tixîgü”,
ñanagürü i ngêma orewa.

³⁶—Rü Tupana choxü nayaxu na chanaxüxcèx i norü puracü, rü yemacèx ñoma ga naânewa
choxü namu. ¿Rü ñuxâcü i pema nagu perüxinüêgu rü chixexü Tupanamaâ chaxüxü i
ngêxguma Tupana Nane chixi—ñachagu pemaâ?

³⁷—Rü ngêxguma chi tama chanaxüxgu i ngêma mexü i Chaunatü üxü, rü marü name ega
woo tama choxü peyaxögügu.

³⁸—Natürü ngêxguma chanaxüxgu i ngêma Chaunatü üxü, rü woo tama choxü peyaxögügu,
rü chanaxwêxe i nuxü peyaxögü i ngêma taxü i mexügü i Chaunatüarü poramaâ chaxüxü.
Erü ngêmawa tá nuxü pecuèx na Chaunatü rü chowa nangêxmaxü rü choma i nawa —
ñanagürü.

³⁹Rü wenaxârü Ngechuchuxü niyauxgüchaü ga yema Yudiügarü âêxgacügü. Natürü nûma
ga Ngechuchu rü naxchaxwa ñña.

⁴⁰Rü yexguma ga Ngechuchu rü natü ga Yudâñârü tocutücèx tomaâ nataegu. Rü yema
nachica ga Cuâü duüxügüxü üpaacü nawa ibaiüxêxügu tomaâ narüxâüx.

⁴¹Rü muxüma ga duüxügü rü Ngechuchuxü ñayadaugü, rü ñanagürügü: —Cuâü rü taxuüma
ga taxü ga mexü ga cuèxruü naxü ga Tupanaârü poramaâ. Natürü guxüma ga ore ga Cuâü
tamaâ nuxü ixuxü ga ñña yatüchiga rü aixcüma nixi—ñanagürügü.

⁴²Rü yema nachicawa rü muxüma ga duüxügü rü Ngechuchuxü nayaxögü.

11

Dácharuarü yuxchiga

¹Nayexma ga wüxi ga yatü ga idaawecü ga Dácharugu âegacü. Rü nûma rü naèyèxgü ga
María rü Marta rü ñane ga Betâniâcüâx nixîgü.

²Rü yema María iyixi ga Cori ga Ngechuchucutügu pumara bacü rü ñuxüchi ngîyaemaâ
ñapicutücü. Rü guma Dácharu ga idaawecü nixi ga ngîeneê.

³Rü poraâcü ñidaawe ga Dácharu. Rü yemacèx ga naèyèxgü, rü Ngechuchuxütawa imu-
gagü, rü ngîgürügü: “Pa Corix, cumücü ya Dácharu ya nuxü cungechaücü rü ñidaawe”,
ngîgürügü.

⁴Rü yexguma yema orexü naxînügu ga Ngechuchu, rü ñanagürü: —Ngêma ñaawe rü
tâütâma yumaâ ñayacuèx. Natürü ñidaawe na duüxügü nuxü nadaugüxcèx na ñuxâcü
naporaxü ya Tupana rü ñuxâcü choma i Nane rü ta na chaporaxü—ñanagürü.

⁵Rü Ngechuchu poraâcü María rü Marta rü Dácharuxü nangechaü.

⁶Natürü yexguma nuxü naxînügu ga na yaðaawexü ga Dácharu, rü tama paxa ñayadau.
Rü taxre ga ngunexüâmatama yexma narüxâüx ga yema nachica ga nawa nayexmaxüwä.

⁷Rü yixcama ga yemawena rü toxü ñanagürü: —Ngîxâ rü wena Yudeañewa taxî! —
ñanagürü.

⁸Rü toma ga norü ngüexügü rü ñatarügügü nuxü: —Pa Ngüxêêruüx, yexwacatama nixi ga
yemacüâx ga Yudiügarü âêxgacügü yexma nutamaâ cuxü ñmuxüchigüchaüxü. ¿Rü tüxcüü
wena ngema cuxüchaü i ñuxmax?—ñatarügügü.

⁹Rü Ngechuchu rü tomaâ nuxü nixu ga ore na nuxü tacuèxgüxcèx na tauta nawa
nanguxü na nayuxü ga nûmax. Rü ñanagürü toxü: —¿Taux êxna i wüxi i ngunexü rü 12 i ora
nawa ngêxmaxü? Ngêxguma texé ngunecü ixüxgu rü tama ñacümaâ itayarüña, erü tûmacèx
nangóone.

¹⁰—Natürü ngêxguma wüxie chütacü ixüxgu rü ngêmaâcü ñacümaâ itayarüña, erü tûmacèx
naxêâne—ñanagürü. Rü yemaâcü nanangoxêê na tauta nawa nanguxü na nayuxü ga
nûmax.

¹¹Rü yemawena ga Ngechuchu rü ñanagürü toxü: —Tamücü ya Dácharu rü napemare.
Natürü ñuxma rü tá chayabaixâchixêê—ñanagürü.

¹²Rü yexguma ga toma ga norü ngüexügü rü ñatarügügü: —Pa Corix, ega napemaregu, rü
ngêmawa nuxü tacuèx na naxcèx tá yataanexü—ñatarügügü.

¹³Natürü ga Ngechuchu rü nuxü nixuxchaüchirêx ga Dácharu ga marü na nayuxü.
Natürü ga toma nuxü tacuèxgügu rü na napemarexüchigaxü yixü ga tomaâ yaxuxü.

¹⁴Rü yexguma ga Ngechuchu rü meâma tomaâ nuxü nixu rü ñanagürü: —Dácharu rü marü
nayu.

¹⁵—Natürü choma rü chataâê na tama ngema changêxmaxü, erü ngêmaâcü nixi i
namemaèxü i pexcèx na choxü peyaxögüxcèx. ¡Rü ngîxâ rü itayadaugü!—ñanagürü.

¹⁶ Rũ yema nayexma ga totanũxũ ga Tumachi ga Wũxigu Buexũ ga Taxreẽxpũxũmaã, naxugũxũ. Rũ nũma ga Tumachi rũ ñanagũrũ toxũ: —¡Ngĩxã i yixema rũ ta ngema taxĩ na wũxigu Ngechuchumaã iyueuxcẽ! —ñanagũrũ.

Ngechuchu nixĩ i wena namaxẽxẽẽxũ i yueuxũ

¹⁷ Rũ yexguma Betãniãwa tomaã nanguxgu ga Ngechuchu, rũ marũ ãgũmũcũ ga ngunexũ nangupetũ ga na iyatẽxgũãxũ ga Dácharu.

¹⁸ Rũ guma Betãniã rũ Yerucharẽũrũ ngaicamana nayexma. Rũ tomaẽxpũxũ ga kilómetru nixĩ ga norũ yaxũ.

¹⁹ Rũ muxũma ga Yudiũgũ rũ Dácharueyẽx ga Marta rũ Mariaxũtawã naxĩ na ngĩxũ yataãẽxẽẽgũxũcẽx, yerũ nayu ga ngĩeneẽ.

²⁰ Rũ yexguma Marta nũxũ cuẽxgu ga marũ na ínanguxũ ga Ngechuchu, rũ nũxũ iyatũxãchi. Natũrũ ga María rũ íxgutama írũxãũx.

²¹ Rũ Marta rũ ngĩgũrũgũ nũxũ ga Ngechuchu: —Pa Corix, yexguma chi cuma cunumẽxgu rũ tãũ chima nayu ga chaueneẽ.

²² —Natũrũ choma nũxũ chacuẽx na woo i ñuxma na nayuxũ, rũ Tupana tá cuxna nanaxã i guxũma i ñacũ i naxcẽx ícuçaxũ —ngĩgũrũgũ.

²³ Rũ Ngechuchu ngĩxũ nangãxũ rũ ñanagũrũ: —Cueneẽ rũ wena tá namaxũ —ñanagũrũ.

²⁴ Rũ Marta ngĩgũrũgũ nũxũ: —Ngẽmããcũ nũxũ chacuẽx rũ wena tá namaxũ i ngẽxguma nanguxgu i naãne rũ ngẽxguma wena namaxẽgu i guxũma i yueuxũ —ngĩgũrũgũ.

²⁵ Rũ yexguma ga Ngechuchu rũ ñanagũrũ: —Choma nixĩ i íchanadagũxẽẽxũ i yueuxũgũ, rũ wena chanamaxẽxẽẽxũ. Rũ yixema choxũ yaxõxẽ rũ woo tayuxgu rũ tá wenaxãrũ tamaxũ.

²⁶ —Rũ guxãma ya texẽ ya maxũxẽ rũ choxũ yaxõxẽ, rũ guxũgutãma tamaxũ. ¿Cuyaxõxũ yĩxũ i ngẽma? —ñanagũrũ ga Ngechuchu.

²⁷ Rũ ngĩma rũ ngĩgũrũgũ nũxũ: —Ngũ, Pa Corix, choma rũ chayaxõ na cuma rũ Tupana Nane ya Cristu ga ítananguxẽẽcũ na quĩxũ —ngĩgũrũgũ.

Dácharu itãxũwã naxaxu ga Ngechuchu

²⁸ Rũ yema ñaxguwena rũ Marta rũ ngĩyẽx ga Mariácẽ x iyaca. Rũ bexma ngĩmaã nũxũ iyarũxu, rũ ngĩgũrũgũ: —Marũ nuã nangu ya Ngũexẽẽruũ ya Ngechuchu, rũ choxũ cuxcẽx nayacaxẽẽ —ngĩgũrũgũ.

²⁹ Rũ yexguma María nũxũ ínũgu ga marũ yema na nanguxũ ga Ngechuchu, rũ paxã ichi, rũ Ngechuchuxũ íyadau.

³⁰ Rũ Ngechuchu rũ tauta íãnewã nangu ga yexguma, rũ yema nachica ga Marta nũxũ ídauxũwatama nixĩ ga nayexmaxũ.

³¹ Rũ Mariãpatawã nayexma ga ñuxre ga yẽmacũãx ga Yudiũgũarũ ãẽxgacũgũ ga ngĩxũ yema taãẽxẽẽgũxũ. Rũ yexguma ngĩxũ nadaugũgu ga paxã na inachixũ rũ na ínaxũxũxũ, rũ ngĩwe narũxĩ. Yerũ nũma nũxũ nacuẽxgũgu rũ yema Dácharu itãxũwã íxũ na yema yaxaxuxũcẽx.

³² Rũ yexguma Ngechuchuxũtawã nanguxgu ga María, rũ napẽxegu iyacaxãpũxũ, rũ ngĩgũrũgũ: —Pa Corix, yexguma chi cuma cunumẽxgu rũ tãũ chima nayu ga chaueneẽ ya Dácharu —ngĩgũrũgũ.

³³ Rũ yexguma Ngechuchu ngĩxũ dẽuxgu ga na naxaxuxũ rũ na naxauxexũ ga yema Yudiũgũarũ ãẽxgacũgũ ga ngĩwe rũxĩxũ, rũ porããcũ ngechaũ nũxũ nangux.

³⁴ Rũ Ngechuchu nũxna naca rũ ñanagũrũ: —¿Ngextã nixĩ i ípenatãxũ? —ñanagũrũ. Rũ nũmagũ nanangãxũ rũ ñanagũrũgũ: —Pa Corix, ¡dũcax, nuã naxũ, rũ íyadau! —ñanagũrũgũ.

³⁵ Rũ naxaxu ga Ngechuchu.

³⁶ Rũ yema Yudiũgũ rũ ñanagũrũgũ: —¡Dũcẽx ñuxãcũ porããcũ Dácharuxũ nangechaũ! —ñanagũrũgũ.

³⁷ Natũrũ ñuxre ga yema ãẽxgacũgũ ga Yudiũgũarũ rũ ñanagũrũgũ: —Daa nixĩ ga guma yatũ ga ngexetũcũxũ rũmexẽẽcũ. ¿Rũ tũxũcũ taxucũrũwã ñacũ rũ mexũ Dácharucẽx naxũ na tama nayuxũcẽx? —ñanagũrũgũ.

Wenaxãrũ namaxũ ga Dácharu

³⁸ Rũ Ngechuchu porããcũ ngechaũ nũxũ nangux rũ Dácharumaxũcẽx nixũ. Rũ wũxi ga mẽxpũneãrũ ãxmaxũ nixĩ ga yema naxmaxũ. Rũ nayexma ga wũxi ga nutã ga norũ ngũxtãrũrũ.

³⁹ Rũ Ngechuchu rũ ñanagũrũ: —¡Ípenangũxgachix ya yima nutã ya namaã nangũxtãũcũ! —ñanagũrũ. Natũrũ ga Marta ga Dácharueyẽx rũ ngĩgũrũgũ: —Pa Corix, cuxã marũ nayixane nixĩ, erũ marũ ãgũmũcũ i ngunexũ naẽtũ nixĩ ga na nayuxũ —ngĩgũrũgũ.

⁴⁰ Natũrũ ga Ngechuchu rũ ñanagũrũ ngĩxũ: ¿Taux ãxna i marũ cumaã nũxũ chixuchirẽxũ rũ ngẽxguma cuyaxõxgu rũ tá nũxũ cudau i wũxi i mexũ i taxũ i Tupana ùxũ? —ñanagũrũ.

⁴¹ Rũ yexguma ínanangũxgachigũ ga guma nutã. Rũ Ngechuchu daxũgu nadawenũãcuma ñanagũrũ: —Pa Chaunãtũ Pa Tupanax, moxẽ cuxna chaxã erũ marũ choxũ cuxĩnũ.

⁴² —Choma nüxü chachuèx rü guxüguma choxü cuxînú. Natürü moxè cuxna chaxâ i ñuxma erü chanaxwèxe i ñaâ duüxügü na yaxögüäxü na cuma núma choxü cumuxü — ñanagürü.

⁴³ Rü yexguma yema ñaxguwena, rü tagaäcü ñanagürü: —Pa Dácharux, ¡inaxüxü i ngema! —ñanagürü.

⁴⁴ Rü ¡naxüxü ga Dácharu ga naxchápenüümaâ guxüwama rübuxpüxücü. Rü Ngechuchu ñanagürü nüxü ga duüxügü: —¡Ipeyawèxpüxü na ¡yaxüxüçèc! —ñanagürü.

Äëxgacügü naxcèx nadaugü na ñuxäcü Ngechuchuxü yayauxgüxü
(Mt 26.1-5; Mr 14.1-2; Lc 22.1-2)

⁴⁵ Rü yema Yudiügüarü äëxgacügü ga Maríawe rüxüxü rü nüxü nadaugü ga yema Ngechuchu üxü, rü muxüma Ngechuchuaxü nayaxögü ga yexguma nüxü nadaugüga ga ñuxäcü wena Dácharuxü na namaxèèxü.

⁴⁶ Natürü ñuxre ga yema äëxgacügü rü Parichéugümaâ nüxü nayarüxugü ga yema Ngechuchu üxü.

⁴⁷ Rü yexguma ga yema Parichéugü rü paigüarü äëxgacügü rü nangutaquèxegü namaâ ga guxüma ga yema äëxgacügütücumüwa ügüxü. Rü ñanagürügü: —¿Tacü tá taxüe? Erü ñaâ yatü i Ngechuchu rü nanaxü i muxüma i mexü i cuèxruügü.

⁴⁸ —Ngèxguma chi tama yayauxgüga, rü guxütáma i duüxügü rü tá nüxü nayaxögü, rü Dumacüäxgüarü churaragü rü núma chi naxü rü nagu napogüe ya tóru tupauca ya taxüne, rü düxwa tâu chima tórxü nixü i ñaâ tachiüäne —ñanagürügü.

⁴⁹ Natürü guma taunecüga rü yema paigütanüwa rü Caipá nixü ga norü äëxgacü. Rü núma rü ñanagürü nüxü: —Pemagü rü taxuüma pecuèx.

⁵⁰ —¿Èxna tama nüxü pecuèx rü taxcèx rü na namemaèxü na wüxitama i yatü guxü i duüxügüçèx na yuxü, na tama nayuexüçèx i guxüma i tachiüañecüäx i duüxügü? —ñanagürü.

⁵¹ Natürü ga Caipá rü tama nüèchama yema ñanagürü, yerü guma taunecüga rü núma nixü ga paigüarü äëxgacü yüxü. Rü yemacèx rü Tupana nixü ga Caipáwa idexacü ga yexguma nüxü yaxuxgu na Ngechuchu rü guxüma i Yudiügüçèx tá na nayuxü.

⁵² Rü yema orewa rü nanangoxèè na tama Yudiügüçèxicatama tá na nayuxü, natürü guxüma i Tupanaärü duüxügü i guxü i naänewa ngèxmagüxüçèx rü tá ta na nayuxü, na ngèmaäcü wüxigu nangutaquèxexüçèx i guxüma i ngèma duüxügü i Tupanaärü ixügüxü.

⁵³ Rü yexgumaäcüü nixü ga inaxügüèäxü ga Yudiügüarü äëxgacügü ga nagu na naxînüèxü ga ñuxäcü tá na Ngechuchuxü yamèxgüxü.

⁵⁴ Rü yemacèx ga Ngechuchu rü marü tama yema Yudiügü ¡müxütanüga naxâ. Rü tomaâ ¡naxüxü ga Yudeaanewa, rü wüxi ga ¡änexäcü ga Efraïgu äeganewa naxü. Rü yexma tomaâ narüxâüx. Rü guma ¡äne rü wüxi ga nachica ga ngextá taxüema ¡xâpataxüärü ngaicamana nayexma.

⁵⁵ Rü marü ningaica ga yema Yudiügüarü peta ga Üpetüchiga. Rü yemacèx muxüma ga duüxügü ga ná ga ¡änecüäx rü Yerucharéüwa naxü na Tupanacèx nügü yamexèègüxüçèx naxüpa ga yema peta.

⁵⁶ Rü Ngechuchucèx nadaugü ga duüxügü. Rü tupauca ga taxünewa nügüna nicagüetanü, rü ñanagürügü: —¿Ñuxü ñapegüxü i pemax? ¿Ñoma i petawa tá naxüxü rü èxna tama? —ñanagürügü.

⁵⁷ Rü yema Parichéugü rü paigüarü äëxgacügü rü duüxügüna naxägagü, rü ñanagürügü: —Ngèxguma ngextá nüxü pedaugüga i ngèma Ngechuchu, ¡rü tomaâ nüxü peyarüxu na tayayauxgüxüçèc! —ñanagürügü.

12

Wüxi ga nge rü Ngechuchucutüga pumara iba
(Mt 26.6-13; Mr 14.3-9)

¹ Rü 6 ga ngunexü naxüpa ga Üpetüchigaarü peta, rü Ngechuchu rü tomaâ Betániäwa naxü. Rü guma ¡äne nixü ga nagu naxächixüne ga Dácharu ga Ngechuchu wena namaxèècü.

² Rü yéma Dácharuchixüwa Ngechuchucèx nanaxügü ga taxü ga ðna. Rü totanüwa ga yema mechawa yexmagüxe rü Dácharu nixü ga Ngechuchuxütawaama chibücü. Rü Marta iyixü ga inaxücü ga ðna.

³ Rü yexguma ga María rü yéma inange ga wüxi ga taxüraweüxü ga pumara ga yixichixü rü tatanüxüchixü. Rü Ngechuchuxü namaâ iyixcutü. Rü ñuxüchi ngüyaemaâ ¡inapicutü. Rü guma i rü guxüwama nayixmachîâ namaâ ga yema pumara.

⁴⁻⁵ Rü yexguma ga Yuda ga Icarüte ga wüxi ga totanüxüchirèx ixüxü ga yixcama bexma cüäcü Ngechuchuxü ¡xuaüxü, rü ñanagürü: —¿Tüxcüü tama tatanüxügu namaâ itaxe

i ngêma pumara na ngêma dîerumaã nûxŭ nangŭxêêxŭcêx i ngêma duŭxŭgŭ i ngearŭ dîeruãxgŭxŭ? –ñanagŭrŭ.

⁶ Natŭrŭ ga Yuda rŭ tama aixcŭma nagu narŭxŭnŭ ga yema ngearŭ dîeruãxgŭxŭ. Natŭrŭ yema ñanagŭrŭ yerŭ nŭma rŭ wŭxi ga ngŭtêxáxŭ nixŭ. Rŭ naxmêxwa nayexma ga yema choca ga dîeru ngŭxŭ nagu taxŭgŭxŭ ga guxâma ga toma ga Ngechuchuarŭ ngŭexŭgŭ. Rŭ Yuda rŭ ñuxguacŭ rŭ noxrŭxŭtama ngŭxne nangŭxŭxŭ.

⁷ Rŭ yexguma ga Ngechuchu rŭ ñanagŭrŭ nŭxŭ: –¡Tãxŭ i ngŭxŭ cuchixewexŭ! Erŭ choma rŭ paxa tá chayu rŭ tá ichtêx. Rŭ ngêmacêx nixŭ i ngêma pumaramaã choxŭ nachaxŭ.

⁸ –Ngêma ngearŭ dîeruãxgŭxŭ rŭ guxŭgutâma petanŭwa nangêxmagŭ. Natŭrŭ i choma rŭ tãutâma guxŭgu petanŭwa changêxma –ñanagŭrŭ.

Paigŭarŭ ãêxgacŭgŭ rŭ nŭgŭmaã nanamexêêgŭ ga ñuxácŭ Dácharuxŭ tá na yamêxgŭxŭ

⁹ Rŭ muxŭma ga Yudŭgŭ rŭ nŭxŭ nacuáchiga ga Betániãwa na nayexmaxŭ ga Ngechuchu. Rŭ yéma naxŭ na nŭxŭ nadaugŭxŭcêx. Rŭ tama Ngechuchuxŭxŭcatama nadaugŭchaŭ natŭrŭ nŭxŭ nadaugŭchaŭ ta ga Dácharu ga Ngechuchu wena namaxêêcŭ.

¹⁰ Rŭ yexguma ga paigŭarŭ ãêxgacŭgŭ rŭ nŭgŭmaã nanamexêêgŭ ga Dácharuxŭ rŭ ta na yamêxgŭxŭcêx.

¹¹ Yerŭ Dácharugagu nixŭ ga muxŭma ga Yudŭgŭ ga Ngechuchuauxŭ yaxôgŭãxŭ rŭ yema paigŭna naxŭgŭxŭ.

Ngechuchu rŭ Yerucharéŭgu naxŭcu

(Mt 21.1-11; Mr 11.1-11; Lc 19.28-40)

¹² Rŭ muxŭma ga duŭxŭgŭ rŭ Yerucharéŭwa naxŭ naxcêx ga Ũpetŭchigaarŭ peta. Rŭ moxŭácŭ duŭxŭgŭ nŭxŭ nacuáchigagŭ ga Ngechuchu rŭ guma ñãnewa na nanguxchaŭxŭ.

¹³ Rŭ yexguma moruátŭta nadaŭgŭ rŭ yemamaã Ngechuchuxŭ nayatŭxgŭtanŭãchi. Rŭ tagaãcŭ ñanagŭrŭgŭ: –¡Rŭ naxŭŭne rŭ namecŭmaxŭchi ya daa Tupanaéagagu nŭma ŭcŭ! ¡Rŭ yixema na Iraétanŭxŭ ixŭgŭxŭ rŭ namecŭmaxŭchi ya daa tórŭ ãêxgacŭ! –ñanagŭrŭgŭ.

¹⁴ Rŭ Ngechuchu nŭxŭ inayangau ga wŭxi ga buru, rŭ ñetŭgu naxaunagŭ ga yema Tupanaãrŭ ore ga ŭmatŭxŭ nŭxŭ ixuxŭrŭŭ ga yexguma ñaxgu:

¹⁵ “¡Tãxŭ i pemuŭêxŭ, Pa Yerucharéŭcŭãxgŭxŭ! ¡Rŭ iperŭdaunŭ na ngema ne naxŭxŭ ya perŭ ãêxgacŭ ya wŭxi i buru i íraxŭtêtŭgu aunagŭcŭ!”

ñaxŭ.

¹⁶ Rŭ noxri ga toma ga norŭ ngŭexŭgŭ rŭ tama nŭxŭ tacuêxgŭéga ga Ngechuchuchiga na yŭxŭ ga yema ore. Natŭrŭ yixcŭra marŭ Ngechuchu Tupanaxŭtawã ŭxgu, rŭ yexguma nixŭ ga nŭxna tacuêxãchiexŭ ga guxŭma ga yema Ngechuchuxŭ ngupetŭxŭ, rŭ yema Tupanaãrŭ ore nŭxŭ ixuxŭãcŭtama nŭxŭ na nangupetŭxŭ.

¹⁷ Rŭ yema duŭxŭgŭ ga Ngechuchuxŭtawã yexmagŭxŭ ga yexguma Dácharuxŭ wena namaxêêgu, rŭ nŭxŭ nixugŭe ga yema nŭxŭ nadaugŭxŭ.

¹⁸ Rŭ yemacêx nixŭ ga duŭxŭgŭ ga Ngechuchuxŭ yatŭxãchitanŭxŭ na nayauxgŭãxŭcêx, yerŭ nŭxŭ nacuáchigagŭ ga yema taxŭ ga mexŭ ga Tupanaãrŭ poramaã naxŭxŭ.

¹⁹ Natŭrŭ ga yema Parichêgŭ rŭ nŭgŭmaã ñanagŭrŭgŭ: –Marŭ nŭxŭ pedauxŭ i ñuxma na taxucŭrŭwama tacŭ namaã ixŭxŭ. ¡Rŭ dŭcax, guxŭma i duŭxŭgŭ rŭ nawe narŭxŭ! –ñanagŭrŭgŭ.

Griégugŭ rŭ Ngechuchuxŭ nadaugŭchaŭ

²⁰ Rŭ muxŭma ga duŭxŭgŭ rŭ petacêx Yerucharéŭwa naxŭ na yéma Tupanaxŭ na yanacuêxŭgŭxŭcêx. Rŭ yema duŭxŭgŭtanŭwa nayexma ga ñuxre ga Griégugŭ.

²¹ Rŭ yema Griégugŭ rŭ Piripicêx naxŭ. Rŭ nŭma ga Piripi rŭ Gariréaaneãrŭ ñãne ga Bechaidacŭãx nixŭ. Rŭ nŭxŭ nacêêxŭgŭ rŭ ñanagŭrŭgŭ: –Pa Corix, nŭxŭ tadauxchaŭ ya Ngechuchu –ñanagŭrŭgŭ.

²² Rŭ Piripi rŭ Aŭdrémaã nŭxŭ nayarŭxu. Rŭ yema taxre rŭ wŭxigu Ngechuchuxŭtawã naxŭ, rŭ namaã nŭxŭ nayarŭxugŭ.

²³ Rŭ yexguma ga Ngechuchu rŭ ñanagŭrŭ nŭxŭ: –Rŭ marŭ nawa nangu tá na chayuxŭ rŭ wenaxãrŭ Chaunatŭxŭtawã tá na chaxŭxŭ i choma i Tupana Nane i duŭxŭxŭ chiŭxŭ.

²⁴ –Rŭ aixcŭma pemaã nŭxŭ chixu rŭ ngêxguma chi wŭxipŭxŭ i trigu tama waixŭmŭãnegu toxgu rŭ wŭxipŭxŭchatama nixŭ. Natŭrŭ ega waixŭmŭgu natoxgu, rŭ ngema naxŭxgu, rŭ muxŭchinema ñanguxuchi. [Rŭ ngêxgumarŭŭ tá ta Tupanaxŭtawã nangugŭ i muxŭma i duŭxŭgŭ ega chayuxgux.]

²⁵ –Rŭ pemaã nŭxŭ chixu rŭ texê ya yixema tŭmaãrŭ maxŭxŭ ngechaŭxê i ñoma i naãnewa rŭ tá itayarŭtaxu. Natŭrŭ texê ya yixema tama tŭmaãrŭ maxŭxŭ ngechaŭxê rŭ tama yuxŭ muŭxê i ñoma i naãnewa, rŭ tá tŭxŭ nangêxma i maxŭ i taguma gŭxŭ.

²⁶ –Rü ngëxguma texé choxŭ puracüchaŭgu rü name nixi i chowe tarüxü. Rü ngëma choma tá ichangëxmaxüwa rü ngema rü tá ta tangëxma i tümax. Rü ngëxguma texé choxŭ puracügu rü Chaunatü ya Tupana rü tá tümamaã nataãë –ñanagürü.

Ngechuchu nanaxunagü ga norü yuxchiga

²⁷ –Rü Ngechuchu ñanagürü: –Rü ñuxma rü poraãcü changechaŭ rü chanaxixächiãë. ¿Rü tacüxü tá Chaunatümaã chixuxŭ? Taxucürüwa namaã nüxü chixu na choxŭ inanguxuchixëëxücëx na tama chayuxücëx, erü woetama ngëmacëx núma chaxŭ –ñanagürü.

²⁸ Rü ñanagürü: –Pa Chaunatüx, ¿Choxŭ rüngüxëë na duüxügüpëxewa cuzŭ chataxëëxücëx! –ñanagürü. Rü yexguma ga yema duüxügü ga yéma yexmagüxŭ rü nüxü naxinüë ga wüxi ga naga ga daxüwa inaxüxŭ ga ñaxŭ: –Marü cuzŭ charüngüxëë na choxŭ cutaxëëxŭ ga noxru, rü wena táxaru cuzŭ charüngüxëë na choxŭ cutaxëëxücëx –ñanagürü ga yema naga.

²⁹ Rü yema duüxügü ga yéma yexmagüxŭ ga nüxü inüëxŭ ga yema naga, rü ñanagürügü: –Wüxi i duruanexŭ nixi –ñanagürügü. Natürü togü rü ñanagürügü: –Wüxi i Tupanaärü orearü ngerü i daxüdüax nixi i namaã idexaxŭ –ñanagürügü.

³⁰ Rü yexguma ga Ngechuchu rü ñanagürü nüxü: –Tama chauxcëx nixi i nüxü pexinüëxŭ i ngëma naga. Rü pexcëxtama nixi i nüxü pexinüëxŭ.

³¹ –Rü ñuxma tá nixi i Tupana inaxügüãxŭ na tüxŭ napoxcuexŭ ya duüxë naxcëx i tümaärü pecadugü. Rü ñuxma tá nixi i Tupana inatëxüchixŭ i ngëma ñoma i naãnewa poraxŭ i Chataná.

³² –Rü ngëxguma curuchawa chipotagu rü chaugüxütawa tá chanagagü i guxüma i duüxügü –ñanagürü ga Ngechuchu.

³³ Rü yema orewa duüxügümaã nüxü nixu ga ñuxãcü tá na nayuxŭ.

³⁴ Rü yema duüxügü nanangãxügü, rü ñanagürügü: –Torü mugü i ümatüxüwa nüxŭ tadaugü na guxügutáma namaxëchaxŭ ya Cristu. ¿Rü ñuxãcü i cuma rü ñacurügü: “Rü Tupana Nane ya duüxüxŭ ixicü rü curuchawa tá nipota”, ñacurügü? ¿Rü texé tixi ya yixema Tupana Nane ya duüxüxŭ ixixë? –ñanagürügü.

³⁵ Rü yexguma ga Ngechuchu rü ñanagürü nüxü: –Ñoma rü ta petanüwa changëxma na ñoma i naãnewa pexŭ changüxëëxücëx rü ngëmaãcü pexŭ changóonetanüxëëxücëx. Natürü paxaãchicëxicatama petanüwa changëxma. Rü name nixi i paxa choxŭ peyaxögü ñoma rü ta pexcëx chanangóonexëë naxüpa na naxëãnexŭ. Erü yixema ëãnexüwa ngëxmaxë rü tama nüxü tacuëx na ngextá taxüxŭ.

³⁶ –Rü ñoma rü ta petanüwa changëxma rü name nixi i paxa choxŭ peyaxögü na chorü ngóonexüwa pengëxmagüxücëx –ñanagürü. Rü yema ñaxguwena rü natanüwa inaxüxŭ ga Ngechuchu. Rü naxchaxwa inicux.

Tacücëx nixi ga Yudiugü ga tama Ngechuchuaxŭ yaxögüãxŭ

³⁷ Rü woo ga Ngechuchu rü duüxügüpëxewa nanaxü ga muxüma ga taxŭ ga mexŭ ga cuëxruügü ga Tupanaärü poramaã naxüxŭ, natürü yexguma rü ta tama nüxŭ nayaxögü ga duüxügü.

³⁸ Rü yemaãcü Tupana nayanguxëë ga yema ore ga Ichaxía ümatüxŭ ga ñaxŭ: “Pa Corix, taxüema tayaxô ga yema ore ga tüxŭ tangüxëëxŭ. Rü woo nüxŭ tadaugü na ñuxãcü naporaxŭ ya Tupana, rü tama tayaxögü”, ñaxŭ.

³⁹⁻⁴⁰ Rü yemaãcü ga yema duüxügü rü tama nayaxögü yema Ichaxía ümatüxüwa nüxŭ yaxuxürü, rü:

“Yema duüxügü rü tama nüxŭ nadaugüchaŭ rü tama nayaxögüchaŭ rü tama Tupanacëx nawoeguchaŭ. Rü yemacëx ga Tupana rü nüxma nixü na tama nüxŭ nadaugüxücëx rü tama yaxögüãxücëx rü tama naxcëx nawoeguxücëx na nüma nüxma naxããxücëx i maxŭ i ngexwacaxüxŭ”,

ñaxŭ.

⁴¹ Rü yema ñanagürü ga Ichaxía yerü nangoxetügu marü nüxŭ nadau na ñuxãcü ãëxgacü ya tacüxüchi na yixŭ ya Ngechuchu ya Cristu. Rü yemaãcü nachiga nidexa.

⁴² Natürü muxüma ga yema Yudiugarü ãëxgacügü rü Ngechuchuaxŭ nayaxögü, rü woo ga ñuxre ga naërugü rü ta nayaxögü, natürü tama nügü nixugüchaŭ ga duüxügüpëxewa, yerü namuüë na Parichëugü ngutaquëxepataüwa inawoxüxŭ.

⁴³ Rü yemaãcü tama nügü nixugüchaŭ, yerü norü me nixi ga duüxügü namaã nataãëgüxŭ rü tama aixcüma naxcëx nadaugü na Tupana namaã taãëxŭ.

Texé ya tama Ngechuchuarü oreaxŭ yaxôxë rü tá tapoxcu

⁴⁴ Rü tagaãcü ñanagürü ga Ngechuchu: –Texé ya choxŭ yaxôxë rü tama choxüxicatama tayaxô. Natürü Chaunatü ya núma choxŭ mucüaxŭ rü ta tayaxô.

45 –Rü texé ya choxŭ dauxe, rü Chaunatŭ ya núma choxŭ mucŭxŭ rü ta tadau.

46 –Choma na ngóonexêêruŭ chíxŭ, rü ñoma i nañewa changu na guxâma ya texé ya choxŭ yaxôxê rü tama êñexŭtwa na tangêxmagüechaxŭcêx.

47 –Natürü ngêxguma texé nüxŭ ñngu i chorü ore rü tama tayaxôxgu rü tama choma nixŭ i tüxŭ chapoxcuxŭ. Erü tama ñoma i nañewa changu na chanapoxcuxêcêx i duŭxŭgü, natürü núma chaxŭ na chanamaxêêxêcêx.

48 –Yixema texé ya tama choxŭ yaxôxê rü tama chauga ñnuxê rü marü tüxŭ nangêxma na ñacücxê tá Tupana tüxŭ poxcuxŭ. Erü ngêma ore i nüxŭ chixuxŭgagu tátama nixŭ ya Tupana i tüxŭ napoxcuxŭ i nañeârü guxgu, erü tama tayaxô i ngêma ore i nüxŭ chixuxŭ.

49 –Tama chaugagutama chidexa, natürü guma Chaunatŭ ga núma choxŭ mucü, rü guma nixŭ ga chomaã nüxŭ ixucü na ñacüxŭ tá duŭxŭgümaã chixuxŭ rü ñuxácü tá chanangüexêêxŭ.

50 –Rü nüxŭ chacücxê na Chaunatŭarü orewa nangêxmaxŭ i maxŭ i taguma gúxŭ. Rü ngêmacêx i ngêma ore i nüxŭ chixuxŭ, rü ngêmatama ore nixŭ i Chaunatŭ choxŭ muxŭ na nüxŭ chixuxŭ –ñanagürü ga Ngechuchu.

13

Ngechuchu rü norü ngüexŭgüxŭ niyauxgücutü

¹ Rü wüxi ga ngunexŭ nataxu ga nawa na nanguxŭ ga yema Yudiŭgüarü peta ga Üpetüchiga. Rü Ngechuchu nüxŭ nacücxê ga marü nawa na nanguxŭ ga ñoma ga nañewa na yaxŭxŭ rü wenaxârü Nanatüxŭtwa na naxŭxŭ. Rü núma rü yexguma ñoma ga nañewa nayexmagu rü guxŭguma tüxŭ nangechaŭ ga guxema noxrü ixŭgüxe. Rü yexgumarüŭ ta ga yexguma toxna yaxŭxchaŭgu ga daxŭguxŭ ga nañewa na naxŭxŭ, rü yemaãcü poraãcü toxŭ nangechaŭ.

²⁻⁴ Natürü ga Chataná rü marü Yuda ga Chimáü ga Icaríute nanena nangu na bexma cüãcü Ngechuchuxŭ ñnaxuaxŭxŭcêx. Rü Ngechuchu rü marü nüxŭ nacücxê ga Nanatüxŭtwa na ne naxŭxŭ rü wena táxarü Nanatücxê na nataeguxŭ. Rü nüxŭ nacücxê ga Nanatŭ rü namxêxgu na naxŭãxŭ ga guxŭma ga pora. Rü yemacêx ga yema chütaxŭgu ga yexguma mechawa ítachibüeyane, rü inachi ga Ngechuchu. Rü ñnaxuchi ga norü gáuxŭchiru, rü wüxi ga tuayamaã nügü nigoye.

⁵ Rü ñuxŭchi yauxmêxŭpáxŭgu dexáta naba, rü toxŭ niyauxgücutü. Rü guma tuaya ga namaã yagoyecümaã toxŭ ñnapigücutü.

⁶ Rü yexguma Chimáü ga Pedruxŭ nayauxcutüchaŭgu rü ñanagürü ga Pedru: –Pa Corix, ¿ñuxácü tá i cuma i choxŭ cuyauxcutüxŭ? –ñanagürü.

⁷ Rü Ngechuchu nanangãxŭ rü ñanagürü: –Ñuxma rü tama nüxŭ cucücxê i tüxcüŭ na chanaxŭxŭ i ñaã, natürü yixcama rü tá nüxŭ cucücxê –ñanagürü.

⁸ Natürü ga Pedru rü ñanagürü: –Choma rü táütáma chanaxwêxe na choxŭ cuyauxcutüxŭ –ñanagürü. Rü Ngechuchu nanangãxŭ rü ñanagürü nüxŭ: –Ngêxguma tama cuxŭ chayauxcutügu, rü táütáma choxrü quixŭ –ñanagürü.

⁹ Rü yexguma ga Chimáü ga Pedru rü ñanagürü nüxŭ: –Pa Corix, ¿Tama choxŭ cuyauxcutüxŭcatama! Natürü chanaxwêxe i choxŭ cuyauxmêx rü choxŭ cuyaxeru ta –ñanagürü.

¹⁰ Natürü Ngechuchu nanangãxŭ rü ñanagürü nüxŭ: –Texé ya ngexwacêx aiyaxe rü tanaxwêxe i túmacütüxŭcatama tayaxu, erü guxŭwama tangemata. Rü pema rü marü pingematagü, natürü tama guxâma aixcüma tingemata –ñanagürü.

¹¹ Rü Ngechuchu nüxŭ nacücxê na texé tá bexma cüãcü ñnaxuaxŭxŭ, rü yemacêx ñanagürü nüxŭ: –Natürü tama guxâma aixcüma tingemata –ñaxŭ.

¹² Rü yexguma toxŭ yauxgücutüguwena, rü Ngechuchu wena nicüxcuchi ga norü gáuxŭchiru. Rü wenaxârü mechawa narüto. Rü ñanagürü toxŭ: –¿Nüxŭ pecuáxŭ yixŭ i ngêma chaxŭxŭ?

¹³ –Pema rü: “Pa Ngüexêêruŭ” rü “Pa Corix”, ñaperügü choxŭ. Rü marü name i ngêma ñaperügü, erü aixcümaxŭchi ngêma chixŭ.

¹⁴ –Rü ñuxma i choma na ngüexêêruŭ chixŭxŭ rü pemaã na ichacuáxŭ, rü pexŭ chiyauxgücutü. Rü ngexgumarüxŭ ta i pema rü name i wüxichigü i pemücxŭ piyauxgücutü.

¹⁵ –Choma rü pexŭ nüxŭ chadauxêê na ñuxácü tá penaxŭxŭ na pema rü ngema pemaã chaxŭxŭãcü penaxŭxŭcêx.

¹⁶ –Rü aixcüma pemaã nüxŭ chixu rü taxuŭma i wüxi i coriarü duŭxŭ rü norü coriétüwa nügü nangexmaxêê. Rü taxuŭma i ãêxgacüarü orearü ngeruxŭ i norü ãêxgacü i namuxŭtétüwa nügü nangexmaxêê.

¹⁷ –Rü ngêxguma nüxŭ pecuêxgu i chorü ore rü penaxŭxgu i ngêma pemaã nüxŭ chixuxŭ, rü aixcüma tá petaãêgü.

18—Rü tama guxãma i pechiga nixĩ i chidexaxũ. Erũ choma rü tüxũ chacuèx rü texégũ tixĩ ya yixema tüxũ chidexechixe. Natürũ Tupana nayanguxêêchaũ i norũ ore i ùmatüxũ i ñaxũ: “Texé ya chomaã chibüxe rü chomaã tarüxuanũ”, ñaxũ. Rü ngêmaãcü tá nangupetü na yanguxüçèx i ngema Tupanaarũ ore.

19—Natürũ naxüpa na nangupetüxũ i ngêma, rü pemaã nüxũ chixu na choxũ peyaxögüxüçèx i ngêxguma nangupetüxgu.

20—Aixcüma pemaã nüxũ chixu rü texé ya tüxũ yaxüxe ya yixema choma ngema tüxũ chamuxê, rü choxũ nixĩ i tayaxuxũ. Rü texé ya choxũ yaxüxe, rü Chaunatu ga nũma choxũ mucüxũ nixĩ i tayaxuxũ —ñanagürũ ga Ngechuchu.

Ngechuchu nüxũ nixu ga Yuda rü tá bexma cüãcü na ñaxuxaxũãxũ

(Mt 26.20-25; Mr 14.17-21; Lc 22.21-23)

21 Rü yexguma yema ñaxguwena ga Ngechuchu rü poraãcü ngechaũ nüxũ nangux, rü meãma tomaã nanangoxêê, rü ñanagürũ toxũ: —Aixcüma pemaã nüxũ chixu rü wüxie i petanüwa tá nixĩ i bexma cüãcü choxũ ñtaxuxaxũxũ —ñanagürũ.

22 Rü yexguma ga toma ga norũ ngüexũgü rü wüxichigü togü tadawenü, rü tama nüxũ tacüxgü ga texéçhiga na yema ñaxũ.

23 Rü choma ga norũ ngüexũ ga poraãcü choxũ nangechaũxê rü nacüwawa charüto ga Ngechuchu ga mechawa.

24 Rü Chimãũ ga Pedru rü bexma choxũ naxuneta ga na Ngechuchuna chaçaxüçèx ga texéçhiga na yixũ ga yema.

25 Rü yexguma ga choma rü yexeraãcü Ngechuchuna chimaxcuchi rü nüxna chaca, rü ñacharügü: —Pa Corix, çtexé tá tixĩ ya yixema? —ñacharügü.

26 Rü Ngechuchu choxũ nangãxũ, rü ñanagürũ: —Wüxi i pãüãrũ bücuxũ tá íchacúe, rü yixema tüxna chanaxãxê, rü yixema tixĩ —ñanagürũ. Rü yexguma ñanacúe ga wüxi ga pãüãrũ bücuxũ rü Yuda ga Icaríute ga Chimãũ nanena nanaxã.

27 Rü yexgumatama Yuda nayauxgu ga yema pãüãrũ bücuxũ rü ngoxo ga Chataná rü Yudagu naxücu. Rü yexguma ga Ngechuchu rü ñanagürũ nüxũ: —Rü ngêma cuxüxchaũxũ, jrũ paxa naxũ! —ñanagürũ.

28 Natürũ taxüema ga toma ga mechawa chibüxe nüxũ tacüxgü ga çacüçhiga na yixũ ga yema ñaxũ ga Ngechuchu.

29 Rü nũma ga Yuda rü diêruchiãrũ dauruũ nixĩ. Rü yemacèx ñuxre ga toma nüxũ tacüxgü rü Ngechuchu taxewa nanamu, na çacüçèx yataxexüçèx naxcèx ga peta, rü êxna duũxgü ga ngearü diêruãxũna ngixũ na naxãxüçèx ga diêru.

30 Rü yexguma Yuda nayauxgu ga yema pãü, rü ñaxũxũ ga yema ucapuwa. Rü marü nachüta ga yexgumax.

Ngechuchu norũ ngüexgümaã nüxũ nixu ga yexwacaxũxũ ga norũ mu

31 Rü yexguma Yuda íxüxguwena, rü Ngechuchu rü ñanagürũ: —Rü ñuxma rü tá aixcüma nangox na ñuxãcü naporaxũ ya Tupana Nane ya duũxũxũ ixicü. Rü yimawa tá nixĩ i nangoxêêãxũ ya Tupana i norũ pora.

32—Rü ngêxguma yima Tupana Nane nangoxêêxgu i Tupanaarũ pora, rü ngêxgumarũ tá ta ya Tupana rü nanangoxêê i Naneãrũ pora. Rü paxa tá nixĩ i ngêma.

33—Pa Chauxacüãxgüx, täütãma muxũ i ngunexũ petanüwa changêxma. Rü pema rü tá chauxcèx pedaugü, natürũ ngêma choma íchaxüxüwa rü taxucürüwama ngema pexĩ. Rü ñaãtama ore nixĩ ga marü Yudiügüarũ ãëxgacügümaã nüxũ chixuxũ, rü ñuxma rü pemaã rü ta nüxũ chixuxũ.

34—Rü pemaã nüxũ chixu i wüxi i ngexwacaxũxũ i mu. Rü ngêma pexũ chamuxũ nixĩ i pemücügüxũ na pengechaũxũ i wüxichigü. Rü ngêma na choma pexũ changechaũxürü, rü chanaxwêxe i wüxichigü i pema rü pemücügüxũ pengechaũgü.

35—Rü ngêxguma wüxichigü pemücügüxũ pengechaũgü, rü guxüma i duũxgü tá nüxũ nicüèxãchitanũ na chorũ ngüexũgü pixigüxũ —ñanagürũ.

Ngechuchu nüxũ nixu rü Pedru rü täxütãma nügü nixu na norũ ngüexũ yixixũ

(Mt 26.31-35; Mr 14.27-31; Lc 22.31-34)

36 Rü Chimãũ ga Pedru rü Ngechuchuna naca, rü ñanagürũ: —Pa Corix çngextã tá cuxũ? —ñanagürũ. Rü Ngechuchu nanangãxũ, rü ñanagürũ: —Ngema íchaxüxüwa rü taxucürüwa chowe curüxũ i ñuxmax. Natürũ yixcama rü ngemããcü tá chowe curüxũ —ñanagürũ.

37 Rü yexguma ga Pedru rü ñanagürũ: —Pa Corix, çtüxcüũ taxucürüwa cuwe charüxũ i ñuxmax? Erũ marü íchamemare na cuxcèx na chayuxũ —ñanagürũ.

38 Rü Ngechuchu nanangãxũ, rü ñanagürũ: —¿Aixcüma yixũ i marü ícumemarexũ na chauxcèx cuyuxũ? Aixcüma cumaã nüxũ chixu rü täütãtama yacaxgu ya otã, rü tomaëpüxcüna tá nüxũ quixu na tama choxũ cucuãxũ —ñanagürũ ga Ngechuchu.

14

Ngechuchu rü nama i Nanatüxütawa nadaxü nixi

- 1 —¡Täxü i penaxixächiaëgüxü i pemax! ¡Tupanaäxü peyaxögü rü choxü rü ta peyaxögü!
- 2 —Chaunatüxütawa nangëxma i muxüchixüma i nachicagü. Ngëxguma chi natauxguma, rü täu chüma pemaã nüxü chixu na pexcëx chayamexëëxüçëx i pechicagü.
- 3 —Rü ngëxguma marü ngema chaxüxgu rü wüxi i pechica chamexëëxüçëx, rü wena táxarü núma chaxü. Rü pexü tá chayagagü na ngëma nachica i chomatátama nawa changëxmaxüwa na pengëxmagüxüçëx i pemax.
- 4 —Rü pema rü nüxü pecuëx na ngextá tá na chaxüxü, rü marü nüxü pecuëx i nama i ngema nadaxü —ñanagürü ga Ngechuchu.
- 5 Rü Tumachi rü ñanagürü: —Pa Corix, tama nüxü tacuëx na ngextá na cuxüxü. ¿Rü ñuxäcü tá i nüxü tacuáxü i ngëma nama? —ñanagürü.
- 6 Rü Ngechuchu nanangäxü, rü ñanagürü: —Choma nixi i ngëma nama i Chaunatüxütawa nadaxü chüxü. Rü aixcüma nixi i ngëma ore i nüxü chixuxü. Rü choma nixi i duüxügüxü chamaxëëxü. Rü chaugaguxicatama nixi i Chaunatüxütawa nangügüxü i duüxügü.
- 7 —Rü ngëxguma chi pema rü aixcüma meã choxü pecuëxgü, rü Chaunatüxü rü chi ta pecuëxgü. Rü ñuxmaüçüü nixi i Chaunatüxü pecuáxü, erü marü nüxü pedaugüecha —ñanagürü.
- 8 Rü yexguma ga Piripi rü ñanagürü: —Pa Corix, ¡Toxü nüxü nadauxëë ya Cunatü! Rü ngëxicatama i tanaxwëxegüxü —ñanagürü.
- 9 Rü Ngechuchu nanangäxü, rü ñanagürü: —Pa Piripix, ¿ñuxre ya tauncü marü petanüwa changëxma rü ñuxma rü ta tama choxü cucuëxëgaxü? Yixema choxü dauxe rü Chaunatüxü rü ta tadau. ¿Rü tüxcüü i ngëxguma rü ta cunaxwëxexü i pexü nüxü na chadauxëëxü ya Chaunatü?
- 10 —¿Tama ëxna cuyaxö na choma rü Chaunatümaã rü wüxitama tixigüxü? Rü guxüma i ore i pemaã nüxü chixuxü rü tama chaeuchama nüxü chixu. Erü yima Chaunatü ya wüxiwa chomaã nangëxmacü, rü yima nixi ya naxücü i guxüma i noxrütama puracü.
- 11 —Chanaxwëxe i choxü peyaxögü na choma rü Chaunatümaã wüxitama tixigüxü. Natürü woo tama ngëma pixögügu rü chanaxwëxe na choxü peyaxögüxü naxcëx i ngëma mexügü i taxü i Tupanaärü poramaã chaxüxü.
- 12 —Aixcüma pemaã nüxü chixu rü yixema choxü yaxöxë rü tá tanaxü i guxüma i choma chaxüxü. Rü ngëma chaxüxüärü yexera tá taxü, erü choma rü tá Chaunatüxütawa chaxü.
- 13 —Rü guxüma i ¡täcü i chauégagu Tupanaxütawa naxcëx ípeçaxü rü tá pexna chanaxä. Rü ngëmaäcü tá chanaxü na chaugagu nangóxüçëx i Chaunatüarü pora.
- 14 —Rü choma tá chanaxü i guxüma i ¡täcü i chauégagu choxna naxcëx peçaxü.
- Ngechuchu rü norü ngüexügümaã inaxuneta na naxcëx tá núma namuäxü i Naãë i Üünexü*
- 15 —Rü ngëxguma aixcüma choxü pengechaügu, rü naga tá pexinüë i chorü mugü.
- 16 —Rü choma tá Chaunatüna naxcëx chaca na núma pexcëx namuäxüçëx i to i perü ngüxëerüü i Naãë i Üünexü, na guxügütama petanüwa nangëxmaxüçëx. Rü núma tá nixi i pexcëx nangoxëëäxü i ore i aixcüma ixixü.
- 17 —Rü ñoma i naãneçüäx i duüxügü rü taxucürüwama nanayauxgü, erü tama nüxü nadaugü rü tama nüxü nacuëxgü. Natürü i pema rü marü nüxü pecuëx, erü núma rü petanüwa nangëxma. Rü guxügütama pemaã inarüxäüx.
- 18 —Rü täütáma núma pexü chawogümare i chomax, erü wena táxarü pexcëx chataegu, na petanüwa changëxmaxüçëx.
- 19 —Rü paxa tá nixi na täütáma choxü nadaugüxü i ñoma i naãneçüäx i duüxügü. Natürü i pema rü tá choxü pedaugü. Rü tá pemaxë, erü choma rü chamaxü.
- 20 —Rü ngëxguma yuwa ícharüdaxgu rü wena chamaüxgu, rü ngëxguma tá nüxü picuëxächitanü na choma rü Chaunatüwa chamaxüxü rü pema i chowa rü choma i pewa.
- 21 —Yixema texë ya nüxü cuáxe rü naga ñnuxë i chorü mugü, rü tanangoxëë na aixcüma choxü tangechaüxü. Rü Chaunatü tá tüxü nangechaü ya yixema choxü ngechaüxë, rü choma rü tá ta tüxü changechaü. Rü tüxü tá chaugü chawëx —ñanagürü ga Ngechuchu.
- 22 Rü nayexma ga to ga Ngechucharü ngüexü ga Yudagu äëgaxü ta. Rü yema rü ñanagürü: —Pa Corix, ¿tüxcüü toxü cugü cuwëx, rü tama ñoma i naãneçüäx i duüxügüxü cugü cuwëx? —ñanagürü.
- 23 Rü Ngechuchu nanangäxü, rü ñanagürü: —Yixema choxü ngechaüxë rü naga taxinü i ngëma ore i tümamaã nüxü chixuxü. Rü Chaunatü tá tüxü nangechaü. Rü choma rü Chaunatümaã wüxigu tümaxütawa tá tangëxmagü.
- 24 —Yixema tama choxü ngechaüxë rü tama naga taxinü i ngëma chorü ore. Rü ngëma ore i chauxütawa nüxü pexinüëxü rü tama chorü ore nixi, natürü guma Chaunatü ga núma choxü mucüarü ore nixi.

²⁵—Ñoma rü ta petanüwa changëxma rü pemaã nüxü chixu i guxüma i ngëma ore i pexcëx choxü ngëxmaxü.

²⁶—Natürü Chaunatü rü tá chauégagu núma nanamu i Naãe i Üünexü na pexü nangüxëxüçëx. Rü nüma i Naãe i Üünexü tá pexü nangüxëxëe i guxüma, rü tá nüxna pexü nacüxëxchixëe i guxüma i ore ga pemaã nüxü chixuxü.

²⁷—Rü ñuxma na pexna íchixüxü, rü pexna chanaxã i taãe. Natürü ngëma taãe i pexna chaxãxü, rü tama ñoma i naãneçüãx pexna äxü i taãerüü nixí. Rü tama chanaxwëxe i penaxixãchiãëgü rü pemuðë.

²⁸—Marü pemaã nüxü chixu na pexna tá íchixüxü rü wena táxarü pexcëx chataeguxü na pemaã changëxmaxüçëx. Rü choxü pexinüë ga yexguma yema ñachaxgu. Rü ngëxguma aixcüma choxü pengechaügu rü tá petaãëgü ega nüxü pecuëxgu na Chaunatüçëx chataeguxü, erü Chaunatü rü chorü yexera nixí.

²⁹—Rü naxüpa na nangupetüxü i ngëma, rü pemaã nüxü chixu na choxü peyaxögüxüçëx i ngëxguma nangupetüga.

³⁰—Marü táütáma poraãcü pemaã chidexa, erü marü ínangu i Chataná i ñoma i naãneärü äëxgacü ixixü. Natürü nüma rü taxuwama choxü narüyexera.

³¹—Natürü ngëma tá choxü ngupetüxü, rü ngëmaãcü tá nixí na guxüma i ñoma i naãneçüãx i duüxügü nüxü nacüáxüçëx na choma rü Chaunatüxü na changechaüxü, rü chanaxüxü i ngëma nüma choxü namuxü. ¡Rü ipechigü, rü ngíxã ítixí! —ñanagürü ga Ngechuchu.

15

Ubanegu nügü nangu ga Ngechuchu

¹ Rü ñanagürü ga Ngechuchu: —Choma nixí i ñoma wüxi i ubanerüü chíxü rü Chaunatü nixí ya norü yora ixicü i ngëma uba.

²—Rü chorü duüxügü rü ngëma ubachacüügürüü nixígü. Rü ngëma ubachacüü i tama oxü, rü norü yora rü nayadae. Natürü ngëma nachacüü i oxü, rü meã nanamexëetanü na yexeraãcü poraãcü naxoxëçëx.

³—Pema rü marü pime, yerü naga pexinüë ga yema ore ga pexü changüxëxëxü.

⁴—Rü name nixí i guxüguma chowa peyaxüxgü, ngëma na choma rü pewa chayaxüxürüü. Erü wüxi i ubachacüü rü tama nüxíca naxo, ega tama nanewa yaxüxgux. Rü ngëxgumarüü ta i pema rü taxuacüma chauxcëx pemaxë, ega tama chowa peyaxüxgüechagu.

⁵—Choma nixí i ubane, rü pema i nachacüügü. Rü yíxema chowa yaxüëchaxe rü choma i tümawa, rü aixcüma tá chauxcëx tamaxü. Rü ngëmaãcü wüxi i ubachacüü i oxürüü tá tixí. Natürü ngëxguma tama chowa peyaxüxgüechagu, rü taxucürüwama ñacü pexüe.

⁶—Rü texë ya tama chowa yaxüëchaxe rü tá ítatëxüchi. Rü wüxi i ubachacüü i daexü rü ipaxü rü iguxürüü tá tixí, rü ngëma tá tayarüxo.

⁷—Rü ngëxguma chowa peyaxüxgüechagu rü taguma nüxü ipeyarüngümaëgu i ngëma ore i pexü changüxëxëxü, rü marü name i naxcëx ípeca i ñacü i penaxwëxëxü, rü choma rü tá pexna chanaxã.

⁸—Rü ngëxguma aixcüma meã chauxcëx pemaxëgu, rü Chaunatüxü tá nicüxüügü i duüxügü. Rü ngëmaãcü aixcüma chorü ngüxügü tá pixígü.

⁹—Choma rü pexü changechaü ngëma na Chaunatü choxü ngechaüxürüü. Rü chanaxwëxe i aixcüma meã chauga pexinüëëcha, erü choma rü guxüguma pexü changechaü.

¹⁰—Choma rü naga chaxinü i Chaunatüarü mugü rü nüma rü guxüguma choxü nangechaü. Rü ngëxgumarüü tá ta nixí ega naga pexinüëgu i chorü mugü, rü guxügutáma pexü changechaüëcha.

¹¹—Choma rü ngëmaãcü pemaã nüxü chixu na wüxigu chomaã petaãëgüxüçëx. Rü ngëmaãcü tá aixcüma petaãëgü.

¹²—Rü choma pexü chamu na pemücügüxü pengechaügüxüçëx, ngëma choma na pexü changechaüxürüü.

¹³—Rü ngëxguma wüxie aixcüma tümamücüxü ngechaügu, rü nüxü tangechaüáma rü nüetama ega woo tümamücüçëx tayuxgu. Rü nataxuma i to i ngechaü i ngëmaärü yexera.

¹⁴—Pema rü chomücügü pixígü i ngëxguma chauga pexinüëgu.

¹⁵—Choma rü marü tama chorü duüxügümareãcü pexü chaxu. Erü wüxi i coriarü duüxümare rü tama nüxü nacüxëx i ngëma norü cori üxü. Natürü ñuxma rü chomücügümaã pexü chaxu, erü pexü nüxü chacüxëe i guxüma i ore ga Chaunatü chomaã nüxü ixuxü.

¹⁶—Pema rü tama pexira chauxcëx pedaugü, natürü chaxira nixí ga pexcëx chadauxü rü pexü chamuxü na aixcüma chauxcëx pemaxëxüçëx rü chauxütawa penagagüxüçëx i

muxŭma i duŭxŭgŭ na guxŭguma choxŭ yaxŭgŭãxŭcèx. Rŭ Chaunatŭ ya Tupana tá pexna nanaxã i guxŭma i tacŭ i chauégagu nŭxna naxcèx pecaxŭ.

17—Rŭ ngêma nixŭ i pexŭ chamuxŭ na pemŭcŭgŭxŭ pengechaŭgŭxŭcèx.

Nŭma i naãnecŭãx i duŭxŭgŭ rŭ Ngechuchuchi rŭ norŭ ngúexŭgŭchi naxaie

18—Ngêxguma ñoma i naãnecŭãx i duŭxŭgŭ pexchi aiegu, rŭ ñnŭxna pecuèxãchie ga chaxira chauchchi na naxaieŭ!

19—Rŭ ngêxguma chi ñoma i naãnecŭãx i duŭxŭgŭrŭ pixŭgŭgu, rŭ ñoma i naãnecŭãx i duŭxŭgŭ rŭ chi pexŭ nangechaŭgŭ ngêma natanŭxŭgŭxŭ na nangechaŭgŭxŭrŭ. Natŭrŭ choma nixŭ ga pexcèx chadauxŭ natanŭwa ga ñoma ga naãnecŭãx ga duŭxŭgŭ. Rŭ ngêmacèx nixŭ i pexchi naxaieŭ, erŭ marŭ tama naxrŭ pixŭgŭ.

20—ñNŭxna pecuèxãchie ga pemaã ñachagu:

“Taxuxŭma i wŭxi i coriarŭ duŭxŭ rŭ norŭ coriétŭwa nŭgŭ nangexmaxêê”, ñachagu! Rŭ yema na chauchchi na naxaieŭ, rŭ pexchi rŭ tá ta naxaie. Rŭ yexguma chi chauga naxŭnŭegu rŭ ñuxma rŭ chi ta pega naxŭnŭe.

21—Rŭ ngêmaãcŭ ta chaugagu pexchi naxaie i ñoma i naãnecŭãx i duŭxŭgŭ erŭ tama nŭxŭ nacuèxgŭ ya Chaunatŭ ga nŭma choxŭ mucŭ.

22—Rŭ ngêxguma chi choma tama namaã chanangoxêêgu na ñuxãcŭ chixri na namaxêxŭ, rŭ tãu chima nŭxŭ nacuèxgŭ ga pecadu na naxŭgŭxŭ. Natŭrŭ ñuxma namaã nŭxŭ na chixuxŭ na ñuxãcŭ chixri namaxêxŭ, rŭ ngêmacèx i ñuxma rŭ taxuacŭma nŭxŭ nixugŭ na yangearŭ pecaduãxŭ.

23—Rŭ guxŭma i duŭxŭgŭ i chauchchi aieŭ rŭ Chaunatŭchi rŭ ta naxaie.

24—Rŭ ngêma duŭxŭgŭpêxewa rŭ Tupanaãrŭ poramaã chanaxŭ i mexŭgŭ i taxŭ i taguma texé ya togue ŭxŭ. Rŭ ngêxguma chi tama napêxewa chanaxŭxgu i ngêma mexŭgŭ rŭ tãu chima Tupana namaã nanaxuegu na nagagutama yapecaduãxgŭxŭ. Natŭrŭ na woo marŭ nŭxŭ nadaugŭxŭ i ngêma mexŭgŭ i taxŭ i Tupanaãrŭ poramaã chaxŭxŭ, rŭ ngêxguma rŭ ta chauchchi naxaieama rŭ Chaunatŭchi rŭ ta naxaie.

25—Natŭrŭ ngêmaãcŭ nangupetŭ erŭ Tupana nayanguxêêchaŭ i norŭ ore i ŭmatŭxŭ i ñaxŭ:

“Chauchchi naxaie woo taxuŭma i chixexŭ chaxŭxgu”, ñaxŭ.

26—Natŭrŭ choma rŭ tá Chaunatŭégagu pexcèx nŭma chanamu i perŭ ngŭxêêrŭ i Tupanaãe i Ũñexŭ i tá pexŭ nŭxŭ cuèxêêxŭ i ore i aixcŭma ixŭxŭ. Rŭ nŭma tá nixŭ i meãma pemaã nŭxŭ yaxuxŭ i chauchiga.

27—Rŭ pema rŭ tá ta chauchigaxŭ pixugŭe, yerŭ noxri ichanaxŭgŭgu ga duŭxŭgŭmaã nŭxŭ na chixuxŭ ga chorŭ ore, rŭ woetama marŭ chauxŭtawa peyexmagŭ—ñanagŭrŭ ga Ngechuchu.

16

1 Rŭ Ngechuchu rŭ ñanagŭrŭ nŭxŭ: —Rŭ pemaã nŭxŭ chixu i ñãã ore na tama nŭxŭ na perŭxoexŭcèx na choxŭ peyaxŭgŭxŭ.

2—Rŭ ngutaquèxepataŭgŭwa tá pexŭ ñawoxŭ. Rŭ aixcŭma tá nawa nangu na texé pexŭ dèixŭ rŭ tá nagu tarŭxŭnŭxŭ na ngêmaãcŭ mexŭ Tupanacèx taxŭxŭ.

3—Rŭ ngêmaãcŭ tá pemaã namaxê i duŭxŭgŭ, erŭ taguma nŭxŭ nacuèxgŭ ya Chaunatŭ, rŭ choxŭ rŭ ta tama nacuèxgŭ.

4—Rŭ pemaã nŭxŭ chixu i ñãã ore i ñuxmax, na nŭxna pecuèxãchieŭcèx i ngêxguma yixcŭra ngêmaãcŭ pexŭ nangupetŭgu.

Tupanaãe i Ũñexŭãrŭ puracŭchiga

—Noxri rŭ tama pemaã nŭxŭ chixu i ñãã ore, yerŭ petanŭgu charŭxãŭx.

5—Natŭrŭ i ñuxma rŭ tá pexna íchixŭ na Chaunatŭ ga nŭma choxŭ mucŭxŭtawa na changèmaxŭcèx. Rŭ pema rŭ taxŭema choxna peca na ngextã tá na chaxŭxŭ.

6—Natŭrŭ poraãcŭ pengechaŭgŭama erŭ pemaã nŭxŭ chixu i ngêma ore.

7—Natŭrŭ aixcŭma pemaã nŭxŭ chixu rŭ pexcèx narŭmemaê nixŭ na Chaunatŭcèx chataeguxŭ. Rŭ ngêxguma chi tama Chaunatŭxŭtawa chaxŭxgu rŭ tãu chima nŭma naxŭ i Naãe i Ũñexŭ i pexŭ rŭngŭxêêxŭ. Natŭrŭ ngêxguma ngema chaxŭxgu rŭ choma tá nŭma chanamu i Naãe i Ũñexŭ.

8—Rŭ ngêxguma Naãe i Ũñexŭ nŭma ŭxgu rŭ tá guxŭ i duŭxŭgŭxŭ nŭxŭ nacuèxêe na yapecaduãxgŭxŭ. Rŭ tá nanangoxêe i ñuxãcŭ na yŭxŭ i ngêma maxŭ i Tupanapêxewa aixcŭma mexŭ. Rŭ tá duŭxŭgŭxŭ nŭxŭ nacuèxêe na Tupana tá napoxcuexŭ i duŭxŭgŭ naxcèx i norŭ pecadugŭ.

9 –Rü nüma i Naãe i Üünexũ tá duũxũgũxũ nüxũ nacuèxêê na pecaduãxgũxũ yĩxũ erũ tama choxũ nayaxõgũ.

10 –Rü tá nanangúexêê i ñuxãcü na yĩxũ i ngêma maxũ i Tupanapêxewa aixcüma mexũ, erũ choma rü tá Chaunatũxõtawa chaxũ, rü pema rü tãütáma marũ choxũ pedaugũ.

11 –Rü Naãe i Üünexũ tá duũxũgũxũ nüxũ nacuèxêê na Tupana tá napoxcuexũ i duũxũgũ i chixexũ ügũxũ, erũ Tupana rü namaã nanaxuegu na marũ napoxcuãxũ i Chataná i ñoma i naãnemaã icuáxũ.

12 –Choma rü choxũ nangêxma i muxũma i to i ore i pemaã nüxũ chixuxchaũchiréxũ. Natürũ ega ñuxma chi pemaã nüxũ chixuxgu rü tãu chima nüxũ pecuèxgũ.

13 –Rü Tupanaãe i Üünexũ rü nüxũ nixu i ore i aixcüma ixĩxũĩcatama. Rü ngêxguma núma naxũxgu rü núma tá pexũ nangúexêê i guxũma i ore i aixcüma ixĩxũ. Erũ núma rü tama nüechama tá nidexa, natürũ ngêma ore i Chaunatũxõtawa rü chauxõtawa nüxũ naxĩnũxũxica tátama nixu. Rü tá pexũ nüxũ nacuèxêê i guxũma i ñacũ i yixcüra tá ngupetũxũ.

14 –Rü nüma rü tá choxũ nataxêê, erũ chauxõtawa tá nanayaxu i norũ nguxêêtae, rü ñuxũchi tá pexũ nangúexêê namaã i ngêma nguxêêtae.

15 –Guxũma i Chaunatũaxũ ngêmaxũ rü choxrũ ta nixĩ. Ngêmacèx pemaã nüxũ chixu rü Naãe i Üünexũ rü chauxõtawa tá nanayaxu i norũ nguxêêtae, rü ñuxũchi pexũ tá namaã nangúexêê.

16 –Rü paxa tãütáma choxũ pedau. Natürũ ngêmawena rü wena táxaru choxũ pedau erũ Chaunatũxõtawa tá chaxũ –ñanagürũ ga Ngechuchu.

Ngema guxchaxũgũ rü yixcüama rü tá taãexũ nananguxuchi

17 Rü yexguma ñuxre ga toma ga Ngechuchuarũ ngúexũgũ rü togüna tacagũ, rü ñatarũgũgũ: –¿Tacũchiga nixĩ na ngêma ñaxũ:

“Rü paxa tãütáma choxũ pedaugũ. Natürũ ngêmawena rü wena táxaru choxũ pedaugũ”, ñaxũ? ¿Rü ñacũchiga ta nixĩ na ñaxũ:

“Choma rü Chaunatũxõtawa tá chaxũ”, ñaxũ?

18 –¿Rü ñacũchiga ta nixĩ na ñaxũ:

“Rü paxa tãütáma choxũ pedaugũ”, ñaxũ? Rü yixema rü tama nüxũ tacuèxgüéga na ñacũchigaxũ tamaã yaxuxũ –ñatarũgũgũ.

19 Rü Ngechuchu rü nüxũ nacuèxama ga nüxna na tacagũchaxũ ga tomãx. Rü yemacèx ñanagürũ toxũ: –Choma rü marũ pemaã nüxũ chixu rü paxa tãütáma choxũ pedau, natürũ ngêmawena rü wena táxaru chataegu rü pexũ. ¿Rü ngêma dexacèxtama i pegüna pecagũxũ?

20 –Rü aixcüma pemaã nüxũ chixu rü pema rü tá pexauxe, rü tá pengechaũgũ. Natürũ ñoma i naãnecũãx i duũxũgũ rü tá nataãégũ. Natürũ woo pema tá pengechaũgũ, rü ngêma perũ ngechaũ rü tá taãexũ nananguxuchi.

21 –Ngêxguma wũxi i nge iraxacũchaxũ rü inaxĩxãchiãe, erũ inguxneca. Natürũ ngêxguma marũ tabuxgu ya ngĩrũ õxchana, rü nüxũ iyarũngũma na ñuxãcü porãcü ngixũ na nanguxchiréxũ i noxrix, erũ tũmamaã itaãe ya ngĩrũ õxchana.

22 –Rü ngêxgumarũ tá ta pexũ nangupetũ i pemãx, erũ ñuxma rü penaxĩxãchiãégũ. Natürũ wena táxaru chataegu rü pexũ ichayadau. Rü ngêxguma rü tá pexũ nangêxma i wũxi i taãe i taxucürũwama texé pexna yaxuxũ.

23 –Rü ngêxguma ñanguxgu tá i ngêma ngunexũ na yanguxũ i ñãã pemaã nüxũ chixuxũ, rü taxucèxtáma ñacũcèx choxna pecagũ erũ aixcüma Chaunatũ tá nixĩ ya pexna naxãcü i guxũma i ñacũ i chauxéga nüxna naxcèx peçaxũ.

24 –Ñuxmarũta i pema rü taxuũcèxma chauxéga ipeçagũ. ¡Naxcèx ipeca rü tá penayaxu i ngêma naxcèx ipeçaxũ! Rü ngêmaãcü rü tá aixcüma petaãégũ.

Ngechuchu rü marũ nüxũ narũyexera i guxũma i ñacũ i ñoma i naãnewa ngêxmaxũ

25 –Ñuxma rü cuèxruũgũgũ chayaxuãcüma pemaã nüxũ chixu i ore. Natürũ nawa tá nangũ i ngunexũ i marũ tãütáma ngêmaãcü pemaã nüxũ chixu. Rü ngêxguma rü tá noxtangu meã pemaã chanangoxêê i Chaunatũchiga.

26-27 –Rü ngêma ngunexũgũ i pema rü Chaunatũxõtawa tá chauxéga naxcèx ipeca i ñacũ i penaxwèxexũ. Rü taxucèxma tũxcũũ choma tá Chaunatũxõtawa pexũ naxcèx ichaca, erũ nũmatama ya Chaunatũ rü woetama pexũ nangechaũ, erũ pema rü choxũ pengechaũ rü peyaxõgũ na naxõtawa ne chaxũxũ.

28 –Chaunatũxõtawa ne chaxũ na ñoma ga naãnewa chaxũxũcèx. Rü ñuxma rü tá nüxna chataegu i ñoma i naãne na wenaxãrũ Chaunatũxõtawa chaxũxũcèx –ñanagürũ.

29 Rü yexguma ga toma ga norũ ngúexũgũ rü ñatarũgũgũ: –Ñuxma waxi nixĩ i meãxũchima tomaã cunangoxêêxũ i curũ ore i tomaã nüxũ quixuxũ. Rü tama ñacũgu ixuxũcũma tomaã nüxũ quixu.

³⁰—Rü ñuxma rü nüxŭ tacuèx na aixcúma guxŭxŭma na cucuáxŭ. Rü taxuacúma texé ñuxŭ ñatagŭrŭ cuxŭ. Rü ngémacèx nixŭ i tayaxôgŭxŭ na aixcúma Tupanaxŭtawa na ne cuxŭxŭ —ñatarŭgŭgŭ.

³¹Rü Ngechuchu toxŭ nangãxŭ rü ñanagŭrŭ: —¿Aixcúma peyaxôgŭxŭ i ñuxmax?

³²—Rü nawa tá nangu i ngunexŭ rü ñuxmatátama nixŭ i na pegŭ pewoonexŭ. Rü wŭxichigŭ i pema rü tá pepatawa pexŭ, rü chaxica tá nuã choxŭ petèx. Natŭrŭ tama chaxica tá icharŭxãŭx, erŭ Chaunatŭ rü chauxŭtawa nangèxma.

³³—Rü guxŭma i ñãã ore rü pemaã nüxŭ chixu na chaugagu petaãgŭxŭcèx. Rü ñoma i naãnewa rü tá ngŭxŭ pinge. Natŭrŭ ¡peporae! erŭ choma rü marŭ nüxŭ charŭyexera i guxŭma i ñacŭ i ñoma i naãnewa ngèxmaxŭ —ñanagŭrŭ.

17

Ngechuchu rü norŭ ngŭexŭgŭcèx nayumŭxè

¹ Rü yema ñaxguwena rü Ngechuchu daxŭgu nadawenŭ, rü ñanagŭrŭ: —Pa Chaunatŭx, marŭ nawa nangu i ngunexŭ na chayuxŭ. Rü chanaxwèxe na duŭxŭgŭxŭ nüxŭ cucuèxèèxŭ na aixcúma choma rü cune chŭxŭ. Rü ngémaãcŭ i choma rü tá nüxŭ nüxŭ chacuèxèè na cuma rü aixcúma Tupana na quiŭxŭ.

²—Erŭ marŭ guxŭ i duŭxŭgŭarŭ ãexgacŭxŭ choxŭ quixŭxèè, na chanamaxèxèèxŭcèx i guxŭma i duŭxŭgŭ i choxna cumugŭxŭ.

³—Rü ngéma duŭxŭgŭ tá nüxŭ nangèxma i maxŭ i taguma gŭxŭ ega cuxŭ nacuèxgŭgu na cuxicatama Tupana na quiŭxŭ, rü choxŭ nacuèxgŭgu na choma rü Cristu ga núma choxŭ cumucŭ na chŭxŭ.

⁴—Choma rü marŭ cuxŭ chataxèè i ñoma i naãnewa rü chayanguxèè i guxŭma i puracŭ ga nawa choxŭ cumuxŭ.

⁵—Rü ñuxma Pa Chaunatŭx, rü chanaxwèxe i cugŭxŭtawa choxŭ cungèxmaxèè na choxŭ nangèxmaxŭcèx ga yematama pora ga cumaã choxŭ yexmaxŭ ga noxri tauta naãne ŭxgu.

⁶—Rü guxema duŭxègŭ ya tŭxŭ quidexechixe ga ñoma ga naãnewa na choxna tŭxŭ cumugŭxŭcèx, rü marŭ tŭxŭ nüxŭ chacuèxèè i texé na quiŭxŭ i cumax. Rü woetama cuxrŭgŭ tixŭgŭ rü cuma nixŭ ga choxna tŭxŭ cumugŭxŭ. Rü tŭmagŭ rü marŭ naga taxŭnŭe i curŭ ore.

⁷—Rü ñuxma rü marŭ nüxŭ tacuèx rü guxŭma i ngéma choxna cuxãxŭ, rü aixcúma cuxŭtawa ne naxŭ.

⁸—Rü choma rü marŭ tŭmamaã nüxŭ chixu ga curŭ ore ga chomaã nüxŭ quixuxŭ. Rü tŭmagŭ rü marŭ tayaxôgŭ i ngéma ore. Rü nüxŭ ticuèxãchitanŭ na aixcúma cuxŭtawa na ne chaxŭxŭ i chomax. Rü tayaxôgŭ ga cuma núma choxŭ na cumuxŭ.

⁹—Rü ngémacèx cuxna chaca na tŭxŭ na curŭngŭxèèxŭcèx. Rü tama cuxna chaca na nüxŭ curŭngŭxèèxŭcèx i ñoma i naãnecŭãx i duŭxŭgŭ, natŭrŭ cuxna chaca na tŭxŭ curŭngŭxèèxŭcèx ya guxema choxna tŭxŭ cumugŭxŭ, erŭ curŭ duŭxŭgŭ tixŭgŭ.

¹⁰ Rü guxãma ya yŭxema choxrŭgŭ ixŭgŭxe rü cuxrŭgŭ tixŭgŭ. Rü guxãma ya cuxrŭgŭ ixŭgŭxe rü choxrŭgŭ tixŭgŭ. Rü tŭmagagu rü duŭxŭgŭ choxŭ nicuèxŭgŭ.

¹¹—Choma rü marŭ tãutãma ñoma i naãnewa changèxmaècha, natŭrŭ i tŭmagŭ rü ngémaãcŭ ñoma i naãnewa tá tangèxmagŭ ngèxguma cuxŭtawa chaxŭyane. Pa Chaunatŭ ya Ũnecŭx, rü chanaxwèxe na curŭ pora ga choxna cuxãxŭmaã tŭxna cudaduxŭ ya yŭxema choxna tŭxŭ cumugŭxŭ, na ngémaãcŭ guxãma wŭxigu rŭxŭnŭèxŭcèx, ngéma cuma rü choma na wŭxigu rŭxŭnŭèxŭrŭŭ.

¹²—Rü yexguma guxema choxna tŭxŭ cumugŭxetanŭwa chayexmagu ga ñoma ga naãnewa, rü curŭ pora ga choxna cuxãxŭmaã tŭxna chadau rü tŭxŭ ¡chapoxŭ. Rü taxŭema ga guxema choxna tŭxŭ cumugŭxŭ rü itayarŭtauxe. Rü Yuda ga woetama iyarŭtaxŭxŭxŭcatama inayarŭtaxu na yanguxŭcèx i curŭ ore i ũmatŭxŭ.

¹³—Rü ñuxma rü cuxŭtawa tá chaxŭ. Natŭrŭ ñomarŭta ñoma i naãnewa changèxma-yane rü nüxŭ chixu i ñãã curŭ ore na tŭmagŭ rü ta tŭxŭ nangèxmaxŭcèx i ngéma taãe i aixcúma ixŭxŭ i choma choxŭ ngèxmaxŭ.

¹⁴—Choma rü marŭ tŭmamaã nüxŭ chixu i curŭ ore. Natŭrŭ ñoma i naãnecŭãx i duŭxŭgŭ rü tŭmachi naxaie, erŭ tŭma rü tama naxrŭŭ tixŭgŭ, ngèxgumarŭŭ i choma rü tama ñoma i naãnecŭãx rŭŭ chixŭ.

¹⁵—Tama cuxna tŭmacèx chaca na tŭxŭ na quigagŭxŭcèx i ñoma i naãnewa. Natŭrŭ cuxna chaca na tŭxŭ na ¡cupoxŭxŭcèx nüxna i ngoxo i Chataná.

¹⁶—Choma rü tama ñoma i naãnecŭãx chixŭ. Rü tŭmagŭ rü ta tama ñoma i naãnecŭãx tixŭgŭ, erŭ cuxrŭgŭ tixŭgŭ i ñuxmax.

¹⁷—Curŭ ore rü aixcúma nixŭ. Rü chanaxwèxe i tŭxŭ cungŭxèè i curŭ ore, na aixcúma cupèxewa tixŭünexŭcèx ya yŭxema choxna tŭxŭ cumugŭxŭ.

18—Rü yexgumarüü ga ñoma ga naãnecũãx ga duũxügütanüwa choxü na cumuxürüü, rü ngêxgumarüü i choma rü ta ñoma i naãnecũãx i duũxügü-tanüwa tüxü chamugü.

19—Rü tümagagu chaugü ichaxã na tüxü changüexêxücêx i curü ore i aixcüma ixixü, na cupêxewa tixüünexücêx ya yixema choxna tüxü cumugüxe.

20—Natürü tama yixema ñuxma yaxögüxecêxicatama cuxna chaca. Natürü cuxna chaca ta tümacêx ya yixema yixcürã tá yaxögüxe nagagu i tümäärü ore ya yixema ñuxma yaxögüxe.

21—Rü guxãma ya yixemacêx cuxna chaca na aixcüma wüxitama tixügüxcêx. Rü ngêma cuma rü choma na wüxitama ixügüürüü, Pa Chaunatüx, rü chanaxwêxe i guxãma i tüma rü ta wüxitama tixügü. Rü ngêmaacü i ñoma i naãnecũãx i duũxügü, rü tá nayaxögü na cuma núma choxü cumuxü.

22—Rü choma rü marü tüxna chanaxã i ngêmatama pora i cuma choxna cuxãxü na ngêmaacü wüxitama tixügüxcêx ngêma cuma rü choma na wüxitama ixügüürüü.

23—Rü chanaxwêxe na tümawa changêxmaxü rü cuma i chowa na cüngêxmaxü na ngêmaacü aixcüma wüxi-tama ixügüxü i guxãma i yixema. Rü ngêmaacü i ñoma i naãnecũãx i duũxügü rü tá nüxü nicuêxächitanü na cuma núma choxü cumuxü, rü tá nüxü nicuêxächitanü na tüxü cungechaüxü ya yixema choxna tüxü cumugüxe ngêma na choxü cungechaüxürüü.

24—Pa Chaunatüx, cuma choxna tüxü cumugü. Rü chanaxwêxe i chauxütawa tangêxmagü i ngema tá íchangêxmaxüwa, na nüxü tadaugüxcêx i chorü pora ga choxna cuxãxü. Yerü choxü cungechaü ga yexguma tauta naãne ixügügumama.

25—Pa Chaunatü ya Mecüx, ñoma i naãnecũãx i duũxügü rü tama cuxü nacuêxgü. Natürü choma rü cuxü chacuêx. Rü yixema choxna tüxü cumugüxe rü ta marü nüxü tacuêxgü na cuma núma choxü cumuxü.

26—Rü marü tüxü nüxü chacuêxêê na texé quixü. Rü guxügütama tüxü nüxü chicuêxêêmachigü na cuma choxü cungechaüxürüü tügü tangechaügüxcêx rü choma rü tümaxütawa na changêxmaxücêx —ñanagürü ga Ngechuchu.

18

Ngechuchuxü niyaxgü

(Mt 26.47-56; Mr 14.43-50; Lc 22.47-53)

1 Rü yema ñaxguwena ga Ngechuchu rü tomaã inaxüãchi, na Cheduruarü ngatexüãrü tocutüwa taxüxcêx. Rü yéma nayexma ga wüxi ga nanetü necü. Rü yemawa naxü ga Ngechuchu tomaã.

2 Rü Yuda ga yema bexma cúacü Ngechuchuxü iyaxuaxüxü rü nüxü nacuêx ga yema nachica, yerü Ngechuchu rü muêxpüxcüna yéma tomaã nangutaquêxexü.

3 Rü yéma nangu ga Yuda namaã ga ñuxre ga churaragü rü ñuxre ga tupauca ga taxüneãrü purichiaügü ga yéma namugüxü ga paigüarü ãêxgacügü rü parichêugü. Rü meãma nixãxne, rü yéma nanangegü ga omügü.

4 Natürü ga Ngechuchu rü marü nüxü nacuêx ga guxüma ga tacü tá nüxü na ngupetüxü. Rü yemacêx naxcêx nixü, rü nüxna naca, rü ñanagürü: —¿Texécêx nixi i pedaugüxü? —ñanagürü.

5 Rü nümagü rü Ngechuchuxü nangãxügü, rü ñanagü-rügü: —Nacharêtcũãx i Ngechuchucêx nixi i tadaugüxü —ñanagürügü. Rü Ngechuchu nanangãxü, rü ñanagürü: —Choma chixi —ñanagürü. Rü Yuda ga bexma cúacü inaxuaxüxü rü yema churaragütanüwa nayexma.

6 Rü yexguma yema ñaxgu ga Ngechuchu: “Choma chixi”, ñaxgu, rü nügüweama nacaixütanü ga yema churaragü, rü yexma nayayi.

7 Rü yexguma ga Ngechuchu rü wena nüxna naca, rü ñanagürü: —¿Texécêx nixi i pedaugüxü? —ñanagürü. Rü nümagü rü nanangãxügü rü ñanagürügü: —Nacharêtcũãx i Ngechuchucêx nixi i tadaugüxü —ñanagürügü.

8 Rü Ngechuchu rü wenaxãrü ñanagürü nüxü: —Marü pemaã nüxü chixu rü choma chixi. Rü ngêxguma chauxcêx pedaugügu rü jípeyaxixêê i ñãã chorü ngüexügü! —ñanagürü.

9 Rü yemaacü nangupetü na yanguxücêx ga norü ore ga nümatama ga Ngechuchu nüxü yaxuxü ga ñaxgu:

“Yixema Chaunatü choxna tüxü mugüxe rü taxüetãma itayarütãuxe”, ñaxgu.

10 Rü Chimãü ga Pedru rü nüxü iyexma ga wüxi ga cüxchi. Rü ngixü nayaxu ga norü cüxchi rü yemamaã ñanadaechinü ga paigüarü ãêxgacüarü duũxü ga Macugu ãegaxü. Rü norü tügünechinü ñadae.

11 Natürü ga Ngechuchu rü Pedruxü ñanagürü: —¿Ngixchixügu ngixü ixücuchi i curü cüxchi! ¿Tama êxna nüxü cucuêx na choma rü tá ngüxü chingexü ngêma Chaunatü chomaã naxueguxürüü? —ñanagürü.

*Anápatawa Ngechuchuxũ nagagũ**(Mt 26.57-58; Mr 14.53-54; Lc 22.54)*

¹² Rũ yexguma ga churaragũarũ ãexgacũ, namaã ga norũ churaragũ rũ tupaucaarũ purichĩagũ, rũ Ngechuchuxũ niyauxgũ. Rũ nayanẽxchacuũgũ.

¹³ Rũ noxri rũ ãexgacũ ga Anápatawa nanagagũ. Rũ Aná rũ Caipánẽxtũ nixĩ. Rũ guma taunecũgu ga Caipá rũ paigũeru nixĩ.

¹⁴ Rũ yema Caipá nixĩ ga ũpaacũ yema Yudiũgũarũ ãexgacũgũmaã nũxũ ixuxũ ga na namemaẽxũ ga wũxitama ga yatũ guxũma ga Yudiũgũcẽx na yuxũ.

*Pedru rũ Ngechuchuxũ nixã**(Mt 26.69-70; Mr 14.66-68; Lc 22.55-57)*

¹⁵ Rũ choma rũ Chimáũ ga Pedru rũ wũxigu Ngechuchuwe tarũxĩ. Rũ yema paigũarũ ãexgacũ rũ choxũ nacuẽx. Rũ yemacẽx ga choma rũ wũxigu Ngechuchumaã tichocu ga ãexgacũpataẽxtũwa.

¹⁶ Natũrũ ga Pedru rũ iãxãrũ dũxẽtũgutama narũxãũx. Rũ yemacẽx íchaxũxũ ga choma, rũ yema iãxãrũ dauruũ ga ngecũmaã chayarũdexa rũ yexguma Pedruxũ iyamucuchi.

¹⁷ Rũ yexguma ga yema ngecũ ga iãxãrũ dauruũ, rũ Pedruna ica, rũ ngĩgũrũgũ: —¿Tama ãxna cuma rũ ta wũxi i norũ ngũexũ quĩxũ i ngẽma yatũ i yayauxgũxũ? —ngĩgũrũgũ. Rũ Pedru ngĩxũ nangãxũ, rũ ñanagũrũ: —Tama nixĩ —ñanagũrũ.

¹⁸ Rũ yema iãxtũwa rũ ãexgacũarũ duũxũgũ rũ purichĩagũ rũ nanaxũgũ ga wũxi ga ũxũ, yerũ nagãuane. Rũ guma ũxũxetũarũ ngaicamagu nachigũ, rũ yema nũgũ ninaĩxũgũ. Rũ Pedru rũ ta yema nũgũ nanaĩxũ naxẽtũwa ga guma ũxũ.

*Paigũarũ ãexgacũ rũ Ngechuchuna naca**(Mt 26.59-66; Mr 14.55-64; Lc 22.66-71)*

¹⁹ Rũ yema paigũarũ ãexgacũ rũ inanaxũgũ ga Ngechuchuna na naçaxũ, rũ ñanagũrũ: —¿Tacũ nixĩ ga duũxũgũxũ namaã cungũxẽxẽxũ? ¿Rũ texẽgũ tixĩ ya yĩxema curũ ngũexũgũ? —ñanagũrũ.

²⁰ Rũ Ngechuchu ñanagũrũ nũxũ: —Choma rũ guxũ ga duũxũgũpẽxewa nũxũ chixu ga chorũ ore. Rũ ngutaquẽxepataũgũwa rũ tupauca ya taxũnewa i ngextã guxũma i Yudiũgũ ingutaquẽxegũxũwa chanangũxẽxẽ ga duũxũgũ. Rũ yemaãcũ taxũma ichicux ga chorũ ore.

²¹ —¿Rũ tũxcũũ i choxna cuçaxũ i ñuxmax? Êcũ, ¡nũxna naca i ngẽma duũxũgũ ga nũxũ ñnũxũ ga chorũ ore! Rũ nũmagũ tá cumaã nũxũ nixugũe ga tacũchigaxũ namaã na chixuxũ. Erũ nũmagũ rũ nũxũ nacuẽxgũ i guxũma ga tacũ ga namaã nũxũ chixuxũ —ñanagũrũ.

²² Rũ yexguma Ngechuchu yema ñaxgu, rũ wũxi ga tupauca ga taxũneãrũ purichĩa ga naxũtagu chixũ, rũ Ngechuchuchiwegu nidagũ. Rũ ñanagũrũ Ngechuchuxũ: —¿Tũxcũũ ngẽmaãcũ cunangãxũ ya daa paigũarũ ãexgacũ? —ñanagũrũ.

²³ Rũ Ngechuchu nanangãxũ rũ ñanagũrũ: —Rũ ngẽxguma tacũ rũ chixexũxũ chixuxgu, ¡rũ nũxũ ixu na ñuxãcũ chixri na chidexaxũ! Natũrũ ega chorũ ore rũ aixcũma yixĩgu, rũ ¿tũxcũũ i choxũ quidagũxũ i ñuxmax? —ñanagũrũ.

²⁴ Rũ yexguma ga Aná rũ Ngechuchuxũ yanáĩacũma paigũarũ ãexgacũ ga Caipãxũtawa nanamu.

*Pedru rũ wenaxãrũ tama Ngechuchuxũ nacuẽxmeta**(Mt 26.71-75; Mr 14.69-72; Lc 22.58-62)*

²⁵ Rũ yoxni ga Pedru rũ ũxũarũ ngaicamagu nachiecha, rũ yema nũgũ nanaĩxũãma. Rũ yema yema yexmagũxũ rũ nũxna nacagũe, rũ ñanagũrũgũ: —¿Tama ãxna cuma rũ ta norũ ngũexũ quĩxũ i ngẽma yatũ i yayauxgũxũ? —ñanagũrũgũ. Natũrũ ga Pedru rũ tama nũgũ nixu, rũ ñanagũrũ: —Tama nixĩ —ñanagũrũ.

²⁶ Rũ yema nayexma ga wũxi ga paigũarũ ãexgacũarũ duũxũ. Rũ yema rũ Pedru ídaechinũxũtanũxũ nixĩ. Rũ Pedruna naca, rũ ñanagũrũ: —¿Tama ãxna cuma yĩxũ ga nanetũnecũwa Ngechuchumaã cuxũ chadauxũ? —ñanagũrũ.

²⁷ Rũ Pedru rũ wena tama nũgũ nixu. Rũ yexgumatama nica ga otã.

*Ngechuchu rũ Piratu- pẽxewa nayexma**(Mt 27.1-2, 11-14; Mr 15.1-5; Lc 23.1-5)*

²⁸ Rũ yexguma Ngechuchumaã nũxũ nachauegu ga nũxna na nacagũxũ, rũ Caipãpatawa ñanagaxũchigũ rũ Yudeãaneãrũ ãexgacũ ga Dumacũãxpatawa nanagagũ. Natũrũ marũ ningõonechaũ ga yexguma rũ yemacẽx ga yema Yudiũgũ rũ tama guma ãexgacũpatagu nachocu, yerũ norũ mugũ nũxũ nixu rũ taxũ ga pecadu nixĩ na wũxi ga Dumacũãxpatagu na nachocuxũ ga yema ngunexũgu. Rũ yemaãcũ tama Tupanapẽxewa nũgũ nixũxãarũ maxũãxẽegũchaũ, yerũ yexguma nũgũ yaxũxãarũ maxũãxẽegũgu, rũ taxucũrũwa nanangõxgũ ga õna ga Ũpetũchigaarũ petacẽx namexẽxũ.

²⁹ Rũ yemacêx ga guma âêxgacũ ga Dumacũãx ga Piratu rũ napatawa ínaxũxũ ga duũxũgũmaã na yadexaxũcêx. Rũ ñanagũrũ nũxũ: —¿Tãcũcêx ípenaxuaxũ ya daa yatũ? — ñanagũrũ.

³⁰ Rũ nũmagũ rũ Piratuxũ nangãxũgũ, rũ ñanagũrũgũ: —Ngêxguma chi tama wũxi i taxũ i chixexũ naxũxgu, rũ tãũ chima cuxũtawata tanaga —ñanagũrũgũ.

³¹ Rũ yexguma ga Piratu rũ ñanagũrũ nũxũ: —¿Êcũ perũ âêxgacũgũxũtawata penaga, rũ perũ mugũ pemaã nũxũ ixuxũãcũma penapoxcux! —ñanagũrũ. Natũrũ ga yema Yudiũgũ rũ Piratuxũ nangãxũgũ, rũ ñanagũrũgũ: —Natũrũ pema i Dumacũãxgũ rũ marũ toxna penachuxu na texêxũ timêxgũxũ tũmaãrũ chixexũcêx —ñanagũrũgũ.

³² Rũ yemaãcũ ningu ga yema ore ga Ngechuchu ũpaacũ nũxũ ixuxũ ga ñuxãcũ tá na nayuxũ.

³³ Rũ Piratu rũ wenaxãrũ napatagu naxũcu, rũ Ngechuchucêx nangema. Rũ nũxna naca, rũ ñanagũrũ: —¿Cuma yĩxũ i Yudiũgũarũ Âêxgacũ quĩxũ? —ñanagũrũ.

³⁴ Rũ Ngechuchu ñanagũrũ nũxũ: —¿Cuechamatama i nagu curũxĩnũxũ na ngêmaãcũ choxna cuçaxũ, rũ êxna togũ marũ cumaã nũxũ nixu na ngêmaãcũ choxna cuçaxũcêx? — ñanagũrũ.

³⁵ Rũ Piratu Ngechuchuxũ nangãxũ, rũ ñanagũrũ: —¿Êxna cuma nagu curũxĩnũgu rũ Yudiũ chĩxũ? Rũ ngêma cuchiãñecũãxgũ rũ paigũarũ âêxgacũgũtama nixĩ i chauxũtawata cuxũ gagũxũ. ¿Êxna taçũ rũ chixexũ cuxũ? —ñanagũrũ.

³⁶ Rũ yexguma ga Ngechuchu rũ nanangãxũ, rũ ñanagũrũ: —Choma rũ tama ñoma i naãnewa âêxgacũ chixĩ. Rũ ngêxguma ñoma i naãnewa âêxgacũ chixĩgu, rũ chorũ duũxũgũ rũ chi Yudiũgũarũ âêxgacũgũmaã nũgũ nadai rũ tãũ chima choxũ niyaxugũ i ngêxguma. Natũrũ tama ñoma i naãnewa âêxgacũ chixĩ —ñanagũrũ.

³⁷ Rũ yexguma ga Piratu rũ ñanagũrũ nũxũ: —¿Êxna to i nachĩãñeãrũ âêxgacũ quixĩ i cumax? —ñanagũrũ. Rũ Ngechuchu nanangãxũ rũ ñanagũrũ: —Cumatama marũ nũxũ quixu na âêxgacũ chixũ. Rũ yemacêx ga choma rũ chabu rũ ñoma ga naãnewa chaxũ na duũxũgũmaã nũxũ chayarũxuxũcêx i ore i aixcũma ixĩxũ. Rũ guxãma ya texê ya nũxũ cuãxchaũxê i ngêma ore i aixcũma ixĩxũ, rũ choxũ itarũxĩnũê i ngêma ore i nũxũ chixuxũ —ñanagũrũ.

³⁸ Rũ Piratu rũ ñanagũrũ nũxũ: —¿Tãcũ nixĩ i ngêma ore i aixcũma ixĩxũ? —ñanagũrũ.

Ngechuchumaã nanaxuegu na yamêxgũãxũ
(Mt 27.15-31; Mr 15.6-20; Lc 23.13-25)

Rũ yemaãcũ Ngechuchuna nacaxguwena ga Piratu, rũ wenaxãrũ Yudiũgũmaã nararũdexa. Rũ ñanagũrũ nũxũ: —Taxuũma i chixexũxũ nawa chadau i ñãã yatũ. ¿Rũ tũxcũũ chi inapoxcuxũ?

³⁹ —Natũrũ guxũguma ega Ũpetũchigaarũ petawata nanguxgu, rũ pecũma nixĩ na choxna naxcêx na peçaxũ na íchananguxuchixêêxũcêx i wũxi i duũxũ i poxcuxũ. ¿Rũ penaxwêxexũ na pexcêx íchananguxuchixêêxũ i ñãã perũ âêxgacũ, Pa Yudiũgũx? —ñanagũrũ.

⁴⁰ Rũ yexguma ga guxũma ga yema duũxũgũ, rũ tagaãcũ aita naxũe, rũ ñanagũrũgũ: —Tama tanaxwêxe na cuya-ngêxũ i ngêma yatũ. Rũ Barabã waxi nixĩ i tanaxwêxexũ na cuyangêxũ —ñanagũrũgũ. Rũ yema Barabã rũ wũxi ga mãetaxũ nixĩ.

19

¹ Rũ yexguma ga Piratu rũ churaragũxũ namu na Ngechuchuxũ naçauixgũxũcêx.

² Rũ yema churaragũ rũ chuchuxũwa nanaxũgũ ga wũxi ga boxũ, rũ ñuxũchi naêruwata nayangêxcuchigũ. Rũ wũxi ga máxũ ga naxchiru ga dauxcharaxũgu nayacuxêêgũ.

³ Rũ ñuxũchi naxcêx naxĩ, rũ nũxũ nacugũeãcũma ñanagũrũgũ nũxũ: —¿Namaxũ, Pa Yudiũgũarũ Âêxgacũx! —ñanagũrũgũ. Rũ nanapechiewegũ.

⁴ Rũ Piratu rũ wenaxãrũ dũxêtuwata naxũ, rũ Yudiũgũxũ ñanagũrũ: —¿Dũcêx! ñuxma tá nuã pepêxewa chanaga na nũxũ pecuãxũcêx na taxuũma i chixexũxũ nawa chadauxũ —ñanagũrũ.

⁵ Rũ dũxêtuwata naxũ ga Ngechuchu. Rũ namaã nangêxcueru ga yema boxũ ga chuchuxũwata naxũgũxũ. Rũ nagu nicux ga yema máxũ ga naxchiru ga dauxcharaxũ. Rũ yex-guma ga Piratu rũ Yudiũgũxũ ñanagũrũ: —Daa nixĩ ya yima yatũ —ñanagũrũ.

⁶ Natũrũ yexguma Ngechuchuxũ nadaugũgu ga paigũarũ âêxgacũgũ rũ purichĩagũ, rũ inanaxũgũe ga aita na naxũexũ. Rũ ñanagũrũgũ: —¿Curuchawata yapota! ¿Curuchawata yapota! —ñanagũrũgũ. Rũ Piratu rũ ñanagũrũ nũxũ: —¿Êcũ, peyaga rũ pematama curuchawata yapota! Erũ choma rũ taxuũma i chixexũxũ nawa chadau —ñanagũrũ ga Piratu.

⁷ Natürü ga yema Yudiügü rü Piratuxü nangãxügü, rü ñanagürügü: —Toma toxü nangëxma i wüxi i torü mu. Rü ngëma torü mu toxü nüxü nacuëxëë na namexü na nayuxü i ñaã yatü, yerü nüma rü nüxü nixu ga Tupana Nane na yïixü —ñanagürügü.

⁸ Rü yexguma yemaxü naxinügu ga Piratu, rü yexeraãcü namuü.

⁹ Rü wena Ngechuchumaã napatagu naxücu. Rü yéma Ngechuchuna nayaca, rü ñanagürü: —¿Ngextácüãx quixi i cumax? —ñanagürü. Natürü ga Ngechuchu rü tama nanangãxü.

¹⁰ Rü yexguma ga Piratu rü Ngechuchuxü ñanagürü: —¿Ëxna ngëma täütama choxü cungãxü? ¿Tau ëxna i nüxü cucuãxü na choxmëxwa cungëmaxü na curuchawa cuxü chipotaxü rü ëxna cuxü na íchanguxuchixëxüçëx? —ñanagürü.

¹¹ Rü Ngechuchu nanangãxü, rü ñanagürü: —Täu chima cuxmëxwa changëxma, ega tama Tupana naxwëxegu. Rü ngëmacëx nixi i ngëma duüxügü i cuxna choxü mugüxü rü curü yexera poraãcü napecaduãgü —ñanagürü.

¹² Rü yemawena rü Piratu nagu narüxinü ga ñuxãcü Ngechuchuxü na ínanguxuchixëëgaxü. Natürü yema Yudiügü rü poraãcü aita naxüe, rü ñanagürügü: —Ngëxguma tá ícunanguxuchixëëxgu rü tama curü äëxgacü ya tacü ya Dumacüãx ya Chëcharuxü cungechaü. Erü ngexerüxe ya äëxgacü ya tacüxü tügü ingucuchixëëxë, rü Dumacüãx ya äëxgacü ya tacü ya Chëcharuarü uwanü tixi —ñanagürügü.

¹³ Rü yexguma yemaxü naxinügu ga Piratu, rü churaragüxü namu ga Ngechuchuxü düxëtüwa na nagagüçëx. Rü nawa nayarüto ga wüxi ga tochicaü ga taxü ga nutagünaxcëx ga togawa rü Gabatagu äëgaxü. Rü yema nachicawa nixi ga poxcuëxü ga duüxügüna naçaxü ga äëxgacü.

¹⁴ Rü wüxi ga ngunexü nataxu ga Üpetüchigarü petawa na nanguxü ga yexguma, rü marü tocuchiwa nangu. Rü Piratu rü Yudiügüxü ñanagürü: —¡Daa nixi ya yima perü äëxgacü! ñanagürü.

¹⁵ Natürü ga nümagü rü aita naxüe, rü ñanagürügü: —Tanaxwëxe na nayuxü. Rü ¡curuchawa yapota! —ñanagürügü. Rü Piratu nüxna naca rü ñanagürü nüxü: —¿Ñuxãcü i choma rü íchanamu na curuchawa yapotagüãxüçëx ya perü äëxgacü? —ñanagürü. Natürü ga paigüarü äëxgacügü rü Piratuxü nangãxügü, rü ñanagürügü: —Yima äëxgacü ya tacü ya Chëcharu ya Dumawa ngëmacü rü yima nixi ya torü äëxgacü, rü nataxuma i to —ñanagürügü.

¹⁶ Rü yexguma ga Piratu rü yema Yudiügüna Ngechuchuxü namu na curuchawa yapotagüãxüçëx. Rü nümagü rü nayagagü.

*Curuchawa Ngechuchuxü nipotagü
(Mt 27.45-56; Mr 15.33-41; Lc 23.44-49)*

¹⁷ Rü ínaxüxü ga Ngechuchu, rü norü curucha ngïxü ininge. Rü yéma nanagagü nawa ga wüxi ga nachica ga “Duüxëërchinëxãgu” äëgaxü. Rü yema rü Górguta nixi ga naega ga togawa.

¹⁸ Rü yéma curuchawa Ngechuchuxü nayarüpotagü. Rü Ngechuchurüü curuchawa nayapotagü ga taxre ga to ga yatügü, rü wüxi ga norü tügüneçüwawa rü to ga norü toxwecüwawa.

¹⁹ Rü Piratu rü churaragüxü namu na Ngechuchuarü curuchatapëxewa na yapocuchigüãxüçëx ga wüxi ga mürapewaxacü ga äëgatachinüxü ga ñaxü:

“Ngechuchu ya Nacharëtücüãx ya Yudiügüarü Äëxgacü”, ñaxü.

²⁰ Rü muxüma ga yema Yudiügü nüxü nadaumatü ga yema namatü ga mürapewaxacügu üxü. Yerü yema nachica ga Ngechuchuxü curuchawa íyanapotagüxüwa, rü ñaneärü ngaicamana nixi. Rü tomaëxpüx ga nagawa naxümatü ga yema naega ga yema mürapewawa. Rü togawa rü Griégugügawa rü Dumacüãxgügawa naxümatü.

²¹ Rü yemacëx ga yema Yudiügüarü paigüarü äëxgacügü rü Piratuxü ñanagürügü: —Toma rü tama tanaxwëxe i cunaxümatü i “Yudiügüarü Äëxgacü”, ñaxü. Rü narümemae nixi i cunaxümatü rü ñacurügü:

“Nügü ixücü na Yudiügüarü Äëxgacü yïixü”, ñacurügü.

²² Natürü Piratu nanangãxü rü ñanagürü: —Ngëma chaxümatüxü rü marü ngëxma naxümatü —ñanagürü.

²³ Rü curuchawa marü Ngechuchuxü yapotagüguwena ga churaragü, rü nanade ga Ngechuchurü. Rü yema ägümücü ga churaragü rü nügümaã nayatoye ga naxchiru. Rü nanayauxgü ta ga norü gauxüchiru ga máxü. Natürü taxuwama narüngëixte, yerü woetama yemaãcü naxü.

²⁴ Rü yemacëx ga yema churaragü rü nügümaã ñanagürügü: —¡Täütama nagu tagaugü! Rü narümemae nixi i naxcëx tá naxinüçëxwëxegü rü ngïxü tañanagügü i wüxi i diëru na ngëmawa

nũxũ icuèxgũxũcèx na texéarũ tá na yĩxũ —ñanagũrũgũ. Rũ yemaãcũ ningu ga Tupanaãrũ ore ga ùmatũxũ ga ñaxũ:

“Nũgũmaã nayatoye i chauxchiru, rũ naxcèx ngĩxũ tanañanagũgũ i wũxi i dĩeru”, ñaxũ. Rũ aixcũma yemaãcũ nixĩ ga naxũgũãxũ ga churaragũ.

²⁵ Rũ Ngechucharũ curuchapũnewa iyexma ga naè ga María, rũ ngĩyèx, rũ María ga Creopã naxmèx, rũ María ga Magadãcũãx.

²⁶ Rũ yexguma Ngechuchu naèxũ dèuxgu ga yexma chauxũtagu na nachixũ, rũ ñanagũrũ ngĩxũ: —Pa Mamax, yima nixĩ ya cune, —ñanagũrũ.

²⁷ Rũ yemawena, rũ ñanagũrũ choxũ: —Ngẽma iyixĩ i cue —ñanagũrũ. Rũ yexgumamama rũ chopatawa ngĩxũ chayaxu. Rũ chauxũtawã iyexmaècha.

Nayu ga Ngechuchu

²⁸ Rũ Ngechuchu nũxũ nacuèx ga marũ na yanguxũ ga guxũma ga norũ puracũ ga ñoma ga naãnewa. Rũ yema Tupanaãrũ ore ga ùmatũxũ na yanguxèèxũcèx, rũ ñanagũrũ: —Chĩtawã —ñanagũrũ.

²⁹ Rũ yéma iyexma ga wũxi ga tũxũãcũ ga binu ga marũ ùxchiũcũmaã ããcuxcũ. Rũ wũxi ga tũèxmũ guma binumaã niwaixèègũ, rũ wũxi ga dexnemenèxãwa nayanèix. Rũ yemamaã naãxgu nanawèxgũ.

³⁰ Rũ Ngechuchu nayaxaxũ ga guma binu ga ùxchiũcũ rũ ñanagũrũ: —Marũ ningu i guxũma i chorũ puracũ —ñanagũrũ. Rũ ñuxũchi inayarũmaxãchieru, rũ nayu.

Wũxi ga churara rũ wocaxemaã Ngechuchuxũ nacanapacũtũxũ

³¹ Natũrũ ga yema Yudiũgũarũ ãèxgacũgũ rũ tama nanaxwèxegũ ga curuchagũwa na nayexmagũxũ ga yema naxũnegũ. Yerũ moxũãcũ rũ ngũxchigaarũ ngunexũ nixĩ. Rũ yema Yudiũgũcèx rũ yema nixĩ ga guxũ ga ngũxchigaarũ ngunexũãrũ yexera ga ùunexũ, yerũ norũ peta ga ùpetũchigaarũ ùgũ nixĩ. Rũ yemacèx Piratuna naxcèx nacagũ na churaragũ yéma namugũxũcèx na yapoyeparagũãxũcèx na paxã nayuexũcèx ga yema curuchawã ipotagũxũ, rũ paxã na nadeãxũcèx ga curuchawã naxũpa ga ngũxchigaarũ ngunexũ.

³² Rũ yéma naxĩ ga churaragũ rũ inanapoeparagũ ga yema taxre ga yatũgũ ga Ngechuchumaã yema curuchawã ipotagũxũ.

³³ Rũ Ngechuchucèx naxĩ ga churaragũ, natũrũ nũxũ nadaugũ ga marũ na nayuxũ. Rũ yemacèx tama nayapoyeparagũ.

³⁴ Natũrũ wũxi ga churara rũ Ngechuchuxũ nacanapacũtũxũ. Rũ yexgumatama ñayèxũchi ga nagũ rũ dexã.

³⁵ Rũ choma i Cuãũ rũ nũxũ chadau i guxũma ga ñãã pemaã nũxũ chixuxũ. Rũ aixcũma nixĩ i ñãã chorũ ore. Rũ chomatama nũxũ chacuèx i aixcũma na yĩxũ, rũ pemaã nũxũ chixu na pema rũ ta payaxõgũxũcèx.

³⁶ Rũ yema nangupetũ na yanguxũcèx i Tupanaãrũ ore i ùmatũxũ i ñaxũ:

“Rũ taxũnetãma na naxchinèxã nipoyegũ”, ñaxũ.

³⁷ Rũ toxnamana i Tupanaãrũ ore i ùmatũxũwã rũ ñanagũrũ:

“Tã nũxũ narũdaunũ ya yima nacanapacũtũgũãcũ”, ñanagũrũ.

Ngechuchuxũ inatèxgũ

(Mt 27.57-61; Mr 15.42-47; Lc 23.50-56)

³⁸ Rũ nayexma ga wũxi ga yatũ ga Arimatéacũãx ga Yũhegu ãegacũ. Rũ nũma rũ ta Ngechuchuxũ nayaxõ, natũrũ ciãcũ nayaxõ yerũ natanũxũ ga Yudiũgũarũ ãèxgacũgũxũ namuũ. Rũ guma nixĩ ga Piratuna yaçacũ na nayauxãxũcèx ga Ngechuchuxũne. Rũ Piratu rũ: —Ngũ, —ñanagũrũ. Rũ yexguma ga Yũche rũ yéma naxũ ga curuchawã ñapotaxũwã, rũ curuchawã nayayaxu ga naxũne ga Ngechuchu.

³⁹ Rũ yéma nangu ga Nicodému ga ùpaacũ chũtacũ Ngechuchuxũtagu naxũãnecũ. Rũ yéma nanange ga 30 kilo naguxũ ga pumara ga yixichixũ na Ngechuchuxũ namaã nachaxũnegũxũcèx.

⁴⁰ Rũ yemaãcũ ga Yũche rũ Nicodému rũ curuchawã nanayauxgũ ga naxũne ga Ngechuchu. Rũ naxchiru ga marũ pumarachaxũmaã nayanãixpũxũgũ. Yerũ yema nixĩ ga tocũma ga toma ga Yudiũgũ ga yexguma wũxi ga yueta tũxũ itatèxgũgũ.

⁴¹ Rũ yema nachica ga Ngechuchu curuchawã ñipotaxũwã nayexma ga wũxi ga nanetũnecũ. Rũ yema nanetũnecũwã nayexma ga wũxi ga naxmaxũ ga yexwacaxũxũ ga taguma texèxũ nagu natèxgũxũ.

⁴² Rũ yema naxmaxũgũ nayaxũcuchigũ ga Ngechuchuxũne yerũ nangaicama, rũ paxã tá ningune ga ngũxchigaarũ ngunexũcèx.

20

*Ínarüda ga Ngechuchu**(Mt 28.1-10; Mr 16.1-8; Lc 24.1-12)*

¹ Rü yüxüarü pèxmamaxüchi ga tauta meã yangóonegu, rü María ga Magadácüãx rü Ngechuchuxü íyaxüchigüxüwa ixü. Rü nüxü idau ga guma nuta ga Ngechuchumaxü namaã rüngüxtaücü, rü marü na ínaxügachixü.

² Rü yexgumatama íiñaãchi, rü yema choma rü Chimáü ga Pedrumaã ítayexmagüxüwa íña. Rü ngígürügü toxü: —Rü marü nanayauxgü ya Cori ya Ngechuchu i naxmaxüwa. Rü tama nüxü tacuèx na ngexta na naxügüãxü —ngígürügü.

³ Rü yexguma ga choma rü Pedru rü Ngechuchuxü íyaxüchigüxüwa taxü.

⁴ Rü wüxigu ítaxüãchi ga tomax, natürü ga choma rü poraãcü Pedruarü yexera ichañaãchi. Rü chaxira Ngechuchuxü íyaxüchigüxüwa changu.

⁵ Rü ichayarümaxãchi na nagu chidaucuchixüçex. Rü nüxü chadau ga naxchiru ga namaã yanáixpüxügüãxü ga yexma na naxüxü. Natürü tama aixepegu chaxücu.

⁶ Rü choweama ínangu ga Chimáü ga Pedru. Rü nüma rü yema naxmaxügu naxücu. Rü nüma rü ta nüxü nadau ga yema naxchiru ga namaã yanáixpüxüchiréxü.

⁷ Rü nüxü nadau ta ga naxchiru ga namaã yanéixërugüãxü ga meãma dixcumüxü ga nüxürguma üxü. Rü tama wüxigu namaã nanu ga yema naxchiru ga namaã yanáixpüxügüãxü.

⁸ Rü yexguma ga choma ga chaxiraxüchi yéma na changuxü, rü choma rü ta chixücu. Rü nüxü chadau ga guxüma, rü chayaxó ga Ngechuchu rü marü wena na namaxüxü.

⁹ Yerü noxri rü tama nüxü tacuèxgüéga ga yema Tupanaärü ore ga ümatüxü ga ñaxü: “Cristu rü tá wena namaxü”, ñaxü.

¹⁰ Rü yexguma ga toma rü tochiüçex tawoegu.

*Ngechuchu rü ngíçex nangox ga María ga Magadácüãx**(Mt 16.9-11)*

¹¹ Natürü ga María rü yexma irüxãxü naxütagu ga Ngechuchumaxü. Rü yéma ixaxu. Rü naxauxãcüma iyarümaxãchi, rü nagu iyadaucuchi ga naxmaxü.

¹² Rü nüxü idau ga taxre ga daxüçüãx ga Tupanaärü orearü ngerüügü ga icómüchiruxü. Rü Ngechuchuxüne íxüchiréxüwa narütogü, rü wüxi ga Ngechuchueru íxüxüwaama rü to ga nacütaawaama.

¹³ Rü yema daxüçüãx ga duüxügü rü ngíxna nacagüe, rü ñanagürügü: —Pa Ngeçüx, çüçacüçex cuxaxu? —ñanagürügü. Rü ngíma rü inangãxü, rü ngígürügü: —Chaxaxu erü nayangegü i naxüne ya chorü Cori, rü tama nüxü chacuèx na ngexta naxügüãxü —ngígürügü.

¹⁴ Rü yexgumatama yema ngíxgu, rü ngígüweama idau. Rü nüxü idau ga Ngechuchu ga ngíxütawa na nayexmaxü. Natürü tama nüxü icuèx ga Ngechuchu na yíixü ga guma.

¹⁵ Rü yexguma ga Ngechuchu rü ngíxna naca, rü ñanagürü: —Pa Ngeçüx, çüçacüçex cuxaxu? çüçü texéçex nixü i cudauxü? —ñanagürü. Rü ngíma nüxü nacüxgu rü yema nixü ga yema nanetüncüarü dauruü. Rü yemacèx ngígürügü nüxü: —Pa Corix, ega cuma cuyangexgu i naxüne ya Ngechuchu, rü çhomaã nüxü ixu na ngexta na cunaxüxü na choma chayayaxuxüçex! —ngígürügü.

¹⁶ Rü yexguma ga Ngechuchu rü ñanagürü ngíxü: —Pa Maríax —ñanagürü. Rü ngíma rü naxcèx idaeuguãchi, rü togawa ngígürügü nüxü: —Pa Rabunix —ngígürügü. Rü ngéma rü “Pa Ngüxëëruüx”, ñaxüchiga nixü.

¹⁷ Rü Ngechuchu rü ñanagürü ngíxü: —çüçüxü i choxü quingögüxü, erü tauta Chau-natüxütawa chaxü! çüçü Natürü ngema chaueneëgütanüwa naxü rü namaã nüxü yarüxu na choma rü tá Chau-natü ya chorü Tupana ya Penatü ya perü Tupanaxütawa chaxüxü! —ñanagürü.

¹⁸ Rü yexguma ga María ga Magadácüãx rü tomaã nüxü iyarüxu ga marü nüxü na nadauxü ga Cori ga Ngechu-chu. Rü ñuxüchi tomaã nüxü iyaxu ga yema ore ga Ngechuchu ngímaã nüxü ixuxü.

*Norü ngüxügüçex nangox ga Ngechuchu**(Mt 28.16-20; Mr 16.14-18; Lc 24.36-49)*

¹⁹ Rü yema yüxüarü ngunexüärü çütacü, rü tangutaquëxegü ga toma ga Ngechuchuarü ngüxügü. Rü togü tarüwãtaügü, yerü yema Yudüguärü äëxgacügüxü tamulê. Rü Ngechuchu rü ngürüãchi yéma nangox, rü torü ngãxütanügu nachü. Rü toxü narümoxë, rü ñanagürü: —çüçüPetaãëgü! —ñanagürü.

²⁰ Rũ yema ñaxguwena rũ toxũ nũgũ nawémẽx, rũ nũgũ inawépacütũxũ. Rũ tomagũ ga norũ ngũxũgũ rũ tataãægũ, yerũ nũxũ tadaugũ ga guma torũ Cori.

²¹ Rũ yexguma rũ wenaxãrũ ñanagũrũ toxũ: —¡Petaãægũ! Rũ yema Chaunatu nũma choxũ na muxũrũ tãtama nixĩ i pexũ chamuxũ i chomax —ñanagũrũ.

²² Rũ yexguma rũ toétũ “cue” ñanagũrũ ga Ngechuchu. Rũ ñuxũchi ñanagũrũ toxũ: —¡Penayauxgũ i Tupanaãe i Ũñexũ!

²³ Rũ ngẽxguma duũxũgũ nũxũ rũxoegu i norũ pecadugũ, rũ pema rũ pexũ nangẽxma i pora na namaã nũxũ pixuxũ na Tupana marũ nũxũ nũxũ rũngũmaxũ i norũ pecadugũ. Natũrũ ngẽxguma duũxũgũ tama nũxũ rũxoegu i norũ pecadugũ, rũ pema rũ pexũ nangẽxma i pora na namaã nũxũ pixuxũ na marũ ngẽma norũ pecadugũwatama nangẽxmagũxũ —ñanagũrũ ga Ngechuchu.

Tumachi nũxũ nadau ga Cori ga wena maxũcũ

²⁴ Natũrũ totanũxũ ga Tumachi ga Wũxigu Buexũmaã taxugũxũ, rũ tama totanũwa nayexma ga yexguma Ngechuchu toxcẽx ngoxgu.

²⁵ Rũ yixcama ga toma rũ Tumachimaã nũxũ tixugũe, rũ ñatarũgũgũ: —Marũ nũxũ tadau ya tũrũ Cori ya Ngechuchu —ñatarũgũgũ. Natũrũ ga Tumachi rũ toxũ nangãxũ rũ ñanagũrũ: —Ngẽxguma tama nũxũ chadẽxgu i norũ itapuamaxũ i naxmẽxwa rũ tama nũxũ chingũgũgũ i ngẽma itapuamaxũ rũ ngẽma norũ cana-pacütũxũ, rũ tãũtãma chayaxõ i ngẽma ore i chomaã nũxũ pixuxũ —ñanagũrũ.

²⁶ Rũ 8 ga ngunexũguwena rũ wenaxãrũ tangutaquẽxegũ ga toma ga wũxi ga ĩpatawa. Rũ totanũwa nayexma ga Tumachi ga yexguma. Rũ woo ga na nawãtaxũ ga ĩãx, rũ ngũrũãchi yẽma nangõx ga Ngechuchu, rũ torũ ngãxũtanũgu nachi. Rũ toxũ narũmoxẽ, rũ ñanagũrũ: —¡Petaãægũ! —ñanagũrũ.

²⁷ Rũ yexguma Tumachixũ ñanagũrũ ga Ngechuchu: —¡Nũxũ ingũgũ i ñãã chorũ itapuamaxũ i choxmẽxwa ngẽmaxũ, rũ nũxũ nadau ya daa choxmẽx! ¡Rũ nuxa chorũ canapacütũxũgũ ingũgũ! ¡Rũ nũxũ rũxo na tama cuyaxõxũ! ¡Rũ meãma yaxõ i ñuxmax! —ñanagũrũ.

²⁸ Rũ yexguma ga Tumachi rũ Ngechuchuxũ nangãxũ, rũ ñanagũrũ: —Pa Chorũ Corix, cuma nixĩ i chorũ Tupana quĩxũ —ñanagũrũ.

²⁹ Rũ Ngechuchu rũ ñanagũrũ nũxũ: —Pa Tumachix, cuma cuyaxõ i ñuxma erũ choxũ cudau. Natũrũ tataãægũ ya yixema tama choxũ daugũãcũma yaxõgũxe —ñanagũrũ.

Tacũcẽx naxũmatũ i ñãã popera

³⁰ Rũ Ngechuchu rũ topẽxewa nanaxũ ga muxũma ga to ga mexũgũ ga cuẽxruũgũ i tama ñãã poperagu ũmatũxũ.

³¹ Natũrũ guxũma i ñãã poperagu ũmatũxũ, rũ naxũmatũ na peyaxõgũxũcẽx na Ngechuchu rũ Cristu ya Tupana Nane na yĩxũ. Rũ ngẽxguma nũxũ peyaxõgũgũ rũ tá pexũ nangẽxma i maxũ i taguma gũxũ.

21

Ngechuchu rũ 7 ga norũ ngũxũgũcẽx nangõx

¹ Rũ yemawena ga Ngechuchu rũ wenaxãrũ toxcẽx nangõx naxtaxa ga Garirẽaanacũwa. Rũ Tibẽria nixĩ ga to ga naega. Rũ ñããcũ nixĩ ga toxcẽx nangõxũ.

² Rũ wũxiwa tayexmagũ ga choma rũ Chaũtiãgu ga Zebedeu nanegũ rũ Chimãu ga Pedru, rũ Tumachi ga Wũxigu Buexũmaã taxugũxũ, rũ Natanae ga Garirẽaanegune ga ĩãne ga Canãcũãx, rũ to ga taxre ga tomũcũgũ ga Ngechuchuarũ ngũxũgũ.

³ Rũ Chimãu ga Pedru rũ ñanagũrũ toxũ: —Tã chayapũchae —ñanagũrũ. Rũ yexguma ga toma rũ tanangãxũgũ, rũ ñatarũgũgũ nũxũ: —Toma rũ tá ta cuwe tarũxĩ —ñatarũgũgũ. Rũ yẽma taxĩ, rũ wũxi ga nguegu tichõũ. Natũrũ yema chũtaxũgu rũ taxuũma ga choxni tiyauxgũ.

⁴ Rũ yexguma noxri yangõonegu rũ Ngechuchu toxcẽx nangõx ga naxtaxaanacũwa. Natũrũ ga toma rũ tama nũxũ tacuẽxgũ ga Ngechuchu na yĩxũ.

⁵ Rũ yexguma ga Ngechuchu rũ toxna naca, rũ ñanagũrũ toxũ: —Pa Ngextũxũcũgũx, ¿ẽxna taxuũma i choxni piyauxgũ? —ñanagũrũ. Rũ toma rũ tanangãxũgũ rũ ñatarũgũgũ: —Taxuũma —ñatarũgũgũ.

⁶ Rũ yexguma ga Ngechuchu rũ ñanagũrũ toxũ: —¡Pewẽũãrũ tũgũnecũwawaama penatãe i perũ pũcha! rũ tá ĩpenayauxũ i choxni —ñanagũrũ. Rũ yẽmaãma tanatãegũ ga torũ pũcha, rũ taxucũrũwa ĩtanatũãchigũ, yerũ muxũchixũ ga choxni tiyauxgũ.

⁷ Rũ yexguma ga choma rũ Pedruxũ ñacharũgũ: —Yĩma nixĩ ya Cori ya Ngechuchu —ñacharũgũ. Rũ yexguma yemaxũ naxĩnũgu ga Pedru ga guma na yĩxũ ga Cori, rũ nicũxcuchi

ga naxchiru yerü noxri rü ñacuxuchichirêx. Rü natüchiüwa nayuxu, rü naxãnacüwa naxcêx nawêxê.

⁸ Rü toma ga natanüxü rü nguemaãtama naxãnacüwa taxãgü. Rü yéma tanatügü ga yema pücha ga choxnimaã ãacuxü yerü 100 metruxicatama nataxu ga na naxãnacüwa na tangugüxü.

⁹ Rü yexguma nguewa ítachoügu rü yéma nüxü tadau ga wüxi ga üxü, rü naxêtügu naxü ga wüxi ga choxni. Rü yéma nayexma ta ga wüxi ga pãü.

¹⁰ Rü Ngechuchu rü ñanagürü toxü: —¡Nuãtã penge i ñuxre i ngêma choxni i ñpeyaxüxü! —ñanagürü.

¹¹ Rü Chimáü ga Pedru rü nguëgu nixüë. Rü yema püchamaã naxnücügu ñanatüãchiwetaü ga choxni ga ñayaxüxü. Rü 153 ga choxni ga itaxü nayexma nawa ga yema pücha. Rü woo ga na namuxüchixü, rü tama narügáü ga pücha.

¹² Rü yexguma ga Ngechuchu rü ñanagürü toxü: —¡Nuã pexi rü peyachibüë! —ñanagürü. Rü taxüema ga toma rü nüxna tacaxchaü na texé yixü ga nümax, yerü marü nüxü tacuêxgü ga guma na yixü ga Cori ga Ngechuchu.

¹³ Rü yexguma ga Ngechuchu rü yéma toxütawa naxü. Rü nanayaxu ga pãü rü wüxichigü toxna nanaxã. Rü yexgumarüü ta ga choxni rü toxna nanaxã.

¹⁴ Rü yema nixi ga norü tomaëxpüxcüna ga toxcêx na nangóxü ga Ngechuchu ga yuwa ñadaxguwena.

Ngechuchu rü Pedrumaã nidexa

¹⁵ Rü yexguma chibüëwa tingugüguwena rü Ngechuchu rü Chimáü ga Pedruna naca, rü ñanagürü: —Pa Chimáü Pa Cuáü Nanex, ¿aixcüma choxü cungechaüxü i ñãã cumücügüxü na cungechaüxüarü yexera? —ñanagürü. Rü Pedru nanangãxü, rü ñanagürü: —Ngü, Pa Corix, cuma nüxü cucuèx na cuxü changechaüxü —ñanagürü. Rü Ngechuchu rü ñanagürü nüxü: —¡Nachibüëxêë i chorü duüxügü! —ñanagürü.

¹⁶ Rü wenaxãrü Pedruna naca, rü ñanagürü: —Pa Chimáü Pa Yoná Nanex, ¿aixcüma i choxü cungechaüxü? —ñanagürü. Rü Pedru nanangãxü, rü ñanagürü: —Ngü, Pa Corix, cuma nüxü cucuèx na cuxü changechaüxü —ñanagürü. Rü Ngechuchu rü ñanagürü nüxü: —Ëcü, ¡nuxna nadau i chorü duüxügü! —ñanagürü.

¹⁷ Rü norü tomaëxpüxcüna wenama Pedruna naca, rü ñanagürü: —Pa Chimáü Pa Yoná Nanex, ¿aixcümaxüchi yixü i choxü cungechaüxü? —ñanagürü. Rü yexguma ga Pedru rü düxwa nangechaü, yerü norü tomaëxpüxcüna Ngechuchu nüxna naca ngoxi aixcüma nüxü nangechaü. Rü ñanagürü ga Pedru: —Pa Corix, cuma nüxü cucuèx i guxüma. Rü cuma nüxü cucuèx na aixcümaxüchi cuxü changechaüxü —ñanagürü. Rü Ngechuchu ñanagürü nüxü: —Ëcü ¡nachibüëxêë i chorü duüxügü!

¹⁸ —Rü aixcüma cumaã nüxü chixu rü yexguma cungextüxügu rü cugü quicüxcuchi ga na ngextã cuma ñcunaxwêxexüwa cuxüxücêx. Natürü ngêxguma yaguãx quixügu rü tá quixuuchichacüü na togue cuxü icüxcuchixücêx. Rü ngêma tama cuma ñcunaxwêxexüwa tá cuxü nagagü —ñanagürü.

¹⁹ Rü Ngechuchu rü yema ñanagürü na nüxü nüxü nacuèxêxücêx ga ñuxãcü tá na nayuxü ga Pedru na yemaãcü Tupanaxü nataxêxücêx. Rü yemawena ga Ngechuchu rü ñanagürü nüxü: —¡Chowe rüxü! —ñanagürü.

Yema ngüëxü ga Ngechuchu poraãcü nüxü ngechaüxüchiga

²⁰ Rü yexguma nügüweama nadêuxgu ga Pedru rü choxü nadau ga naweama na ne chaxüxü. Rü chomachirêx nixi ga chibüëwa Ngechuchucüwawa charüttoxü rü nüxna chaçaxü rü ñachaxü:

“Pa Corix, ¿texé tá tixi ya yixema bexma cuechita cuxü íxuaxüxê?” ñachaxü.

²¹ Rü yexguma Pedru choxü dêuxgu rü Ngechuchuna naca, rü ñanagürü: —Pa Corix, ¿ñãã Cuáü rü ñacü tá nüxü üpetüxü? —ñanagürü.

²² Rü Ngechuchu nanangãxü, rü ñanagürü nüxü: —Ngêxguma choma chanaxwêxegu rü chanamaxêë ñuxmatáta wena núma chaxü. ¿Rü tüxcüxü i nagu curüxínüxü i ngema? Rü cuma ¡rü chowe rüxü! —ñanagürü.

²³ Rü yexguma yema chomücügü nüxü ñnüëgu ga yema chauchiga, rü nagu narüxínüë na taxütãma chayuxü. Natürü Ngechuchu rü tama nüxü nixu ga täxütãma na chayuxü. Natürü ñanagürümare:

“Ngêxguma choma chanaxwêxegu rü chanamaxêë ñuxmatáta wena núma chaxü. ¿Rü tüxcüxü i nagu curüxínüxü i ngêma?”, ñanagürümare.

²⁴ Rü chomatama nixi ga nüxü chadauxü i guxüma i ñãã pemaã nüxü chixuxü, rü chomatama nixi i pexcêx chanaxümatüxü i ñãã ore. Rü guxãma i toma rü nüxü tacuèx na aixcüma na yixü i ñãã pemaã nüxü chixuxü.

²⁵ Rŭ nayexma ga to ga muxŭchixŭma ga ƣacŭ ga Ngechuchu ũxŭ. Rŭ ngĕxguma chi naxŭmatŭgu i guxŭma ga yema naxŭxŭchiga, rŭ nagu charŭxŭnŭgu rŭ tãŭ chima ñoma i naãnegu name i ngĕma poperagŭ i nachiga ũmatŭxŭ.

NGECHUCHUARÜ NGÚEXÜGÜ GA YAMUGÜXÜÄRÜ PURACÜCHIGA

Tupana inaxuneta rü tá ínangu i Naãe i Üünexü

¹⁻² Pa Mecü Pa Teóquirux, nüxíra chaxúmatüxü ga poperawa cumaã nüxü chixu ga guxüma ga Ngechuchu üxü rü duüxügüxü namaã nangüexëxü ga noxritama inaxügüãgu ga norü puracü ñuxmata yema ngunexü ga Tupana daxüguxü ga naãnewa nagaxgu. Rü yexguma tauta daxüguxü ga naãnewa naxüxgu ga Ngechuchu rü nayadexechi ga norü ngúexügü ga yamugüchaüxü na Tupanaärü puracü naxügüxüçex. Rü Tupanaãe i Üünexüärü poramaã nanangüexëe ga yema duüxügü, rü namaã nüxü nixu ga tacü tá na naxüexü.

³ Rü yexguma marü yuwa ínadxeguvena ga nüma ga Ngechuchu rü 40 ga ngunexügu rü nügü nangoxëxü naxcëx ga norü ngúexügü rü muxüma ga togü ga nüxü yaxögüxü na yemaãcü nüxü nacüxgüxüçex na aixcüma wena namaxüxü. Rü namaã nüxü nixuchiga na ñuxãcü na yixüxü i Tupana äxgacü íyixüxüwa.

⁴ Rü yexguma yema ngúexügü ga yamugüxütanüwa nayexmagu ga Ngechuchu, rü namaã nüxü nixu ga tama nüxna na ngextá naxüxüçex ga Yerucharéü. Rü ñanagürü nüxü: — ¡Ípenangüxëx i ngëma Tupanaãe i Üünexü ga Chaunatü pemaã ixunetaxü ga pemaã nüxü chixuchigaxü!

⁵ Aixcüma nixí ga Cuáü rü dexáwa duüxügüxü ínabaiüxëxü, natürü i pema rü tãütáma muxü i ngunexü nangupetü na Tupanaãe i Üünexü tá pexna ngxü —ñanagürü.

Daxüguxü ga naãnewa naxü ga Ngechuchu

⁶ Rü yexguma nangutaquëxëgu ga yema norü duüxügü, rü Ngechuchuna nacagü, rü ñanagürügü: —Pa Corix, ¿éxna ñoma tá nixí i ngunexü i marü ícunawoxü i nuã Yudiügüchiüñanewa i torü uwanügüarü churaragü na wenaxärü tomatama namaã itacuáxüçex i ñaã tochiüñane? —ñanagürügü.

⁷ Rü Ngechuchu nanangãxü, rü ñanagürü: —Pema rü taxucëxma nüxü pecuáxchaü i ñuxgu tá nixí i ngëma ngunexü, erü Chaunatüxicatama nüxü nangëxma i pora na nüxü naxunetaxü i ngëma ngunexü i choxna naxcëx peçaxü.

⁸ Natürü ngëxguma pexna nanguxgu i Tupanaãe i Üünexü, rü tá pexü naporaexëe. Rü tá ípechoxü na nüxü peyarüxügüxüçex i chauchiga i Yerucharéüwa, rü guxüma i Yudëaanewa, rü Chamáriaanewa, rü ñuxmatáta guxü i naãnewa nangu —ñanagürü.

⁹ Rü yexguma yema ñaxguvena rü nüxü ínadaunüyane ga norü ngúexügü, rü Tupana rü daxüguxü ga naãnewa Ngechuchuxü naga. Rü wüxi ga caixanexügu nayaxücu, rü yemaãcü tama wenaxärü nüxü nadaugü.

¹⁰ Rü yexguma Ngechuchuxü ínadaunüyane ga daxüwa na naxüxü, rü ngürüächí natanüwa nangox ga taxre ga yatü ga icómüchiruxü.

¹¹ Rü ñanagürügü nüxü: —Pa Yatügü i Garirëaanecüãx, ¿tüxücüü daxügu íperüdaunü? Erü daatama Ngechuchu ga petanüwa yexmacü rü ñuxma Tupana daxüwa nagacü, rü ngëma ñuxma nüxü na pedauxü na ñuxãcü daxüwa naxüxü, rü ngëmaãcü tátama nixí i wena nüma naxüxü —ñanagürügü.

Yudachicüü nanayauxgü ga Matía

¹² Rü yema ngúexügü ga Ngechuchu imugüxü na Tupanaärü puracü naxügüxüçex, rü nüxna ínixí ga guma mëxpüne ga Oríbunecügu äegane. Rü Yerucharéüçex nawoegu. Rü guma ñanarü yaxü nüxna ga guma mëxpüne rü wüxi ga kilómetru nixí.

¹³ Rü yexguma Yerucharéüärü ñanewa nangügügu, rü nagu nachocu ga guma í ga nagu napegüne. Rü dauxna naxígü naxcëx ga yema ucapu ga taxü ga nagu napegüxü. Rü nümagü nixí ga Pedru, rü Cuáü, rü Chaütiágu, rü Aüdré, rü Piripi, rü Tumachi, rü Baturumé, rü Mateu, rü Chaütiágu ga Arupéu nane, rü Chimáü ga Iporaãecüücü, rü Yuda ga Chaütiágu naëneë.

¹⁴ Rü guxüma ga nümagü rü guxüguma nangutaquëxëgüxü na wüxigu nayumüxëgüxüçex namaã ga Ngechuchueñëgü, rü ngímaã ga María ga Ngechuchu naë, rü ñuxre ga togü ga ngxügü.

¹⁵ Rü guxüma ga yema ngunexügügu rü nangutaquëxëgüxü ga yema yaxögüxü. Rü 120 nixí. Rü wüxi ga ngunexügu ga Pedru rü inachi ga norü ngãxütanüwa, rü ñanagürü:

¹⁶ —Pa Chomücügüx, marü ningu ga yema Tupanaãe i Üünexü nuxcüma Dabixü muxü na naxümatüãxüçex nachiga ga Yuda ga namaärü cuëxruü íxüxü naxcëx ga yema duüxügü ga Ngechuchuxü iyauxgüxü.

17 –Rü tatanüxüchirëx nixî ga Yuda, rü nüma rü ta taxrüü ñaã Tupanaãrû puracüwa napuracü ga noxrix.

18 –Natürü nüma ga Yuda rü bexma Ngechuchuxü ñaxuaxü. Rü yemacëx ga äëxgacügü rü nüxü nanaxütanü. Natürü yixcama ga Yuda rü naxcëx ñicucëx ga yema chixexü ga naxüxü, rü yemacëx nanataeguxëe ga yema dïeru. Rü yemawena rü nügü nawëxnaã rü naftanüwa nügü narütáe. Rü yexguma duüxügü nadaexügü rü inanago, rü niwãixpütüwe rü ñayixü ga naftnüta. Rü yema dïeru ga nataeguxëëxümaã ga äëxgacügü rü naxcëx nataxe ga wüxi ga naãne.

19 –Rü nüxü nacuáchigagü ga guxüma ga Yerucharéüçüãx, rü yemacëx Achédamagu nanaxüéga ga yema naãne. Rü ngëma nixî i “Nagüchitaü” ñaxüchiga.

20 –Rü Wiyaegüarü poperawa yemachiga nanaxümatü ga Dabî, rü ñanagürü:

“Yixrüma rü ngëma natá ya napata, rü taxüema nugu pe”,
ñanagürü. Rü toxnamana i ngëma poperawa rü ñanagürü ta:

“Rü name nixî na togue naxüxü i ngëma norü puracü”,
ñanagürü.

21-22 –Rü nuã tatanüwa nangëxmagü i ñuxre i yatügü ga guxüguma tüxü ümücügüxü ga yexguma tatanüwa nanuxmagu ga Cori ga Ngechuchu. Rü nümagü rü tawe narüxi ga noxritama Cuãl Ngechuchuxü ñaxëëëgu rü ñuxmata yema ngunexü ga daxügüxü ga naãnewa naxüxgu. Rü name nixî i ngëmatanüwa na nayaxuxü i wüxi i Yudachicüüxü na tamücü yïxüçëx rü tarüü nüxü yaxuxüçëx i ñuxácü wena na namaxüxü ya Ngechuchu.

23 Rü yemawena rü nüxü naxunetagü ga taxre ga yatügü. Rü wüxi nixî ga Yúche ga Yuchugu äëgaxü ga Bachabámaã naxugüxü. Rü Matía nixî ga to.

24-25 Rü ñaãcü nayumüxëgü: –Pa Corix, cuma nüxü cucuëx i guxüma i duüxügüarü maxü. rü ñuxma rü toxü nawëx i ngëxürüüxü i cuxcëx mexü i ñaã taxrewa na cunamuxüçëx rü nüma na naxüãxüçëx i ñaã puracü ga Yuda ítáxü ga yexguma norü poxcuwa naxüxgu! – ñanagürügü.

26 Rü wüxi ga dïeru ga cuëxruü ngüxü nañanagügü na yemawa nüxü nacuëxgüxüçëx ga ngëxürüüxü ga yema taxre tá na ixücuxü. Rü Matíagu nangu na yangucuchixüçëx. Rü yexgumatama rü yema 11 ga duüxügü ga Ngechuchu imugüxütanügu naxã ga Matía.

2

Ínangu ga Tupanaãe i Üünexü

1 Rü nawa nangu ga yema Yudiügüarü peta ga Pëtecósteagu äëgaxü. Rü yema ngunexügü rü guxüma ga yema yaxögüxü rü wüxi ga nachicawa nangutaquëxëgü.

2 Rü ngürüächi daxüwa ne naxü ga wüxi ga naga ñoma wüxi ya buanecü ya taxüchicü icuxcugürüü, rü guxüne ga guma í ga nawa nayexmagünegu nayaxüga.

3 Rü naxcëx nangox ga üxüema ga ñoma naconügüraüxü. Rü yema üxüema rü nügüna nixügü, rü wüxichigü ga yema yaxögüxüna ninguchigü.

4 Rü guxüma ga yema yexmagüxü rü Tupanaãxë ga Üünexü nüxna nangu. Rü yema Naãe i Üünexü yadexagüxëxüãcüma inanaxügüe ga to ga nagawachigü na yadexagüxü.

5 Rü yema ngunexügü rü yema petacëx Yerucharéüwa nayexmagü ga guxüma ga toxnamana ne íxü ga Yudiügü ga Tupanaga ñnëxü ga guxü ga togü ga nachüãnewa ne íxü.

6 Rü yexguma nüxü naxinüëgu ga ñuxácü na yadexagüxü ga yema yaxögüächi, rü nangutaquëxëgü ga muxüma ga yema duüxügü ga toxnamana ne íxü. Rü nabaixächiãëgü yerü yema yaxögüxü rü wüxichigü ga yema togü ga duüxügügawachigü nidexagü.

7 Rü yema na poraãcü nabaixächiãëgüxüçëx, rü nügümaã rü ñanagürügü: –¿Tama éxna Gariréanecüãx yixügüxü i guxü i ñaã duüxügü i tagawa idexagüxü?

8 –¿Rü ñuxácü éxna i nüxü ixñüxü i wüxichigü i yixema i taga i nawa iyaexüwa na yadexagüxü?

9-11 –Yixema tixügü i Pártiaanecüãx, rü Médiaanecüãx, rü Eraüñanecüãx, rü Mechoipotámiãanecüãx, rü Yudeaanecüãx, rü Capadochiaanecüãx, rü Pötuanecüãx, rü Áchiaarü nañanecüãx, rü Piríquiaanecüãx, rü Paüpiríquiaanecüãx, rü Equitarü nañanecüãx, rü Dibiaarü nañanecüãx i Chireneçüãx. Rü tatanüwa nangëxma ta i duüxügü i Crétaanewa rü Arábíaarü nañanewa ne íxü. Rü ñuxre i yixema rü Dumacüãx i Yudiügü tixügü. Rü nuã tatanüwa nangëxma ta i Dumacüãx i tama Yudiügü ixügüxü natürü tacümagu íxü. Rü guxüma rü nüxü taxinüë na wüxichigü i tagawachigü na yadexagüxü i ñaã ngüexügü. Rü tagawa tamaã nüxü nixugüe i ñuxácü na namexëchixü ya Tupana –ñanagürügü.

12 Rü guxüma poraãcü nabaixächiãëgü, rü tama nüxü nacuëxgü ga ñuxácü na yïxü ga yema. Rü nügüna nacagüe, rü ñanagürügü: –¿Tacüchiga nixî i guxüma i ñaã? –ñanagürügü.

13 Natürü ga togü rü nüxü nacugüecüraxü, rü ñanagürügü: –Nangãxëmare rü ngëmacëx nixî i ngëmaãcü yadexagüxü –ñanagürügü.

Pedruarü dexa

¹⁴ Rû yexguma inachi ga Pedru namaã ga yema 11 ga namücügü, rû tagaäcûma ñanagürü: —Pa Yudiügü i nuxma Yerucharéügu naxîñanexü rû Pa Nuäcûäxgûx, jrû dücax, meã iperüxîñüë i ñaã tá pemaã nüxü chixuxü!

¹⁵ —Rû ñaã chomücügü rû tama nangäxë i pema nagu perüxîñüëxürüü, erü pëxmamatama nixî rû ngexwacëx 9 arü orawa nangu.

¹⁶ —Natürü ñaã ñuxma nüxü pedauxü nixî ga yema Tupanaärü orearü uruü ga Yoë marü nüxü ixuchigaxü ga yexguma ñaxgux:

¹⁷ “Rû ñanagürü ya Tupana: ‘Ngëma nawa iyacuáxü i ngunexüügü rû guxü i duüxügütanüwa tá chanamu i Chauäë i Üünexü, rû penegü rû pexacügü rû tá chauchigagu nidexagü. Rû choma rû tá chayangoxetüxëë i perü ngextüxüxügü rû tá nüxü nadaugü i ngëma tá nüxü chawéxü. Rû perü yaguäxgümaã tá chidexa i nanegüwa.

¹⁸ Rû chorü duüxügütanüwa tá chanamu i Chauäë i Üünexü i ngëma ngunexüügü, rû tá chauchigagu nidexagü.

¹⁹ Rû naãnetüwewa tá ichanawëx i mexügü i taguma nüxü idauxü. Rû ñoma i naãnewa tá ichanawëx i cuëxruügü i nagü, rû üxüema, rû taemaxü.

²⁰ Rû üëxcü rû tá nixoema rû tauemacü rû tá nagürüü naduema naxüpa na wenaxärü núma naxüxü ya Cori. Rû ngëma ngunexü i nagu núma naxüxü, rû wüxi i ngunexü i mexëchixü tá nixî.

²¹ Rû guxäma ya yíxema Corina çaxe na tüxü nangüxëëxücëx, rû tá tamaxë’ ”, ñanagürü ga yema orewa.

²² Rû ñanagürü ga Pedru: —Pa Duüxügü Pa Yudiügüx, jiperüxîñüë i ñaã ore! Rû pema rû meãma nüxü pecuëx rû Ngechuchu ga Nacharétucüäx rû guma nixî ga wüxi ga yatü ga Tupana pepëxewa nüxü yaxucü na Nanexüchi yíxü. Rû yemacëx ga Tupana rû norü poramaã nüxü nanaxüxëë ga muxüma ga mexügü rû cuëxruügü ga noxri taguma nüxü idauxü.

²³ —Rû Tupana pexna nanamu ga guma Ngechuchu na pecaducëx nayuxüçëx yerü yemaäcü nanaxüxchaü ga Tupana, rû yemaäcü nagu narüxîñü ga noxri tauta naxüxgux ga naãne. Rû pema penamu ga yatügü ga tama yaxögüxü na yayauxgüäxüçëx rû curuchawa na yapotagüäxüçëx. Rû yemaäcü penayuxëë.

²⁴ —Rû woo nayuchirëx natürü tama yexma nayacuëx, yerü Tupana wena nanamaxëë rû ñanadaxëë. Rû yemaäcü ga yema yu rû taxuacüma marü nüxü narüporamaëëcha.

²⁵ —Yerü ga äëxgacü ga Dabí rû Ngechuchuchigagu nidexa, rû ñanagürü:

“Guxügüma nachauxütagu ya Cori ya Tupana rû choxü narüngüxëë na taxucëxma chaxoe-gaäëxüçëx.

²⁶ Rû yemacëx marü chataäë rû taäëxü ga oremaã chidexa. Rû choma nüxü chacuëx na mexü tá choxü üpetüxü i ngëxguma chayuxgux.

²⁷ Erü cuma täütäma yuexüchicawa choxü cutëx, rû täütäma cunaxwëxe na yayixixü i chaxune i choma ya Cune ya Üünecü na chíxü.

²⁸ Marü choxü nüxü cucuëxëë i ñuxäcü tá chanayaxu i maxü i taguma güxü, rû tá poraäcü choxü cutaäëxëë, erü chomaã tá icurüxäxü”, ñanagürü ga Dabí.

²⁹ Rû ñanagürü ga Pedru: —Pa Chaueneëgüx, rû aixcüma pemaã nüxü chixu na nayuxü ga nuxcümaäcü ga tóru äëxgacü ga Dabí, rû marü inatëx, rû ñuxma rû ta tatanüwa nangëxma i naxmaxü.

³⁰ —Natürü núma ga Dabí rû wüxi ga Tupanaärü orearü uruü nixî. Rû yemacëx nüxü nacuëx rû wüxi ga nataa tá nixî i äëxgacü ya Cristuxü ingucuchicü, yerü ga Tupana rû yemaäcü namaã inaxuneta.

³¹ —Rû yemacëx nuxcümäxüchima ga Dabí rû ñoma marü nüxü nadauxuchixürüü nüxü nixu rû Cristu rû tá yuwa ñarüda rû täütäma naxmaxüwa nangëxmaëcha rû täütäma niyixi i naxüne.

³² —Rû ñuxma ya Tupana rû marü wena nanamaxëë ga guma Ngechuchu, rû guxäma ga toma rû nüxü tadaugü na wena namaxüxü, rû ngëmacëx pemaã nüxü tixuchiga.

³³ —Rû Tupana rû daxügüxü ga naãnewa nanaga na norü tügüñecüwawa yanatoxüçëx. Rû Tanatü ya Tupana rû marü nüxma nanamu ga Naäë i Üünexü ga nuxcüma nüxü yaxuxü rû tá nuã na namuäxü. Rû ñuxma ya yima Ngechuchu rû núma totanüwa nanamu i ngëma Naäë i Üünexü. Rû ngëma Naäë nuã üxü nixî i ñuxma nüxü pedauxü rû nüxü pëxîñüëxü.

³⁴⁻³⁵ —Rû taguma daxüwa naxü ga Dabí, natürü nümatama rû ñanagürü:

“Tupana rû chorü Cori ya Cristumaã nüxü nixu rû ñanagürü: ‘jrû chorü tügüñecüwawa rüto ñuxmatáta cuxmëxwa chanangëxmagüxëë i curü uwanügü!’ ”

ñanagürü.

³⁶ Rŭ ñanagürü ga Pedru: —Name nixi i guxāma i pema i Yudiŭgü na nüxü pecuëxgüxü rŭ guma Ngechuchu ga curuchawa peyapotacü, rŭ Tupana rŭ marü perü Cori ya Cristuxü nayaxixëë —ñanagürü ga Pedru.

³⁷ Rŭ yexguma yemaxü naxinüëgu ga yema duixügu ga yema yexmagüxü, rŭ poraäcü nanaxixächiaëgü. Rŭ Pedruna nacagüe, rŭ yema togü ga Pedrumücügüna rŭ ta nacagüe, rŭ ñanagürügü: —¿Rŭ tacü tá taxüexü i ñuxmax, Pa Toeneëgüx? —ñanagürügü.

³⁸ Rŭ Pedru nanangāxü, rŭ ñanagürü: —¡Nüxü perüxoe i pecüma i chixexü rŭ Tupanacëx pedagüe rŭ Ngechuchuëgagu ípebaiü na pexü nüxü nangechaüxcëx i perü pecadugü ya Tupana! Rŭ Tupana tá pexna nanamu i Naäë i Üünexü.

³⁹ —Rŭ ñaä Tupanaärü uneta, rŭ pexcëx nixi, rŭ pexacügücëx, rŭ guxü i duixügu i yaxüwa ngëxmagüxcëx nixi. Erü guxü i duixügu i tóru Cori ya Tupana nügüxtawa naxcëx çaxüxcëx nixi i ngëma uneta —ñanagürü ga Pedru.

⁴⁰ Rŭ yema oremaä rŭ muxüma ga to ga oremaä nayaxucüxëgü ga Pedru, rŭ ñanagürü: —¡Nüxna pixigachi i ngëma duixügu i chixexü ügüxü na pema rŭ ta tama chixexü pexügüxcëx! —ñanagürü.

⁴¹ Rŭ yema duixügu ga naga inüexü ga yema ore ga Pedru namaä nüxü ixuxü, rŭ ínabaiü. Rŭ yema ngunexügu rŭ poraäcü nayexera ga na yamuxü ga yema yaxögüxü. Rŭ 3,000 ga duixügu nixi ga Ngechuchuauxü yaxögüxü ga yexguma.

⁴² Rŭ yema yexwacëx yaxögüxü rŭ guxüguma inarüxinüë ga yema ngüexügu ga Ngechuchu imugüxüärü ngxëëtae. Rŭ meä nügümaä nangaugü ga norü yemaxügu. Rŭ guxüguma nayumüxëgüxü rŭ chibücëx nangutaquëxëgüxü.

Yema yaxögüxü rŭ aixcüma nügü nangechaxügi

⁴³ Rŭ yema ngüexügu ga Ngechuchu imugüxü rŭ nanaxügü ga muxüma ga mexügu ga Tupanaärü poramaä naxügüxü. Rŭ yexguma yemaxü nadaugügu ga togü ga duixügu, rŭ poraäcü nabaixächiaëgü ga guxüma.

⁴⁴ Rŭ guxüma ga yema yaxögüxü, rŭ wüxigu narüxinüë. Rŭ meä nügümaä nangaugü ga norü yemaxügu.

⁴⁵ Rŭ namaä nataxëgüxü ga norü naänegü rŭ guxüma ga togü ga norü yemaxügu. Rŭ nügümaä ngixü nitoyëgüxü ga yema diëru yexgumarüü na ñuxre natümwëxexü ga norü ònatanü ga wüxichigü.

⁴⁶ Rŭ guxü ga ngunexügu tupauca ga taxünewa nangutaquëxëgüxü, rŭ chibücëx nangutaquëxëgüxü ga napatagüwa, rŭ taäëcüma nügümaä nachibüexü.

⁴⁷ Rŭ guxüguma Tupanaxü nicuëxüügüxü. Rŭ guxüma ga yema iānecüāx rŭ nüxü nangechaügu ga yema yaxögüxü. Rŭ wüxichigü ga ngunexügu rŭ nimüetanü ga duixügu ga yaxögüxü, yerü nüma ga Cori ga Ngechuchu rŭ nüxü narüngüxëë na nayauxgüāxcëx ga norü maxü i taguma güxü.

3

Naxcëx nitaane ga wüxi ga yatü ga chixeparacü

¹ Rŭ wüxi ga ngunexügu ga Pedru rŭ Cuäü rŭ tomaëxpüxarü oragu ga yáuanecü rŭ tupauca ga taxünewa naxi, yerü yema nixi ga yumüxëärü ora.

² Rŭ yema guma tupauca ga taxünewa nayexma ga wüxi ga yatü ga norü bucümatama chixeparacü. Rŭ guxü ga ngunexügu rŭ natanüxügu rŭ guma tupauca ga taxünearü iāx ga Mexëchixügu ägaxügu nayamugüxü, na diërucëx inacauüxcëx nüxna ga duixügu ga guma tupauca ga taxünegu chocuxüxü.

³ Rŭ yexguma Pedru rŭ Cuäüxü nadëuxgux ga tupauca ga taxünegu na nachocuxü, rŭ guma chixeparacü rŭ nüxü nawëmëx rŭ diërucëx nüxna naca.

⁴ Rŭ Pedru rŭ Cuäü meäma nüxü narüdaunü, rŭ Pedru rŭ ñanagürü nüxü: —¡Toxü nadawenü! —ñanagürü.

⁵ Rŭ nüma ga yatü rŭ nüxü nadawenü, yerü nüma nüxü nacüëxgu rŭ chi tacü nüxna naxägü.

⁶ Natürü ga Pedru rŭ ñanagürü nüxü: —Choxü nataxuma i diëru. Natürü ngëma choxü ngëxmaxü tá cuxna chaxä. Rŭ naëgagu ya Ngechuchu ya Cristu ya Nacharëtücüāx cuxü chamu, rŭ jinachi rŭ ixü! —ñanagürü.

⁷ Rŭ yema ñaxguwena ga Pedru, rŭ norü tügünemëxëgu nayayauxächi, rŭ inanachixëë, rŭ yexgumatama napora ga namëxtüxügüwa rŭ nacutügüwa.

⁸ Rŭ nayuxnagü rŭ inachi, rŭ inanaxügü na iyaxüxü. Rŭ nümatama iyaxüäcüma Pedru rŭ Cuäüwe tupauca ga taxünegu naxücu. Rŭ nanayuxnagüane rŭ Tupanaxü nicuëxüü.

⁹ Rŭ guxüma ga duixügu nüxü nadaugü ga na iyaxüxü, rŭ Tupanaxü na yacuëxüxü.

¹⁰ Rū poraācū nabaixāchiāēgū ga duūxūgū naxcēx ga yema nūxū ngupetūxū ga guma yatū. Yerū nūxū nacuēxgū ga na guma yīxū ga tupauca ga taxūneārū iāx ga Mexēchixūgu āegaxūwa rūtooxūchirécū rū yéma dīerucēx İcaci.

Tupacacūwawa yexmaxū ga chopetūchica ga Charomōūlarū Ūpetūchicagu āegaxūwa nidexa ga Pedru

¹¹ Rū guma chixeparachirécū ga marū naxcēx yataanecū, rū tama Pedru rū Cuāūna nixūgachichaū. Rū guma tupauca ga taxūnecūwawa nayexma ga wūxi ga chopetūchica ga “Charomōūlarū Ūpetūchicagu” āegaxū. Rū yema chopetūchicawa rū Pedru rū Cuāūncēx naxūtaquēxe ga guxūma ga duūxūgū yerū poraācū nabaixāchiāēgū.

¹² Rū yexguma Pedru nūxū dēuxgu ga yema duūxūgū ga yéma naxcēx İtaquēxegūxū, rū űanagūrū nūxū: —Pa Chautanūxūgū i Yudiūgūx, űTūxūcūū pebaixāchie namaā i ngēma űaā yatūmaā ngupetūxū? űRū tūxūcūū toxū perūdaunū űoma torū poramaā rū torū mexūmaā tanamexēēxūrūū?

¹³ —Nuxcūmaūgūcū ga tōrū oxigū ga Abrāū rū İchaā rū Acobu rū togū ga tōrū oxigū rū nūxū nayaxōgū ga Tupana. Rū yimatama Tupana nixī ya űūxma Ngechuchuxū taxēēcū, na guxūārū yexera yīxūcēx. Rū gumatama Ngechuchu ya Tupanaārū ngūxēēruū İxīcū nixī ga pema āēxgacū ga Piratuxūtawa penagagūcū. Rū yexguma nūxū yangēxchaūgu ga Piratu, rū pema rū tama penaxwēxegū ga na yangēāxū.

¹⁴ —Pema rū tama penaxwēxe ga na İnanguxuchixū ga guma űūnecū ga aixcūma mecū ga Ngechuchu, natūrū naxcēx İpeca na pexcēx İnanguxuchixēēāxūcēx ga wūxi ga māētaxū.

¹⁵ —Rū yemaācū pematama peyamēxgū ga guma Ngechuchu ya tūxū maxēxēēcū. Natūrū ga Tupana rū wena nanamaxēē. Rū toma nixī ga nūxū tadaugūxū ga wena na namaxūxū.

¹⁶ —Rū űaā yatū ga chixeparachirēxū i pema nūxū pedauxū rū nūxū pecuāxū rū marū naxcēx nitaane erū Ngechuchuaxū nayaxō. Rū ngēma Ngechuchuaxū na yaxōoxūcēx nixī i naxcēx yataanexū ngēma űūxma guxāma i pema nūxū pedauxūrūū.

¹⁷ —Rū dūcax i űūxma Pa Chaueneēgūx, rū yexguma pema rū wūxigu perū āēxgacūgūmaā peyamēxgūga Ngechuchu, rū tama nūxū pecuēxgū ga tacū na pexūēx.

¹⁸ —Natūrū ga Tupana rū yemaācū nayanguxēē ga yema uneta ga nuxcūma nūmatama nūxū yaxuxū nawa ga guxūma ga norū orearū uruūgū. Yerū yema norū ore ga űmatūxūwa rū űanagūrū:

“Cristu rū tá ngūxū ninge”,

űanagūrū.

¹⁹⁻²⁰ —Rū ngēmacēx, Pa Chaueneēgūx, rū name nixī i nūxū perūxoe i pecūma i chixexū, rū Tupanacēx pedaugū, rū nūxū peyaxōgū na nūma pexū İnapīāxūcēx i perū pecadugū. Rū ngēxguma i nūma rū tá pexū nataāēgūxēē, rū tá nūma nanamu ya Ngechuchu ga noxritama naāne İxūgūgu pexcēx nūxū naxunetacū na perū āēxgacū ya Cristu na yīxūcēx.

²¹ —Natūrū i űūxma rū Tupana nanaxwēxe i daxūgūxū i naānegu na naxāūxū ya Ngechuchu űūxmatāta nūma ya Tupana wena namexēēāgu i guxūma i űoma i naānewa ngēxmaxū. Yerū yemaācū nixī ga nūxū yaxuxū ga Tupana nawa ga nuxcūmaūgūxū ga norū orearū uruūgū ga İxūūnēxū.

²² —Rū Moīché rū tōrū oxigūmaā nūxū nixu rū űanagūrū:

“Rū perū Cori ya Tupana rū petanūwa tá nūxū naxuneta i wūxi i norū orearū uruū i chauxrūū İxīxū. Rū name nixī na naga pexīnūēxū i guxūma i ngēma pemaā nūxū yaxuxū.

²³ Rū texé ya tatanūwa tama naga İnūxē i ngēma orearū uruū, rū tá tūxū İnatēxūchi i tatanūwa”,

űanagūrū ga Moīché.

²⁴ —Rū Chamue rū guxūma ga togū ga Tupanaārū orearū uruūgū ga naweama űgūxū rū ta nūxū nixūgūe ga tacū tá na űpetūxū i űomaūcūū.

²⁵ —Rū nuxcūmaxūchima ga Tupana rū tōrū oxī ga Abrāūmaā nūxū nixu rū űanagūrū:

“Rū wūxi i cutaa tá nixī i nūxū rūngūxēēxū i guxūma i duūxūgū i űoma i naānecūāx”, űanagūrū. Rū yemaācū ta Tupana İnaxuneta nawa ga nuxcūmaūgūxū ga norū orearū uruūgū. Rū pemaā nūxū chixu i űūxma, rū pexcēx nixī ga yema unetagū ga nuxcūmaūgūxū ga orearū uruūgūwa tōrū oxigūmaā nūxū yaxuxū ga Tupana.

²⁶ —Rū pemaā nūxū chixu Pa Chautanūxūgū i Yudiūgūx, rū yexguma Tupana wena namaxēēgu ga Nane ga Ngechuchu rū petanūwaxira nanamu na pexū nangūxēēxūcēx, erū nanaxwēxe i wūxichigū i pema na nūxū perūxoeū i pecūmagū i chixexū —űanagūrū ga Pedru.

4

Āēxgacūgūpēxewa nayexmagū ga Pedru rū Cuāūl

¹ Rū yexguma duŭxŭgŭmāā iyadexagūga ga Pedru rū Cuáŭ, rū yexgumayane yēma nangugū ga guma tupauca ga taxŭneārū purichiaarū āēxgacū, rū paigū, rū Chaduchēugū.

² Rū Pedru rū Cuáŭmāā nanuē ga paigū yerū duŭxŭgŭxŭ nangúexēē ga na marū wena namaxŭxŭ ga Ngechuchu, rū naxrūŭ tá ta wena namaxēxŭ i guxŭma i duŭxŭgŭ i marū yuexŭ.

³ Rū Inanayauxŭ, rū poxcupataŭgu nanawocu űuxmata moxŭācū, yerū marū nayáuane.

⁴ Natŭrū muxŭma ga yema duŭxŭgŭ ga nŭxŭ űnŭexŭ ga yema Tupanaārū ore rū nayaxōgū. Rū 5000 wa nangu ga yatŭxŭxica ixugūga.

⁵ Rū moxŭācū Yerucharēŭwa nangutaquēxegū ga Yudŭgŭarū āēxgacūgū namaā ga naerugū, rū ngŭexēēruŭgū ga ore ga mugūwa ngŭxēētaegŭxŭ.

⁶ Rū yēma nayexma ta ga Aná ga paigŭeru ixicū, rū Caipá, rū Cuáŭ, rū Areyáŭdru, rū guxŭma ga yema togū ga paigū ga paigŭerutanŭxŭ ixŭgŭxŭ.

⁷ Rū nanamu na naxŭtawa nagagŭāxŭcēx ga Pedru rū Cuáŭ. Rū yexma norū ngāxŭtanŭgu nanachigŭxēē rū nŭxna nacagū, rū űnanagŭrŭgŭ: —¿Texé pexŭ tamu, rū texé pexna tanaxá i pora na penamexēēxŭcēx i űnā yatŭ? —űnanagŭrŭgŭ.

⁸⁻⁹ Rū Pedruwa nayexma ga Tupanaāē ga Ūnŭexŭ rū nanaporaxēē. Rū yemacēx ga Pedru rū nanangāxŭ, rū űnanagŭrŭ: —Pa űnēārū Āēxgacūgŭx, rū Pa Yudŭgŭarū Āēxgacūgŭerugŭx, rū űuxma toxna naxcēx peca naxcēx ga norū mexēē i űnā chixeparachirēxŭ erū nŭxŭ pecuāxchaŭ ga űuxācū na namexŭ.

¹⁰ —Rū űuxma tá pemaā nŭxŭ tixu na nŭxŭ pecuāxŭcēx i guxāma i pema rū nŭxŭ nacuēxgŭxŭcēx i guxŭma i tatanŭxŭgŭ i Yudŭgu. Rū űnā yatŭ i űuxma pepēxewa ngēxmaxŭ rū Ngechuchu ya Cristu ya Nacharētucŭāx nixŭ ga namexēēcū. Rū guma nixŭ ga pema curuchawa peyapotačū rū peyuxēēcū. Natŭrū ga Tupana rū wena nanamaxēē.

¹¹ —Rū gumatama Ngechuchu nixŭ ga pema nŭxŭ pexoecū. Natŭrū ga Tupana rū nayamucuchi na guxŭarū āēgacū yixŭxŭcēx.

¹² —Rū yima Ngechuchucatama nixŭ ya tōrū maxēxēēruŭ, erū yixicatama nixŭ ga Tupana nŭxŭ unetacū i űoma i naanewa na tŭxŭ namaxēxēēxŭcēx —űnanagŭrŭ ga Pedru.

¹³ Rū yexguma yema āēxgacūgŭ nŭxŭ daugūga ga űuxācū tama muŭēācūma na yadex-agŭxŭ ga Pedru rū Cuáŭ, rū nabaixāchiāēgū, yerū nŭxŭ nicuēxāchitanū ga tama meā poperaxŭ na yacuāxŭ rū puracŭtanŭxŭmare yixŭgŭxŭ. Rū aixcūma nŭxŭ nicuēxāchitanū ga Ngechuchuarū ngŭexŭgŭ na yixŭgŭxŭ.

¹⁴ Rū űuxŭchi nŭxŭ nadaugū ta ga guma yatŭ ga rūmecū ga Pedru rū Cuáŭxŭtagu na nachixŭ. Rū yemacēx ga yema āēxgacūgŭ rū taxuacūma űuxŭ űnanagŭrŭgŭēga nachiga ga yema ngupetŭxŭ.

¹⁵ Rū yexguma ga yema āēxgacūgŭ rū Inanamuxŭ ga yema Inangutaquēxegŭxŭwa, rū nŭxŭcatama nŭgŭmāā nidexagū.

¹⁶ Rū űnanagŭrŭgŭ: —¿Tacū tá namaā ixŭexŭ i űnā yatŭgŭ? Erū guxŭma i Yerucharēŭcŭāx i duŭxŭgŭ rū nŭxŭ nacuēxgŭ i ngēma mexŭ i taxŭ i naxŭgŭxŭ, rū taxuacūma itayacŭx.

¹⁷ —Natŭrū ngēma na tama yexeraācū duŭxŭgŭtanŭwa nanguchigaxŭcēx i ngēma ngu-petŭxŭ, ¡rū ngŭxā tanamuŭēxēē na űuxmawena rū taxŭemaāma ngēma Ngechuchuchigagu yadexagŭxŭcēx! —űnanagŭrŭgŭ.

¹⁸ Rū wenaxārū Pedru rū Cuáŭcēx nacagū, rū nŭxna naxāga na tama Ngechuchuchigamaā yadexagŭxŭcēx, rū bai i texēxŭ na nangúexēēxŭcēx i nachiga.

¹⁹ Natŭrū ga Pedru rū Cuáŭ rū nanangāxŭgŭ, rū űnanagŭrŭgŭ: —¡Nagu perŭxŭnŭē i pematama! ¿Rū namexŭ i Tupanapēxewa na pega taxŭnŭexŭ rū ēxna Tupanaga taxŭnŭexŭ?

²⁰ —Erū toma rū taxuacūma nŭxŭ tarŭxoe na nŭxŭ tixuxŭ ga yema nŭxŭ tadaugŭxŭ rū nŭxŭ taxŭnŭexŭ —űnanagŭrŭgŭ.

²¹ Rū yexguma ga yema āēxgacūgŭ rū nayaxāxŭnegū rū yemaācū Inayamugū, yerū nataxuma ga factēx na napoxcueāxŭ rū duŭxŭgŭxŭ namuŭē, yerū guxŭma ga duŭxŭgŭ rū Tupanaxŭ nicuēxŭgŭ naxcēx ga yema nŭxŭ ngupetŭxŭ ga guma yatŭ ga chixeparawa rūmecū.

²² Rū guma yatŭ ga yemaācū Tupanaārū poramaā naxcēx itaanecū, rū 40 arū yexera nixŭ ga norū taunecū.

Yema yaxōgŭxŭ rū Tupanaarū ngŭxēēcēx Inacagū

²³ Rū yexguma marū Inamuxŭāxgu, rū Pedru rū Cuáŭ rū namŭcūgŭ iyexmagŭxŭwa naxŭ. Rū namaā nŭxŭ nixugŭe ga guxŭma ga yema ore ga Yudŭgŭarū āēxgacūgŭ rū paigŭarū āēxgacūgŭ namaā nŭxŭ ixuxŭ.

²⁴ Rū yexguma Pedru rū Cuáŭxŭ naxŭnŭēgu ga namŭcūgŭ, rū guxŭma wŭxigu nayumŭxēgŭ rū Tupanamaā nidexagū rū űnanagŭrŭgŭ: —Pa Corix, cuma cunaxŭ ga daxŭguxŭ ga naāne rū űoma ga naāne, rū taxŭ i taxŭ, rū guxŭma i ¡tacū i nawa ngēxmaxŭ.

²⁵ —Rū cumatama nixī ga nuxcūma Cuāē i Ūūnexūxū cumuxū na curū ngūxēēruū ga Dabīwa yanadexaxūcēx rū űaxūcēx:

“¿Tūxcūū ĩnipurae i űoma i naānecūūāx i duūxūgū i tama yaxōgūxū? ¿Rū tūxcūū ngēma natūcēxmamare ĩxīgūxūgu narūxīnūē i guxū i nachīūānecūūāx?

²⁶ —Nūmagū i nachīūānecūūārū āēxgacūgū rū Tupanamaā nanuē, rū nūgūmaā nangutaquēxegū na wūxigu nūgūmaā naxīnūēxūcēx na űuxācū tā nūxū na nayexeragūxūcēx ya Cori ya Tupana rū Nane ya nūxū naxunetacū ya Cristu”, űanagūrū.

²⁷ —Rū aixcūma nixī ga űoma ga ĩānewa ga āēxgacūgū ga Erode rū Piratu ga nangutaquēxegū namaā ga to ga nachīūānecūūāx rū totanūxū ga Yudiugū, na chixexū naxūgūxūcēx namaā ya curū ngūxēēruū ya ūūnecū ya Ngechuchu ya Cristuxū nūxū cuxunetacū.

²⁸ —Rū yemaācū ga nūmagū rū nayanguxēē ga guxūma ga yema cuma nuxcūmama nugu curūxīnūxū rū nūxū cuxunetaxū rū tā na yanguxū.

²⁹ —¡Rū dūcax, Pa Corix, cuma nūxū cucuēx na űuxācū toxū naxāxūnecūxū! Toma nixī i curū ngūxēēruūgū rū tanaxwēxe na toxū cuporaexēēxū na tama tamuūēācūma nūxū tixuxūcēx i curū ore.

³⁰ —¡Rū curū poramaā nameēxēē i duūxūgū i idaaweexū! ¡Rū duūxūgūxū nawēx i cuēxruūgū i curū poramaā cuxūxū i naegagu ya curū ngūxēēruū ya ūūnecū ya Ngechuchu! —űanagūrūgū.

³¹ Rū yexguma yumūxēwa nūxū nachauegu, rū guma ĩpata ga nawa nangutaquēxegūne rū naxīāxāchi. Rū Tupanaāē i Ūūnexū rū nūxna nangu ga guxūma. Rū tama namuūēācūma nūxū nixugūe ga Tupanaārū ore.

Yema yaxōgūxūārū yemaxūgū rū guxūārū nixī

³² Rū namu ga yema yaxōgūxū. Rū guxūma rū wūxigu narūxīnūē. Rū taxuūma nagu narūxīnū ga noxrūxicatama na yīxū ga norū yemaxūgū, natūrū guxūma ga namūcūgūmaā nangau.

³³ Rū yema ngūexūgū ga Ngechuchu imugūxū na Tupa-naārū puracū naxūgūxūcēx, rū Tupanaārū poramaā nūxū nixugūe ga űuxācū wena na namaxūxū ga Cori ga Ngechuchu. Rū Tupana rū poraācū nūxū narūngūxēē ga guxūma ga yema yaxōgūxū.

³⁴⁻³⁵ Rū natanūwa rū nataxuma ga wūxi ga nūxū nataxuxū, yerū guxūma ga yema nūxū yexmaxū ga naānecū rū ēxna ĩpatagū, rū namaā nataxegū. Rū yema dīēru ga ngīxū nayauxgūcū rū yēma ngīxū nangegū, rū yema ngūexūgū ga Ngechuchu imugūxūna ngīxū nayaxāgū. Rū űuxūchi nūgū ngīxū ninuūxū ga űuxrechīgū nūxū nataxuxū ga wūxichīgū.

³⁶ Rū nayexma ga wūxi ga yatū ga Lebītanūxū ga Chiprecūāx ga Yūchegu āegacū. Rū yema ngūexūgū ga Ngechuchu imugūxū na Tupanaārū puracū naxūgūxūcēx rū Bernabēmaā nanaxugū. Rū ngēma naega, rū: “Taāēxēēruū”, űaxūchiga nixī.

³⁷ Rū nūma ga Bernabē rū nūxū nayexma ga wūxi ga naāne, rū namaā nataxe. Rū yema ngūexūgū ga Ngechuchu imugūxūxūtawā ngīxū nana ga yema dīēru.

5

Ananīā rū Chacūraārū pecaduchiga

¹ Rū nayexma ga wūxi ga yatū ga Ananīāgu āegaxū rū Chacūra ga namēx. Rū nūmagū rū namaā nataxegū ga wūxi ga norū naāne.

² Natūrū nūma ga Ananīā rū namēxmaā wūxigu nagu narūxīnūē na nūgūxū ngīxne nayauxgūxū ga űuxre ga yema naānetanū. Rū űuxūchi yema ngūexūgū ga Ngechuchu imugūxūxūtawā ngīxū nangegū ga yema nūxū ĩyaxūcū.

³ Rū yexguma ga Pedru rū űanagūrū nūxū: —Pa Ananīāx, ¿tūxcūū ngoxo i Chatanāga cuxīnū rū Tupanaāē i Ūūnexūmaā quidora, rū cugūxū ngīxne cuyaxu i űuxre i ngēma curū naānetanū?

⁴ —¿ēxna yexguma tauta namaā cutaxegu, rū tama ēxna cuxrū yīxū ga yema naāne? ¿Rū yexguma namaā cutaxegu, tama ēxna cuxrū yīxū ga yema dīēru na ngīxū cuguxēēxūcēx i ngēma cuma cunaxwēxexūācūma? ¿Tūxcūū i cunaxūxū i űaā? Tama yatūgūmaāxīca quidora, natūrū Tupanamaā rū ta nixī i quidoraxū —űanagūrū ga Pedru.

⁵ Rū yexguma yema orexū naxīnūgu ga Ananīā, rū yuxūma inayangu. Rū poraācūxūchima namuūē ga guxūma ga yema duūxūgū ga yexguma yemaxū nacuāchigagūgu.

⁶ Rū űuxre ga yēma yexmagūxū ga ngextūxūxūgū rū nanayauxgū ga naxūne, rū nananuquegū, rū inayatēxgū.

⁷ Rū tomaēxpūx ga ora ngupetūxgu rū ĩngu ga namēx. Rū yexma ĩxūcu natūrū tama nūxū icuēx ga űacū na ngupetūxū.

⁸ Rū Pedru ngīxna naca, rū ñanagürü: —¿Yema natanü ga ipexunetaxügu yīixü ga namaã petaxegüxü ga perü naãne? —ñanagürü. Rū ngīma rü: —Ngü, ngëxgumaëxpüxgu nixi —ngīgürügü.

⁹ Rū Pedru rū ñanagürü ngīxü: —¿Tüxcüü pegümaã ngëmaãcü wüxigu perüxīnūë na namaã pidoraxëtcëx i Tupanaãë i Üüexü? ¡Dücëx, ngëma cutexü iyatëxgüxü rü marü ñangugü, rü ñuxma rü cuxü rü tá ta ngema nangegü! —ñanagürü.

¹⁰ Rū yexgumatama yüxcüma Pedrupëxegu iyangu. Rū yexguma nachocuxgu ga yema ngextüxüxügü, rü yüxcüma ngīxü inayangaugü. Rū ngīxü nayauxgü, rü ngītëxütagutama ngīxü nayatëxgü.

¹¹ Rū yexguma nüxü nacüëxgüga ga yema ngupetüxü, rü guxüma ga yema yaxögüxü rü yema togü ga duüxügü rü ta poraãcüxüchima namuüë.

Tupanaärü poramaã nanaxügü ga muxüma ga mexügü

¹² Rū yema ngüëxügü ga Ngechuchu imugüxü, rü duüxügüpëxewa nanaxügü ga muxüma ga mexügü ga Tupanaärü poramaã naxügüxü. Rū inanawëxgü ga muxüma ga cuëxruügü. Rū guxüma ga yema yaxögüxü rü guxüguma naxítaquëxegüxü nagu ga yema tupauca ga taxünewa yexmaxü ga chopetüchica ga Charomóülarü Üpetüchicagu äegaxü.

¹³ Rū yema togü ga duüxügü ga tama yaxögüxü rü namuüë na yema yaxögüxütanüga naxägüxü, natürü poraãcü yema yaxögüxüxü nangechaügü.

¹⁴ Rū nimüetanüãma ga yema yaxögüxü yerü muxüma ga duüxügü ga yatüxügü rü ngëxügü rü Coriaxü nayaxögüetanü.

¹⁵ Rū nüma ga duüxügü rü itamügüga nayamugüxü ga idaaweëxü naxchápenüümaã rü norü caruügümaã na yexguma Pedru yéma üpetüxgu, rü naxchipetamare nüxü na nachixücëx.

¹⁶ Rū yexgumarüü ta rü yéma naxítaquëxegüxü ga muxüma ga duüxügü ga Yerucharëülarü ngaicamana imügüne ga ñanewa ne ñxü. Rū yéma naxcëx nanagagüxü ga yema idaaweëxü rü yema ngoxoãxgüxü. Rū guxüma naxcëx nitaanegü.

Pedru rü Cuãüwe ningëxütanü ga paigü

¹⁷ Rū yexguma ga guma paigüeru rü guxüma ga yema natanüxügü ga Chaduchëgü rü poraãcü nixãüxächigü naxcëx ga yema mexügü ga naxügüxü ga yema ngüëxügü ga Ngechuchu imugüxü.

¹⁸ Rū yemacëx norü purichíagüxü namu na ñayauxüãxücëx ga yema ngüëxügü. Rū ñañeärü poxcupataügu nanapoxcue.

¹⁹ Natürü Coriarü orearü ngerüü ga daxücüãx naxcëx nayawãxna ga yema poxcupataülarü ñãxgü ga chütacü. Rū ñanamuxü, rü ñanagürü nüxü:

²⁰ —¡Ngema tupauca ga taxünewa pexi, rü guxü i duüxügümaã nüxü pixu na ñuxacü Tupana inaxãxü i ngëxwacaxüxü i maxü! —ñanagürü.

²¹ Rū yexguma ga yema ngüëxügü ga Ngechuchu imugüxü rü naga naxīnūë ga yema ore. Rū moxüãcü ga pëxmamaxüchi rü tupauca ga taxünewa naxi, rü duüxügüxü nangüëxëë. Rū yoxni ga guma paigüeru rü natanüxügü, rü nanangutaquëxëxëë ga guxüma ga yema togü ga äëxgacügü ga äëxgacügütücümüwa ügüxü. Rü poxcupataüwa nanamugü ga purichíagü na yagagüãxücëx ga yema ngüëxügü ga Ngechuchu imugüxü.

²²⁻²³ Rū yexguma poxcupataüwa nangugüga ga yema purichíagü, rü taxuxüxüma inayangaugü. Rū nayawoëgu, rü nüxü nayarüxügüë, rü ñanagürügü: —Yima poxcupataü rü narüwãxta, rü meãma nataichirëx, rü purichíagü nüxna nadaugü i naãxwa. Natürü ngëxguma tayawãxnagu, rü taxuxüxüma itayangaugü i aixepewa —ñanagürügü.

²⁴ Rū yexguma yema orexü naxīnūëgu ga yema paigüeru rü yema togü ga paigü ga äëxgacügü ixīgüxü rü yema tupauca ga taxüñeärü purichíagüarü äëxgacü rü guxüma nabaixächiaëgü yerü tama nüxü nacüëxgü ga ngëxtá tá na nanguxü ga guxüma ga yema rü ñuxacü tá na iyanaxoxëëgüãxü.

²⁵ Rū yexguma yemagu inaxīnūëyane rü yéma nangu ga wüxi ga yatü, rü namaã nüxü nixu, rü ñanagürü: —Ngëma yatügü i pepoxcuechirëxü, rü tupauca ya taxünewa nangëxmagü, rü ñanangüëxëë i duüxügü —ñanagürü.

²⁶ Rū yéma naxi ga tupauca ga taxüñeärü purichíagüarü äëxgacü wüxigu namaã ga norü purichíagü na yagagüãxücëx. Natürü namuüë na duüxügü nutamaã yamuxütanüxü, rü yemacëx meãmare yema ngüëxügüxü nigagü.

²⁷ Rū yexguma namaã ñangugüga, rü yema äëxgacügüpëxewa nanagagü. Rü yema paigüeru rü namaã nidexa rü ñanagürü nüxü:

²⁸ —Marü poraãcü pexna tanachüxu na tama ngëma Ngechuchüëgamaã penangüëxëxücëx. Natürü i pema rü guxüne ya Yerucharëüwa penangüëxëë i duüxügü, rü ñuxüchi toxna penaxuxcháü ga na togagu nayuxü ga yema Ngechuchu —ñanagürü.

²⁹ Rū Pedru rū namücüğümaã nanangãxüğü, rū ñanagürüğü: —Narümemaë nixi na Tupanaga taxinüexü rū tama i yatüğüga.

³⁰—Guma Tupana ga nuxcümaüğüxü ga tóru oxigü nüxü yaxöğücü, rū guma nixi ga wena namaxëcü ga Ngechuchu ga pema peyamácü ga yexguma curuchawa peyapotagüğü.

³¹—Natürü Tupana rū nanataxëëãma, rū nüğüarü tügünecüwawa nanatoxëë. Rū tóru cuëxrü rū maxëëërüü nayangucuchixëë na tatanüxüğü i Yudiüğüxü nangüëëxücüx na nüxü naxoexücüx i norü chixexüğü, rū Tupana nüxü nüxü nangechaüxücüx i norü pecadüğü.

³²—Rū toma nüxü tacuëx na aixcüma yïixü i guxüma i ngëma pemaã nüxü tixuxü erü tomatama nüxü tadaugü. Rū ngëxgumarüü ta i Tupanaãe i Üünexü i Tupana tüxna äxü ya yixema naga inüëxë, rū nüxü nacuëx na aixcüma yïixü —ñanagürüğü.

³³ Rū yexguma yemaxü naxinüëgu ga yema äëxgacüğü, rū poraäcüxüchima nanuë, rū nanadaixchaü.

³⁴ Natürü yema äëxgacüğütanüwa nayexma ga wüxi ga Parichéu ga Gamarié ga naega. Rū nüma rū meãma nanangüexëë ga Tupanaãrü mugü. Rū guxüma ga duüxüğü rū nüxü nangechaüğü. Rū nüma ga Gamarié inachi rū nanamu na paxaãchi ínamuxüãxücüx ga yema ngüexüğü ga Ngechuchu imugüxü.

³⁵ Rū ñuxüchi namücüğü ga äëxgacüğümaã nüxü nixu rū ñanagürü: —Pa Chautanüxüx, ipexuãëgu na ñacü tá namaã pexüexü i ñaã yatüğü!

³⁶—Rū nüxna pecuëxãchie ga üpa ga ñuxãcü äëxgacüxü nüğü ningucuchixëëchaü ga Teudá. Rū nügütama nixu na wüxi ga ñacü na yïixü. Rū maneca 400 naguxü ga yatüğü nawe narüxi. Natürü churaragü nayamëxgü, rū nayu. Rū guxüma ga yema nawe rüxüxü rū nangiãchi, rū yexma nayarüxo ga guxüma.

³⁷—Rū yixcüra ínangu ga to ga yexguma tachiüãneãrü äëxgacü duüxüğüxü ixugüğü, rū yema nixi ga Yuda ga Garirëaanecüãx ga äëxgacüxü nüğü ingucuchixëëchaüxü. Rū nayaxucüxëğü ga duüxüğü rū nawe narüxi ga ñuxre. Natürü yemaxü rū ta nimëxgü rū nayu. Rū guxüma ga yema nawe rüxüxü rū nangiãchi.

³⁸—Rū ngëmacëx i ñuxma rū pexü chaxucüxë na peyangëxgüxü i ñaã yatüğü, rū tama penapoxcuexü. Erü ngëxguma nagagutama yixüğü i ngëma nüma naxüğüxü, rū tá inayarüxo.

³⁹—Natürü ngëxguma Tupanaãrü yixüğü i ñaã naxüğüxü, rū taxuacüma ipeyanaxoxëë. ¡Rü pexuãëgu na tama ngürüãchi Tupanamaã yïixü i penuëxü! —ñanagürü. Rū guxüma ga yema äëxgacüğü rū naga naxinüë ga yema norü ucuxë.

⁴⁰ Rū ñuxüchi nanachocuxëë ga yema ngüexüğü ga Ngechuchu imugüxü. Rū nayaçuaixgü. Rū nüxna naxãga na tama Ngechuchuchiga yadexagüxücüx. Rū yemawena rū nayangëxgü.

⁴¹ Rū yema äëxgacüğüna ínixi ga yema ngüexüğü. Rū nataãëgü yerü woetama Tupana nanaxwëxe ga yemaäcü Ngechuchucëx ngüxü na yangegüxü.

⁴² Rū guxü ga ngunexüğü tupauga ga taxünewa rū ípatagüwa, rū nanangüexëëãma, rū nüxü nixügüetanü ga ore ga mexü ga Ngechuchu ya Cristuchiga.

6

Yema ngüexüğü ga Ngechuchu imugüxü rū nüxü naxuneta ga 7 ga yatüğü na nüxü nangüëëgüxücüx ga Tupanaãrü puracüwa

¹ Rū yexgumaücüü rū yexeraücü nimuchigü ga yema duüxüğü ga yaxöğüxü. Rū natanüwa nayexmagü ga Yudiüğüchirëx ga Griëguanewa ne íxü rū Griëgüga idexagüxü. Rū nayexma ta ga yaxöğüxü ga Yudiüğü ga Yerucharëcüãx ga woetama nagawa idexagüxü. Rū yema yaxöğüxü ga Griëgüga idexagüxü rū nidexagüëcha nachigaga ga yema yaxöğüxü ga Yerucharëcüãxgü ixigüxü, rū ñanagürüğü: —Totanüwa yutëgüxe rū tama meã ña tuxna naxãgüxü i ngëxguma ñna inaxãgüüxgu i wüxichigü i ngunexüğü —ñanagürüğü.

² Rū yexguma ga yema 12 ga ngüexüğü ga Ngechuchu imugüxü rū guxüma ga yema yaxöğüxüxü nangutaquëxëëëgü, rū ñanagürüğü nüxü: —Tama name na ítanangëxü i Tupanaãrü orearü uchiga i tomax na ñnamaã itacuãxücüx.

³—Rū ngëmacëx, Pa Tomücügüx, rū ¡Naxcëx pedëux i petanüwa ya 7 ya yatüğü ya guxãma nüxü ngechaücü, rū meã naãëxü cuácü, rū aixcüma Tupanaãe i Üünexü nawa ngëxmacü! Rū toma tá nüxna tanaxã i ngëma puracü na nümagü ñnamaã inacuëgüxücüx.

⁴—Rū ngëxguma i toma rū yumüxëwa rū Tupanaãrü orearü uchigawaxicatama tá tapuracüe —ñanagürüğü.

⁵ Rū yexguma ga guxüma ga yema duüxüğü rū: —Ngü —ñanagürüğü naxcëx ga yema ore. Rū nüxü naxunetagü ga Etëbaü ga meã yaxöcü rū aixcüma Tupanaãe i Üünexü nawa yexmacü, rū Piripi, rū Pócoro, rū Nicanüru, rū Timü rū Parumënu, rū Nicuráchi ga Añtiqüiãcüãx ga tauta Ngechuchuxü yaxöğü Yudiügücüma yaxucü.

⁶Rü yema ngúexŭgü ga Ngechuchu imugüxŭtŭtawa nanagagü. Rü nümagü naxmêxmaã nüxŭ yangôgüácüma naxcêx nayumüxêgü.

⁷Rü yema Tupanaârü ore rü yexeraãcü nixŭchigü. Rü poraãcü nimuêtanü ga yema yaxôgüxŭ ga Yerucharêtŭwa. Rü woo muxŭchixŭma ga Yudiugüarü paigü rü ta Ngechuchuxŭ nayaxôgü.

Etébaŭxŭ niyauxgü

⁸Rü Etébaŭ nixŭ ga wüxi ga yatü ga Tupana poraãcü nüxŭ rüngŭxêëcü rü naporaxêëcü na duŭxŭgütanüwa naxŭãxŭcêx ga mexŭgü ga taxŭgü rü cuêxruŭgü ga Tupanaârü poramaã naxŭxŭ.

⁹Rü nayexma ga wüxi ga ngutaquêxepataŭ ga Yudiugüarü ga Ínguxŭxŭârü Ngutaquêxepataŭgü äegane. Rü gumawa nangutaquêxegü ga duŭxŭgü ga ũpaacü corigümêxêwa yexmagüxŭ. Rü ñuxre ga guma ngutaquêxepataŭcŭãx rü wüxigu namaã ga ñuxre ga Chireneãnecŭãx, rü Aleyãdriaanecŭãx, rü Chirichiaanecŭãx, rü Áchiaarü naãnecŭãx, rü inanaxŭgüe ga Etébaŭmaã na iyaporagatanücüxŭ.

¹⁰Natürü taxuacüma Etébaŭxŭ narüyexeragü, yerü nüma ga Etébaŭ rü nidexa namaã ga yema cuêx ga Tupanaãe i Üünexŭ nüxna ãxŭ.

¹¹Rü yexguma ga yema duŭxŭgü rü togüaxŭ nanaxŭtanügü na Etébaŭchiga doraxŭ yaxugüxŭcêx. Rü ñanagürügü ga yema idoraegüxŭ: –Toma nüxŭ taxŭnêgü, rü Moïchéchiga rü Tupanachigamaã chixexŭ ga ore nixugü ga Etébaŭ –ñanagürügü.

¹²Rü yemaãcü nananuêxêe ga duŭxŭgü rü Yudiugüarü äêxgacügüerugü rü ngúexêëruŭgü ga ore ga mugüwa nguxêëtaegüxŭ. Rü yemacêx Etébaŭcêx nibuxmü, rü nayayauxgü, rü äêxgacügüerugü íngutaquêxegüxŭtŭwa nanagagü.

¹³Rü naxcêx nadaugü ta ga yatügü ga doraxŭ ixugüemarexŭ rü yema rü ñanagürügü: –Ñãã yatü rü guxŭguma chixexŭmaã nidexa i nachigagu ya daa tupauca ya taxŭne, rü nachigagu i Tupanaârü mugü.

¹⁴–Rü toma rü nüxŭ taxŭnê rü:

“Yima Ngechuchu ya Nacharêtucŭãx rü tá nanangutaŭxêe ya daa tupauca, rü tá inayanaxoxêe i nacümagü ga Moïché tŭxŭ ngúexêëxŭ”, –ñanagürügü.

¹⁵Rü yexguma Etébaŭxŭ nadaunügu ga guxŭma ga yema äêxgacügü ga yema rütogüxŭ, rü nüxŭ nadaugü ga nachametü rü wüxi ga daxŭ-cŭãx ga orearü ngeruŭchametürüŭ na yŭxŭ.

7

Etébaŭârü ore

¹Rü nüma ga paigüeru, rü Etébaŭna naca rü ñanagürü: –¿Aixcüma yŭxŭ i ñãã ore i nüxŭ yaxugüexŭ? –ñanagürü.

²Rü Etébaŭ nanangãxŭ, rü ñanagürü: –Pa Chautanüxŭ Pa Äêxgacügüx, ¡Choxŭ iperüxŭnê! Guma Tupana ya mexêchicü, rü nuxcümaŭcü ga tóru oxŭ ga Abráŭcêx nangox ga yexguma Mechopotámiãârü naãnegu naxãchiŭgu ga yexguma tauta Aráŭârü naãnewa naxŭxgu na yexma yaxãchiŭxŭcêx.

³–Rü Tupana rü ñanagürü nüxŭ:

“¡Nüxna ixŭ i cuchiŭãne rü cutanüxŭ, rü ngêma choma tá cuxŭ nüxŭ chadauxêëxŭ i naãnewa naxŭ!”

ñanagürü.

⁴–Rü yexguma ínaxŭxŭ ga Abráŭ nawa ga yema Cadêcŭãxârü naãne ga ngextá noxri ínaxãchiŭxŭtŭwa, rü Aráŭârü naãnegu nayaxãchiŭ. Rü yexguma nanatŭ yuxguwena, rü ñoma ga naãne i ñuxma nagu pexãchiŭxŭtŭwa naxŭ, yerü yemaãcü Tupana nüma nanaga.

⁵–Natürü yexguma rü ta taxuŭma ga noxrŭxŭchi ga naãne nüxna naxã ga Tupana i ñoma i naãnewa, rü bai ga íraxŭ ga noxrŭxŭchi ga naãne. Natürü Abráŭmaã ínaxuneta ga yixcama tá nüxna na naxããxŭ ga ñoma i naãne na noxrŭxŭchi yŭxŭcêx, rü yixcama marü nayuxguwena rü nanegüarü na yŭxŭcêx. Rü yemaãcü Abráŭmaã ínaxuneta ga woo na nangexacüxŭ ga yexguma.

⁶–Rü ñanagürü Abráŭxŭ ga Tupana:

“Rü yixcama i cutaagü rü tá to i nachiŭãne i tama noxrü íxŭtŭwa nangêxmagü. Rü ngêma nachiŭãnecŭãx i duŭxŭgü rü norü duŭxŭgüxŭ tá nayaxŭgüxêe. Rü 400 ya taunecü rü ngêma duŭxŭgü rü tá chixri namaã nachopetü i cutaagü.

⁷Natürü choma tá chanapoxcue i ngêma nachiŭãnecŭãx i norü duŭxŭgüxŭ yaxŭgüxêëxŭ. Rü ngêmawena i cutaagü rü tá ínaxoxŭ nawa i ngêma naãne, rü nuã ñãã i naãnewa tá choxŭ nicuêxŭgü”,

ñanagürü ga Tupana.

8—Rü yexguma Tupana rü Abráũ rü nügümaã nanamexêê, rü ñanagürü ga Tupana:

“Choma rü tá cuxũ charüngũxêê ega cuma rü guxũma i cutanũxũgũ ipewiũchêxmũpêxechiraũ. Rü ngêma tá nixĩ i cuêrxũ i yigũmaã imexêêxũ”, ñanagürü ga Tupana. Rü nabu ga wũxi ga nane ga Abráũ, rü Ichaágu nanaxüéga. Rü yexguma 8 ga norũ ngunexũwa nanguxgu ga Ichaá, rü nũmatama ga Abráũ rü ínanawiechêxmũpêxechiraũ. Rü yexguma marũ nayêxgu ga Ichaá rü nabu ga nane ga Acobu, rü nũmatama ga Ichaá rü ínanawiechêxmũpêxechiraũ. Rü yixcama marũ nayêxgu ga Acobu rü nüxũ nayexma ga 12 ga nanegũ. Rü nũmatama ga Acobu rü ínanawiechêxmũpêxechiraũ ga guxũma ga yema 12 ga nanegũ. Rü yema 12 ga nanegũ nixĩ ga yema 12 ga nuxcũmaũgũxũ ga tóru oxigũ.

9-10—Rü yema 12 ga Acobu nanegũ ga tóru oxigũ ixĩgũxũtanũwa rü wũxi rü Yúche nixĩ ga nagga. Natürü naêneêgũ ga guma Yúche rü nixãũxãchie, rü yemacêx Equituarũ naãnewa íxũ ga taxetanũxũxũ Yúchemaã nataxegũ na Equituarũ naãnewa nagagũãxũcêx. Natürü Tupana rü Yúchemaã nayexma, rü nüxũ narüngũxêê na tama pecadu naxũxũcêx ga yexguma guxchaxũwa nayexmagu. Rü nüxna nanaxã ga cuêx, rü Yúchexũ narüngũxêê ga meã na nayauxãxũcêx ga Equituaneãrũ ãêxgacũ ga Faraũ. Rü yemacêx ga Faraũ rü ãêxgacũxũ nayangucuchixêê. Rü nũma ga Yúche nixĩ ga ãêxgacũ ga Faraũpatawa rü guxũma ga yema nachiũãnewa. Rü Faraũxĩcatama nixĩ ga Yúchearũ yexera na ãêxgacũ yĩxũ ga yema naãnewa.

11—Rü yexgumaũcüũ nayexma ga taiya ga guxũ ga Equituarũ naãnewa rü Canaããrũ naãnewa. Rü poraãcü taiya nüxũ nangux ga duũxũgũ. Rü yemacêx ga yema nuxcũmaũgũxũ ga tóru oxigũ rü düxwa taxuacũma nüxũ inayangaugũ ga nabũ ga Canaããrũ naãnewa.

12—Natürü yexguma nüxũ nacuáchigaxgu ga Acobu ga na nayexmaxũ ga nabũ ga Equituanewa, rü yema nanamugũ ga Equituarũ ga guma tóru oxigũ ixĩgũcü. Rü yema nixĩ ga nawa inaxũgũxũ ga noxrima nabũcêx Equituanewa na naxixũ.

13—Rü yixcama marũ naguxgu ga yema nabũ rü wenaxãrũ Equituanewa naxĩ nawa ga nabũ. Rü yexguma wenaxãrũ yema naxixgu ga naêneêgũ, rü nügũ nixu ga Yúche namaã. Rü yexguma nüxũ nacuêx ga Faraũ ga ngextácũãx na yĩxũ ga Yúche.

14—Rü yixcamaxũra ga Yúche rü tũmacêx nangema ga nanatũ rü guxũma ga natanũxũ. Rü maneca 75wa nangu ga yema duũxũgũ ga Yúchetanũxũ.

15—Rü yemaãcü Equituanewa naxũ ga Acobu na yexma yaxãchiũxũcêx. Rü yexma nayu ga nũmax. Rü yexma nayue ta ga nanegũ ga tóru oxigũ.

16—Rü yexguma nayuxgu ga Acobu, rü Chiquéũwa nanangegũ ga naxũne na yexma yatêxgũãxũcêx nagu ga yema naxmaxũ ga Abráũ diêrumaã naxcêx taxexũ ga Amũ nanegũxũtawa ga Chiquéũwa.

17—Rü düxwa nawa nangu na Equituanewa ínangũxũxũcêx ga tatanũxũ ga yexgumarũũ ga Tupana Abráũmaã ixu-netaxũ. Rü yexguma rü marũ poraãcü nimu ga tatanũxũ ga Equituanewa.

18—Rü yexguma ningucuchi ga to ga Equituaneãrũ ãêxgacũ ga tama Yúchegigaxũ cuáxũ.

19—Rü yema ãêxgacũ rü tatanũxũxũ nawomüxêê rü chixri tũmamaã naxüpetũ ga guxema nuxcũmaũgũxe ga tóru oxigũ. Rü tüxũ namu na yexwaca buexe ga tũmaxãcüxũxũ ítawogũxũ na tayuexũcêx.

20—Rü yexgumaũcüũ nabu ga Moíché, rü Tupanaãxũ nangúchaũ. Rü tomaêxpũx ga tauemacũ nüxna tadaugũ ga tũmapatawa ga naê rü nanatũ.

21—Rü yexguma düxwa ítanatêxgũgu, rü Faraũxãcü inayaxu, rü ngĩnêxũ inayaxêê.

22—Rü yemaãcü Moíchéxũ nanguxêêgũ ga guxũma ga Equituanecũãxãrũ cuêx. Rü nũma ga Moíché rü wũxi ga ãêxgacũ ga poracũ nixĩ, rü norũ dexawa rü ta napora.

23—Rü yexguma 40 ga norũ taunecũwa nanguxgu ga Moíché rü nagu narũxĩnũ ga natanũxũgũ ga Yudiũgũtanũgu na naxũãneãxũ.

24—Rü nüxũ nadau ga wũxi ga Equituanecũãxã ga wũxi ga Yudiũxũ na naçuaxixũ. Rü yemacêx ga Moíché rü yema Yudiúéũwa ínayuxu, rü yema Equituanecũãxãxũ nimêx rü nanayuxêê.

25—Rü nũma ga Moíché nagu rüxĩnũgu rü chi natanũxũgũ ga Yudiũgũ rü chi nüxũ nacuêxgũ na Tupana yema namuxũ na ínangũxũxêãxũcêx. Natürü tama nüxũ nacuêxgũéga ga yema natanũxũgũ.

26—Rü moxũãcü ga Moíché rü nüxũ nadau ga to ga taxre ga Yudiũgũ ga nügũ yexma dêixũ, rü nüxna nachogũchaũ. Rü ñanagürü nüxũ:

“Pema rü pegũtanũxũgũ pixĩgũ. ¿Rü tüxücüũ pegũ pedai i pemax?” ñanagürü.

27—Rü yexguma ga yema namũcüxũ íçuaxixũ rü Moíchéxũ natêxnetã, rü ñanagürü nüxũ: “¿Texê cuxũ tamu na toeru quĩxũcêx rü tomaã icucaáxũcêx?”

28—¿Éxna choxũ quimáxchaũ ta, ga ñe quimáxũ ga Equituanecũãxãrũ?” ñanagürü.

29—Rü yexguma yemaxŭ naxŭnŭgu ga Moŭché, rŭ niŭna ga yema naŭnewa. Rŭ Madiáŭtŭnewa naxŭ. Rŭ yema nachŭŭŭane ga tama noxrŭ ixŭxŭgu nayaxŭchiŭ. Rŭ yexma naxŭmŭx rŭ nabu ga taxre ga nanegŭ.

30—Rŭ 40 ga taunecŭguwena ga dauxchitawa ga Chinaŭ ga mŭxpŭneŭrŭ ngaicamana, rŭ wŭxi ga naŭxŭtaxacŭ ga yema iyauraxŭwa Moŭchŭcŭx nangox ga wŭxi ga Tupanaŭrŭ orearŭ ngeruŭ ga daxŭcŭŭŭax.

31—Rŭ nabaixŭchiŭŭe ga Moŭché ga yexguma nŭxŭ nadŭxŭgu. Rŭ naxcŭx nixŭ rŭ nŭxna nangaicama na meŭ nŭxŭ nadauxcŭcŭx. Rŭ yexguma Moŭchŭmaŭ nidexa ga Cori ga Tupana, rŭ ŭnanagŭrŭ nŭxŭ:

32 “Choma nixŭ i curŭ oxigŭarŭ Tupana chŭxŭ rŭ Abráŭ rŭ Ichaá rŭ Acobuarŭ Tupana chŭxŭ”,

ŭnanagŭrŭ. Rŭ yexguma ga Moŭché rŭ inanaxŭgŭ ga norŭ muŭmaŭ na yadŭruxŭ. Rŭ namuŭ ga yexma na nadawenŭxŭ.

33—Rŭ yexguma ga Cori ga Tupana rŭ ŭnanagŭrŭ nŭxŭ:

“ŭInacuaixŭ i curŭ chapatu erŭ ŭnaŭ naŭne i nagu cuchixŭ rŭ naxŭŭne, erŭ chanuxma!

34 Choma rŭ ngŭxŭtwama nŭxŭ chadau i ŭuxŭcŭ poraŭcŭ ngŭxŭ na yangegŭxŭ i chorŭ duŭxŭgŭ i Equituanewa. Rŭ nŭxŭ chaxŭnŭ i na naxauxexŭ. Rŭ ngŭmacŭx nŭma chaxŭ na ŭchanangŭxŭxŭcŭcŭx. ŭNuŭ naxŭ na Equituanewa cuxŭ chamuxŭcŭcŭx!”,

ŭnanagŭrŭ.

35—Rŭ woo ga noxri ga nŭmagŭ ga natanŭxŭgŭ rŭ guma Moŭchŭxŭ naxoe ga yexguma ŭnagŭgu:

“ŭRŭ texŭ cuxŭ tamu na toeru quŭxŭcŭx rŭ tomaŭ icucuŭxŭcŭx?” ŭnagŭgu, natŭrŭ ga Tupana rŭ yema nanamuŭma na yema duŭxŭgŭxŭ ŭnangŭxŭxŭcŭcŭx rŭ norŭ ŭxŭgacŭ na yŭxŭcŭx. Rŭ yemaŭcŭ Moŭchŭxŭ namu ga Tupana ga yexguma naxŭtawa namuŭxŭgu ga yema norŭ orearŭ ngeruŭ ga yema naŭxŭtaxacŭ ga iyauraxŭwa naxcŭx ngŭxŭ.

36—Rŭ Moŭché nixŭ ga Equituarŭ naŭnewa ŭnagaxŭxŭ ga nuxcŭmaŭgŭxŭ ga tŭrŭ oxigŭ. Rŭ Equituanewa, rŭ Dauchiŭxŭ ga Taxtŭwa, rŭ dauxchitawa ga ngextŭ taxŭema ŭxŭpataxŭwa inanawŭx ga cuŭxruŭgŭ, rŭ nanaxŭ ga mexŭ ga taxŭgŭ ga Tupanaŭrŭ poramaŭ naxŭxŭ. Rŭ yemaŭcŭ 40 ga taunecŭ nŭxŭ na rŭ-ngŭxŭcŭe ga yema duŭxŭgŭ.

37—Rŭ nŭmatama ga Moŭché nixŭ ga tatanŭxŭgŭ ga Yudiŭgŭmaŭ ŭnaxŭ:

“Tupana rŭ yixcŭra tŭ pexcŭx nŭxŭ naxuneta i petanŭwa i wŭxi i norŭ orearŭ uruŭ ga yexgumarŭŭ ga choxŭ na naxunetaxŭrŭŭ”,

ŭnanagŭrŭ.

38—Rŭ nŭmatama ga Moŭché nixŭ ga nuxcŭmaŭgŭxŭ ga tŭrŭ oxigŭmaŭ nangutaquŭxŭxŭ ga yema naŭne ga ngextŭ taxŭema ŭxŭpataxŭwa. Rŭ tŭrŭ oxigŭmaŭ nayexma ga Chinaŭ ga mŭxpŭnewa ga yexguma namaŭ yadeaxgu ga Tupanaŭrŭ orearŭ ngeruŭ ga daxŭcŭŭŭax. Rŭ nŭmatama ga Moŭché nixŭ ga nayauxŭxŭ ga Tupanaŭrŭ ore i maxŭxŭcŭerŭŭ na nixŭ tŭxna naxŭŭxŭcŭx.

39—Natŭrŭ ga tŭrŭ oxigŭ rŭ tama naga naxŭnŭcŭhaŭ ga guma Moŭché. Rŭ ŭnanatŭxŭchigŭama, rŭ Equituaneguama narŭxŭnŭŭŭgŭ.

40—Rŭ tŭrŭ oxigŭ rŭ Moŭchŭeneŭ ga Arŭxŭ ŭnanagŭrŭgŭ: “ŭRŭ toxcŭx naxŭ i tupanachicŭnŭxŭgŭ na nawe tarŭxŭcŭcŭx! Erŭ tama nŭxŭ tacuŭxŭgŭ i ŭacŭ nŭxŭ na ŭpetŭxŭ i ngŭma Moŭché ga Equituanewa tŭxŭ yagaxŭxŭ”, ŭnanagŭrŭgŭ.

41—Rŭ yexguma nanaxŭgŭ ga wŭxi ga wocaxacŭchicŭnŭxŭ norŭ tupanaxŭ. Rŭ ŭuxŭchi naxcŭx nanadaŭ ga ŭuxre ga carnerugŭ na yemamaŭ nŭxŭ yacuŭxŭgŭxŭcŭx. Rŭ wŭxi ga peta naxcŭx naxŭgŭ ga yema wocaxacŭchicŭnŭxŭ ga nŭmatama naxŭgŭxŭ.

42—Rŭ yemacŭx ga Tupana rŭ nŭxna nixŭgachi ga yema duŭxŭgŭ. Rŭ inanawogŭ na woramacuri rŭ ŭxŭcŭ rŭ taumacŭmaŭ natupanaŭxŭcŭcŭx. Yerŭ yemaŭcŭ Tupanaŭrŭ orearŭ uruŭgŭarŭ poperagu naxŭmatŭ, rŭ ŭnanagŭrŭ:

“Pema, Pa Yudiŭgŭx, ŭChauxcŭx yŭxŭ ga penadŭxŭ ga carnerugŭ ga yexguma 40 ga taunecŭ dauxchitawa ga ngextŭ taxŭema ŭxŭpataxŭwa peyexmagŭgŭ?

43 Tama aixcŭma chauxcŭx nixŭ yerŭ ga pema rŭ ngextŭ ŭpexŭxŭwa rŭ ŭpenangeexŭ ga napata ga perŭ tupananaŭta ga Moro rŭ ŭpenangeexŭ ga perŭ tupananaŭta ga Refŭarŭ woramacurichicŭnŭxŭ. Rŭ yemaŭcŭ pegŭmaŭ ŭpenangeexŭ ga yema tupananaŭtachicŭnŭxŭgŭ ga pematama pexŭgŭxŭ na nŭxŭ picuŭxŭgŭxŭcŭx. Rŭ ngŭmacŭx i ŭuxma rŭ perŭ naŭnewa tŭ pexŭ ŭchawoxŭ rŭ yaxŭwa i Babirŭ-nŭarŭ yexerawa tŭ pexŭ chamugŭ”,

ŭnanagŭrŭ ga Tupana ga yema orewa.

44—Rŭ yema naŭne ga ngextŭ taxŭema ŭxŭpataxŭwa rŭ tŭrŭ oxigŭ nŭxŭ nayexma ga wŭxi ga ŭpata ga naxchirunaxcŭx ga nagu namaŭ nanguxŭgŭne ga Tupanaŭrŭ muŭgŭ ga nutagu ŭmatŭxŭ. Rŭ guma ŭpata ga naxchirunaxcŭx nixŭ ga nŭxŭ nawŭcŭma Tupana Moŭchŭxŭ naxŭxŭcŭcŭx.

45 —Rü yexguma nayuxguwena ga Moiché, rü Yochué ningucuchi ga ãëxgacü na yïixü. Rü törü oxigü rü nuã törü naãnewa nanangegü ga guma ipata ga naxchirunaxcëx ga yexguma Yochuémaã napugüãgu ga ñaã naãne nüxna ga yema duüxügü ga Tupana íwoxüxü napëxewa ga törü oxigü. Rü núma nayexma ga guma ipata rü ñuxmata Dabí ingucuchigu ga ãëxgacü na yïixü.

46 —Rü guma ãëxgacü ga Dabí rü Tupana rü poraãcü namaã nataãë, rü nüxü narüngüxëë. Rü núma ga Dabí rü Tupanana naxcëx naca na naxüãxüxcëx ga wüxi ga tupauca ga taxüne ga nawa Tupanaxü na yacuëxüügüxüxcëx ga tatanüxügü ga Acobutaagü.

47 —Natürü Dabí nane ga Charumóu nixí ga naxücü ga guma tupauca ga Tupanacëx ixíxüne. 48 —Natürü ya Tupana ya tacüxüchima rü tama duüxügü üxüne ya tupaucagümaã naxãpata. Rü yemacëx ga Tupana rü nuxcümaücü ga norü orearü uruüwa rü ñanagürü:

49-50 “Choma nixí ya ãëxgacü ya tacüxüchima, rü daxüguxü i naãne nixí i chorü toxmaxwëxeruü ixíxü rü ñoma i naãne nixí i chorü chicuturuü ixíxü. ¿Rü ñuxücüruüwa i nagu perüxínüëxü tá na penaxüxü ya wüxi ya tupauca ya chaugu mexüne?” ñanagürü ga Cori ya Tupana. Rü ñanagürü ta ga Tupana:

“¿Tama ëxna choma yïixü ichanaxüxü ga guxüma i tacü i ngëxmaxü? ¿Rü ñuxäcü chi penaxüxü i wüxi i nachica i nagu charüngüxü?” ñanagürü ga norü orewa.

51 Rü ñanagürü ga Etébaü: —Dücëx Pa ãëxgacügüx, pema rü guxüguma nüxü pexoe i Tupanaärü ore, rü tama iperüxínüëchaü. Rü peãëwa rü tama peyaxögüchaü. Rü pema rü guxüguma Tupanaãë i Üünexü nawa nayexma. Rü daxü nadawenü, rü nüxü nadau na ñuxäcü namexëchixü ga Tupana. Rü nüxü nadau ga Ngechuchu ga Tupanaärü tügüneguama chiciü.

52 —Rü perü oxigü rü chixeãcüma namaã nachopetü ga guxüma ga Tupanaärü orearü uruügü. Rü nanadai ga yema orearü uruügü ga nüxü ixuchigagüxü ga na núma naxüxü tá ga guma mecü ya Ngechuchu. Rü yexguma ínanguxgu ga guma Ngechuchu rü pema Piratuna penamu rü penayuxëë.

53 —Rü woo pema rü Tupanaärü orearü ngeruügü ga daxücüãxütawa penayaxu ga Tupanaärü ore, natürü tama naga pexínüë —ñanagürü ga Etébaü.

Nayu ga Etébaü

54 Rü yexguma nüxü naxínüëgu ga yema ore, rü nanuëxüchiamä ga yema duüxügü. Rü norü numaã Etébaüxcëx nixüxchapütägü.

55 Natürü ga Etébaü rü aixcüma Tupanaãë i Üünexü nawa nayexma. Rü daxü nadawenü, rü nüxü nadau na ñuxäcü namexëchixü ga Tupana. Rü nüxü nadau ga Ngechuchu ga Tupanaärü tügüneguama chiciü.

56 Rü yexguma rü ñanagürü: —Nüxü chadau i na yangoxnaãchixü i naãnetüwe, rü nüxü chadau ya Cristu ya Tupana Nane ya duüxüxü ixícü ya Tupanaärü tügüneguama chiciü —ñanagürü ga Etébaü.

57 Natürü nümagü rü nügü narütütamachixëgü, rü tagaãcü aixta naxüëãcüma nüxna nayuxgü.

58 Rü ínanagaxüchigü ga íãnewa, rü nutagümaã ínanamuxüchigü. Rü yéma nayexma ga wüxi ga ngextüxüxü ga Chaurugu äegaxü. Rü yemaxü nanawotanü ga norü gáuxüchirugü ga ínacüxuchigüxü ga yema duüxügü ga Etébaüxü imëxgüxü.

59 Rü yexguma nutamaã ínamuxüchigüãguyane, rü nayumüxë ga Etébaü rü ñanagürü: —Pa Cori Pa Ngechuchux, ¡Nayaxu i chauãë! —ñanagürü.

60 Rü yemawena rü ínacaxüpüxü, rü tagaãcü aixta naxü, rü ñanagürü: —Pa Cori Pa Tupanax, ¡Tãxü i ñaã pecaducëx cunapoxcuëxü i ñaã duüxügü! —ñanagürü. Rü yexguma yema ñaxguwena rü nayu.

8

Chauru rü guxema yaxögüxewe ningëchigü na tüxü napoxcuëxüxcëx

1 Rü Chauru rü norü me nixí ga Etébaüxü na yamëxgüxü. Rü yematama ngunëxügu rü norü uwanügü rü ínanaxügüë ga na poraãcü nawe yangëxütanüxü ga yema yaxögüxü ga Yerucharéüwa yexmagüxü. Rü düxwa ga guxüma rü Yudéaanegu rü Chamáriaanegu nügü nawoone. Rü yema ngüëxügü ga Ngechuchu imugüxüxícatama ínayaxügü ga Yerucharéüwa.

2 Rü ñuxre ga yatügü ga meãma Tupanaãxü yaxögüxü rü nanayauxgü ga Etébaüxüne, rü ínanatëxgü rü poraãcü naxcëx naxauxe.

3 R yexguma ga Chauru rü chixri tùmamaã naxüpetü ga guxema yaxögüxë. Rü tùmapatagu nixüchigü na tüxü ínayauxüxcëx. Rü yéma tüxü ínatüxü ga yatügü rü ngexegü, rü ñuxüchi poxcupataügü tüxü nawocu.

Chamáriawa nüxü nixuchiga ga Tupanaärü ore i mexü

⁴ Rü yema yaxögüxü ga Chauruchaxwa ibuxmüxü ga Yerucharéüwa, rü guxüwama ga ngextá inaxüüwa rü nüxü nixuchigagü ga ñuxácü Ngechuchu tüxü na maxéxééxü.

⁵ Rü Piripi nixü ga wüxi ga yema orexü ixuchigacü. Rü nüma rü ñáne ga Chamáriawa naxü, rü yéma inanaxügü ga Cristuchigaxü na yaxuxü.

⁶ Rü yema duüxügü ga Chamáriacüñax, rü Piripicex nangutaquéxegü. Rü guxüma meäma inarüñüé ga yema ore ga namaä nüxü yaxuxü, yerü nüxü nadaugü ga yema mexüügü ga taxüügü ga Tupanaärü poramaä naxüxü ga Piripi.

⁷ Rü muxéma ga duüxégü ga ngoxogü tümawa yexmaxé rü tümacex nitaanegü. Rü yema ngoxogü rü tagaäcü aita naxüeäcuma tümawa inachoxü. Rü yexgumarüü ta rü muxéma ga nawäixächigüxe rü chixeparagüxe rü tümacex nitaanegü.

⁸ Rü yemacex poraäcü nataäégü ga guxüma ga duüxügü ga guma ñáne ga Chamáriawa.

⁹ Natürü guma ñánewa nayexma ga wüxi ga yatü ga Chimáügu ägaxü ga ñuxre ga taunecü norü yuümaä duüxügüxü womüxééxü ga guma ñánewa. Rü nügü nixu ga na wüxi ga tacüxü cuáxü na yüxü.

¹⁰ Rü guxüma meäma nüxü inarüñüé woo ga buxüügü rü yaxüügü. Rü ñanagürügü: —Ññaä yatü rü aixcüma nüxü nangéxma i Tupanaärü pora i taxü —ñanagürügü.

¹¹ Rü naga naxüñüé ga duüxügü, yerü mucüma ga taunecü rü norü yuümaä nana-womüxéé.

¹² Rü Piripi rü yema duüxügümaä nüxü nixu ga ore ga mexü ga Ngechuchu ya Cristuchiga, rü ñuxácü na äëxgacü yüxü ya Tupana. Rü yexguma yema ore yaxögügu ga duüxügü, rü Piripi inanabaiñüxéé ga yatüxü rü ngexüügü.

¹³ Rü nümatama ga Chimáü rü ta nayaxö, rü ínabaie. Rü inanaxügü ga Piripixü na naxümüxüxü. Rü yexguma nüxü nadéuxgu ga yema cuèxruügü rü mexüügü ga taxü ga Tupanaärü poramaä naxüxü ga Piripi, rü poraäcü ñabaixächiäé ga Chimáü.

¹⁴ Rü yema Ngechucharü ngüexüügü ga Yerucharéüwa yexmagüxü rü nüxü naxüñüéchiga ga meä na nayauxgüäxü ga Tupanaärü ore ga Chamáriawa. Rü yemacex yéma nanamugü ga Pedru rü Cuáü.

¹⁵ Rü yexguma Chamáriawa nangugüga ga Pedru rü Cuáü, rü naxcex nayumüxégü ga yema yexwaca yaxögüxü ga duüxügü, na nayauxgüäxüxcex ga Tupanaäé i Üünexü.

¹⁶ Yerü yexguma noxri yaxögüägu ga yema duüxügü rü Piripi marü inanabaiñüxéémare naegagu ga Cori ga Ngechuchu, natürü taxuxüñata nangu ga Tupanaäé i Üünexü.

¹⁷ Rü yemacex ga Pedru rü Cuáü naxméxmaä nüxü ningögügü ga yema yaxögüxü, rü yexguma nanayauxgü ga Tupanaäé i Üünexü.

¹⁸⁻¹⁹ Rü nüxü nadau ga Chimáü ga na duüxügüna nanguxü ga Tupanaäé i Üünexü ga yexguma Pedru rü Cuáü naxméxmaä yema duüxügüxü yangögügügu. Rü yemacex diëru Pedru rü Cuáüna ngüxü naxächaxü ga Chimáü rü ñanagürü nüxü: —¡Choxna rü ta penaxä i ngéma pora, na yíxema tüxü chingögüxe rü ta tüxna nanguxüxcex i Tupanaäé i Üünexü! —ñanagürü.

²⁰ Rü yexguma ga Pedru rü ñanagürü nüxü: —¡Cuxrüütama iyanataxux i curü diëru, erü ngümaä naxcex cutaxexaxü i Naäé i Üünexü i Tupana tüxna mumarexü!

²¹ Cuma rü taxucürüwama cunayaxu i ngéma pora, erü curü maxü rü tama name i Tupanapéxewa.

²² ¡Nüxü rüxo i ngéma curü chixexü, rü Tupanana naxcex naca na cuxü nüxü nangechaxüxcex! Rü bexmana tá cuxü nüxü nangechaxü i ngéma chixexü i cuäëwa nagu curüñüxü.

²³ Erü nüxü chacüex rü poraäcü cunuäewéxe, rü ngéma curü chixexü rü cumaä inacüex rü ñoma cupoxcuxürüü cuxü nixüñéé —ñanagürü.

²⁴ Rü Chimáü nanangäxü, rü ñanagürü: —¡Pema Tupanana chauxcex peça na tama choxü nangupetüxüxcex i ngéma nüxü pixuxü! —ñanagürü.

²⁵ Rü Pedru rü Cuáü rü yema Chamárianecüñax ga duüxügümaä nüxü nixugüé ga Cori ga Ngechuchuchiga, rü namaä nüxü nixugüé ga Tupanaärü ore. Rü yemawena rü Yerucharéüxcex nawoegu. Rü namawa rü muxüne ga Chamárianewa yexmane ga ñanexäcüguwa rü nüxü nixuetanü ga Tupanaärü ore i mexü.

Piripi rü namagu nüxü nangau ga wüxi ga äëxgacü ga Etiópiaanecüñax

²⁶ Rü yemawena, rü Tupanaärü orearü ngerüü ga daxücüñax rü Piripimaä nüxü nixu, rü ñanagürü: —¡Rü paxa inaxüächü rü ñáne ya Gachawaama naxü nawa i ngéma nama i Yerucharéüwa ne daxü rü Gachawa iyarügoxü! —ñanagürü. Rü ngéma nixü i nama i dauxchitawa i ngextá taxüema íxäpataxüwa dapetüxü.

²⁷ Rū inaxūāchi ga Piripi rū yema namawa naxū. Rū yexma nūgū nangau namaā ga wūxi ga yatū ga Etiópiānenanguxū ga guxcūma ga yema āēxgacūarū dīeru. Rū īnēcū Yerucharēūwa naxū na Tupanaxū yanacuēxūūxūcēx.

²⁸ Rū nachūlānecēx nataegu, rū norū autu ga cowaru itūchigūnewa narūto. Rū nawa ningūchigū ga yema ore ga Tupanaārū orearū uruū ga Ichaxīa ūmatūxū.

²⁹ Rū Tupanaāē i Ūūnēxū rū Piripixū űanagūrū: —jPaxa naxcēx ixū i ngēma autu! — űanagūrū.

³⁰ Rū paxa yema autucēx niña ga Piripi. Rū yexguma naxūtawa nanguxgu rū nūxū naxīnū ga na Tupanaārū orearū uruū ga Ichaxīa ūmatūxū ga orewa nangūxū ga yema āēxgacū. Rū yexguma ga Piripi rū nūxna naca rū űanagūrū nūxū: —jNūxū cucuāxū i űacūchiga na yīxū i ngēma nawa cungūxū? — űanagūrū.

³¹ Rū nūma ga āēxgacū ga Etiópiānecūāx rū nanangāxū, rū űanagūrū: —jNūxūcūrūwa i nūxū chacuāxū ega taxūema chomaā inanguxūxēēgux? — űanagūrū. Rū Piripicēx naca na naxīnagūxūcēx, rū naxūtawa na natoxūcēx.

³² Rū yema nawa yangūchigūxū ga Tupanaārū ore ga ūmatūxū, rū űanagūrū: “Rū űoma wūxi i carneru i norū mēxwa nagagūxūrūūācū nayagagū. Rū wūxi i carneruxacū i ngēma yayoxtēxagūxūpēxewa tama aita ūxūrūū nachianemare, rū taxu űanagūrū.

³³ Rū yexguma duūxūgū poraācū chixri namaā chopetūgu rū taxūema naētūwa tachogū. jRū texé tá meā nachiga tidexa ga yema duūxūgū ga yemaācū poraācūxūchima chixexū ūgūxū? Yerū nayamēxgū na nataxuxūcēx i norū maxū i űoma i naānēwa”, űanagūrū ga yema ore ga nawa nangūxū.

³⁴ Rū Piripina naca ga yema āēxgacū ga Etiópiānecūāx, rū űanagūrū: —jChomaā nūxū ixu! jRū texēchigagu nixi ga yadexaxū ga yema Tupanaārū orearū uruū? jNūgūchigagutama rū ēxna toguechigagu? — űanagūrū.

³⁵ Rū yexguma nanangāxū ga Piripi. Rū yematama ore ga ūmatūxūmaā inanaxūgū na namaā nūxū yaxuxū ga ore i mexū ga Ngechuchigū.

³⁶ Rū yixcamaxūra ga yexguma inaxīyane, rū dexā iyexmaxūwa nangugū. Rū űanagūrū ga yema āēxgacū: —Nuā nangēxma i dexā. jRū tama ēxna inamexū na nuā choxū ícubaixēēxū? — űanagūrū.

³⁷ Rū űanagūrū ga Piripi: —Ngēxguma aixcūma meāma cuyaxōxgux, rū marū name i na cuxū íchabaixēēxū — űanagūrū. Rū nanangāxū ga yema āēxgacū, rū űanagūrū: —Ngēmāācū chayaxō na Ngechuchu ya Cristu yīxū ya Tupana Nane — űanagūrū.

³⁸ Rū yexguma inayachaxāchixēē ga norū autu, rū wūxigu dexāchīuwa nachoū. Rū Piripi inabaiexēē ga yema āēxgacū.

³⁹ Rū yexguma dexāwa inachoōchigu, rū Tupanaāē i Ūūnēxū rū Piripixū niga. Rū yema āēxgacū rū marū tama wena Piripixū nadau. Natūrū taāēācū namagu nixū.

⁴⁰ Natūrū Achotowa nayangox ga Piripi. Rū yema īānēwa inaxūāchi, rū nūxū nixuchigū ga ore i mexū ga guxūma ga īānēwa űuxmata Checharēaarū naānēwa nangu.

9

Ngechuchuaxū nayaxō ga Chauru

¹⁻² Rū yoxni ga Chauru rū daimaā nayaxāxūnechigūama ga yema duūxūgū ga Cori ga Ngechuchuaxū yaxōgūxū. Rū yemacēx paigūeruxūtawa naxū, rū naxcēx nūxna naca ga popera ga nūxna āgaxū na Yudiūgūarū ngutaquēxepataūgū ga Damacuwa yexmagūnegu yaxūcuchigūxūcēx rū yexma tūmacēx nadauxūcēx ga guxema yaxōgūxe ga yatūxe rū ngexegū na Yerucharēūwa tūxū nagagūxūcēx rū yexma tūxū yapoxcuexūcēx.

³ Natūrū yexguma marū Damacuxū yangaicagu, rū ngūrūāchi meāma nūxū nabāxi ga wūxi ga omū ga poraxū ga daxūwa ibāxixū.

⁴ Rū űaxtūānēgu nayangu ga Chauru, rū nūxū naxīnū ga wūxi ga naga ga nūxna çagūxū ga űaxū: —Pa Chauru Pa Chaurux, jtūxūcū i chowe quingēchigūxū? — űaxū.

⁵ Rū Chauru nanangāxū, rū űanagūrū: —jRū texé quixī, Pa Corix? — űanagūrū. Rū nūma ga Cori rū nanangāxū rū űanagūrū: —Choma nixī i Ngechuchu, rū chorū duūxūgū nixī i ngēma nawe quingēchigūxū.

⁶ jRū inachi, rū ngema Damacuarū īānēwa naxū! Rū ngema rū wūxi ya yatū tá cumaā nūxū nixu na űacū tá cuxūxū — űanagūrū.

⁷ Rū yema yatūgū ga Chauruxū íxūmūcūgūxū, rū inayanguāēgū, yerū nūxū naxīnūē ga yema ore natūrū taxūēxūma nadaugū.

⁸ Rū űuxūchi inachi ga Chauru ga űaxtūānēwa ga íyanguxūwa, rū nidauchixetū, natūrū taxūma nadau yerū nixoxetū. Rū yemacēx ga namūcūgū, rū nachacūūgu nayayauxāchi, rū yemaācū Damacuwa nanagagū.

⁹ Rū tomaēxpūx ga ngunēxūgu, rū nangexetū, rū tama nachibū, rū tama naxaxe.

¹⁰Rū Damacuwa nayexma ga wūxi ga yatū ga Ngechuchuaxū yaxōxū ga Ananīā ga naega. Rū Cori ya Ngechuchu naxcēx nangox, rū űanagűrű nűxű: –Pa Ananīāx –űanagűrű. Rű nűma ga Ananīā nanangāxű, rū űanagűrű: –¿Tacű? Pa Corix –űanagűrű.

¹¹⁻¹²Rű nűma ga Cori nanangāxű, rū űanagűrű: –jDűcēx, ngēma itamű i Meā i Wēxűgu āegaxűwa naxű! jRű ngema Yudapatawa naxcēx inaca i wűxi i yatű i Tarsucűāx i Chaurugu āegaxű! Rű nűma rū ngema inayuműxē rū nangoxetű rű marű cuxű nadau, Pa Ananīāx, na ngēxma cuxűcuxű rū naxētűgu quingōgűxű na wena yadauchixűcēx –űanagűrű ga Cori ga Tupana.

¹³Rű yexguma yemaxű naxűnűgu ga Ananīā, rū űanagűrű: –Pa Corix, muxűma i duűxűgű chomaā nűxű nixű i ngēma yatűchiga na űuxre i chixexű naxűxű namaā i curű duűxűgű i Yerucharēűwa.

¹⁴Rű űuxma rū paigűarű āēxgacűgűarű mumaā nűma naxű na inayauxűāxűcēx i guxűma i duűxűgű i cuēgagu yuműxēgűxű –űanagűrű.

¹⁵Natűrű nűma ga Cori rű űanagűrű nűxű: –jNgema naxű! Erű choma chanayaxu i ngēma yatű na choxű yaxuchigaxűcēx namaā i togű i nachiűānecűāxgű i duűxűgű rű norű āēxgacűgű, rū ngema Iraēcűāxgű.

¹⁶Rű choma tā nűxű nűxű chadauxēē i űuxre i ngűxű i tā yangexű i chauxcēx –űanagűrű ga Cori.

¹⁷Rű guma ĩpata ga Chauru nawa yexmanewa naxű ga Ananīā. Rű nagu naxűcu, rū nűxű ningōgű, rū űanagűrű nűxű: –Pa Chaueneē Pa Chaurux, nűma ya Cori ya Ngechuchu ga guma namawa cuxcēx ngōcű ga yexguma nűma cuxűxgu, rū nűma choxű namu na wenaxāru quidauchixűcēx, rū cuxna nanguxűcēx i Naāē i űűnēxű –űanagűrű.

¹⁸Rű yexgumatama rū űoma tacűchicutēxerűű naxētűwa inayi, rū yexguma wenaxāru meā nidauchixetű. Rű yexguma inachi ga Chauru, rū Ananīā inanaiaixēē.

¹⁹Rű yemawena nachibű, rū wenaxāru naporā. Rű űuxre ga ngunexűgu yexma Damacugu narűxāűx namaā ga yema yaxōgűxű ga yexma āchiűgűxű.

Chauru rű Damacuwa nűxű nixű ga Ngechuchuchiga

²⁰Rű yexguma inanaxűgű ga Chauru ga ngutaquēxepataűgűwa nűxű na yaxuchigaxű na Ngechuchu yűxű ya Tupana Nane.

²¹Rű guxűma ga yema nűxű ĩnűēxű rū porācű nabaixāchiāēgű, rū űanagűrűgű: –¿Tama ēxna űāā yatű yűxű ga Yerucharēűwa ĩyayauxűgűxű ga guxűma ga duűxűgű ga Ngechuchuaxű yaxōgűxű? ¿Rű tama ēxna űāātama yűxű ga yema nűma űxű na inayauxűāxűcēx rū űuxűchi paigűarű āēxgacűxűtawa nagagűāxűcēx i duűxűgű i yaxōgűxű? –űanagűrűgű.

²²Natűrű ga Chauru rű guxű ga ngunexűgu yexeraācű tama namuűācűma nűxű nixuchigaama ga ore ga Ngechuchuchiga. Rű inayanangeēxgűxēē ga Yudűgű ga Damacuwa yexmagűxű, yerű meāma nanangoxēē na Cristu yűxű ga Ngechuchu.

Chauru rű Yudiűgű- chaxwa űna

²³Rű marű muxűma ga ngunexűgű ngupetűguwena rū yema Yudiűgű rū wűxigu nűgűmaā nagu narűxűnűē na Chauruxű yamēxgűxűcēx.

²⁴Natűrű nűma ga Chauru rű nűxű nacuāchiga ga na yamēxgűchaűāxű. Rű yema Yudiűgű rū ngunecű rű chűtacű rū guma ĩānēarű poxeguxűārű ĩāxgűgu Chauruxű nanējxgűxű na yamēxgűāxűcēx.

²⁵Natűrű ga Chauruarű ngűxűgű rű chűtacű rū wűxi ga pexchi ga tacűgu guma ĩānēarű poxeguxűtapűxētűwa inanaçűxűuetaűgűama, rū yemaācű űna ga Chauru.

Yerucharēűwa nayexma ga Chauru

²⁶Rű yexguma Yerucharēűwa nanguxgu ga Chauru, rū yema yaxōgűxűmaā nangutaquēxechaű. Natűrű yema yaxōgűxű rū nűxű namuűē, yerű nűma nűxű nacuēxgűgu rū tama aixcűma Ngechuchuaxű nayaxō.

²⁷Natűrű Bernabē rű yema ngűexűgű ga Ngechuchu imugűxűtanűwa nanagaama. Rű yema ngűexűgűmaā nűxű nixű ga űuxācű Cori ya Ngechuchuxű na nadauxű ga Chauru ga namawa, rū űuxācű Cori namaā na idexaxű. Rű nűxű nixű ta ga űuxācű Damacuwa rū tama namuűācűma nűxű na yaxuxű ga Ngechuchuchiga.

²⁸Rű yemaācű ga Chauru rű Yerucharēűgu narűxāűx. Rű yema ngűexűgű ga Tupana imugűxűtanűgu naxā. Rű tama namuűācűma Cori ya Ngechuchuchigaxű nixuchigű.

²⁹Rű yema Yudiűgű ga Griēgugawa idexagűxűmaā nidexaxű ga Chauru, rū Ngechuchuchigagu nűgűmaā nayaporagaexű. Natűrű ga nűmagű rű naxcēx nadaugűama ga űuxācű tā na yamēxgűāxű.

³⁰ Rū yexguma nūxŭ yacuēxāchitanūgu ga yema togū ga yaxōgūxŭ, rū Checharéawa Chauruxŭ nagagū. Rū yexguma yéma nangugūgu rū wūxi ga wapurugu nayamuegū rū Tarsuwa naxŭ.

³¹ Rū yexguma rū meāma nūxŭ naxūpetū ga yema yaxōgūxŭ ga guxŭma ga Yudéanewa, rū Gariréaanewa rū Chamáriaanewa. Rū yexeraācū meā nayaxōgūgetanū rū aixcūma Tupana naxwēxēūācūma meā namaxē. Rū Tupanaāē i Ūūnexūārū ngūxēēmaā nimuētānūma ga yema yaxōgūxŭ.

Eneā rū narūme

³² Rū yexguma Pedru yema yaxōgūxŭtanūgu ixūāgūchigūxgu, rū yema Didágu āchiūgūxŭ ga yaxōgūxŭtanūwa rū ta nangu.

³³ Rū yexma nūxŭ nayangau ga wūxi ga yatū ga Eneā ga naega ga 8 ga taunecū norū pechicagu cacū, yerū nanawāixāchi.

³⁴ Rū Pedru űanagūrū nūxŭ: —Pa Eneāx, Ngechuchu ya Cristu cuxŭ narūmexēē. űnachi rū namexēē i cuxchapenūxŭ! —űanagūrū. Rū yexgumatama inachi.

³⁵ Rū guxŭma ga yema Didācūāxgū rū Charunacūāxgū rū nūxŭ nadaugū ga na inachixŭ ga guma yatū, rū nūxŭ narūxoe ga nacūmagū ga chixexŭ, rū Cori ya Ngechuchuwe narūxŭ.

Wena imaxŭ ga Dorca

³⁶ Rū yexgumaūcūū ga űāne ga Yopewa rū iyexma ga wūxi ga Tupanaāxŭ yaxōxcū ga ngecū ga Tabita ga ngēga. Rū ngēma naega i Griégugawa rū Dorca űanaxŭchiga nixŭ. Rū ngīma rū wūxi ga mecū iyixŭ ga ngīrū ūwa, rū guxŭguma nūxŭ irūngūxŭxēē ga yema duūxŭgū ga űacū nūxŭ taxuxŭ.

³⁷ Rū yexgumaūcūū iyadaawe ga Dorca, rū iyu, rū ngīmūcūgū nanamexēē ga ngīxīne. Rū űpataarū daxūchiŭwa yexmaxŭ ga ucapugu nanaxūgū ga ngīxīne.

³⁸ Rū Yopearū ngaicamana nayexma ga guma űāne ga Didá ga Pedru nawa yexmane. Rū yema yaxōgūxŭ ga Yopecūāx rū nūxŭ nacūxgū ga Didáwa na nayexmaxŭ ga Pedru. Rū naxcēx yéma nanamugū ga taxre ga yatū űanaxŭmaā: —űRū paxa toxcēx nuā naxŭ! —űanaxŭmaā.

³⁹ Rū yexguma ga Pedru rū nawe narūxŭ. Rū yexguma űnanguxgu, rū yema ucapu ga yema yueta nawa yexmaxŭwa nanagagū. Rū guxŭma ga yutegūxŭ rū Pedruxŭ űnachomaēguāchi, rū naxauxe, rū nūxŭ nayawégū ga yema naxchirugū ga Tabita nūxŭ ixūxŭxŭ ga yexguma namaūxgu.

⁴⁰ Rū Pedru rū dūxētūwa nanamugū ga guxŭma. Rū inacaxāpūxŭ, rū nayumūxē. Rū űūxūchi ngīxcēx nadauegu ga yema yūxcū, rū űanagūrū: —Pa Tabitax, űűrūda! —űanagūrū. Rū yexguma rū iyadauchixetū, rū Pedruxŭ idau, rū űirūto.

⁴¹ Rū yexguma ngīxmēxgu nayayauxāchi, rū ngīxŭ inachixēē. Rū űūxūchi naxcēx naca ga yema yaxōgūxŭ rū yema yutegūxŭ, rū maxūxcū nūxŭ ngīxŭ nawēx.

⁴² Rū guxŭma ga yema duūxŭgū ga Yopewa yexmagūxŭ rū nūxŭ nacūāchigagū ga yema. Rū Cori ga Ngechuchuaxŭ nayaxōgū ga muxŭma.

⁴³ Rū muxŭma ga ngunexŭ Yopegu narūxāūx ga Pedru napatagu ga Chimáu ga naxchēmūārū paxēēwa puracūxŭ.

10

Pedru rū Cornériuchiga

¹ Rū űāne ga Checharéawa nayexma ga wūxi ga yatū ga Cornériugu āegacū. Rū 100 ga Itáriaanecūāx ga churaragūarū capitāŭ nixŭ.

² Rū nūma nixŭ ga wūxi ga yatū ga meāma Tupanaāxŭ yaxōcū. Rū wūxigu namēxmaā rū naxācūgūmaā Tupanaxŭ nangechaŭgū. Rū mucūma ga norū dīerumaā nūxŭ narūngūxŭxēē ga duūxŭgū ga Yudīugū ga űacū nūxŭ taxuxŭ. Rū guxŭguma nayumūxē rū Tupanamaā nidexa.

³ Rū wūxi ga ngunexŭ ga yexguma tomaēxpūxarū orawa nanguxchaŭgu ga yāuanecū, rū nangoxetū. Rū meāma nūxŭ nadau ga wūxi ga Tupanaārū orearū ngeruŭ ga daxūcūāx ga yema ucapu ga nawa nayexmaxŭgu ūcuxŭ. Rū űanagūrū nūxŭ: —Pa Cornériux —űanagūrū.

⁴ Natūrū nūma ga Cornériu rū meāma nūxŭ nadawenū, rū poraācū namuūācūma nūxna naca, rū űanagūrū: —űűacū cunaxwēxe, Pa Corix? —űanagūrū. Rū nanangāxŭ ga yema orearū ngeruŭ ga daxūcūāx, rū űanagūrū: —Curū yumūxēgū rū Tupana marū cuxŭ nūxŭ naxīnū, rū cumaā nataāē na űuxācū nūxŭ curūngūxŭxēēxŭ i duūxŭgū i űacū nūxŭ taxuxŭ.

⁵ —űRū chanaxwēxe i Yopewa cunamugū i űuxre i yatūgū na naxcēx yacagūxŭcēx i wūxi i yatū i Chimáu i Pedrugu āegaxŭ!

⁶ —Rū to i Chimáu i naxchēmūārū paxēēwa puracūxŭpatawa nangēxma rū ngēxma nape. Rū yima napata rū taxŭ i taxŭcutūwa nangēxma —űanagūrū.

7 Rū yexguma nūxna iyanatauxgu ga yema orearū ngeruū ga namaā yéma idexaxū, rū Cornériu rū naxcèx naca ga taxre ga norū puracūtanūxū rū wūxi ga churara ga meā naga īnūxū ga meā Tupanaāxū yaxōxū.

8 Rū namaā nūxū nixu ga guxūma ga yema nūxū nadauxū, rū űuxūchi Yopewa nana-mugū.

9 Rū moxūācū ga yexguma namagu naxīyane rū marū Yopexū yangaicagūgu ga yema duūxūgū ga Cornériu yéma mugūxū, rū Pedru rū daxū naxī ga īpataétūwa na yéma nayumūxēxūcèx. Rū tocuchiarū oragu nixī ga yexguma.

10 Rū nataiya, rū nūxū nachīxēga ga na nachibūxū. Rū yexguma norū ōna īnaxūgūyane, rū nangoxetū ga Pedru.

11 Rū nūxū nadau ga na yangoxnaxū ga naānetūwe, rū yéma īnarūxī ga wūxi ga naxchiru ga űoma wūxi ga taxū ga naxchāpenūūrūū ixīxū. Rū norū āgūmūcūpēxewa naxātūxū rū yemaācū īnarūčūxūkie űuxmata űaxtūanewa nangu.

12 Rū yemagu īnarūčūxūwewetaxū ga nagūxūraūxū ga naēxūgū, rū āxtapegū, rū werigū. Rū yema naxchāpenūūwa nayexma ta ga tacū ga tama nangōxgūxū ga Yudiūgū.

13 Rū Pedru nūxū naxīnū ga Tupanaga ga nūxū űaxū: —Pa Pedrux īlnachi, rū ta imèx, rū nangōx! —űaxū.

14 Rū Pedru nanangāxū rū űanagūrū: —Taxucūrūwa nixī, Pa Corix, erū taguma chanangōx ī tacū ī toxcèx āūāchixū —űanagūrū.

15 Rū yexguma ga yema Tupanaga, rū wenaxārū űanagūrū: —Ngēma choma chamexēēxū rū tama name ī āūāchi nūxū cuwogū —űanagūrū.

16 Rū tomaēxpūxcūna yemaācū nangupetū. Rū yexguma wenaxārū daxū načūxnagū ga yema naxchāpenūū namaā ga guxūma ga nawa yexmagūxū.

17 Rū poraācū nagu narūxīnū ga Pedru ga tacūchiga na yīxū ga yema nūxū nadauxū ga yexguma nangoxetūgu. Rū yemagu īnaxīnūyane, rū guma īpataēxwa nangugū ga yema yatūgū ga Cornériu yéma mugūxū ga naxcèx īicaetanūxū ga Chimāūpata.

18 Rū yéma naxcèx īnacaḡū rū aīxcūma yexma nape ga wūxi ga yatū ga Chimāū ga Pedrugu āegaxū.

19 Rū Pedru nagu īrūxīnūyane ga yema nūxū nadauxū ga yexguma nangoxetūgu, rū Tupanaāē ī Ūūnexū rū űanagūrū nūxū: —Ngēāgū nixī ī tomaēxpūx ī yatūgū ī cuxcèx daugūxū.

20 —īlnachi, rū īrūxī, rū tama cuxoegaāēācūma nawe rūxū! Erū choma nixī ī nūma chanamugūxū —űanagūrū.

21 Rū yexguma naxcèx īnarūxī ga Pedru, rū űanagūrū nūxū ga yema yatūgū: —Choma nixī ī chauxcèx pedaugūxū. ĶRū tacūwa nuā pexī? —űanagūrū.

22 Rū nūmagū nanangāxūgū, rū űanagūrūgū: —Capitāū ga Cornériuxūtawa ne taxī rū nūma nixī ī nuā toxū namugūxū. Rū wūxi ya yatū ya mecū nixī, rū Tupanaxū nangechaū. Rū guxūma ī Yudiūgū nūxū nangechaū ī nūmax. Rū wūxi ga Tupanaārū orearū ngeruū ga daxūcūāx nanamu na cuxcèx toxū yacaxēēxūcèx ga Cornériu rū napatawa cuxūxūcèx rū nūxū na naxīnūxūcèx ī curū ore —űanagūrūgū.

23 Rū yexguma nanachocuxēē ga Pedru, rū yexma nanapegūxēē ga yema chūtaxūgu. Rū moxūācū īnaxīāchi rū nawe narūxū ga Pedru. Rū īnayaxūmūcūgū ga űuxre ga Yopecūāx ga yaxōgūxū.

24 Rū moxūācū Checharéawa nangugū ga ngextā Cornériu īnanguxēēxūwa namaā ga guxūma ga natanūxūgū rū namūcūgū ga nūxū nangechaūgūxū ga nūxna naxuxū.

25 Rū yexguma Cornériupatawa nanguxgu ga Pedru, rū īāxtūwa naxcèx naxū ga Cornériu, rū Pedrupēxegu nayacaxāpūxū, rū nūxū nicuēxūū.

26 Natūrū ga Pedru rū īnaxchixēē rū űanagūrū: —īlnachi! Rū choma rū ta cuxrūū duūxūmare chixī rū tama Tupana chixī —űanagūrū.

27 Rū nūgūmaā yadexagūācūma wūxigu nichocu. Rū Pedru yéma namaā īnayarūxū ga muxūma ga duūxūgū ga yexma ngutaquēxegūxū.

28 Rū yexguma ga Pedru rū űanagūrū nūxū ga yema duūxūgū ga yexma ngutaquēxegūxū: —Pema nūxū pecuēx ī toma ī Yudiūgūcèx rū nangēxma ī torū mugū ī toxna nachūxuxū na pema tangutaquēxegūxū, rū pepatagu na tachocuxū. Natūrū Tupana choxū nangoxetūxēē rū choxū nūxū nadauxēē na tama namexū na ngēmaācū nagu na charūxīnūxū pemaā.

29 Rū ngēmacèx tama chaxōcūma nūma chaxū ī ngēxguma chauxcèx pengemagu. Rū űuxma rū chanaxwēxe ī chomaā nūxū pixu na tacūcūcèx chauxcèx pengemaxū —űanagūrū.

30 Rū Cornériu nanangāxū, rū űanagūrū: —Marū āgūmūcū ī ngunexū nangupetū ga űūxgumaācū ga tomaēxpūxarū oragu ga yáuanecū, rū nuā chopatawa chayumūxē erū guxūguma ngēmaācū chanaxū. Rū yexguma chayumūxēgu rū changoxetū, rū chauxcèx nangox ga wūxi ga yatū ga iyaurachirucūxū.

³¹ –Rü ñanagürü choxü:

“Pa Cornériux, Tupana marü nüxü naxínü i curü yumüxé rü cumaã nataãé na ñuxácü nüxü curüngüxéxü i duüxügü i ñacü nüxü taxuxü.

³² –Jrü Yopewa namugü i ñuxre i yatügü na naxcèx yacagüxücèx i Chimáü i Pedrugü ägagü! Rû to i Chimáü i naxchëxmüârü paxëewa puracüxüpatagu pexü. Rû yima napata rü taxtü i taxücutüwa nangëxma”, ñanagürü choxü.

³³ Rû yemacèx rü yexgumatama paxa cuxcèx yéma chanamugü, rü cuma rü mexü toxcèx cuxü erü núma cuxü. Rû ñuxma i guxáma i toma rü Tupanapëxewa tangëxmagü. Rû nüxü taxínüechaü i gux-üma i ngëma ore i Cori namaã núma cuxü muxü na tomaã nüxü quixuxücèx –ñanagürü ga Cornériu.

Pedru rü Cornériupatawa nüxü nixu ga Ngechuchuchiga

³⁴ Rû yexguma inanaxügü ga Pedru ga na yadexaxü, rü ñanagürü: –Ñuxma waxi nixí i nüxü chacuáxü na Tupanacèx nawüxiguxü i guxüma i duüxügü erü núma rü aixcüma guxáüma nangechaü.

³⁵ –Rü núma rü wüxichigü i nachüñanewa nanade i ngëma duüxügü i nüxü ngechaügüxü rü mexü ügüxü.

³⁶ –Rü núma ga Tupana rü Yudiügütanüwaxíra nanamu ga norü ore rü marü nüxü nixu na tüxü nüxü nangechaüxü i tórü pecadugü i ngëxguma Cristu ya guxáãrü Cori ixícüaxü yaxögügu.

³⁷ –Pema rü meãma nüxü pecuèx na ñacü ngupetüxü ga guxüwama ga Yudiügüaru naãnewa. Rû noxri ga Cuáü rü nüxü nixu na Tupana naxwëxëxü na ínbaiüxü ga duüxügü. Rû yemawena ga Ngechuchu rü Garirëaanewa inanaxügü ga duüxügümaã nüxü na yaxuxü ga ore i mexü.

³⁸ –Rü pema nüxü pecuèx ga ñuxácü Tupana na naporaxëèxü ga Ngechuchu ya Nacharétucüãx yerü nüxna nanaxá ga Naãé i Üünexü. Rû núma ga Ngechuchu rü mexü naxü ga yema íyaxügüxüwa, rü nanameëxëé ga guxüma ga yema duüxügü ga ngoxoãxgüxü. Rû yemaãcü nanaxü yerü Tupana nüxü narüngüxëé.

³⁹ –Rü toma nixí ga nüxü tadaugüxü rü nüxü tixuchigaxü i guxüma ga naxüxü ga Ngechuchu ga Yudëaanewa rü Yerucharéüaru íanewa. Rû yemawena rü nayamëxgü rü curuchawa nayapotagü.

⁴⁰ –Natürü ga Tupana rü tomaëxpüx ga ngunexü ngupetügu rü wena nanamaxëé rü toxcèx nanangoxëé.

⁴¹ –Natürü tama guxü ga duüxügücèx nangox. Rû toxcëxícátama nangox ga toma ga ñpamama Tupana toxü dexe na nüxü tixuxücèx i Ngechuchuchiga. Rû yexguma marü yuwa ínadaxguwena rü namaã tachibüe rü namaã taxaxegü.

⁴² –Rü nümatama ga Ngechuchu toxü nimugü na duüxügümaã nüxü tixuxücèx na Tupana marü äëxgacüxü yangucuchixëèxü na guxü i duüxügüaru ngugüruü na yíxücèx. Rû núma ya Ngechuchu nixí i tórü maxüxü nangugüxü, rü núma tá nixí i guxü i duüxügü i maxëxü rü yuexüxü yacagüxü naxcèx i norü maxüchiga.

⁴³ –Rü ñpamamatama guxüma ga Tupanaãrü orearü uruügü rü Ngechuchuchiga nidexagü, rü ñanagürügü:

“Rü núma tá nüxü nüxü nangechaü i norü pecadugü i guxüma i duüxügü i nüxü yaxögüxü”, ñanagürügü.

Tupanaãé i Üünexü rü yema duüxügü ga tama Yudiügü íxügüxütanüwa nangu

⁴⁴ Rû yexguma íyadexayane ga Pedru, rü Tupanaãé i Üünexü nüxna nangu ga guxüma ga yema yéma írúxínüèxü ga yema ore.

⁴⁵ Rû yema yaxögüxü ga Yudiügü ga Pedrumaã yéma íxü, rü poraãcü nañaxíachiãégü yerü Tupanaãé i Üünexü rü nüxna rü ta nangu ga yema duüxügü ga tama Yudiügü íxügüxü.

⁴⁶ Rû nüxü naxínüè ga to ga nagawachigü na yadexagüxü, rü Tupanaxü na yacuèxügüxü.

⁴⁷ Rû yexguma ga Pedru rü ñanagürü: –¿Éxna nangëxmaxü i texé na nüxna nachuxuxü i na ínbaiüxü i ñaã duüxügü i marü taxrüü Tupanaãé i Üünexü nüxna ngxü? –ñanagürü.

⁴⁸ Rû nanamu na Ngechuchu ya Cristuégagu na ínbaiüxü ga yema duüxügü ga yexwaca yaxögüxü. Rû yexguma Pedruxü nacëèxügü na yexma naxáüxücèx ga ñuxre ga ngunexü.

11

Pedru rü Yerucharéüwa yexmagüxü ga yaxögüxümaã nüxü nixu ga ñacü na ngupetüxü ga Checharéawa

¹ Rū yema ngúexūgū ga Ngechuchu imugūxū rū yema yaxōgūxū ga Yudeagugūxū, rū nūxū nacuáchigagū na yema tama Yudiūgū ixīgūxū rū ta nayauxgūāxū ga Tupanaārū ore.

² Natūrū yexguma Yerucharéūwa nanguxgu ga Pedru, rū űuxre ga Yudiūgū ga yaxōgūxū rū Pedruxū nixugūe.

³ Rū űanagūrūgū: —ǰRū tūxcūū natanūwa cuxū i ngēma tama Yudiūgū ixīgūxū, rū namaā chuchibū? —űanagūrūgū.

⁴ Rū Pedru meāma namaā nūxū nixu ga guxūma ga űacū na ngupetūxū, rū űanagūrū nūxū:

⁵ —Choma rū Yopearū űānēwa chayexma, rū yexguma ichayumūxēyane, rū changoxetū. Rū nūxū chadau ga wūxi ga naxchāpenūūrūū ixīxū ga norū āgūmūcūpēxewa ātūxūxū ga írūchūxūxū űuxmata chauxūtawa nguxū.

⁶ —Rū meāma nūxū chadawenū na nūxū chadauxūcēx na űacū yexmaxū ga aixepewa. Rū nūxū chadau ga naxūnagū ga ixāgūmūcūparaxū rū naēxūgū ga idūraexū, rū āxtapegū rū werigū. Rū yema naxchāpenūūwa nayexma ta ga űacū ga tama ingōxū, erū taxcēx i yixema i Yudiūgū rū naxāūāchi.

⁷ —Rū nūxū chaxīnū ta ga Tupanaga ga choxū űaxū:

“ǰInachi! Pa Pedrux. ǰRū ta imēx, rū nangōx!” űaxū.

⁸ —Natūrū choma chanangāxū, rū űacharūgū:

“Taxucūrūwa nixī, Pa Corix, erū taguma chanangōx i űacū i toxcēx āūāchixū”, űacharūgū.

⁹ —Rū yexguma wenaxārū űanagūrū choxū ga yema Tupanaga ga daxūwa inaxūxū:

“Ngēma choma i Tupana chamexēēxū, rū tama name i āūāchi nūxū cuwogū”, űanagūrū.

¹⁰ —Rū tomaēxpūxcūna yemaācū nangupetū, rū yexguma wenaxārū daxū naxchūxnagū ga yema naxchāpenūū namaā ga guxūma ga nawa yexmagūxū.

¹¹ —Rū yexgumatama guma i ga nawa chayexmanewa nangugū ga tomaēxpūx ga yatūgū ga Checharéawa ne mugūxū ga chauxcēx daugūxū.

¹² —Rū Tupanaāē i Ūūnexū choxū namu na nawe charūxūxūcēx woo tama Yudiūgū na yixīgūxū ga yema duūxūgū. Rū chomaā ta yēma naxī ga űaā 6 ga yaxōgūxū. Rū napatawa tangūgū ga guma yatū ga Cornériu, rū yexma tachocu.

¹³ —Rū tomaā nūxū nixu ga űuxācū na napatawa nūxū nadauxū ga Tupanaārū orearū ngeruū ga daxūcūāx ga yexma chixū ga űaxū nūxū:

“ǰYopewa namugū i yatūgū na naxcēx yacagūxūcēx i Chimáū i Pedrugu āegaxū!

¹⁴ —Rū nūma tá cumaā nūxū nixu na űuxācū tá cuma rū guxū i cupatagugūxūmaā penayaxuxū i perū maxū i taguma gūxū”, űanagūrū nūxū.

¹⁵ —Rū yexguma ichanaxūgūgu ga na chidexaxū, rū nūxna nangu ga Tupanaāē i Ūūnexū, yexgumarūū ga noxri tūxna nanguxgurūū.

¹⁶ —Rū yexguma ga choma rū nūxna chacuēxāchi ga Cori ya Ngechuchuarū ore ga yexguma űaxgu:

“Rū aixcūma nixī ga Cuāū ga dexāwamare inabaiūxēēāxū, natūrū i pema rū Tupanaāē i Ūūnexū tá pexna nangu”, űaxgu.

¹⁷ —Rū pema nūxū pecuēx na űuxācū Tupana tūxna nanguxēēxū ga Naāē i Ūūnexū i yixema na Cori ya Ngechuchu ya Cristuaxū yaxōgūxū. Rū űuxma na taxrūū Tupana yema duūxūgūna nanguxēēxū ga Naāē i Ūūnexū, ǰrū űuxūcūrūwa i choma i nūxū chaxoxū na naga chaxīnūxū ya Tupana? —űanagūrū ga Pedru.

¹⁸ Rū yexguma yema orexū naxīnūēgu ga yema yaxōgūxū ga Yerucharéūcūāx, rū nachianegūmare. Rū Tupanaxū nicuēxūūgū. Rū űanagūrūgū: —Rū ngēmawa nūxū tacuēx na Tupana tūxū dexū ya yixema woo tama Yudiūgū ixīgūxe. Rū ngēxguma nūxū tarūxoegu i tūmaārū chixexū rū Tupanacēx tadaugūgu, rū nūma tūxna nanaxā i maxū i taguma gūxū —űanagūrūgū.

Yaxōgūxū ga Aūtioquīawa yexmagūxūchiga

¹⁹ Rū yexguma Etébaūxū yamēxgūguwena, rū norū uwanūgū poraācū nawe ningēxūtanū ga yema yaxōgūxū. Rū yemacēx nūgū nawoone. Rū Peníchiawa, rū Chiprewa rū Aūtioquīawa nabuxmū. Rū yēma nūxū nixugūe ga ore ga mexū ga Ngechuchuchiga. Natūrū Yudiūgūmaāxīcatama nūxū nixugūe ga yema ore rū tama ga togūmaā.

²⁰ Natūrū yēma Aūtioquīawa nangugū ta ga űuxre ga togū ga yaxōgūxū ga Chíperecūāx, rū Chirenecūāx. Rū nūmagū rū yema tama Yudiūgū ixīgūxūmaā rū ta nūxū nixugūe ga ore i mexū i Cori ya Ngechuchuchiga.

²¹ Rū Tupana nūxū narūngūxēē, rū nanaporaexēē. Rū yemacēx muxūma ga yema duūxūgū rū nūxū narūxoe ga nuxcūmaūxū ga nacūmagū, rū Cori ya Ngechuchuxaxū nayaxōgū.

²² Rū yexguma yemaxū nacuáchigagūgu ga yema yaxōgūxū ga Yerucharéūwa yexmagūxū, rū Aūtioquīawa nanamugū ga Bernabé.

²³ Rū yexguma yéma nanguxgu ga Bernabé, rū nüxŭ nadau ga űuxăcŭ Tupana nüxŭ na rűngŭxĕĕxŭ ga yema yaxŭgŭxŭ ga Aŭtioquiăcŭŭăx, rū porăăcŭ namaă nataăĕ. Rű nayaxucŭxĕgŭ ga guxŭma na meăma Cori ya Ngechuchuwe naxŭămaxŭcĕx, rū taguma nüxŭ naxoexŭcĕx.

²⁴ Yerŭ nŭma ga Bernabé rū wŭxi ga yatŭ ga mecŭ nixŭ. Rű aixcŭma Tupanaăĕ i Ūŭnexŭ rū nawa nayexma, rū napora ga norŭ ōwa. Rű yemacĕx muxŭchixŭma ga duŭxŭgŭ rū Cori ya Ngechuchucĕx naxŭ rū nüxŭ nayaxŭgŭ.

²⁵ Rű yemawena ga Bernabé rū Tarsuwa naxŭ na Chaurucĕx yadauxŭcĕx.

²⁶ Rű yexguma nüxŭ iyangauxgu, rū Aŭtioquiăwa nanaga. Rű wŭxi ga taunecŭ wŭxiwa yĕma nayexmagŭ namaă ga yema yaxŭgŭxŭ. Rű nanangŭxĕĕ ga muxŭchixŭma ga duŭxŭgŭ. Rű Aŭtioquiăwa nixŭ ga inaxŭgŭxŭ ga duŭxŭgŭ na Cristutanŭxŭmaă na naxugŭăxŭ ga yema yaxŭgŭxŭ.

²⁷ Rű yexgumaŭcŭi Yerucharĕtŭwa ne naxŭ ga űuxre ga Tupanaărŭ orearŭ uruŭgŭ rū Aŭtioquiăwa naxŭ.

²⁸ Rű natanŭwa nayexma ga wŭxi ga orearŭ uruŭ ga Agabu ga naĕga. Rű nanangutaquĕxĕĕ ga yema yaxŭgŭxŭ ga Aŭtioquiăwa yexmagŭxŭ. Rű yema ngutaquĕxewa rū inachi ga Agabu rū Tupanaăĕ i Ūŭnexŭ nanamu ga na yadexaxŭ, rū űanagŭrŭ: –Wŭxi i taiya i taxŭ tá inangu i guxŭ i űăă nachiŭănewa –űanagŭrŭ. Rű aixcŭma inangu ga yema taiya ga yexguma Căudiuăĕxgacŭ ixŭxgu.

²⁹ Rű yexguma ga yema yaxŭgŭxŭ ga Aŭtioquiăwa yexmagŭxŭ, rū marŭ wŭxigu nagu narŭxŭnŭĕ na yĕma ngŭxŭ namugŭxŭcĕx ga dŭĕru na nüxŭ nangŭxĕĕgŭxŭcĕx ga yema yaxŭgŭxŭ ga Yudĕaaneguăĕhiŭgŭxŭ. Rű wŭxichigŭ ngŭxŭ inaxă ga dŭĕru yexgumarŭŭ ga űuxre ga nüxŭ yexmacŭ.

³⁰ Rű yemaăcŭ nanaxŭgŭ, rū Bernabé rū Chaurumaă yĕma ngŭxŭ namugŭ ga yema dŭĕru naxcĕx ga yema yaxŭgŭxŭărŭăĕxgacŭgŭ ga Yudĕaanewa yexmagŭxŭ.

12

Ăĕxgacŭ ga Erode rū Chaŭtiăguxŭ nimĕx rū Pedruxŭ napoxcu

¹ Rű yexgumaŭcŭi inanaxŭgŭ gaăĕxgacŭ ga Erode ga na inayauxŭăxŭ ga űuxre ga yaxŭgŭxŭ ga Yerucharĕtŭcŭăx na napoxcuexŭcĕx.

² Rű norŭ churaragŭxŭ namu na taramaă Chaŭtiăgu ga Cuăŭĕneĕxŭ yamĕxgŭxŭcĕx.

³ Rű yexguma nüxŭ nadĕuxgu ga Erode ga norŭ me na yŭxŭ ga Yudiŭgu ga yema na naxŭxŭ, rū norŭ churaragŭxŭ namu na Pedruxŭ rū ta yayauxgŭxŭcĕx. Rű yema nangupetŭ ga Yudiŭgŭărŭ peta ga Ūpetŭchigagu ga yexguma pău ga ngearŭ puxĕĕruŭăxŭ nangŭxŭgŭgu.

⁴ Rű yexguma Pedruxŭ yayauxgŭgu, rū poxcupataŭgu nayatĕxcuchi. Rű űŭxŭchi ga Erode rū nanamu gaăgŭmŭcŭtŭcumŭ ga norŭ churaragŭ na nŭxna nadaugŭxŭcĕx. Rű wŭxitŭcumŭwachigŭ rū nayexma gaăgŭmŭcŭ ga churaragŭ. Rű yemaăcŭ nanaxŭ ga Erode, yerŭ nagu narŭxŭnŭ ga yema petawena guxŭ ga duŭxŭgŭpĕxewa na nagaăxŭcĕx na yamĕxgŭăxŭcĕx.

⁵ Rű yemaăcŭ ga Pedru rū poxcupataŭwa nayexma rū churaragŭ rū meăma nŭxna nadaugŭ. Natŭrŭ ga yema yaxŭgŭxŭ ga Yerucharĕtŭcŭăx rū porăăcŭ nayumŭxĕgŭ, rū Tupanana naxcĕx nacagŭ.

Tupana rū Pedruxŭ inanguxchixĕĕ ga poxcupataŭwa

⁶ Rű yematama ga chŭtaxŭgu naxŭpa ga yema ngunexŭ ga Erode duŭxŭgŭpĕxewa nagaxchaŭxŭ, rū taxre ga churaragŭărŭ ngăxŭwa nape ga Pedru. Rű taxre ga cadenamaă ninĕxgŭchacŭi. Rű togŭ ga churaragŭ ga dauxŭtaexŭ nŭxna nadaugŭ ga poxcupataŭărŭ iăx.

⁷ Rű ngŭrŭăchi yema poxcupataŭwa nangox ga wŭxi ga orearŭ ngeruŭ ga daxŭcŭăx ga Coriarŭ. Rű porăăcŭ nangŭone ga guma poxcupataŭwa. Rű yema orearŭ ngeruŭ Pedruxŭ nacŭxagŭ, rū nanabaixăchixĕĕ. Rű űanagŭrŭ: –jPaxama űrŭda! –űanagŭrŭ. Rű yexgumatama inŭwĕgu ga guma cadena ga Pedru namaă inĕxgŭchacŭi.

⁸ Rű Pedruxŭ űanagŭrŭ ga yema orearŭ ngeruŭ: –jRű icŭxcuchichiru rū nacuaixcu i curŭ chapatu! –űanagŭrŭ. Rű yemaăcŭ nanaxŭ ga Pedru. Rű űanagŭrŭ ta: –jRű icŭxcuchi i curŭ găuxŭchiru, rū chowe rŭxŭ! –űanagŭrŭ.

⁹ Rű nawe narŭxŭ ga Pedru. Rű tama nüxŭ nacuĕx ga aixcŭma na yŭxŭ ga yema orearŭ ngeruŭ namaă ŭxŭ. Rű naxcĕx rū nangoxetŭmare.

¹⁰ Rű nüxŭ nachopetŭ ga nŭxŭraŭxŭ ga dauxŭtaexŭ, rū űŭxŭchi ga yema to ga dauxŭtaexŭ. Rű yexguma nawa nangugŭgu ga yema iăx gaăchumenĕxănaxcĕx ga itamŭwaama ŭxŭ, rū nŭĕchama niwăxna. Rű inachoxŭ. Rű yexguma marŭ wŭxi ga itamŭ inaxŭxgu, rū nŭxna inayarŭtaxu ga yema orearŭ ngeruŭ.

¹¹ Rū yexguma nūxū nicuēxāchi ga Pedru, rū nūgūmaā űanagűrű: —űuxma waxi i nūxū chacuāxū na aixcűma Cori ya Tupana nűma namuxū i norű orearű ngeruū na Erodemēxēwa choxū napuxū, rű nawa choxū űnanguxuchixēēxū i guxūma i ngēma chomaā naxűgűchaūxū i ngēma Yudiűgű i tama yaxōgűxū —űanagűrű.

¹² Rū yexguma yemaxū yacuēxāchigu ga Pedru, rű ngűpatawa naxū ga wűxi ga ngecű ga Mariagu āegacű. Rű ngűma iyixi ga Cuāű Marcu naē. Rű yēma nangutaquēxegű ga muxūma ga duūxūgű ga yēma yuműxēgűxū.

¹³ Rű űaxtűarű poxeguxūārű űaxwa, rű: —Tu tu tu —űanagűrű ga Pedru. Rű wűxi ga pacű ga Rode ga ngűega űiyadau.

¹⁴ Rű yexguma nagawa nūxū nacuēxgu ga na Pedru yűxū, rű ngűrű taāēmaā rű űiyaűmare na nūxū yanaxuxū ga na Pedru yűxū ga űaxtűarű űaxgu chicű. Rű tama iyawāxna ga űax.

¹⁵ Rű yema yexmagűxū rű: —Cungēāēmare —űanagűrűgű ngűxū. Natűrű ngűma rű: —Aixcűma nixi —ngűgűrűgű. Rű yexguma űanagűrűgű: —Maneca tama nűma nixi. Rű norű dauruū i daxūcűāxmare nixi —űanagűrűgű.

¹⁶ Natűrű ga Pedru rű yoxni űaxwa: —Tu tu tu —űanagűrűama. Rű yexguma naxcē x yawāxnaāgu rű nūxū nadaugűgu ga Pedru na yűxū, rű nabaixāchiāēgű.

¹⁷ Natűrű nűma naxunagűmēxē, rű naxmēxmaā nayanachianexēēgű. Rű namaā nūxū nixu na űuxācű Cori űnanguxuchixēēxū ga poxcupataūwa. Rű űanagűrű ta: —űChaűtiāgumaā rű ngēma togű i yaxōgűxūmaā nūxū pixu i ngēma ore! —űanagűrű. Rű yexguma inaxūāchi, rű toxnamana naxū.

¹⁸ Rű yexguma yangunegu, rű yema churaragű ga poxcupataūwa dauxūtaegűxū rű poraācű nanaxixāchiāēgű yerű tama nūxū nacuēxgu ga tacű na ngupetűxū namaā ga Pedru.

¹⁹ Rű yemacēx ga Erode rű yema churaragűxū namu na Pedrucēx yadaugűxūcēx. Rű yexguma taxuxūma iyangaugűgu, rű Erode rű yema churaragűgutama nananguxēē na nayuexūcēx. Rű yemawena ga Erode rű űnaxūxū ga Yudēaanewa, rű Checharēagu nayaxāchiū.

Nayu ga Erode

²⁰ Rű Erode rű namaā nanu ga Tirucűāxgű rű Chi-dāūcűāxgű. Natűrű ga yema Tirucűāxgű rű Chidāūcűāxgű rű naxcēx nadaugű na űuxācű Erodexū nangűxműxēēgűxū, yerű Erodexiūānewa nixi ga nayauxgűāxū ga nabū. Rű yemacēx wűxi ga Erodearű duūxū ga āēxgacű ga Batumaā naxāműcűgű na nūxū nangűxēēxūcēx na Erodemaā yadex-agűxūcēx.

²¹ Rű Erode rű namaā inaxuneta ga wűxi ga ngunexū na namaā yadexaxūcēx. Rű yexguma yema ngunexū ga nagu inaxunetaxūwa nanguxgu, rű yema Tirucűāx rű Chidāūcűāx rű Erodexūtawa nangugű. Rű nicuxcuchi ga Erode ga norű āēxgacűchiru, rű norű tochicaxūwa narűto, rű duūxūgűmaā nūxū nixu ga norű ore.

²² Rű yexguma ga guxūma ga yema duūxūgű rű tagaācű űanagűrűgű: —űāā āēxgacű rű tama duūxūārű dexarūű nixi i norű dexa, natűrű űoma Tupanaārű dexarūű nixi —űanagűrűgű.

²³ Rű Erode rű yema duūxūgűarű oremaā nataāē, rű tama Tupanaxū nicuēxūūchaū ga űuxācű Tupana nūxū narűngűxēēxū. Rű yemacēx wűxi ga Tupanaārű orearű ngeruū ga daxūcűāx rű yexgumatama Erodexū niűaawexēē. Rű űxmigű nanangōx, rű yemamaā nayu.

²⁴ Natűrű yema yaxōgűxū rű yexeraācű guxūwama nūxū nixugűe ga Cori ga Tupanaārű ore. Rű muxūchixū ga duūxūgű nūxū nayaxōgű.

²⁵ Rű yexguma marű yanguxēēāgu ga norű puracű ga Chauru rű Bernabē, rű űnaxoxū ga Yerucharēūwa, rű wenaxārű Aűtioquiacēx nawoegu. Rű nayagagű ga Cuāű Marcu.

13

Bernabē rű Chauru rű inanaxūgűe ga to ga nachiūānewa na nangegűāxū ga Tupanaārű ore

¹ Rű yema yaxōgűxū ga Aűtioquāwa yexmagűxūttanūwa rű nayexma ga űuxre ga yatűgű ga Tupanaārű orearű uruűgű, rű űuxre ga yatűgű ga Tupanaārű orewa ngűxēētaegűxū. Rű yematanūwa nayexma ga Bernabē, rű Chimāu ga Waxwegu āegaxū, rű Dűchiu ga Chireneclāx, rű Manaē ga wűxigu āēxgacű ga Erodemaā yaexū, rű Chauru.

² Rű wűxi ga ngunexū ga yexguma Coricēx űnangutaquēxegűgu rű tama nachibűeācűma űnayuműxēēgűguyane, rű Tupanaāē i űűnexū rű űanagűrű nūxū: —űChoxna penamugű i Chauru rű Bernabē na naxűgűāxūcēx i ngēma puracű i choma nawa chanamugűchaūxū! —űanagűrű.

³ Rű yexguma nūxū nachauegu ga tama nachibűeācűma na nayuműxēēgűxū, rű Chauru rű Bernabēētűgu naxūmēxgű ga yema yaxōgűxū, rű űuxūchi inanamuāchitanū na naxűgűāxūcēx ga Tupanaārű puracű.

Chiprewa naxi ga Bernabé rü Chauru

4-5 Rû Tupanaãe i Üünexü rü inanamuächitanü ga Bernabé rü Chauru. Rû ìãne ga Cheúchiawa naxi, rü gumaãrû türewa inaxiãchi, rü capaxü ga Chiprewa naxi. Rû Cuãü Marcu nawe narüxü na nüxü nangüxëëxücëx. Rû yexguma Charamína ga ìãneãrû türewa nangugügu, rü inanaxügüe ga nüxü na yaxugüxü ga Tupanaãrû ore ga Yudiügüãrû ngutaquëxepataügüwa.

⁶ Rû guxügu nixiãgütanü ga yema capaxüwa ñuxmata Papu ga ìãnewa nangugü. Rû yéma namaã inayarüxü ga wüxi ga Yúdiu ga yuüxü ga Barechügu äëgaxü. Rû nüma rü wüxi ga idoratëxãxü nixi yerü nügu yaxuxgu rü aixcüma Tupanaãrû orearü uruü nixi.

⁷ Rû nayexma ga yema capaxüãrû äëxgacü ga Chérqui Paurugu äëgaxü. Rû nüma nixi ga wüxi ga yatü ga meã naãëxü cuacü. Rû yema yuüxü rü guma äëxgacüãrû ngüxëëruü nixi. Rû nüma ga äëxgacü rü norü duüxügüxü namu na Chauru rü Bernabécëx yacagüxücëx, yerü nüxü naxinüchaü ga Tupanaãrû ore.

⁸ Natürü yema yuüxü ga Griégugawa Erimínugu äëgaxü, rü Chauru rü Bernabéna nayanuxü na Tupanaãrû orexü yaxugüxü. Yerü tama nanaxwëxe na yaxöðxü ga guma äëxgacü.

⁹⁻¹⁰ Natürü ga Chauru ga Paurugu ta äëgaxü, rü aixcüma Tupanaãe i Üünexü nawa nayexma. Rû nüma ga Pauru rü meãma nüxü nadawenü ga yema yuüxü, rü ñanagürü nüxü: —Pa Idoratëxãxü Pa ngoxo Nanex, cuma rü chixexüxicatama cuxüxchaü, rü naxchi cuxai i guxüma i mexü. ¿Ñuxgura tá ta i nüxü curüxoxü na ìcuyatöxëëxü i Cori ya Tupanaãrû ore i aixcüma ixüxü?

¹¹ —Ñuxmatátama cuxü napoxcu ya Cori ya Tupana. Rû tá cunxetü, rü ñuxre i ngunexügu rü tãütama nüxü cudau ya üëcxü —ñanagürü. Rû yexgumatama naxcëx naxëãnëxüchi ga yema yuüxü, rü naxmëxmaã nadaugu na texë naxmëxgu yayauxächixücëx rü namaã ìtixüxücëx.

¹² Rû yexguma yemaxü nadëuxgu ga yema capaxüãrû äëxgacü rü nayaxö ga Tupanaãrû ore, yerü namaã naãaixchiãe ga yema Pauru rü Bernabé nüxü ngüxëëxü ga Cori ya Tupanachiga.

Pauru rü Bernabé rü Pichidiaanewa yexmane ga ìãne ga Aütioquíawa nangugü

¹³ Rû Papuwa inaxiãchi ga Pauru namücügümaã rü nixãü ga taxtü ga taxüwa. Rû Pérupe ga ìãnewa nangugü ga Paüpiriaanewa. Natürü yéma nüxna naxo ga Cuãü Marcu, rü Yerucharëcëx nataegu.

¹⁴ Rû Pérupewa inaxiãchi ga Pauru rü Bernabé rü ìãne ga Aütioquíawa nangugü ga Pichidiaanewa. Rû yéma rü ngüxchigaarü ngunexügu rü Yudiügüãrû ngutaquëxepataügu nachocu, rü yéma narütogü natanüwa ga yema ñngutaquëxëgüxü.

¹⁵ Rû yema ngutaquëxewa rü nüxü nadaumatügü ga Tupanaãrû mugü ga Moiché ümatüxü rü yema ore ga Tupanaãrû orearü uruügu ümatüxü. Rû yemawena, rü guma ngutaquëxepataãrû äëxgacügü, rü Bernabé rü Pauruna nacagü, rü ñanagürügü: —Pa Toeneëgüx, ngëxguma pexü nangëxmagu i perü ore i taãëxëëruü i toxcëx rü marü name i ñuxma tomaã nüxü pixu —ñanagürügü.

¹⁶ Rû yexguma inachi ga Pauru, rü naxnagümëxë na iyanachianëxücëx ga duüxügü. Rû yexguma duüxügümaã nidexa, rü ñanagürü: —Pa Duüxügü Pa Chautanüxügüx rü Guxãma i Pema i To i Nachiüñecüãx Ixügüxex ya Tupanaxü Ngechaügüxe, rü jiperüxüñüé!

¹⁷ —Yima törü Tupana i yixema i Yudiügü, rü tüxü nade ga nuxcümaügüxe ga törü oxigü na tüxü nangüxëëxücëx. Rû poraãcü tüxü nimuxëë ga yexguma woo to ga nachiüãne ga Equituanewa tayexmagügu. Rû yemaãcü wüxi ga taxü ga nachiüãne tüxü nixügüxëë. Rû ñuxüchi yemawena, rü norü poramaã tüxü ñagaxü ga yema naãnewa.

¹⁸ —Rü dauxchitawa ga ngextá taxüema ñãpataxüwa tüxü nagagü. Rû yéma 40 ga taunecü Tupana yaxna tümamaã naxünu ga guxema törü oxigü.

¹⁹ —Rü Tupana nanadai ga yema 7 ga äëxgacügü ga Canaãñecüãxgü guxüma ga norü duüxügümaãchigü. Rû yemaãcü nanaxü na törü oxigüna naxããxücëx ga yema naãne na tümããrügüxüchi yüxücëx.

²⁰ —Rü 450 ga taunecü rü yemaãcü tüxü narüngüxëë. Rû yemawena rü tüxna nanamu ga togü ga äëxgacügü ga dauruügü ñuxmata Tupanaãrû orearü uruü ga Chamue ingucuchix.

²¹ —Rü yexguma ga duüxügü rü Tupanana naxcëx nacagü ga wüxi ga äëxgacü ga rei na namaã inacuãxücëx. Rû Tupana rü nüxna nanamu ga Chau ga Chiche nane ga Beyamítãa ixicü. Rû nüma nüxna nadau ga duüxügü ga 40 ga taunecügu.

²² Rû yemawena ga Tupana rü ñanatëxüchi ga Chau, rü Dabixü naxuneta na guma norü äëxgacü yüxücëx. Rû Dabixü nixuchiga ga Tupana, rü ñanagürü:

“Nüxü chadau rü Dabi ya Ichai nane rü wüxi ya yatü ya poraãcü choxü ngüchaücü nixi. Rû nüma tá nanaxü i guxüma i ngëma choma chanaxwëxexü”,

ñanagürü ga Tupana.

²³ Rū nuxcūma ga Tupana rū marū inaxuneta rū wūxi i Dabítaa tá nixi i Cristu ixixū, rū tá nanamaxēxēē i Yudiūgū. Rū Ngechuchu nixi ga guma maxēxēēruū ga tóru oxigūmaā nūxū yaxucū ga Tupana.

²⁴ Natürü naxūpa ga Ngechuchu na ínguxū, rū Cuáū ga baiūxēēruū rū guxūma ga Yudiūgūmaā nūxū nixuchiga ga ore i mexū rū ñanagürü:

“Rū name nixi i nūxū perūxoe i pecūma i chixexū, rū Tupanacèx pedagū, rū ípebaiū”, ñanagürü.

²⁵ Rū yexguma marū yangaicaxgu ga tá na nayuxū ga Cuáū, rū ñanagürü:

“Rū tama choma nixi i ngēma pema nagu perūxínūxū i Cristu chíxū. Natürü choweama ne naxū i nūma ya aixcūma Cristu ixicū. Rū choma rū napēxewa taxuwama chame, rū bai i norū chapatucunūārū wēgūwaxūra chame erū nūma rū wūxi i āēxgacū i tacūxūchima nixi”, ñanagürü ga Cuáū.

²⁶ Rū ñanagürü ga Pauru, —Pa Chautanūxūgū i Abráūtaagūx, rū Guxāma i Pema i To i Nachiūānecūāx i Tupanaxū Ngechaūgūxex, rū pexcèx nixi i ñaā ore i tūxū maxēxēēxū.

²⁷ —Rū aixcūma yema Yerucharéūcūāxgū ga duūxūgū rū yema norū āēxgacūgū rū tama nūxū nacuèxgū ga Tupana Nane na yīxū ga Ngechuchu. Rū tama meā nūxū nacuèxgū ga tacūchiga na yīxū ga yema ore ga nuxcūmaūgūxū ga Tupanaārū orearū uruūgū ūmatūxū i ñuxma perū ngutaquēxepataūwa nūxū pedaumatūgūxū i wūxichigū i ngūxchigaarū ngunexūgu. Rū yemaācū nūmagūtama ga yema duūxūgū ga Ngechuchuxū imēxgūxū rū yexguma yamēxgūāgu rū nayanguxēē ga yema ore ga nuxcūma ūmatūxū.

²⁸ —Rū woo taxuūma ga tacū ga chixexū nawa inayangaugū na nayuxēēāxūcèx, natürü Piratuna naxcèx nacagū na yamāāxūcèx.

²⁹ —Rū ningu ga guxūma ga yema ore ga Tupanaārū orearū uruūgū ūmatūxū ga Ngechuchuchiga ga ñuxācū tá na nayuxū. Rū yemawena rū nanayauxgū ga naxūne ga curuchawa, rū wūxi ga naxmaxūgu nayanaxūcuchigū.

³⁰ —Natürü ga Tupana rū wena nanamaxēē ga woo marū na nayuxū.

³¹ —Rū nūma ga Ngechuchu rū muxūma ga ngunexū naxcèx nangox ga yema duūxūgū ga nawe rūxixū ga yexguma Garirēaanewa ne naxūxgu rū Yerucharéūwa naxūxgu. Rū ngēma duūxūgū nixi i ñuxma i guxū i duūxūgūmaā nūxū ixugūxū i nachiga.

³²⁻³³ Rū ngēmaācū i toma rū nūma tangugū na pemaā nūxū tixuxūcèx i ngēma ore i aixcūma mexū. Rū dūcax, rū yema uneta ga nuxcūmaūgūxū ga tóru oxigūmaā nūxū yaxuxū ga Tupana, rū taxcèx nayanguxēē ga yexguma Ngechuchuxū wena namaxēēgu. Rū wiyaeģūpanewa i norū taxre i capituruwa rū ngēmachiga nūxū nixu i ngēxguma:

“Cuma nixi i Chaune, rū choma nixi i Cunatū chíxū”, ñaxgu.

³⁴ —Rū Tupana rū nuxcūma rū marū nūxū nixu ga wena tá na namaxēēāxū ga Ngechuchu na tama yayixixūcèx ga naxūne. Rū norū orewa rū ñanagürü:

“Rū choma tá pexcèx chayanguxēē ga yema unetagū i ūūnegūxū i aixcūma ixigūxū ga nuxcūma Dabímaā nūxū chixuxū”,

ñanagürü.

³⁵ —Rū ngēmācèx toxnamana i Tupanaārū orewa rū ñanagürü ta:

“Tama cunaxwēxe na yayixixū i naxūne ya Cune ya ūūnecū,”

ñanagürü.

³⁶ —Rū yexguma namaūxgu ga Dabí, rū nūxū narūngūxēē ga norū duūxūgū, yexgumarūū ga ñuxācū Tupana namuxū. Natürü ñuxūchi nayu, rū nanatū rū naēxūtagu natèx ga naxūne, rū niyixi.

³⁷ —Natürü guma Tupana wena namaxēēcū ga Ngechuchu rū tama niyixi ga naxūne.

³⁸ —Rū ñuxmax, Pa Chaueneēgūx, rū chanaxwēxe i nūxū pecuèx rū yimatama Ngechuchugagu Tupana tūxū nūxū nangechaū i tóru pecadugū ngēxgumarūū i pemaā nūxū tixuxūrūū.

³⁹ —Rū ñuxma ya guxāma ya yixema nūxū yaxōgūxe, rū Ngechuchugagu Tupana tūxū nūxū nangechaū i guxūma ga yema pecadugū ga noxri taxucūruwa tūxū nūxū nangechaūxū ga yexguma nagu taxixgu ga yema mugū ga Moiché ūmatūxū.

⁴⁰ —Rū pexuāēgū na tama pegu nanguxūcèx i ngēma poxcu i Tupanaārū orearū uruūgū nūxū ixuchigaxū ga yexguma ñagūgu:

⁴¹ “Rū dūcax, Pa Duūxūgū i Tupanaārū Orexū Cugūexūx, rū tá peħaixāchie rū tá peyue erū pema pemaxēyane rū tá chanaxū i tacū i taxū. Rū pema rū tāūtama peyaxōgū i woo texē pemaā nūxū ixuxgu”,

ñanagürü. Rū yexma nayacuēxēē ga Pauru ga norū ore.

⁴² Rū yexguma guma ngutaquēxepataūwa inachoxūgu ga Pauru rū namūcūgū, rū yema duūxūgū ga tama Yudiūgū ixigūxū rū nūxū nacēxūgū na to ga ngūxchigaarū ngunexūgu rū wenaxārū yematama orexū namaā yaxuxūcèx.

43 Rū yexguma marū nūxū nachauegu ga na nangutaquēxegūxū, rū Pauru rū Bernabéwe narūxī ga muxūma ga Yudiūgū rū mūxūma ga togū ga duūxūgū ga tama Yudiūgū ixīgūxū natūrū Yudiūgūrūyū yaxōgūxū. Rū Pauru rū Bernabé rū namaā nidexagū rū nayaxucūxēgū na guxūguma nagu naxīnūēēchaxūcēx ga űuxācū Tupana nūxū ngechaūācūma na nadexū.

44 Rū yema to ga ngūxchigaarū ngunexūgu, rū wixgutaēx guxūma ga yema iānecūāx nangutaquēxegū na inaxīnūēēxūcēx ga Tupanaārū ore.

45 Natūrū nayexma ga űuxre ga Yudiūgū ga tama ngutaquēxegu chocuxū. Rū yexguma nūxū nadaugūgu ga na namuxūchixū ga duūxūgū ga Paurucēx ngutaquēxegūxū rū porācū nixāūxāchie. Rū inanaxūgūe ga na Pauruxū nachoxūgagūxū rū namaā naguxchigagūxū.

46 Natūrū ga Pauru rū Bernabé rū tama namuūēācūma yema Yudiūgūxū nangāxūgū, rū űanagūrūgū: —Tupana nanaxwēxe na pemaāxīra nūxū tixuxū i norū ore. Natūrū űuxma na nūxū pexoexū i ngēma ore rū tama na penayauxgūchaūxū i maxū i taguma gūxū, rū ngēmacēx i űuxmax i toma rū tá ngēma tama Yudiūgū ixīgūxūtanūwa taxī.

47 —Yerū yemaācū toxū namu ga Cori, rū űanagūrū:

“Duūxūgū i tama Yudiūgū ixīgūxūārū ngōonexēēruū marū cuxū chixīxēē, na guxūwama i űoma i naānewa cunangexūcēx i chorū ore i maxēxēēruū”, űanagūrū.

48 Rū yexguma yema orexū naxīnūēgu ga yema duūxūgū ga tama Yudiūgū ixīgūxū, rū nataāēgū rū űanagūrūgū: —Rū namexēchi nixī i űaā Cori ya Tupanaārū ore — űanagūrūgū. Rū nayaxōgū ga guxūma ga yema duūxūgū ga Tupana marū nūxū unetaxū na nayauxgūāxūcēx i maxū i taguma gūxū.

49 Rū yemaācū guxūwama ga yema naānewa nanguchigū ga Cori ya Tupanaārū ore.

50 Natūrū yema Yudiūgū ga tama Ngechuchuauxū yaxōgūchaūxū, rū chixexūmaā nayaxucūxēgū ga űuxre ga ngexūgū ga mexūgū ga Tupanaxū ngechaūgūxū rū guma iānēārū āēxgacūgū na Pauru rū Bernabéxū inawoxūxūcēx. Rū yemacēx inawoxū ga yema naānewa.

51 Rū yexguma ga Pauru rū Bernabé rū inapagūcutū ga norū űuxaxūcutū na yemawa nūxū yacuēxāchitanūxūcēx ga norū chixexū ga yema iānecūāxgū ga duūxūgū. Rū űuxūchi ga Pauru rū Bernabé rū iāne ga Icūniūwa naxī.

52 Natūrū yema yaxōgūxū ga guma iāne ga nawa inachoxūnewa yexmagūxū rū porācū Tupanamaā nataāēgū, rū Naāe i Ūūnexū rū aixcūma nawa nayexma.

14

Pauru rū Bernabé rū iāne ga Icūniūwa nayexmagū

¹ Rū Icūniūwa rū wūxigu Yudiūgiarū ngutaquēxepataūgu nachocu ga Pauru rū Bernabé. Rū meāma nūxū nixuchiga ga Tupanaārū ore rū yemaācū nayaxōgū ga muxūma ga duūxūgū ga Yudiūgū rū yema tama Yudiūgū ixīgūxū rū ta.

² Natūrū yema Yudiūgū ga tama Ngechuchuauxū yaxōgūxū, rū chixexūmaā nayaxucūxēgū ga yema tama Yudiūgū ixīgūxū na yema yaxōgūxūchi naxaieūxēx.

³ Rū yemacēx muxūma ga ngunexū yexma narūcho ga Pauru rū Bernabé, rū tama namuūēācūma nūxū nixuchiga ga Cori ya Tupanaārū ore. Rū yema duūxūgūmaā nūxū nixu na űuxācū Tupana porācū tūxū nangechaūxū. Rū nūma ga Cori rū yema duūxūgūxū nūxū nadauxēē na namaā nataāēxū ga yema ore. Rū yemacēx Pauru rū Bernabéxū narūngūxēē na inawēxgūāxūcēx ga cuēxruūgū rū na naxūgūāxūcēx ga mexūgū ga Tupanaārū poramaā naxūgūxū.

⁴ Natūrū ga guma iānecūāx ga duūxūgū rū nitoye. Rū nūmaxū rū yema Yudiūgūwaama naxūgū rū togū rū Pauru rū Bernabēwaama naxūgū.

⁵ Rū yexguma ga yema Yudiūgū, rū yema duūxūgū ga tama Yudiūgū ixīgūxū, rū guma iānēārū āēxgacūgūmaā wūxigu nagu narūxīnūē na Pauruxū rū Bernabéxū yayauxgūxū na nutamaā inamuxūchigūāxūcēx.

⁶⁻⁷ Natūrū yexguma nūxū nacuāchigagūgu ga Pauru rū Bernabé, rū nibuxmū. Rū Dicōniūānewa yexmane ga iānegū ga Listra rū Derbewa naxī. Rū guma iānegūwa rū guxūma ga yema naānewa ipeagūxū ga duūxūgūmaā rū ta nūxū nixuchigagū ga ore i mexū.

Nutagūmaā Pauruxū inamuxūchigū ga Listrawa

⁸⁻⁹ Rū yēma Listrawa nayexma ga wūxi ga yatū ga inapogūcutūxū norū bucūmatama. Rū yēma narūto rū inarūxīnū ga yema Pauru nūxū ixuxū ga ore. Rū Pauru rū meāma nūxū nadawenū, rū nūxū nadau ga na nūxū nayexmaxū ga norū ō na naxcēx yataanexūcēx.

¹⁰ Rū yexguma ga Pauru rū tagaācū űanagūrū nūxū: —¡Inachi, rū meāma inangacutū! — űanagūrū. Rū yexguma inayuxnagū ga guma yatū, rū inanaxūgū ga na iyaxūxū.

¹¹ Rū yexguma yema muxūma ga duūxūgū nūxū daugūgu ga yema na naxūxū ga Pauru, rū tagaācū yema Dicōniūgawa nidexagū, rū űanagūrūgū: —Tupanagū i naduūxūgūraūxū inarūxīgū, rū tatanūwa nangugū —űanagūrūgū.

¹² Rū Bernabé rü tupana ga Chéumaã nanaxúégagü. Rū Pauru rü Érememaã nanaxúégagü yerü nūma nixí ga yadexaxú.

¹³ Rū guma iãne íxúcuxúwa nayexma ga tupana ga Chéuarü tupauca ga taxúne. Rū guma tupaucaarü pai rü yéma nanagagü ga wocagü ga iyatúxú ga putúramaã ngèãégüxú. Rū nūma ga pai rü ga duúxügü rü nanadaixchaú ga yema wocagü naxcèx ga Pauru rü Bernabé na yemamaã nūxú yacuèxúgüxúcèx.

¹⁴ Natürü yexguma nūxú yacuèxáchitanügu ga Bernabé rü Pauru, rü norü gáuxúchirugu nagáugüe na yema duúxügü nūxú cuèxgüxúcèx na tama namexú ga yema naxcèx naxúechaúxú. Rū yema muxúma ga duúxügütanúwa nabuxmü, rü ñaxúmaã aita naxúe:

¹⁵ —Pa Yatügüx, ¿túxciú toxcèx penaxú i ngèma? Toma rü pexrúú duúxügümare tíxügü. Rū nuã taxí na pemaã nūxú tayarúxúxúcèx na nūxú perúxoexúcèx i ngèma chixexúgü i taxuwama mexú rü naxcèx pedaugüxúcèx ya Tupana ya maxúcu ga naxúcu ga daxúgüxú i naãne, rü ñoma i naãne, rü taxtú i taxú, rü guxúma i nawa ngèmxaxú.

¹⁶ —Rü nuxcümayerü nixí ga Tupana ga yaxna namaã naxínúxú ga duúxügü ga woo nūmagü nanaxwèxegüxú naxúgügu.

¹⁷ —Natürü nūma ga Tupana rü taguma nūxú narúchau na duúxügüxú nangúxèèxú. Rū yemaãcü túxú nūxú nacuéxèe na Tupana yíxú i nūmax. Rū nūmatama nixí i nūma namuãxú ya pucú rü meã pexú nayaexèèxú i penetügü. Rū nūma nixí i pexna naxáaxú i pewemü na ngèmaãcü petaãégüxúcèx —ñanagürügü ga Pauru rü Bernabé.

¹⁸ Natürü woo yema orexú namaã na yaxugüxú rü poraãcü nūxú naguxcha ga Pauru rü Bernabé ga nūxna na nachogüxú ga duúxügü ga tama naxcèx na nadaíaxúcèx ga yema wocagü na yemamaã nūxú yacuèxúgüxúcèx. Rū düxwa yemacèx tama naxcèx nanadai.

¹⁹ Natürü yexgumayane rü ínangügü ga ñuxre ga Yudiügü ga Aútioquíawa rü Icíniúwa ne íxú. Rū chixexúmaã nayaxucúxègü ga yema muxúma ga duúxügü na tama Pauru rü Bernabéga naxínúèxúcèx, rü namaã nanuèxúcèx. Rū yemacèx ga yema duúxügü rü nutamaã Pauruxú ínamuxúchigü, rü iãneárü íxpemawa nanatúchigügü, yerü nūma nūxú nacuéxgügu rü marü nayu.

²⁰ Natürü yexguma yema yaxógüxú naxútawa ngutaquèxegu, rü inachi ga Pauru, rü wenaxáru naga naxúcu ga guma iãne. Rū moxúãcü inaxúãchi ga yéma, rü Bernabémaã Derbewa naxú.

²¹ Rū guma iãnewa nūxú nixugüe ga ore ga mexú. Rū nanangúexèe ga duúxügü, rü muxúma Tupanaãxú nayaxógü. Rū yemawena rü wenaxáru naxcèx nawoegu ga Listra, rü Icíniú, rü Aútioquía.

²² Rū guma iãnegüwa rü yema yaxógüxúxú nixucúxègü, rü nūxú nanangúchaúxèègü na guxúguma meã na yaxógüãxúcèx. Rū namaã nūxú nixugüe, rü ñanagürügü: —Ngèma Tupana ãèxgacú íxíxúwa na íxúcuxúcèx, rü tanaxwèxe na muèxpüxcúna guxchaxúgümaã yaxna íxínúèxú i ñoma i naãnewa —ñanagürügü.

²³ Rū Pauru rü Bernabé rü wúxichigü ga iãnewa rü nūxú nixunetatanü ga ñuxre ga yatügü na yaxógüxúárü ãèxgacügü yixígüxúcèx. Rū tama nachibüèacúma naxcèx nayumúxègü. Rū yemawena rü yima Cori ya Tupana ga nūxú yaxógüãcúna nanaxuaxúgü na guxúguma namaã inaxúxúcèx rü meã nūxna nadauxúcèx ga yema yaxógüxúárü ãèxgacügü.

Pauru rü Bernabé rü naxcèx nawoegu ga Aútioquía ga Chíríaanewa yexmane

²⁴ Rū Pichídiaanewa nichopetü, rü Paúpiríaanewa nangügü.

²⁵ Rū Pérupe ga iãnewa nūxú nixugüe ga Tupanaárü ore, rü ñuxúchi Atária ga iãnewa naxí.

²⁶ Rū yéma rü wúxi ga wapurugu nichoú na Aútioquíacèx nawoeguxúcèx. Rū guma iãne ga Aútioquíawa nixí ga noxri duúxügü Tupanana namugüxú ga Pauru rü Bernabé na naxúgüãxúcèx ga yema puracü ga ñuxma marü yanguxèégüxú.

²⁷ Rū yexguma ínangügüga Pauru rü Bernabé, rü nanangutaquèxexèe ga guxúma ga yema duúxügü ga yaxógüxú. Rū namaã nūxú nixugügü ga guxúma ga ñuxácü Tupana poraãcü nūxú na rúngúxèèxú. Rū yexgumarüú ta rü namaã nūxú nixugügü ga ñuxácü na yaxógüãxú ga yema duúxügü ga tama Yudiügü íxígüxú, yerü Tupana nūxú nanatauxchaxèe na yaxógüãxúcèx.

²⁸ Rū muxúma ga ngunexúgu yema yaxógüxútanúwa nayexmagü ga Pauru rü Bernabé.

15

Yerucharéúwa nangutaquèxegü

¹ Rū yexgumaãcüü rü nayexma ga ñuxre ga duúxügü ga Yudeaanewa ne íxú ga Aútioquíawa ngugüxú. Rū nūmagü inanaxúgüe ga túxú na nangúexèèxú ga guxema yaxógüxe ga Aútioquíacúãx, rü ñanagürügü: —Ngèxguma tama pegü ípewúchèxmüpèxechiraúgu yema Moiché túxú muxúrúú rü taxuacúma pexú nangéxma i maxú i taguma gúxú —ñanagürügü.

² Natürü ga Pauru rü Bernabé rü tama norü me nixí ga yema, rü yemacèx poraäcü nügü namaä nachoxüggü ga yema duüxüggü ga Yudeaanewa ne íxü. Rü düxwa Pauru rü Bernabé rü ñuxre ga togü ga Aütioquiácüäx ga yaxögüxüxü naxunetagu na Yerucharéüwa naxíxüçèx na yema ngüexüggü ga Ngechuchu imugüxü rü yema yaxögüxüärü äëxgacügümaä yamexëégüäxüçèx ga yemachiga.

³ Rü yemaäcü ga yema yaxögüxü ga Aütioquiácüäx rü Yerucharéüwa nanamugü ga yema yatügü na naxcèx íyacagüxüçèx rü yamexëégüäxüçèx ga yema ore. Rü Peníchiaanewa rü Chamárianewa nachopetü ga Pauru rü Bernabé. Rü yéma rü duüxüggümaä nüxü nixugüe ga ñuxäcü yema tama Yudiügü ixigüxü rü nüxü na naxoexü ga nuxcümaüxü ga nacümagü na Tupanawe naxíxüçèx. Rü yema oremaä poraäcü nanataäexëégü ga guxüma ga yema yaxögüxü.

⁴ Rü Yerucharéüwa nangugü ga Pauru rü Bernabé. Rü guxüma ga yema yaxögüxü rü yema ngüexüggü ga Ngechuchu imugüxü rü yema yaxögüxüärü äëxgacügü rü meäma nanayauxgü. Rü Pauru rü Bernabé namaä nüxü nixugügü ga guxüma ga ñuxäcü Tupana poraäcü nüxü na rüngüxëèxü na duüxüggümaä nüxü yaxugüxüçèx ga ore i mexü.

⁵ Natürü ñuxre ga Parichéügü ga Ngechuchuaxü yaxögüxü, rü inachigü, rü ñanagürügü: —Name nixí na nügü ínawüchëxmüpëxechiraüggüxü i ngéma tama Yudiügü ixigüxü i ngexwaca yaxögüxü. Rü name nixí na naga naxínüèxü i ngéma mugü ga Moiché ümatüxü —ñanagürügü.

⁶ Rü yexguma nangutaquëxegü ga yema ngüexüggü ga Ngechuchu imugüxü rü yema yaxögüxüärü äëxgacügü na namexëégüäxüçèx ga yema ore.

⁷ Rü yixcama marü ñuxgumama nüggümaä yéma yaporagatanücüügu, rü inachi ga Pedru, rü ñanagürü nüxü: —Pa Chaueneëgüx, pema nüxü pecuëx ga na üpamama Tupana choxü yaxuxü ga petanüwa na yema duüxüggü i tama Yudiügü ixigüxümaä nüxü chixuxüçèx i norü ore i mexü i maxëxëëruü, na nümagü rü ta Ngechuchuaxü yaxögüäxüçèx.

⁸ —Rü yima Tupana ya guxäëxü cuácü rü tüxü nüxü nadauxëè na nadeäxü i ngéma duüxüggü i tama Yudiügü ixigüxü, yerü nüxna nanamu ga Naäe i Üünexü yema tüxna namuäxürüü.

⁹ —Rü Tupanapëxewa rü yixema i Yudiügü rü namaä tawüxigu i ngéma duüxüggü i tama Yudiügü ixigüxü. Yerü nümagü rü ta Tupana nüxü nüxü nangechaü ga norü pecadugü ga yexguma nüxü yaxögüägu.

¹⁰ —¿Rü tüxcüü tama namaä petaäe i ñuxma i ngéma Tupana üxü? ¿Rü tüxcüü ngéma ngexwacèx yaxögüxüxü penaxüxëèchaü i ngéma Moichéarü mugü i guxchaxü ga tórü oxigü rü taxuacüma naga taxínüèxü rü woo yixemagü rü ta taxuacüma ingüxëèxü?

¹¹ —Rü tama ngéma mugü nixí i tüxü maxëxëèxü. Natürü yixema rü tayaxögü na tórü Cori ya Ngechuchu tamaä mecümaxüggü yüxü na tüxna naxämareäxü i maxü i taguma güxü. Rü ngëxgumarüü ta nixí i naxcèx i nümagü i tama Yudiügü ixigüxü —ñanagürü ga Pedru.

¹² Rü inanaxügü ga Bernabé rü Pauru na yadexagüxü. Rü guxüma ga yema duüxüggü rü inarüchianegü rü inarüxüüemare. Rü Bernabé rü Pauru rü namaä nüxü nixugüe ga ñuxäcü Tupana na nüxü rüngüxëègüxü na naxügüäxüçèx ga mexü ga taxüggü ga Tupanaärü poramaä naxügüxü natanüwa ga yema duüxüggü ga tama Yudiügü ixigüxü.

¹³ Rü yexguma Bernabé rü Pauru igüegagügu, rü nüxixärü nidexa ga Chaütiägu, rü ñanagürü: —Pa Chaueneëgüx, jchoxü iperüxüüé!

¹⁴ —Pedru i Chimáü rü tamaä nüxü nixu na ñuxäcü Tupana inaxügüxü ga nüxü na nangüxëèxü ga yema duüxüggü i tama Yudiügü ixigüxü. Rü tamaä nüxü nixu ta na ñuxäcü Tupana yema duüxüggütanüwa nadeäxü ga ñuxre ga duüxüggü na noxrü yixigüxüçèx.

¹⁵ —Rü ngéma Pedru nüxü ixuxü rü nawüxigu namaä ga yema ore ga nuxcümaüggüxü ga orearü uruüggü ümatüxü ga ñaxü:

¹⁶ “Rü ngëmwawena rü tá chataegu, rü tá nüxü charüngüxëè i Dabítaagü i Yudiügü. Rü woo nawoonemare i ñuxmax, natürü wena táxarü wüxiwa chanaxíxëè, rü tá íchanadagüxëè na noxrirüü naporaexüçèx.

¹⁷ Rü ngëmaäcü tá nüxü charüngüxëè na ngéma duüxüggü i tama Yudiügü ixigüxü rü chauxcèx nadaugüxüçèx, wüxigu namaä i guxüma i chorü duüxüggü i Yudiügü i choma chadexü.

¹⁸ Rü yemaäcü nüxü nixu ga nüma ga Cori ya Tupana ga nuxcümaama tüxü nüxü cuëxëècü ga yema”, ñanagürü ga yema ore ga nuxcüma ümatüxü.

¹⁹ Rü ñanagürü ga Chaütiägu: —Rü ngëmacèx, Pa Chaueneëgüx, rü chauxcèx rü tama name na guxü i Moiché ümatüxü i mugümaä nüxü ichixewexü i ngéma duüxüggü i tama Yudiügü ixigüxü i nüxü rüxoexü i nuxcümaüxü i nacümagü na Tupanawe naxíxüçèx.

²⁰ —Rü narümemäe nixí i naxcèx tanaxümatü i popera, rü ngëmwawena namaä nüxü tixu:

- (1) Rū tama name na nangōxgūāxū i ngēma naxūnagūmachi i togū norū tupanane-tachicūnēxāgūcēx dēixū.
- (2) Rū tama name na naī i ngemaā rū ēxna naī ya yatūmaā inapexū.
- (3) Rū tama name na nangōxgūāxū i namachi i ngēma naēxū rū ēxna naxūna i wēxnaāxū rū ēxna natūgu nguxū.
- (4) Rū tama name na nangōxgūāxū ya nagū.

Rū ngēxīcatama nixī i inaxwēxexū na naxcēx naxūmatūxū.

²¹ —Erū guxūne ya lānēwa nangēxma ya Yudiūgūarū ngutaquēxepataū i ngextā nuxcūmama guxū i ngūxchigaarū ngunexūgu nawa inangūe rū nūxū nixuchigagū i guxūma i ngēma mugū ga Moīché ūmatūxū —ñanagūrū ga Chaūtiāgu.

Popera ga yema duūxūgū ga tama Yudiūgū ixīgūxūcēx ūmatūxū

²² Rū yema ore rū norū me nixī ga yema nguēxūgū ga Ngechuchu imugūxū, rū yema yaxōgūxūārū āēxgacūgū, rū guxūma ga yema yaxōgūxū. Rū nūgūmaā ñanagūrūgū: —iNgīxā tatanūwa tanade ya taxre ya yatūgū na Aūtioquīawa namugūxūcēx namaā ya Pauru rū Bernabé! —ñanagūrūgū. Rū nūxū naxunetagū ga Yuda ga Barsabāgu āegaxū rū Chira. Rū nūmagū ga Yuda rū Chira rū āēxgacūgū nixī ga natanūwa ga yema yaxōgūxū ga Yerucharēūwa yexmagūxū.

²³ Rū namaā yēma nanamugū ga popera, rū ñaā nixī ga yema ore ga nagu naxūmatūgūxū: “Pa Toeneēgū i Tama Yudiūgū Ixīgūxe i Aūtioquīagu rū Chirīaanegu rū Chirichīaanegu Āchiūgūxe, rū toma i peeneēgū i Ngechuchu toxū imugūxe rū toma i yaxōgūxūārū āēxgacūgū ixīgūxex, rū pexū tarūmoxēgū.

²⁴ Rū nūxū tacuāchigagū rū ñuxre ga duūxūgū ga nūma ne īxū rū woo tama toma yēma tanamugū natūrū nūmagū rū yēma naxī rū Moīchéarū mugūmaā pexū nachixewegū rū yemaācū pexū inatūxēē.

²⁵ Rū yemacēx guxāma ga toma rū wūxigu nagu tarūxīnūē na totanūwa nūxū taxunetaxū ga taxre ga taeneēgū na pexcēx ngēma tanamugūxūcēx namaā i taeneēgū i nūxū ingechaūgūxū i Bernabé rū Pauru.

²⁶ Rū nūmagū i Bernabé rū Pauru nixī ga poraācū āūcūmaxūwa nayexmagūxū naxcēx ga tōrū Cori ya Ngechuchu ya Cristu.

²⁷ Rū ñuxma rū pexcēx ngema tanamugū i Yuda rū Chira na nūmagūxūchi pemaā nūxū yaxugūxūcēx rū pemaā nangōxēēgūāxūcēx i guxūma i torū ore.

²⁸⁻²⁹ Erū Tupanaāē i Ūūnēxūcēx name, rū toxcēx rū ta name na tama muxūma i mugū pexna taxāgūxū. Rū ñaā āgūmūcū i mugūxīcatama nixī i pexū tamuxū:

- (1) Rū tama name na penangōxū i naxūnagūmachi i togū norū tupanane-tachicūnēxāgūcēx dēixū.
- (2) Rū tama name na penangōxū i namachi i ngēma naxūnagū i wēxnaāxū.
- (3) Rū tama name na penangōxū ya nagū.
- (4) Rū tama name na naī i ngemaā rū ēxna naī ya yatūmaā ipepexū.

Rū mexū tá pexūgū ega penaxauregu i ngēma mugū. Rū nuāma pexna”, ñanagūrū ga yema ore ga naxūmatūgūxū.

³⁰ Rū natanūxūxū namoxēgūguwena, rū inaxīāchi ga yema yēma mugūxū, rū Aūtioquīawa naxī. Rū yexguma yēma nangugūgu rū nanangutaquēxexēē ga guxūma ga yema yaxōgūxū ga duūxūgū, rū nūxna nanaxāgū ga yema popera.

³¹ Rū yexguma nūxū nadaumatūgūgu, rū poraācū nataāēgū namaā ga yema ucūxēgū ga nūxna naxāgūxū.

³² Rū Yuda rū Chira ga Tupanaārū orearū uruūgū na yixīgūxū, rū muxūma ga oremaā nayaxucūxēgū ga yema yaxōgūxū, rū nūxū narūngūxēē na yexeraācū yaxōgūāxūcēx.

³³ Rū marū ñuxre ga ngunexū yēma nayexmagūguwena, rū inixī. Rū yema yaxōgūxū ga Aūtioquīacūāx, rū taāēācūma Yuda rū Chiraxū narūmoxēgū rū meāma inayamugū na naxcēx nawoguxūcēx ga yema Yerucharēūcūāx ga noxri natanūwa namugūxū.

³⁴ Natūrū ga Chira rū nagu narūxīnū na yexma Aūtioquīagu naxāxūxū, rū yemacēx Yudaxīcatama Yerucharēūcēx nataegu.

³⁵ Rū Pauru rū Bernabé rū ta yexma narūcho. Rū wūxigu namaā ga muxūma ga togū, rū nanangūxēē ga duūxūgū, rū namaā nūxū nixugūgū ga Cori ya Tupanaārū ore i mexū.

Pauru rū wenaxārū inaxūāchi ga to ga nachīūānegūwa na nangeaxū ga Tupanaārū ore

³⁶ Rū yexguma marū ñuxre ga ngunexū ngupetūgu, rū ñanagūrū ga Pauru Bernabéxū: —iNgīxā wenaxārū natanūgu tanaxīāne i ngēma yaxōgūxū i guxūne ya lāne ga ngextā nūxū īxuchigaxūwa ga Cori ya Tupanaārū ore na nūxū idaūxūcēx na ñuxācū nūxū inangupetūgūxū! —ñanagūrū.

³⁷ Rū Bernabé rū nayagaxchaū ta ga Cuāū Marcu.

³⁸ Natürü ga Pauru rü tama nanaxwèxe ga na yagaãxũ, yerü Paupíriawa nũxna naxo ga noxri, rü tama İnayaxũmũcũ ga yema puracũwa.

³⁹ Rũ poraãcũ nũgũmaã niporagatanũcũ naxcèx ga yema, rü düxwa nũgũna nixĩgũ. Rũ Bernabé nayaga ga Marcu, rü Chiprearũ capaxũwa naxũ.

⁴⁰ Rũ yoxni ga Pauru rü Chiraxũ niga. Rũ yema Aũtioquiacũãx ga yaxõgũxũ rü naxcèx nayumũxègũ na Tupana nũxũ rũngũxègũxũcèx. Rũ yexguma inaxĩãchi.

⁴¹ Rũ Chíríaaanewa rü Chíríchiaanewa nachopetũ, rü yéma Tupanaãrũ oremaã nanataãxègũ ga yema yaxõgũxũ.

16

Pauru rü Chirawe narũxũ ga Timutéu

¹ Rũ Derbewa rü Listrawa nangugũ ga Pauru rü Chira. Rũ yéma nayexma ga wũxi ga yaxõcũ ga Timutéu ga äegacũ. Rũ naè rü wũxi ga Yudíu ga yaxõxcũ iyixĩ. Rũ nanatũ rü wũxi ga Griégu tixĩ.

² Rũ guxũma ga yema yaxõgũxũ ga Listracũãxgũ rü İcũniũcũãxgũ rü nũxũ nixugũe na mea maxũcũ yixĩxũ ga nũma ga Timutéu.

³ Rũ Pauru rü nanaxwèxe na Timutéu İyaxũmũcũxũ. Natürü naxũpa ga na yagaãxũ rü İnanawiechẽxmũpèxechiraũ, yerü yemaãcũ nanaxwèxegũ ga yema Yudiugũ ga yema naãnewa yexmagũxũ. Yerü guxũma nũxũ nacuèxgũ ga na Griégu tiixũ ga nanatũ.

⁴ Rũ guxũnema ga guma İãnegũ ga nawa nachopetũnema, rü duũxũgũmaã nũxũ nixugũetanũ ga yema ucuxè ga yema Yerucharéũcũãx ga ngũexũgũ ga Ngechuchu imugũxũ rü yema yaxõgũxũãrũ äexgacũgũ nũxũ ixugũxũ.

⁵ Rũ yemaãcũ yexeraãcũ meã nayaxõgũ ga guxũma ga yema yaxõgũxũ, rü guxũ ga ngunexũ rü yexeraãcũ nimuètanũ ga yema yexwacèx yaxõgũxũ.

Pauru nangõxetũ rü wũxi ga yatũ ga Machedóniãcũãxũ nadau

⁶ Rũ Áchiaanewa naxĩxchaũ na yéma nũxũ yaxugũxũcèx ga ore i mexũ. Natürü Tupanaãè i Üünexũ rü nũxna nanachũxu ga yema. Rũ yemacèx Piríquiaanewa rü Gáratanaewaama nachopetũ.

⁷ Rũ Míchiaarũ naãnewa nangugũ, rü yéma nagu narũxĩnũe ga na Bitíniãrũ naãnewa naxĩxũ. Natürü yéma rü ta Tupanaãè i Üünexũ nũxna nanachũxu ga na yéma naxĩxũ.

⁸ Rũ yemacèx Míchiaanewa nachopetũmare rü İãne ga Tróawa nangugũ.

⁹ Rũ yema chũtaxũgu rü Pauru nangõxetũ rü nũxũ nadau ga wũxi ga yatũ ga Machedóniãcũãx ga napèxegu chicũ. Rũ nũxũ nacèèxũ, ñaxũmaã: —ñMachedóniãwa naxũ, rü toxũ rũngũxèè! —ñaxũmaã.

¹⁰ Rũ yexguma yemaxũ nadèuxgu ga Pauru, rü yexgumatama togũ tamedxèègũ na Machedóniãwa taxĩxũcèx. Yerü nũxũ tacuèxgũ rü aixcũmaxũchi nixĩ ga Tupana toxcèx çaxũ na yema duũxũgũmaã nũxũ tixuxũcèx ga ore i mexũ.

Piripuwã nayexmagũ ga Pauru ru Chira

¹¹ Rũ Tróaarũ türewã itaxĩãchi, rü capaxũ ga Chamotãchiucèx wèxgu taxĩ. Rũ moxũãcũ Neãporiwa tangugũ.

¹² Rũ yéma rü dauxchitagu taxĩ rü Piripuwã tangugũ. Rũ guma nixĩ ya Dumacũãxgũarũ İãne ga Machedóniããnegu naxũgũne. Rũ guma nixĩ ya guxũne ya İãneãrũ tamaène ga yéma. Rũ yéma tayexmagũ ga ñuxre ga ngunexũgũ.

¹³ Rũ ngũxchigarũ ngunexũgũ, rü guma İãne iyacuáxũwa taxĩ ga natũpechinũwa, yerü nagu tarũxĩnũègu rü yéma nayexma ga Yudiũgũarũ yumũxèchica. Rũ yéma tarũtogũ, rü namaã tidexagũ ga ñuxre ga ngexũgũ ga yéma ngutaquèxegũxũ, rü namaã nũxũ tixugũ ga Tupanaãrũ ore.

¹⁴ Rũ yéma İyexma ga wũxi ga ngecũ ga Díría ga ngĩega ga Tupanaxũ icuèxũũxcũ. Rũ Tiatíra ga İãnecũãx iyixĩ. Rũ dauxracharaxũ ga naxchirumaã itaxe yerü yema nixĩ ga ngĩrũ puracũ. Rũ ngĩma rü meãma yéma irũxĩnũ, yerü nũma ga Cori ya Tupana rü ngĩxũ nanangũchaũxèe na meã inaxĩnũxũcèx ga yema ore ga Pauru nũxũ ixuxũ.

¹⁵ Rũ yemawena rü ñuxũchi İbabe wũxigu namaã ga guxũma ga ngĩtanũxũgũ. Rũ yixcama rü toxũ icèèxũ ñaxũmaã: —Ngèxguma pema choxũ pedèuxgu na aixcũma nũxũ chayaxõxũ ya Cori ya Tupana, rü marũ name ega chopatagu peyapegũgu —ngĩgũrũgũ. Rũ yéma toxũ ixĩxèe.

¹⁶ Rũ wũxi ga ngunexũgu ga yexguma yumũxèwa taxĩxgu ga tomax, rü yexma ngĩxũ tayangau ga wũxi ga pacũ ga corigũxũtaxũ ixĩcũ ga ngoxoãxcũ. Rũ yema pacũ rü wũxi ga ñacũxũ cuèxcũ iyixĩ, rü duũxũgũmaã nũxũ İyaxu ga ñacũ tá yixcũra na ngupetũxũ. Rũ yemacèx ga duũxũgũ rü dièrumaã ngĩxũ nanaxũtanũ na nũxũ yaxuxũcèx na ñacũ tá na ngupetũxũ. Rũ yemaãcũ poraãcũ dièruxũ itũ naxcèx ga ngĩrũ corigũ.

17 Rū ngīma towe ingē ga toma rū Pauru, rū tagaācū ngīgūrūgū: —Ñāā yatūgū rū Tupana ya tacūxūchimaārū duūxūgū nixī, rū pemaā nūxū nixu na űuxācū tá penayaxuxū i maxū i taguma gūxū —ngīgūrūgū.

18 Rū yemaācū iyixī ga muxūma ga ngunexūgū. Rū dūxwa nūxū nawēxtūmūxū ga Pauru, rū ngīxcēx nadauegu, rū űanagūrū nūxū ga yema ngoxo ga ngīwa yexmaxū: —Ngechuchu ya Cristuégagu cuxū chamu, na ngīwa ícuxūxūxcēx —űanagūrū. Rū yexgumatama ngīwa ínaxūxū ga yema ngoxo.

19 Rū yexguma nūxū nadaugūgu ga ngīrū corigū ga marū tama ngīgagu dīeru ngīxū na nayauxgūxū, rū Pauru rū Chiraxū ínayauxū, rū āēxgacūgūarū ngutaquēxechicawa nanagagū.

20 Rū āēxgacūgūna nanaxuaxū ga yema ngīrū corigū, rū űanagūrūgū: —Ñāā Yudiugū rū tórū íānewa nanachixeāēxēēgū i duūxūgū.

21 —Rū tūxū nangúxēē na naxaurexūcēx i nacūmagū i tūxna chuxuxū i yixema i Dumacūāxgū —űanagūrūgū.

22 Rū yexguma ga guxūma ga yema íānecūāx, rū Pauru rū Chirana nayuxgū. Rū yema āēxgacūgū nanamu na ínacūxūāxūcēx rū ngexchiruxūma naíxmenēxāmaā yaçuaixgūāxūcēx.

23 Rū yexguma marū poraācū yaçuaixgūāguwena, rū poxcupataūgu nanawocu. Rū nūxna naxāga ga yema poxcupataūārū dauruū na meāma nūxna nadauxūcēx.

24 Rū yexguma yemaxū naxīnūgu ga yema dauruū, rū poxcupataūārū aixepexūchixū ga ucapugu nanawocu, rū meāma nayachotaparagū.

25 Natūrū ngāxūcūūgu rū nayumūxēgū ga Pauru rū Chira, rū nawiyaegū, rū Tupanaxū nicuēxūgū. Rū yema togū ga poxcuexū rū nūxū naxīnūē.

26 Rū ngūrūāchi poraācū naxīāxāchiane, rū ínayangogūtanūāchi ga guma poxcupataūārū caxtagū. Rū yexgumatama níwāxnagū ga guxūma ga íāxgū ga guma poxcupataū. Rū guxūma ga yema poxcuexūārū cadenaparagū rū níwēgū.

27 Rū pewa nabaixāchi ga yema poxcupataūārū dauruū. Rū yexguma nūxū nadēuxgu ga na yawāxnagūxū ga íāxgū ga guma poxcupataū rū nanayaxu ga norū tara na nūgū yamāxūcēx, yerū nūma nūxū nacuēxgu rū marū níbxmū ga yema poxcuexū.

28 Natūrū tagaācū aixta naxū ga Pauru, rū űanagūrū nūxū: —Íāxū i cugū quimāxū! Rū guxāma i toma rū tanuxmagū —űanagūrū.

29 Rū yexguma ga yema poxcupataūārū dauruū rū naxcēx ínaca ga wūxi ga omū, rū ínañāchiācūma yema duūxūgū ípoxcuexūgu nayangaxi, rū yaduruxācūma Pauru rū Chirapēxegu nayacaxāpūxū.

30 Rū yexguma íāxtūwa Pauru rū Chiraxū nagagū, rū űanagūrū nūxū: —Pa Corigūx, ¿Tacū tá chaxūxū i choma na choxū nangēxmaxūcēx i maxū i taguma gūxū? —űanagūrū.

31 Rū nūmagū rū nanangāxūgū rū űanagūrūgū nūxū: —Ínūxū yaxō ya Cori ya Ngechuchu, rū tá cuxū nangēxma i maxū i taguma gūxū i cuma rū guxū i cupatacūāx! —űanagūrūgū.

32 Rū namaā rū guxūma ga yema napatacūāxgūmaā rū ta nūxū níxugūe ga Cori ya Tupanaārū ore.

33 Rū yematama oragu ga chūtacu, rū nūma ga yema poxcupataūārū dauruū nayayauxgū ga norū oxrigū ga Pauru rū Chira. Rū yemawena rū űuxūchi ínabaie ga nūma wūxigu tūmamaā ga naxmēx rū naxacūgū.

34 Rū űuxūchi ga nūma ga poxcupataūārū dauruū rū napatawa Pauruxū rū Chiraxū nagagū. Rū űna nūxna naxā rū nataāē ga nūma rū guxūma ga napatacūāxgū ta, yerū Tupanaāxū nayaxōgū.

35 Rū moxūācū pēxmama rū yema íāneārū āēxgacūgū rū yema poxcupataūārū dauruūxtawa nanamugū ga purichíagū na namaā nūxū yanaxugūxūcēx na Pauru rū Chiraxū ínamuxūxū.

36 Rū yexguma ga yema poxcupataūārū dauruū rū űanagūrū Pauruxū: —Rū ngēma āēxgacūgū rū nuā nanamugū i ore na pexū íchamuxūxūcēx. ¡Rū ēcū ípexoxū, rū meā ípixī! —űanagūrū.

37 Natūrū ga Pauru rū űanagūrū nūxū ga yema purichíagū: —Marū chixri tomaā nachopetū i toma i Dumacūāxūchigū na tixīgūxū, rū tama toxna nacaxiraācūma toxū níçuaixgū ga napēxewa ga guxūma ga duūxūgū, rū űuxūchi poxcupataūgu toxū nawocu. Rū űuxma rū cūācūma toxū ínamuxūchaū. Rū tāūtāma ngēmaācū nixī. ¡Rū ēcū nūmatama nūma naxī i āēxgacūgū na nūmatama toxū íyamuxūxūcēx! —űanagūrū ga Pauru.

38 Rū yexguma ga yema purichíagū rū āēxgacūgūmaā nūxū nayarūxugūe ga yema ore. Rū poraācū nabaixāchiāēgū ga yema āēxgacūgū ga yexguma nūxū naxīnūēgu ga na Dumacūāxūchi yixīgūxū.

³⁹ Rū yéma naxī, rū Pauru rū Chirana nayacagū na nūxū nūxū nangechaūgūxūcèx naxcèx ga yema namaā naxūgūxū. Rū inanamuxū, rū nūxū nacèèxūgū na nawa ínachoxūxūcèx ga guma iāne.

⁴⁰ Rū yexguma poxcupataūwa ínachoxūgu ga Pauru rū Chira, rū Díriapatawa naxī. Rū yema yaxōgūxūmaā nangutaquēxegū, rū nayaxucūxēgū, rū Tupanaārū oremaā nanataāxēgū. Rū űuxūchi yemawena rū inaxīāchi.

17

Pauru rū Chiramaā nanuē ga duūxūgū ga Techarónicawa

¹ Rū iānegū ga Aūfīpori rū Aporóniāwa nachopetū ga Pauru rū Chira, rū iāne ga Techarónicawa nangugū. Rū yéma nayexma ga wūxi ga ngutaquēxepataū ga Yudiūgūarū.

² Rū guma ngutaquēxepataūwa naxūxū ga Pauru, yerū woetama yema nixī ga nacūma. Rū tomaēxpūx ga ngūxchigaarū ngunexūgu rū Tupanaārū ore ga űmatūxūchiga yema Yudiūgūmaā yéma nidxa.

³ Rū meāma naxcèx nanangoxēē ga yema ore, rū namaā nūxū nixu ga űacūcèx na nayuxū ga Cristu rū tūxcūū wena na namaxūxū. Rū űanagūrū: —Rū yima Cristu rū Ngechuchu nixī, rū nachiga nixī i pemaā nūxū chixuxū —űanagūrū ga Pauru.

⁴ Rū űuxre ga yéma yexmagūxū ga Yudiūgu rū nayaxōgū, rū Pauru rū Chiratanūgu naxāgū. Rū yexgumarūū ta Ngechuchuaxū nayaxōgū ga muxūma ga Griēgugū ga noxri Yudiūgūrūū yaxōgūxū. Rū muxūma ga ngexūgū ga dīeruāxgūxū rū ta nayaxōgū.

⁵ Rū yemacèx ga yema Yudiūgu ga tama yaxōgūxū, rū nanuē rū nixāūxāchigū yerū muxūma ga duūxūgū nūxū nayaxōgū ga Pauru rū Chiraarū ore. Rū norū numaā nanaxītaquēxēē ga űuxre ga yatūgū ga chixexūgū ga taxuwama mexū. Rū yemaxū namugū na nanuēxēēāxū ga yema iānecūāx ga duūxūgū. Rū Yachāūpatawa nabuxmū ga yema chixexū ga duūxūgū na Pauru rū Chiracèx nadaugūxūcèx, yerū yema muxūma ga duūxūgūpēxewa nanagūchaū.

⁶ Natūrū yexguma tama yexma nūxū yangaugūgu, rū Yachāūxū niyauxgū, rū űuxre ga yaxōgūxū rū ta ínayauxū. Rū nayagauxūtanū, rū guma iāneārū āēxgacūgūpēxewa nanagagū. Rū űagaācū űanagūrūgū: —Ngēma Pauru rū Chira i guxū i naānewa duūxūgūxū chixexēēgūxū, rū nūma rū ta nangugū.

⁷ —Rū Yachāū nixī ga nayaxuxū ga napatawa. Rū guxūma i nūmagū i ngēma yatūgū rū tama naga naxīnūēchaū i tórū āēxgacū ya Dumacūāxārū mugū, erū nūxū nixugūe rū nangēxma i to i āēxgacū i Ngechuchu —űanagūrūgū ga yema chixexū ga duūxūgū.

⁸ Rū yexguma nūxū naxīnūēgu ga yema oregū, rū poraācū nanuē ga yema muxūma ga duūxūgū rū yema iāneārū āēxgacūgū ta.

⁹ Natūrū ga Yachāū rū namūcūgū rū dīerumaā nūgū naxūtanūgū, rū yemacèx nayangēxgū.

Pauru rū Chira rū Beréawa nayexmagū

¹⁰ Rū yematama ga chūtaxūgu rū yema yaxōgūxū ga Techarónicacūāx rū iāne ga Beréawa nanamugū ga Pauru rū Chira. Rū yexguma yéma nangugūgu, rū Yudiūgūarū ngutaquēxepataūwa naxī.

¹¹ Rū yema Yudiūgu ga Beréacūāx, rū yema togū ga Yudiūgu ga Techarónicawa yexmagūxūārū yexera narūmemaēgū. Rū norū ngūchaūmaā meāma nanayauxgū ga yema ore. Rū guxū ga ngunexūgu rū Tupanaārū ore ga űmatūxūwa nangūe na meā nūxū nacūēxgūxūcèx ngoxi aixcūma yīxū ga yema ore ga Pauru rū Chira namaā nūxū ixuxū.

¹² Rū muxūma ga yema Beréacūāx ga Yudiūgu rū Ngechuchuaxū nayaxōgū. Rū yexgumarūū ta ga muxūma ga Griēgugū ga Yatūxūgū rū ngexūgū ga āēxgacūgū namèx ixīgūxū, rū nayaxōgū.

¹³ Natūrū yexguma yema Yudiūgu ga Techarónicacūāx nūxū cuāchigagūga ga na Beréawa rū ta nūxū na yaxuxū ga Tupanaārū ore ga Pauru, rū yéma naxī, rū nananuēxēē ga yema iānecūāx ga duūxūgū na Paurumaā chixri nachopetūxūcèx.

¹⁴ Natūrū yexguma yemaxū nacuāchigagūga ga yema yaxōgūxū, rū paxama Pauruxū ínaxūxūēēgū ga guma iānewa. Rū űuxre ga yema yaxōgūxū rū Pauruxū ínixūmūcūgū. Rū dauxchitagu naxī rū űuxmata taxtūpēchinūwa nangugū. Natūrū ga Chira rū Timutéu rū Beréagu narūchooma.

¹⁵ Rū yema duūxūgū ga Pauruxū íxūmūcūgūxū, rū wapurugu ínayaūmūcūgū űuxmata iāne ga Atenawa nangugū, rū űuxūchi Beréacèx nawoegu. Rū Pauru rū yema duūxūgūxū yéma namuga na paxa naxūtawa naxīxūcèx ga Chira rū Timutéu.

Atenawa nayexma ga Pauru

¹⁶ Rū yexguma Pauru rū Atenawa Chira rū Timutéuxū nanguxēēgu, rū tama nataāēcūraxū yerū nūxū nadau ga guma iānewa ga na poraācū naxchicūnēxāmaāmare na natu-panaāxgūxū.

17 Rū yemacèx ga Pauru rü Yudiügüarü ngutaquëxepataüwa Cristuchigaxü nixu namaã ga yema Yudiügü rü yema togü ga tama Yudiügü ixigüxü ga Tupanaxü icuëxüügüxü. Rū guxü ga ngunexügu ga ñaneärü plaza ga taxüwa rü ta Cristuchigaxü nixu namaã ga yema duüxügu ga yéma ämücüwa İxü.

18 Rū nayexmagü ta ga ñuxre ga yatügu ga Epicüriugüarü nguxëëtaewa ngüexü, rü togü ga Etóicugüarü nguxëëtaewa ngüexü. Rū nümagü rü inanaxügüe ga Paurumaã na yopora-gatanücüxü. Rū ñuxre ga nümagü rü ñanagürügü: —¿Rü tacü nixi i nüxü yaxuxü i ñaã yatü i idexaechamarexü? —ñanagürügü. Rū togü nanangäxügu, rü ñanagürügü: —Maneca wüxi i to i nachiüñecüäxärü tupanagüarü orearü uruü nixi —ñanagürügü. Rū yemaäcü nidexagü ga yema duüxügu, yerü Pauru rü nüxü nixu ga ore ga mexü ga Ngechuchuchiga ga nuxäcü wena na namaxüxü.

19 Rū düxwa norü äëxgacügüarü ngutaquëxechica ga Areópagu äegaxüwa nanagagü. Rū yéma nüxna nacagü, rü ñanagürügü nüxü: —Toma nüxü tacuáxchaü na tacü rü nguxëëtae i ngexwacaxüxü yüxü i ngëma namaã cunguxëëtaexü.

20 Erü toxcëx rü wüxi i taguma nüxü taxüñüxü nixi i ngëma ore, rü nüxü tacuáxchaü na tacüchiga yüxü i ngëma nüxü quixuxü —ñanagürügü.

21 Rū yemaäcü nidexagü, yerü guxüma ga Atenacüäxgü rü yema to ga nachiüñecüäxgü ga yexma ächiügüxü, rü woetama yexicagu narüxinüë ga na nüxü yaxuxüçëx rü nüxü naxüñüxüçëx ga yexwacaxüxü ga oregü.

22 Rū yemacèx ga Pauru rü inachi norü ngäxütanüwa ga yema duüxügu ga yema Areópaguwa ngutaquëxegüxü, rü ñanagürü: —Pa Atenacüäxgüx, nüxü chadau na poraäcü perü tupanagügu perüxinüxü.

23 —Erü ngëxguma perü ngutaquëxechicagüwa chixüpetüchigügu, rü nüxü chadau i naxchicünëxägu i nüxü picuëxüügüxü. Rü wüxi i nachicawa namaã chayarüxü i wüxi i yumüxëchica, rü ngëxma naxümatü i naega i ñaxü: “Tupana ya tama nüxü icuácü”, ñaxü. Rü yima Tupana ya tama nüxü pecuáäcüma nüxü picuëxüügücü nixi ya choma pemaã nüxü chixuchigacü.

24 —Rü guma Tupana ga naxücü ga guxüma ga naãnegü rü guxüma i nawa ngëxmaxü, rü nüma nixi i norü yora yüxü i daxüguxü i naãne rü ñoma i naãne. Rü ngëmacëx nüma rü tama duüxügu üxüne ya tupaucagügu naxächiü.

25 —Rü nümatama ya Tupana rü taxucëxma nanaxwëxe i duüxüguarü ngüxëë na namaxüçüçëx i nümax, erü taxuüma nüxü nataxu. Rü nümatama guxäna nanaxä i maxü, rü tüxna nanaxä ya buanecü ya namaã ingüätanücüücü. Rü nümatama tüxna nanaxä i guxüma.

26 —Nüma rü wüxi ga duüxüwatama nanaxü ga guxüma ga duüxügu na guxü i naãnewa nangëxmagüxüçëx. Rü nüma inaxuneta i ñuxgu tá na nabuxü i duüxügu rü ngexta tá naxächiüxü i wüxichigü.

27-28 —Rü yemaäcü nanaxü na naxcëx nadaugüxüçëx ga duüxügu rü ñoma äñexüwa tacüçëx idaugüxüürüü nüxü iyangaugüxüçëx. Natürü nüma ya Tupana rü woetama guxüguma tüxna nangaicamachirëx, erü nagagu nixi i imaxëxü rü ixüäxtanücüüxü rü ingëxmaxü, ngëxgumarüü i ñuxre i perü poperaarü ümatüxügu naxümatüxüürüü, rü ñanagürügü:

“Rü Tupanaxäcü tixigü”, ñanagürügü.

29 —Rü ñuxma na Tupanaxäcügu ixigüxü, rü tama name i nagu tarüxinüë rü Tupana rü wüxi i naxchicünëxä i uirumüwa rü ëxna dïerumüwa rü ëxna nutawa ixüxüürüü nixi. Erü guxüma i ngëma naxchicünëxägu rü nümatama i duüxügu nagu naxüñüxüçüma nanaxügu.

30 —Rü nuxcüma ga duüxügu rü naëchitamare İnatüë, natürü nüma ga Tupana rü namaã yaxna naxüñü. Natürü i ñuxma ya Tupana rü nanamu i duüxügu i guxüwama na naxcëx nadaugüxü rü nüxü naxoexü i nacüma i chixexügu.

31 Yerü nüma ga Tupana rü marü nüxü naxuneta i wüxi i ngunexü i nagu tá aixcüma guxü i ñoma i nañecüäxi duüxügüna naçaxü i norü maxüchiga. Rü marü nüxü naxuneta ya wüxi ya yatü ya Ngechuchu, rü yima tá nixi ya duüxügüna çacü. Rü Tupana rü guxäxüma nüxü nacüxëë ga yema ga yexguma Ngechuchuxü wena namaxëëgu —ñanagürü ga Pauru.

32 Rü yexguma yema wena na namaxëxüchigaxü naxüñüëgu ga duüxügu, rü ñuxre ga nümagü rü Pauruxü nacugüë. Natürü ga togü rü ñanagürügü: —Rü wenagu táxarü cuxü itarüxinüë i ngëmachiga —ñanagürügü.

33 Rü yexguma ga Pauru rü İnaxüxü ga natanüwa.

34 Natürü ñuxre ga duüxügu rü Pauruwe narüxü, rü Ngechuchuxü nayaxögü. Rü natanüwa nayexma ga Diünichiu ga wüxi ga Areópaganüxü, rü wüxi ga ngecü ga Dámari ga ngëga. Rü ñuxre ga togü rü ta nayaxögü.

18

Corftiüwa nayexma ga Pauru

- ¹ Rü yemawena rü inaxüächi ga Pauru ga Atenawa, rü iäne ga Corftiüwa naxü.
- ² Rü yéma namaã inayarüxü ga wüxi ga yatü ga Aquiru ga Pötuaneçüãx ga yexwacëx Dumawa ga Itáriaanewa ne üxü namëx ga Prisilamaãx. Rü yéma Corftiüwa nayexma yerü Dumacüãxgüarü äëxgacü ga Cádiu nanamu ga na inachoxüxcëx ga guxüma ga Yudiügü ga Dumawa. Rü Pauru rü naxütagu nanaxüäne.
- ³ Rü yexma nape rü naxchirunaxcëx ga düxenüärü üwa nügümaã napuracüe yerü woetama yema nixi ga norü puracü ga Pauru rü Aquiru rü Prisila.
- ⁴ Rü guxü ga ngüxchigaarü ngunexügu rü Yudiügüarü ngutaquëxepataüwa naxüüxü ga Pauru, rü duüxügümaã nidexaxü, rü nayaxucüxëgüxü. Rü yexgumarüü ta nayaxucüxëgüxü ga yema duüxügü ga tama Yudiügü ixigüxü.
- ⁵ Rü yixcamaxüra ínangugü ga Chira rü Timutéu ga Machedóniäwa ne íxü. Rü yexguma inanaxügü ga Pauru ga aixcüma poracüü nüxü na yaxuxü ga Tupanaärü ore. Rü meäma Yudiügüxü nangüxëë na Ngechuchu rü Tupana Nane ya Cristu na yíixü.
- ⁶ Natürü nümagü ga yema Yudiügü rü inanaxügü ga Paurumaã na nanuëxü, rü namaã naguxchigagüxü. Rü yexguma inapamüchiru ga Pauru, yerü yema nixi ga wüxi ga cuëxruü naxcëx ga yema duüxügü na yemawa nüxü yacuëxächitanüxcëx ga norü chixexü. Rü ñanagürü nüxü: –Pegagu tátama nixi i na ipeyarütauxexü, rü marü tama chaugagu tá nixi. Rü ñomaücüü i choma rü tá ngëma tama Yudiügü ixigüxütanüwa chaxü –ñanagürü ga Pauru.
- ⁷ Rü ínaxüxü ga guma ngutaquëxepataüwa. Rü yéma nayexma ga wüxi ga yatü ga Tíchiu ga Yuchugu äëgaxü. Rü nüma rü Tupanaxü nangechaü rü yexma ngutaquëxepataücwagu naxäpata. Rü yemaxütawa naxü ga Pauru, rü yexma nape.
- ⁸ Rü Cripu ga ngutaquëxepataüärü äëxgacü rü namëx rü guxüma ga naxäcügü rü Cori ya Ngechuchuaxü nayaxögü. Rü yexgumarüü ta rü muxüma ga Corftiüclüãxgü rü nayaxögü ga yexguma nüxü naxínüëgu ga yema ore, rü ñuxüchi Pauru ínanabaiüxëë.
- ⁹ Rü wüxi ga chütaxü rü nangoxetü ga Pauru. Rü Cori ya Tupana namaã nidexa, rü ñanagürü: –jRü táxü i cumuüxü! jRü nüxü i xuama i chorü ore! jRü táxü i curüchianexü!
- ¹⁰ –Erü choma rü chacuxütagu, rü taxüetáma chixexü cumaã taxü. Erü daa íänewa rü choxü nangëxma i muxüma i chorü duüxügü –ñanagürü ga Tupana.
- ¹¹ Rü wüxi ga taunecüarü ngäxü Corftiüwa nayexma ga Pauru. Rü yéma yema duüxügütanüwa namaã nangüxëëtae ga Tupanaärü ore.
- ¹² Natürü yexguma Acayaaneärü äëxgacü yixígu ga Gariöü, rü yema Yudiügü rü wüxigu Pauruxü niyaxugü, rü äëxgacüpëxewa nanagagü.
- ¹³ Rü ñanagürügü nüxü ga guma äëxgacü: –Ñäã yatü rü duüxügüxü naxucüxë na Tupanaxü yacuëxüügüxcëx rü tama naga na naxínüëxcëx i tachiüäneärü mugü –ñanagürügü.
- ¹⁴ Rü Pauru marü nachonagüchaü, natürü nüma ga äëxgacü ga Gariöü rü yema Yudiügüxü nangäxü, rü ñanagürü: –Rü ngëxguma chi wüxi i taxü i chixexü naxüxgu, rü éxna namáëtagu, rü ngëxguma chi nixi i choma i pexü ichaxínüxü, Pa Yudiügüxü.
- ¹⁵ –Natürü ngëma pecümachiga rü perü mugüchiga rü perü ngxüëtaechiga na yíixü, rü choma rü tama nüxü chacuáxchaü i ngëma. jRü pematama penamexëëx! Rü choma rü tama ngëmachigaarü äëxgacü chixíxchaü –ñanagürü.
- ¹⁶ Rü yexguma ínanawoxü ga yéma.
- ¹⁷ Rü yexguma guxüma ga yema duüxügü rü Yudiügüarü ngutaquëxepataüärü äëxgacü ga Chótenegu äëgaxüxü yexma niyaxugü. Rü yexmatama äëxgacü ga Gariöüpëxegu nanaçuaixgü. Natürü nüma ga Gariöü rü taxu ñanagürüama.
- Pauru rü Aütioquíacëx nataegu, rü ñuxüchi wenaxärü inaxüächi na norü tomaëxpüxcüna to ga nachiiänegüwa nangeaxü ga Tupanaärü ore*
- ¹⁸ Rü yemawena rü muxüma ga ngunexü yéma Corftiüwa nayexma ga Pauru. Rü yixcama nüxü narümoxë ga yema yaxögüxü rü nüxna inaxüächi. Rü iäne ga Chëcreawa naxü namaã ga Prisila rü Aquiru. Rü Chëcreawa nügü nidüpüxüeru ga Pauru yerü marü nayangüxëë ga wüxi ga uneta ga Tupanamaã nüxü yaxuxü. [Rü woetama yema nixi ga nacümagü ga Yudiügü ga yexguma yangüxëëgüãxgu ga wüxi ga uneta ga Tupanamaã nüxü yaxuxü.] Rü ñuxüchi Chëcreaarü türewa rü wüxi ga wapurugu nichoü na Chíríaanewa naxüxcëx.
- ¹⁹ Rü yexguma Epéchiüwa nangugügu, rü Pauru nüxna nixügachi ga Prisila rü Aquiru, rü Yudiügüarü ngutaquëxepataüwa naxü. Rü yéma namaã nidexa ga yema Yudiügü ga guma ngutaquëxepataüwa ngutaquëxëgüxüxü.
- ²⁰ Rü yema Yudiügü, rü muxüma ga ngunexügü nüxü nacëëxügü ga yexma na naxäüxcëx, natürü ga nüma rü tama nanaxwëxe.

²¹ Rū yemacèx nūxū narūmoxēāma, rū ñanagūrū nūxū: —Rū ngēxguma Tupana naxwèxegu, rū wena táxarū pexcèx chataegu —ñanagūrū. Rū yemawena rū Epéchiuarū tūrewa nararūxūe, rū inaxūāchi.

²² Rū Checharéaarū tūrewa nangu, rū yéma ínaxūe. Rū ñuxūchi Yerucharéūwa naxū na nūxū yanamoxēxūcèx ga guxūma ga yema yaxōgūxū. Rū ñuxūchi Aūtioquíawa naxū.

²³ Rū yexguma marū ñuxre ga ngunexū yéma Aūtioquíawa nayexmagu, rū wenaxārū inaxūāchi ga Pauru na wūxichigū ga íāne ga Gárataanewa rū Fríyiaanewa yexmagūnewa íyadauxūcèx rū yataāxēgūāxūcèx ga guxūma ga yema yaxōgūxū ga guma íānegūwa yexmagūxū.

Aporu rū Epéchiuwa nūxū nixu ga Tupanaārū ore

²⁴ Rū yexgumañcūū rū Epéchiuwa nangu ga wūxi ga Yudiū ga Aporugu āegaxū. Rū nūma rū íāne ga Aleyadríacūāx nixi, rū nūxū natauxcha ga duūxūgūpēxewa na yadexaxū. Rū meāma nūxū nacuèx ga Tupanaārū ore i ūmatūxū.

²⁵ Rū nūma meā nūxū nacuèx ga Cuáū ga baiūxēerūñārū nguxēētae ga Cori ga Ngechuchuchiga, rū nūxū nacuèx na ñuxācū Cuáū duūxūgūxū íbaiūxēēxū. Natūrū yexicaxūtama nacuèx ga Ngechuchuchiga. Natūrū poraācū nataāēācūma nidexa rū aixcūma nanangūxēē ga duūxūgū.

²⁶ Rū nūma ga Aporu rū tama namuñācūma inanaxūgū ga na yadexaxū ga Yudiūgūarū ngutaquēxepataūwa. Natūrū yexguma Aporuxū naxīnūēgu ga Prisila rū Aquiru, rū napatawa nanagagū ga yeraaācū namaā inanguxūxēēāxūcèx ga Ngechuchuchiga.

²⁷ Rū yexguma Acayaanewa naxūxchaūgu ga Aporu, rū yema yaxōgūxū ga Epéchiucūāx nūxū narūngūxēēgū. Rū popera yéma namugū naxcèx ga yema yaxōgūxū ga Acayacūāx na meā Aporuxū nayauxgūxūcèx. Rū yexguma Acayawa nanguxgu ga Aporu rū poraācū nūxū narūngūxēē ga yema duūxūgū ga Tupanaārū ngechaūgu Ngechuchuxū yaxōgūxū.

²⁸ Rū guxū ga duūxūgūpēxewa nūxū nūxū nacuèxēē ga poraācū na ínatūxū ga yema Yudiūgū ga tama Ngechuchuxū cuāxchaūgūxū. Rū nūmagū ga Yudiūgū rū taxucūrūwama ñuxū ñanagūrūgū, yerū ga Aporu rū Tupanaārū ore ga ūmatūxūwa meāma nūxū nanawēx ga na Ngechuchu rū aixcūma Tupana Nane ya Cristu na yīxū.

19

Epéchiuwa nayexma ga Pauru

¹ Rū yexguma Corītiūwa nayexmayane ga Aporu, rū Pauru rū naxpūxanegu idaxū ga namawa nixūpetū, rū Epéchiuwa nangu. Rū yexma nūxū nayangau ga ñuxre ga yaxōgūxū.

² Rū nūxna naca, rū ñanagūrū nūxū: —¿Marū penayaxuxū i Tupanaāē i Ūñexū ga yexguma peyaxōgūgu? —ñanagūrū. Rū nūmagū nanangāxū, rū ñanagūrūgū: —Tama. Taguma nūxū taxīnūēchiga na ñacū yīxū i Tupanaāē i Ūñexū —ñanagūrūgū.

³ Rū yexguma ga Pauru rū nūxna naca rū ñanagūrū nūxū: —¿Texēaxū peyaxōgūxū ga yexguma ípebaiūgu? —ñanagūrū. Rū nūmagū nanangāxū, rū ñanagūrūgū: —Toma nūxū tayaxō ga yema Cuáū ga baiūxēerūñārū nguxēētae —ñanagūrūgū.

⁴ Rū yexguma ga Pauru rū ñanagūrū nūxū: —Cuáū ínanabaiūxēē ga yema duūxūgū ga nūxū rūxoexū ga nacūma ga chixexū rū Tupanacèx daugūxū. Natūrū yema duūxūgūmaā nūxū nixu ta na nūxū yaxōgūāxūcèx ga Ngechuchu ga naweama ācū —ñanagūrū ga Pauru.

⁵ Rū yexguma yemaxū naxīnūēgu ga yema duūxūgū rū ínabaiū naegagu ga Cori ya Ngechuchu.

⁶ Rū yexguma Pauru rū yema yaxōgūxūētūgu naxūmēxgu, rū nūxna nangu ga Tupanaāē i Ūñexū, rū to ga nagawachigū nidexagū, rū nūxū nixugūe ga Tupanaārū ore.

⁷ Rū maneca 12 ga yatū nixīgū ga yema duūxūgū.

⁸ Rū tomaēxpūx ga yuemacū yéma nayexma ga Pauru. Rū Yudiūgūarū ngutaquēxepataūwa naxūxū rū tama namuñācūma nūxū nixuxū ga Tupanaārū ore. Rū nanangūxēē na ñuxācū āēxgacū na yīxū ya Tupana, rū nūxū nanangūchaūxēē na Ngechuchuxū yaxōgūāxūcèx.

⁹ Natūrū nayexma ga ñuxre ga duūxūgū ga tama nūxū cuēxgūchaūxū rū tama yaxōgūchaūxū. Rū nūmagū inanaxūgūe ga na yema muxūma ga duūxūgūpēxewa chixexū yaxugūexū nachigagu ga Cori ga Ngechuchu. Rū yemacèx nūxna nixūgachi ga Pauru, rū toxnamana nanagagū ga yema yaxōgūxū. Rū guxū ga ngunexūgu namaā nūxū nixuchiga ga ore nawa ga wūxi ga ngutaquēxepataū ga Tiranuarū ngūepataū ga naega.

¹⁰ Rū yemaācū nanaxū ga taxre ga taunecū, rū yemaācū guxūma ga Áchiacūāxgū ga Yudiūgū rū Griégūgū rū nūxū naxīnūē ga Cori ya Tupanaārū ore.

¹¹ Rū Tupana Pauruxū narūngūxēē ga na naxūāxū ga taxūgū ga mexūgū ga Tupanaārū poramaā naxūxū.

¹² Rū èjxřuxŭ ga norŭ dechugŭ ga Pauru rŭ naxchirugŭ rŭ duŭxŭgŭ rŭ duŭxŭgŭ rŭ idaaeweexŭtŭtawana nanangegŭ. Rŭ yexguma yema idaaeweexŭ nŭxŭ ingŭgŭgŭga ga yema naxchiru rŭ èxna dechu, rŭ naxcèx nitaanegŭ. Rŭ yema duŭxŭgŭ ga ngoxoãxgŭxŭ rŭ ta naxcèx nitaanegŭ.

¹³ Natŭrŭ nayexma ga ñuxre ga Yudiugŭ ga ñanegŭwachigŭ ixĭetanŭxŭ rŭ ngoxogŭarŭ woxŭtŭwa puracŭexŭ. Rŭ nŭxŭ naxŭgŭ na Cori ya Ngechuchuegagu na inawoxŭãxŭ ga ngoxogŭ nawa ga yema duŭxŭgŭ ga ngoxoãxgŭxŭ. Rŭ ñanagŭrŭgŭ: —Ngechuchu ya Pauru nŭxŭ ixuchigacŭégagu pexŭ tamu na ipechoxŭxŭcèx —ñanagŭrŭgŭ ga yema Yudiugŭ.

¹⁴ Rŭ yema 7 ga yema ŭgŭxŭ, rŭ wŭxi ga Yudiugŭarŭ paigŭarŭ àèxgacŭ ga Echebagu àegaxŭ nanegŭ nixŭgŭ.

¹⁵ Natŭrŭ wŭxi ga ngunexŭgu ga yexguma wŭxi ga ngoxoxŭ inatèxŭchigŭchaŭgu, rŭ yema ngoxo nanangãxŭ, rŭ ñanagŭrŭ: —Nŭxŭ chacuèx ya Ngechuchu, rŭ nŭxŭ chacuèx ya Pauru na texè yĭxŭ. ¿Natŭrŭ i pema rŭ texègŭ pixŭgŭ? —ñanagŭrŭ.

¹⁶ Rŭ yexguma ga yema yatŭ ga ngoxoãxŭ rŭ yema duŭxŭgŭ ga inatèxŭchigŭchaŭxŭna nayuxu, rŭ nŭxŭ narŭporamaè ga guxŭma, rŭ ñanagŭarŭxŭne. Rŭ yemaacŭ ngechiruxŭma rŭ napĭexŭma nibuxmŭ ga guma iwa.

¹⁷ Rŭ guxŭma ga Yudiugŭ rŭ Griégugŭ ga Epéchiuwa yexmagŭxŭ rŭ nŭxŭ nacuáchiga ga yema. Rŭ poraácŭ namuèè ga guxŭma. Rŭ yemaacŭ yexeraacŭ natachiga ga Cori ga Ngechuchu ga yema.

¹⁸ Rŭ muxŭma ga yema yaxŭgŭxŭ rŭ yema ningugŭetanŭ, rŭ guxŭ ga duŭxŭgŭpèxewa nŭxŭ nixugŭechigŭ ga nŭma rŭ ta na nayuèchirèxŭ, natŭrŭ tá nŭxŭ na naxoexŭ ga yema.

¹⁹ Rŭ muxŭma ga yema iyuèchirèxŭ, rŭ yema nanana ga norŭ poperagŭ ga yuŭpane ga nawa nangŭexŭ, rŭ guxŭpèxewa inanagu. Rŭ yexguma nangugŭgŭagu ga natanŭ ga yema poperagŭ, rŭ maneca 50,000 tachinŭ ga dĭeru ga tatanŭxŭtŭwa nangu.

²⁰ Rŭ yemaacŭ ga Cori ya Tupanaarŭ ore, rŭ yexeraacŭ nixŭchigŭ, rŭ yexeraacŭ duŭxŭgŭ nŭxŭ nadau na ñuxácŭ naporaxŭ ga yema ore.

²¹ Rŭ yemawena ga Pauru, rŭ nagu narŭxŭnŭ ga Machedóniãanewa rŭ Acayaanewaxŭra na naxŭxŭ, rŭ yema ñuxŭchi Yerucharèŭwa na naxŭxŭ. Yerŭ yema ñanagŭrŭ: —Rŭ ngema Yerucharèŭwa tá chaxŭ, rŭ yixcama rŭ Dumawa rŭ tá ta chaxŭ —ñanagŭrŭ.

²² Rŭ yemacèx nŭgŭpèxegu Machedóniãanewa nanamugŭ ga taxre ga norŭ ngŭxèèruŭ ga Timutèu rŭ Eratu. Natŭrŭ nŭma ga Pauru rŭ ñuxre ga ngunexŭ Áchiagu narŭxŭãxŭ.

Nanuè ga duŭxŭgŭ ga Epéchiuwa

²³ Rŭ yexgumaacŭ rŭ Epéchiuwa rŭ nanaxŭxŭchitanŭãè ga duŭxŭgŭ, rŭ poraácŭ nanuè nachigagu ga Cori ya Tupanaarŭ ore.

²⁴ Rŭ yemaacŭ naxŭpetŭ nagagu ga wŭxi ga yatŭ ga dĭerumŭwa puracŭxŭ ga Demétriugu àegaxŭ. Rŭ nŭma rŭ ñanaxŭxŭ ga norŭ tupana ga Atemíchaarŭ tupaucachicŭnèxŭgŭ ga dĭerumŭnaxcèx. Rŭ nayexma ga muxŭma ga norŭ puracŭtanŭxŭ ga yemawa puracŭexŭ. Rŭ guxŭma poraácŭ meã nŭxŭ naxŭtanŭ ga yema puracŭ.

²⁵ Rŭ nŭma ga Demétriu rŭ nanangutaquèxèxèè ga guxŭma ga puracŭtanŭxŭ ga yemawa puracŭexŭ, rŭ ñanagŭrŭ nŭxŭ: —Pa Chomŭcŭgŭx, meã nŭxŭ pecuèxgŭ na ñaã tŭrŭ dĭerumŭarŭ puracŭga na ngŭxŭ iyaxuxŭ i tŭrŭ dĭeru.

²⁶ Rŭ marŭ nŭxŭ pedaugŭ i ngèma Pauru rŭ nŭxŭ pexŭnè na ñuxácŭ yaxucŭxègŭãxŭ i duŭxŭgŭ, rŭ ñuxácŭ namaã nŭxŭ yaxuxŭ na tama aixcŭma tupanagŭ yĭxŭ i ngèma tupanagŭ i yixema ixŭgŭxŭ. Rŭ ngèmaacŭ muxŭma i duŭxŭgŭxŭ nŭxŭ narŭxoexèè na tama tŭrŭ tupanagŭãxŭ yaxŭgŭãxŭcèx. Rŭ tama nŭma Epéchiuwaxicatama ngèxŭ nawagŭ natŭrŭ wixgŭxŭchi taèx guxŭ i Áchiaanewa ngèmaacŭ chixri nayaxucŭxègŭ i duŭxŭgŭ.

²⁷ Rŭ pema nŭxŭ pecuèx rŭ tŭrŭ puracŭcèx rŭ naxŭcŭma i ngèma. Rŭ wŭxi i chixexŭ ta nixŭ i naxcèx i tŭrŭ tupana i Atemíchaarŭ tupauca ya taxŭne. Rŭ ñuxma rŭ muxŭma i duŭxŭgŭ rŭ ngŭxŭ nangechaŭ i Atemícha i guxŭ i Áchiaanewa rŭ guxŭ i nañewa. Natŭrŭ ngèma Pauruarŭ ucŭxègagu rŭ dŭxwa taxuxŭtŭama ngŭxŭ nangechaŭ i duŭxŭgŭ, rŭ ngèmaacŭ dŭxwa inaãrŭxo tá ta i tŭrŭ puracŭ —ñanagŭrŭ ga Demétriu.

²⁸ Rŭ yexguma yemaxŭ naxŭnègu, rŭ poraácŭ nanuè, rŭ tagaãcŭ ñanagŭrŭgŭ: —iNamaxŭ i Epéchiucŭãxgŭarŭ tupana i Atemícha! —ñanagŭrŭgŭ.

²⁹ Rŭ guxŭma ga yema ñanecŭãxgŭ rŭ poraácŭ yexma inatŭeãè. Rŭ ñanayauxŭ ga Gayu rŭ Aritarcu ga Machedóniãanecŭãxgŭ ga Paurumŭcŭgŭ, rŭ guma i ga ñanèarŭ ngutaquèxepataŭwa nanagauxŭtanŭ.

³⁰ Rŭ Pauru rŭ ta yexma naxŭcuchaŭ na yema duŭxŭgŭmaã yadexaxŭcèx, natŭrŭ yema yaxŭgŭxŭ nŭxna nanachŭxu ga yexma na naxŭcuxŭ.

³¹ Rŭ yema Áchiaanèarŭ àèxgacŭgŭtanŭwa rŭ nayexma ga ñuxre ga Paurumŭcŭgŭ ixŭgŭxŭ. Rŭ nŭmagŭ rŭ ta Pauruxŭtŭtawana namugagŭ na tama yema ngutaquèxechicagu naxŭcuxŭcèx.

³² Rū yoxni ga duñxŭgŭ ga yema ínangutaquëxegŭđwa, rū nŭmaxŭ rū wŭxi ga oremaã aita naxŭe, rū togŭ ga to ga oremaã aita naxŭe. Yerŭ poraãcŭ nanaxŭxãchŭiãgŭ ga guxŭma ga yema duñxŭgŭ ga yema ngutaquëxegŭxŭ. Rŭ muxŭma rū tama nŭxŭ nacuëxgŭ ga řacŭcëx na nangutaquëxegŭxŭ.

³³ Natŭrŭ yéma nayexma ga wŭxi ga Yudiŭ ga Areyãđdrugu ãegaxŭ. Rŭ yema togŭ ga Yudiŭgŭ rū namaã nŭxŭ nixu ga řacŭcëx na nangutaquëxexŭ. Rŭ duñxŭgŭpëxewa nanamugŭ na yadexaxŭcëx rū naetŭwa nachogŭxŭcëx ga yema Yudiŭgŭ ga yéma yexmagŭxŭ. Rŭ nŭma ga Areyãđdru rū naxunagŭmëxë na iyanachianegŭxŭcëx ga duñxŭgŭ, na namaã yadexaxŭcëx.

³⁴ Natŭrŭ yexguma nŭxŭ yacuëxãchitanŭgu ga Aré rū Yudiŭ na yŭxŭ, rū guxŭma ga yema duñxŭgŭ rū wŭxigu tagaãcŭ aita naxŭe. Rŭ taxre ga ora ninge ga na tagaãcŭ řagŭxŭ: — ¡Namaxŭ i Epëchiucŭđãxgŭarŭ tupana i Atemíchal! —ñagŭxŭ.

³⁵ Rŭ dŭxwa yema íãneãrŭ ãëxgacŭ nanachiãchixëë ga yema muxŭma ga duñxŭgŭ, rū ñanagŭrŭ nŭxŭ: —Pa Epëchiucŭđãxgŭ, guxŭma i duñxŭgŭ nŭxŭ nacuëx na Atemícharŭ tupauca ya taxŭneãrŭ dauruŭ na ixŭgŭxŭ. Rŭ guxŭma nŭxŭ nacuëx na nŭma tŭxŭ nangëxmaxŭ i Atemíchachicŭnëxã i daxŭwa rŭngxŭxŭ.

³⁶ —Rŭ ñŭxma na guxŭma nŭxŭ na cuãŭ na aixcŭma yŭxŭ i ngëma, rū name nixŭ na pechiãchixŭ, rū taxuŭma i chixexŭ pëxëxŭ.

³⁷ —Erŭ ñãã yatŭgŭ i nuã pegagŭxŭ, rū taxuŭma i chixexŭ ngŭmaã naxŭgŭ i tórŭ tupana, rū tama chixexŭ nixugŭe ngŭchigagu.

³⁸ —Rŭ ngëxguma chi Demëtriu rū ngëma namŭcŭgŭ i namaã napuracŭëxŭ rū nŭxŭ nangëxmagu i řacŭ i tama norŭ me ixŭxŭ, rū nangëxma i ngutaquëxechicagu i ngextã ãëxgacŭgŭ duñxŭgŭxŭ řicagŭxŭwa. Rŭ name nixŭ na ngema ãëxgacŭgŭpëxewa namexëëãxŭ i řacŭ i tama norŭ me ixŭxŭ.

³⁹ —Rŭ ngëxguma nangëxmagu i řacŭ i to i perŭ guxchaxŭgŭ, rū name nixŭ i íãneãrŭ ãëxgacŭgŭarŭ ngutaquëxewa penamexëë i ngëma.

⁴⁰ —Erŭ ñŭxma rū taxãcŭmaxŭgugŭ rū ngŭrŭãchi ãëxgacŭ ya tacŭ ya Dumawa ngëxmacŭ rū tŭxna tá naxcëx naca i ngëma ñŭxma ngupetŭxŭ. Erŭ aixcŭma taxumaãma tanangãxŭlega i ãëxgacŭ, ega tŭxna nacaxgu naxcëx i ñãã ngutaquëxe i nawa pexãŭgatanŭxŭ —ñanagŭrŭ.

⁴¹ Rŭ yexguma marŭ yema ñaxguwena, rū ínayamugŭ ga yema duñxŭgŭ.

20

Machedóniãñewa rū Griëgugŭchŭiãñewa naxŭ ga Pauru

¹ Rŭ yexguma marŭ nangupetŭgu ga yema na íyacuxcuxŭ ga duñxŭgŭ, rū Pauru naxcëx nangema ga yema yaxŭgŭxŭ na yaxucuxëgŭãxŭcëx. Rŭ yexguma marŭ namaã nŭxŭ nachaugu, rū nŭxŭ narŭmoxë, rū inaxŭãchi ga Machedóniãñewa na naxŭxŭ.

² Rŭ yexguma yema naãñewa yaxŭpetŭgu, rū taãëxŭ ga oremaã nayaxucuxëgŭ ga yema yaxŭgŭxŭ ga wŭxichigŭ ga íãñewa yexmagŭxŭ. Rŭ yemaãcŭ Griëgugŭchŭiãñewa nangu.

³ Rŭ yéma nayexma ga tomaëxpŭx ga tauemacŭ. Rŭ yexguma marŭ inaxŭãchicãŭgu ga Chírïañewa na naxŭxŭ, rū tama wapurugu nixŭ yerŭ nŭxŭ nacuãchiga ga na ñuxre ga Yudiŭgŭ yamëxgŭchaŭxŭ. Rŭ yemacëx nagu narŭxŭnŭ ga dauxchitagu na nataegxŭ, rū wenaãrŭ Machedóniãñewa na naxŭpetŭxŭ.

⁴ Rŭ ínayaxŭmŭcŭgŭ ga Chópate ga Berëacŭđãx ga Píru nane, rū Aritárcu rū Segŭdu ga Techarónicacŭđãxgŭ, rū Gayu ga Derbecŭđãx, rū Timutëu, rū Tíquicu, rū Turuquínu ga Áchianecŭđãxgŭ.

⁵ Rŭ yema yatŭgŭ rū nŭxŭra topëxegu naxãgŭ, rū Tróawa toxŭ nayarŭnguxëëgŭ.

⁶ Rŭ nawena ga yema Yudiŭgŭarŭ peta ga ŭpetŭchiga ga pãŭ ga ngearŭ puxëëruđãxŭ nagu nangŭxgŭxŭ, rū wapurugu Piripuwa itaxŭãchi. Rŭ wŭximëëxpŭx ga ngunexŭ ngupetŭgu, rū Tróagu nŭxŭ tayangaugŭ ga yema topëxegu ãgŭxŭ. Rŭ yexma tarŭcho ga 7 ga ngunexŭ.

Tróagu nanaxŭãne ga Pauru

⁷ Rŭ yema yŭxŭarŭ ngunexŭgu rū tangutaquëxegŭ namaã ga yema yaxŭgŭxŭ na tanangŭxŭcëx ga pãŭ ga bŭcuxŭ yema Ngechuchu toxŭ ngŭexëëxŭrŭ. Rŭ yema yaxŭgŭxŭmaã nïdexa ga Pauru. Rŭ nanamëxëë ga norŭ dexa ñŭxmata ngãxŭcŭwa nangu, yerŭ moxŭãcŭ inaxŭãchicãŭ.

⁸⁻⁹ Rŭ daxŭwa ga guma Ípataarŭ tomaëxpŭxchŭiŭwa yexmaxŭ ga ucapuwa tangutaquëxegŭ. Rŭ namu ga omŭ ga yéma naŭgŭxŭ. Rŭ nayexma ga wŭxi ga ngextŭxŭcŭ ga Eutícugu ãegacŭ. Rŭ yéma wŭxi ga yema ucaputapŭxarŭ íãxwa narŭto. Natŭrŭ ga Pauruarŭ dexa, rū poraãcŭ namëx. Rŭ yemacëx ga guma ngextŭxŭcŭ rū poraãcŭ nayaxta, rū dŭxwa nipeãchi rū yema íãxwa narŭngu, rū ñaxtŭãnegu nangu. Rŭ yéma yucŭma nanayauxgŭ.

¹⁰ Rŭ ínarŭxŭ ga Pauru, rū nayanawŭxŭchi ga guma ngextŭxŭcŭ, rū duñxŭgŭxŭ ñanagŭrŭ: —¡řãxŭ i peñaxŭchixŭ, erŭ namaxŭ nixŭ! —ñanagŭrŭ.

¹¹ Rū yexguma wenaxārū daxū naxī, rū inanabūcu ga yema pāu, rū nanangōx. Rū wenaxārū nidexa űuxmata yangine, rū yexguma inaxūāchi.

¹² Rū guma ngextūxūcū rū maxūcū napatawa nanagagū. Rū yemacēx poraācū nataāēgū ga guxūma ga nūmagū.

Tróawa inaxūāchi ga Pauru rū Miretuwa naxū

¹³ Rū yexguma ga Pauru rū űanagūrū: —Dauxchitagu tá chixū űuxmatáta iāne ya Achuwa changu na ngema pexū chixūexūcēx —űanagūrū. Rū yemacēx ga toma rū wapurugu tichōū rū yoxni napēxegu taxī űuxmata Achuwa tangugū.

¹⁴ Rū yexguma Achugu Paurumaā togū tayangauxgu, rū yéma toxū nixūe. Rū tachopetū ga yéma űuxmata Miterēnewa tangugū.

¹⁵ Rū yéma itaxīāchi rū moxūācū Quiuarū toxmēxtawa tachopetū. Rū yemaārū moxūācū Chamowa tangugū. Rū yemaārū moxūācūama Miretuwa tangugū.

¹⁶ Rū yemaācū itixī yerū ga Pauru rū tama Áchiaanegu nanuxcūchaū. Yerū nanaxwēxe ga paxa Yerucharēūwa na nanguxū naxcēx ga Pētecóstearū ngunexū. Rū yemacēx nagu narūxīnū na tama Epēchiugu íyadauxū.

Yaxōgūxūārū āēxgacūgū ga Epēchiucūāxmaā nidexa ga Pauru

¹⁷ Natūrū yexguma Miretuwa tangugūgu rū Epēchiuwa naxcēx namuga ga Pauru na naxūtawa naxīxūcēx ga yema yaxōgūxūārū āēxgacūgū ga Epēchiucūāx.

¹⁸ Rū yexguma Pauruxūtawa nangugūgu, rū űanagūrū nūxū: —Pema meā nūxū pecuēxgū ga űuxācū pepēxewa na chamaxūxū ga guxūgu ga yexguma noxritama nuā Áchiaanewa chaxūxgu.

¹⁹ Rū guxūguma ga yexguma petanūwa chayexmagu, rū meāma chanaxū ga Cori ya Tupanaārū puracū, taguma chaugū chicuēxūūācūma. Rū woo muēxpūxcūna poraācū changechaūgu, nagagu ga yema chixexū ga chomaā naxūgūchaūxū ga Yūdīugū, natūrū naētūwa chanaxūama ga yema puracū.

²⁰ Rū taguma íchayachaxāchi ga pemaā nūxū na chixuxū ga guxūma ga yema ore ga perū mexūcēx ixīxū. Rū guxū ga duūxūgūpēxewa, rū pepatagūwa rū ta pexū changūexēē ga yema ore.

²¹ Rū Yūdīugūmaā rū yema tama Yūdīugū ixīgūxūmaā nūxū chixu na namexū ga na nūxū naxoexūcēx ga norū chixexūgū rū Tupanaga naxīnūexūcēx, rū nūxū na yaxōgūāxūcēx ga tōrū Cori ya Ngechuchu.

²² Rū űuxma rū Yerucharēūwa chaxū erū Tupanaāē i Ūūnexū rū ngēma choxū namu. Natūrū tama nūxū chacuēx na űacū tá choxū ūpetūxū i ngēma.

²³ Rū ngēma nūxū chacuāxū nixī i duūxūgū tá choxū napoxcu rū guxchaxūgū tá choxū naxūpetū i Yerucharēūwa. Rū ngēxīcatama nixī i chomaā nūxū yaxuxū i Tupanaāē i Ūūnexū i guxūne ya iāne i ngextā íchixūgūxūwa.

²⁴ Natūrū tama ngēma āūcūmaxūgu charūxīnū erū nūētama nixī ega woo chayuxgu. Natūrū ngēma chanaxwēxexū nixī na taāēācūma chapuracūamaxū na meā chayan-guxēēxūcēx i ngēma puracū ga tōrū Cori ya Ngechuchu choxna āxū rū nūxū chixuxūcēx i norū ore i mexū na űuxācū Tupana tūxū ngechaūxū.

²⁵ Rū űuxma rū marū nūxū chacuēx rū tagutāma wena choxū pedaugū i pema ga marū pemaā nūxū chixuxe na űuxācū āēxgacū na yīxū ya Tupana.

²⁶ Rū ngēmacēx i űoma i ngunexūgu rū pemaā nūxū chixu rū marū tama chaugagu nixī ega texē petanūwa iyarūtauxgu.

²⁷ Erū marū meāma pemaā nūxū chixu i guxūma i ngēma Tupana pexū naxwēxexū, rū taxūma ichicux.

²⁸ Rū ngēmacēx i űuxma rū penaxwēxe na pexūāēgūxū rū meā nūxna pedaugūxū i guxūma i yaxōgūxū i petanūwa ngēxmagūxū. Erū ngēma nixī i Tupanaāxē i Ūūnexū nagu pexū mugūxū na nūxna pedaugūxūcēx i ngēma Tupanaārū duūxūgū i yaxōgūxū i Ngechuchu nagūmaātama naxcēx taxexū.

²⁹ Choma nūxū chacuēx rū ngēxguma íchixūxgu, rū chowena tá pexcēx nuā naxī i togū i duūxūgū. Rū tá nanaxixexēchaū i ngēma yaxōgūxū űoma airugū i idūraexū i carnerugūxū ngīāchixēēxūrū.

³⁰ Rū woo petanūwatātama nangēxmagū i nūmaxū i tá doramaremaā nangūexēēxū i ngēma yaxōgūxū na nūgūwe naxīxēēāxūcēx.

³¹ Pegūna pedaugū, rū nūxna pecuēxāchie na űuxācū tomaēxpūx ga taunecūgu rū ngunecū rū chūtacū rū taguma íchayachaxāchixū ga pexcēx chaxauxācūma na pexū chixucūxēgūxū ga wūxichigū!

³² Rū űuxmax, Pa Chaueneēgūx, rū Tupanana pexū chamugū. Rū chanaxwēxe i naga pexīnūē i norū ore i tūxū nūxū cuēxēēxū na űuxācū poraācū tūxū nangechaūxū. Erū ngēma

norū ore tá pexŭ naporaexēē na tórū Coricēx pemaxēxŭcēx rŭ pexŭ nangēxmaxŭcēx i pechica namaā i guxŭma i duŭxŭgŭ i Tupana dexŭ.

³³ Choma rŭ taxuguma chaugŭcēx chanaxwēxe ga texéarŭ dīēru rŭ texéchiru.

³⁴ Rŭ pematama rŭ meā nŭxŭ pecuēx ga űuxácŭ daa choxmēxmaā na chapuracŭxŭ naxcēx ga yema choxŭ rŭ chomŭcŭgŭaxŭ taxuxŭ.

³⁵ Rŭ guxŭguma meā pexŭ changŭxēē na ngēmaācŭ pepuracŭxŭ na nŭxŭ perŭngŭxēēxŭcēx i ngēma duŭxŭgŭ i nŭxŭ nataxuxŭ. Rŭ name nixŭ na nŭxna pecuēxāchixŭ i Cori ya Ngechucharŭ ore ga nŭmatama űaxŭ:

“Rŭ narŭmemaē nixŭ i pema na toguena penaxāxŭ rŭ tama i tŭma pexna tanaxāxŭ”, űaxŭ.

³⁶ Rŭ yexguma yema űaxguwena ga Pauru, rŭ inacaxāpŭxŭ namaā ga guxŭma, rŭ nayumŭxē.

³⁷ Rŭ guxŭma poraācŭ naxauxe, rŭ Pauruna nanēŭxāchigŭ, rŭ nŭxŭ nachŭxgŭ.

³⁸ Yerŭ poraācŭ nangechaŭē naxcēx ga yema ore ga namaā nŭxŭ yaxuxŭ ga:

“Marŭ tagutāma wena choxŭ pedaugŭ” űaxŭ. Rŭ nŭmagŭ inayaxŭmŭcŭgŭ űuxmata wapuruwa nangu.

21

Yerucharēŭwa naxŭ ga Pauru

¹ Rŭ yexguma nŭxna itaxŭāchi ga yema yaxŭgŭxŭ, rŭ wapurugu tichoŭ. Rŭ capaxŭ ga Coscēx noxtacŭma tixāŭ. Rŭ moxŭācŭ rŭ Rodawa taxŭ. Rŭ yēma itaxŭāchi, rŭ Pátarawa tangugŭ.

² Rŭ yexma nŭxŭ tayangau ga wŭxi ga wapuru ga Peníchiawa ŭxŭne. Rŭ nagu tichoŭ, rŭ itaxŭāchi.

³ Rŭ yixcamaxŭra nŭxŭ tadaugŭ ga Chipre. Rŭ torŭ toxwecŭwawaama naxŭ, rŭ nŭxŭ tachopetŭ. Rŭ itixaxwetaxŭ űuxmata Chíríaanewa tangugŭ. Rŭ Tiruwa ítachoŭ, yerŭ yēma nixŭ ga inanuŭācuxŭ ga guma wapuru.

⁴ Rŭ yexma nŭxŭ tayangau ga yēmacŭāx ga yaxŭgŭxŭ, rŭ 7 ga ngunexŭ yēma natanŭwa tayexmagŭ. Rŭ Tupanaē i Ūŭnexŭ nayadexagŭxēē ga yema yaxŭgŭxŭ, rŭ Pauruxŭ űanagŭrŭgŭ: —jTāxŭ i Yerucharēŭwa cuxŭxŭ! —űanagŭrŭgŭ.

⁵ Natŭrŭ yexguma nangupetŭgu ga yema 7 ga ngunexŭgŭ, rŭ itaxŭāchi. Rŭ yema yaxŭgŭxŭ rŭ towe narŭxŭ. Rŭ naxmēxmaāchigŭ rŭ naxācŭgŭmaāchigŭ toxŭ inixŭmŭcŭgŭ ga guxŭma űuxmata guma űānechipenŭwa tangugŭ. Rŭ yexma naxnŭcŭgu tacaxgŭāpŭxŭ, rŭ tayumŭxēgŭ.

⁶ Rŭ yexguma ga toma rŭ nŭxŭ tarŭmoxēgŭ, rŭ tichoŭ ga wapuruwa. Rŭ nŭmagŭ rŭ napatacēx nawoegu.

⁷ Rŭ toma rŭ Tiruwa itaxŭāchi rŭ Turemáidawa tangugŭ. Rŭ yēma ítachoŭ, yerŭ yexma nayacuēx ga wapuru na taxŭxŭ. Rŭ nŭxŭ tarŭmoxēgŭ ga yema yaxŭgŭxŭ ga yēma yexmagŭxŭ, rŭ wŭxi ga ngunexŭ natanŭgu tarŭcho.

⁸ Rŭ moxŭācŭ itaxŭāchi ga yēma, rŭ Checharéawa tangugŭ. Rŭ Piripi ga Tupanaārŭ orearŭ uruŭpatawa taxŭ. Rŭ nŭma rŭ yema 7 ga ngŭxēerŭgŭ ga tupaucana daugŭxŭtanŭxŭ nixŭ. Rŭ yexma naxŭtagu tapegŭ.

⁹ Rŭ nŭma nŭxŭ iyexma ga āgŭmŭcŭ ga naxācŭgŭ ga taguma ixātecŭ ga Tupanaārŭ orexŭ ixugŭecŭ.

¹⁰ Rŭ yexguma marŭ űuxre ga ngunexŭ yēma tayexmagŭgu, rŭ Yudeaanewa ne naxŭ ga wŭxi ga Tupanaārŭ orearŭ uruŭ ga Agabugu āegaxŭ.

¹¹ Rŭ yexguma toxŭtawa nanguxgu ga Agabu, rŭ nanayaxu ga Pauruarŭ goyexŭ. Rŭ namaā nŭgŭ ninēxgŭcutŭ, rŭ nŭgŭ nináŭmēx, rŭ űanagŭrŭ: —Tupanaē i Ūŭnexŭ marŭ chomaā nidexa rŭ űanagŭrŭ:

“Rŭ űaācŭ tá nayanēxgŭ i Yudiŭgŭ i Yerucharēŭwa i űaā goyexŭārŭ yora. Rŭ ngēma duŭxŭgŭ i tama Yudiŭgŭ ixŭgŭxŭna tá nanamugŭ”, űanagŭrŭ.

¹² Rŭ yexguma yema orexŭ taxŭnŭēgu, rŭ toma rŭ yema Checharéacŭāxgŭmaā Pauruxŭ tacēxŭgŭ ga tama Yerucharēŭwa na naxŭxŭcēx.

¹³ Natŭrŭ nŭma ga Pauru rŭ toxŭ nangāxŭ rŭ űanagŭrŭ: —zTŭxcŭŭ pexauxe rŭ choxŭ pengechaŭxēē? Choma rŭ íchamemare na chináŭxŭ. Rŭ ngēxgumarŭŭ ta rŭ marŭ íchame na Yerucharéŭgu chayuxŭ naxcēx ya Cori ya Ngechuchu —űanagŭrŭ.

¹⁴ Rŭ yexguma marŭ taxuacŭma tanachŭxugu, rŭ tachianemare, rŭ űatarŭgŭ: —jĒcŭ yangu i Cori ya Tupanaārŭ ngŭchaŭ! —űatarŭgŭgŭ.

¹⁵ Rŭ yemawena rŭ togŭ tamexēēgŭ, rŭ Yerucharēŭwa taxŭ.

¹⁶ Rŭ towe narŭxŭ ga űuxre ga yaxŭgŭxŭ ga Checharéacŭāxgŭ, rŭ Machŭŭpatawa toxŭ nagagŭ. Rŭ nŭma nixŭ ga wŭxi ga Chŭpēcŭāx ga űpamama woetama yaxŭxŭ. Rŭ naxŭtagu tapegŭxŭ.

Chaŭtiáguxŭtagu nanaxŭāne ga Pauru

¹⁷ Rŭ yexguma Yerucharéŭwa tangugŭgu, rŭ yema yaxŭgŭxŭ rŭ taāēācŭma toxŭ nayauxgŭ.

¹⁸ Rŭ moxŭācŭ ga Pauru rŭ tomaā Chaŭtiáguxŭtagu nanaxŭāne. Rŭ yéma nangutaquēxegŭ ga guxŭma ga yaxŭgŭxŭārŭ āēxgacŭgŭ.

¹⁹ Rŭ nŭxŭ narŭmoxē ga Pauru, rŭ űuxŭchŭ meāma namaā nŭxŭ nixu ga guxŭma ga yema Tupana ŭxŭ ga yexguma yema tama Yudiŭgŭ ixŭgŭxŭmaā nŭxŭ yaxuxgu ga Tupanaārŭ ore.

²⁰ Rŭ yexguma Pauruarŭ orexŭ naxŭnŭēgu ga nŭmagŭ, rŭ Tupanaxŭ nicuēxŭŭgŭ. Rŭ űanagŭrŭgŭ Pauruxŭ: —Dŭcēx, Pa Toeneēx, cuma nŭxŭ cucuēx rŭ nangēxma i muxŭchixŭ i Yudiŭgŭ i yaxŭgŭxŭ. Rŭ guxŭma i nŭmagŭ rŭ nanaxwēxegŭ na nagu naxŭxŭ i ngēma mugŭ ga Moiché ūmatŭxŭ.

²¹ Natŭrŭ ga togŭ ga tama yaxŭgŭxŭ rŭ marŭ namaā nŭxŭ nixugŭgŭ na cuma rŭ cunangŭxēēxŭ i guxŭma i Yudiŭgŭ i togŭ i nachŭānēwa ngēmagŭxŭ, na tama naga naxŭnŭēxŭcēx i ngēma mugŭ ga Moiché ūmatŭxŭ. Rŭ marŭ namaā nŭxŭ nixugŭgŭ na cunangŭxēēxŭ na tama tŭxŭ inawŭchēxmŭpēxchiraŭxŭcēx ya nanegŭ, rŭ na tama naga naxŭnŭēxŭcēx i tacŭmagŭ ga Moiché tŭxŭ muxŭ.

²² ¿Tacŭ tá ixŭxŭ i űuxmax? Erŭ ngēma Yudiŭgŭ i yaxŭgŭxŭ rŭ aixcŭma tá nŭxŭ nacuēxgŭ na marŭ nuā cunguxŭ.

²³ űRŭ ngēmacēx name nixŭ i cunaxŭxŭ i ngēma tá cumaā nŭxŭ tixuxŭ! Nuā totanŭwa nangēxma i āgŭmŭcŭ i yatŭgŭ i yanguxēēchaŭxŭ i wŭxi i uneta i Tupanamaā nŭxŭ yaxuxŭ.

²⁴ űNgema tupauca ya taxŭnēwa nagagŭ, rŭ wŭxigu namaā yanguxēē i ngēma tacŭma ga Moiché tŭxna āxŭ, rŭ Tupanapēxewa pegŭ peyamexēēgŭ! űRŭ nŭxŭ naxŭtanŭ i űuxregu nŭxŭ naxŭtanŭ na yadŭpŭxŭerugŭxŭcēx i ngēma yatŭgŭ na ngēmaācŭ yanguxēēgŭāxŭcēx i norŭ unetagŭ! Rŭ ngēmawa rŭ guxŭma i ngēma Yudiŭgŭ rŭ tá nŭxŭ nacuēxgŭ na aixcŭma cuma rŭ ta naga cuxŭnŭxŭxŭ i ngēma mugŭ ga Moiché ūmatŭxŭ rŭ tama aixcŭma na yŭxŭ ga yema ore ga cuchiga ga nŭxŭ yaxugŭxŭ.

²⁵ Rŭ űuxŭchŭ ngēma yaxŭgŭxŭ i tama Yudiŭgŭ ixŭgŭxŭ, rŭ marŭ naxcēx tanaxŭmatŭ ga torŭ ore na tama nangŭxgŭāxŭcēx i tacŭ i namachi i marŭ togŭ norŭ tupanane-tachicŭnēāgŭxŭ namaā icuēxŭŭgŭxŭ, rŭ tama na nangŭxgŭāxŭcēx ya nagŭ, rŭ tama nangŭxgŭāxŭcēx i naēxŭgŭ rŭ ēxna naxŭnagŭ i wēxnaāxŭ, rŭ tama nai i ngēmaā rŭ ēxna nai ya yatŭmaā inapexŭcēx —űanagŭrŭgŭ.

Tupauca ga taxŭnegu Pauruxŭ niyauxgŭ

²⁶ Rŭ yexguma ga Pauru rŭ yéma tupauca ga taxŭnēwa nanagagŭ ga yema āgŭmŭcŭ ga yatŭgŭ. Rŭ moxŭācŭ rŭ Tupanapēxewa nŭgŭ namexēē ga Pauru wŭxigu namaā ga yema yatŭgŭ. Rŭ űuxŭchŭ guma tupauca ga taxŭnegu namaā naxŭcu na paimaā nŭxŭ yaxuxŭcēx na 7 ga ngunexŭgu tá yŭxŭ na yanguxēēgŭāxŭ ga yema norŭ uneta ga Tupanamaā nŭxŭ yaxugŭxŭ, rŭ yemawena rŭ tá na inaxāmaregŭāxŭ ga norŭ āmaregŭ ga Tupanaxŭ namaā yacuēxŭgŭxŭ ga wŭxichigŭ.

²⁷ Rŭ yexguma marŭ nagŭxchaŭgu ga yema 7 ga ngunexŭ, rŭ űuxre ga Yudiŭgŭ ga Áchiaanecŭāxgŭ rŭ Pauruxŭ nadaugŭ ga tupauca ga taxŭnēwa. Rŭ yema Yudiŭgŭ rŭ duŭxŭgŭxŭ nanuēxēē na Pauruxŭ yayauxgŭxŭcēx. Rŭ yemacēx Pauruna nayuxgŭ.

²⁸ Rŭ tagaācŭ aita naxŭe űaxŭmaā: —Pa Tomŭcŭgŭ Pa Yudiŭgŭx, űPaxa toxŭ perŭngŭxēēx! űāā nixŭ i ngēma yatŭ i guxŭwama yangŭxēēchigŭxŭ i duŭxŭgŭ na taxchi naxaŭxŭcēx i yixema i Yudiŭgŭ, rŭ naxchi na naxaŭxŭcēx i ngēma mugŭ ga Moiché ūmatŭxŭ rŭ daa tupauca ya taxŭne. Rŭ naētŭwa i űuxmax rŭ nuxa daa tupauca ya taxŭnegu nanamucu i űuxre i duŭxŭgŭ i tama tacŭmagu ixŭ, rŭ ngēmaācŭ nanaxŭxaxēē i űāā nachica i ūnēxŭ —űanagŭrŭgŭ.

²⁹ Rŭ yema űanagŭrŭgŭ yerŭ ŭpaacŭ Yerucharéŭwa Paurumaā nŭxŭ nadaugŭ ga Turuŭŭnu ga wŭxi ga Epēchiucŭāx ga tama Yudiŭ ixŭxŭ. Rŭ nŭxŭ nacuēxgŭgu rŭ Pauru marŭ yexma nanaxŭcuxēē ga tupauca ga taxŭnegu.

³⁰ Rŭ guxŭma ga yema űanecŭāxgŭ rŭ poraācŭ nanuē. Rŭ tupauca ga taxŭnecēx nibuxmŭ, rŭ Pauruxŭ niyauxgŭ, rŭ tupaucaarŭ űaxŭtŭwa nanatŭchigŭgŭ. Rŭ yexguma paxa nanawāxtagŭ ga guma tupauca ga taxŭnēārŭ űāxgŭ.

³¹ Rŭ yexguma Pauruxŭ yamēxgŭchaŭgu ga duŭxŭgŭ, rŭ Dumacŭāx ga churaragŭarŭ āēxgacŭxŭtawa nanguchiga ga ore na guxŭwama ga Yerucharéŭwa rŭ na nanuēxŭ ga duŭxŭgŭ.

³² Rŭ yexgumatama ga guma churaragŭarŭ āēxgacŭ rŭ nanangutaquēxexēē ga yema norŭ capitāŭgŭ namaā ga norŭ churaragŭ, rŭ paxa yema duŭxŭgŭ űyexmagŭxŭtwa naxŭ. Rŭ yexguma guma āēxgacŭxŭ rŭ yema churaragŭxŭ nadaugŭgu ga duŭxŭgŭ, rŭ inayachaxchigŭ ga na Pauruxŭ yamēxgŭxŭ.

³³ Rū yexguma ga guma ãëxgacū rū Paurucèx nixū rū nayayaxu. Rū nanamu na taxre ga cadenamaã na yanëixgüãxüçëx. Rū nüxna naca na texé yïixü, rū ãacü naxüxü.

³⁴ Natürü yema muxüma ga duüxügü rū toxica ga oremaã aita naxüe ga wüxichigü. Rū yexguma taxuacüma meã nüxü nacüëxgu ga ãacüçëx na nanuëxü, rū guma ãëxgacü rū nanamu na churaragüpatawa Pauruxü nagagüxü.

³⁵⁻³⁶ Rū yexguma churaragüpataarü toxönewa nanguxgu ga Pauru, rū churaragü nayange-taügü naxchaxwa ga yema muxüma ga duüxügü, yerü nanuëxüchi rū nawe nicaetanü rū ñanagürügü: —¡Yamëxüchi! —ñanagürügü.

Pauru rū duüxügüpëxewa nügüëtüwa nidexa

³⁷ Rū yexguma marü churaragüpatagu yamucuchigüchãüãgu rū Pauru rū Griégugawa guma ãëxgacüna naca rū ñanagürü: —¿Cuxü namexü na cumaã nüxü chixuxü i wüxi ore? —ñanagürü. Rū nüma ga ãëxgacü nanangãxü rū ñanagürü: —Ëxna nüxü cucuëx na Griégugawa quidexaxü.

³⁸ ¿Tama ëxna cuma yïixü i Equitucüãx ga üpaxüra rū duüxügüxü cunuëxëëxü na ãëxgacümaã nügü nadejüçëx rū dauxchitawa ga taxüema íxãpataxüwa cunagagüxü ga 4000 ga yatügü ga mãëtaxügü? —ñanagürü.

³⁹ Rū yexguma ga Pauru rū nanangãxü, rū ñanagürü: —Choma rū Yudüu chixü, rū Tarsucüãx chixü. Rū Chirichiaanewa rū yima nixü ya wüxi ya ñane ya taxüchine. Rū ngëxguma curü me yixügu, rū cuxna chaca na duüxügümaã chidexaxüçëx —ñanagürü.

⁴⁰ Rū yexguma ga guma ãëxgacü rū: —Ngü —ñanagürü. Rū nüma ga Pauru, rū churaragüpataarü toxönegu nachinagü, rū naxunagümëxë na nachüchixüçëx ga duüxügü. Rū yexguma nachüächiegu, rū Yudüugawa nidexa, rū ñanagürü nüxü:

22

¹ —Pa Chautanüxügüx, ¡rü choxü iperüxüñüë i ngëma ñuxma tá pemaã nüxü chixuxü na chaugüëtüwa chidexaxüçëx! —ñanagürü.

² Rū yexguma nüxü naxüñüëgu ga na Yudüugawa namaã yadexaxü, rū yexeraãcü inayarüchianegü. Rū yexguma namaã yadexagu ga Pauru, rū ñanagürü:

³ —Choma rū Yudüu chixü, rū Chirichiaaneärü ñane ga Tarsugu chabu. Natürü doma ñane ya Yerucharëüwa chaya, rū Gamaniëu nixü ga chorü ngüxëëruü. Rū meãma nawa changux ga guxüma ga mugü ga nuxcümaüügüxü ga tóru oxügü nagu íxü. Rū guxüguma naxcëx chadau na guxüma i chorü ngüchãümaã Tupanaãxü chapuracüxü, ngëxgumarüü i guxãma i pema i ñuxmax.

⁴ —Rü choma ga üpa rū poraãcü nawe chingëchigü ga yema Ngechuchuaxü yaxögüxü na chanadëjüçëx. Rū íchanayauxü, rū chanapoxcue ga muxüma ga yema yaxögüxü ga yatüxügü rū ngëxügü.

⁵ —Rü nüma ya paigüeru rū guxüma i tupauca ya taxüneärü ãëxgacügüerugü rū nüxü nacüëxgu na aixcüma yïixü i ñaã chorü ore. Yerü nümagü rū choxna nanaxãgü ga popera na choxü nangüxëëgüxüçëx ga tatanüxügü ga Yudüügü ga Damacuwa yexmagüxü. Rū yëma Damacuwa chaxü na naxcëx chayadauxüçëx ga yema Ngechuchuaxü yaxögüxü, rū nuã Yerucharëüwa na chanagagüxüçëx rū nuxã chayapoxcuëxçëx.

Pauru nüxü nixu na ñuxãcü Ngechuchuaxü yaxöxü

⁶ —Natürü yexguma namagu chixüyane rū marü chingaicaxgu ga Damacuwa na changuxü, rū meãma tocuchigu nixü ga yexguma. Rū ngürüãchi wüxi ga omü ga poraxü ga daxüwa ne baxixü rū choxü nabaxi.

⁷ —Rü ñaxtüanegu chayangu, rū nüxü chaxüñü ga wüxi ga naga ga ñaxü choxü:

“Pa Chaurux, ¿tüxcüü i chowe quingëchigüxü?” ñaxü.

⁸ —Rü yexguma ga choma rū chanangãxü, rū ñacharügü:

“¿Rü texé quixü Pa Corix?” ñacharügü. Rū nüma ga yema naga rū choxü nangãxü, rū ñanagürü:

“Choma nixü i Ngechuchu ya Nacharëtucüãx, rū chorü duüxügü nixü i ngëma nawe quingëchigüxü, ñanagürü choxü.

⁹ —Rü yema chomücügü rū nüxü nadaugü ga yema omü, rū nañaxüächüãëgü, natürü tama nüxü naxüñüë ga yema naga ga chomaã idexaxü.

¹⁰ —Rü nüxna chaca, rū ñacharügü ga chomax:

“¿Rü ãacü tá chaxüxü, Pa Corix?” ñacharügü. Rū yexguma ñanagürü choxü ga Cori:

“¡Írúda, rū inachi, rū Damacuwa naxü, rū ngema tá cumaã nüxü nixu ya wüxi ya yatü na ãacü tá cuxüxü!” ñanagürü ga nüma ga Cori.

¹¹ —Rü yexguma ga choma rū chixoxetü yema omüëmamaã, rū yemacëx ga yema chomücügü rū choxmëxgu yangügüãcüma choxü nigagü, rū yemaãcü Damacuwa changu.

12 –Rü yéma nayexma ga wüxi ga yatü ga Ananiãgu ãegacü. Rü nüma nixi ga wüxi ga yatü ga aixcüma Tupanaga Inücü, rü nüma rü meãma nayanguxêê ga yema mugü ga Moiché úmatüxü. Rü guxüma ga Yudiügu ga Damacuwa yexmagüxü, rü meã nachiga nidexagü.

13 –Rü nüma ga Ananiã rü choxü Inayadau. Rü yexguma chauxütawa nanguxgu rü ñanagürü choxü:

“Pa Chaueneê Pa Chaurux, ¡wenaxãrü ingoxnaxêtü!” ñanagürü. Rü yexgumatama wenaxãrü chingoxnaxêtü rü meãma nüxü chadau.

14 –Rü yexguma ñanagürü ta:

“Yima Tupana ya nuxcümaügüxü ga tórü oxigüarü Tupana cuxü naxuneta na nüxü cucuáüxcèx i norü ngúchaü, rü na nüxü cudauxüxcèx ya yima Cristu ya mecü, rü naãxwatama nüxü cuxinüxcèx i naga.

15 –Erü cuma tá nixi i guxü i duüxügümaã nüxü quixuchigaxü ga ñuxãcü na Tupanaxü cudauxü rü cumaã yadexaxü.

16 –¡Rü ñuxma rü marü taxuüma ícunanguxêê! ¡Rü írüda rü Ínabaie! ¡Rü Cori ya Ngechuchuégagu naxcèx ínaca na cuxü nüxü nangechaüxcèx i curü pecadugü!” ñanagürü choxü.

Pauru nüxü nixu na ñuxãcü Tupana namuxü na yema tama Yudiügu ixigüxütanüwa naxüxcèx

17-18 –Rü yexguma Yerucharéüxcèx chataeguxgu, rü tupauca ga taxünewa chaxü na yéma chayumüxèüxcèx. Rü changoxetü, rü nüxü chadau ga Cori ya Tupana. Rü ñanagürü choxü:

“¡Napaxaãê, rü inaxüãchi i nuã Yerucharéüwa, erü duüxügü rü tãütama naga naxinüê i ngêma ore i chauchiga nüxü quixuxü!” ñanagürü.

19 –Rü choma chanangãxü, rü ñacharügü:

“Pa Corix, nüma i duüxügü rü nüxü nacüxgü ga choma na yiüxü ga guxüne ga ngutaquêxepataügüwa chaxüxü rü íchanayauxüxü rü chanapoxcuxü rü chayaçuaixgüxü ga yema cuxü yaxögüxü.

20 –Rü yexguma yamèxgüãgu ga guma curü duücü ga Etébaü ga curü orearü uruü, rü chomatama yéma chayexma, rü chorü me nixi ga na yamèxgüãxü. Rü choma nixi ga nüxna chadauxü ga naxchiru ga yema yamèxgüxü”, ñacharügü nüxü.

21 –Natürü nüma ga Cori rü ñanagürü choxü:

“¡Rü paxa cügü namexêê rü inaxüãchi! Erü yaxüxgüxü i nachiüãnegüwa i ngêma duüxügü i tama Yudiügu ixigüxütanüwa tá cuxü chamu” –ñanagürü.

Churaragüarü ãëxgacümèxèwa nayexma ga Pauru

22 Rü yexguma Pauru yema ñaxgu rü yexma nayacuèxèëgü ga na meã nüxü inaxinüxü ga yema duüxügü. Rü yexguma aita naxüècüma ñanagürügü. –¡Noxtacüma peyamá! Rü name nixi i na nayuxü rü ngêxma na yanaxoxü –ñanagürügü.

23 Rü yexguma aita naxüegu, rü norü gáuxüchirumaã nibuatanücüü, rü ãtêxeanexü daxü niwogütanücüü.

24 Rü yexguma yemaxü nadèüxgu ga churaragüarü ãëxgacü, rü nanamu ga churaragüpataga na yamucuchigüãxüxcèx ga Pauru. Rü nanamu na poraãcü naçuaixgüãxüxcèx na yadexaxüxcèx na nüxü nacuáüxcèx ga tüxcüü yiüxü na yemaãcü nachigamaã aita naxüxü ga duüxügü.

25 Rü yexguma marü yanèüxgüãgu na naçuaixgüãxüxcèx, rü Pauru nüxna naca ga yema capitáü ga yéma yemaxü, rü ñanagürü: –¿Éxna pexmèxwa nangèxma na penacuaxixü i wüxi i Dumacüãx ega tama nüxna pecaxiragu? –ñanagürü.

26 Rü yexguma yemaxü naxinügu ga capitáü, rü guma churaragüarü ãëxgacüxütawa naxü, rü namaã nüxü nixu, rü ñanagürü: –¿Iacü tá cuxü? Erü ñaã yatü rü Dumacüãx nixi –ñanagürü.

27 Rü yexguma ga guma churaragüarü ãëxgacü, rü Paurucèx nixü, rü nüxna naca rü ñanagürü nüxü: –¿Aixcüma yiüxü na Dumacüãx quixü i cumax? –ñanagürü. Rü nüma ga Pauru nanangãxü, rü: –Ngü –ñanagürü.

28 Rü yexguma ga guma churaragüarü ãëxgacü rü nanangãxü, rü ñanagürü: –Choma rü poraãcü choxü naxãtanü na Dumacüãx chaugü chixixèxü –ñanagürü. Rü yexguma nachonagü ga Pauru, rü ñanagürü: –Natürü i choma rü woetama chorü bucüma Dumacüãx chixi –ñanagürü.

29 Rü yexgumatama nüxna nixigachi ga yema Pauruxü çuaixgüchaüxü. Rü nümatama ga yema churaragüarü ãëxgacü rü ta namuü ga yexguma nüxü nacüxgu ga Dumacüãx na yiüxü ga Pauru, yerü marü cadenamaã nayanèüxchirèx.

Yudiüguarü ãëxgacügütücumüpèxewa nayexma ga Pauru

³⁰ Rū yema churaragūarū āḗḡgacū meāma nūxū nacuáxchaḗ ga tūxcūū na ínaxuaxūgūāxū ga yema Yudiūgū. Rū yemacēx ga moxūācū rū nanamu na nangutaquēxegūxūcēx ga paigūarū āḗḡgacūgū rū guxūma ga yema āḗḡgacūgūtūcumū ga Yudiūgūarū. Rū nayawēgū ga Pauruarū cadena rū yēma āḗḡgacūgūpēxewa nanagagū.

23

¹ Rū Pauru meāma nūxū nadawenū ga yema āḗḡgacūgū, rū űanagūrū nūxū: —Pa Chautanūxūgūx, chomatama nūxū chacuēx rū guxūguma meā chamaxū ga Tupanapēxewa űuxmata űoma i ngunexūwa nangu —űanagūrū.

² Rū yexguma ga yema paigūeru ga Ananíā rū nanamu ga yema Pauruarū ngaicamana yexmagūxū na naāxwa tayamēxgūxūcēx.

³ Rū yexguma ga Pauru rū űanagūrū nūxū: —Tupana tá cuxū napéax, Pa Āḗḡgacūx. Cuma rū dūxētūwaxica cume natūrū aixepena rū nachixe i curū maxū. Rū űuxma rū ngēma curūto na Moičē ūmatūxū i mugū nūxū ixuxūācūma choxna cuçaxūcēx. Natūrū wūxi i chixexū cuxū erū cumatama rū tama naga cuxīnū i ngēma Tupana tūxū muxū erū tanamu na choxū napéaxūcēx —űanagūrū ga Pauru.

⁴ Rū yexguma ga yema yexmagūxū rū űanagūrūgū: —ĶTūxcūū i ngēmaācū űacū namaā quixugūxū i paigūeru ya Tupana nūxū unetacū? —űanagūrūgū.

⁵ Rū Pauru nanangāxū, rū űanagūrū: —Tama nūxū chacuēx, Pa Chautanūxūgūx, na paigūeru yīxū. Erū Tupanaārū ore i ūmatūxūwa nūxū tadau rū űanagūrū:

“ĶTama curū āḗḡgacūmaā chixexū quixugū!”

űanagūrū.

⁶ Rū yexguma nūxū nacuēxgu ga Pauru ga na Chaduchēgū yīxū ga togū, rū na Parichēgū yīxū ga togū, rū yema āḗḡgacūgūpēxewa tagaācūma űanagūrū: —Pa Chautanūxūgūx, choma rū Parichēu chixī, rū Parichēu nane chixī. Rū ngēmācēx choxna pecagū i űuxmax, erū chayaxō i wena tā na namaxēxū i yuexū —űanagūrū.

⁷ Rū yexguma yema űaxgu ga Pauru, rū yema Parichēgū rū Chaduchēgū rū inanaxūgūe ga nūgūmaā na iyaporagaexū, rū yexma nūgū nitoye ga yema ngutaquēxewa.

⁸ Erū ngēma Chaduchēgū nagu rūxīnūēgu rū tama wena namaxē i ngēma yuexū, rū nataxuma i orearū ngerūgū i daxūcūāx, rū nataxuma i naāēgū —űanagūrūgū. Natūrū ngēma Parichēgū rū nayaxōgū na nangēxmaxū i guxūma i ngēma.

⁹ Rū yemacēx guxūma aita naxūe. Rū űuxūchi űuxre ga ngūexēeruūgū ga Moičēarū mugūwa nguxētaegūxū ga Parichēgūtūcumūwa ūgūxū rū inachigū, rū űanagūrūgū: —Toxcēx rū taxūma i chixexū naxū i űāā yatū. Bexmana wūxi i űacū rū naāē namaā nidexa rū ēxna wūxi i orearū ngerū i daxūcūāx —űanagūrūgū.

¹⁰ Rū yexeraācū norū numaā nanaxīxāchiāēgū ga yema duūxūgū. Rū yemacēx naxoegaāē ga guma churaragūarū āḗḡgacū ga na Paurugu nagaugūgūchaḗxū. Rū norū churaragūxū namu na yēma duūxūgūtānūwa Pauruxū napugūxūcēx rū wena churaragūpatāwa na nagaūāxūcēx.

¹¹ Rū moxūācūarū chūtaxūgu Paurucēx nangox ga Cori ga Tupana, rū űanagūrū nūxū: —ĶRū nataāē! Rū ngēxgumarū i nūma Yerucharēūwa choxū na quixuchigaxū, rū ngēxgumarū i tá ta nixī i Dumawa na choxū quixuchigaxū —űanagūrū ga Tupana.

Yudiūgū naxcēx nadaugū na űuxācū Pauruxū yamēxgūchaḗxū

¹² Rū moxūācū, rū űuxre ga Yudiūgū rū nūgūmaā inaxunetagū ga tāūtāma na nachibūexū rū naxaxegūxū űuxmatāta Pauruxū yamēxgū. Rū űanagūrūgū: —Tachixexūgūgū tá ega űacū ingōxgūgu naxūpa na yamāxū i Pauru —űanagūrūgū.

¹³ Rū 40 arū yexera ga yatūgū nixī ga yema nūgūmaā ixunetagūxū.

¹⁴ Rū paigūarū āḗḡgacūgūtānūwa rū Yudiūgūarū āḗḡgacūgūgūtānūwa naxī, rū űanagūrūgū nūxū: —Marū togūmaā itaxuneta rū tachixexūgūgū tá ega űacū tangōxgūgu naxūpa na tayamāxū i Pauru.

¹⁵ Rū name nixī i pema rū ngēma togū i pexrūū āḗḡgacūgūtūcumūwa ūgūxū, rū churaragūarū āḗḡgacūna naxcēx peyagū i űuxma na moxū wena pepēxewa nagagūāxūcēx i Pauru. ĶRū namaā nūxū pixu na penaxwēxegūnetaxū na meā nūxū pecuāxchaḗxū i nachiga! Rū toma rū tá marū itamemare na namagu tayamāxūcēx naxūpa na ínanguxū —űanagūrūgū.

¹⁶ Natūrū ngīne ga Paurueyēx rū nūxū nacuāchiga ga Pauruxū na yamēxgūchaḗxū, rū yemacēx churaragūpatāwa naxū na Paurumaā nūxū yanaxuxūcēx.

¹⁷ Rū Pauru naxcēx naca ga wūxi ga capitāū, rū űanagūrū nūxū: —ĶCurū āḗḡgacūxūtāwa naga i űāā ngextūxūxū, erū nūxū nangēxma i ore i namaā nūxū yaxuxchaḗxū! —űanagūrū.

¹⁸ Rū yema capitāū rū āḗḡgacūxūtāwa nanaga ga yema ngextūxūxū. Rū űanagūrū nūxū: —Ngēma poxcuxū i Pauru rū chauxcēx naca, rū choxna naca na nuā cuxūtāwa chanagaxūcēx i űāā ngextūxūxū, erū nūxū nangēxma i ore i cumaā nūxū yaxuxchaḗxū —űanagūrū.

¹⁹ Rū naxmēxgu yayauxāchiācūma toxnamana nanaga ga āēxgacū, rū yéma nūxna naca rū űanagūrū: —Țacū yīxū i ngēma chomaā nūxū quixuxchaūxū? —űanagūrū.

²⁰ Rū nūma ga ngextūxūxū nanangāxū, rū űanagūrū: —Ngēma Yudiūgū, rū nūgūmaā inaxunetagū na cuxna naxcēx nacagūxūcēx na moxū Yudiūgūarū āēxgacūgūtūcumūpēxewa na cunagaxūcēx i Pauru. Rū tā cumaā nūxū nixugū na meā nūxū nacuēxgūchaūxū i nachiga.

²¹ —ȚNatūrū tāūtāma nūxū cuyaxō! Erū 40 arū yexera i yatūgū rū marū nūgūmaā inaxunetagū, rū űanagūrūgū:

“Tachixexūgugū tā ega űacū ingōxgūgu rū ēxna ixaxegūgu naxūpa na yamāxū i Pauru”, űanagūrūgū. Rū űuxma rū marū inamemare, rū namagu nananēixgū, rū curū orexicatama nīxī i űuxma inanguxēēgūxū —űanagūrū.

²² Rū yexguma ga āēxgacū rū inayamu ga yema ngextūxūxū, rū nūxna naxāga na taxūemaā nūxū yaxuxūcēx ga na namaā nūxū yaxuxū ga yemachiga.

Āēxgacū ga Perixūtawa Pauruxū namu

²³ Rū yexguma ga guma āēxgacū rū taxre ga norū capitāūcēx naca, rū űanagūrū nūxū: —ȚPenamexēē i 200 i churaragū i nacutūmaāmare ixīxū, rū 70 i churaragū i cowarutagu īxū, rū 200 i churaragū i wocaxemaā ixāxnexū na 9 arū oragu i chūtacū Checharēawa naxīxūcēx!

²⁴ —ȚRū ngēxumarūū tā penamexēē i űuxre i cowarugū i Paurucēx na tōrū āēxgacū i Perixūtawa naxūxūcēx rū na taxūma nūxū űpetūxūcēx i namawa! —űanagūrū.

²⁵ Rū yema capitāūgūmaā yéma nanamu ga wūxi ga popera ga űaxū:

²⁶ “Choma i Clāudiu Dīchiu, rū cuxū charūmoxē Pa Āēxgacū ya Mecūxūchi Pa Perix.

²⁷ Rū yima yatū ya cuxcēx ngema chanamucū, rū Yudiūgū nayayauxgū rū wixguxūchi taēx nayamēxgū. Natūrū yexguma nūxū chacuāchigagu na Dumacūāx na yīxū, rū yéma chaxū chorū churaragūmaā, rū nūxna chanapu.

²⁸ Rū nūxū chacuāxchaū ga űacū ga chixexūmaā na inaxuaxūgūāxū, rū yemacēx Yudiūgūarū āēxgacūgūtūcumūpēxewa chanaga.

²⁹ Rū yexguma nūxū chacuēx ga na Yudiūgūarū muchigacēxmare na inaxuaxūgūāxū. Natūrū taxūma ga chixexū naxū na tūxcūū yamāxūcēx rū napoxcuxūcēx.

³⁰ Natūrū yexguma nūxū chacuāchigagu ga na nūgūmaā inaxunetaxū ga Yudiūgū ga na yamēxgūāxūcēx, rū yexgumatama nagu charūxīnū na cuxūtawa chanamuxū. Rū yema inaxuaxūgūxū, rū namaā tā nūxū chixu na cuxūtawa naxīxū rū cumaā nūxū na yanaxugūxūcēx na űacūcēx inaxuaxūgūāxū”, űanagūrū.

³¹ Rū yema chūtaxūgu inaxīāchi ga yema churaragū, yexgumarūū ga norū āēxgacū na namuxdrūū. Rū Pauruxū nigagū űuxmata Aūtīpatiwa nangugū.

³² Rū moxūcū rū nawoegu ga yema churaragū ga nacutūmaāmare ixīxū rū naxpataūwa naxī. Rū yema churaragū ga cowarutagu īxū, rū Paurumaā inaxīāma.

³³ Rū yexguma Checharēawa nangugūgu, rū āēxgacū ga Perina nanaxā ga yema popera, rū Pauruxū rū ta inamugū.

³⁴ Rū yexguma nūxū nadaumatūgu ga popera ga āēxgacū ga Peri, rū Pauruna naca ga ngextācūāx na yīxū. Rū yexguma nūxū nacuēxgu ga na Chirīchianecūāx yīxū, rū űanagūrū nūxū:

³⁵ —Cuxū tā icharūxīnū i ngēxguma inangugūgu i ngēma cuxū īxuaxūgūxū —űanagūrū. Rū yexguma nanamu ga churaragū na wūxi ga ucapu ga āēxgacū ga Erodepatawa yexmaxūwa nūxna na nadaugūxūcēx.

24

Pauru rū āēxgacū ga Peripēxewa nūgiētūwa nidexa

¹ Rū wūximēēxpūx ga ngunexū ngupetūgu, rū Yerucharēūwa ne naxū ga paigūeru ga Ananiā, namaā ga űuxre ga Yudiūgūarū āēxgacūgūerugū rū wūxi ga yatū ga meāma dexaxū cuāxū ga Téturu ga naega. Rū nūmagū rū āēxgacū ga Perixūtawa naxī na namaā nūxū yanaxugūxūcēx ga tūxcūū Pauruxū na inaxuaxūgūxū.

² Rū yexguma Pauruxū yéma nagagūgu, rū inanaxūgū ga Téturu ga nūxū na yaxuxū, rū űanagūrū:

—Moxēxūchima i cuma Pa Āēxgacū Pa Perix, erū cugagu nīxī i meāma toxū naxūpetūxū i nuā. Rū cugagu nīxī i nuā i űoma i nachīūānēwa na toxū nangēxmaxū i muxūma i mexūgū.

³ Rū moxē cuxna taxā erū guxūwama rū guxūguma cuxūtawa tanayauxgū i guxūma i ngēma mexūgū Pa Āēxgacūxūchima, Pa Perix.

⁴ Natūrū tama yexeraācū cuxū chachixewechaū. Rū ngēmacēx cuxna chaca na paxaāchi meā toxū icurūxīnūxū.

⁵ Rū ñuxma rü wüxi i orexü cumaã chixuxchaü. Rū marü nüxü tadau i ñaã yatü rü wüxi i ðaweanerüü na yïixü, erü chixexümaã nayaxucuxëgü i Yudiugü i guxü i naãnewa na nügü yatoyexüçëx. Rū nüma nixi i norü ãëxgacü i ngëma duüxügü i nüxü yaxögüxü i Ngechuchu i Nacharëtuçüãx.

⁶ Rū toma tayayaugü i ñaã yatü ga yexguma tupauca ga taxüne naxüxaxëëchaügu. Rū torü mugü tomaã nüxü ixuxüãcüma nüxna tacagüchaü.

⁷ Natürü ñangu ga churaragüarü ãëxgacü ga Díchiu, rü muxüma ga norü churaragümaã toxna nanapu. Rū toma i ñaxuaxügüxe, rü toxü namu na cuxütawa taxixüçëx.

⁸ Rū ñuxma rü marü name i cumatama nüxna cuca i ngëma Pauru na nüxü cucuáxüçëx na aixcüma yïixü i guxüma i ngëma naxcëx ñtanaxuaxügüxü i tomax –ñanagürü.

⁹ Rü yema togü ga Yudiugü rü ta, rü ñanagürügü: –Rü aixcüma nixi i ngëma ore –ñanagürügü.

¹⁰ Rü yexguma ga guma ãëxgacü ga Peri rü naxmëxmaã Pauruxü naxuneta na yadexaxüçëx. Rü yexguma ga Pauru, rü ñanagürü: –Chorü taãëmaã cupëxewa chaugüçëx chidexa, erü nüxü chacuëx na mucüma ga taunecü ñoma i nachiüãneärü ãëxgacü quixü.

¹¹ Marü name i cumatama naxcëx ícuca, erü 12 i ngunexüxícatama nangupetü ga na Yerucharëüwa changuxü na Tupanaxü chayarücuëxüüxüçëx.

¹² Rü bai ga tupauca ga taxünewa, rü bai ga ngutaquëxepataügüwa, rü bai ga ngürüanewamare ga ñanewa choxü nadaugü ga Yudiugü ga na texëmaã íchoporagacüxü, rü na chananuëxëxü ga duüxügü.

¹³ Rü ñuxma i ñaã duüxügü i choxü íxuaxügüxü, rü bai i wüxiwaxüra cuxcëx nanangoxëëgü na aixcüma yïixü i ngëma naxcëx choxü ñaxuaxügüxü.

¹⁴ Natürü cumaã nüxü chixu, rü nuxcümaügüxü ga chorü oxigüarü Tupanaãxü nixi i chapuracüxü ngëxumarüü i choxü na nanaxwëxexü ga Ngechuchu ya Cristu ya nüxü chayaxöcü. Rü ngëma nixi i nümagü i Yudiugü naxugüagu rü na:

“Tomare i ore”, ñagüxü. Rü aixcüma nüxü chayaxö i guxüma i Tupanaärü mugü ga Moiché ümatüxü rü guxüma i Tupanaärü ore ga nuxcümaügüxü ga norü orearü uruügü ümatüxüxü.

¹⁵ Rü choma rü ta yema nuxcümaügüxü rüüü Tupanaãxü chayaxö. Rü naxrüü chayaxö rü tá wena na namaxëxü i ngëma yuexü i mexügü rü chixexügü.

¹⁶ Rü ngëmacëx nixi i guxüguma meã chaugüna chadauxü na chauãëwatama nüxü chacuáxüçëx na namaxü i Tupanapëxewa rü duüxügüpëxewa.

¹⁷ Rü dücax, Pa ãëxgacüx, rü ñuxre ga taunecü togü ga nachiüãnegu chixügü, rü düxwaxarü chauchiüãnecëx wena chataegu na nuã chanangexüçëx ga ðëru ga namaã nüxü charüngüxëëchaüxü i chautanüxügü i Yudiugü i nüxü nataxuxü, rü nuã Tupanana chanaxäxüçëx i chorü ãmaregü.

¹⁸⁻¹⁹ Rü yema ngunexügu rü tupauca ya taxünewa Tupanana íchanaxã ga chorü ãmaregü, nawena na chaugü chamexëëxü ga Tupanapëxewa. Rü tama muxü ga duüxügümaã chayexma, rü tama chananuëxëë ga duüxügü ga yexguma ñuxre ga Yudiugü ga Áchiaanecüãx choxü daugüga ya yéma tupauca ya taxünewa. Rü ngëmagü chi nixi i ñuxma nuã íxü na choxü ñaxuaxügüxüçëx ega ñacü nüxü ngëxmagu i chauchiga.

²⁰ Rü ngëxguma tama ñacü nüxü ngëxmagu ga yema tupauca ya taxünewa choxü daugüxü, rü ëcü ñaã ñuxma nuxmagüxü cumaã nüxü ixugü na ñacü ga chixexüxü chowa nadaugüxü ga yexguma Yudiugüarü ãëxgacügütücumüpëxewa chayexmagu!

²¹ Rü ñaxüxícatama nixi ga chorü ore ga tagaäcü namaã chachonagüxü ga yexguma yema ãëxgacügüpëxewa chayexmagu:

“Rü ñuxma rü choxna pecagü erü choma chayaxö i wena tá na namaxëxü i yuexü”, ñacharügü ga yexguma –ñanagürü ga Pauru.

²² Natürü ga Peri rü meã nüxü nacuëx ga yema Cristuaxü yaxöchiga. Rü yemacëx ga yexguma Pauruaru orexü naxñügu, rü ñayachaxächi ga na nüxna naçaxü, rü ñanagürü Yudiugüxü: –Ngëxguma churaragüarü ãëxgacü ya Díchiu nüma üxgu, rü tá meãma nüxü chacuëx i ngëma naxcëx ípenaxuaxüxü –ñanagürü.

²³ Rü yexguma ga Peri rü norü capitáxü namu ga na Pauruna nadauxüçëx. Natürü tama nanapoxcuxüchi, rü tama nanachüxu ga na naxütagu naxiãneãxü ga namücügü, rü nüxü na nangüxëëgüxü.

²⁴ Rü ñuxre ga ngunexü marü ngupetügu rü wena yéma naxü ga Peri ngëmaã ga naxmëx ga Drusíla ga Yudü íxü. Rü Paurucëx nayacaxëë, rü nüxü naxñü ga yema ore ga Pauru namaã nüxü ixuxü ga Cristuaxü na yaxöxüchiga.

²⁵ Natürü yexguma Pauru meãma namaã nüxü ixuxgu na ñuxäcü Tupana naxwëxexü na meã imaxüxü rü ñuxäcü nanaxwëxexü na tóru maxümaã meã icuáxü rü ñuxäcü tá tüxna

naçaxŭ i tórŭ maxŭchiga, rŭ poraáčŭ nabaixáchiãe ga Peri. Rŭ düxwa ñanagŭrŭ nüxŭ: — jĕcŭ ĭixŭ i ñŭxmax! Rŭ ngĕxguma ñŭxguacŭ icharŭxãŭxmaregu, rŭ wena táxarŭ cuxcĕx changema —ñanagŭrŭ.

²⁶ Yerŭ Peri ñananguxĕe na Pauru chi đĕru nüxna ĭxãxŭ na yangĕãxŭcĕx, rŭ yemacĕx muĕxpŭxcŭna naxcĕx nangemaxŭ, rŭ namaã nidexaxŭ.

²⁷ Rŭ taxre ga taunecŭ yemaáčŭ nixĭgŭ. Rŭ ñanguxuchi ga Peri ga na ãĕxgacŭ yĭxŭ, rŭ nachicŭü ningucuchi ga Pórchiu ga Festu. Natŭrŭ nüma ga Peri, rŭ Yudiŭgŭmaã nügŭ namecŭmaxĕeçaŭ, rŭ yemacĕx tama ñananguxuchixĕe ga Pauru.

25

Āĕxgacŭ ga Festupĕxewa nayexma ga Pauru

¹ Rŭ Checharéawa nangu ga Festu na yĕma ãĕxgacŭxŭ yaxŭcuxŭcĕx. Rŭ marŭ tomaĕxpŭx ga ngunexŭ yĕma nayexmagu, rŭ wenaxárŭ inaxŭãchi, rŭ Yerucharéŭwa naxŭ.

² Rŭ yĕma Yerucharéŭwa rŭ yema paigŭarŭ ãĕxgacŭgŭ rŭ Yudiŭgŭarŭ ãĕxgacŭgŭ rŭ Pauruxŭ ñaxuaxŭgŭ Festupĕxewa.

³ Rŭ naxcĕx ñacagŭ ga Yerucharéŭwa Pauruxŭ na namuxŭcĕx. Yerŭ nümagŭ rŭ nagu narŭxĭnŭe na namagu yaxŭxĕgŭãxŭ na yexma yamĕxgŭãxŭcĕx.

⁴ Natŭrŭ ga Festu rŭ nanangãxŭ, rŭ ñanagŭrŭ: —Checharéagu napoxcu i Pauru, rŭ choma rŭ tá paxa ngĕma Checharéawa chaxŭ.

⁵ Rŭ ngĕmacĕx name nixĭ i perŭ ãĕxgacŭgŭ rŭ chowe narŭxĭ i Checharéawa, rŭ ngĕxguma taçŭ rŭ chixexŭ naxŭxgu i ngĕma yatŭ, rŭ ngĕma tá nixĭ i chomaã nüxŭ pixugŭxŭ —ñanagŭrŭ.

⁶ Rŭ maneca 8 rŭ ĕxna 10 ga ngunexŭ Yerucharéŭwa nayexma ga Festu, rŭ ñŭxŭchi Checharéacĕx nataegu. Rŭ yexguma ñanguxguarŭ moxŭãcŭ rŭ yema nachica ga ngextá duŭxŭgŭna ñaçaxŭwa naxŭ, rŭ yĕma nayarŭto norŭ tochicaxŭwa. Rŭ Paurucĕx nangema na yĕma napĕxewa nagagŭãxŭcĕx.

⁷ Rŭ yexguma yexma yaxŭcuxgu ga Pauru, rŭ yema Yudiŭgŭ ga Yerucharéŭwa ne ĭxŭ, rŭ naxcĕx naxĭ. Rŭ muxŭma ga chixexŭgŭmaã ñanaxuaxŭgŭ. Natŭrŭ taxuama nüxŭ nüxŭ nadauxĕe na aixcŭma yĭxŭ ga yema naxcĕx ñaxuaxŭgŭãxŭ.

⁸ Rŭ yexguma ga Pauru rŭ nanangãxŭ, rŭ ñanagŭrŭ: —Pa Āĕxgacŭx, taxuŭma ga chixexŭ namaã chixugŭ ga yema mugŭ ga Moiché ŭmatŭxŭ, rŭ bai ga tupaucha ya taxŭnemaã, rŭ bai ga ãĕxgacŭ ya Chĕcharumaã —ñanagŭrŭ.

⁹ Natŭrŭ nüma ga Festu rŭ Yudiŭgŭmaã nügŭ namecŭmaxĕeçaŭ, rŭ yemacĕx Pauruna naca, rŭ ñanagŭrŭ nüxŭ: —Ćunaxwĕxexŭ na Yerucharéŭwa cuxŭxŭ na ngĕma cuxna chaçaxŭcĕx naxcĕx i guxŭma i ngĕma naxcĕx cuxŭ ñaxuaxŭgŭxŭ? —ñanagŭrŭ.

¹⁰ Rŭ yexguma ga Pauru rŭ nanangãxŭ, rŭ ñanagŭrŭ: —Choma rŭ cupĕxewa changĕxma na choxna cuçaxŭcĕx, erŭ cuma nixĭ i cuxŭ naxunetaxŭ i ãĕxgacŭ ya taçŭ ya Chĕcharu na ãĕxgacŭ quiŭxŭ i núma. Rŭ ngĕmacĕx chanaxwĕxe i nuã choxna cuca. Erŭ taxuŭma i chixexŭ chaxŭ i Yudiŭgŭmaã, ngĕxgumarŭŭ i cuma meãma nüxŭ cucuĕx.

¹¹ Ngĕxguma chi taçŭ i chixexŭ chaxŭxgu rŭ marŭ name na naxcĕx choxŭ yamĕxgŭxŭ, rŭ marŭ name i na chayuxŭ. Natŭrŭ ngĕxguma nataxŭxguma i taçŭ i aixcŭma ĭxŭŭ i ngĕma naxcĕx choxŭ ñaxuaxŭgŭxŭ, rŭ taxuacŭma texĕ Yudiŭgŭna choxŭ tamu. Rŭ naxcĕx ĭchaca na nümatama ya ãĕxgacŭ ya taçŭ ya Chĕcharu choxna naçaxŭcĕx —ñanagŭrŭ ga Pauru.

¹² Rŭ yexguma ga Festu rŭ norŭ ucŭxĕruŭgŭ ga ãĕxgacŭgŭmaã nidexa, rŭ ñŭxŭchi ñanagŭrŭ Pauruxŭ: —Marŭ naxcĕx ĭcua na ãĕxgacŭ ya taçŭ ya Chĕcharu cuxna çaxŭcĕx. Ĕcŭ, ñŭxma rŭ naxŭtawa tá cuxŭ chamu —ñanagŭrŭ.

Āĕxgacŭ ga Agripapĕxewa nayexma ga Pauru

¹³ Rŭ ñuxre ga ngunexŭ ngupetŭgu, rŭ Checharéawa nangugŭ ga Yudiŭgŭarŭ ãĕxgacŭ ga Agripa rŭ naĕyĕx ga Bereniche, na Festuxŭ yanamoxĕgŭxŭcĕx.

¹⁴ Rŭ marŭ ñuxre ga ngunexŭ yĕma nayexmagŭgu, rŭ Agripamaã nüxŭ nixu ga Festu ga Pauruchiga, rŭ ñanagŭrŭ: —Nuã nangĕxma i wŭxi i yatŭ i poxcuxŭ ga Peri tama ĭnguxuchixĕxŭ.

¹⁵ —Rŭ yexguma choma Yerucharéŭwa chayexmagu, rŭ paigŭarŭ ãĕxgacŭgŭ rŭ Yudiŭgŭarŭ ãĕxgacŭgŭerugŭ rŭ ñanaxuaxŭgŭ, rŭ naxcĕx ñacagŭ na namaã chanaxueguxŭcĕx rŭ na yamĕxgŭãxŭcĕx.

¹⁶ —Rŭ choma chanangãxŭ, rŭ tama tocŭma nixĭ i toma i Dumacŭãxgŭ i na tayamáxŭ i wŭxi i duŭxŭ ega tama nügŭĕtŭwa yadexaxĭragu napĕxewa i ngĕma ñaxuaxŭgŭxŭ.

¹⁷ —Rŭ yemacĕx ga yexguma nüma nangugŭgu ga yema Yudiŭgŭ, rŭ yexgumaãrŭ moxŭãcŭ rŭ chorŭ tochicaxŭwa chitocuchi na nüxna chaçaxŭcĕx nachiga ga yema, rŭ yĕma naxcĕx changema ga yema yatŭ.

18—Natürü ga yema Yudiügü ga ínaxuaxŭgŭxŭ, rü taxuŭma ga űacü ga chixexŭ ga choma íchananguxêêxŭxŭ nixugŭ.

19—Natürü norü Tupanachiga rü wŭxi ga yatü ga Ngechuchuchiga nixŭ ga yema nagu yadexagŭxŭ. Rü nüma ga Yudiügü nüxŭ nixugŭ ga na nayuxŭ ga yema Ngechuchu, natürü Pauru nüxŭ ixixgu rü marŭ wena namaxŭ.

20—Rü yexguma ga choma ga tama na nüxŭ chacuáxŭ ga ñuxácü tá chanamexêêxŭ ga yema guxchaxŭ, rü yemacêx nüxna chaca ga Pauru ngoxi nanaxwêxe ga Yerucharéŭwa na naxŭxŭ, na yéma nüxna chaçaxŭcêx.

21—Natürü nüma ga Pauru naxcêx ínaca ga na âêxgacŭ ya tacü ya Chécharupêxewa naxŭxŭ na nümatama ya Chécharu nüxna çaxŭcêx. Rü yemacêx chanamu na meã nüxna nadaugŭxŭcêx ñuxmata choma âêxgacŭ ya Chécharuxŭtawata chanamux—ñanagŭrŭ.

22 Rü yexguma ga Agripa rü ñanagŭrŭ Festuxŭ: —Choma rü ta nüxŭ chaxŭnŭchaŭ i norü ore i ngêma yatü—ñanagŭrŭ. Rü Festu nanangáxŭ rü ñanagŭrŭ: —Moxŭ tátama nüxŭ cuxŭnŭ—ñanagŭrŭ.

23 Rü moxŭãcü yema ucapu ga âêxgacŭgü íngutaquêxegŭxŭtwa nangugŭ ga Agripa rü Bereniche rü poraãcü nangêxãegŭ. Rü namaã ínangugŭ ta ga churaragŭarŭ âêxgacŭgü rü yema ñaneçŭâxgŭ ga corigŭxŭchi ixŭgŭxŭ. Rü ñuxŭchi Paurucêx nangema ga Festu na yema âêxgacŭgüpêxewa nagagŭãxŭcêx.

24 Rü ñanagŭrŭ ga Festu: —Pa Âêxgacŭ Pa Agripax, rü Pa Guxãma i Pema ya Nuxmagŭxe, ñaã nixŭ i ngêma yatü i nachigamaã yadexagŭxŭ i guxŭtma i Yudiügü. Rü chopêxewa ínanaxuaxŭgŭ ga Yerucharéŭwa rü nüma rü ta. Rü guxŭguma tagaãcüma choxna naxcêx nacagŭ na nayuxŭ.

25—Natürü i choma rü taxuŭma i űacü i chixexŭ i naxŭxŭ nawa chadau na naxcêx yamáxŭ. Natürü nüma ga Pauru rü naxcêx ínaca na âêxgacŭ ya tacü ya Chécharu nüxna çaxŭ, rü ngêmacêx nagu charŭxŭnŭ na ngema chanamuxŭ.

26—Natürü taxuŭma i ore i aixcüma ixŭxŭ i nachiga choxŭ nangêxma na chorŭ âêxgacŭ ya Chécharucêx chanaxŭmatŭxŭcêx. Rü ngêmacêx chanamu na nuã pepêxewa nagagŭãxŭcêx, rü cuxcêx türü nixŭ, Pa Âêxgacŭ Pa Agripax, na nüxna cuçaxŭcêx, na nüxŭ chacuáxŭcêx i űacü tá na chaxŭmatŭxŭ naxcêx ya âêxgacŭ ya Chécharu.

27—Erŭ chauxcêx rü tama name na ngextá namuxŭ i wŭxi i poxcuxŭ ega tama naxŭmatŭxŭragu nachiga na űacŭcêx ínaxuaxŭgŭãxŭ.

26

Pauru rü âêxgacŭ ga Agripapêxewa nügŭétüwa nidexa

1 Rü yexguma ga Agripa rü ñanagŭrŭ Pauruxŭ: —Marŭ name i ñuxma i cugŭétüwa quidexa—ñanagŭrŭ. Rü yexguma naxunagŭmêxê ga Pauru, rü ínanaxŭgŭ ga nügŭétüwa na yadexaxŭ, rü ñanagŭrŭ:

2—Chataãe, Pa Âêxgacŭ Pa Agripax, erŭ cupêxewa chidexa i ñuxma na chaugŭétüwa chachogŭxŭcêx i guxŭtma i ngêma choxŭ na ínaxuaxŭgŭxŭ i ngêma chautanŭxŭ i Yudiügü.

3—Rü yexeraãcü chataãe erŭ cuma nüxŭ cucuêx i guxŭtma i tocüma i toma i Yudiügü, rü guxŭtma i Moíche ŭmatŭxŭ i mugŭ i naxcêx yadexagŭxŭ i chautanŭxŭgŭ. Rü ngêmacêx cuxna chaca na meã choxŭ icurŭxŭnŭxŭcêx.

Pauruarŭ maxŭ naxŭpa ga Ngechuchuaxŭ na yaxôôxŭ

4—Rü guxŭtma i ngêma chautanŭxŭgŭ i Yudiügü rü nüxŭ nacuêxgŭ ga ñuxácü na chamaxŭxŭ ga natanŭwa ga chauchiñãnewa rü Yerucharéŭwa ga yexguma changextŭxŭúragu.

5—Rü ngêxguma chauchigaxŭ yaxugŭechaŭgu, rü nüma nüxŭ nacuêxgŭ ga choma rü woetama Parichéu na chiixŭ. Rü toma i Yudiügü i Parichéugŭ na tixŭgŭxŭ, rü toma nixŭ i guxŭtma i totanŭxŭ i Yudiügŭarŭ yexera na poraãcü tanaxaurexŭ i ngêma tocüma.

6—Rü ñuxma i ngêma chautanŭxŭgŭ i Yudiügü rü nuã pepêxewa choxŭ nagagŭ erŭ chayaxô na Cristugagu nangêxmaxŭ i maxŭ i taguma gŭxŭ, yema Tupana nuxcümaŭgŭxŭ ga torŭ oxigŭmaã ínaxunetaxŭrŭ.

7—Rü guxŭtma i totanŭxŭgŭ i Yudiügü rü ínananguxêêgŭ na nüxŭ nadaugŭxŭ rü tá na yanguxŭ i ngêma uneta. Rü ngêmacêx Tupanaxŭ nicuêxŭgŭ rü guxŭguma i ngunecŭ rü chŭtacŭ rü Tupanaãxŭ napuracŭe. Rü choma rü ta íchananguxêê na nüxŭ chadauxŭ rü tá na yanguxŭ i ngêma uneta, rü ngêmacêx nixŭ, Pa Âêxgacŭx, i ñuxma i choxŭ ínaxuaxŭgŭxŭ i ngêma chautanŭxŭgŭ i Yudiügü.

8—¿Rü tŭxcŭü tama peyaxôgŭ na Tupana wena namaxêxêêxŭ i ngêma yuexŭ?

Pauru rü nüxŭ nixu ga ñuxácü yema yaxôgŭxŭwe na yangêchigŭxŭ

⁹ —Rü choma nagu charūxñügu ga noxri rü name ga muxūma ga chixexū namaā na chaxūxū ga yema Ngechuchu ya Nacharétucūāxāxū yaxōgūxū.

¹⁰ —Rü yemacèx nawe chingēchigū ga Yerucharéūwa. Rü paigūarū āēxgacūgūxūtawa naxcèx íchaca ga popera na chanapoxcuxēx ga yema yaxōgūxū. Rü yexma chanapoxcue ga muxūma. Rü yexguma chautanūxū ga Yudiūgū nadaixgu ga yema yaxōgūxū, rü choma rü chorū me nixī.

¹¹ —Rü muēxpūxcūna rü chanapoxcuxēx na nüxū naxoexūcèx ga yema na yaxōgūāxū. Rü yemaācū chanaxū ga guxūnema ga ngutaquēxepataūgūwa. Rü poraācū naxchi chaxaxichi ga yema yaxōgūxū, rü yemacèx nawe chingēchigū ñuxmata to ga nachīūānegune ga ñānegūwa.

Pauru rü wenaxārū nüxū nixu ga ñuxācū na yaxōōxū ga noxrix

¹² Rü ñānagūrū ga Pauru: —Rü yema yaxōgūxūxū na chapoxcuxēx nixī ga Damacuwa chaxūxū. Rü yemacèx ga paigūarū āēxgacūgū rü choxū namugū rü choxna nanaxāgū ga popera ga nawa choxna naxāgagūxū na chanapoxcuxēx ga yema yaxōgūxū.

¹³ —Rü yexguma namagu taxīyane, Pa Āēxgacūx, rü yexguma meāma tocuchiwa nanguxgu, rü nüxū chadau ga wūxi ga omū ga daxūwa ne ūxū ga ūēxcūarū yexera ixīxū ga choxū baxixū rü yema chomūcūgūxū rü ta baxixū.

¹⁴ —Rü guxāma ga toma rü ñaxtūānegu tayayi. Rü choma rü nüxū chaxīnū ga wūxi ga naga ga Yudiūgawa choxū ñaxū:

“Pa Chauru Pa Chaurux, ŷtūxcūū i chowe quingēchigūxū? Poraācū cugūtama cuchixexē ñoma wūxi i tacū i āmaguxūgu cucuxgūxūrūū”, ñānagūrū choxū.

¹⁵ —Rü choma chanangāxū, rü ñācharūgū:

“ŷTexé quixī, Pa Corix?” ñācharūgū. Rü nūma ga Cori rü ñānagūrū choxū:

“Choma nixī i Ngechuchu rü chorū duūxūgū nixī i ngēma nawe quingēchigūxū.

¹⁶ —jNatūrū irūda rü inachi! Rü marū cuxcèx changox i ñuxmax, erū cuxū chamuxchaū na choxū cupuracūxūcèx rü nüxū quixuchigaxūcèx i ngēma ñuxma na choxū cudauxū rü ngēma yixcūra tá chauxūtawa nüxū cudauxū.

¹⁷ —Rü cuxna tá chadau i natanūwa i cutanūxūgū i Yudiūgū rü ngēma tama Yudiūgū ixīgūxū i ñuxma tá natanūwa cuxū chamuxū.

¹⁸ —Rü ngēma cuxū chamu na ngēma duūxūgūxū choxū cucuēxēēxūcèx rü nüxū naxoexūcèx i nacūma i chixexūgū rü chauga naxīnūēxūcèx. Rü ngēma tá cuxū na Chanāmēxēwa icunanguxūxēēxūcèx i ngēma duūxūgū na chowe naxīxūcèx rü choxū yaxōgūāxūcèx na choma rü nüxū nüxū changechaūxūcèx i norū pepadugū, rü nüxū nangēmaxūcèx i nachica namaā i guxūma i chorū duūxūgū i ūūnegūxū”, ñānagūrū choxū ga Cori.

Pauru rü naga naxīnū ga yema Ngechuchu namaā nüxū ixuxū

¹⁹ —Rü yemacèx ga chomax, Pa Āēxgacū Pa Agripax, rü naga chaxīnū ga yema ore ga Ngechuchu chomaā nüxū ixuxū ga yexguma choxū nabaxixgu ga yema omū ga daxūwa ne ūxū.

²⁰ —Natūrū noxri rü Damacucūāxgūmaā nüxū chixuchiga ga Tupanaārū ore. Rü yixcama ga Yerucharéūcūāxgūmaā, rü yemawena rü guxū ga Yudeāanewa, rü ñuxūchi yema tama Yudiūgū ixīgūxūmaā nüxū chixu. Rü ñācharūgū:

“jNüxū perūxoe i pecūma i chixexūgū, rü Tupanacèx pedaugū, rü meā pemaxē na duūxūgū nüxū daugūxūcèx na aixcūma peyaxōgūxū!” ñācharūgū.

²¹ —Rü yemacēxtama nixī ga tupauca ya taxūnegu choxū yayauxgūxū rü choxū yamēxgūchaūxū ga chautanūxūgū i Yudiūgū.

²²⁻²³ —Natūrū Tupana choxū narūngūxēē rü ngēmacèx taguma íchayachaxāchi na guxūma i duūxūgūmaā nüxū chixuxū rü woo buxū rü yaxū. Rü namaā nüxū chixu ga yema ore ga nuxcūmaūgūxū ga Tupanaārū orearū uruūgū rü Moiché nüxū ixugūxū na ñuxācū tá nüxū nangupetūxū ga Cristu rü ñuxācū tá na nayuxū, natūrū yemawena rü nūma tá yīxū ga nūxīra yuwa inadaxū. Rü namaā nüxū chixu ta ga yema nuxcūmaūgūxūārū ore ga ñaxū:

“Rü Cristu rü tatanūxū i Yudiūgūmaā rü ngēma to i duūxūgū i tama Yudiūgū ixīgūxūmaā tá naxunagūāxū i ore i tūxū maxēxēēxū”,

ñaxū. Rü yemachigaxūxīcatama nixī ga namaā chixuxū —ñānagūrū ga Pauru.

Pauru rü Agripaxū nanangūchaūxēē na yaxōōxūcèx

²⁴ Rü yexguma yemaācū nūgūētūwa yadeaxgu ga Pauru, rü ñānagūrū ga Festu tagaācūma: —Cungēāmare Pa Paurux. Rü ngēma na yeūcūrū cungūechaū, rü dūxwa nawa cungēāē —ñānagūrū.

²⁵ Natūrū ga Pauru rü nanangāxū, rü ñānagūrū: —Tama changēāē Pa Āēxgacūxūchi, Pa Festux. Erū ñāā ore i nüxū chixuxū, rü aixcūmaxūchima nixī.

²⁶ —Rü daa āēxgacū ya Agripa rü meāma nūxū nacuēx i guxūma i ngēma pemaā nūxū chixuxū. Rū ngēmacēx tama chamuūācūma chorū taāēmaā napēxewa nūxū chixu, erū nūxū chacuēx na nūma rü ta nūxū nacuāxū i tacūchiga na yīxū i guxūma i űāā ore. Erū tama ngextāmare cūācū naxūpetū i ngēma.

²⁷ —ĵCuyaxōxū, Pa Agripax, i ngēma Tupanaārū orearū uruūgū nūxū ixuxū? Choma nūxū chacuēx rü cuyaxō —ñanagūrū ga Pauru.

²⁸ Rū Pauruxū nangāxū ga Agripa, rü ñanagūrū: —ĵĒxna cuma nagu curūxīnūgu rü ngēmaācū noxre i curū oremaā na choxū cuyaxōxēēxū? —ñanagūrū.

²⁹ Rū ñanagūrū ga Pauru: —Woo noxre i oremaā rü woo muxū i oremaā rü Tupana nanaxwēxe na cuyaxōxū. Rū tama i cuxicatama, natūrū guxūma i űāā nuā choxū ĩnūēxū rü ta, rü Tupana nanaxwēxe na chauxrūū yixīgūxū, natūrū tama chauxrūū daa cadenagūmaā na yanēĵgūxū —ñanagūrū ga Pauru.

³⁰ Rū yexguma inachigū ga Agripa, rü Festu, rü Bereniche, rü guxūma ga yema namaā yēma rūtogūxū.

³¹ Rū yexguma ga nūmagū rü noxrūwama naxī na yēma nūgūmaā Pauruchiga yadex-agūxūcēx. Rū ñanagūrūgū: —Rū ngēma yatū, rü taxuūma i chixexū naxū na naxcēx yamāxū rü ēxna naxcēx napoxcuxū —ñanagūrūgū.

³² Rū Festuxū ñanagūrū ga Agripa: —Ngēxguma chi tama nūmatama naxcēx ĩnacaxgu na Chécharu nūxna çaxūcēx, rü chi ĩtananguxuchixēē —ñanagūrū.

27

Pauruxū Dumawa namugū

¹ Rū yema āēxgacūgū rü dūxwa nagu narūxīnūē na norū āēxgacū ga Chécharu ga Itáriaanewa yexmacūxūtawa na toxū namugūxū. Rū norū churaragūarū capitāūna nanamu ga Pauru namaā ga űuxre ga togū ga poxcuexū na Chécharuxūtawa nagagūāxūcēx. Rū guma capitāū rü Yūriu nixī ga naēga, rü norū churaragūtūcumū rü Chécharuarū Dauruūgū nixī ga naega.

² Rū nagu tichoū ga wūxi ga wapuru ga buanecūmaā ixūxūne ga Adamíchiuwa ne ūxūne ga Áchiaarū ĩānegūwa ūxchaxūne. Rū towe ta nixūe ga Aritārcu ga Machedóniāānecūāx ga Techarónicawa ne ūxū.

³ Rū moxūācū rü Chidāūārū tūrewa tangugū. Rū Paurumaā namecūma ga capitāū ga Yūriu. Rū ĩnanaxūxēē na yēmacūāx ga namūcūgūxūtagu naxūānēāxūcēx ga Pauru, na nūmagū nūxū nangūxēēgūxūcēx.

⁴ Rū yēma itaxīāchi. Rū Chiprearū capaxūārū tocūwaguama taxī, naxchaxwa ga buanecū, yerū towaama nabu.

⁵ Rū yēma Chiprewa tixāū ga taxtū rü Chiríchiaanecutūwa tarūyicu. Rū yemacutūgu taxī, rü Paūpíríanewa tachopetū rü űuxmata Díchiaanewa yexmane ga ĩāne ga Mirawa tangugū.

⁶ Rū yema capitāū yexma nūxū nayangau ga wūxi ga wapuru ga Aleyādríawa ne ūxūne ga Itáriaanewa ūxūne. Rū gumagu toxū nichoūxēē, rü tomaā inaxūāchi.

⁷ Natūrū ĩrarūwatama ĩtiñaxwetaxū ga muxūma ga ngunexūgu, rü guxchaācūma Guíduarū toxmēxtawa tangugū. Natūrū towaama nabuema ga buanecū, rü yemacēx capaxū ga Chamonaārū toxmēxtawa tachopetū rü capaxū ga Crétaxū ĩtachoeguāchi.

⁸ Rū guxchaācūma nacutūgu taxī ga yema capaxū, rü wūxi ga nachica ga Mexū ga Tūregu āegaxūwa tangugū. Rū ĩāne ga Dácheaarū ngaicamana nayexma.

⁹ Natūrū marū poraācū namagu tanuxcū ga na itaxīxū, rü marū naxāūcūma ga na itaxīāchixū yerū marū nawa nangu ga guma tauemacūgū ga nagu nagāuanecū. Rū yemacēx ga Pauru rü nayaxucūxē ga duūxūgū, rü ñanagūrū:

¹⁰ —Pa Chomūcūgūx, nūxū chacuēx i ngēxguma chi ĩxīāmagu, rü tá naxāūcūma. Rū daa wapuru rü tá ĩnayarūtaxu namaā i guxūma i naācu. Rū ngūrūāchi i yixema rü tá ta tayue —ñanagūrū.

¹¹ Natūrū yema churaragūarū capitāū rü yexeraācū guma wapuruarū yoragaama naxīnū, rü marinerugūarū capitāūgaama naxīnū, rü tama aixcūma Pauruga naxīnū.

¹² Natūrū yema tūre rü tama name ga yēma na tanangupetūxēēxū ga gāuanexū. Rū yemacēx wixguxūchi guxūma ga duūxūgū nagu narūxīnūē rü narūmemaē nixī ga na itaxīāchixū ga yēma. Rū nanaxwēxegū ga chi Cueníchewa na tangugūxū na yēma tanangupetūxēēxū ga gāuanexū, yerū yema nixī ga wūxi ga Crétaarū tūre ga mexū ga tama poraācū buanecū ga taxū nawa nguxū.

Taxtūarū ngāxūltūgu nūxū naxū ga buanecū ga tacū

¹³ Rū inanaxūgū ga na meāma topēxewaama nabuxū ga buanecū, rū yemacēx ga nūmagū ga marinerugū rū nūxū nacuēxgūgu rū chi meā itangugū ga yema itaxūdwa. Rū yemacēx itaxīāchi, rū nacutūarū ngaicamagu taxī ga yema Crētaarū capaxū.

¹⁴⁻¹⁵ Rū natūrū ngūrūāchi yixcamaxūra rū wūxi ga buanecū ga taxūchicū ga capaxūārū tocūwawa ne ūxcū ngāxūtuwaama nanacue ga guma wapuru. Rū taxuacūma itixūtaū nawaama ga buanecū. Rū yemacēx dūxwa itayachaxāchi ga na tanatochinūxū, rū toxū īnicuetaū.

¹⁶ Rū wūxi ga capaxūācū ga Caudagu āgaxūārū tocūwawaama tachopetū ga ngextā tama poraācū iyabuaxūwa. Rū yema poraācū tapuracūe na guma wapurugu tanatūnagūxū ga norū ngue ga yatūchigūne.

¹⁷ Rū yexguma marū natūnagūgūāgu ga guma ngue, rū napanaxāgū ga tanūtaxūdmaā nayanēixgūtūwe ga guma wapuru. Rū nūxūchi nayawēgū ga yema naxchirutachinūgū ga namaā yacuetaūxū ga noxrix, yerū namuūē ga na Chirutearū naxnūcūwa yanangaix-taūgūxū. Rū yema buanecū toxū nicuetaūmare.

¹⁸ Rū moxūācū ga buanecū rū tama nangupetūēga, rū yemacēx inanaxūgū ga na īnawoūācuāxū.

¹⁹ Rū norū tomaēxpūx ga ngunexūgu, rū naxmēxmaātama īnanawoū ga yema natūxūgū ga guma wapuru, rū guxūma ga to ga norū yemaxūgū.

²⁰ Rū muxūma ga ngunexūgu, rū tama nangox ga ūēcū rū ēxtagū, rū tama nangupetūēga ga guma buanecū ga taxūchicū. Rū dūxwa nagu tarūxīnūē ga marū tāūtāma na tamaxēxū.

²¹ Rū yexguma marū muxūma ga ngunexū tingegūgu ga tama na tachibūexū, rū yexguma guxūma ga yema duūxūgūtanūwa inachi ga Pauru, rū nānagūrū: —Narūmemaē chi nixī, Pa Chomūcūgūx, ga chauga na pexīnūexū, rū tāū chima na ixīāchixū ga Crētawa, rū tāū chima nūxmarūū tūxū naxūpetū i nāā āūcūmaxū rū taxuxū chima i chixexū tūxū nangupetū.

²² —Natūrū ipetaāēgū! erū wapuruxica tā inayarūtaxu, natūrū i yixema rū taxūētāma tayue.

²³ —Erū ngewēxarū chūtaxūgu ya Tupana ya nūxū chapuracūcū ya chorū cori ixīcū rū nūma nanamu i wūxi i norū orearū uruū i daxūcūāx i chauxcēx ngōxū.

²⁴ —Rū nānagūrū choxū:

“jTāxū i cumuūxū, Pa Paurux! Erū āēxgacū ya Chēcharupēxewa tā cungu, rū cugagu tā Tupana nanamaxēxē i guxūma i ngēma cumūcūgū i cumaā ngēxma wapurugu ixū”, nānagūrū choxū.

²⁵ —Rū ngēmacēx, Pa Chomūcūgūx, jrū petaāēgū! erū choma rū aixcūma Tupanaāxū chayaxō, rū aixcūma tā nixī i ngēmaācū tā nangupetūxū ngēxgumarū i ngēma chomaā nūxū yaxuxū.

²⁶ —Natūrū wūxi i capaxūwa tā tayarūcūcuchitaūgū —nānagūrū ga Pauru.

²⁷ Rū yexguma taxre ga yūxū tingexgu ga na itaxīxū, rū taxū ga taxtū ga Ariāticuwa tayexmagū, yerū ga buanecū rū nūxīca toxū nacuetaū. Rū ngāxūcūgu nūxū nicuēxāchitanū ga yema marinerugū ga na dauxchitacutūwa tangugūchaūxū.

²⁸ Rū īnanataegū ga norū ngugūtamaxū rū 36 ga metru nixī ga norū mātama. Rū yexguma marū īrarūwa yaxūguxūra itaxīxgu rū wenaxārū nanangugūtamagū, rū 27 ga metru nixī ga norū mātama ga yexgumax.

²⁹ Rū namuūē ga na nutamaā yanañataūgūxū ga naxānacūwa, rū yemacēx guma wapuru rinchinūwa īnanawoū ga āgūmūcū ga aūclagū ga achugūnaxcēx ga napanaxāmaā ixātūxūxū na yemaācū iyachaxāchigūxēāxūcēx ga guma wapuru. Rū nayumūxēgū ga paxa na yangunexūcēx.

³⁰ Natūrū ga yema marinerugū rū nibuxmūchaū ga guma wapuruwa, rū yemacēx nanawāixēgū ga guma wapuruarū ngue, rū nānagūrūgū: —Ngēma wapurupēxearū aūclagū tā ītawoū na nataixūcēx ya wapuru —nānagūrūgūneta.

³¹ Natūrū ga Pauru rū churaragūarū capitāūmaā rū norū churaragūmaā nūxū nixu rū nānagūrū: —Ngēxguma nāā marinerugū rū tāūtāma nuxā wapurugu nachoxgu, rū guxāma i pema rū tā peyue —nānagūrū.

³² Rū yexguma ga yema churaragū rū nayadaecunūgū ga guma ngue, rū inananguxēēgū.

³³ Rū yexguma marū yangunechaūgu, rū Pauru nayaxucūxēgū ga guxūma na nachibūexūcēx, rū nānagūrū: —Taxre i yūxū nixī i nūxma na taguma aixrūgumarūū pechibūexū, rū bai i tacū na pengōxū yerū poraācū pexoegaēgū.

³⁴ Rū nūxma rū pemaā nūxū chixu na pechibūexū na peporaexūcēx, rū taxūma pexū ūpetūxūcēx. Erū taxūētāma itayarūtaxu rū bai i wūxi i peyaexūra inayarūtaxu —nānagūrū.

³⁵ Rū yexguma marū yema nāxgu, rū nanayaxu ga wūxi ga pāū, rū Tupanana moxē naxā napēxewa ga guxūma. Rū inanabūcu ga yema pāū, rū inanaxūgū ga na nangōōxū.

³⁶ Rū yexguma nataāēgū ga guxūma, rū nūmagū rū ta nachibūe.

³⁷ Rū 276 tixīgū ga guxāma ga toma ga guma wapurugu ixē.

³⁸ Rū yexguma marū nangāxēgu, rū inanawoŭ ga yema trigu ga wapuru namaā āacuxŭ na nangūnagūāchixūraxūcēx ga guma wapuru.

Inangu ga guma wapuru

³⁹ Rū yexguma yangunegu, rū yema marinerugū tama nūxŭ nacuáane ga yéma. Natürü nūxŭ nadaugū ga wūxi ga axcuchixŭ ga naxnūcūpechinūāxŭ, rū nāgu narūxīnūē ga yéma na yanangaixēēgūāxŭ ga wapuru.

⁴⁰ Rū yexguma nanadaŭ ga norū ngaxūxŭ ga aŭclagū, rū yéma nanawogū. Rū nayawēgū ga norū toxchinūxŭārū nēixruŭgū, rū inananga ga yema napēxewa ūxŭ ga naxchirutachinū ga namaā iticuetaŭxŭ. Rū itanaxūgū ga nūxŭ na tingaicaxŭ ga yema naxnūcūpechinū.

⁴¹ Natürü wūxi ga naxnūcūarū nuxtamaxūwa tayarūngaixtaŭ. Rū yéma naxnūcūwa nayarūwápēxe ga guma wapuru rū marū tama yéma itaxīāchi. Rū yoxni ga nachinūwa, rū yuape nayapuxēē.

⁴² Rū yema churaragū rū nāgu narūxīnūē ga na nadaiāxŭ ga yema poxcuexŭ na taxuŭma iŭaxŭcēx ga yexguma naxānacūwa nangugūgu.

⁴³⁻⁴⁴ Natürü yema norū capitāŭ ga churaragū, rū Pauruxŭ namaxēēchaŭ, rū yemacēx tama nanaxwēxe ga na nadaiāxŭ ga yema poxcuexŭ. Natürü nanamu na yema ixānūxŭ rū nūxīra inayuxgūxŭ na naxānacūwa nawēxgūxŭcēx, rū yema togū rū mūrāpewāgūgu rū ēxna yema wapurutūchigūgu meā na inachōŭxŭcēx. Rū yemaācū guxāma meāma naxānacūwa tangugū.

28

Capaxū ga Märtawa nayexma ga Pauru

¹ Rū yexguma meāma naxānacūwa tangugūgu ga guxāma rū yexguma nūxŭ tacuēxgū na Mārta na yīxŭ ga naega ga yema capaxū.

² Rū yema yēmacŭāxgū ga duŭxŭgū rū meāma toxŭ nayauxgū ga guxāma. Rū nanangixtagū ga wūxi ga ūxŭ ga taxŭne. Rū toxcēx nacagū ga guxāma na yéma togū tanaixŭgūxŭcēx, yerū napu rū nagāuane.

³ Rū Pauru nanadetaquēxe ga űuxre ga naīchacuŭgū, rū ūxŭxetūwa nayawocu. Natürü yexguma yéma yawocuāgu, rū ūxŭarū naīēmāxŭchaxwa inayago ga wūxi ga āxtape. Rū Paurumēxēwa nayuxu, rū yéma nayarūtuāchi.

⁴ Rū yexguma yema yēmacŭāxgū nūxŭ daugūgu ga yema āxtape ga Paurumēxēwa na natuxŭ, rū nūgūmaā űanagūrūgū: —Naā yatū rū maneca wūxi i máētaxŭ nixŭ. Rū woo taxtūwa yuwa na yaŭaxŭ, natürü Tupana tama nanamaxēēchaŭ —űanagūrūgū.

⁵ Natürü guma ūxŭxetūgu nanamaxŭ ga yema āxtape, rū taxuŭma nūxŭ naxūpetū ga Pauru.

⁶ Natürü guxūma ga yema duŭxŭgū rū inananguxēēgū rū ngoxi tá nachamē rū ēxna nayux. Rū marū nuxcūxūrama ga yema nūxŭ na nadaunūxŭ rū taxuŭma nūxŭ na ūpetūxŭ, rū dūxwa togu narūxīnūē rū inanaxūgūe ga na űagūxŭ: —Maneca wūxi ya tupana nixŭ —űagūxŭ.

⁷ Rū yema nachicaarū ngaicamana nayexma ga norū naāne ga yema capaxūārū āēxgacū ga Pūbiru ga naega. Rū nūma meāma toxŭ nayaxu, rū yexma toxŭ napegūxēē ga tomaēxpūx ga ngunexŭ. Rū tomaā namecūmaxŭchi.

⁸ Rū guxema Pūbiru nanatū rū ngūrūcarewa tayexma, yerū tixaxūne rū taduŭ. Rū yéma tūmaxŭtawā nangu ga Pauru, rū tūmamaā nayumūxē, rū tūmaētūgu naxūxmēx, rū tūxŭ narūmexēē.

⁹ Rū yexguma yemāxŭ nadaugūgu, rū Paurucēx yéma naxŭ ta ga guxūma ga togū ga iqaaweexŭ ga yema capaxūcŭāx, rū narūmeē.

¹⁰ Rū nūmagū rū muxūma toxna naxāmāregū. Rū yexguma itaxīāchigu, rū toxna nananagū ga guxūma ga tanaxwēxexŭ ga torū namawaŭ ga űna.

Dumawa nangu ga Pauru

¹¹ Rū tomaēxpūx ga tauemacū yéma capaxūwa tayexmagū. Rū űuxŭchi nāgu tichoŭ ga wūxi ga wapuru ga yema capaxūwa gāuanexŭ ngupetūxēxene. Rū Aleyādrīacŭāx nixŭ ga guma wapuru. Rū napēxeraŭwa nayexmagū ga taxre ga norū tupanachicūnēxāgū ga Catu rū Porugu āegagūxŭ.

¹² Rū Chīracūchaarū tūrewa tangugū, rū tomaēxpūx ga ngunexŭ yéma tayexmagū.

¹³ Rū yéma itaxīāchi, rū nacutūarū ngaicamāgu taxŭ űuxmata Dequīuwa tangugū. Rū moxŭācū inangu ga wūxi ga buanecū ga itaxīŭwaama bucū rū toxŭ inicuetaŭ. Rū yemaārū moxŭācūama rū Puteriwa tangugū.

¹⁴⁻¹⁵ Rū yexma nūxŭ tayāngau ga űuxre ga duŭxŭgū ga yaxōgūxŭ. Rū toxna naxu na wūxi ga yūxŭ yexma naxūtagu tarūchōxŭcēx. Rū marū wūxi ga yūxŭ ngupetūgu rū

itaxīāchi na namagu Dumawa taxīxūcèx. Rū marū toxū nacuáchigagū ga yema yaxōgūxū ga Dumagugūxū. Rū yema nama ga Ápiugu āegaxūgu naxī na yexma toxū yangaugūxūcèx. Rū űuxre rű yema nachica ga Tomaēxpūx ga Taxepataūgu āegaxūwa toxū nayarūnguxēēgū Rū togū rű nachopetū űuxmata yema nachica ga Ápiuarū Ngūēchicagu āegaxūwa nangugū. Rū yexguma Pauru nūxū dēuxgu ga yema yaxōgūxū, rű Tupanana moxē naxā rű poraācū nataāē. Rū yemaācū Dumawa tangugū.

¹⁶ Rū yexguma Dumawa tangugūgu rű wūxi ga Īpatawa nananguxēēgū ga Pauru nūxīca namaā ga wūxi ga churara ga nūxna dauxū.

Dumawa nayexma ga Pauru

¹⁷ Rū tomaēxpūx ga ngunexū marū yēma nayexmagu, rű Pauru naxcèx nangema ga yema Yudiūguarū āēxgacūgu ga Dumawa yexmagūxū. Rū yexguma nangutaquēxegūgu, rű űanagūrū ga Pauru nūxū: —Choma, Pa Chaueneēgūx, rű taxuūma i chixexū chaxū namaā i tatanūxūgū, rű bai i nuxcūmaūgūxū i tórū oxigūcūmagūmaā. Natūrū Yerucharēūgu choxū niyaxugū ga tatanūxūgū, rű Dumacūāxga churaragūna choxū namugū.

¹⁸ Rū yexguma marū choxna nacagūegu ga Dumacūāxgū, rű choxū ningēxgūchaū, yerū taxuūma ga tacū ga chixexū chowa nadaugū na choxū yamēxgūxūcèx.

¹⁹ Natūrū yema tatanūxūgū ga Yudiūgū rű nayamuētānū na tama choxū yangēxgūxūcèx, rű yemacèx dūxwa naxcèx íchaca na nūmatama ya āēxgacū ya Chécharu choxna çaxūcèx. Natūrū tama tatanūxūgūxū na íchaxuaxūxūcèx nixī ga yemacèx íchaçaxū.

²⁰ Rū ngēmacèx nixī i pexcèx nuā changemaxū na pexū chadauxūcèx rű pemaā chidexaxūcèx. Pema nūxū pecuèx rű yixema i Yudiūgū rű ĩtananguxēē i na ĩnanguxū ya Cristu. Rū yima Cristucèx nixī i choma i űuxma i daa cadenamaā chināixū —űanagūrū.

²¹ Rū nūmagū nanangāxūgū, rű űanagūrūgū: —Toma rű taxuūma i popera i Yudéawa ne muxū i cuchigagu űmatūxū tayauxgū. Rū ngēma taeneēgū i ngēma ne íxū rű nūma ngugūxū rű bai i wūxi i nūxū ixuxū i tacū rű ore i chixexū i cuchiga.

²² Rū cuxūtawa nūxū taxīnūēchaū rű çūxūxū űacuxū i cumax? Erū nūxū tacuèxgū rű guxūwama i Yudiūgū rű chixri nachiga nidexagū i ngēma ore i ngexwacaxūxū i Ngechuchichiga —űanagūrūgū.

²³ Rū yexguma Paurumaā inaxunetagū ga wūxi ga ngunexū, rű napatawa naxī ga muxūma ga duūxūgū. Rū Pauru namaā nūxū nixu ga Tupanaārū ore ga űuxācū āēxgacū na yīxū ya Tupana. Rū pēxmama inanaxūgū, rű űuxmata nachūtaxū rű nūxū nanangūchaūxēē ga yema duūxūgū na Ngechuchuauxū yaxōgūāxūcèx. Rū yemacèx Moíché űmatūxū ga mugūwa rű nuxcūmaūgūxū ga Tupanaārū orearū uruūgū űmatūxū ga orewa namaā nūxū nixu ga Ngechuchichiga.

²⁴ Rū nūmaxū rű nayaxōgū ga yema Pauru namaā nūxū ixuxū natūrū ga togū rű tama nayaxōgū.

²⁵ Rū yexguma tama wūxigu naxīnūēgu ga yema duūxūgū, rű inanaxūgū ga na íyaxīxū. Rū yemacèx ga Pauru rű űanagūrū nūxū: —Meā perū oxigūmaā nidexa ga Tupanaāē i Ūūnexū ga yexguma Ichaxīaxū yadexaxēēgu rű űaxgu:

²⁶ “ĵRū ngema naxū, rű ngēma duūxūgūmaā nūxū yarūxu rű űacurūgū tá nūxū: ‘Rū woo nūxū pexīnūēgu rű tāūtāma aixcūma nūxū pecuèxgū. Rū woo nūxū perūdaunūgu rű tāūtāma aixcūma peyaxōgū.

²⁷ Rū ngēmaācū pixīgū i űuxmax, erū tama choxū pecuāxchaū i pemax. Rū tama nūxū pexīnūē i chorū ore erū tama nūxū pexīnūēchaū. Rū tama nūxū peyaxōgū i ngēma choma pexū nūxū chadauxēēxū erū tama nūxū peyaxōgūchaū. Rū tama peāēwa chaugu perūxīnūē erū tama nūxū perūxochāū i pecūma i chixexūgū rű tama chauxcèx pedaugūchaū na choma pexū chamaxēxēēxūcèx!’ ”

űanagūrū ga Tupanaāē i Ūūnexū.

²⁸ Rū űanagūrū ta ga Pauru: —Rū name nixī i pema rű ta nūxū pecuèx rű űuxma rű marū inaxūgū na ngēma tama Yudiūgū ixīgūxūtanūwa naxunagūxū i űāā Tupanaārū ore i tūxū maxēxēēxū. Rū nūmagū tá nixī i aixcūma inaxīnūēxū —űanagūrū.

²⁹ Rū yexguma Pauru yema űaxgu, rű ĩnixī ga yema Yudiūgū, rű poraācū nūgūmaā ĩniporagatanūcūū.

³⁰ Rū taxre ga taunecū ga mecū yēma nayexma ga Pauru nawa ga guma ĩ ga naxūtanūne ga nagu na napexūcèx. Rū yēma meāma nanayaxuxū ga guxūma ga duūxūgū ga naxūtawa íyadaugūxūxū.

³¹ Rū nūxū nixuchiga ga űuxācū āēxgacū na yīxū ga Tupana. Rū taxūema nūxna tanachuxu na nangūxēēāxū ga Cori ya Ngechuchu ya Cristuchiga. Rū taxūema naxcèx tanachixewe.

POPERA GA DUMAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rŭ nŭxŭ narŭmoxē ga yema yaxŏgŭxŭ ga Dumaārŭ tānewa yexmagŭxŭ

¹ Pa Chaueneēgŭx, choma i Pauru nixi i pexcēx chanaxŭmatŭxŭ i űāā popera. Rŭ choma nixi i Ngechuchu ya Cristuarŭ duŭxŭ chŭiŭ. Rŭ choma nixi ga Tupana choxŭ yaxuŭ na choxŭ yamuxŭcēx na duŭxŭgŭmaā nŭxŭ chixuxŭcēx i norŭ ore i mexŭ i tŭxŭ maxēxēxŭ.

² Rŭ nuxcŭmaxŭchima Tupana nanamu ga norŭ orearŭ uruŭgŭ na naxŭmatŭgŭāxŭcēx ga norŭ ore i mexŭ. Rŭ yemaācŭ tŭxŭ nŭxŭ nacuēxēē ga űāā ore i mexŭ.

³ Rŭ űāā ore i mexŭ rŭ tŏrŭ Cori ya Ngechuchu ya Cristuchiga nixi. Rŭ nŭma rŭ woo Tupana Nane na yŭiŭ, natŭrŭ duŭxŭgŭrŭŭ nabu ga yexguma űoma ga naānewa nanguxgu. Rŭ nuxcŭmaŭcŭ ga āēxgacŭ ga Dabŭta nixi.

⁴ Natŭrŭ nŭmatama ya Ngechuchu rŭ ŭnecŭ nixi. Rŭ yexguma yuwa űnadaxgu rŭ Tupana tŭxŭ nŭxŭ nadauxēē na aixcŭma Nanexŭchi na yŭiŭ. Rŭ nŭxna nanaxā ga guxŭma ga pora.

⁵ Rŭ Ngechuchu ga Cristugagu nixi ga chomaā namecŭmaxŭ rŭ choxŭ naxunetaxŭ ga Tupana na norŭ puracŭ chaxŭxŭcēx. Rŭ yemacēx Ngechuchuēgagu choxŭ namu na guxŭ i nachŭűānewa nŭxŭ chixuxŭcēx i norŭ ore na yaxŏgŭāxŭcēx i duŭxŭgŭ rŭ Tupanaga naxŭnŭxŭcēx.

⁶⁻⁷ Rŭ pema rŭ ta, Pa Dumacŭāxgŭx, rŭ ngēma duŭxŭgŭtanŭwa pengēxmagŭ yerŭ Tupanaāxŭ peyaxŏgŭ rŭ naga pexŭnŭē. Rŭ nŭma rŭ pexŭ nangechaŭ rŭ marŭ pexŭ naxuneta na Ngechuchu ya Cristuarŭ duŭxŭgŭ pixŭgŭxŭcēx rŭ ngēma norŭ duŭxŭgŭtanŭxŭ na pexŭgŭxŭcēx. Rŭ űuxmax, Pa Chaueneēgŭ i Dumacŭāxgŭx, rŭ chanaxwēxe i nŭma ya Tanatŭ ya Tupana rŭ tŏrŭ Cori ya Ngechuchu ya Cristu pemaā namecŭmagŭ rŭ pexŭ narŭngŭxŭēēgŭ na meā pexŭ naxŭpetŭxŭcēx rŭ aixcŭma petaāēgŭxŭcēx.

Pauru rŭ nŭxŭ nangŭchaŭ na űyadauāxŭ ga yema yaxŏgŭxŭ ga Dumawa yexmagŭxŭ

⁸ Rŭ űuxma rŭ Ngechuchu ya Cristuēgagu Tupanana moxē chaxā pexcēx, erŭ guxŭwama i guxŭ i naānewa rŭ duŭxŭgŭ nŭxŭ nixugŭgŭ na aixcŭma Cristuaxŭ peyaxŏgŭxŭ rŭ Tupanacēx pemaxēxŭ.

⁹ Rŭ nŭma ya Tupana choxŭ nadau rŭ nŭxŭ nacuēx na aixcŭma guxŭguma pexcēx chayumŭxēxŭ. Rŭ yimaāxŭ nixi i guxŭma i chorŭ ngŭchaŭmaā chapuracŭxŭ rŭ nŭxŭ chixuxŭ i norŭ ore i mexŭ i Nanechiga.

¹⁰ Rŭ guxŭguma nŭxna chaca na choxŭ ngema namuxŭcēx rŭ ngēmaācŭ dŭxwa pexŭ űchayadauxŭcēx ega norŭ ngŭchaŭ yixŭgu.

¹¹ Erŭ aixcŭma choxŭ nangŭchaŭ na pexŭ chadauxŭ na pemaā nŭxŭ chixuxŭcēx i Tupanaārŭ ore na aixcŭma meā peyaxŏgŭxŭcēx rŭ yexeraācŭ peporaexŭcēx.

¹² Rŭ ngēxguma ngēmaācŭ wŭxiwa ingēxmagŭgu, rŭ tā wŭxichigŭ yigŭ tataāēgŭxŭēē rŭ yigŭaxŭ tanangŭchaŭxēē. Erŭ choma rŭ tā nŭxŭ chadau na űuxācŭ tŏrŭ Coriaxŭ peyaxŏgŭxŭ rŭ pema rŭ tā ta nŭxŭ pedau na űuxācŭ chayaxŏxŭ.

¹³ Pa Chaueneēgŭx, chanaxwēxe i nŭxŭ pecuēx na muēxpŭxcŭna pexŭ űchayadauxchaŭxŭ, natŭrŭ űuxmarŭta rŭ choxŭ naguxcha. Natŭrŭ ngema petanŭwa chaxŭxchaŭ, erŭ chanaxwēxe na pemaā nŭxŭ chixuxŭ i Tupanaārŭ ore yema toxnamana yexmagŭxŭ ga duŭxŭgŭmaā nŭxŭ chixuxŭrŭŭ. Erŭ chanaxwēxe i ngēma duŭxŭgŭrŭŭ meā peyaxŏgŭ na ngēmaācŭ Cristuwe naxŭxŭcēx i ngēma petanŭxŭgŭ i űuxma tama yaxŏgŭxŭ.

¹⁴ Rŭ aixcŭma ngema changuxchaŭ erŭ nŭmatama ya Tupana choxŭ namu na guxŭ i duŭxŭgŭmaā nŭxŭ na chixuxŭcēx i norŭ ore. Rŭ nanaxwēxe i duŭxŭgŭ i meā poperaxŭ icuāxŭmaā nŭxŭ na chixuxŭ rŭ duŭxŭgŭ i tama poperaxŭ icuāxŭmaā ta nŭxŭ chixuxŭ i ngēma norŭ ore. Rŭ ngēxgumarŭŭ ta nanaxwēxe na ngēma duŭxŭgŭ i cuēx nŭxŭ ngēxmagŭmaā nŭxŭ na chixuxŭ rŭ ngēma duŭxŭgŭ i taxuguma rŭxŭnŭxŭmaā nŭxŭ na chixuxŭ.

¹⁵ Rŭ ngēmacēx, Pa Chaueneēgŭ i Dumagu Āchiŭgŭxŭ, rŭ choma rŭ marŭ űchamemare na petanŭwa na chaxŭxŭ, na pemaā rŭ ta nŭxŭ chixuxŭcēx i Tupanaārŭ ore i mexŭ.

Tupanaārŭ ore rŭ napora

¹⁶ Rŭ taxucēxma naxcēx chaxāne i ngēma ore i mexŭ. Erŭ ngēma ore rŭ napora, rŭ ngēmamaā nixi i napuracŭxŭ ya Tupana na guxāma ya yixema Cristuaxŭ yaxŏgŭxe rŭ tŭxŭ nangēxmaxŭcēx i maxŭ i taguma gŭxŭ. Rŭ ngēma maxŭ, rŭ Yudiŭgŭcēxirachirēx nixi, natŭrŭ i űuxma rŭ guxŭma i ngēma tama Yudiŭgŭ ixŭgŭxŭcēx rŭ ta nixi.

¹⁷ Rŭ ngēma norŭ orewa nixi i tamaā nŭxŭ yaxuxŭ ya Tupana na tŏrŭ ŏgaguxicatama yŭiŭ na napēxewa imexŭ. Erŭ norŭ ore i űmatŭxŭwa rŭ űnanagŭrŭi:

“Rū yíxema túmaārū ōgagu Tupanapēxewa mexē, rū tá tūxū nangēxma i maxū i taguma gūxū”,
ñanagūrū.

Nagagutama nixi i duixūgū inapoxcuexū

¹⁸ Rū nūxū tadaugū na Tupana daxūguxū i naānewa ne namuxū i norū poxcu i āucūmaxū naxcēx i guxūma i ngēma duixūgū i tama naga inūēxū rū chixexū ūgūxū rū ngēma norū chixexūmaā togūaxū naguxchaxēēgūxū na tama nūxū nacuēxgūxūcēx i ngēma ore i aixcūma ixīxū.

¹⁹ Rū ngēma duixūgū i chixexū ūgūxū rū meā nūxū nacuēxgūchirēx na ñuxācū yīxū ya Tupana yerū nūmatama ga Tupana rū marū nūxū nūxū nadauxēē ga yema.

²⁰ Rū woo tama nūxū idaugūga ya Tupana, natūrū guxūma i ſacū i naxūxūwa nixī i nūxū idaugūxū. Rū yexguma noxri naāne naxūxgumama nixī ga meāma duixūgūxū nūxū nadauxēēxū na aixcūma Tupana na yīxū rū guxūguma na naporaxū. Rū ngēmacēx i ngēma duixūgū i chixexū ūgūxū, rū taxucūrūwama ſacūmaā nūgū inapoxūgū i Tupanapēxewa.

²¹ Yerū woo nūxū nacuēxgūchirēx na ñuxācū yīxū ga Tupana, natūrū tama nanayauxgūchaū na norū Tupana yīxūcēx, rū bai na moxē nūxna naxāgūxū. Natūrū yema ore ga taxuwama mexūguama narūxīnūē, rū yemaācū naēchitamare namaxē rū yexeraācū chixexūgu narūxīnūē.

²²⁻²³ Rū nūgū yaxugūegu rū duixūgū i nūxū icuāxū nixīgū natūrū taxuguma narūxīnūē. Yerū nūxna nixīgachitanū ga Tanatū ya Tupana ya mexēchicū ya taguma yucū, na nawe naxīxūcēx ga norū naxchicūnēxāgūmare ga duixūgū i yuxwēxexūchicūnēxāmare ixīgūxū rū werīgūchicūnēxāmare ixīgūxū rū naēxūgūchicūnēxāmare ixīgūxū rū āxtapegūchicūnēxāmare ixīgūxū.

²⁴ Rū yemacēx ga Tupana rū dūxwa yemawa nanawogū ga yema duixūgū na naxūgūāxūcēx ga guxūma ga yema chixexū ga nūxū ngūchaūgūxū rū nūgūmaā na naxūgūāxūcēx ga naxūneārū ngūchaūgū i āne tūxna āxū.

²⁵ Rū yemaācū nūxna nixīgachi ga guma aixcūmaxūchi Tupana ixīcū na nawe naxīxūcēx ga norū tupanagū ga tama aixcūma ixīgūxū. Rū yema Tupana ūxpēxewa nayumūxēgū rū yemaxū nicuēxūūgū, natūrū tama nūxū nicuēxūūgū ga Tanatū ya Tupana ga naxūcū rū inaxwēxēcū na guxūguma nūxū icuēxūūgūxū. Rū ngēmaācū yixī.

²⁶ Rū yemacēx ga Tupana rū dūxwa yemawa nanawogū ga yema duixūgū na naxūgūāxūcēx ga naxūneārū ngūchaū i āne tūxna āxū. Rū ēixrūū ga ngexūgū rū naxrūū ngexūgūmaātama nangēāēgū rū tama yatūgūmaā.

²⁷ Rū yexgumarūū ta ga yatūgū rū naxrūū yatūxūmaātama nangēāēgū, rū tama ngexūgūmaā. Rū yema naxūneārū ngūchaū ga chixexūgū rū nūxū napora na naxrūū yatūxūmaā namaxēxū. Rū yemaācū ga yema yatūgū rū nūgūmaā nanaxūgū ga yema naxūneārū ngūchaū i āne tūxna āxū, rū dūxwa yemagagu nīdaawee rū naturaxūnegū.

²⁸ Rū yema na tama Tupanaxū nacuēxgūchaūxū, rū yemacēx ga nūma ga Tupana rū dūxwa yemawa nanawogū ga yema duixūgū na norū chixexūgu na naxīnūēchaxūcēx rū na naxūgūāxūcēx ga yema chixexū.

²⁹ Rū dūxwa ga yema duixūgū rū guxūraūxū ga chixexū naxūgū ga Tupanapēxewa. Rū tama aixcūma meā naxmēxmaā rū natemaā namaxē. Rū naxaū rū nūgūnaxīcatama nananugūchaū i guxūma i ſacū. Rū ſoguāxū nachixexēēgūchaū. Rū nixāxūchixewēgū, rū namāētagū, rū nanuēwēxe, rū nawomūxēēwēxegū, rū naxūneārū ngūchaū nūxū napora, rū naxoregūtēēxgū.

³⁰ Rū chixexūmaā ſoguāxū nixugūe, rū Tupanachi naxaie, rū ſoguāxmaā naguxchigagū. Rū nūgūga naxīnūēgu rū togūarū yexera nixīgū, rū nūgū nicuēxūūgū. Rū naxcēx nadaugū na yexera chixexū naxūgūxū. Rū tama nanatūga rū naēga naxīnūēchaū.

³¹ Rū tama inarūxīnūēchaū. Rū tama aixcūma nayanguxēē i ngēma nūxū yaxugūxū. Rū taxūēxūma nangechaūgū. Rū tama togūaxū nūxū nangechaū i ſacū rū guxchaxū. Rū tama ſoguāx nūxū tangechaūtūmūgū.

³² Rū nūmagū i ngēma duixūgū rū meāma nūxū nacuēxgūchirēx rū Tupana rū marū namaā nanaxuegu na noxtacūma nayuexū i ngēma duix-ūgū i ngēmaācū maxēxū. Natūrū woo meāma nūxū nacuēxgūchirēx i guxūma i ngēma, natūrū nanaxūgūama i ngēma chixexū, rū nataāēgū ega togū naxūxgu.

2

Ngēxguma Tupana duixūgūxū poxcugu, rū tama chixexū naxū, erū ngēma duixūgū rū norū chixexūgagutama nanapoxcūe

¹ Rū ngēmacēx, Pa Duixūx, rū woo texē quixīgu rū taxuacūma Tupanapēxewa cugūētūwa cuchogū, ega togūxū quixuechagu. Erū ngēxguma togūxū quixuechagu na nachixexū rū

cugūtama cupoxcu, erū cuma na cumūcūxū quixuechaxū rū cuma rū ta cunaxū i ngēma chixexū i cumūcūxū naxcēx quixuechaxū.

² Rū nūxū tacuēx rū Tupana tá nanapoxcue i ngēma duūxūgū i namūcūgūxū ixugūechaxū. Rū ngēxguma napoxcueāgu, rū tama chixexū naxū ya Tupana, erū ngēma duūxūgū rū norū chixēxūgagutama nixī i napoxcueāxū.

³ Rū dūcax, Pa Duūxūx, rū ngēxguma togūxū quixu-echagu, natūrū cuma rū ta cunaxūxgu i ngēmatama chixexū i nūma naxūxū, ħrū ŋuxūcūrūwa tá i nagu curūxīnūxū na Tupanachaxwa iquicūxū na tama cuxū napoxcuxūcēx?

⁴ ħRū tūxcūū tama nagu curūxīnū i ngēma mexū i Tupana cuxcēx ūxū? Nūma rū poraācūxūchi cumaā namecūma rū yaxna cumaā naxīnū rū tama paxa curū chixēxūcēx cuxū napoxcuchaū. ħRū ŋuxma rū tūxcūū nūxū cuxo? ħTama ēxna nūxū cucuēx na Tupana ngēmaācū cumaā mecūmaxū na nūxū curūxoxūcēx i curū chixexū rū naxcēx na cumaxūxūcēx ya Tupana?

⁵ Natūrū cuma rū tama Tupanaxū cucuāxchaū rū tama nūxū curūxoxchaū i curū chixexū. Rū ngēmaācū cugūcēxtama cunayexeraxēē i curū poxcu i tá cuyaxuxū i ngēma ngunexū i nagu Tupana napoxcuxū i ngēma chixexū ūgūxū. Rū ngēma ngunexūgu rū Tupana tá aixcūma ngēma duūxūgūmaā nanaxuegu na ŋuxācū tá na napoxcueāxū.

⁶ Rū ngēxguma tá nixī i Tupana nūxū yaxūgūtanūxū i wūxichigū i duūxū naxcēx i ngēma naxūgūxū.

⁷ Rū maxū i taguma gūxūmaā Tupana tá tūxū nanaxūtanū ya yīxema guxūguma mexū taxūgūācūma naxcēx daugūxe na Tupana tūmamaā taāēxū rū naxcēx daugūxe na aixcūma Tupanaxūtawa tangugūxū.

⁸ Natūrū Tupana tá tūmamaā nanu rū tá tūxū napoxcu ya yīxema tūgūguxicatama rūxīnūēxē rū tama naga ŋnūēchaūxē i ore i aixcūma ixīxū rū naxcēx daugūxe na ngēma chixexū taxūgūxū.

⁹ Rū guxūma i ngēma duūxūgū i chixexū ūgūxū rū tá ngūxū ningegū rū poraācū tá chixexū nūxū naxūpetū. Rū ngēma Yudiūgū i chixexū ūgūxūxīra tá nixī i Tupana inapoxcuxū. Rū ngēmawena rū tá nanapoxcue i guxūma i ngēma togū i duūxūgū i chixexū ūgūxū.

¹⁰ Natūrū ngēma duūxūgū i mexū ūgūxū, rū Tupana tá namaā nataāē, rū tá nanatachigaxēē, rū tá nanataāēxēē. Rū ngēma Yudiūgū i mexū ūgūxūcēxira tá nixī i ngēma. Rū ngēxgumarūū i guxūma i togū i duūxūgū i mexū ūgūxūcēx rū tá ta nixi.

¹¹ Erū Tupanapēxewa rū nawūxigu i ngēma duūxūgū i Yudiūgū ixīgūxū rū ngēma togū i duūxūgū i tama Yudiūgū ixīgūxū. Rū guxāma ya texē ya chixexū ūgūxe rū tá tanayaxu i tūmaārū poxcu, natūrū guxāma ya texē ya mexū ūgūxe rū tá Tupana tūmamaā nataāē.

¹² Rū guxūma i duūxūgū i pecadu ūgūxū i tama nūxū cuēxgūxū i ngēma mugū ga Moīché ūmatūxū, rū tá inayarūtauxe. Rū ngēxgumarūū ta i guxūma i ngēma pecaduāxgūxū i nūxū cuēxgūxū i ngēma mugū ga Moīché ūmatūxū, rū ngēma mugū nūxū ixuxūācūma Tupana tá nanapoxcue.

¹³ Erū Tupanapēxewa rū taxuwama name i ngēma duūxūgū i nūxū ŋnūēmarexū natūrū tama nagu maxēxū i norū mugū. Natūrū ngēma duūxūgū i Tupanaārū mugūga ŋnūēxū nixī i aixcūma Tupanapēxewa imexū.

¹⁴ Dūcēx, i ngēma duūxūgū i tama Yudiūgū ixīgūxū. Nūmagū rū tama nūxū nacuēxgū i Tupanaārū mugū. Natūrū ngēxguma nūēchamatama naxūgūmareāgu i ngēma Tupana tūxū muxū, rū tūxū nūxū nadauxēē na nūxū nacuēxgūxū i tacū na yīxū i mexū rū tacū na yīxū i chixexū, woo tama nūxū na nacuēxgūchirēxū i Tupanaārū mugū.

¹⁵ Erū nacūmagūwatama nixī i tūxū nūxū nadauxēēxū na nūxū nacuēxgūxū na tacū yīxū i mexū rū tacū na yīxū i chixexū. Rū ngēma duūxūgū rū ngēxguma chixexū naxūgūgu, rū naāēwatama nixī i nūxū nacuēxgūxū na nachixexū i ngēma naxūgūxū. Rū ngēxgumarūū ta i ngēxguma mexū naxūgūgu, rū naāēwatama nixī i nūxū nacuēxgūxū na namexū i ngēma naxūgūxū.

¹⁶ Rū ngēma ngunexū i nagu Tupana Cristuxū namuxū na guxū i duūxūgūxū yacagūxūcēx i norū maxūchiga, rū ngēma duūxūgū i tama Tupanaārū mugūxū cuēxgūxū rū naāēwa tātama nixī i nūxū nacuēxgūxū na chixexū naxūgūxū rū ēxna mexū naxūgūxū. Rū ngēxguma tá nixī i nangōxū i guxūma i ngēma chixexū i cūācūma naxūgūxū i duūxūgū, rū ngēma chixexū i nūxūcatama nagu naxīnūēxū. Rū Tupanaārū ore i pemaā nūxū chixuxū nixī i tūxū nūxū cuēxēēxū i ngēma.

Yudiūgūchiga rū mugū ga Moīché ūmatūxūchiga

¹⁷ Natūrū pema Pa Chaueneēgū i Yudiūgūx, rū ŋaperūgūgū:

“Toma rū Yudiūgū tixīgū rū meāma nūxū tacuēx i Tupanaārū mugū ga Moīché ūmatūxū”, ŋaperūgūgū. Rū ngēmaācū nagu perūxīnūē na Tupanapēxewa pimexū erū meāma nūxū

pecuèx i ngēma Tupanaārū mugū ga Moiché ūmatūxū. Rū ngēmaācū Tupanamaā pegū picuèxūūgū erū nagu perūxīnūē na Tupana pexū nangechaūxū erū Yudiūgū pixīgū.

¹⁸ Rū nūxū pixu na meāma nūxū pecuáxū i ūacu nixī i Tupanaārū ngūchaū rū ūacu nixī i mexū rū ūacu nixī i chixexū. Rū Tupanaārū mugūwa naxcèx pengúe na naxcèx pedauxū i ngēma aixcūma mexū ixīxū.

¹⁹ Rū pema rū űaperūgūgū:

“Toma rū meāma nūxū tacuèx na tanaxucuxēxū i ngēma togū i duūxūgū i tama Tupanaxū cuèxgūxū. Rū meāma nūxū tacuèx na itayanawēxāchixēēxū i ngēma togū i chixexūwa ngēxmāgūxū”, űaperūgūgū.

²⁰ Rū pema nagu perūxīnūēgu rū nūxū pecuèx na űuxācū penaxucuxēxū i ngēma togū i duūxūgū i tama Tupanaxū cuèxgūxū rū űuxācū penangūexēēxū i ngēma duūxūgū i ngexwacèx yaxōgūxū. Rū ngēmaācū nagu perūxīnūē na togūarū ucuxēruūgū pixīgūxū, erū Tupanaārū mugūwa pengúe rū ngēmacèx meāma nūxū pecuèx i ūacu nixī i mexū rū ūacu nixī i ore i aixcūma ixīxū.

²¹ Rū dūcax, Pa Chaueneēgū i Yudiūgūx, pema na togūxū pengūexēēxū, űrū tūxcūū tama pegūtama pengūexēē? Pema nūxū pixu na tama namexū na ingīxū, űrū tūxcūū i pema ipengfēxū?

²² Rū pema nūxū pixu na tama namexū na naī i ngēmaā ipexū, űrū tūxcūū i pema i ngēmaācū pemaxēxū? Rū pema na naxchi pexaie xū i togūarū tupanagūnetachicūnēxāgū, űrū tūxcūū i naxcèx pengfēxū i norū tupaucagūarū ngēmaxūgū?

²³ Pema nūxū pixu na namexū i Tupanaārū mugū i ūmatūxū, rū petaāē erū meā nūxū pecuèxgū i ngēma mugū. Natūrū Tupanamaā chixexū pexūe, erū tama naga pexīnūē i ngēma pexū namuxū i norū mugūwa.

²⁴ Rū ngēmacèx i Tupanaārū ore i ūmatūxūwa rū űanagūrū:

“Rū pegagu nixī na chixri Tupanachiga yadexagūxū i ngēma duūxūgū i tama Yudiūgū ixīgūxū”, űanagūrū.

²⁵ Pema rū pegū ípewiechēxmūpēxechiraūgū na Tupanaārū duūxūgū pixīgūxūcèx. Rū name nixī na penaxūxū i ngēma, ega aixcūma naga pexīnūēgu i Tupanaārū mugū. Natūrū ngēxguma chi tama naga pexīnūēgu i Tupanaārū mugū, rū woo Yudiūgū pixīgūgū, natūrū Tupanapēxewa rū taxuwama pexū name i ngēma na pegū ípewiechēxmūpēxechiraūgūxū.

²⁶ Rū ngēma togū i duūxūgū i tama nūgū íwiechēxmūpēxechiraūgūxū, rū woo tama ngēma naxūgūgū, natūrū Tupanaārū duūxūgū tá nixīgū ega naga naxīnūēgu i norū mugū.

²⁷ Rū dūcax, Pa Chaueneēgū i Yudiūgūx, rū ngēma duūxūgū i tama íwiechēxmūpēxechiraūgūxū natūrū naga űnūēxū i Tupanaārū mugū, rū ngēma duūxū rū tá Tupana-pēxewa pexū nixu na űuxācū pechixexū. Rū ngēmaācū tá pexū naxūpetū erū tama naga pexīnūē i Tupanaārū mugū i woochirēx na nūxū pecuáxū i ngēma mugū, rū woochirēx na ípewiechēxmūpēxechiraūgūxū.

²⁸ Rū dūcax, rū tama ngēma na Yudiūxacūgū pixīgūxūcèx nixī na aixcūma Tupanaxācūgū pixīgūxū. Rū tama ngēma na ípewiechēxmūpēxechiraūgūxūcèx nixī na Tupanaārū duūxūgū pixīgūxū.

²⁹ Erū yīxema aixcūma tūmaārū maxūnewa Tupanaga űnūē tixī ya aixcūma Tupanaxācū ixīxē. Rū ngēxguma aixcūma taāēwa yaxōxgu nixī i aixcūma Tupanaārū ixīxū. Rū Tupanaāē i Ūnuxū nixī i tūxū rūngūxēēxū na yaxōxūcèx, rū tama ngēma mugū ga Moiché ūmatūxūgagu nixī. Rū yīxema aixcūma Tupanaārū ixīxē, rū Tupana rū tūmamaā nataāē woo duūxūgū tama tūmamaā taāēgūgū.

3

¹ űRū űuxma rū ūacuwa tūxū namexū na Yudiūgū ixīgūxū? űRū ūacuwa namexū na íwiechēxmūpēxechiraūgūxū?

² Rū poraācūxūchima tūxū name na Yudiūgū ixīgūxū. Yerū nūma ga Tupana rū tūxnaxūchi nixī ga naxāāxū ga norū mugū i ūmatūxū.

³ űRū ūacu tá ngupetūxū i űuxma ega űuxre i tatanūxū i Yudiūgū rū tama meā yangxēgūāgu i ngēma Tupana tūxū muxū? űRū pexcèx rū ngēmacèx tāūtāma yangxūēāxū ya Tupana i ngēma tamaā inaxunetaxū?

⁴ Rū tama ngēmaācū nixī. Erū woo guxū i duūxūgū rū yadoratēxgūgū, natūrū Tupana rū taguma nidora rū guxūguma nayangxūēē i ngēma nūma tamaā inaxunetaxū. Rū yemacèx norū ore ga Dabí ūmatūxūwa rū űanagūrū:

“Cumax, Pa Tupanax, rū aixcūma nixī i curū ore i nūxū quixuxū. Rū ngēxguma cuxū tangugūgūgū rū nūxū tadaugū na aixcūma cumexū”, űanagūrū.

⁵ Natūrū duūxūgū rū ínātūe erū űanagūrūgū:

“Rū nūgetama nixī na chixexū ixīgūxū erū ngēmaācū yexeraācū nangox na namecūmaxū ya Tupana”, ñanagūrūgū. Rū ñanagūrūgū ta:

“Rū ngēxguma chi tōrū chixexūgagu yexeraācū nangoxgu na aixcūma namecūmaxū ya Tupana, rū maneca tama name ega tōrū chixexūcēx tūxū napoxcuegu”, ñanagūrūgū.

⁶ Natūrū ngēma ñaxūgu na naxīnūēxū i duūxūgū rū poraācū inatūe, erū tama ngēmaācū nixī. Erū ngēxguma chi tama namexgu ya Tupana, ŗrū ñuxācū chi i meā duūxūgūxū yacagūxū i naāneārū guxgu?

⁷ Natūrū i duūxūgū rū ñanagūrūgū:

“Rū ngēxguma chi chorū chixexūgagu yexeraācū nangoxgu na ñuxācū aixcūma namexū ya Tupana, ŗrū tūxcūū yīxū i choxna naçaxū naxcēx i chorū chixexū rū choxū napoxcuxū naxcēx i ngēma?” ñanagūrūgū.

⁸ Natūrū ngēma ñaxūgu na naxīnūēxū i duūxūgū rū poraācū inatūe. Erū ngēxguma chi aixcūma yixūgu i ngēma nagu naxīnūēxū i duūxūgū, rū chi narūmemaē nixī na yexeraācū chixexū naxūgūxū na yexeraācū mexū na ínguxuchīcēx. Rū dūcax, Pa Chaueneēgūx, nangēxma i chixexū i duūxūgū i choxū ŗgagūmarexū i nūxū ixīgūēxū na ngēma yīxū i chorū ngūxēētae i duūxūgūxū namaā changūexēēxū. Natūrū ngēma duūxūgū i ngēma ñagūxū rū nagagu tátama napoxcūe.

Guxāma i yixema rū taxūetūxūgū

⁹ ŗRū ñuxācū nixī i ñūxmax? ŗPexcēx rū yixema i Yudīgū rū togū i duūxūgūarū yexera Tupanapēxewa imexū? Pemaā nūxū chixu rū tama ngēmaācū nixī. Erū guxūma i duūxūgū i Yudīgū ixīgūxū rū guxūma i duūxūgū i tama Yudīgū ixīgūxū, rū naxūetūxūgū.

¹⁰ Erū Tupanaārū ore i ŗmatūxūwa rū ñanagūrū:

“Rū tataxuma ya texē ya aixcūma Tupanapēxewa mexē, rū bai ya wūxie.

¹¹ Rū tataxuma ya texē ya aixcūma nūxū cuāxe i Tupanaārū ore na ñuxācū nanaxwēxēxū na naxcēx imaxēxū. Rū tataxuma ya texē ya aixcūma Tupanacēx dauxe.

¹² Rū guxāma itatūe, rū guxāma itayarūtauxe rū chixexū taxūgū i Tupanapēxewa. Rū tataxuma ya texē ya aixcūma mexū ŗechaxe, rū bai ya wūxie.

¹³ Rū tūmaāx rū wūxi i yuetamaxū i ingenaxūrū i nixī erū ngema ítanaxūxūxēē i nagūxūraūxū i dexa i chixexū. Rū tūmaārū conūmaā rū poraācū tidorae. Rū ngēma tūmaārū dexa rū ñoma āxtapeguchatarū i nixī erū togūxū nachixexēē.

¹⁴ Rū chixexū i ore i duūxūgūāēwa ngūxūmaāxīcatama tidexagū.

¹⁵ Rū ítamemare na duūxēxū timāxū.

¹⁶ Rū ngextā ítaxūwa rū togūxū tachixexēē rū tanangechaūxēē rū chixexūgu tanayixēē.

¹⁷ Rū tama nūxū tacuēx na ñuxācū togū i duūxūgūxū tangechaūgūxū rū meā natanūwa tamaxēxū.

¹⁸ Rū tama nūxū tacuāxchaū na Tupanaxū tamūēxū”, ñanagūrū i ngēma ore i ŗmatūxūwa.

¹⁹ Rū nūxū tacuēx rū ngema poxcu i Tupanaarū mugūwa nūxū yaxuxū rū naxcēx nixī i ngema Yudīgū ga natanūwa nanguxū ga yema mugū. Rū woo ngema tama Yudīgū ixīgūxū i duūxūgūcēx rū ta nixī i ngema poxcu. Erū taxūema aixcūma naga taxīnū i ngēma mugū. Rū ngēmacēx taxucūrūwa texē Tupanapewa tūgū ítapoxū i ngēxguma Tupana tūxū icagūgu i tūmaārū pecaduchiga.

²⁰ Rū ñuxma na taxūema aixcūma naga ínūēxū i ngēma mugū, rū ngēmacēx taxucūrūwama texē tūgū tixu na ngēma mugū taxaurexūgagu Tupanapēxewa tamexū. Erū ngēma mugū tūxū nūxū cuēxēēxū nixī na poraācū ipecaduāxgūxū.

Tōrū ŗgagu nixī i Tupana tūxna naxāxū i maxū

²¹⁻²² Rū ñuxma na taxucūrūwama Tupanapēxewa tūxū yamexēēxū i ngēma mugū, rū ngēmacēx ya Tupana rū tūxū nūxū nacuēxēē na ñuxācū yīxū i tūxū yamexēēxū na napēxewa imexūcēx. Rū pemaā nūxū chixu rū Ngechuchu ya Cristuaxū na yaxōgūxūgagu nixī i tūxū yamexēēxū ya Tupana na aixcūma napēxewa imexūcēx. Rū yema mugū ga Moīché ŗmatūxū rū yema ore ga nuxcūmaūgūxū ga orearū uruūgū ŗmatūxū rū tūxū nūxū nacuēxēē i ngēma. Rū yema mexū ga Tupana taxcēx ŗxū ga yexguma nūma namūāgu ga Nane na tōrū pecadu naxūtanūxūcēx, rū guxū i duūxūgū i yaxōgūxūcēx nixī, erū Tupanapēxewa rū nawūxigu i guxūma i ngēma duūxūgū.

²³ Rū guxāma tīpecaduāxgū rū nūxna tayaxūgūgu ya Tupana ya tūxū maxēxēēcū.

²⁴ Natūrū ga Tupana rū poraācū tamaā namecūma rū yemacēx tūxū nangetanūācūma tūxū nimexēēgū na napēxewa imexūcēx. Rū ñuxma rū tūxū nangēma i maxū i taguma gūxū, yerū Ngechuchu ya Cristu rū marū tūxū nanaxūtanū ga tōrū pecadugū.

²⁵⁻²⁶ Rū Tupana rū aixcūma nūma nanamu ga Cristu na nayuxūcēx rū yemaācū tōrū pecadu naxūtanūxūcēx na Tupana tūxū nūxū rūngūmaxūcēx i ngēxguma aixcūma Cristuaxū yaxōgūgu. Rū yemaācū nanaxū ga Tupana na tūxū nūxū nadauxēēxūcēx na ñuxācū nūma

nügüxcè tūxū yamexēēxū na aixcūma napēxewa imexūcèx. Rū nuxcūma ga Tupana rū yaxna namaā naxīnū ga duūxūgū ga yexguma chixexū naxūegu, rū tama paxa nanapoxcūe. Rū űuxma rū ta tūxū nanawēx na űuxācū aixcūma namexū i ngēma nūma naxūxū erū tūxū īnanapi i tōrū pecadugū. Rū ngēmaācū tūxū nūxū nadauxēē na űuxma rū ta aixcūmacū yīxū i ngēxguma tūxū yaxuxgu na napēxewa marū timexū ya guxāma ya yīxema Ngechuchuaxū yaxōgūxe.

²⁷ Rū ngēmacèx i űuxma rū taxucūrūwama yigū ticuēxūgū rū nūxū tixu na yixematama yigū imexēēgūxū i napēxewa. Erū taxucūrūwama texē tūgū tamexēē i Tupanapēxewa. Rū tama ngēma na naxaurexūcèx i ngēma mugū nixī i imexū, rū tama ngēma na mexū ixūgūxūcèx nixī i imexū. Natūrū Tupanapēxewa time i űuxma, erū Cristuaxū tayaxōgū.

²⁸ Rū yixema nūxū tacuèx rū ngēxguma Cristuaxū yaxōgūgu nixī i Tupanapēxewa imexū, rū tama ngēma mugū na ixauregūxūcèx nixī i napēxewa imexū.

²⁹ ¿Ēxna pexcèx rū Tupana rū Yudiūgūarū Tupanaxīcatama yīxū? ¿Rū tama ēxna i ngēma togū i duūxūgūarū Tupana rū ta yīxū? Ngēmaācūx, ngēma togū i duūxūgū i tama Yudiūgū ixūgūxūārū Tupana ta nixī.

³⁰ Rū nūxū tacuèxgū na nangēxmaxū ya wūxitama ya Tanatū ya Tupana. Rū guxūma i duūxūgū i Cristuaxū yaxōgūxū, rū nūma ya Tupana rū nayamexēē na napēxewa yamexūcèx. Rū ngēmaācū i nūma ya Tupana rū Yudiūgūxū nīmexēē i ngēxguma yaxōgūāgu. Rū ngēxgumarūū ta nayamexēē i guxūma i togū i duūxūgū i ngēxguma Cristuaxū yaxōgūāgu.

³¹ Rū űuxma na Cristuaxū yaxōgūxū, rū bexmana nagu perūxīnūē na ngēmaācū iyanaxoxēēxū i ngēma mugū. Natūrū tama ngēmaācū nixī. Erū űuxma na Cristuaxū yaxōgūxū rū aixcūma tayanguxēē i ngēma Tupana tūxū muxū.

4

Abrāū rū Tupanaāxū nayaxō rū yemacèx Tupana nūxū nixu na namexū

¹ ¿Rū űuxma rū nūxū űagūxū tā i nachiga ga nuxcūmaācū ga tōrū oxī ga Abrāū? ¿Rū űuxācū nixī ga nūxū naxūpetūxū ga Tupanapēxewa? ¿Rū tūxcūū yīxū ga Tupana nūxū ixuxū ga Abrāū rū mecū na yīxū?

²⁻³ Rū dūcax, yexguma chi wūxi ga norū puracū ga mexūcèx Tupanapēxewa namexgu ga Abrāū, rū yexguma chi waxi nixī ga nūxū nayexmaxū ga űacūcèx nūgū na yacuēxūxū. Natūrū taxucèxma Tupanapēxewa nūgū nicuēxūū ga Abrāū, erū Tupanaārū ore i űmatūxūwa rū űanagūrū:

“Abrāū rū Tupanaāxū nayaxō, rū yemacèx Tupana nanayaxu rū nūxū nixu na namexū”, űanagūrū i ngēma ore.

⁴ Rū ngēxguma texē wūxi i puracū űxgu rū tūxū naxūtanūgu rū woetama tūmaārū natanū nixī rū tama āmare nixī i ngēma.

⁵ Natūrū tama ngēmaācū nixī i ngēxguma Tupanaāxū yaxōxgu. Erū ngēxguma yaxōxgu, rū tama űacū rū puracū i mexūcèx nixī i Tupanapēxewa imexū, natūrū Tupanapēxewa time erū tayaxō. Rū ngēmaācū Tupana tūxū nayaxu ya yīxema yaxōxē woo taxuūma i űacū rū puracū i mexū taxūxgu na ngēmacèx Tupana tūxū rūngūxēēxū.

⁶ Rū nuxcūmaācū ga āēxgacū ga Dabī rū ta tūmachiga nidexa ga guxema duūxē ga yaxōxē. Rū nūxū nixu ga na tataāēxū ga guxema duūxē yerū Tupanapēxewa tame, woo tama űacū rū mexū taxūxgu na yemaācū Tupanapēxewa tamexūcèx.

⁷ Rū nūma ga Dabī rū űanagūrū:

“Rū tataāēgū ya yīxema duūxēgū ya Tupana tūmaārū chixexūgūxū ngechaūxē rū tūmaārū pecadugūxū iyanangūmaxē.

⁸ Rū tataāē ya yīxema duūxē ya Tupana tama tūxū nagu naxīnūxē i tūmaārū pecadu”, űanagūrū ga Dabī.

⁹ Rū dūcax, ¿pexcèx rū ngēma taāē rū ngēma duūxūgū i Yudiūgū ixūgūxūcèxīcatama yīxū, rū ēxna ngēma togū i duūxūgūcèx ta yīxū? Dūcèx, rū marū pemaā nūxū tixu rū Tupanapēxewa name ga Abrāū yerū nayaxō. Rū yemacèx Tupana nanayaxu.

¹⁰ ¿Natūrū űuxgu nixī ga nayauxāxū? ¿Ēxna marū īnawiechēmūpēxechiraūxūwena, rū ēxna naxūpa ga na īnawiechēmūpēxechiraūxū? Rū pemaā nūxū chixu rū naxūpa nixī ga na Tupana nayaxuxū ga Abrāū.

¹¹ Rū Tupana nayaxuxūwena nixī ga īnawiechēmūpēxechiraūxū ga Abrāū. Rū yema nixī ga norū cuēxruū ga nawa nūxū nacuāxū na aixcūma Tupana marū nayaxuxū rū nūxū nadauxū na namexū yerū nūxū nayaxō. Rū ngēmacèx i űuxma ya Abrāū rū tūmanatū yīxū ya guxāma ya yīxema yaxōgūxe woo tama itawiechēmūpēxechiraūgūgu. Rū ngēmaācū ya Tupana rū tūxū nayaxu ya guxāma ya yīxema yaxōgūxe, rū tūxū nadau na timexū erū tayaxōgū.

12 Rū ngēxgumarūū ta ya Abráū rū tūmanatū nixī ya guxāma ya yīxema íwíechèxmūpēxechiraūgūxe rū Abráūrūū yaxōgūxe. Natūrū tama ngēma na tūgū ítwíechèxmūpēxechiraūgūxūcèx nixī i tūmanatū yīīxū. Natūrū tūmanatū nixī erū tayaxōgū yexgumarūū ga na yaxōōxū ga nūma ga tanatū ga Abráū naxūpa ga na ínwíechèxmūpēxechiraūxū.

Abráū rū Tupanaāxūl nayaxō rū yemacèx Tupana nayanguxēē ga norū uneta ga Abráūmaā nūxū yaxuxūl

13 Rū Tupana rū Abráūmaā inaxuneta na nūma ya Abráū rū guxūma i naxrūū yaxōgūxū rū tá na nayauxgūāxū i ñoma i naāne na noxrū yīīxūcèx. Natūrū tama yema na mugū naxaurexūcèx nixī ga Tupana yemaācū Abráūmaā ixunetaxū. Natūrū yemaācū namaā inaxuneta yerū Abráū nayaxō, rū yemacèx Tupanapēxewa name.

14 Natūrū ngēxguma chi ngēma duūxūgū i mugū auregūxūcēxícata yixīgu i ngēma Tupanaārū uneta, rū natūcēxmamare chi nixī i ngēma na yaxōgūxū, rū chi ngēma Tupanaārū uneta rū taxuwama name.

15 Nūxū tacuèx rū ngēma mugū ga Moiché ūmatūxū rū poxcuwa tūxū naga erū taxūema aixcūma meā tayanguxēē. Natūrū yexguma chi natauxguma ga yema mugū rū tataxu chīma na texē chixri yanguxēēxū.

16 Rū yexguma Tupana Abráūmaā ixunetagu na nūxū tá nangūxēēxū, rū Abráūārū ōgagu nixī ga namaā inaxunetaxū. Rū ngēmacèx i guxāma i yixema na Abráūrūū yaxōgūxū rū taxcèx ta nixī ga yema Tupanaārū uneta ga Abráūmaā nūxū yaxuxū. Rū ngēmawa nūxū tacuèx rū tama yīxema mugū auregūxūcēxícata nixī i ngēma Tupanaārū uneta, natūrū guxāma ya yīxema Abráūrūū Tupanaāxū yaxōgūxūcèx ta nixī. Rū ñuxma rū guxāma i yixema na Abráūrūū meā yaxōgūxū rū Abráūxācūgū tixīgū rū nūma rū tanatū nixī i Tupanapēxewa yerū nūxīra nayaxō.

17 Rū Tupanaārū ore i ūmatūxūwa rū Abráūchigaxū nixu rū ñanagūrū:

“Rū muxūma i duūxūgūnatū tá cuxū chixīxēē”,

ñanagūrū. Rū Abráū rū Tupanaāxūl nayaxō, rū yemacèx Tupana nayanguxēē ga norū uneta ga namaā nūxū yaxuxū. Rū yīma Tupana nixī ya wena namaxēxēēcū i yuexū. Rū yimatama nixī ya naxūcū i ngēma woo ñuxma taxuxū.

18 Rū nūma ga Abráū rū aixcūma nayaxō ga yexguma Tupana nūxū ñaxgu:

“Rū tá namuxūchi i cutaagū”,

ñaxgu. Rū woo ga Abráū ga marū yaguāxūchichirēx na yīīxū rū na nangexacūxū, natūrū nayaxōōma ga yema Tupanaārū uneta rū meā ínananguxēē na wūxi ga nane tá nūxū yexmaxū. Rū yemaācū ningu na muxūma i duūxūgūnatū yīīxū, yema Tupana namaā nūxū ixuxūrūū.

19 Rū Abráū rū wixguxuchi 100 ga taunecū nūxūl nayexma ga yexguma. Natūrū tama inayarūmaāchi ga na yaxōōxū woo nūxū na nacuáxū ga paxa tá na nayuexū ga nūma rū namèx ga Chara rū marū poraācū nangupētūarū taunecūāxgūxū ga na naxāxācūgūxūcèx.

20 Rū yemaācū ga Abráū rū nayaxōōma na nūxū tá nayexmaxū ga wūxi ga nane yema Tupana namaā ixunetaxūrūū. Rū tama nagu narūxūnū na Tupana ngūrūāchi nawomūxēēxū. Natūrū yexeraācū Tupanaāxūl nayaxōōma, rū nūxū nicuèxūū.

21 Rū aixcūmaxūchi nayaxō na naporaxū ya Tupana na yanguxēēāxūcèx i guxūma i ngēma norū uneta.

22 Rū yemacèx ga Tupana rū nūxūl nixu na napēxewa namexū ga Abráū. Yerū Tupana nūxūl nadau ga ñuxācū aixcūma nūxūl na yaxōōxū.

23 Rū tama Abráūchigaxícata nixī ga naxūmatūxū ga Tupanaārū ore ga ñaxū:

“Rū Tupana rū nūxūl nixu na napēxewa namexū ga Abráū, yerū nūxūl nadau ga ñuxācū aixcūma nūxūl na yaxōōxū”,

ñaxū.

24 Natūrū guxāma i yixema na yaxōgūxūchiga ta nixī i ngēma ore. Erū Tupana rū tōrū ōgagu tūxūl nade na napēxewa imexū i yixema i nūxūl na yaxōgūxū ya yīma yuwa tōrū Cori ya Ngechuchuxūl írūdaxēēcū.

25 Rū Ngechuchuxūl nixī ga namuxū ga Tupana na tōrū pecaducèx nayuxūcèx. Rū ñuxūchi nūma ga Tupana rū wenaxārū Ngechuchuxūl ínarūdaxēē na nagagu imexūcèx i Tupanapēxewa.

5

Ñuxma rū Tupanapēxewa tame erū Cristuaxūl tayaxōgū

1 Rū ñuxma rū Tupanapēxewa time erū tayaxōgū. Rū ngēmacèx marū tama Tupana-maā taxuwanūāxgū i ñuxmax, erū tōrū Cori ya Ngechuchu ya Cristu rū marū tamaā nanangūxmūxēē ya Tupana.

² Rū Cristugagu nixī na tamaā namecūmaxū ya Tupana i űuxmax erū tayaxōgū. Rū nūxū tacuēx rū guxūgutāma tamaā namecūma. Rū tataāēgū erū nūxū tacuēx na tūxū tá nangēxmaxū i tachica i mexū i Tupanaxūtawa.

³ Rū ngēxgumarūū ta tataāēgū i woo ngūxū ingegūgu. Erū nūxū tacuēx rū ngēma ngūxū rū tūxū narūngūxēē na yexeraācū iporaexū rū yaxna namaā ixīnūēxūcēx.

⁴ Rū ngēxguma yaxna namaā ixīnūēgu rū Tupana rū tamaā nataāē. Rū ngēma na tamaā nataāēxū rū ngēmacēx meā itananguxēē na tūxū tá nangēxmaxū i tachica i mexū i Tupanaxūtawa.

⁵ Rū űuxma na ínanguxēēxū na tūxū tá nangēxmaxū i tachica i Tupanaxūtawa, rū ngēmacēx taxucēxma tangechaūgū. Erū Tupana rū poraācū tūxū nangechaū. Rū ngēma Naāē i Ūūnēxū i tūxna namuxū nixī i tūxū nūxū cuēxēēxū i ngēma.

⁶ Rū yexguma taxucūrūwama yigūtama imaxēxēēgu, rū nawa nangu na Tupana yanguxēēxū ga yema norū uneta. Rū yexguma nixī ga űoma ga naānewa namuāxū ga Cristu na pecaduāxgūxūcēx nayuxūcēx.

⁷ Rū tama natauxcha na wūxie rū to i duūxūcēx tayuxū, woo wūxi i duūxū i mexūcēx yixīgu. Rū woo tangēxmagu ya texé ya naxcēx yuchaūchirēxe i wūxi i duūxū i aixcūma mexēchixū, natūrū tama tūxū natauxcha i ngēma.

⁸ Natūrū Tupana tūxū nūxū nadauxēē na űuxācū tūxū nangechaūxū yerū yexguma ipecaduāxgūgu nixī ga taxcēx nayuxū ga Cristu.

⁹ Rū űuxma rū Tupanapewa time yerū taxcēx nayu ga Cristu. Rū ngēmacēx meāma nūxū tacuēx rū nūma rū aixcūma tá tūxū ínanguxūxēē na tama tūxū napoxcuēxūcēx ya Tupana.

¹⁰ Rū yexguma norū uwanūgū ixīgūgu, rū nūmatama ga Tupana rū nūgūmaā tūxū narūngūxmūēē ga yexguma nayuxgu ga Nane. Rū űuxma na marū namaā irūngūxmūēxū, rū yexeraācū nūxū tacuēx na tūxū nangēxmaxū i maxū i taguma gūxū naganu na namaxūxū i nūmax.

¹¹ Rū tama ngēxīcatama nixī. Natūrū i űuxma rū tōrū Cori ya Ngechuchu ya Cristugagu rū Tupanamaā tataāēgū, yerū Cristugagu nixī ga Tupana ga tamaā nangūxmūxū.

Adāūchiga rū Cristuchiga

¹² Rū nūxiraxūcū ga yatū ga Adāūgagu nixī ga guxūma ga duūxūgūwa nanguxū ga pecadu. Rū pecadugagu ínangu i yu. Rū yemaācū guxūma ga duūxūgūwa naxūe na nayuexū, yerū guxūma nipecaduāx.

¹³ Rū naxūpa na Tupana Moīchéna naxāxū ga yema mugū ga naxūmatūxū, rū duūxūgū rū chixexū naxūgūēcha, rū yemacēx nayue. Natūrū yema mugū rū tauta nayexma ga yexguma, rū yemacēx taxucūrūwa texé nūxū tixu ga yema duūxūgū ga na chixri naga naxīnūēxū ga yema mugū.

¹⁴ Rū yema duūxūgū ga Adāūwena buexū rū tama Adāūrūū nanangōx ga yema orīx ga Tupana nūxna chuxuxū. Natūrū chixexū naxūgū, rū yemacēx nayue. Rū yemaācū nixī űuxmata Tupana Moīchéna naxā ga yema mugū ga naxūmatūxū. Rū Adāūwa inaxūgū na nayuexū ga duūxūgū, natūrū Cristuwa inaxūgū na nayaxuxū i maxū i taguma gūxū.

¹⁵ Natūrū yema chixexū ga Adāū ūxū rū taxuacū nagu tanangu i ngēma āmare ga Tupana tūxna āxū, erū tama namaā nawūxigu. Rū aixcūma nixī ga wūxi ga yatūarū chixexūgagu na nayuexū i guxūma i duūxūgū. Natūrū tama yemaācū tamaā nanaxū ga Tupana. Yerū nūma rū tūxū nangetanūācūma nūma nanamu ga Nane ya Ngechuchu ya Cristu na tōrū pecaducēx nayuxūcēx. Rū yemaācū guma Cristugagu Tupana nanamaxēēē i muxūma i duūxūgū.

¹⁶ Rū yema pecadu ga Adāū ūxū rū taxuacūma nagu tanangu ga yema āmare ga Tupana tūxna āxū. Yerū wūxitama ga Adāūarū pecadugagu, rū Tupana nūxū nixu rū tá nayu naxcēx ga yema. Natūrū Ngechuchu ya Cristugagu rū Tupana nūxū nixu na napēxewa imexū rū nūxna íngūxūxū i guxūma i tōrū pecadugū.

¹⁷ Rū guxūma i duūxūgū nayue yerū wūxitama ga yatū ga Adāū rū pecadu naxū. Natūrū tama yemaācū tamaā nanaxū ga Tupana, yerū ga nūma rū poraācū tamaā namecūma rū tūxū nangetanūācūma tūxū narūngūxēē. Rū ngēmacēx i űuxma rū guxūma i ngēma duūxūgū i Tupana nūxū ixuxū na napēxewa yamexū, rū nūmatama ya Tupana rū Nane ya Ngechuchu ya Cristugagu nanamaxēēē na namaā wūxigu āēxgacūgū yixīgūxūcēx.

¹⁸ Rū yema Adāūarū chixexū rū poxcuwa nanagagū ga guxūma ga duūxūgū. Natūrū yema mexū ga Ngechuchu ya Cristu ūxū rū pecaduwa ínananguxūxēē i guxūma i duūxūgū i yaxōgūxū, rū nūxna nanaxā i maxū i taguma gūxū.

¹⁹ Rū guma nūxīraūcū ga yatū ga Adāū rū tama Tupanaga naxīnū. Rū yemaācū wūxitama ga yatūgagu rū muxūma ga duūxūgū rū nipecaduāx. Natūrū ínangu ga guma yatū ga Ngechuchu, rū meā Tupanaga naxīnū. Rū gumagagu rū muxūma i duūxūgū rū tá nime i Tupanapēxewa.

²⁰ Rū Tupana rū Moīchéna nanaxā ga norū mugū na duūxūgūxū nūxū nacuēxēēxūcēx na űuxācū poraācū pecadu naxūgūxū. Natūrū yexguma yexeraācū pecadu naxūgūga ga duūxūgū, rū yexeraācū Tupanaāxū nangechaūtūmūūgū.

²¹ Rū űuxma woo pecadugagu na iyuexū, natūrū Tupanaāxū tangechaūtūmūūgū i guxūguma. Rū ngēmaācū pecaduwa tūxū inanguxūxēē na napēxewa imexūcēx rū tōrū Cori ya Ngechuchu ya Cristugagu tūxū nangēmaxūcēx i maxū i taguma gūxū.

6

űuxma rū tama pecadu ixūgūxūcēx nixī i imaxēxū, natūrū Cristucēx nixī i imaxēxū

¹ Rū űuxma na Tupanaāxū ingechaūtūmūūgūxū, űrū űuxācū tá imaxēxū i űuxmax? űRū pexcēx rū namexū na pecadu ixūgūchaxū na yexeraācū Tupanaāxū ingechaūtūmūūgūxūcēx?

² Rū dūcax, tama ngēmaācū nixī. Erū űuxma pecaduchaxwa rū űoma iyuexūrū tixīgū, erū marū tama naga taxīnūē. Rū ngēmacēx tama name i yeūcūrū pecadu taxūgūecha.

³ űTama ēxna nūxū pecuēx na tačūcēx yīxū na íbaiūxū? Rū ítabaiū na ngēmaācū duūxūgūxū nawēxūcēx na aixcūma Ngechuchu ya Cristuarū duūxūgū na ixīgūxū. Rū yexguma íbaiūgu, rū nūma nayuxūrū yexma nayu ga tacūma ga nuxcūmaūxū.

⁴ Rū yexguma íbaiūgu, rū Cristu yuxūrū yexma nayu ga tacūma ga nuxcūmaūxū, rū Cristu ítaxūrū inatēx ga yema tacūma ga nuxcūmaūxū. Rū yemaācū naxūpetū na wena imaxēxūcēx rū tūxū nangēmaxūcēx i maxū i ngexwacaxūxū, yexgumarū ga Ngechuchu na yuwa írūdaxū rū wena namaxūxū ga yexguma Nanatū ga Tupana norū poramaā inadxēēgu.

⁵ Rū űuxma na Cristumaā wūxigu nayuxū ga tacūma ga nuxcūmaūxū, rū nūxū tacuēx na aixcūma Cristumaā tūxū nangēmaxū i maxū i ngexwacaxūxū.

⁶ Rū nūxū tacuēx rū yema tōrū maxū ga nuxcūmaūxū rū Cristumaā wūxigu curuchagu nayu na yexma yanaxoxūcēx ga yema tacūma ga chixexū. Rū űuxma rū tama pecadutūwa tangēmagū, rū ngēmacēx marū tama naga taxīnūē.

⁷ Erū yīxema yūxe rū marū tama pecadutūwa tangēxma na yeūcūrū pecadu taxūchaxūcēx.

⁸ Rū űuxma na Cristumaā nayuxū ga tōrū maxū ga nuxcūmaūxū, rū nūxū tacuēx na Cristurū tūxū nangēmaxū i maxū i ngexwacaxūxū.

⁹ Rū nūxū tacuēx rū űuxma na yuwa inadxū ya Cristu, rū tagutāma wena nayu. Yerū nūma rū marū yuxū narūyexera.

¹⁰ Rū yexguma nayuxgu ga Cristu rū pecaducēx nixī ga nayuxū, rū noxtacūma yexma wūxicana ningutanū ga guxūma ga duūxūgūarū pecadugū. Natūrū űuxma na namaxūxū, rū Tupanacēx nixī i namaxūxū na Tupanaārū ngūchaū naxūxūcēx.

¹¹ Rū ngēxgumarū ta i pema rū name nixī i pegūgu perūxīnūē na marū peyuexū pecaduchaxwa rū Tupanacēx pemaxēxū, erū Ngechuchu ya Cristuarū duūxūgū pixīgū.

¹² Rū ngēmacēx rū tama name i pecadutūwa pegū pengēxmagūxēē na pemaā inacuáxūcēx. Rū tama name i penaxūchica i pecadu na pexeneārū ngūchaūgū i chixexū pexū naxūxēxūcēx.

¹³ Rū tama name i pecaduna penaxāgū i pexene na ngēmamaā chixexū pexūgūxūcēx. Rū name nixī i Tupanana pegū pexāgū, erū űoma duūxūgū i yuexū rū wena maxēxūrū pixīgū. Rū ngēmacēx name nixī i Tupanana penaxāgū i pexene na ngēmamaā mexū pexūgūxūcēx.

¹⁴ Rū űuxma rū tāutāma pecadutūwa pengēxmagū na pemaā inacuáxūcēx. Rū yexguma yema mugū ga Moīché űmatūxūwe perūxīxgu, rū pemaā inacuēx ga pecadu. Natūrū i űuxma rū Cristugagu Tupana pemaā namecūma, rū nūma nixī i pemaā inacuáxū i űuxmax.

Ngēxguma wūxi i corimēxēwa yigū ingēxmagūxēēgu, rū ngēmaga nixī i ixīnūēxū

¹⁵ Rū űuxma na tama yema Moīché űmatūxū ga mugūtūwa ingēxmagūxū, rū űuxma na Tupana rū Cristugagu tamaā mecūmaxū, űrū űuxācū tá imaxēxū? űRū pexcēx namexū na yeūcūrū pecadu ixūgūchaxū? Rū dūcax, tama name na ngēmaācū imaxēxū.

¹⁶ Rū pema nūxū pecuēx rū ngēxguma wūxi i corimēxēwa pegū pengēxmagūxēēgu na naga pexīnūēxūcēx rū ngēma tá nixī i perū cori ixīxū, rū pema rū norū duūxūgū tá pixīgū i ngēma cori i naga pexīnūēxū. Rū űuxma rū pema tá nūxū pedaugū ngoxi ngēxūrūxū perū me yixī na ngēmaga pexīnūēxūcēx. Rū ngēxguma pecadu i yuwa tūxū gagūxū perū me yixīgu, rū ngēma tá nixī i pemaā icuáxū. Rū ngēxguma perū me yixīgu na Tupanaga na pexīnūēxū, rū yimaga tá pexīnūē na napēxewa pimexūcēx.

¹⁷ Natūrū Tupanana moxē chaxā, yerū woo pecaduga na pexīnūēchirēxū, natūrū i űuxma rū aixcūma naga pexīnūē i ngēma nguxēētae i marū peyaxuxū i Cristuchiga.

¹⁸ Rū ñuxma rü Tupanaärü duñxüğü pixüğü erü nüma rü chixexüna pexü ñanguxüxëê na tama pecadu pexüğüchaxüçex. Rū ngëmaäcü pexü narüngüxëê na napëxewa pimexüçex rü meä naxcëx pemaxëxüçex.

¹⁹ Rū ñoma i nañecüĀx i duñxüğümaä chidexarüñ nixi i tauxchaxü i oremaä pemaä chidexaxü i ñuxmax, erü pema rü woetama taguma nüxü pexüñüê i ñaä ore, rü ngürüächi täütama nüxü pecuëx i tacüchiga na yixü i ngëma pemaä nüxü chixuxü. Rū dücax, rü nuxcüma rü ipenaxä ga pexene na namaä penaxüğüxüçex ga nagüxürauxü ga chixexü. Natürü i ñuxma rü name nixi i Tupanana pegü pexä na aixcüma napëxewa pexüñnegüxüçex rü naxcëxicatama pemaxëxüçex.

²⁰ Rū yexguma pecadutüŵa peyexmagüğü, rü taxucürüwama Tupanapëxewa mexü pexüğü ga yexguma.

²¹ ¿Natürü tacüwa pexü namexü ga yema chixexü i ñuxma rü wüxi i äne pexna äxü? Yerü yema chixexü rü yuwamare pexü nagagü, rü tama i maxüwa.

²² Natürü marü tama pecadutüŵa pengëxmagü i ñuxmax, erü marü nüxna ípengüñ rü marü Tupanaärü duñxüğü pixüğü. Rū ngëma waxi nixi i poraäcü pexü mexü erü ngëmagagu penayaxu i maxü i Tupanapëxewa üñexü rü ngëmawena tá penayaxu i maxü i taguma güxü.

²³ Rū ngëma natanü na pecadu ixüxü, rü yu nixi. Natürü yixema tóru Cori ya Ngechuchuxüñ yaxöğüxe, rü Tupana tüxna nanaxämare i maxü i taguma güxü.

7

Wüxi i ngecü rü ngëxguma nayutegu rü marü tama ngitemëxëwa ingëxma. Rü ñuxma na taxcëx nayuxü ya Cristu, rü marü tama yema Moiché ümatixü ga mugütüŵa tangëxmagü

¹ Pa Chaueneëgüx, rü pema na nagu pexüñ i ngëma mugü, rü nüxü pecuëx rü ngëxguma tamañxugixicatama nixi na ngëma mugütüŵa tangëxmaxü ya wüxichigü ya duñxë.

² Rū dücax, rü wüxi i ngecü i ätecü rü ngitemëxëwa ingëxma ega namaxyane ya ngíte, erü ngëma ñanagürü i ore i mugü. Natürü ngëxguma nayuxgu ya ngíte, rü marü tama ngitemëxëwa ingëxma. Rü yema mugü ga ngitemëxëwa ngixü yexmaxëëxü ga noxri rü marü tama ngímaä inacüëx.

³ Rū ngëmaäcü i ngëxguma namaxyane ya ngíte rü to i yatümaä inapexgu, rü pecadu ixü. Natürü ngëxguma marü nayuxgu ya ngíte, rü marü nüxna ínguxuchi i ngëma mugü ga ngitemëxëwa ngixü yexmaxëëxü ga noxrix. Rū ngëxguma wenaxärü naxätegu rü taxuüma i chixexü ixü.

⁴ Rū ngëxgumarüñ ta i pemax, Pa Chaueneëgüx, rü marü tama yema Moiché ümatixü ga mugütüŵa pengëxmagü yerü nüma ga Cristu rü pexcëx nayu. Rū ngëmacëx i ñuxma rü Cristu ga yuwa írudacüarü pixüğü. Rū ngëmaäcü nanaxü ya Tupana na naxcëx imaxëxüçex, rü norü ngüchañ ixüğüxüçex.

⁵ Rū yexguma nuxcümañxü ga tacümwawe rüñxgu rü poraäcü tanaxü ga taxüñeärü ngüchañgü woo yema mugü tüxna na nachuxuxü ga yema. Natürü yexguma nüxü icüëxgu na nachuxuxü ga yema pecadu ga ixüxü, rü yexeraäcü tanaxüxchañ. Rü yemaäcü ga yema tóru pecadugü rü yuwa tüxüñ nagagü.

⁶ Natürü i ñuxma rü marü tama ngëma mugütüŵa tangëxmagü, erü Tupana rü marü nüxna tüxü ñanguxüxëê. Rū ngëmacëx i ñuxma rü ñoma duñxüğü i iyuxürüñ tixüğü i napëxewa i ngëma mugü, erü marü tama tamaä inacüëx. Rū ngëmacëx tama nagu taxü i ngëma nuxcüma ümatixü ga mugü, erü marü nüxna ítanguxü na Tupanaärü ngüchañ ixüğüxüçex rü naxcëx na imaxëxüçex namaä i tóru maxü i ngexwacaxüñ i Naäê i Üñexü tüxna äxü.

Ngëma pecadu i chowa ngëxmaxüñ rü chomaä inacüëx

⁷ ¿Rü ñuxü ñagüñüñ tá i ñuxmax? ¿Rü pexcëx rü yema mugü yixü ga tüxü pecadüñxëëxü? ¿Rü dücax, tama name i ngëmaäcü nagu tarüññüê! Natürü yexguma chi yema mugü rü tama choxü nüxü nacüëxëëgu, rü täü chima nüxü chacuëx na pecadutüŵa chayexmaxü. Rū dücax, rü yexguma chi yema mugü rü täü chima choxü nüxü cuëxëëgu na wüxi i pecadu yixü na toguñxärü ngëmaxüçex chixauxächixüñ, rü täü chima nüxü chacuëx na pecadu yixüñ i ngëma.

⁸ Natürü yexguma yema mugü choxü nguxëëgu na nachixexüñ na toguñxärü ngëmaxüñ choxü ngüchañxüñ, rü yexguma ga pecadu rü nayoxnië na yexeraäcü choxüñ na nangüchañxëëxüñ. Rū ngëmaäcü nüxü tadau rü ngëxguma chi natauxgu i ngëma mugü, rü täü chima nüxü tacüëxgu na ñuxäcü wüxi i chixexüchixüñ na yixüñ i ngëma pecadu.

⁹⁻¹⁰ Rū noxri tauta yema mugüñ chacuëxgu, rü choma nagu charüññüğü rü chame. Natürü yexguma yema mugüñ chacuëxgu, rü nüxü chicuëxächi na chixexü chaxüñ rü

ngēma chixexūcēx rü tá na chayuxū. Rü yemaäcü ga yema mugü ga Tupana Moichēna äxū na duñxūgūxū namaxēxēēxūcēx, rü choxū nayuxēēāma.

¹¹ Rü nūma ga pecadu rü nayoxniē namaā ga yema mugü. Yerü yexguma yema mugü choxū ngxēēgu na ñuxācü nachixexū ga yema pecadu, rü yexeraäcü choxū nangúchañ ga yema pecadu. Rü yemaäcü ga yema pecadu rü choxū nawomūxēē rü nayoxniē namaā ga yema mugü rü yuwa choxū naga.

¹² Natürü yema mugü rü aixcüma naxüüne i Tupanapēxewa. Rü guxūma i ngēma Tupana tamaā nūxū ixuxū rü naxüüne rü aixcüma name rü tüxū narüngūxēē.

¹³ ¿Natürü ñuxācü nixī i ngēma i ñuxmax? ¿Éxna pexcēx rü yema mugü yīñx ga yuwa choxū gaxū? Rü dücax, rü tama ngēmaäcü nixī. Erü ngēma pecadu nixī i Tupanaärü mugūma yoxniēxū na yuwa choxū nagaxūcēx. Rü ngēmaäcü nūxū tacuēx na ñuxācü poraäcü nachixexū i pecadu. Rü yexguma yema mugü choxū ngxēēgu na ñuxācü poraäcü nachixexū ga yema pecadu, rü yexeraäcü choxū nangúchañ ga yema chixexū rü yexeraäcü chanaxūama ga pecadu.

¹⁴ Nūxū tacuēx i ngēma mugü rü Tupanaäē i Üünexūwa ne naxū. Natürü choma rü duñxūmare chixī, rü ngēmacēx nixī i chomaā inacuáxū i ngēma pecadu i chaxūxū.

¹⁵ Rü tama nūxū chacuēx na tacū choxū üpetūxū erü tama chanaxū i ngēma mexū i chanaxwēxexū na chaxūxū, natürü ngēma chixexū i tama chanaxwēxexū na chaxūxū rü ngēmaāma nixī i chaxūxū.

¹⁶ Natürü i ñuxma na chanaxūxū i ngēma tama chanaxwēxechirēxū na chaxūxū, rü ngēmawa nūxū chicuēxāchi na namexū i ngēma mugü.

¹⁷ Rü ngēmacēx i ñuxma rü tama chauechama nixī i chanaxūxū i ngēma chixexū. Natürü ngēma pecadu i chowa ngēmxaxū nixī i chomaā icuáxū, rü ngēma nixī i chixexū choxū üxēēxū.

¹⁸ Rü choma nūxū chacuēx rü wūxi i pecaduáxū i duñxūmare chixī, rü ngēmacēx chowa rü nataxuma i tacū i mexū. Erü woo chanaxwēxe na mexū chaxūxū, natürü tama chomaā nanguxū na chanaxūxū.

¹⁹ Erü ngēma mexū i chanaxwēxexū na chaxūxū, rü tama chanaxū. Natürü chanaxūama i ngēma chixexū i tama chanaxwēxexū na chanaxūxū.

²⁰ Rü ngēxguma chí chanaxūamagu i ngēma chixexū i tama chanaxwēxexū na chaxūxū, rü meāma nangox na tama chauechama chanaxūxū. Natürü ngēma pecadu i chowa ngēmxaxū nixī i chomaā icuáxū rü chixexū choxū üxēēxū.

²¹ Rü ngēmaäcü nūxū chadau i ñuxācü na chíñxū. Rü ngēxguma mexū chaxūxchañgu rü choxū natauxcha na chixexūāma chaxūxū.

²² Choma rü chauāēwa rü chorü me nixī i Tupanaärü mugü, rü naga chaxīñuchañ.

²³ Natürü ñaā chaxune i ñoma i naānecūāx ixīñūwa, rü nangēxma i tacū i tama naxūxchañxū i ngēma chauāē naxwēxexū. Rü ngēma pecadu i chowa ngēmxaxū nixī i chomaā icuáxū rü chixexū choxū üxēēxū.

²⁴⁻²⁵ Rü ngēmaäcü i choma rü chauāēwa chayanguxēēchañ i Tupanaärü mugü, natürü ñoma i naānecūāx i chaxune rü nanaxūxchañ i ngēma nanaxwēxexū i pecadu. Rü taxucēxma chataāē i choma. ¿Rü texé tá nūxna choxū ítanguxuchixēē i ñaā pecadu i chowa ngēmxaxū rü yuwa choxū gaxchañxū? Rü Tupanana moxē chaxā erü tórü Cori ya Ngechuchu ya Cristu rü tá choxū nūxna ítanguxuchixēē.

8

Tupanaäē i Üünexū naxwēxexūācüma tamaxē

¹ Rü ñuxma ya Tupana rü marü taxucēxma nanapoxcue i ngēma duñxūgü i Ngechuchu ya Cristuarü duñxūgü ixīgūxū.

² Erü Tupanaäē i Üünexū i Ngechuchu ya Cristugagu tüxū maxēxēēxū, rü nūxna tüxū ínganguxūxēē i pecadu na tama yuwa tüxū nagagūxūcēx.

³ Rü yema taxūneärü ngúchañgu rü marü nūxū narüyexera ga yema mugü ga Moiché ümatūxū. Rü yemacēx ga yema mugü rü taxucürüwa mexū tüxū naxūxēē. Natürü nūma ga Tupana rü marü nanaxū ga yema taxucürüwa naxūxū ga yema mugü. Yerü ga Tupana rü ñoma ga naānēwa nanamu ga Nanexūchi. Rü woo taxūne i pecaduäxūrü nixī ga naxūne, natürü nūma ga Nane rü taguma napecaduāx. Rü nūma ga Nane rü tórü pecaducēx nayu, rü yemaäcü inayanaxoxēē ga norü pora ga yema pecadu ga taxūnēwa yexmaxū.

⁴ Rü yemaäcü nanaxū ga Tupana na tüxū na natauxchaxūcēx na yanguxēēxū i ngēma tüxū namuxū i ngēma mugü. Erü ñuxma rü tama ñoma i taxūne naxwēxexūācüma tamaxē, natürü Tupanaäē i Üünexū naxwēxexūācüma nixī i imaxē.

⁵ Rū yíxema tūmaxūne naxwēxexūācūma maxēxē, rū naxcēx tadaugū i ngēma űoma i naānecūāx naxwēxexū. Natürü yíxema Tupanaāē i Ūünexū naxwēxexūācūma maxēxē, rū ngēma Tupanaāē i Ūünexū naxwēxexū nixī i naxcēx tadaugūxū.

⁶ Rū yíxema Tupanaāē i Ūünexū naxwēxexūcēx daugūxe rū tataēgū, rū tá tūxū nangēxma i tūmaārū maxū i taguma gūxū. Natürü yíxema tūmaxūne naxwēxexūcēx daugūxe rū ngēma rū tá yuwa tūxū nagagū.

⁷ Rū yíxema tūmaxūne naxwēxexūcēx daugūxe rū Tupanamaā tarūxuwānūgū. Rū tama Tupanaga taxīnūēchaū erū taxucūrūwama naga taxīnūē.

⁸ Rū ngēmacēx ya yíxema tūmaxūneārū ngūchaūwe rūxīxē, rū taxucūrūwa Tupanaārū ngūchaū taxūgū.

⁹ Natürü ngēxguma aixcūma pewa nangēxmagu i Tupanaāē i Ūünexū rū tama pexeneārū ngūchaū pexū, natürü Naāē i Ūünexūārū ngūchaū nixī i pexūxū. Rū yíxema tama tūxū nangēxmaxē i Tupanaāē i Ūünexū i Cristu tūxna āxū, rū tama Cristuarū duūxū tixī.

¹⁰ Natürü ngēxguma pewa namaxūxgu ya Cristu, rū peāxē rū namaxū erū Cristugagu Tupana pexū nūxū inayarūngūma i perū pecadugu. Rū woo i pexene rū pecadugagu tá nayuama, natürü peāxē rū Cristugagu tá namaxū, erū Tupana pexū nadau na pimexū.

¹¹ Rū ngēxguma pewa namaūxgu i Naāē ya yima Tupana ga Ngechuchu ya Cristuxū írūdaxēēcū, rū nūmatátama ya yima Cristuxū írūdaxēēcū tá wena nanamaxēē i pexene i yuxwēxexū, rū Naāē i Ūünexū i pewa maxūxū tá nixī i naxūxū i ngēma.

¹² Rū ngēmacēx, Pa Chaueneēgūx, rū tanaxwēxe i Tupanaārū ngūchaū taxū, rū tama tanaxwēxe i taxūne i pecaduāxūārū ngūchaū taxū.

¹³ Erū ngēxguma chí pexeneārū ngūchaū pexūxgu rū tá ipeyarūtauxe. Natürü ngēxguma Tupanaāē i Ūünexūārū ngūxēēmaā ipeyanaxoxēēgu i ngēma pexene ūxchaūxū, rū aixcūma tá pexū nangēxma i maxū i taguma gūxū.

¹⁴ Erū guxāma ya yíxema Tupanaāē i Ūünexū tūmamaā icuāxe, rū aixcūma Tupanaxācūgū tixīgū.

¹⁵ Yerū tama penayauxgū ga wūxi ga naāxē ga pecaduwa pexū gagūxū rū ngemagagu wenaxarū Tupanaārū poxcucēx pemuūē. Natürü yema Naāxē ga peyauxgūxū rū Tupanaāxē i Ūünexū i naxacūgū pexū ixīgūxēēxū nixī. Rū ngēmatama Naāē i Ūünexū nixī i tūxū rūngūxēēxū na tama imuūēxūcēx na Tupanana ingaicamagūxū rū:

“Pa Chaunatūx”, űagūxū nūxū.

¹⁶ Rū ngēmatama Naāē i Ūünexū nixī i aixcūma tūxū nūxū cuēxēēxū na Tupanaxācūgū na ixīgūxū.

¹⁷ Rū űuxma na Tupanaxācūgū ixīgūxū i yixema, rū nūxū tacuēx rū daxūgūxū i naānewa tá tanayaxu i ngēma mexūgū i Tupana tūxna āxchaūxū. Rū ngēmaācū Cristumaā tá tūxū nangēxma i tachica i mexū i Tupanaxūtawa, erū Cristurū ngūxū tingegū na yixcūra wūxigu namaā mexūwa ingēxmagūxūcēx.

Ngēma mexū i yixcūra tá nūxū idauxūchiga

¹⁸ Rū dūcax, choma nagu charūxīnū rū ngēma ngūxū i űuxma űoma i naānewa ingegūxū, rū taxūma nixī i ngēxguma nagu nanguxgu i ngēma mexū i yixcūra tá nūxū idauxū i ngēxguma Cristumaā ingēxmagūgu i daxūgūxū i naānewa.

¹⁹ Rū űuxma rū guxūma i tacū i Tupana ūxū rū taxū i norū ngūchaūmaā inangūxēēgū i ngēma ngunexū i nagu tá nataeguxū ya Cristu na Tupana guxūpēxewa naxācūgūxū iwēxū.

²⁰ Rū nūxū tacuēxgū rū yexguma pecadu naxūxgu ga guma nūxīraūcū ga yatū rū yexguma nixī ga nachixexū ga guxūma ga yema Tupana ūxū. Rū tama yema Tupana ūxūārū ngūchaū nixī ga yema, natürü yemaācū nūxū naxūpetū yerū ga Tupana rū yemaācū inaxuneta ga yexguma pecadu naxūxgu ga guma yatū. Natürü i űuxma rū guxūma ga yema Tupana ūxū rū inangūxēē na ngēma chixexūwa inangūxūxūcēx.

²¹ Erū ngēma ngunexū i Tupana tá nagu nadexū i naxācūgū na naxūtawa nangēxmagūxūcēx, rū ngēxguma tá ta nixī i chixexūwa inangūxūxēēxū i guxūma ga yema nūmatama naxūxū. Rū ngēmaācū wenaxārū noxrīrū tá name i guxūma.

²² Rū nūxū tacuēx rū űaa naane rū guxūma i nawa ngexmaxū rū űoma wūxi i nge i ixraxacūchaxūcūrūxū poraācū ngūxū ninge űuxmatáta nawa nangu i ngema ngunexū i nagu Tupana wena nangexwacaxūxēēxū i guxūma.

²³ Rū tama űaa naanexīcatama nixī i ngūxū ingexū i űuxma, natürü yixema i tūxū ngexmaxū i Tupanaāxē i Ūünexū rū ta ngūxū tingegū űuxmatáta nawa nangu na Tanatū tūxū dexū rū ngexwacūxū i taxūnegū tūxna āxū. Rū woo tūxū nangexma i Naāxē i Ūünexū ya Tupana tūxna muxū na norū ūgū yixūxūcēx i ngema mexūgū i Tupana tá tūxna naxāxū i daxūgūxū i naanewa, natürü tanaxwēxe na ngemaxūchi ingugūxū.

²⁴ Cristu tūxna nanaxā i maxū i taguma gūxū, natūrū itananguxēēgūmare na naxū-tawa ingugūxū na nayauxgūxūcēx i ngēma maxū. Natūrū nūxū tacuēx rū ngēxguma chi marū nūxū idaugūgu i ngēma írūnguxēēgūxū, rū taxucēxma tūxcūxū itananguxēēgū. Erū ngēma marū nūxū idauxū, rū taxucēxma itananguxēē.

²⁵ Natūrū ngēxguma tauta nūxū idaugūgu i ngēma írūnguxēēgūxū, rū tanaxwēxe i meā itananguxēēgūecha űuxmatāta nūxū idaugū. Rū ngēmaācū nixī i Cristuxū írūnguxēēgūxū.

²⁶ Rū Tupanaāē rū tūxū narūngūxēē ta na iporaexūcēx i ngēxguma ituraegu i tōrū ōwa. Rū yixema rū tama nūxū tacuēx na űuxācū Tupanamaā idexagūxū rū űacūcēx iyumūxēgūxū. Natūrū Naāē i Ūūnexū rū naxauxācūma ore i tama nūxū icuāxūmaā Tupanamaā nidexa rū taxcēx nayumūxē.

²⁷ Rū Tupana ya meā tūxū cuācū rū nūxū nacuēx na űuxū űaxūchiga yīxū i ngēma Naāē i Ūūnexū nūxū ixuxū. Erū ngēma Naāē i Ūūnexū rū Tupana naxwēxexūācūma Tupanaxū nacēxū tūmacēx ya yixema Tupanaārū duūxūgū ixīgūxe.

Cristu rū tūxū naporaxēēāma na taxuūma i guxchaxūgū tūxū narū- yexeraxūcēx

²⁸ Rū nūxū tacuēx rū tūmaārū mexūcēx nixī i Tupana inanguxēēxū i guxūma i ngēma tūxū űepetūxū ya yixema nūxū ngechaūgūxe ga nūma nanaxwēxexūācūma tūxū nadexe.

²⁹ Rū woetama nuxcūmama ga Tupana rū marū tūxū nacuēx na texēgū tá tixīgūxū ya yixema noxrū ixīgūxe. Rū noxritama naāne ixūgūgumama tūxū nade na Nanerūxū timexū i napēxewa, rū yima Nane rū tūmamaā nayaxūcēx rū tūmamaā inacuāxūcēx ya guxāma ya yixema naēneēgū ixīgūxe.

³⁰ Rū guxema noxri naāne ixūgūgumama Tupana tūxū dexe, rū tūmacēx naca na noxrū tixīgūxūcēx. Rū guxema tūmacēx naçaxe, rū nūgūcēx tūxū nimexēēgū. Rū guxema nūgūcēx tūxū yamexēēgūxe, rū daxūwa tá tūxū nagagū na guxūgutāma naxūtawa tangēxmagūxūcēx.

³¹ ¿Rū űuxū űagūxū tá i űuxma i ngēmachiga? Rū ngēxguma Tupana taētūwa chogūgu, ¿rū texē tá tūxū ruyexeraxū?

³² Yerū nūma ga Tupana rū tama tūxna nayanuxū ga Nanexūchi. Natūrū taxcēx inanamu ga Nane na taxcēx nayuxūcēx i guxāma i yixema. Rū űuxma na yemaācū taxcēx inamuāxū ga Nane, ¿rū tauxēxna tūxna naxāāxū i guxūma i űacū i inaxwēxexū na naxcēx imaxēxūcēx?

³³ Rū Tupana tūxū nade rū tūxū nixu na napēxewa imexū. Rū ngēmacēx ¿rū texē tá napēxewa tūxū tixugū na ichixexū? Erū Tupanama nixī ya tūxū ixucū na tūxū nataxuūma i chixexū.

³⁴ ¿Rū texē tá poxcuwa tūxū tamugū i űuxmax? ¿Pexcēx rū Cristu tá yīxū? Dūcēx, taxucūrūwama ngēmaācū nixī yerū Cristu nixī ga taxcēx yucū na tūxū namaxēxēxūcēx. Rū tama ngēxīcatama taxcēx naxū, natūrū nixū wenaxārū inarūda. Rū űuxma rū Tupanaxūtawa nangēxma rū ngema āēxgacū nixī. Rū ngema taētūwa nachogū rū Tupanaxū taxcēx nacēxū.

³⁵ ¿Rū űuxma rū űacū tá Cristuna tūxū ixīgachixēēxū na tama tūxū nangechaūxūcēx? Rū woo nūxū ingegūgu, rū ēxna guxchaxūgū tūxū ngēxmagu, rū ēxna duūxūgū Cristugagu taxchi aiegu, rū ēxna itaiyaegu, rū ēxna ingexchirugūgu, rū ēxna āucūmaxūwa ingēxmagūgu, rū ēxna duūxūgū tūxū daixchaūgu, natūrū woo guxūma i ngēma tūxū űepetūgu, natūrū ya Cristu rū tāūtāma nūxū narūchau na tūxū nangechaūxū.

³⁶ Natūrū guxūguma āucūmaxūwa tangēxmagū, ngēma Tupanaārū ore i űmatūxū nūxū ixuxūrū. Erū ngēma ore rū űanagūrū:

“Rū cugagu duūxūgū toxū nadaixchaū rū duūxūgūpēxewa rū űoma carnerugū i daiwa İxūrūxū tixīgū”,

űanagūrū i ngēma ore.

³⁷ Natūrū woo guxūma i ngēma tūxū na ngupetūxū, rū Ngechuchu ya Cristu ya tūxū ngechaūcū, rū tūxū naporaxēēāma na taxuūma i guxchaxūgū tūxū narūyexeraxūcēx, rū bai i űacū.

³⁸⁻³⁹ Rū ngēmacēx aixcūma chayaxō na taxucūrūwama űacū Tupanana tūxū ixīgachixēēxū na ngēmaācū tama tūxū nangechaūxūcēx. Rū woo iyuxgu rū woo imaxēgu, natūrū Tupana tá tūxū nangechaūēcha. Rū taxucūrūwama Tupanana tūxū nixīgachixēē i űacū i norū orearū ngeruūgū, rū ēxna űacū rū ngoxogū rū ēxna űacū i to i poraxū. Rū bai i űacū i űuxma tūxū űepetūxū, rū bai i űacū i yixcūra tá ngēxmaxū, rū bai i űacū i daxūwa ngēxmaxū, rū bai i űacū i naānetūūwa ngēxmaxū, rū bai i űacū i to i Tupana űxū, rū taxucūrūwama Tupanana tūxū nixīgachixēē na tama tūxū nangechaūxūcēx. Rū ngēmaācū nixī i tūxū nangechaūxū ya Tupana nagagu ya tōrū Cori ya Ngechuchu ya Cristu.

¹ Dücèx, Pa Chaueneëgüx, rü pemaã tá nüxü chixu i wüxi i ore. Rü ngëma ore i pemaã tá nüxü chixuxü rü aixcüma nixi erü Cristuarü duüxü chixi. Rü tama chidora. Rü chauãewatama nüxü chacuèx na aixcüma na yïxü i ngëma ore erü Tupanaãe i Üünexü nixi i chauãemaã icuáxü.

² Rü poraãcü changechaü, rü choxü nangúecha i chauãëwa, erü tama nayaxögü i chautanüxügü i Yudiügü.

³ Rü aixcüma pemaã nüxü chixu rü guxüguma ngëma chautanüxügü charüxünu, rü poraãcü chanaxwëxe na Cristuaxü yaxögüãxü. Rü choma rü aixcüma ichamemare na poxcuwa choxü namuxü ya Tupana rü Cristuna choxü yaxügachixëëxü ega ngëmaãcü chi nüxü chayaxögüxëëgu rü chanamaxëxëëgu i ngëma chautanüxügü i Yudiügü.

⁴ Rü nümagü rü chauxrüü Yudiügü nixigü. Rü Tupana rü nuxcümaxüchima namaã inaxuneta na naxãcügü yixigüxüçèx. Rü norü oxigü rü nüxü nadaugü na ñuxãcü namexëchixü ga Tupana ga yexguma naxcèx nangoxgux. Rü Tupana rü norü oxigümaã inaxuneta rü ñanagürü nüxü:

“Rü ngëxguma chauga pexinüëgu rü tá pexü charüngüxëë”, ñanagürü nüxü. Rü Tupana rü nüxna nanaxã ga yema mugü ga Moïché ümatüxü. Rü nanangüexëë na ñuxãcü nüxü yacuëxüügüxüçèx. Rü meãma namaã inaxuneta na Cristu rü naxcèx núma tá namuãxü na namaxëxëãxüçèx rü nüxna na naxããxüçèx i maxü i taguma güxü.

⁵ Rü yema nuxcümaügüxü ga tóru oxigütaa nixigü i ngëma Yudiügü, rü ngëmacèx naxcèx ta nixi ga yema uneta ga tóru oxigümaã nüxü yaxuxü ga Tupana. Rü ngëma Yudiügütanüxüwatama nixi ga nabuxü ga Cristu ya Tupanaxüchi ixicü ya guxüëtuwa ngëxmacü. Rü tanaxwëxe i guxüguma nüxü ticuëxüügü. Rü ngëmaãcü yï.

⁶ Rü ñuxma rü woo tama guxü i Yudiügü na yaxögüxü, natürü taxucürüwama texé nüxü tixu na Tupana rü tama yanguxëëãxü i ngëma norü uneta. Erü ngëma Yudiügü rü tama aixcüma guxüma Tupanaärü duüxügü nixigü.

⁷ Rü tama guxüma i duüxügü i Abráütaagü ixigüxü, rü aixcüma Abráütanüxü nixigü i Tupanapëxewa. Yerü ga Tupana rü Abráümaã nüxü nixu, rü ñanagürü:

“Rü cune ya Ichaátanüxügü tá nixi i aixcüma cutanüxügü ixigüxü i chopëxewa”, ñanagürü. Rü yemaãcü namaã inaxuneta woo na nayexmaxü ga togu ga Abráüxãcügü.

⁸ Rü ngëmawa meãma nüxü tacuèx rü tama ngëma na Abráütaa tixigüxüçèx nixi i Tupanaxãcügü tixigüxü. Natürü yixema aixcüma Tupanaärü uneta nüxü ixuxürüüãcüma yaxögüxe waxi tixi ya aixcüma Abráütaa ixigüxe i Tupanapëxewa.

⁹ Yerü naxüpa ga na nabuxü ga Abráü nane, rü yema Tupanaärü uneta ga Abráümaã nüxü yaxuxü, rü ñanagürü:

“Rü naï ya tauncüarü ñüxgumaãcü tá wena nuã chaxü, rü cuxmèx i Chara rü tá ixãxãcü i ngëxguma”, ñanagürü.

¹⁰ Natürü tama Abráümaãxücatama nixi ga yemaãcü yadexaxü ga Tupana. Yerü tóru oxü ga Ichaã namèx ga Rebecamaã rü ta nidexa ga Tupana. Rü ngïma rü ngïteaxü ixãxãcü rü nataxreëxpüx ga ngïne.

¹¹⁻¹³ Natürü yexguma tauta nabuegu rü taxuüma ga mexü rü ëxna chixexü naxüegu ga yema ngïnegü, rü Rebecamaã nidexa ga Tupana, rü ñanagürü:

“Rü ngëma nüxira buxü i cune, rü ngëma wixweama buxüärü duüxü tá nixi”,

ñanagürü ngïxü. Rü yema dexa rü namaã nawüxügu i Tupanaärü ore i ümatüxü i ñaxü:

“Marü chanayaxu ya Acobu, natürü nüxü chaxo ya Echaü”,

ñaxü. Rü yemaãcü ga Tupana rü ngïmaã nanangoxëë na namëxwa nangëxmaxü na tüxü nayaxuxü ya yixema woetama nüxü ngüchaüxë na tümacèx naçaxü tama nagu naxinüãcüma i tacü rü mexü rü ëxna tacü rü chixexü na taxüxü.

¹⁴ ¿Rü ñuxü ñagüxü i ñuxmax? ¿Pexcèx rü Tupana rü chixexü naxüxü ga yexguma tama Acobuxü nangechaüxürü nüxü na nangechaügu ga Echaü? Rü dücax, tama chixexü naxü.

¹⁵ Yerü norü orewa rü Tupana rü Moïchéxü ñanagürü:

“Rü ngëxguma chi texëmaã chamecümachaügu, rü tümamaã tá chamecüma. Rü choxü tá tangechaütümüü ya yixema choxü ngechaütümüüchaüxë”,

ñanagürü.

¹⁶ Rü ngëmaãcü tama ngëma tümataama tanaxwëxëxügüga rü ëxna ngëma taxüxügüga nixi i Tupana tüxü yaxuxü ya texé. Natürü tüxü nayaxu erü nüxü tangechaütümüü.

¹⁷ Rü yexgumarüü ta ga Tupana rü norü ore i ümatüxüwa rü ñanagürü nüxü ga Equituanearü ãëxgacü:

“Rü ãëxgacüxü cuxü chingucuchixëë na cuwa duüxügüxü nüxü chadauxëëxüçèx i ñuxãcü na chaporaxü. Rü ngëmaãcü chanaxü na guxü i duüxügü i guxü i naãnewa ngëxmagüxü, nüxü na cuãxüçèx i chauchiga”,

ñanagürü.

¹⁸ Rū ngēmaācü ya Tupana rü nüxü tangechaütümüü ya yixema nüxü ngechaütümüüchaüxē. Rū ngēxguma tüxü nataiāchiarü maxüāxēēchaügu rü tüxü nanataiāchiarü maxüāxēē ya yixema tama nüxü cuāxchaüxē.

¹⁹ Natürü bexmana tá ñacurügü choxü:

na chixexü ixügüxü rü tama naga ixñüxü? ¿Rü texé tapora na itayanaxoxēxüxcēx i Tupanaärü ngüchaü?” ñacurügü tá.

²⁰ Natürü Pa Duüxüx, ¿texé quixi i cuma rü ngēmacēx ngēmaācü Tupanaxü cuyaxügxü? ¿Cuxcēx rü ēxna wüxi i tüxü i waixümüwa üxü rü namexü i ngēma norü üruümaā na ñaxü? “¿Rü tüxüxcüü ngēmaācü choxü cuxü na ngēmaācü chixixüxcēx i ñuxmax?” ñaxü.

²¹ Rū ngēma tüxüärü üruü rü waixümüwa nanaxü i ñacü i nüma naxüxchaüxü. Rū ngēxguma nanaxwēxegu, rü ngēma waixümüwa nanaxü i wüxi i tüxü na norü meruü yixüxcēx. Rū ngēxguma nanaxwēxegu, rü ngēmatama waixümüwa nanaxü i wüxi i tüxü na norü guxchirechixü yixüxcēx.

²² Rū ngēxgumarüütama nixi i naxüāxü ya Tupana. Erü tüxü nanawēxchaü na ñuxäcü naporaxü i nüma rü ñuxäcü napoxcueāxü i ngēma duüxügü i chixexü ügüxü, natürü poraācü yaxna namaā naxñü i ngēma duüxügü, rü tama paxa nanapoxcue i ngēma imemaregüxü na napoxcuexü.

²³ Natürü ga Tupana rü inanawēxchaü na ñuxäcü poraācü tamaā namecümāxü i yixema na yaxögüxü. Rū ngēmacēx nixi i nüxü ingechaütümüügüxü, rü nuxcümamata tüxü naxexü na naxütawa ingēmagüxüxcēx i daxügüxü i nañewa i ngextá inamexēchixüwa.

²⁴ Rū ngēmaācü i yixema na Yudiügü ixügüxü, rü tatanüwa Tupana tüxü nidexechi ya ñuxre na norü duüxügü tixügüxcēx. Rū ngēxgumarüü ta i ngēma tama Yudiügü ixügüxütanüwa rü nayadexechi i togü.

²⁵ Rū ngēmacēx rü Tupanaärü ore ga Ochéa ümatüxüwa rü ñanagürü:

“Rü ngēma duüxügü i tama chorü duüxügüchirēx ixügüxü, rü: ‘Pema rü chorü duüxügü pixügü i ñuxmax’, ñacharügü tá nüxü. Rū ngēma duüxügü i tama Yudiügürüü nüxü changechaüchirēxü, rü: ‘Pexü changechaü i ñuxmax’, ñacharügü tá nüxü.

²⁶ Rū noxri ga Tupana rü yema duüxügü ga tama Yudiügü ixügüxümaā nüxü nixu, rü ñanagürü nüxü: ‘Pema rü tama chorü duüxügü pixügü’, ñanagürü nüxü. Natürü yematama nachica ga ngextá nüxü iyemañaxüwa, rü wenaxärü yema duüxügü ga tama Yudiügü ixügüxümaā nidexa ga Tupana ya Maxēxēerüü, rü ñanagürü nüxü: ‘Pema rü chaucacügü tá pixügü’, ñanagürü nüxü”.

Rü yema nixi ga Tupanaärü ore ga Ochéa ümatüxü.

²⁷⁻²⁸ Rū Yudiügüchiga rü ta nidexa i Tupanaärü ore, yerü nuxcümācü ga norü orearü uruü ga Ichaxia rü ñanagürü:

“Rü woo namuxüchichirēx i Yudiügü yima naxnücü ya taxtüpechinüwa yimacürüü, natürü noxre tátama nixi i aixcüma nayauxgüxü i maxü i taguma güxü. Rü paxa tá inangu ya tórü Cori na napoxcueāxüxcēx i guxüma i ngēma tama noxrü ixügüxü”,

ñanagürü ga Ichaxia.

²⁹ Rū nümatama ga Ichaxia, rü ñanagürü ga üpa:

“Rü ngēxguma chi nüma ya tórü Cori ya guxü i nañeärü yora rü täü chima iyaxügüxēēāgu i ñuxre i tatanüxügü i Yudiügü, rü chi itayarüxoxochi, yexgumarüü ga na iyanaxogüxü ga guma iānegü ga Chodoma rü Gomora namaā ga guxüma ga yema duüxügü ga yēma yexmagüxü”,

ñanagürü ga Ichaxia.

Yudiügü rü tama nayaxögüchaü i ore i mexü i Cristuchiga

³⁰ ¿Rü ñuxü ñagüxü i ñuxmax? Rü pemaā nüxü chixu rü ngēma duüxügü i tama Yudiügü ixügüxü ga tama Tupanacēx daugüxü ga noxrix, rü ngēmatama duüxügü nixi i ñuxma Tupanapēxewa imexü yerü nayaxögü.

³¹ Natürü yema Yudiügü ga naga ixchaüxü ga yema Moichéarü mugü na Tupanapēxewa yamexüxcēx, rü inatüe.

³² ¿Rü ñuxäcü inatüe? Dücēx, inatüe yerü yema mugüguama naxi na Tupanapēxewa yamexüxcēx, rü tama Ngechuchuaüxü nayaxögüchaü. Rü yemaäcü ga Ngechuchu rü yema duüxügüxcēx rü wüxi ga guxchaxü nixi.

³³ Rū ngēmachiga nixi i Tupanaärü ore i ümatüxü i ñaxü:

“Choma rü Yudiügütanüwa chanamu ya Cristu. Rü nüma rü ngēma Yudiügüxcēx rü wüxi i guxchaxü tá nixi erü ngēxguma tama nüxü yaxögüāgu rü tá inayarütauxe. Natürü ngēma duüxügü i nüxü yaxögüxü, rü aixcüma tá namaxē”,

ñanagürü.

10

¹ Pa Chaueneēgūx, rü ngēma poraācū chanaxwēxexū rü chorū yumūxēwa Tupanana naxcēx chaçaxū, rü ngēma nixī na guxūma i chautanūxūgū i Yudiūgū na yaxōgūxū rü ngēmaācū aixcūma Tupanaārū na yixīgūxūcēx.

² Rü aixcūma pemaā nūxū chixu, rü nūmagū i Yudiūgū rü aixcūma poraācū Tupanagu narūxīnūē rü naxūgūçhaū i Tupanaārū ngūçhaū. Natürü inatūē erū tama Cristuaxū nayaxōgūçhaū na ngēmaācū Tupanapēxewa yamexūcēx.

³ Rü woo Tupana ñoma ga naānewa nanamu ga Cristu na gumagagu Tupanapēxewa yamexūcēx i duūxūgū, natürü nūmagū i Yudiūgū rü tama nūxū nacuēxgūçhaū i ngēma. Rü nūgūtama nimexēēgūçhaū, rü ngēmacēx nagu naxīāma i ngēma mugū ga Moīché ūmatūxū rü tama Cristuaxū nayaxōgūçhaū na nagagu Tupanapēxewa yamexūcēx.

⁴ Natürü nūma ga Cristu rü nayanguxēē ga yema mugū rü yemaācū inayanaxoxēē na tama tamaā inacūxūcēx i ngēma mugū. Rü yemaācū nanaxū ga Cristu na guxūma i duūxūgū i nūxū yaxōgūçhaū rü aixcūma Tupanapēxewa yamexūcēx.

⁵ Rü Moīché nanaxūmatū nachiga na ñuxācū Tupanapēxewa tamexū ya wūxie ega naga taxīnūgu i ngēma mugū, rü ñanagūrū:

“Tupana pexū namu na guxūgutāma meā peyanguxēēxū i guxūma i ngēma mugū erū ngēxguma naga pexīnūēgu i guxūma i ngēma mugū rü tā pemaxē. Natürü ngēxguma tama naga pexīnūēgu i wūxitama i ngēma mugū, rü tāūtāma pemaxē”,

ñanagūrū.

⁶ Natürü ñuxma rü Tupanapēxewa time ega Cristuaxū yaxōgūgu. Rü ngēmacēx taxucēxma i cuāēwa rü ñacurūgū:

“¿Texé tá daxūgūxū i naānewa taxū na Cristucēx tayaçaxū na nuā naxūxūcēx rü tūxū yanangūxēēxūcēx na imexūcēx i Tupanapēxewa?” ñacurūgū.

⁷ Rü taxucēxma cuāēwa ñacurūgū:

“¿Rü texé tá yuexūtanūwa taxū na ngēxma Cristucēx tayadauxūcēx na nuā tanagaxūcēx?” ñacurūgū.

⁸ Erū tama ngēmaācū nixī i Cristucēx idauxū, yerū yema ore ga Moīché ūmatūxū rü ñanagūrū:

“Rü marū cuxūtawa nangēxma i Tupanaārū ore. Rü cuēxwa nangēxma na nūxū quixuxūcēx.

Rü cuāēwa nangēxma na nagu curūxīnūxūcēx”,

ñanagūrū. Rü ñuxma Pa Chaueneēgūx, rü pemaā nūxū chixu rü ngēmatama ore nixī i guxūwama duūxūgūmaā nūxū tixuxū. Rü ngēma ore nixī i pexū nūxū cuēxēēxū na ñuxācū pexū nangēxmaxū i maxū ega aixcūma peyaxōgūgu.

⁹ Erū ngēxguma cuēxmaā nūxū quixuxgu na curū Cori yīxū ya Ngechuchu, rü ngēxguma cuāēwa cuyaxōxgu na yuwa Tupana inadxēēxū, rü tā cuxū nangēxma i maxū i taguma gūxū.

¹⁰ Erū taāēwa tayaxōgū na ngēmaācū Tupanapēxewa imexū. Rü taēxmaā nūxū tixu na Ngechuchu rü tōrū Cori yīxū, rü ngēmaācū tanayaxu i maxū i taguma gūxū.

¹¹ Rü Tupanaārū ore i ūmatūxūwa rü ñanagūrū:

“Rü guxāma ya yīxema ya Ngechuchuaxū yaxōxē, rü nūma ya Ngechuchu rü taxūtāma tūxū narūmaāchiixēē erū tā nayanguxēē i guxūma i ngēma tūmamaā inaxunetaxū”,

ñanagūrū.

¹² Rü Tupanapēxewa rü guxūma i duūxūgū rü nawūxigu. Rü woo Yudiūgū yixīgu rü ēxna woo tama Yudiūgū yixīgu, natürü Tupanapēxewa rü nawūxigu i guxūma i duūxūgū. Erū nūma ya tōrū Cori, rü guxāārū Cori nixī. Rü nūma rü aixcūma tūxū namaxēēxū ga guxāma ya texé ya nūxna çaxe na tūxū namaxēēxūcēx.

¹³ Erū Tupanaārū ore i ūmatūxūwa rü ñanagūrū:

“Rü guxāma ya texé ya tōrū Corina çaxe na tūxna naxāāxūcēx i maxū, rü tā tanayaxu i tūmaārū maxū i taguma gūxū”,

ñanagūrū.

¹⁴ ¿Natürü ñuxācū tá tōrū Corina naxcēx tacagū, ega tama nūxū tayaxōgūgu? ¿Rü ñuxācū tá nūxū tayaxōgū, ega taguma nūxū taxīnūēgu i nachiga? ¿Rü ñuxācū tá nūxū taxīnūē i norū ore, ega taguma texé tūmamaā nūxū ixuxgu?

¹⁵ ¿Rü ñuxācū tá texé nūxū tixu i Cristuchiga ega taxūema tūxū nūxū yarūxuxēēgu? Rü ngēmacēx nixī i Tupanaārū ore i ūmatūxū i ñaxū:

“Rü wūxi i taāē nixī na inangugūxū i Tupanaārū orearū uruūgū na duūxūgūmaā nūxū yaxugūxūcēx i Tanatūarū ore i mexū i Cristuchiga”,

ñaxū.

¹⁶ Natürü tama guxūma i duūxūgū naga naxīnūē i ngēma ore i mexū. Rü Ichaxía nūxū ixuxūrū nixī. Yerū ga nūma rü ñanagūrū:

“Pa Corix, noxretama nixī i ngēma duūxūgū i toxū yaxōgūxū i ngēma ore i nūxū tixuxū”, ñanagūrū.

17 Rū dūcax, rū ngēma na Cristuchigaxū naxīnūēxūwa nixī i ne naxūxū na yaxōgūāxū i duūxūgū. Rū ngēma nūxū naxīnūēxū, rū ore i mexū i Cristuchiga nixī.

18 Natūrū i űuxma rū pexna chaca, ųēxna pexcēx rū ngēma Yudiūgū rū taguma nūxū naxīnūē i ngēma ore i mexū i Cristuchiga? Dūcēx, ngēmāācū marū nūxū naxīnūē. Erū Tupanaārū ore i űmatūxūwa rū űnanagūrū:

“Rū ngēma Tupanaārū orearū uruūgū, rū guxūwama i űnoma i naānewa rū nūxū nixugūe i norū ore. Rū ngextā űnangēxmagūxūwa i Yudiūgū, rū ngēma rū ta nūxū nixugūgū”, űnanagūrū i ngēma ore.

19 Natūrū wena pexna chaca, ųrū ngēma Yudiūgū rū tama ēxna nūxū nicuēxāchitanū na Cristugagu yīxū na Tupana nadexū i duūxūgū i űuxmax? Rū ngēmāācū nūxū nacuēxgū. Yerū Tupanaārū ore ga Moīché űmatūxūwa rū űnanagūrū:

“Dūcēx, Pa Yudiūgūx, choma rū tá chanamaxēxēē i ngēma duūxūgū i tama Yudiūgū ixīgūxū, rū ngēmācēx i pema rū tá pixāūxāchigū. Rū ngēxguma chanamaxēxēēgū i ngēma togū i duūxūgū i tama choxū cuēxgūchirēxū, rū pema i Yudiūgū rū tá penuē erū nūxū charūngūxēē i ngēma togū”, űnanagūrū.

20 Rū yemawena ga Ichaxía, rū tama namuū ga yema Yudiūgūmaā nūxū na yaxuxū ga yema Tupanaārū ore ga űnaxū:

“Rū ngēma duūxūgū i tama Yudiūgū ixīgūxū i tama chauxcēx daugūxū, rū choxū tá inayangaugū. Rū choma rū tá chaugū changoxēē naxcēx i ngēma duūxūgū i tama chauxcēx ícagūchirēxū”, űnaxū.

21 Rū Tupana rū Ichaxíawa Yudiūgūchiga nidexa rū űnanagūrū:

“Rū guxū i ngunexūgū rū nūxna chaxuecha i ngēma duūxūgū i tama chauga űnūēchaūxū rū chomaā nuēxū. Natūrū tama choxū inarūxīnūēchaū”, űnanagūrū.

11

Nangēxma i űuxre i Yudiūgū i Tupana dexū na aixcūma noxrū yixīgūxūcēx

1 űuxma pexna chaca rū, ųpexcēx ēxna ya Tupana rū marū nūxū naxo i norū duūxūgū i Yudiūgū? Tama nixī i nūxū naxoxū. Erū choma i Pauru rū Yudiū chixī. Rū Abrāūtanūxū chixī, rū Abrāūtaa ya Beyamītanūxū chixī.

2 Rū nuxcūmamatama Tupana Yudiūgūmaā inaxuneta na norū duūxūgū yixīgūxūcēx, rū űuxma rū tama Yudiūgūxū naxo. ųTama ēxna nūxū pecuēx na űuxū űnaxū ga Tupanaārū orearū uruū ga Ería? Rū Tupanaārū orewa nūxū tadaugū rū Ería rū Tupanapēxewa poraācū yema Yudiūgūxū nixugū.

3 Rū űnanagūrū ga Ería:

“Pa Corix, ngēma Yudiūgū rū marū nanadai i curū orearū uruūgū. Rū nagu napogūe i ngēma nachicagū i ngextā duūxūgū cuxū űcuēxūūgūxūwa. Rū chaxicatama íchayaxūāchi. Rū choxū rū ta nimēxgūchaū”, űnanagūrū ga Ería.

4 Natūrū Tupana nanangāxū, rū űnanagūrū:

“Dūcēx, choma rū marū choxū nangēxma i 7000 i yatūgū i chaugūxū chidexechixū. Rū nūmagū rū taguma nūxū nicuēxūūgū i ngēma tupanametachicūnēxā i Baá”, űnanagūrū.

5 Rū ngēxgumarūū ta nixī i űuxmax. Rū woo muxūma i Yudiūgū tama nayaxōgū, natūrū nangēxma i űuxre i Tupana namaā mecūmaxūgagu dexū.

6 Rū űuxma na Tupana tūxū ngechaūxūgagu tūxū nadexū, rū taxucūrūwama texé nūxū tixu na űacū rū mexū na ixūgūxūgagu na yixīxū. Erū ngēxguma chi űacū rū mexū ixūgūxūgagu yixū na tūxū nadexū, rū natūcēxmamare chi nixī na nūxū ingechaūūmūxūgūxū.

7 ųRū űuxācū yīxū i űuxmax? Rū ngēma rūmumaēxū i Yudiūgū rū tama nūxū inayangaugū i ngēma maxū i naxcēx nadaugūxū. Natūrū ngēma noxretama i Yudiūgū i Tupana dexū, rū ngemagū nixī i nūxū iyangaugūxū. Rū guxūma ga yema togū ga Yudiūgū rū Tupana űnanawogū yerū tama naga naxīnūē.

8 Rū ngēmachiga nixī i Tupanaārū ore i űmatūxū i űnaxū:

“Tupanatama ngēma duūxūgūxū nanaguxchaxēē. Rū ngēmācēx woo nūxū nadaugūgū i ngēma ore i aixcūma ixīxū, rū tama nūxū nacuēxgūēga. Rū woo nūxū naxīnūēgū i ngēma ore, rū tama nayaxōgū. Rū űuxma rū ta ngēmāācū nixī”, űnanagūrū.

9 Rū Dabí rū ta rū űnanagūrū:

“Rū ngēma duūxūgū rū norū petacēx naxūgūxū i ōnagūgagu rū norū muxūma i ngēmāxūgūgagu rū chixexūgu tā nayi rū ngēmācēx tā napoxcue.

¹⁰ Rū naāēwa rū tāūtāma nūxū nacuēxgū, rū guxchaxūgū tā nūxū nangēxma. Rū űoma wūxi i duūxū i űacū i yaxū űpaxixūrūū tā nixīgū namaā i norū guxchaxūgū”, űanagūrū.

Tupana nanamaxēxēē i ngēma tama Yudiūgū ixīgūxū

¹¹ Rū pexna chaca, rū űuxma na Cristuxū naxoexū i ngēma Yudiūgū, űrū pexcēx ēxna rū ngēmācēx ya Tupana rū tā nūxū naxoxochixū? Tama nūxū naxo. Natūrū űuxma na tama Cristuaxū yaxōgūāxū i ngēma Yudiūgū, rū ngēmācēx ya Tupana rū nūxū narūngūxēē rū nanamaxēxēē i ngēma tama Yudiūgū ixīgūxū. Rū ngēmācū nanaxū ya Tupana na yaxāūxāchixēxē i ngēma Yudiūgū, rū Cristuaxū na yaxōgūāxūcēx.

¹² Rū yema na ínātūexū ga yema Yudiūgū, rū yemagagu muxūma ga togū ga duūxūgū nanayauxgū ga Tupanaārū ngūxēē i taxū. Rū yema na noxretama ga Yudiūgū nayaxōgūxū, rū yemagagu Tupana nanamaxēxēē ga yema tama Yudiūgū ixīgūxū. Natūrū ngēxguma tā Tupanacēx nawoeguxgu i guxūma i Yudiūgū, rū Tupana rū tā yexeraācū nūxū narūngūxēē i guxūma i ngēma duūxūgū i tama Yudiūgū ixīgūxū.

¹³⁻¹⁴ Rū űuxma Pa Duūxūgū i Tama Yudiūgū Ixīgūxū, rū choxū nangēxma i wūxi i ore i pemaā nūxū chixuxchaūxū. Rū dūcax, petanūwa nixī i choxū namuxū ya Tupana na pemaā nūxū chixuxūcēx i norū ore. Rū űuxma rū aixcūma meā chayanguxēē i ngēma puracū, erū chanaxwēxe na pexū nadaugūxū i ngēma chautanūxū i Yudiūgū na űuxācū Tupana pexū na rūngūxēēxū. Rū ngēmācū tā nixāūxāchie i űuxre i nūmagū, rū tā Cristuaxū nayaxōgū, rū ngēmācū tā nanayauxgū i maxū i taguma gūxū.

¹⁵ Nūxū tacuēx rū ngēma Yudiūgū rū tama Cristuaxū nayaxōgūchaū i űuxmax. Rū ngēmācēx ya Tupana rū nanade i ngēma togū i duūxūgū i tama Yudiūgū ixīgūxū. Natūrū űuxma na ngēmācū yīxū, űrū űuxācū tā nixī i ngēxguma Cristuaxū yaxōgūāgu i ngēma Yudiūgū, rū wena Tupana nadexgu? Rū wūxi i mexēchixū tā nixī naxcēx i ngēma Yudiūgū. Erū űoma wūxi i duūxū i yuxū rū wenaxārū maxūxūrūū tā nixīgū.

¹⁶ Rū Tupana rū wena tā nanade i ngēma Yudiūgū i ngēxguma yaxōgūāgu. Rū ngē-mācū tā nixī, yerū nuxcūmaūcū ga nanatū ga Abrāū rū Tupanaārū duūxū nixī. Rū ngēmācēx i nataagū i Yudiūgū rū Tupanaārū duūxūgū ta nixīgū. Rū űoma wūxi i pāū i Tupanana ixāxūrūū tā nixī. Erū ngēxguma ngēma pāūwa űraxū Tupanaārū yixīgu, rū ngēmawa nūxū tacuēx na guxūma i ngēma pāū rū noxrū na yīxū. Rū ngēma wūxi i nanetū i Tupanana ixāxūrūū tā nixī. Rū ngēxguma ngēma nanetūchumēxā rū Tupanaārū yixīgu, rū ngēmawa nūxū tacuēx na guxūma i ngēma nanetū rū noxrū na yīxū. Rū ngēmācū tā nixī i ngēma Yudiūgūmā nangupetūxū, erū wūxi i ngunexūgu rū guxūma i nūmagū rū Tupanacēx tā nawoegu.

¹⁷ Tupana nūxū naxo ga yema Yudiūgū ga tama yaxōgūchaūxū. Rū űoma wūxi i orjxchacūū i idaexūrūū nixī ga yema Yudiūgūxū naxoxū. Natūrū nachicūū Tupana pexū nade woo tama Yudiūgū na pixīgūxū. Rū wūxi i naixnecūcūāx i orjxchacūū rū orjx i toxūwa yarūűaxcūchixūrūū pixīgū. Rū űuxma i pema rū ta pexū nangēxma i pechica i natanūwa i ngēma duūxūgū i Tupanaārū ixīgūxū. Rū Tupana rū pexū narūngūxēē rū pexū rū ta namaxēxēē.

¹⁸ Natūrū pema i tama Yudiūgū na pixīgūxū, rū tama name i pegū picuēxūū rū nūxū pixu na ngēma Yudiūgūārū yexera pixīgūxū. Rū ngēxguma chi ngēmācū pegū picuēxūūgūchaūgu, rū name nixī i nūxna pecuēxāchie na tama petanūwa ne naxūxū ga Cristu ya pexū maxēxēēcū, natūrū Yudiūgūtanūwa nixī ga ne naxūxū. Rū ngēma Yudiūgūgagu nixī i Tupana pexū dexū rū pexū namaxēxēēxū i űuxmax.

¹⁹ Natūrū bexmana tā űaperūgūgū:

“Tupana rū marū nūxū naxo ga yema Yudiūgū rū yemācēx nachicūū tūxū nade”, űaperūgūgū tā.

²⁰ Ngēmācū aixcūma nixī ga Tupana nūxū oxū ga yema Yudiūgū yerū tama nayaxōgū. Rū ngēma na peyaxōgūxūcēxicatama nixī i nachicūū Tupana pexū dexū i űuxmax. Rū ngēmācēx tama name i pegū picuēxūūgū. űNatūrū pexuāēgū na tama yema Yudiūgūxū űpetūxūrūū pexū űpetūxūcēx!

²¹ Yerū yema Yudiūgū ga noxri Tupanaārū ixīgūxū, rū Tupana nūxū naxo yerū tama nayaxōgū. Rū yexguma yemaācū Tupana nūxū oxgu ga yema duūxūgū rū pexū rū tā ta naxo ega tāūtāma peyaxōgūchagu.

²² Dūcēx, na űuxācū namecūmaxū ya Tupana. Natūrū tūxū napoxcu ta ega tama aixcūma yaxōgūgu. Rū nanapoxcue ga yema duūxūgū ga chixexūgu yixū, natūrū pemaā rū namecūma. Natūrū penaxwēxe i guxūguma nūma nanaxwēxexūācūma pemaxē rū peyaxōgū na guxūguma pemaā namecūmaēchaxūcēx. Erū ngēxguma tama nūma

nanaxwèxexđācūma pemaxēgu rü tama peyaxōgüechagu, rü tātūta pemaā namecūma. Rū pexū rü tá ta naxo, rü tá pexū inawogū.

²³ Natürü ngēxguma yaxōgūāgu i ngēma Yudiūgü i ñuxma maxēxū, rü woo Tupana na nūxū oxū ga noxrix, natürü wena táxaru nanade erü nūxū nangēxma i pora na wenaxārū nadeāxūcēx ega aixcūma yaxōgūāgu.

²⁴ Rū pema na tama Yudiūgü na pixīgūxū, rü tama Tupanaārū duūxūgü pixīgü ga noxrix. Natürü Tupana pexū nade na noxrü pixīgūxūcēx. Rū ñuxma na yemaācū Tupana pexū dexū, rü ngēxguma yaxōgūāgu i ngēma Yudiūgü, rü Tupana rü pexū nadexūārū yexera tá nūxū natauxcha na nadeāxū i ngēma Yudiūgü, yerü woetama norü duūxūgüchirēx nixīgü ga noxrix.

Wixi i ngunexū rü guxūma i Yudiūgü tá nanayauxgü i maxū i taguma gūxū

²⁵ Pa Chaueneēgü i Yaxōgūxū, nangēxma i wixi i ore ga noxri tama duūxūgūxū nūxū nacuēxēxū ga Tupana. Natürü chanaxwēxe i nūxū pecuēx i ngēma ore na tama nagu perūxīnūēxūcēx na duūxūgü i nūxū cuēxūchixū pixīgūxū, rü pexicatama Tupana pexū dexū. Rū dūcax, noxretama nixī i ngēma Yudiūgü i aixcūma yaxōgūxū. Rū ngēmaācū tá nixī ñuxmatāta yaxōgūā i guxūma i ngēma togü i duūxūgü i Tupana dexū.

²⁶ Natürü ngēmawena rü guxūtāma i Yudiūgü rü tá ta nayaxōgü, rü tá nanayauxgü i maxū i taguma gūxū. Erü Tupanaārū ore i ūmatūxūwa rü ñanagürü:

“Yima Cristu ya inanguxūxēcū, rü Yudiūgütanūwatama ne naxū. Rū nūma rü tá Yudiūgūxū chixexūwa inanguxūxēē.

²⁷ Rū aixcūma norü pecaduwa tá íchananguxūxēē i ngēma Yudiūgü. Rū ngēxguma tá nixī na aixcūma chayanguxūxēxū i ngēma chorü uneta ga ūpaxūchima Abrāūmaā nūxū chixuxū”, ñanagürü ga Tupana.

²⁸ Natürü i ñuxma ya Tupana rü Yudiūgūxū nadau na norü uwanūgü yīxū erü tama nayaxōgü i ngēma ore i mexū. Natürü ngēmaācū naxūpetü na pexū natauxchaxūcēx na peyaxōgūxū i pema i tama Yudiūgü na pixīgūxū. Natürü nūma ya Tupana rü ñuxma rü ta ngēma Yudiūgūxū nangechaū yerü nuxcūmaūgūxū ga norü oxīgūmaā inaxuneta na nūxū tá nangūxēēxū.

²⁹ Rū ngēxguma Tupana rü tacū i mexūmaā inaxunetagu, rü aixcūma nayanguxēē i ngēma, rü taguma nūxū inayarūngūma. Rū ngēxgumarūl ta i ngēxguma texēcēx nacaxgu, rü taguma nūxū inayarūngūma i ngēma.

³⁰ Rū pema na tama Yudiūgü pixīgūxū, rü ūpa rü tama Tupanaga pexīnūē. Natürü ñuxma na tama naga naxīnūēxū i Yudiūgü, rü ngēmacēx Tupanaāxū pengechaūtümūgü erü peyaxōgü i pemax.

³¹ Rū ngēma pexū ngupetūxūrūl nixī i ngēma Yudiūgūxū nangupetūxū. Nūmagü rü tama Tupanaga naxīnūē i ñuxmax, natürü ngēmaācū nūxū nangupetü na Tupanaāxū pengechaūtümūgūxūcēx, rü nūmagü rü ta Tupanaāxū nangechaūtümūgūxūcēx i ñuxmax.

³² Yerü nūma ga Tupana rü guxūma ga duūxūgūmaā nanaxuegu na chixexūwa nangēxmagūxū nagagu ga norü pecadugü. Natürü yemaācū namaā nanaxuegu ga Tupana na nūxū nangechaūtümūgūxūcēx i guxūma i duūxūgü.

³³ Rū namexēchi ya tōrū Tupana, rü poraācūxūchima tūxū narūngūxēē. Rū nūma rü nūxū nacuēxūchi erü guxūxūma nacuēx. Rū yixema rü taxucūrūwama nūxū tacuēx i tūxcūl yīxū i tūxū nadexū, rü taxucūrūwama nūxū tacuēx i guxūma i ngēma naxūxū i nūmax.

³⁴ ¿Erü texé i tatanūwa nūxū tacuēx i guxūma i ngēma tōrū Cori nagu rūxīnūxū? ¿Rü texé nūxū tacuēx na tōrū Corixū taxucūxēxū?

³⁵ ¿Rü texé tūxira tacū rü āmare tōrū Corina taxā, na yixcama nūxī tacūmaā tūxū nataeguxēēāxūcēx?

³⁶ Erü guxūma i tacū ingēxmaxū rü Tupanaxūtawa ne naxī. Rū nūma nixī ga naxūāxū ga guxūma na noxrü yīxūcēx. Rū name nixī i guxūguma nūxū ticuēxūgü rü tanataxēē. Rū ngēmaācū yīi.

12

Pexū chacēēxū na pegūtama Tupanana pexāgūxū na wixi i āmare i maxūxū na pixīgūxūcēx

¹ Rū dūcax, Pa Chaueneēgūx, ñuxācū Tupana poraācūxūchima tamaā namecūma. Rū ngēmacēx pexū chacēēxū na pegūtama Tupanana pexāgūxū na wixi i āmare i maxūxū na pixīgūxūcēx. Rū ngēma āmare nixī i aixcūma napēxewa ūūnexū rü namaā nataāēxū. Rū ngēmaācū nixī ya Tupana i nanaxwēxexū na nūxū picuēxūgūxū.

² Rū tama name i ñoma i naānecūāx i duūxūgūcūmagu pexī. Natürü name nixī i Tupanana pegū pexāgū na nūma pexū naxūchicūxūcēx rü ngexwacaxūxū i peāē pexū ngēxmaxūcēx rü ngēmaācū naxcēxicatama pemaxēxūcēx. Rū ngēmaācū tá nūxū pecuēx i tacū nixī i Tupana

peṣṣū naxwēxēxū na penaxūxū, rū ṭacū nixī i aixcūma mexū i napēxewa, rū ṭacū nixī i namaā nataāēxū.

³ Rū Tupana ya chomaā mecūmacū, rū choxū namu na pemaā nūxū chixuxūcēx i guxāma i pema na tama namexū na texē i petanūwa tūgū írūtaxū rū tūgūgu tarūxūnūxū na togūarū yexera tīxū. Natūrū name nixī na wūxichigū meā tūgū ngugūarū maxūāxū rū tūgūgu rūxūnūxū na űuxācū Tupana tūxna naxāxū i tūmaārū cuēx wūxigu namaā i tūmaārū ō.

⁴ Rū dūcax, rū taxūnewa nangēxma i taeru rū tachacūgū rū taparagū rū muxūma i to i taxūneārū ngēmaxūgū. Rū wūxichigū i ngēma taxūneārū ngēmaxūgū rū nūxū nangēxma i noxrūtama puracū.

⁵ Rū ngēxgumarūū ta i yixema na yaxōgūxū, rū woo na imuxū natūrū wūxitama i duūxūgū tixīgū, erū Cristuarū duūxūgū tixīgū. Rū ngēmacēx i guxāma i yixema rū yigūmūcūgū tixīgū, erū woetama wūxitama i duūxūgū tixīgū.

⁶ Rū wūxichigū i yixema, rū Tupana tūxna nanaxā i tōrū cuēx i nūma nanaxwēxēxū na tūxū nangēxmaxū. Rū tanaxwēxe i meāma nagu taxī i ngēma cuēx i Tupana tūxna āxū. Rū ngēxguma tūxna naxāāgu i tōrū cuēx na norū orearū uruū ixīgūxūcēx, rū name nixī i ngēma ō i tūxū ngēxmaxūmaā tanaxū i ngēma puracū.

⁷ Rū ngēxguma tūxna naxāāgu i tōrū cuēx na togūxū rūngūxēēgūxūcēx, rū name nixī i meāma tanaxū i ngēma. Rū ngēxguma texēna naxāāgu i tūmaārū cuēx na togūxū tangūexēxūcēx, rū name nixī i meāma tanaxū i ngēma.

⁸ Rū yixema nūxū cuāxe na Tupanaārū oremaā togūxū tataāēxēxū, rū name nixī i meāma tanaxū i ngēma. Rū yixema nūxū cuāxe na togūmaā tangauxū i tūmaārū ngēmaxū, rū name nixī i tūmaārū ngūchaūmaā tanaxū i ngēma. Rū yixema āēxgacū ixīxē rū name nixī i meāma tayangxēē i ngēma puracū. Rū yixema nūxū cuāxe na togū tūxū ngechaūtūmūgūxū, rū name nixī i taāēcūma tanaxū i ngēma.

űuxācū nanaxwēxe na namaxēxū i duūxūgū i Cristuaxū yaxōgūxū

⁹ Rū name nixī i aixcūma meāma pegū pengechaūgū i wūxichigū. ¡Rū nūxū pexo i guxūma i ṭacū i chixexū ixīxū! ¡Rū nagu peṣṣū i ngēma aixcūma mexū ixīxū!

¹⁰ Rū name nixī i wūxichigū pegū pengechaūgū, űoma pegūeneēxūchixū pengechaūxūrū. Rū name nixī i naxcēx pedaugū na űuxācū peeneēgūxū petaxēēxū rū űuxācū pegū perūngūxēēxū.

¹¹ Rū tama name i cuxo ega ṭacū rū puracū cuxū namuxgu ya tōrū Cori. Natūrū name nixī i curū ngūchaūmaā cunaxū i norū puracū.

¹² Rū name nixī i petaāēgū erū ípenanguxēē na Tupanaxūtawa pengugūxū. Rū ngēxguma ṭacū rū ngūxū peṣṣū ngupetūgu, rū name nixī i yaxna namaā peṣṣū. ¡Rū tama name i nūxū perūchāue na peyumūxēgūxū!

¹³ Rū ngēxguma nūxū pedēuxgu na ṭacū nūxū taxuxū i ngēma togū i yaxōgūxū, rū name nixī i nūxū perūngūxēē. ¡Rū meā penayaxu i ngēma duūxūgū i pexūtāgu naxīānēxū!

¹⁴ Rū ngēxguma chi texē chixri pemaā űpetūgu, rū name nixī i tūmacēx peyumūxēgū na meā tūxū naxūpetūxūcēx. Rū ngēmaācū name nixī i Tupana tūmacēx peca na tūxū nangūxēēxūcēx rū tama tūxū napoxcuxūcēx.

¹⁵ ¡Rū wūxigu tūmamaā petaāēgū ya yixema taāēgūxe! ¡Rū wūxigu tūmamaā pexāuxe ya yixema ngechaūgūxe rū auxexe!

¹⁶ ¡Rū meā pegū pengechaūgū i wūxichigū! ¡Rū tama pegū picuēxūgū! ¡Rū namaā pegū pewūxiguxēē i ngēma tama nūgū icuēxūgūxū! ¡Rū tama pegūgu perūxūnūē na togūarū yexera nūxū cuēxūchigūxū na pixīgūxū!

¹⁷ Rū ngēxguma texē chixexū pemaā űxgux, ¡rū tāūtāma chixexūmaā pexūtānū! Natūrū name nixī i naxcēx pedau na mexū pexūxū i guxū i duūxūgūpēxewa.

¹⁸ ¡Rū naxcēx pedau na guxūma i duūxūgūmaā meā pemaxēxū rū namaā na íperūngūxmūxūcēx i guxūguma!

¹⁹ Pa Chaueneēgū ya Pexū Changechaūgūxe, tama name i pegūtama pexūtānū ega texē ṭacū rū chixexū pemaā űxgu. Natūrū name nixī i Tupanamēxēgu penaxū i ngēma na nūma napoxcuāxūcēx. Erū Tupanaārū ore i űmatūxūwa rū űnagūrū:

“Rū choxmēxwa nangēxma na duūxūgūxū chapoxcuxū i norū chixexūcēx. Rū choma tā nūxū chanaxūtānū i ngēma duūxū i chixexū űxū”,

űnagūrū ya tōrū Cori.

²⁰ Rū ngēxguma ṭacū rū chixexū cumaā naxūxgu i togū, rū tama name i chixexūmaā cunataeguxēē. Natūrū name nixī i nagu quixū i Tupanaārū ore i űaxū,

“Rū ngēxguma curū uwanū taiyēxgu, ¡rū nachibūxēē! Rū ngēxguma yaṭawaxgu, ¡rū naxaxexēē! Erū ngēxguma ngēmaācū cunaxūxgu, rū porācū tā cunaxānēxēē”,

űaxū.

21 Rū ngēxguma togū chixexū cumaā ūxgux, rū name nixī i cuxuāē na tama chixexūgu cunguxūcēx. Rū name nixī na mexū cuxūxū namaā i ngēma duūxū. Rū ngēmaācū tā icuyanaxoxēē i ngēma chixexū i cumaā naxūchaūxū.

13

¹ Rū name nixī i guxūma i duūxūgū rū meā nórū āēxgacūga naxīnūē. Erū Tupana nixī ya nūxū unetacū i guxūma i āēxgacūgū. Erū nataxuma i āēxgacū i tama Tupana ingucuchixēēxū.

² Rū ngēmacēx, texé ya tama tūmaārū āēxgacūga Inūchaūxē, rū Tupanaga nixī i tama taxīnūxū. Rū yīxema tama naga Inūchaūxē, rū tá tapoxcue.

³ Erū ngēma āēxgacūgū rū tama ngēma mexū ūgūxūārū poxcuruū nixī, natūrū ngēma chixexū ūgūxūārū poxcuruū nixī. Rū ngēxguma cunaxwēxegu na tama nūxū cumuūxū i wūxi i āēxgacū, rū name nixī i meā cumaxū. Rū nūma i āēxgacū rū tá cumaā nataāē.

⁴ Erū nūma i āēxgacū rū Tupanaārū ngūxēeruū nixī rū ngēmacēx nanamu na cuxū nangūtxēēxūcēx. Natūrū ngēxguma chixri cumaūxgu, rū ngēxguma tá waxi nixī i nūxū cumuūxū. Erū nūma i āēxgacū rū tama natūcēxma nixī na nūxū nangēxmaūxū i pora na cuxū napoxcuxū. Erū woetama Tupana nanamu na napoxcuāxūcēx i ngēma duūxū i chixri maxūxū.

⁵ Rū ngēmacēx name nixī i naga cuxīnū i curū āēxgacūgū. Rū tama ngēma poxcuxū na cumuūxūcēxicatama nixī i namexū na naga cuxīnūxū, natūrū name nixī i naga cuxīnū erū marū nūxū cucuēx na namexū i ngēma.

⁶ Rū ngēmacēx name nixī i meā nūxū penaxūtanū i ngēma dīeru i perū āēxgacūgūcēx ixīxū i ngēma nūmagū naga naxunetaxūēxpūx na nūxū penaxūtanūxūcēx. Erū ngēma āēxgacūgū rū Tupanaāxū nixī i napuracūxū i ngēxguma naxūāgu i ngēma puracū na pemaā inacuāxū.

⁷ Rū wūxichigū i ngēma āēxgacūgū, rū name nixī i nūxna penaxā i ngēma nūxna ūxū. ;Rū nūxū penaxūtanū i ngēma dīeru i perū āēxgacūgū naga unetaxūēxpūx na nūxū penaxūtanūxū! ;Rū penaxūx i ngēma īāneārū puracū i perū āēxgacūgū pexū muxū na penaxūxūcēx! ;Rū nūxū pengechaūgū rū naga pexīnūē i ngēma perū āēxgacūgū! Erū ngēmaācū nixī i namexū na penaxūxū.

⁸ Rū tama name i texēaxū ūacū pengetanū. Natūrū nangēxma i wūxitama i ngetanū i taguma tūxū ingutanūxū. Rū ngēma nixī na yigū ingechaūgūxū. Rū ngēmacēx ya yīxema aixcūma tūmamūcūxū ngechaūxē rū marū tayanguxēē i guxūma i ngēma Tupana tūxū muxū.

⁹ Rū űanagūrū i Tupanaārū mugū:

“;Rū tāūtāma naī i ngemaā icupe! ;Rū tāūtāma cumāēta! ;Rū tāūtāma cungīx! ;Rū tāūtāma ūoguāxārū ngēmaxū cuxū nangūchaū!”

űanagūrū. Natūrū ngēma mugū rū guxūma i togū i Tupanaārū mugūmaā rū wūxigu nanu naga i norū ore i űaxū:

“;Rū nūxū nangechaū i cumūcū na cugūtama cungechaūxūrūū!”

űaxū.

¹⁰ Rū yīxema tūmamūcūxū ngechaūxē, rū taxūma i chixexū namaā taxū. Rū ngēmacēx i ngēxguma tamūcūxū ingechaūgu, rū aixcūma tayanguxēē i Tupanaārū mugū.

¹¹ Rū name nixī i tanaxū i guxūma i ngēma, erū űomaūcūū rū nangēxma i muxūma i guxchaxūgū. Rū name nixī i pegū īpemexēē rū paxa penaxū i tórū Coriarū puracū. Erū űuxma rū noxri yaxōgūguarū yexera ningaicamachigū i ngēma ngunexū i naga tá taxcēx nataeguxū ya tórū Cori.

¹² Rū woo na naporaxū i Chataná i űoma i naānewa i űuxmax, natūrū paxa tá nagux i ngēma, rū paxa tá ínangu ya Cristu na nūgūxūtawa tūxū nagagūxūcēx. Rū ngēmacēx name nixī i nūxū tarūxoe i guxūma i chixexū ixūgūxū. Rū űuxma na nūxū icuāxū i Tupanaārū ore, ;Rū ngīxā yigūna tadaugū na tama naga iyixūcēx i ūacū rū chixexūgū! ;Rū ngīxā meā tamaxē na ngēmaācū nūxū rūyexeragūxūcēx i guxūma i chixexū!

¹³ ;Rū ngīxā mexū taxūgū rū meā tamaxē! Erū aixcūma Cristuarū duūxūgū tixīgū, rū tanaxwēxe i nūma nanaxwēxexūācūma tamaxē. Rū tama name na ingāxēxū rū na naxūgūxū i petagū i chixexū i duūxūgū nawa āugatanūxū. Rū tama name i tingēāēmare rū ēxna to i chixexū taxūgū, rū bai na yigū ichōxūgagūxū, rū bai i togūchi ixaixū naxcēx i norū ngēmaxūgū.

¹⁴ Natūrū name nixī i nacūmagu pexī ya tórū Cori ya Ngechuchu ya Cristu, rū nūxna naxcēx peca na pexū nangūxēēxūcēx na meā naxcēx pemaxēxūcēx. Rū tama name i naxcēx pedaugū na űuxācū pexeneārū ngūchaū na pexūgūxū.

14

Tama name i nūxū quixu i cueneē i yaxōxū

¹ Rū ngēxguma petanūgu naxāxchaūgu i wūxi i peeneē i tama perūt meā Tupanaārū orexū cuāxū, rū name nixī i meā penayaxu. Natūrū tama name i namaā pegū pechoxūga naxcēx i nacūmagū i nagu yaxūxū i Tupanapēxewa.

² Rū dūcax, nangēxma i űuxre i taeneēgū i nagu rūxīnūēxū na namexū na guxūraūxū i ōna nangōxgūxū. Natūrū nangēxma i togū i taeneēgū i tama aixcūma meā Tupanaārū orexū cuēxgūxū i tama namachi ngōxgūchaūxū. Rū nūmagū nūxū nacuēxgūgu rū Tupanapēxewa nachūxu na űacū rū namachi nangōxgūxū, rū ngēmacēx nixī i nabū rū orīxgūxicatama nangōxgūxū.

³ Rū ngēxguma tangēxmagu ya texē ya namachi ngōxē, rū tama name i nūxū taxoqx i ngēma togū i duūxūgū i tama namachi ngōxgūxū. Rū ngēxgumarūū ta ya yīxema tama namachi ngōxē, rū tama name na nūxū tixuxū i ngēma duūxūgū i namachi ngōxgūxū, erū nūmagū rū ta Tupanaārū duūxūgū nixīgū.

⁴ űRū texē quixī i cuma rū ngēmacēx nūxū quixu i to i coriarū duūxūgū? Rū dūcax, pemaā nūxū chixu rū ngēma norū cori tā nixī i nangugūxū rū ngoxi mexū naxūx i ngēma norū duūxū, rū ēxna tama. Rū ngēma duūxū rū Tupanapēxewa rū tā name, erū nūma ya tōrū Cori ya Cristu rū nūxū nangēxma i pora na nūgūcēx namexēēāxū i ngēma duūxū.

⁵ Rū dūcax, nangēxma i űuxre i duūxūgū i nagu rūxīnūēxū na ngūxchigaarū ngunexū rū togū i ngunexūārū yexera namexū na nagu Tupanaxū yacuēxūūgūxū. Rū nangēxma i togū i duūxūgū i nagu rūxīnūēxū na guxūma i ngunexūgū rū nawūxiguxū i Tupanapēxewa. Natūrū wūxichigū i yixema rū tanaxwēxe i meā taāēwa nūxū tacuēx na aixcūma Tupanapēxewa namexū i ngēma taxūxū rū tixōxū.

⁶ Rū yīxema duūxē ya űacū rū ngunexū Tupanacēx īxūxūchixe, rū ngēmaācū tanaxū na ngēma ngunexūgū tōrū Corixū ticuēxūūxūcēx. Rū yīxema namachi ngōxē, rū ngēmaācū tanangōx na tōrū Corixū ticuēxūūxūcēx, rū Tupanana moxē taxā naxcēx i ngēma tangōxū. Rū yīxema tama namachi ngōxē, rū ngēmaācū tanaxū na tōrū Corixū ticuēxūūxūcēx, rū tūma rū ta Tupanana moxē taxā naxcēx i ngēma nabū i tangōxū.

⁷ Rū űuxma na űoma i naānewa imaxēxū, rū taxūema tūgūcēxtama tamaxū rū ēxna tūgūcēxtama tayu.

⁸ Erū űuxma na imaxēxū, rū tōrū Coriarū ngūchaū na ixūgūxūcēx nixī i imaxēxū. Rū ngēxguma iyuegu, rū ngēma rū ta tōrū Corimēxēwa nangēxma. Rū ngēmaācū nūxū tadau rū woo imaxēgu rū ēxna woo iyuegu, rū tōrū Coriarū duūxūgū tixīgū, rū namēxwa tangēxmagū.

⁹ Rū yemacēx nixī ga nayuxū ga Cristu rū wenaxārū namaxūxū na tūmaārū Cori yīxūcēx ga guxāma ga guxema yaxōgūxe ga marū yuexe rū guxāma ya yīxema yaxōgūxe ya űuxma rū ta maxēxē.

¹⁰ Rū ngēmacēx Pa Chaueneēx, űrū tūxcūū i nūxū quixuxū i cueneē i yaxōxū? Rū cumax, Pa To i Chaueneēx, űrū tūxcūū i nūxū cucoxū i cueneē? Erū guxātāma i yixema rū Tupanapēxewa tā tangugū na nūma tūxū nangugūxūcēx rū ngōxi ime rū ēxna tama.

¹¹ Erū Tupanaārū ore i űmatūxūwa rū űanagūrū ya tōrū Cori: “Ngēma aixcūma na chamaxūxūrūū tā ta nixī i aixcūma guxūtāma i duūxūgū chopēxegu caxāpūxūgūxū, rū guxūtāma choxū icuēxūūgūxū”, űanagūrū.

¹² Rū ngēmaācū nūxū tacuēx na wūxichigū i yixema rū aixcūma tā Tupanapēxewa na ingugūxū na namaā nūxū ixuxūcēx na űuxācū imaxēxū rū űacū na ixūxū.

Tama name i chixexūgu cunanguxēē i cueneē i yaxōxū

¹³ Rū ngēmacēx nixī, Pa Chaueneēgūx, i tama namexū na tamūcūgūxū ixuechaū. Natūrū narūmemaē nixī i nūxū perūxoe i guxūma i űacū i peeneēgūxū pecadugu yixēēxū rū ēxna norū ōxū chixexēēxū.

¹⁴ Choma nūxū chacuēx rū nataxuma i ōna i Tupanapēxewa chixexū. Rū aixcūmaxūchi nūxū chacuēx i ngēma erū tōrū Cori ya Ngechuchu ya Cristuarū duūxū chixī, rū nūma choxū nūxū nacuēxēē i ngēma. Natūrū ngēxguma chi texē nagu rūxīnūgu na tama Tupanapēxewa namexū i űacū rū ōna na tangōxū, rū name nixī i noxtacūma tama na tanangōxū ega nagu tarūxīnūgu na tama namexū i ngēma.

¹⁵ Rū ngēxguma ngēma cūngōxūcēx tūmaāēwa cunanguxēēgu ya cueneē, rū cumaā nūxū chixu rū tama aixcūma tūxū cungechaū. Rū tama name i ngēma cūngōxūgagu chixexūgu tūxū cūnguxēē rū tūxū icuyarūtauxēē ya yīxema cueneē ya Cristu tūmacēx yuxe.

¹⁶ Rū ngēmacēx, woo cuxcēx namexgu i ngēma cuxūxū, natūrū tama name na cunaxūamaxū ega ngēmacēx togū tā cuxū ixuxgu na pecadu yīxū i ngēma cuxūxū.

17 Rū ngēma Tupanapēxewa na imexūcēx rū tama ꞑacu rū ōna na ingōxū rū ēxna ꞑacu rū axexū na ixaxūūgagu nixī. Natūrū napēxewa na imexūcēx rū tanaxwēxe i Naāē i Ūūnexūārū ngūxēēmaā meā tayanguxēē i ngēma Tupana naxwēxexū rū yigūmaā itarūngūxmūē rū aixcūma tataāēgū napēxewa ya Tupana.

18 Rū yixema ngēmaācū Cristucēx maxūxē, rū Tupana rū tūmamaā nataāē, rū guxūma i duūxgū rū ta tūmamaā nataāēgū.

19 Rū ngēmacēx, ꞑngīxā naxcēx tadaugū i guxūma i nacūma i mexū i yigūmaā tūxū rūngūxmūēxēēxū! ꞑRū ngīxā yigū tarūngūxēē na yexeraācū iyaexūcēx i tōrū ōwa rū Tupanaārū orewa!

20 Rū tama name i ꞑacu rū ōna na cungōxūgagu icuyanax-oxēē i Tupanaārū puracū i cueneēārū maxūwa. Rū aixcūma nixī i guxūma i ōnagū i namexū i Tupanapēxewa. Natūrū wūxi i chixexū nixī ega ngēma ōna i ingōxūgagu chixexūgu nayixēēgu i taeneēgū.

21 Rū ngēmacēx tama name i cunangōx i namachi, rū ēxna cuyaxaxū ya binu, rū ēxna cunaxū i ꞑacu i to, ega ngēmagagu chixexūgu cunanguxēēgu i cueneē i yaxōxū.

22 Rū ngēxguma cuma nagu curūxīnūgu na namexū na cunangōxū i ngēxūrūūxūmare i ōna, rū Tupanapēxewa rū name nixī i cuxicatama nūxū cucuēx i ngēma. Rū tataāē ya yixema tūmaāēwa nūxū cuāxe na Tupanapēxewa namexū i ngēma taxūxū.

23 Natūrū ngēxguma wūxie nagu rūxīnūgu na tama namexū i Tupanapēxewa na ꞑacu rū ōna na tangōxū, rū pemaā nūxū chixu rū chixexū taxū ega tanangōxomagu, erū tūmaāēwa nagu tarūxīnū na tama aixcūma namexū i ngēma taxūxū. Rū guxūma i ngēma tūmaāēwa nagu tarūxīnūxū na nachixexū rū aixcūma pecadu taxū ega tanaxūamagu.

15

Name nixī i cumūcūxū cutaāxēxēē

1 Rū yixema na iporaexū i tōrū ōwa, rū name nixī i nūxū tarūngūxēē i ngēma tamūcūgū i turaexū i norū ōwa. Rū tama name i yigūguxicatama tarūxīnūē rū tōxūcēxicatama tadaugū.

2 Natūrū wūxichigū i yixema rū name nixī i taeneēāxū tanangūchaūxēē na ngēmaācū nūxū rūngūxēēxūcēx na yexeraācū yaxōōxūcēx.

3 Yerū woo ga Cristu rū tama noxrūtama ngūchaū naxū. Natūrū nayanguxēē ga yema Tupanaārū ore ga ꞑaxū:

“Pa Chaunatūx, rū ngēma duūxgū i cumaā guxchigagūxū, rū chomaā nixī i naguxchigagūxū”,

ꞑaxū.

4 Rū guxūma ga yema nuxcūma ūmatūxū ga Tupanaārū orewa, rū naxūmatū na tūxū nanguxēēxūcēx na taguma nūxū rūxoexū ega woo ꞑacu rū guxchaxū tūxū ūpetūgu. Rū yema Tupanaārū ore rū naxūmatū na tūxū nataāēxēēxūcēx rū tūxū nūxū nacuēxēēxūcēx na aixcūma Tupanaārū ixīgūxū.

5 Rū Tupana nixī ya tūxū rūngūxēēcū na yaxna namaā ixīnūēxūcēx i guxūma i guxchaxūgū. Rū nūma nixī i tūxū nataāēxēēxū. Rū chanaxwāe i nūma ya Tupana pexū narūngūxēē na aixcūma ngēma Cristu pexū naxwāexūācūma pemaxēxū.

6 Rū chanaxwēxe na ngēmaācū pemaxēxū na guxāma i pema rū wūxigu nūxū picuēxūgūxūcēx ya Tupana ya Nanatū ya tōrū Cori ya Ngechuchu ya Cristu.

Duūxgū i tama Yudūgū ixīgūxūmaā nūxū nixū i ore i mexū

7 Rū ngēmacēx, yema Cristu pexū na dexūrūū rū name nixī i wūxichigū meā pegū peyaxu na ngēmaācū Tupanaxū yacuēxūūgūxūcēx i duūxgū.

8 Rū pemaā nūxū chixu rū Cristu nūma naxū na Yudūgūxū yanangūxēēxūcēx, na yemaācū yanguxēēāxūcēx ga yema uneta ga nuxcūmaūgūxū ga tōrū oxīgūmaā nūxū yaxuxū ga Tupana. Rū yemaācū ga Cristu rū tūxū nūxū nadauxēē na aixcūmacū na yīxū ya Tupana rū aixcūma yanguxēēāxū i ngēma norū uneta.

9 Rū yexgumarūū ta ga Cristu rū nūma naxū naxcēx i ngēma duūxgū i tama Yudūgū ixīgūxū na nūmagū rū ta Tupanaxū yacuēxūūgūxūcēx naxcēx na poraācū Tupanaāxū nangechaūtūmūūgūxū. Rū yemachiga nixī ga yema Tupanaārū ore ga Dabī ūmatūxū ga ꞑaxū:

“Rū ngēmacēx guxū i nachīūānecūāx i duūxgūpēxewa tá cuxū chicuēxū. Rū tá chorū wiyāewa cuxū chataxēē”,

ꞑaxū.

10 Rū toxnamana i Tupanaārū ore i ūmatūxūwa rū ꞑanagūrū:

“Pa Duūxgū i Tama Yudūgū Ixīgūxū, rū name nixī i pema rū wūxigu chorū duūxgū i Yudūgūmaā petaāēgū”,

ꞑanagūrū.

11 Rū toxnamana, rū ꞑanagūrū ta:

“Pa Duŭxŭgŭ i Tama Yudiŭgŭ Ixŭgŭxŭ, rŭ name nixŭ i nŭxŭ picuèxŭtŭgŭ ya tŭrŭ Cori. Rŭ Pa Guxŭma i NachiŭñecŭĀx i Duŭxŭgŭx, rŭ name nixŭ i penataxèè”,
ñanagŭrŭ.

¹² Rŭ Ichaxía rŭ ta nanaxŭmatŭ rŭ ñanagŭrŭ:

“Rŭ Dabí nanatŭ ya Ichaiwa tá ne naxŭ i wŭxi i nataa i tá Cristu ixŭxŭ. Rŭ nŭma tá nixŭ i norŭ ãèxgacŭ yŭxŭ i guxŭma i ngèma duŭxŭgŭ i tama Yudiŭgŭ ixŭgŭxŭ. Rŭ ngèma duŭxŭgŭ rŭ tá aixcŭma nŭxŭ nayaxŭgŭ rŭ tá ñnananguxèègŭ na yimagagu Tupana nŭxŭ rŭngŭxèègŭxŭ”,

ñanagŭrŭ.

¹³ Rŭ ñuxma i pema na nŭxŭ peyaxŭgŭxŭ rŭ chanaxwèxe i poraãcŭ pexŭ nataãèxèè ya yima Tupana ya pexŭ rŭngŭxèècŭ na meã Cristuxŭ ñpenanguxèègŭxŭcèx. Rŭ ngèmaãcŭ i Tupanaãè i Ũñexŭ rŭ tá pexŭ naporaexèè na yexeraãcŭ Cristuxŭ ñpenanguxèègŭxŭcèx.

¹⁴ Pa Chaueneègŭx, meãma nŭxŭ chacuèx na guxŭ i duŭxŭgŭmaã pemecŭmaxŭ, rŭ aixcŭma Tupanaxŭ na pecuãxŭ, rŭ aixcŭma meãma pegŭ pixucuxèègŭxŭ.

¹⁵ Natŭrŭ ñaã poperawa rŭ meãma pexcèx chanaxŭmatŭ i ñuxre i Tupanaãrŭ ucuxègŭ, erŭ tama chanaxwèxe i nŭxŭ ipeyarŭngŭmaè. Rŭ tama chamuŭ na pexcèx chanaxŭmatŭxŭ i ngèmachiga yerŭ Tupana nixŭ ga choxŭ mucŭ na pemaã nŭxŭ chixuxŭcèx.

¹⁶ Rŭ nŭma nixŭ ga choxŭ namuxŭ na Ngechuchu ya Cristuarŭ puracŭ chaxŭxŭcèx i natanŭwa i ngèma duŭxŭgŭ i tama Yudiŭgŭ ixŭgŭxŭ. Rŭ ngèma puracŭ ga nawa choxŭ namuxŭ nixŭ na ngèma duŭxŭgŭmaã nŭxŭ chixuxŭ i ore i mexŭ na Tupanaxŭtawa chana-gagŭxŭcèx, na wŭxi i ãmare i Tupana namaã taãèxŭ i ngèma duŭxŭgŭ i Naãè i Ũñexŭ imexèègŭxŭ.

¹⁷ Rŭ ñuxma na Ngechuchu ya Cristuarŭ duŭxŭ na chiŭxŭ, rŭ ngèmacèx chataãè namaã i ngèma puracŭ i Tupanaãxŭ chaxŭxŭ.

¹⁸⁻¹⁹ Rŭ ñuxma rŭ yema Cristu chorŭ maxŭwa ŭxŭchigaxŭxŭcatama nixŭ i chixuxŭ. Rŭ nŭma nixŭ ga choxŭ nangŭxèèxŭ na Tupanaxŭtawa chanagagŭxŭcèx ga yema duŭxŭgŭ i tama Yudiŭgŭ ixŭgŭxŭ, na nŭmagŭ rŭ ta Tupanaga naxŭnŭèxŭcèx. Rŭ yemaãcŭ chorŭ oremaã, rŭ chorŭ puracŭmaã, rŭ cuèxruŭgŭ ga taxŭ ga Tupana ŭxŭmaã, rŭ Naãè i Ũñexŭãrŭ poramaã Tupanaxŭtawa chanagagŭ ga yema duŭxŭgŭ. Rŭ yemaãcŭ Yerucharéŭwa rŭ guxŭwama ñuxmata Iliricuarŭ nañewa meãma chayanguxèè na nŭxŭ chixuxŭ ga yema ore i tŭxŭ maxèèxŭ i Cristuchiga.

²⁰ Rŭ yemaãcŭ chaparaxŭ na nŭxŭ chixuxŭcèx ga Tupanaãrŭ ore i mexŭ ga ngextá taguma ñuxgu Cristuchigaxŭ ñnaxŭnŭèxŭwa ga duŭxŭgŭ. Yerŭ tama chanaxwèxe ga marŭ togŭ nŭxŭ ixŭxŭwa rŭ duŭxŭgŭ marŭ nŭxŭ ícuãxŭwa nŭxŭ na chixuxŭ ga yema ore.

²¹ Rŭ yemachiga nixŭ ga Tupanaãrŭ ore ga Ichaxía ŭmatŭxŭ ga ñaxŭ:

“Rŭ yŭxema taguma Cristuchigaxŭ cuèxgŭxe, rŭ taguma nachigaxŭ ñnŭèxè, rŭ tá nŭxŭ tacuèxgŭ i nachiga”,
ñaxŭ.

Pairu rŭ Dumawa naxŭxchaŭ

²² Rŭ yema toxnamana na chapuracŭxŭcèx nixŭ ga taxucŭrŭwa petanŭwa chaxŭxŭ woe muèxpŭxcŭnachirèx yema chaxŭxchaŭ.

²³ Natŭrŭ ñuxma na marŭ chanaguxèèxŭ i ngèma puracŭ i toxnamana, rŭ nagu charŭxŭnŭ na petanŭwa chaxŭxŭ. Yerŭ ñuxgumamatama nixŭ ga nagu charŭxŭnŭèchaxŭ na petanŭwa chaxŭxchaŭxŭ.

²⁴ Rŭ ngèxguma Españawa chaxŭxgu, rŭ nagu charŭxŭnŭ na woe pexŭtagu íchidauxŭ. Rŭ nagu charŭxŭnŭ na ñuxre i ngunexŭ ngèma petanŭgu charŭxŭãuxŭ. Rŭ wŭxi i chorŭ taãè tá nixŭ i ngèma. Rŭ ngèmawena rŭ chanaxwèxe i choxŭ perŭngŭxèè na Españawa chaxŭxŭcèx.

²⁵ Natŭrŭ i ñuxma rŭ Yerucharéŭwa tá chaxŭ, na ngèma chanangexŭcèx i ñuxre i ðŭeru naxcèx i taeneègŭ i ngema ngèxmagŭxŭ.

²⁶ Erŭ ngèma taeneègŭ i yaxŭgŭxŭ i Machedóniãñewa rŭ Acayaanewa ngèxmagŭxŭ, rŭ norŭ ngŭchaŭmaã nagu narŭxŭnŭè na ngŭxŭ nanataquèxegŭxŭ i ñuxre i ðŭeru na ngèmaãcŭ nŭxŭ nangŭxèègŭxŭcèx i taeneègŭ i taeneègŭ i nŭxŭ naxaxŭxŭ i Yerucharéŭwa ngèxmagŭxŭ.

²⁷ Rŭ ngèma taeneègŭ i MachedóniãcŭĀx rŭ AcayacŭĀx rŭ norŭ me nixŭ na ngèmaãcŭ naxŭgŭãxŭ. Rŭ ngèma duŭxŭgŭ rŭ aixcŭma nŭxŭ nangèxma i norŭ ngetanŭ i taeneègŭ i Yudiŭgŭtanŭwa. Erŭ ngèma taeneègŭ i Yudiŭgŭgagu nixŭ i ngèma togŭ i duŭxŭgŭtanŭwa nanguxŭ i Tupanaãrŭ ore. Rŭ ñuxma rŭ name nixŭ i ngèma togŭ i duŭxŭgŭ rŭ norŭ ngèmaxŭmaã taeneègŭ i Yudiŭgŭ i yaxŭgŭxŭxŭ narŭngŭxèègŭ.

²⁸ Rŭ ngèxguma chanaguxèègŭ i ngèma puracŭ, rŭ ngèxguma taeneègŭ i Yudiŭgŭna marŭ ngŭxŭ chaxŭxgu i ngèma ðŭeru, rŭ Españawa tá chaxŭ. Rŭ ngèxguma ngèma chaxŭxgu, rŭ tá woe pexŭtagu íchidau.

²⁹ Rū nūxĭ chachuèx rù ngēxguma petanūwa changuxgu, rù wūxigu tá tataāēgū, erū nūma ya Cristu tá tūxĭ nataāēxēē i ngēxguma ngēmaācū wūxiwa ingēxmagūgu.

³⁰ Pa Chaueneēgūx, tórū Cori ya Ngechuchu ya Cristuégagu, rù ngēma na Naāēārū ngūxēēmaā choxĭ pengechaŭxĭgagu pexĭ chacēēxĭ na Tupanana chauxcèx peçaxĭ i perū yumūxēwa. Rù ngēmaācū tá choxĭ perūngūxēē nawa i űnaā puracū i Tupana choxna āxĭ.

³¹ ¡Rū Tupanana peça na choxĭ ínapoxĭxĭcèx nūxna i ngēma Yudiugū i Yudéanewa ngēxmagūxĭ i tama yaxōgūxĭ! ¡Rū nūxna peça naxcèx i ngēma taeneēgū i yaxōgūxĭ i Yerucharéuwa ngēxmagūxĭ, na taāēācūma nayauxgūāxĭcèx i ngēma díeru i ngēma naxcèx changexĭ!

³² Rù ngēmaācū ngēxguma Tupana naxwèxegu, rù taāēācūma petanūwa tá changu, na wūxigu pemaā chataāēxĭcèx.

³³ Rū chanaxwèxe na pemaā inaxāxĭxĭ ya Tupana ya tūxĭ taāēxēēcū. Rù ngēmaācū yīi.

16

Paury rù nūxĭ narūmoxē ga yema duŭxĭgū ga yaxōgūxĭ ga Dumawa yexmagūxĭ

¹ Rù űuxma na petanūwa naxūxchaŭxĭ i taeyèx i Febe, rù pemaā ngĭxĭ chixu rù wūxi i taeyèx i mecū iyixĭ. Erū ngĭma rù nūxĭ irūngūxēē i ngēma yaxōgūxĭ i Chēcreaarū íānewa ngēxmagūxĭ.

² Rù chanaxwèxe i meā ngĭxĭ peyaxu, naegagu ya tórū Cori ya Ngechuchu, erū ngēma nixĭ i mexĭ na penaxūxĭ namaā i guxūma i yaxōgūxĭ. Rù chanaxwèxe i guxūma i tacū i ngĭxĭ taxuxūwa rù ngĭxĭ perūngūxēē, erū ngĭma rù poraācū togūxĭ irūngūxēē, rù choxĭ rù ta irūngūxēē.

³ ¡Rū nūxĭ perūmoxēgū i Prisila rù Aquiru! Rù nūmagū rù chomūcūgū nixĭgū i Ngechuchu ya Cristuarū puracūwa.

⁴ Rù nūmagū rù āiucimaxūwa nichocu na chauétūwa nachogūexĭcèx, na tama chayuxĭcèx ga chomax. Rù ngēmacèx moxē nūxna chaxā. Rù tama chaxicatama moxē naxcèx nūxna chaxā, natūrū moxē nūxna naxāgū ta i guxūma i taeneēgū i yaxōgūxĭ i tama Yudiugū ixĭgūxĭ.

⁵ ¡Rū nūxĭ perūmoxēgū ta i guxūma i taeneēgū i Aquirupatawa ngutaquēxegūxĭ! ¡Rū ngēxgumarūĭ ta nūxĭ perūmoxēgū ya chomūcū ya nūxĭ changechaŭcū ya Epenétu! Rù nūma nixĭ ga nūxĭra Cristuaxĭ yaxōōxĭ ga Áchiaanewa.

⁶ ¡Rū ngĭxĭ perūmoxēgū i Maria ga poraācū petanūwa Tupanaāxĭ puracūcū!

⁷ ¡Rū nūxĭ perūmoxēgū i chautanūxĭgū i Aūdrńnicu rù Yūniā ga wūxigu chomaā poxcuexĭ! Rù nūmagū nixĭ i yatūgū i aixcūma Tupana imugūxĭ i guxūma i yaxōgūxĭ nūxĭ ngechaŭgūxĭ. Rù nūmagū rù nūxĭra chauxūpa Cristuaxĭ nayaxōgū.

⁸ ¡Rū nūxĭ perūmoxēgū ya Aŭpriātu ya chomūcū ya nūxĭ changechaŭcū ya chauxrūĭ tórū Coriaxĭ yaxōcū!

⁹ ¡Rū nūxĭ perūmoxēgū ya Urubānu ya tomūcū ixĭcū i Cristuarū puracūwa! ¡Rū ngēxgumarūĭ ta nūxĭ perūmoxēgū ya Estaqui ya nūxĭ changechaŭcū!

¹⁰ ¡Rū nūxĭ perūmoxēgū ya Apere ya aixcūma tūxĭ nūxĭ dauxēēcū na űuxācū Cristuaxĭ yaxōōxĭ! ¡Rū ngēxgumarūĭ ta nūxĭ perūmoxēgū i Aritūburutanūxĭgū!

¹¹ ¡Rū nūxĭ perūmoxēgū i chautanūxĭ i Erudiū! ¡Rū ngēxgumarūĭ ta nūxĭ perūmoxēgū i Narsíchutanūxĭ i tórū Coriaxĭ yaxōgūxĭ!

¹² ¡Rū ngĭxĭ perūmoxēgū i Trifena rù Trifocho! Rù ngĭmagū rù tórū Coriaxĭ ipuracūe. ¡Rū ngēxgumarūĭ ta ngĭxĭ perūmoxēgū i taeyèx i Péchida i ngĭxĭ ingechaŭgūcū! Rù ngĭma rù marū poraācū tórū Coriaxĭ ipuracū.

¹³ ¡Rū nūxĭ perūmoxēgū ya Rufu ya aixcūma meā tórū Coriaxĭ yaxōcū! ¡Rū ngēxgumarūĭ ta ngĭxĭ perūmoxēgū i naē ga chauerūĭ chomaā ixĭcū!

¹⁴ ¡Rū nūxĭ perūmoxēgū i Achícritu, rù Peregúte, rù Erme, rù Patroba, rù Erma, rù guxūma i togū i taeneēgū i natanūwa ngēxmagūxĭ!

¹⁵ ¡Rū nūxĭ perūmoxēgū ta i Firórugu, rù Yúria, rù Neréu, rù naēyèx, rù Oripa, rù guxūma i togū i taeneēgū i yaxōgūxĭ i natanūwa ngēxmagūxĭ!

¹⁶ Rù chanaxwèxe i pegū pengechaŭgūācūma pegū perūmoxēgū i wūxichigū. Rù guxūma i ngēma yaxōgūxĭ i toxnamana ngēxmagūxĭ, rù pexĭ narūmoxēgū.

¹⁷ Pa Chaueneēgūx, pexĭ chacēēxĭ na pegūna pedaugūxĭcèx nūxna i ngēma duŭxĭgū i pexĭ itoyechaŭxĭ rù chixexĭgu pexĭ yixēēgūchaŭxĭ. Erū ngēma duŭxĭgūarū nguxēētae rù tama namaā nawĭxĭgu i ngēma nguxēētae ga noxri peyauxgūxĭ ga yexguma noxri peyaxōgūgu. Rù name nixĭ i noxtacūma nūxna pixĭgachi i ngēma duŭxĭgū rù tama natanūgu pexāgū.

¹⁸ Erü ngēma duūxūgū rü tama tórü Cori ya Ngechuchu ya Cristuarü ngúchaŭ naxūgū, natürü noxrütama ngúchaŭ nixī i naxūgūxū. Rū ore i tauxchaxūgūmaā nayaxucuxēgū i duūxūgū, rü ngēmaācū nanawomūxēgū i ngēma duūxūgū i tama meā nūxū cuèxgūxū.

¹⁹ Rū guxūma i duūxūgū nūxū nacuèxgū na aixcūma meā Tupanaga pexīnūxū i pemax. Rū ngēmacēx pemaā chataāē i chomax. Rū chanaxwēxe na meā nūxū pecuáxū i ŭacū nixī i mexū i Tupanapēxewa na penaxūxūcēx i ngēma. Natürü ngēma Tupanapēxewa chixexū, rü ĩnūxna pixīgachi na tama nagu peyixūcēx!

²⁰ Rū ngēxguma ngēmaācū meā pemaxēgu rü nūma ya Tanatū ya Tupana ya tūxū taāēxēēcū rü tá pexū naporaexēē na aixcūma nūxū perüyexeraxūcēx i Chataná. Rū chanaxwēxe i tórü Cori ya Ngechuchu ya Cristu pemaā inarūxāūx rü pexū narūngūxēē.

²¹ Rū pexū narūmoxē ya Timutéu ya chomūcū ixīcū i Tupanaārū puracūwa. Rū ngēxgumarūū ta pexū narūmoxēgū i chautanūxūgū i Dúchiu, rü Yachóŭ rü Sochípatru.

²² Rū choma i Téchiu na chanaxūmatūxū i űāā popera, rü choma rü ta pexū charūmoxē naegagu ya tórü Cori.

²³ Rū pexū narūmoxē ta ya Gayu ya napatawa changēxmacū. Rū nūma rü inanaxā ya daa napata na nawa nangutaquēxegūxūcēx i guxūma i yaxōgūxū. Rū ngēxgumarūū ta pexū narūmoxēgū i Eratu i daa ĩāneārū dīēruarū dauruū ixīxū, rü taeneē i Cuartu.

²⁴ Rū chanaxwēxe i tórü Cori ya Ngechuchu ya Cristu pexū narūngūxēē i guxāma i pemax. Rū ngēmaācū yīi.

Pauru rü Tupanaxū yacuèxūūācūma nanaguxēē i norū popera

²⁵⁻²⁶ ĩRū ĩūxmax, rü ngīxā nūxū ticuèxūūgū ya Tanatū ya Tupana! Rū nūma nūxū nangēxma i pora na pexū naporaexēēxūcēx na meā peyaxōgūamaxūcēx i ngēma norū ore i tūxū maxēxēēxū tamaā nūxū ixuxūrūū. Rū ngēma nixī i ore i guxūwama nūxū chixuxū rü namaā changūexēētaexū i Ngechuchu ya Cristuchiga. Rū ngēmatama ore i Cristuchiga rü taxchaxwa naxēxūgu ga noxrix, natürü i ĩūxma ya Tupana rü marū tūxū nūxū nacuèxēē i ngēma. Rū nuxcūma tauta naāne ūxgu rü Tupanaxīcatama nūxū nacuèx ga yema, natürü i ĩūxma rü norū orearū uruūgū ūmatūxū ga orewa taxcēx nanangoxēē. Rū ngēma ore rü namaā nawūxigu ga yema ore ga nuxcūma nūxū yaxuxū ga Tupana ya guxūguma maxēchacū. Rū ĩūxma ya Tupana rü guxūwama nanamugū i norū orearū uruūgū na guxū i duūxūgūmaā nūxū na yaxugūexūcēx i ngēma ore i Cristuchiga na nūxū yaxōgūāxūcēx rü naga na naxīnūēxūcēx.

²⁷ Rū nūma ya Tupana rü nūxīcatama nixī i Tupana yīixū, rü nūxīcatama nixī i guxūxū nacuáxū. ĩRū ĩūxmax, rü ngīxā guxūguma nūxū ticuèxūūgū, erü Nane ya Ngechuchu ya Cristu rü poraācū tūxū narūngūxēē! Rū ngēmaācū yīi.

Rū nuāma pexna,
Pauru

NŪXĪRAŪXŪ GA POPERA GA CORĪTIUCŪĀX GA YAXŌGŪXŪTANŪWA NAMUXŪ GA PAURU

Pauru rŭ nŭxŭ narŭmoxĕ ga yema yaxŏgŭxŭ ga Corĭtiuarŭ iānewa yexmagŭxŭ

¹⁻² Pa Chaueneĕgŭ i Corĭtiucŭĭxgŭx, choma i Pauru niĭi i Tupana yaxuxŭ norŭ ngŭchaxŭmaā na Ngechuchu ya Cristu norŭ puracŭwa choxŭ namuxŭcĕx. Rŭ choma rŭ namaā i taeneĕ i Chŏtene niĭi i pexŭ tarŭmŏxĕgŭxŭ rŭ pexcĕx tanaxŭmatŭxŭ i űaā popera. Pa Chaueneĕgŭ ya Tupanaārŭ Ixĭgŭxex, pema rŭ marŭ Tupanapĕxewa pixŭŭne yerŭ Ngechuchu ya Cristu marŭ pexŭ niĭiŭnĕxĕĕ. Rŭ Tupana rŭ marŭ pexŭ nade na norŭ duŭxŭgŭ pixĭgŭxŭcĕx wŭxigu namaā i guxŭma i ngĕma duŭxŭgŭ i guxŭwama tŏrŭ Cori ya Ngechuchu ya Cristuxŭ icuĕxŭgŭxŭ. Rŭ nŭma ya Ngechuchu ya tŏrŭ Cori ixĭcŭ, rŭ ngĕma duŭxŭgŭarŭ Cori ta niĭi.

³ Rŭ chanaxwĕxe ya Tanatŭ ya Tupana rŭ tŏrŭ Cori ya Ngechuchu ya Cristu norŭ ngechaxŭdagu poraācŭ pexŭ narŭngŭxĕĕ rŭ pexŭ nataāĕxĕĕ.

Tupana tŭxŭ narŭngŭxĕĕ erŭ Cristuarŭ duŭxŭgŭ tixĭgŭ

⁴ Rŭ taguma nŭxŭ charŭchau na Tupanana moxĕ pexcĕx chaxāxŭ. Rŭ moxĕ nŭxna chaxā naxcĕx i ngema ngŭxĕĕ i Ngechuchu ya Cristugagu Tupana pexna āmarexŭ.

⁵ Yerŭ Cristugagu Tupana pexna nanamu ga Naāxĕ i Ūŭnĕxŭ na pemaxā inaxāŭxŭcĕx. Rŭ pexna nanaxā ga norŭ ore, rŭ naĕtŭ pexŭ nanatauxchaxĕĕ na nŭxŭ pecuāxŭcĕx na űuxŭ űaxŭchiga yixŭxŭ.

⁶ Rŭ yemaācŭ yexguma nŭxŭ pexŭnŭĕgu ga yema ore ga Cristuchiga rŭ aixcŭma peyaxŏgŭ.
⁷ Rŭ ngĕmacĕx i űuxma na ĩpenanguxĕĕxŭ na wena tāxarŭ nŭma naxŭxŭ ya tŏrŭ Cori ya Ngechuchu ya Cristu, rŭ Tupana pexna nanaxā i taxŭ i cuĕx na taxuŭma pexŭ taxuxŭcĕx na naxcĕx pemaxĕxŭ.

⁸ Rŭ ngĕmaācŭ tā pexna nadau ya Tupana űuxmatāta nagŭ i naāne, rŭ guxŭgutāma pexŭ naporaĕxĕĕ na aixcŭma peyaxŏgŭamaxŭcĕx rŭ naxcĕx pemaxĕxŭcĕx, na taxŭema chixexŭmaā pexŭ ixugŭxŭcĕx i ngĕxguma wenaxārŭ nŭma naxŭxgu ya tŏrŭ Cori ya Ngechuchu ya Cristu.

⁹ Rŭ Tupana rŭ guxŭguma nayanguxĕĕ i norŭ uneta. Rŭ nŭma niĭi ga pexŭ nadexŭ na aixcŭma Nane ya tŏrŭ Cori ya Ngechuchu ya Cristumŭcŭgŭ pixĭgŭxŭcĕx.

Nŭgŭ nitoye ga yema yaxŏgŭxŭ

¹⁰ Pa Chaueneĕgŭx, tŏrŭ Cori ya Ngechuchu ya Cristuĕgagu pexŭ chacĕxŭ na wŭxigu pegŭmaā perŭxŭnŭxŭ rŭ tama pegŭ pitoyexŭcĕx. Rŭ name niĭi i aixcŭma pegŭ pengechaŭgŭ rŭ aixcŭma wŭxigutama perŭxŭnŭĕ i peāewa.

¹¹ Pa Chaueneĕgŭx, pemaā nŭxŭ chixu i ngĕma ore, yerŭ Croĕtanŭxŭtanŭwa nŭxŭ chacuāchiga ga pegŭmaā na penuĕxŭ, rŭ tama aixcŭma wŭxigu na perŭxŭnŭxŭ.

¹² Rŭ pemaā nŭxŭ chixu i ngĕma erŭ űuxre i pema rŭ űaperŭgŭgŭ:

“Choma rŭ Pauruwe charŭxŭ”, űaperŭgŭgŭ. Rŭ togue rŭ:

“Choma rŭ Aporuwe charŭxŭ”, űaperŭgŭgŭ. Rŭ togue rŭ:

“Choma rŭ Pedruwe charŭxŭ”, űaperŭgŭgŭ. Rŭ togue rŭ:

“Choma rŭ Cristuwe charŭxŭ”, űaperŭgŭgŭ.

¹³ ¿Rŭ űuxācŭ niĭi i ngĕma? ¿Pexcĕx rŭ Cristu rŭ marŭ niyaxuye? ¿Ēxna pema nŭxŭ pecuĕxgu rŭ choma i Pauru chiĭxŭ ga curuchawa pexcĕx chipotaxŭ rŭ chayuxŭ? ¿Rŭ ĕxna pema nŭxŭ pecuĕxgu rŭ chauĕgagu yŭxŭ ga ĩpebaiŭxŭ?

¹⁴ Rŭ Tupanana moxĕ chaxā, yerŭ taxŭema pexŭ ĩchabaiŭxĕĕ ga pemax. Rŭ Crispu rŭ Gayuxicatama niĭi ga ĩchabaiŭxĕĕxŭ.

¹⁵ Rŭ ngĕmacĕx taxucŭrŭwa texĕ tŭgŭ tixu na chauĕgagu ĩtabaixŭ.

¹⁶ Rŭ yemaācŭ aixcŭma ĩchanabaiŭxĕĕ ga Estĕfanatanŭxŭgŭ ta, natŭrŭ chauxcĕx rŭ taxŭema ga togue tŭxŭ ĩchabaiŭxĕĕ.

¹⁷ Yerŭ nŭma ga Cristu rŭ tama choxŭ namu ga duŭxŭgŭxŭ na ĩchabaiŭxĕĕxŭcĕx, natŭrŭ choxŭ namu na duŭxŭgŭmaā nŭxŭ chixuxŭcĕx i norŭ ore i mexŭ i tŭxŭ maxĕxĕĕxŭ. Rŭ nanaxwĕxe i tauxchaxŭ i oremaā nŭxŭ chixu i ngĕma ore. Erŭ ngĕxguma chi űoma nŭxŭ cuĕxŭchixŭrŭrŭ nŭxŭ chixuxgu i ngĕma ore, rŭ ngŭrŭāchi i duŭxŭgŭ rŭ tā chauguama narŭxŭnŭĕ rŭ tā nŭxŭ inayarŭngŭmaĕ na Cristu yŭxŭ ga tŭxŭ maxĕxĕĕcŭ ga yexguma curuchagu nayuxgu.

Cristuwa niĭi ga Tupana inawĕxŭ ga norŭ pora rŭ norŭ cuĕx

¹⁸ Rū ngēma ore na ñuxācū tórū pecaducēx curuchagu nayuxū ga Cristu, rū wūxi i natūcēxmamare nixī naxcēx i ngēma duūxūgū i poxcuwa iñū. Natūrū yixema na Tupana tūxū maxēxēxū, rū nūxū tacuēx na ngēma ore rū Tupanaārū pora yīxū.

¹⁹ Erū norū ore i ūmatūxūwa rū ñanagūrū ga Tupana:

“Rū tá ichayanaxoxēē i guxūma i norū cuēx i ngēma duūxūgū i nūxū cuēxūchigūxū. Rū tá nūxū chaxo i ngēma duūxūgūarū cuēx”,

ñanagūrū.

²⁰ Rū ñuxmax, Pa Chaueneēgūx, ¿Tupanapēxewa rū ūacuwa namexū i ngēma duūxūgū i poraācū nūxū cuēxūchixū? ¿Rū ūacuwa namexū i ngēma duūxūgū i Moīché ūmatūxū i mugūwa nguxēētaegūxū? ¿Rū ūacuwa namexū i ngēma duūxūgū i meā nūxū cuēxgūxū i ñoma i naāneārū cuāchigagu na yadexagūxū? Erū guxūma i ngēma cuēx i duūxūgū nagu rūxūñūxū rū Tupanacēx rū taxuwama name.

²¹ Natūrū nūma ya Tupana ya guxūxūma cuācū, rū tama nanaxwēxe na ñoma i naānecūāx i duūxūgūarū cuāgagu na yīxū i naxūtawa nangugūxū i nūmagū. Natūrū nanaxwēxe na ngēma norū ore i mexūgagu na yīxū i namaxēxēēxū i ngēma duūxūgū i yaxōgūxū woo togūcēx rū natūcēxmamare yixūgū i ngēma ore.

²² Ngēma Yudūgū rū nūxū nadaugūchaū i cuēxruūgū i Tupanaārū poramaā ūxū. Rū ngēma Griēgūgū rū naxcēx nadaugū i ñoma i naāneārū cuēx.

²³ Natūrū ngēma ore i toma nūxū tixuxū, rū Cristu ga curuchawa ipotacūchiga nixī. Rū ngēma ore rū naāēwa nangux i ngēma Yudūgū. Rū ngēma duūxūgū i tama Yudūgū ixūgūxūcēx rū wūxi i natūcēxmamare nixī.

²⁴ Natūrū ngēma duūxūgū i Tupana dexū i Yudūgū rū ēxna tama Yudūgū ixūgūxū rū ngēma duūxūgūcēx Tupana inanawēx i norū pora rū norū cuēx ga yexguma pecaducēx nayuxgu ga Cristu.

²⁵ Rū yema Tupana ūxū ga yexguma nayuxgu ga Cristu rū muxūma i duūxūgūcēx rū wūxi i ngēāēmare nixī. Natūrū ngēma Tupana nagu rūxūñūxū rū guxūma i ñoma i naānecūāx i duūxūgūarū cuēxarū yexera nixī. Rū yexguma curuchagu nayuxgu ga Cristu rū muxūma ga duūxūgūcēx rū natura ga Tupana ga yexguma. Natūrū yexguma nixī ga inawēāxū ga ñuxācū guxū i duūxūgūarū yexera na naporaxūchixū.

²⁶ Pa Chaueneēgūx, name nixī i nagu perūxūñūē na ñuxācū Tupana pexū dexū na norū duūxūgū pixūgūxūcēx. Rū noxretama pixūgū na nūxū pecuēxūchixū ega duūxūgū pexū ngugūgu, rū noxretama pixūgū na āēxgacūgū pixūgūxū, rū noxretama pixūgū i ngēma itaarū dīerūāxūñūxū pixūgūxū. Natūrū woo ngēma na pixūgūgu rū Tupana rū pexū nade na norū duūxūgū pixūgūxūcēx.

²⁷ Rū Tupana nanade ga yema duūxūgū ga togū ga duūxūgū nūxū ixuxgu rū taxuūma icuāxū. Rū yemaācū nanaxū ga Tupana na naxāneēxēēāxūcēx i ngēma duūxūgū i nūxū icuēxūchixū. Rū Tupana nanade ga yema duūxūgū ga togū nūxū ixuxgu rū turaexū. Rū yemaācū nanaxū ga Tupana na naxāneēxēēāxūcēx i ngēma duūxūgū i poraexū.

²⁸ Rū Tupana nanade ga yema duūxūgū ga togū nūxū oexū, rū ñoma i naānewa taxuūma ixūgūxū. Rū yemaācū Tupana nanaxāneēxēē i ngēma duūxūgū i ñoma i naanewa norū ngemaxūgūmaā nūgū icuēxūūgūxū.

²⁹ Rū ngēmacēx taxucūrūwama texē tūgū ticuēxūū i Tupanapēxewa.

³⁰ Rū nūmatama ga Tupana nixī ga Ngechuchu ya Cristuarū duūxūgūxū pexū yaxūgūxūēēxū. Rū tatanūwa nanamu ga Cristu na nūma tūxna naxāāxūcēx i cuēx i aixcūma ixūxū, rū pecaduwa tūxū inanguxūxēēxūcēx. Rū nūma ya Cristu nixī i tūxū namaxēxēēxū rū tūxū yamexēēgūxū na aixcūma ixūūnēxūcēx napēxewa ya Tupana.

³¹ Rū ngēmacēx i Tupanaārū ore i ūmatūxūwa rū ñanagūrū:

“Rū ngēxguma texē tūgū icuēxūūchaūgu rū name nixī i tórū Corixū ticuēxūū”,

ñanagūrū.

2

Cristu ga curuchawa ipotacūchiga

¹ Pa Chaueneēgūx, yexguma noxri petanūwa chaxūxgu na pemaā nūxū chixuxūcēx ga Tupanaārū ore i aixcūma ixūxū i Cristuchiga, rū tama ñoma nūxū cuēxūchixūtrūācūma pemaā chidexa, rū tama ore ga guxchaxūmaā nixī ga pemaā nūxū chixuxū.

² Yerū yexguma petanūwa chayexmagu, rū Cristuchigaxūxīcatama nixī ga pemaā chixuxū. Rū taxuūma ga ūacu ga togu charūxūñū. Rū yemaācū Ngechuchu ya Cristu ga curuchawa ipotacūguxīcatama nixī ga charūxūñūxū.

³ Rū yexguma petanūwa changuxgu rū nūxū chadau ga taxū ga guxchaxūgū ga petanūwa, rū yemacēx poraācū chaxoegaē rū Tupanapewa chorū muūmaā chīdurux.

⁴ Rū yexguma pemaã chideaxgu rū pemaã nūxū chixuxgu ga Tupanaārū ore, rū tama ñoma nūxū cuèxūchixūrūūācūma pemaã nūxū chixu na yemaãcū pexū chanangūchaūxēēxū na peyaxōgūxūcèx. Natūrū Tupanaãē i Ūūnexūārū ngūxēēmaã rū Tupanaārū poramaã nixī ga pexū chanangūchaūxēēxū.

⁵ Rū yemaãcū Tupanaārū poramaã pemaã nūxū chixu ga yema ore na Tupanagagu yīxū na nūxū peyaxōgūxū, rū tama ñoma i naānecūāx i duūxūgūarū cuāgagu na yīxū.

Tupana rū Naãē i Ūūnexūwa nūgū tūxū nacuèxēē

⁶ Natūrū pemaã nūxū chixu, rū ngēxguma natanūwa changēxmagu i ngēma duūxūgū i marū meāma yaxōgūxū, rū ngēxguma nixī i chanangūexēēxū i ngēma aixcūma Tupanaarū cuèx i ūūnexū. Natūrū ngēma cuèx rū tama ñoma i naānēwa ne naxū, rū bai i ñoma i naānēarū āēxgacūgū i paxa tā iyarūxoxūwa ne naxū.

⁷ Natūrū ngēma cuèx rū Tupanawa nixī i ne naxūxū. Rū ngēma cuèx nixī ga noxri tauta naāne ūxgu Tupanaxīcatama nūxū cuāxū ga na ñuxācū tā tūxna naxāāxū i maxū i taguma gūxū.

⁸ Natūrū yema Tupana nagu rūxīnūxū, rū taxuūma ga ñoma ga naānecūāx ga āēxgacū nūxū nacuèx. Yerū yexguma chi aixcūma nūxū nacuèxgūgu ga yema Tupana nagu rūxīnūxū rū tāū chima curuchawa nayapotagū ga guma mecū ya tōrū Cori.

⁹ Rū ngemachiga nixī i Tupanaārū ore i ūmatūxūwa i ñaxū:
 “Rū ngēma duūxūgū i Tupanaxū ngechaūgūxūcèx, rū nūma nanamexēē i tacū i taxúema nūxū dauxū, rū taguma texé nūxū ñnūxū, rū bai i texé nagu rūxīnūxū”,
 ñaxū.

¹⁰ Rū ngēma Tupana mexēēxū naxcèx i ngēma duūxūgū i nūxū ngechaūgūxū, rū ñuxma rū tūxū nūxū nacuèxēē i ngēma, yerū nūma nanamu ga Naãē i Ūūnexū na taxcèx nangoxēēāxūcèx. Rū ngēma Naãē i Ūūnexū rū guxūxūma nacuèx, rū èjrxūxū i ngēma Tupanaxīcatama nūxū cuāxū rū ta nūxū nacuèx.

¹¹ Rū duūxūgūtanūwa rū ¿texé nūxū tacuèx na tacūgu naxīnūxū i wūxi ya yatū? Rū naāēxīcatama nixī i nūxū cuāxū i ngēma nagu naxīnūxū i ngēma yatū. Rū ngēxgumarūū ta Tupanaãē i Ūūnexūxīcatama nixī i nūxū cuāxū na tacūgu naxīnūxū ya Tupana.

¹² Rū yixema rū tama ñoma i naānecūāx i naãē nixī ga iyaxūgūxū. Natūrū tanayauxgū i ngema Naãē i Ūūnexū ga Tupana taxcèx nūma muxū na aixcūma nūxū icuāxūcèx i guxūma i ngēma mexūgū ga Tupana norū ngechaūmaã tūxna āmarexū.

¹³ Rū ñuxma na pemaã nūxū tixuxū i ngēmachiga, rū Tupanaãē i Ūūnexū toxna āxū i oremaã nixī i pemaã nūxū tixuxū. Rū tama ore i torū cuèxwa tayaxuxūmaã nixī i pemaã nūxū tixuxū. Rū ngēmaãcū nūxū tixu i Tupanaãē i Ūūnexūārū ore namaã i ngēma duūxūgū i aixcūma Tupanaãē nawa ngēxmagūxū.

¹⁴ Rū texé ya tama Tupanaãē i Ūūnexū tūmawa ngēxmaxē, rū taxucūrūwa tanayaxu i ngēma Tupanaãē i Ūūnexū tūxū ngūxēēxū, erū tūmacèx ya yixema duūxē rū natūcèxmamare nixī. Rū tama nūxū tacuèxēga erū yixema Tupanaãē i Ūūnexū tūmawa ngēxmaxēxīcatama tixī ya nūxū cuāxe na tanangugūxū na ñuxū ñaxūchiga yīxū i ngēma Tupanaãē i Ūūnexū tūxū ngūxēēxū.

¹⁵ Rū yixema duūxē ya Tupanaãē i Ūūnexū tūmawa ngēxmaxē, rū meā tanangugū i guxūma. Natūrū ngēma togū i duūxūgū i tama Tupanaxū cuèxgūxū, rū taxucūrūwama tūmaārū maxūxū nangugū ya yixema duūxē ya aixcūma Tupanaãē tūmawa ngēxmaxē.

¹⁶ Erū Tupanaārū ore i ūmatūxūwa rū ñanagūrū:
 “¿Texé nūxū tacuèx na tacūgu naxīnūxū ya tōrū Cori? ¿Rū texé nūxū tacuèx na Tupanaxū taxucūxēxū?”

ñanagūrū. Natūrū yixema nixī i aixcūma nūxū icuāxū i ngēma Cristu nagu rūxīnūxū.

3

Paurū rū Aporū rū wūxigu Tupanaãxū napuracūe

¹ Pa Chaueneēgūx, yexguma noxri petanūwa changuxgu, rū taxucūrūwa ngēma duūxūgū i Tupanaãē nawa ngēxmaxūmaã chidexaxūrūūācū pemaã chidexa. Natūrū ñoma i naānecūāx i tama Tupanaxū cuèxgūxūmaã chideaxgurūū nixī ga pemaã chidexaxū. Yerū pema rū yexwacèx, peyaxōgū ga yexguma, rū yemacèx yexwacèx yaxōgūxūmaã chidexaxūrūūācū pemaã nūxū chixu ga Cristuchiga.

²⁻³ Rū tauxchaxū ga oremaã pexū changūexēē, ngēxgumarūū i wūxi i òxchana ega noxri nabuxgu rū naēgūnenixū ya tauxchaãcū yaxaxūne nūxna taxā. Rū yemaãcū tauxchaxū ga oremaã pemaã nūxū chixu ga Tupanaārū ore ga noxrix, yerū taxucūrūwa nūxū pecuèxēga ga Tupanaārū ore ga guxchaxū. Rū ñuxma rū ta tama nūxū pecuèxēga i Tupanaārū ore i guxchaxū, erū ñoma tama yaxōgūxū i duūxūgūrūūtama pemaxē. Rū dūcax, ngēxguma

ñuxma rü ta pixãũxãchiwèxegu rü pegümaã penuègu, rü ngëmawa nangox na ngëma tama yaxögüxürüüäcütama nagu perüxinüèxü rü ñoma i naãnecũxürüüäcütama na pemaxèxü.

⁴ Rü ngëxguma petanüwa wüxie ñágügu rü:

“Choma rü Pauruwe charüxü”, ñágügu, rü togue rü:

“Choma rü Aporuwe charüxü”, ñágügu, rü ngëmawa nüxü tacuèx na ngëma duüxügü i tama yaxögüxürüüäcütama na pemaxèxü.

⁵ Rü ngëxguma meã nagu rüxinüègu, çrü tacü chixü i choma i Paurux? Rü çtacü nixü i nüma i Aporux? Toma rü Tupanaärü duüxügümare tixügü, rü togagu nixü ga nüxü peyaxögüxü ga tórü Cori ya Ngechuchu. Rü wüxichigü ga toma rü tanaxü ga yema puracü ga tórü Cori toxna äxü.

⁶ Rü chauxütawa nixü ga nüxü pexinüèxü rü peyaxögüxü ga Tupanaärü ore ga noxrix. Rü Aporu nixü ga pexü rüngüxècècü na yexeraäcü meã peyaxögüxü ga yema ore. Natürü Tupana nixü ga pexü maxèxècècü.

⁷ Rü ngëmacèx woo yixema tüxira duüxügümaã nüxü ixuxe i Tupanaärü ore rü woo yixema wixwena yexeraäcü duüxügüxü ngüxèxèxè, rü taxuüma tixügü. Natürü Tupana nixü ga guxüma ücü, erü nüma nixü i duüxügüxü namaxèxèxèxü.

⁸ Rü ngëmaäcü ya yixema tüxira duüxügümaã nüxü ixuxe i Tupanaärü ore, rü yixema wixwena yexeraäcü duüxügüxü ngüxèxèxè rü tawüxigumare i ngëma puracüwa. Natürü Tupana rü tá tüxü nanaxütanü i tümaärü puracü ya wüxichigü ngëxgumarüü na ñuxäcü tanaxüxü i ngema puracü..

⁹ Rü ngëmaäcü i toma rü wüxigu Tupanaäxü tapuracüe. Rü ngëmaäcü nixü i perü maxüwa napuracüxü ya Tupana na nüma nanaxwèxèxèäcütama pixügüxütcèx.

¹⁰ Rü choma nixü ga Tupana choxü muxü na chaxira pemaã nüxü chixuxütcèx ga Cristuchiga. Rü togü nixü ga chowena yexeraäcü pexü ngüxèxèxèxü. Natürü guxäma ya texé ya naxüxe i ñaã puracü rü name nixü i taxuãè na meã tanaxüxütcèx.

¹¹ Rü ñaã puracü rü Ngechuchu ya Cristuwa nixü ga inaxügüxü, rü ngëmacèx taxucürüwama texé tayangucuchixèè i to i tüxü maxèxèxèxü.

¹² Rü ñuxma na norü puracü ixüxü i wüxichigü i yixema, rü tanaxwèxe i taxuãè na aixcüma meã naxüxü i ngëma. Erü yixema aixcüma meã naxüxe i norü puracü, rü ñoma wüxi i ñpataarü ürüü i uirumü rü dierumü rü nuta i mexèchixümaã üpataxürüü tixü. Natürü yixema tama aixcüma meã naxüxe i ngëma Cristuarü puracü rü ñoma ñpataarü ürüü i chixexü i ñaã rü ñaãxütü rü dexnemenèxãmaremaã üpataxürüü tixü.

¹³ Natürü ngëxguma naguxgu i naãne, rü tá nangox na ñuxäcü naxüãxü i Tupanaärü puracü i wüxichigü i duüxü. Erü ngëma ngunexügu rü tá nangëxma ya üxü ya taxüchine. Rü ñoma tacü üxüwa iguxürüü tá nixü i Tupana nüxü na üxü i wüxichigü i duüxüärü puracü na nüxü nacuãxütcèx ngoxi aixcüma name rü èxna tama.

¹⁴ Rü yixema aixcüma meã naxüxe i Cristuarü puracü, rü yima ñpata ya taixüne ya tama üxümaã ixaxünerüü tá nixü i ngëma tümaärü puracü. Rü tá Tupanaxütawa tanayaxu i tümaärü natanü naxcèx i ngëma taxüxü.

¹⁵ Natürü yixema tama aixcüma meã naxüxe i ngëma puracü, rü yima ñpata ya tama taixüne ya üxümaã ixaxünerüü tá nixü i ngëma tümaärü puracü. Rü tá ngëxma inayarüxomare i guxüma i ngëma taxüxü. Rü tüxicatama täütäma tixa ñoma wüxi i duüxü i üxiemawa iyagoxürüü.

¹⁶ ¿Tama èxna nüxü pecuèx i pema rü Tupanapata na pixügüxü, rü ngema Naãè ya Tupana rü pewa na namaxüxü?

¹⁷ Rü ngëxguma texé pexü chixetanüxèègu, rü Tupana tá tüxü napoxcu, erü Tupanapata ya nawa namaxüne rü naxüüne. Rü pematama nixü ya yima Tupanapata na pixügüxü.

¹⁸ Tama name i texé tügütama tawomüxèè. Rü ngëxguma petanüwa texé tügügu rüxinügu na wüxi i duüxü i nüxü cuãxe na tüxü i ñoma i naãnewa, rü name nixü i ñoma taxuüma tacuãxürüü tügü tixüxèè. Rü ngëxguma tá nixü i wüxi i duüxü i aixcüma nüxü cuãxe tá tüxü.

¹⁹ Erü ñoma i naãneärü cuèx rü wüxi i ngëãèmare nixü i Tupanacèx. Erü Tupanaärü ore i ümatüxüwa rü ñanagürü:

“Rü ngëma duüxügü i nügügu rüxinüèxü na nüxü cuèxüchigüxü yixü, rü norü cuèxgutama ñanatüxèèè ya Tupana”,

ñanagürü.

²⁰ Rü toxnamana i Tupanaärü orewa rü ñanagürü ta:

“Tórü Cori ya Tupana rü nüxü nacuèx na taxuwama namexü i ngëma norü ñnü i ngëma duüxügü i ñoma i naanewa cuèxwa ngugüxü”,

ñanagürü.

²¹ Rü ngëmacèx tama name i texé tügü ticuèxüxü ega duüxügüärü cuèxwamare tarüxüxgu.. Erü Tupana rü marü pexna nanaxã i guxüma na pexrü yixütcèx.

²² Rū ngēmacēx i choma i Pauru, rū taeneē ya Aporu, rū taeneē ya Pedru, rū ñoma i naāne, rū torū maxū, rū torū yu, rū ñomatama i ngunexū, rū moxūārū ngunexū, rū guxūma i ngēma rū pexrū nixī.

²³ Rū pematama rū Cristuarū pixīgū. Rū Cristu rū Tupanaārū nixī.

4

Yema ngūexūgū ga Ngechuchu imugūxūārū puracūchiga

¹ Rū ngēmacēx tanaxwēxe i tomaā nagu perūxīnūē na Cristuarū puracūtanūxūmare na tixīgūxū. Rū nūma nixī i toxū namuxū na pexū tangūexēxūcēx ga yema ore ga noxri Tupanaxīcatama nūxū cuáxū.

² Rū ngēxguma texé tacū rū puracū tūxna āxgu, rū name nixī i aixcūma tayanguxēē i ngēma puracū i tūxna taxāxū na ngēmaācū itanawēxūcēx na aixcūma wūxi i duūxū i mexū tixīxū.

³ Rū ngēmacēx i ñuxma na meā chayanguxēēchaūxū i ngēma puracū i Tupana choxna āxū, rū taxucēxma chaugūcēx chaxoegaāē ega woo choxna pecagu rū ēxna tacū rū āēxgacūgū choxna caxgu naxcēx i ngēma puracū i chaxūxū. Rū woo i chomatama rū taxuxūcēxma íchicuēx na ngextá chixri chanaxūxū i ngēma puracū.

⁴ Natūrū ñuxma na chomatama nagu charūxīnūxū na nataxuūma i chorū chixexū i Tupanapēxewa, rū tama ngēmacēx Tupana choxū nadau na changearū pecaduāxū. Erū nūmatama ya tōrū Cori ya Tupana nixī i aixcūma choxū nacuáarū maxūāxū.

⁵ Rū ngēmacēx tama name na toxū pengugūarū maxūāxū naxūpa na nūma naxūxū ya tōrū Cori. Natūrū name nixī i nūxū ipenanguxēē, erū nūma tá nixī i nangoxēēāxū i guxūma i ngēma ñuxma icūxū rū guxūma i ngēma duūxūgū naāēwa nagu rūxīnūēxū. Rū ngēxguma tá nixī ya Tupana i tūmamaā nataāēxū ya wūxichīgū ya yīxema aixcūma mexū ūgūxe.

⁶ Pa Chaueneēgūx, perū mexūcēx nixī i pemaā nūxū tixuxū i ngēma ore na ngema Tupana naxwēxūācūma pemaxēxū. Rū choma rū Aporu nixī i perū cuēxruūgū tixīgūxū na towa pengūexū na Tupanaārū ore pemaā nūxū ixuxūrūūācū penaxūxū. Rū ngēmacēx tama name na wūxi i perū nguxēētaexūmaā petaāēgūxū rū to rū nūxū pexoexū.

⁷ Rū ñuxma rū pexna chaca, ŷrū texé tixī ya yīxema pemaā nūxū ixuxe na togūarū yexera pexū ixiēexē? ŷErū guxūma i ngema cuēx i pexū ngēxmaxū rū Tupana pexna nanaxā? Rū ñuxma na nūma pexna naxāāxū i ngēma cuēx ŷrū tūxcūū pegū picuēxūgū ñoma pematama perū poramaā penayaxuxūrūū?

⁸ Rū pegūgu perūxīnūēgu rū aixcūma marū meāma Tupanaxū picuēxūchi rū marū pexū nangēxma i guxūma i tacū i penaxwēxexū na naxūtawa pengugūxūcēx. Rū pegūgu perūxīnūēgu rū ñoma āēxgacūgū i taxūrūū pixīgū rū taxuūma toxūtawa penaxwēxe i ñuxmax. ŷChierū aixcūma Tupanapēxewa āēxgacūgū pixīgūgu na toma rū ta wūxigu pemaā āēxgacūgū na tixīgūxūcēx!

⁹ Rū toma na Ngechuchu toxū imugūxū, rū chauxcēx rū wixwe toxū nawogū ya Tupana. Rū ñoma poxcuēxū i yuewa īxūrūū tixīgū. Rū ñoma wūxi i tacū i nūxū nacugūexūrūū tixīgū i napēxewa i Tupanaārū oreatū ngeruūgū i daxūcūāx, rū napēxewa i ñoma i naānecūāx i duūxūgū, rū napēxewa i guxūma i tacū i Tupana ūxū.

¹⁰ Rū ñuxma na Cristuwe tarūxīxū, rū ngēmacēx taxuūma icuáxū toxū nawogū i duūxūgū, natūrū i pema rū pegūgu perūxīnūēgu rū guxūxūma pecuēx i Cristuchiga. Toma nūxū tacuēx na duūxūgūpēxewa taturaexū, natūrū i pema rū pegūgu perūxīnūē na aixcūma peporaexū. Rū duūxūgū toxū naxo, natūrū pexū nangechaūgū.

¹¹ Rū ñuxma rū ta tama inayacuēx na ngūxū tingeūxū, erū ñuxma rū ta taiya toxū nangux, rū tiṭawae, rū tangexchiru. Rū duūxūgū rū chixri tomaā nachopetū, rū tangepata.

¹² Rū tīpae na yeūcūrū toxmēxmaā tapuracūeechaxū. Rū duūxūgū rū tacū tomaā nixugūe, natūrū i toma rū mexū i oremaā tanangāxūgū. Rū towe ningēxūtanū, natūrū yaxna namaā taxīnūē.

¹³ Rū chixri tochiga nidexagū, natūrū i toma rū meā nachiga tidexagū. Rū ñoma guxchirexū nadaugūxūrūū tomaā nixīgū, rū ñoma duūxūgū i taxuwama mexūācū toxū nixīxē. Rū ñuxma rū ta ngemagutama tomaā naarūxīnūē.

¹⁴ Tama pexcēx chanaxūmatū i ñaā popera na pexū chaxānēxēēxūcēx. Natūrū pexcēx chanaxūmatū na pexū chixucūxēgūxūcēx chauxacūgūxūchirūū, erū pexū changechaū.

¹⁵ Erū woo nangēxmagu i muxūma i perū nguxēēruūgū i Cristuchiga pexū ngūexēēxū, natūrū chaxicatama nixī i penatū chiīxū ga Cristuxū na peyaxuxūwa. Yerū chauxūtawa nixī ga noxri ga penayaxuxū ga Ngechuchu ya Cristuarū ore i tūxū maxēxēēxū. Rū ngēmacēx chaxicatama nixī i penatū chiīxū i perū ōwa.

¹⁶ Rū ngēmacēx pexū chacēēxū na chauxrūxū meā pemaxēxū.

¹⁷ Rū ngēmacēx pexūtawa chanamu ya Timutéu ya poraācū nūxū changechaūcū ya chaune ixiēū i tōrū Coriarū orewa. Rū nūma rū aixcūma meā nayanguxēē i guxūma i ngēma

nagu chanamuxū. Rū nūma tá pexna nūxū nacuēxāchixēē na űuxācū Ngechuchu ya Cristu naxwēxēūācūma meā chamaxūxū rū chanangúexēēxū ga yema yaxōgūxū ga natanūgu chixūgūxū.

¹⁸ Rū űuxre i pemagū rū pegū picuēxūūgū, erū nagu perūxīnūē na tagutáma pexūtawa íchayadauxū.

¹⁹ Natūrū ngēxguma nanaxwēxegu ya tórū Cori, rū paxa tá ngema chaxū na pexū íchayadauxūcēx. Rū ngēxguma rū tá chomaxūchi nūxū chadau ngoxi ngēma duūxūgū i nūgū icuēxūūgūxū nūxū nangēxma i Tupanaārū pora rū ēxna yadoragūmare.

²⁰ Erū Tupanaārū pora rū tama nūxū tixumare, natūrū nagu ítamaxē i ngema pora.

²¹ ¿Rū űuxma rū tacū ēxna nixī i penaxwēxēxū i pema? ¿Penaxwēxe na pexū chingagūxū i ngēxguma ngema changuxgu, rū ēxna penaxwēxe na pexū changechaūācūma rū pemaā chamecūmaācūma pexū na íchayadauxū?

5

Duūxūgū i chixri maxēxūchiga

¹ Rū duūxūgū nūxū nixugūgū rū wūxi i yatū i petanūwa rū naērūcūmaātama naxāmēx. Rū ngēma nixī i pecadu i poraācū chixexūchixū, erū woo ngēma duūxūgū i tama yaxōgūxūtanūwa rū tama ngēmaācū naxūpetū.

² ¿Rū űuxācū i pema i ngēxguma i pegū picuēxūūgūamaxū? Rū narūmemaē chi nixī na poraācū pengechaūgūxū. Rū ngēma yatū i ngēma chixexū ūxū rū name nixī na ípenamuxūchixū i petanūwa.

³ Rū woo tama petanūwa changēxmagu i chomax, natūrū guxūguma pegu charūxīnū. Rū űoma pexūtawa changēxmaxūrūū rū tórū Cori ya Ngechuchu ya Cristuégagu pemaā nūxū chixu na tacū tá namaā pexūxū i ngēma duūxū.

⁴ Rū name nixī i tórū Cori ya Ngechuchu ya Cristuégagu pengutaquēxegū. Rū nūma ya tórū Cori ya Ngechuchu rū tá napetanūgu na pexū naporaexēēxūcēx. Rū choma rū tá pexna chacuēxāchi i chorū yomūxēwa.

⁵ Rū ngēma norū poxcu i tá nūxna pexāxū i ngēma yatū, rū ngēma tá nixī na ípenamuxūchixū i petanūwa na Chataná ngūxū nūxū ingexēēxūcēx. Rū ngēmaācū tá inayarūxo i naxūneārū ngūchaū i chixexū, natūrū naāē rū tá namaxū i ngēxguma wena nūma naxūxgu ya tórū Cori ya Ngechuchu.

⁶ ¿Rū tama name i pema rū pegū picuēxūū naxcēx i ngēma pexūxū! ¿Tama ēxna nūxū pecuēx i ngēma ore i űaxū:

“Wūxi i íraxū i pāūārū puxēēruū rū taxūma i pāūchara nipuxēē”, űaxū?

⁷ Rū ngēmacēx name nixī i nūxū perūxoe i guxūma i nuxcūmaūxū i pecūma i pexū chixexēēxū. Rū ngēxguma ngēmaācū penaxūxgu, rū űoma ngexwacaxūxū i pāū i ngearū puxēēruūāxū i Ūpetūchigaarū petawa ingōxūrūū tá pime. Rū űuxma i pema rū aixcūma ngexwacaxūxū i duūxūgū pixīgū, yerū Cristu rū űoma wūxi i carnerurūū marū tachicūū tórū pecaducēx nayu.

⁸ Rū ngēmacēx name nixī i nūxū tarūxoe i nuxcūmaūxū i tacūma i chixexūgū rū aixcūma Tupanagu tarūxīnūē rū meā naxcēx tamaxē, erū ngexwacaxūxū i norū duūxūgū tixīgū.

⁹ Nūxīraūxū ga chorū poperawa rū pemaā nūxū chixu na tama natanūgu pexāgūxū i ngēma duūxūgū i naī i ngemaā naxūneārū ngūchaū ūgūxū.

¹⁰ Natūrū yexguma yema űachagu pexū, rū tama pemaā nūxū chixu na nūxna pixīgachitanūxūchixū i ngēma duūxūgū i tama yaxōgūxū i naī i ngemaā maxēmarexū, rū ēxna ngēma duūxūgū i guxūma i tacū nūgūna nugūchaūgūxū, rū ēxna ngītēēxgūxū, rū ēxna ngēma duūxūgū i tupananetachicūnēxāxū icuēxūūgūxū. Erū ngēxguma chi naxchaxwa ípechoūxgu i ngēma duūxūgū, rū chi taxucūruwa i űoma i naānewa pengēxmagū.

¹¹ Natūrū yexguma pemaā nūxū chixuxgu na tama natanūgu pexāgūxū i ngēma duūxūgū i chixri maxēxū, rū nachiga chidexa i ngēma duūxūgū i nūgū ixugūxū na peeneēgū i yaxōgūxū na yixīgūxū natūrū naī i ngemaā maxēxū, rū ēxna aūexū, rū ēxna tupanane-tachicūnēxāxū icuēxūūgūxū, rū ēxna oregūtēēxgūxū, rū ēxna ngāxēwēxegūxū, rū ēxna ngītēēxgūxū. Rū ngēma duūxūgū nixī i pemaā nūxū chixuxū na tama namexū na natanūgu pexāgūxū rū bai i namaā na pechibūexū.

¹²⁻¹³ Erū tama choxmēxwa nangēxma na nūxna chaçaxū i ngēma duūxūgū i tama Tupanaāxū yaxōgūxū. Rū Tupana tá nixī ya nūxna çacū i ngēma duūxūgū. Natūrū i pema rū pemēxwa nangēxma na nūxna peçaxū i ngēma peeneēgū i yaxōgūxū i tama meā maxēxū. Rū name nixī i petanūwa ípenamuxūchi i ngēma duūxū i chixri maxūxū.

6

Ngēxguma ƿacū rū guxchaxū tūxū ngēxmagu taeneēmaā, rū tama name i āēxgacūgū i tama yaxōgūxūpēxewa tayamexēē i ngēma

¹ Rū ngēxguma wūxie i pema pexū nangēxmagu i ƿacū rū guxchaxū i wūxi i peeneē i yaxōxūmaā, ĵrū tūxcūū wūxi i āēxgacū i tama yaxōxūārū ngūxēēcēx īpeyaca na nūma pexū namexēēāxūcēx i ngēma perū guxchaxūgū? ĵRū tama ēxna inamexū i ngēma peeneēgū i yaxōgūxū na namexēēgūxū i ngēma perū guxchaxūgū?

² ĵTama ēxna nūxū pecuēx na yixema na yaxōgūxū tá yīxū i naāneārū guxgu nūxna icagūxū i guxūma i űoma i naānecūāx i duūxūgū? Rū űuxma na pema tá yīxū i űoma i naānecūāx i duūxūgūxū picagūxū, ĵrū tūxcūū taxucūrūwa i pematama penamexēē i ngēma perū guxchaxūgū i irachirēxū?

³ ĵTama ēxna nūxū pecuēx rū woo ngēma daxūcūāx i Tupanaārū orearū ngeruūgū, rū yixema tá yīxū i nūxū icagūxū? Rū ngēmacēx nixī i yexeraācū pemēxwa nangēxmaxū na űuxācū penamexēēxū i ngēma guxchaxūgū i űoma i naānēwa pexū ngēxmagūxū.

⁴ Rū ngēmacēx, ngēxguma ƿacū rū guxchaxū pexū ngēxmagu i űoma i naānēwa, ĵrū tūxcūū i ngēma āēxgacūgū i tama yaxōgūxūxtawa pegū īpeyaxuaxūgūxū na pexū namexēēgūāxūcēx i ngēma?

⁵ Rū pemaā nūxū chixu i ngēma ore na pexānēēxūcēx. ĵĒxna tataxuma i petanūwa ya wūxie ya nūxū cuāxe na tanamexēēxū i ngēma guxchaxūgū i petanūwa ngēxmaxū?

⁶ Rū tama pegūmaā penuēxīcatama, natūrū naēfū rū āēxgacūgū i tama yaxōgūxūxtawa pexī na penamexēēxūcēx i ngēma perū guxchaxūgū.

⁷ Rū ngēma na pegūmaā penuēxū, rū ngēma rū poraācū chixexū nixī. ĵRū tūxcūū tama yaxna namaā pexīnūē i ngēma guxchaxūgū i peeneē pemaā ūxū? ĵRū tūxcūū tama namaā peporae ega texé perū ƿacūcēx ngīxgux?

⁸ Natūrū i pema rū poraācū chixexū pexūe, erū woo peeneēgū i yaxōgūxūāxū rū ta pengix.

⁹⁻¹⁰ ĵTama ēxna nūxū pecuēx na ngēma duūxūgū i chixexū ūgūxū rū nataxuxūtāma i nachica i ngextā Tupana āēxgacū īyīxūwa? ĵRū tama name i pegūtama pewomūxēēgū! Erū ngextā Tupana āēxgacū īyīxūwa rū nataxūtāma i nachica i ngēma duūxūgū i naī i ngemaā īpexū, rū ngēma duūxūgū i tupananetachicūnēxāxū icuēxūūgūxū, rū ngēma duūxūgū i naxmēxchita rū ēxna nateechita ngēāēxū, rū ngēma yatūgū i naxrūū yatūxūmaā ngēāēxū, rū ngēma ngītēēxgūxū, rū ngēma duūxūgū i nūgūnaxica nanuxūchixū i norū ngēmaxūgū, rū ngēma duūxūgū i ngāxēwēxegūxū, rū ngēma duūxūgū i oregūtēēxgūxū, rū ngēma duūxūgū i womūxēēwēxegūxū. Rū guxūma i ngēmāgū rū nataxūtāma i nachica i ngextā Tupana āēxgacū īyīxūwa.

¹¹ Rū yexgumarūūtama pixīgū ga űuxre ga pema ga ūpax. Natūrū i űuxma ya Tupana rū marū pexū īnanapi i perū chixexū na noxrūxīcatama pixīgūxūcēx. Rū űuxma rū aixcūma napēxewa pime yerū Naāē i Ūūnexū rū tōrū Cori ya Ngechuchu ya Cristuégagu marū perū pecaduna pexū īnanguxūxēē.

űuxācū naxīūne i taxūne

¹² Rū űuxre i pema rū űaperūgūgū:

“Rū marū name na chanaxūxū i ngēma chanaxwēxexū”, űaperūgūgū. Rū aixcūma nixī i ngēma, natūrū tama guxū i ngēma ixūgūxū rū tūxū name. Rū aixcūma nixī i Tupana choxū īnguxuchixēēxū na chanaxūxūcēx i ngēma chanaxwēxexū, natūrū tama name na ƿacū rū chixexūgū chaugū changuxēēxū na chomaā inacuāxūcēx.

¹³ Rū ngēxgumarūū ta rū űuxre i duūxūgū rū űanagūrūgū:

“Rū űna rū taxūnecēx nixī, rū taxūne rū űnacēx nixī”, űanagūrūgū. Rū aixcūma ngēmaācū nixī, natūrū ya Tupana rū tá inayanaxoxēē i guxūma i ngēma. Rū taxūne rū tama naī i ngemaā namaā na ingēāēmarexūcēx nixī. Erū taxūnemaā nixī i naxūxū i tōrū Coriarū ngūchā. Rū tōrū Cori nixī ya taxūnexū maxēēcū.

¹⁴ Rū yema Tupana wena namaxēēxūrūū ga tōrū Cori ya Ngechuchu, rū ngēxgumarūū tā ta norū poramaā wena tūxū namaxēēxēē.

¹⁵ ĵRū tama ēxna nūxū pecuēx na ngēma pexene rū Cristuarū na yīxū? ĵRū űuxācū i ngēma chaxune i Cristuarū ixīxū rū ngēxū i ngēāēxūmaā inapexū? Taxucūrūwama ngēmaācū nixī.

¹⁶ ĵRū ēxna tama nūxū pecuēx ega wūxi i ngēxū i ngēāēxūmaā inapexgu ya wūxi ya yatū rū ngēma taxre i naxūne rū wūxitama i naxūne yīxū? Erū Tupanaārū ore i ūmatūxūwa rū űanagūrū:

“Ngēma taxre i naxūne rū wūxitama i naxūne tá nixī”, űanagūrū.

17 Natürü ngëxguma wüxi i duñxü rü tórü Cori ya Cristuaxü yaxõõxgu, rü ngëma naãe i ngëma duñxü rü Cristuãemaã wüxigutama narüxnüë.

18 Rü ngëmacëx name nixi na nüxü perüxoexü i pexeneärü ngüchañ na pexüñxü. Rü guxüma i togü i pecadu i wüxi i duñxü üñü rü tama naxüñexü nachixexëë. Natürü ngëma na nañ i ngemaã nangëãëxü rü ngëma waxi nixi i naxüñexü chixexëëxü.

19 ¿Tama ëxna nüxü pecuëx i pexene rü Tupanaãe i Üünexüpata na yixüñ? Rü pegu nixi i naxächüñxü i ngëma Naãe i Üünexü i Tupana pexna muxü. Rü ngëmacëx i pema rü tama pegüarü yoratama pixigü.

20 Erü Tupana rü marü pexcëx nataxe rü poraãcü nüxü petatanü. Rü ngëmacëx penaxwëxe i ngëma pexenemaã meã Tupanacëx pemaxë na ngëmaãcü namaã penataxëëxü ya Tupana.

7

Ucuxëgü i ãmëxchiga

1 Rü ñuxma rü tá pexü changãxü ga yema ãmëxchiga ga choxna naxcëx peçaxü ga perü poperawa. Rü narümemaë chi nixi i noxtacüma tama naxãmax ya yatü.

2 Natürü ngëma na naxüñeärü ngüchañ na naxügümarexü i duñxügü, rü narümemaë nixi i wüxichigü ya yatü rü na naxãmaxü, rü wüxichigü i nge rü na naxãtexü.

3 Rü yima yatü ya ãmacü rü taxucürüwama naxmëxna nügü ninuxü. Rü ngëma nge i ätecü rü taxucürüwama ngïtena ngigü iyanuxü.

4 Erü ngëma nge i ätecü rü tama ngigüñeärü yoratama iyixi, erü ngïte nixi ya ngixineärü yora ixicü. Rü ngëxgumarüñ ya ngïte rü tama nügüñeärü yora nixi, erü naxmëx iyixi i naxüñeärü yora ixicü.

5 Rü tama name i wüxi ya yatü rü namëxna nügü ninuxü, rü ëxna wüxi i ngecü rü ngïtena ngigü iyanuxü, ega tama nügümaã namexëëãgu na ñuxre i ngunexü tama nügümaã namaxëxü naxcëx na nayumüxëgüxü. Rü ngëmawena rü name nixi na wenaxärü noxrirüñ nügümaã namaxëxü na tama Chatanã nüxna ñnuxcëx na chixexügu nayixëëãxücëx.

6 Rü guxüma i ñaã ore i pemaã nüxü chixuxü i ãmëxchiga rü ätechiga rü tama wüxi i mu nixi i ngëma. Natürü pemaã nüxü chixumare na nüxü pecuáxücëx na namexü i ngëmaãcü na penaxüñxü.

7 Rü chomatama nagu charüñnü rü chierü name nixi ega choma chamaxüñrüñ namaxëgu i guxüma i duñxügü. Natürü Tupana rü wüxichigü i duñxüna nanaxã i nacüma na ñuxãcü namaxëxücëx rü ñuxãcü nagu naxñnuxücëx. Rü ngëmacëx tama guxãma tawüxigu.

8 Rü ngëma ngemëxgüñ rü ngetegüñ rü yutegüñ rü namaã nüxü chixu rü narümemaë nixi i chauxrüñ tama naxãmëx rü tama naxãte.

9 Natürü ngëxguma wüxi i duñxü taxucürüwa naxüñeärü ngüchañmaã naporagu, rü name nixi na naxãmaxü rü ëxna naxãtexü. Erü narümemaë nixi i noxtacüma naxãmëx rü ëxna naxãte na tama ngema norü ngüchañgagu düxwa chixexügu nanguxücëx.

10 Natürü yixema marü ãmaxë rü ätexe, rü tümamaã nüxü chixu na tama namexü na tümatexü na itatãxü. Rü ngëma mu rü tórü Coriarü mu nixi, rü tama choxrü nixi.

11 Natürü ngëxguma chi ngürüächi wüxi i ngeñü natexü itëxgu, rü name nixi i noxtacüma nangete rü ëxna wena natecëx nataegu. Rü ngëxgumarüñ ta ya yatü rü tama name i namëñü ñnatëx.

12 Rü ñuxma rü choxü nangëxma i wüxi i ore i tümacëx ya yixema ãmaxë ngïmaã i wüxi i nge i tama yaxõxcü. Rü ngëma ore rü choxrütama nixi rü tama tórü Coriarü nixi. Rü ngëxguma wüxi ya yatü ya õcü ngïmaã ãmaxgu i wüxi i nge i tama yaxõxcü, rü tama name i ngixü ñnatëx, ega ngïma rü aixcüma namaã naxãtechañgu.

13 Rü ngëxguma wüxi i nge i yaxõxcü ätegu namaã ya wüxi ya yatü ya tama yaxõcü, rü tama name i ñnatëx ya yima ngïte ega nüma ya yima yatü rü aixcüma ngïmaã naxãmëxchañgu.

14 Rü yima yatü ya tama yaxõcü, rü namëx i yaxõxcügagu Tupana nüxü nacuëx. Rü ngëma ngecü i tama yaxõxcü, rü ngïte ya yaxõcügagu Tupana ngixü nacuëx. Erü ngëxguma chi tama ngëmaãcü yixigü, rü chi ngëma naxãcügü rü duñxügü i tama yaxõgüñãcügürüñ tá nixigü. Natürü i ñuxma ya naxãcügü rü marü Tupana tüñü nacuëx.

15 Natürü ngëxguma yima yatü ya tama yaxõcü rü namëñü ñnatãxchañgu rü ñnoxtacüma ngixü ñnatã! Rü ngëxgumarüñ ega ngëma ngecü i tama yaxõcü rü ngïtexü ñnatãxchañgu, rü ñnoxtacüma ngïtexü ñnatã! Rü ngëxguma ya yima yatü ya yaxõcü rü marü name ega wena naxãmëxgu. Rü ngëma ngecü i yaxõcü rü marü name ega wena naxãtegu. Erü Tupana pexü nade na pegü pengechañgüñcëx.

16 Rü ngëmacëx, Pa Ngecü i Tupanaãxü Yaxõxcüx, rü ngëxguma cute i tama yaxõñxü cuxü itãxchañgu, namë nixi i tama cunachuxu, erü tama nüxü cucuëx ngoxi tá nüxü cuyaxõxëë i ngëma cute rü ëxna tama. Rü cumax, Pa Yatü ya Yaxõxcüx, rü ngëxguma cuxmëx i tama

yaxōxū cuxū ítáxchaŭgu, rü name nixī i tama cunachuxu, erü tama nüxū cucuèx ngoxi tá ngixū cuyaxōxēē i ngēma cuxmèx rü ěxna tama.

¹⁷ Rū ñuxma rü pemaã nüxū chixu rü nüma ga Tupana rü wüxichigü ga duüxēna nanaxã ga tumaãrū cuèx na tumaãrū maxūmaã itacuáxüçèx rü meã tanaxüçèx i ngēma puracü ga noxri tüxü yexmaxü ga tauta Tupana tümacèx caxgu. Rü ngēma nguxēētae nixī i namaã chanangüèèxü i guxüma i yaxōgüxü i wüxichigü ya tupaucawa ngēmagüxü.

¹⁸ Rü ngēxguma Tupana naxcèx caxgu i wüxi i duüxü i marü Yudiügürüü íwiechëxmüpëxechiraüxü, rü nüetama nixī ega ngēmaäcütama yixügu. Rü ngēxguma Tupana nayaxgu i wüxi i duüxü i tama íwiechëxmüpëxechiraüxü, rü nüetama nixī ega ngēmaäcütama yixügu.

¹⁹ Erü Tupanapëxewa rü nüetama nixī ega wüxi i duüxü rü ínawiechëxmüpëxechiraügu rü ěxna tama. Erü ngēma Tupana aixcüma naxwëxèxü nixī na naga naxínüxü i wüxichigü i duüxü.

²⁰ Rü wüxichigü i duüxü rü name nixī i nawatama napuracü ga yema puracü ga nüxü yexmaxü ga yexguma Tupana noxri naxcèx caxgu.

²¹ Rü yexguma wüxi ga coriarü duüxü quixiyane Tupana cuxcèx caxgu, rü tama name i ngēmacèx cuxoegaãē. Natürü ngēxguma cuxü natauxchagu na nüxna ícunguxuchixü i ngēma cori, rü marü name na ícunguxuchixü.

²² Rü cuma ga na cucoriãxyane cuxcèx naçaxü ga Tupana, rü name nixī i nüxna cucuèxächi na Cori ya Cristu pecaduwa cuxü ínguxuchixëèxü. Rü cuma ga na cungearü coriãxyane cuxcèx naçaxü ga Tupana, rü name nixī i nüxna cucuèxächi na tórü Cori ya Cristuarü duüxü quixü i ñuxma na nüxü cupuracüxüçèx.

²³ Tupana rü marü pexcèx nataxe rü poraäcü nüxü petatanü. ¡Rü ngēmacèx i ñuxma rü täütama naga pexínüē i ngēma duüxügü i wenaxärü ñoma i naãneärü chixexüwa pexü gagüchaüxü!

²⁴ Rü name nixī, Pa Chaueneëgüx, i wüxichigü i pema rü meã Tupanapëxewa penaxüama ga yema puracü ga noxri pexü yexmaxü ga yexguma Tupana pexcèx caxgu.

²⁵ Rü ñuxma rü tá pemaã nüxü chixu i nachiga i ngēma duüxügü i ngemëxgüxü rü ngetegüxü. Rü tórü Cori ya Ngechuchu rü taxuüma i mu choxna naxã i ngēmachiga. Natürü tá pemaã nüxü chixu i ñuxäcü nagu charüxínü i ngēmachiga. Rü ngēma chorü ore rü aixcüma nixī erü choma nixī i wüxi i duüxü ga nüxü changechaütümüüäcüma choxü nayaxuxü ga tórü Cori.

²⁶ Natürü ngēma ñuxma nüxü idauxü i guxchaxügügagu rü chauxcèx rü chi name i tama nixämèx i ngēma yatügü i ngemëxgüxü.

²⁷ Rü ngēxguma marü cuxãmëxgu rü tama name i ngixü ícutèx. Natürü ngēxguma cungemëxgu rü name i tama cuxãmëx.

²⁸ Natürü ngēxguma cuxãmëxgu rü tama pecadu nixī i ngēma. Rü ngēxguma wüxi i paxü äteru rü tama pecadu nixī i ngēma. Natürü ngēma ixãmëxgüxü rü ixätegüxü rü tá nayexera i norü guxchaxügü i ñoma i naãnewa, rü ngēma nixī i tama chanaxwëxèxü na nüxü nangupetüxü.

²⁹ Pa Chaueneëgüx, pemaã nüxü chixu rü tama muxü i ngunexü tüxü nangëxma na naxüçèx i Tupanaärü puracü. Rü ngēmacèx ya yixema ixãmëxgüxe rü name nixī i meã tanaxügü i Tupanaärü puracü ñoma tangemëxgüxürüü.

³⁰ Rü yixema ngexwaca yutanügüxe rü yixema peta ügüxe rü yixema itaxegüxe, rü tama name i ngēmacèx Tupanaärü puracü na ítangëxgüxü.

³¹ Rü yixema tüxü nangëxmaxë i tumaãrü ngëmaxüü i ñoma i naãnewa, rü tama name i ngēmacèx Tupanaärü puracü na ítangëxgüxü. Erü ñoma i naãne i ñuxma nüxü idauxü rü paxa tá naxgu.

³² Rü tama chanaxwëxe na íacücèx pexoegaãëgüxü. Rü ngēxguma wüxi i yatü ngemëxgu, rü Tupanaärü puracügu narüxínü rü nagu narüxínü na ñuxäcü Tupanaärü ngüchaü naxüxü.

³³⁻³⁴ Natürü ngēxguma naxãmëxgu ya wüxi ya yatü, rü ñoma i naãneärü ngëmaxügu narüxínü rü nagu narüxínü na ñuxäcü namëxü nataãèxëèxü. Rü ngēmaäcü muxügu narüxínü. Rü ngëxgumarüü ta nixī i ngexügü. Rü ngēma ngexü i ngetexü rü Tupanaärü puracügu narüxínü, erü marü Tupanana nügü naxã rü guxü i naxünamaã rü naãemaã naxcèx namaxü. Natürü ngēma ngexü i ätexü rü ñoma i naãneärü ngëmaxügu narüxínü, rü nagu narüxínü na ñuxäcü natexü nataãèxëèxü.

³⁵ Rü perü mexücèx nixī i pemaã nüxü chixuxü i ngēma, rü tama pexna na chanachuxüçèx nixī. Natürü ngēma ñacharügü na meã pemaxëçèx rü aixcüma penaxüçèx i tórü Coriarü puracü.

³⁶ Rü ngēxguma texé nagu rüxínügu na tümaxäcü rü marü na napaxü, rü tümacèx namëxgu na naxätexü, rü marü name i ngixü taxüte ega aixcüma tümacèx namëxgu. Rü ngēma na naxätexü i tümaxäcü rü tama pecadu nixī.

³⁷ Natürü ngëxguma wüxi i yatü nüxü nangëxmagu i norü pacü rü tama nanaxwëxegu na ngixü naxütexü, rü ngëma rü ta marü name. Erü naxmëxwa ingëxma rü taxucëxma texë tanachixewe na ngixü naxütexücëx.

³⁸ Rü ngëmawa nüxü tadau rü ngëma yatü i naxäcü ngixü ütëxü rü mexü naxü. Rü ngëma yatü i tama naxäcü ngixü ütëxü rü yexeraxü i mexü naxü.

³⁹ Rü wüxi i nge i ätecü rü ngitemëxëwa ingëxma i ngëxguma namaüxgu ya ngite. Natürü ngëxguma nayuxgu ya ngite, rü marü name ega to i yatü i ngëma ngixü ngüchaüxüdmaä naxätegu. Natürü inaxwëxe na wüxi ya yatü ya yaxöcümaä naxätexü.

⁴⁰ Natürü chauxcëx rü yexeraäcü chi itaäë i ngëxguma chi täü chima wena naxätegu. Rü ngëma ore rü choxrütama nixi, natürü nagu charüxünü rü Tupanaäë i Üünëxüärü İnu ta nixi.

8

Tupananetachicünëxägüna naxuaxügüxü ga ðnachiga

¹ Nüxma rü tá pemaä nüxü chixu i nachiga i ngëma ðnagü i ngëma duüxügü i tama Ngechuchuxü yaxögüxü norü tupananetachicünëxägüna uaxügüxü. Rü aixcüma nixi i wüxichigü i yixema i meäma nüxü icuáxü i ngëmachiga. Natürü ngëma nüxü na icuáxügagu rü ñuxguacü rü yigü namaä ticuëxüxü. Natürü ngëma na yigü ingechaüxü rü tüxü narüngüxëë na yexeraäcü meä yaxögüchigüxü.

² Rü ngëxguma chi texë nagu rüxünügu na tacüxü tacuáxü, rü name nixi i nüxna tacuëxächi na ngëxguma rü ta tama aixcüma nüxü tacuáxü i guxüma i ngëma cuëx i aixcüma ixixü.

³ Natürü ngëxguma texë aixcüma Tupanaxü ngechaügu, rü Tupana rü tüxü nacuëx ya yixema.

⁴ Rü ngëma na nangöxü i ngëma ðnagü i tupananetachicünëxägüna naxuaxügüxü i duüxügü, rü meäma nüxü tacuëx na taxuwama namëxü i ngëma tupananetachicünëxägü erü tama aixcüma Tupanaxüchi nixigü. Erü wüxixicatama nixi ya aixcüma Tupana ixicü, rü nataxuma ya nai.

⁵ Rü woo duüxügü nagu narüxünüë rü nangexma i muxüma i tupanagü i ñoma i naanewa rü dauüxügüxü i naanewa, natürü taxcëx rü tama ngemaäcü nixi.

⁶ Erü yixema nüxü tacuëx na wüxitama yixixü ya Tupana ya Tanatü ixicü. Rü nüma ya Tanatü nixi i naxüáxü i guxüma i tacü i ngëxmaxü, rü naxcëx nixi i imaxëxü i yixemax. Rü ngëxgumarüü ta nangëxma i wüxitama ya törü Cori ya Ngechuchu ya Cristu. Rü yimagagu nixi na nangëxmaxü i guxüma, rü yimagagu nixi i tüxü nangëxmaxü i maxü.

⁷ Natürü tama guxüma i yaxögüxü nüxü nacuëx na nangëxmaxü ya wüxitama ya Tupana rü wüxitama ya törü Cori. Rü ñuxre i nümagü ga üpa rü nüxü nayapue na nüxü yaxögüáxü i ngëma tupananetachicünëxägü, rü ñuxma rü ta tama aixcüma nüxü nacuëxgü i ngëma mexü i Tupana nüxü naxwëxëxü. Rü ngëmacëx nixi i ñuxma i nagu naxünüëxü na chixëxü naxügüxü i ngëxguma nangöxgüägü i ngëma naxünamachi i togü i duüxügü norü tupanetachicünëxägüna uaxügüxü na nüxü namaä yacuëxüügüxücëx.

⁸ Rü yixema nüxü tacuëx na tama tacü rü namachi na ingöxügü yixü na Tupana tüxü dexü. Rü täütäma yexera time i napëxewa ega nangöxgügu i ngëma namachi. Rü täütäma yexera tichixe i napëxewa ega tama nangöxgügu.

⁹ Natürü i pema i nüxü na pecuáxü na tama pecadu yixü na nangöxü i ngëma namachi, rü pexuäëgü erü ngürüächi ngëma na pengöxügügu chixëxügu tá penayixëë i ngëma peeneëgü i tauta aixcüma meä nüxü cuëxgüxü na tacü yixü i Tupana nüxü naxwëxëxü!

¹⁰ Erü cuma na meä Tupanaxü cucuáxü, rü ngëxguma chi cunangöxgu i ngëma namachi i ngextä tupananetachicünëxägüxü İyacuëxüügüxüwä, rü ngürüächi wüxi i cueneë i tauta meä Tupanaxü cuáxü tá cuxü nadau. Rü ngürüächi nüma rü tá ta nanangöx i ngëma namachi woo naäëwa nagu naxünügu na wüxi i chixëxü yixü na nangöxü i ngëma namachi.

¹¹ Rü ngëmaäcü i cuma na meä Tupanaxü cucuáxü, rü tá icuyanatauxëë i ngëma cueneë i Cristu naxcëx yuxü i tauta meä Tupanaxü cuáxü.

¹² Rü ngëmacëx i ngëxguma chixëxügu cunanguxëëxgu i ngëma cueneë i tauta meä Tupanaxü cuáxü, rü Cristumaä rü ta chixëxü cuxü.

¹³ Rü ngëmacëx i ngëxguma ngëma namachi i changöxügügu chixëxügu chananguxëëxgu i chaueneë, rü narümeaë nixi i noxtacüma taguma namachi changöx na tama pecadugu chananguxëëxücëx i ngëma chaueneë.

9

Yixema Cristu tüxü muxë na nüxü tapuracüxücëx, rü tüxna naxü i tümaärü natanü

¹ Rü pemaä nüxü chixu rü törü Coritama nixi ya choxü yaxucü rü choxü mucü na norü puracü chaxüxücëx, rü ngëmacëx taxuüma i duüxügümëxëwa changëxma i ñuxmax. Rü

chomatama chauxetūmaā tórū Cori ya Ngechuchuxū chadau, rū ngēma puracū i nūxū chaxūūgagu nixī i peyaxōgūxū i pemax.

² Rū woo togū i duūxūgū tama choxū cuēxgūchaūgu na tórū Cori choxū muxū, natūrū i pema rū meāma nūxū pecuēx na nūma yīxū ga choxū namuxū. Yerū chauxūtawa nixī ga tórū Coriaxū peyaxōgūxū, rū ngēmawa nūxū pecuēx na aixcūma yīxū na nūma choxū namuxū.

³⁻⁴ Rū ñāā nixī i chorū dexa i namaā chanangāxūxū i ngēma duūxūgū i chauchiga idexagūxū:

“¿Ēxna tama name na duūxūgū choxna naxāxū i chorū ōna rū chorū axexū naxcēx i chorū puracū?

⁵ ¿Ēxna tama inamexū ta na wūxi i ngexū i yaxōxūmaā na chaxāmaxū na chayagaxūcēx ngēxgumarūū na naxāmaxū i Pedru, rū naēneēgū ya tórū Cori, rū ngēma togū i yatūgū i Tupana imugūxū?

⁶ ¿Rū ēxna pema nagu perūxīnūēgu rū choma rū Bernabēxīcatama i tama namexū na toxū perūngūxēēgūxū ngēma togū i orearū uruūgūxū na perūngūxēēgūxūrūū?

⁷ ¿Tacū rū duūxū i churarawa ūxū i nūgūxūtamā naxūtanūxū i norū ōna? ¿Rū tacū rū duūxū i orix itoxū i tama namūxū i norū o? ¿Rū tacū rū duūxū i carnerugūna dauxū i tama nagūnenixū ne ixaxūxū?” Ngēma ñacharūgū nūxū i ngēma duūxūgū i chauchiga idexagūxū.

⁸ ¿Rū ñuxma rū tāūtāma nagu perūxīnūē na chorū orexīcatama yīxū i ñāā nūxū chixuxū! Erū Tupanaārū ore ga Moīché ūmatūxūwa rū ta ngēma ñanagūrū.

⁹ Erū ngēma ore rū ñanagūrū:

“¿Rū ngēma woca i aruchuarū putēxewa puracūxū, rū tāūtāma cunawēxna na tama yima aruchuwa nachibūxūcēx!”

ñanagūrū i ngēma ore. Rū nūxū tacuēx na tama wocagūgu naxīnūxū ga Tupana ga yexguma yema ñaxgu.

¹⁰ Natūrū pemaā nūxū chixu rū tagu nixī ga naxīnūxū ga yexguma yema ñaxgu ga Tupana. Rū tachiga nixī ga naxūmatūxū ga yema ore. Erū yīxema aruchunecū ūxe rū yīxema norū oarū puxwa puracūxe, rū ngēxguma tapuracūeyane rū tanaxwēxegū na ítananguxēēgūxū i ngēma norū o i tūxna ūxū.

¹¹ Rū toma rū wūxi ya nanetūchire ya itatoxūnerūū tixīgū ga yexguma pemaā nūxū tixuxgu ga Tupanaārū ore. ¿Rū ñuxma rū tama ēxna i pexcēx namexū na toxna penaxāxū i tacū i toxū taxuxū?

¹² Rū ngēxguma ngēma togū i orearū uruūgū petanūwa nayauxgūgu i ngēma nūxū taxuxū, rū maneca toma rū yexera name nixī i petanūwa tanayaxu i ngēma toxū taxuxū. Natūrū i toma rū tama ngēmaācū tanaxū. Erū toma rū guxū i guxchaxūmaā taporae na tama pexū tanaguxchaxēēxūcēx na Cristuaxū peyaxōgūxū.

¹³ Pema nūxū pecuēx rū guxūma i duūxūgū i tupauca ya taxūnēwa puracūexū, rū ngēma ōna ya yima tupaucawa ngēxmaxūtamā nangōxgū. Rū ngēma duūxūgū i tupacagu Tupanacēx naxūnagū dējxū, rū nanade i ñuxre i ngēma namachi norū ngōxruū.

¹⁴ Rū ngēxgumarūū ta ya yīxema nūxū ixugūxe i ore i tūxū maxēxēēxū, rū tórū Cori nūxū nixu rū name nixī i tanayauxtanū i ngēma tūmaarū puracū.

¹⁵ Natūrū i choma rū taguma ngēmaācū chanaxū. Rū ñuxma na pexcēx chanaxūmatūxū i ñāā popera, rū tama tacū choxna pexāxūcēx nixī. Erū ngēma na taguma texēxūtawa tacūcēx íchacaxū, rū wūxi i chorū taāē nixī. Rū narūmemaē chierū nixī na chayuxū naxūpa na texē choxna nayaxuxū i ñāā taāē i choxū ngēxmaxū.

¹⁶ Rū ñuxma na nūxū chixuxū i ngēma ore i tūxū maxēxēēxū, rū taguma ngēmacēx chaugū chicuēxūū. Erū woetama ngēma nixī i chorū puracū ga Tupana choxna āxū, rū ngēmacēx taxucūrūwama chanangexrū. Erū poraācū chi chachixexūgu i ngēxguma tāū chima nūxū chixuxgu.

¹⁷ Rū ngēxguma chi chaugagu chitama chanaxūxgu i ngēma puracū, rū nagu chi charūxīnū na choxū naxātanūxū. Natūrū ngēxguma Tupana choxū muxūācūma chanaxūxgu, rū chanaxūama erū woetama ngēma nixī i chorū puracū ga Tupana choxna āxū.

¹⁸ ¿Rū ñuxma rū tacū tá nixī i chorū natanū naxcēx i ngēma puracū i chaxūxū? Rū dūcax, rū chorū natanū nixī i ngēma taāē i chayaxuxū i ngēxguma ngetanūācūma nūxū chixuxgu i ngēma ore i tūxū maxēxēēxū. Rū ngēmaācū woo Tupanapēxewa name na petanūwa chanayaxuxū i chorū natanū na ngēmamaā chamaxūxūcēx, natūrū taguma texena naxcēx chaca..

¹⁹ Rū woo taxūxemēxēwa changēxma i chomax, natūrū guxāmēxēwa chaugū changēxmaxēē, na ngēmaācū yexeraācū muxūma i duūxūgū ūxū charūngūxēēxūcēx na Cristuaxū yaxōgūāxūcēx.

20 Rū ngēxguma chautanūxū i Yudiūgūtanūwa changēxmagu, rū namaā chaugū chawūxiguēē na ngēmaācū nūxū charūngūxēēxūcēx na Cristuaxū yaxōgūāxūcēx. Rū woo tama yema Moīché ūmatūxū ga mugūtūūwa changēxmagu, natūrū chayanguxēēāma i ngēma mugū na ngēmaācū Cristuxūtawa chanagagūxū i ngēma duūxūgū i űuxma rū ta nagu īxū i ngēma mugū ga Moīché ūmatūxū.

21 Rū ngēxguma natanūwa changēxmagu i ngēma duūxūgū i tama Yudiūgū ixīgūxū, rū ngēma duūxūgūmaā chaugū chawūxiguxēē na ngēmaācū nūxū charūngūxēēxūcēx na Cristuaxū yaxōgūāxūcēx. Natūrū taguma īchanangēx i Tupanaārū mugū erū guxūguma Cristuarū mugūtūūwa changēxma.

22 Rū ngēxguma natanūwa changēxmagu i ngēma duūxūgū i tama poraācū Cristuchigaxū cuēxgūxū, rū choma rū ta ngēma duūxūgūmaā chaugū chawūxiguxēē, na ngēmaācū nūxū charūngūxēēxūcēx na Cristuaxū yaxōgūāxūcēx. Rū ngēmaācū guxūma i duūxūgūrūū chaugū chixīxēē, rū nagūxūraūācūma naxcēx chadau na ngēmaācū dūxwa Tupanaxūtawa chanagagūxūcēx i űuxre i nūmagū.

23 Rū ngēmaācū nixī i chapuracūxū na guxūwama nanguxūcēx i ngēma ore i tūxū maxēxēēxū. Erū chanaxwēxe na choma rū ta choxū nangēxmaxū i ngēma maxū i taguma gūxū, naxrūū i guxūma i ngēma duūxūgū i nūxū yaxōgūxū.

24 Pema rū meāma nūxū pecuēx i wūxi i inūca i nawa īñaāchixū rū muxūma inaxūāchi, natūrū wūxixicatama nixī i ngēma nūxīra īnguxū rū nayaxuxū i norū āmare. Rū name nixī i pegūna pedau na Tupana pexna naxāxūcēx i ngēma perū āmare.

25 Guxūma i ngēma duūxūgū i nūgū ngūxēēxū naxcēx i wūxi i inūca na togegūxū naporamaexūcēx, rū meā nūgūna nadaugū na ngēmaācū nayauxgūāxūcēx i norū āmare i paxaāchirūū ixīxū. Natūrū yixema na yaxōgūxū rū yigūna tadaugū na meā naxūgūxūcēx rū meā imaxēxūcēx na nayauxgūxūcēx i tōrū āmare i taguma gūxū.

26 Rū ngēmacēx i choma rū tama űoma chauechitamare chīñaxūrūū chixī, rū tama űoma űacu i nūgū dējxū i ngūrūanegumare idagūxūrūū chixī.

27 Rū ngēmacēx meā chaugūmaā ichacuēx na taxūma i chaxuneārū ngūchaū chaxūxūcēx. Erū tama chanaxwēxe i mexūmaā togūxū changuxēēchirēxācūma chixexū chaxū rū ngemagagu tama chanayaxu i chorū āmare.

10

Nayaxucūxēgū na tama nūxū yacuēxūlīgūxūcēx i tupananetachicūnēxāgū

1 Pa Chaueneēgūx, chanaxwēxe i nūxna pecuēxāchie ga űacu nūxū na ngupetūxū ga yema nuxcūmaīgūxū ga tōrū ōxīgū ga Moīchéwe rūxīxū. Rū pema nūxū pecuēx rū yexguma nawe naxīxū rū wūxi ga caixanexū napēxegu nixū rū nayadūxū. Rū guxūma ga yema duūxūgū rū wūxigu Moīchémaā natūūgu nixīxūtanū. Rū yexgumarūū ta Moīchémaā nawa nichoū ga yema Taxtū ga Dauchiūxū.

2 Rū guxūma ga yema duūxūgū rū yexguma wūxigu Moīchémaā yema caixanexūpēchitatūūgu yaxīxūtanūgu rū yema Taxtū ga Dauchiūxūwa yachoūgu, rū yemaācū nūgū nangoxēēgū na Moīchéwema naxīxū.

3 Rū yexgumarūū ta ga guxūma ga yema duūxūgū nanangōxgū ga yema pāū ga daxūwa rūyixū.

4 Rū guxūma ga yema duūxūgū nayaxaxgū ga yema dexá ga Cristu nūxna āxū. Yerū Cristu rū yema duūxūgūxū īnixūmūcū ga yema inaxīxūwa, rū nūxna nanaxā ga yema dexá ga yaxaxgūxū.

5 Natūrū narūmumaē ga yema duūxūgū ga tama Tupanaārū ngūchaū ūgūxū. Rū yemacēx ga yema duūxūgū rū yexma nayue rū yēma nawogū ga naxūnegū ga dauxchitawa ga taxūema īxāpataxūwa.

6 Rū guxūma ga yema nangupetū na tōrū cuēxruū yīxūcē rū tama tōrū ōxīgūrūxū chixexūcēxama idagūxūcēx.

7 Rū ngēmacēx tama name i nūxū picuēxūūgū i űacu rū tupananetachicūnēxāgū, yexgumarūū ga űuxre ga nūmagū naxūgūxūrūū. Erū Tupanaārū ore i ūmatūxūwa rū tōrū ōxīgūchigaxū nixu rū űnanagūrū:

“Rū duūxūgū īnarūtogū na nachibūxūcēx rū na naxaxegūxūcēx, rū ngēmawena rū inachigū na īyayūxēxūcēx”,

űnanagūrū i ngēma ore.

8 Rū tama name i yixema rū naī i ngēmaā itape yexgumarūū ga űuxre ga nūmagū naxūgūxūrūū. Rū yemacēx wūxītama ga ngunexūgu rū nayue ga 23,000.

9 Rū tama name i nūxū taxū ya tōrū Cori na űuxācū yaxna tamaā naxīnūxū yexgumarūū ga űuxre ga nūmagū naxūgūxūrūū. Rū yemacēx nixī ga yema duūxūgūxū nangōxcuxū ga āxtapegū rū nayuexū.

10 Rũ tama name i chixexũ Tupanamaã pixugũ yema ñuxre ga nuxcũmaũgũxũ ga tórũ oxigũrũũ. Rũ yemacẽx ga Tupanaãrũ orearũ ngerũũ ga daxũcũãx rũ nanadai.

11 Rũ guxũma ga yema nuxcũmaxũgũxũ ga duũxũgũxũ ngupetũxũ, rũ ñomaxũcũũ rũ tórũ cuẽxruũ nixĩ. Rũ naxũmatũ na ngẽmawa nũxũ icuáxũcẽx na ñuxãcũ Tupana naxwẽxexũ na imaxẽxũ i yixema i ñomaũcũũ.

12 Rũ ngẽmacẽx ya yixema tũgũgu rũxĩnũxẽ na taporaxũ i Tupanapẽxewa, rũ name nixĩ na meã tũgũna tadauxũ na tama chixexũgu tanguxũcẽx.

13 Rũ ñuxma rũ ta taguma pexcẽx ñangu i ngũchaxũ i chixexũ i taxucũrũwama namaã yaxna pexĩnũexũ. Rũ name nixĩ i Tupanana perũyoũ erũ nũma rũ aixcũma nayanguxẽẽ i ngema tamaã inaxunetaxũ rũ taxũtãma nawa pexũ nawogũ i ngũchaxũgũ i taxucũrũwama yaxna namaã pexĩnũexũ. Natũrũ ngexguma tá ngũchaxũgũ i chixexũ pexcẽx ñnguxgu rũ nũma rũ tá pexũ ñnapoxũ na tama nagu peyixũcẽx.

14 Rũ ngẽmacẽx, Pa Chaueneẽgũ ya Pexũ Changechaũgũxex, jrũ nũxũ perũxoe i ngema nacũmagũ i tupananetachicũnẽxãgũcẽx naxũgũxũ i ngema duũxũgũ i tama yaxõgũxũ!

15 Pemaã nũxũ chixu i ngẽma ore, erũ chauxcẽx rũ duũxũgũ i nũxũ cuáxũ pixĩgũ. Rũ pema tátama nagu perũxĩnũẽ i ngẽma pemaã nũxũ chixuxũ.

16 Rũ ngẽxguma õna i uũnẽxũcẽx ingutaquẽxegũgu, rũ yaxaxgũgu ya yima binu ya uũnecũ rũ moxẽ naxcẽx ixãgũgu, rũ ngẽmaãcũ yigũ tangõxẽẽ na Cristu ya taxcẽx nagũ ibacũwe rũxĩxũ. Rũ ngẽxguma nangõxgũgu i ngẽma pãũ i ibũcuxũ, rũ ngẽmaãcũ yigũ tangõxẽẽ na Cristu ya taxcẽx naxũne ixãcũwe rũxĩxũ.

17 Rũ woo na imuxũ i yixema, natũrũ wũxitama i pãũ tangõxgũ. Rũ ngẽmaãcũ nixĩ i wũxitama ixĩgũxũ erũ wũxwetama tarũxĩ.

18 jrũ dũcax i ngẽma Yudĩugũ i nangõxgũxũ i ngẽma naxũnamachi i Tupanacẽx nadẽixũ! Rũ ngẽxguma wũxigu nũgũmaã nangõxgũãgu, rũ guxũma i ngẽma nangõxgũxũ rũ ngẽmaãcũ nũgũ nangõxẽẽ na wũxigu Tupanawe naxĩxũ.

19 Rũ ñuxma na ngẽma ñachaxũ, rũ tama chanaxwẽxe i nagu perũxĩnũẽ na naxũnũexũ i ngẽma namachi i ngẽma duũxũgũ i tama yaxõgũxũ norũ tupananetachicũnẽxãcẽx dẽixũ. Rũ tama chanaxwẽxe i nagu perũxĩnũẽ na ñacũwa namexũ i ngẽma norũ tupananetachicũnẽxãgũ, erũ nangearũ maxũãx.

20 Natũrũ pemaã nũxũ chixu rũ ngẽxguma ngẽma duũxũgũ i tama Tupanaxũ cuẽxgũxũ, norũ tupananetachicũnẽxãcẽx nadaiãgu i ñacũ rũ naxũna, rũ tama Tupanacẽx nixĩ i nadaiãxũ, natũrũ ngoxogũcẽx nixĩ i nadaiãxũ. Rũ tama chanaxwẽxe i ngoxogũtanũxũxũ pegũ pixĩgũxẽẽ.

21 Rũ pema na peyaxgũxũ ya yima binu ya tórũ Corixũ namaã picuẽxũũgũcũ rũ taxucũrũwama namaã pexãmũcũ i ngẽma duũxũgũ i Chatanãwe rũxĩxũ. Rũ pema na tórũ Coriarũ mechawa penangõxũ i ngẽma õna i nũxũ namaã picuẽxũũgũxũ rũ taxucũrũwama ngẽma duũxũgũ i Chatanãwe rũxĩxũãrũ mechawa peyachibũe.

22 ¿Rũ ñuxũ ñapegũxũ i ñuxmax? ¿Xẽna penanuxẽẽchaũ ya tórũ Cori? ¿Xẽna pexcẽx rũ nũxũ tarũporamaẽgũ i yixemax?

Name nixĩ i taeneãrũ mexũc ẽx tadaugũ rũ tama i tóxrũtama

23 Pema rũ ñaperũgũgũ:

“Marũ name na tanaxũxũ i ñacũ i tanaxwẽxegũxũ”, ñaperũgũgũ. Rũ aixcũma nixĩ i ngẽma, natũrũ tama tũxũ name i guxũma i ngẽma ixũxchaũxũ. Rũ ngẽmaãcũ Cristu tũxũ ñanguxũxẽẽ na naxũxũcẽx i ngẽma inaxwẽxexũ, natũrũ tama guxũma i ngẽma ixũxũ tũxũ narũngũxẽẽ na yexeraãcũ meã yaxõgũtamachigũxũcẽx.

24 Rũ tama name nixĩ i tóxrũtama mexũcẽx tadaugũ, natũrũ name nixĩ i togũarũ mexũcẽx tadaugũ.

25 Rũ marũ name i penangõx i nagũxũraũxũ i namachi i namaã nataxegũxũ, natũrũ taxucẽxma tũxcũũ naxcẽx ípeca ngoxi marũ tupananetagũxũ namaã yacuẽxũxũgũxũ i namachi yixĩ.

26 Erũ ñoma i naãne rũ guxũma i nawa ngẽxmaxũ, rũ tórũ Cori ya Tupanaarũ nixĩ.

27 Rũ ngẽxguma chi wũxi i duũxũ i tama yaxõxũ pexna uxgu na naxũtawa peyachibũexũcẽx, rũ chi ngema pexĩxgu, rũ marũ name i penangõx i guxũma i õna i pepẽxegu yaxũxũchixũ. Rũ taxucẽxma tũxcũũ naxcẽx pexoegaãẽ rũ nũxna peca na ngextã ne naxũxũ i ngẽma namachi i pemaã nangõxũ.

28 Natũrũ ngũrũãchi wũxie tá pemaã nũxũ tixu rũ ñatarũgũ:

“Ñãã namachi rũ tupananetachicũnẽxãcẽx yamẽxgũxũ i naxũnawa ne uũxũ nixĩ”, ñatarũgũ. Rũ ngẽxguma i pema rũ tama name na penangõxũ i ngẽma namachi na tama chixexũgu tũxũ penguxẽẽxũcẽx ya yixema pemaã nũxũ ixuxe, rũ tama ngẽmacẽx taxoe-gaãẽxũcẽx i tũmax.

29 Rũ tama pexhiga nixĩ i chidexaxũ i ngẽxguma:

“Na tama taxoeaãêxúcêx”, ñachagu. Natürü yíxema pemaã nüxü ixuxechiga nixi i chidexaxü. Natürü bexmama ngürüachi wüxi i yaxõxü tá cuxna naca rü ñanagürü tá cuxü: “¿Tüxcüü i togü naxcêx oegaãêxügagu choxna cunachuxu na tama chanaxüxü i ñacü i chanaxwêxêxü?”

³⁰ Rü ngêxguma chi Tupanama moxê chaxãxgu naxcêx i ngêma ðna i changõxü, ¿rü tüxcüü i ngêma ðnacêx choxü quixu?” ñanagürü.

³¹ Dücêx, pemaã nüxü chixu rü name nixi i guxüma i ngêma pexüxümaã Tupanaxü picüxüxüügü. Rü ngexguma ñacü pengoxgügu rü exna ñacü pixaxgügu rü êxna ñacü i to pexügügu, rü name nixi i ngêmamaã Tupanaxü picüxüxüügü.

³² Rü tama name i penaxü i ñacü i togüxü chixexügu yixêxü, rü woo Yudüügü yixigügu rü êxna tama Yudüügü yixigügu, rü êxna yaxõgüxü yixigügu.

³³ Rü choma rü guxüwama guxüxüma chataãêxêchaxü. Rü ngemacêx tama chanaxü i ngema chomatama namaã chataãêxêxü, natürü chanaxü i ngema togü namaã taãêxêxü na ngemaãcü nümagü rü ta nüxü nangüchaxü na yaxõgüãxü rü nayauxgüãxü i maxü i taguma güxü.

11

¹ Rü name nixi i nagu pexi i chaucüma ngêxgumarüü i choma na Cristucümagu chixüxüürüü.

Name nixi i ngexüügü rü mexü i nacümagu naxi

² Pa Chaueneëgüx, pemaã chataãê erü guxüguma chaugu perüxünüê rü nagu pexi ga yema nguxêetae ga pexü changüxêêxü.

³ Natürü chanaxwêxe i nüxü pecuêx na Cristu rü wüxichigü i yatüeru na yíixü. Rü yatüxüügü rü naxmêxêru nixigü ngêxgumarüü ya Tupana rü Cristueru na yíixü.

⁴ Rü ngêmacêx i ngêxguma wüxi ya yatü ngutaquêxewa yumüxêgu rü êxna Tupanaärü orexü yaxuxgu, rü tama ñangêxüchopatêxegu, rü ngêma rü wüxi i chixexü nixi i Cristupêxewa naxüxü.

⁵ Natürü ngêxguma chi wüxi i ngecü ngutaquêxewa yumüxêgu rü êxna Tupanaärü orexü yaxuxgu, rü chi tama ngigü natüeru, rü ngêma rü wüxi i chixexü nixi i ngêtepêxewa naxüxü. Rü ñoma ngigü yadüeruxüürüü iyixi.

⁶ Erü ngêxguma chi tama ngigü natüeruchaügu, rü narümemaê nixi i noxtacüma ngigü ibêxeru. Natürü ngêxguma chi wüxi i ngürü ñne yixigu i ngêma na ngigü nabêxeruxü rü êxna ngigü yadüeruxü, rü narümemaê nixi i ngigü itüeru.

⁷ Natürü yatügü rü tama name na nügü natüerugüxü. Yerü ga Tupana rü nügüraüäcü nanaxü ga yatü rü Tupanachipeta nixi. Rü yima yatüwa nixi i nangõxü na ñuxãcü namexêchixü ya Tupana. Rü ngêma ngecüwa nixi i nangõxü na ñuxãcü namexü ya yatü.

⁸ Yerü yexguma noxri Tupana naxüxgu ga yatü, rü tama ngecüwa nixi ga naxüãxü. Rü ngüma waxi nixi ga yatüwa ngixü naxüxü.

⁹ Rü yatücêx nixi ga Tupana ngixü üxü ga ngecü, rü tama ngecüçêx nixi ga Tupana naxüxü ga yatü.

¹⁰ Rü ngêmacêx name nixi i ngigü itüeru na duüxügüpêxewa rü Tupanaärü orearü ngerüügü i daxüçüãxgüpêxewa nangõxücêx na ngitemêxêwa nangêxmaxü.

¹¹ Natürü Tupanapêxewa rü taxüüma nixi ya yatü ega natauxgu i ngecü. Rü ngêxgumarüü ta i ngecü rü taxüüma iyixi ega natauxguma ya yatü.

¹² Yerü yexguma noxri Tupana ngixü üxgu ga ngecü, rü yatüwa nixi ga ngixü naxüxü. Rü ngêxgumarüü ta ya yatü rü ngecüwa nixi i nabuxü. Natürü Tupana nixi ya naxücü i guxüma i duüxügü.

¹³ Rü pematama tá penangugü rü ngoxi name na wüxi i ngecü rü tama ngigü natüeruãcüma nayumüxêxü.

¹⁴ Rü woetama törü bucüma nixi i nüxü na icuãxü na wüxi i ñne yíixü na nügü namêxyaexêxü i wüxi i yatüxü.

¹⁵ Natürü ngecüçêx rü wüxi i mexêchixü nixi na namêxyaexü. Erü Tupana rü ngixna nanaxã i ngiyae na ngêmamaã ngigü natüeruxüçêx.

¹⁶ Natürü ngêxguma chi texê ngêmachiga tügü choxügagügu, rü name nixi i nüxü tacüxê na ngêmatama yíixü i tacüma rü nacüma i guxüma i yaxõgüxü i guxünema ya tupaucagüwa.

Duüxügü rü chixri namaã inacüexgü ga Coriarü ðna i iünexü

¹⁷ Rü ñuxma i ñaã popera i pexcêx chaxümatüxüwa rü pemaã nüxü chixu rü nangêxma i wüxi i pecüma i chixexü i tama namaã chataãêxü. Erü chauxcêx i ngêma perü ngutaquêxegu rü pexü nachixexê, rü tama aixcüma perü merüügü nixi.

¹⁸ Erü duüxügü chomaã nüxü nixugügu rü ngêxguma törü Coricêx pengutaquêxegüxgu rü pegü pitoye. Rü ngãxügu chayaxõ na aixcüma yíixü i ngêma nüxü yaxügüxü.

¹⁹ Choma rü nüxđ chacuèx na aixcūma woe tátama yīxđ i pegü pitoyexđ na ngēmawa nüxđ icuáxđcèx na texégü tīxđ ya yīxema aixcūma Cristuarü duñxđgü ixīgūxe.

²⁰ Rū ngēma pegü na pitoyexđgagu nixđ na tama aixcūma tórü Corixđ picuèxüñgüãcūma yīxđ i penangōxđ i tórü Coriarü ðna i Üünexđ i ngēxguma pengutaquèxegüñxgu.

²¹ Erü ngēxguma penangōxgu i ngēma ðna i Üünexđ rü wüxichigü rü peñuxãégü na pexira na penayaxuxđcèx i ngēma ðna. Rü yoxni i ngēma togü rü ngēxma nataiyae, rü togü rü nayaxagü ya binu ñuxmata nangãxè.

²² ¿Éxna pengechiüğü ecèx tama ngema pechibüexđ rü pexaxegüñxđ? ¿Tūxçüñxđ nüxü pexoe i ngēma togü i yaxōgüñxđ rü penaxãneèxèè i ngēma yaxōgüñxđ i ngearü ngēmáxđñxgüñxđ? ¿Rü ñacüñxđ tá pemaã chixu i ñuxmax? ¿Pexcèx rü tá pemaã chataãèñxđ? Dücèx, pemaã nüxđ chixu rü tama pemaã chataãè naxcèx i ngēma pexüğüñxđ.

Tórü Coriarü ðna i üünexđchiga

²³ Rü ngema nguxètae i pemaã nüxđ chixuxđ rü tórü Corixđtawatama chanayaxu. Rü yexguma tórü Cori ga Ngechuchuxđ inaxuaxđgu, rü yematama chütaxđgu rü nūma rü nanayaxu ga wüxi ga pãu.

²⁴ Rü Tupanana moxè naxã, rü yemawena rü inanabücu, rü ñanagürü:

“Ñãã nixđ i chaxune i pexcèx ichaxãxđchiga. ¡Rü penangō i ñãã pãu na ngēmaãcü peãewa choxna pecuèxãchieñxđcèxi!” ñanagürü.

²⁵ Rü yexgumarüñxđ ta ga chibüwena rü Ngechuchu nanayaxu ga wüxi ga pochiyu ga binuchiümaã ãacuxđ, rü ñanagürü:

“Rü daa binu rü wüxi i cuèxruñxđ nixđ na ngexwacèx Tupana duñxđgümaã ixunetaxđ i maxđ i taguma gúxđchiga. Rü chaugü ya pexcèx ibacümaã nixđ i Tupana pexđ nüxđ cuèxèèñxđ i ngēmachiga. Rü ngēxguma ñuxguacü daa binu pixaxgügu rü ñuxma choma na chanaxüñxđrüñxđ tá penaxü na peãewa choxna pecuèxãchieñxđcèxi”, ñanagürü ga Ngechuchu.

²⁶ Rü guñxguma i ngēxguma penangōxgu i ñãã pãu rü peyaxaxgügu ya daa binu rü ngēmawa tá duñxđgüñxđ nüxđ picuèxèè na ñuxãcü tórü pecaducèx nayuxđ ga tórü Cori. Rü ngēmaãcü tá penaxü ñuxmatáta wena nataegu i nūmax.

Texegüçèx nixđ i tórü Coriarü ðna i üünexđ

²⁷ Natürü ngēxguma chi texe tama tügü tamexèèarü maxđñãcūma nangōxgu i Coriarü pãu i üünexđ rü tayaxaxüxgu ya yima binu ya üünecü, rü pecadu taxü napewa ya tórü Cori ya taxcèx yucü rü nagü ibacü.

²⁸ Rü ngēmáçèx naxüpa na tanangōxđ i ngēma pãu rü na tayaxaxüñxđ ya yima binu, rü name nixđ i wüxichigü meã tūmaarü maxđgu tarüñxñu ngoxi nataxuma i ñacü rü chixexđ i tūmaarü maxđwa.

²⁹ Erü ngēxguma tama tügü tamaxèèarü maxđñãcūma tanangōxgu rü tayaxaxüxgu, rü tügütama poxcuwa taga. Erü tama aixcūma tayaxō na tórü Corichiga yixixđ i ngema pãu rü yima binu..

³⁰ Rü ngēmáçèx nixđ i muxüchixe i petanüwa rü piđaaaweexđ rü peturaexđ, rü ñuxre i togü rü marü nayuexđ.

³¹ Natürü ngēxguma chi tórütama maxđgu rüñxñüegu naxüpa na nangōxđ i ngēma Coriarü ðna, rü nūma rü taxucèx tūñx napoxcue.

³² Natürü ngēxguma tórü Cori ñoma i tórü maxđwa tūñx poxcugu, rü ngēmaãcü tūñx inayarüwèxãchieñxđ na tama yixcūra naãneãrü guxgu tūñx napoxcuxđcèx wüxigu namaã i ngēma duñxđgü i tama yaxōgüñxđ.

³³ Rü ngēmáçèx, Pa Chaueneègüx, ngēxguma pengutaquèxegügu na penangōxđcèx i ngēma ðna i üünexđ, name nixđ i pegü ipenanguxèè na guãama wüxigu meã penangōxđcèx.

³⁴ Rü ngēxguma chi texè taiyèxgu, rü name nixđ i tūmapatawatama tachibü na tama Tupana pexđ poxcuèñxđcèx naxcèx na chixexđ pexüexđ i perü ngutaquèxegüwa. Rü ngēma to i guxchaxđgü i pexđ ngēxmaxđ, rü choma tá chanamexèè i ngēxguma petanüwa chaxüxgu.

12

Ngēma cuèx i Tupanaãè i Üünexđ tūxna ãxüchiga

¹ Pa Chaueneègüx, chanaxwèxe i nüxđ pecuèx na ñuxãcü yīxđ i ngēma cuèx rü ñuxacü na yixixđ i ngema tauxcha i Tupanaãè i Üünexđ tūxna ãxđ. Rü ngēmachiga nixđ i pemaã nüxđ chixuxchaxđñxđ i ñuxmax.

² Rü pema meãma nüxđ pecuèx ga yexguma tauta Cristuaxđ peyaxōgügu, rü pegü nüxna pexãgü ga tupanantachicünèxãgü ga tama idexaxđ.

³ Rü ngēmáçèx i ñuxma rü chanaxwèxe i meã nüxđ pecuèx rü taxucürüwama texe ya Tupanaãè i Üünexđ tūmawa ngexmaxe rü chixri Ngechuchuchuga tidexa. Rü ngexgumarüñxđ ta rü taxucürüwama texe ngürümare tüechama rü:

“Ngechuchu rü törü Cori nixī”, ñatarügü ega tama Tupanaaē i Üünexü tüxü muxgu na ngēmaācü tidexaxüçex.

⁴ Rü nüma ya Tupana rü duüxügüna nanaxā i naguxüraü i tauchagü. Natürü ngema Naāxē i Üünexü i nawa ne naxixü i ngema tauchagü rü wüxitama nixī.

⁵ Nangēxma i nagüxüraüxü i Tupanaarü puracü, natürü yima törü Cori ya tüxna naxācü i ngema puracügü rü wüxitama nixī..

⁶ Rü Tupanaarü pora rü nagüxüraüäcü nangox. Natürü wüxitama nixī ya yima Tanatü ya tawa gúxüraüäcü nangoxēcü i ngema norü puracü.

⁷ Rü ngema Naāē i Üünexü wüxixewachigü nanangoxēē i Tupanaarü pora i norü duüxügütanüwa na ngemaācü guxāarü ngüxēeruü yixixüçex.

⁸ Rü Naāē i Üünexü rü tümáxena rü nanaxā i tauxcha na ucüxü tacuáxüçex. Rü ngēmatama Naāē i Üünexü rü togueāxü rü nanatauxchaxēē na nüxü tacuáxü na mea tangüxēētaexü i Tupanaarü ore.

⁹ Rü togue rü ngēmatama Naāē i Üünexü tüxü nanatauxchaxēē na Tupana tarüyoexüçex. Rü togue rü tüxna nanaxā i pora na ngēmamaā naxçex tayataanegüxēxüçex i ngēma idaaweexü.

¹⁰ Rü togue rü tüxna nanaxā i pora na tanaxüxüçex i mexügü i Tupanaarü poramaā üxü. Rü togue rü tüxü nanatauxchaxēē na nüxü tixuxüçex i Tupanaarü ore. Rü togue rü tüxna nanaxā i cuèx na nüxü tacuáxüçex i ñacü yixü i ngoxogüarü ixixü rü ñacü yixü i Tupanaaē i Üünexüarü ixixü. Rü togue rü tüxna nanaxā i tauxcha na ngēma tama nüxü tacuáxü i nagawa tidexaxüçex. Rü togue rü tüxna nanaxā i cuèx na tanangoxēēxüçex na ñacüchiga yixü na tidexaxü ya yixema to i nagawa idexáxe.

¹¹ Rü guxüma i ngēma rü Tupanaaē i Üünexütama nixī i naxixü. Rü nüma nixī i wüxichigü i duüxüna naxāxü i ngēma cuèx i nüma nanaxwèxexü na nüxna naxāxü.

Guxāma i yaxögüxü rü wüxitama i naxünewa naxügü

¹² Rü duüxüxüne rü woo muxügu nixüye, natürü wüxitama i naxüne nixī. Rü ngexgumarüxü ta i ngema Cristuāxü yaxögüxü rü woo namu, natürü wüxitama i naxünewa naxügü.

¹³ Rü yexguma fibaiügu rü Tupanaaē i Üünexü rü wüxitama i naxüne tüxü nixügüxēē. Rü woo Yudiügu na ixügüxü, rü èxna tama Yudiügu na ixügüxü, rü woo togümèxewa ingexmagüxü rü èxna taxüxemèxewa ingèxmagüxü, natürü wüxitama i naxüne tüxü nixügüxēē i nüma i Naāē i Üünexü i nüxicatama ixixü. Rü guxāma i yixema rü marü tüxna nangu i ngēma Naāē i Üünexü.

¹⁴ Wüxi i naxüne rü tama naxāmenāxamare, natürü muxügu nixüye.

¹⁵ Rü ngèxguma chi yima nacutü ñaxgu:

“Rü ñuxma na tama naxmèx chiixü, rü ngēmacèx tama ngēma naxünewa changèxma”, ñaxgu, rü tama ngēmacèx nüxü narüxo na ngema naxünewa nangexmaxü.

¹⁶ Rü ngèxguma chi yima naxpaxchinü ñaxgu:

“Rü ñuxma na tama naxëtü chiixü, rü ngēmacèx tama naxünewa changèxma”, ñaxgu, rü tama ngēmacèx nüxü narüxo na ngema naxünewa nangexmaxü.

¹⁷ Rü ngèxguma chi guxüma i naxüne rü naxëtü yixügu, çü rü ñacümaā chi i nüxü naxinüxü i ngema naxüne? Rü ngèxguma chi guxüma i naxüne rü naxmachixè yixügu, çü rü ñacümaā chi i nüxü nawāxixü?

¹⁸ Natürü Tupana ga naxücü ga taxüne, rü ngexta nüma ínanaxwèxexüwa nanangexmaxēē i taeru rü tachacügü rü taparagü.

¹⁹ Rü ngèxguma chi nataxüxgu i norü üyechigü i taxüne rü chi naxāmenèxāmare.

²⁰ Rü ngema naxüne rü woo muxügu nixüye, natürü wüxitama i naxüne nixī.

²¹ Rü taxetü rü taxucürüwa taxmèxü ñanagürü:

“Choma rü tama chacuxwèxe”, ñanagürü. Rü ngèxgumarüxü ta i taeru rü taxucürüwa tacutügüxü ñanagürü:

“Choma rü tama chapexwèxe”, ñanagürü.

²² Natürü ngēma yexeraäcü äücümáxü i taxünewa, rü ngēma nixī i yexera nanaxwèxexü i taxüne.

²³ Rü ngēma taxünewa yexeraäcü naxçex ixānexü, rü ngēma nixī i yexera meā ixüxchiruxü. Rü ngēma taxünewa ngèxmaxü i tama inaxwèxexü na nangóxü, rü ngēma nixī i yexera meā idüxüxü.

²⁴ Natürü tama ngēmaäcü tanaxü namaā i ngēma taxünewa ngèxmaxü i guxāxüma iwéxü. Rü ngēmaäcü Tupana nanaxü i taxüne, na yexeraäcü nüxna idauxüçex i ngēma yexera naxçex ixānexü.

²⁵ Rū ngēmaācū Tupana nanaxū i taxūne na wūxichigū i norū ūye nūgūgu naxīnūxūcèx rū nūgū nangūxēēgūxūcèx.

²⁶ Rū ngēxguma chi wūxi i ngēma taxūnearū ūye nūxū nguxgux, rū guxūma i ngēma togū i natanūxūgū rū ta nūxū nangux. Rū ngēxguma chi wūxi i ngēma taxūnearū ūye taāēxu, rū guxūma i ngēma togū i natanūxūgū rū ta nataāēgū.

²⁷ Rū űuxma i wūxichigū i pema rū Cristuxūnearū ūye pixīgū, rū ngema naxūnewa pexūgū.

²⁸ Rū ngēmacèx ya Tupana rū nanaxwae na űaacū nūgū inanuxū i norū duūxūgū: Rū yixema tūxira tūxū naxunetaxūxe tixī ya norū puracūwa tūxū namugūxe. Rū tūxū naxuneta ya toguegū na nūxū tixugūxūcèx i norū ore. Rū tūxū naxuneta ya toguegū na duūxūgūxū tangūxēēxūcèx i norū ore, rū toguegū na tanaxūgūxūcèx i mexūgū i Tupanaārū poramaā taxūgūxū. Rū toguegū rū tūxū nanatauxchaxēē na tanameexēēxūcèx i idaaweexū, rū toguegū na nūxū tarūngūxūēēgūxūcèx i ngema tacū nūxū taxūxū, rū toguegū yaxōgūxūārū āēxgacūgū na tixīgūxūcèx. Rū tūxū nanatauchaxēē ya toguegū na ngēma naga i tama nūxū tacuáxūwa tidexagūxūcèx.

²⁹ Rū tama guxāma Tupana tūxū imugūxe tixīgū, rū tama guxāma Tupanaārū orearū uruū tixīgū. Rū tama guxāma norū orewa nguxēētaegūxe tixīgū, rū tama guxāma nūxū tacuèx na tanaxūxū i mexūgū i taxūgū i Tupanaārū poramaā ūxū.

³⁰ Rū tama guxāma nūxū tacuèx na tanameexēēxū i duūxūgū i idaaweexū. Rū tama guxāma nūxū tacuèx na nawa tidexagūxū i wūxi i naga i tama nūxū tacuáxū. Rū tama guxāma nūxū tacuèx na tanangoxēēxū na tacūchiga yadexaxū i ngēma duūxūgū i tama nūxū nacuáxū i nagawa idexaxū.

³¹ Rū name nixī inaxcèx pedèux na Tupana pexna naxāxūcèx i ngēma cuèx rū taxūchagū i rūmemaegūxū.

Yigū na ingechaūgūxūchiga

Natūrū i űuxma rū tá pexū changūxēē i tacū nixī i guxūma i ngēma pemaā nūxū chixuxūārū yexera rūmemaēxū.

13

¹ Rū woo togū i nagawa chideaxgu, rū woo Tupanaārū orearū ngeruūgū i daxūcūāxgawa chideaxgu, natūrū űoma wūxi i tacū i āgaxūrūūmare chixī ega tama guxāxū changechaūgu.

² Rū woo nūxū chacuèxu na meā duūxūgūmaā nūxū chixuxū i Tupanaārū ore, rū woo nūxū chacuèxu i guxūma i tacū i ēxūguxū i Tupanachiga, rū woo choxū natauxchagu na chorū ōmaē chayaxīgachixēēxū ya mēxpūnegū, natūrū taxuwama chame ega tama guxāxū changechaūgu.

³ Rū woo ngēma duūxūgū i ngearū dīeruāxgūxūxū chayanuxgu i guxūma i tacū i choxū ngēmaxū, rū woo Tupanaārū orexèx chaugū ichaxāxu na ūxūwa choxū yagugūxūcèx, rū taxuwama choxū name i ngēma ega tama guxāxū changechaūgu.

⁴ Rū yixema guxāxū ngechaūxē, rū yaxna namaā taxīnū, rū namaā tamecūma. Rū tama tixāūxāchiwēxe, rū tama togūxū tūgū tarūyexera rū tama tūgū ticuèxūxū.

⁵ Rū yixema aixcūma guxāxū ngechaūxē, rū tama taguxchigawēxe, rū tama tūgūguxicatama tarūxīnū, rū tama tanuxwēxe, rū tama nagu tarūxīnūēcha ega texé chixexū tūmamaā ūxgu.

⁶ Rū tama namaā tataāē i chixexūgū, natūrū namaā tataāē i ngēma ore i aixcūma ixīxū.

⁷ Rū yixema aixcūma guxāxū ngechaūxē, rū yaxna namaā taxīnū, rū guxūguma nūxū tayaxō, rū guxūguma mexūgu namaā tarūxīnū, rū taguma naxchi taxai woo tacū tūmamaā naxūxgu i togū.

⁸ Rū ngēma yigū na ingechaūxū rū tagutāma inayacuèx. Natūrū ngēma na nūxū ixuxū i Tupanaārū ore rū wūxi i ngunexūgu tá inayacuèx. Rū ngēma tama nūxū icuáxū i nagawa na idexaxū, rū tá na inayacuèx. Rū ngēma űuxma nūxū icuáxū rū wūxi i ngunexūgu rū marū taxuwatāma tūxū name.

⁹ Erū ngēma tōrū cuèx i űuxma tūxū ngēmaxū, rū Tupanapēxewa rū naxīra. Rū ngēxgumarūū ta i ngēma norū orexū na ixuxū, rū wūxi i iramarexūtamā nixī.

¹⁰ Rū guxūma i ngēma rū tá inayarūxo i ngēxguma Tupanapēxewa ingugūgu rū nūma tá guxūxūma tūxū nacuèxēēgu.

¹¹ Yexguma chabuxgu ga chomax, rū wūxi ga buxūrūū chidexa, rū buxū nagu rūxīnūxūgu charūxīnū, rū tama meā chauāēxū chacuèx. Natūrū yexguma marū chayēxgu, rū nūxū charūxo ga guxūma ga yema chorū bucūma.

¹² Rū ngēma űuxma nūxū idauxū i Tupanachiga, rū űoma wūxi i worua ya ūxachametūxewa yigū idauxūrūū nixī na taxcèx naxēxū. Natūrū yixcūra rū tá aixcūma meā nūxūxūchi tadau ya Tupana. Rū űuxma rū irarūwatama nūxū chacuèx i Tupanachiga. Natūrū wūxi i ngunexūgu rū tá meā nūxū chacuèx i guxūma i nachiga, ngēma na Tupana meāma choxū cuāxūrūū.

¹³ Rū űuxma rū nangēxma i tomaēxpūx i nacūmagū i guxūgutāma ngexmaxū. Rū űaāgū nixī:

1 Rū Tupanaāxū tayaxōgū

2 Rū nūxū itananguxēē na nataeguxū ya Cristu

3 Rū nūxū tacuēx na tamūcūxū ingechaūxū.

Natūrū ngēma tomaēxpūxtanūwa rū ngēma rümemaexū nixī na guxāxū ingechaūxū.

14

Ngēma tama nūxū icuāxū i nagawa na idexaxūchiga

¹ ĴRū naxcēx pedēux na guxāxū pengechaūxū! Rū ngēxgumarūū ta name nixī i naxcēx pedau i ngema taxuchagū rū ngema cuēx i Naāē i Ūūnexūta ne īxū. Rū ngēma cuēx i yexeraācū penaxwaexū nixī na pexū natauchaxū na nūxū pixuxū i Tupanaarū ore.

² Yīxema duūxē ya tama nūxū tacuāxū i nagawa idexaxe, rū Tupanamaā nixī i tidexaxū rū tama i duūxūgūmaā, erū taxúema nūxū tacuēx na űuxū űaxūchiga yīxū. Rū Tupanaāē i Ūūnexū nixī i tūxū idexaxēēxū, natūrū ngēma ore i nūxū tixuxū rū ēxūguxū nixī.

³ Naturū yīxema nūxū ixuxe i Tupanaarū ore rū ngema yaxōgūxūarū ngūxēeruxū tixī, erū yexeraācū cuēxwa tanangugūxēē rū nūxū tanangūchaxūxēē i ngema ore rū tanataēxēē i ngema yaxōgūxū i ngexguma guxchaxū nūxū ūpetūgu.

⁴ Rū yīxema duūxē ya tama nūxū tacuāxū i nagawa idexaxe, rū tūmacēxtama nixī i ngema na yexeraācū mea Tupanaāxū tayaxōxūcēx. Natūrū yīxema nūxū ixuxe i Tupanaarū ore rū nūxū tixu na yexeraācū Tupanaāxū yaxōgūāxūcēx i guxūma i yaxōgūxū.

⁵ Choma chierū chanaxwēxe na guxāma i pema rū ngēma tama nūxū pecuāxū i nagawa na pidexagūxū. Natūrū yexeraācū chanaxwēxe na duūxūgūmaā nūxū pixuxū i Tupanaarū ore. Erū ngēma to i nagawa na pidexagūxūarū yexera narūmema na togūmaā nūxū pixuxū i Tupanaarū ore. Natūrū ngēma to i nagawa na idexaxū, rū name ega ngēma yaxōgūxūmaā nūxū ixuxu na űacūchiga yīxū i ngēma dexa, na nūmagū rū ta yexeraācū meā Tupanaāxū yaxōgūāxūcēx.

⁶ Rū ngēmacēx, Pa Chaueneēgūx, rū ngēxguma chi pexūtawa chaxūxgu, rū chi to i nagawa chideaxgu, Ĵrū űacūwa chi pexū namexū i ngēma? Natūrū ngēxguma chi pemaā nūxū chixuxgu i ngēma Tupana tūxū nūxū cuēxēēxū, rū ēxna ngēma chomatama nūxū chacuāxū na aixcūma yīxū, rū ēxna ngēma ēxūguxū i űuxma Tupana tūxū nūxū cuēxēēxū, rū ēxna űacū rū to i nguxēētae i Tupanachiga, rū ngēma waxi nixī i pexū mexū.

⁷ ĴRū aixcūma nixī i namuxū i nagagū i űoma i naānēwa. Rū guxūma i ngēma nagagū rū name naxcēx i ngēma duūxūgū i nawa idexagūxū.

⁸ Rū ngēma churaragū, rū ngēxguma norū uwanūgūmaā nūgū nadaixchaūgu, Ĵrū űuxācū tā nūgū namexēē na nūgū nadēixūcēx ega tama meā nangōgagu ya yima corneta ya dēixcēx naxcēx caxūne?

⁹ Rū ngēxgumarūū ta pexū nangupetū. Rū ngēxguma chi perū conūmaā nūxū pixuxgu i dexa i taxúema nūxū cuāxū, Ĵrū űuxācū tā nūxū tacuēx na űuxū űaxūchiga yīxū i ngēma nūxū pixuxū? Rū űoma ngūrūanēwa pidexagūxūrūū tā pixigū.

¹⁰ Rū aixcūma nixī i namuxū i nagagū i űoma i naānēwa. Rū guxūma i ngēma nagagū rū name naxcēx i ngēma duūxūgū i nawa idexagūxū.

¹¹ Natūrū ngēxguma chi tama nūxū chacuēxgu i ngēma naga i to i duūxū chomaā nawa idexaxū, rū ngēma duūxūcēx rū űoma to i nachūānecūāxūxū chixī, rū chauxcēx rū űoma to i nachūānecūāxūxū duūxūrūū nixī i nūmax.

¹² Choma nūxū chacuēx rū pema rū pexū nangūchaū na pexū nangēxmaxū i ngēma nacūmagū i Tupanaāē i Ūūnexū tūxna āxū. Natūrū name nixī i naxcēx pedau na guxūarū yexera pexna naxāāxū i ngēma nacūmagū i namaā nūxū perūngūxēēxū i guxūma i yaxōgūxū na yexeraācū meā Tupanaāxū yaxōgūāxūcēx.

¹³ Rū ngēmacēx yīxema duūxē ya taxúema nūxū cuāxū i nagawa idexaxe, rū name nixī i Tupanana naxcēx taca na tūxna naxāāxūcēx i cuēx na togūmaā nūxū tixuxūcēx na űuxū űaxūchiga yīxū i ngēma nūxū tixuxū.

¹⁴ Rū ngēxguma chi taxúema nūxū cuāxū i nagawa chayumūxēgu, rū chauāē nixī i ngēma yumūxēxū. Natūrū chomatama rū taxūma chacuēx na űacūchiga yīxū i ngēma.

¹⁵ ĴRū űuxācū tā chayumūxēxū i űuxmax? Rū marū name nixī ega taxúema nūxū cuāxū i nagawa chayumūxēgu, natūrū chanaxwēxe i guxāma nūxū cuāxū i nagawa rū ta chayumūxē. Rū marū name nixī ega taxúema nūxū cuāxū i nagawa chawiyae, natūrū chanaxwēxe i guxāma nūxū cuāxū i nagawa rū ta chawiyae.

¹⁶ Erū ngēxguma chi taxúema nūxū cuāxū i nagawa Tupanaxū quicuēxūūgu, rū yīxema duūxēgū ya ngema irūxīnūēxē, rū taxucūrūwa cumaā wūxigu Tupanaxū ticuēxūūgu, erū tama nūxū tacuēx na űuxū űaxūchiga yīxū i ngēma nūxū quixuxū.

¹⁷ Rū woo ngēma curū yumūxē rū namexēchixgu, natūrū yixema duūxēgū ya ngema irūxīnūxē rū taxuūma i mexū nawa tayaxu ega to i nagawa quideaxgu.

¹⁸ Tupanana moxē chaxā, erū perū yexera taxúema nūxū cuáxū i nagawa chidexa.

¹⁹ Natūrū woo muxūma i ore i taxúema nūxū cuáxū i nagawa na chidexaxū, natūrū ngēma yaxōgūxūārū ngutaquēxegūwa rū chauxcēx rū narūmemaē chi nixī ega woo noxre i ore i meāma nūxū icuáxūwa namaā nūxū chixuxgu i Tupanaārū ore na ngēmaācū ngēmamaā meā chanangūxēxūcēx.

²⁰ Pa Chaueneēgūx, tama name i űoma buxūgūrūū chixri nagu perūxīnūe i ngema ore i pemaā nūxū chixuxū. Rū narūmemaē nixī i űoma buxūgūrūxū pegū pixīgūxūēē naxchēxwa i ngema chixexū, natūrū ngema peru űnūwa rū penaxwēxe i duūxūgū i marū yaxūrūū meā nagu perūxīnūe rū nagu pexī i ngema ore i pemaā nūxū chixuxū.

²¹ Tupanaārū ore ga nuxcūmaūxū ga norū orearū uruū űmatūxū rū űnanagūrū:

“Rū nuā tá chanamugū i to i nachīūānecūāx i duūxūgū na to i nagawa yadexagūxūcēx namaā i űāa Yudiūgū i tama yaxōgūxū. Natūrū woo ngēmaācū chanaxūxgu, rū tāūtāma chauga naxīnūe i ngēma Yudiūgū i tama irūxīnūechaūxū”, űnanagūrū ga Tupana.

²² Rū ngēmacēx ngēma na taxúema nūxū cuáxū i nagawa idexaxū, rū wūxi i cuēxruū nixī naxcēx i ngēma duūxūgū i tama irūxīnūechaūxū. Rū tama duūxūgū i marū yaxōgūxūcēx nixī i ngēma. Natūrū ngēma Tupanaārū orexū na ixuxū, rū duūxūgū i marū yaxōgūxūcēx nixī na yexeraācū meā Tupanaāxū yaxōgūāxūcēx. Rū tama duūxūgū i tama irūxīnūechaūxūcēx nixī i ngēma.

²³ Rū ngēxguma chi pema i yaxōgūxe pengutaquēxegūgu, rū guxā chima to i nagawa pidexagūgu, űrū űnuxū űnaxū tá ega petanūgu naxūcuxgu i wūxi i duūxū i ngema iyarūxīnūxū rū ēxna wūxi i duūxū i tauta yaxōxū? űTaux ēxna i nagu tá naxīnūxū na pexāūāēgūxū i pemax?

²⁴ Natūrū ngēxguma chi guxāma i pema nūxū pixuxgu i Tupanaārū ore, rū chi petanūgu naxūcuxgu i wūxi i duūxū i tama yaxōxū rū ēxna wūxi i duūxū i ngema iyarūxīnūxū, rū tá nūxū naxīnū i ngēma Tupanaārū ore i nūxū pixuxū. Rū ngēmaācū tá nūxū nacuēx na nūma rū wūxi i pecaduāxū na yīxū. Rū nūgūgu tátama űnarūxīnū i ngēxguma nūxū naxīnūgu i ngēma nūxū pixugūxū.

²⁵ Rū ngēma chixexū i nūxīcatama nūxū nacuáxū rū tá naxcēx űnicuēx. Rū nūma rū ngēxma tá nacaxāpūxū, rū tá Tupanaxū nicuēxū. Rū tá nūxū nixu na aixcūma Tupana petanūwa nangēxmaxū.

Tama name i penaxīxāchiāxēgū i perū ngutaquewa, rū name i meamare penaxū

²⁶ Dūcēx, Pa Chaueneēgūx, űnuxma tá pemaā nūxū chixu na űnuxācū tá penaxūxū ega ngēxguma pengutaquēxegūgu. Rū űnuxre i pema rū marū name na Tupanaārū wiyaeugu pewiyaegūxū, rū togue rū tanguxēētaegūxū, rū togue rū nūxū tixuxū i ngēma ore i Tupana tūxū nūxū cuēxēxū, rū togue rū nawa tidexagūxū i naga i tama nūxū tacuēxgūxū, rū togue rū tanangoxēēgūxū i ngēma dexa i to i nagawa nūxū yaxugūxū. Natūrū guxūma i ngēma rū tanaxwēxe i yaxōgūxūārū ngūxēēcēx na yīxū, na yexeraācū yaxōgūāxūcēx rū meā Tupanacēx namaxēxūcēx.

²⁷ Rū ngēxguma to i naga i pema tama nūxū pecuáxūwa pidexagūgu, rū name nixī i taxre rū ēxna tomaēxpūxīcatama tidexagū. Rū tanaxwēxe i wūxiexira tidexa i noxri rū yixcama ya togue. Rū ngēxguma chi texē to i nagawa ideaxgu, rū name nixī na tangēxmaxū ya wūxie ya nūxū ixuchīgūxe na űacūchiga yīxū i ngēma ore i to i nagawa nūxū yaxuxū.

²⁸ Natūrū ngēxguma chi tatauxgu na texē nūxū ixuchīgūxū na űacūchiga yīxū i ngēma ore i to i nagawa nūxū yaxuxū, rū narūmemaē nixī na noxtacūma tama to i nagawa pidexagū i perū ngutaquēxewa. Rū narūmemaē i wūxichīgū tūxica Tupanamaāxīcatama bexma tidexa.

²⁹ Rū ngēxgumarūū ta ngēxguma pengutaquēxegūgu, rū name nixī i taxre rū ēxna tomaēxpūxīcatama nūxū tixu i Tupanaārū ore. Rū ngēma togū i ngutaquēxetanūxū rū name nixī na meā nangugūgūāxū i ngēma ore.

³⁰ Natūrū ngēxguma chi űyadexayane i wūxi i duūxū, rū Tupana tūmamaā ideaxgu ya togue ya ngema rūtoxe, rū name nixī na iyanachianexū i ngēma nūxīra idexaxū na tidexaxūcēx ya yixema duūxē ya Tupana tūmamaā idexaxe.

³¹ Rū ngēmaācū guxāma i pema na Tupana pemaā idexaxū, rū name nixī i wūxichīgū űpenanguxēē na pewa nanguxū na pidexagūxū i Tupanaārū ore. Rū ngēmaācū i ngēma togū i ngutaquēxetanūxūgū rū tá Tupanachiga meā nangūe rū tá nataāgū.

³² Rū ngēmaācū tanaxwēxe i meāma tūmaāēmaā itacuēx ya wūxichīgū ya yixema Tupanaārū orexū ixuxe.

³³⁻³⁴ Erū perū ngutaquēxegūwa rū Tupana nanaxwēxe na meā penaxūxū i guxūma, rū tama nanaxwēxe na ngēma pexāūgatanūxū rū pegū űpetūexēxū. Rū guxūma i togū i

yaxōgūxđārū ngutaquēxegūwa rū marū nūxđ nāyapue na tama yadexagūxđ i ngexđgū. Rū name nixđ i pema rū ta ngēmaācū penaxđ, erū nachuxu na yadexagūxđ i ngexđgū i ngutaquēxegūwa. Rū name nixđ na yatūgūga naxđnūēxđ i ngexđgū, ngēma Tupanaārū ore tūxđ muxđrūđ.

³⁵ Rū ngēxguma chi tacūxđ nacuáxchađgu i wūxi i ngexđ, rū name nixđ i nachiđwatama natena naca i nachiga i ngēma. Erū wūxi i āne nixđ ega ngutaquēxewa yadeaxgu i wūxi i ngexđ.

³⁶ Pa Corĭtiucđāxgūx, name nixđ na nūxna pecuēxāchixđ na tama pewaxira ne naxūxđ i Tupanaārū ore. Rū tama pexicatama nixđ i penayauxgūxđ i ngēma.

³⁷ Rū ngēxguma chi texē tūgūgu rūxđnūgu na Tupanaārū orearū uruđ tixđ rū ēxna tūgūgu tarūxđnūgu na Tupanaāē i Ūūnēxđ tūxna naxāxđ i tacū rū cuēx, rū name nixđ i nūxna tacuēxāchi na tōrū Coriarū ore yixđ i űāā ore i pexcēx chaxūmatūxđ.

³⁸ Natūrū ngēxguma chi texē tama nūxđ cuáxchađgu i ngēma pemaā nūxđ chixuxđ, rū name nixđ i tama tūxđ pecuáxchađ.

³⁹ ¡Rū ngēmacēx, Pa Chaueneēgūx, rū Tupanana naxcēx peca i cuēx na meāma nūxđ pixuxđcēx i norū ore! ¡Rū tama penachuxu na to i nagawa yadexagūxđ i duđxđgū!

⁴⁰ Rū perū ngutaquēxegūwa, rū name nixđ na meā penaxūxđ i guxđma. Rū tama name i ngema pexāūgatanū rū pegū ipetūēxē.

15

Cristu na yuwa irūdaxūchiga

¹ Rū űuxmax, Pa Chaueneēgūx, rū chanaxwēxe i nūxna pecuēxāchie i ngēma Tupanaārū ore i tūxđ maxēxēēxđ ga pemaā nūxđ chixuxđ. Rū yematama ore nixđ ga pema peyauxgūxđ. Rū űuxma rū ngēmatama oregagu nixđ i meā peyaxōgūxđ.

² Rū ngēma oregagu nixđ i pexđ nangēxmaxđ i maxđ i taguma gūxđ, ega aixcūma guxđguma peyaxōgūmagu. Natūrū ngēxguma tama guxđguma peyaxōgūgu, rū natūcēxmamare nixđ i ngēma perū ō.

³ Rū yexguma noxri petanūwa changuxgu, rū yema nūxira pexđ changuxēēxđ nixđ ga yema chaxira togū choxđ nguxēēxđ na Cristu rū tōrū pecaducēx nayuxđ, ngēma Tupanaārū ore i ūmatūxđwa nūxđ yaxuxđrūđ.

⁴ Rū yexgumarūđ ta pexđ changūēxēē na űuxācū inatēxgūāxđ, rū űuxācū norū tomaēxpūx ga ngunēxđgu rū wena na namaxđxđ, ngēma Tupanaārū ore i ūmatūxđwa nūxđ yaxuxđrūđ.

⁵ Rū yexgumarūđ ta pexđ changūēxēē ga űuxācū Pedrucēx na nangōxđ ga Cristu, rū űuxācū yixcūra rū norū ngūēxđgū ga yamugūxđcēx na nangōxđ.

⁶ Rū yemawena ga Cristu rū noxtacūma 500 arū yexera ga yaxōgūxđcēx nangōx. Rū muxđma i ngēma duđxđgū rū űuxma rū ta namaxē, natūrū nūmaxđ rū marū nayue.

⁷ Rū yemawena rū Chađtiāgucēx nangōx, rū yixcama guxđma ga yema togū ga ngūēxđgūcēx nangōx.

⁸ Rū dūxwa chowa inayacuēx ga chauxcēx rū ta na nangōxđ, woo ngūrūāchimare nixđ ga yema, ngēxgumarūđ i wūxi i buxđ i tautama norū ngunēxđwa nanguyane buxđrūđ.

⁹ Rū choma rū guxđma i ngēma togū i Tupana imugūxđtūđwa chaxū. Rū ngemacēx tama name i Tupana imuxđmaā choxđ naxugūxđ i duđxđgū, yerū nawe chingēchigū ga Tupanaārū duđxđgū rū poraōcđ chixexđ chaxū.

¹⁰ Natūrū ga Tupana rū chomaā namecūma, rū ngēmacēx i űuxma rū choxđ pedau na tacū chixđ rū űuxācū na chixđ. Rū yema chomaā na namecūmaxđ rū tama natūcēxma nixđ. Yerū choma rū guxđ ga togū ga yamugūxđārū yexera chanaxđ ga Tupanaārū puracū. Natūrū tama chauechama chanaxđ ga yema puracū, natūrū Tupana ga chomaā mecūmacū rū chomaā puracūcū nixđ ga naxūcū ga yema puracū na nūxđ chixuxđcēx ga norū ore.

¹¹ Natūrū i űuxma rū nūētama nixđ ega woo choma chixđgu rū ēxna togū yixđgu ga pemaā nūxđ ixuxđ ga yema ore. Yerū yema ore ga pemaā nūxđ tixuxđ, rū Tupanaārū ore i tūxđ maxēxēēxđ nixđ, rū yema nixđ ga pixōgūxđ.

űuxācū wena tá namaxē i duđxđgū i yuexđ

¹² Marū pemaā nūxđ tixu na Cristu rū yuwa ínadxđ. ¿Rū tūxcūđ űuxre i pema rū űaperūgūgū?

“Yuexđ rū tagutāma wena namaxē”, űaperūgūgū?

¹³ Rū ngēxguma chi ngēma yuexđ rū tagu chima wena namaxēgu rū yima Cristu rū tū chima wena namaxđ.

¹⁴ Rū yexguma chi Cristu tama wena mađxgu, rū ngēma ore i nūxđ tixuxđ i nachiga rū taxuwa chima name, rū natūcēxmamare chi nixđ i perū ō.

¹⁵ Rū ngēxguma chi ngēmaācū yixīgu, rū toma i Tupanaārū orearū uruūgū rū doratēēxgūxū tixīgu. Erū nūxū tixu na Tupana Cristuxū wena maxēēxū. Rū ngēxguma chi tama aixcūma yixīgu na wena namaxēxū i yuexū, rū chi wūxi i doramare nixī na Tupana Cristuxū wena maxēēxū.

¹⁶ Rū ngēxguma chi ngēma yuexū rū tagu chima wena namaxēgu, rū ga Cristu rū chi ta tāu chima wena namaxū.

¹⁷ Rū yexguma chi Cristu tama wena maūxgu, rū natūcēxmamare chi nixī i peyaxōgūxū, rū űuxma rū chi ta perū pecadugagu ipeyarūtauxe.

¹⁸ Rū chi ngēmaācū yixīgu rū ngēma duūxūgū i Cristuaxū yaxōgūxū i marū yuexū, rū chi ta tāu chima nūxū nangēxma i maxū i taguma gūxū.

¹⁹ Rū ngēxguma chi űoma i maxūcēxicatama yixīgu na Cristuaxū yaxōgūxū, rū chi guxū i togū i duūxūgūarū yexera tangechaūtūmūgū.

²⁰ Natūrū aixcūmaxūchi nixī ga Cristu ga yuwa na inadxū. Natanūwa i guxūma i ngēma yuexū i yixcūra tá írūdagūxū, rū Cristu nixī ga namaā inaxūgūcū na inadxū, yerū nūma nixī ga nūxra wena namaxūxū.

²¹ Rū yexgumarū űūxi ga yatūgagu na nayuexū ga duūxūgū, rū ngēxgumarū tá ta nixī na wūxi i yatūgagu wena namaxēxū i ngēma marū yuexū.

²² Rū ngema na Adátūgagu guxāma na yuexū, rū ngēxgumarū ta Cristugagu tá namaxēxū i guxūma i duūxūgū i nūxū yaxōgūxū.

²³ Natūrū wūxichigū tá tūmawa nangu na wena tamaxūxū. Rū Cristu nixī ga nūxra maxūcū. Rū ngēxguma wena nūma naxūxgu i nūmax, rū ngēxguma tá nixī i wena namaxēxū i ngēma duūxūgū i noxrū ixīgūxū.

²⁴ Rū ngēmawena tá nixī i nagūxū i naāne. Rū ngēxguma tá nixī ya Cristu i nūxū naporamaēxū i guxūma i norū uwanūgū. Rū ngēxguma tá nixī i Nanatū ya Tupanana naxāāxū i guxūma na nūma namaā inacūāxūcēx.

²⁵ Erū nūma ya Cristu rū āēxgacū tá nixī űuxmatáta nūxū naporamaē i guxūma i norū uwanūgū.

²⁶ Rū ngēma nawa iyacuāxū i norū uwanū i tá nūxū naporamaēxū, rū yu nixī.

²⁷ Yerū Tupana rū marū Cristumēxēwa nanayexmagūxēē ga guxūma. Natūrū woo Tupanaārū ore nūxū ixuxgu na Cristumēxēwa nangēxmagūxū i guxūma, natūrū nūmatama ya Tupana rū tama Cristumēxēwa nangēxma. Yerū nūma ga Tupana nixī ga Cristumēxēwa nayexmagūxēēāxū ga guxūma.

²⁸ Rū ngēxguma guxūma Cristumēxēwa ngēxmagūgu, rū űuxūchi nūmatama ya Cristu ya Tupana Nane rū tá Nanatūmēxēwa nūgū nangēxmaxēē. Yerū nūma ga Tupana nixī ga Cristumēxēwa nayexmagūxēēāxū ga guxūma. Rū ngēmaācū ya Tupana rū guxūmaā tá inacūex.

²⁹ Rū nangēxma i űuxre i duūxūgū i petanūwa i Tupanaegagu yuexūchicū űibaiūxū. ¿Rū tūxcū ngēma naxūgū? Rū ngēxguma chi tama wena namaxēgu i duūxūgū i yuexū, ¿rū tūxcū ngēma yuexūchicū űibaiū?

³⁰ ¿Rū tūxcū i toma rū guxūguma āūcūmaxūwa tangēxmagū?

³¹ Pemaā nūxū chixu, Pa Chaueneēgūx, rū guxū i ngunexūgu rū āūcūmaxūwa changēxma, rū tama nūxū chacuēx i űacū rū ngunexūgu Tupanaārū oregagu tá na chayuxū. Rū ngēma rū aixcūmaxūchi nixī, ngēxgumarū na aixcūma yīxū na choxū nangēxmaxū i wūxi i taāē i taxū i űuxma na tōrū Cori ya Ngechuchu ya Cristuaxū peyaxōgūxū.

³² Choma rū nuā Epēchiuwa rū Tupanaārū orchigagu chorū uwanūmaā porācū togū tachoxūgagū. Rū űoma naēxū i idūraexūmaā togū tadēixūrū tixīgu. ¿Natūrū űacūwa choxū namexū ga yema ega chorū maxū i űoma i naānewa choxū ngēxmaxūcēxicatama yixīgu? Rū ngēxguma chi aixcūma yixīgu na tama wena namaxēxū i yuexū, rū marū name i űatarūgūgū:

“¡Ngīxā tachibūe rū taxaxegū, erū paxa tá tayue!” űatarūgūgū.

³³ ¡Natūrū tāūtāma nawe perūxī i ngēma duūxūgū i ngēmaācū chixri idexagūxū! Erū aixcūma nixī i ngēma ore i űaxū:

“Rū texē ya chixexū i duūxūmaā āmūcūxe, rū tūxū inayanaxoxēē i tūmacūmagū i mexū”, űaxū.

³⁴ Rū name nixī i meā pegūāēgu perūxīnūē rū nūxū perūxoe i ngēma perū chixexūgū. Rū wūxi i perū āne nixī na pemaā nūxū chixuxū rū űuxre i pema rū tama aixcūma Cristuarū duūxūgū pixīgūxū rū tama aixcūma Tupanaxū pecuēxgūxū.

űuxācū wena namaxē i yuexūgū

³⁵ Natūrū ngūrūāchi tá texe pexna taca rū űatarūgū pexū:

“¿űuxācū tá wena namaxēxū i yuexū? ¿Rū naűuxraūxū i naxūnemaā tá inadxūxū?” űatarūgū tá pexū.

³⁶ Pa Duūxū i Ngēāēmarexūx jrū dūcax! Rū ngēxguma wūxi ya nanetūchire itoxgu, rū nūma ya yima naxchire rū nayu na ngemaācū naxūxūcēx i ngēma nanetū.

³⁷ Rū ngēma waixūmūgu itoxū, rū tama marū nanetū ixīxū nixī, natūrū naxchire nixī ya yima itoxūne woo triguchire rū ēxna ngexūrūxūmare i to i nanetūchire yixīgu.

³⁸ Rū ngēxguma marū inatoxguwena, rū Tupana nixī i yanaxūxēcū ya yima nachire na nūma nanaxwēxexūācūma yīxūcēx i ngēma nanetū.

³⁹ Rū tama guxū i naxūnegū nawūxigu. Rū duūxēxūne rū nanatoraxū, rū naēxūgūxūne rū to nixī, rū werigūxūne rū to nixī, rū choxnigūxūne rū to nixī.

⁴⁰ Rū ngēxgumarūū ta nangēxma i naxūnegū i daxūguxū i naānecūāx, rū nangēxma i naxūnegū i űoma i naānecūāx. Rū ngēma daxūguxū i naānecūāx i naxūnegū rū nūxū nangēxma i noxrūtama mexū, rū ngēma űoma i naānecūāx i naxūnegū rū ta nūxū nangēxma i noxrūtama mexū. Natūrū tama nawūxigu i ngēma norū mewa.

⁴¹ Rū űexūciarū yauracūū rū tama namaā nawūxigu i tauemacūarū yauracūū. Rū woramacurīgūarū yauracūū rū to nixī. Rū nūgūtanūwa ya woramacurīgū, rū tama nawūxigu i norū yauracūūwa.

⁴² Rū ngēxgumarūū tā ta naxūpetū namaā i naxūnegū i ngēma duūxūgū i yuexū. Erū ngēma naxūne i noxri nūxū ngēxmaxū rū iyarūxoxwēxexū nixī. Natūrū ngēma naxūne i tā nūxū ngēxmaxū i ngēxguma wena namaxēgu, rū ngēma rū tagutāma inayarūxo.

⁴³ Rū ngēma naxūne i yuxū rū taxuwama name i ngēxguma inatēxgux. Natūrū ngēxguma wena namaūxgu rū tā namexēchi. Rū ngēma naxūne i űuxma turaxū rū ngēxguma wena namaūxgu rū tā napora.

⁴⁴ Rū itanatēx i ngēma naxūne i űoma i naānecūāx ixīxū. Natūrū ngēxguma inadxgu, rū daxūcūāx i naxūne tā nixī. Rū űuxma na nangēxmaxū i naxūne i űoma i naānecūāx rū ngēmawa nūxū tacuēx na nangēxmaxū ta i naxūne i daxūcūāx.

⁴⁵ Tupanaārū ore i űumatūxūwa rū űanagūrū:

“Guma nūxīraūcū ga yatū ga Adāū rū nūxū nayexma ga űoma ga naānecūāx ga naxūne ga paxaāchi maxūxū”, űanagūrū. Natūrū ya Cristu rū daxūcūāx nixī. Rū nūma nixī i tūxna naxāāxū i maxū i taguma gūxū.

⁴⁶ Noxri rū tūxū nangēxma i űoma i naānecūāx i taxūne. Natūrū yixcama rū Tupana tā tūxna nanaxā i to i taxūne i daxūcūāx ixīxū.

⁴⁷ Guma nūxīraūcū ga yatū ga waixūmūwa űcū, rū űoma ga naānecūāx nixī. Natūrū tōrū Cori ya Cristu rū daxūguxū i naānecūāx nixī.

⁴⁸ Rū ngēma taxūnegū i űoma i naānēwa tūxū ngēxmaxū, rū guma Adāūxūne ga waixūmūwa űcūrūū nixīgū. Natūrū ngēma naxūnegū i daxūwa nūxū ngēxmaxū i duūxūgū, rū Cristuxūnerūū nixīgū.

⁴⁹ Rū űngēxgumarūū na Adāū ga waixūmūwa űcūrūū na yīxū i taxūne, rū ngēxgumarūū tā ta Cristu ya daxūwa ngēxmacūrūū nixī i taxūne i yixcūra.

⁵⁰ Rū dūcax, Pa Chaueneēgūx, pemaā nūxū chixu rū űnā taxūne i namachinaxcēx rū naxchinēxānaxcēx, rū taxucūrūwa Tupana āēxgacū iyīxūwa nangu. Erū ngēma iyarūxoxū, rū taxucūrūwama Tupanaxūtawa i ngextā taxūma iyarūxoxūwa nixūcu.

⁵¹ Natūrū chanaxwēxe na nūxū pecuāxū i wūxi i ore i ēxūguxū ga noxri Tupanaxīcatama nūxū cuāxū. Rū dūcax, tāūtāma guxā tayue, natūrū guxāxūne rū tā naxūchicūū.

⁵² Rū ngūrūāchimare wūxi i peāxētūgu tā nixī i ngēma na naxūchicūūxū i taxūne i ngēxguma naānēarū guxgux naxāgagu ya corneta. Rū tā naxāga ya yima corneta, rū ngēxguma i ngēma duūxūgū i yuexū rū tā inarūdagū na tagutāma wena nayuexūcēx. Rū yixema na imaxēxū rū tā naxūchicūū i taxūnegū.

⁵³ Erū ngēma taxūne i yuxwēxexū rū woetama tama taixū rū tā naxūchicūū. Rū wūxi i ngēxwacaxūxū i naxūne i aixcūma taixū rū tagutāma yuxū tā nixī.

⁵⁴ Rū ngēxguma ngēmaācū naxūchicūūgu i taxūne i yuxwēxexū, rū tūxū nangēxmagu i taxūne i ngēxwacaxūxū i taguma yuxū, rū ngēxguma tā nixī i yanguxū i Tupanaārū ore i űumatūxū i űaxū:

“Marū inayarūxo na nayuexū i duūxūgū. Rū Tupana rū marū yuxū narūyexera.

⁵⁵ Rū dūcax, Pa Yux, űngēxū i curū pora i namaā toxū curūyexeraxū? űRū ngēxū i ngēma cuxne i namaā toxū cudēixū?”

űanagūrū i ngēma Tupanaārū ore.

⁵⁶ Rū ngēma naxne i yu, rū pecadu nixī. Erū ngēma pecadu nixī i naporaxēēxū i ngēma yu na tūxū nadēixūcēx. Rū ngēma mugū ga Moīché űumatūxū nixī i naporaxēēxū i pecadu, erū woo namexgu i ngēma mugū, natūrū taxucūrūwama texē aixcūma tayanguxēē.

⁵⁷ Natūrū name nixī i Tupanana moxē taxā yerū nūma nanamu ga tōrū Cori ya Ngechuchu ya Cristu na ngēma yuxū tūxū naporamaēxēxūcēx.

58 Rū ngēmacèx, Pa Chaueneëgū ya Pexŭ Changechaŭgūxex, rū name nixī i meā peyaxōgūama rū taguma ipenatèx i Tupanaārū ore. Rū name nixī i guxūguma meā penaxū i tōrū Coriarū puracū, erū pema nūxŭ pecuèx rū ngēma puracū i nūxŭ pexūxŭ, rū tama natūcēxma nixī.

16

Togū i yaxōgūxŭcèx inanutaque ga dīeru

¹ Rū űuxma tá pemaā nūxŭ chixu i nachiga i ngēma dīeru i penutaquēxexŭ na namaā nūxŭ perūngŭxēgūxŭcèx i taeneëgū i yaxōgūxŭ i Yudēaanewa ngēxmagūxŭ. Rū ngēma yaxōgūxŭ i Gárateanewa ngēxmagūxŭ rū marū namaā nūxŭ chixu na ngīxŭ nanutaquēxegūxŭ i ngēma dīeru. Rū chanaxwēxe i pema rū ta ngēxgumarūŭ penaxū.

² Rū ngema dīeru i perū puracūwa ngixŭ peyaxucūwa rū guxcū i yūxūarū ngunexūgu rū tá ngixŭ pexā i ngēma dīeru i Tupanaarū ixīcū. Rū ngīmaā tá penguxŭ na tama ngēxguma ngema changuxguama ngīxŭ na pedxūcèx.

³ Rū ngēxguma petanūwa changuxgu, rū tá chanaxūmatū i űuxre i poperagū naxcèx i taeneëgū i Yerucharéŭwa ngēxmagūxŭ. Rū űuxūchi ngēma poperamaā tá Yerucharéŭwa chanamugū i ngēma duŭxŭgū i pema nūxŭ pexunetaxŭ na ngema ngīxŭ nangegūxŭcèx i ngēma dīeru i taeneëgūcèx ngīxŭ penutaquēxecū.

⁴ Rū ngēxguma chi choxŭ natauxchagu na ngema Yerucharéŭwa chaxūxŭ, rū nūmagū rū tá wūxigu chomaā ngema naxī.

Pauru nagu narūxīnū na Corītiuwa naxūxŭ

⁵ Choma rū Machedóniānēwa tá chaxūpetū na íchayadauxŭcèx i taeneëgū i ngema ngēxmagūxŭ. Rū ngēmawena rū tá petanūwa changu na pexŭ íchayadauxŭcèx.

⁶ Rū ngūrūāchi tá űuxre i ngunexūgū ngēxma petanūgu charūxāŭx, rū hexmana ngūrūāchi ngema petanūwa tá chanangupetūxēē ya mucū. Rū ngēxguma rū tá pexŭ natauxcha na choxŭ perūngŭxēgūxŭ na ngēma íchaxūxchaŭxŭwa chaxūxŭcèx.

⁷ Erū tama chanaxwēxe i paxaāchimare pexŭ chadau. Natūrū petanūgu charūxāŭxchaŭ i űuxre i ngunexŭ ega chi norū ngūchaxŭ yixīxgu ya tōrū Cori.

⁸ Natūrū nuā Epēchiuarū iānēwa tá changēxma űuxmatáta Pētecōstearū ngunexŭwa nangu.

⁹ Erū nuā rū tōrū Cori poraācū choxŭ nanatauxchaxēē na nūxŭ chapuracūxŭcèx rū nūxŭ yaxōgūāxŭcèx i muxūma i duŭxŭgū woo namu i ngēma tama naxwēxegūxŭ na nuā chapuracūxŭ.

¹⁰ Rū ngēxguma chi Timutéu petanūwa nguxgu, rū chanaxwēxe i meāma penayaxu na petanūwa nataāxŭcèx. Erū nūma rū ta chauxrūŭ tōrū Coriarū puracūwa napuracū.

¹¹ Rū ngēmacèx tama chanaxwēxe i texē petanūwa nūxŭ taxoe. Natūrū chanaxwēxe i nūxŭ perūngŭxēē na taāēacūma nuā naxūxŭ na choxŭ íyadauxŭcèx. Erū poraācū íchananguxēē na nuā nanguxŭcèx namaā i ngēma togū i taeneëgū.

¹² Rū ngēma taeneē i Aporu rū poraācū nūxŭ chacèxŭ na petanūwa íyadauxŭcèx namaā i ngēma togū i taeneëgū. Natūrū tama ngema naxūxchaŭ i űuxmax. Natūrū ngēxguma naxāchicagu rū tá ngema naxū.

Pauru nūxŭ narūmoxē ga yema yaxōgūxŭ

¹³ ¡Rū pexuāēgū na taxuŭma i chixexŭgu peyixŭcèx! ¡Rū meāma peyaxōgūama woo űacū pexŭ ŭpetūgu! Rū name nixī i peporaeama rū taxucēxma pemuŭē.

¹⁴ Rū guxūma i ngēma pexūxŭ, rū name nixī i pegū pengechaŭgūācūma penaxū.

¹⁵ Rū dūcax, Pa Chaueneëgū, pema nūxŭ pecuèx na Estéfananūxŭgū yīxŭ ga nūxīra yaxōgūxŭ ga Acayaanewa. Rū meāma nūxŭ pecuèxgu na űuxācū poraācū taeneëgū i yaxōgūxŭxŭ na nangūxēēgūxŭ.

¹⁶ Rū chanaxwēxe i naga pexīnūē i ngēma duŭxŭgū i Estéfananūxŭgūrūŭ ixīgūxŭ. Rū ngēxgumarūŭ ta chanaxwēxe i naga pexīnūē i guxūma i ngēma duŭxŭgū i űaā Tanatūarū puracūwa puracūxŭ rū ngūxēētaegūxŭ.

¹⁷⁻¹⁸ Rū űuxma na taxucūrūwama chauxŭtawa pengēxmagūxŭ, rū wūxi ga chorū taāē nixī na nūma naxīxŭ ga taeneëgū ga Estéfana rū Fortunátu rū Acáicu. Rū yema taeneëgū ga nūma íxŭ rū pexŭ nixuchigagū rū yemaācū choxŭ nataāxēēgū ga yema pexŭ na nataāxēēgūxŭrūŭ. Rū tanaxwēxe i naga pexīnūē rū nūxŭ pengechaŭ i ngēma duŭxŭgū i ngēmāgūrūŭ ixīgūxŭ.

¹⁹ Rū guxūma i taeneëgū i yaxōgūxŭ i Áchiaaneārū iānegūwa ngēxmagūxŭ, rū moxē pexcèx ngema namugū. Rū Aquiru rū Prisila rū guxūma i ngēma yaxōgūxŭ i Aquirupatawa ngutaquēxegūxŭ, rū moxē pexcèx ngema namugū naegagu ya tōrū Cori.

²⁰ Rū guxūma i taeneëgū i nūma ngēxmagūxŭ rū moxē pexcèx ngema namu. Rū chanaxwēxe i wūxichigū i pema rū pegū pengechaŭgūācūma pegū perūmoxēgū.

²¹ Choma i Pauru rū choxmēxmaātama pexcèx chanaxūmatū i űaā chorū moxē.

²² Rū ngēxguma chi texé tama tórü Cori ya Ngechuchu ya Cristuxŭ ngechaŭgu, rü Tupana tá tŭxŭ napoxcu. Rŭ paxa tá inangu ya tórü Cori.

²³ Rŭ chanaxwèxe i tórü Cori ya Ngechuchu ya Cristu poraãcü pexŭ narüngŭxêê..

²⁴ Rŭ guxâma i pema, rü poraãcü pexŭ changechaŭãcüma pexŭ charŭmoxê naegagu ya tórü Cori ya Ngechuchu ya Cristu.

Rŭ nuãma pexna,
Pauru

NORŪ TAXRE GA POPERA GA CORĪTIUCŪĀX GA YAXŌGŪXŪTANŪWA NAMUXŪ GA PAURU

Pauru rŭ nŭxŭ narŭmoxē ga yema yaxŏgŭxŭ ga Corĭtiywa yexmagŭxŭ

¹ Pa Chaueneēgŭ i CorĭtiucŭĀxgŭ i Tupanaāxŭ yaxŏgŭxŭ, rŭ Pa Chaueneēgŭ i Guxŭma i Acayaanewa Ngēxmagŭxŭ, choma i Pauru nixŭ i pexcēx chanaxŭmatŭxŭ i űaā popera wŭxigu namaā i taeneē i Timutēu. Rŭ choma nixŭ i Tupana choxŭ yaxuxŭ na Ngechuchu ya Cristu choxŭ muxŭ na nŭxŭ chixuxŭcēx i norŭ ore.

² Rŭ tanaxwēxe na Tanatŭ ya Tupana rŭ tŏrŭ Cori ya Ngechuchu ya Cristu pexna nanaxā i norŭ ngechaxŭ rŭ norŭ taāēxŭ.

Pauru rŭ ngŭxŭ ninge

³ Rŭ toma rŭ nŭxŭ ticŭxŭtŭgŭ ya Tupana ya Nanatŭ ya tŏrŭ Cori ya Ngechuchu ya Cristu. Erŭ nŭma nixŭ ya Tanatŭ ya nŭxŭ ingechaŭtŭmŭtŭgŭcŭ rŭ tŏrŭ Tupana ya guxŭguma tŭxŭ taāēxēcŭ.

⁴ Rŭ nŭma ya Tupana rŭ toxŭ nataāēxēē i ngēxguma ngŭxŭ tingexgŭ, na toma rŭ ta tanataāēxēgŭxŭcēx i ngēma togŭ i duŭxŭgŭ i ngŭxŭ ingegŭxŭ. Rŭ ngēmaācŭ ngēma Tupana toxŭ na taāēxēxŭrŭtŭ toma rŭ ta tanataāēxēgŭ i ngēma togŭ i duŭxŭgŭ.

⁵ Rŭ űuxma na Cristurŭtŭ poraācŭ ngŭxŭ tingegŭxŭ, rŭ ngēxgumarŭtŭ nŭmatama poraācŭ toxŭ nataāēxēē.

⁶ Rŭ ngēmacēx, ngēxguma toma ngŭxŭ tingegŭgŭ, rŭ ngēmaācŭ toxŭ nangupetŭ na pema rŭ pexŭ nangēxmaxŭcēx i perŭ taāē rŭ perŭ maxŭ i taguma gŭxŭ. Rŭ ngēxguma Tupana toxŭ taāēxēgŭ, rŭ ngēmaācŭ tomaā nanaxŭ na pema rŭ ta pexŭ nangēxmaxŭcēx i perŭ taāē rŭ yaxna namaā pexŭnŭxŭcēx i ngēxguma ngēmatama ngŭxŭ i toma tingegŭxŭ pexŭ ngēxmagŭ.

⁷ Toma rŭ aixcŭma tayaxŏgŭ na pema rŭ tagŭtama ipenatāxŭ i Tupanaārŭ ore. Erŭ nŭxŭ tacuēx rŭ ngēma na toxrŭtŭ ngŭxŭ pingegŭxŭ, rŭ ngēxgumarŭtŭ tā ta toxrŭtŭ pexŭ nangēxma i ngēma taāē i Tupanawa ne ŭxŭ.

⁸ Pa Chaueneēgŭx, tanaxwēxe i nŭxŭ pecuēx na űuxre ga guxchaxŭgŭ toxŭ ngupetŭxŭ ga Áchiaanewa. Rŭ yema na poraācŭ toxŭ naguxchaxŭ, rŭ dŭxwa marŭ tama namaā taporae, rŭ nagu tarŭxŭnŭē na marŭ tātŭtama tamaxēxŭ.

⁹ Rŭ nagu tarŭxŭnŭē rŭ űoma yuwa taxŭxŭrŭtŭ tixŭgŭ. Natŭrŭ yemaācŭ toxŭ naxŭpetŭ, erŭ Tupana ya yuexŭxŭ űrŭdagŭxēcŭ toxŭ nangŭxēxēchaŭ na nŭxŭcatama nŭxŭ nangēxmaxŭ i pora na yuwa toxŭ űnanguxŭxēxŭcēx, rŭ taxucŭrŭwama togŭtama na űnanguxŭxēxŭ.

¹⁰ Rŭ Tupana rŭ toxŭ űnanguxŭxēē nawa ga yema guxchaxŭ ga yuwa toxŭ gagŭchaŭxŭ. Rŭ ngēxgumarŭtŭ tā ta toxŭ űnanguxŭxēē nawa i űaā taxŭ i guxchaxŭ i űuxma toxŭ ngēxmaxŭ. Rŭ aixcŭma tayaxŏgŭ na nŭma rŭ guxŭgutama ngēmaācŭ toxŭ nangŭxēēxŭ.

¹¹ Natŭrŭ tanaxwēxe i pema rŭ perŭ yumŭxēmaā toxŭ perŭngŭxēē. Rŭ ngēxguma chi ngēmaācŭ penaxŭgux, rŭ muxŭma i duŭxŭgŭ rŭ tā Tupanana moxē naxāgŭ naxcēx i ngēma na űuxācŭ toxŭ nangŭxēēxŭ.

Tŭxcŭtŭ tama Corĭtiywa naxŭ ga Pauru

¹² Nangēxma i űacŭ i toxŭ taāēxēēxŭ. Rŭ ngēma nixŭ na tođewa nŭxŭ tacuāxŭ na űoma i naānewa rŭ aixcŭma Tupana naxwēxexŭācŭma meā tamaxēxŭ. Rŭ pepēxewa nixŭ ga guxŭārŭ yexera yemaācŭ tamaxēxŭ. Natŭrŭ tama togagu nixŭ ga yema, yerŭ Tupana ya tomaā mecŭmacŭ nixŭ ga toxŭ rŭngŭxēēcŭ na yemaācŭ pepēxewa tamaxēxŭcēx.

¹³⁻¹⁴ Rŭ yema poperagŭ ga pexcēx taxŭmatŭxŭdwa, rŭ nataxuma ga űacŭ ga icŭxŭ. Natŭrŭ yema toma tamaxēxŭācŭma nixŭ ga pexcēx tanaxŭmatŭxŭ na yemawa meā nŭxŭ pecuāxŭcēx na űuxācŭ tixŭgŭxŭ. Rŭ woo i űuxma rŭ tama aixcŭma meā toxŭ na pecuāxŭ, natŭrŭ chanaxwēxe i wŭxi i ngunexŭgŭ rŭ aixcŭma meā toxŭ pecuēx. Rŭ ngēxguma meā toxŭ pecuēxgŭ rŭ pema rŭ tā tomaā petaāēgŭ i ngēxguma űnanguxgŭ ya tŏrŭ Cori ya Ngechuchu, rŭ ngēxgumarŭtŭ i toma rŭ tā ta pemaā tataāēgŭ.

¹⁵⁻¹⁶ Rŭ yemagu charŭxŭnŭxŭcēx nixŭ ga noxri ga pexŭtawa na chaxŭchaŭxŭ na pexŭ űchayadauxŭcēx rŭ yemaācŭ pexŭ na charŭngŭxēēxŭcēx. Rŭ nagu charŭxŭnŭ ga Machedŏniānewa chaxŭxgŭ na pexŭtagu űchidauxŭ, rŭ yexguma Machedŏniānewa ne chaxŭxgŭ rŭ wenaxārŭ pexŭtagu űchidauxŭ. Rŭ yemaācŭ chanaxŭchaŭ, yerŭ nagu charŭxŭnŭ na yemawena choxŭ perŭngŭxēēxŭ na Yudeaanewa chaxŭxŭcēx.

¹⁷ Bexmana pema nagu perŭxŭnŭēgŭ rŭ tama aixcŭma chayanguxēēgaācŭma nagu charŭxŭnŭ ga yema pexŭtawa na chaxŭgaxŭ. űēxna pema nagu perŭxŭnŭēgŭ rŭ űoma wŭxi

i duǔxū i tama Tupanaāxū yaxōxūrūūācūma chamaxū, rū “Ngū” űacharūgūchirēx woo tama chayanguxēēgagu i ngēma nūxū chixuxū?

¹⁸ Natūrū Tupana toxū nacuēx na aixcūma yīxū i ngēma torū ore ega pemaā itaxunetagu.

¹⁹ Erū yima Ngechuchu ya Cristu ya Tupana Nane ga guma Chiribānu rū Timutéu rū choma pemaā nūxū tixuchigacū, rū ore i aixcūma ixīxūxūxicatama nixu. Rū nūma rū aixcūma nayanguxēē i ngēma nūxū yaxuxū.

²⁰ Rū Cristu nixī ya yima yanguxēēcū ga guxūma ga yema unetagū ga Tupana nuxcūmaxūchi nūxū ixuxū. Rū ngēmacēx ngēxguma Ngechuchuēgagu Tupanaxū icuēxūūgūgu, rū űatarūgūgū:

“Rū aixcūma nixī i ngēma”, űatarūgūgū.

²¹ Rū űuxma na Cristuarū duǔxūgū ixīgūxū, rū Tupana nixī ya toxū poraexēēcū rū pexū poraexēēcū na taguma Cristuna ixīgachixūcēx. Rū nūmatama nixī ga tūxū nadexū na noxrū ixīgūxūcēx.

²² Rū nūma ya Tupana rū naega tagu naxū erū tōrū yora nixī. Rū nūma rū tūxna nanamu i Naāē i űūnexū na wūxi i tōrū cuēxruū yīxūcēx, rū ngēmawa nūxū icuáxūcēx na yīxcūra tá tūxna naxāāxū i muxūma i to i mexūgū.

²³ Pema nūxū pecuēx ga noxri rū Corťiuwa chaxūchaū, natūrū tama yēma petanūwa chaxū yerū tama chanaxwēxe na pexū changechaūgūxēēxū. Rū yemacēx tama pexūtawa íchayadau, yerū tama pexū chingagūchaū. Rū Tupana nūxū nacuēx na aixcūma na yīxū ga yema.

²⁴ Rū tama tanaxwēxe na pexū tamuxū na űuxācū tá Tupanaāxū peyaxōgūxū. Erū pema rū marū aixcūma meāma peyaxōgū. Natūrū ngēma tanaxwēxexū nixī na pexū tarūngūxēēgūxū na yexeraācū petaāēgūxūcēx.

2

¹ Rū yemacēx nixī ga tama wena pexūtawa chaxūxū, yerū tama chanaxwēxe ga pexū na changechaūxēēxū.

² Erū ngēxguma chi pexū changechaūxēēgu, ¿rū texē tá choxū tataāēxēē? ¿Rū űuxācū tá choxū petaāēxēē, ega pexū changechaūxēēgu?

³ Rū yemacēx nixī ga yemaācū pexcēx popera chaxūmatūxū na penamexēēgūxūcēx i perū guxchaxūgū naxūpa na pexūtawa chaxūxū. Yerū tama chanaxwēxe ga yexguma chi yēma chaxūxgu na choxū pengechaūxēēxū. Erū pema nixī i chanaxwēxexū na choxū petaāēxēēgūxū. Rū aixcūma nagu charūxīnū rū ngēxguma choma chataāēxgu rū pema rū tá ta petaāēgū.

⁴ Rū yexguma pexcēx chanaxūmatūgu ga yema popera, rū poraācū chanaxīxāchīāē, rū dūxwa yema chorū ngechaūmaā chaxaxu. Natūrū tama pexcēx chanaxūmatū na pexū changechaūxēēxūcēx, natūrū pexcēx chanaxūmatū na nūxū pecuáxūcēx na űuxācū poraācū pexū changechaūxū.

Pauru rū nūxū nūxū nangechaū ga yema duǔxū ga chixexū namaā űixū

⁵ Rū yema yatū ga choxū ngechaūxēēxū, rū tama choxūxīcatama nixī ga nangechaūxēēxū, natūrū pexū rū ta nangechaūxēē. Natūrū tama chanangupetūxēēchaxū na pexna chacaxū i ngemachiga..

⁶ Rū yema poxcu ga nūxna pexāxū ga yema duǔxū ga yexguma pengutaquēxegūgu, rū chauxcēx rū marū name na ngēxīcatama na yīxū.

⁷ Rū ngēmacēx i űuxma rū chanaxwēxe i nūxū nūxū pengechaū i norū chixexū rū nūxū perūngūxēē na tama yexeraxū i chixexūwa nagaāxūcēx i ngēma norū ngechaū.

⁸ Rū ngēmacēx chanaxwēxe i wenaxārū noxrirūū nūxū nūxū pedauxēē na aixcūma nūxū pengechaūxū.

⁹ Rū yemacēx nixī ga yemachiga marū pexcēx chanaxūmatūxū, yerū pexū chaxūchaū, rū nūxū chacuáxchaū ngoxī marū aixcūma chauga pexīntūē.

¹⁰ Rū űuxma pemaā nūxū chixu rū yīxema pema tūxū nūxū pengechaūxē i tūmaārū chixexū, rū choma rū tá ta tūxū nūxū changechaū. Rū ngēxguma chi űacū rū chixexūxū tūxū changechaūgu, rū pegagu nixī i Cristupēxewa tūxū nūxū changechaūxū i ngēma.

¹¹ Rū ngēmaācū chanaxū na tama nayoxniēxūcēx i Chataná na chixexūgu tūxū nayīxēēxūcēx. Erū yixema rū meāma nūxū tacuēx i nacūma i Chataná na űuxācū chixexūgu tūxū nayixēēchaūxū.

Tróaarū űānewa rū nanaxīxāchīāē ga Pauru

¹² Rū yexguma Tróaarū űānewa changuxgu na nūxū chixuxūcēx ga Cristuarū ore, rū poraācū choxū natauxcha na yēma tōrū Coriaxū chapuracūxū.

¹³ Natürü tama aixcüma chataãe ga yéma, yerü tama yexma nüxü chayangau ga taeneë ga Titu. Rü yemacëx nüxü charümoxë ga yëmacŭĀx ga duüxügü, rü ichaxüachi, rü Machedóniããnewa chaxü.

Cristu rü Paurumaã napora

¹⁴ Rü Tupanana moxë taxägü erü norü duüxügüxü toxü nixigüxëe. Rü ñuxma na Cristuarü duüxügü tixigüxü, rü numa ya Tupana rü guxüguma tomaã nanaxüpëxe. Rü numa nixi i toxü namuxü na duüxügüxü nüxü tacuëxëexüdcëx i norü ore. Rü ngëma norü ore rü guxüwama nangu rü guxüguma nipuema ñoma wüxi i pumara i yixichixüürü.

¹⁵ Rü ñuxma i toma i Cristugagu Tupanapëxewa na timexü, rü guxüwama tanguchigagü natanüwa i ngema yaxögüxü rü ngema tama yaxögüxü.

¹⁶ Rü ngëma duüxügü i tama yaxögüxü rü nüxü nawëxtümüxü i tochiga, erü ngema ore i nüxü tixuxü rü norü poxcuchigaxü namaã nixu. Natürü ngëma yaxögüxü rü namaã nataxëgü i tochiga erü ngema ore i nüxü tixuxü rü ore i namaxëxëexü nixi. Rü ngëmacëx çtexëaxü natauxcha i ñaã puracü na nüxü tixuxü i ngëma ore?

¹⁷ Rü yixema toxrüü ixigüxëxicatama tixi ya tüxü natauxchaxe. Rü toma rü tama Tupanaärü oregu diëru ngixü tayaxu ngëma togü naxügüxüürü. Natürü Tupanapëxewa rü aixcüma meã nüxü tixu i ngëma norü ore, erü numa toxü nimugü rü Cristuarü tixigü.

3

Tupanaärü uneta i ngexwacaxüxüchiga

¹ Rü ñuxma na pemaã nüxü tixuxü na aixcüma Tupana yixü ga toxü mucü, rü bexmana tá nagu perüxünë na wenaxärü togüëtüwa tidexagüxü. Çëxna penaxwëxe na wüxi i carta i cuëxrüü pexü tawéxü na nawa nüxü pecuáxüdcëx na aixcüma Tupanaärü orearü uruügü tixigüxü, rü ëxna penaxwëxe na pexütawa naxcëx itaçaxü i cartagü na ngëmawa duüxügü toxü cuáxüdcëx naxrüxü i ngema togü?

² Rü pemaã nüxü tixu rü tama tanaxwëxe i çacü rü carta na duüxügü toxü cuáxüdcëx, erü pematama nixi i ngëma cartarüü pixigüxü, rü pewa nixi i nangóxü na aixcüma Tupana yixü ga toxü mucü. Rü meãma toðëwa nüxü tacuëx i ngëma. Rü yema na naxüchicüxü ga perü maxü, rü ngëmawa guxüma i duüxügü nüxü nadau na aixcüma wüxi ga mexü ga puracü taxüxü ga petanüwa.

³ Rü ñuxma rü meãma nangox na pema rü ñoma wüxi i carta i Cristutama ümatüxüürü na pixigüxü. Rü torü puracügagu nixi i ngëma. Natürü tama wüxi i carta i çacü rü ümatüxümaã ümatüxü pixigü, natürü pema nixi i carta i Tupana ya Maxücüãe i Üünexü ümatüxü. Rü ngëma carta rü tama popera rü ëxna nataka iwücuchixü nixi, natürü perü maxüwa nixi i nangóxü i ngëma.

⁴ Rü ngëmacëx tama tamuüë na ngëmaacü togüçëxtama tidexagüxü, erü tayaxögü na Cristugagu Tupana toxü dauxü na timexü.

⁵ Rü tama toxrüutama cuëxmaã nixi i tanaxüxü i çacü rü mexü. Natürü guxüma i ngëma taxüxü rü Tupanaärü ngüxëëmaã nixi i tanaxüxü.

⁶ Rü Tupana rü toxü narüngüxëe na duüxügümaã nüxü tixuxü i ngëma ngexwacaxüxü i norü uneta na ñuxacü Cristugagu tá tüxna naxããxü i maxü i taguma güxü. Rü ngëma maxü rü tama yema mugü ga Moiché ümatüxügagu tanayaxu, natürü tanayaxu erü Tupanaãe i Üünexü tüxna nanaxã. Rü yema mugü ga Moiché ümatüxü rü yuwa tüxü nagagü, natürü Tupanaãe i Üünexü rü tüxna nanaxã i maxü i taguma güxü.

⁷ Rü yema mugü ga Moichéna naxãxü ga Tupana, rü nautagu nixi ga naxümatüxü. Rü yexguma Moiché nayaxüga ga yema mugü, rü poraacü niyaurachiwecüxü. Rü yemacëx ga duüxügü rü taxucüürüwama Moichéchiwëgu narüdaunü. Natürü yema norü yaurachiwecüü rü nixochigü. Natürü ga yema mugü ga Moiché tüxna äxü i yuwa tüxü gagüxü, rü taxü ga yauracüüxümaã ñangu. Rü yemaacü namexëchi ga yexguma ñanguxü.

⁸ Natürü yexeraacü namexëchi nixi i ngëma uneta i ngexwacaxüxü i Tupanaãe i Üünexü taxcëx ngoxëexü.

⁹ Rü yemaacü woo namexëchi ga yema mugü ga yuwa tüxü gagüxü, natürü yexeraacü namexëchi i ngëma uneta i ngexwacaxüxü i Tupanapëxewa tüxü mexëexü.

¹⁰ Rü yema mugü ga noxri mexëchixü, rü ñuxma rü taxuwama name, ega namaã nügü nangugü i ngëma Tupanaärü uneta i ngexwacaxüxü i yexeraacü mexëchixü.

¹¹ Rü yemaacü woo namexëchi ga yema mugü ga paxaãchi ixixü, natürü yexeraacü namexëchi i ngëma uneta i ngexwacaxüxü i guxügütama ixixü.

¹² Rü toma aixcüma nüxü tacuëx na guxügütama yixü i ngëma Tupanaärü uneta i ngexwacaxüxü i mexëchixü, rü ngëmacëx tama cüacüma duüxügümaã nüxü tixu.

¹³ Rū ngēmacēx tama duūxūgūchaxwa iticūxgū yema Moīché ūxūrū. Yerū ga Moīché rū nūgū nidūxchive na tama nūxū nadaugūxcēx ga yema Yudiūgū ga űuxācū na yaxochigūxū ga norū yaurachiwecū.

¹⁴ Natūrū ga yema duūxūgū ga Moīchéxū īxūmūcūgūxū rū űoma yadūxgūchiwexūrū nixīgū yerū tama nūxū nacūxgūēga ga űacūchiga na yīixū ga yema mugū. Rū űuxma rū ta i ngēma Yudiūgū rū tama nūxū nacūxgūēga i ngēxguma nawa nangūegu i ngēma mugū. Erū nangēxma i űacū i űoma yadūxgūchiwexūrū nūxū naguxchaxēēxū na tama nūxū nacūxgūxcēx. Rū űuxma rū ta tama nūxna īnanguēga i ngēma nacūma erū Cristuxicatama nixī ya yima nūxna īnanguxēēcū.

¹⁵ Rū űuxma rū ta i ngēma Yudiūgū, rū ngēxguma nawa nangūegu i ngēma ore ga Moīché tūxna āxū, rū nangēxma i űacū i űoma yadūxgūchiwexūrū nūxū naguxchaxēēxū na tama nūxū nacūxgūēgaxūcēx na űacūchiga yīixū i ngēma ore.

¹⁶ Natūrū ngēxguma wūxi i duūxū nūxū rūxoxgu i nacūma i chixexū, rū tōrū Coriaxū yaxōōgu, rū ngēxguma nixī i nūxna īnanguxū i ngēma nūxū naguxchaxēēxū.

¹⁷ Erū nūma ya tōrū Cori rū Naāē i Ūūnexū rū wūxitama nixī rū ngextā īnangēxmaxūwa i tōrū Coriāē i Ūūnexū, rū tūxū nanatauxchaxēē na Tupanana ingaicamagūxū.

¹⁸ Rū ngēmacēx guxāma i yixema na Cristuaxū yaxōgūxū rū űoma wūxi i woruarū tawa nangōchipeta na űuxācū namexēchixū ya tōrū Cori erū nataxuma i űacū i tūxū idūxūxū naxchaxwa. Rū nūma ya tōrū Cori i Naāē i Ūūnexū ixīcū, rū guxūguma yexeraācū tūxū nimexēēchigū na naxrū tū aixcūma imexūcēx.

4

¹ Rū ngēmacēx taguma nūxū tarūchau i űaā puracū, erū Tupana ya nūxū tangechaūtūmūcū nixī ga toxū mucū na tanaxūxūcēx i űaā puracū na duūxūgūmaā nūxū tixuxūcēx i norū ore.

² Rū yemacēx nūxū tarūxoe ga guxūma ga űacū ga chixexū i āne tūxna āxū i cūācū ūxū. Rū tama tanawomūxēēācūma nixī i namaā nūxū tixuxū i ore rū tama tanaxūchicū i ngēma ore. Natūrū ngēma ore i aixcūma ixīxūxīcatama nixī i nūxū tixuxū. Rū ngēmaācū Tupanapēxewa tamaxē rū duūxūgūpēxewa togū itawēx na nūxū nacūxgūxcēx na űuxācū tixīgūxū i tomāx.

³ Rū ngēxguma chi texēcēx naguxchagu i ngēma ore i mexū i nūxū tixuxū, rū ngēma duūxūgū i iyarūtauxexūcēxicatama nixī i naguxchaxū.

⁴ Erū nūmagū rū tama nayaxōgū. Rū ngēmacēx i űoma i naāneārū āēxgacū i Chatanā rū nūxū nanaguxchaxēē na tama nūxū nacūxgūxcēx na űuxācū namexēchixū i norū ore ya Cristu ya Ūūnecū. Rū Cristuwa nixī i nangōxū na űuxācū na yīixū ya Tupana.

⁵ Rū ngēxguma duūxūgūmaā nūxū tixuxgu i ngēma ore, rū tama tochigaxūtama tixugū. Natūrū nūxū tixu na Ngechuchu ya Cristu rū tōrū Cori yīixū, rū nūma tūxū na nangechaūxūgagu perū ngūxēruūgū na tixīgūxū.

⁶ Erū nūmatama ya Tupana ga noxri naāne naxūxgux rū ēānexūwa nangoxēēcū ga ngōonexū, rū nūmatama nixī i űuxma i tūxū yangoxnaāēxēēgūxū na ngēmawa nūxū icuāxūcēx na űuxācū namexēchixū i nūmax. Rū ngēma norū mexū rū Ngechuchu ya Cristuchiwewa nixī i nūxū idauxū.

Tayaxōgūama ega woo ngūxū ingegūgu

⁷ Rū ngēma nūxū na icuāxū na űuxācū namexēchixū ya Tupana, rū ngēma cuēx rū wūxi i mexēchixū nixī. Natūrū ngēma cuēx i mexēchixū rū taxūne i maīraxūnaxcēxwa nangēxma, na nangōxūcēx na Tupanawa ne naxūxū i guxūma i pora rū tama i tawatama.

⁸ Rū guxūwama toxū nangēxma i guxchaxūgū, natūrū taguma nūxū tarūchau i űaā puracū. Rū woo poraācū toxogaāēgūgu, natūrū taguma ītanangēx.

⁹ Rū woo togū tawe ingēxūtanūgu, natūrū ya Tupana rū taguma toxū īnawogū. Rū woo duūxūgū toxū napīxēēgū, natūrū tama ngēxma tayacuēxēē i űaā puracū.

¹⁰ Rū guxūwama i ngextā itaxīxūwa rū āūcūmaxūwa tangēxmagū, yexgumarū ga Ngechuchu na āūcūmaxūwa nayexmaxūrū. Natūrū ngēmaācū toxū naxūpetū na duūxūgū nūxū daugūxcēx na űuxācū towa namaxūxū ya Ngechuchu.

¹¹ Rū űuxma na tamaxēxū, rū guxū i ngunexūgu rū Ngechuchugagu āūcūmaxūwa tangēxmagū. Natūrū ngēmaācū toxū naxūpetū na Ngechuchu inawēxūcēx i norū pora nawa i űaā toxone i yuxwēxexū.

¹² Rū ngēmaācū Tupanaārū orecēx āūcūmaxūwa tangēxmagū, natūrū ngēmaācū toxū naxūpetū na pema rū pexū nangēxmaxūcēx i maxū i taguma gūxū.

¹³ Tupanaārū ore i ūmatūxūwa rū űanagūrū:

“Nūxū chayaxō rū yemacēx Tupanachiga chidexa”,

űanagūrū. Rū ngēxgumarū tama tixīgū i toma na tayaxōgūxū rū Tupanachiga tidexagūxū.

14 Erū nūxū tacuèxgū rū Tupana ga yuwa ínadxēēcū ga Ngechuchu ya tórū Cori, rū yimatama Tupana tá nixī ya toxū írúdagūxēēcū, erū Ngechucharū duūxūgū tixīgū. Rū ngēmaācū wūxigu pemaā nūgūxūtawa tá toxū nagagū.

15 Rū guxūma ga yema toxū ngupetūxū rū perū mexūcèx nixī na yexeraācū ya-mētanūxūcèx i ngēma duūxūgū i Tupana nūxū rūngūxēēgūxū. Rū ngēmaācū tá dūxwa namuxūchi i ngēma duūxūgū i moxē Tupanana āgūxū rū nūxū icuèxūgūxū.

16 Rū ngēmacèx taguma nūxū tarūxoe na nūxū tixuxū i ngēma ore. Rū woo yayachigūgu rū yaturachigūgu i toxone, natūrū toōēwa rū guxū i ngunexūgu rū yexeraācū tiporaetanū.

17 Erū ngēma ngūxū i toxū ūpetūxū i űaā torū maxūwa, rū ngēma rū wūxi i paxaāchimare nixī rū paxa tá nangupetū. Natūrū ngēmaācū tá tanayaxu i wūxi i maxū i mexēchixū i tagutáma gūxū i űoma i naānecūāx i maxūārū yexeraxūchi íxīxū.

18 Rū tama ngēma űuxma nūxū idauxūgu nixī itarūxīnūēxū, natūrū nāgu tarūxīnūē i ngēma űuxma tama nūxū idauxū. Erū ngēma űuxma nūxū idauxū rū tama natai, natūrū ngēma űuxma tama nūxū idauxū, rū guxūgutáma nangēxmaēcha.

5

1 Rū nūxū tacuèxgū ega ngēxguma iyanaxoxgu i űaā toxone i paxaāchi űuxma toxū ngēxmaxū, rū daxūgūxū i naānewa tá tanayaxu i wūxi i toxone i tagutáma iyarūxoxū i Tupanatama toxcèx mexēēxū rū tama i duūxūgū.

2 Rū ngēmacèx i űuxma i űaā toxonewa tamaxēyane, rū tama aixcūma tataāēgū. Erū tanaxwēxe na paxa toxū nangēxmaxū i ngēma toxone i daxūgūxū i naānewa ngēxmaxū.

3 Rū ngēma toxone i daxūgūxū i naānewa tá toxū ngēxmaxū rū űoma wūxi i naxchirurūū tá toxū nidūxū, na ngēmaācū naxāxūnēxūcèx i toōē.

4 Rū űaā toxone i űuxma toxū ngēxmaxūwa tamaxēyane, rū tanaxīxāchiāēgū rū tama aixcūma tataāēgū. Rū tama aixcūma itanatāxchaū i toxone i űoma i naānewa toxū ngēxmaxū, natūrū tanaxwēxegū na tanayaxuxū i toxone i ngexwacaxūxū na ngēmaācū ngēma maxū i ngexwacaxūxū iyanaxoxēēxūcèx i toxone i űuxma toxū ngēxmaxū.

5 Rū Tupana nixī ya toxū imexēēcū naxcèx i ngēma ngexwacaxūxū i maxū rū ngēma ngexwacaxūxū i toxone. Rū toxna nanamu ga Naāē i Ūūnēxū na ngēmawa nūxū tacuāxūcèx na aixcūma tá tanayaxuxū i ngēma.

6 Rū ngēmacèx taxucèxma taxoegaāēgū. Erū nūxū tacuèx rū űuxma űaā toxonewa tamaxēyane, rū taxucūríwama tórū Corixūtawa tangēxmagū i daxūgūxū i naānewa.

7 Rū woo tama nūxū tadaugūgu ya yima tórū Cori i űuxmax, natūrū tayaxōgu na wūxi i ngunexū rū tá nūxū tadaugūxū. Rū ngēma nixī i toxū poraxēēxū i űaā torū maxūwa.

8 Rū ngēmacèx taxucèxma taxoegaāēgū ega tayuegu. Erū toxcèx rū narūmemaē nixī na nūxna itachoxūxū i űaā toxone, na tórū Corixūtawa tayangēxmagūxūcèx.

9 Rū ngēmacèx, woo űoma i toxonewa tangēxmagūgu rū ēxna tama nawa tangēxmagūgu, rū tanaxwēxe na guxūguma tórū Coriarū ngūchaū na taxūxū. Rū ngēmacèx naxcèx tadaugū na tanaxūxū i ngēma nanaxwēxēxū i nūmax.

10 Erū guxātama i yixema rū Cristupēxewa tá tangugū na wūxichigū nayaxuxūcèx i ngēma tūxna ūxū. Rū nūma tá wūxichigūxū nangugūārū maxūāx. Rū ngēxgumarūū na űuxācū meā imaxēxū rū ēxna chixri imaxēxū ga yexguma űoma ga taxūnēwa iyexmagūgu, rū ngēmaācū tá tūxna nanaxā ya wūxichigū.

Cristu rū taxcèx Tupanaxū narūngūxmixēē

11 Rū ngēmacèx Tupanaārū orearū uwa tapuracūe rū tayaxucūxēgū i duūxūgū na yaxōgūāxūcèx. Erū toma rū aixcūma torū Corixū tamuūē. Rū Tupana toxū nacuèx na űuxācū yīxū i tórū maxū, rū chierūna pema rū chi ta toxū pecuèxgux.

12 Rū tama tanaxwēxe i wenaxārū togūētūwa tidexagū, natūrū pexū tarūngūxēēchaū na pexū nangēxmaxūcèx na űacūcèx tomaā petaāēgūxū na nūxū pecuāxūcèx na űuxācū penangāxūxū i ngēma duūxūgū i pepēxewa nūgū írūmegūnetaxū natūrū norū maxūwa rū tama íxaxcūmagūxū.

13 Rū woo duūxūgū toxū daugūgu na Tupanagu taxāūāēgūxū, rū nūētama nixī i ngēma erū nūmatama ya Tupana rū meāma toxū nacuèx. Natūrū i pema rū meāma toxū pecuèx na meāma toōēxū tacuācūma pemaā nūxū tixuxū ga norū ore.

14 Rū Cristu ya poraācū toxū ngechaūcū nixī ya űuxma tomaā icuācū, erū tayaxō na nūma rū guxāārū pecaducèx nayuxū na yexma yanaxoxūcèx ga guxāārū chixexūgū.

15 Rū yemaācū guxūma ga duūxūgūcèx nāyu ga Cristu, na ngēma duūxūgū i űuxma maxēxū, rū tama nūmatama nāgu naxīnūēxūgu namaxēxūcèx, natūrū naxcèx na namaxēxūcèx ya yima naxcèx yucū rū wena írúdacū.

¹⁶ Rū ngēmacēx i toma rū tama ñoma i naānecŭāx i duŭxŭgū nagu rūxInūēxŭrūū texēxŭ tangugŭarū maxŭāx. Rū woo ga ũpa rū ñoma ga naānecŭāx ga duŭxŭgū nagu rūxInūēxŭrūū Cristuxŭ tangugū, natŭrū i ñuxma rū tama ngēmaācū namaā nagu tarŭxInūē.

¹⁷ Rū ngēxguma texē Cristuaxŭ yaxŭxgu, rū ngexwacaxŭxŭ i duŭxŭ tixŭ. Rū nuxcūmaŭxŭ ga tūmacūma rū marū tŭxna inayarŭxo, rū ngexwacaxŭxŭ i maxŭ tŭxŭ nangēxma.

¹⁸ Rū guŭŭma i ngēma rū Tupana nixŭ ya naxŭcū. Rū nŭma nixŭ ga Cristugagu tamaā inangŭxmŭxŭ. Rū ñuxma rū toxŭ namu na duŭxŭgūmaā nŭxŭ tixuxŭ na namaā inangŭxmŭēxŭcēx.

¹⁹ Yerū Tupana rū Cristugagu duŭxŭgūmaā nŭgū narŭngŭxmŭxŭēē. Rū tama duŭxŭgŭarū pecadugu naxInūācūma nanaxŭ ga yema. Rū ñuxma rū toxŭ namu na ngēmachigaxŭ duŭxŭgūmaā tixuxŭ.

²⁰ Rū ngēmaācū Cristuarū orearū ngeruŭgū tixŭgū, rū towa nixŭ i Tupana pexŭ cēēxŭxŭ na namaā iperŭngŭxmŭēxŭcēx. Rū ngēmacēx Cristuégagu pexŭ tacēxŭgū na Tupanamaā iperŭngŭxmŭēxŭcēx.

²¹ Cristu rū taguma pecadu naxŭ. Natŭrū tagagu nixŭ ga Tupana ga ñoma pecadūxŭrūūācūma namaā naxŭāxŭ na yemaācū nagagu tŭxŭ inangŭxŭxŭēēxŭcēx nawa i torū chixexŭ na aixcūma napēxewa imexŭcēx.

6

¹ Rū ñuxma na Tupanaārū ngŭxēēruŭ tixŭgŭxŭ, rū pexŭ tacēēxŭ na tama nŭxŭ pex-
oexŭcēx ga yema pemaā na namecūmaxŭ ga yexguma nayuxgu ga Nane.

² Erū Tupana rū norū ore i ūmatŭxŭŭwa, rū ñanagŭrū:

“Rū yema ngunexŭ ga nagu namexŭgu na choxŭ peyaxuxŭ, rū yexguma nixŭ ga pexŭ
chaxInŭxŭ. Rū yexguma pexna chanaxuāxŭgu ga maxŭ i taguma gŭxŭ, rū yexguma
nixŭ ga pexŭ charŭngŭxŭēēxŭ”,

ñanagŭrū. Rū ñuxma nixŭ i ngēma ngunexŭ i nagu namexŭ na Tupanaxŭ peyaxuxŭ, rū
ñuxma nixŭ i ngēma ngunexŭ i pexna naxuaxŭāxŭ i maxŭ i taguma gŭxŭ.

³ Rū toma rū guxŭguma naxcēx tadau na guxāpēxewa meā tamaxēxŭ na taxucēxma texē
chixri torū puracŭchiga idexaxŭcēx.

⁴⁻⁵ Rū guxŭwama duŭxŭgŭxŭ nŭxŭ tadauxēēchaŭ na aixcūma Tupanaārū duŭxŭgū
tixŭgŭxŭ. Rū ngēmacēx yaxna namaā taxInūē i ngēxguma woo ngŭxŭ toxŭ ngupetŭgu,
rū ēxna ŭacŭ toxŭ tauxgu, rū ēxna ŭacŭ rū guxchaxŭ toxŭ ngēxmagu, rū ēxna toxŭ
yaçuaixgŭgu, rū ēxna toxŭ napoxcuegu, rū ēxna naxŭxāchŭāētanŭgu rū tomaā nanuēgu. Rū
poraācŭxŭchima tapuracŭe, rū ñuxguacŭ rū tama tapee, rū ñuxguacŭ rū taiya toxŭ nangŭx.
Natŭrū yaxna namaā taxInūē i guxŭma i ngēma.

⁶ Rū ngexgumarŭxŭ ta duŭxŭgŭxŭ nŭxŭ tadauxēē na aixcūma namexŭ i torū maxŭ, erū
aixcūma Tupanapēxewa meā tamaxē, rū meā Tupanaxŭ tacuēx, rū yaxna duŭxŭgūmaā
taxInūē, rū namaā tamedcūma. Rū nŭxŭ nŭxŭ tadauxēē na towa nangēxmaxŭ i Tupanaāē
i ūnēxŭ rū aixcūma guxŭ i duŭxŭgŭxŭ tangechaŭxŭ.

⁷ Rū duŭxŭgŭxŭ nŭxŭ tadauxēē na aixcūma namexŭ i torū maxŭ, erū namaā nŭxŭ tixu i
ngēma ore i aixcūma ixŭxŭ, rū itanawēx i Tupanaārū pora i towa ngēxmaxŭ. Rū ngēma toxne
ixŭxŭ rū ngēma nixŭ i torū maxŭ i aixcūma mexŭ i Tupanapēxewa. Rū ngēmamaā nixŭ i togŭ
itapoxŭxŭ i torū uwanŭgŭpēxewa.

⁸ Rū ñuxguacŭ i duŭxŭgŭ rū toxŭ nicuēxŭŭgŭ, rū ñuxguacŭ rū ŭacŭ tomaā nixugŭe. Rū
ñuxguacŭ rū meā tohiga nidexagŭ, rū ñuxguacŭ rū chixri tohiga nidexagŭ. Rū woo
aixcūmachirēx yixŭgu i ngēma ore i nŭxŭ tixuxŭ, natŭrū doratēēx toxŭ nawogŭe.

⁹ Rū woo meā toxŭ nacuēxgŭchirēxgu, natŭrū ñoma tama toxŭ nacuāxŭrūū tomaā nixŭgŭ i
duŭxŭgŭ. Rū ñuxguacŭ rū wixgutaēx tayue, natŭrū naēŭwa tamaxēāma. Rū toxŭ napoxcue,
natŭrū tama toxŭ nadaixichi.

¹⁰ Rū woo tangechaŭgŭgu, natŭrū guxŭguma tataāēgŭama. Rū woo ñoma i naānewa tama
tamuārū ngēmaxŭāxgŭgu, natŭrū muxŭma i duŭxŭna tanaxā i taxŭ i mexŭ erū togagu
nanayaxu i maxŭ i taguma gŭxŭ. Rū woo taxuŭma toxŭ ngēxmēxgu i ñoma i naānewa, natŭrū
daxŭ-guxŭ i naānewa rū toxŭ nangēxma i guxŭma.

¹¹ Pa Chaueneēgŭ i Corŭtiucŭāx, dŭcax aixcūma pemaā nŭxŭ tixu rū guxŭ i torū maxŭnemaā
pexŭ tangechaŭgŭxŭchi.

¹² Rū toma rū tama pexŭ taxoe, natŭrū pema waxi nixŭ i tama petoxwēxexŭ.

¹³ Rū dŭcax, Pa Chaueneēgŭx, rū ñoma wŭxi i papā naxācŭgŭxŭ cēēxŭxŭrūū pexŭ chacēēxŭ
na choxŭ pengechaŭgŭxŭcēx ngēma choma pexŭ changechaŭxŭrūū.

¹⁴ ĶRū tāūtama namaā pexāmūcū i ngēma duūxūgū i tama yaxōgūxū! Erū ngēxguma chi ngēmaācū penaxūxgu rū tāūtama guxā wūxigu perūxīnūē. ĶRū ņuxācū nawūxiguxū i ngēma mexū namaā i ngēma chixexū? ĶRū ņuxācū nawūxigu i ngōonexū namaā i ēānexū?

¹⁵ ĶRū ņuxācū nawūxiguxū ya Cristu namaā i Chatanā? ĶRū ņuxācū nawūxiguxū i wūxi i duūxū i yaxōxū namaā i wūxi i duūxū i tama yaxōxū?

¹⁶ ĶRū ņuxācū Tupanapatawa nangēxmaxū i tupananetachicūnēxāgū? Erū yixema rū Tupana ya maxūcūpata tixīgū, rū tawa namaxū i nūmax. Rū Tupana rū pechiga nidexa ga yexguma ņaxgu:

“Rū ngēma duūxūgūwa tá chamaxū, rū natanūgu tá chayarūxūūxū. Rū norū Tupana tá chixī, rū nūmagū rū tá chorū duūxūgū nixīgū”,
 ņaxgu.

¹⁷ Rū yemacēx ņanagūrū ta ga tórū Cori:

“ĶRū īpechōxū i natanūwa i ngēma duūxūgū i tama chorū duūxūgū ixīgūxū! ĶRū tāxū i nūxū pingōgūxū i ngēma chopēxewa chixexū! Rū choma rū tá pexū chayaxu.

¹⁸ Rū choma rū Penatū tá chixī, rū pemagū rū tá chaunegū rū tá chauxacūgū pixīgū”,
 ņanagūrū ya tórū Cori ya Tupana ya guxūārū yexera poraxūchicū.

7

¹ Rū dūcax, Pa Chaueneēgū ya Pexū Changechaūgūxex, rū ngēma Tupanaārū unetagū i pemaā nūxū chixuxū, rū taxcēx nixīgū. Rū ngēmacēx tanaxwēxe na yigūna idaugūxū na tama taxūnemaā rū ēxna taāēmaā naxūxūcēx i ngēma Tupanapēxewa tama mexū. Rū tanaxwēxe i aixcūma Tupanaxū imuūēācūma nūxna yigū taxāgū rū naxcēxicatama tamaxē.

Paurū rū ngema Corĭtiucūāxgūmaā nataāxē

² Rū tanaxwēxe i toxū pengechaūgū. Rū dūcax ga toma rū taxūxemaāma chixexū taxūgū. Rū taxūxexūma chixexū tanguxēē. Rū taxūxexūma tawomūxēēgū.

³ Rū tama pexū chixuxūcēx nixī i pemaā nūxū chixuxū i ngēma. Yerū marū pemaā nūxū chixu na ņuxācū guxū ga chorū maxūmaā pexū changechaūxū. Rū ngema pexū na changechaūxūgagu rū íchamemare na petanūwa chamaxūxū rū ēxna wūxigu pemaā chayuxū.

⁴ Rū ņuxma rū taxucēxma pexū chaxāneācūma pemaā chidexa erū poraācū pemaā chataāē. Rū woo ngūxū na tingegūxū, natūrū aixcūma choxū penangūchaūxēē rū choxū petaāēxēē.

⁵ Rū yexguma Machedóniāānewa tangugūgucūrūwa rū taguma itarūngūgū. Yerū guxūwama ga ngexta itaxūdūwa rū nūxū itayangau ga guxchaxūgū. Rū duūxūgū rū toxū nanaguxchaxēē na tanaxūxū i Tupanaarū puracū rū yemacēx poraācū taxoegaāxēgū..

⁶ Natūrū ya Tupana ya tūxū taāēxēēcū ya yixema ngechaūgūxe, rū toxū rū ta nataāēxēē ga yexguma toxūtawa nanguxgu ga taeneē ga Titu.

⁷ Rū tama yema toxūtawa na nanguxūcēxicatama tataāēgū, natūrū tataāēgū ta yerū ga pema rū poraācū nūxū penangūchaūxēē rū penataāēxēē ga guma taeneē ga Titu. Rū nūma ga Titu rū tomaā nūxū nixu na ņuxācū poraācū penaxwēxexū na toxū pedauxū. Rū tomaā nūxū nixu na ņuxācū naxcēx pengechaūgūxū ga yema chomaā pexūxū, rū na ņuxācū chauxcēx pexoegaāēgūxū. Rū guxūma ga yema oremaā rū yexeraācū chataāē.

⁸ Choma nūxū chacuēx rū yema popera ga pexcēx chaxūmatūxū rū pexū nangechaūgūxēē, natūrū ņuxma rū marū tama naxcēx changechaū na chanaxūmatūxū ga yema popera. Rū noxri rū yemaācū naxcēx changechaū ga yexguma nūxū chacuēxgu ga na pexū nangechaūgūxēēxū ga yema popera ga yexguma penayauxgu.

⁹ Natūrū i ņuxma rū chataāē na pexcēx chanaxūmatūxū ga yema popera. Rū tama yema na pengechaūgūxūcēx chataāē, natūrū chataāē yerū yema perū ngechaūgagu Tupana pecuēxāchie rū penaxūchicūū ga perū maxū. Rū pema rū aixcūma Tupana pecuēxāchieācūma namaā peporae ga yema ngechaū, rū yemaācū taxūma ga chixexū pemaā taxū ga yexguma pexcēx tanaxūmatūgu ga yema popera.

¹⁰ Rū ngēma ngechaū i Tupana naxwēxexūācūma namaā iporaexū, rū name nixī, erū ngēma ngechaūgagu naxūchicūū i tórū maxū rū ngēmagagu tanayaxu i maxū i taguma gūxū. Rū ngēmacēx taxucēxma naxcēx pixāūxāchie i ngēma ngechaū. Natūrū ngēma ngechaū i ņoma i naānecūāx i duūxūgū nūxū ngēxmaxū rū taxuwama name erū yuwa nanaga.

¹¹ Rū yexguma yema poperamaā pexū changechaūxēēgu, rū Tupana naxwēxexūācūma nixī ga namaā peporaexū ga yema ngechaū. ĶRū dūcax i ņuxma i tacū Tupana pemaā ūxū i ngēma perū ngechaūgagu! Yerū yema perū ngechaūgagu rū aixcūma nagu perūxīnūē ga yema chixexū ga petanūwa ūpetūxū, rū meāma chomaā nūxū pixu ga yema. Rū yema perū ngechaūgagu rū peāēwa nangux ga yema chixexū, rū poraācū Tupanaxū pemutē. Rū yemacēx penaxwēxe na yēma chaxūxū na pexū chayarūngūxēēxūcēx yerū

penamexēēgūchaŭ ga yema chixexŭ. Rū yema perŭ ngechaŭgagu rū aixcūma penaxucŭxē ga yema duŭxŭ ga chixexŭ ūxŭ. Rū guxŭ ga yemawa rū ipenawēx na tama pegagu yīxŭ ga yema chixexŭ ga ngupetŭxŭ.

¹² Rū yemacēx, yexguma pexcēx chanaxūmatŭgu ga yema popera, rū tama yema duŭxŭ ga chixexŭ ūxŭgu charŭxīnŭācūma chanaxūmatŭ, rū tama yema duŭxŭ ga namaā chixexŭ naxŭxŭgu charŭxīnŭācūma chanaxūmatŭ. Natŭrŭ chanaxūmatŭ ga yema popera na yemawa Tupanapēxewa nŭxna pecuēxāchiexŭcēx na űuxācŭ aixcūma toxŭ pengechaŭgŭxŭ.

¹³ Rū yema na toxŭ pengechaŭgŭxŭ, rū wŭxi ga taāē nixŭ ga toxcēx. Natŭrŭ yema taāēārŭ yexera nixŭ ga yema taāē ga toxŭ yexmaxŭ ga yexguma nŭxŭ tadēuxgu ga Titu ga űuxācŭ taxŭ ga taāē petanŭwa na nayaxxŭ. Rū aixcūma guxāma ga pema nixŭ ga wenaxārŭ poraācŭ nŭxŭ penangŭchaŭxēēxŭ.

¹⁴ Rū noxri tauta yēma naxŭxgu ga Titu, rū namaā nŭxŭ chixu na mexŭ i duŭxŭgu na pixŭgŭxŭ. Rū űuxma rū taxucēxma chaxāne, erŭ guxŭma ga yema Titumaā nŭxŭ chixuxŭ ga pechiga rū aixcūma ngēmaācŭ nixŭ, yexgumarŭŭ na aixcūma yīxŭ ga guxŭma ga yema Tupanaārŭ ore ga pemaā nŭxŭ tixuxŭ.

¹⁵ Rū űuxma i Titu rū yexeraācŭ pexŭ nangechaŭ i ngēxguma nŭxna nacuēxāchigu na űuxācŭ meā naga pexīnŭēxŭ rū űuxācŭ nŭxŭ pengechaŭācūma meā penayaxuxŭ.

¹⁶ Rū choma rū ta poraācŭ pemaā chataāēxŭchi, erŭ nŭxŭ chacuēx na aixcūma peyan-guxēēxŭ ga guxŭma ga yema pemaā nŭxŭ chixuxŭ.

8

Yema yaxōgŭxŭ rū woo tama na namuārŭ dŭeruāxgŭxŭ, natŭrŭ yema nŭxŭ yexmacŭ ga dŭerumaā meā togŭxŭ narŭngŭxēēgŭ

¹ Rū űuxmax, Pa Chaueneēgŭx, rū pemaā nŭxŭ tixuxchaŭ na űuxācŭ Tupana namaā mecūmaxŭ i ngēma yaxōgŭxŭ i Machedonīāāneārŭ iānegŭwa ngēxmagŭxŭ.

² Rū woo taxŭ ga guxchaxgŭxŭ nŭxŭ na ūpetŭgŭxŭ, natŭrŭ nataāēgŭama. Rū woo tama na namuārŭ dŭeruāxgŭxŭ, natŭrŭ yema nŭxŭ yexmacŭ ga dŭerumaā meā togŭxŭ narŭngŭxēēgŭ.

³ Rū choma nŭxŭ chadau rū pemaā nŭxŭ chixu rū nŭmagŭ rū taāēācūma ngŭxŭ inaxāgŭ ga guxcūma ga dŭeru ga nŭxŭ tauxchacŭ na ngŭxŭ inaxāgŭxŭ. Rū ngŭtŭ yemaārŭ yexera taāēācūma ngŭxŭ inaxāgŭ.

⁴ Rū poraācŭ toxŭ nacēēxŭgu na tama nŭxna tanachŭxuxŭcēx na yemaācŭ yema togŭ ga taeneēgŭxŭ nangŭxēēgŭxŭcēx.

⁵ Rū yema nagu tarŭxīnŭēxŭārŭ yexera ngŭxŭ inaxāgŭ ga yema yaxōgŭxŭ ga Machedonīāānecŭāx. Yerŭ Tupananaxŭra nŭgŭ naxāgŭ rū yemawena toxna nŭgŭ naxuaxŭgu na toga naxīnŭēxŭcēx, yema Tupana naxwēxŭrŭrŭ.

⁶ Rū yemacēx Tituxŭ tacēēxŭ na wena petanŭwa naxŭxŭcēx na ngŭxŭ pinguxēēxŭcēx ga yema dŭeru ga marŭ pemaā ngŭxŭ inaxŭgŭcŭ na ngŭxŭ penutaquēxexŭ naxcēx i ngēma togŭ i taeneēgŭ i nŭxŭ nataxuxŭ.

⁷ Pema rū guxŭwama meā ipexŭ erŭ meā peyaxōgŭ, rū pexŭ natauxcha na meā nŭxŭ pixuxŭ i Tupanaārŭ ore erŭ meā nŭxŭ pecuēx na tacŭchiga yīxŭ. Rū aixcūma togŭxŭ perŭngŭxēēchaŭ, rū yema pexŭ tangŭxēēxŭācūma pegŭ pengechaŭgŭ. Rū űuxma rū ngēxgumarŭŭ ta penaxwēx na aixcūma meā ipexŭxŭ nawa i ngēma mexŭ i nacūma na dŭeru ngŭxŭ ipexāxŭ naxcēx i ngēma taeneēgŭ i nŭxŭ nataxuxŭ.

⁸ Tama wŭxi i mu nixŭ i ngēma pemaā nŭxŭ chixuxŭ. Natŭrŭ chanaxwēxemare na nŭxŭ pecuāxŭ na űuxācŭ taāēācūma ngŭxŭ inaxāgŭxŭ ga togŭ ga yaxōgŭxŭ. Rū pemaā nŭxŭ chixu i ngēma na pema rū ta ngŭxŭ ipexāgŭxŭcēx i ngēma dŭeru i togŭ i taeneēgŭārŭ ngŭxēēcēx ixīcŭ, na ngēmaācŭ ipenawēxŭcēx na aixcūma nŭxŭ pengechaŭgŭxŭ.

⁹ Erŭ pema rū marŭ nŭxŭ pecuēx na űuxācŭ tamaā namecūmaxŭ ga tórŭ Cori ya Ngechuchu ya Cristu. Rū woo nŭxŭ nayexma ga guxŭma, natŭrŭ űoma wŭxi ga ngearŭ yemaxŭāxŭrŭŭ pexcēx nŭgŭ nixŭxēē na ngēmaācŭ pexŭ nangēxmaxŭcēx i muxŭma i mexŭgŭ.

¹⁰ Rū űuxma rū perŭ mexŭcēx nixŭ i pemaā nŭxŭ chixuxŭ i ngēma dŭeruarŭ nutaquēxechiga. Rū taunecŭ ga ngupetŭcŭgutama nixŭ ga ipenaxŭgŭxŭ ga ngŭxŭ na penutaquēxexŭ. Rū yema rū aixcūma perŭ ngŭchaŭmaā nixŭ ga penaxŭxŭ.

¹¹ Rū űuxma rū yema noxri na meā ipenaxŭgŭxŭrŭŭ, rū name nixŭ i taāēācūma rū perŭ ngŭchaŭmaā peyangxēē rū ngēma dŭeru i pexŭ ngēxmacŭwa ngŭxŭ ipexā naxcēx i ngēma peeneēgŭ i nŭxŭ nataxuxŭ.

¹² Erŭ ngēxguma aixcūma wŭxi ya duŭxē tūmaārŭ ngŭchaŭmaā ngēma dŭeru i tŭxŭ ngēxmēxcŭwa tūmaēnecēx ngŭxŭ itaxāxgu, rū Tupana rū taāēācūma ngŭxŭ nayaxu. Erŭ nŭma ya Tupana rū taguma tŭxna ngŭxcēx naca i ngēma tŭxŭ taŭxcŭ.

¹³ Rū ngēmacèx tama chanaxwèxe i ngēma togūxū na perūngūxēēxūgagu pexū nataxu i pemax.

¹⁴ Natūrū chanaxwèxe i guxāma tūxū nangēxma i ſacū i tanaxwèxexū, erū tama name na texēaxū nataxuxū i ſacū. Rū űuxma na pexū nangēxmaxū i perū dīeru, rū name nixī i nūxū perūngūxēēgū i ngēma taeneēgū i nūxū nataxuxū. Rū ngūrūāchi to i ngunexūgu i pema pexū nataxūgu, rū nūmagū rū tá nūxī nūxū nangēxma na pexū nangūxēēgūxūcèx. Rū ngēmaācū tá guxātama tawūxigu.

¹⁵ Rū Tupanaārū ore i űumatūxūwa rū űanagūrū:

“Guxema muxūma tūxū yexmaxē rū taxūlma tūxū űnayaxū. Rū guxema noxretama tūxū yexmaxē rū tama tūxū inayataxu”, űanagūrū.

Titu rū namūcūgūchiga

¹⁶ Natūrū Tupanana moxē chaxā, erū nūma rū Tituxū nagu narūxīnūxēē na aixcūma pexū nangūxēēxūcèx, ngēma choma pegu charūxīnūxūrū.

¹⁷ Rū nūma ga Titu rū: “Ngū” űanagūrū na wena petanūwa chanamuxū. Yerū nūma rū woetama poraācū pegu narūxīnū. Rū ngēmacèx i űuxma rū wena petanūwa naxū, erū nūxū nangūchaū.

¹⁸ Rū Titumaā ngema tanamu i wūxi i taeneē i guxūma i yaxōgūxū nūxū ngechaūgūxū erū nūma rū aixcūma meā nūxū nixu i Tupanaārū ore i tūxū maxēxēxū.

¹⁹ Rū tama ngēmacēxicatama nixī. Erū guxūma i ngēma yaxōgūxū rū ngēma taeneēxū naxunetagu na toxū iyaxūmūcūxūcèx rū toxū nangūxēēxūcèx i ngēxguma Yerucharēūwa ngīxū tangexgu i ngēma dīeru, na ngēmaācū nūxū ticuēxūgūxūcèx ya tórū Cori, rū na guxāma nūxū dauxūcèx na űuxācū taāēācūma yīgū rūngūxēēgūxū.

²⁰ Rū űayaga i ngēma taeneē, erū tama tanaxwèxe i texē toxū tixu i yixcama ngīxcèx i ngēma tacū i dīeru i taeneēgūcèx ngīxū inutaquēxegūcū.

²¹ Erū tama Tupanapēxewaxicatama tanaxwèxe na meā tanaxūxū, natūrū guxū i duűxūgūpēxewa rū ta tanaxwèxe na meā tanaxūxū.

²² Rū Titumaā rū ngēma to i taeneēmaā petanūwa tanamu i wūxi i to i taeneē i toxū nūxū dauxēxū na aixcūma nūxū nangūchaū na naxūāxū i Tupanaārū puracū. Rū űuxma rū yexeraācū petanūwa naxūchaū i nūmax, erū nūxū nacuèx na űuxācū pema rū taāēācūma togūxū na perūngūxēēgūchaūxū.

²³ Rū ngēxguma texē pexna caxgu na texe yīxū ya Titu, űrū tūmamaā nūxū pixu na nūma rū chomūcū ya wūxiwa chomaā pexcèx puracūcū na yīxū! Rū ngēma taxre i togū i namūcūgū, rū ngēma nixī i yatūgū i guxūma i yaxōgūxū nūxū unetagu xū na Cristuarū puracū naxūgūxūcèx. Rū nūmagū rū aixcūma norū maxūmaā Cristuxū nicuēxūgū.

²⁴ Rū ngēmacèx chanaxwèxe i ngēma taeneēgūxū nūxū pedauxēē na aixcūma nūxū pengechaūgūxū, na guxūma i yaxōgūxū nūxū cuēxgūxūcèx i ngēmachiga. Rū ngēmaācū guxūma i ngēma yaxōgūxū tá nūxū nacuēxgū na aixcūma yīxū i ngēma mexū i ore i pechiga namaā nūxū tixuxū.

9

Yema dīeru ga yema togū ga yaxōgūxūcèx ngīxū inutaquēxegūcūchiga

¹ Rū taxucèxma tūxcūű pexcèx chanaxūmatū ngīchiga i ngēma dīeru i ngīxū penutaquēxegūcū naxcèx i ngēma taeneēgū i yaxōgūxū i Yudeaanewa ngēxmagūxū.

² Erū marū nūxū chacuèx rū perū ngūchaūmaā ipenaxā i ngēma dīeru. Rū guxūguma taāēācūma ngēma yaxōgūxū i Machedóniāānewa ngēxmagūxūmaā nūxū chixu na űuxācū i pema i Acayaanewa ngēxmagūxū rū nai ya taunecūgutama marū űpememarexū na ngīxū ipexāgūxū i ngēma dīeru. Rū yema rūmumaēxū ga yaxōgūxū ga Machedóniāānecūāx, rū yexguma nūxū naxīnūēgu na űuxācū taāēācūma togūcèx ngīxū na ipexāgūxū i perū dīeru, rū nūmagū rū ta inanaxūgū na ngīxū inaxāgūxū.

³ Natūrū i űuxma rū ngema petanūwa chanamugū i ngēma taeneēgū na nūxū nadaugūxūcèx, na aixcūma yīxū i ngēma nūxū chixuxū i pechiga. Rū chanaxwèxe na aixcūma űpememarexū na ngīxū ipexāxū i ngēma dīeru, ngēma taeneēgūmaā nūxū chixuxūrū.

⁴ Erū ngēxguma chi űuxre i taeneēgū i Machedóniāānecūāx rū ngūrūāchi chomaā petanūwa naxīxgu, rū tama chanaxwèxe na pexū na iyangauxū na tama aixcūma űpememarexū na ngīxū ipexāxū i ngēma dīeru. Rū toxū rū chi wūxi i ānexūchi nixī, erū marūchirēx namaā nūxū tixu na űuxācū aixcūma űpememarexū na ngīxū ipexāxū i ngēma dīeru. Rū maneca pexū rū chi ta wūxi i ānexūchi nixī.

⁵ Rū ngēmacēx nixī i chauxcēx namexū na naxcēx íchaçaxū i ngēma taeneēgū na nūxīra petanūwa naxīxūcēx rū nūmatama pexū yanangūxēēgūxūcēx na ngīxū penu-taquéxegūxūcēx i ngēma dīeru ga ūpamama ngīxū pixucū. Rū ngēmaācū aixcūma tá íimemare i ngēma dīeru i ngēxguma ngema changuxgu. Rū togū tá nūxū nadaugū na aixcūma perū ngūchaūmaā yīixū na ngīxū ipexāgūxū rū tama aūācūma na yīixū.

⁶ Rū nūxna pexūxāchie i ngema dexa i ñaxū:

“Rū yīxema noxretama i nanetūchire itoxe, rū noxretama i norū o tayaxu. Natūrū yīxema muxū i nanetūchire itoxe, rū muxūma i norū o tayaxu”, ñaxū!

⁷ Rū wūxichigū tanaxwēxe na ngīxū itaxāxū i ngēma ngīgu tarūxīnūcū na ñuxre ngīxū itaxāxchaūxū. Rū tama name i aūācūma ngīxū itaxā rū ēxna texē tūxū muācūma ngīxū itaxā. Erū Tupana rū nūxū nangechaū i ngēma duūxū i taāēācūma ngīxū ixāxū.

⁸ Rū Tupanamēxēwa nangēxma na poraācū pexna naxāāxūcēx i guxūma i mexū i pexū taxuxū, na guxūguma pexū nangēxmaūcēx i ngēma penaxwēxexū rū naētū na pexū íyaxūxūcēx na togūxū namaā perūngūxēēgūxūcēx.

⁹ Tupanaārū ore i ūmatūxūwa rū ñanagūrū:

“Yima yatū ya mecū rū norū ngūchaūmaā meā inanaxā nūxna i ngēma duūxūgū i taxuūma nūxū ngēxmaūxū. Rū Tupana rū tá guxūgu nūxna nacūxāchi na ñuxācū namecūmaxū i nūmax”,

ñanagūrū.

¹⁰ Tupana nixī ya tūxna naxācū ya nanetūchire na inatoxūcēx, rū tūxna naxācū i ōna na nangōxūcēx. Rū nūma tá nixī i pexna naxāāxū ya guxūnema ya nanetūchire ya penaxwēxene na ipenatoxūcēx. Rū nūma tá nanaxūxēē rū nanayaxēē ya yima nanetūchire. Rū tá nanamuxēē i norū o, na muxūchixū nawa peyaxuxūcēx na ngēmamaā togūxū perūngūxēēgūxūcēx.

¹¹ Rū ngēmaācū i pema rū tá pexū nangēxma i guxūma i mexū na tauxchaācūma nūxū perūngūxēēgūxūcēx i togū. Rū ngēxguma ngēma togū i taeneēgūxūtawa ngīxū tangēgūgu i ngēma dīeru i naxcēx ngīxū ipexācū, rū nūmagū rū tá poraācū Tupanana moxē naxāgū ngīxcēx.

¹² Erū ngēxguma nūxna ngīxū taxāxgu i ngēma dīeru i nūxū ngīmaā perūngūxēēgūcū i ngēma taeneēgū, rū tama tacū i nūxū taxuxūcēxicatama ta nixī, natūrū naētū i nūmagū i taeneēgū rū perū āmaregagu tá poraācū Tupanana moxē naxāgū.

¹³ Rū nūmagū i ngēma taeneēgū rū tá Tupanaxū nicūxūūgū, erū ngēma perū āmaremaā tá nūxū nūxū pedauxēē na aixcūma naga pexīnūxū i Cristuarū ore i mexū. Rū nūmagū rū tá Tupanana moxē naxāgū naxcēx i ngēma perū āmare i perū ngūchaūmaā nūxna rū guxūma i yaxōgūxūna pexāgūxū.

¹⁴ Rū ngēxgumarūū i ngēma taeneēgū rū tá poraācū pexcēx nayumūxēgū, erū pexū nangechaūgū. Rū tá Tupanana moxē naxāgū naxcēx na ñuxācū nūma ya Tupana poraācū pexū nangūxēēxū na yemaācū pexū natauxchaxūcēx na nūxū perūngūxēēgūxū.

¹⁵ Rū ngēmacēx i ñuxma rū Tupanana moxē taxā, yerū tūxna nanamu ga Nane na tōrū āmare yīixūcēx. Rū nataxuma i ore i nagu mexū na nūxū ixuxūcēx na ñuxācū namaā itaāēgūxūchixū i ngēma āmare.

10

Pauruarū ore rū aixcūma nixī yerū Tupana nixī ga nūxna āgacū

¹ Rū ñuxma rū yema Cristu yaxna tamaā naxīnūxūrūū rū tamaā namecūmaxūrūū, rū choma rū ta pemaā yaxna chaxīnūācūma rū pemaā chamecūmaācūma pexū chacēxū na chauga pexīnūxūcēx. Erū nūmaxū i duūxūgū rū nūxū nixugū na pexū chamūūxū ega pexūtawa changēxmagu natūrū ngēxguma pexna chayaxūgu rū tama pexū chamūū.

² Natūrū ngēxguma ngema petanūwa chaxūxgu, rū chierū natauxguma na tacūcēx namaā chaporagaxū rū na chanaxucuxēxū i ngēma duūxūgū i petanūwa toxū ixuxū na ñoma tama yaxōgūxūrūū na tamaxēxū. Erū choma rū íchamemare na namaāxūchi na chidexaxū.

³ Rū aixcūma woo duūxūgū tixigū natūrū tama ñoma i naanecūāxrxūxū togū tadar i ngēxguma itanapoxūgu i Tupanaārū ore.

⁴⁻⁵ Erū ngēma toxne i namaā itanapoxūxū i Tupanaārū ore rū tama ñoma i naānecūāx namaā āxnexū nixī. Erū toma rū toxū nangēxma i Tupanaārū pora na ngēmamaā itayanaxoxēxūcēx i Chatanāārū pora. Rū ngēmaācū itayanaxoxēē i guxūma i chixexū i ore i Tupanaxū namaā yaxugūgūxū i duūxūgū. Rū ngēmaācū itayanaxoxēē i guxūma i Tupanaārū uwanūgūārū ore i nūgū namaā yacuēxūūgūācūma duūxūgūmaā nūxū yaxugūgūxū na tama Tupanaāxū yaxōgūāxūcēx. Rū guxūma i tacū i nagu naxīnūxū i ngēma duūxūgū i chixexū, rū Cristuna tanaxuaxū na nūma namaā inacuāxūcēx.

⁶ Rū wūxicana marū meā Cristuga pexīnūēgu, rū toma rū ítamemare na tūxū tapoxcuexū ya guxāma ya texé ya tama naga ĩnūēxē i Cristuarū ore.

⁷ Pema rū norū dūxētūñewaxicatama nixī i penangugūxū i wūxi i duūxū. Natūrū ngēxguma texé tūgū cuēxgu na Cristuarū duūxū tiixū, rū name nixī i nūxū tacuēx na toma rū ta tūmarū Cristuarū duūxūgū tixīgūxū.

⁸ Rū woo írarūwa chanangupetixēē na chaugū chicuēxūxū namaā i ngēma na Tupana toxū muxū, natūrū taxucēxma naxcēx chaxāne. Erū aixcūma Cori nixī ya toxū mucū na pexū tarūngūxēēgūxūcēx na yexeraācū meā peyaxōgūxūcēx. Rū tama tacū rū chixexūgu pexū na tayixēēxūcēx nixī i toxū namuxū.

⁹ Rū tama chanaxwēxe i nagu perūxīnūē na pexū íchabaixgūchaūxū namaā i ngēma poperagū i pexcēx chaxūmatūxū.

¹⁰ Erū nūmaxū i duūxūgū rū nūxū nixugū na chorū poperawaxicatama pexū íchabaixgūxū, natūrū chomaxūchi pexūtawa changexmagu rū tama aixcūma nūxū chacuēx na űācū meā chidexaxū na ngemaācū chauga pexū chaxīnūēxēēxūcēx, űaxūmaā choxū nixugūe.

¹¹ Natūrū texe ya ngemaācū idexāxe rū tanaxwēxe i nagu tarūxīnū rū ngēma pexna tayaxūguācūma torū poperawa pemaā nūxū tixuxūrūū tātama tixīgū i ngēxguma petanūwa tangēxmagūgu.

¹² Toma rū tama tanaxwēxe i namaā togū tawūxigūxēē rū ēxna nagu togū tangugū i ngēma duūxūgū i nūgūtama icuēxūūgūxū. Nūmagū rū nūgūtama nawomūxēēgū, erū nūgūmaā nūgū nawūxigūxēē rū nūgūgutama nūgū nangugū.

¹³ Natūrū toma rū tama togū namaā ticuēxūūgū i ngēma yaxōgūxū i tama Tupana toxmēxwa ngēxmagūxēēxū. Yerū Tupana nixī ga tomaā nūxū ixucū na ngextā nanaxwēxexū na tapuracūexū. Rū nūma nixī ga noxri Corītiuwa ga petanūwa toxū nangugūxēēxū na pemaā nūxū tixuxūcēx ga norū ore.

¹⁴ Rū yemaācū toxira nixī ga noxri petanūwa tangugūxū na pemaā nūxū tixuxūcēx ga yema Cristuarū ore. Rū ngēmacēx i űuxma na petanūwa taxīxū, rū tama tanangu-petūxēē ga yema Tupana tomaā nūxū ixuxū, yerū nūma nixī ga toxū namuxū na pexū tarūngūxēēgūxūcēx.

¹⁵ Rū ngemacēx tama togūarū puracūmaāmare nixī i togū ticuēxūūgūxū. Rū tama nūxū tachopetūchaū i ngēma Tupana tomaā nūxū ixuxū na pexū tangūxēēxū. Natūrū ngema pexū tanaxwaexū nixī na yexeraācū nūxū pecuāxū i Tupanaarū ore na ngemaācū yexera peyaxōgūxūcēx.

¹⁶ Rū ngēxguma marū petanūwa tangugūguwena rū tanaxwēxe i ngēma duūxūgū i perū yéamaxūra ngēxmagūxū i ngextā taguma texé nūxū íixuxūwa taxī na ngēmamaā rū ta nūxū tixuxūcēx i ore i mexū. Erū tama tanaxwēxe i togūarū puracūmaā togū ticuēxūūgū.

¹⁷ Erū Tupanaarū ore i űmatūxūwa rū űnagūrū:
 “Rū ngēxguma texé tūgū icuēxūūchaūgu, rū name nixī i tōrū Corixū ticuēxū, erū nūma nixī i tūxū nangūxēēxū”,
 űnagūrū i ngēma ore.

¹⁸ Erū ngēma yatū i aixcūma Tupanapēxewa mexū rū tama nūgūtama nicuēxū. Natūrū ngēma yatū i tōrū Cori nūxū icuēxūxū nixī i aixcūma Tupanapēxewa mexū.

11

Paurū rū nūxū nixuchiga ga yema orearū uruūgūneta ga tama Tupana imugūxū

¹ Rū űuxma i ngēma tá pemaā nūxū chixuxū, rū bexmana pexcēx rū wūxi i ngēāēmare nixī, natūrū chanaxwēxe i choxū iperūxīnūēmare rū yaxna chomaā pexīnūe.

² Erū Tupana pexū inuxūrūū pexū chinuxū. Erū chaugagu nixī i Cristuaxū peyaxōgūxū, rū marū Cristuna pexū chaxuaxū na noxrūxicatama pixīgūxūcēx. Rū ngēmacēx chanaxwēxe i ngearū chixexūāē Cristuxū pexū chawēx űoma wūxi i pacū i taguma yatūxū cuēxcūrū.

³ Natūrū chaxoegaāē rū yema āxtape norū doramaā Ebaxū na womūxēēxūrū, ngūrūāchi tá ta texé pexū tawomūxēē, na nūxū perūxocēx na Cristugu perūxīnūēxū rū naxcēxicatama na pemaxēxū.

⁴ Erū pema rū tauxchaācū nixī na pexū nawomūxēēgūxū. Rū ngēxguma ínangugū i duūxūgū i pemaā nūxū ixuxū i to i Ngechuchuchiga ya tama yima toma nūxū tixuchigacū, rū pema rū nūxū peyaxōgū i ngēma duūxūgū. Rū pema rū taēēcūma penayaxu i to i naāē i tama Tupanaāē i űūnexū ga marū peyaxuxū íxīxū. Rū peyaxōgū i to i ore i tama Tupanaarū ore i mexū ga noxri peyaxuxū íxīxū.

⁵ Dūcēx, rū woo nawe perūxīxgu i ngēma togū i orearū uruūgūneta, natūrū chauxcēx rū taxuwama choxū narūyexeragū.

⁶ Rū woo tama choxū nangēxmagu i tauxcha na duūxūgūpēxewa chidexaxū, natūrū aixcūma meā nūxū chacuēx i ngēma nachiga chidexaxū. Rū ngēma rū guxūma i torū puracūwa marū pexū nūxū tadauxēē i guxūguma.

⁷ ¿Pexcēx rū chixexū pemaā chaxū ga yexguma chaugū ícharúxíragu na pexū chataxēēxūcēx rū choxmēxmaā chapuracūgu na ngetanūācūma pemaā nūxū chixuxū ga Tupanaārū ore i tūxū maxēxēēxū?

⁸ Rū aixcūma yema togū ga yaxōgūxū choxna ngīxū āgūcū ga dīēru ngīxū chayaxu na yemamaā petanūwa chapuracūxūcēx rū pexū charūngūxēēxūcēx.

⁹ Rū yexguma petanūwa chayexmagu rū aixcūma choxū itaxu ga dīēru, natūrū taguma texēna ngīxcēx chaca. Rū taeneēgū ga Machedóniānēwa ne íxū rū choxna ngīxū naxāgū ga yema choxū tauxcū. Rū yemaācū tama pexūtawa ngīxcēx íchaca ga yexguma. Rū űuxma rū ta tagutāma űacūcēx pexna chaca.

¹⁰ Rū Cristu ya chowa ngexmacūégagu pemaā nūxū chixu i ngēma na aixcūma ngetanūācūma petanūwa chapuracūxū. Rū ngēma rū chorū taāxē nixī. Rū taxucūrūwa texe i guxū i Acáyaanewa choxna tanayaxu i ngēma taāxē.

¹¹ ¿Rū űacūcēx yīxū i ngēmaācū chidexaxū? ¿Éxna pexcēx rū tama pexū changechaūxūcēx yīxū i ngēmaācū chidexaxū? Dūcēx, pemaā nūxū chixu rū Tupana nūxū nacuēx na űuxācū aixcūma pexū changechaūxū.

¹² Natūrū ngēma na ngetanūācūma pemaā nūxū chixuxū i ngēma ore, rū ngēmaācū tá chanaxūecha na taxucūrūwa chixri chauchiga yadexagūxūcēx i ngēma togū i orearū uruūgūneta i nūgū ixuxū na toxrūū naxūgūāxū i Tupanaārū puracū.

¹³ Nūmagū rū aixcūma orearū uruūgūneta nixīgū, rū duūxūgūxū nawomūxēēgū. Rū nūmagū rū togu nūgū nicuxgū, rū nūgū nixugū na Cristu yamugūxū.

¹⁴ Rū ngēma rū taxucēxma namaā peűaixāchiāēgū. Erū woo i Chataná rū ta rū Tupanaārū orearū ngeruūgū i daxūcūāx i yauracūxūrūūācū nūgū nangoxēē.

¹⁵ Rū ngēmacēx woetama ngēmaācū nixīgū i ngēma duūxūgū i Chatanáāxū puracūexū. Rū nūmagū rū duūxūgū i mexū űgūxūgu nūgū nicuxgū. Natūrū ngēma ngēmaācū ixīgūxū, rū Tupana tá nanapoxcūe naxcēx i ngēma chixexū i naxūgūxū.

Pauru rū yema puracū ga Ngechuchu nawa namuxūwa ngūxū ninge

¹⁶ Rū wena pemaā nūxū chixu rū tama chanaxwēxe i nagu perūxīnūē na wūxi i āūāēxū chīxū. Natūrū ngēxguma chí ngēmaācū chomaā nagu perūxīnūēgu, rū tama chanaxwēxe i choxna penachuxu na űoma wūxi i āūāēxūrūū chaugūētūwa chidexaxū, na ngēmaācū choma rū ta írarūwa chaugūtama chicuēxūxūcēx.

¹⁷ Rū űuxma na chaugūētūwa chidexaxū rū ngēma rū tama tórū Coriarū mu nixī. Natūrū űoma wūxi i āūāēxū nūgū icuēxūxūrūū nixī i chidexaxū.

¹⁸ Rū űuxma na nangēxmaxū i muxūchixū i duūxūgū i űoma i naānēwa nūgū icuēxūūgūxū, rū choma rū tá ta írarūwa chaugū chicuēxū.

¹⁹ Pema rū nagu perūxīnūē rū nūxū cuēxūchīgūxū pixīgū. Natūrū taāēācūma yaxna namaā pexīnūē i ngēma duūxūgū i tama naāēxū icuāxū.

²⁰ Rū yaxna namaā pexīnūē i ngēma duūxūgū i nūgūxū pexū puracūexēēxū, rū ngēma ngetanūācūma pexū puracūexēēmarexū, rū ngēma pexū womūxēēgūxū, rū ngēma chixri pexū yaxgūxū, rū ngēma pemaā guxchīgagūxū.

²¹ Rū woo wūxi i ānēxūchi nixī na pemaā nūxū chixuxū, natūrū chauxcēx rū tama aixcūma pexū nūxū tadauxēē ga torū pora ga yexguma petanūwa tayexmagūga. Natūrū űuxma na tama namuūēxū na nūgū yacuēxūūgūxū i ngēma togū i duūxūgū, rū choma rū ta taxucēxma chamuū na chaugūētūwa chidexaxū woo pexcēx rū taxuwama namexgu i ngēma nūxū chixuxū.

²² Nūmagū rū nūgū yaxugūgu rū Yudiūgū nixīgū. Natūrū choma rū ta Yudiū chixī. Rū nūmagū nūgū yaxugūgu rū Iraétanūxūgū nixīgū. Natūrū choma rū ta rū Iraétanūxū chixī. Rū nūmagū rū nūgū yaxugūgu rū Abráūtanūxū nixīgū. Natūrū choma rū ta Abráūtanūxū chixī.

²³ Nūmagū rū nūgū yaxugūgu rū Cristuaxū napuracūe. Natūrū choma rū norū yexera Cristuaxū chapuracū. Rū ngēma űachagūrū pexū woo pema nagu perūxīnūēgu na űoma wūxi i āūāēxūrūū chidexaxū. Rū ngēma duūxūgūarū yexera poraācū Tupanaāxū chapuracū. Rū norū yexera chapoxcu, rū norū yexera choxū naçuaixgū ga duūxūgū. Rū muēxpūxcūna rū āūcūmaxūchixūwa chayexma rū wixguxūchi taēx choxū nimēxgū.

²⁴ Rū 5 ēxpūxcūna nixī ga 39 ga çuaximaā choxū napoxcu-gūxū ga chautanūxūgū ga Yudiūgū.

²⁵ Rū tomaēxpūxcūna nixī ga naīmaā choxū naçuaixgūxū, rū wūxicana ga nutamaā choxū ínamuxūchīgūxū. Rū tomaēxpūxcūna nixī ga guma wapuru ga nagu chixūxūne rū chomaā inanguxū. Rū wūxicana ga yexguma chomaā inanguxgu ga wapuru rū wūxi ga chūtāxū rū

wūxi ga ngunexū chinge na taxū ga taxtūarū ngāxūtūgu mūrapewaétūgu chatunagūācūma chiwēxēxū.

²⁶ Rū poraācū nu ne chanaxū, rū poraācū ācūmaxūwa chayexma yerū natūgū ga ācūmaxūgu chixūgū, rū ngītēxgūxū rū chixexū chomaā naxūgūchaū. Rū woo chautanūxūgū ga Yudiūgūtanūwa, rū woo yema duūxūgū ga tama Yudiūgū ixīgūxūtanūwa, rū woo īānegūwa, rū woo namagūwa, rū woo taxtū i taxūwa rū ācūmaxūwa chayexma. Rū yema duūxūgū ga chomūcūgūneta ixīgūxūtanūwa rū ta ācūmaxūwa chayexma.

²⁷ Rū poraācū chataarū puracūāx, rū muxūchixū ga guxchaxūgū choxū nangupetū. Rū muēxpūxcūna rū tama chape, rū chataiya, rū chiṭawa. Rū muēxpūxcūna rū tama chachibū, rū choxū nanadeyu, rū choxū nataxu ga chauxchiru.

²⁸ Rū naētūwa i guxūma i ngēma, rū guxū i ngunexūgu rū chaxoegaāē naxcēx i guxūma i ngēma yaxōgūxū i guxū i īānēwa ngēxmagūxū.

²⁹ Rū ngēxguma chi texē tama poragu, rū choxū rū ta nangux. Rū ngēxguma chi wūxie texēxū pecadugu nguxēēgu, rū chauāēwa nangux i ngēma.

³⁰ Natūrū ngēxguma chi chaugū chicuēxūūchaūgu, rū tā chaugū chicuēxūū naxcēx na duūxūgū choxū dauxū na taxuwama chamexū.

³¹ Rū Tupana ya tōrū Cori ya Ngechuchu ya Cristunatū ya mecū na guxūguma nūxū icuēxūūgūxū, rū nūxū nacuēx na aixcūma yīxū i ngēma nūxū chixuxū.

³² Rū yexguma Damacuwa chayexmagu, rū guma īānēārū āēxgacū ga Aretaarū ngūxēerū, rū norū churaragūxū namu na nūxna nadaugūxūcēx ga guma īānēārū poxeguxūārū īāxgū na choxū yayauxgūxūcēx ga yexguma chi yēma īchaxūūxgu.

³³ Natūrū yema īānēārū poxeguxūārū īāxācūwa rū wūxi ga pexchigu choxū īnarūchūxūetaūgu ga chomūcūgū. Rū yemaācū chiña naxchaxwa ga yema āēxgacū.

12

Tōrū Cori rū Pauruxū nangōxetūxēē rū nūxū nūxū nacuēxēē ga ṭacū ga ēxūguxū

¹ Taxuwama name na texē tūgū icuēxūūxū. Natūrū tā pemaā nūxū chixuama na űuxācū tōrū Cori choxū nangōxetūxēēxū rū űuxācū choxū nūxū na nacuēxēēxū ga ṭacū ga ēxūguxū.

² Rū 14 ga taunecū marū nangupetū ga na Tupana daxūguxū ga naānēwa ga nūma īnayexmaxūwa choxū nagaxū. Natūrū tama nūxū chacuēx rū chauāēwaxicatama nixī ga yēma choxū nagaxū, rū ēxna guxū ga chaxunemaā yīxū ga yēma choxū nagaxū. Rū Tupanaxīcatama nūxū nacuēx i ngēma.

³⁻⁴ Rū aixcūma meāma nūxū chacuēx na daxūguxū ga naānēwa choxū nagaxū ga Tupana, natūrū tama nūxū chacuēx rū guxū ga chaxunemaā yēma choxū naga rū ēxna tama. Rū Tupanaxīcatama nixī ya nūxū cuācū i ngēma. Rū yēma nūxū chaxīnū ga ore ga ēxūguxū i guxūma i duūxūgūna chuxuxū na nūxū yaxugūxū.

⁵ Rū choma rū chi name na chaugū naxcēx chicuēxūūxū i ngēma, natūrū tāūtāma ngēmaācū chanaxū. Erū ngēma ngūxū na chingexūmaāxīcatama tā nixī i chaugū chicuēxūūxū.

⁶ Natūrū ngēxguma chi chaugū chicuēxūūchaūgu, rū tāū chima wūxi i ngēāēmare nixī i ngēma, erū aixcūma nixī i ngēma ore i nūxū chixuxū i chauchiga. Natūrū tama chaugū chicuēxūū na taxūema nagu rūxīnūxūcēx na ngēma chowa nūxū naxīnūēxū rū nūxū nadaugūxūārū yexera chīxū.

⁷ Natūrū tōrū Cori rū tama nanaxwēxe i poraācūxūchima chaugū namaā chicuēxūūxū ga yema ēxūguxū ga mexēchixū ga choxū nūxū nacuēxēēxū. Rū yemacēx chaxunewa nananguxēē ga wūxi ga choxū ngūxū űoma wūxi ya tuxu chaxunewa ingaxixūrū. Rū yema rū űoma wūxi ga Chataāārū oearū ngeruūrū chauxūtawa nangu na choxū naxixewexūcēx na tama chaugū chicuēxūūxūcēx.

⁸ Rū tomaēxpūxcūna tōrū Corina chaca na choxū iyanaxoxēēāxūcēx ga yema choxū ngūxū.

⁹ Natūrū nūma ya tōrū Cori rū űanagūrū choxū:

“Rū cuma nūxū cucuēx na guxūguma cuxū changechaū, rū ngēxīcatama nixī i cunaxwēxexū. Rū ngēma duūxūgū i tama poraexūwa nixī i aixcūma chanangoxēēxū i űuxācū na chaporaxū”, űanagūrū choxū. Rū ngēmācēx chataāē ega tama chaporagu. Erū ngēxguma tama chaporagu rū ngēxguma nixī i chowa inawēāxū i norū pora ya Cristu.

¹⁰ Rū ngēma na Cristuxū na changechaūxūguga nixī i yaxna namaā chaxīnūxū ega woo chaturagu rū woo ṭacū chomaā yaxugūegu i duūxūgū. Rū woo choxū natauxgu i chorū ngēmāxūgū, rū woo duūxūgū rū chowe yangēxūtanūgu, rū woo guxchaxūgū choxū ngēxmagu rū Cristucēx rū yaxna namaā chaxīnū i guxūma i ngēma. Erū ngēxguma chaturagu, rū ngēxguma nixī i yexeraācū Cristu choxū poraxēēxū.

Pauru rū naxcēx naxoegaāē ga yema yaxōglīxū ga Corītiūwa yexmagīxū

¹¹ Maneca ñoma wūxi i ãũãẽxũrũũ chidexa, erũ ngẽmaãcũ chaugũ chicuẽxũũ. Natũrũ pegagutama nixĩ i dũxwa ngẽmaãcũ chaugũtũwa chidexaxũ, yerũ pema chi nixĩ ga choxũ picuẽxũũgũxũ, rũ tama i chomax. Rũ woo taxuwama chame i chomax, natũrũ taxuwama choxũ narũyexeragũ i ngẽma orearũ uruũgũneta i nawe perũxĩxũ.

¹² Rũ yexguma petanũwa chayexmagu, rũ yaxna pemaã chaxĩnũãcũma pexũ nũxũ chadauxẽẽ na aixcũma Cristu choxũ muxũ na nũxũ chixuxũcẽx ga norũ ore. Rũ cuẽxruũgũmaã pexũ nũxũ chacuẽxẽẽ ga yema. Rũ pexũ nũxũ chadauxẽẽ ga taxũ ga mexũgũ ga Tupanaãrũ poramaã ũxũ.

¹³ Rũ yexguma petanũwa chayexmagu rũ pemaã chamecũma yema guxũma ga togũ ga yaxõgũũmaã na chamecũmaxũrũũtama. Natũrũ wũxiwaxicatama nixĩ ga ichatũxũ yerũ ga petanũwa rũ tama ngĩxũ chayaxu ga dũẽru yema togũ ga yaxõgũxũtanũwa ngĩxũ chayaxũrũũ. Rũ chanaxwẽxe i choxũ nũxũ pengechaũ i ngẽma.

¹⁴ Rũ ñũxma rũ marũ íchamemare na norũ tomaẽxpũxcũna pexũ íchayadauxũ. Rũ tãũtãma tacũcẽx pexna chayaca. Erũ tama perũ ngẽmaxũgũcẽx petanũwa chaxũ, natũrũ pexcẽxũchi nixĩ i ngema chaxũxũ. Pema rũ chauxacũgũ pixĩgũ i Tupanaãrũ orewa. Rũ ngẽma papã rũ mamããrũ puracũ nixĩ na naxãcũgũna naxããxũ i ngẽma nũxũ taxuxũ. Rũ tama naxãcũgũarũ puracũ nixĩ na nanatũna rũ naẽna naxãgũãxũ.

¹⁵ Rũ choma rũ íchamemare na chorũ ngũchaũmaã pexcẽx ichanaxãxũ i guxũma i tacũ i choxũ ngẽmaxũ rũ woo chaugũtama rũ ta na ichaxãxũ na aixcũma meã peyaxõgũxũcẽx. Natũrũ chauxcẽx rũ ngẽxguma yexeraãcũ pexũ changechaũgu, rũ pema rũ yexeraãcũ nũxũ perũxoetanũ na choxũ pengechaũxũ.

¹⁶ Rũ nũmaxũ i duũxũgũ i petanũwa, rũ woo nũxũ nacuẽxgũ na taguma tacũcẽx pexũtawa íchaçaxũ, natũrũ nũmagũ rũ nũxũ nixugũama na pexũ chawomũxẽẽãcũma perũ dũẽru ngĩxũ chayaxuxũ.

¹⁷ ¿Éxna pema nagu perũxĩnũẽgu rũ yema duũxũgũ ga petanũwa chamugũxũwa pexũ chawomũxẽẽ?

¹⁸ Rũ Titumaã nũxũ chixu na petanũwa íyadauxũcẽx. Rũ namaã yema chanamu ga yema to ga taeneẽ. ¿Éxna pema nagu perũxĩnũẽgu ga Titu rũ pexũ yema nayawomũxẽẽ? ¿Tama éxna aixcũma yĩxũ na chauxrũũ meã na namaxũxũ rũ chauxrũũ mexũgu naxĩnũxũ ga Titux?

¹⁹ Bexmana pema tá nagu perũxĩnũẽ rũ ngẽmaãcũ tidexagũ, erũ togũtũwatama tachogũchaũ. Natũrũ, Pa Chaueneẽgũ ya Pexũ Tangechaũgũex, rũ Tupanapẽxewa rũ Cristuẽgagu nixĩ i tidexagũxũ na yexeraãcũ meã Tupanaãxũ peyaxõgũxũcẽx rũ yexeraãcũ meã na pemaxẽxũcẽx.

²⁰ Erũ chaxoegaãẽ rũ ngẽxguma wena pexũ íchayadẽuxgu, rũ ngũrũãchi tama choma chanaxwẽxẽũãcũma ípemaxẽ, rũ ngẽmacẽx i pema rũ tãũtãma chomaã petããẽgũ. Rũ chaxoegaãẽ erũ ngũrũãchi tá pexũ ichayangau na pegũchi ípexaxũ, rũ pegũarũ ngẽmaxũcẽx pixãũxãchigũxũ, rũ pegũmaã penuẽxũ, rũ pegũguxicatama íperũxĩnũẽxũ, rũ pexoregũtẽẽxgũxũ, rũ toguãxũ pixuxũ, rũ pegũ picuẽxũũgũxũ, rũ chixexũ ípexũxũ rũ ngẽmaãcũ chixri ípemaxẽxũ.

²¹ Rũ chaxoegaãẽ rũ ngẽxguma wena petanũwa chaxũxgu, rũ ngũrũãchi Tupana rũ pegagu tá choxũ naxãnexẽẽ. Rũ ngũrũãchi ngechaũ tá choxna pexã, erũ muxẽma i petanũwa rũ marũ ñũxgumama pecadu taxũgũeçha, rũ tama nũxũ tarũxõochaũ na Tupanapẽxewa chixexũ taxũgũxũ rũ naĩ i ngemaãmare na tamaxẽxũ rũ guxũma i togũ i chixexũ na taxũgũxũ.

13

Pauru nayaxucũxẽ ga yema yaxõgũxũ ga Corĩtiucũãx rũ ñũxũchi nũxũ narũmoxẽ

¹ Ñũxma rũ norũ tomaẽxpũxcũna tá nixĩ na petanũwa chaxũxũ. Rũ Tupanaãrũ ore rũ tamaã nũxũ nixu rũ ngẽxguma texẽ chixexũ ũxgu rũ taxre rũ éxna tomaẽxpũx i duũxũgũ nũxũ daugũgu rũ nũxũ yaxugũgu na aixcũma yĩxũ, rũ aixcũma tá poxcu tũmamaã taxuegu ya yĩxema chixexũ ũxe.

² Rũ ngẽmacẽx i pema i ũpamamatama pecadu ũgũeçhaxe rũ guxãma i pema ya chixri maxẽxẽ, rũ ñũxma na woo pexna chayaxũguxũ rũ wenaxãrũ pexna nũxũ chacuẽxãchixẽẽ rũ ngẽxguma tá ngema chaxũxgu rũ aixcũma tá chanamexẽẽ i guxũma i ngẽma chixexũ i petanũwa ngẽmaxũ, rũ tãũtãma chanangupetũxẽẽmare i ngẽma.

³ Rũ pema na naxcẽx íperũdaunũxũ na Cristu chowa idexaxũ, rũ ngẽxguma ngema chaxũxgu, rũ ngẽxguma tá nixĩ i nũxũ pedauxũ na aixcũma chowa na yadexaxũ ya Cristu. Rũ nũma ya Cristu rũ chowa tá pexũ nũxũ nadauxẽẽ na tama naturaxũ natũrũ aixcũma yanguxẽẽãxũ i norũ ore rũ tũxũ napoxcuxẽũ ya yĩxema chixexũ ũgũxe.

⁴ Rũ aixcũma nixĩ ga Cristu ga ñoma wũxi ga duũxũ i turaxũrũũ nũgũ yaxĩxẽẽxũ ga yexguma curuchawa yapotagu. Natũrũ i ñũxma rũ Tupanaãrũ poragagu namaxũ. Rũ

ngēxgumarūū i toma na norū duūxūgū tixīgūxū, rū taturae i toxonewa. Natūrū ngēma na norū duūxūgū tixīgūxū, rū Tupanaārū poragagu tá tamaxē na pexū tarūngūxēēgūxūcēx.

⁵ Rū name nixī i pegūtama pengugū na nūxū pecuáxūcēx ngoxi aixcūma meā peyaxōgū. Rū name nixī i pegū pengugūarū maxūāx rū ngoxi Tupanapēxewa pime. ¿Tama ēxna nūxna pecuēxāchie na Ngechuchu ya Cristu rū pewa nangēxmaxū ega aixcūma peyaxōgū?

⁶ Rū chierūna nūxū pecuēxgu na toma rū tama orearū uruūgūnetamare na tixīgūxū.

⁷ Rū Tupanana naxcēx taca na taxuūma i chixexū na pexūgūxūcēx. Rū tama duūxūgūpēxewa togū itarūtagūxūcēx nixī na ngēmaācū tayumūxēgūxū. Natūrū Tupanana naxcēx taca i ngēma na aixcūma meā naxcēx pemaxēxūcēx woo duūxūgū nagu rūxīnūēgu na toma rū itatūemarexū.

⁸ Toma rū taxucūrūwama chixri nachiga tidexagū i Tupanaārū ore i aixcūma ixīxū, erū toma rū naētūwa tachogū i ngēma ore.

⁹ Rū tá tataāēgū ega aixcūma peporaegu i perū maxūwa rū ngēmacēx natauxgu i ſacūcēx pemaā na taporagaexū. Rū Tupanana tá naxcēx tacaama na pexū naporaexēēxūcēx i perū maxūwa na dūxwa aixcūma mexū i norū duūxūgū na pixīgūxūcēx.

¹⁰ Rū naxūpa na pexū na íchayadauxū nixī i pexcēx chanaxūmatūxū i ſnā popera, na ngēxguma ngēma changuxgu rū nataxuxūcēx i ſacūcēx pemaā na chaporagaxū. Erū tórū Cori choxū namu na pexū charūngūxēēxūcēx na yexeraācū meā peyaxōgūxūcēx, rū tama chixexū pemaā na chaxūxūcēx nixī i choxū namuxū.

¹¹ Rū ſūxma na ichayacuēēēxū i ſnā popera, Pa Chaueneēgūx, rū chanaxwēxe i meā pexū naxūpetū rū naxcēx pedau na ſūxācū aixcūma meā Tupanacēx pemaxēxū. Rū name nixī i pegū petaāēxēēgū rū wūxigu perūxīnūē rū meā yaxna pegūmaā pexīnūē rū aixcūma pegū pengechaūgū. Rū nūma ya Tupana ya tūxū ngechaūcū rū tūxū rūngūxmūēxēēcū, rū guxūgutāma pemaā inarūxūūx.

¹² Rū chanaxwēxe i wūxichigū i pema rū pegū pengechaūgūācūma pegū perūmoxēgū.

¹³ Rū guxūma i togū i taeneēgū i yaxōgūxū rū pexū narūmoxēgū.

¹⁴ Rū ſūxma rū chanaxwēxe i tórū Cori ya Ngechuchu ya Cristu pexū narūngūxēē, rū Tanatū ya Tupana rū pexū nangechaū, rū Naāē i Ūūnexū rū guxūguma pemaā inarūxūūx.

Rū nuāma pexna,
Pauru

POPERA GA GÁRATAANEWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rü nüxŭ narüimoxē ga yema yaxōgŭxŭ ga Gárataaneärü lānegŭwa yexmagŭxŭ

¹⁻² Pa Toeneēgŭ i Yaxōgŭxŭ i Gárataaneärü lānegŭwa Ngēxmagŭxŭ, choma i Pauru rü namaā i guxŭma i taeneēgŭ i nuā chauxŭtawa ngēxmagŭxŭ nixŭ i pexcēx tanaxŭmatŭxŭ i űāā popera. Rŭ choxŭ nixŭ ga namugŭxŭ ga Ngechuchu ya Cristu rŭ Tanatŭ ya Tupana. Rŭ aixcŭma tama duŭxŭgŭ nixŭ ga choxŭ unetagŭxŭ na chanaxŭxŭcēx i űāā Tupanaärü puracŭ. Natŭrŭ Tanatŭ ya Tupana ga Ngechuchuxŭ írŭdaxēēcŭ rŭ nŭmatam ya Ngechuchu ya Cristu nixŭ ga choxŭ naxunetagŭxŭ.

³ Rŭ chanaxwēxe i Tanatŭ ya Tupana rŭ tŕrŭ Cori ya Ngechuchu ya Cristu poraācŭ pexŭ narŭngŭxēē rŭ pexŭ nataēxēē.

⁴ Rŭ nŭma ga tŕrŭ Cori ya Ngechuchu rŭ nŭgŭ inaxā na tŕrŭ pecaducēx nayuxŭcēx na nŭxna tŭxŭ inanguxŭxēxŭcēx i guxŭma i űoma i nañeärü chixexŭ. Rŭ yemaācŭ nanaxŭ, yerŭ yema nixŭ ga Tanatŭ ya Tupanaärü ngŭchaŭ.

⁵ űNamexēchi ya Tupana i guxŭguma! Rŭ ngēmaācŭ yŭi.

Nataxuma i to i ore i tŭxŭ maxēxēxŭ

⁶ Rŭ yema na Cristuaxŭ pengechaŭtŭmŭgŭxŭcēx nixŭ ga pexna naxuxŭ ya Tupana na penayaxuxŭcēx i maxŭ i taguma gŭxŭ. Rŭ űuxma rŭ poraācŭ chaŭaixāchiāē, erŭ paxaxŭchi ipenaxŭgŭ na Tupana pixŭgachixŭ, na nawe perŭxŭxŭcēx i to i nguxēētae i nagu perŭxŭinŭēgu rŭ pexŭ maxēxēxŭ.

⁷ Natŭrŭ tama aixcŭma nangēxma i to i nguxēētae i nawa nayaxuxŭ i maxŭ i taguma gŭxŭ. Natŭrŭ nangēxma i űuxre i duŭxŭgŭ i pexŭ naguxchaxēēchaŭxŭ, rŭ nanaxŭchicŭgŭchaŭ i ngēma nguxēētae i mexŭ ga pemaā nŭxŭ chixuxŭ ga Cristuchiga.

⁸ Rŭ toma rŭ marŭ pexna tanaxā ga yema nguxēētae i aixcŭma ixŭxŭ i Ngechuchuchiga. Rŭ ngēxguma chi texē pexŭ ngŭxēēgŭ i to i nguxēētae, rŭ name nixŭ i noxtacŭma Tupana tŭxŭ napoxcu. Rŭ woo choma chixŭgu, rŭ ēxna űacŭ rŭ Tupanaärü orearŭ ngeruŭ i daxŭcŭāx yixŭgu i pexŭ nguxēēxŭ i to i nguxēētae, rŭ name nixŭ i noxtacŭma Tupana tŭxŭ napoxcu.

⁹ Rŭ űuxma rŭ wena pemaā nŭxŭ chixu ga yema noxri pemaā nŭxŭ chixuxŭ. Rŭ ngēxguma chi texē pexŭ ngŭxēēgŭ i wŭxi i to i nguxēētae i tama yema noxri peyaxuxŭrŭŭ ixŭxŭ, rŭ name nixŭ i noxtacŭma Tupana tŭxŭ napoxcu.

¹⁰ Rŭ tama chomaā na petaāēgŭxŭcēx nixŭ i ngēma űachaxŭ. Erŭ tama naxcēx chadau na duŭxŭgŭ chomaā taāēgŭxŭ, natŭrŭ Tupana chomaā taāēxŭcēx nixŭ i chadauxŭ. Erŭ ngēxguma chi duŭxŭgŭxŭxŭcatama chataāēxēēchaŭgu, rŭ tāu chima Cristuarŭ puracŭtanŭxŭ chixŭ.

űuxācŭ Pauruxŭ nayaxu ga Tupana na norŭ puracŭwa namuāxŭcēx

¹¹ Natŭrŭ, Pa Chaueneēgŭx, chanaxwēxe i nŭxŭ pecuēx na űāā ore i mexŭ i nŭxŭ chixuxŭ, rŭ tama duŭxŭgŭāēwa yŭxŭ na ne naxŭxŭ.

¹² Yerŭ tama wŭxi ga duŭxŭxŭtawa naxcēx changux. Natŭrŭ Ngechuchu ya Cristutama nixŭ ga choxŭ nŭxŭ cuēxēēcŭ.

¹³ Pema rŭ marŭ nŭxŭ pexŭnŭēchiga na űuxācŭ chamaxŭxŭ ga űpa ga yexguma Yudiŭgŭcŭmagu chixŭxgu. Rŭ nŭxŭ pexŭnŭēchiga na űuxācŭ poraācŭ nawe chingēchigŭxŭ ga guxŭma ga Tupanaärü duŭxŭgŭ ga yaxōgŭxŭ rŭ űuxācŭ chixri namaā na chaxŭpetŭxŭ na yemaācŭ nŭxŭ nŭxŭ charŭxoxēēxŭcēx ga yema na Ngechuchuxŭ yaxōgŭāxŭ.

¹⁴ Rŭ muxŭma ga chautanŭxŭgŭ ga Yudiŭgŭ ga chorŭ nayaāxgŭraŭxŭlārŭ yexera nagu chixŭ ga yema Yudiŭgŭcŭma. Yerŭ norŭ yexera meāma chayanguxēē ga nacŭmagŭ ga nuxcŭmaŭgŭxŭ ga chorŭ oxŭgŭ nagu ixŭ.

¹⁵⁻¹⁶ Natŭrŭ yexguma tautama chabuxgu, rŭ woetama Tupana choxŭ naxuneta na choxŭ namuxŭcēx na chanaxŭxŭcēx i norŭ puracŭ. Rŭ nŭma rŭ chauxcēx naca na noxrŭ chixŭxŭcēx yerŭ poraācŭ choxŭ nangechaŭ. Rŭ yexguma Tupana naxwēxegu, rŭ choxŭ nŭxŭ nacuēxēē ga Nane ya Cristu. Rŭ yemaācŭ nanaxŭ na ngēma duŭxŭgŭ i tama Yudiŭgŭ ixŭgŭxŭmaā nŭxŭ chixuxŭcēx na űuxācŭ Ngechuchugagu tŭxŭ nangēxmaxŭ i maxŭ i taguma gŭxŭ. Rŭ yexguma yemaācŭ Tupana choxŭ nŭxŭ cuēxēēgŭ ga Nane, rŭ taxŭenama chayaca.

¹⁷ Rŭ bai ga Yerucharēŭwa na chaxŭxŭ na nŭxna chayaçaxŭcēx ga yema togŭ ga ngŭxŭgŭ ga nŭxŭra Tupana imugŭxŭ. Natŭrŭ ga choma rŭ yexgumatama Arabŭaanewa chaxŭ. Rŭ yemawena, rŭ Damacuarŭ lānecēx chataegu.

¹⁸ Rū tomaēxpūx ga taunecūguwena rü düxwa Yerucharéüwa chaxū na Pedruxū chacuáxúcèx. Rū 15 ga ngunexütama naxütawa chayexma.

¹⁹ Rū yéma nüxū chadau ta ga Chaütíágu ga tórü Cori naēneē. Natürü taxuüma ga togü ga ngüexūgü ga tórü Cori imugüxūxū chadau.

²⁰ Rū Tupana choxū nadau na aixcūma yīxū i ngēma ore i ñuxma pexcèx chaxūmatūxū.

²¹ Rū yemawena, rü Chíríchiaanewa chaxū.

²² Natürü yema taeneēgü ga Cristuaxū yaxōgüxū ga Yudéaanewa yexmagüxū, rü taguma choxūxūchi nadaugü.

²³ Rū yema nüxū naxīnūēxū ga chauchiga rü ñāāxīcatama nixī:

“Rū ngēma Pauru ga ūpa tawe ingēchigüxū, rü ñuxma rü duūxūgümaā nüxū nixu i Tupanaärü ore i mexū, rü namaā nayaxucuxē na Cristuaxū yaxōgüāxúcèx. Rū ngēmaācü nanaxū i ñuxma rü woo ga noxri rü inayanaxoxēēchaū ga yema ore”, ñaxū. Rū yexicatama nixī ga chauchiga ga nüxū naxīnūēxū.

²⁴ Rū yexguma ga yema duūxūgü rü Tupanaxū nicuēxūgü nagagu ga yema Tupana chomaā üxū.

2

Yema togü ga ngüexūgü ga Tupana imugüxū rü meā Pauruxū nayauxgü

¹ Rū 14 ga taunecūwena rü wenaxärü Yerucharéüwa chaxū namaā ga Bernabé. Rū Titu rü ta íchayaga.

² Rū yéma chaxū yerü Tupana choxū nüxū nacuēxēē ga na nanaxwèxexū na yéma chaxūxū. Rū yéma Yerucharéüwa, rü yema yaxōgüxūārü āēxgacügümaāxīcatama changantuqēxe. Rū meāma namaā nüxū chixu ga nachiga ga yema Tupanaärü ore i mexū ga nüxna chaxāxū ga yema duūxūgü i tama Yudiūgü ixīgüxū. Rū yemaācü meāma namaā nüxū chixu na ñuxācü na yīxū ga chorü nguxēētae, yerü tama chanaxwèxe na yixcūra rü choxū nüxū naxoexū rü ngēmaācü natücxēxmamare na yīxū i ngēma puracü i chaxūxū.

³ Rū yema yaxōgüxū, rü nümagü rü ta norü me nixī ga yema chorü nguxēētae. Rū yemacèx rü woo tama Yudiu na yīxū ga Titu rü taguma na inawiechēxmüpēxechiraūxū, natürü yema āēxgacügü rü tama nanamu na inawiechēxmüpēxechiraūxúcèx.

⁴ Natürü aixcūma nixī ga ñuxre ga taeneēgüneta ixīgüxū ga bexmamare tatanügu nachocuxū. Rū yemagü nixī ga naxwèxegüxū na inawitüchēxmüpēxechiraūxū i ngēma yaxōgüxū i tama Yudiūgü ixīgüxū. Rū ñuxma na Ngechuchu ya Cristuarü duūxūgü ixīgüxū, rü yema taeneēgüneta rü bexma tatanügu nachocu na tüxū nangugügüxúcèx na ñuxācü Cristu nüxna tüxū inguxūxēēxū ga yema mugü ga Moiché umatüxū. Yerü nümagü nanaxwèxegü na wenaxärü nagu ixīxū ga yema mugü ga guxchaxū ga Moiché umatüxū.

⁵ Natürü bai ga írarüwa naga na taxīnūēxū ga yema duūxūgü. Yerü tama tanaxwèxegü na texé pexū naxūchicüüxū i ngēma ore i mexū i aixcūma ixīxū i tamaā nüxū ixuxū i ñuxācü tüxū na nangēxmamaxū i maxū i taguma gūxū ega Cristuaxū yaxōgü.

⁶ Natürü yexguma yema yaxōgüxūārü āēxgacügü ga Yerucharéüwa yexmagüxū nüxū inūēgu ga ñuxācü na yīxū ga chorü nguxēētae, rü namaā nataāēgü rü taxuüma ga řacü ga togü ga mugü choxna naxāgü na namaā changüxēētaexúcèx. Natürü tama yema na āēxgacügü yixīgüxūgu charūxīnū, erü nüxū chacuèx na Tupanapēxewa rü guxāma na wūxigüxū.

⁷ Natürü nümagü ga yema āēxgacügü, rü nüxū nicuēāchigü na choxū yīxū ga namuxū ga Tupana na yema duūxūgü ga tama Yudiūgü ixīgüxūmaā nüxū chixuxúcèx ga norü ore i mexū, yexgumarüü ga Pedruxū na namuxürüü ga Tupana na Yudiūgümaā nüxū yaxuxúcèx ga yema ore.

⁸ Rū gumatama Tupana ga Pedruxū mucü na Yudiūgümaā nüxū na yaxuxū ga ore i mexū, rü gumatama Tupana nixī ga choxū mucü na yema duūxūgü ga tama Yudiūgü ixīgüxūmaā nüxū chixuxúcèx ga yema ore.

⁹ Rū yemacèx ga Chaütíágu rü Pedru rü Cuáü ga yaxōgüxūārü āēxgacügü, rü nüxū nicuēāchigü na choxū naxunetaxū ga Tupana na chanaxūxúcèx i ngēma puracü. Rū yemacèx ga yema āēxgacügü, rü tomēx niyaxūāchigü ga choma rü Bernabé na toxū nüxū nadauxēēgüxúcèx na aixcūma namücügü tixīgüxū i ngēma puracüwa. Rū nümagü rü ta norü me nixī na ngēma duūxūgü i tama Yudiūgü ixīgüxūtanüwa na tanaxūxū i Tupanaärü puracü rü nümagü i Yudiūgütanüwa.

¹⁰ Rū toxna naxcèx naca na nüxū tarüngüxēēgüxúcèx ga yema yaxōgüxū ga ngearü dīeriāxgüxū. Rū yexicatama nixī ga toxna nüxū nacuēāchixēēxū. Rū choma rü ta ngēmatama nixī i guxūguma woetama meāma chaxūxū.

Pauru rü Aütioquíawa Pedruxū naxucuxē

¹¹ Natürü yixcúra ga yexguma Aŭtioquíawa naxūxgu ga Pedru, rü noxtacüma nūxū nūxū chaxīnūxēē, yerü tama aixcūma name ga yema naxūxū namaā ga yema yaxōgūxū ga tama Yudiūgū ixīgūxū.

¹² Yerü noxri rü yema duūxūgū ga tama Yudiūgū ixīgūxūmaā nachibū ga Pedru. Natürü yexguma yéma nangugū ga űuxre ga Yudiūgū ga yaxōgūxū ga Chaŭtiāgu yéma mugūxū, rü Pedru rü marū tama yema duūxūgū ga tama Yudiūgū ga yéma ngugūxū ga nagu īxū ga yema nacūma na Tupanacēx īnawiechēxmūpēxechiraūgūxū.

¹³ Rū yema togū ga Yudiūgū ga yaxōgūxū, rü yexguma nūxū nadaugūga ga yema Pedru ūxū, rü nūmagū rü ta nanaxūgū ga yema chixexū rü naxcēx nawoeguchaū ga yema nuxcūmaūgūxū ga nacūmagū. Rū dūxwa ga Bernabé rü ta natanūgu naxā ga yema chixexū ūgūxū.

¹⁴ Natürü yexguma nūxū chadēuxgu na tama Tupanaārū ore i mexū tūxū nguxēēxūācūma na namaxēxū ga yema yatūgū, rü guxū ga yaxōgūxūpēxewa Pedruxū nūxū chaxīnūxēē. Rū űacharūgū nūxū:

“Rū dūcax i cuma na Yudiūchirēx quiūxū, cuma rü tama aixcūma Yudiūgūcūmagu quixū. ¿Rū űuxācū i űuxma i cunamuxū na Yudiūgūcūmagu naxīxū i ngēma duūxūgū i tama Yudiūgū ixīgūxū?” űacharūgū nūxū.

Yudiūgū rü woo ngēma duūxūgū i tama Yudiūgū ixīgūxū rü norū ōgagu nixī i nayauxgūāxū i maxū i tagama gūxū

¹⁵ Rū pemaā nūxū chixu rü toma rü aixcūma torū bucūmatama Yudiūgū tixīgū rü Tupanaxū tacuēxgū. Rū ngēmaācū tama duūxūgū i tama Tupanaxū cuēxgūxū tixīgū.

¹⁶ Rū nūxū tacuēxgū rü yema nuxcūmaūgūxū ga mugū ga Moīché ūmatūxū rü tama tūxū nimexēē i Tupanapēxewa, erū taxucūrūwama texē aixcūma naga taxīnū i ngēma mugū. Natürü i űuxma rü Tupana tūxū nadau na imexū ega Ngechuchu ya Cristuaxū yaxōgūgu. Rū yemacēx ga toma rü ta Ngechuchu ya Cristuaxū tayaxōgū na torū ōgagu Tupana toxū nadauxū na timexū. Erū nūxū tacuēxgū rü tama ngēma mugūgagu nixī na Tupanapēxewa tamexū rü wūxie, erū taxucūrūwama texē aixcūma naga taxīnū i ngēma mugū na ngēmaācū Tupanapēxewa tamexūcēx.

¹⁷ Rū űuxma i yixema rü Cristuaxū tayaxōgū, rü ngēmacēx nixī i Tupanapēxewa imexū. Natürü ngēxguma chi wūxi i ngunexūgu rü yixema nagu rūxīnūēgu rü mugūgu na ixīxūgagu yixīgu na Tupanapēxewa imexū, rü maneca tā nagu tarūxīnūē na Cristu tūxū pecaduāxēēxū. Natürü dūcax, rü tama ngēmaācū nixī erū Cristu rü tagutāma texēxū napecaduāxēē.

¹⁸ Choma rü marū nūxū charūxo na nagu charūxīnūxū na mugūgu chixūxūgagu Tupanapēxewa chamexū. Natürü ngēxguma chi wenaxārū naxcēx chataegugu i ngēma nuxcūmaūgūxū i mugū rü chi nūxū charūxoxgu na Cristuaxū chayaxōxū, rü chi aixcūma wūxi i pecaduāxū chixī.

¹⁹ Yerü yexguma yema mugūwa changūxgu, rü dūxwa nūxū chicuēxāchi na tama yanguxū ga yema mugū na choxū namexēēxū Tupanapēxewa. Yerü taxucūrūwama aixcūma naga chaxīnū ga guxūma ga yema mugū. Rū ngēmacēx i űuxma rü Cristuaxū chayaxō na Tupanapēxewa chamexūcēx rü naxcēxīcatama chamaxūxūcēx. Rū Cristu rü curuchagu nayu na iyanaxoxūcēx ga nuxcūmaūxū ga chorū maxū ga choxū yexmaxū ga yexguma yema mugūgu chixūxgu.

²⁰ Rū űuxma rü marū tama chaugūmaātama ichacuēx, natürü Cristu nixī ya chomaā icuācū erū chowa namaxū. Rū űuxma rü Tupana Nane ya Cristuaxū chayaxōcūma nixī i chamaxūxū i űoma i naānewa. Rū nūma nixī ga choxū nangechaūxū, rü nūgū inaxāxū na chauxcēx nayuxūcēx.

²¹ Rū tama nūxū chaxoxchaū i ngēma mexū ga Tupana taxcēx ūxū ga yexguma nayuxgu ga Cristu. Yerü yexguma chi yema mugūgu ixīxūgagu Tupanapēxewa imexgu, rü natūcēxmamare chi nixī ga na nayuxū ga Cristu.

3

űuxma rü tama ngēma mugūgu taxī erū marū Cristuaxū tayaxōgū

¹ Pa Chaueneēgū i Gárataneecūāx, pema rü pengēāēgūmare. Rū yexguma petanūwa tayexmagūgu rü meāma guxāpēxewa pemaā nūxū tixu rü pexcēx tanangoxēē na űuxācū curuchagu taxcēx nayuxū ga Ngechuchu ya Cristu. ¿Rū texē pexū tawomūxēē i űuxma na tama naga pexīnūēxūcēx i ngēma ore i aixcūma ixīxū ga pemaā nūxū tixuxū?

² Rū wūxi i orecēx pexna chaca, rü ¿űuxācū yīxū ga penayaxuxū ga Tupanaāē i Ūūnēxū? ¿Éxna pexcēx rü yema mugū na pinguxēēgūxūgagu yīxū ga penayaxuxū, rü ēxna ngēma ore i mexū ga nūxū pexīnūēxū rü pixōgūxūgagu yīxū?

³ Pema rü pengēāēgūmare rü poraācū īpetiē. Noxri rü Cristuaxū peyaxōgū yerū Tupanaāē i Ūñexū pewa napuracū. ¿Rü ñuxācū i ñuxma i nagu perūññēxū na wenaxarū naxcēx pewoeguxū i ngema nuxcūmaxūxū i mugū i taguma maxū pexna āxū?

⁴ Pema rü poraācū Tupana pexū narūngūxēē. Rü chierū tama natūcēxmamare yixūga ga yema, erū taxucūruwa natūcēxmamare nixī.

⁵ Rü yexguma Tupana pexna namuxgu ga Naāē i Ūñexū rü petanūwa naxūāgu ga taxū ga mexūgū ga norū poramaā naxūxū, rü ¿tacūgagu nixī ga naxūāxū ga yema? ¿Pexcēx rü mugū na pinguxēēxūgagu yīxū ga Tupana naxūxū ga yema? Tama yemagagu nixī. Tupana rü petanūwa nanaxū ga yema taxū ga mexūgū yerū nūxū peyaxogū ga norū ore ga nūxū pexññēxū.

⁶ Rü dūcax, pemaā nūxū chixu rü name nixī i nuxcūmaūcū ga torū oxi ga Abráurū pixīgū. Yerū Abráurū rü Tupanaāxū nayaxō, rü yemacēx Tupana nūxū nadau ga na namexū.

⁷ Rü ngēmawa nūxū pedau rü ngēma duūxūgū i Tupanaāxū yaxōgūxū nixī i aixcūma Abráūtanūxū ixīgūxū i Tupanapēxewa.

⁸ Rü Tupanaārū ore i ūmatūxūwa rü nūxū nixu na ñuxācū Tupanapēxewa tá na yamexū i ngēma duūxūgū i yaxōgūxū i woo tama Yudīgū ixīgūxū. Rü yemaācū nūxū nixu naxūpa ga na nangupetūxū. Yerū Tupana rü nuxcūmamatama Abráūmaā nūxū nixu ga ñāā ore i mexū i ñaxū:

“Rü cugagu tá nūxū charūngūxēē i guxūma i nachīñānecūāx i duūxūgū”, ñaxū. Rü yemaācū nūxū tacuēx rü Cristu rü Abráūtaa na yīxū.

⁹ Rü ngēmācēx i ñuxma rü Tupana nanayaxu i guxūma i duūxūgū i yaxōgūxū, yexgumarūxū ga Abráurū ga yaxōcūxū na nayaxūrū.

¹⁰ Natūrū chixexūwa nangēxmagū i guxūma i ngēma duūxūgū i nagu rūññēxū na mugū yanguxēēgūxūgagu Tupanapēxewa yamexū. Erū Tupanaārū ore i ūmatūxūwa rü ñanagūrū: “Rü guxūma i duūxūgū i tama aixcūma yanguxēēgūxū i guxūma i ngēma mugū i ūmatūxū, rü chixexūwa nangēxmagū”,

ñanagūrū. Erū nūxū tacuēxgū na taxucūrūwama aixcūma texé yanguxēēxū i guxūma i ngēma mugū.

¹¹ Rü ngēmaācū meāma nangox na tama ngēma mugū tinguxēēxūcēx yīxū na texé Tupanapēxewa mexū. Erū Tupanaārū ore i ūmatūxūwa rü ñanagūrū:

“Rü yīxema túmaārū ōgagu Tupanapēxewa mexē, rü yīxema tá tixī ya aixcūma tūxū nangēxmaxē i maxū i taguma gūxū”,

ñanagūrū.

¹² Natūrū ngēxguma nagu rūññēgū na mugū inguxēēxūcēx yīxū na Tupanapēxewa imexū, rü taxucēx chīma tūxcūū tayaxōgū. Erū Tupanaārū orewa rü ngēmāchīga naxūmatū, rü ñanagūrū:

“Rü yīxema aixcūma meāma yanguxēēxē i guxūma i mugū, rü ngēmāgagu tá tūxū nangēxma i túmaārū maxū”,

ñanagūrū. Natūrū ngēma mugū rü dūxwa chixexūwa tūxū naga erū taxucūrūwama texé aixcūma meā tayanguxēē.

¹³ Natūrū ga Cristu rü nawa tūxū īnangūxūxēē ga yema mugū ga chixexūwa tūxū yexmagūxēēxū. Rü taxcēx nixī ga chixexūwa nayexmaxū ga yexguma curuchagu nayuxgu. Erū Tupanaārū ore i ūmatūxūwa, rü ñanagūrū:

“Rü guxūma ya yīxema wūxi i naīwa tūxū natuxēēgūācūma yūxe, rü chixexūwa tangēxma”, ñanagūrū.

¹⁴ Rü yemaācū curuchagu nayu ga Ngechuchu ya Cristu na nūxū nangūxēēxūcēx i guxūma i ngēma duūxūgū i tama Yudīgū ixīgūxū, yema Tupana Abráūmaā ixunetaxūrū. Rü taxcēx rü ta nayu ga Cristu na yīxema rü ta nūxū yaxōgūxūcēx rü nayauxgūxūcēx i Tupanaāē i Ūñexū i tamaā inaxunetaxū.

Tupanaārū uneta rü ngēma mugūarū yexera name

¹⁵ Pa Chaueneēgūx, ñuxma rü tá pemaā nūxū chixu i wūxi i cuēxruū na ñuxācū duūxūgū tacū nūgūmaā mexēēxū. Rü dūcax, ngēxguma chī wūxi ya yatū rü texēmaā tacūcēx inaxunetagu rü chī wūxi i poperagu meā naxūmatūāgu i ngēma, rü taxucūrūwa texé itayanaxoxēē rü ēxna tanaxūchicūū i ngēma norū uneta.

¹⁶ Rü dūcax, rü yexgumarūūtama nixī ga nangupetūxū ga yexguma Tupana rü Abráūmaā rü Abráūtaamaā inaxunetagu. Rü Tupanaārū ore i ūmatūxūwa rü tama “Abráūtaagū” ñanagūrū, yerū tama muxūma ga duūxūgūchīga nīdexa. Natūrū yema ore rü “Abráūtaa” ñanagūrūmare, yerū wūxitama ga duūxūchīga nixī ga yadexaxū. Rü yema rü Cristuchīga nixī.

¹⁷ Rü ngēmaācū pemaā chanangoxēē na Tupana rü Abráūmaā namexēēāxū rü namaā inaxunetaxū na Cristugagu tá yīxū i duūxūgūxū nangūxēēxū. Rü ngēmācēx i ñuxma rü yema

Moiché ūmatūxū ga mugū ga 430 ga taunecū yema unetawena ínguxū, rú taxucūrūwama inayanaxoxēē ga yema Tupanaārū uneta ga nūxíra Abráúmaā nūxū yaxuxū. Rú ngēmacēx i űuxma rú ta napora i ngēma uneta.

¹⁸ Rú ngēxguma chi mugū inguxēēgūxūgagu yixígu na Tupana tūxū rúngūxēēxū, rú natūcēxmamare chi nixí ga yema Tupanaārū uneta ga nūxíra Abráúmaā nūxū yaxuxū. Natūrū aixcūma nixí na ngetanūācūma Abráúxū nangūxēēxū ga Tupana, yerū yemaācū marū namaā inaxuneta.

¹⁹ Rú űuxma rú űtacūwa namexū ga yema mugū ga Moiché ūmatūxū? Rú dūcax, Tupana rú marū Abráúmaā inaxunetaguwena nixí ga duūxūgūna naxāāxū ga yema mugū, na yemaācū duūxūgūxū nūxū nadauxēēxūcēx na űuxācū poraācū pecadu naxūexū. Rú yemaācū nixí űuxmata ínangu ga guma Abráútaa ya Cristu. Rú gumachiga nixí ga Abráúmaā inaxunetaxū ga Tupana ga noxrix. Rú yexguma ínanguxgu ga yema mugū, rú Tupana rú daxūcūāx ga norū orearū ngeruūgūmaāxíra nūxū nixu. Rú yemagū nixí ga nūxí Moichémaā nūxū ixugūxū, rú nūma ga Moiché rú duūxūgūmaā nūxū nixu.

²⁰ Natūrū yexguma Tupana Abráúmaā ixunetagu, rú nūmaxūchima ga Tupana nixí ga Abráúmaā nūxū yaxuxū ga yema norū uneta. Rú tama togūmaāxíra nūxū nixu na yemagū nūxí Abráúmaā nūxū ixugūexūcēx.

Tācūcēx duūxūgūna nanaxā ga Tupana ga yema mugū

²¹ űRú űuxū űapegūxū i űuxmax? űPecēx ēxna rú yema Moiché ūmatūxū ga mugū rú inayanaxoxēē i Tupanaārū unetagu? Rú dūcax, tama ngēmaācū nixí. Yerū yexguma chi naporagu ga yema mugū na tūxna naxāāxū i maxū i taguma gūxū, rú chi Tupanapēxewa time i ngēxguma meāma yanguxēēgu.

²² Natūrū tama ngēmaācū nixí. Erū Tupanaārū ore i ūmatūxūwa nūxū tadau na guxūma i duūxūgū rú pecadutūūwa nangēxmagūxū. Rú ngēmacēx i űuxma rú yixema Ngechuchu ya Cristuaxū yaxōgūxexicatama tixí na nayauxgūxe i ngēma maxū i aixcūma mexū i Tupana tamaā ixunetaxū.

²³ Rú yexguma tauta ínanguxgu ga Cristu na nūxū yaxōgūxūcēx, rú mugūtūūwa tayexmagū rú tamaā inacuēx. Rú yemaācū tixígu rú űuxmata Tupana taxcēx nangoxēē ga Ngechuchu ya Cristu na nūxū yaxōgūxūcēx.

²⁴ Rú yemaācū ga yema mugū rú tamaā inacuēx űuxmata Cristuxūtawa tūxū nagagū na nūxū yaxōgūxūcēx rú ngēmaācū Tupanapēxewa imexūcēx.

²⁵ Natūrū i űuxma na marū nūma nanguxū ya Cristu na nūxū yaxōgūxūcēx, rú marū tama ngēma mugūtūūwa tangēxmagū. Rú űuxma rú marū taxucēxma tūxcūū tamaā inacuēx i ngēma mugū.

²⁶ Rú űuxma na Ngechuchu ya Cristuaxū peyaxōgūxū, rú Tupanaxācūgū pixígu i guxāma i pemax.

²⁷ Rú űuxma na Cristuégagu ípebaiūxū, rú Cristuarū pixígu rú nūma rú pemaā inacuēx na naxrūū pixíguxūcēx.

²⁸ Rú űuxma rú Tupanapēxewa rú nūētama nixí ega woo Yudíugū pixígu rú ēxna tama. Rú nūētama ega woo wūxí i coriarū duūxūgū pixígu rú ēxna taxūxearū duūxūgū pixígu. Rú nūētama ega woo piyatūgu rú ēxna pingexgu. Erū űuxma na Ngechuchu ya Cristuarū duūxūgū na pixíguxū, rú wūxitama i duūxū pixígu i guxāma i pemax.

²⁹ Rú űuxma na Cristuarū pixíguxū, rú ngēmacēx waxí nixí na aixcūma Abráútaagū pixíguxū. Rú ngēmacēx i pema rú tá ta penayaxu i guxūma ga yema Abráúmaā inaxunetaxū ga Tupana.

4

¹ Rú dūcax, ngēxguma wūxí i buxū yunatūgu, rú ngēma buxū rú tama ngēxgumatama nanayaxu i nanatūarū ngēmaxūgū. Rú woo guxūma i nanatūarū ngēmaxūārū yora yixígu, natūrū ngēxūrūūxū i nanatūarū puracūtanūxūrūūmare nixí űuxmata nayēx.

² Rú ngēmacēx nangēxma i ngēma buxūārū dauruū i namaā icuāxū rú nūxū nūxna dauxū i ngēma nanatūarū ngēmaxūgū űuxmata nawa nangu ya yima taunecū ya noxri nanatū nagu unetacū na ngēma buxū rú nūgūmaā inacuāxūcēx.

³ Rú yexgumarūū nixí ga tamaā nangupetūxū ga noxrix. Yerū yexguma tauta Cristuxū icuēxgu, rú natūūwa tayexmagū ga yema naāēgū i chixexūgū i űoma i naānemaā icuēxgūxū.

⁴ Natūrū yexguma nawa nanguxgu ga yema ngunexū ga inaxunetaxū ga Tupana, rú nūma nanamu ga Nane. Rú duūxūgūrūū wūxí ga ngewa naba ga guma Nane. Rú yema Moiché ūmatūxū ga mugūtūūwa nayexma ga yexguma nabuxgu.

⁵ Rú yemaācū nūma nangu ga Tupana Nane na tūxū ínanguxūxēēxūcēx i guxāma i yixema ga noxri mugūtūūwa na iyexmagūxū. Rú yemaācū tūxū narūngūxēē ga nūma ga Tupana Nane na Natūū ya Tupanamaā tūxū yaxuxūcēx na aixcūma naxācūgūxūchi ixíguxū.

⁶ Rū Tupana pexna nanamu ga Naāē i Ūūnexū na pexū nūxū nadauxēēxūcēx na aixcūma naxācūgūxūchi pixīgūxū. Rū ngēmacēx i űuxma rū marū name i “Pa Chaunatūx”, űaperūgū nūxū ya Tupana.

⁷ Rū ngēmacēx i űuxma rū Tupanaxācūxūchi quixī, rū tama wūxi i norū duūxūmare quixī. Rū űuxma na naxācūxūchi quīxū, rū norū ngūchaū nixī na cuxna naxāāxū i guxūma i űacū i noxrū ixīxū.

Pauro rū yema yaxōgūxūcēx naxoegaāē

⁸ Rū űpa ga yexguma tauta Tupanaxū pecuēxgu, rū perū tupananetagūtūwa peyexmagū rū nūxū picuēxūgū ga yema tama aixcūma Tupana ixīgūxū.

⁹ Natūrū i űuxma na Tupanaxū pecuāxū rū nūma rū na pexū nacuāxū, rū űtūxcūū wena naxcēx pewoeguchaū i ngēma naāēgū i chixexūgū i űoma i naānemaā icuēxgūxū? űRū tūxcūū penaxwēxe na wena natūtūwa pegū pengēxmagūxēēxū i ngēma naāēgū i tama aixcūma poraexū i natūcēxmamare ixīgūxū?

¹⁰ Rū dūcax i pemax, rū űuxma rū ta ngēma nuxcūmaūgūxū i Yudiūgūcūmagu pexīāma woo Cristuaxū na peyaxōgūxū. Erū penaxaure i űuxre i ngunexūgū rū űuxre ya tauemacūgū rū űuxre ya tau necūgū rū űuxre i petagū, erū nagu perūxīnūē na ngēmaācū Tupanapēxewa tá pimexū.

¹¹ Rū ngēmacēx poraācū chaxoegaāē, erū ngūrūāchi natūcēxmamare tá nixī ga yema puracū ga petanūwa chaxūxū.

¹² Pa Chaueneēgūx, pexū chacēēxū na chauxrūū nūxū perūxoexū na nagu pexīxū i ngēma Yudiūgūarū mugū. Erū űuxma na Cristuwe charūxūxū rū marū nūxū charūxo na nagu chixūxū ga yema mugū ga űpa tama nagu pexīxū. Rū dūcax, yexguma noxri petanūwa chayexmagu rū tama choxū pexo, rū ngēmacēx chanaxwēxe i űuxma rū ta chauga pexīnūē.

¹³ Rū pema rū marū natūtūwa pecuēx rū yexguma noxri pemaā nūxū chixuxgu ga Tupanaārū ore i mexū, rū yema na chīdaawexūgagu nixī ga petanūgu charūxūxū rū pemaā nūxū chixuxū ga Tupanaārū ore.

¹⁴ Rū yema űaawe ga choxū yexmaxū, rū woo pexcēx rū wūxi ga wētūmūū nixī, natūrū tama choxū pexo rū tama choxū űpetēxūchi. Natūrū meāma choxū peyauxgū űoma wūxi ga Tupanaārū orearū ngerūū i daxūcūāx chīxūrūū. Rū űoma Ngechuchu ya Cristu chīxūrūū, meāma choxū peyauxgū.

¹⁵ űNatūrū űacū ēxna nangupetū namaā ga yema perū taāē ga noxri pexū yexmaxū? Erū pemaā nūxū chixu rū noxri petanūwa chayexmagu rū poraācū chomaā petaāēgū. Rū yexguma chi pexū natauxchagu, rū pemaā nanguxūgu, rū chi pexetū peyaxu na choxna penaxāxūcēx, yerū yemaācū poraācū chomaā petaāēgū ga yexguma.

¹⁶ űNatūrū űacū pexū naxūpetū i űuxmax? űPexcēx rū ēxna perū uwanū chixī yerū pemaā nūxū chixu ga Tupanaārū ore i aixcūma ixīxū?

¹⁷ Rū ngēma duūxūgū i pexū ngūxēēxū na Yudiūgūcūmagu na pexīxūcēx, rū pegu narūxīnūēneta, tama aixcūma űacū rū mexūcēx nadaugū. Erū nūmagū rū toxna pexū nixīgachixēēchaū na ngēmaācū naga pexīnūēxūcēx.

¹⁸ Rū ngēma togū rū marū name na pegu naxīnūēxū, natūrū nanaxwēxe na perū mexūcēx nadaugūxū i guxūguma. Rū tama name na petanūwa changēxmaguxicatama perū mexūcēx na nadaugūxū i ngēma togū.

¹⁹ Pa Chauxacūgūx, wenaārū űoma wūxi i mama ngīxācūmaā nguxnecacūrūū poraācū pexcēx ngūxū chinge na aixcūma meā Cristuaxū peyaxōgūxūcēx rū aixcūma naxcēx na pemaxēxūcēx. Rū ngēmaācū tá chixī űuxmatáta Cristu naxwēxexūrūū pixīgū i perū maxūwa.

²⁰ Rū chierū űuxmatama pexūtawa changēxmagu na pemaā chidexaxūchixūcēx, rū tama űuxmarūū pexcēx chanaxūmatūmarexūcēx. Erū űuxma rū tama nūxū chacuēx na űacūgu pemaā charūxīnūxū.

Ore i cuēxruū i Abrāūxūtaxū ga Agāchiga rū namēxūchi ga Charachiga

²¹ Rū pema na ngēma Moiché űmatūxū i mugūtūūwa pegū pengēxmagūxēēchaūxū, rū chanaxwēxe i chomaā nūxū pixu ngoxi aixcūma nūxū pecuā na űuxū űaxū i ngēma mugū.

²² Erū ngēma mugūwa nūxū tatau rū Abrāū rū nūxū nayexma ga taxre ga nane. Rū wūxi ga nane rū naxūtaxū ga Agāwa nūxū nayexma, rū naī ga nane rū namēxūchi ga Charawa nūxū nayexma.

²³ Rū guma nane ga naxūtaxūwa nūxū yexmacū, rū nabu yerū yema nixī ga norū ngūchaū ga Abrāū. Natūrū guma nane ga namēxūchiwa nūxū yexmacū, rū nabu yerū yemaācū inaxuneta ga Tupana.

²⁴⁻²⁵ Rū pemaā nūxū chixu i ngēma ore erū ngēmawa nangēxma i űacū i aixcūma ixīxū i pexcēx changōxēēchaūxū. Rū yema taxre ga ngexūgū rū taxre i cuēxruūgū nixīgū na ngēmawa nūxū icuāxūcēx na űuxācū Tupana duūxūgūxū rūngūxēēxū na naxūtawa

nangugūxūcēx. Rū yema nūxīraūxū ga norū ngūxēē nixī ga yexguma Chinafārū mēxpūnewa Moīchéna naxāāgu ga norū mugū na naga naxīnūēxūcēx ga duūxūgū. Rū yema mugū ga Moīchéna naxāxū ga Chinafīwa rū Agá iyixī ga norū cuēxruū. Rū yema nge ga Agá rū naxūtaxū iyixī ga Abrāū rū yemacēx ga ngīxācūgū rū ngīxruūtama togūtūūwa nayexmagū rū tama ínanguxū. Rū yemaācū ga yema nge rū wūxi i cuēxruū iyixī nachiga i ngēma Yudiūgū i űuxma maxēxū rū ngēma mugūwe rūxīxū. Erū nūmagū rū űuxma rū ta natūūwa nangēxmagū i ngēma mugū ga Moīché yaxuxū ga mēxpūne ga Chinafī ya Arábīaanewa ngēxmanewa. Rū űuxma rū ta ngēma mugūgu naxī rū tama nūxū narūxoe.

²⁶⁻²⁸ Natūrū yema nge ga Abrāū namēxūchi rū tama Agārūū iyixī. Rū ngēne ga Ichaá rū nabu yerū Tupanaāxū nayaxō ga Abrāū ga yexguma Tupana namaā nūxū ixuxgu rū tá na nūxū nayexmaxū ga wūxi ga nane. Rū űuxma Pa Chaueneēgūx, yixema rū ta tayaxō i ngēma Tupana tamaā ixunetaxū. Rū ngēmacēx i űuxma rū tama ngēma nuxcūmaūgūxū i mugūtūūwa tangēxmagū. Rū ngēmaācū Abrāū namēxūchixacūgūrūū tixīgū. Rū ngēmaācū nūxū tādau na aixcūma Tupana yanguxēēxū i norū ore ga Abrāū namēxūchichiga űmatūxū i űaxū:

“¡Nataāē, Pa Ngecū i Ngexacūcū! ¡Rū curū taāēmaā rūxāixnaxū woo tagumachirēx na cuxāxācūxū! Erū tá cuxāxācū, rū ngēma ngexū i cuxūtaxū i cuteaxū āxācūxūārū yexera tá cuxū nangēxma i cuxacūgū”,

űaxū.

²⁹ Natūrū guma Abrāū nane ga naxūtaxūwa nūxū yexmacū, rū chixri namaxū namaā ga guma Abrāū nane ga Tupanaārū unetagagu bucū. Rū ngēxgumarūū ta i űuxma rū yixema i Tupanaāē i űūnēxūgagu tūxū na nangēxmaxū i maxū, rū chixri tamaā nachopetū i ngēma Yudiūgū i naxwēxegūxū na nagu ixīxū i ngēma mugū ga Moīché űmatūxū.

³⁰ ¿Natūrū űuxū űaxū i Tupanaārū ore i űmatūxūwa? Rū dūcax, ngēmawa Abrāūmaā nūxū nixu ga na ngīxū ínatāxūcēx ga naxūtaxū ngīnemaā, yerū taxucūrūwama yema ngīnemaā nayayauxye ga norū yemaxū ga namēxwaxūchixūcū ga naneārū tá ixīxū.

³¹ Rū ngēmaācū, Pa Chaueneēgūx, rū nūxū tādau rū tama Abrāū naxūtaxūxācūgūrūū tixīgū, erū tama ngēma mugūtūūwa tangēxmagū. Natūrū Abrāū namēxūchixacūgūrūū tixīgū, erū Tupanaārū unetagagu tūxū nangēxma i tórū maxū.

5

Meā pegūna pedaugū na tama wena ngēma mugūtūūwa pengēxmagūxūcēx

¹ Rū űuxma ya Cristu rū marū tūxū ínanguxūxēē na tama ngēma mugūtūūwa ingēxmagūxūcēx. Rū ngēmacēx name nixī i pegūna pedaugū na tama wena natūūwa pegū pengēxmagūxūcēx i ngēma mugū.

² ¡Rū choxū iperūxīnūē! Rū choma i Pauru rū pemaā nūxū chixu, rū ngēxguma chi nagu pexīxgu na pegū ípewiechēxmūpēxechiraūxū na ngēmaācū penayaxuxūcēx i perū maxū, rū ngēxguma ya Cristu rū chi taxuwama pexū name.

³ Rū wena pemaā nūxū chixu rū ngēxūrūū i yatū i nūgū íwiechēxmūpēxechiraūchaūxū na ngēmaācū Tupanapēxewa namēxūcēx, rū name nixī i nūxna nacūēxāchi na taxucūrūwa ngēmaācū na nayauxāxū i norū maxū ega tama aixcūma naga naxīnūgu i guxūma i togū i mugū.

⁴ Rū guxāma i pema i nagu rūxīnūēxē na Tupanapēxewa pimēxū ega nagu pexīxgu i ngēma mugū, rū pemaā nūxū chixu rū marū Cristuna pīxīgachi i ngēxgumax. Rū ngēxgumarūū ta pegū nūxna peyaxūxēē i ngēma ngēchaū ga noxri Tupana namaā pexū ngechaūxū.

⁵ Natūrū Tupanaāē i űūnēxū nixī i tūxū rūngūxēēxū na yaxōgūxūcēx. Rū ngēmacēx nixī i ínanguxēēxū na Cristugagu Tupanapēxewa ímēxū.

⁶ Rū ngēmacēx i űuxma na Ngechuchu ya Cristuarū duūxūgū ixīgūxū, rū nūētama nixī ega woo íwiechēxmūpēxechiraūgū rū ēxna tama, erū tama ngēma nixī i Tupanapēxewa tūxū mexēēxū. Rū ngēma Tupana naxwēxēxū i űuxma nixī na aixcūma yaxōgūxū rū ngēmaācū yīgū na ingechaūgūxū.

⁷ Pema rū meāma ipenaxūgū na Cristuwe perūxīxū. ¿Rū texē ēxna pexū nūxū taxoox na tama naga pexīnūēxūcēx i norū ore i aixcūma ixīxū?

⁸ Rū pemaā nūxū chixu, rū tama Tupana ga noxri pexcēx çacū nixī ya yima pexū nūxū oócū.

⁹ Rū name nixī i nūxna pecūēxāchie rū wūxitama i duūxū i chixēxū űxū, rū nanachixēē i guxūma i togū i natanūxūgū, űoma wūxi i íraxū i pāūārū puxēēruū rū wūxi i taxū i pāūchara ipuxēēxūrūū nixī.

¹⁰ Choma rū chayaxō na tórū Cori tá pexū rūngūxēēxū na choma nagu charūxīnūxūrūū nagu perūxīnūēxūcēx. Natūrū Tupana tá nanapoxcu i ngēma duūxū i pexū chixēēxēēxū, rū nūētama nixī ega woo texē tixīgū.

¹¹ Rū nūmaxū i duūxūgū rū chauchiga nidexagū, rū nūxū nixugūe na choma rū duūxūgūxū changūexēēxū na nūgū inawūchēmūpēxechiraūxūcēx rū mugū na yan-guxēēgūxūcēx na ngēmaācū nūxū nangēxmaxūcēx i maxū i taguma gūxū. Natūrū, Pa Chaueneēgūx, rū ngēxguma chi ngēmaācū duūxūgūxū changūexēēgū, rū tāū chima chowe ningēxūtanū i Yudiūgū, erū tāū chima naāēwa nangux i ngēma ore i nūxū chixuxū nachiga ya Cristu ga curuchagu taxcēx yucū.

¹² Natūrū ngēma duūxūgū i pexū chixeāēgūxū rū pexū ucuxēgūxū na pegū ipewūchēmūpēxechiraūxūcēx, rū ŗūxūcūū ēxna i nūmagū i tāū noxtacūma nūgū yacaugūpūxūcharexegūxū ta?

¹³ Natūrū pemax, Pa Chaueneēgūx, rū Tupana pexcēx naca na ngēma mugūna ipenguxūxūcēx. Natūrū ŗūxma na nūxna ipenguxūxū, rū tama name i ngēmacēx pex-eneārū ngūchaū pexūgū. Natūrū name nixī na pegū pengechaūgūxū rū ngēmaācū pegū perūngūxēēgūxū i wūxichigū.

¹⁴ Erū guxūma i Tupanaārū mugū rū wūxi i muwatama nangox rū ŗanagūrū:

“ŗRū nūxū nangechaū i cumūcū na cugūtama cungechaūxūrūū!”

ŗanagūrū.

¹⁵ Natūrū name nixī i pexuāēgū erū ngēxguma chi pegūmaā penuēgu rū pegūchi pexaiegu, rū ngūrūāchi tá pegū pewoone rū tá ipeyanaxoxēē i Tupanaārū ore i pewa ngēxmaxū.

Ngēma taxūneārū ngūchaū rū tama Tupanaāē i Ūūnexūārū ngūchaūmaā nawūxigu

¹⁶ Pemaā nūxū chixu, rū name nixī i Tupanaāē i Ūūnexū naxwēxexūācūma pemaxē. Rū ngēxguma ngēmaācū pemaxēgu, rū tāūtāma pexeneārū ngūchaū pexūgū.

¹⁷ Erū ngēma taxūneārū ngūchaū rū tama Tupanaāē i Ūūnexūārū ngūchaūmaā nawūxigu. Rū ngēma Tupanaāxē i Ūūnexūārū ngūchaū rū tama taxūneārū ngūchaūmaā nawūxigu. Erū ngēma taxre i ngūchaūgū, rū nūgūchi naxaie erū wūxichigū i ngēma rū tamaā inacuāxchaū. Rū ngēmacēx i pema rū taxucūrūwa penaxū i ngēma pematama penaxwēxexū.

¹⁸ Natūrū ngēxguma Tupanaāē i Ūūnexū pemaā icuēxgux, rū marū tama ngēma nuxcūmaūgūxū i mugūtūūwa pengēxmagū.

¹⁹ Rū meāma nangox na ŗūxācū namaxēxū i ngēma duūxūgū i naxūneārū ngūchaū ūgūxū, rū naī i ngēmaā maxēxū, rū airugūrūūmare ixīgūxū. Rū tama naxāneē na ŗacū rū chixexū naxūgūxū.

²⁰ Rū tupananetachicūnēxāgūxū nicuēxūūgū, rū nayuūe rū nangōxwēxegū, rū aigu narūxīnūē, rū nachoxūgawēxegū, rū togūchi naxaie norū ngēmaxūgūcēx, rū nanuxwēxegū, rū duūxūgūxū naxucuxēgū na to i ngūxēētaegu naxīxūcēx, rū ngēmaācū nayatoye i duūxūgū na tama wūxigu naxīnūēxūcēx.

²¹ Rū togūarū ngēmaxūgūcēx nixāūxāchigū, rū nangāxēwēxegū, rū peta naxūgūecha, rū nanaxūgū i muxūma i togū i chixexūgū i ngēxgumarūū ixīxū. Rū ngēmacēx, wena pemaā nūxū chixu rū guxūma i ngēma duūxūgū i ngēmaācū maxēxū, rū nataxūtāma i nachica i nextā Tupana āēxgacū ŗyīxūūwa.

²² Natūrū ngēxguma Tupanaāē i Ūūnexū tamaā icuēxgu, rū nūma nixī i tūxū nangūxēēxū na yigū ingechaūgūxūcēx, rū itaāēgūxūcēx, rū meā yigūmaā imaxēxūcēx, rū yaxna namaā ixīnūēxūcēx i togū, rū togūmaā imecūmagūxūcēx, rū togūxū rūngūxēēgūxūcēx, rū aixcūma yanguxēēxūcēx i ngēma nūxū ixuxū.

²³ Rū ngēxgumarūū ta Naāē i Ūūnexū tūxū narūngūxēē na tama chixexūmaā nataeguxēēxūcēx ega togū chixexū tamaā ŗxgux. Rū tūxū narūngūxēē na meāma yigūnatama idauxūcēx na tama chixexūgu iyixūcēx. Rū nataxuma i mugū i nachuxuxū na naxūxū i ngēma mexūgū.

²⁴ Rū ngēma duūxūgū i aixcūma Ngechuchu ya Cristuarū duūxūgū ixīgūxū, rū marū nūxū narūxoe ga yema nuxcūmaūxū ga norū maxū ga chixexū, rū yema naxūneārū ngūchaūgū ga chixexū, rū guxūma ga ŗacū ga to ga ngūchaū ga tama mexū.

²⁵ Rū ŗūxma na Tupanaāē i Ūūnexū tūxna naxāxū i tōrū maxū, rū name nixī i nūma tōrū maxūmaā na inacuāxū.

²⁶ Rū tama name i yigū itarūta rū togūmaā tanuāē, rū bai na ŗacūcēx ixāūxāchixū.

6

Name nixī i guxūma i pema rū pegū perūngūxēēgū i wūxichigū

¹ Pa Chaueneēgūx, ngēxguma chi texēxū pedēuxgu na ŗacū rū chixexūgu tanguxū, rū pema na Tupanaāē i Ūūnexū naxwēxexūācūma na pemaxēxū, rū name nixī i tūxū pengechaūācūma tūxū perūngūxēē na itayarūwēxāchixūcēx. ŗNatūrū pexuāēgū i wūxichigū, na tama pema rū ta nagu pexiūcēx i ngēma chixexū!

² ¡Rü pegü perüngüxëëgü i ngëxguma texé petanüwa guxchaxügü tüxü ngëxmagu! Erü ngëxguma ngëmaäcü pegü perüngüxëëgu, rü ngëmaäcü tá peyanguxëë i ngëma Cristu pexü muxü.

³ Rü ngëxguma texé nagu rüxínügu na wüxi i ñacü tixíxü, rü tügütama tawomüxëë, erü Tupanapëxewa rü taxuümachirëx tixí.

⁴ Rü ngëmacëx i wüxichigü, rü name nixí i tügüarü maxütama tangugü. Rü ngëxguma namexgu i tümaärü maxü, rü tügümaä tátama tataäë, rü taxucëxma tüxcüü togüarü maxüwa tügü tangugüarü maxüäx.

⁵ Erü tanaxwëxe ya wüxichigü na tümaärü maxünatama tadauxü i Tupanapëxewa.

⁶ Rü ngëmacëx i wüxichigü i nguxëëtae i Tupanaärü orewa rü name nixí na tümaärü nguxëëruümaä tangauxü i gúxü i tümaärü ngëmaxügü.

⁷ ¡Rü pexuäëgü na tama ipetüxëxcëx i perü maxüwa! Erü taxucürüwa texé Tupanaxü tawomüxëë. Rü yíxema chixexü üxe, rü chixexü tá tayaxu. Rü yíxema mexü üxe, rü mexü tá nixí i tayaxuxü.

⁸ Rü yíxema tümaxüneärü ngüchaü üxe, rü ngëma tümaxüneärü ngüchaü rü tá yuwa tüxü naga. Natürü yíxema Tupanaäë i Üünexüärü ngüchaü üxe, rü ngëma Tupanaäë i Üünexüwa tá tanayaxu i maxü i taguma gúxü.

⁹ Rü ngëmacëx tama name na nüxü rüchaxexü na mexü ixüexü. Erü ngëxguma chi tama nüxü rüchaxegu, rü düxwa mexü tá tayaxu i Tupanaxütawa.

¹⁰ Rü ngëmacëx ngëxguma tüxü nangëxmagu na ñacümaä togüxü rüngüxëëxü, rü name nixí i guxäxüma tarüngüxëë. Natürü yexera tanaxwëxegü na nüxü rüngüxëëgüxü i ngëma taeneëgü rü taeyëxgü i yaxögüxü.

Pauru rü nüxü narütoxë ga yema yaxögüxü, rü nayaxucuxëgü

¹¹ Rü nuä tá ichanaxügü na chomaxüchima choxmëxmaä pëxcëx chanaxümatüxü i ñaä popera. ¡Rü dücax, nüxü pedëux i ngëma choma chaxümatüxü na ñuxäcü natamatüxü!

¹² Rü ngëma Yudiügu i pexü ngüxëëxü na pegü ipewiechëxmüpëxechiraügüxüxcëx, rü ngëmaäcü pexü namu erü nanataäëxëëgüchaü i ngëma togü i Yudiügu na tama naxchi naxaieüxcëx nagagu na Ngechuchu ya Cristu ga curuchagu yucüaxü na yaxögüäxü.

¹³ Erü woo i nümagü na ínawiüchëxmüpëxechiraüxü, rü tama nayanguxëë i guxüma i mugü. Natürü nümagü rü nanaxwëxegü na pegü ipewiüchëxmüpëxechiraüxü, na yixcama nügü yacuëxüügüxüxcëx rü togü i Yudiügümaä nüxü na yaxuxüxcëx na pema rü ta naxrüü nagu pexíxü i ngëma nuxcümaügüxü i mugü.

¹⁴ Natürü i choma rü chaugü chicuëxüü erü nüxü chayaxö ya törü Cori ya Ngechuchu ya Cristu ga curuchagu yucü. Rü ngëmacëxicatama nixí i chaugü chicuëxüüxü. Rü ñuxma na Cristu ga curuchagu yucüaxü chayaxöxü, rü marü tama nagu charüxínü i ñoma i naäne rü norü ngëmaxügü. Rü ngëxgumarüü ta i ñoma i naäne rü marü tama choxü nacuáxchaü.

¹⁵ Erü ngëxguma Ngechuchu ya Cristuarü duüxügü ixígügu, rü Tupanapëxewa rü taxuüma nixí i ngëma na íwiewchëxmüpëxechiraüxü rü éxna tama. Natürü ngëma aixcüma napëxewa mexü nixí na naxüchicüxü i törü maxü na ngexwacaxüxü i duüxügü ixígüxüxcëx.

¹⁶ Rü Tupanana naxcëx chaca na pexü nataäëxëëgüxüxcëx rü nüxü pengechaütümüügüxüxcëx i guxäma i pema i aixcüma yanguxëëgüxe i ngëma pemaä nüxü chixuxü, rü guxäma ya yíxema aixcüma Tupanaärü duüxügü ixígüxe.

¹⁷ Rü ñuxmawena rü tama chanaxwëxe na texé ñacü rü guxchaxügü choxna äxü. Erü choma rü aixcüma törü Cori ya Ngechucharü duüxü chixí. Rü ngëma chorü oxrigüchica i chowa ngëxmagüxüwa nüxü pecuëx na aixcüma yíxü i ngëma.

¹⁸ Pa Chaueneëgüx, chanaxwëxe i törü Cori ya Ngechuchu ya Cristu pexü narüngüxëë i guxäma i pemax. Rü ngëmaäcü yíi.

Rü nuäma pexna,
Pauru

POPERA GA EPÉCHIUWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rü nüxŭ narümoxē ga yema yaxōgŭxŭ ga Epéchiuarŭ ĩānewa yexmagŭxŭ

¹ Pa Chaueneēgŭ ya Epéchiuwa Ngēxmagŭxe, choma i Pauru nixŭ i pexcēx chanaxŭmatŭxŭ i ĩāñā popera. Rü choma i Pauru chixŭ i Tupana choxŭ yaxuxŭ na Ngechuchu ya Cristu choxŭ muxŭcēx na duŭxŭgŭmaā nüxŭ chixuxŭcēx i norŭ ore. Rü pexcēx chanaxŭmatŭ i guxāma i pema ya Epéchiuarŭ ĩānewa ngēxmagŭxe rü Tupanaārŭ duŭxŭgŭ ixŭgŭxe rü Ngechuchu ya Cristuaxŭ yaxōgŭxe.

² Rü chanaxwēxe i pexŭ narŭngŭxēē rü pexŭ nataāēxēē ya Tanatŭ ya Tupana rü tōrŭ Cori ya Ngechuchu ya Cristu.

Tupana rü poraācŭ tŭxŭ narŭngŭxēē erŭ Cristuarŭ duŭxŭgŭ tixŭgŭ

³ Rü name nixŭ i nüxŭ ticuēxŭgŭ ya Tanatŭ ya Tupana ya tōrŭ Cori ya Ngechuchu ya Cristunatŭ ixŭcŭ. Erŭ nŭma ya Tupana rü Cristugagu tŭxna nanaxā i naguxŭtraŭxŭ i ngŭxēēgŭ i ũnēxŭ i dauŭgŭxŭ i naanewa taxcēx ne namugŭxŭ.

⁴⁻⁵ Rü tautama naāne ũxgu, rü Cristugagu Tupana tŭxŭ nade na napēxewa ixŭūnegŭxŭcēx rü na nataxuxŭcēx i tōrŭ chixexŭ i napēxewa. Rü Tupana rü poraācŭ tŭxŭ nangechaŭ. Rü yemacēx nuxcŭmamata ma tŭxŭ naxuneta na naxācŭgŭxŭ tŭxŭ nadexŭcēx Ngechuchugagu. Rü yemaācŭ nanaxŭ yerŭ yema nixŭ ga norŭ ngŭchaŭ.

⁶ Rü ngēmacēx name nixŭ i guxŭguma nüxŭ ticuēxŭgŭ ya Tupana. Erŭ nŭma rü poraācŭxŭchima tamaā namecŭma rü poraācŭ tŭxŭ narŭngŭxēē ga yexguma taxcēx nŭma namuāxgu ga Nane ya nüxŭ nangechaŭxŭchicŭ.

⁷ Rü Tupana rü poraācŭ tŭxŭ nangechaŭ, rü yemacēx nanamu ga Nane na taxcēx nayuxŭ rü nagŭ inabaxŭ na yemaācŭ tŭxŭ inanguxŭxēēŭcēx rü tŭxŭ nüxŭ nangechaŭxŭcēx ga tōrŭ pecadugŭ.

⁸ Rü Tupana tŭxŭ nüxŭ nadauxēē na ĩuxācŭ poraācŭ tŭxŭ nangechaŭxŭ ga yexguma tŭxna naxāaxgu ga guxŭma ga tōrŭ cuēx na taāēxŭ icuāxŭcēx rü tŭxŭ natauxchaxŭcēx i norŭ ore.

⁹ Rü tŭxŭ nüxŭ nacuēxēē ga norŭ ngŭchaŭ ga noxri nüxŭcatama nüxŭ nacuāxŭ. Rü yema norŭ ngŭchaŭ ga nuxcŭmaxŭchima Cristumaā nagu naxŭnŭxŭ ga Tupana, rü yema nixŭ ga ĩoma ga naānewa na namuāxŭ na tŭxŭ yamaxēxēēxŭcēx.

¹⁰ Rü yema nagu naxŭnŭxŭ nixŭ na Cristumēxēwa nangēxmaxēēāxŭ i guxŭma i daxŭguxŭ i naānewa ngēxmaxŭ rü guxŭma i ĩoma i naānewa ngēxmaxŭ. Rü ngēmaācŭ tá nanaxŭ ya Tupana i ngēxguma nawa nanguxgu na yanguxēēāxŭ.

¹¹ Yerŭ naxŭpa ga ĩoma ga naane naxŭxŭ ga Tupana, rü woetama tomaā nanaxuegu na Cristugagu tanayauxgŭxŭcēx i ngēma maxŭ i taguma gŭxŭ i nŭma toxna naxāxchaŭxŭ na aixcŭma naxcēx tamaxēxŭcēx. Rü aixcŭma yemaācŭ nanaxŭ yerŭ yema nixŭ ga norŭ ngŭchaŭ ga Tupana ya guxŭma ũcŭ, ngēma nŭma nagu naxŭnŭxŭācŭma.

¹² Rü yemaācŭ Tupana tomaā nanaxuegu na toma i toxira Cristuaxŭ yaxōgŭxe naxcēx tamaxēxŭcēx rü nüxŭ ticuēxŭtŭgŭxŭcēx naxcēx i norŭ pora i ũnēxŭ.

¹³ Rü yexgumarŭt ta ga pema i Epéchiucŭāxgŭ, rü yexguma nüxŭ pexŭnŭēgu ga yema ore i aixcŭma ixŭxŭ i tŭxŭ maxēxēēxŭ, rü yexguma Cristuaxŭ peyaxōgŭgu, rü namŭcŭgŭ pixŭgŭ. Rü Tupana ga tamaā ixunetacŭ na tŭxna namuāxŭcēx i Naāē i ũnēxŭ, rü marŭ pexna nanamu i ngēma Naāē na nüxŭ pecuāxŭcēx na aixcŭma norŭ duŭxŭgŭ pixŭgŭxŭ.

¹⁴ Rü ngema Naāē i ũnēxŭ ga Tupana tŭxna muxŭ, rü ngemaawa nixŭ i nüxŭ icuāxŭ na aixcŭma Tupana tá tŭxna naxāxŭ i guxŭma i ngema tamaā inaxunetaxŭ. Rü ngēxguma wena nŭma naxŭxgu ya Cristu na ngŭxŭtawata tŭxŭ nagagŭxŭcēx rü aixcŭma tá tanayaxu i guxŭma i ngema Tupana tomaā nüxŭ ixuxŭ. Rü ngēmacēx name nixŭ na nüxŭ icuēxŭgŭxŭ rü Tanatŭ ya Tupana ya ũxŭnecŭ.

Pauru rü yaxōgŭxŭcēx nayumŭxē.

¹⁵⁻¹⁶ Rü ngēmacēx, ĩuxma na nüxŭ chacuāxŭ na aixcŭma tōrŭ Cori ya Ngechuchuaŭxŭ peyaxōgŭxŭ rü na aixcŭma nüxŭ pengechaŭgŭxŭ i guxŭma i ngēma togŭ i Tupanaārŭ ixŭgŭxŭ, rü ngēmacēx taguma nüxŭ charŭchau na pexcēx moxē nŭxna chaxāxŭ rü pexna chacuēxāchixŭ i chorŭ yumŭxēwa.

¹⁷ Rü ngēxguma namaā chideaxgu ya Tanatŭ ya Tupana ya mexēchicŭ ya Nanatŭ ya tōrŭ Cori ya Ngechuchu ya Cristu, rü naxcēx nŭxna chaca na pexna naxāxŭcēx i ngēma cuēx i Naāē i ũnēxŭwa ne ũxŭ. Rü ngēma Naāē i ũnēxŭ tá nixŭ i pexcēx nangoxēēxŭ i Tupanaārŭ ore i mexŭ na yexeraācŭ nüxŭ pecuāxŭcēx ya Tupana.

¹⁸ Rū Tupanana naxcèx chaca na nūmatama pexŭ yangoxnaãëxëëxŭcèx, na nūxŭ pecuáxŭcèx na tacŭ yŭxŭ i ngëma ípenanguxëëxŭ i naxcèx pexŭ nadexŭ. Rū nūxna naxcèx chaca na pexŭ nūxŭ nacuëxëëxŭcèx na ñuxãcŭ namexëchixŭ i ngëma maxŭ i taguma gúxŭ i nūma norŭ duŭxŭgŭcèx namexëëxŭ i daxŭguxŭ i naãnewa.

¹⁹⁻²⁰ Rū ngëxgumarŭŭ ta rŭ nūxna naxcèx chaca na pexŭ nūxŭ nacuëxëëxŭcèx na ñuxãcŭ nataxchixŭ i norŭ pora i tawa ngëxmaxŭ rŭ namaã tŭxŭ nangŭxëëxŭ i yixema na yaxôgŭxŭ. Rū ngëmatama pora i taxŭmaã nixŭ ga napuracŭxŭ ga Tupana ga yexguma yuwa Cristuxŭ ínadaxëëgu rŭ daxŭguxŭ ga naãnewa nagaãxgu rŭ nŭgŭarŭ tŭgŭnecŭwawa yanatoxëëãgu na guxãarŭ ãëxgacŭ yŭxŭcèx.

²¹ Rū yemaãcŭ guxŭtŭwa nanayexmaxëë. Rū ngëmacèx i ñuxma rŭ Cristumëxëwa nangëxmagŭ i guxŭma i daxŭguxŭ i naãnecŭãx i ãëxgacŭgŭ rŭ guxŭma i ñoma i naãnecŭãx i ãëxgacŭgŭ. Rū ngëmaãcŭ naxmëxwa nangëxmagŭ i guxŭma i pora i ñuxma ngëxmagŭxŭ rŭ guxŭma i pora i tá ngëxmagŭxŭ. Rū ngëmaãcŭ i nūma rŭ guxŭ i ãëxgacŭgŭarŭ ãëxgacŭ tá nixŭ i guxŭguma.

²² Rū yemaãcŭ ga Tupana rŭ marŭ Cristumëxëwa nanayexmagŭxëë ga guxŭma. Rū yexgumarŭŭ ta Cristuxŭ ningucuchixëë na guxŭma i yaxôgŭxŭlëru na yŭxŭcèx.

²³ Rū ñuxma rŭ guxŭma i yaxôgŭxŭ rŭ wŭxigu Cristuarŭ nixŭgŭ. Rū nūma nixŭ i tawa nangëxmaxŭ i guxŭma i yixema i nŭxŭ na yaxôgŭxŭ. Rū ngëxgumarŭŭ ta nūma nixŭ i nangëxmaxëëãxŭ i guxŭma i tacŭ i ngëxmaxŭ i guxŭwama.

2

Tamaxë erŭ Tupana tŭxŭ nangechaŭ

¹ Rū ŭpa ga pema rŭ perŭ pecadugagu rŭ perŭ chixexŭgagu ñoma peyuxŭrŭŭ pixŭgŭ.

² Yerŭ ga pema rŭ nagu pexŭ ga yema chixexŭ i ñoma i naãnecŭãx i duŭxŭgŭ nagu íxŭ. Rŭ pema rŭ naga pexŭnŭë ga Chatanã i ngoxogŭarŭ ãëxgacŭ íxŭ. Rū nūma nixŭ i nŭxŭ nangŭchaŭxëëãxŭ na chixexŭ naxŭgŭxŭcèx i guxŭma i ngëma duŭxŭgŭ i tama Tupanaga ínŭxŭ.

³ Rū guxãma ga yixema rŭ yemaãcŭ chixri tamaxë ga ŭpa. Rū tanaxŭ ga tóxrŭtama ngŭchaŭ, rŭ nagu taxŭ ga yema taxŭne naxwëxexŭ rŭ yema taãë naxwëxexŭ. Rū yemagugu yema togŭ ga duŭxŭgŭ ga chixexŭ ŭgŭxŭrŭŭ nawa taxŭgŭ i ngëma poxcu i ãcŭmaxŭchixŭ i Tupana mexëëxŭ.

⁴ Natŭrŭ ga Tupana rŭ poraãcŭ nŭxŭ tangechaŭtŭmŭgŭ rŭ poraãcŭ tŭxŭ nangechaŭ.

⁵ Rū yemacèx, woo tóru pecadugagu ñoma iyuxŭrŭŭ tixŭgŭ, natŭrŭ ga Tupana rŭ tŭxna nanaxã ga maxŭ ga yexguma Cristuxŭ ínadaxëëgu. Rū ñuxma rŭ pexŭ nangëxma i maxŭ i taguma gúxŭ, erŭ Tupana pemaã namecŭma.

⁶ Rū yema na Ngechuchu ya Cristuxŭ wena namaxëëxŭrŭŭ rŭ tŭxŭ rŭ ta namaxëëë ga Tupana. Rū yemaãcŭ nanaxŭ na yixema rŭ ta Cristumŭcŭgŭ íxŭgŭxŭcèx, rŭ namaã ãëxgacŭgŭ íxŭgŭxŭcèx i daxŭguxŭ i naãnewa.

⁷ Rū yemaãcŭ nanaxŭ ga Tupana na guxŭgutáma duŭxŭgŭxŭ nawëaxŭcèx na ñuxãcŭ Cristugagu poraãcŭ tŭxŭ nangechaŭxŭ rŭ tamaã namecŭmaxŭ.

⁸ Rū yemaãcŭ pemaã namecŭma ga Tupana. Rū yemacëx penayaxu ga maxŭ i taguma gúxŭ yerŭ peyaxôgŭ. Rū ngëma maxŭ rŭ taxucŭrŭwama pegŭnatama penaxã, natŭrŭ Tupana nixŭ ga pexna naxãmarecŭ ga yema.

⁹ Rū tama tacŭ i mexŭ i pexŭxŭgagu nixŭ i pexŭ nangëxmaxŭ i ngëma maxŭ, natŭrŭ Tupana nixŭ ya pexna naxãmarecŭ na ngëmaãcŭ taxŭema tŭgŭ icuëxŭxŭcèx.

¹⁰ Rū Tupana nixŭ ga tŭxŭ maxëëëcŭ. Rū ñuxma rŭ tŭxŭ nangëxma i ngëma maxŭ yerŭ Ngechuchu ya Cristu tóru pecaducèx nayu. Rū Tupana tŭxna nanaxã i ngëma maxŭ na meã imaxëxŭcèx rŭ mexŭ íxŭgŭxŭcèx. Rū yemaãcŭ tŭxŭ narŭngŭxëë ga Tupana yerŭ woetama nuxcŭmaxŭchima marŭ yemagu narŭxŭnŭ.

Cristu nixŭ ya yigŭmaã tŭxŭ rŭngŭxmŭëëcŭ

¹¹⁻¹² Rū ngëmacèx i pema na tama Yudŭgŭ pixŭgŭxŭ, rŭ name nixŭ i nŭxna pecuëxãchie na tama toxrŭŭ na pixŭgŭxŭ ga noxri rŭ tama Tupanaxŭ na pecuëxgŭxŭ. Rū yema na tama toxrŭŭ pixŭgŭxŭ rŭ yemacèx ga toma ga Yudŭgŭ i togŭ na ítawiechëxmŭpëxechiraŭgŭxŭ, rŭ nŭxŭ tixugŭe na pema rŭ tama Tupanapëxewa na pimexŭ yerŭ tama toxrŭŭ pegŭ ípewiechëxmŭpëxechiraŭgŭ. Rū yexguma ga pema rŭ tama Cristuxŭ pecuëxgŭ, yerŭ tama Tupanaãrŭ duŭxŭgŭ i Yudŭgŭtanŭxŭ pixŭgŭ. Rū tama nŭxŭ pecuëxgŭ ga Tupana nūma na namuxŭ ga Nane na duŭxŭgŭarŭ pecaducèx nayuxŭcèx na nŭxna naxããxŭcèx i maxŭ i taguma gúxŭ. Rū woo ga yema mexŭgŭ ga Yudŭgŭmaã inaxunetaxŭ ga Tupana, rŭ taxucŭrŭwa penayaxu. Yerŭ ñoma ga naãnewa rŭ pemaxëmare, rŭ tama nŭxŭ pecuëx ga tacŭ chi pexŭ na ŭpetŭxŭ ga yexguma chi peyuegu yerŭ tama Tupanaxŭ pecuëx.

¹³ Natürü woo ga noxri rü tama Tupanaxü na pecuáxü, natürü i ñuxma rü nügüxütawa pexü nagagü. Rü Ngechuchu ya Cristuarü duüxügü pixigü yerü pexcèx nayu rü nagü inanaba.

¹⁴⁻¹⁵ Rü ñuxma rü Cristu nixi ya tüxü rüngüxmüëxëcü. Rü noxri ga toma ga Yudiügü rü pexchi taxaie yerü tama toxrüü Yudiügü pixigü. Natürü i ñuxma rü Cristu marü yigümaâ tüxü narüngüxmüëxë. Rü yemaäcü wüxitama i duüxügüxü tüxü nixigüxë rü inayanaxoxë na yigüarü uwanü ixigüxü. Rü yexguma nayuxgu ga Cristu rü tüxü inangüxë na tama natüüwa iyexmagüxcèx ga yema nuxcümaügüxü ga mugü ga toma ga Yudiügü nagu taxüxü. Rü wüxitama i duüxügü i ngexwacaxüxü tüxü nixigüxë i toma i Yudiügü na tixigüxü rü pema i tama Yudiügü na pixigüxü. Rü yemaäcü nanaxü na guxäma i yixema rü norü duüxügü na ixigüxcèx. Rü yemaäcü yigümaâ tüxü inarüngüxmüëxë.

¹⁶ Rü yexguma curuchagu nayuxgu ga Cristu, rü inayanaxoxë ga yigüchi na ixaixü. Rü yemaäcü ga Cristu rü Tupanamaâ tüxü inarüngüx-müëxë, rü wüxitama i duüxügüxü tüxü nixigüxë.

¹⁷ Rü yexguma Cristu núma üxgu, rü taxcèx núma nanange ga ore ga mexü ga marü yigümaâ rü Tupanamaâ na rüngüxmüëxü. Rü yema ore rü toxcèx nixi i toma i Yudiügü ga toxira Tupanaxü na tacuáxü. Rü yema ore rü pexcèx rü ta nixi ga woo tama Tupanaxü na pecuëxgüxü ga noxrix.

¹⁸ Rü ñuxma rü guxäma i yixema rü Cristugagu tüxü natauxcha na Tanatü ya Tupanana ingaicamagüxü. Rü ngëmatama Naäe i Üünexü nixi i tüxü rüngüxëxü na nüxna ingaicamagüxcèx ya Tanatü ya Tupana.

¹⁹ Rü ngëmacèx i pema rü woo tama Tupanaxü pecuëxgü ga noxrix, rü woo tama norü duüxügü pixigü ga yexguma, natürü tama ngëmaäcü pixigü i ñuxmax. Erü ñuxma rü natanüxü pixigü i guxüma i ngëma duüxügü i Tupanaärü ixigüxü. Rü aixcüma Tupanaxäcüxüchi pixigü i ñuxmax.

²⁰⁻²² Guxäma i pema rü wüxi ya İpata ya mexüne ya Tupana nawa maxüne pixigü. Rü ngëma cementu i ladriyu naëtügu nugüxü, rü ngëma rü Tupanaärü ngüexügü ga imugüxü rü norü orearü uruügü nixi. Rü yima ladriyu ya nüxirama cementuëtüwa ixüchicü rü Cristu nixi. Rü ngëma inanaxügü na naxüäxü ya guxüdnema ya yima i. Rü düxwa ningu na wüxi ya tupaüca ya taxüne ya Cristugagu üünene na yixü. Rü ngëmaäcü i pema na Cristuarü pixigüxü rü wüxigu tomaâ peyangüxëe ya wüxi ya tupaüca ya taxüne i ngextä Tupanaäe i Üünexü imaxüxüwa.

3

Tupana rü Pauruxü namu na ore i mexüxü yaxuxü namaâ ga yema duüxügü ga tama Yudiügü ixigüxü

¹ Rü ñuxma na yemaäcü Tupana pexü rüngüxëxü, rü choma i Pauru rü pexcèx chayümüxë. Rü pemaâ nüxü chixu rü núma poxcupataüwa changëxma erü Ngechuchu ya Cristuarü duüxü chixi. Rü nüxma chapoxcu erü guxüwama nüxü chixuchiga na pema rü ta pexü nangëxmaxü i pechica i Tupanaxütawa woo na tama Yudiügü pixigüxü.

² Rü maneca marü nüxü pecuächiga na ñuxäcü Tupana choxü nangechaücüma choxü muxü na pexü charüngüxëxüxcèx rü pemaâ nüxü chixuxüxcèx i norü ore i mexü.

³ Rü Tupana chomaâ nanangoxëe rü choxü nüxü nacüxëe ga yema ore ga pechiga ga noxri nüxcatama nüxü nacuáxü. Rü yemachiga nixi ga irarüwa marü pexcèx chanaxümatüxü ga noxrix.

⁴ Rü yexguma pexcèx chanaxümatügu rü pemaâ nüxü chixu ga yema noxri ëxügüxü ga ore i ñuxäcü Tupana rü Cristugagu duüxügüxü namaxëxëxü. Rü ngëxguma meä nawa pengüegu i ngëma popera rü tá nüxü pecuëx na aixcüma yixü ga yema ore ga noxri ëxügüxü ga nachiga pexcèx chaxümatüxü.

⁵ Rü yema nixi ga ore ga ëxügüxü ga Tupana taxüxüma meä nüxü nacüxëxëxü ga noxrix. Natürü i ñuxma rü ngëma Naäe i Üünexü rü marü nanangoxëe i ngëma ore naxcèx i Tupanaärü duüxügü i üünexü i yamugüxü rü norü orearü uruügü.

⁶ Rü ñuxma rü tá pemaâ nüxü chixu i ñuxäcü na yixü i ngëma ore ga noxri ëxügüxü. Rü dücax, woo tama Yudiügü pixigü natürü i ñuxma rü pexcèx rü ta nixi i ngëma maxü i taguma güxü ga noxri Tupana tomaâ ixunetaxü. Rü ñuxma i pema rü ta norü duüxügü pixigü. Rü pexcèx nixi i guxüma i ngëma Tupanaärü unetagu ga noxri tomaâ nüxü yaxuxü. Rü ngëmaäcü i ñuxma rü Ngechuchu ya Cristugagu pexü nangëxma i guxüma i ngëma mexügü erü peyaxögü i norü ore i tüxü maxëxëxü.

⁷ Rü woo taxuwama chame na chanaxüxcèx i norü puracü, natürü ya Tupana rü choxü namuäma rü choxü naporaxëe na nüxü chixuxüxcèx i ngëma norü ore i mexü.

⁸ Rū chaugücèx i Tupanapèxewa rü choma nixi i guxü i norü duüxügüaruü ñaxtüwaama chaxüxü. Rü woo ngémaacü chixi, natürü Tupana choxü nangechaü rü choxna nanaxi i ngéma puracü i mexü na ngéma tama Yudiügü ixigüxümaã nüxü na chixuxücèx i norü ore i mexü na ñuxacü namexèchixü rü taguma iyagüxü ga yema taxcèx naxüxü ga Cristu.

⁹ Rü nüma ga Tupana ya guxüaruü ürüü ixicü, rü choxü namu na guxü i duüxügüxü nüxü chacüxèèxücèx na ñuxacü yixü i ngéma norü ngüchaü ga nuxcüma èxüguxü ga noxri nüxatama nüxü nacuáxü. Rü ngéma norü ngüchaü nixi i Cristugagu tüxü na namaxèxèxü.

¹⁰ Rü yemaacü choxü namu ga Tupana na ngéma duüxügü i tama Yudiügü ixigüxümaã nüxü chixuxücèx i ore i mexü na yaxögüaxücèx. Rü nüma ya Tupana nanaxwèxe na yaxögüaxü na ngémaacü guxüma i äëxgacügü i daxüçlax nüxü nadaugüxücèx na ñuxacü nüxü nacuèxüchixü ga Tupana ga yexguma duüxügüaxü natauxchaxèëägu na naxütawa nangügüxücèx.

¹¹ Rü yemaacü nüxü nanatauxchaxèë ga Tupana yerü woetama nuxcümaxüchima guxüguma nagu narüxnü na törü Cori ya Ngechuchu ya Cristugagu tá na namaxèxèèxü i duüxügü. Rü yemaacü nayanguxèë.

¹² Rü ñuxma na Cristuarü duüxügü ixigüxü rü nüxü na yaxögüxü, rü tüxü natauxcha na Tupanana ingaicamagüxü rü taxucèxma nüxü na imuüèxü.

¹³ Rü ngémacèx i ñuxma na pexcèx ngüxü chingexü rü pexü chacèxü na tama chauxcèx pexoegaäëgüxücèx. Erü ngéma ngüxü na chingexü i ñuxma rü perü merüü nixi i ngéma.

Cristu rü poraacü tüxü nangechaü

¹⁴ Rü ngémacèx, ngëxguma nagu charüxnügu na ñuxacü Tanatü ya Tupana taxcèx namexèèxü na naxacügü ixigüxücèx, rü napèxegu chacaxäpüxü na nüxü chicuèxüxücèx.

¹⁵ Rü nüma nixi i Nanatü yixü i guxüma i norü duüxügü i ñoma i naänewa rü daxügüxü i naänewa ngëxmagüxü.

¹⁶ Rü Tanatü ya guxüguma poraacü tamaã mecümacüna chaca na Naäe i Üünexüaruü ngüxèemaã pexü naporaexèèxücèx na aixcüma peporaexücèx i perü maxüwa.

¹⁷⁻¹⁸ Rü ngëxgumarüü ta nüxna naxcèx chaca na perü ögagu pewa namaxüxücèx ya Cristu. Rü ngëxguma ngémaacü perü maxüwa peporaegu rü pexü nangëxmagu i ngéma ngechaü i aixcüma ixixü, rü tá wüxigu guxüma i yaxögüxümaã nüxü pecuèx na ñuxacü nataxüchixü i norü ngechaü i namaã tüxü nangechaüxü ya Cristu.

¹⁹ Rü woo tama yanguxgu i törü cuèx na nüxü icuáxücèx na nañuxraüxü i ngéma ngechaü i namaã Cristu tüxü ngechaüxü, natürü Tupanana naxcèx chaca na pexcèx nangoxèèxücèx na ñuxacü na yixü i ngéma ngechaü na aixcüma pewa nangëxmaxü i guxüma i Tupanacümagü.

²⁰ Rü ñuxma rü name nixi i guxäma i yixema rü nüxü ticuèxüügü ya Tupana. Erü nüma rü nüxü nangëxma i pora na naxüaxü i guxüma i ngéma naxcèx íçaxü rü èxna nagu rüxnüèxüaruü yexeraxüchi. Rü ngéma norü pora i tawa ngëxmaxümaã nixi i naxüaxü i guxüma i ngéma.

²¹ Rü ñuxma rü name nixi i guxüma i norü duüxügü i yaxögüxü rü guxügutäma Tupanaxü nicuèxüügü naxcèx i ngéma Ngechuchu ya Cristu üxü. Rü ngémaacü yii.

4

Tupanaäe i Üünexü rü wüxigutama tüxü narüxnüèxèë

¹ Rü ñuxma na ngémaacü Tupana tüxü rüngüxèèxü, rü choma i Cristugagu na chapox-cuxü, rü pexü chacèèxü na Tupana naxwèxèxüacüma meã pemaxèxü. Rü name nixi i ngémaacü pemaxè erü pexü nixi ga nadexü ga Tupana, rü norü duüxügü pixigü i ñuxmax.

² Rü tama name i pegü picuèxüügü. Rü name nixi i guxüguma pemecümagü rü yaxna namaã pexnüë i togü rü nüxü pengechaügü.

³ Rü chanaxwae i wüxigu perüxnüë rü ñoma wüxitama i duüxüaruü pixigü erü pewa nangëxma i Tupanaäe i Üünexü. Rü name nixi i naxcèx pedau na guxüguma pegü pengechaügüxü rü ngémaacü taguma ñacücèx pegü pitoyexü.

⁴ Erü yixema na Cristuarü duüxügü ixigüxü, rü ñoma wüxitama i duüxüaruü tixigü. Rü ngëxgumarüü ta wüxitama nixi i Naäe i Üünexü i guxäwama maxüxü. Rü ngëxgumarüü ta Tupana pexü nade na guxäma ípenanguxèègüxücèx i wüxitama i maxü i taguma güxü.

⁵ Rü wüxitama nixi ya törü Cori, rü wüxiaxütama nixi i yaxögüxü rü wüxicèxatama nixi ga íbaiüxü ga guxäma.

⁶ Rü wüxitama nixi ya Tupana ya guxänatü ixicü. Rü nüma rü guxäëtüwama nangëxma rü guxäwama namaxü. Rü nüma rü guxäxü narüngüxèë na tanaxüxücèx i norü puracü.

⁷ Natürü wüxichigü i yixema rü tanayaxu i ngéma nacüma rü ngéma cuèx i Cristu tüxna ämarechaüxü na naxügüxücèx i norü puracü.

⁸ Rü ngémacèx i Tupanaärü ore i ümatüxüwa rü ñanagürü:

“Rü yexguma daxüguxŭ ga naañewa naxŭxgu, rü yéma tüxŭ nagagü ga guxema marŭ tüxŭ inanguxŭxêê nawa ga tümaarŭ chixexŭ. Rü norŭ duŭxŭgüna nanaxâ ga cuèx na ngemamaâ Tupanaarŭ puracŭ naxŭgŭxŭcèx”,

ñanagürŭ i ngêma ore.

⁹ Rü ñuxma Pa Chaueneégŭx, rü pexna chaca, rü ŭtacŭchiga nixŭ i ngêma ore i ñaxŭ, “Daxŭwa naxŭ”, ñaxŭ? Rü dücax, ngêmawa nüxŭ tacuèx ga noxri rü ñoma ga naañegu na inaxŭxŭ ga nŭmax.

¹⁰ Rü gumatama Cristu ga ñoma ga naañegu írŭxŭcŭ, rü gumatama nixŭ ga daxŭguxŭ i naañe i Tupana ingêxmaxŭwa ŭxcŭ na guxâetŭwa nangêxmaxŭcèx rü guxŭwama nangêxmaxŭcèx.

¹¹ Rü nŭmatama nixŭ ga guxema norŭ duŭxŭgüna naxâaxŭ ga tümaarŭ cuèx rü tümaarŭ puracŭ. Rü tüxŭ naxuneta ga ñuxre na toxnamana norŭ orexŭ tayarŭxugŭxŭcèx. Rü toguegŭ rü tüxna nanaxâ ga cuèx na duŭxŭgümaâ nüxŭ tixuxŭcèx i ngema norŭ ore i tüxŭ nüxŭ nacuèxêêxŭ. Rü toguegŭ rü tüxna nanaxâ ga cuèx na duŭxŭgŭaxŭ tanangŭchaŭxêêxŭ i Tupanaarŭ ore na yaxôgŭaxŭcèx. Rü toguegŭ rü tüxna nanaxâ ga cuèx na ngema yaxôgŭxŭarŭ dauruxŭgŭ tixŭgŭxŭcèx. Rü toguegŭ rü tüxna nanaxâ ga cuèx na norŭ oremaâ tangŭxêêtaegŭxŭcèx.

¹² Rü yemaâcŭ norŭ duŭxŭgüna nanaxâ ga tümaarŭ puracŭ rü tŭmamaâ inananguxŭxêê na ngêma yaxôgŭxŭxŭ tarŭngŭxêêgŭxŭcèx na ngêmaâcŭ guxŭma i ngêma yaxôgŭxŭ rü yexeraâcŭ nüxŭ yacuâetanŭxŭcèx i norŭ ore.

¹³ Rü Cristu nanaxwêxe na ngêma norŭ orewa iyaetanŭxŭ i guxâma i yixema ñuxmatâta wŭxigu aixcŭma meâ yaxôgŭ rü meâ nüxŭ icuèxgŭ ya Tupana Nane. Rü ngêmaâcŭ tá düxwa nawa tangüŭ na aixcŭma Tupana naxwêxexŭâcŭma ixŭgŭxŭ, rü tá tiyaetanŭ i norŭ orewa ñuxmatâta ñoma Cristu ya aixcŭma mexêchicŭrŭ ŭ ixŭgŭ.

¹⁴ Rü tâtŭtâma ñoma buxŭgŭrŭ ŭ tixŭgŭ i tórŭ maxŭwa. Erŭ ngêma buxŭgŭ rü tauxchaâcŭ toguama narŭxŭnŭê. Rü ngêxguma ŭacŭ rü to i nguxêêtaexŭ naxŭnŭêgu rü ngêmawe narŭxŭ ñuxmata naga naxŭnŭê i ngêma duŭxŭgŭ i chixexŭ i norŭ doramaâ nawomŭxêêgŭxŭ rü nachixexêêgŭchaŭxŭ. Natŭrŭ i yixema rü tama name na orexgumarŭ ŭ ixŭgŭxŭ.

¹⁵ Rü name nixŭ i yigŭ ingechaŭgŭâcŭma nagu taxŭ i ngêma ore i aixcŭma ixŭxŭ, na ngêmaâcŭ yexeraâcŭ naxrŭ ŭ ixŭgŭxŭcèx ya Cristu ya guxŭma i yaxôgŭxŭarŭ âexgacŭ ixŭcŭ.

¹⁶ Rü taeru ya Cristuwa nixŭ i ne naxŭxŭ i tórŭ pora na naxcèx imaxêxŭcèx. Rü guxâma i yixema rü wŭxigu naxmêxwa tangêxmagŭ. Rü ngêxguma Cristugagu meâ wŭxigu ipuracŭegu rü yigŭ rŭngŭxêêgu rü guxŭma meâma inixŭ. Rü ngêmaâcŭ yigŭ ingechaŭgŭâcŭma norŭ orewa tiyaetanŭ na düxwa nŭma nanaxwêxexŭâcŭma ixŭgŭxŭcèx.

Maxŭ i ngexwacaxŭxŭ i Cristugagu tüxŭ ngêxmaxŭ

¹⁷ Rü ñuxma rü Cristuégagu pexŭ chaxucuxê na tama nagu pexŭxŭ i ngêma chixexŭ ga noxri nagu pexŭxŭ ga yexguma tauta Cristuaxŭ peyaxôgŭgu. Rü tama name i nagu pexŭ i nacŭmagŭ i ngêma duŭxŭgŭ i tama Tupanaxŭ cuèxgŭxŭ i naêchitamare maxêxŭ.

¹⁸ Erŭ Chataná rü nanatoôêgŭ i ngêma duŭxŭgŭ, rü ngêmacèx chixexŭguxicatama narŭxŭnŭê. Rü nagagugŭtama nüxŭ nataxuma i maxŭ i taguma gŭxŭ i Tupanawa ne ŭxŭ, erŭ tama nüxŭ nacuèxgŭchaŭ.

¹⁹ Rü tama naxâñe na ŭacŭ rü chixexŭ na naxŭgŭxŭ, rü ngêmacèx nagu naxŭ rü nüxŭ namepua i guxŭtraŭxŭ i chixexŭgŭ na naxŭgŭxŭ.

²⁰ Natŭrŭ i pema rü tama ngêmaâcŭ na pemaxêxŭcèx nixŭ i Cristuaxŭ peyaxôgŭxŭ.

²¹ Yerŭ pema rü marŭ meâ nüxŭ pexŭnŭê ga Cristuchiga. Rü toxŭtawa naxcèx pengŭe, rü nüxŭ pecuèx i norŭ ore i aixcŭma ixŭxŭ na ñuxâcŭ Ngechuchu naxwêxexŭâcŭma na pemaxêxŭ.

²² Rü ngêmacèx name nixŭ i nüxŭ perŭxoe i ngêma nuxcŭmaŭxŭ i pecŭmagŭ ga ŭpa nagu pexŭxŭ. Yerŭ yema nuxcŭmaŭxŭ ga perŭ maxŭ rü nachixexŭchi. Rü pexŭ napora rü pexŭ nawomŭxêêgŭ na nagu pexŭxŭcèx ga yema pexeneârŭ ngŭchaŭgŭ i tama mexŭ. Natŭrŭ i ñuxma rü name nixŭ i nüxŭ perŭxoe i guxŭma i ngêma.

²³ Rü ngêmacèx i ñuxma na Cristuarŭ duŭxŭgŭ pixŭgŭxŭ rü name nixŭ na Tupanaguxicatama perŭxŭnŭêxŭ. Rü name nixŭ i Tupanana pegŭ pexâgŭ na Naâe i Ŭnexŭ pewa puracŭxŭcèx rü na nangexwacaxŭxêêxŭcèx i peâe.

²⁴ Rü name nixŭ i penayaxu i ngexwacaxŭxŭ i pecŭma i Tupana norŭ ngŭchaŭmaâ pexcèx mexêêxŭ. Rü ngêma nacŭma i ngexwacaxŭxŭ rü perŭ maxŭ i mexŭwa tá nangox i ngêxguma nagu pexŭxgu i ngêma ore i aixcŭma ixŭxŭ rü tama nawe perŭxŭxgu i pexeneârŭ ngŭchaŭ.

²⁵ Rü ngêmacèx i ñuxma na Cristuarŭ pixŭgŭxŭ rü tama name na pidoratêexgŭxŭ. Natŭrŭ name nixŭ i wŭxichigŭ rü tŭmamŭcŭmaâ aixcŭmaxŭ tixu. Erŭ guxâma i yixema rü yigŭtanŭxŭ i yaxôgŭxŭ tixŭgŭ.

²⁶ Rū ngēxguma texé ſacū peāēwa ngxēēgu rū įpegūna pedağū na tama pecadu pexūxūcēx! Rū tama name i nagu perūxīnūēcha natūrū name nixī i paxa ngēmatama i ngunexūgu nūxū įpeyarūngūma i ngēma naxūpa na yanaxūcuxū ya ūēxcū.

²⁷ Rū pegūna pedağū na tama penaxūchicaxūcēx i Chataná na ngēmaācū nayoxnīēxūcēx rū pemaā inacūaxūcēx.

²⁸ Rū ngēxguma texé petanūwa ngītēexgu ga ūpa, rū name nixī i nūxū tarūxo i ngēma. Rū name nixī i tūmamēxēmaā meā tapuracū na ngēmaācū tūxū nangēxmaxūcēx i tūmaārū ngēmaxū na toguāx ya tūxū nataxūemaā tangauxūcēx.

²⁹ Rū tama name i chixexū i oremaā pidexagū. Rū name nixī i ore i mexūmaā pidexagū na ngēmaācū ngēma duūxūgū i pexū īnūēxūxū perūngūxēgūxūcēx na yexeraācū Tupanaga naxīnūēxūcēx rū nataāgūxūcēx.

³⁰ Rū pexuāēgū na tama penangechaūxēēxūcēx i Tupanaāē i Ūūnexū! Erū ngēma Naāē i Ūūnexū nixī i Tupana pexna muxū na nūxū pecuāxūcēx na aixcūma norū duūxūgū pixīgūxū űuxmatāta ngēma ngunexū i nagu pexcēx nūma naxūxū ya Cristu.

³¹ Rū nūxū perūxoe na nagu perūxīnūēchaxū ega texé ſacū rū chixexū pemaā ūxgux! Rū ngēxgumarūū ta name nixī na nūxū perūxoe xū na aigu perūxīnūēxū, rū ēxna penuēxū, rū ēxna pegū na pengaexū, rū ēxna peguxchigawēxegūxū. Rū ngēmaācū name nixī na nūxū perūxoe xū i guxūma i ngēma chixexū i dexagū.

³² Rū name nixī i pegū perūngūxēēgū rū pegūmaā pemecūmagū, rū pegūxū pengechaūtūmūgū i wūxichigū. Rū ngēxguma petanūwa texé ſacū rū chixexū pemaā ūxgux, rū name nixī i pegūxū nūxū pengechağū i wūxichigū yema na Cristugagu Tupana pexū nūxū nangechaūxūrūū.

5

Name nixī i meā namaxē i Tupanaxācūgū

¹ Rū űuxma rū Tupanaxācūgū ya pexū nangechağūxe pixīgū. Rū ngēmacēx name nixī i naxcēx pedau na naxrūū meā pemaxēxū rū naxrūū pimexū.

² Rū name nixī i pegū pengechağū yema Cristu tūxū na ngechaūxūrūū. Rū nūma rū taxcēx nūgū inaxā rū taxcēx nayu. Rū yemaācū Tupanaxū nataāēxēē yerū yemaācū tūxū namaxēxēē.

³ Rū űuxma rū Tupanaārū duūxūgū pixīgū. Rū ngēmacēx tama name i naī i ngemaā rū ēxna naī ya yatūmaā na įpepexū. Rū tama name na pexeneārū ngūchaūwe perūxīxū rū ēxna pegūna penanugūchaūxū i ſacū i ngēmaxūgū. Rū ngēmacēx name nixī i nūxū perūxoe i guxūma i ngēma chixexūgū, rū bai i nachiga na pidexagūmarexū.

⁴ Rū tama name i ſacū rū ore i āūāchixūxū pixu, rū bai i ſacū rū ngeāēxūmare pixu, rū bai i texēxū pecugūcūraxū. Erū ngēma ore i chixexūgū rū taxuwama name. Rū narūmemaē nixī i Tupanana moxē pexāgū.

⁵ Rū aixcūma pemaā nūxū chixu rū ngēxguma texé naī i ngemaā rū ēxna naī ya yatūmaā įpexgu, rū ēxna tūmaxūneārū ngūchaū taxūxgu, rū taxucūrūwama taxāchica i ngextā tōrū Cori ya Cristu rū Tanatū ya Tupana āēxgacū īxīxūwa. Rū ngēxgumarūū ta taxucūrūwama texé ngema taxāchica ega tūgūna tananugūchaūxgu i ſacū rū ngēmaxūgū. Erū yīxema ngēma nacūma tūxū ngēmaxē rū dūxwa namaā tatupanaāx i ngēma nacūma i chixexū.

⁶ Rū tama naga pexīnūē ega texé ſacū rū ore i ngēāēmarexūmaā pexū womūxēēchağū na penaxūxūcēx i ngēma chixexūgū! Erū ngēma chixexūgūgagu nixī i Tupana tā poraācū napoxcuxū i ngēma duūxūgū i tama naga īnūēxū.

⁷ Rū ngēmacēx tama name i ngēma duūxūgūmaā pexāmūcūgū na pema rū ta tama penaxūxūcēx i ngēma chixexūgū.

⁸ Rū ūpa ga pema rū ēānexūwa peyexmagū, yerū tama Tupanaxū pecuēx rū chixri pemaxē. Natūrū i űuxma na Tupanaxū pecuāxū rū tōrū Coriarū duūxūgū na pixīgūxū, rū ngōonexūwa pengēxmagū. Rū ngēmacēx name nixī i duūxūgū i ngōonexūwa ngēxmagūxūrūū meā na pemaxēxū.

⁹ Erū ngēxguma ngōonexūwa ingēxmagu, rū mexū taxūgū, rū nagu taxī i ore i aixcūma īxīxū, rū meā tamaxē.

¹⁰ Rū ngēmacēx name nixī i naxcēx pedau na nagu pexīxū i ngēma maxū i tōrū Cori namaā taāēxū.

¹¹ Rū tama name i pema rū ta penaxū i ngēma chixexūgū i taxuwama mexū i ngēma togū i duūxūgū i ēānexūwa ngēxmagūxū ūgūxū. Natūrū narūmemaē nixī i penangoxēē na nachixexū i ngēma naxūgūxū.

¹² Erū ngēma chixexū i cūācūma naxūgūxū i ngēma yatūgū rū ngexūgū, rū woo nachiga idexagūmaregu rū wūxi i ānexūchi nixī.

¹³ Natürü ngëxguma ngóonexŭ nagu baxigu i ƭacü rü chixexŭgü rü meã tá nangox na ñuxácü nachixexŭ.

¹⁴ Erü guxŭma i ƭacü i ngëxmaxŭ, rü ngëxguma ngóonexŭwa nangëxmagu, rü meãma nangox na ñuxácü yïxŭ. Rŭ ngëmacëx i Tupanaärü orewa rü ñanagürü:

“¡Nabaixächi i cuma na cupexŭ! ¡Rŭ Írŭda i cuma na icuyarŭtaxuxŭ! ¡Rŭ nagu rŭxŭnŭ na ñuxácü nachixexŭ i ngëma curŭ pecadugŭ! Rŭ Cristu tá cuxcëx nanangóonexëê rü tá cuxŭ narŭngŭxëê na Tupanaxŭ cucuáxŭcëx”,

ñanagürü i ngëma ore.

¹⁵ Rŭ ngëmacëx name nixŭ i pexuãëgü rü meã pemaxë. Rŭ tama name i ngëma duŭxŭgü i tama Tupanaärü orexŭ cuëxgŭxŭrŭüãcŭma na pemaxëxŭ, natürü name na duŭxŭgü i meã Tupanaa ñnŭëxŭrŭü meã na pemaxëxŭ.

¹⁶ Rŭ ñuxma na Tupana pexŭ yatauxchaãchixëêxŭ rü ¡pexaxãëgü na nüxŭ pepuracüexŭ rü penaxŭxŭ i ngëma nŭma nanaxwëxexŭ! Erü ñomaŭcŭü i duŭxŭgü rü poraãcŭ chixexŭ naxŭgü.

¹⁷ Rŭ ñuxma na ngëmaãcŭ namaxëxŭ i togü i duŭxŭgü, rü tama name na naxrŭü pixŭgŭxŭ. Rŭ tama name i duŭxŭgü i ngëãëmarexŭrŭü pixŭgü. Natürü name nixŭ i Tupanaärü orewa pengüe na nüxŭ pecuáxŭcëx i ƭacü na yïxŭ i torŭ Cori pexŭ naxwëxexŭ na penaxŭxŭ.

¹⁸ Rŭ tama name i ƭacü rü axexŭ i ngŭchŭxáxŭmaã pengãxë, erü ngëma rü chixexŭ tŭxŭ naxŭxëê i ngëxguma ngëmaãcŭ imaxëgu. Natürü name nixŭ i Tupanaãë i Üünexŭna pegŭ pexãgü na pewa nangëxmaxŭcëx rü pemaã inacuáxŭcëx.

¹⁹ Rŭ name nixŭ i Tupanaärü orechigagu rü norŭ wiyægügu pegümaã pidexagü rü pegümaã nüxŭ pixu. Rŭ name nixŭ i nagŭxŭraŭxŭ i norŭ wiyægügu pewiyægü, na ngëmaãcŭ guxŭne ya perŭ maxŭnemaã torŭ Corixŭ picuëxŭgŭxŭcëx.

²⁰ Rŭ name nixŭ i guxŭguma torŭ Cori ya Ngechuchu ya Cristuëgagu moxë nŭxna pexãgü ya Tanatŭ ya Tupana naxcëx i guxŭma.

Ñuxácü meã nügŭmaã namaxë i wŭxi ya ¡patacŭãx i Cristuaxŭ yaxögŭxŭ

²¹ Rŭ ñuxma na Cristumëxëwa pengëxmagŭxŭ, rü name nixŭ i pegüga pexŭnŭë i wŭxichigü, erü Cristuxŭ pengechaŭgü rü naga pexŭnŭë.

²² Rŭ pemax, Pa Ngexŭgŭx, rü ngëma torŭ Cori naxwëxexŭrŭü rü name nixŭ na petega pexŭnŭëxŭ.

²³ Erü nŭma ya yatŭ rü namëxëru nixŭ, ngëxgumarŭü ya Cristu na guxŭma i yaxögŭxŭëru na yïxŭ. Rŭ nŭmagü i yaxögŭxŭ rü Cristuxŭne nixŭgü rü nŭma ya Cristu nixŭ i norŭ maxëxëruŭ yïxŭ.

²⁴ Rŭ ngëxgumarŭü na Cristuga naxŭnŭëxŭ i ngëma yaxögŭxŭ, rü ngëxgumarŭü ta i ngexŭgü rü name nixŭ na guxŭguma natega naxŭnŭëxŭ.

²⁵ Rŭ name nixŭ i namëxŭ nangechaŭ ya yatŭ, yema Cristu guxãma ga yaxögŭxexŭ na nangechaŭxŭrŭü. Rŭ yema na tŭxŭ nangechaŭxŭcëx nixŭ ga nayuxŭ ga Cristu.

²⁶ Rŭ yemaãcŭ nanaxŭ ga Cristu na nügŭxŭ tŭxŭ nadexŭcëx rü tŭxŭ yaxŭünexëêxŭcëx i guxãma i yixema na yaxögŭxŭ. Rŭ norŭ oremaã rü ngëma dexá i nawa íbaiŭxŭmaã tŭxŭ nimexëê na aixcŭma napëxewa imexŭcëx.

²⁷ Rŭ yemaãcŭ tŭxŭ nimexëê na nügŭtama tŭxŭ nawëxŭcëx na aixcŭma guxŭwama imexŭ rü na nataxuxŭma i ƭacü i torŭ chixexŭ rü bai i írarŭwa i ngëxguma napëxewa ingugügu. Erü tŭxŭ nade na ixŭünegŭxŭcëx rü guxŭwama imexŭcëx i napëxewa.

²⁸ Rŭ yema Cristu tŭxŭ na ngechaŭxŭrŭü, rü wŭxichigü ya yatŭ rü nanaxwëxe na namëxŭ nangechaŭxŭ ñoma nügŭxŭnëxŭ na nangechaŭxŭrŭütama. Rŭ yixema tŭmamëxŭ ngechaŭxë rü tŭgŭtama nixŭ i tangechaŭxŭ.

²⁹ Erü tataxuma ya texë ya tŭmaxŭnechitama aixë, natürü tanaxŭwemü rü meãma nŭxna tadau ngëma Cristu guxŭma i yaxögŭxŭna dauxŭrŭü.

³⁰ Rŭ guxãma i yixema na yaxögŭxŭ rü Cristutanŭxŭ tixŭgü rü ngëmaãcŭ wŭxigu namŭcŭgü tixŭgü. Rŭ nŭma nixŭ i tŭxna nadauxŭ.

³¹ Rŭ ngëmacëx i Tupanaärü ore i ũmatŭxŭwa rü ñanagürü:

“Rŭ wŭxichigü ya yatŭ rü nanatŭna rü naëna tá nixŭgachi na namëxmaã inaxãxŭcëx. Rŭ ngëma taxre rü wŭxi tátama nixŭgŭ”,

ñanagürü i ngëma ore.

³² Rŭ ngëma ore i yatichiga rü namëxchiga rü wŭxi i ore i aixcŭma mexŭ nixŭ. Natürü ñuxma na pemaã nüxŭ chixuxŭ i ngëma rü Cristuchiga rü yaxögŭxŭchiga nixŭ i chidexaxŭ.

³³ Natürü ngëma ore rü pechiga ta nixŭ. Rŭ ngëmacëx i wŭxichigü i pema i yatŭgü rü name nixŭ i pemëxŭ na pengechaŭxŭ ngëma pegŭtama na pengechaŭxŭrŭü. Rŭ ngëxgumarŭü ta i pema i ngexŭgü rü penaxwëxe i petega pexŭnŭë.

6

¹ Pa Buxđgüx, ñuxma na Cristuarü pixıgüxü, rü name nixı i penatüga rü peega pexınüë, erü ngëma nixı i aixcüma mexü.

²⁻³ Yerü yema mugü ga Tupana Moıchéna äxütanüwa rü yema mu ga nüxıra wüxi ga unetamaä Tupana nüxđ ixuxđ, rü ñanagürü:

“ıRü tüxđ nangechađ rü tüxđ rüngüxëë ya cunatü rü cue na aixcüma cutaäëxđcëx rü namáxđcëx i curü maxđ i ñoma i naänewa!”

ñanagürü.

⁴ Rü pemax, Pa Papágü rü Pa Mamágüx, rü tama name i penangamare rü penanuëxëë i pexacıgü. Rü name nixı i meä penayaexëë, rü peyaxucuxëgü rü penanguëxëë na meä tórü Coriaxđ yaxögüäxđcëx.

⁵ Rü pemagü, Pa Duıxđgü ya Ixäärü Coriäxgüë, rü name nixı i meä naga pexınüë i perü corıgü i ñoma i naänewa. Rü penaxwëxe i nüxđ pengechađgüäcüma rü nüxđ pemuđëäcüma meä naga pexınüë ñoma Cristuaxđ pepuracüexürü.

⁶ Rü tama name ega perü corıgü pexđ dawenüguxicatama meä nüxđ pepuracüë na ngëmaäcü pemaä nataäëxđcëx. Natürü ñuxma na Cristuarü duıxđgü pixıgüxü, rü name nixı i guxüma i perü ngüchađmaä penaxü i ngëma Tupana pexđ naxwëxëxü.

⁷ Rü ngëma puracı i perü cori pexna äxđ, rü name nixı i petaäëäcüma penaxü. ñoma tórü Cori ya Ngechchuaxđ pepuracüexürü. Erü aixcüma nüxđ nixı i pepuracüexü rü tama i duıxđgüaxđ.

⁸ Rü name nixı i ngëmaäcü meä pepuracüë, erü nüxđ pecuëx rü wüxichıgü i duıxđ rü woo wüxi i coriarü duıxđ yıxıgu rü éxna taxúxearü yıxıgu, natürü tórü Cori ya Ngechuchu tá nüxđ nanaxütanü naxcëx i ngëma mexü i naxüxđ.

⁹ Rü pemax, Pa Corıgüx, rü name nixı i ngëxgumarüü ta meä namaä pemaxë i perü duıxđgü. Rü tama name i tacü rü chixexümaä penaxüxüne. Rü nüxna pecuëxächie na pema rü ta perü duıxđgürüü tórü Cori ya daxügücümëxëwa na pengëxmagüxü. Rü aixcüma guxäma i yixema rü tawüxıgu i napëxewa ya tórü Cori ya Cristu.

Cristuarü duıxđgüarü poxürüü i Tupana nüxna äxđ na nügü namaä inapoxđgüxülcëx naxchaxwa i Chataná

¹⁰ Rü ñuxma na tórü Corımücügü pixıgüxü, Pa Chaueneëgüx, rü name nixı i pegü peporaexëë na penayaxuxđcëx i ngema pora i nawa ne üxđ. Erü nüma rü naporaxüchi.

¹¹ ıRü pegü panaxü i guxüma i ngema poxürüügü i Tupana pexna äxđ na ngëmamaä pegü ípexoxđxđcëx i ngëxguma Chataná pexđ womüxëëchađgu!

¹² Erü tama duıxđgü i taxrüü ämachıxü rü äxchinaxäxđmaä nixı i yıgü idaıxđ. Natürü ngëma namaä yıgü idaıxđ nixı i Chatanáärü duıxđgü i ngoxogü i chixexđgü i poraxëxü. Rü nümagü rü namuxüchi rü tüxđ narüporamaëgüchađ. Rü tama nüxđ tadaugü erü naäëgü nixı, natürü guxüwama nangëxmagü i ñoma i naänewa. Rü namaä inacuëx i ñoma i naäne i chixexü.

¹³ Rü ngëmacëx name nixı i penayauxgü i guxüma i ngëma poxürüügü i Tupana pexna äxđ, na ngëmaäcü pegü ípexoxđxđcëx i ngëxguma ngëma naäëgü pexü nachixexeëchađgu. Rü ngëmaäcü täıtäma nüxđ penguxü i ngëma naäëgü i chixexü rü tá nüxđ perüporamaëgü.

¹⁴ Rü ngemacëx name nixı i mea pegüna pedaugü na tama perü uwanümëxëgu peyixđcëx. Rü penaxwäe na pixaixcümagüxü na taxuwama nachixexülcëx i perü maxđ.

¹⁵ Rü name nixı i guxđguma ípememaregü na nüxđ peyarüxügüxülcëx i ngema ore i ngüxmüxëëxü.

¹⁶ Rü ngema guxüarü yexera ixıxđ nixı na aixcüma Cristuaxđ peyaxögüxü na ngëmaäcü pegü ípexoxđxđcëx nüxna i Chatanáne i äücümaxđ i namaä tüxđ nachixexëëchađxü.

¹⁷ Rü name nixı i penayaxu i ngema maxđ i taguma guxđ rü na ngemamaä pegü ípexoxđxđcëx ñoma wüxi i churara i napatëxemaä nügü ípoxđxürüxü. Rü ngema Tupanaarü Ore i Naäë i Üünëxđ pexna äxđ, rü ngema nixı i pexne ixıxđ.

¹⁸ Rü tama name i nüxđ perüchäue na peyumüxëgüxü. Natürü name nixı i guxđguma Tupanaäë i Üünëxđärü ngüxëëmaä Tupanaxđ pecëëxü. Rü penaxwäe i pexuäë na taguma nüxđ perüxoëxđcëx. Rü ngëmaäcü name nixı i naxcëx peyumüxëgü i guxđma i Tupanaarü duıxđgü.

¹⁹ Rü ngëxgumarüü ta chanaxwëxe i chauxcëx peyumüxëgü na Tupana choxđ rüngüxëëxülcëx rü choxna naxäaxđcëx i ngëma ore i nüma nanaxwëxexü na nüxđ chixuxü. Rü chanaxwëxe i Tupanana naxcëx peca na choxđ naporaxëëxülcëx na tama chamuđäcüma nüxđ chixuxülcëx rü mea chanangoxëëxülcëx i ngema norü ore i Cristuchıga ga noxri exđgüxü i ñuxma maxđ tüxna äxđ.

²⁰ Rū ngēma orexū na chixuxūcèx nixī ga Tupana nūgūchicūū choxū inamuxū. Rū ngēmagagu nixī i chapoxcuxū i űuxmax. Rū chanaxwèxe i chauxcèx peyumūxēgū na tama chamuūācūma meāma nūma nanaxwèxexūācūma nūxū chixuxūcèx i ngēma norū ore.

Pauru nanaḡuxēē ga norū popera rū wenaxārū yema duūxūḡūxū narūmoxē

²¹ Rū taeneē ya nūxū ingechaūcū ya Tīquicu, rū chauxrūū aixcūma meāma napuracū i tórū Coriarū puracūwa. Rū nūma tá pemaā nūxū nixu i guxūma i chauchiga na űuxācū choxū naxūpetūxū i nuā.

²² Rū ngēmacèx nixī i pexūtawa chanamuxū, na pemaā nūxū yaxuxūcèx na űuxācū toxū naxūpetūxū, na ngēmaācū pexū nataāēxēēxūcèx.

²³ Pa Toeneēgū i Yaxōḡūxūx, chanaxwèxe i Tanatū ya Tupana rū tórū Cori ya Ngechuchu ya Cristu pexū narū-ngūxēēgū i guxāma i pema na meā pegūmaā pemaxēxūcèx, rū aixcūma petaāēḡūxūcèx, rū pegū pengechaūḡūxūcèx rū meā peyaxōḡūxūcèx.

²⁴ Rū chanaxwèxe i Tanatū ya Tupana nūxū narūngūxēē i guxūma i ngēma duūxūḡū i aixcūmaxūchi tórū Cori ya Ngechuchu ya Cristuxū ngechaūḡūxū. Rū ngēmaācū yī.

Rū nuāma pexna,
Pauru

POPERA GA PIRIPUWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rŭ nŭxŭ narŭmoxē ga yema yaxŏgŭxŭ ga Piripuwa yexmagŭxŭ

¹ Pa Toeneēgŭ ya Piripuwa Ngēxmagŭxex, choma i Pauru rŭ namaā i taeneē i Timutéu nixi i pexcēx tanaxŭmatŭxŭ i űāā popera. Rŭ toma rŭ Ngechuchu ya Cristuarŭ puracŭtanŭxŭ tixigŭ. Rŭ pexcēx tanaxŭmatŭ i pema i yaxŏgŭxŭrŭ āēxgacŭgŭ na pixigŭxŭ, rŭ pema i tupaucawa ngŭxētaeruŭgŭ na pixigŭxŭ, rŭ guxāma i pema i Ngechuchu ya Cristuaxŭ yaxŏgŭxe.

² Rŭ chanaxwēxe i Tanatŭ i Tupana rŭ tŏrŭ Cori ya Ngechuchu ya Cristu poraācŭ pexŭ narŭngŭxēē rŭ pexŭ nataāēxēē.

Pauru rŭ yema yaxŏgŭxŭcēx nayumŭxē

³ Rŭ guxŭguma i ngēxguma pexna chacuēxāchigu rŭ Tupanana moxē chaxā i pexcēx.

⁴ Rŭ ngēxguma chayumŭxēgux, rŭ guxŭguma chataāēācŭma pexcēx chayumŭxē i guxāma i pemax.

⁵ Erŭ pema rŭ noxritama Tupanaārŭ orexŭ pexŭnŭēgumama rŭ poraācŭ choxŭ perŭngŭxēē na nŭxŭ chixuxŭcēx i norŭ ore i mexŭ. Rŭ űuxma rŭ ta choxŭ perŭngŭxēēgŭecha.

⁶ Rŭ Tupana rŭ marŭ inanaxŭgŭ i wŭxi i mexŭ i puracŭ i perŭ maxŭwa. Rŭ nŭxŭ chacuēx rŭ nŭma rŭ guxŭgutāma nanaxŭecha i ngēma puracŭ űuxmatāta yanguxēēā i ngēxguma inanguxu ya Ngechuchu ya Cristu.

⁷ Rŭ aixcŭma name na ngēmaācŭ pemaā nagu charŭxŭnŭxŭ, erŭ poraācŭ pexŭ changechaŭ rŭ aixcŭma Tupana wŭxigu tŭxŭ narŭngŭxēē i guxāma i yixema. Rŭ woo űuxma na chapoxcuxŭ rŭ ēxna ega āēxgacŭgŭpēxewa choxŭ nagagŭgu, rŭ Tupana choxŭ narŭngŭxēē i ngēxguma norŭ ore i mexŭtŭwa chideaxgu rŭ namaā nŭxŭ chixuxgu i āēxgacŭgŭ na aixcŭma yŭxŭ i ngēma orewa nŭxŭ iyarŭngauxŭ i tŏrŭ maxŭ i taguma gŭxŭ. Rŭ nŭxŭ chacuēx rŭ ngēma choxŭ nangŭxēēxŭācŭma, rŭ pexŭ rŭ ta narŭngŭxēē.

⁸ Rŭ Tupana nŭxŭ nacuēx na űuxācŭ poraācŭ pexŭ chadauxchaŭxŭ rŭ pexŭ na changechaŭxŭ i guxāma i pemax, ngēma Ngechuchu ya Cristu pexŭ na ngechaŭxŭrŭŭ.

⁹ Rŭ chorŭ yumŭxēwa naxcēx íchaca na yexeraācŭ pegŭ pengechaŭgŭxŭcēx rŭ Tupanaxŭ pengechaŭgŭxŭcēx. Rŭ naxcēx íchaca na yexeraācŭ nŭxŭ pecuāxŭcēx i guxŭma i Tupanachiga rŭ yexeraācŭ nŭxŭ pecuāxŭcēx na űuxācŭ nanaxwēxŭ na naxcēx pemaxēxŭ.

¹⁰ Rŭ ngēmaācŭ pexcēx chayumŭxē erŭ chanaxwēxe na meā penangugŭxŭ i űacŭ nixi i aixcŭma mexŭ i Tupanapēxewa na penaxŭxŭcēx i ngēma. Rŭ chanaxwēxe na aixcŭma namexŭ i perŭ maxŭ na taxucēxma űacŭcēx Tupana pexna çaxŭcēx i ngēxguma inanguxu ya Cristu.

¹¹ Rŭ naxcēx íchaca na Ngechuchu ya Cristu pexŭ narŭngŭxēēxŭ na aixcŭma namexŭcēx i perŭ maxŭ rŭ aixcŭma penaxŭxŭcēx i ngēma Tupanapēxewa mexŭ na ngēmaācŭ meā pemaxēācŭma Tupanaxŭ picuēxŭŭgŭxŭcēx.

Chauxcēx rŭ Cristuarŭ ngŭchaŭ na chaxŭxŭcēx nixi i chamaxŭxŭ

¹² Pa Chaueneēgŭx, rŭ chanaxwēxe i nŭxŭ pecuēx rŭ guxŭma i ngēma choxŭ ŭpetŭxŭ, rŭ aixcŭma ngēmaācŭ choxŭ naxŭpetŭ na yexeraācŭ natachigaxŭcēx i Tupanaārŭ ore i mexŭ.

¹³ Rŭ űuxma i nŭma rŭ guxŭma i churaragŭ i āēxgacŭpataarŭ dauruŭgŭ rŭ guxŭma i togŭ rŭ ta nŭxŭ nacuēxgŭ na chapoxcuxŭ naxcēx na Cristuarŭ duŭxŭ chŭxŭ.

¹⁴ Rŭ űuxma na chapoxcuxŭ rŭ muxŭma i taeneēgŭ i yaxŏgŭxŭ rŭ tama namuēācŭma nŭxŭ nangŭchaŭ na nŭxŭ yaxugŭxŭ i Tupanaārŭ ore i mexŭ. Rŭ yexeraācŭ tŏrŭ Coriaxŭ nayaxŏgŭ.

¹⁵ Rŭ aixcŭma nixi i űuxre i duŭxŭgŭ rŭ togŭxŭ na yaxŭxŭchixēēxŭcēxmare nŭxŭ nixugŭxŭ i Cristuchiga, erŭ togŭxŭ narŭyexerachaŭ. Natŭrŭ nangēxma i togŭ i duŭxŭgŭ i aixcŭma mexŭgu naxŭnŭēācŭma meā nŭxŭ ixugŭxŭ i ngēma ore.

¹⁶ Rŭ űuxre i duŭxŭgŭ rŭ Cristuchigaxŭ nixugŭe erŭ choxŭ nangechaŭgŭ rŭ nŭxŭ nacuēxgŭ na Tupana nuxma choxŭ muxŭ na íchanapoxŭxŭcēx i norŭ ore i mexŭ.

¹⁷ Natŭrŭ nangēxma i togŭ i noxritama ngŭchaŭcēx daugŭxŭ rŭ ngēmacēx nŭxŭ ixugŭxŭ i ngēma ore. Rŭ nŭmagŭ rŭ tama mexŭgu narŭxŭnŭē, natŭrŭ naxcēx nadaugŭ na yexeraācŭ choxŭ naguxchaxēēgŭāxŭ i űuxma na chapoxcuxŭ.

¹⁸⁻¹⁹ Natŭrŭ nŭgetama nixi ega woo ngēmaācŭ yixigŭ. Erŭ woo mexŭ i norŭ ngŭchaŭmaā yixigŭ rŭ ēxna tama, natŭrŭ Cristuchigaxŭ nixugŭe. Rŭ ngēma rŭ wŭxi i taāē nixi i chauxcēx. Rŭ guxŭgutāma chataāēēcha erŭ nŭxŭ chacuēx rŭ guxŭma i ngēma rŭ chorŭ mexŭcēx tā

nixī erū chauxcèx peyumūxēgū rū choxū narūngūxēē i Tupanaāē i Ūūnexū i Ngechuchu ya Cristuxū rūngūxēēxū.

²⁰ Rū ngēma poraācū chanaxwèxexū nixī na taguma ſacū rū chixexū chaxūxū na taxucēma chaugūcèx chaxānexūcèx. Rū chanaxwèxe i guxūtguma íchamemare na guxāpèxewa tama chamuūācūma Cristuchigaxū chixuxū. Rū űuxma na chamaxūxū rū woo chayuxgu rū chanaxwae i guxūtguma aixrūgumarūſtama chaugagu Cristuxū nicuèxūtgū i duūxūgū.

²¹ Erū chauxcèx rū Cristuarū ngūchaū na chaxūxūcèx nixī i na chamaxūxū. Natūrū ngēxguma chayuxgux rū ngēma rū ta name, erū Cristuxūtawa tá changēxma i ngēxguma.

²² Natūrū tama nūxū chacuèx i ſacū nixī i rūmemaèxū i chauxcèx, ngēma na chayuxū rū ēxna na chamaxūxū.. Erū űuxma na chamaxūxū rū choxū natauxcha na chanaxūxū i tórū Coriarū puracū.

²³ Rū ngēmacèx tama nūxū chacuèx na ſacū yīxū i chauxcèx rūmemaèxū i ngēma taxrewa. Erū űuxguacū rū chanaxwèxe na chayuxū na Cristuxūtawa changēxmaxūcèx. Rū ngēma nixī i aixcūma yexera rūmemaèxū i chauxcèx.

²⁴ Natūrū i pexcèx rū nagu charūxīnū rū narūmemaē nixī na űoma i chaxunemaātama na chamaxūxū na ngēmaācū pexū charūngūxēēxūcèx.

²⁵ Rū űuxma na aixcūma meā nūxū chacuāxū na pechoxwèxexū, rū ngēmawa nūxū chacuèx na tāūtāma paxa chayuxū. Rū ngēmaācū tá chamaxāma na pexū charūngūxēēxūcèx na yexeraācū Cristucèx pemaxēxūcèx rū yexeraācū taāēācūma nūxū peyaxōgūxūcèx.

²⁶ Rū ngēmaācū wena táxarū petanūwa changēxma. Rū ngēxguma wena choxū pedaugūgu rū aixcūma tá petaāēgū erū tá pexū nangēxma na ſacūcèx Ngechuchu ya Cristuxū picuèxūtgūxū.

²⁷ Rū ngēma guxūārū yexera rūmemaèxū nixī na naxcèx pedauxū na meā pemaxēxū, ngēma Cristuarū ore pemaā nūxū ixuxūrū. Rū ngēxguma petanūwa chaxūxgu rū ēxna woo tama ngema chaxūxgu, natūrū nūxū chaxīnūchaū na guxāma wūxigu pegū peporaexēēxū na taguma nūxū perūchaxūcèx na aixcūma peyaxōgūxū, rū ngēmaācū Tupanaāxū pepuracūxū na yexeraācū yaxūchigūxūcèx i norū ore i mexū.

²⁸ Rū ngēmacèx penaxwèxe i tama texēxū pemuūēācūma nūxū pixugūama i ngēma ore. Rū ngēma na tama nūxū pemuūēxū rū ngēma rū wūxi i cuèxruū tá nixī nūxū i perū uwanūgū. Rū ngēmawa tá nūxū nacuèxgu na poxcuwa tá naxīxū i nūmagū natūrū pema rū tá maxūwa na pexīxū. Rū Tupana tá nixī ya pexū rūngūxēēcū na tama nūxū pemuūēxūcèx i ngēma perū uwanūgū.

²⁹ Rū Tupanaga nixī na Cristuaxū peyaxōgūxū. Rū ngēxgumarūū ta naga nixī na Cristucèx ngūxū pingēgūxū. Rū ngēma rū wūxi i ngūxēē nixī i pexna naxāxū ya Tupana.

³⁰ Pema rū choma rū wūxigu Tupanaārū puracūwa tangēxmagū, rū tanaxūama i ngēma puracū ega woo texē tūxū naguxchaxēēgux. Rū űpa rū marū choxū pedau na űuxācū meā chanaxūxū i ngēma puracū, rū űuxma rū ta nūxū picuāchiga na űuxācū chanaxūamaxū woo namu i chorū guxchaxūgū.

2

Cristu rū űoma taxuūma yīxūrūū nūgū nixīxēē rū yemacèx ga Tupana rū guxūārū āēxgacūxū nayaxīxēē

¹ Rū dūcax, Pa Chaueneēgūx, rū űuxma na Cristuarū duūxūgū pixīgūxū, ¿rū aixcūma yīxū i nūma pexū nataāēxēēxū? ¿Rū aixcūma yīxū i petaāēgūxū erū nūma pexū nangechaū? ¿Rū aixcūma yīxū i Tupanaāē i Ūūnexū pexūtawa ngēxmaxū? ¿Rū aixcūma yīxū i pegū pengechaūgūxū rū pegūxū pengechaūtumūgūxū?

² Rū ngēxguma chi ngēmaācū yixīgu, rū chanaxwèxe i guxāma wūxigu perūxīnūē, rū aixcūma guxāma pegū pengechaūgū, rū aixcūma guxāma űoma wūxitama pīxūrūū na yīxū i peāē, rū guxāma wūxitama i ngūchaūcèx pedau. Rū ngēxguma ngēmaācū pemaxēgu rū wūxi i chorū taāē tá nixī.

³ Rū tama name na togūarū yexera pegū pixīgūxēēxū rū pegū picuèxūxūgūxū. Natūrū narūmemaē nixī i nagu perūxīnūēxū na ngema togū rū perū yexera nūxū nacuègūxū.

⁴ ¿Rū tama pegūguxicatama perūxīnūē, natūrū pegū peporaexēē na togūxū perūngūxēēgūxūcèx!

⁵ Rū name nixī ga yema Ngechuchu ya Cristu nagu rūxīnūxūgu na perūxīnūēxū i pemax.

⁶ Yerū nūma rū woo ga Tupanaxūchi na yīxū, natūrū tama nūgū nicuèxūxū na Tupana yixīxū.

⁷⁻⁸ Rū yemacèx yēma nanatèx ga norū mexūgū ga daxūgūxū ga naānewa. Rū wūxi i duūxū i togūaxū puracūxūrūū nūgū nixīxēē. Rū űoma wūxi i duūxūrūū űoma ga naānegu nabu. Rū yexguma marū duūxū yixīgu ga nūmax, rū űoma taxuūma yīxūrūū nūgū nixīxēē. Rū Tupanaga naxīnū, rū yemaācū curuchagu nayu woo wūxi ga ānexūchi na yīxū ga yema.

⁹ Rū yemacèx ga Tupana rū guxđétúwa nanangexmaxēē rū nayangucuchixēē na guxúma i āēxgacūgúétúwa nangēxmaxútcèx.

¹⁰ Rū yemaācü nanaxú ga Tupana na Ngechuchupéxegu tacaxāpūxūgūxútcèx rū nūxđ ticuèxúđgūxútcèx ya guxāma ya texé ya daxūguxđ i naānewa ngēxmagūxe, rū guxāma i űoma i naānewa ngēxmagūxe, rū guxāma ya texé ya marú yuexe.

¹¹ Rū yemaācü Tupana āēxgacúđ nayaxixēē na guxāma nūxđ ixuxútcèx na tórú Cori yīxđ ya Ngechuchu ya Cristu rū ngēmaācü nūxđ icuèxúđgūxútcèx ya Tanatú ya Tupana.

Cristuarū duđxúgū rū űoma omūgūrūđ nixđgū i natanúwa i ngēma duđxúgū i tamayaxōgūxđ

¹² Rū űuxma na nūxđ pecuáxđ na űuxācü Nanatúga naxínúxđ ga Cristu, rū chanaxwēxe i chauga pexínūē, Pa Chaueneēgū ya Pexđ Changechađgūxe. Rū yēma petanúwa chayexmagu chauga na pexínūēxđārú yexera chanaxwēxe i chauga pexínūē i űuxma na tama petanúwa changēxmaxđ. Rū chanaxwēxe i Tupanaxđ pemuēācüma naxcèx pedaugūama i perú maxđ i taguma gúxđ.

¹³ Erú Tupana nixđ ya perú maxúwa puracúcü na mexđgu perúxínūēxútcèx. Rū nūma nixđ i pexđ nangūxēēxđ na naga pexínūēxútcèx rū peyanguxēēxútcèx i ngema norú ngúchaxđ.

¹⁴ Rū guxúma i ngema Tupanacèx pexúxúwa rū tama name i oōcü penaxú rū pegú naxcèx pechoxđgagú!

¹⁵⁻¹⁶ Rū name i ngēmaācü meā pemaxē na taxúema řacú rū chixexúxđ pewa iyan-gauxútcèx. Rū penaxwēxe i mexđ i Tupanaxācügū pixđgū i natanúwa i ngēma duđxúgū i chixexđ rū chixeāēgūmarexđ. Rū ngēxguma ngēma duđxúgūmaā nūxđ pixugūyane i ngēma ore i mexđ i tūxđ maxēxēēxđ, rū yoxní natanúwa rū űoma woramacurīgū ya ēānexúwa íbáixgúcūrúđ tá pixđgū. Rū ngēmaācü i ngēxguma wena nūma naxúxgu ya Cristu rū poraācü tá pemaā chataāē erú tá nūxđ chadau na tama natúcxmamare yīxđ ga yema puracú ga petanúwa chaxúxđ.

¹⁷ Rū ngēma űuxma na meā peyaxōgúxđ, rū ngēma nixđ i perú āmare i Tupanana pexāxđ. Rū ngēma na meā yanguxútcèx i ngēma perú āmare i Tupanapēxewa, rū choma rū íchamemare na Tupanacèx ichanaxāxđ i chorú maxđ rū chayuxđ. Rū ngēmacèx woo chayuxgu rū wúxi i taāē tá nixđ i chauxcèx. Rū chanaxwēxe i pemagú rū ta ngēmacèx wúxigu chomaā petaāēgū.

¹⁸ Rū ngēmacèx ega ngēma ore i mexđcèx chayuxgu, rū tama name na pengechađgúxđ natúrú chanaxwēxe na wúxigu chomaā petaāēgúxđ.

Timutéu rū Eporu- dtuchiga

¹⁹ Rū ngēxguma tórú Cori ya Ngechuchu naxwēxegu rū paxa petanúwa chanamuega ya taeneē ya Timutéu na pexđ na iyadauxútcèx rū chataāēxútcèx i ngēxguma nūma nangeāgu i pechiga.

²⁰ Rū aixcúma nataxuma i to i chorú ngúxēēruđ i choma nagu charúxínúxgu rúxínúxđ, rū Timutéuxicatama nixđ. Rū nataxuma i to i naxrúđ aixcúma pegu rúxínúxđ rū pexđ rúngúxēēchađxđ.

²¹ Erú guxúma i togú rū naxcèx nadaugú i noxrútama ngúchađgú, rū tama aixcúma nagu narúxínūē i ngēma Ngechuchu ya Cristuarú ngúchađ.

²² Natúrú i pema rū marú nūxđ pecuèx na űuxācü meā namaxúxđ i Timutéu, rū űuxācü choxđ nangūxēēxđ i Tupanaārú orearú uchigawa, űoma wúxi i buxđ i nanatúxđ rúngúxēēxúrúđ.

²³ Rū ngēmacèx i ngēxguma nūxđ chacuèxgu na űuxācü tá choxđ na naxúpetúxđ i nūma, rū űuxúchi ngema petanúwa chanamuxchađ i Timutéu na pexđ iyadauxútcèx.

²⁴ Rū ngēxgumarúđ ta nagu charúxínú rū tórú Cori rū aixcúma tá choxđ narúngúxēē na chomatama ngema petanúwa íchayadauxútcèx.

²⁵ Rū ngēxgumarúđ ta chauxcèx name nixđ i ngema petanúwa chanamuxđ i taeneē i Eporudítu. Rū nūma nixđ ga pematama chauxcèx nūma penamuxđ na choxđ nangūxēēxútcèx. Rū nūma rū chomúcü nixđ i Tupanaārú puracúwa, rū poraācü choxđ narúngúxēē i Tupanaārú orearú uwa.

²⁶ Rū poraācü nūxđ nangúchađ na pexđ iyadauxđ i guxāma i pemax. Rū poraācü naxoegaāē, yerú pema rū nūxđ pecuāchiga ga na yađaaawexđ ga nūmax.

²⁷ Rū aixcúma nixđ ga na yađaaawexđ, rū wixguxúchi taèx nayu. Natúrú Tupanaāxđ nangechađtúmúđ rū choma rū ta nūxđ changechađtúmúđ, rū yemacèx naxcèx nayataanexēē na tama yexeraācü changechađxútcèx.

²⁸ Rū ngēmacèx rū yexeraācü chanaxwēxe na paxa petanúwa chanamuxđ i Eporudítu, na pema rū petaāēgúxútcèx i ngēxguma wena nūxđ pedaugūga. Rū ngēxguma i choma rū tá ta chataāē i ngēxguma nūxđ chacuèxgu na petanúwa nangēxmaxđ na pexđ nangūxēēxútcèx.

²⁹ Rū chanaxwēxe i tórú Coriégagu petaāēgūācüma meā penayaxu erú peeneē nixđ. Rū name nixđ i nūxđ pengechađgú i guxúma i ngēma duđxúgū i Eporudíturúđ ixđgúxđ.

³⁰ Yerü nūma ga Eporodítu rü yema na poraãcü nawa napuracüxü ga Cristuarü puracü, rü yemacëx wixguxüchi taëx nayu. Rü äücümäxüwa nügü nayemaxëë na pechicüü choxü nangüxëëxüçëx.

3

Ngëma na Cristuxü icuáxü rü ngëma nixü i guxüärü yexera rümemaëxü

¹ Rü ñuxma Pa Chaueneëgüx, rü chanaxwëxe i petaaëgü erü törü Coriarü duüxügü pixigü. Rü yema ore ga noxri pexcëx chaxümatüxü rü tama choxü nawëxtümüü na wena pexcëx chanaxümatüxü erü aixcüma pexü name i ngëma ore.

² ¡Rü pegüna pedëux nüxna i ngëma duüxügü i chixri maxëxü rü chixexümaã pexü ixucuxëgüxü! Rü nümagü nixü i nüxü yaxugüxü rü ngëxguma tama yigü íwíechëxmüpëxechiraügu, rü taxucürüwama Tupanapëxewa time.

³ Natürü yixema aixcüma Tupanapëxewa imexë, rü yixema tixigü. Rü Tupanaxü ticüxüügü i Naãë i Üünëxüärü ngüxëëmaã. Rü tataaëgü erü Ngechuchu ya Cristuarü duüxügü tixigü. Rü tama tayaxögü na ngëma yigü íwíechëxmüpëxechiraüxüçëx Tupanapëxewa imexü.

⁴ Rü choma chi waxi nixü i guxü i togüärü yexera chayaxöxü i ngëma wíechëxmüpëxechiraüchiga. Rü tataxu chima ya togue ya texë chauxrüü yaxöxë i ngëmachiga.

⁵ Yerü yexguma 8 ga ngunexü chauëtü yixigü ga na chabuxü, rü choxü ínawíechëxmüpëxechiraügu, erü Yudiü chixü. Rü Beyamítanüxü chixü. Rü chaunatü rü chaué rü Yudiügü tixigü, rü ngëmacëx i choma rü Yudiüxüchi chixü. Rü choma rü Parichéuchirëx chixü, rü pema nüxü pecuëx rü ngëma Parichéugü rü meãma nanaxaure i Tupanaärü mugü ga Moiché ümatüxü.

⁶ Rü yema na meã chayanguxëëchaxüçëx ga yema mugü ga Moiché ümatüxü, rü yemacëx nawe chingëchigü ga yema duüxügü ga Ngechuchuaü yaxögüxü. Rü yema na aixcüma meã chanaxaurexüçëx ga yema mugü ga Moiché ümatüxü, rü yemacëx taxucürüwama texë chauxigaxü tixu ga tama na chaxaurexü.

⁷ Natürü guxüma ga yema üpa chauxcëx mexü, rü ñuxma rü taxuwama choxü name erü marü íchanatëx na Cristuaxüxícatama chayaxöxüçëx.

⁸ Rü ñuxma na Ngechuchu ya Cristu ya chorü Corixü na chacuáxü, rü chauxcëx rü guxüma ga yema üpa nagu chixüxü rü taxuwama name, erü ngëma na Cristuxü na chacuáxü rü guxüärü yexera narümemaë. Rü guxüma ga yema mugü ga noxri nagu chixüxü rü marü nüxü charüxo na Cristuwe charüxüçëx. Rü chauxcëx rü ñoma guxchirerüü nixü ga yema üpa nagu chixüxü ega Cristumaã nügü chananguxgu.

⁹ Rü yemaãcü nüxü charüxo ga guxüma nagagu ga yema na Cristuarü duüxü na chíxüçëx. Rü ñuxma rü Tupanapëxewa chame erü Cristuaxü chayaxö. Rü tama ngëma na chamecümäxüçëx rü ëxna mugü chaxaurexüçëx nixü na chamexü i napëxewa. Natürü ngëma na Cristuaxü chayaxöxüçëx nixü i nügüçëx choxü namexëëxü ya Tupana.

¹⁰⁻¹¹ Rü ngëma ñuxma chanaxwëxexü nixü na aixcüma Cristuxü chacuáxü rü chowa na nangëxmaxü i ngëma pora ga wena Cristuxü írudaxëëxü i ñuxma nüxü ngëxmaxü. Rü yema ngüxü na yangexü ga nūma rü na nayuxü rü ngëxgumarüütama chanaxwëxe i íchamemare na naxcëx ngüxü chingexü rü naxcëx chayuxü na yixcama choma rü ta yuwa ícharüdaxüçëx.

Pauru naxcëx nadau na Cristucëx namaxüxü ñuxmatáta Tupanaxü-ütawa nangu

¹² Rü ñuxma na ngëma ñachaxü pemaã rü tama chanaxwëxe i nagu perüxüñüë na guxüxü chacuáxü i Cristuchiga, rü ëxna guxüwama na chamexü. Natürü guxü i ngunexügu rü naxcëx chadauama na Ngechuchu ya Cristuarü ngüchaü na chaxüxüçëx, yerü yemacëx nixü ga nūma ga chauxcëx nadauxü ga noxrix.

¹³ Pa Chaueneëgüx, pemaã nüxü chixu rü chomatama meãma nüxü chacuëx rü ñuxma rü ta tautama nawa changu i ngëma naxcëx chadauxü. Natürü i ñuxma rü marü nüxü ícharüngüma i guxüma ga yema noxri nagu chixüxü. Rü ñuxma rü chaugü chaporaxëë na aixcüma Cristucëx na chamaxüxü na nawa changuxüçëx i ngëma maxü i chopëxewaama ngëxmaxü.

¹⁴ Rü ngëmacëx i ñuxma rü naxcëx chadau na aixcüma Cristucëx chamaxüxü ñuxmatáta Tupanaxütawa changu. Erü chanayauxchaü i ngëma ämare i nūma daxügüxü i naãnewa naxcëx taxcëx nangemaxü i yixema na Ngechuchu ya Cristuarü duüxügü íxigüxü.

¹⁵ Rü guxäma i yixema na aixcüma Cristuaxü yaxögüxü, rü name nixü i ngëmaãcü nagu tarüxüñüë. Natürü ngëxguma chi texë i petanüwa toguama tarüxüñügu, rü Tupana tá tüxü nüxü nacüxëë i ngëma nūma nanaxwëxexü na nüxü tacuáxü.

¹⁶ Rü ngëma inaxwëxexü nixü na aixcüma naga íxüñüëchaxü rü meãma nagu íxüxü i ngëma ore i marü nüxü icuáxü.

¹⁷ Pa Chaueneēgūx, chanaxwēxe i chauxrūū nagu pexī i ngēma pexū nūxū chadauxēēxū na namexū. ¡Rū penangugū na űuxācū meā namaxēxū i ngēma togū i duūxūgū i toma tamaxēxūācūma maxēxū!

¹⁸ Rū marū muēxpūxūcūna pemaā nūxū chixu, rū űuxma rū changechaūācūma rū chaxauxācūma wena pemaā nūxū chixu rū nangēxma i muxūma i duūxūgū i Cristuarū uwanūrūācūma maxēxū. Rū nūmagū rū tama nūxū nacuēxgūchaū na Cristu curuchagu naxcēx yuxū.

¹⁹ Natūrū ngēma duūxūgū rū tá dūxwa Tupana nanapoxcue. Rū ngēma naxūneārū ngūchaū nixī i namaā natupanaāxū. Rū woo nūxū nacuēxchirēx na wūxi i āne na yīxū i ngēma chixexū natūrū namaā nataāēgūama. Rū űoma i naāneārū ngēmaxūguxicatama narūxīnūē.

²⁰ Natūrū i yixema rū daxūguxū i naānewa tūxū nangēxma i tachica. Rū itananguxēē na daxūguxū i naānewa taxcēx ne naxūxū ya tōrū Cori ya Ngechuchu ya Cristu ya tōrū Maxēxēruū.

²¹ Rū űāā taxūne i yuxwēxexū rū nūma ya Cristu tá nanaxūchicūū na naxūne i mexēchixūrūū yīxūcēx. Rū ngēma norū pora i namaā guxūētūwa nangēxmaxū, rū ngēmamaātama tá nanaxūchicūū i taxūne na noxrūrūū yīxūcēx.

4

űuxma na tōrū Coriarū ixīgūxū rū name nixī na guxūguma namaā itaāēgūxū

¹ Pa Chaueneēgūx, rū pexū changechaxū rū poraācū pexū íchayadauxchaxū. Rū ngēma pemaā nūxū chixuxūrūū chanaxwēxe i meā tōrū Coricēx pemaxē erū pema nixī i chorū taāē rū chorū āmare i Tupana choxna āxū pixīgūxū.

² Rū nūxū chacēxū i taeyēxgū i Ebódia rū Chitique na nūgūmaā nangūxmūēxūcēx, erū nūmagū rū tōrū Corixacūgū nixīgū.

³ Rū cumax, Pa Chomūcū ya Mecū i Wūxigu Tupanaārū Puracūwa Chomaā Puracūcūx, rū cuxna naxcēx chaca na nūxū curūngūxēēxūcēx i ngēma taxre i taeyēxgū, erū nūmagū rū wūxigu chomaā rū Cremetemaā rū ngēma togū i chomūcūgū i Tupanaārū poperawa marū ngoxēgagūxūmaā napuracūe i Tupanaārū orearū uwa.

⁴ Rū űuxma na tōrū Coriarū pixīgūxū, Pa Chaueneēgūx, rū name nixī i guxūguma namaā petaāēgū. Rū wena pemaā nūxū chixu, rū ¡petaāēgū!

⁵ Rū chanaxwēxe i meā pemaxē na guxūma i duūxūgū pexū nacuēxgūxūcēx na aixcūma mexū i duūxūgū na pixīgūxū. ¡Rū nūna pecuēxāchie na tōrū Cori rū paxa tá nataeguxū na nūma naxūxū!

⁶ ¡Rū taxucēxma penaxīxāchiāēgū! ¡Rū Tupanamaā nūxū pixu i perū yumūxēwa i guxūma i tacū i pexū ngupetūxū! ¡Rū naxcēx ípeca rū moxē nūxna pexā!

⁷ Rū ngēmaācū i nūma ya Tupana rū tá pexū nataāēxēē namaā i wūxi i taāē i mexēchixū i guxūma i taāē i nūxū icuāxūārū yexera mexēchixū. Rū űuxma na Ngechuchu ya Cristuarū duūxūgū pixīgūxū, rū ngēma taāē i Tupana pexna āxū rū tá nūxna pexū ínapoxū i ngēma chixexū i nagu perūxīnūēchaxū.

Name nixī i nagu tarūxīnūē i guxūma i tacū i aixcūma mexū ixīxū

⁸ Rū űuxma Pa Chaueneēgūx, rū name nixī i nagu perūxīnūē i guxūma i ngēma ore i aixcūma ixīxū, rū guxūma i ngēma nacūma i taxucūrūwama texē chixri nachiga idexaxū. Rū name nixī i nagu perūxīnūē i guxūma i ngēma ore i aixcūma meā iwēxū rū guxūma i ngēma Tupanapēxewa mexū, rū guxūma i ngēma mexū i duūxūgū namaā taāēxū, rū guxūma i ngēma mexū i Tupanaxū naxcēx icuēxūūxūgūxū. Rū name nixī i ngēmagu perūxīnūē.

⁹ Rū chanaxwēxe i aixcūma penaxū i ngēma pexū changūxēēxū, rū ngēma pexū namaā chixucūxēgūxū, rū ngēma chauxūtawa nūxū pexīnūēxū, rū ngēma chauxūtawa nūxū pedauxū na chanaxūxū. Rū ngēxguma ngēmaācū pemaxēgu rū pemaā tá inarūxūxū ya Tupana ya tamaā irūngūxmūcū rū tūxū taāēxēēcū.

Yema Piripucūāx ga yaxōgūxū rū dīerumaā Pauruxū narūngūxēēgū

¹⁰ Rū űuxma na chorū Coriarū chīxū, rū poraācū chataāē erū wēnaxārū choxna pecuēxāchie rū choxū perūngūxēē. Rū choma nūxū chacuēx rū pema rū guxūguma choxū perūngūxēēchaū, natūrū taguma pexū natauxcha ga na penaxūxū ga yema.

¹¹ Rū tama ngēma na tacū choxū taxuxūcēx nixī i pemaā nūxū chixuxū i ngēmachiga. Erū choma rū marū chomaā nixū na namaā chataāēxū i ngēma choxū ngēxmaxū.

¹² Rū nūxū chacuēx na űuxācū na yīxū ega guxū choxū tauxgux, rū nūxū chacuēx na űuxācū na yīxū ega choxū namuxūchixgu. Rū marū chomaā nixū na namaā chataāēxū i ngēma choxū ngēxmaxū woo changaxpūtūwegu, rū ēxna woo chatayaxgu, rū ēxna woo choxū namuxūchixgu rū ēxna woo choxū natauxguma.

¹³ Rū Cristu nixī ya choxū poraxēēcū, rū ngēmacèx chomaã nanguxū na chanaxūxū i guxūma i ngēma Tupana naxwèxexū na chanaxūxū.

¹⁴ Natürü ga pema rū wūxi ga mexū choxū pexūgū ga yexguma guxchaxūwa chayexmagu rū choxū perūngūxēē.

¹⁵ Rū pema, Pa Yaxōgūxū i Piripucūāx, rū meāma nūxū pecuèx rū yexguma noxri Machedóniānēwa nūxū chixuxgu ga Tupanaārū ore, rū yexguma yēma íchaxūxūgu, rū pexicatama nixī ga āmare choxna pexāxū naxcèx ga yema ngūxēē ga chauxūtawa peyaxuxū.

¹⁶ Rū yexguma Techarónicaarū iānēwa chayexmayane, rū pema rū yēma chauxcèx penamugū ga perū āmare na choxū perūngūxēēgūxūcèx. Rū tama nixī ga yexgumaríca choxū perūngūxēēxū.

¹⁷ Rū woo perū āmaremaã chataãē, natürü yexeraãcū chataãē erū ngēma choxū na perūngūxēēgūxūcèx rū Tupana tá āmare pexna naxā.

¹⁸ Rū ñuxma rū marū choxū nangēxma i guxūma i tacū i chanaxwèxexū, rū aixcūma ngēmaārū yexera choxū nangēxma. Rū ñuxma na Eaporudítu nūma nangexū i perū āmare, rū taxuūma choxū nataxu. Rū ngēma perū āmare i chauxcèx nūma pemuxū, rū Tupanapēxewa rū ñoma wūxi i pumara i yixixürüxū nixī, rū nūma rū poraãcū namaã nataãē.

¹⁹ Rū ngēmacèx ya chorū Tupana rū norū ngēmaxūgū i mexēchixūwa tá pexna nanaxā i guxūma i tacū i pexū taxuxū. Rū ngēmaãcū tá nanaxū erū Ngechuchu ya Cristuarū duūxūgū pixīgū.

²⁰ Rū name nixī i guxūguma nūxū ticuèxūgū ya Tanatū ya Tupana. Rū ngēmaãcū yīi.

Pauru nanaguxēē ga norū popera rū wenaxārū yema duūxūgūxū narūmoxē

²¹ Rū chanaxwèxe i chauégagu nūxū perūmoxēgū i guxūma i taeneēgū i Ngechuchu ya Cristuaxū yaxōgūxū. Rū ngēxgumarūū ta pexū narūmoxēgū i ngēma taeneēgū i chauxūtawa ngēxmagūxū.

²² Rū ngēxgumarūū ta pexū narūmoxēgū i guxūma i taeneēgū i nūma Dumawa ngēxmagūxū. Rū ngēma yexera pexū rūmoxēgūxū rū ngēma nixī i taeneēgū i Dumaārū āēxgacū ya tacūxū-tawa puracūexū.

²³ Rū chanaxwèxe i tórū Cori ya Ngechuchu ya Cristu pexū narūngūxēē i guxāma i pemax. Rū ngēmaãcū yīi.

Rū nuāma pexna,
Pauru

POPERA GA COROCHAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rŭ nŭxŭ narŭmoxē ga yema yaxōgŭxŭl ga Corochawa yexmagŭxŭl

¹⁻² Pa Chaueneēgŭ ya Corochaarŭ Īnewa Ngēxmagŭxex, choma i Pauru rŭ wŭxigu namaā i taeneē i Timutéu nixŭ i pexcèx tanaxŭmatŭxŭl i ñāā popera. Rŭ choxŭl nixŭl ga Tupana ga inamuāchixŭl na guxŭwama nŭxŭl chixuchigŭxŭcèx i Ngechuchu ya Cristuarŭ ore. Rŭ pexcèx chanaxŭmatŭ i guxāma i pema ya chaueneēgŭ ya aixcŭma Tupanaārŭ duŭxŭgŭ ixŭgŭxe ya Cristuaxŭl yaxōgŭxe. Rŭ chanaxwèxe i Tanatŭ ya Tupana pexŭl narŭngŭxēē na meā pegŭmaā pemaxèxŭcèx rŭ petaāēgŭxŭcèx.

Pauru rŭ yema yaxōgŭxŭcèx nayumŭxē

³ Rŭ guxŭguma i ngēxguma pexcèx tayumŭxēgŭgu, rŭ moxē nŭxna taxā ya Tupana ya Nanatŭ ya tŕŭ Cori ya Ngechuchu ya Cristu.

⁴ Rŭ ngēmaācŭ tanaxŭ erŭ marŭ nŭxŭl tacuāchiga na ñuxācŭ aixcŭma meā Ngechuchu ya Cristuaxŭl peyaxōgŭxŭl, rŭ aixcŭma nŭxŭl pengechaŭgŭxŭl i guxŭma i ngēma duŭxŭgŭ i Tupanaārŭl ixŭgŭxŭl.

⁵ Rŭ nŭxŭl tacuèxgŭ na ngēmaācŭ meā Tupanapèxewa pemaxèxŭl erŭ penayauxgŭchaŭl i ngēma mexŭgŭ i Tupana pexŭl namaā ngxŭxŭl i daxŭgŭxŭl i naānewa. Rŭ ñuxma rŭ meā ĩpenanguxēē na penayauxgŭxŭcèx i ngēma mexŭgŭ yerŭ marŭ nŭxŭl pexŭnŭē ga Tupanaārŭ ore i mexŭl i aixcŭma ixŭxŭl.

⁶ Rŭ ngēmatama ore i mexŭl ga pexŭtawā ngxŭxŭl, rŭ guxŭwama nangu i ñuxmax. Rŭ guxŭwama ningŭchigŭ rŭ duŭxŭgŭarŭ maxŭxŭl naxŭchicŭŭ, yema perŭ maxŭxŭl na naxŭchicŭŭrŭrŭl ga yexguma nŭxŭl pexŭnŭēgu rŭ nŭxŭl pecuèxgŭgu na ñuxācŭ Tupana aixcŭma pexŭl na ngechaŭxŭl rŭ tomaā nŭxŭl rŭngŭxēēchaŭxŭl.

⁷ Rŭ ngēma ore i mexŭl nixŭl ga pexŭl nangŭxèēxŭl ga Epáparu ya tomŭcŭ ya nŭxŭl tangechaŭgŭcŭ ya wŭxigu tomaā Tupanaārŭ orewa puracŭcŭ. Nŭma rŭ Cristuarŭ puracŭtanŭxŭl ya mecŭ nixŭl, rŭ nŭma nixŭl i tochicŭŭ pexŭl nangŭxèēxŭl.

⁸ Rŭ nŭma ya Epáparu nixŭl i tomaā nŭxŭl yaxuxŭl i pechiga na ñuxācŭ Tupanaāē i Ūnèxŭtŭarŭ ngŭxèēmaā choxŭl pengechaŭgŭxŭl.

⁹ Rŭ ngēmācèx i toma ga noxritama pexŭl tacuāchigagu, rŭ taguma nŭxŭl itayarŭngŭmaē na pexcèx tayumŭxēgŭxŭl. Rŭ guxŭguma Tupanana naxcèx tacagŭ na meā pexŭl nŭxŭl nacuèxèēxŭcèx i ngēma nŭma nanaxwèxexŭl na penaxŭxŭl. Rŭ nŭxna naxcèx tacagŭ na pexna naxāāxŭcèx i nagŭxŭraŭxŭl i cuèx i Naāē i Ūnèxŭtwa ne ŭxŭl.

¹⁰ Rŭ nŭxna naxcèx tacagŭ na meā tŕŭ Cori naxwèxexŭtŭcŭma na pemaxèxŭcèx rŭ guxŭguma penaxŭxŭcèx i ngēma nŭma nanaxwèxexŭl. Rŭ nŭxna naxcèx tacagŭ na pexŭl natauxchaxèēaxŭcèx na togŭxŭl perŭngŭxèēgŭxŭcèx rŭ guxŭl i ngunèxŭgu yexeraācŭ Tupanaxŭl pecuāxŭcèx.

¹¹ Rŭ nŭxna naxcèx tacagŭ na norŭl pora i mexèchixŭmaā pexŭl naporaexèēxŭcèx, na namaā peporaexŭcèx i guxŭma i guxchaxŭgŭ rŭ yaxna namaā pexŭnŭēxŭcèx.

¹² Rŭ ñuxŭchi tanaxwèxe i taāēācŭma Tanatŭ ya Tupanana moxē pexā, erŭ nŭma pexŭl nimexèēgŭ na pema rŭ ta penayauxgŭxŭcèx i ngēma mexŭgŭl i naxŭtawā ngēxmagŭxŭl i nŭma tá nŭxna naxāxŭl i ngēma duŭxŭgŭl i noxrŭl ixŭgŭxŭl.

¹³ Yerŭ nŭma ga Tupana rŭ marŭ Chatanámèxèwa tŭxŭl ĩnanguxŭxēē rŭ Nane ya nŭxŭl nangechaŭcŭmèxèwa tŭxŭl nangēxmagŭxŭcèx.

¹⁴ Rŭ guma Nanegagu nixŭl ga tŭxŭl namaxèxèēxŭl rŭ tŭxŭl nŭxŭl nangechaŭxŭl ga tŕŭl pecadugŭl.

Rŭ yexguma pecaducèx nayuxgu ga Cristu rŭ Tupana nŭgŭmaā nanangŭxmŭxèē ga duŭxŭgŭl

¹⁵ Taguma texē Tupanaxŭl tadau, natŭrŭ nŭma rŭ nŭma nanamu ga Nane na duŭxŭgŭ nŭxŭl daugŭxŭcèx rŭ nŭxŭl nacuèxgŭxŭcèx na ñuxācŭ na yŭxŭl i nŭma ya Tupana. Rŭ naxŭpa ga guxŭma ga ŭacŭ i ñuxma ngēxmaxŭl, rŭ nŭxŭra marŭ nayexma ga Tupana Nane.

¹⁶ Rŭ Nanèxŭl nixŭl ga namuxŭl ga Tupana na naxŭāxŭcèx ga guxŭma i ŭacŭ i ñuxma ngēxmaxŭl i daxŭgŭxŭl i naānewa rŭ ñoma i naānewa, rŭ guxŭma i ngēma nŭxŭl idauxŭl rŭ ngēma tama nŭxŭl idauxŭl. Rŭ yemaācŭ nanaxŭl ga guxŭma ga norŭl orearŭ ngeruŭgŭl i daxŭcŭŭxŭrŭl āēxgacŭgŭ rŭ guxŭma ga ngoxogŭarŭl āēxgacŭgŭ. Rŭ yemaācŭ nanaxŭl ga guxŭma na nŭxŭl yacuèxŭgŭxŭcèx.

¹⁷ Rŭ naxŭpa i guxŭma i ŭacŭ i ñuxma ngēxmaxŭl, rŭ Cristu rŭ marŭ nŭxŭra nayexma. Rŭ nagagu nixŭl i meā inanuxŭl i guxŭma erŭ nŭma nixŭl i namaā inacuāxŭl.

¹⁸ Rū nūma ya Cristu rū naēru nixī i guxūma i ngēma yaxōgūxū. Rū nūma nixī ga naxūāxū rū nūma naxāāxū ga maxū. Rū nūma nixī ga nūxīra yuwa inadxū na guxūārū āēxgacū yīxūcēx.

¹⁹ Rū Cristu rū Tupanaxūchi nixī, yerū yemaācū nanaxwēxe ga Tupana.

²⁰ Rū Tupana rū űoma ga naānewa nanamu ga Cristu na curuchagu pecaducēx nayuxūcēx. Rū yemaācū nixī ga Tupana nūgūmaā nangūxmūēxēxū ga guxūma i űoma i naānewa ngēxmaxū rū guxūma i daxūguxū i naānewa ngēxmaxū. Rū yemaācū nanaxū ga Tupana yerū yemaācū nanaxwēxe.

²¹ Rū pema ga űpa rū tama Tupanamūcūgū pixīgū yerū naxchi pexaie nagagu ga perū chixexū ga nagu perūxīnūexū rū pexūxū.

²² Natūrū i űuxma ya Tupana rū nūgūmaā pexū narūngūxmūēxēē na namūcūgū i mexū pixīgūxūcēx. Rū yemaācū nanaxū ga Tupana ga yexguma Cristu duūxūxū ixīxgu rū curuchawa ngūxū yangexgu rū yexma nayuxgu. Rū yemaācū naye ga Cristu na nūgūxūtawa pexū nagagūxūcēx rū napēxewa pimexūcēx rū nataxuxūcēx i perū chixexū.

²³ Natūrū ngema na pengugūxūcēx, rū penaxwēxe na guxūguma mea peyaxōgūxū rū meā naga pexīnūēxū rū taguma nūxū perūxoexū i ngēma norū ore i mexū ga marū nūxū pexīnūēxū. Rū ngematama ore nixī i űuxma nūxū yaxugūexū i gūxū i naanewa.

Tupana rū Pauruxū namu na guxūma ga yaxōgūxūxū nangūxēēxūcēx

²⁴ Rū űuxma na woo pexcēx ngūxū chingexū rū chataāē erū nūxū chacuēx rū űāā chaxunemaā choma rū ta chayanguxēē ga yema ngūxū ga Cristu ingexū naxcēx i norū duūxūgū i yaxōgūxū.

²⁵ Rū űuxma ya Tupana rū choxū namu na nūxū charūngūxēēxūcēx i guxūma i ngēma norū duūxūgū i yaxōgūxū. Rū perū mexūcēx nixī i choxū namuxū na guxūwama meā nūxū chixūxūcēx i norū ore.

²⁶⁻²⁷ Rū ngēma Tupanaārū ore rū űanagūrū:

“Rū Cristu rū pewa nangēxma i űuxmax, rū nagaguxicatama nixī i pexū nangēxmaxū i pechica i daxūguxū i naānewa i ngextā inamexēchixūwa”, űanagūrū. Rū yema nuxcūmaūgūxū ga duūxūgū rū tama nūxū nacuēxgū ga yemachiga, natūrū űuxma ya Tupana rū norū duūxūgūxū nūxū nacuēxēē. Erū nūma ya Tupana rū norū duūxūgūxū nūxū nadauxēēchaū na űuxācū poraācū pexū nangechaūxū rū pexū nangūxēēxū i guxūma i pema i tama Yudiugū ixīgūxe. Rū űuxma i pema na woo tama Yudiugū pixīgūxū, natūrū pema rū ta pexū nangēxma i pechica i daxūguxū i naānewa erū Cristuaxū peyaxōgū.

²⁸ Rū űuxma i toma rū Cristuchigaxū nixī i tixuxū. Rū ngema ore i Tupanaarū cuēx nawa ngexmaxūmaā nixī i guxūma i duūxūgūxū tixucūxēgūxū rū tanangūxēēxū na ngemaācū ngearū chixexūāxū Cristuxūtawa tagagūxū.

²⁹ Rū ngēmatama puracū nixī i nawa poraācūxūchima chapuracūamaxū woo űacu rū guxchaxū chauxcēx īnguxgu. Rū guxūma i ngēma pora i Cristu choxna āxū i chowa ngēxmaxū nixī i choxū poraxēēxū na chanaxūamaxūcēx i ngēma puracū.

2

¹ Pa Chaueneēgūx, chanaxwēxe i nūxū pecuēx na űuxācū poraācū pexcēx chapuracūxū. Rū ngēxgumarūū ta chanaxwēxe i nūxū pecuēx na űuxācū poraācū chapuracūxū naxcēx i ngēma taeneēgū i Laodichéaarū īānewa ngēxmagūxū rū guxūma i petanūxūgū i taguma choxū daugūxū.

² Rū ngēmaācū poraācūxūchima chapuracū na nūxū rū ta chanangūchaūxēēxūcēx. Erū chanaxwēxe i guxūma aixcūma nūgū nangechaūgū rū nūxū nangēxma i ngēma mexū i cuēx i aixcūma ixīxū. Rū ngēmaācū tā meāma nūxū nacuēxgū ga yema noxri Tupanaxūcatama nūxū cuāxū. Rū yima rū Cristutama nixī.

³ Rū nūma nixī i nūxū nangēxmaxū i guxūma i cuēx i aixcūma mexū. Rū nūma nixī i taxcēx nangoxēēāxū i Tupanachiga.

⁴ Rū pemaā nūxū chixū i ngēma ore erū tama chanaxwēxe na texē pexū womūxēēgūxū namaā i űacu rū ore i chixexūwa pexū gagūxū.

⁵ Rū woo na tama ngema petanūwa changēxmaxū, natūrū chauāēwa rū poraācū pegu charūxīnū. Rū wūxi i chorū taāē nixī na nūxū chacuāxū na űuxācū meā pegū ipinuxū na meā pegūmaā ipecuāxūcēx rū űuxācū tama nūxū perūxoexū na Cristuaxū peyaxōgūxū.

űuxma na Cristuarū ixīgūxū rū ngexwacaxūxū i maxū tūxū nangēxma

⁶ Rū pema ga noxri rū meāma tōrū Cori ya Ngechuchu ya Cristuxū peyaxūgū. Rū űuxma rū yema noxri meāma na penayauxgūxūrū rū name nixī i guxūguma nūxna penaxā i perū maxū na nūma pexū namaā inacuāxūcēx.

⁷ Rū wūxi i nanetū nanaxwēxe i naxchúmēxā na nataixūcēx rū na namaxūxcēx. Rū ngēxgumarūū ta i pema rū penaxwēxe na meā Cristuna peyaxūxgūxū na meā nawa piyaetanūxcēx rū meā naxcēx pemaxēxcēx rū meā nūxū peyaxōgūamaxūcēx yema noxri Epáparu pexū ngūxēgūgū. Rū name nixī i guxūguma Tupanana moxē pexā.

⁸⁻⁹ ¡Rū naxcēx pexuāēgū i ngēma duūxcūgū i pexū womūxēēgūchaūxū! Rū tama name i nūxū iperūxīnūē i ngēma norū ore i tama aixcūma ixīxū rū taxuwama mexū. Erū ngēma duūxcūgū rū pexū nangūxēēchaū na nagu pexīxcēx i ngēma nacūmagū ga nuxcūmaūgūxū ga duūxcūgū nagu ixū. Rū űoma i naāneārū ngūxēētaegū nixī i inaxīnūēxū. Rū tama aixcūma Cristuchiga nixī i ngēma pexū nangūxēēxū. Rū name nixī i nūxna pixīgachi i guxūma i ngēma ngūxēētaerūgū i chixexūgū rū Cristuwe perūxī. Erū Cristu rū Tupanaxūchi nixī rū guxūma i Tupanaārū pora rū Cristuwa nangēxma.

¹⁰ Rū űuxmax, rū Tupanaārū maxū rū norū pora rū aixcūma pewa nangēxma erū namēxwa pengēxmagū ya Cristu ya namaā icuácū i guxūma i daxūcūāxārū āēxgacūgū rū guxūma i ngoxogūarū āēxgacūgū.

¹¹ Rū ngēma Yudiūgū rū nūgū ínawiehēxmūpēxechiraūgū na Tupanapēxewa yamexūcēx. Natūrū ngēxguma Cristuaxū yaxōgūgū rū tama ngēmaācū tamaā nanaxū ya Cristu na imexūcēx. Erū nūma ya Cristu rū tórū maxūwa napuracū rū tūxū ínangūxūxēē nawa i taxūneārū ngūchaūgū. Rū ngēmaācū nixī i tūxū yamexēēxū na Tupanapēxewa imexūcēx.

¹² Rū yexguma ípebaiūgū, rū Cristu na itáxūrūū yexma natēx ga yema nuxcūmaūxū ga perū maxū. Rū yema Cristu na írūdaxūrūū rū pema rū ta penayaxu i maxū i ngexwacaxūxū, yerū peyaxōgū na Tupana norū poramaā Cristuxū írūdaxēēxū.

¹³ Rū űpa ga pema rū tama aixcūma pexū nayexma ga maxū i taguma gūxū yerū pepecaduāxgū rū pexeneārū ngūchaū pexūgū. Natūrū i űuxma rū Cristuxū namaxēēxūrūū pexū namaxēēē ya Tupana erū Cristuarū duūxcūgū pixīgū. Rū Tupana rū marū Cristugagu tūxū nūxū nangechaū ga guxūma ga tórū pecadugū.

¹⁴ Rū noxri rū tachixe yerū tama aixcūma naga taxīnūē ga yema mugū ga Moiché tūxna āxū, rū tórū pecadugū rū yuwa tūxū nagagū. Natūrū ga Cristu rū curuchagu tórū pecaducēx nayu, rū yemaācū Tupana tūxū nayangutanūxēē ga yema tórū pecadugū.

¹⁵ Rū yexguma curuchagu nayuxgu ga Cristu, rū yexguma nixī ga Chatanáxū naporamaxū ga Tupana. Rū yexguma nixī ga guxū ga duūxcūgūpēxewa Chatanáxū naxānēxēēxū űoma wūxi i churaragūarū āēxgacū i norū uwanū i nūxū naporamaēxūxū naxānēxēēxūrūū.

Name nixī i naxcēx tadaugū i ngēma mexūgū i daxūgūxū i naānēwa ngēxmagūxū

¹⁶ Rū űuxma rū taxucēxma tūxcūū pexū nixu i ngēma Yudiūgū ega woo tama naxrūū penaxūxgux. Nūmagū rū űuxre i űnagūxīcatama nangōxgū, rū űuxre i axeūxīcatama nixaxgū, rū űuxre i petaarū ngunexūgū naxauregū na ngēmaācū Tupanaxū yacuēxūūgūxūcēx. Rū nangēxma i norū peta i gucū ya taunecūgu Tupanacēx naxauregūxū rū togū i petagū i gucū ya tauemacūgu naxauregūxū. Rū nūxū nangēxma i nacūmagū na űuxācū ngūxchigaarū ngunexūgū naxauregūxū.

¹⁷ Rū aixcūma yema nuxcūmaūgūxū ga Yudiūgū rū nanaxauregū ga yema nacūmagū yerū ga Cristu rū tauta ínangu ga yexguma. Natūrū i űuxma rū marū ínangu ya Cristu rū tórū pecaducēx nayu. Rū űuxma rū name nixī na naga ixīnūēxū rū tama nagu ixīxū i ngēma nuxcūmaūgūxū i nacūmagū.

¹⁸ ¡Rū tāūtama naga pexīnūē i ngēma duūxcūgū i nūxū ixugūxū na ipeyarūtauxexū ega tama daxūcūāx i orearū ngeruūgūxū picuēxūūgū! Nūmagū rū tama nūgū nicuēxūūgūneta rū nūgū nixugū na yangōxetūgūxū. Rū noxrūtama cuēxmaāmare nūgū nicuēxūūgū.

¹⁹ Natūrū i nūmagū rū tama aixcūma naga naxīnūē ya yima taeru ixīcū ya Cristu ya tūxū poraxēēcū rū tūxū iyaetanūxēēcū i tórū űwa i guxāma i yixēma i norū duūxcūgū ixīgūxe. Rū nūma ya Cristu nixī i wūxigu tūxū naxīnūēxēēxū i wūxichigū i yixēma ngēma Tupana naxwēxexūrūū.

²⁰ Rū yexguma nayuxgu ga Cristu rū yexma nayu ga nuxcūmaūxū ga perū maxū, rū yexma nayarūxo ga guxūma ga nuxcūmaūgūxū ga pecūmagū i űoma i naānecūāx i duūxcūgū nagu rūxīnūēxū. Rū ngēmacēx i űuxmax űrū tūxcūū nixī i űoma i naānecūāx maxēxūrūū nagu pemaxēxū i pemax, rū tūxcūū nixī i ngēma Yudiūgūcūmagu pexīxū?

²¹ Rū nūmagū i Yudiūgū rū nūxū nixugūē rū űnagūrūgū:

“Tama name i nūxū quingōgū i ngēā, rū tama name i cunangōx i yea, rū tama name i cunayaxu i ngēma”, űnagūrūgū.

²² Natūrū guxūma i ngēma nacūmagū rū paxa tá inayarūxo erū duūxcūgūarū nixīgū. Rū ngēma pexū namuxū rū duūxcūgūarū mugūmare nixī. Rū ngēma pexū nangūxēēxū rū duūxcūgūarū ngūxēētaemare nixī.

²³ Rū guxūma i ngēma pexū namuxū rū pexcēx namexcūraxū erū pexū naxucūxēgū na tacū pexauregūxūcēx, rū tama pegū picuēxūūgūxūcēx, rū meā pexenēmaā ipecuēxgūxūcēx.

Natürü guxūma i ngēma mugü rü tama aixcūma pexū narüngüxēē na nüxū perüxoexücè i pexeneärü ngúchaüğü.

3

¹ Rü ñuxma i pemax, rü Cristu wena maxūxürüü rü pexū nangēxma i maxū i ngexwacaxūxū. Rü ngēmacèx name nixī i naxcèx pedau i ngēma mexūğü i daxūguxū i naānewa ngēxmaxū i ngextá Cristu rü Tupanaärü tūgūnecūwawa írútoxūwa rü namaā āēxgacū íyīxūwa.

² Rü name nixī i guxūguma nagu perūxīnūē i ngēma daxūguxū i naānewa ngēxmaxū i ngemaxūğü rü tama i ngēma ñoma i naānewa ngēxmaxū.

³ Yerü yexguma nayuxgu ga Cristu rü yexma nayu ta ga nuxcūmaūxū ga perü maxū. Rü ñuxma rü pexū nangēxma i perü maxū i ngexwacaxūxū erü Cristutanūxū pixīğü rü Tupanamēxēwa pengēxmagü.

⁴ Rü nümatama ya Cristu nixī i pexū namaxēxēēxū. Rü ngēxguma wena núma nangoxgu, rü namaā tá pengóe, rü naxrūü tá pimexēchi.

Marü nüxū tarūxo i nuxcūmaūxū i tacūma i chixexūğü rü tanayaxu i ngexwacaxūxū i tórü maxū

⁵ Rü ñuxma rü name nixī i nüxū perüxoe i guxūma i ñoma i naāneärü chixexū i pewa ngēxmaxū. Rü tama name i pemēxna naī i ngemaā pemaxē, rü tama name i petena naī ya yatūmaā pemaxē. Rü tama name i penaxū i pexeneärü ngúchaü rü bai i nagu perūxīnūēmare. Rü tama name i pexū nangúchaü i tacū rü to i chixexūğü. Rü tama name i pegūnaxīcatama penanuxchigūchaü i guxūma i ngēmaxūğü, erü yīxema ngēma nacūma tūxū ngēxmaxē rü düxwa namaā tatupanaāx.

⁶ Rü guxūma i ngēma chixexūğüçèx tá nixī i Tupana napoxcuexū i ngēma duūxūğü i ngēmaācū maxēxū rü tama naga ñūēchaüxū.

⁷ Rü pema ga ūpa rü penaxū ga yema chixexūğü, rü yemaācū pemaxē.

⁸ Natürü i ñuxma rü name nixī i nüxū perüxoe i guxūma i ngēma na pegūchi pexaieüxū, rü pegūmaā penūēxū, rü chixri pemaxēxū, rü pegūmaā peguxchigagūxū, rü guxūma i ngēma chixexū i dexa i nüxū pixuxū.

⁹ Rü tama name i pegūmaā pidorae, erü marü ípenatèx ga nuxcūmaūxū ga pecūma rü guxūma ga yema chixexūğü ga ūpa pexūğüxū.

¹⁰ Rü ñuxma rü marü penayaxu i ngexwacaxūxū i perü maxū rü ngexwacaxūxū i duūxūğü pixīğü. Rü guxū i ngunexūğü rü Tupana pexū ningexwacaxūxēchigü na yexeraācū pimexücèx naxrūü rü yexeraācū nüxū na pecuēxgūxücèx ya Tanatū ya Tupana ya maxū tūxna ācū.

¹¹ Rü ñuxma rü Tupanacèx rü nüetama nixī ega Yudiū quixīgu rü éxna tama. Rü nüetama nixī ega ícūwacaxūxū i wūxichèx-mūpèxechiraūgu rü éxna tama. Rü nüetama nixī ega tacū rü nachīūānecūāx i duūxū quixīgu, rü éxna tacū rü duūxū quixīgu. Rü nüetama nixī ega wūxi i coriarü duūxū quixīgu, rü éxna taxúxearūma duūxū quixīgu. Erü ñuxma rü ngēma guxūärü yexera aixcūma tūxū mexū nixī na Cristu rü guxūärü āēxgacū yīxū rü guxāwama nangēxmaxū.

¹² Rü ñuxma ya Tupana rü pexū nangechaü i pema rü pexū nadei na noxrü pixīğüxücèx. Rü ngēmacèx name nixī i guxūguma pexū nangechaütümūğü i togü, rü namaā pemecūmagü, rü tauxchaācūma nüxna penaxā, rü taguma napèxewa pegü picuēxūxūğü. Rü ngēxguma woo tacū pemaā naxūxgux rü name nixī i yaxna namaā pexīnūē.

¹³ Rü name nixī i wūxichigü i pema na pegūmaā yaxna pexīnūēxū. Rü ngēxguma chi texé tacū pemaā ūxgux, rü name nixī i pegūxū nüxū pengechaüğü i ngēma. Rü yexgumarūü ga tórü Cori na pexū nüxū ngechaūxürüü, rü name nixī i togūaxū nüxū pengechaüğü.

¹⁴ Rü guxūärü yexera mexū nixī na pegü pengechaüğüxū. Erü ngēxguma aixcūma pegü pengechaüğü rü aixcūma wūxigu tá perūxīnūē, rü meā pegūmaā tá pemaxē.

¹⁵ Rü name nixī na pemaā inacuāxū i ngēma taāē i Cristu pexna āxū na ngēmaācū aixcūma pegü pengechaüğüxücèx. Yerü yemacèx nixī ga Tupana pexū dexū na wūxitama i duūxūğü pixīğüxücèx rü meā wūxigu perūxīnūēxücèx. Rü name nixī i moxē nüxna pexāğü ya Tupana.

¹⁶ Rü name nixī i guxūguma peāēwa nangēxma i Cristuarü ore rü taāēācūma naga pexīnūē. Rü name nixī i meā peāēxū pecuāācūma namaā pegü pengūxēē rü pegü pixucuxēgü na ngēmaācū pegūaxū penangūchaūxēēxücèx. Rü name nixī i aixcūma Tupanana moxē pexāgūācūma nagu pewiyaegü i nagūxūraūxū i norü wiyaeü.

¹⁷ Rü guxūma i ngēma pexūxū rü nüxū pixuxū rü name nixī i tórü Cori ya Ngechuchuégagu penaxū. Rü name nixī i ngēmaācū Ngechuchuégagu Tanatū ya Tupanana moxē pexāgü.

Tupana nanaxwèxe na meā namaxēxū i duūxūğü i Cristuaxū yaxōgūxū

¹⁸ Pa Ngexūgū i Ātegūxūx, rü name nixī i petega pexīnūē. Erü woetama ngēma nixī i mexū na penaxūxū erü törü Cori ya Cristuarü duūxūgū pixīgū.

¹⁹ Pa Yatūgū i Āmaxgūxūx, rü name nixī i ngīxū pengechaūgū i pemèxgū. Rü tama name na ngēmaā pechixecūmagūxū.

²⁰ Pa Buxūgūx, rü name nixī i guxūwama penatū rü peega pexīnūē, erü ngēma nixī i namaā nataāēxū ya törü Cori.

²¹ Pa Papágūx, rü tama name i penanuēxēē i pexacūgū. Erü ngēxguma ngēmaācū penaxūxgux rü ngürüāchi tá nüxū nawèxtümū i ngēma namaā nüxū pixuxū.

²² Pa Duūxūgūx i Ixāārū Coriāxgūxūx, rü name nixī i guxūwama naga pexīnūē i perü corigū i űoma i naānewa pemaā icuēxgūxū. Rü tama name i pexū nadaugūguxicatama meā pepuracūe na ngēmaācū penataāēxēēxūcèx. Natürü name nixī i mexū i perü ngūchaūmaā guxūguma meā pepuracūe erü törü Corixū pemuē.

²³ Rü guxūma i ngēma perü puracū i pexūxūwa rü name nixī i perü ngūchaūmaā penaxū űoma törü Cori ya Cristuarū pepuracūexürü rü tama i duūxūgūaxū.

²⁴ Rü marū nüxū pecuēx rü daxūguxū i naānewa rü törü Cori ya Cristu tá pexna nanaxā i perü āmare i maxū i taguma gūxū. Erü yima Cristu ya aixcūma perü Cori ixīcūaxū nixī i pepuracūexū.

²⁵ Natürü yīxema chixexū űxe rü tá ta tanayaxu i tūmaārū natanū naxcèx i ngēma chixexū i taxūxū, rü aixcūma Tupana tá tūxū napoxcu. Erü Tupanapēxewa rü guxūma i duūxūgū rü nawūxigu, rü taxucürūwama texé Tupanachēxwa tiña ega chixexū taxūxgux.

4

¹ Rü pemax, Pa Corigūx, rü name nixī i perü duūxūgūmaā pemecūmagūxū, rü tama penawomūxēēxū. ¡Rü nüxna pecuēxāchie na pema rü ta pexū nangēxmaxū ya perü Cori ya daxūgucū!

² ¡Rü guxūguma peyumūxēgū, rü pexuāēgū na tama chixexūgu peyixūcèx! ¡Rü Tupanana moxē pexāgū!

³ ¡Rü toxcèx rü ta peyumūxēgū na Tupana toxū natauxchaxēēxūcèx na nüxū tixuxūcèx i norū ore i mexū, rü meāma duūxūgūmaā nüxū tixuxūcèx i ngēma ore ga noxri tama nüxū nacuēxgūxū i Cristuchiga! Rü ngēma orecèx nixī i űuxma ichapoxcuxū.

⁴ Rü chanaxwèxe i chauxcèx peyumūxēgū na meā duūxūgūcèx chanangoxēēxū i ngēma ore, erü ngēma nixī i mexū na chanaxūxū.

⁵ ¡Rü meā pemaxē napēxewa i ngēma duūxūgū i tama yaxōgūxū! ¡Rü űuxma na pexū natauxchaxū, rü yoxni paxa penaxūx i Tupanaārū puracū! ¡Rü taxū i perūchomarexū!

⁶ Rü ngexguma togū i duūxūgūmaā pidexagūgu, rü name nixī i penataāēxēē namaā i ngema dexa i namaā nüxū pixuxū. ¡Rü ngemaācū mea penangaxū i ngema pexna cèxū nachiga i perü űl.

Pauru nanaguxēē ga norū popera rü wenaxārū yema duūxūgūxū narūmoxē

⁷ Rü nūma ya taeneē ya Tíquicu ya nüxū ingechaūgūcū rü aixcūma choxū narūngūxēē rü wūxigu chomaā Cori ya Tupanacèx napuracū. Rü nūma tá pemaā nüxū nixu i chauchiga.

⁸ Rü űuxma rü petanūwa chanamu na pexū nataāēxēēxūcèx rü pemaā nüxū yaxuxūcèx na űuxācū toxū nangupetūxū i tomax.

⁹ Rü Tíquicumaā petanūwa chanamu i Onéchimu ya taeneē ya nüxū ingechaūgūcū ya aixcūma meā Tupanaārū puracū űcū. Rü nūma rü petanūxū nixī. Rü nūmagū tá nixī i pemaā nüxū yaxugūxū na űacū ngupetūxū i nūma.

¹⁰ Rü pexū narūmoxē i Aritācu i wūxigu chomaā poxcuxū. Rü ngēxgumarūū ta pexū narūmoxē i Marcu i Bernabéeneē ixīxū. Rü marū pemaā nüxū chixu i Marcuchiga na meā penayauxgūxūcèx i ngēxguma petanūwa nanguxgu.

¹¹ Rü ngēxgumarūū ta pexū narūmoxē ya taeneē ya Ngechuchu ya Ixaixcūmacūgu āegacū. Rü ngēma tomaēxpūx i yatūgū rü ngēxicatama nixī i Yudiūgū i yaxōgūxū i wūxigu chomaā puracūexū i Tupanaārū puracūwa. Rü nūmagū rü poraācū choxū nataāēxēēgū.

¹² Rü ngēxgumarūū ta pexū narūmoxē i Epāparu. Rü nūma rü petanūxū nixī, rü aixcūma nanaxū i Cristuarū puracū. Rü nūma rü norū yumūxēwa rü guxūguma Tupanaxū nacēēxū pexcèx na aixcūma meā pemaxēxūcèx rü peyaxōgūamaxūcèx rü aixcūma penaxūxūcèx i ngēma Tupana naxwēxēxū.

¹³ Rü choma rü marū nüxū chadau rü pemaā nüxū chixu i űuxācū Epāparu poraācū pexcèx napuracū rü naxcèx napuracū i ngēma taeneēgū i Laodichēaarū iānewa rü Irāporiarū iānewa ngēxmagūxū.

¹⁴ Rü Luca ya duturu ixīcū ya nüxū ingechaūgūcū, rü pexū narūmoxē. Rü ngēxgumarūū ta pexū narūmoxē i Dema.

¹⁵ ĵRü chauégagu nüxŭ perŭmoxëgŭ i taeneëgŭ i Laodichéawa ngëxmagŭxŭ! ĵRü ngëxgumarŭŭ ta nüxŭ perŭmoxëgŭ i Nifa rŭ guxŭma i taeneëgŭ i yaxôgŭxŭ i napatawa ngutaquëxegŭxŭ!

¹⁶ Rŭ ngëxguma marŭ nüxŭ pedaumatŭguwena i ñaã popera, rŭ chanaxwëxe i Laodichéawa penamu na ngemacŭĀx i taeneëgŭ rŭ ta nüxŭ nadaumatŭgŭxŭcèx. Rŭ ngëxgumarŭŭ ta i ngëma popera i Laodichéawa chamuxŭ, rŭ ngëxguma pexŭtawa nanguxgu rŭ chanaxwëxe i nüxŭ pedaumatŭgŭ.

¹⁷ Rŭ chanaxwëxe i Ariquípumaã nüxŭ pixu, rŭ ñapegŭgŭ nüxŭ:

“ĵRü meã napuracŭ rŭ yanguxëë i ngëma puracŭ i tórŭ Cori cuxna ãxŭ!” ñapegŭgŭ nüxŭ.

¹⁸ Choma i Pauru rŭ çoxmëxmaãtama pexcèx chanaxŭmatŭ i ñaã chorŭ moxë. ĵRü nüxna pecuëxãchie na chapoxcuxŭ! Rŭ chanaxwëxe i Tupana pexŭ narŭngŭxëë.

Rŭ nuãma pexna,
Pauru

NŪXĪRAŪXŪ GA POPERA GA TECHARÓNICAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rü nüxŭ narümoxê ga yema yaxŏgŭxŭ ga Techarónicawa yexmagŭxŭ

¹ Pa Toeneëgŭ i Techarónicawa Ngêxmagŭxŭ i Tanatŭ ya Tupana rŭ Tŏrŭ Cori ya Ngechuchu ya Cristuarŭ Duŭxŭgŭ Ixŭgŭxŭ, choma i Pauru rŭ namaã i taeneë i Chiribánu rŭ Timutêu nixŭ i pexcêx tanaxŭmatŭxŭ i ñaã popera. Rŭ tanaxwêxe i Tanatŭ ya Tupana rŭ tŏrŭ Cori ya Ngechuchu ya Cristu pexŭ narŭngŭxêë rŭ pexŭ nataãêxêë.

Meãma nayaxŏgŭ ga yema Techarónicawa yexmagŭxŭ rŭ yemaãcü wŭxi ga cuêxruŭ ga mexŭ nixŭgŭ

² Rŭ torŭ yumŭxêwa rŭ guxŭguma pexna tacuêxâchigŭ, rŭ pexcêx Tupanana moxê taxã.
³ Rŭ guxŭguma i ngêxguma Tanatŭ ya Tupanamaã tidexagŭgu, rŭ taguma nüxŭ itayarŭngŭmaë na ñuxâcü meã peyaxŏgŭãcŭma penaxŭxŭ i Tupanaãrŭ puracŭ, rŭ ñuxâcü nüxŭ pengechaŭgŭãcŭma togŭxŭ perŭngŭxêëxŭ. Rŭ taguma nüxŭ itayarŭngŭmaë na ñuxâcü aixcŭma meã ípenanguxêëxŭ ya tŏrŭ Cori ya Ngechuchu ya Cristu rŭ ngêmacêx yaxna namaã pexŭnŭë i ngêma ngŭxŭ i ñuxma pingexŭ.

⁴ Pa Chaueneëgŭx, Tupana pexŭ nangechaŭ, rŭ nüxŭ tacuêx rŭ nŭmatama nixŭ ga pexŭ nadexŭ.

⁵ Rŭ yexguma pemaã nüxŭ tixuxgu ga Tupanaãrŭ ore i tŭxŭ maxêxêëxŭ, rŭ tama toechama tidexagŭmare, yerŭ Tupanaãë i Ūñexŭ toxŭ narŭngŭxêë na norŭ poramaã pemaã nüxŭ tixuxŭ. Rŭ meã nüxŭ tacuãcŭma pemaã nüxŭ tixu ga yema ore yerŭ toðêwatama nüxŭ tacuêx na aixcŭma yŭxŭ. Rŭ pematama nüxŭ pecuêx ga ñuxâcü meã pepêxewa na tamaxêxŭ ga yexguma na yemaãcü pexŭ tarŭngŭxêëgŭxŭcêx.

⁶ Rŭ pema rŭ meãma penaxŭgŭ ga yema pexŭ tangŭxêëxŭ rŭ yema tŭxŭ nangŭxêëxŭ ga tŏrŭ Cori ya Ngechuchu. Rŭ Tupanaãë i Ūñexŭ pexŭ taãêxêëãcŭma penayauxgŭ ga yema ore ga woo yemacêx poraãcü ngŭxŭ na pingegŭxŭ.

⁷ Rŭ yemaãcü ga pema rŭ wŭxi ga cuêxruŭ ga mexŭ pixŭgŭ naxcêx ga guxŭma ga yema yaxŏgŭxŭ ga Machedóniãñewa rŭ Acayaanewa yexmagŭxŭ.

⁸ Rŭ yema na peyaxŏgŭxŭgagu rŭ tŏrŭ Cori ya Ngechucharŭ ore rŭ guxŭwama ninguchigŭ. Rŭ ngêmacêx i ñuxma rŭ Machedóniãñewa rŭ Acayaanewa rŭ guxŭwama nüxŭ nacuêxgŭ na ñuxâcü meã Tupanaãxŭ peyaxŏgŭxŭ. Rŭ ngêmacêx marŭ taxucêxma tŭxŭcŭi i toma rŭ namaã nüxŭ tixu i ngêma ore i mexŭ i pechiga.

⁹ Erŭ nŭmagŭtama i ngêma duŭxŭgŭ rŭ marŭ nüxŭ nixugŭgŭ ga ñuxâcü ga pema rŭ meã toxŭ na peyaxŭgŭxŭ ga yexguma petanŭwa taxŭxgu. Rŭ nüxŭ nixugŭgŭ ta ga ñuxâcü nüxŭ na perŭxoexŭ ga perŭ tupanenetachicŭnêxãgŭ na Tupanaxŭchi ya maxŭcŭ rŭ ixaixcŭmacŭwe perŭxŭcêx rŭ nüxŭ pepuracŭxŭcêx.

¹⁰ Rŭ nüxŭ nixugŭgŭ ta na ñuxâcü aixcŭma ípenanguxêëxŭ na wenaxãrŭ daxŭwa ne naxŭxŭ ya Ngechuchu ya Tupana Nane ga yuwa ínadaxêëãcü. Rŭ yima Ngechuchu nixŭ ya tŭxŭ ínguxŭxêëcü nüxna i ngêma poxcu i ãcŭmaxŭ tá ínguxŭ.

2

Pauruarŭ puracŭ ga Techarónicawa

¹ Pa Chaueneëgŭx, rŭ pematama nüxŭ pecuêx rŭ tama natŭcêxmamare nixŭ na pexŭtawa taxŭxŭ.

² Rŭ pema nüxŭ pecuêx rŭ naxŭpa ga pexŭtawa na tangugŭxŭ rŭ chixri tomaã nachopetŭ ga Pirŭpucŭãxgŭ rŭ tomaã naguxchigagŭ. Natŭrŭ Tupana toxŭ narŭngŭxêë na pemaã nüxŭ tixuxŭcêx ga norŭ ore i tŭxŭ maxêxêëxŭ. Rŭ yemacêx tama tamuêãcŭma pemaã nüxŭ tixu ga yema ore woo ga torŭ uwanŭgŭ rŭ poraãcü toxŭ na naguxchaxêëgŭãxŭ.

³ Rŭ yexguma pemaã nüxŭ tixuxgu ga yema ore, rŭ tama ítatŭeãcŭma pemaã nüxŭ tixu. Rŭ tama chixexŭ pemaã taxŭgŭchaŭãcŭma rŭ tama pexŭ tawomŭxêëgŭchaŭãcŭma pemaã nüxŭ tixu ga yema ore.

⁴ Yerŭ Tupana nixŭ ga toxŭ unetacŭ rŭ toxŭ mucŭ na pemaã nüxŭ tixuxŭcêx ga norŭ ore i mexŭ i tŭxŭ maxêxêëxŭ. Rŭ yemacêx Tupana naxwêxêëãcŭma pemaã nüxŭ tixu ga yema ore. Rŭ tama duŭxŭgŭxŭmare na tataãêxêëgŭxŭcêx pemaã nüxŭ tixu, natŭrŭ nüxŭ tixu na Tupanaxŭ tataãêxêëgŭxŭcêx. Rŭ nŭma ya Tupana nixŭ i tŭxŭ nacuãxŭ rŭ tŭxŭ nadauxŭ rŭ nangugŭãxŭ i ngêma nagu rŭxŭñêxŭ.

⁵ Rū pema nūxū pecuèx rū taguma pepèxewa pexū ticuèxūūgū na toga pexīnūèxūcèx, rū taguma pexū twomūxègū na ngīxū tayauxgūxūcèx ga perū dīeru. Rū Tupana nixī ya toxū daucū na taguma yemaācū na tanaxūxū.

⁶ Rū taguma naxcèx tadaugū na duūxūgū toxū icuèxūūgūxūcèx, rū woo i pema rū bai i togū i duūxūgū.

⁷ Rū woo Cristutama toxū namu na yaxōgūxūārū āēxgacūgū na tixīgūxū natūrū tama ñoma wūxi ga āēxgacūrūū pepewa tixīgū. Natūrū meāmare pemaā itacuèx, ñoma wūxi i mamā i ngīxācūgūna meā dèuxcūrūū pemaā tixīgū.

⁸ Rū poraācū pexū tangechaū, rū yemacèx pemaā nūxū tixu ga Tupanaārū ore. Rū tama yemaxatama pexna taxāxchaū ga yexguma. Natūrū marū itamemare ta ga pexcèx na tayuexū, yerū poraācū pexū tangechaūgū.

⁹ Pa Chaueneēgūx, pema nūxū pecuèx ga ñuxācū poraācū na tapuracūexū na torū ōnacèx tataxegūxūcèx. Rū ngunecū rū woo chūtacū tapuracūe na taxūeaxūma wūxi ga guxchaxū tixīgūxūcèx ga yexguma petanūwa tayexmagūgū na pemaā nūxū tixuxgu ga Tupanaārū ore.

¹⁰ Pa Duūxūgū i Tupanaāxū Yaxōgūxū, pema nixī ga toxū pedaugūxū rū Tupana rū ta toxū nadau ga ñuxācū meā na tamaxèxū ga petanūwa, rū ñuxācū taxūūma ga chixexū na taxūxū ga yexguma.

¹¹ Rū pema nūxū pecuèx ta ga ñuxācū pexū na tanangūchaūxèèxū. Rū yexguma pengechaūgūgū, rū pexū tataāèxèègū ñoma wūxi i papā i naxācūgūxū taāèxèègūxūrūū.

¹² Rū ñuxma na Tupanaārū pixīgūxū, rū pexū taxucūxègū na meā naxcèx pemaxèxū. Rū nūma nixī i pexcèx nangemaxū na ngextā āēxgacū iyīxūwa pengugūxūcèx na ngema mexūwa pengēxmagūxūcèx.

¹³ Rū ngēmacèx guxūguma pexcèx Tupanana moxè taxā, yerū yexguma noxri nūxū pexīnūègū ga yema norū ore ga pemaā nūxū tixuxū, rū meā penayauxgū, yerū nūxū pecuèxgū rū aixcūma Tupanaārū ore nixī rū tama duūxūgūarū oremare nixī. Rū yema ore nixī ga naxūchicūxū ga perū maxū ga yexguma peyaxōgūgū.

¹⁴ Pa Chaueneēgūx, nūxū tacuèx na ñuxācū ngūxū pingegūxū yerū petanūxūgūtama pexchi naxaie rū chixri pemaā nachopetū. Natūrū yemaācūtama nūxū nangupetū ga Tupanaārū duūxūgū ga Ngechuchu ya Cristuaxū yaxōgūxū ga Yudéanewa yexmagūxū. Yerū natanūxūgūtama ga Yudiūgū rū chixri namaā nachopetū.

¹⁵ Rū yema Yudiūgū nixī ga tōrū Cori ga Ngechuchuxū imèxgūxū, yexgumarūū ga norū oxīgū rū nuxcūmaūgūxū ga Tupanaārū orearū uruūgūxū na nadèjxūrūū. Rū yema Yudiūgū nixī ga towe ingèxūtanūxū. Rū Tupanamaā rū guxū i duūxūgūmaā narūxūwanūgū.

¹⁶ Rū ngēxguma ngēma duūxūgū i tama Yudiūgū ixīgūxūmaā nūxū tixuxchaūgu i Tupanaārū ore na nūmagū rū ta nūxū nangēxmagūxūcèx i maxū, rū ngēma Yudiūgū rū toxna nanachuxu. Rū ngēmaācū i ngēma Yudiūgū rū poraācūxūchima chixexū naxūgū. Rū ngēmacèx i ñuxma rū dūxwa marū nūxna nangu i ngēma Tupanaārū poxcu i āicūmaxūchixū.

Paurū rū nūxū nangūchaū na wenaxārū natanūwa naxūxū ga yema yaxōgūxū ga Techarónicawa

yexmagūxū

¹⁷ Pa Chaueneēgūx, yexguma pexna itixīxguwena, rū woo tama pexūtawa na tayexmagūechaxū, natūrū guxūguma pegu tarūxīnūè, rū poraācū toxū nangūchaū na pexūtawa taxūxū na wenaxārū pexū itayadaugūxūcèx.

¹⁸ Rū aixcūma ngema taxīxchaū. Rū chomatama i muēxpūxcūna rū chanaxwèxe na ngema pexūtawa taèx chaxūxūgègaxū natūrū ngoxo i Chataná rū guxūguma toxū nanaguxchaxèè na tama ngema taxīxūcèx.

¹⁹ Natūrū pexū itayadaugūchaūāma erū ngēxguma wenaxārū nūma naxūxgu ya tōrū Cori ya Ngechuchu ya Cristu rū jēcūcèx tá nixī i Tupanapèxewa tataāègūxū i tomax? Rū aixcūma pewa tá nixī i itanangūxèèxū na tomaā nataāèxū ya Tupana. Rū pema tá nixī i torū taāè pixīgūxū. Rū pegagu tá nixī i aixcūma togūmaātama tataāègūxū i napèxewa.

²⁰ Rū ngēmaācū pegagu nixī i togūmaātama tataāègūxū, rū pema nixī i torū taāè pixīgūxū.

3

¹ Rū yema na taxuacūma ñuxācū wenaxārū petanūwa na chaxūxū, rū dūxwa nagu charūxīnū na Atenagutama na charūxūxū.

²⁻³ Rū pexūtawa chanamu ga taeneè ga Timutéu na pexū iyadauxūcèx. Erū nūma nixī i Tupanaārū puracūtānūxū i wūxigu namaā tapuracūexū na tanaxunagūxūcèx i ngēma ore i mexū i Cristuchiga. Rū ngema petanūwa chanamu na pexū nangūxèèxūcèx na yexeraācū peyaxōgūxūcèx rū aixcūma petaāègūxūcèx rū ngēmaācū taguma texé i petanūwa nūxū rūxoxūcèx ega tacū rū guxchaxū pexū ngēxmagu. Erū pematama marū nūxū pecuèx na guxāma i yixema na yaxōgūxū rū ngūxū tá tingegū.

⁴ Rū yexguma petanūwa tayexmagūgu rū marū pemaã nūxū tixu na ngūxū tá pexū ūpetūxū. Rū pema marū nūxū pecuèx na aixcūma yemaãcū pexū nangupetūxū.

⁵ Rū yemacèx ga yexguma marū tama namaã chaporagu ga yema tama paxa pechigaxū na chacuáxū, rū yemacèx dūxwa Timutéuxū yéma petanūwa chamu na pexna yaxaxūcèx ngoxi meã ípeyaxōgūama i Tupanaãrū ore. Yerū chaxoegaãe rū bexmana ngoxo i Chataná rū chixexūgu pexū nayixēē, rū chi ngēmaãcū yixīgu, rū natūcèxmamare chi nixī ga pemaã nūxū tixuxū ga Tupanaãrū ore.

⁶ Natūrū ñuxma na ínanguxū i Timutéu na petanūwa ne naxūxū, rū mexū i ore i pechiga ngema ne nange. Rū tomaã nūxū nixu na ñuxācū meã peyaxōgūxū, rū ñuxācū guxāma meã pegū pengechaūgūxū. Rū tomaã nūxū nixu ta na ñuxācū guxūguma toxū pengechaūgūācūma togu perūxīnūēxū, rū ñuxācū poraācū wena toxū pedaugūchaūxū rū ngexgumarūxū ta i toma rū toxū nangūchaū na wena pexū tadaugūchaūxū.

⁷ Rū ngēmacèx, Pa Chaueneēgūx, rū woo guxchaxū toxū na ngēxmaxū rū ngūxū na tingegūxū, rū poraācū toxū nataāēxēē i ngēma pexū na tacuāchigaxū na meã ípemaxēxū rū meã peyaxōgūamaxū.

⁸ Rū ñuxma na nūxū tacuāchigaxū na aixcūma meã tórū Coriaxū peyaxōgūamaxū, rū poraācū tataāēgū.

⁹ ¿Rū ñuxācū tá Tupanana moxē taxā naxcèx i ngēma taāē i taxū i toxna pexāxū? Erū aixcūma pegagu nixī i toxū nangēxmaxū i wūxi i taāē i taxū i napēxewa.

¹⁰ Rū ngunecū rū chūtacū rū tayumūxēgū, rū Tupanana naxcèx tacagū na petanūwa toxū nawoeguxēēxūcèx na wena pexū tadaugūxūcèx rū pexū tarūngūxēēgūxūcèx na yexeraācū nūxū peyaxōgūxūcèx.

¹¹ Rū poraācū tanaxwēxegū na Tanatū ya Tupana rū tórū Cori ya Ngechuchu ya Cristu toxū natauxchaxēēxū na wena petanūwa itayadaugūxūcèx.

¹² Rū tanaxwēxegū na tórū Cori ya Ngechuchu pexū rūngūxēēxū na yexeraācū pegū pengechaūgūxūcèx rū guxū i duūxūgūxū na pengechaūgūxūcèx, ngēxgumarū i toma rū poraācū pexū na tangechaūgūxūrū.

¹³ Rū tanaxwēxegū na tórū Cori ya Ngechuchu pexū rūngūxēēxū na peāēwa rū aixcūma meã peyaxōgūxūcèx rū norū duūxūgū i aixcūma mexūgū na pixīgūxūcèx rū na nataxuxūcèx i perū pecadugū i napēxewa ya Tanatū ya Tupana i ngēxguma wena nūma naxūxgu ya tórū Cori ya Ngechuchu ya Cristu namaã i guxūma i norū duūxūgū. Rū tanaxwēxe na ngēmaācū yīxū.

4

Maxū i Tupanaxū taāēxēēxūchiga

¹ Rū ñuxma Pa Chaueneēgūx, rū tórū Cori ya Ngechuchuégagu pexū tacèxū rū pexū tamu na guxūguma Tupanacèx meã pemaxēxū yema pexū tangūxēēxūrū rū ñuxma marū penaxūxūrū.

² Pema rū marū nūxū pecuèx ga yema torū ucuxēgū ga tórū Cori ya Ngechuchu toxū muxū na pexū tangūxēēxūcèx.

³ Rū Tupana nanaxwēxe na aixcūma namexū i perū maxū rū naxcèxicatama na pemaxēxū. Rū tama name i chixri pemaxē i napēxewa rū to i ngexūgūmaã pengēāēgūmare.

⁴ Rū wūxichigū tanaxwēxe na aixcūma tūmamēxū tangechaūxū, rū ngīmaāxīcatama na tamaxūxū.

⁵ Rū tama name i ngīxū na pecuāxchaūmarexūcèx ngīmaã pexāmēx i wūxi i nge erū ngēmaācū namaxē i ngēma duūxūgū i tama Tupanaãxū yaxōgūxū.

⁶ Rū tama name i texē ngīmaã tamaxū i naxmēx ya tūmaēneē. Erū yexgumarū ga marū pemaã nūxū tixuxūrū, rū Tupana tá poraācū tūxū napoxcu ya guxāma ya yīxema ngēmaācū maxēxē.

⁷ Erū Tupana tūxū nade na meã imaxēxūcèx rū tama chixexū ixūgūxūcèx.

⁸ Rū ngēmacèx ega texē tama naga Ínūgu i ñaã ngxēētaegū, rū pemaã nūxū chixu rū tama wūxi i duūxūga nixī i ngēma nūxū taxoxū, natūrū Tupanagatama nixī i nūxū taxoxū. Rū guma nixī ga pexna namucū ga Naāē i Ūūnexū.

⁹ Rū ngēma na pegū pengechaūgūxūchiga, rū taxucèxma pexcèx chanaxūmatū i poperawa. Yerū Tupanatama marū pexū nangūxēē i ngēma na ñuxācū aixcūma pegū pengechaūgūxū.

¹⁰ Rū aixcūma nixī i guxūguma meã nūxū pengechaūgūxū i guxūma i taeneēgū i Machedóniānēwa ngēxmagūxū. Natūrū, Pa Toeneēgūx, pexū tacèxūgū na yexeraācū meã nūxū pengechaūgūxūcèx.

¹¹ ¡Rü meã pegü pengechaŭgü, rü pexrütama maxügu perüxínüë, rü tama i togüarü maxügu! ¡Rü pematama naxcëx pepuracüe i perü ngëmaxügu yema marü pemaã nüxü tixuxürüü!

¹² Rü ngëxguma ngëmaäcü pemaxëgu, rü ngëma duüxügu i tama yaxögüxü rü tá pexü nangechaŭgü, rü taxuütama pexü nataxu.

Nüxäcü tá nixi i ngëxguma nataegugu ya tórü Cori

¹³ Pa Chaueneëgüx, rü ñuxma rü tá pexü nüxü chacuëxëë i ngexta tá naxixü i ngema yaxögüxü i yuexü na ngemaäcü tama pengechaŭgüxücëx naxruxü i ngema tama nüxü cuëxgüxü na wena tá namaxëxü i ngema yuexü.

¹⁴ Erü yixema na yaxögüxü na nayuxü rü wena namaxüxü ga Ngechuchu, rü ngëxgumarüü ta tayaögü na Tupana tá inadagüxëëxü i guxüma i ngëma Ngechuchuaaxü yaxögüäcüma yuexü.

¹⁵ Rü ngëmacëx pemaã nüxü tixu i ngëma ore ga tórü Cori ya Ngechuchu namaã nguxëëtaexü. Rü ngëxguma wena núma naxüxgu ya tórü Cori ya Ngechuchu rü yixema na imaxëxü i ñoma i nañewa rü táütama yixira napëxe taxü i ngëma yuexü.

¹⁶ Erü nümatama ya Cori ya Ngechuchu rü daxüwa tá inarüxü, rü tá nangëxma i wüxi i naga i taxü i daxüwa inaxüxü i tüxü muxü, rü tá nüxü taxínüë i Tupanaärü oearü ngeruügüarü äëxgacü i tagaäcü daxüwa icagüxü, rü tá yacuegüxü ya Tupanaärü corneta. Rü ngëxguma i ngëma yuexü i Cristuaxü yaxögüxü rü tá inarüdagü.

¹⁷ Rü ngëmawena i yixema na imaxëxü rü Tupana tá wüxigu caixanexügu tüxü nigagü namaã i ngëma duüxügu i yuwa írüdagüxü. Rü ngëmaäcü tá daxügu tórü Cori ya Ngechuchuxü tayangaugü na guxügutáma naxütawa ingëxmagüxücëx.

¹⁸ Rü ngëmacëx chanaxwëxe i ñaã oremaã pegü petaëxëëgü.

5

¹ Natürü, Pa Chaueneëgüx, rü ngëma norü ngunexü rü taunecü i tá nagu nangupetüxü i ngëma pemaã nüxü chixuxü, rü taxucëxma pexcëx chanaxümatü i ngëmachiga.

² Erü pematama meã nüxü pecuëx rü ngëma ngunexü i taxüema nagu inanguxëëxügu tá nixi i inanguxü ya tórü Cori ya Ngechuchu. Rü ñoma wüxi i ngëtëxáxü i ngürüächi chütacü inxuxürüü tá nixi.

³ Rü ngëxguma duüxügu nagu írüxínüëgu na guxüma na mexü rü taxuüma na nüxü üpetüxü, rü ngëma ngunexügu rü tá ngürüächi nagux i guxüma. Rü ñoma wüxi i ngecü i äxäcücu rü ngürüächi ngüxäcümaã nguxnecacürüü tá nixi na taxüema naxchaxwa inaxü i ngëma.

⁴ Natürü pemax, Pa Chaueneëgüx, rü marü meãma nüxü pecuëx i Cristuarü nguchiga. Rü ngëmacëx taxucëxma ngürüächi pexü inayaßaixgü ya Cori ya Ngechuchu ñoma wüxi i ngëtëxáxü tüxü ibaixgüxürüü.

⁵ Erü guxäma i pema rü Tupanaärü duüxügu pixigü, rü ngëmacëx ngóonexüwa pengëxmagü rü meãma nüxü pecuëx na ñuxäcü meã pemaxëxü. Rü yixema rü tama Chatanáärü duüxügu tixigü, rü ngëmacëx tama ëänexüwa tangëxmagü rü tama tanaxü i ngëma chixexü i ëänexüwa üxü.

⁶ Rü ngëmacëx tama name i taechita tamaxëmare naxrüü i ngëma duüxügu i tama yaxögüxü. Rü name nixi i taxuãëgü, rü meã taãëgu tarüxínüë.

⁷ Erü ngëma duüxügu i naëchitamare maxëxü rü ñoma duüxügu i chütacü peexürüü nixigü. Rü ngëma duüxügu i axegüxü rü chütacü nixi i nügü nangäxëxëëxü.

⁸ Natürü i yixema rü ngóonexüwa tangëxmagü, rü ngëmacëx tanaxwëxe i guxüguma taxuãëgü. Rü name nixi i aixcüma meã Tupanaãxü tayaxögü, rü yigü tangechaŭgü, rü meã itanaxuxëë na Tupana tüxna naxäxücëx i ngëma maxü i taguma güxü. Rü ngëxguma ngëmaäcü imaxëgu, rü ngëmaäcü tá yigü itapoxü i ngëxguma Chataná chixexügu tüxü yixëëchaŭgu.

⁹ Erü Tupana rü tama tüxü nade na tüxü napoxcuxücëx, natürü tüxü nade na tórü Cori ya Ngechuchu ya Cristugagu nayauxgüxücëx i maxü i taguma güxü.

¹⁰ Rü Ngechuchu ya Cristu rü taxcëx nayu na wüxigu namaã imaxëxücëx i daxügüxü i nañewa. Rü nüetama ega woo marü iyuyane inanguxgu rü ëxna imaxëyane inanguxgu, erü daxügüxü i nañewa rü wüxiwa tá namaã tamaxë.

¹¹ Rü ngëmacëx, Pa Chaueneëgüx, rü name nixi i wüxichigü pegü petaëxëëgü rü pegü peporaexëë i perü öwa ngëxgumarüü i ñuxma na marü ipenaxügüxü.

Paurü rü nayaxucuxëgü ga yema yaxögüxü

¹² Pa Chaueneëgüx, pexü tacëxëxügu na nüxü pengechaŭgüxücëx i ngëma taeneëgü i petanüwa puracüexü rü pemaã icuëxgüxü rü pexü ngüxëëxü i Cori ya Ngechuchuarü ore.

¹³ Rū name nixī i namaā petaāēgū rū aixcūma meā nūxū pengechaūgū i ngēma taeneēgū, erū nūmagū nixī i pexū nangūxēēgūxū. Rū name nixī i pegū pengechaūgūācūma pemaxē.

¹⁴ Rū pemaā nūxū tixu ta na penaxucūxēgūxū i ngēma duūxūgū i oexū i tama pura-cūchaūxū. ¡Rū nūxū penangūchaūxēēgū i ngēma duūxūgū i marū nūxū rūxoechaūxū na yaxōgūāxū! ¡Rū nūxū perūngūxēēgū i ngēma duūxūgū i turaexū i norū ōwa! ¡Rū name nixī i yaxna namaā pexīnūē i guxūma i ngēma taeneēgū!

¹⁵ Rū ngēxguma texē chixexū pemaā ūxgu, rū tama name i chixexūmaā penataeguxēē. ¡Natūrū name nixī i naxcēx pedau na guxūguma mexū pexūgūxū i pegūtanūwa rū ngema togūtanūwa rū ta!

¹⁶ Rū name nixī i guxūguma petaāēgū.

¹⁷ ¡Rū guxūguma peyumūxēgū!

¹⁸ ¡Rū woo ūcū pexū ngupetūgu, rū Tupanana moxē pexāgū! Erū ngēmaācū nanaxwēxe ya Tupana na pemaxēxū i pema i Ngechuchu ya Cristuarū duūxūgū na pixīgūxū.

¹⁹ Rū tama name i nūxū pexoe i Tupanaāē i Ūūnexū.

²⁰ Rū tama name i nūxū pexoe i Tupanaārū ore ega texēwa pemaā yadeaxgu ya Tupana.

²¹ Natūrū name nixī i meāma penangugū i guxūma i oregū na nūxū pecuāxūcēx rū ngoxi aixcūma yīxū i ngēma ore rū ēxna tama. ¡Rū ngēma ore i aixcūma mexūxīcatama pixōgū!

²² ¡Rū nūxna pixīgachi i nagūxūraūxū i chixexūgū!

²³ Rū chanaxwēxe i nūmatama ya Tupana ya tūxū taāēxēēcū pexū imexēē na aixcūma napēxewa pimexūcēx. Rū chanaxwēxe i guxūwama pexna nadau i peāēwa rū pexenewa na nataxūcēx i ūcū i perū chixexū i ngēxguma wenaxārū nūma naxūxgu ya tōrū Cori ya Ngechuchu ya Cristu.

²⁴ Rū nūma ya Tupana ya pexū decū rū nixaixcūma na yanguxēēāxū i guxūma i ngēma tamaā inaxunetaxū.

Pauru rū wenaxārū yema duūxūgūxū narūmoxē rū naxcēx īnaca na Cori ya Ngechuchu ya Cristu meā nūxū rūngūxēēxū ga

yema yaxōgūxū

²⁵ Pa Chaueneēgūx, ¡Toxcēx peyumūxēgū!

²⁶ Rū chanaxwēxe i chauēgagu nūxū perūmoxēgū i guxūma i taeneēgū.

²⁷ Rū Cori ya Ngechuchuegagu pexū chamu na guxū i taeneēgūpēxewa na nūxū pedau-matūxū i ūāā popera i pexcēx ngema chamuxū.

²⁸ Rū chanaxwēxe i tōrū Cori ya Ngechuchu ya Cristu pexū narūngūxēē i guxāma i pemax.

Rū nuāma pexna,

Pauru

NORŪ TAXRE GA POPERA GA TECHARÓNICAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rü nüxŭ narümoxē ga yema yaxŏgŭxŭ ga Techarónicawa yexmagŭxŭ

¹ Pa Techarónicawa Ngēxmagŭxŭ i Toeneēgŭ i Yaxŏgŭxŭ i Tanatŭ ya Tupana rŭ tŏrŭ Cori ya Ngechuchu ya Cristuarŭ Duŭxŭgŭ Ixŭgŭxŭ, choma i Pauru rŭ taeneē i Chiribānu rŭ Timutēu nixŭ i pexcēx tanaxŭmatŭxŭ i űaā popera.

² Rŭ tanaxwēxe i Tanatŭ ya Tupana rŭ tŏrŭ Cori ya Ngechuchu ya Cristu pexŭ narŭngŭxēē rŭ pexŭ nataāēxēē.

Ngēma chixexŭ ŭgŭxŭ rŭ Tupana tá nanapoxcue i ngēxguma wenaxārŭ nŭma naxŭxgu ya Cristu

³ Pa Toeneēgŭx, rŭ guxŭguma pexcēx Tupanana moxē taxā, erŭ name nixŭ na ngēmaācŭ tanaxŭxŭ. Erŭ guxŭguma yexeraācŭ peyaxŏgŭetanŭ rŭ yexeraācŭ pegŭ pingechaŭgŭetanŭ.

⁴ Rŭ ngēmacēx tomatama taāēācŭma pechigaxŭ tixu natanŭwachigŭ i ngēma duŭxŭgŭ i Tupanaāxŭ yaxŏgŭxŭ. Rŭ namaā nüxŭ tixu na űuxācŭ meā peyaxŏgŭxŭ, rŭ űuxācŭ namaā peporaexŭ i guxŭma i ngēma guxchaxŭgŭ rŭ ngŭxŭgŭ i pexŭ ngupetŭxŭ.

⁵ Rŭ ngēma guxchaxŭgŭ i pexŭ ngupetŭxŭwa nüxŭ tacuēx na aixcŭmacŭ yŭxŭ ya Tupana, erŭ pexŭ nangugŭ na aixcŭma pimexŭ na pichocuxŭcēx i ngextā nŭma āēxgacŭ íyŭxŭwa. Rŭ ngema na pichocuxŭcēx nixŭ i ngŭxŭ pingegŭxŭ i űuxmax.

⁶ Rŭ aixcŭma name nixŭ na Tupana napoxcuxŭ i ngēma duŭxŭgŭ i ngŭxŭ pexŭ ingegŭxēēxŭ.

⁷ Natŭrŭ i pema i űuxma ngŭxŭ ingegŭxe rŭ name nixŭ i wŭxigu tomaā pexŭ inarŭngŭxēēxēē ya Tupana. Rŭ ngēma rŭ tá nanaxŭ ya Tupana i ngēxguma ŭxŭemagu daxŭwa ne naxŭxgu ya tŏrŭ Cori ya Ngechuchu ya Cristu wŭxigu namaā i norŭ orearŭ ngeruŭgŭ i poraexŭ.

⁸ Rŭ aixcŭma nŭma tá naxŭ i nŭma ya tŏrŭ Cori ya Ngechuchu na napoxcuxŭcēx i ngēma duŭxŭgŭ i tama Tupanaxŭ cuāxchaŭgŭxŭ rŭ tama naga inŭxŭ i ngēma ore i mexŭ i tŏrŭ Cori ya Ngechuchu ya Cristuchiga.

⁹ Rŭ ngēma duŭxŭgŭ rŭ wŭxi i poxcu i taguma gŭxŭgŭ tá napoxcue erŭ tŏrŭ Cori ya Ngechucharŭ yaxŭwa tá nawogŭ. Rŭ ngema rŭ tagutāma nüxŭ nadaugŭ na űuxācŭ namexēchixŭ rŭ naporaxŭ ya tŏrŭ Cori ya Ngechuchu.

¹⁰ Rŭ ngēmaācŭ tá ngēma duŭxŭgŭmaā nangupetŭ i ngēxguma tŏrŭ Cori ya Ngechuchu nŭma ŭxgu. Rŭ nŭma tá nangu na norŭ duŭxŭgŭ nüxŭ icuēxŭgŭxŭcēx, rŭ tá nabaixāchiāēgŭ rŭ nataāēgŭ erŭ tá nüxŭ nadaugŭ na űuxācŭ namexēchixŭ i nŭmax. Rŭ pema rŭ tá ta wŭxigu namaā pengēxmagŭ, yerŭ peyaxŏgŭ ga yema Tupanaārŭ ore ga pemaā nüxŭ tixuxŭ.

¹¹ Rŭ ngēmacēx guxŭguma pexcēx tayumŭxēgŭ. Rŭ Tupanana taca na nŭma pexŭ nadauxŭ na aixcŭma mexŭ i norŭ duŭxŭgŭ pixŭgŭxŭ i űuxma na pexŭ nadexŭ. Rŭ ngēxgumarŭŭ ta nüxna taca na nŭmatama norŭ poramaā yangxēēāxŭcēx i guxŭma i ngēma mexŭ i peāēwa nagu perŭxŭnŭxŭ rŭ guxŭma i ngēma puracŭgŭ i mexŭ i perŭ ŏgagu pexŭxŭ.

¹² Rŭ ngēxguma Tupana ngēmaācŭ pexŭ rŭngŭxēēgu, rŭ perŭ maxŭ i mexŭgagu rŭ guxŭma i duŭxŭgŭ tá nüxŭ nicuēxŭgŭ ya tŏrŭ Cori ya Ngechuchu ya Cristu. Rŭ nŭmatama ya tŏrŭ Cori rŭ tá pemaā nataāē erŭ nŭma rŭ wŭxigu Tanatŭ ya Tupanamaā pexŭ nangechaŭgŭ.

2

Pauru rŭ nanangoxēē i űuxācŭ tá na yŭxŭ i ngēxguma inanguxgu ya Cori ya Ngechuchu

¹⁻² Rŭ űuxma Pa Chaueneēgŭx, rŭ pemaā nüxŭ chixuxchaŭ i nachiga na űuxācŭ tá na yŭxŭ i ngēxguma tŏrŭ Cori ya Ngechuchu ya Cristu wena nŭma ŭxgu rŭ tŭxŭ nangutaquēxexēēgŭ na wŭxiwa namaā ingēxmagŭxŭcēx. Rŭ pemaā nüxŭ tixu na tama ngŭrŭāchi togumare perŭxŭnŭxŭ rŭ paxa peyaxŏgŭxŭ i űacŭ rŭ ore i tama toma pemaā nüxŭ tixuxŭ. Erŭ tama tanaxwēxe na pebaixāchiāēgŭxŭ ega texē pemaā idoraegu rŭ pemaā nüxŭ ixuxgu na marŭ inanguxŭ ya tŏrŭ Cori ya Ngechuchu. Rŭ ngēxguma texē pemaā nüxŭ ixuxgu na nagu taxānegŭxŭ na Cristu rŭ marŭ inanguxŭ, rŭ tama name i tŭmaga pexŭnŭē. Rŭ woo pemaā nüxŭ tixugŭgŭgu na tanayauxgŭxŭ i wŭxi i torŭ popera i nüxŭ ixuxŭ na marŭ inanguxŭ ya tŏrŭ Cori ya Ngechuchu, jrŭ tāūtāma tŭxŭ peyaxŏgŭ!

³ jrŭ tāūtāma naga pexŭnŭē i ngēma duŭxŭgŭ i ngēmaācŭ pexŭ womŭxēēgŭchaŭxŭ! Erŭ naxŭpa na Ngechuchu nŭma ŭxŭ rŭ tá inangu i ngēma yatŭ i Tupanaārŭ uwanŭ ixŭxŭ, rŭ

tá nananuēxēē i muxūma i duūxūgū i yaxōgūchiréxū. Natūrū ngēma yatū rū Tupana marū namaā nanaxuegu rū tá napoxcu.

⁴ Rū ngēma Tupanaārū uwanū rū tá Tupanamaā rū guxūma i ngēma Tupanaārū ixīxūmaā narūxūwanū. Rū tá naxchi naxai i guxūma i ꝑacū i mexū i duūxūgū Tupanaxū namaā icuēxūgūxū. Rū Tupanaārū tupaucā ya taxūnewa tá nayarūto ñoma Tupana yīxūrū. Rū tá nūgū nixu na Tupana yīxū.

⁵ ¿Tama ēxna nūxna pecuēxāchie ga yexguma petanūwa chayexmagu rū marū meāma pemaā nūxū chixu nachiga ga yema?

⁶ Rū pema marū nūxū pecuēx na tūxcūū yīxū i tauta nūma naxūxū i ngēma Tupanaārū uwanū. Tauta nūma naxū, erū tauta nawa nangu i ngema ngunexū i nagu nua naxūxū.

⁷ Rū ngēma chixexū i Tupanaārū uwanū ūxū, rū marū cúacū inaxūgū. Natūrū nūmatama i Tupanaārū uwanū rū tāūtāma nangox űuxmatāta ngēma norū chogūrū nūxū ingē.

⁸ Rū ngēxguma tá nixī i ínanguxū i ngēma Tupanaārū uwanū. Natūrū nūma ya tórū Cori ya Ngechuchu rū wūxi i “cue” ñaxūmaā tá nayamēx. Rū ngēxguma ínanguxu ya tórū Cori ya Ngechuchu rū ngēma norū yaxracūūxūmaā tá inayanaxoxēē i ngēma norū uwanū.

⁹ Rū ngēma Tupanamaā rūxūwanūāxū, rū ngēxguma ínanguxu rū tá nūxū nangēxma i Chatanāārū pora rū ngēmacēx tá naporaxūchi. Rū tá nanaxū i nagūxūraūxū i cuēxruūgū i Chatanāārū poramaā naxūxū i namaā duūxūgūxū nawomūxēēxū.

¹⁰ Rū nagūxūraūxū i chixexū tá naxū na nawomūxēēāxūcēx i ngēma duūxūgū i Tupana tá poxcuēxū. Rū ngēmaācū tá nūxū naxūpetū i ngēma duūxūgū, yerū tama nanayauxgūchaū rū tama nūxū nangechaū i ngēma Tupanaārū ore i aixcūma ixīxū i tūxū maxēxēēxū.

¹¹ Rū ngēmacēx ya Tupana rū nanangexrū i ngēma duūxūgū na poraācū ínatūxēēx rū yaxōgūāxūcēx i ngēma ore i doramare ixīxū.

¹² Rū ngēmacēx dūxwa Tupana tá namaā nanaxuegu na napoxcuēxū i guxūma i ngema duūxūgū i tama yaxōgūchaūxū i norū ore rū namaā taāēgūxū i ngēma chixexū na naxūgūxū.

Tupana tūxū nade na tūxū nangēxmaxūcēx i maxū i taguma gūxū

¹³ Natūrū, Pa Chaueneēgūx i Tórū Cori ya Ngechuchu Pexū Ngechaūgūxex, rū guxūguma Tupanana moxē pexcēx taxā yerū nūma ga Tupana rū noxritama naāne ixūgūgumama pexū nade na pexira penayauxgūxūcēx i maxū i taguma gūxū ga yexguma pexū nangūxēēgu ga Naāe i pexū ūnēxēēxū rū peyaxōgūgu ga yema ore i aixcūma ixīxū.

¹⁴ Rū yemacēx Tupana pexcēx naca ga yexguma pemaā nūxū tixuxgu ga norū ore i mexū i tūxū maxēxēēxū. Erū nūma nanaxwēxe na pexū nangēxmaxūcēx i pechica i tórū Cori ya Ngechuchu ya Cristuxūtawa i ngextā ínamēxchixūwa.

¹⁵ Rū ngēmacēx, Pa Chaueneēgūx, rū chanaxwēxe i meā peyaxōgūama rū tama nūxū ipeyarūngūmaē ga yema ore ga tomatama pexū tangūxēēxū rū yema ore ga poperagu pexcēx taxūmatūxū.

¹⁶⁻¹⁷ Rū chanaxwēxe i tórū Cori ya Ngechuchu ya Cristu rū Tanatū ya Tupana pexū nataāēxēēgū rū pexū narūngūxēē na guxūguma mexū i oremaā pidexagūxūcēx rū mexū pexūgūxūcēx. Rū yima Tanatū ya Tupana nixī ya tamaā namecūmaācūma tūxū ngechaūcū rū guxūguma tūxū taāēxēēcū rū tamaā ixunetacū na wūxi i ngunexū tá naxūtawa ingēxmagūxū.

3

Pauru naxcēx ínaca na naxcēx nayumūxēgūxū

¹ Rū űuxma Pa Chaueneēgūx, rū chanaxwēxe na toxcēx peyumūxēgūxū na paxa guxūwama nangūxūcēx i tórū Cori ya Ngechucharū ore i mexū, rū duūxūgū norū ngūchaūmaā na nayauxgūxūcēx ga yema pema na penayauxgūxūrū.

² ¡Rū toxcēx peyumūxēgū ta na tama ꝑacū rū chixexū tomaā naxūgūxūcēx i ngēma duūxūgū i chixexūgū! Erū tama guxūma i duūxūgū nayaxōgū.

³ Natūrū tórū Cori ya Ngechuchu rū aixcūma nayanguxēē i ngēma tamaā inaxunetaxū. Rū nūma tá pexū naporaēxēē rū pexna nadau na tama chixexūgu peyixūcēx.

⁴ Rū tórū Cori ya Ngechuchu toxū nūxū nacūxēē na aixcūma penaxūxū i ngēma pexū tamuxū rū tagutāma nūxū perūxoēxū na ngēmaācū penaxūxū.

⁵ Rū tanaxwēxe i tórū Cori ya Ngechuchu pexū narūngūxēē na aixcūma pegū pengechaūgūxūcēx, ngēma Tupana tūxū ngechaūxūrū. Rū naxcēx ítaca na pexū naporaēxēēxūcēx na Cristurū nūmaā peporaēxūcēx i ngēma ngūxūgū i ngēxguma pexcēx ínanguxu.

Name nixī na ipuracūxū i wūxichigū

⁶ Pa Chaueneēgūx, tórū Cori ya Ngechuchu ya Cristuégagu pexū tamu na tama namaā pixāmūcūgūxūcēx i ꝑacū i taenēē i tama puracūchaūxū rū tama ngēma pexū tangūxēēācūma maxūxū.

⁷ Erü pema rü marü nüxü pecuèx na ñuxäcü tá pemaxëxü na toxrüü penaxüxcèx. Yerü toma ga yexguma petanüwa tayexmagügu rü torü ðnacèx tapuracüe, rü tama yexma tarüchomare.

⁸ Rü toma rü taguma texéarü ðna ngetanüäcüma tangõx. Natürü ngunecü rü chütacü rü torü ðnacèx tapuracüe na tama wüxi ga guxchaxü pexü tixüxüxcèx.

⁹ Rü wochirëx Tupanapëxewa rü name nixi ga perü ngüxëécèx na itaçaxü, natürü tama yemaäcü tanaxü. Rü torü ðnacèx tapuracüe yerü pexü nüxü tadauxëëchaü na ñuxäcü meã imaxüxü.

¹⁰ Yerü yexguma petanüwa tayexmagügu, rü pemaã nüxü tixu rü yixema tama puracüchaüxë, rü noxtacüma ngexrüma nixi na tachibüxü.

¹¹ Rü pexcèx tanaxümatü i ngëmachiga, erü marü nüxü taxinüë na petanüwa nangëxmaxü i ñuxre i duüxügü i oexü rü tama puracüechaüxü rü toguechigagumare rüxinüëxü.

¹² Rü tórü Cori ya Ngechuchu ya Cristuégagu tanamu na meãmare ínapuracüexüxcèx i ngëma duüxügü na numatama norü ðnacèx nataxegüxüxcèx.

¹³ Pa Chaueneëgüx, jtama nüxü perüchau na mexü pexüexü!

¹⁴ Rü ngëxguma texé tama naga ñnügu i ñaã ore i poperawa pemaã nüxü tixuxü jrü marü tüxü pecuèx na texé tixü! Rü tama name i tümamaã pexãmücü na taxänexüxcèx i tümax.

¹⁵ jNatürü täütama namaã perüxuanü! Rü name nixi i ñoma peeneëxü pexucüxëxüäcüma meã tüxü pexucüxëmare.

Pauru rü naxcèx ínaca na Cori ya Ngechuchu nüxü rüngüxëëxü ga yema yaxõgüxü

¹⁶ Rü chanaxwëxe i numatama ya tórü Cori ya taãearü yora pexü narüngüxëë na guxüguma i guxüwama petaãëgüxüxcèx. Rü chanaxwëxe na nüma rü petanüwa na nangëxmaxü i guxãma i pemax.

¹⁷ Choma i Pauru rü choxmëxmaãtama pexcèx chanaxümatü i ñaã chorü moxë. Rü ngëmaäcü nixi i chaugü nagu chawüëgaxü i guxüma i chorü popera. Rü ngëmaäcü nixi i chanaxümatüxü.

¹⁸ jRü nüma ya tórü Cori ya Ngechuchu ya Cristu rü pexna naxãã i ngema norü ngechaxü i guxãma i pemax!

Rü nuãma pexna,
Pauru

NÜXĪRAÜXÜ GA POPERA GA TIMUTÉUCAḂ NAXÜMATÜXÜ GA PAURU

Timutéuxĭl narümoxē ga Pauru

¹⁻² Pa Timutéux, choma i Pauru nixi i cuxcèx chanaxümatüxü i ñaã popera. Rü choxü nixi ga yamuxü ga Ngechuchu ya Cristu na norü puracü chaxüxcèx, yerü yemaãcü nanaxwèxe ga Tupana ya tüxü maxèxèècü rü törü Cori ya Ngechuchu ya Cristu ya íngangüègüçü. Rü cuma Pa Timutéux, rü chaune quixi i Tupanaãrü orewa yerü chauxütawa nixi ga cunayaxuxü ga Tupanaãrü ore ga noxrix. Rü chanaxwèxe ya Tanatü ya Tupana rü törü Cori ya Ngechuchu ya Cristu rü cuxna nanaxã i norü ngechaxü rü norü mecüma rü norü taãe.

Timutéuxĭl naxucuxē ga Pauru nachiga ga yema nguxēētaegü ga tama aixcüma íxĭl

³ Yexguma cuxna íchaxüächigu na Machedóniãñewa na chaxüxcèx rü cumaã nüxü chixu na Epéchiuarü íñegu na curüxãxü na ícuyachaxächigüxèxèxcèx i ngema duüxügü i doramaãmare ngéma nguxēētaegüxü.

⁴ Rü chanaxwèxe i ngéma duüxügümaã nüxü quixu na nüxü naxoexüçèx na namaã nangüxèèãxü i ngéma nacümagü ga nuxcümaügüxü ga duüxügü nagu íxü. Erü guxüma i ngéma oregü rü doramare nixi, rü ngémagagu düxwa nügümaã nanuē i duüxügü. Rü ngéma oregü rü tama aixcüma nüxü narüngüxèē i duüxügü na meã Tupanaãxü yaxögüãxüçèx.

⁵ Natürü Tupana nanaxwèxe i törü maxüñewa na ingearü pecaduãxgüxü, rü na mexügu rüxñüèxü, rü aixcüma meã na yaxögüxü. Rü nüma tüxü namu na ngémaãcü imaxèãcüma yigü na ingechaügüxü.

⁶ Natürü ñuxre i duüxügü rü marü nüxna nixigachi i Tupanaãrü ore na nawe naxixüçèx i ngéma ore i taxuwama mexü i nuēwa nagagümarexü.

⁷ Erü nümagü tüxü nangüxèèchaü i ngéma mugü ga Moiché tüxna äxü, natürü tama nüxü nacuèxgü i ñacüchiga na yíixü i ngéma tamaã nüxü yaxugüexü rü tüxü nangüxèèxü woo nüma nagu naxñüègu rü meãma nüxü nacuèxgü.

⁸ Rü nüxü tacuèx rü ngéma mugü ga Moiché tüxna äxü rü tüxü name ega Tupana naxwèxexüãcüma naga íxñüègu.

⁹⁻¹⁰ Natürü nüxü tacuèxgü rü guxüma i ngema mugü rü duüxügü i chixexü ügüxcèx nixi. Rü ngéma nixi i ngéma duüxügü i tama irüxñüèchaüxü, rü ngéma tama norü äëxgacüga íñüèxü, rü ngéma chixexü ügüxü, rü ngéma pecaduãxgüxü, rü ngéma tama Tupanaga íñüèxü, rü ngéma nanatüxü rü naèxü imèxgüxü, rü guxüma i ngéma máétaügüxü, rü ngéma naxüñeãrü ngüchaüwe rüxixü, rü ngéma yatügü rü ngexügü i naxrüü yatüxü rü ngexümaã ngèãegüxü, rü ngéma duüxügümaã taxegüxü, rü ngéma idoratèxgüxü, rü ngéma äëxgacügümaã idoragüxü, rü guxüma i ngéma naxügüxü i ñacü rü chixexü i yatoxypexü i ngema nguxēētae i mexü.

¹¹ Rü ngéma nguxēētae i mexü rü Tupanaarü orewa nangexma, rü ngemagu nixi i nüxü iyarüngauxü i ngema maxü i taguma güxü. Rü ngemaarü uruxü nixi ya Tupana ya mecümaxüchicü i choxü namuxü.

Pauru rü Tupanana moxē naxã yerü nüxü nüxü nangechaü ga norü chixexügü

¹² Rü moxē nüxna chaxã ya Ngechuchu ya Cristu ya törü Cori erü nüma choxü naporaxèē rü choxü nangugü na wüxi i mexü i norü duüxü chixixü. Rü ngémacèx choxü naxuneta na nüxü chapuracüxü.

¹³ Ūpa ga choma rü chixri nachiga chidexa ga Cristu, rü naxchi chaxai ga yema duüxügü ga nüxü yaxögüxü. Rü nawe chingechigü rü namaã chixexü chixugü. Natürü woo yemaãcü na chamaxüxü, rü Tupanaãxü changechaütümüxü yerü tama aixcüma nüxü chacuèx ga ñacü na chaxüxü, yerü tauta Cristuaxü chayaxö.

¹⁴ Rü yemaãcü ga törü Cori ya Ngechuchu rü poraãcüxüchima chomaã namecüma yerü choxü narüngüxèē na nüxü chayaxöxcèx rü nagagu nüxü changechaüxcèx i guxüma i duüxügü.

¹⁵ Rü pemaã nüxü chixuxchaü i wüxi i ore i aixcümaxüchi íxixü i inaxwèxegüxü na guxãma nüxü cuãxü. Rü Ngechuchu ya Cristu rü ñoma ga naãñewa nangu na namaxèxèãxüçèx i pecaduãxgüxü. Rü natanüwa rü choma nixi ga guxüãrü yexera na chixexü chaxüxü.

¹⁶ Natürü Tupana choxü nüxü nangechaü ga yema chorü chixexü na chowa duüxügüxü nüxü nadauxèèxcèx ga ñuxãcü nüma ga Ngechuchu ya Cristu yaxna chomaã na naxñüxü ga woo guxü ga pecaduãxgüxüãrü yexera chixecü na chixü. Rü ngémaãcü wüxi i cuèxrü

chixí naxcèx i guxúma i duúxúgü na nûmagü rü ta nüxü nangèxmaxüçèx i maxü i taguma gúxü.

¹⁷ Rü ñuxma tanaxwèxe i guxügutáma nüxü ticuèxüüügü rü tanataxèègü ya yima nüxícatama Tupana ixícü. Rü woo tama nüxü tadaugü i ñuxma natürü guxüguma tóru Äëxgacü nixí rü tagutáma nayu. Rü ngèmaäcü yíi.

¹⁸⁻¹⁹ Pa Chaune, Pa Timutéux, ñaã nixí i chorü ore i cumaã nüxü chixuxü. Rü úpa ga yexguma Tupana yadexaxèègu ga ñuxre ga taeneègü, rü nüxü nixugügü na cuma rü tá mexü i Tupanaárü orearü uruü quiixü. Rü ñuxma chanaxwèxe i yemagü nüxü ixuxüürü meã cuyanguxèè i ngèma puracü i mexü i Tupana nawa cuxü muxü. Rü chanaxwèxe na aixcüma cuyaxóxü rü cuãëwa cumatama nüxü cucuáxü na aixcüma namexü i ngèma puracü i ícuxüxü. Ñuxre i duúxügü rü nüxü nacuèxgüchirèx i tacü nixí i mexü na naxügüáxü, natürü chixexüáma naxügü. Rü ngèmacèx düxwa nüxü narüxoe na Cristuaxü yaxógüáxü.

²⁰ Rü yemaäcü nüxü naxüpetü ga Imenéü rü Areyáüdrü. Rü düxwa choma Chatanána chanawogü ga yema taxre na Chataná ngüxü nüxü ingexèègüxüçèx na ngémawa nüxü nacuèxgüxüçèx na tama namexü na chixri Tupanachiga yadexagüxü.

2

Name nixí i guxúma i duúxügüçèx tayumüxègü

¹ Rü ñuxma rü tá pemaã nüxü chixu na ñuxäcü namexü na peyumüxègüxü. Rü pexü chamu na guxúma i duúxügüçèxira peyumüxègüxü. ¡Rü Tupanana naxcèx peca na nüxü nangüxèèxüçèx rü nüxü nüxü nangechaüxüçèx i norü pecadügü! ¡Rü moxè nüxna pexá ya Tupana naxcèx i guxúma i norü ngüxèè i guxü i duúxügüna naxáxü!

² Rü ngèxgumarüü ta name nixí i naxcèx peyumüxè i guxúma i nachüñanègüarü äëxgacügü i tacügü rü guxúma i ngèmatüüwa ngèxmagüxü i äëxgacügü na ngèmaäcü itaäègüxüçèx rü tüxü nangèxmaxüçèx i wèmi matüüwa ngèxmagüxü i äëxgacügü na ngèmaäcü itaäègüxüçèx rü tüxü nangèxmaxüçèx i ngèma naxáxü i mexü i Tupanapèxewa rü guxü i duúxügüpèxewa.

³ Rü ngèma nixí i namaã nataäèxü ya yima Tupana ya tüxü maxèxèècü.

⁴ Erü nûma nanaxwèxe na guxáma tüxü nangèxmaxü i maxü i taguma gúxü rü guxáma nüxü cuáxü i ngèma ore i aixcüma ixíxü.

⁵ Rü nûma ya Tupana rü wüxítama nixí. Rü ngèxgumarüü ta wüxítama nixí i taétüwa chogüxü na Tupanaxütawa tüxü nangugüxüçèx. Rü nûma nixí ya Ngechuchu ya Cristu ya Tupana Nane ga duúxüxü ixícü.

⁶ Rü nûma ga Ngechuchu rü nügü inaxá rü nayu na guxü i duúxügüáxü naxütanüáxüçèx na Tupanaxütawa nangugüxüçèx. Rü yexguma Ngechuchu yuxgu nixí ga Tupana yangüxèèxü ga yema úpacü duúxügümaã nüxü yaxuxü na ñuxäcü tá namaxèèèäxü.

⁷ Rü Tupana choxü naxuneta na norü orearü ngerüü chíxüçèx. Rü choxü namu na chanangüxèèxüçèx i ngèma duúxügü i tama Yudügü ixígüxü na nûmagü rü ta yaxógüáxüçèx rü nüxü nacuèxgüxüçèx i ngèma ore i aixcüma ixíxü. Rü ngèma pemaã nüxü chixuxü, rü aixcüma nixí, rü tama chidora.

⁸ Rü ñuxma chanaxwèxe i guxüwama nayumüxègü i yatügü. Rü chanaxwèxe i ngearü pecaduáxäcüma naxügümèxè rü ngèmaäcü tama texémaã nanuèäcüma rü tama tacüchiga nügü nachoxügagüäcüma nayumüxègü.

⁹ Rü chanaxwèxe i ngexügü rü meamare üxü i naxchirugu nicüxgü, rü meamare nügü namexèèyaegü, rü tama poraäcü nügü nangèxäègü uirumaã rü meruxügümaã rü naxchiru i tatanüxümaã.

¹⁰ Natürü narümemaè nixí i meãmارة Tupanacèx namaxè, rü mexü i puracü naxügü, erü ngèmaäcü nanaxwèxegü na namaxèxü i ngèma ngexügü i aixcüma Tupanaaxü yaxógüxü.

¹¹ Rü chanaxwèxe i ngexügü rü meã inaxínüè i ucüxègü. Rü tama name na nachoxügawèxègüxü.

¹² Erü ngexügüna rü chanachuxu na yatügüxü nangüxèèxü, rü yatüarü äëxgacü na yíixü. Rü name nixí i inarüxínüèmare i perü ngutaquèxègüwa.

¹³ Yerü Tupana rü Adáxüxüira naxü rü yixcama ga Ebaxü.

¹⁴ Rü Chataná rü tama Adáxü nawomüxèè, natürü yema ngecüxü nixí ga nawomüxèèxü. Rü yemaäcü pecadugu ingu ga yema ngecü.

¹⁵ Rü yemacèx Tupana nüxü nixu rü tá poraäcü nüxü nangux i ngèma ngexügü i ngèxguma naxíraxacügü. Natürü ngíma i ngecü rü tá inayaxu i maxü i taguma gúxü ega meã ngíxäcügümaã inacuèxgu, rü mexügu naxínüäcüma yaxóögu, rü guxüguma duúxügüxü nangechaügu rü meã Tupanapèxewa namaxègu.

3

Yaxógüxüárü äëxgacügüchiga

¹ Rü pemaã nüxü chixuxchañ i wüxi i ore i aixcüma ixixü. Rü ngëxguma chi texe naxwëxegu na yaxögüxüärü äëxgacü tixü, rü mexü i puracü nixi i naxcëx tadauxü.

² Rü yixema yaxögüxüärü äëxgacü rü tanaxwëxe na aixcüma mecü tixü na taxüema tümachiga chixri idexaxüçëx. Rü tanaxwëxe i wüxixicatama tixi ya tümamëx, rü aixcüma meã tamaxü rü mexüguxicatama tarüxînu na guxü i duüxügü tüxü ngechaügüxüçëx. Rü tanaxwëxe i guxüuma meã duüxügüxü tayaxu i tümapatawa, rü mexü i ngüxëëruü tixi.

³ Rü tama name i wüxi i ngäxwëxexü rü nuwëxexü tixü, rü tama name i tümäärü dïeruguama rüxînuëx tixü. Natürü name nixi i guxü i duüxügümaã yaxna taxînu rü namaã tamecüma.

⁴ Rü tanaxwëxe i meãma tümachiümaã itacuëx, rü tümaxäcügü rü meã tümaga naxînuë, rü tüxü nangechaügü.

⁵ Erü ngëxguma chi tama tümachiümaã meã itacuëxgu rü çñuxäcü i guxüma i Tupanaãxü yaxögüxümaã meã itacuáxü?

⁶ Rü yixema ngema yaxögüxümaã icuáixë rü tama name na ngexwacëx yaxöxë tixü, erü ngürüächi tá tügü ticuëxü. Rü ngëmagagu düxwa nagu tangu i ngëma poxcu i Chatanáxü namaã napoxcuxü ya Tupana.

⁷ Rü tanaxwëxe i woo i ngëma duüxügü i tama yaxögüxü rü tüxü nangechaügü na taxüema chixri tümachiga idexagüxüçëx rü tama Chataná chixexügu tüxü na nguxëëxüçëx.

Yatügü i diáacunügü i tupaucawa ngüxëëtaegüxüchiga

⁸ Rü ngëxgumarüü ta i ngëma yatügü i tupaucawa ngüxëëtaegüxü ixigüxü rü nanaxwëxe i mexüguxicatama rüxînuëxü nixigü. Rü nanaxwëxe i aixcüma nayanguxëëgü i ngëma nüxü yaxugüexü. Rü tama nanaxwëxe i ngäxëëchagüxü nixigü rü éxna norü dïeruguama rüxînuëxü nixigü.

⁹ Rü tama nixi i meãma nüxü nacuëxgü i guxüma i Tupanaärü ore, na nüxü nacuëxgüxüçëx na factüçëx na yaxögüäxü. Rü nanaxwëxe i nügüäëwatama nüxü nacuëxgü na norü maxü rü aixcüma yamexü i Tupanapëxewa.

¹⁰ Rü tanaxwëxe i to i puracüwa nüxü taxügüxira i noxrix. Rü ngëxguma marü taguma chixexü naxügügu, rü marü name i tupaucawaarü ngüxëëruü tayaxigüxëë.

¹¹ Rü ngëma yatügü i tupaucawa ngüxëëtaegüxü ixigüxü rü tanaxwëxe i naxmëxgü rü ta mexüguxicatama narüxînuë. Rü tama name i oregütëëxgüxü nixigü, natürü tanaxwëxe i meã namaxë rü aixcüma nayanguxëëgü i ngëma nüxü yaxugüxü.

¹² Rü ngëma yatügü i tupaucawa ngüxëëtaegüxü ixigüxü rü tanaxwëxe i wüxixicatama tixi ya naxmëx. Rü tanaxwëxe i meãma napatacüäxgümaã inacüëx, rü naxäcügü rü meã naga naxînuë.

¹³ Rü ngëma yatügü i tupaucawa ngüxëëtaegüxü, rü ngëxguma meãma naxügüägu i norü puracü i tupaucawa rü guxüma i duüxügü tá nüxü nangechaügü. Rü ñuxüchi i nümagütama i ngëma yatügü rü tá texauräcü nüxü natauxcha na nüxü yaxugüexü i ñuxäcü Tupana nanaxwëxexü i Ngechuchu ya Cristuaxü na yaxögüäxü i duüxügü.

Aixcüma nixi i ngëma ore i Tupana tüxü nüxü cuëxëëxü i Cristuchiga

¹⁴⁻¹⁵ Rü choma chanaxwëxe i paxa ngema chaxü na cuxü íchayadauxüçëx. Natürü ngürüächi tama paxa ngema chaxü, rü ngëmacëx cuxcëx chanaxümatü i ñaã popera na nüxü cucuáxüçëx i ñuxäcü tá cugümaã icucuáxü napewa i ngema duüxgü i Tupanaxü yaxögüxü. Erü nümagü nixi i Tupana ya maxücüaruü duüxügü yixigüxü rü nüxü yaxugügüxü rü inapoxügüäxü i norü ore i aixcüma ixixü..

¹⁶ Rü yixema nüxü tacuëx rü aixcüma namexëchi i ngëma ore ga noxri éxügüxü i ñuxma Tupana tüxü nüxü cuëxëëxü i Cristuchiga. Rü nüma ga Cristu rü duüxügüxü nügü nawëx ga yexguma ñoma ga naãnewa nayexmagu. Rü Naãe i Üünexü nüxü nixu na mecü yïixü. Rü Tupanaärü orearü ngerutügü i daxüçüäx nüxü nadaugü. Rü guxü i nachiüñegüwa rü duüxügü nüxü nixugüe i nachiga, rü guxüwama duüxügü nüxü nayaxögü. Rü Nanatü rü wenaxärü daxügüxü i naãnewa nanaga i ngextá ínamexëchixüwa.

4

Duüxügü i nüxü rüxoexü na yaxögüäxüchiga

¹ Tupanaãe i Üünexü rü nüxü nixu rü ngëxguma yangaicagu na nagüxchaüxü i naãne rü nümaxü i duüxügü rü tá nüxü narüxoë na yaxögüäxü i Tupanaärü ore i mexü. Rü tá nawe narüxi i duüxügü i doramare i orexü ixügüxü i Chatanáärü nguxëëtae nangüxëëxü.

² Rü ngëma yaxögüxü rü tá nüxü inarüxînuë i ngëma duüxügü i meã maxënetaxü rü idorateëxgüxü. Rü ngëma duüxügü rü yeüçürü nanaxügü i ngëma chixexü rü düxwa namaã nixü na chixexüguxicatama naxînuëxü.

³Rü ngêma duñxügü rü nanachuxu na iyanggüxü i duñxügü. Rü nanachuxu na duñxügü nangöxgüxü i ñuxre i ðnagü rü wochirêx Tupana nanaxü i guxüma i ðnagü na moxê naxcêx inaxägüâcüma nangöxgüâxüxcêx i norü duñxügü i yaxögüxü rü nüxü cuêxgüxü i norü ore i aixcüma ixixü.

⁴⁻⁵Natürü guxüma i Tupana üxü rü name. Rü taxuacüma nüxü taxo ega Tupanana moxê naxcêx ixâxiraâcüma nayauxgu. Erü Tupanaârü ore rü ngêma yumüxê rü nanaxüünexêê i ngêma ðna i Tupanapêxewa, rü ngêmacêx name nixi na nangöxü.

Wüxi i mexü i Ngechuchu ya Cristuarü ngüxêêrül rü mexümaâ nangüxêêtae

⁶Rü ngêxguma ngêma cumaâ nüxü chixuxü i oremaâ cunangüexêêgu i taeneê i yaxögüxü, rü ngêxguma nawa cungüechagu i ngêma ore i marü quixöxü, rü ngêxguma nagu quixüechagu i ngêma mexü i nguxêetae i marü nagu quixüxü, rü ngêxguma tá nixi i wüxi i mexü i Ngechuchu ya Cristuarü ngüxêêrül quixü.

⁷Rü tama name na naga cuxinüxü i ñoma i naâneçüâxârü dexagümare i tama aixcüma ixixü. Natürü name nixi i guxüguma cugü cuporaxêê na yexeraâcü Tupanaxü cungechaüxcêx rü nawe curüxüxcêx rü naxcêx cumaxüxcêx.

⁸Rü wüxi i mexü nixi na naporaxêêxü rü yaxiâxçüxcêêxü i taxüne na aixcüma naporaxêêx. Natürü ngêmaârü yexera narümemaê nixi na yigü iporaxêêxü na Tupanaxü ingechaüxcêx erü ngêma rü guxüwama tüxü name i ñoma i naânewa rü daxügüxü i naânewa rü ta.

⁹Rü aixcüma nixi i ngêma ore i cumaâ nüxü chixuxü, rü name nixi i guxâma tayaxögü.

¹⁰Rü ngêmacêx nixi i ipuracüexü rü yigü iporaexêêxü na nüxü ixuxüxcêx i ngêma ore i mexü, erü nüxü tayaxögü ya tórü Tupana ya maxücü ya guxâârü maxêxêêrül ixicü. Erü nüma nixi i namaxêêêâxü i ngêma duñxügü i nüxü yaxögüxü.

¹¹Rü chanaxwêxe i cunangüexêê i ngêma ore rü duñxügüxü cumu na naga naxinüexüxcêx.

¹²¡Meâ cügüna nadau na taxüema cuxü naxoxüxcêx naxcêx i ngêma na cungextüxüxü! Rü name nixi i wüxi i mexü i cuêxruü quixi naxcêx i guxüma i ngêma yaxögüxü. Rü ngêmacêx cunaxwêxe i mexü i oremaâ quidexa, rü meâ duñxügüpêxewa cumaxü, rü aixcüma nüxü cungechaü i guxüma i duñxügü, rü meâ Tupanaâxü cuyaxö, rü napêxewa meâ cumaxü.

¹³Rü chanaxwêxe i ngutaqêxewa rü guxü i duñxügüpêxewa nüxü cudaumatü i Tupanaârü ore, rü duñxügümaâ nüxü quixu na ñuxü ñaxüchiga yiixü. Rü chanaxwêxe i ngêmaâcü cunangüexêê rü nüxü cunangüchaüxcêê i ngêma taeneêgü ñuxmatâta ngema changu i chomax.

¹⁴Rü ngêmacêx name nixi i aixcüma namaâ cupuracü i ngêma cuêx ga Tupana cuxna âxü ga yexguma norü puracüxcêx cuxü naxunetagu rü yema yaxögüxüârü âêxgacügü cuxü yangögüâcüma cumaâ nüxü yaxuxgu na cuxna naxââxü ga yema cuêx.

¹⁵¡Meâ naxü i guxüma i ngêma cumaâ nüxü chixuxü, na ngêmaâcü guxü i duñxügü nüxü daugüxcêx na ñuxâcü guxü i ngunexügu yexeraâcü meâ Tupanacêx na cumaxüxü!

¹⁶¡Maxüâê na ñuxâcü meâ cügüna cudauxü rü ñuxâcü meâ cunangüexêêxü i ngêma togü! Erü ngêxguma meâ cunaxüxgu i guxüma, rü tá cunayaxu i maxü i taguma güxü rü ngêma togü i cuxü irüxünüexü rü tá ta nüxü curüngüxcêê na nümagü rü ta nayauxgüâxüxcêx i ngêma maxü.

5

Ñuxâcü nixi i namexü na nüxü ingechaüxü i ngêma yaxögüxü

¹Taguma name i cunanga i wüxi i yatü i cuxü rüyamaêxü. Rü narümemaê nixi i meâma cunaxucuxê ñoma cunaturüü. Rü ngêma ngextüxüxcügü rü name nixi i meâma namaâ quidexa ñoma cueneêgüxüchirüü.

²Rü yixema yaguâxgü ya ngexegü rü name nixi i meâma tûmamaâ quidexa cuexüchirüü. Rü ngêxgumarüü ta i paxügü rü name nixi i meâma namaâ quidexamare wüxi i cuyexüchirüü, rü tama name i chixexügu namaâ curüxinü.

³¡Tüxü rüngüxcêê ya yixema yutegüxe ega aixcüma ¡acü tüxü taxuxü!

⁴Natürü ngêxguma chi wüxi i yutecü ngixü nangêxmagu i ngixâcügü rü êxna ngîtaagü, rü name nixi i nümagü ngixü narüngüxcêêgü rü ngixna nanaxâ i ¡acü i ngixü taxuxü. Erü Tupana nanaxwêxe na ngîtanüxüra ngixna daugüxü na ngêmaâcü yangutanüxcêêgüâxüxcêx ga yema naê na nayaexêêxü.

⁵Natürü yixema yutexe ya tûxica irüxâxê rü tüxü nataxüxe i tûmatanüxü, rü Tupanaxütawaxicatama ítanangüxcêê i tûmaârü ngüxcêê rü guxüguma woo chütacü rü ngunecü rü tayumüxê na tüxü nangüxcêêxcêx ya Tupana.

⁶Natürü yixema yutexe ya tûmaârü ngüchaügüxicatama rüxinüxê, rü Tupanapêxewa rü ñoma tayuxürüü tixi.

⁷ Rū ngēma nixī i ore i tá cunangúexēxū i ngēma yaxōgūxū na nūgūna nadaugūxūcēx na taxūma i chixexū naxūgūxūcēx rū taxūema nachiga chixri idexagūxūcēx.

⁸ Erū ngēxguma chi wūxie rū tama meā nūxna tadēuxgu i tūmapatacūāxgū rū tūmaē rū tūmanatū, rū maneca tama aixcūma meā Tupanaāxū tayaxō. Rū wūxi i tama yaxōxūārū yexera chixecū tixī.

⁹ Rū ngēxguma chi wūxi i ngexū i yutexū naxcēx icaxgu na ngēma yaxōgūxū ngīxū rūngūxēēgūxūcēx rū tanaxwēxe i 60 ya taunecūarū yexera ngīxū nangēxma rū wūxitama nixī ga ngīte ga ngīxū yexmacū ga noxrix.

¹⁰ Rū tanaxwēxe i guxūma i duūxūgū ngīxū nacuēxgū na wūxi i mexū ūxcū na yīixū. Rū name i meā ngīxācūxū yaexēēcū iyixī, rū meā ngīpatawa duūxūgūxū yaxucū iyixī, rū yaxōgūxūārū ngūxēēruū iyixī, rū daaweexūārū ngūxēēruū iyixī. Rū ngēmaācū tanaxwēxe i guxūraūxū i mexū na naxūxū.

¹¹ Natūrū tama tanaxwēxe i yaxōgūxūārū puracū nixī i ngīxna na nadaugūxū i wūxi i yutecū ega tama 60 wa nanguxgu ya ngīrū taunecū. Erū wūxi i yutecū i pacū, rū ngēxguma ngīrū ngūchaū Cristuna ngīxū ixūgachixēēgu, rū tá inaxwēxe na wena naxātexū.

¹² Rū duūxūgū tá chixri ngīchiga nidexagū, erū tama aixcūma iyanguxēē ga yema Cristumaā inaxunetaxū ga noxrix.

¹³ Rū ngīma rū dūxwa ngextā iyaxāuchigūmare, rū nāi ya ī rū nagu iyarūxāūx, rū dūxwa tama ipuracūchaū. Rū tama ngēmaxīcatama ixū, natūrū dūxwa ixoregūtēex, rū iyangēxmachigū nawa i ngēma dexa i tama mexū i togūchiga, rū guxūwama nūxū iyaxu i ngēma ore i tama mexū.

¹⁴ Rū ngēmacēx chanaxwēxe i ngēma yutegūxū i paxūgū na wenaxārū naxātegūxū, rū naxāxācūgūxū, rū mexū i napataarū dauruūgū na yixīgūxū. Rū ngēmaācū i ngēma duūxūgū i ngīxchi aiexū, rū taxucūrūwa chixri ngīchiga nidexagū.

¹⁵ Cumaā nūxū chixu i nāā ore, erū nūxre i yutecū rū marū nūxū irūxoe i ore i mexū rū Chatanāwe irūxū.

¹⁶ Rū ngēxguma chi wūxi i ngecū i yaxōxcū rū ngīxū nangēxmagu i ngītanūxū i yutecū, rū name nixī i ngīxū irūngūxēē. Rū ngēmaācū tāūtāma togū i yaxōgūxūārū puracū tá nixī na ngīxna na nadaugūxū. Rū ngēxguma tá nūxū natauxcha i ngēma togū i yaxōgūxū na ngīxū nangūxēēgūxū i ngēma yutecū i aixcūma ngīxū natauxcūma i ngītanūxūgū i ngīxū rūngūxēēgūxū.

¹⁷ Rū ngēma yaxōgūxūārū āēxgacūgū i aixcūma meāma ngema yaxōgūxūmaā icuāxū, rū name nixī i ngēma yaxōgūxū aixcūma nūxū nangechaūgū rū namaā nataāēgū. Rū guxūārū yexera tanaxwēxe i nūxū nangechaūgū rū nūxū narūngūxēēgū i ngema Tupanaarū orexū ixugūxū rū nangūxēēxū.

¹⁸ Erū Tupanaarū orewa rū nānagūrū:

“Tama name i nūxna taxaū i ngēma taxūna i puracūxū”,
nānagūrū. Rū nānagūrū ta:

“Wūxi i puracūtanūxū rū tanaxwēxe i nūxū na naxūtanūxū i norū puracū”,
nānagūrū i ngēma Tupanaarū orewa.

¹⁹ Rū ngēxguma chi texē nūxū ixuxgu na chixexū naxūxū i wūxi i yaxōgūxūārū āēxgacū, rū tāūtāma tūxū icuxīnū ega natauxguma i taxre rū ēxna tomaēxpūx i togū i duūxūgū i nūxū daugūxū na aixcūma chixexū naxūxū.

²⁰ Natūrū ngēma yaxōgūxūārū āēxgacūgū i aixcūma pecadugu maxēxū, rū name nixī i guxū i yaxōgūxūpēxewa cunaxucūxē, na guxūma i ngēma togū i yaxōgūxūārū āēxgacūgū rū ta namūlēxūcēx na naxūgūāxū i tacū rū chixexū.

²¹ Rū nūxma Tupanapēxewa rū tōrū Cori ya Ngechuchu ya Cristupēxewa rū ngēma daxūcūāx i orearū ngeruūgū i Tupana nūxū ngechaūgūxūpēxewa, rū cuxū chamu na naga cuxīnūxū i nāā ore i cumaā nūxū chixuxū. Rū chanaxwēxe i ngēma cumaā nūxū chixuxūrūū meā cunaxucūxē i guxūma i ngēma yaxōgūxū rū nūētama ega woo texē tixīgu.

²² Rū ngexguma texexū quingucuchixēēchaūgu na ngema yaxōgūxūārū āēxgacū tixīxūcēx, rū taxū i cuūxāēxū na namaā cuyumūēxū i wūxi i duūxū i tama nūxū cucuāxū i norū maxū! Natūrū name nixī i noxri rū meā nagu curūxīnū i ngēma erū ngūrūāchi tá wūxi i duūxū i pecadu ūchaxū quingucuchixēē, rū cugagu tá nixī erū tama icuxuāē. rRū meā cūgūna nadau na tama pecadugu cūngūxūcēx!

²³ Rū ngēma na cūngūxūcēxū i nūxguacū, rū name nixī i irarūwa binune cuyaxaxū, rū tama i dexāxīcatama.

²⁴ Rū nangēxma i duūxūgūarū pecadugū i noxtacūma ngōxū naxūpa na Tupana nūxna caxū. Natūrū nangēxma i to i pecadugū i duūxūgūarū rū tāūtāma nangōx nūxmatāta nānēarū guxwa nanguxgu rū Tupana tūxna icagūgu.

²⁵ Rû ngêxgumarûü ta nangêxma i duüxügüarü puracügü i mexü i Tupanacêx naxügüxü i ñuxma marü nüxü idauxü. Rû nangêxma ta i puracügü i mexü i ñuxma tama nüxü idauxü natürü yixcûra tá nüxü idaugüamaxü.

6

¹ Guxâma ya yîxema yaxôgûxe rü ixâârü coriâxê, rü tanaxwêxe i tûmaârü corixü tangechaü na ngêmaâcü taxucûrûwa texê Tupanachiga rü tóru nguxêêtaechiga chixri idexaxücêx.

² Rû ngêxguma chi wüxi ya duüxê ya Tupanaâxü yaxôxê rü wüxi i cori i tûmarüü yaxôxûmaâ tacoriâxgu, rü tama tanaxwêxe i ngêma na tûmaêneê yîxücêx nüxü tarüxo na nüxü tangechaüxü i tûmaârü cori. Natürü tanaxwêxe i yexeraâcü meâ nüxü tapuracü erü tûmaârü cori i nüxü tarüngüxêxü i tûmarüü yaxôxü nixü rü tûmaêneê i Tupana nüxü ngechaüxü nixü. Pa Timutéux, chanaxwêxe i meâma cunangüxêê i ngêma ore i cumaa nüxü chixuxü, rü guxüma i yaxôgüxüpêxewa nüxü quixu.

Tupanaârü ore rü aixcûma tûxü name

³ Rû cumaa nüxü chixu rü nangêxma i duüxügü i namaâ nguxêêtaegüxü i ngêma nguxêêtae i tama namaâ wüxiguxü i tóru nguxêêtae, rü tama namaâ wüxiguxü i tóru Cori ya Ngechuchu ya Cristuarü nguxêêtae i mexü, rü tama namaâ wüxiguxü i ngêma nguxêêtae i Tupanaârü orewa ngóxü.

⁴ Rû cumaa nüxü chixu rü yîxema ngêmaâcü nguxêêtaexe rü tûgü ticuêxüü rü taxuüma tacuêx. Rû ngêmacêx ngêxürrüxümare i dexa rü naxcêx tachoxügawêxe, rü tama texêga taxîñüchaü, rü düxwa ñoma tiðaawexürrüü tixü namaâ i ngêma tûmacûma. Rû ngêmagagu rü taxâüxâchîwêxe, rü tanuxwêxe, rü togümaâ taguxchiga, rü taxüxêaxüma tayaxô.

⁵ Rû ngêmaâcü i ngêma duüxügü i chixêêgüxü, rü nügümaâ nauwêcha, rü tama nüxü nacuêxgü i ngêma ore i aixcûma ixüxü, rü nagu narüxîñüê rü Tupanaârü orewa nixü i diêru ngüxü nayauxgüxü.

⁶ Rû aixcûma nixü i Tupanaârü orewa nüxü iyarüngauxü i taxüma i mexü, natürü ngêma mexü rü tûmacêcatama nixü ya yîxema namaâ taâêgüxe i ngêma marü tûxü ngêmaxü.

⁷ Rû yîxema rü yexguma noxri ixîraegu, rü ngearü yemaxüâxêmaâ tabue i ñoma i naânewa. Rû ngêxguma iyuxgu rü taxucûrûwa tayange i tóru ngêmaxügü.

⁸ Natürü ngêxguma tûxü nangêxmagu i taxchiru rü tóru ðna rü name nixü i ngêmamaâtama tataâêgü.

⁹ Natürü ngêma duüxügü i diêruâxgüchaüxü, rü tama yaxna namaâ naxîñüê i ngêxguma ngêma diêruarü ngüchaü nüxü poragu. Rû ngêmacêx nagu nayi i muxüma i ngüchaügü i taxuwama mexü i chixêxüwa nagagüxü, rü ngêmacêx düxwa i ngêma duüxügü rü poraacü nachixe rü norü guxümaâma inayarütaxe.

¹⁰ Erü ngêma na diêrugama rüxîñüxü rü ngêma nixü i guxüma i chixexügüarü ügü. Rû nangêxma i ñuxre i duüxügü i diêrugama rüxîñüxü rü ngemacêx Tupanana nixügachi. Rû ngemaâcü nügünatama guxchaxü naxâgü rü nügüxütama ngechaü nanguxêêgü.

Tupanaâxü yaxôgüamaxüchiga

¹¹ Natürü cumax, Pa Timutéux, rü wüxi ya yatü ya Tupanaxü yaxôcü quixü. ¡Rü ngêmacêx nüxna ixügachi i guxüma i ngêma chixexü! ¡Rü meâ Tupanapêxewa namaxü, rü norü ngüchaü naxü, rü meâ nüxü yaxô, rü nüxü nangechaü i duüxügü, rü yaxna namaâ naxîñü! Rû tama name i cugü quicuêxüxü.

¹² ¡Cugü naporaxêê na meâ cuyaxôðmaxücêx rü cunaxüamaxücêx i Tupanaârü puracü ega woo tacü rü guxchaxü cuxü üpetügu! ¡Rü cugüna nadau na ngemaâcü taguma cuxna iyanaxoxücêx i ngema maxü i taguma güxü! Yerü yema maxücêx nixü ga noxri Tupana cuxü yaxuxü ga yexguma muxüma ga duüxügüpêxewa nüxü quixuxgu na ñuxâcü Ngechuchu ya Cristuaxü na cuyaxôxü.

¹³⁻¹⁴ Rû ñuxma Pa Timutéux, rü napêxewa ya Tupana ya guxâxüma maxêxêêcü, rü napêxewa ya Ngechuchu ya Cristu ga âêxgacü ga Piratumaâ nüxü ixucü ga ñuxâcü Nanatü ya Tupanaâxü na yaxôðxü, rü cuxü chamu na naga cuxîñüxü i ngêma ore i cumaa nüxü chixuxü. Rû tama chanaxwêxe i cunaxüchicüü i ngêma ore, na taxüema texê tacücêx cuxü oregüxücêx rü chixri cuchiga idexaxücêx. Rû chanaxwêxe i ngêmaâcü meâ cunaxü ñuxmatáta ñangu ya tóru Cori ya Ngechuchu ya Cristu.

¹⁵ Erü ngêma ngunexü i Tupana nagu naxwêxexügu rü tá Cristuxü nangoxêê. Erü nüxîcatama Tupana nixü, rü nüma nixü i aixcûma mecü yîxü rü guxüêtûwama nangêmaxü. Rû guxü i âêxgacügüarü Âêxgacü yîxü, rü guxü i corigüarü Cori yîxü.

¹⁶ Rû nüxîcatama nixü na taguma nayuxü. Rû nüma rü poraacü ñangóonexüwa namaxü, rü taxucûrûwa texê ngêma ngóonexüna tangaicama. Taguma wüxi i duüxü nüxü nadau, rü taxuacûma texê nüxü tadau. Nüma rü guxüguma naporaxüchi rü taguma inayarüxo na Âêxgacü yîxü. Rû ngêmacêx tanaxwêxe i guxâma nüxü ticuêxüügüêcha. Rû ngêmaâcü yîi.

¹⁷ Rū yíxema muarū dīēruáxe i ñoma i naānewa, jrū tūmamaā nūxū pixu na tama ngēmamaā tūgū ticuēxūūgūxūcēx rū tama nagu tarūxīnūēxūcēx na ngēma tūmaārū dīēruwa nūxū itayangaugūxū i tūmaārū maxū! Erū ngēma dīēru rū paxa tá nagux. Natūrū narūmemaē nixī i Tupanaga taxīnū, erū yimawa nixī i nūxū itayangaugūxū i tūmaārū maxū. Rū nūma nixī i poraācū tūxna naxāāxū i guxūma i tacū i inaxwēxexū na itaāēgūxūcēx.

¹⁸ jrū namaā nūxū i xu i ngēma muārū dīēruāxgūxū, rū name na ngēmamaā mexū naxūgūxū rū togū i duūxūgūxū nangūxēēgūxū! Rū ngēmaācū tá namu i ngema mexūgū i naxūgūxū i Tupanapēxewa. Rū tanaxwēxe i nūmagū i muārū dīēruāxgūxū rū na ínamemaregūxū na togūna naxāāxū rū namaā nangauxū i ngēma norū ngēmaxūgū.

¹⁹ Rū ngēmaācū tá nūxū nangēxma i norū mexūgū i daxūguxū i naānewa, rū tá nanayauxgū i ngēma maxū i aixcūma ixīxū.

Pauru rū Timutéuxū namu, rū yemaācū inayacuēxēē ga norū popera

²⁰ Pa Timutéux, imeā namaā nangūexēētae i guxūma i ngēma ore i cuxū chamuxū! Rū tama name na icurūxīnūxū i ñoma i naānecūāxārū dexagūmare i taxuwama mexū rū ngēma ore i doramare ixīxū i duūxūgū nūxū ixugūgūnetaxū na ore i nawa nūxū icuáxū yīxū.

²¹ Erū ñuxre i nūmagū i ngēma noxrūtama cuēxgu íxū, rū dūxwa ngēmagagu Tupanana nixīgachi. Rū chanaxwēxe i Tupana meā pexū narūngūxēē.

Rū nuāma pexna,
Pauru

NORÜ TAXRE GA POPERA GA TIMUTÉUCA_X NAXÜMATÜXÜ GA PAURU

Timutéuxü narümo_x ga Pauru

¹ Pa Timutéux, choma i Pauru nixi i cuxcèx chanaxümatüxü i ñaã popera. Rü choxü nixi ga namuxü ga Ngechuchu ya Cristu, yerü yemaäcü nanaxwèxe ga Tupana. Rü nüma choxü namu na nüxü chixuxüçèx na ñuxäcü tüxü nangèxmaxü i maxü i taguma güxü, ega aixcüma Ngechuchu ya Cristuaxü yaxöğü.

² Cuxü changechaü, Pa Chaune, Pa Timutéux. Rü chanaxwèxe ya Tanatü ya Tupana rü Ngechuchu ya Cristu ya törü Cori na cuxü nangüxèëgüxü rü nüxü cungechaütümüğüxü rü cuxü nataäxèëgüxü.

Tama name i taxäne na Cristuchigaxü ixuxü

³ Guxüguma i chütacü rü ngunecü rü cuxna chacuèxächixü i chorü yumüxèwa, rü poraäcü cuxcèx moxè Tupanana chaxä. Rü nüxü nixi i chapuracüxü i mexü i chauäemä, yexgumarüü ga nuxcümaüğüxü ga chorü oxigü naxüğüxüürüü.

⁴ Choma rü nüxna chacuèxächi na ñuxäcü poraäcü chauxcèx cungechaüxü rü chauxcèx cuxaxuxü ga yexguma cuxna ichixüxgu. Rü wenaxäru cuxü chadauxchaü na aixcüma chataäxüçèx.

⁵ Erü nüxna chacuèxächi na ñuxäcü aixcüma Tupanaäxü cuyaxöğü. Rü curü noxè ga Loïda rü cue ga Euníchia rü tüma rü woetama tüxira Tupanaäxü tayaxöğü rü nüxü chacuèx i ñuxma rü cuma rü ta aixcüma cuyaxöğü.

⁶ Rü ngèmacèx cumaä nüxü chixu na cugü cuporaxèëxü na yexeraäcü cunaxüamaxüçèx i ngèma Tupanaärü puracü ga naxcèx cuxna naxäaxü ga cuèx ga yexguma noxri cuxü chingögüäcüma cumaä chayumüxègu.

⁷ Yerü Tupana rü tama tüxna nanamu ga naäë i tüxü muüëëxü. Natürü tüxna nanamu ga Naäë i Üünexü na tüxü naporaexèëxüçèx na aixcüma duüxüğüxü ingechaüğüxüçèx rü meä yigümaä icuáxüçèx.

⁸ Rü tama chanaxwèxe na cuxänexü na nüxü quixuxü i nachiga ya törü Cori. Rü ngèxgumarüü ta tama chanaxwèxe i chauxcèx cuxäne i ngèma na chapoxcuxü naxcèx i Tupanaärü ore. Rü name nixi i yaxna namaä cuxinü i ngèma ngüxü i cuxcèx ínguxü nagagu i ngèma ore i mexü i nüxü quixuxü. Rü Tupana tá cuxü naporaxèë.

⁹⁻¹⁰ Rü Tupana tüxü namaxèëë rü tüxü nade na naxcèxicatama imaxèxüçèx. Natürü tama tacü rü mexü na ixüxügagu nixi ga yemaäcü tamaä namecümaxü ga Tupana. Natürü yemaäcü tüxü narüngüxèë yerü woetama yema nixi ga nanaxwèxexü yerü Ngechuchu ya Cristugagu tüxü nangechaü. Rü nüma ya Tupana ga tautama naäne üxgumama tüxü ngechaücü, rü yexguma ínanguxgu ga törü maxèëëruü ga Ngechuchu ya Cristu, rü yexguma nixi ga Tupana tüxü nüxü dauxèëxü na ñuxäcü poraäcü tüxü nangechaüxü. Rü nüma ga Cristu nixi ga iyanaxoxèëäxü na iyuxuchixü yerü nüma rü yuwa ínarüda rü wena namaxü. Rü norü orewa tüxü nüxü nacuèxèë na yixema rü ta tüxü nangèxmaxü i ngèma maxü i taguma güxü ega nüxü yaxöğü.

¹¹ Rü Tupana choxü ningucuchixèë na nüxü chixuxüçèx i ngèma norü ore i mexü. Rü choxü namu na ngèma oremaä chanangüexèëxüçèx i duüxüğü i guxüwama.

¹² Rü ngèmacèx nixi i poraäcü ngüxü chingexü rü chapoxcuxü i ñuxmax. Natürü tama naxcèx chaxäne i ngèma, erü choma nüxü chacuèx na texéaxü chayaxöğü. Rü nüxü chacuèx na naporaxü i nüma na nüxna nadauxüçèx i ngèma puracü i choxna naxäxü rü namaä inacüáxüçèx i chauäë i guxügutáma ñuxmatáta ngèma ngunexü i nagu wena nüma naxüxü.

¹³ Rü chanaxwèxe i meäma nagu quixü i ngèma nguxèëtae i mexü ga chauxütawa naxcèx cungüxü. Rü name nixi i meä nüxü cuyaxöðma ya Ngechuchu ya Cristu rü meä nüxü cungechaü i guxüma i duüxüğü, erü Cristuarü duüxü quixü.

¹⁴ Rü name nixi i Tupanaäë i Üünexü i tawa maxüxüärü ngüxèëmaä ícunapoxü i ngèma nguxèëtae i mexü i Tupana cuxna äxü.

¹⁵ Cuma marü nüxü cucuèx rü guxüma ga yema yaxöğüxü ga Áchiaarü naänewa ne íxü rü marü choxna naxüğü. Rü yematanüwa nayexma ga Figueru rü Ermóquene.

¹⁶ Onesíferu rü muëxpüxcüna choxü nataäxèëë, rü tama chauxcèx naxäne i ngèma na chapoxcuxü. Rü ngèmacèx chanaxwèxe i törü Coriaxü nangechaütümüğü i guxüma i natanüxüğü.

¹⁷ Rü yexguma noxritama Dumawa nanguxgu ga nümax, rü chauxcèx nadauecha rü ñuxmata choxü iyangau.

¹⁸ Cuma meâma nüxü cucuê ga ñuxacü tüxü na nangüxêêxü ga Onesíferu ga Epéchiuarü ñanewa. Rü ngêmacêx chorü yumüxêwa naxcêx íchaca na Tupanaaxü nangechaütümüxüxcêx i ngêxguma wena ñoma i naânewa naxüxgu ya tórü Cori ya Ngechuchu.

2

Ngechuchu ya Cristuarü puracütanüxü i mexüchiga

¹ Rü ñuxma, Pa Chaune, Pa Timutéux, ¡rü cugü naporaxêê namaã i ngêma pora i Ngechuchu ya Cristu cuxna äxü!

² Yema ore ga chauxütawa nüxü cuxínüxü ga yexguma muxüma ga duüxügüpêxewa nüxü chixuxgu, rü chanaxwêxe i ñuxma cuxi ngêma oremaã cunangüxêê i togü i yatügu i meã naâêxü cuêxgüxü na nüxü togüxü nangüxêêxüxcêx namaã i ngêma ore.

³ Rü tama name i naxcêx cumuü na Ngechuchu ya Cristuarü oregagu ngúxü quingexü. Natürü name i namaã cupora ñoma wüxi i mexü i norü churararüü.

⁴ Rü wüxi i duüxü i churarawa ngêmaxü, rü taxucürüwama to i puracü i tama churaraarü ixüxü narüxínü. Natürü ngêma norü äêxgacü nagu namuxü i puracügu nixi i naxínüxü na ngêmaacü norü äêxgacüxü nataâêxêxüxcêx.

⁵ Rü ngêxgumarüü ta wüxi i duüxü i wüxi i ñnucawa nügü ingucuchixêêxü, rü taxuacüma nanayaxu i norü âmare ega chixri naxínüxcêxwêxegu rü tama ngêma ñnucarü äêxgacüga naxínügu.

⁶ Rü texé ya naânewa puracüxe rü name nixi i tüxira tanayaxu i tümanetüarü o.

⁷ ¡rü guxüguma nagu rüxínü i ñaã ore i cumaã nüxü chixuxü! Rü nüma ya Cori ya Ngechuchu tá cumaã inananguxüxcêê i guxüma na nüma nanaxwêxexüácüma cunaxüxüxcêx i ngêma puracü.

⁸ ¡Rü nüxna nacüxêachi ya Ngechuchu ya Cristu ya Dabitanüxü ga guma yuwa írudacü! Rü yimachiga nixi i ngêma ore i mexü i duüxügümaã nüxü chixuxü.

⁹ Rü ngêma oregagu nixi i ngúxü na chingexü rü ñoma wüxi i máêtaxürüü núma poxcupataüwa cadenamaã chichotaxü. Natürü Tupanaarü ore i mexü, rü guxüwama nanguama rü taxucürüwama texé tayachota.

¹⁰ Rü ngêmacêx yaxna namaã chaxínü i ngêma ngúxü i chingexü naxcêx i ngêma duüxügü i Tupana dexü. Erü chanaxwêxe i nümagü rü ta Ngechuchu ya Cristuaxü nayaxögü, rü ngêmaacü na nayaxgüâxüxcêx i maxü i mexü i taguma gúxü.

¹¹ Rü pemaã nüxü chixuxchaü i wüxi i ore i aixcüma ixüxü. Rü ngêxguma Cristu yuxürüü norü orecêx iyuegu, rü naxrüü tá ta wena tamaxê na nüma ínangêxmaxüwa íngêxmagüxüxcêx.

¹² Rü ngêxguma ñoma i naânewa yaxna namaã íxínüêgu ega ngúxü íngexgu, rü daxügüxü i naânewa rü wüxigu namaã äêxgacü tá tixígü. Rü ngêxguma tama Cristuxü ícuáxchaügu i ñoma i naânewa, rü nüma rü táütáma tüxü nacüáxchaü i daxügüxü i naânewa.

¹³ Natürü woo ñuxguacü i yixema rü tama aixcüma naxüxgu i ngêma Tupanamaã íxunetaxü, natürü nüma ya Tupana rü guxüguma nayanguxêê i ngêma tamaã ínaxunetaxü, erü taxuacüma nügütama nawomüxêê.

Wüxi i mexü i puracütanüxü i Tupana namaã taâêxüchiga

¹⁴ Rü ngêma yaxögüxü i cuxütawa ngêxmagüxü, rü name nixi i Tupanaegagu nüxna nüxü cucuêxchixêê na tama nuxcümaüxüxü i ore i taxuwama mexüxcêx nügümaã na yaporagatanücüxüxcêx. Erü ngêma rü wüxi i chixexü nixi, rü nanachixêêxêê i ngêma duüxügü i nüxü ñnêxü.

¹⁵ ¡Rü cugü naporaxêê na meã cunaxüxü i Tupanaarü puracü na cumaã nataâêxüxcêx i ngêxguma napêxewa cunguxgux rü ngemaacü taxucêxma cuxânêxüxcêx i ngêxguma nüma cuxna nacaxgu naxcêx i curü puracüchiga! ¡Rü ngêmacêx name i aixcüma meã namaã cungüxêêtae i ngêma ore i mexü i aixcüma íxüxü!

¹⁶ ¡Rü nüxü rüxo i ñoma i naânecüâxârü dexagümare i taxuwama mexü! Erü ngêma duüxügü i ngêma dexagümaregu íxü, rü guxüguma yexeraacü chixexügu nayi.

¹⁷ Rü ngêma norü nguxêêtae i ngêma duüxügü, rü ñoma wüxi i ñaaweane i tüxü íyimachixêêxürüü nixi. Rü yema nixi ga nüxü ngupetüxü ga ímenê rü Firetu.

¹⁸ Yerü nidoragümare ga nüxü na yaxugüxü rü marü na nangupetüxü i yuetaarü dachiga. Rü yemaacü nanawomüxêêgü ga ñuxre ga duüxügü na tama noxrirüü yaxögüâxüxcêx i Tupanaarü ore.

¹⁹ Natürü Tupanaarü ore rü taguma inayarüxo rü taguma naxüchicüü. Rü ngêma norü orewa rü ñnagürü:

“Tórü Cori ya Tupana nüxü nacüx i texé tixi ya norü duüxügü íxügüxe. Rü guxüma ya yixema nüxü íxuxe na Ngechuchu ya Cristu rü tümaarü Cori yüxü, rü name nixi i nüxna tixígachi i guxüma i chixexü”,

ñanagürü i ngêma norü orewa.

²⁰ Wüxi i duñxü i dïeruñxüchixü rü napatawa nangêxma i poratu i uirunaxcêx rü dïerumünaxcêx. Rû nangêxma ta i poratu i nañnaxcêx rü waixümunaxcêx. Rû ngêma poratu i uirunaxcêx rü dïerumünaxcêx rü mexü i norü ðnacêx nixî. Natürü ngêma poratu i nañnaxcêx rü waixümunaxcêx rü guxchirechixü nixî.

²¹ Rû ngêxguma wüxi i yaxõxü naxwêxegu na aixcüma mexü i Tupanaârü puracütanüxü na yïixü, rü name nixî i nüxna nixügachi i guxüma i chixexü. Rû ngêxguma tá nixî i Tupanapêxewa aixcüma naxüünexü na naxüäxüçêx i nagüxütraixü i puracü i Tupana namaã nüxü ixuxü.

²² ¡Nüxü rüxo i guxüma i ngêma chixexü i ngextüxüçügü nagu rüxinüexü! ¡Rû meã Tupanapêxewa namaxü rü aixcüma nüxü yaxõ! ¡Rû nüxü nangechaü i guxüma i duñxügü, rü táxü i namaã cunuxü! ¡Rû ngêmaäcü namaxü wüxigu namaã i guxüma i ngêma duñxügü i aixcüma Tupanacêx maxêxü rü ngemaäcü yumüxêgüxü!.

²³ Rû tama name i naxcêx icurüxnü i ngêma dexagü i taxuwama mexü. Erü ngêma dexagügagu rü düxwa nügüchi naxaie i duñxügü.

²⁴ Rû wüxi i Tupanaârü puracütanüxü rü tama name na texemaã núcêx nadauxü. Rû narümemae nixî na guxâma namecümaxü.. Rû nanaxwêxe i yaxna namaã naxîñüäcüma meã duñxügüxü nangüexêê i Tupanaârü ore.

²⁵⁻²⁶ Rû wüxi i Tupanaârü puracütanüxü rü name na yaxna namaã naxîñüäcüma meã nayaxucüxêgüäxü i ngêma duñxügü i tama irüxinüêchaüxü. Rû name i ngêmaäcü ñnanangüxêê na Tupana nüxü rüñgüxêêxü i ngêma duñxügü na nüxü naxoexüçêx i norü chixexü rü nüxü nacüxêgüxüçêx i ngêma ore i aixcüma ixixü. Erü Tupana nanaxwêxe na naxüäêgüxü i ngêma duñxügü rü nawa ñnangüxüxü i ngêma chixexü i ngoxo i Chataná nagu nayixêêxü na noxrütama ngüchaü namaã naxüxüçêx.

3

Nuxäcü tá nixî i duñxügücüma i ngêxguma nagüxüchaügu i naâne

¹ Rû chanaxwêxe i nüxü cucüx rü ngêxguma nagüxüchaügu i naâne rü tá nangêxma i äñcümaxügü rü guxchaxügü naxcêx i duñxügü.

² Rû duñxügü rü tá nügügüxicatama narüxinüê, rü norü dïerugama tá narüxinüê. Rû tá nügü nicüexüxügü, rü ngêmaäcü täütama nüxü nacüxêgüchaü i togü i duñxügü i tama naxrüü taarü dïeruñxüxü. Rû chixri Tupanachiga tá nidexagü, rü täütama nanatüga rü naêga naxîñüêchaü. Rû täütama moxê inaxâ i ngêxguma Tupana nüxü rüñgüxêêgu, rü ngêmaäcü täütama nüxü nacüxêgüchaü i Tupanaârü ore.

³ Rû täütama nagu narüxinüê i togü i duñxügüxü na nangechaüxüxü, rü täütama nüxü nangechaütümügü. Rû tá naxoregütêêxü, rü täütama nügü naporaexêê na yaxna namaã naxîñüxüçêx i naxüñeârü ngüchaügu. Rû tá nichixecüma, rü tá naxchi naxaie i guxüma i ngema mexü.

⁴ Rû duñxügüechitawêxêgüxü tá nixîgü, rü nuêwêxexü tá nixîgü, rü nügü icüexüxügüxü tá nixîgü. Rû tá norü ngüchaüçêxama nadaugü, rü täütama Tupanaxü nacüxêgüchaü.

⁵ Rû tá nügü nayaxögüxüchinetaxêê natürü ngêma norü chixexü i naxügüxüwa tá nangoxoma na tama aixcüma yaxögüäxü i ngêma i mexü. Rû ngêma duñxügü i ngêmaäcü maxêxü, rü tama name na namaã cuxâmücüxü rü natanügu cuxâxü.

⁶⁻⁷ Erü ngêma duñxügütanüwa nangêxmagü i nümaxü i Ípatagu ichocuetanüxü. Rû norü ngüxêêtaemaã nayawomüxêêgü i ngêma ngexügü i ngema ngêxmagüxü i tama naãêxü icuäxü rü chixri maxêxü. Rû ngêma ngexügü, rü norü ngüchaügütama chixexüwa nana-gagü, rü ngêmacêx wo guxüguma nangüê natürü taguma aixcüma nüxü nacüxêgü i ngêma ore i aixcüma ixixü.

⁸ Rû ngêma duñxügü i chixexümaã ngüxêêtaegüxü, rü chixexügüxicatama narüxinüê, rü tama aixcüma nayaxögü i Tupanaârü ore. Rû naxchi naxaie i ngêma ore i aixcüma ixixü, naxrüü ga yema yuñxügü ga Yane rü Yáübre ga tama Moïchéga ññüêchaüxü.

⁹ Natürü täütama muxü i duñxügü nüxü nayaxögü. Erü guxüwama i duñxügü rü tá nüxü nicüxêächitanü na wüxi i duñxügü i chixexügu rüxinüexü rü ngeãemarexü yixîgüxü naxrüxü ga yema taxre ga tama Moïchéga ññüêchaüxü.

Ucuxêmaã ñnacyêxêê ga Pauru na Timutéumaã yadexaxü

¹⁰⁻¹¹ Natürü cumax, Pa Timutéux, marü nüxü cucüx ga ññüxü meã na chanangüxêêxü ga duñxügü, rü ññüxü meã chamaxüxü, rü ññüxü nagu charüxinüxü rü meã chayaxõxü, rü ññüxü yaxna namaã chaxîñüxü ga duñxügü rü nüxü changechaüxü. Rû cuma nüxü cucüx ga ññüxü na chaugü chaporaxêêxü na yaxna namaã chaxîñüxü i guxchaxügü. Yerü ga duñxügü rü chowe ningexütanü na choxü yamêxgüxüçêx. Rû cuma rü nüxü cucüx ga ññüxü choxü na úpetüxü ga Añtioquáwa rü Içünüwa rü Listrawa, rü ññüxü chowe na

yangexütanüxü rü poraäcü ngüxü chingexü. Natürü törü Cori ya Tupana choxü ínapoxü na tama choxü yamëxgüxcëx.

¹² Rü aixcüma cumaä nüxü chixu rü guxäma ya yixema naxwëxegüe na Ngechuchu ya Cristucëx tamaxëxü, rü togü tá tümachi naxaie rü chixri tá tümamaä nachopetü.

¹³ Natürü ngëma duüxügü i chixecümagüxü rü ngëma duüxügü i idoratëëxgüxü rü yexeraxü i chixexügu tá nayi. Erü Chataná marü nayawomüxëëgü, rü ngëmacëx nüxü togüxü nawomüxëëgü.

¹⁴ Natürü i cuma rü name nixü i guxüguma meä nagu quixü i guxüma i ngëma ore i marü cungüxü. Erü cumatama rü nüxü cucuëx na aixcüma yüxü i ngëma ore, rü nüxü cucuëx na texégü tixügüxü ga guxema namaä cuxü nguxëëgüxe.

¹⁵ Rü cuma nüxü cucuëx rü cubuxgumamatama nawa cungux i ngëma Tupanaärü ore i üünexü. Rü ngëmawa cunayaxu i cuëx na nüxü cucuäxüxcëx i ñuxäcü tüxü na nangëxmaxü i maxü i taguma güxü ega Ngechuchu ya Cristuaxü yaxöögü.

¹⁶ Rü guxüma i Tupanaärü ore i ümatüxü rü nügüäëwatama nanayaxu ga Tupana. Rü ngëma ore rü name na duüxügüxü namaä ingüexëëxü, rü namaä yaxucuxëgüxü rü namaä iyanawëxächixëëgüxü, rü namaä nangüexëëxü na meä Tupanapëxewa namaxëxüxcëx.

¹⁷ Rü ngëmaäcü i ngëma ore rü tüxü narüngüxëë ya yixema Tupanaärü ixixë, na meä nüxü tacuäxüxcëx i ngëma Tupana naxwëxexü rü ítamemarexü na tanaxüxü i nagüxüraüxü i puracü i Tupana tümamaä nüxü ixuxü.

4

¹⁻² Rü nüma ya Ngechuchu ya Cristu ya núma tá ücü na nüxü yacagüxüxcëx i ngëma duüxügü i maxëxü rü ngëma marü yuechirëxü, rü yimapëxewa rü Tupanapëxewa cuxü chamu na nüxü quixuxüxcëx i ngëma ore i mexü. Rü ngëxguma cuxü yatauxchaächigu rü woo cuxü naguxchagu, rü chanaxwëxe i nüxü quixuama i ngëma ore. Rü ngëmaäcü chanaxwëxe na icuyanawëxächixëëgüxü rü meä cuyaxucuxëgüxü rü nüxü cunangüchaüxëëxü i duüxügü. Rü name nixü i yaxna namaä cuxüñüäcüma meä cunangüexëë.

³ Erü yixcüra i duüxügü rü täütäma nüxü naxüñüëchaü i ngëma nguxëëtae i mexü. Erü ngëma duüxügü rü nichixëcüma. Rü ngëmacëx naxcëx nadaugü i norü ngüexëëruügü i nüma nanaxwëxegüxüäcüma nangüexëëxü.

⁴ Rü täütäma nüxü naxüñüëchaü i Tupanaärü ore i aixcüma ixixü. Erü ngëma ore i doramare ixixüguama tá narüxüñüë.

⁵ ¡Natürü cuma rü meä cügüna nadau, rü ínaxuäë, rü namaä napora ega ngüxü cuxü üpetügu! ¡Rü nüxü ixuama i ore i mexü i tüxü maxëxëëxü, rü meä yanguxëë i ngëma puracü i Tupana cuxna äxü!

⁶ Täütäma muxü i ngunexü ñoma i naänewa changëxma erü marü choxü ningaica na Tupanaärü puracü chaxüxügagu chayuxü rü choxü na yamëxgüxü i duüxügü.

⁷ Rü choma rü marü chayangxëë i ngema puracü i Tupana choxna äxü. Rü ñuxma na nagüxü i ngema puracü rü taguma nüxü charüxo na chayaxöxü.

⁸ Rü ñuxma rü marü Tupana choxü namaä nanguxü i ngëma ämare i mexëchixü ya törü Cori ya Ngechuchu ya äëxgacü ya mecü tá choxna äxü i ngëxguma wenaxärü ñoma i naänewa naxüxgu. Rü täütäma chaxica choxna nanaxä i ngëma ämare, natürü tá tüxna nanaxä ya guxäma ya yixema tümäärü ngüchaümaä ínanguxëëgüxe na wenaxärü núma naxüxü.

Timutéuxü naxucuxë ga Pauru

⁹ Cumaä nüxü chixu rü chanaxwëxe i paxa nuä cuxü, rü choxü ícuyadau.

¹⁰ Dema rü ñoma i naäneärü ngëmaxügu naxüñüxügagu choxna nixü rü ñäne ga Techarónicawa naxü. Rü Crechéüte rü Gárataneawa naxü, rü Titu i Darumáchianewa.

¹¹ Rü Lucaxicatama nixü i ñuxma chauxütawa ngëxmaxü. Rü chanaxwëxe i naxcëx cudau i Marcu na nuä cunagaxüxcëx. Erü nüma rü chauxcëx name na choxü na nangüxëëxü i ñäa puracüwa.

¹² Rü Tiquicu rü ñäne ya Epëchiuwa chanamu.

¹³ ¡Ngëxguma nuä cuxüxgu rü nuä nange i chorü gáuxüchiru ga ñäne i Tróawa ngëxmaxü ga Carpuatawa chatáxü! Rü chanaxwëxe i nuä cunana i chorü poperagü. Rü guxüärü yexera chanaxwëxe na nua cunanaxü i chorü poperagü i idixgüpütaxü.

¹⁴ Areyáüdrü i cobrenaxcëx i buetarearü üwa puracüxü rü poraäcü chixri chomaä naxüpetü. Natürü Tupana nüxü nacuëx i ñuxäcü tá na napoxcuäxü naxcëx ga yema chixexü ga chomaä naxüxü.

¹⁵ ¡Meä cügüna nadau na tama chixexü cumaä naxüxüxcëx! Erü poraäcüxüchima naxchi naxai i Tupanaärü ore i mexü.

¹⁶ Yexguma noxrixüchima ãëxgacügüpëxewa chaugüétüwa chideaxgu rü taxüema choxü tarüngüxëë. Guxüma choxna nibuxmü. Natürü tama chanaxwëxe ya Tupana rü nagu narüxinü i ngëma.

¹⁷ Natürü tórü Cori choxü naporaxëë rü choxü narüngüxëë na choxü natauxchaxüçëx na nüxü chixuxüçëx ga norü ore i mexü i tüxü maxëxëëxü. Rü yemaãcü guxüma ga yema duüxügü ga tama yaxögüxü ga yéma yexmagüxü rü nüxü naxínüë ga yema ore. Rü yemaãcü tórü Cori ya Ngechuchu choxü ínanguxuchixëë ga yexguma taxü ga ãücümaxüwa chayexmagu.

¹⁸ Rü nüma ya tórü Cori tá choxü ínanguxuchixëë nawa i guxüma i chixexügü. Rü tá choxna nadau na ngextá ãëxgacü íyüxüwa choxü nagaxüçëx. Rü name i guxüguma nüxü ticuëxügü. Rü ngëmaãcü yíí.

Pauru rü wenaxärü Timutéuxü narümoxë rü naxçëx ínaca na Cori ya Ngechuchu ya Cristu nüxü rüngüxëëxü

¹⁹ Chanaxwëxe i chauégagu nüxü curümoxë i Prisila, rü Aquiru, rü Onechéperutanüxügü.

²⁰ Eratu rü íäne i Corítiugu narüxäüx. Rü Turuquínu rü íqaawexüma íäne i Miretuwa chanatëx.

²¹ Rü naxüpa i gáuanexü rü chanaxwëxe i nuã cuxü. Rü cuxü narümoxëgü i Eubúru, rü Prudëte, rü Línu, rü Cáudia, rü guxüma i taeneëgü i yaxögüxü.

²² Rü chanaxwëxe i tórü Cori ya Ngechuchu ya Cristu cumaã nangëxma, rü Tupana pexü narüngüxëë ya guxãma i pemax.

Rü nuãma pexna,
Pauru

POPERA GA TITUCAᖅ NAXŪMATŪXŪ GA PAURU

Tituxŭ narūmoxē ga Pauru

¹⁻² Pa Titux, choma i Pauru i Tupanaārū puracūtanūxŭ nixī i cuxcèx chanaxūmatūxŭ i ñāā popera. Rū Ngechuchu ya Cristu nixī ga choxŭ mucū na ngēma duŭxŭgŭ i Tupana dexŭmaā nūxŭ chixuxŭcèx i norū ore na Tupanaāxŭ yaxōgŭāxŭcèx rŭ nūxŭ nacuèxgŭxŭcèx i ngēma norū ore i aixcūma ixīxŭ i tūxŭ rŭngŭxēèxŭ na naxcèx imaxèxŭcèx. Rŭ ngēmaācū Tupanaāxŭ tayaxōgŭ rŭ naxcèx tamaxēchaŭ erū tanayauxgŭchaŭ i ngēma maxŭ i taguma gŭxŭ. Rŭ ngēma maxŭ i taguma gŭxŭ nixī ga nuxcūmaxŭchima ga yexguma tauta naāne ūxgu Tupana ya taguma idoracū nūxŭ ixuxŭ.

³ Rŭ ñuxma rŭ marū nawa nangu na Tupana tūxŭ nūxŭ cuèxēèxŭ i ngēma norū ore i mexŭ i tūxŭ maxèxēèxŭ. Rŭ ngēmacèx nūmatama ya Tupana ya tōrū maxèxēèruŭ choxŭ namu na nūxŭ chixuxŭcèx i ngēma norū ore.

⁴ Pa Titux, cuma rŭ chaune quixī i Tupanaārū orewa yerū chauxŭtawā cunayaxu ga Tupanaārū ore ga noxri rŭ ñuxma rŭ chauxrŭŭ cuyaxō. Rŭ chanaxwèxe i cuxŭ narŭngŭxēègŭ rŭ cuxŭ nataāèxēègŭ ya Tanatŭ ya Tupana rŭ Ngechuchu ya Cristu ya tōrū maxèxēèruŭ.

Tituarū puracū ga yexguma Crétawa nayexmagu

⁵ Rŭ yexguma Crétaarū capaxŭgu cuxŭ chamŭxgux, rŭ cumaā nūxŭ chixu na yema yaxōgŭxŭtanūwa cunaxŭxŭ ga yema puracū ga tama chinguxēèxŭ ga yexguma cuxna yēma chataegugu. Rŭ yemacèx cumaā nūxŭ chixu na wŭxichigŭ ya ŭānewa rŭ nūxŭ cuxunetaxŭ i tupaucaarū āèxgacŭgŭ na ngema yaxōgŭxŭmaā inacuèxgŭxŭcèx, yema cuxŭ chamuxŭrŭŭ.

⁶ Rŭ wŭxi i āèxgacŭ i yaxōgŭxŭārū, rŭ name i meā namaxŭ na taxŭema chixri nachiga idexagŭxŭcèx. Rŭ name i wŭxitama tixī ya namèx. Rŭ naxācŭgŭ rŭ name na yaxōgŭāxŭ rŭ meā namaxèxŭ na taxŭema nūxŭ ixuxŭcèx na chixri namaxèxŭ rŭ tama nanatŭga naxŭnŭèxŭ.

⁷ Erū yŭxema yaxōgŭxŭārū āèxgacŭ ixīxè, rŭ Tupanaārū puracū nixī i taxŭxŭ. Rŭ ngēmacèx tanaxwèxe i aixcūma meā tamaxŭ. Rŭ tama name i wŭxi i yatŭ i chixecūmaxŭ tixī rŭ chixexŭgu rŭxŭnŭxŭ tixī. Rŭ tama name na tangāxŭxŭ, rŭ nucèx tadauxŭ, rŭ togŭ i duŭxŭgŭxŭ tawomŭxēèxŭ norū dŭerucèx.

⁸ Natŭrŭ narŭmemae na guxŭguma meā duŭxŭgŭxŭ tayaxuxŭ i tŭmapatawa, rŭ aixcūma nūxŭ tangechaŭ i ngēma duŭxŭgŭ i meā maxèxŭ. Rŭ tanaxwèxe i wŭxi i yatŭ i aixcūma tŭmaāèxŭ cuāxe tixī, rŭ guxŭguma duŭxŭgŭmaā mecūmaxè tixī, rŭ aixcūma Tupanacèx maxŭxè tixī, rŭ guxŭguma meā tŭgŭmaā icuāxe tixī.

⁹ Rŭ yŭxema yaxōgŭxŭārū āèxgacŭ ixīxè rŭ name i nagu tixŭ i ngēma ore i aixcūma ixīxŭ ga tŭmamaā nūxŭ ixuxŭ na tŭma rŭ ta togŭxŭ tangŭexèèxŭcèx i ngēma ore i mexŭ, na ngēmaācū nūxŭ tanangŭchaŭxŭcèx rŭ nūxŭ tayaxōgŭxŭcèx i ngēma duŭxŭgŭ i noxri tama yaxōgŭchaŭxŭ.

¹⁰ Erū nangèxma i muxŭma i yaxōgŭchirèxŭ i tama aixcūma irŭxŭnŭèchaŭxŭ. Rŭ ngēma guxŭārū yexera tama irŭxŭnŭèchaŭxŭ nixī i ngēma Yudiŭgŭ i yaxōgŭchirèxŭ i ñuxma naxwèxegŭxŭ na nuxcūmaŭgŭxŭ i nacūmawe naxŭxŭ i ngēma yaxōgŭxŭ. Rŭ nŭmagŭ rŭ ore i taxuwama mexŭxŭ nixugŭgŭ, rŭ ngēmaācū duŭxŭgŭxŭ nawomŭxēègŭ.

¹¹ Natŭrŭ ngēma duŭxŭgŭ i ngēmaācū chixri ngxètaegŭxŭ, rŭ chanaxwèxe i noxtacūma ŭcuyanangeèxgŭxŭ. Erū muxŭma i duŭxŭgŭxŭ nachixexèègŭ rŭ ñuxmata ñuxre ya ŭpatawachigŭ rŭ nanachixexèè i guxŭma i duŭxŭgŭ na tama aixcūma Tupanaāxŭ yaxōgŭāxŭcèx. Rŭ ngēma ore i taxuwama mexŭmaā duŭxŭgŭxŭ nangŭxèè na ngēmaācū tūxŭ nawomŭxēègŭācūma ngŭxŭ nayauxgŭxŭcèx i dŭeru.

¹² Rŭ wŭxi ga yematama capaxŭcŭāx ga norū tupanaārū orearŭ uruŭ nixī ga natanŭxŭgŭxŭtama ixuxŭ rŭ ñaxŭ:

“Rŭ ñāā Cretacŭāx i duŭxŭgŭ rŭ guxŭguma doratèèxgŭxŭ nixŭgŭ, rŭ ñoma naèxŭgŭrŭŭ nidŭrae, rŭ nitaanŭ, rŭ nixoxochi”, ñaxŭ.

¹³⁻¹⁴ Rŭ aixcūma nixī ga yema ore ga nūxŭ yaxuxŭ ga yema yatŭ. Rŭ ngēmacèx chanaxwèxe i poraācū cuyaxucŭxègŭ i ngēma yaxōgŭxŭ na aixcūma meā yaxōgŭāxŭcèx, rŭ tama nagu naxŭxŭcèx i ngēma Yudiŭgŭcūma. Rŭ chanaxwèxe i namaā nūxŭ quixu na tama naga naxŭnŭèxŭcèx ega ŭacŭ namuāxgu i ngēma duŭxŭgŭ i tama nūxŭ cuèxgŭchaŭxŭ i ore i aixcūma ixīxŭ.

¹⁵ Rŭ yŭxema aixcūma Tupanapèxewa mexè rŭ guxŭwama tame. Natŭrŭ yŭxema tama aixcūma Tupanapèxewa mexè, rŭ taxucŭrŭwa ŭacŭ rŭ nacūma i nagu tixŭxŭmaā tŭgŭ

tamexêê. Rû woo tûmaãêwa nagu tarûxînúxûwa rû tachixe erû ngêma nacûma i nagu tixûûmaã Tupanapêxewa tûgû tamexêêchaû.

¹⁶ Rû ngêma duûxûgû i ngêmagu rûxînúêxû rû nûgû yaxugûgûgu rû Tupanaxû nacuèx, natûrû ngêma nûmagû naxûgûxûwa nûxû tacuèx na tama aixcûma yîixû na Tupanaxû nacuèxgûxû. Rû nûmagû rû Tupanapêxewa nichixe, rû tama naga naxînúê, rû taxuwama nime na ãacu rû mexû naxûgûxû.

2

Nguxêêtae i aixcûma mexû

¹ Natûrû i cuma, Pa Titux, rû name i guxûgutáma ngêma mexû i nguxêêtaemaã cunangûxêê rû taguma nûxna quixûgachi.

² ¡Rû meã yaxucuxêgû i ngêma yatûgû i yaguãxgû na aixcûma meã naãêxû nacuaãcûma namaxêxûcêx, rû taguma nadauxcûraxûwêxegûxûcêx, rû guxûguma meã nagu na naxînúêxûcêx! ¡Rû nangûxêê na aixcûma meã Tupanaãxû yaxôgûãxûcêx, rû guxû i duûxûgûxû nangechaûgûxûcêx, rû yaxna namaã naxînúêxûcêx ega woo ãacu rû guxchaxû nûxû ûpetûgux!

³ Rû ngêxgumarûû ta chanaxwêxe i meã cuyaxucuxêgû i ngêma ngexûgû i yaguãxgû na meã Tupanapêxewa namaxêxûcêx. Rû tama name na yaxoregûtêêxgûxû, rû nangãxêwêxegûxû. Rû name nixî i guxû i duûxûgûpêxewa rû meã namaxê.

⁴⁻⁵ Rû ngêma ngexûgû i yaguãxgû rû name nixî i meã na nangûxêêãxû i ngêma ngexûgû i paxûgû na aixcûma natexû rû naxâcûgûxû nangechaûgûxûcêx, rû meã naãêxû nacuèxgûxûcêx, rû mexûguxicatama na naxînúêxûcêx, rû meã napatana nadaugûxûcêx, rû guxû i duûxûgûmaã namecûmagûxûcêx, rû aixcûma natega naxînúêxûcêx na taxúema chixri Tupanaãrû orechiga idexagûxûcêx.

⁶ ¡Rû ngêxgumarûû ta meãma yaxucuxêgû i ngêma ngextûxûcûgû na aixcûma meã naãêxû nacuaãcûma namaxêxûcêx rû tama nadauxcûraxûwêxegûxûcêx!

⁷ ¡Rû cumatama rû name nixî i meã napêxewa cumaxû i guxûwama na ngêmaãcû wûxi i norû cuèxruû i mexû quîixûcêx! Rû ngêxguma cunangûxêêgu, rû cunaxwêxe i mexûgu curûxînúêcûma cunangûxêê rû tama înúcaãcûma namaã nûxû quixu i ngêma ore.

⁸ Rû ngêxguma ngêmaãcû meã cunangûxêêgu i ngêma ore i mexû, rû taxûetáma texê chixri nachiga tidexa. Rû ngêmaãcû ya yîxema chixri tachiga idexagûchaûxê rû tá taxãneê erû taxucûrûwa ãacu rû chixexûxû tixugû i tachiga.

⁹ ¡Rû meãma yaxucuxêgû i ngêma duûxûgû i coriãxgûxû! ¡Rû namaã nûxû ixu na guxûguma meã norû coriga naxînúêxûcêx, rû norû corimaã namecûmagûxûcêx, rû taguma norû corixû nachoxûgagûxûcêx!

¹⁰ Rû tama name i norû coriaxû nangîxgû, natûrû nanaxwêxe i aixcûma meãma norû corimaã namaxê rû taguma nanawomûxêêgû. Rû ngêxguma ngêmaãcû namaxêgu, rû guxûma i togû i duûxûgû tá nûxû nadaugû na ñuxãcû aixcûma namexêchixû i ngêma ore i duûxûgûxû namaã ingûxêêxû nachiga ya Tupana ya tórû maxêêêruû.

¹¹ Tupana rû poraãcûxûchima tamaã namecûma, rû yemacêx nûma nanamu ga Nane na guxûma i duûxûgûaxû nangêmaxûcêx i maxû i taguma gûxû ega nûxû yaxôgûãgu.

¹² Rû ngêma na Tupana tamaã mecûmaxûwa nûxû tacuèx na namexû na nûxû rûxoexû i ñoma i naãnecûãxârû ngûchaûgû rû guxûma i to i chixexûgû i napêxewa ixûxû. Rû ngêma Tupana taxcêx ûxû tûxû nanguxêê na meã yigûmaã icuèxgûãcûma togû i duûxûgûpêxewa rû Tupanapêxewa meã imaxêxû i ñoma i naãnewa.

¹³ Rû tûxû nanguxêê ta na guxûguma meã înanguxêêgûxûcêx na nataeguxû ya Ngechuchu ya Cristu ya tórû maxêêêruû ya tórû Tupana ya tacû ixîcû. Erû Tanatû ya Tupana rû tamaã inaxuneta na wena tá nataeguxû ya Ngechuchu, rû wûxi i taãê tá nixî i ngêxguma înanguxgu.

¹⁴ Rû nûma ga Ngechuchu rû taxcêx nayu na tûxû înanguxûxêêxûcêx nawa i guxûma i chixexû, rû tûxû yamexêêgûxûcêx na aixcûma norû duûxûgû i mexû ixîgûxûcêx rû aixcûma naxcêx idaugûxûcêx na guxûguma mexû ixûgûxûcêx.

¹⁵ Rû ngêma ore tá nixî i duûxûgûxû namaã cunangûxêêxû rû nûxû cunangûchaûxêêxû na Tupanacêx namaxêxûcêx. Rû ngêma oremaã tá aixcûma cuyaxucuxêgû i duûxûgû erû Tupanatama nixî ya cuxû mucû na ngêmaãcû cunaxûxû. Rû tama name na texê cuxû oxû.

3

Ñuxãcû name na namaxêxû i ngêma yaxôgûxû

¹ Rû ngêma yaxôgûxû i duûxûgû, ¡rû namaã nûxû ixu na nachixûlaneanrû ãêxgacûgûga naxînúêxû rû guxûma i ngema togû i ãêxgacûgûga naxînúêxûcêx! ¡Rû yaxucuxêgû na înamemaregûxûcêx na naxûgûãxûcêx i guxûma i mexû i puracûgû i ãêxgacûgû unagûxû!

² Rū tama name i texéchiga chixri nidexagü rü texémaã nanuë. Natürü name nixi i guxü i duüxügümaã namecümagü rü aixcüma guxü i duüxügüxü nangechaügü rü tama nügü nicuëxüxügü.

³ Rū name nixi i yaxna namaã taxĩnũe i ngẽma tama yaxögüxü, yerü yixema rü ta ga ũpa rü chixri tamaxë, rü tama Tupanaga taxĩnũe. Rū itayarũtauxe rü tórü ngúchaü tüxü napora. Rū chixexügu rüxĩnũeãcüma tamaxë rü taxãuxãchiwëxegü. Rū naxchi taxaie ga togü, rü nũma rü ta taxchi naxaie.

⁴ Natürü yexguma Tupana ya tórü maxëxëeruü tüxü nüxü dauxëëgu i norü ngechaxü naxcëx i guxüma i duüxügü, rü nũma rü tüxü namaxëxëë.

⁵ Rū yema na tüxü namaxëxëëxü rü tama ñacü rü mexü na ixügüxügü nixi, natürü tüxü namaxëxëë yerü nüxü tangechaütümüügü. Rū Naãe i Ũñexü i tüxü ngexwacaxüxëëxüãrũ poramaã Tupana tüxü inayanaxoxëë ga tórü pecadu na ngexwacaxüxü i duüxügü ixügüxücëx.

⁶ Rū Ngechuchu ya Cristu ya tórü Maxëxëeruügü nixi ga Tupana ga guxüma ga norü ngúchaümaã tüxna namuãxü ga Naãe i Ũñexü.

⁷ Rū yemaãcü tamaã namecüma rü tüxü narüngüxëë ga Tupana na aixcüma imexücëx i napëxewa, rü na nayauxgüxücëx i ngẽma írünguxëëgüxü i maxü i taguma güxü.

⁸ Rū guxüma i ngẽma marü cumaã nüxü chixuxü rü aixcüma nixi. Rū ngẽmacëx chanaxwëxe i guxügüma nüxü quixu i ngẽma ore na aixcüma mexü naxügüxücëx i ngẽma duüxügü i Tupanaãxü yaxögüxü. Erü ngẽma ore rü guxüwama name i guxãcëx.

⁹ ¡Natürü nüxna ixügachi i ngẽma dexagü i taxuwama mexü i duüxügü nawa nügü choxügüxü rü ngẽma oregü i nuxcümaügüxü i duüxügüchigamare ixügüxü! ¡Rü nüxna ixügachi i ngẽma nügü ngaexü! ¡Rü tama name na natanügu cuxãxü i ngẽma duüxügü i nügümaã nüxü rünuëtanücüxü nachiga i ngẽma mugü ga Moíché ũmatüxü! Erü guxüma i ngẽma na nüxü rünuëtanücüxü rü taxuwama name, rü natüçëxmamare nixi.

¹⁰ Rū ngëxguma chi wüxie i petanüwa rü chixexü i nguxëëtaemaã ngẽma yaxögüxüxü titoyegu, rü name nixi i tũmamaã nüxü quixu na tama ngexü tawagüxücëx. Rū ngëxguma tanaxüamagu, rü name nixi na wena tũmamaã nüxü quixuxü. Rū ngëxguma tama cuga taxĩnũchaügu rü tanaxüamagu i ngẽma chixexü rü name nixi i noxtacüma tüxü ícumuxüchi natanüwa i ngẽma yaxögüxü.

¹¹ Erü ngẽma chixri na tamaxüxüwa rü tá nangox na tachixëãxü ya yixema duüxë rü tũmaãrũ pecadugagu tá nixi na tapoxcuxü.

Tituxü naxucuxë ga Pauru

¹² Rū ngëxguma cuxütawa chanamuxgu i Artema rü êxna Tíquicu, rü chanaxwëxe i paxa Nicaporíchiuwa cuxü na choxü ícuyadauxücëx. Erü ngẽma tá nixi i chanangupetüxëëxü ya yima tauemacügü ya nagu nagãuanecü.

¹³ Rū guxüma i cuxü tauxchaxümaã chanaxwëxe i nüxü curüngüxëë i ãëxgacü i Chena i Dumacüãxgüarü mugüxü cuãxü rü Aporu na paxa nũma naxixücëx. Rū chanaxwëxe i nüxna cunaxã i ngẽma nanaxwëxexü i norü namawaü na taxüma nüxü taxuxücëx.

¹⁴ Rū ngẽma taeneëgü i yaxögüxü, rü name nixi i naxcëx nangüe na mexü naxügüxü rü togüxü nangüxëëgüxü ega ñacü nüxü taxugux. Rū ngẽmaãcü i ngẽma togü rü tá nayaxögü.

Pauru rü wenaxãrũ Tituxü narümoxë rü naxcëx ínaca na Tupana nüxü rüngüxëëxücëx

¹⁵ Rū guxüma i taeneëgü i nuã chauxütawa ngëxmagüxü rü cuxü narümoxëgü. Rū ngëxgumarüü ta i choma rü chanaxwëxe i nüxü curümoxë i taeneëgü i yaxögüxü i cuxütawa ngëxmagüxü. Rū chanaxwëxe i Tupana pexü narüngüxëë i guxãma i pemax.

Rü nuãma cuxna,
Pauru

POPERA GA FILEMÚŪCAḂ NAXŪMATŪXŪ GA PAURU

Pauru rŭ nŭxŭ narŭmoxē ga Filemúŭ

¹ Pa Toeneē i Filemúŭ i Toxrŭxŭ Tupanaarŭ Puracŭwa Puracŭxex, choma i Pauru rŭ taeneē i Timutéumaā cuxcèx tanaxŭmatŭ i ñaā popera. Rŭ choma rŭ nuxa chapoxcu nagagu na nŭxŭ chixuxŭ i Ngechuchu ya Cristuarŭ ore.

² Rŭ ñaā popera i cuxcèx taxŭmatŭxŭ, rŭ naxcèx ta nixŭ i ngēma taeneēgŭ i cupatawa ngutaquēxegŭxŭ rŭ ngixcèx ta nixŭ i taeyèx i Ápia rŭ naxcèx ta nixŭ i taeneē i Ariquípu i taxrŭxŭ Tupanaarŭ puracŭwa puracŭxŭ.

³ Rŭ chanaxwèxe i Tanatŭ ya Tupana rŭ tórŭ Cori ya Ngechuchu ya Cristu pexŭ narŭngŭxēē rŭ pexŭ nataāēxēē.

Filemúŭ rŭ aixcŭma Ngechuchuaŭŭ nayaxō rŭ yema yaxōgŭxŭ nangechaŭ

⁴ Rŭ guxŭguma i ngēxguma cuxna chacuèxāchigu i chorŭ yumŭxēwa, rŭ Tupanana moxē chaxā cuxcèx.

⁵ Erŭ nŭxŭ chacuāchiga na ñuxācŭ nŭxŭ cuyaxōxŭ ya tórŭ Cori ya Ngechuchu rŭ ñuxācŭ nŭxŭ na cungechaŭxŭ i guxŭma i duŭxŭgŭ i Tupanaarŭ ixŭgŭxŭ.

⁶ Rŭ Tupanana naxcèx chaca na cuxŭ nangŭxēēxŭcèx na duŭxŭgŭmaā nŭxŭ quixuxŭcèx na ñuxācŭ Cristuaŭŭ yaxōgŭxŭ i yixemax, erŭ chanaxwèxe na meā nŭxŭ cucuāxŭ na ñuxācŭ Ngechuchu ya Cristugagu poraācŭ tŭxŭ nangŭxēēxŭ ya Tupana.

⁷ Rŭ choma rŭ poraācŭ chataāēxŭchi na ñuxācŭ nŭxŭ cungechaŭxŭ i ngēma yaxōgŭxŭ. Erŭ cugagu nixŭ, Pa Chaueneēx, na nataāēgŭxŭ i ngēma togŭ i yaxōgŭxŭ.

Pauru rŭ Filemúŭna naca na mea Onéchimuxŭ nayaxuxŭcèx

⁸⁻⁹ Rŭ ngēmacèx nangēxma i wŭxi i ngŭxēē i cuxŭtawa naxcèx íchacaxchaŭxŭ. Rŭ dŭcax, Cristu nixŭ ya choxŭ mucŭ rŭ ngēmacèx choxŭ nangēxma i pora na cuxŭ chamuxŭ na cunaxŭcèx i ngēma ngŭxēē i mexŭ i tá cumaā nŭxŭ chixuxŭ. Natŭrŭ tama ngēmaācŭ cuxŭ chamuxchaŭ erŭ cuxŭ changechaŭ, rŭ ngēmacèx chauxcèx narŭmemaē nixŭ na cuxŭ chacèēxŭmarexŭ naxcèx i ngēma. Rŭ choma i Pauru rŭ marŭ chaya rŭ ñuxma rŭ chapoxcu Ngechuchu ya Cristucèx.

¹⁰ Rŭ ngēmacèx cuxna naxcèx chacaxchaŭ i wŭxi i ngŭxēē naxcèx i Onéchimŭ i nuā poxcupataŭwa chauxŭtawa Cristuxŭ yaxuxŭ. Rŭ ngēmacèx i ñuxma rŭ Tupanaarŭ orewa rŭ chaune nixŭ.

¹¹ Rŭ ŭpa ga Onéchimŭ rŭ wŭxi ga curŭ duŭxŭ ga taxuwama cuxŭ mexŭ nixŭ. Natŭrŭ i ñuxma rŭ cuxŭ rŭ choxŭ rŭ ta name.

¹² Rŭ ñuxma rŭ cuxcèx chanataeguxēē i nŭma i Onéchimŭ. Rŭ chanaxwèxe i meā cunayaxu, ñoma choxŭ cuyaxuxŭrŭŭ.

¹³ Chierŭ chanaxwèxe na nuxma chauxŭtagu naxāxŭ, rŭ na cuchicŭŭ choxŭ nangŭxēēxŭcèx i ñuxma na chapoxcuxŭ naxcèx i Tupanaarŭ ore i mexŭ.

¹⁴ Natŭrŭ tama chanaxŭxchaŭ i ŭacŭ i tauta “Ngŭ” ñacuxŭ choxŭ. Erŭ ngēma ngŭxēē i cuxna naxcèx chaçaxŭ, rŭ chanaxwèxe na curŭ ngŭchaŭtama yŭxŭ i ngēma rŭ tama i chorŭ mugagu na yŭxŭ.

¹⁵ Rŭ bexmana Tupana nanaxwèxe na paxaāchi cuxna yaxŭxŭ ga Onéchimŭ na yixcama rŭ wenaxrŭ cuxcèx nataeguxŭcèx rŭ ngēmaācŭ guxŭgutāma cuxŭtawa nangēxmaxŭcèx.

¹⁶ Natŭrŭ i ñuxma rŭ tama ngēxŭrŭxŭmare i curŭ duŭxŭrŭŭ nixŭ, erŭ wŭxi i curŭ duŭxŭrŭŭ yexera nixŭ i ñuxmax, erŭ taeneē i nŭxŭ ingechaŭxŭ nixŭ. Rŭ aixcŭma poraācŭ nŭxŭ changechaŭ i chomax, natŭrŭ chanawae i cuma rŭ yexeraācŭ nŭxŭ cungechaŭ. Erŭ ñuxma rŭ tama wŭxi i curŭ dŭxŭmare nixŭ, natŭrŭ wŭxi i cueneē i tórŭ Coriaŭŭ yaxōxŭ nixŭ i ñuxmax.

¹⁷ Rŭ ngēmacèx, rŭ ngēxguma choxŭ cudèxgu na aixcŭma cueneē chŭxŭ, rŭ chanaxwèxe i meā cunayaxu i Onéchimŭ, ñoma choxŭ cuyaxuxŭrŭŭ.

¹⁸ Rŭ ngēxguma ŭacŭ rŭ chixexŭ cumaā naxŭxgu rŭ éxna ŭacŭ cuxŭ nangetanŭgu, rŭ chanaxwèxe i chomaā nŭxŭ quixu na ñuxre yŭxŭ, na cuxŭ chanaxŭtanŭxŭcèx.

¹⁹ Rŭ chomatama i Pauru rŭ choxmēxmaāxŭchi chanaxŭmatŭ i ñaā popera. Rŭ aixcŭma chomatama tá cuxŭ chanaxŭtanŭ. Rŭ tãŭtāma cuxna nŭxŭ chacuèxāchixēē na ñuxācŭ choxŭ cunangetanŭxŭ i curŭ maxŭ i taguma gŭxŭ i chaugagu Tupanaxŭtawa cuyaxuxŭ.

²⁰ Rŭ ngēmaācŭ, Pa Chaueneēx, rŭ chanaxwèxe i tórŭ Corigagu chauxcèx cunaxŭ i ngēma ngŭxēē. Rŭ chanaxwèxe i choxŭ cutaāēxēē, erŭ chaueneē i Cristuaŭŭ yaxōxŭ quixŭ.

²¹ Rŭ cuxcèx chanaxŭmatŭ i ñaā popera erŭ nŭxŭ chacuèx na aixcŭma chauga cuxŭnŭxŭ rŭ tá cunaxŭxŭ i ngēma cuxna naxcèx chaçaxŭrŭŭ yexera.

²² Rŭ ngĕxgumarŭŭ ta chanaxwĕxe na chauxcĕx cunamexĕĕxŭ i wŭxi i nachica i ngextá tá nawa changuxŭ. Erŭ íchananguxĕĕ na Tupana tá nangãxŭxŭ i perŭ yumŭxĕgŭ, rŭ tá choxŭ nangŭxĕĕxŭ na pexŭ íchayadauxŭcĕx.

Pauru rŭ wenaxãrŭ Filemíŭxŭ narŭmoxĕ rŭ naxcĕx ínaca na Cori ya Ngechuchu ya Cristu nŭxŭ rŭngŭxĕĕxŭ

²³ Rŭ moxĕ cuxcĕx ngema namu i Epáparu. Rŭ nŭma rŭ wŭxigu chomaã napoxcu naxcĕx ya Ngechuchu ya Cristu.

²⁴ Rŭ ngĕxgumarŭŭ ta moxĕ cuxcĕx ngema namugŭ i Marcu, rŭ Aritárçu, rŭ Dema rŭ Luca. Rŭ nŭmagŭ rŭ chomŭcŭgŭ nixŭgŭ i Tupanaãrŭ puracŭwa.

²⁵ Rŭ chanaxwĕxe i tóru Cori ya Ngechuchu ya Cristu pexŭ narŭngŭxĕĕ i guxãma i pemax.
Rŭ nuãma cuxna,
Pauru

POPERA GA YUDÍUGÜ GA YAXŌGÜXÜCAX ÜMATÜXÜ

Tupana rü Nanewa tamaã nidexa

¹ Nuxcúma ga Tupana rü muéxpüxcúna rü nagúxúraüxüãcúma norü orearü uruügwáwá tórü oxigúmaã nidexa, rü namaã nüxü nixu ga ñacü nüxü na nanaxwëxëxü.

² Natürü i ñomaüccüü ya Tupana rü Nanewatama nixí i tamaã yadexaxü rü tüxü nüxü nacuëxëëxü na ñuxácü tüxü nangüxëëchaüxü. Rü gumaxü nixí ga namuxü na naxüãxüccëx ga ñoma ga naãne rü daxüguxü ga naãne rü üëxcü rü tauemacü rü woramacurigü rü éxtagü. Rü ñuxüchi guma Nanena nanana ga guxüma ga yema na noxrü yíxüccëx.

³ Rü Nanewa nixí i nüxü idauxü na ñuxácü namexëchixü i nüma ya Tupana. Rü nüma ya Nane rü Nanatü ya Tupanarüütama nixí. Rü ñuxma na guxüärü äëxgacü yíxü ya Nane, rü guxümaãma inacuëx rü norü ore i poraxümaã nanamu i guxüma na nüma nanaxwëxëxüãcúma na yíxüccëx. Rü nüma ya Nane nixí ga taxcëx nayuxü na nüxü rüxoëxüccëx ga tórü pecadugü. Rü yemawena rü Nanatüxütawa naxü i daxüguxü i naãnewa. Rü yéma Nanatüärü tügüncëwawa nayarüto erü guxüärü äëxgacü nixí i ñuxmax.

Tupana Nane rü guxüma i orearü ngeruügü i daxü- cüãxëtüwa nangëxma

⁴ Rü ñuxma i nüma ya Nane rü guxüma i Tupanaärü orearü ngeruügü i daxüccüãxärü yexera nixí rü naëtüwa nangëxma yerü yemaãcü nanaxuegu ga Nanatü.

⁵ Rü ngëmaãcü nixí i ñuxma yerü ga Tupana rü taguma wüxi ga norü orearü ngeruüxü ñanagürü:

“Cuma nixí i Chaune. Rü ñuxma chanangoxëë na aixcúma Chaune quiixü”, ñanagürü. Rü taguma wüxi ga norü orearü ngeruüchiga ñanagürü:

“Choma nixí i Nanatü chíixü rü nüma rü Chaune nixí”, ñanagürü.

⁶ Natürü yexguma ñoma ga naãnewa namuãgu ga Nane ya guxüëtüwa ngëxmacü, rü ñanagürü ga Tupana:

“Chanaxwëxe i guxüma i chorü orearü ngeruügü i daxüccüãx rü nüxü nicuëxüügü ya Chaune”,

ñanagürü.

⁷ Rü yexguma norü orearü ngeruügü ga daxüccüãxchiga yadeaxgu ga Tupana, rü ñanagürü: “Choma chanaxwëxëxüãcúma chanamu i ngëma chorü orearü ngeruügü i chorü ngüxëëruügü ixíxüxü. Rü ngëxguma chanaxwëxëgu rü ñoma buancü rü ñoma üxüemarüü chayaxíxüxëë, rü chanaporaëxëë na naxüügüãxüccëx i chorü ngüchaü”,

ñanagürü.

⁸ Natürü yexguma Nanechiga yadeaxgu ga Tupana rü ñanagürü:

“Cuma rü chauxrüü Tupana quixí. Rü guxügutáma äëxgacü quixí. Rü aixcúma meã guxümaã icucuëx erü aixcúmacü quixí.

⁹ Rü nüxü cungechaü i guxüma i ngëma nacüma i mexü natürü naxchi cuxai i guxüma i ngëma nacüma i chixëxü. Rü ngëmacëx i choma na Cunatü ya Tupana chíixü rü guxüëtüwa cuxü changëxmaxëë rü guxüärü yexera cuxü chataãëxëë”,

ñanagürü.

¹⁰ Rü yexgumarüü ta Nanëxü ñanagürü ga Tupana:

“Cuma rü guxüärü Cori quixí. Rü noxríarü ügügumama ga yexguma natauxgutama ga ñoma ga naãne, rü cuma nixí ga cunaxüxü. Rü cumatama nixí ga cunaxüxü ga üëxcü rü tauemacü rü guxüma ga éxtagü.

¹¹ Rü guxüma i ngëma rü tá nagux, natürü i cuma rü guxügutáma cüngëxmaëcha. Rü guxüma i ngëma rü ñoma naxchirürüü tá nangaue.

¹² Rü ñoma wüxi i naxchiru i ngauxü i ngema itëxmarexürüü tá ícunawogü i ñoma i naãne rü guxüma i daxüwa nüxü idauxü. Rü to i ngëxwacaxüxümaã tá cunaxüchicüü, ñoma wüxi i naxchiru i ngauxü i ngëxwacaxüxümaã ixüchicüüxürüü. Natürü i cuma rü tá cunaxëjxügumaraxüëcha rü tagutáma cuyu”,

ñanagürü ga Tupana.

¹³ Rü Tupana rü ñanagürü nüxü:

“¡Nuã chauxütawa rüto ñuxmatáta nüxü cuxü charüporamaëxëë i guxüma i curü uwanügü!” ñanagürü. Natürü ga Tupana rü taguma yema ñanagürü nüxü ga ngëxürüüxü ga norü orearü ngeruügü ga daxüccüãx.

¹⁴ Rü guxüma i Tupanaärü orearü ngeruügü i daxüccüãx rü naãëgü i Tupanaãxü puracüëxü nixíxü. Rü nüma ya Tupana rü nüma nanamugü na nüxü yanangüxëëgüxüccëx i guxüma i ngëma duüxügü i Tupana naxwëxëxü na nayauxgüãxü i maxü i taguma güxü.

2

Tama name i nūxū taxoe i ngēma maxū i Tupana tūxna uaxūxū

¹ Rū űuxma na nūxū icuáxū na guxūma i Tupanaārū orearū ngeruūgū i daxūcūāxārū yexera yīxū ya Nane, rū ngēmacēx name na yexeraācū meā naga ixīnūēxū i ngēma ore i nachiga ixīxū. Erū tama tanaxwēxe na nūxū rūxoexū na yaxōgūxū.

² Rū yexguma tauta Nane ya Cristuxū nūma namuxgu ga Tupana, rū norū orearū ngeruūgū ga daxūcūāxgūwa duūxūgūmaā nūxū nixu ga norū mugū na naga naxīnūēxūcēx. Rū yema mugū rū aixcūma napura yerū guxūma ga yema duūxūgū ga tama naga īnūēxū, rū yema mugū nūxū ixuxūācūma Tupana nanapoxcue.

³ Rū yexguma yemaācū napoxcueāgu ga yema duūxūgū ga tama naga īnūēxū, ųrū űuxūcūrūwa i yixema i naxchaxwa ibuxmūxū na tama tūxū napoxcuexūcēx ega nūxū ixoegu i ngēma maxū i mexēchixū i űuxma Cristugagu tūxna naxuaxūxū? Rū dūcax, nūmatama ya tōrū Cori nixī ga nūxīra naxunagūāxū ga yema maxū, rū űuxūchi yixcama nixī ga yema nūxū īnūēxū ga nūxū meā tūxū nūxū nacūxēēxū na aixcūma yīxū i tūxū nangēxmaxū i ngēma maxū ega nūxū yaxōgūga ya Cristu.

⁴ Rū nūmatama ga Tupana rū ta taxcēx nanangoxēē na aixcūma yīxū i Cristugagu tūxū nangēxmaxū i ngēma maxū. Yerū nūma ga Tupana rū Naāē i Ūūnexūwa tūxū nanawēx ga naguxūraxūxū ga taxū ga mexūgū rū cuēxruūxūgū ga norū poramaā naxūxū yema nūma nanaxwēxūācūma. Rū yemaācū nixī ga wenaxārū tūxū nūxū nadauxēēxū na aixcūma yīxū na Cristugagu tūxū nangēxmaxū i ngēma maxū.

Tupana rū űoma ga naānewa nanamu ga Ngechuchu ya Cristu na taxrūū duūxūxū yīxūcēx

⁵ Rū űuxma rū guxūma i ngēma mexūgū i Cristugagu tūxū ngēxmaxū i pemaā nūxū tixuchigaxū, rū Tupana rū taguma daxūcūāx ga norū orearū ngeruūgūna naxāga na namaā inacuēxgūxūcēx. Natūrū duūxūgūxū nixī ga namuxū na namaā inacuēxgūxūcēx ga guxūma ga yema mexūgū.

⁶ Erū Tupanaārū ore i ūmatūxūwa rū űanagūrū:
“Pa Tupanax, ųrū űacū nixī i duūxūgū rū ngēmacēx naga curūxīnūxū? ųRū űacūwa name rū ngēmacēx nūxū cungechaūxū?”

⁷ Rū paxaāchi curū orearū ngeruū ga daxūcūāxgūtūūwa cunayexmagūxēē ga duūxūgū, natūrū i űuxma rū aixcūma namaā cutaāē rū nūxū quicuēxūxū.

⁸ Rū naxmēxwa cunangēxmaxēē i guxūma ga yema cuxūxū”, űanagūrū i ngēma orewa. Rū yemaācū nixī ga Tupana ga duūxūgūmēxēwa nayexmagūxēēāxū i guxūma i űoma i naānewa ngēxmaxū. Rū nataxuma i űacū i űoma i naānewa i tama naxmēxwa nangēxmaxēēxū. Natūrū woo na ngēmaācū yīxū, rū űuxma rū ta tauta nūxū tadau na duūxūgūmēxēwa nangēxmaxū i guxūma i űoma i naānewa ngēxmaxū.

⁹ Natūrū nūxū tadau ya Ngechuchu ya aixcūma guxūmaāma icuācū. Rū yexguma Tupana űoma ga naānewa namuxgu rū paxaāchi norū orearū ngeruū ga daxūcūāxgūarū űaxtūwaama nanaxūxēē. Natūrū i űuxma ya Tupana rū poraācū Ngechuchuxū nataxēē rū āēxgacū ya űacū nayaxīxēē yerū ngūxū ninge rū guxūma ga duūxūgūcēx nayu yerū yemaācū nanaxwēxe ga Tupana yerū tūxū nangechaū rū tūxū narūngūxēēchaū.

¹⁰ Yerū ga Tupana rū nanaxwēxe na guxūma i naxācūgū nūxū nangēxmaxūcēx i nachica i mexū i naxūtawa. Rū yemacēx űoma ga naānewa nanamu ga Ngechuchu ya Cristu na ngūxū yangexūcēx rū taxcēx nayuxūcēx na aixcūmaxūchi tūxū nangēxmaxūcēx i maxū i taguma gūxū. Rū name nixī na yemaācū naxūāxū ga Tupana yerū nūmatama nixī ga naxūāxū ga guxūma rū namēxwa nangēxma na nūma nanaxwēxexūācūma namaā inacuāxūcēx.

¹¹ Rū Ngechuchu nixī ya tūxū imexēēgūcū na Tupanapēxewa ixūūnegūxūcēx. Rū űuxma i nūma ya Ngechuchu ya tūxū imexēēgūcū rū guxūma i yixema na tūxū yaxūūnexēēgūxū rū wūxitama nixī ya Tanatū. Rū ngēmacēx nixī i nūma ya Ngechuchu ya Tupana Nane, rū tama taxcēx naxānēxū na naēneēgūmaā tūxū naxuxū.

¹² Erū Tupanaārū ore i ūmatūxūwa rū űanagūrū ga Nane:
“Rū chaueneēgūxū tá nūxū chacuēxēē i cuchiga, Pa Chaunatūx. Rū norū ngutaquēxegūwa rū tá cuxcēx chawiyae na ngēmaācū cuxū chicuēxūxūcēx”, űanagūrū.

¹³ Rū toxnamana i Tupanaārū ore i ūmatūxūwa rū űanagūrū ta ga Nane:
“Cuxū chayaxō, Pa Chaunatūx, erū nūxū chacuēx rū tá choxū curūngūxēē”, űanagūrū. Rū űanagūrū ta:

“Rū daxe chixī, Pa Chaunatūx, namaā i cuxacūgū i chaueneēgū i choxna cumugūxū”, űanagūrū.

¹⁴ Rū nūma ga Ngechuchu rū woo Tupana na yixūxū natūrū duūxūrūxūācū űoma ga naanewa naxū na taxrūxū naxāmachūxūcēx rū naxāgūxūcēx na tachicuū nayuxūcēx rū yemaācū yanaxoxēēāxūcēx ga Chatanāarū pora ga namaā tūxū iyanatauxēēchaūxū.

15 Rū yemaācū nanaxū ga Ngechuchu na Chatanámēxēwa tūxū īnanguxūxēxūcēx ya guxāma ya yixema noxri naxcēx muūlēxē ga na tayuexū.

16 Rū yemacēx űnoma ga naānewa nangu ga Ngechuchu na taxcēx nayuxūcēx i guxāma i yixema na Abrāūrūū yaxōgūxū. Rū tama daxūcūāx i orearū ngeruūgūcēx nayu, natūrū taxcēx nixī ga numa naxūxū rū nayuxū.

17 Rū nūma ga Ngechuchu rū nanaxwēx na yixema i naēneēgū ixīgūxūrūūtama nūgū na yaxīxēēxū na yemaācū aixcūma mecūmacū ya nūxū ingechaūttūmūūgūcū ya tōrū chogūruū yīxūcēx i Tupanapēxewa. Rū yemacēx nixī ga nūgū inaxāxū rū nayuxū na yemaācū Tupana duūxūgūaxū nūxū ngechaūxūcēx i norū pecadugū.

18 Rū yema nūmatama ngūxū na yangexū ga yexguma Chatanā nūxna īnūgu, rū ngēmacēx i űuxma rū nūxū natauxcha na tūxū nangūxēēxū ya yixema Chatanā tūxna īnūxē.

3

Ngechuchu rū Moīchéxū narūyexera

1 Rū űuxma Pa Chaueneēgū ya Tupanapēxewa Ūūnegūxe, rū pexū nixī ya Tupana inadexū na norū duūxūgū pixīgūxūcēx. Rū ngēmacēx name nixī i aixcūma meā nagu perūxīnūē ya Ngechuchu ya Cristu ya Tupana nūma namucū. Rū nūma ya Ngechuchu nixī i tōrū chogūruū i Tupanapēxewa tūxū ixūūnēxēcū. Rū yimaāxū nixī i yaxōgūxū.

2 Rū Tupana rū marū Ngechuchuxū naxuneta na naxūāxūcēx ga yema puracū ga Tupana nūxna āxū. Rū nūma ga Ngechuchu rū aixcūma Nanatūga naxīnū rū nayanguxēē ga yema puracū yexgumarūū ga Moīché meāma na naxūxū ga yema puracū ga Tupana nūxna āxū na nūxna nadauxūcēx ga Tupanaārū duūxūgū ga Yudiūgū.

3 Rū woo ga noxri rū Moīchéxū nitaēgacūūxēē ga Tupana, natūrū i űuxma rū Moīchéarū yexera Ngechuchuxū nixī i yataēgacūūxēēxū. Rū wūxi ya īpata ya ngexwacēx ixūxūnerūū nixī, erū woo ngēma īpatamaā tataāē, natūrū ngēma yexeraācū nūxū icuēxūūxū nixī i ngēma īpataarū ūruū.

4 Rū guxūnema ya ī rū nūxū nangēxma i norū ūruū. Natūrū guxūma i űacū i ngēxmaū, rū Tupana nixī ya naxūcū.

5 Rū Moīché rū wūxi ga Tupanaārū duūxū ga aixcūma mexū nixī yerū meā nūxna nadau ga Tupanaārū duūxūgū ga Yudiūgū, yema Tupana namaā nūxū ixuxūrūū. Rū nūma ga Moīché nixī ga yema duūxūgūmaā nūxū yaxuxū ga űuxācū Tupana tá yixcūra nūxū na rūngūxēēxū.

6 Natūrū nūma ya Ngechuchu rū Moīchéarū yexera nixī erū Tupana Nanexūchi nixī. Rū nūma nixī i nūxna nadauxū i guxūma i ngēma Tupanaārū duūxūgū ixīgūxū. Rū yixema rū ta Tupanaārū duūxūgū tixīgū ega aixcūma Ngechuchuaūxū yaxōgūgu rū taguma nūxū rūxoegu. Rū Tupana nanaxwēx na guxūguma Ngechuchumaā itaāēgūxū erū nūxū tacuēx na wūxi i ngunexū rū tá taxcēx nataeguxū na wūxiwa namaā ingēxmagūxūcēx.

Tupanaārū duūxūgū rū tá inarūngūē

7-8 Rū ngēmacēx i Tupanaārū ore i ūmatūxūwa rū űanagūrū i Naāē i Ūūnēxū:

“Rū űuxma na nūxū pexīnūēxū i ngēma Tupana pemaā nūxū ixuxū, rū tama name na nūxū pexoexū, yexgumarūū ga na naxūgūāxū ga yema duūxūgū ga Tupanaxū ūgūxū rū tama naga īnūēxū ga yexguma Moīchéwe naxīxgu ga yema naāne ga ngextā taxūema īxāpataxūwa”.

9 Rū yemacēx ga Tupana rū űanagūrū:

“Rū yēma nixī ga chixexū naxūgūxū ga nuxcūmaūgūxū ga perū oxīgū yerū choxū naxūgū yerū tama choxū nayaxōgūchaū. Rū yemaācū nanaxūgū woo 40 ga taunecūgu nūxū na nadaugūxū ga yema mexūgū ga ūūnēxū ga napēxewa chaxūxū.

10 Rū yemacēx namaā chanu ga yema duūxūgū, rū űacharūgū nūxū: ‘Pema rū guxūguma chixēxūgūxūcatama perūxīnūēēcha, rū taguma penaxūxchaū i ngēma chanaxwēxexū na penaxūxū’, űacharūgū nūxū.

11 Rū yemacēx nixī ga namaā chanuxū ga yema duūxūgū, rū aixcūmaxūchi namaā nūxū chixu na tāūtāma yema naāne ga noxri namaā ichaxunetaxūwa nangugūxū na ngēxma nangūlēxūcēx”, űanagūrū ga Tupana.

12 Rū űuxma Pa Chaueneēgūx, rū name nixī i pegūna pedaugū na tama ngūrūāchi pechixearū maxūāxūcēx, rū ngēmagagu na nūxū perūxoexū na Tupana ya maxūcūaxū na peyaxōgūxū.

13 Natūrū űuxma pexū natauxchagu, rū name nixī na wūxichīgū pegūaxū penangūchaūxēēxū i guxū i ngunēxūgu na taxūema i petanūwa Tupanaxū taxoxūcēx nagagu i ngēma pecadu i pexū womūxēēchaūxū.

14 Rū ngema na Cristuxūtawa nayauxgūxūcēx i maxū i taguma gūxū, rū tanaxwae na guxūguma aixcūma yaxōgūchaxū. Rū ngēxguma noxrirūūtama guxūguma meā nūxū

yaxōgūechagu rü tama nüxū rūxoegu, rü tá namaã tüxū nangēxma i tachica i daxūguxū i naānewa.

¹⁵ Natürü ñuxma nixī i namexū na meāma yaxōgūxū. Rü ngēmacēx i Tupanaärü ore i ūmatūxūwa rü ñanagürü:

“Rü ñuxma na nüxū pexinüēxū i ngēma Tupana pemaã nüxū ixuxū, rü tama name na nüxū pexoexū, yexgumarüü ga yema duūxūgū ga tama Tupanaga ñnüēxū ga yexguma Moïchéwe naxīxgu ga yema naāne ga ngextá taxúema íxāpataxūwa”,

ñanagürü.

¹⁶ ¿Rü texégü tixī ga guxema nüxū ñnüēxē ga yema Tupana tūmamaã nüxū ixuxū, rü ñuxūchi tama Tupanaga ñnüēxē? Rü pemaã nüxū chixu rü yemagü nixī ga yema duūxūgū ga Moïché Equituanewa ínguxūxēēxū.

¹⁷ ¿Rü texémaã nixī ga nanuxū ga Tupana ga 40 ga taunecūgu? Rü pemaã nüxū chixu rü namaã nanu ga yema duūxūgū ga chixexū ūgūxū. Rü yemacēx yema nachica ga ngextá taxúema íxāpataxūgu nayue.

¹⁸ ¿Rü texégümaã nixī ga aixcūmaxūchi inaxunetaxū ga Tupana na täütáma yema naānewa nangugūxū na yexma nangūēxūcēx? Rü pemaã nüxū chixu, rü yemagü nixī ga yema duūxūgū ga tama naga ñnüēxū.

¹⁹ Rü ngēmawa nüxū tacuēx na taxucürüwama yema naāne ga noxri Tupana namaã ixunetaxūwa nangugūxū ga yema duūxūgū, yerü tama nüxū nayaxōgū.

4

¹ Rü ngēmacēx i ñuxma na Tupana tamaã ixunetaxū na nügūxūtawa tá tüxū yachocuxēēxū na ngēxma rüngūēxūcēx, rü tanaxwēxe i taxuāēgū, na tama ngürüāchi wūxie i tatanūwa tama ngēxma taxūcuxū.

² Erü ñuxma i yixema rü marü nüxū taxīnūē i Tupanaärü ore i mexū, yexgumarüü ga yema nuxcūmaūgūxū ga duūxūgū nüxū na naxīñnüēxū. Natürü nümagü ga yema duūxūgū rü taxuwama nüxū name ga nüxū na naxīñnüēxū ga yema ore yerü tama yema naga ñnüēxūrüü aixcūma nüxū nayaxōgū.

³⁻⁴ Natürü i yixema na yaxōgūxū, rü tá aixcūma Tupanaxūtawa tichocu na ngēxma rüngūēxūcēx. Rü wūxiwa i Tupanaärü ore i ūmatūxūwa rü ngūxchigaarü ngunexūchigaxū nixu, rü ñanagürü:

“Rü 6 ga ngunexūgu nixī ga naguxēēāxū ga norü puracū ga Tupana. Rü yexguma norü 7 ga ngunexūwa nanguxgu rü guxūma ga norü puracūna narüngū”,

ñanagürü. Rü nuxcūma ga Tupana rü nanaxwēxe na nangūēxū ta ga yema nuxcūmaūgūxū ga tórü oxigū ga Moïchéwe rüxīxū. Natürü ga nümagü rü tama nüxū nayaxōgūchaū rü tama naga naxīñnüē. Rü yemacēx ga Tupana rü norü ore i ūmatūxūwa rü ñanagürü:

“Yema duūxūgū rü tama choxū nayaxōgū rü yemacēx namaã chanu rü aixcūmaxūchi namaã nüxū chixu na täütáma yema naāne ga namaã ichaxunetaxūwa nangugūxū na ngēxma nangūēxūcēx”,

ñanagürü.

⁵⁻⁶ Rü yemaācū ga yema duūxūgū ga nüxīra nüxū ñnüēxū ga Tupanaärü ore i mexū, rü tama nawa nichocu ga yema nachica ga Tupana namaã nüxū ixuxū, yerü tama naga naxīñnüē. Rü ngēmacēx nixī i Tupanaärü ore i ūmatūxūwa i ñaxū:

“Ngēma duūxūgū i tama chauga ñnüēxū rü täütáma ngēma nachica i namaã ichaxunetaxūwa nichocu na ngēxma nangūēxūcēx”,

ñaxū. Natürü ñuxma rü ta nangēxma i nachica i tūmacēx ya yixema ngēxma Tupanaxūtagu chochuāxūē na ngēxma tarüngūēxūcēx.

⁷⁻⁸ Rü ngēma nachica i ngextá nagu nangūēxū i duūxūgū rü tama yema naāne ga nuxcūmaūgūxū ga tórü oxigūxacūgū tūmaärü āēxgacū ga Yochuémaã tayauxgūxū nixī. Yerü yexguma chi yema naāne yixīgu, rü Tupana rü täu chima wenaxārü nüxū naxuneta ga to ga ngunexū na nagu naxūtawa yachocuxūcēx na ngēxma nangūēxūcēx i duūxūgū. Rü yemacēx ga Tupana rü wenaxārü nüxū naxuneta i wūxi i to i ngunexū na naxūtawa yachocuxūcēx i duūxūgū na ngēxma nangūēxūcēx. Rü ngēma ngunexū rü ñuxma nixī. Rü yemacēx ga Tupana rü mucūma ga taunecū ga Moïchéwena rü Dabímaã nüxū nixu ga yema norü ore ga ūmatūxū i ñaxū:

“Rü ñuxma na nüxū pexinüēxū i ngēma Tupana pemaã nüxū ixuxū, rü tama name na nüxū pexoexū”,

ñaxū. Rü yematama nixī ga ore ga marūchirēx pemaã nüxū chixuxū.

⁹ Rü ngēmacēx i ñuxma rü ta nangēxma i wūxi i nachica i ūñexū i nagu tá aixcūma nangūēxū i ngēma Tupanaärü duūxūgū íxīgūxū.

¹⁰ Rū yixema Tupanaxūtawa ichocuxe na ngēxma tarūngūēxūcēx, rū nūxna tarūngūē i guxūma i tūmaārū puracūgū yexgumarūū ga Tupana rū nūxna na nangūxū ga norū puracūgū ga yexguma naāne naxūxguwena.

¹¹ Rū ngēmacēx name na meā yaxōgūxū rū naga ixīnūēxū na ichocuxūcēx i ngextá Tupana tūxū írūngūēxēēxūwa. Erū tama tanaxwēxe na texē ngūrūāchi yema nuxcūmaūgūxū ga duūxūgū ga tama Tupanaga inūēxūrūū norū orexū na taxoxū.

¹² Erū Tupanaārū ore rū namaxū rū naporaxūchi. Rū wūxi i tara i guxūcūwawa meā waixmaguxūārū yexera nixī na natēxū. Erū ngēma ore rū tawa nixūcu űuxmata taāēwa nangu, rū űuxmata nawa nangu i ngēma wūxichigū nagu rūxīnūxū. Rū ngēmaācū meāma nanangoxēēāma i guxūma i ngēma yixicatama nagu rūxīnūxū rū tūxū ngūchaūxū.

¹³ Rū nataxūtāma i facū i Tupana űxū i tá naxchaxwa nūgū icūxū erū napēxewa rū guxūma meā nangox. Rū guxūxū nadau rū guxūxū nacuēx ya yima tá tūxna çacū na namaā nūxū ixūxūcēx i tōrū maxūchiga.

Ngechuchu rū mecūxūchi ya tōrū ngūxēēruū nixī i Tupanapēxewa

¹⁴ Ngechuchu ya Tupana Nane rū mecūxūchi ya tōrū ngūxēēruū nixī i Nanatūpēxewa. Rū űuxma rū daxūguxū i naānēwa i Nanatūxūtawa nangēxma na ngema taētūwa nachogūxūcēx. Rū ngēmacēx tanaxwēxe i guxūguma nūxū tayaxōgūēcha rū taguma nūxū tarūxoe.

¹⁵ Rū nūma ya Ngechuchu rū aixcūma nūxū nacuēx na tūxū nangūxēēxū erū nūxū nacuēx na űuxācū tūxū naguxchaxū i ngēxguma Chatanā tūxna inūgu rū pecadugu tūxū nanguxēēchaūgu, yerū nūxna rū ta naxīnū ga Chatanā, ngēma tūxna na naxīnūxūrūū. Natūrū nūma ga Ngechuchu rū taguma chixexū naxū.

¹⁶ Rū űuxma na tūxū nangēmaxū ya tōrū ngūxēēruū ya Ngechuchu, rū name nixī i tama imuēācūma nūxna tangaicamagū ya tōrū āēxgacū ya Tupana ya tūxū ngechaūcū. Rū tanaxwēxe na ngēmaācū nūxna ingaicamagūxū na nūxū ingechaūtūmūūgūxūcēx rū tūxū nangechaūācūma tūxū nangūxēēxūcēx i ngēxguma guxchaxūgū tūxna ngaicamagu.

5

¹ Nuxcūma ga Tupana rū Moīchémaā nūxū nixu na Arāū yīxūcēx ga Yudiūgūarū paigūeru ixīcū na guma duūxūgūētūwa chogūxūcēx ga Tupanapēxewa. Rū guxūma ga yema Arāūwena űgūxū ga paigūeru rū duūxūgūtanūwa nūxū naxunetagū na yema duūxūgūarū ngūxēēruū yīxūcēx ga Tupanapēxewa rū Tupanana naxāāxūcēx ga āmaregū rū Tupanacēx nadaiāxūcēx ga naxūdnagū na yemaācū nūxū nūxū nangechaūxūcēx ga norū pecadugū.

² Natūrū ngēma paigūeru rū guxūma i duūxūgūrūūtama nixī na pecadugu nanguxū. Rū ngēmacēx nūxū nacuēx na űuxācū yaxna namaā naxīnūxū i duūxūgū i ngēxguma naēchitamare pecadu naxūegu rū tama aixcūma Tupanawe naxīxgu.

³ Rū ngēma paigūeru rū tama ngēma duūxūgūarū pecaducēxicatama nixī i nadaiāxū i naxūdnagū, natūrū nanaxwēxe i noxrūtama pecaducēx rū ta na nadaiāxū i naxūdnagū na ngēmaācū Tupana nūxū nūxū nangechaūxūcēx i ngēma pecadugū.

⁴ Rū taxūema tūgūtama tingucuchixēē na paigūeru tīxūcēx. Natūrū Tupana nixī ya tūxū unetacū rū tūxna naxācū i ngēma puracū na paigūarū āēxgacū tīxūcēx, yexgumarūū ga Tupana rū Arāūxū na yangucuchixēēxūrūū na paigūeru yīxūcēx.

⁵ Rū yexgumarūū ga Ngechuchu rū tama nūgūtama ningucuchixēē na Tupanapēxewa tōrū ngūxēēruū i paigūeru yīxūcēx. Natūrū Tupana nixī ga yangucuchixēēcū. Yerū Tupanatama nixī ga nūxū űacū:

“Cuma nixī i Chaune. Rū űuxma chanangoxēē na Chaune quiūxū”,
űacū.

⁶ Rū toxnamana i Tupanaārū ore i űmatūxūwa rū űnagūrū ta:

“Cuma nixī i guxūgutāma duūxūgūarū ngūxēēruū i paigūeru quiūxū, guma pai ga Melquisederūū”,

űnagūrū.

⁷ Rū yexguma Cristu űoma ga naānēwa maūxgu, rū porācū nayumūxē rū tagācū rū naxauxācū Tupanana naca na nūxū nangūxēēxūcēx na naga naxīnūxūcēx. Rū yemaācū nanaxū ga Cristu, yerū Tupana rū napora na nūxū nangūxēēxūcēx na tama yuxū namūxūcēx. Rū Tupana rū Cristuxū naxīnū yerū nūma ga Cristu rū aixcūma Tupanaga naxīnū.

⁸ Rū nūma ga Cristu rū woo Tupana Nane na yīxū, natūrū ngūxū ninge naxcēx na Tupanaga naxīnūxū.

⁹ Rū yemaācū nūgū inanaxū rū curuchagu nayu na tūmaārū maxēēēruū yīxūcēx ya guxāma ya yixema naga inūēxē.

¹⁰ Rū Nanexū nixī ga naxunetaxū ga Tupana na guxūgutāma nūgūpēxewa tōrū ngūxēēruū i paigūeru yīxūcēx yexgumarūū ga pai ga Melquisedé ga norū yumūxēwa nuxcūmaūcū ga tōrū ōxi ga Abráūcēx Tupanana cacū na guma Abráūxū nangūxēēxūcēx ga Tupana.

Wūxi i āucūmaxūchixū nixī na nūxū rūxoexū na yaxōgūxū

¹¹ Rū űuxma rū toxū nangēxma i muxūchixūma i ore i Cristuchiga ixīxū i pemaā nūxū tixuxchaūxū. Natūrū naguxchaxūchi na meāma pemaā tanangoxēēxū i ngēma, erū pema rū tama pexū natauxcha na nūxū pecuāxū.

¹² Rū marū űuxgumama nūxū na pecuāxū i Tupanaārū orechiga, rū pema rū chi marū namaā pengūxēētae. Natūrū i pema rū űuxma rū ta penaxwēxe na wena pemaā tanangoxēēxū i ngēma Tupanaārū ore i taxchaxū i nawa inaxūgūxū na Tupanachigaxū icuāxū. Rū ngēmaācū i pema, rū űoma ōxchana i naēgūnenixūtwa maīxūrūūtama pixīgū. Erū tama nūxū pecuēxgūēga i guxūma i ngēma Tupanaārū ore i yegēmaācū tamaā nūxū ixuxū i Cristuchiga na űuxācū Tupana naxwēxexū na naga pexīnūēxū.

¹³ Rū yīxema yaxōxē ya tama nūxū cuēxēgaxe na űuxācū Tupanacēx tamaxūxū, rū wūxi i ōxchana i maīxūrūū tixī. Rū ngēmaācū pixīgū i pemax.

¹⁴ Natūrū yīxema yaxōxē ya tūmamaā yaxūxe na tanangugūxū na űacu yīxū i nguxēētae i mexū rū ēxna chixexū, rū aixcūma nūxū tacuēx na űuxācū Tupanacēx tamaxūxū. Rū yīxema rū űoma wūxi i duūxū i yaxū i namachimaā āwemūxūrūū tixī. Natūrū i pema rū tama ngēmaācū pixīgū.

6

¹ Rū ngēmacēx name nixī i yexeraācū tingūeetanū na aixcūma meā nūxū icuāxūcēx i Cristuchiga. Rū tanaxwēxe na nūxū ichopetūxū ga yema ore ga nawa inaxūgūxū na Cristuchigaxū icuāxū. Rū tāūtama yeūcūrū yema ore ga nawa inaxūgūxūchiga tidex-agūēcha. Rū taxucēma tūxcūū wena pemaā nūxū tixu na nūxū perūxoexūcēx na naga pexīxū i ngēma mugū ga Moīché ūmatūxū i tama tūxū maxēēēxū. Rū ngēxgumarūū ta taxucēxma tūxcūū wena pemaā nūxū tixu i nachiga na űuxācū Tupanaāxū yaxōgūxū.

² Rū ngēxgumarūū ta taxucēxma tūxcūū wena pexū tangūxēē na űuxācū Tupanacēx ībaiūxū rū űuxācū duūxūgūxū ingōgūācūma namaā iyumūxēxū. Rū ngēxgumarūū ta taxucēxma tūxcūū wena pexū tangūxēē na űuxācū tā wena namaxēxū i duūxūgū i yuexū rū űuxācū naāneārū guxgu rū Tupana tā wūxichigū i duūxūgūna çaxū na űuxācū namaxēxū i űoma i naānewa.

³ Rū ngēmacēx i űuxma rū ngēxguma Tupana tama tūxna nachuxgu rū tanaxwēxe i yexeraācū tingūeetanū na aixcūma guxūma i Cristuchigaxū icuāxūcēx rū nūxū na icuāxūcēx na aixcūma ngēma nūma nanaxwēxexūācūma meā naxcēx na imaxēxū.

⁴⁻⁵ Natūrū ngēxguma chi wūxie Cristuxū yaxūxgu, rū chi meāma Tupanaxū tacuēxgu, rū chi Naāē i űūnexūxū tayauxgu, rū chi nūxū tacuēxgu na űuxācū namexū i Tupanaārū ore rū űuxācū na namexū i daxūguxū i naāne, rū name nixī i taxuāē.

⁶ Erū ngēxguma chi ngēmaācū meā tayaxōxgu i noxrix rū űuxūchi Cristuxū itatēxūchixgu, rū marū taxucūrūwama texē wenaxārū Tupanacēx tūxū tataeguxēē. Erū ngēxguma ngēmaācū itanatēxūchixgu ya Tupana Nane, rū űoma wena curuchawa tayapotaxūrūū tayaxūxēē, erū guxū i duūxūgūpēxewa āne nūxū tingexēē.

⁷ Rū dūcax, wūxi i naāne i pucū naga nguxū rū meāma nanetū nawa nayae tūmacēx ya yīxema naga ūanexē, rū Tupanaārū ngūxēēgagu nixī i ngema.

⁸ Natūrū ngēxguma ngēma naāne rū tuxu rū natūanegū i chixexū nawa yaegu, rū Tupana rū tā chixexū namaā naxuegu rū ūxūwa tā nigu i guxūma i chixexū nawa yaexū. Rū ngēxgumarūū tā tixī ya yīxema Cristuxū itāxe.

Ītananguxēē na nayauxgūxū i maxū i taguma gūxū rū ngēmacēx tama nūxū tarūxoe na yaxōgūxū

⁹ Natūrū, Pa Chaueneēgū ya Pexū Tangechaūgūxe, rū woo ngēmaācū pemaā tidexagūgu, natūrū aixcūma nūxū tacuēx na tama ngēma duūxūgū i nūxū rūxoexūrūū pixīgūxū. Erū pema rū pexū nangēxma i maxū i taguma gūxū, rū Tupana rū tā aixcūma poraācū pexū narūngūxēē na naxcēx pemaxēxūcēx.

¹⁰ Erū nūma ya Tupana rū aixcūmacū nixī. Rū nūma rū tāūtāma nūxū inayarūngūma ga yema mexū ga pexūxū rū űuxācū taeneēgū i yaxōgūxūxū na pengechaūgūxū ga yexguma nūxū perūngūxēēgūgu, ngēma űuxma īpenaxūxūrūūtama.

¹¹ Rū űuxma rū tanaxwēxe i wūxichigū i pema rū ngēmaācū noxrirūū mexū i perū ngūchaūmaā nūxū perūngūxēēgūēcha i taeneēgū űuxmatāta wena nūma naxū ya Cristu. Rū tanaxwēxe na ngēmaācū pemaxēxū na dūxwa aixcūma Cristuxūtawa pengugūxū ngēma īpenanguxēēxūrūū.

¹² Rū tama tanaxwèxe na nüxŭ perüxoetanücüxŭ na Cristuwe perüxŭxŭ. Natürü tanaxwèxe i naxrŭü pixŭgŭ i ngēma duŭxŭgŭ i guxŭguma meā yaxōgŭācŭma Cristuwe rŭxŭāmaxŭ rŭ nayauxgŭxŭ i guxŭma i ngēma mexŭgŭ ga Tupana namaā ixunetaxŭ.

¹³ Rū dücax, yexguma törü oxŭ ga Abrāŭmaā inaxunetagu ga Tupana rŭ nügüégagutama inaxuneta, yerü tataxuma ga texé ga norü yexera ixŭxē na tūmaægagu inaxunetaxŭcēx.

¹⁴ Rū yemacēx ga Tupana rŭ Abrāŭxŭ űnanagŭrŭ:

“Rū aixcŭmāxŭchi tá poraācŭ cuxŭ charŭngŭxŭēē. Rŭ tá cuxŭ nangēxma i muxŭchixŭtama i cutaagŭ”,

űnanagŭrŭ.

¹⁵ Rū Abrāŭ rŭ meāma űnananguxēē ga guma nane ga Tupana namaā ixunetacŭ. Rŭ yemacēx nabu ga guma nane ga Ichaā ga Tupana namaā nüxŭ ixucu.

¹⁶ Rŭ ngēxguma duŭxŭgŭ űtacŭcēx ixunetagu, rŭ to i norü yexera ixŭxēgagu inaxunetagu. Rŭ wŭxicana űtacŭcēx ngēmaācŭ inaxunetagu, rŭ nüxŭ tacuēx rŭ aixcŭma tá nanaxŭgŭ i ngēma naxcēx inaxunetaxŭxŭ, rŭ marŭ taxucŭrŭwama yeŭcŭrŭ nachiga nidexagŭēcha.

¹⁷ Rŭ yemacēx ga Tupana rŭ yexguma inaxunetagu namaā ga yema duŭxŭgŭ ga nayauxgŭxŭ tá ga yema ngŭxēē ga Tupana nüxna āxchaŭxŭ, rŭ nügüégagutama inaxuneta, yerü nanaxwèxe na meāma nüxŭ nacuēxgŭxŭ na aixcŭma tá yanguxēēāxŭ rŭ tagutāma naxŭchicŭüāxŭ ga yema namaā inaxunetaxŭ.

¹⁸ Rŭ nüxŭ tacuēx rŭ ngēxguma űtacŭcēx nügüégagu inaxunetagu ya Tupana, rŭ taxucŭrŭwama tŭxŭ nawomŭxēē rŭ nanaxŭchicŭü i ngēma. Rŭ űnuxma i guxāma i yixema na Tupanacēx ibuxmŭxŭ na tŭxŭ nangŭxēēxŭcēx rŭ tŭxŭ namaxēēxŭcēx, rŭ nŭma ya Tupana rŭ nügüégagu tamaā inaxuneta na ngēmaācŭ tá tŭxŭ nangŭxēēxŭ. Rŭ ngēmaācŭ tŭxŭ nanangŭchaŭxēē rŭ tŭxŭ narŭngŭxēē na nüxŭ icuāxŭcēx na aixcŭma tá nayauxgŭxŭ i ngēma maxŭ i taguma gŭxŭ i tamaā inaxunetaxŭ.

¹⁹ Rŭ űnuxma na űnanguxēēxŭ na aixcŭma tá nayaxuxŭ i ngēma maxŭ i taguma gŭxŭ, rŭ taxucēxma taxoegaāēgŭ, erŭ nüxŭ tacuēx na aixcŭma daxŭguxŭ i naānewa i Tupana űngēmaxŭtwa tá ingugŭxŭ.

²⁰ Rŭ ngēma nangēxma ya Ngechuchu i űnuxma yerü nüxŭra yexma naxŭcu na Tupanapēxewa taētŭwa nachogŭxŭcēx. Rŭ ngēmaācŭ guxŭguma törü ngŭxēēruŭ i paigŭeru nixŭ, guma Melquisedé ga Tupanapēxewa Abrāŭtŭtwa chogŭcŭrŭ.

7

Ngechuchu rŭ guma nuxcŭmaŭcŭ ga pai ga Melquisederŭütama nixŭ

¹ Rŭ guma Melquisedé rŭ űāne ga Charēŭrŭ āēxgacŭ nixŭ ga yexguma namaŭxgu ga Abrāŭ. Rŭ nŭma ga Melquisedé, rŭ duŭxŭgŭarŭ pai nixŭ ga Tupanapēxewa. Rŭ yexguma Abrāŭ rŭ to ga nachŭŭāneārŭ āēxgacŭgŭmaā nügŭ nadaixgu rŭ nüxŭ nayexeragu, rŭ Melquisedé rŭ namawa Abrāŭpēxegu nayangu ga yexguma Abrāŭ napatacēx taegugu. Rŭ nŭma ga Melquisedé rŭ Tupanaēgagu Abrāŭmaā mexŭ naxuegu.

² Rŭ Abrāŭ rŭ nüxŭ nayexma ga guxŭma ga yemaxŭgŭ ga yema āēxgacŭgŭ ga namaā nügŭ nadēxŭna napuxŭxŭ. Rŭ yemawa űnanaxŭxŭchi ga yema Tupanana ŭxŭ, rŭ Melquisedēna nanaxā. Rŭ ngēma naega i Melquisedé rŭ Āēxgacŭ ya Ixaixcŭmacŭ űnaxŭchiga nixŭ. Rŭ norü űāne ga Charēŭ rŭ Taāēxēēruŭ űnaxŭchiga nixŭ. Rŭ ngēmacēx i naega i Melquisedé rŭ Āēxgacŭ ya Taāēxēēruŭ űnaxŭchiga ta nixŭ.

³ Rŭ Tupanaārŭ ore ga nuxcŭma űmatŭxŭtwa rŭ tama nüxŭ nixu na texé tŭxŭ ga nanatŭ rŭ naē rŭ norü oxigŭ ga Melquisedé. Rŭ ngēxgumarŭŭ ta tama nüxŭ nixu i norü buxchiga rŭ norü yuxchiga. Rŭ ngēmacēx Tupana Nanerŭŭ guxŭguma duŭxŭgŭarŭ ngŭxēēruŭ ya pai nixŭ i Tupanapēxewa.

⁴ Rŭ űnuxma rŭ name nixŭ i nagu perŭxŭnŭē na űnaxcŭ aixcŭma āēxgacŭ ya tacŭ yŭxŭ ga Melquisedé. Yerü nuxcŭmaŭcŭ ga törü oxŭ ga Abrāŭ rŭ Melquisedēna nanaxā ga yema Tupanana ŭxŭ ga natanŭwa ga yema yemaxŭgŭ ga togŭ ga āēxgacŭgŭna napuxŭxŭ. Rŭ ngēmawa nüxŭ tacuēx na Tupanapēxewa törü oxŭ ga Abrāŭrŭ yexeracŭ yŭxŭ ga Melquisedé.

⁵ Rŭ űnuxma i Yudiŭgŭ, rŭ guxŭma i norü ngēmāxŭtwa űnanaxŭxŭchigŭ i ngēma Tupanana ŭxŭ, rŭ űnaxŭchi norü paigŭna nanaxā yerü yemaācŭ nixŭ ga namuāxŭ ga yema mugŭ ga Moŭché űmatŭxŭ. Natürü guxŭma i ngēma paigŭ rŭ Lebítaagŭ nixŭgŭ. Rŭ nŭma ga Lebŭ rŭ guxŭma i Yudiŭgŭrŭ Abrāŭtaa nixŭ. Rŭ ngēmaācŭ i ngēma Yudiŭgŭ rŭ norü paigŭna nanaxā i ngēma Tupanana ŭxŭ, woo natanŭxŭgŭ i Yudiŭgŭ na yŭxŭ i ngēma paigŭ.

⁶ Natürü ga Melquisedé rŭ woo tama Lebítaa nixŭ, natürü Abrāŭmēxewa nanayaxu ga yema Tupanana ŭxŭ. Rŭ nüxŭ tacuēx na Abrāŭ yŭxŭ ga noxri nayaxucŭ ga Tupanaārŭ uneta. Rŭ Melquisedé rŭ Tupanana naca na Abrāŭmaā mexŭ naxueguxŭcēx.

⁷ Rū guxāma meāma nūxū tacuèx rü ngēxguma texé toguecèx Tupanana caxgu na tūxū nangūxēèxūcèx, rü Tupanapēxewa rü yīxema nūxna caxe rü ngēma togū i naxcèx itaçaxūārū yexera tixī. Rū ngēmaācū nūxū tacuèx na Abrāūārū yexera yīxū ga Melquisedé i Tupanapēxewa.

⁸ Rū űuxma i nuā tatanūwa rü ngēma paigū i ngīxū yauxgūxū i ngēma dīeru i Tupanana űcū, rü duūxūgūmare nixīgū rü tá nayue. Natūrū ngēxguma Melquisedéchiga yadexagu i Tupanaārū ore, rü űoma namaxūxūrūū nixī i nachiga yadexaxū. Rū ngēmawa nūxū tacuèx na Cristu ya guxūguma maxūcūrūū na yīxū ga Melquisedé.

⁹⁻¹⁰ Rū Abrāūāta ga Lebī, rü guxūma i paigū i Lebītaagū ixīgūxū i űuxma ngīxū yauxgūxū i ngēma dīeru i Tupanana űcū, rü nūmagū rü ta Abrāūāma Melquisedéna nanaxāgū ga yema Tupanana űxū. Yerū nūma ga Lebī rü guxūma ga nataagū i űuxma Yudiūgūarū paigū ixīgūxū, rü woo ga na tauta nabuexū ga yexguma, natūrū marū Abrāūxūnewa nayexmagū ga yexguma Melquisedé namawa Abrāūpēxegu yanguxgu. Rū ngēmawa nūxū tacuèx na guxūma i ngēma paigūarū yexera yīxū ya Melquisedé.

¹¹ Rū nuxcūmaūgūxū ga tōrū oxīgū ga Yudiūgū, rü Lebītaagū ga paigūmēxēwa nixī ga nayauxgūāxū ga Tupanaārū mugū. Natūrū pemaā nūxū chixu rü yexguma chi yema paigū aixcūma yema Yudiūgūxū imexēgūgu ga Tupanapēxewa, rü taxucèx chima Tupana nūxū naxuneta ga naī ga pai ga Melquisedérūū ixīcū ga tama Lebītaa ga Arāūrūū ixīcū. Rū yemacèx ga Tupana rü nūxū naxuneta ga Nane ga Ngechuchu na tōrū chogūruū ya pai yīxūcèx.

¹² Rū yemacèx ga Tupana rü yema Yudiūgūarū paigūchicūxū na yangucuchixēè ga Cristu. Rū nūma nixī i űuxma i aixcūma Tupanapēxewa tūxū yamexēègūxū. Rū guxūma ga Lebītaa rü paigū nixīgū yerū yemaācū nixī ga naxueguxū nawa ga yema mugū ga Moiché űmatūxū. Natūrū nūma ga Cristu rü marū nanaxūchicūū ga guxūma ga yema.

¹³⁻¹⁴ Erū meāma nūxū tacuèx rü nūma ya tōrū Cori ya Ngechuchu ya yima nachiga idexagūcū rü tama Lebītaa nixī erū nūma rü Yudātaa nixī. Rū nūxū tacuèx rü taxuūma ga Yudātaa rü pai nixī, yerū ga Moiché rü yexguma yema paigūchiga yadeaxgu rü taxuūma ga Yudātaaxū naxuneta na pai yīxūcèx.

¹⁵ Rū ngēmaācū meā nangox na Tupana iyanaxoxēèxū ga guxūma ga yema mugū ga Moiché űmatūxū ga paigūchiga. Yerū nūma ga Tupana rü nūxū naxuneta ga wūxi ga pai ga yexwacaxūcū ga tama Lebītaa ixīcū. Rū nūma nixī i tōrū Cori yīxū ya Melquisedérūū ixīcū, erū guxūma i ngēma togū i paigūarū yexera nixī.

¹⁶ Rū guxūma ga yema togū ga paigū rü nangucu yerū Lebītaa nixīgū. Natūrū nūma ga Cristu rü paixū ningucuchi yerū poramaā yuwa inarūda rü guxūguma namaxēcha na tūxū nangūxēèxūcèx.

¹⁷ Rū ngēmācèx i Tupanaārū ore i űmatūxūwa rü tōrū Corichiga űnanagūrū:

“Cuma rü guxūgutāma duūxūgūarū ngūxēèruū ya pai quixī Melquisedérūū”, űnanagūrū.

¹⁸⁻¹⁹ Rū yemacèx ga Tupana rü űoma ga naānewa nanamu ga Nane, yerū yema mugū ga paigūchiga naxūmatūxū ga Moiché rü tama poraācū tūxū narūngūxēè yerū tama aixcūma tūxū nimexēègū ga Tupanapēxewa. Rū yemacèx Nanexū namu ga Tupana na tōrū pecaducèx nayuxūcèx na ngēmaācū tūxū nangēxmaxūcèx i maxū i taguma gūxū rü aixcūma Tupanamūcūgū ixīgūxūcèx.

²⁰⁻²¹ Rū yexguma Tupana yema togū ga paigūxū ngucuxēègu, rü nanangucuxēèmare. Natūrū yexguma Cristuxū yangucuchixēègu na tōrū ngūxēèruū ya pai yīxūcèx, rü nūgūégagutama inaxuneta. Rū yemacèx ga yexguma Cristuxū yangucuchixēègu rü űnanagūrū:

“Choma i Cori ya Tupana rü marū cuxū chaxuneta na guxūgutāma duūxūgūarū ngūxēèruū ya pai quīxūcèx. Rū ngēma rü tagutāma chanaxūchicūū erū chaugūégagu ichaxuneta”,

űnanagūrū.

²² Rū űuxma na yemaācū nūgūégagutama inaxunetaxū ga Tupana, rü nūxū tacuèx na aixcūmaxūchima yema paigūarū yexera na yīxū ya Cristu erū guxūgutāma Tupanapēxewa tūxū narūngūxēè.

²³ Rū yema togū ga paigū rü namuxūchi, yerū niyuetanū. Rū yemacèx taxucūrūwama guxūguma paigū nixīgū.

²⁴ Natūrū űuxma na tōrū ngūxēèruū ya paixū yangucuchixū ya Ngechuchu, rü ngēmācèx marū taxucèxma texé ya togue tingucuchi, erū nūma ya Ngechuchu rü tagutāma nayu.

²⁵ Rū ngēmācèx nixī i űuxma i nūxū natauxchaxū na aixcūma tūxū namaxēèxū ya guxūma ya yīxema norū ngūxēèmaā Tupanaxūtawa ngugūxe. Erū nūma ya Ngechuchu rü guxūguma namaxēcha na tūmaētūwa nachogūxūcèx.

26 Rū ngēmaācū ya Ngechuchu, rū nūxīcatama nixī i pai ya tórū ngūxēēruū yīixū i Tupanapēxewa. Erū nūma rū aixcūma naxūūne, rū nataxuma i chixexū i nawa, rū nangearu pecaduāx yerū taguma taxrūū pecadu naxū. Rū űuxma rū guxūġetūwa nangēxma i daxūguxū i naānewa i Tupana Ingēxmaxūwa.

27 Rū Ngechuchu rū tama ngēma togū i paigūerurūū nixī. Erū nūmagū rū nanaxwēxe na guxū i ngunexūgu Tupanacēx naxūnagū nadējūxū na ngēmaācū Tupana nūxū nūxū ngechaūxūcēx i noxrūtama pecadugū rū guxū i duūxūġūarū pecadugū ta. Natūrū nūma ga Ngechuchu rū yexguma nūgū inaxāxgu, rū wūxicanatama pecaducēx nayu. Rū ngēma rū guxūġutama name i Tupanapēxewa.

28 Rū yema mugū ga Moīché űmatūxū, rū duūxūġūmarexū naxuneta na paigūerugū yixūġūxūcēx. Natūrū nūmagū rū ta nipecaduāxgū. Natūrū yemawena ga Tupana rū nūġūēgagu Nanexū naxuneta na tórū ngūxēēruū yīixūcēx. Rū yima Nane rū guxūġuma mecūxūchi ya tórū Maxēxēēruū nixī. Rū nūma rū guxūġuma tūxū narūngūxēē i Tupanapēxewa.

8

Ngechuchu nixī ya tórū ngūxēēruū i Tupanapēxewa

1 Rū ngēma pemaā nūxū tixuxchaūxū i űuxma nixī na tūxū nangēxmaxū ya tórū ngūxēēruū ya mexēchicū i Tupanaxūtawa. Rū nūma rū Tupana Nane ya Cristu nixī. Rū daxūguxū i naānewa i Tupanaārū tūġūnecūwawa narūto erū guxūārū āēxgacū nixī.

2 Rū ngēma daxūguxū i naānewa i ngēma nachica i űūnexū ga Tupana űxūwa nixī i taxcēx inačaxū. Rū tama ngēma Yudiūġūarū paigūrūū wūxi ya ĩpata ya duūxūġū űūnēwa Tupanana taxcēx ĩnaca.

3 Rū guxūma i ngēma Yudiūġūarū paigūeru rū nangucu na Tupanana naxāġūāxūcēx i āmareġū rū naxcēx nadaiāxūcēx i naxūnagū na Tupana nūxū nūxū ngechaūxūcēx i duūxūġūarū pecadugū. Rū yemacēx ga Ngechuchu rū Tupanana nūgū naxāmare na duūxūġūarū pecaducēx nayuxūcēx.

4 Rū űuxma i nūma ya Ngechuchu rū daxūguxū i naānewa nangēxma na ngēma tórū ngūxēēruū ya pai yīixūcēx i Tupanapēxewa. Rū ngēmacēx tama űoma i naānewa nixī i pai yīixū. Natūrū ngēxguma chi űoma i naānewa nangēxmagu rū tāū chima pai nixī erū űoma i naānewa nangēxmagū i ngēma Yudiūġūarū paigū i Tupanana āmare āġūxū yema Moīchéarū mugū nūxū ĩxuxrūū.

5 Natūrū ngēma puracū i űoma i naānewa naxūġūxū i ngēma Yudiūġūarū paigū, rū naxcēx nadauxūtaegūmare i ngēma Ngechuchu daxūguxū i naānewa űxū. Rū ngēma nachica i nawa Tupanacēx napuracūexū i ngēma paigū, rū nanaxūchicūnēxāġūmare i ngēma nachica i Ngechuchu nawa ngēxmaxū. Rū meāma nūxū tacuēx i ngēma, yerū yexguma Moīché naxūxchaūgu ga Tupanapata, rū Tupana rū űanagūrū nūxū:

“ĶDūcēx, meā nangugū i ngēma cuēxruū ga cuxū chawéxū ga mēxpūne ga Chinaűwa! Rū chanaxwēxe i ngēmaācū na cunaxūxū”,
űanagūrū.

6 Natūrū nūma ya tórū ngūxēēruū ya Cristu rū daxūguxū i naānewa nangēxma, rū ngēma aixcūmaxūchi Tupanapēxewa taētūwa nachogū. Rū ngēma Yudiūġūarū paigū rū nagu naxīāma ga yema nuxcūmaūxū ga uneta ga Moīché űmatūxū. Natūrū nūma ya Tupana rū marū tūxma nanaxā i wūxi i ngexwacaxūxū i uneta erū tamaā nūxū nixu na Cristu yīixū ya aixcūma tórū ngūxēēruū ĩxīcū. Rū nūma rū nayu na Tupanapēxewa tūxū yamexēēxūcēx, rū ngēma Tupanaxūtawa nangēxma i űuxma na taētūwa nachogūxūcēx. Rū ngēmaācū nūxū tadau na Tupanaārū uneta i ngexwacaxūxū rū yema nuxcūmaūxū ga unetaarū yexera yīixū na namexū.

7 Yerū yexguma chi yema nūxīraūxū ga uneta ga Moīché űmatūxū rū aixcūma namexgu na duūxūġūxū namaxēēxūcēx, rū marū taxucēx chima tanaxwēxe i to i ngexwacaxūxū i Tupanaārū uneta.

8 Natūrū nūma ga Tupana rū nūxū nadau na tama aixcūma napēxewa duūxūġūxū yamexēēxū ga yema nūxīraūxū ga uneta ga Moīchéna naxāxū. Rū yemacēx ga Tupana rū űanagūrū:

“Wūxi i ngunexū rū wena táxaru guxūma i chorū duūxūġūmaā ĩchaxuneta.

9 Natūrū ngēma chorū uneta i ngexwacaxūxū, rū tāūtāma namaā nawūxigu ga yema nūxīraūxū ga chorū uneta ga nuxcūmaūġūxū ga perū oxigūmaā nūxū chixuxū ga yexguma nūxū charūngūxēēgu na ĩnaxoxūxūcēx ga Equituarū naānewa. Yerū nūmagū ga yema duūxūġū rū tama chauga naxīnūē rū tama nayanguxēē ga yema nūxīraūxū ga chorū uneta, rū yemacēx ĩchanawogū.

¹⁰ Natürü ngëxguma nawa nanguxgu na wena namaã ichaxunetaxũ, rü ñaãcü tá nixĩ i guxũma i Yudiugũmaã ichaxunetaxũ: 'Rü tá meãma ngëma duũxũgũxũ nüxũ chacuëxëë i chorü mugü na aixcũma naãëwa nangëxmagũxũcëx. Rü choma rü tá norü Tupana chixĩ, rü nümagü rü tá chorü duũxũgũ nixĩgũ'.

¹¹ Rü guxũma i ngëma duũxũgũ i choxũ yaxõgũxũ, rü aixcũma tá choxũ nacuëxgũ. Rü ngëmacëx taxucëtãma tüxcüũ nügũmaã nüxũ nixugũgũ i chauchiga na ngëmaãcü choxũ nacuëxgũxũcëx. Erü guxũma i chorü duũxũgũ rü aixcũma tá meã choxũ nacuëxgũ woo buxũ rü ãxna yaxũ.

¹² Rü tá nüxũ nüxũ changechaũ i norü chixexũgũ, rü tá nüxũ ichayarüngũmaxũchi i norü pecadugũ", ñanagürü ga Tupana.

¹³ Rü dücax, ñuxma na Tupana ngexwacaxũxũ i unetachiga idexaxũ, rü ngëmawa nüxũ tacuëx na yema nüxĩraũxũ ga uneta rü marü nangupetüchaũxũ. Rü nüxũ tacuëx rü guxũma i ngëma marü ngupetüchaũxũ, rü paxa tá inayarũxo. Rü ngëmaãcü i ngëma Yudiugũarü paigü, rü marü inayarüoxochaũ na Tupanapëxewa duũxũgũxũ nangũxëëxũ. Erü nüma ya Tupana rü marü Cristuxũ ningucuchixëë na törü ngũxëëruũ yĩxũcëx i napëxewa.

9

Tupanapata ga duũxũgũ üxũnechiga rü Tupanapata ya daxũgũxũ i naãnewa ngëxmanechiga

¹ Rü yexguma nuxcũma Moichëmaã yadeaxgu rü nüxna naxããgu ga yema nüxĩraũxũ ga uneta, rü Tupana namaã nüxũ nixu na ñuxãcü nanaxwëxexũ na nüxũ yacuëxũgũxũ. Rü yexgumarũ tá namaã nüxũ nixu na ñuxãcü nanaxwëxexũ na naxcëx naxũãxũ ga wũxi ga ipata ga naxchirunaxcëx na yema nüxũ yacuëxũgũxũcëx ga paigü.

² Rü guma ipata ga naxchirunaxcëx rü nitüyemachĩã. Rü yema naxmachĩã ga nüxĩra nawa ixücxũxũ, rü "Nachica i Üünexũ" nixĩ ga naëga. Rü yëma nayexma ga werachica rü mecha ga pãu ga üünexũ nagu nuxũ.

³ Rü yema to ga naxmachĩã ga yema tüyemachĩãxũcëxwena üxũ rü "Nachica i Üünexũchixũ" nixĩ ga naëga.

⁴ Rü yëma nayexma ga yema mecha ga uirunaxcëx ga ngextã nawa yagugũãxũ ga pumara ga yixixũ ga yexguma yaguxgu. Rü yëma nayexma ta ga yema baũ ga Tupanaãrũ mugü nagu namaã nanguxũgũxũ. Rü yema baũ rü guxũwama uirumaã natüxüne. Rü yematama baũarü aixepewa nayexma ga wũxi ga tüxũxãcü ga uirunaxcëx ga yema pãu ga daxũwa rüyixũmaã ããcxũxũ. Rü yexgumarũ ta yema baũarü aixepewa nayexma ga Arãũarü caũrũxũ ga rüxũxũne, rü guma nutagü ga Tupanaãrũ mugü nagu umatügũcü.

⁵ Rü yema baüetüwa nayexmagü ga yema taxre ga daxũcũãxchicünëãgũ ga ixãxpëxatüxũ. Rü naxpëxatügũmaã nayadüxëtügü ga yema baũãtaũ. Rü yema daxũcũãxchicünëãgũarü ngãxũwa nixĩ ga nügü nangoxëëxũxũ ga Tupana. Natürü taxucëxma tüxcüũ yexeraãcü nüxũ tixu i ngëmachiga.

⁶ Rü wüxicana yemaãcü na namexëëgũãxũ ga guxũma ga yema, rü ñuxũchi ga paigü rü guxũguma yema nüxĩraũxũ ga naxmachĩãgu nachocuxũ na yëma Tupana namaã nüxũ ixuxũãcüma nüxũ yacuëxũgũxũcëx.

⁷ Natürü yema to ga naxmachĩãwa rü yema paigũarü ãëxgacüxicatama nixĩ ga yexma ücxũxũ. Rü tama guxũguma yexma naxücu, natürü wüxicanatama yexma naxücu ga wüxichigü ga taunecügu. Rü yexguma yexma naxücxugu rü yëma nanange ga naxũnagu rü guma nagũmaã yema baũxũ namaxcuëtü. Rü yemaãcü ga yema paigũarü ãëxgacü rü inanaxã ga guma nagü na noxrütama pecadu rü guxũma ga duũxũgũarü pecaduxũ iyanangũmaxũcëx ga Tupana.

⁸ Natürü yema paigũarü ãëxgacüxicatama nixĩ ga yema Nachica ga Üünexũchixũgü ücxũxũ ga Tupana iyexmaxũwa. Rü ngëmaãcü Tupanaãë i Üünexũ tüxũ nüxũ nacuëxëë na taxucürüwama yexma Tupana iyexmaxũgu nachocuxũ ga guxũma ga duũxũgũ yerü yexguma nagu naxĩxgu ga yema mugü ga Moichë umatüxũ rü nachuxu ga yema.

⁹ Rü guxũma i ngëma pemaã nüxũ chixuchigaxũ, rü wũxi i cuëxruũ nixĩ i taxcëx i yixema na ñuxma imaxëxũ. Rü ngëmawa nüxũ tadau rü yema ãmaregü ga Tupanana naxãgũxũ rü yema naxũnagü ga Tupanacëx nadëixũ rü taxucürüwama yema duũxũgũxũ nimexëë na aixcũma Tupanapëxewa yamexũcëx.

¹⁰ Rü yema nuxcũmaũgũxũ ga mugü ga õnagüchiga rü axeũgüchiga rü nacümagüchiga ixĩxũ, rü yema duũxũgũarü düxëtüxũnecëxicatama nixĩgũ. Rü yemacëx tama yema duũxũgũxũ nimexëë na aixcũma Tupanapëxewa yamexũcëx. Rü woo napora ga yema mugü ga noxrix, natürü yexguma inanguxgu ga Cristu rü marü yexma nayacuëx na duũxũgũmaã naporaxũ.

¹¹ Natürü i ñuxma rü marü inangu ya Cristu. Rü nüma nixĩ i aixcũma törü ngũxëëruũ yĩxũ i Tupanapëxewa, rü nagagu nixĩ i nangëxmaxũ i maxũ i taguma gũxũ. Rü ngëma nachica i

ngextá taetúwa ínachogúxúwa ru aixcúma naxúúne erú tama guma ípata ga naxchirunaxcèx ga duúxúgúmare úxúnerúú nixí erú daxúguxú i naánewa nangèxma.

¹² Rú Cristu rú marú daxúguxú i naánegu naxúcu i ngextá Tupana íngèxmaxúwa. Rú taxucèxma túxcúú wúxichigú ya tauncègu ngèxma naxúcu, erú marú guxúguma ngema nangèxmaècha. Rú yexguma yexma naxúcuxgu, rú tama yéma nanange ga chibugúgú rú wocaxacúgúgu na Tupanana naxáaxúcèx. Natúru núma ga Cristu rú nagútama ínaxá na yemaácú naxútanúáxúcèx ga tóru pecadugú rú túxú nangèxmaxúçèx i maxú i taguma gúxú.

¹³ Rú yema mugú ga Moíché úmatúxú rú ñanagúru:

“Ngèxguma texé yuetaxú íngögúgu, rú taxucúruwama Tupanapata ya naxchirunaxcèxgu taxúcu”,

ñanagúru. Rú yemacèx ga yema Yudiúgu, rú yexguma wúxi ga yuetaxú yangögúgúgu rú nanaxwèxegú ga na norú paixúttawa nagaáxú ga wúxi ga woca na yema pai Tupanacèx yamáxúcèx rú na yaguáxúcèx na yemaácú ga guma tanimaca rú dexágu nagúáxúcèx na yema duúxúgúxú namaá namaxcuxúcèx na yemaácú núxna ínayixúcèx ga norú chixexú. Natúru yema rú duúxúgiaru dúxétúxúnewaxicatama nanamexéè rú tama norú maxúxú namexéè.

¹⁴ Natúru nagú ya Cristu rú yema naxúnanagúgiaru yexera name erú tóru maxú namexéè na aixcúma Tupanapèxewa ímexúcèx. Rú Cristu rú woo Tupana Nane na yúxú rú na nataxuxú ga norú chixexú, natúru Tupanana núgu naxá rú tóru pecaducèx nayu yerú Naáè i Úúnexú nanaporaxéè. Rú yemaácú curuchagu nanabaxéè ga nagú. Rú ñuxma ya yima nagú rú ningu na túxú namexéèxúcèx i Tupanapèxewa. Rú ngèmacèx taxucèxma tanaxwèxe na nagu íxixú ga yema mugú ga Moíché úmatúxú ga tama túxna naxáxú i maxú i taguma gúxú. Rú ñuxma na Cristugagu Tupanapèxewa ímexú, rú núma ya Cristu rú túxú narúngúxéè na naxúxúcèx i ngéma Tupana ya maxúxú túxú naxwèxexú.

¹⁵ Rú ñuxma na tóru pecaducèx nayuxú ga Ngechuchu ya Cristu, rú núma nixí i tóru ngúxéeruú i Tupanapèxewa, ngéma Tupanaáru uneta i ngecxwacaxúxú núxú íxuxúruú. Rú ñuxma i yixema na Tupana túxú dexú, rú túxú nangèxma i maxú i taguma gúxú ega yima Naneáxú yaxögúgu. Rú ngèxgumarúú ta i guxúma i Tupanaáru duúxúgú ga nuxcúma yaxögúxú, rú núxú nangèxma i maxú i taguma gúxú yerú Cristu nayu na norú pecaduna ínanguxúxéèáxúcèx.

¹⁶ Rú ngèxguma nayuxchaúgu i wúxi i duúxú, rú wúxi i poperagu nanaxúmatú na texé tá nayaxuxú i norú ngèmaxúgú. Natúru ngèxguma namaúxgu i ngéma duúxú, rú taxucúruwama texé tanayaxu i norú ngèmaxúgú.

¹⁷ Rú ngèmacèx i ngéma popera rú tama napora i ngèxguma namaúxgu i ngéma duúxú. Rú ngèxguma nayuxgucicatama nixí i naporaxú.

¹⁸ Rú núma ga Cristu rú norú yumaá nixí ga Tupanapèxewa túxú yamexéègúxú. Yerú ga Moíché rú núxú nixu rú yexguma texé pecadúaxgu rú tanaxwèxe na túmaáru paixúttawa tanagaxú ga wúxi ga naxúna na túmaegagu nayuxéèáxúcèx rú inabaáxúcèx ga nagú na Tupana túxú ngechaúxúcèx ga túmaáru pecadu.

¹⁹ Rú Moíché rú guxúma ga duúxúgúpèxewa núxú nixu ga guxúma ga Tupanaáru mugú. Rú yemawena nanayaxu ga wocaxacúgúgu rú chibuxacúgúgu, rú dexámaá nanaxúéú. Rú ñuxúchi nanayaxu ga wúxi ga naíxchacúúxácú rú ñuxre ga túèxmú ga dauxúne, rú yema naíxchacúúgu nanabagumú. Rú yemamaá guma nagúwa nanacúe rú ñuxúchi nanamaxcúéú ga yema popera ga Tupanaáru mugú nawa yemaxú. Rú yexgumarúú ta nayamaxcutanú ga guxúma ga duúxúgú.

²⁰ Rú ñuxúchi ga Moíché rú ñanagúru núxú ga duúxúgú:

“Tupana rú marú ínaxuneta na pexú tá nangúxéèxú. Rú daa nagúmaá pexú chimaxcutanú i ñuxma erú ngémaácú nixí i choxú namuxú na ngémawa núxú pecuáxúcèx na aixcúma tá pexú nangúxéèxú”,

ñanagúru.

²¹ Rú ñuxúchi ga Moíché rú guma nagúmaá nanamaxcúéú ga guma ípata ga naxchirunaxcèx ga nawa Tupanaxú yacuéxúgúne. Rú yexgumarúú ta nayamaxcutanú ga guxúma ga yemaxúgú ga namaá Tupanaxú yacuéxúgúxú ga guma ípataaru aixepewa yexmagúxú.

²² Rú núxú tacuèx rú yema duúxúgú ga yexguma pecadu naxúgúgu rú Tupanapèxewa núgu yamexéègúchaúgu, rú norú paigúxúttawa nanaga ga wúxi ga naxúna na núxú yamááxúcèx rú ínabagúxéèáxúcèx na Tupana tama napoxcúexúcèx. Natúru ñuxma ya Tupana rú túxú núxú nangechaú i tóru chixexú yerú tóru pecaducèx nayu ga Ngechuchu rú nagú ínanaba. Rú yexguma chí táu chima nayuxgu rú nagú inabaágu, rú taxucúruwa chima Tupana túxú núxú nangechaú i tóru pecadugú.

Cristu rú nayu na íyanaxoxéèáxúcèx i pecadu

²³ Rū yemacèx ga Tupana rü nuxcūmaxūchima Moīchémaā nūxū nixu na paigū duūxūgūarū pecaducèx nadèjxū ga naxūnagū rü inabaāxū ga nagū na yemaācū Tupana tama napoxcuexūcèx ga duūxūgū. Natürü i ñuxma i yixema na Tupana tūxū dexū, rü tūxū nangēxma i tachica i daxūguxū i naānewa yerü Nane ya Cristutama tórü pecaducèx nayu rü inanaba ga nagū. Rū yima nagū rü Tupanapèxewa rü poraācū ngēma naxūnagūgūarū yexera narūporamaē.

²⁴ Rū ngēmacèx i ñuxma rü taxucèxma tūxcūū guma ĩpata ga naxchirunaxcèx ga duūxūgū ūxūnegu naxūcu ya Cristu na ngēma taētūwa nachogūxūcèx. Erū nūma ya Cristu rü marū Tupanaxūtawaxūchi nangu i daxūguxū i naānewa. Rū ngema Nanatūpèxewa nangēxma i ñuxma na ngema taētūwa nachogūxūcèx.

²⁵ Rū ngēmacèx i ñuxma rü taxucèxma tūxcūū guxūguma Nanatūna nūgū naxāēcha na ngēmaācū taxcèx nayuuuxūcèx. Rū yema Yudūgūarū paigūarū āēxgacūgū rü gūcū ga tauncūgūgū guma ĩpata ga ūūnenegu nachocuxū na yēma Tupanana naxāgūāxūcèx ga guma naxūnagūgū.

²⁶ Natürü ya Cristu, rü taxucèxma tūxcūū gūcū ya tauncūgūgū Tupanana nūgū naxāēcha, erū ngēxguma chi ngēmaācū yixūgu rü chi noxri naāne ixūgūgumama rü chi marū muēxpūxcūna taxcèx nayu. Natürü ñomaūcūū ga Cristu rü marū ñoma ga naānewa nangu na wūxicanatama nūgū inaxāxūcèx rü pecaducèx nayuxūcèx.

²⁷⁻²⁸ Rū ngēma na wūxicanatama nayuexū i duūxūgū naxūpa na Tupanapèxewa nangūgūxū, rü yexgumarūūtama ga Cristu rü wūxicanatama nūgū inaxā rü nayu na iyanaxoxēāxūcèx i muxūma i duūxūgūarū pecadugū. Natürü wena taxarū nūma naxū. Rū ngēxguma wena nūma naxūxgu rü tama pecaduarū oxēēwa tā nūma naxū. Natürü tā nūma naxū na namaxēxēēāxūcèx i guxūma i ngēma duūxūgū i aixcūma ĩnguxūēēgūxū.

10

¹ Rū yema mugū ga Moīché ūmatūxū rü ĩrarūwatama yema duūxūgūcèx nanangoxēē ga tacū tā na naxūxū ga Cristu. Natürü ga yema mugū rü tama aixcūma Cristurūū napora, yerū taxucūrūwama Tupanapèxewa nayamexēē ga yema duūxūgū woo gūcū ga tauncūgūgū Tupanacèx nanadaixū ga naxūnagū na yemaācū Tupanana nangaicamagūxūcèx. Rū yemaācū ga yema mugū rü taxucūrūwama Cristurūū nanamaxēxēē ga yema duūxūgū.

² Rū yexguma chi yema mugū aixcūma yema duūxūgūxū imexēēgu ga Tupanapèxewa, rü tāū chima nagu narūxūnūēēcha na yapedaduāxū, rü chi nūxū narūxoe na naxūnagū Tupanacèx nadèjxū.

³ Natürü woo gūcū ga tauncūgūgū Tupanacèx naxūnagū nadèjxū ga duūxūgū, rü tama norū pecadu inayarūxoxēē. Rū yema rü norū pecaduarū cuēxāchixēēruūmare nixī.

⁴ Yerū guma nagū ga yema wocagū rü chibugū rü tama napora na iyanaxoxēēāxūcèx ga pecadugū.

⁵ Rū yemacèx ga Cristu ga yexguma ñoma ga naānewa naxūxchaūgu, rü Nanatūxū ñanagūrū:

“Tama cunaxwēxe na naxūnagū cuxcèx nadèjxū i duūxūgū na naxūtanūgūāxūcèx i norū pecadugū. Natürü cunamexēē i ñāā chaxune na ngēmamaā chanaxūtanūxūcèx i pecadu.

⁶ Rū tama namaā cutaāē i ngēma naxūnagū i cuxna naxāmaregūxū rü cuxcèx nadèjxū rü yagugūxū na naxūtanūgūāxūcèx i norū pecadugū.

⁷ Rū yemacèx rü ñacharūgū: ‘Dūcèx, Pa Chaunatūx, daxe chixī, rü nuā cupèxewa changēxma na chanaxūxūcèx i curū ngūchaū rü na chayuxūcèx, ngēma curū orewa chauchiga naxūmatūxūrūū, ñacharūgū’.

⁸ Rū yemaācū ga Cristu rü nūxū nixu na Tupana rü tama aixcūma namaā nataāēxū ga yema na naxcèx nadaiāxū ga naxūnagū rü naxcèx yagugūāxū na naxūtanūgūāxūcèx ga norū pecadugū woo yema mugū ga Moīché ūmatūxūwa rü duūxūgūxū namu na naxūgūāxū ga guxūma ga yema.

⁹ Rū yemawena ga Cristu, rü ñanagūrū ta:

“Dūcèx, Pa Chaunatūx, daxe chixī, rü nuā cupèxewa changēxma na chanaxūxūcèx i curū ngūchaū rü duūxūgūarū pecaducèx na chayuxūcèx”,

ñanagūrū. Rū yemawa nūxū tacūx na Tupana rü marū iyanaxoxēēāxū na naxūnagū naxcèx nadèjxū, yerū Nanexū ningucuchixēē na pecaducèx nayuxū.

¹⁰ Rū ñuxma na Ngechuchu ya Cristu naxūxū ga yema Tupanaārū ngūchaū, rü ngēmacèx nixī i ñuxma i Tupanapèxewa ixūūnexū i yixema. Yerū nūma ga Cristu rü Tupanana nūgū naxā na wūxicanatama guxāārū pecaducèx nayuxū.

¹¹ Rū guxūma i Yudūgūarū paigū rü wūxichigū i ngunexūgu rü tupaucawa nangēxmagūxū na Tupanana naxāgūāxūcèx i naxūnagū i naxcèx nadaiixū. Rū guxūguma yemaācū

nanaxügüxŭ natürü taguma aixcūma inayarūxo ga norü pecadugü woo yemaäcü na naxügüxŭäxŭ.

¹² Natürü nūma ga Ngechuchu ya Cristu rü wüxicanatama Tupanana nügü naxā na guxāārü pecaducēx nayuxŭcēx. Rü yemawena rü űuxŭchi daxŭwa naxŭ rü Tupanaārü tügünecūwawa nayarūto, erü guxāārü äēxgacü nixŭ i űuxmax.

¹³ Rü ngēma nixŭ i nangēxmaxŭ űuxmatāta ya Tupana rü guxŭma i norü uwanügüxŭ nūxŭ nayexeraxēē.

¹⁴ Rü nūma ga Ngechuchu ya Cristu rü wüxicanatama Tupanana nügü naxā rü nayu na guxŭguma Tupanapēxewa timexŭcēx ya yŭxema Tupanacēx tūxŭ yaxüünexēēgūxe. Rü ngēmacēx i űuxma rü taxucēxma tūxcüŭ wena nügü inaxā rü nayu, yerü wüxicanatama guxŭma ningutanūxēē.

¹⁵⁻¹⁶ Rü Tupanaāē i Üünexŭ rü tūxŭ nūxŭ nacuēxēē na aixcūma yŭxŭ i ngēma, yerü nūma ga Tupana rü űanagürü:

“Ngēxguma nawa nanguxgu na wena ngēma Yudŭgūmaā ichaxunetaxŭ, rü wüxi i ngexwacaxŭxŭ i uneta tá nūxna chaxā. Rü tá meā ngēma duŭxŭgüxŭ nūxŭ chacuēxēē i chorü mugü na aixcūma naāēwa nangēxmagüxŭcēx rü guxŭguma naga naxŭnūēxŭcēx.

¹⁷ Rü tá nūxŭ ichayarüngūmaxŭchi i ngēma duŭxŭgūarü pecadugü rü ngēma chixexŭ i naxügüxŭ. Rü tagutāma wena nūxna chacuēxāchi”, űanagürü.

¹⁸ Rü ngēmaäcü nūxŭ tacuēx rü ngēxguma Tupana duŭxŭgūaxŭ nūxŭ ngechaŭgu i norü pecadugü, rü marü taxucēxma tūxcüŭ nanaxwēxe na wena űacü i naxŭnagü nūxna naxāgüxŭ naxcēx i pecadu.

Name nixŭ i Tupanana tangaicamagü

¹⁹⁻²⁰ Rü ngēmacēx i űuxma, Pa Chaueneēgü, rü taxucēxma tūxcüŭ tamuŭē na Tupana ingēxmaxŭwa ichocuxŭ na namaāxŭchi idexagüxŭcēx. Rü nuxcūmaxŭchima rü paigūarü äēxgacüxicatama yexma naxūcu nagu ga guma űpata ga naxchirunaxcēx ga Tupana nawa yexmane. Rü taxucürŭwama ngexerŭxūxemare yexma taxūcu. Natürü nūma ga Ngechuchu ya Cristu rü marü inayanaxoxēē ga guxŭma ga yema ga yexguma curuchagu nayuxgu rü nagü inabaāgu na Tupana ingēxmaxŭwa tūxŭ yachocuxēēxŭcēx rü namaāxŭchi idexagüxŭcēx. Rü woo taxucürŭwama Tupanana tangaicamagü ga noxrix, natürü nūma ga Cristu rü nayu na tūxŭ namaxēxēēxŭcēx. Rü nagagu nixŭ i űuxma i Tupanaxŭtawa ingügüxŭ.

²¹ Rü nūma nixŭ i Tupanapēxewa tūxŭ nangŭxēēxŭ i guxāma i yŭxema i Tupanaārü duŭxŭgü ixŭgūxe.

²² Rü űuxma na tūxŭ nangēxmaxŭ ya tōrü ngŭxēēruŭ i Tupanapēxewa, rü tanaxwēxe i ngearŭ chixexŭäcūma Tupanana tangaicamagü na namaāxŭchi idexagüxŭcēx. Rü tanaxwēxe i aixcūma tayaxōgü na nūma rü tá meā tūxŭ nayaxuxŭ yerü Cristu rü taxcēx nayu na tūxŭ iyanaxoxēēäxŭcēx i tōrü chixexŭ rü yemacēx marü naegagu űtabaiŭ.

²³ Rü tanaxwēxe i aixcūma meā Cristuaxŭ tayaxōgūecha yerü nagūmaā tūxŭ inayanaxoxēē ga tōrü chixexŭ. Rü ngēmacēx itananguxēē na wena taxarŭ nūma naxŭxŭ na Nanatūxŭtawa tūxŭ nagagüxŭ. Rü taguma tanaxwēxe na nūxŭ rŭxoexŭ na yaxōgüxŭ, rü bai i űrārŭwa. Erü Tupana ga tamaā ixunetacü na tūxŭ nangŭxēēxŭ, rü aixcūmaxŭchi tá nayanguxēē i guxŭma ga yema tamaā nūxŭ yaxuxŭ.

²⁴ Rü űuxma na ngēmaäcü tūxŭ nangŭxēēxŭ ya Tupana, rü name nixŭ i guxŭguma naxcēx tadaugu na űuxäcü wüxichigü yigü rüngŭxēēgüxŭ na yexeraäcü yigü ingechaŭgüxŭcēx rü mexŭ ixügüxŭcēx.

²⁵ Rü name nixŭ i guxŭguma tōrü ngutaquēxegūwa na űngügüxŭ. Erü nūmaxŭ rü marü nūxŭ narŭxoe na ngutaquēxewa naxŭxŭ, rü tama tanaxwēxe na ngēxgumarŭŭ ixŭgüxŭ. Rü ngēmacēx name nixŭ i yigüaxŭ tanangŭchaŭxēē na ingutaquēxegüxŭ. Rü űuxma na nūxŭ icuáxŭ na marü yangaicaxŭ ya tōrü Cori, rü yexeraäcü tanaxwēxe na yigüaxŭ nangŭchaŭxēēxŭ.

²⁶ Natürü ngēxguma chi texé Cristuaxŭ yaxōchirēxgu ga noxrix rü űuxŭchi noxtacūma nūxŭ tarŭxoxgu, rü marü nataxuma na űuxäcü namexēēxŭ i ngēma tūmaārü pecadu i Tupanapēxewa.

²⁷ Erü ngēxguma chi ngēmaäcü noxtacūma Cristuxŭ tarŭxoxgu, rü aixcūmaxŭchi tá tanayaxu i ngēma poxcu i äücūmaxŭ i Tupana tá tūxŭ namaā poxcuxŭ rü yima ŭxŭ ya iyaaurane ya nawa tá űnaguxŭne i ngēma Tupanamaā rŭxuwantügüxŭ. Rü ngēxcatama nixŭ i tūxŭ űnanguxēēxŭ ya yŭxema Cristuxŭ rŭxoxe.

²⁸ Rü nūxŭ tacuēx rü yexguma texé tama Moŭchearŭ mugüga űnūgu rü nayexmagu ga taxre rü ēxna tomaēxpŭx ga duŭxŭgü ga tūxŭ daugüxŭ rü tūxŭ ixügüxŭ na aixcūma tama naga taxŭnūxŭ, rü äēxgacügü rü noxtacūma tūxŭ nimēxgü rü tama nūxŭ tangechaŭtūmüŭgü.

²⁹ Natürü Tupana rü aixcūma yexeraäcü tá nanapoxcue i ngēma duñxügü i tama Nanega İnüëxü rü yima nagü ya pecaduarü piruñxü oexü rü Naäë i Üünexü i nüxü ngechañxūmaā guxchigagüxü.

³⁰ Rü meāma nüxü tacuëx rü Tupana rü tama natüçèxma ñanagürü:

“Choma tá nixi i namaā nüxü chacuáxü na ñacü tá namaā chaxüxü i guxüma i ngēma chixexü ügüxü. Rü aixcūma tá chanapoxcu”,

ñanagürü. Rü yexgumarüü ta ñanagürü:

“Choma tátama nixi i nüxna chaçaxü i wüxichigü i chorü duñxügü i norü maxüchiga”, ñanagürü.

³¹ Rü dücax, rü aixcūma namaxü ya Tupana, rü ngēmacèx ega tama naga ixñüëgu rü wüxi i äücūmaxüchixü nixi na namëxgu inguxü na tüxü napoxcuxüçèx.

³² Rü dücax, name nixi i nüxna pecuëxächie ga ñuxäcü na yixü ga yexguma noxri Cristuxü peyaxügu. Rü yexguma ga pema rü yema na peyaxögüxügagu rü poraäcü guxchaxügü pexü nangupetü, natürü tama Cristuxü perüxoë rü bai ga irarüwa.

³³ Rü ñuxre ga pema rü duñxügü pemaā naguxchigagü rü guxäpëxewa pexü niçuaixgü. Rü toguäx ga pema rü pegü ipeyaxägü na yema pemücügürüü ngüxü pingegüxüçèx.

³⁴ Rü pema rü pexü nangechaütümüügü ga yema petanüxügü ga yaxögüxü ga poxcu-pataüwa yexmagüxü. Rü taäëäcūma yaxna namaā pexñüë ga yema tama yaxögüxü ga pexna napuxüxü ga perü yemaxügü. Rü tama naxcèx pexoegaäë, yerü meāma nüxü pecuëx rü daxüguxü i naänewa pexü nangëxma i ngēma perü ngēmaxügüaru yexera ixixü, erü tagütama nagux.

³⁵ Rü ngēmacèx i ñuxmax, rü tama name na nüxü perüxoëxü na Cristuaxü peyaxögüxü woo ñacü pexü üpetügu. Erü marü nüxü pecuëx rü Tupana rü aixcūmaxüchi tá pexna nanaxä i perü ämare i maxü i taguma güxü, erü Cristuaxü peyaxögü.

³⁶ Rü ngēma guxchaxügü i pexü ngupetüxü, rü name nixi i yaxna namaā pexñüë na penaxüçèx i Tupanaärü ngüchaü rü penayaxuxüçèx i ngēma ämare i pemaā inaxunetaxü.

³⁷ Erü Tupanaärü ore i ümatüxüwa rü ñanagürü:

“Paxaxüchi tá wenaxärü nüma naxü ya Cristu. Rü aixcūma täütama nuxcü inangu.

³⁸ Natürü yixema tümaärü ögagu chopëxewa mexë, rü name nixi i guxüguma tayaxöçcūma chaucèx tamaxü. Natürü ngëxguma nüxü tarüxoçgu na tayaxöxü, rü choma rü täütama tümamaä chataäë”, ñanagürü.

³⁹ Natürü i yixema rü tama ngēma duñxügü i nüxü rüxoëxü i Tupana tá poxcuëxürüü tixigü. Erü yixema rü ngēma yaxögüxütanüxü tixigü, rü ngēmacèx tüxü nangëxma i maxü i taguma güxü.

11

Tóru öchiga

¹ Rü ñuxma rü tóru ögagu nixi i nüxü icuáxü na aixcūma tá nayauxgüxü i guxüma i ngēma irüngüëëgüxü ga Tupana tamaā ixunetaxü. Rü ngēma tóru ögagu nixi i nüxü icuáxü na aixcūma Tupana tá yanguxëëxü i ngēma norü uneta i ñuxma tauta nüxü idauxü.

² Rü ñuxre ga nuxcūmaügüxü ga tóru oxigü rü Tupanaäxü nayaxögü, rü yemacèx ga Tupana rü namaā nataäë.

³ Rü ngēma tóru ögagu nixi i nüxü icuáxü na aixcūma yixü na Tupana rü norü oremaämare nangoxëëäxü ga ñoma ga naäne rü üëxcü rü tauemacü rü woramacurigü rü ëxtagü. Rü yemaäcü ga Tupana, rü ngürüwa nanangoxëëmare ga guxüma i ngēma ñuxma nüxü idauxü.

⁴ Rü guma nuxcūmaücü ga Abë rü Tupanaäxü nayaxö. Rü yemacèx Tupanaga naxñü rü nüxna nanaxä ga wüxi ga naxüna ga Tupanacèx yamäxü. Natürü ga naëneë ga Caí rü tama Tupanaga naxñü rü tama nüxna nanaxä ga yema ämare ga Tupana nüxü naxwëxexü. Rü yemacèx ga Tupana rü woo tama Caímaā nataäë, natürü Abëmaā nataäë rü nüxü nixu na mecü yixü yerü nayaxö rü naga naxñü. Rü ngēmacèx i ñuxmax na woo nayuxü ga Abë, natürü wüxi i tóru cuëxruñ nixi. Erü nawa nixi i nüxü icuáxü na Tupana naxwëxexü na yaxögüxü rü naga ixñüëxü.

⁵ Rü Enó rü ta Tupanaäxü nayaxö rü naga naxñü. Rü yemacèx nixi ga namaxäcütama yagaäxü na tama nayuxüçèx. Rü namücügü rü taguma nüxü inayangaugü, yerü Tupana nayaga. Rü Tupanaärü ore i ümatüxüwa nüxü nixu rü yexguma tauta yagaägu, ga Enó rü nanaxü ga yema Tupana naxwëxexü.

⁶ Natürü taxuacūma Tupana tamaā nataäë ega tama nüxü yaxögügu. Rü yixema namaā ämücüchaüxë, rü tanaxwëxe na tayaxöxü na aixcūmaxüchi nangëxmaxü i nüma rü aixcūma tüxü nangüxëëxü ya yixema naxcèx daugüxe rü naga İnüëxë.

7 Rū yexguma Noęmaā yadeaxgu ga Tupana, rū nūma ga Noę rū nayaxō rū naga naxīnū. Rū Tupana rū namaā nūxū nixu rū tá na inanguxēēāxū ga mucū ga taxūchicū ga taguma duūxūgū nūxū daucū rū tá guxūwama inanguanexēēcū. Rū namaā nūxū nixu ga na naxīāxūcēx ga wūxi ga wapuru ga taxūne na tama nayuxēcēx ga nūma rū namēx rū nanegū rū naneāxgū. Rū Tupanaga naxīnū ga Noę, rū nanaxū ga guma wapuru, rū yemaācū tama nayue ga nūma rū napatacūāx. Rū yemaācū Tupanaāxū nayaxō. Natūrū yema togū ga duūxūgū rū tama nayaxōgū, rū yemacēx Tupana nanapoxcue. Natūrū nūma ga Tupana rū Noęxū nixu na napēxewa namexū, yerū nūxū nayaxō.

8 Rū guma tōrū oxi ga Abrāū, rū Tupanaāxū nayaxō. Rū yemacēx nixī ga naga naxīnūxū rū nūma yaxūxū ga nanatūchiūāne na nawa naxūxūcēx ga yema naāne ga Tupana tá nūma āxū na noxrūxūchi yīxūcēx. Rū yemaācū nanaxū ga yexguma Tupana namuxgu. Rū nanatūchiūānēwa inaxūāchi ga Abrāū woo tama nūxū na nacūāxū ga ngextá tá na naxūxū.

9 Rū yexguma nawa nanguxgu ga yema naāne ga Tupana namaā ixunetaxū, rū űoma yexma naxūāneāxūrūūmare ĩpata ga naxchirunaxcēmaāmare naxāchiū. Rū yexgumarūūtama nixīgū ga nane ga Ichaā rū nataa ga Acobu, yerū yexguma nayaegu rū Abrāūrūū űoma yexma naxīāneāxūrūūmare nixīgū ga yema naānēwa. Rū yemaācū nixīgū ga guxūma ga nūmagū ga na woo Tupana rū namaā inaxunetaxū ga na noxrūxūchi yīxūcēx ga yema naāne.

10 Rū yemaācū ga Abrāū, rū woo űoma yexma naxūāneāxūrūūmare yēma nayexma, natūrū Tupanaāxū nayaxōchigūama, yerū nūxū nacūēx na Tupana tá daxūgūxū i naānēwa na nagaxū nawa ya yīma ĩāne ya nūmatama naxūxūne ya tagutāma iyarūxoxūne.

11 Rū yexgumarūūtama iyixī ga Abrāū namēx ga Chara. Rū woo ga na taguma naxāxācūchirēxū yerū marū iyaxūchi, natūrū ixāxācū yerū iyaxōōma na Tupana rū aixcūma tá yanguxēēāxū ga yema norū uneta ga tá na naxāxācūxū.

12 Rū yemaācū ga Abrāū rū woo marū yaguāxūchi na yīxū, natūrū dūxwa nūxū nayexma ga wūxi ga nane, rū gumawa ne naxī ga muxūma ga nataagū. Rū űuxma rū űoma ēxtagūrūū namuxūchi, rū űoma naxnūcū ya taxucūma yaxugūcūrūū nixīgū, yerū yemaācū Abrāūmaā inaxuneta ga Tupana.

13 Natūrū nūmagū ga Abrāū rū Ichaā rū Acobu rū nayue, rū yemacēx tama nūxū nadaugū ga guxūma ga nataagū i űuxma ngēxmagūxū, rū tama namaā inacuēxgū ga yema naāne ga noxri Abrāūmaā nūxū yaxuxū ga Tupana. Natūrū Tupanaāxū nayaxōgūama, rū yemacēx nūxū nacūēxgū rū Tupana rū tá aixcūma na yanguxēēāxū ga yema norū uneta ga namaā nūxū yaxuxū. Rū nataāgū yerū nūxū nacūēxgū na tāūtāma guxūguma űoma ga naānēwa na nayexmagūēchaxū, rū yemacēx nūxū nixugūe na to i nachīūānecūāxūrūūmare yixīgūxū ga űoma ga naānēwa.

14 Rū nūmagū rū yema oremaā meāma tūxū nūxū nacūēxēē na tama űoma ga naāneguxicatama naxīnūēxū natūrū inanguxēēgūāxū i to i nachica i daxūgūxū i naānēwa ngēxmaxū.

15 Rū nūmagū rū yexguma chi nanaxwēxegūga ga naxcēx na nawoeguxū ga yema naāne ga noxri nawa ne naxīxū, rū tāū chīma nūxū naguxcha rū chī naxcēx nawoegu.

16 Natūrū ga nūmagū rū nūxū nangūchaūgū i ngēma naāne i mexēchixū i daxūwa ngēxmaxū i Tupanaxūtawa. Rū yemacēx nixī ga Tupana ga tama naxānēxū na nūgū yaxuxū na norū Tupana yīxū. Yerū nūma ga Tupana rū naxcēx nanamexēē ga wūxi ga ĩāne ya daxūgūxū i naānēwa ngēxmane.

17-18 Rū Tupana ga noxri rū Abrāūmaā nūxū nixu rū űanagūrū:

“Cune ya Ichaāwa tá cuxū nangēxma i muxūchixūtama i cutaagū”,

űanagūrū. Rū Abrāū rū nayaxō na Tupana rū aixcūmaxūchi tá na yanguxēēāxū ga yema namaā inaxunetaxū. Rū yemacēx ga yexguma Tupana nūxū űxgu rū Ichaācēx nūma nacaxgu na naxcēx yamāāxūcēx, rū nūma ga Abrāū rū tama nanachūxu. Rū inamemare na Tupanacēx yamāāxū ga guma nane ga nūgūmaā wūxicacū.

19 Yerū nūma ga Abrāū rū nayaxō na Tupanaāxū natauxchaxū na wena namaxxēēāxū i yuēxū. Rū yemacēx ga Abrāū rū inamemare na Tupanacēx nanexū yamāxū yerū nayaxō na Tupana rū wena tá namaxēēāxū. Rū aixcūmaxūchi yemaācū Abrāūcēx nanaxū ga Tupana, yerū woo űoma marū nayuxūrūū nixī ga nane, natūrū ga Tupana rū maxūcū nūma nanamu. Rū yema rū wūxi ga tōrū cuēxruū nixī na űuxācū aixcūma yaxōōxū ga Abrāū.

20 Rū guma Ichaā rū ta Tupanaāxū nayaxō. Rū yemacēx ga yexguma marū nayēxgu, rū nayumūxē rū Tupanana naca na nanegū ga Acobu rū Echaūxū nangūxēēāxūcēx. Rū yemaācū nayumūxē yerū aixcūma nayaxō na Tupana tá yanguxēēāxū ga yema nūma naxcēx naçaxū.

21 Rū guma Acobu rū ta Tupanaāxū nayaxō. Rū yemacēx ga yexguma marū nayēxgu rū nayuxchaūgu, rū norū caxūxūmaā nūgū inachixēē rū Tupanaxū nicūēxū. Rū nayumūxē

rū Tupana naca na nataagū ga Yúche nanegūxū nangūxēēxūcēx. Rū yemaācū nayumūxē yerū aixcūma nayaxō na Tupana tá yanguxēēxū ga yema Abráŭmaā inaxunetaxū.

²² Rū guma Yúche rū ta Tupanaāxū nayaxō. Rū yemacēx ga yexguma nayuxchaūgu, rū natanūxūgūmaā nūxū nixu rū űnanagūrū:

“Tataagū rū yixcūra rū tá Ínachoxū i nuā Equituanewa na nawa naxīxūcēx i ngēma naāne ga Tupana tōrū oxī ga Abráŭmaā nūxū ixuxū. Rū ngēxguma ngema naxīxgu, rū chanaxwēxe ya chauxchinēxāgū rū ta ngēma nanana na ngēxma yatēxgūāxūcēx”,

űnanagūrū.

²³ Rū yemawena rū mucūma ga taunecūgū rū nimu ga yema duūxūgū ga Equituanewa. Rū yema nachūāneārū āēxgacū, rū tama nanaxwēxe na yexeraācū yamuētanūxū, rū yemacēx nanamu na tūxū nadējūcēx ga guxāma ga buxe ga iyatūxe ga yexwacēx íbuetanūxē. Natūrū nanatū rū naē ga guma tōrū oxī ga Moiché, rū aixcūma Tupanaāxū tayaxōgū. Rū yemacēx ga yexguma noxri nabuxgu ga Moiché, rū tomaēxpūx ga tauemacūgu itayacūxgū, yerū nūxū tadaugū na namexēchixū rū tama naxcēx tamulē ga yema Equituanearū āēxgacūarū ore ga woo na naxunagūāxū ga na buxe tūxū nadējūxū.

²⁴⁻²⁵ Rū Moiché rū ta Tupanaāxū nayaxō. Rū yemacēx ga yexguma marū nayēxgu rū tama nanaxwēxe na nūgū yaxuxū na Equituanearū āēxgacūxacū ngīne na yīīxū, yerū naxcēx rū narūmemaē na natanūxūgū ga Yudiūgūmaā wūxigu ngūxū yangexū. Rū tama nanaxwēxe na űacu ga űnoma ga naāneārū chixexūmaā nūgū na nataāēxēēxū, yerū nūxū nacuēx rū yema taāē rū paxaāchirūmāre nixī.

²⁶ Rū yexgumarūū na daxūguxū ga naānena na yaxūxū ga Cristu na ngūxū yangexūcēx, rū yexgumarūū ta nixī ga Moiché ga āēxgacūpatana na yaxūxū, yerū naxcēx rū narūmemaē na natanūxūgū ga Yudiūgūmaā wūxigu ngūxū yangexū. Natūrū taxucēxma yema ngūxūgu narūxīnū, yerū nūxū nacuēx rū tá wūxi i ngunexūgu Tupanaxūtawa na nayauxāxū i norū natanū.

²⁷⁻²⁸ Rū yema na yaxōōxūcēx nixī ga Tupanaga naxīnūxū ga Moiché. Rū yemacēx ga yexguma Tupana namuxgu ga na naxūāxū ga űpetūchiga, rū nayanguxēē ga yema Tupana namuxū. Rū nūma ga Moiché rū guxūma ga natanūxūgū ga Yudiūgūxū namu na wūxichigū ga Ípatawa yamāāxūcēx ga wūxi ga carneruxacū na yemagūmaā namaxcūāxūcēx ga naāxpatagū. Rū űnanagūrū nūxū:

“űNoma i chūtaxūgu rū tá Tupana nūma Equituanewa nanamu i wūxi i norū orearū ngerūū i daxūcūāx rū tá nanadaī ya yima nūxira bucū ya Eqūituanecūāxgū nane i wūxichigū ya Ípatawa. Natūrū ngēxguma yima nagūmaā penamaxcuxgu i perū űāxpata, rū tāūtāma pechīgu naxūcu”,

űnanagūrū. Rū yemaācū ga Moiché rū Tupanaga naxīnū yerū nūxū nayaxō. Rū yemacēx ga yema orearū ngerūū ga daxūcūāx rū taxūma ga Yudiūgūnēxū nimēx. Rū yema na yaxōōxūcēx nixī ga Ínaxūxūxū ga Equituarū naānēwa, rū tama naxcēx namūxū na guma Equituanearū āēxgacū tá namaā nanuxū. Rū taguma nūxū narūxo ga Tupanawe na naxūxū, yerū Tupana ya ēxūgucūarū ngūchaū naxū.

²⁹ Rū yema duūxūgū ga Moichéwe rūixūxū rū ta nayaxōgū. Rū yemacēx ga yexguma yema Taxtū ga Dauchiūxūwa nangugūgu, rū yema dexā rū ngūna nixīgachi, rū nipaaneāchi, rū yēma nichoū. Natūrū yexguma yema Equituanecūāx ga churaragū ga nawe ngēgūxū nawe ichoūgu, rū yexma nayīama, yerū wenaxārū nūgūna naxī ga yema dexā.

³⁰ Rū yexguma guma íāne ga Yericūwa nangugūgu ga yema duūxūgū, rū taxucūrūwama nichocu, yerū guxūwama naxāxtapūx. Natūrū Tupanaāxū nayaxōgū, rū yemacēx Tupanaga naxīnūē rū 7 ga ngunexū nūxū Ínichoeguāchitanūcūū, yema Tupana namaā nūxū ixuxūrūū. Natūrū yexguma norū 7 ga ngunexūwa nanguxgu, rū nūēchama niwēxgūtapūx, rū yemaācū nichocu.

³¹ Natūrū yema nge ga Yericūcūāx ga Raā, rū woo chixri imaxū ga noxrix, natūrū yexguma yēma nangugūgu ga yema taxre ga Yudiūgū ga bexma ngugūtaewa yēma Íxū, rū ngīma iyixī ga nūxū nangūxēēxū. Rū yemacēx tama yema togū ga Yericūcūāx ga tama Tupanaga Ínūēxūrūū iyu, yerū Tupanaāxū iyaxō.

³² Rū űnxma rū űacu i togū i duūxūgūchigaxū tá pemaā chixuxū? Rū changechica na pemaā nūxū chixuxūcēx i nachiga ga yema nuxcūmaūgūxū ga āēxgacūgū ga Yedeū rū Barā rū Chaūchóū rū Yetē rū Dabī rū Chamue, rū guxūma ga nuxcūmaūgūxū ga Tupanaārū orearū uruūgū.

³³ Rū yema na yaxōgūāxūcēx nixī ga Tupana nūxū rūngūxēēxū. Rū yemaācū to ga nachūānēgūarū āēxgacūgūxū narūporamaēgū, rū meāma norū duūxūgūmaā inacuēxgū rū aixcūma nanayauxgū ga yema Tupana namaā ixunetaxū. Rū yemacēx ga yexguma woo aitanūgu yatēxcuchigūāgu, rū taxūma namaā naxū ga aigū yerū Tupana nūxna nadau.

³⁴ Rū yexguma norū uwanūgū űxuxetūwa yawocuxgu, rū taxūma nūxū naxūpetū rū tama nixae, yerū Tupanaāxū nayaxōgū rū nūma rū nūxna nadau. Rū yexguma togū taramaā

nadaixchaŭgu, rü Tupana nüxü narüngüxêê na taxuŭma nüxü üpetüxüdcèx. Rü yexguma naturaegu rü norü uwanügu nadaixchaŭgu, rü Tupana nanaporaexêê. Rü yexguma to ga nachüüäneârü churaragümaâ nügu nadaixgu, rü yema togu ga churaragüxü narüyexeragü.

³⁵ Rü nayexma ga ngexügu ga yuexacüxü, natürü yema naxäcügü rü wenaxârü inarüdagü yerü Tupanaâxü nayaxögü. Natürü nayexma ga togu ga poraacü ngüxü ingegüxü yerü norü uwanügu yemaâcü namaâ nachopetü na Tupanaxü inatëxgüxüdcèx. Natürü ga nümagü rü tama Tupanaxü inatëxgü rü yemacèx nayue, yerü naxcèx rü narümemae nixi na wena namaxëxü rü nayauxgüâxü i ngëma maxü i taguma güxü.

³⁶ Rü nayexma ta ga ñuxre ga togu ga yaxögüxü ga duüxügü nüxü cugüexü, rü yaçuaixgüxü, rü cadenamaâ yanëixgüxü, rü poxcupataŭgu nawocuxü.

³⁷ Rü ñuxre ga nümagü rü nutamaâ inanamuxüchigü rü yemaâcü nanadai. Rü togu rü nayawäixyegü rü nayue. Rü ñuxre ga togu rü ngüxü nüxü ningexêêgü na Tupanaxü inatëxgüxüdcèx. Rü togu rü taramaâ nanadai. Rü ñuxre ga nümagü rü nu ne nanaximare rü carneruchëmmü rü chibuchëmmümaâmare nixäxchiru. Rü taxuŭma nüxü nayexma, rü nanaxixächiäëgü yerü norü uwanügu rü chixri namaâ nachopetü.

³⁸ Rü ñoma ga naänecüâx rü naxchi naxaie, natürü Tupana rü nüxü nangechaŭ. Rü ñoma ga naänewa rü norü uwanügüchaxwa nu ne nanaximare ga taxüema ixäpataxüwa. Rü ngürüanegu nipexütanümare yerü nangepatagü.

³⁹ Rü guxüma ga yema nuxcümaŭgüxü ga duüxügü woo norü ôgagu Tupana namaâ na taäëxü, natürü taxuŭma ga yema duüxügü rü nüxü nadau ga yema mexügü ga Tupana namaâ nüxü ixuxü.

⁴⁰ Rü yemaâcü namaâ nangupetü ga yema duüxügü, yerü ga Tupana rü tagu narüxinü rü tama nanaxwëxe na nüxira nüxica yamexêêgüâxü, natürü nanaxwëxe na tamaâ wüxigu yamexêêgüâxü. Rü ñuxma i yixema na yaxögüxü, rü yema nuxcümaŭgüxü ga duüxügürüü Tupanaârü duüxügü tixigü, yerü Nane ya Ngechuchu rü guxäcëxma nayu. Rü wüxi i ngunexü rü tá taxcèx nüma naxü na nügüxtawa tüxü nagagüxüdcèx na ngëma ingëxmagüechaxüdcèx.

12

Name nixi i Ngechuchucümagu taxî

¹ Rü ñuxma na nüxü icuâxü na ñuxäcü aixcüma Tupanaâxü yaxögüâxü ga guxüma ga yema nuxcümaŭgüxü ga duüxügü, rü ngëma rü wüxi i tóru cuëxruü nixi na ñuxäcü Tupana naxwëxexü na naxcèx imaxëxü. Rü ngëmacèx i ñuxmax, jrü ngixä nüxü tarüxoe i guxüma i ngëma pecadu i tüxü ítüexëëxü rü tüxü naguxchaxëëxü na meâ yaxögüxü! jrü ngixä paxa naxcèx tadaugü na meâ Tupanacèx imaxëxü rü guxüguma aixcüma naxüxü i ngëma tüxü nanaxwëxexü!

² Rü name nixi i tanangugü na ñuxäcü namaxüxü ga Ngechuchu rü nagu taxî i nacüma. Yerü nüma nixi ga nuxcüma nagu naxinüxü na ñuxäcü tóru ôgagu tá tüxü namaxëëëxü rü nüma nixi i tüxü nangüxëëxü na aixcüma meâ yaxögüechaxüdcèx na ngëmaâcü naxütawa ingügüxüdcèx. Rü nüma rü tama nügu nachüxu na curuchawa ngüxü yangexü, rü tama nagu narüxinü ga yema äne na yangexü, natürü nataäëxüchi yerü nüxü nacüx na yemawena rü tá muxüma i duüxügü nayauxgüxü i maxü i taguma güxü. Rü ñuxma rü Tupanaârü tügüncëwawa narüto na ngëma guxäârü äëxgacü yixüdcèx.

³ Rü name nixi i penangugü rü nagu perüxinüë na ñuxäcü ga Ngechuchu rü yaxna namaâ naxinüxü ga yema ngüxü ga nüxü yangexêêgüxü ga yema duüxügü ga pecaduâxgüxü. Rü nüma ga Ngechuchu rü yemaâcü yema ngüxümaâ yaxna naxinü na pema rü tama nüxü perüçhaxüdcèx rü tama nüxü perüxoexüdcèx na nüxü peyaxögüxü.

⁴ Rü ñuxma i pema na peyaxögüxü, rü ngüxü pingegü erü pecaduxü perüxoe. Natürü taxüema ga petanüwa rü yemacèx Cristürü yuwa tangu.

⁵ Rü name nixi i nüxna pecuëxächie i norü ore ya Tupana i namaâ pexü yaxucüxëgüxü i ñuxma na naxäcügü pixigüxü. Erü ngëma norü ore i ümatüxüwa rü ñanagürü:

“Pa Chaunex, jtäxü i nüxü cuxoxü i ngëxguma cuxü icharüwëxächixëëgu! jrü täxü i cuyarümaxächixü i ngëxguma cuxü chaxucüxëgu!

⁶ Erü nüma ya Cori ya Tupana rü tüxü inayarüwëxächixëë ya yixema tüxü nangechaŭxë. Rü tüxna nanaçuaixca ya yixema naxäcixü tüxü nayaxüxe, na ngëmaâcü tüxü nanguxëëxüdcèx na ñuxäcü nanaxwëxexü na naxcèx tamaxüxü”, ñanagürü.

⁷ Rü ngëmacèx i pemax, rü name nixi na yaxna namaâ pexinüëxü i ngëxguma Tupana pexna naçuaixcagu. Erü ngëxguma ngëmaâcü pemaâ yixigu, rü pexü nüxü nacüxëë na aixcüma naxäcügü pixigüxü. Erü guxüma i papá rü inayanawëxächixëë i ngëma aixcüma naxäcügü ixigüxü.

⁸ Natürü ngëxguma chi Tupana tama pexŭ iyarüwëxächixëëgu, naxäcügüxŭ iyanawëxächixëëxürüü, rü ngëmawa tá nüxŭ pecuëx na tama aixcüma naxäcügü pixigüxŭ, rü ngenatüxŭ pixigüxŭ.

⁹ Rü wüxichigü i yixema ga yexguma ibuegu, rü tanatügü rü tüxŭ taxucuxëgü, rü yixema rü tümaga taxinüë rü tüxŭ tangechaügü. Rü ngëmacëx i ñuxma rü yexeraäcü tanaxwëxe na naga ixinüëxŭ ya Tanatü ya daxügucü na ngëmaäcü nayaxuxüçëx i maxŭ i taguma güxŭ.

¹⁰ Rü tanatügü rü wüxi i paxaächicëxmare tüxŭ taxucuxëgü na tümaga tanaxwëxegüxŭäcüma imaxëxüçëx. Natürü ya Tupana rü aixcüma törü mexüçëx nixŭ i tüxŭ iyanawëxächixëëxŭ na naxrüü ixüünegüxüçëx.

¹¹ Rü aixcüma tama tataäëgü i ngëxguma Tupana tüxŭ iyarüwëxächixëëgu, erü tüxŭ nangux. Natürü ngëmawena i ngëxguma naga ixinüëgu rü yanguxëëgu i ngëma tamaä nüxŭ yaxuxŭ, rü aixcüma tataäëgü.

Naxäcüma na tama Tupanaga ixinüëxŭ

¹² Rü ngëmacëx i ñuxma na ngüxŭ pingegüxŭ rü pipaexŭ na Tupanawe perüxixŭ, rü name nixŭ i pegü peporaexëëäma na noxrürütama meä peyaxögüxüçëx.

¹³ Rü name nixŭ i naxçëx pedaugü na Tupana pexŭ naxwëxëxüäcüma aixcüma meä pemaxëxŭ, na yixema ñuxma tama meä yaxögüxe rü meä tayaxögüxüçëx.

¹⁴ jRü naxçëx pedëux na guxŭ i duüxügümaä pemecümaxŭ! Rü ngëxgumarüü ta name nixŭ i naxçëx pedau na Tupanapëxewa naxüünexŭ i perü maxŭ. Erü yixema tama Tupanapëxewa üühexë rü täütama törü Corixŭ tadau.

¹⁵ jRü pegüna pedaugü na taxüema nüxŭ oxüçëx i ngëma ngüxëë i Tupana tüxŭ nangechaüäcüma tüxna äxŭ! Erü tama tanaxwëxe na texë petanüwa Cristuchi aixŭ rü ngëmaäcü togüxŭ chixëxümaä taxucuxëxŭ na Cristuna tixügachixüçëx.

¹⁶ Rü tama name i texë i petanüwa rü nai i ngëmaä na itapexŭ. Rü tama name na texë tümäärü ngëmaxüçëx Tupanaxŭ na oxŭ. Rü yemaäcü nanaxŭ ga guma nuxcümaäcü ga Acobueneë ga Echaü. Yerü yexguma nataiyagu rü wüxi ga ðnacëx nüxŭ naxo ga guxüma ga yema nüxna üxŭ ga nanatü chi nüxna äxŭ.

¹⁷ Rü pema nüxŭ pecuëx rü yemawena ga yexguma nayauxchaüägu ga yema noxri nüxna üxŭ, rü marü taxucürüwama nanayaxu, yerü marü naëneë ga rübumaëcüna tanaxä ga nanatü. Rü nüma ga Echaü rü woo poraäcü naxaxu, natürü marü taxucürüwama ñuxäcü nanayaxu. Rü ngëmawa nüxŭ tacuëx na ñuxäcü naxäcümaxŭ na törü ngëmaxüçëx Tupanaxŭ ixoxŭ.

¹⁸⁻²¹ Rü nuxcüma ga törü oxigü ga Moïchéwe rüxixŭ, rü nüxŭ naxinüë ga Tupanaga ga yexguma nüxŭ yangaicagügu ga guma mëxpüne ga Chinaïgu äeganë. Rü nüxŭ nadaugü ga na yayauraxŭ ga guma mëxpüne rü poraäcü naxëänexŭ rü poraäcü buanecü ixixŭ rü yabëjxbëxanexŭ rü yaduruanexŭ. Rü poraäcü namuëë ga yema duüxügü, yerü nüxŭ naxinüë ga wüxi ga corneta ga tagane rü Tupana ga tagaäcü yëma facü:

“Ngëxguma chi wüxie i petanüwa daa mëxpünëwa üxgu jrü noxtacüma nutamaä tüxŭ ipemuxüchiäcüma tüxŭ pimá! Rü woo wüxi i pexüna yixigu jrü ngëxgumarüü ta ipenamuxüchiäcüma peyamá!”

ñanagürü. Rü yexguma yadeaxgu ga Tupana, rü poraäcü namuëë ga yema duüxügü. Rü norü muümaä Tupanaxŭ nacëëxügü na iyachaxächixüçëx ga namaä na yadexaxŭ. Rü yema na poraäcü naxäcümaxüchixŭ ga yema nüxŭ nadaugüxŭ, rü yemacëx nixŭ ga nümatama ga Moïché ga ñaxŭ:

“Chorü muümaä chidyrux i ñuxmax”,

ñaxŭ. Rü yemaäcü nixŭ ga namaä nangupetüxŭ ga yema duüxügü ga Moïchémaä nayauxgüxŭ ga yema nüxiraüxŭ ga Tupanaärü mugü. Natürü i pemax, Pa Chaueneëgüx, rü tama yemaäcü pexŭ naxüpetü ga yexguma penayauxgügu ga Tupanaärü ore i ngëxwacaxüxŭ i Cristuchiga ixixŭ.

²² Rü ñuxma i pema rü taxucëxma pemuëë, yerü ga Cristu rü taxçëx nayu na Tupana ya guxüguma maxüçixütawa tüxŭ nagagüxüçëx, na guxüguma norü iäne ya daxügune ya Yerucharëügu äeganëwa ingëxmagüxüçëx. Rü ngëma tá tangutaquëxëgü namaä i ngëma muxüchixüma i norü orearü ngeruügü i daxüçüäx na wüxigu namaä Tupanaxŭ icuëxüügüxüçëx.

²³ Rü ñuxma i pemax, rü marü natanüxügü pixigü i guxüma i ngëma togü i duüxügü i Tupanaärü poperawa ngoxëgagüxŭ. Rü marü naxçëx pexŭ ya Tupana ya yima guxänatäma cacü. Rü marü natanüwaama pexügü i guxüma ga yema duüxügü ga mecümagüxŭ ga yuexŭ ga Tupana imexëëgüxŭ.

²⁴ Rü marü naxçëx pexŭ ya Ngechuchu ga taxçëx yucü na tüxŭ namaxëxëëxüçëx, ngëma Tupanaärü uneta i ngëxwacaxüxŭ tamaä nüxŭ ixuxürüü. Rü nagümaä pexŭ iyanaxoxëë ga perü chixëxügü na aixcüma Tupanapëxewa pimexüçëx. Rü yexguma nüxücümaxüçü ga

Abégū inabaxēē ga naeneē rū Tupana rū poxcu naxuegu. Natürü yexguma Cristugū ibaxgu rū Tupana rū duñtūgūmaā nanaxuegu i maxū i taguma gūxū.

²⁵ Rū ngēmacèx name nixī i pexuāēgū na tama nūxū pexoexūcèx ya yima Tupana ya ñuxma tamaā idexacū. Rū dūcax yema nuxcūmaūgūxū ga tōrū oxigū ga Moichéwe rūixūxū rū taxucūrūwa Tupanachaxwa nibuxmū na tama napoxcūeāxūcèx ga yexguma Tupanaxū naxoegu rū tama naxīnūēgu ga yexguma Moichéwa Tupana yaxucuxēgū. Rū yema na taxucūrūwa Tupanachaxwa yabuxmūxū ga nūmagū, rū yexeraācū tūxū naguxcha i yixema na naxchaxwa ibuxmūxū ega tama naga ixīnūēgu i ñuxma na Cristuwa tūxū yaxucuxēgūxū i nūma ya Tupana i daxūgūxū i naānewa ngēxmacū.

²⁶ Rū yexguma Moichéwe naxīxgu ga tōrū oxigū, rū Tupana rū nagamaā nayaduruxanexēē. Natürü i ñuxma rū ñanagürü:

“Wena táxarū chayaduruxanexēē. Natürü ngēxguma ngēmaācū chanaxūxgu rū tāūtāma ñoma i naānexāca chiduruxēē, natürü üexcū rū woramacurigū rū èxtagū rū tá ta chayaduruxgūxēē”,

ñanagürü.

²⁷ Rū yema na:

“Wena táxarū chayaduruxanexēē”, ñaxū, rū ngēmawa nūxū tacuèx rū guxūma ga yema naxūxū i tama guxūgucèx ixīxū, rū Tupana tá inayanaxoxēē na ngēma guxūgucèx ixīxūxīcatama na iyaxūgūxūcèx.

²⁸ Rū ngēma na tōrū āēxgacū na yīxū ya Tupana, rū guxūgucèx nixī, rū tagutāma inayarūxo na noxru ixīgūxū. Rū ngēmacèx name nixī na Tupanana moxē ixāgūxū, rū nūxū ingechaūgūācūma rū nūxū imuēācūma nūxū icuèxūūgūxū, ngēma nūma nanaxwēxērūū.

²⁹ Erū tōrū Tupana, rū ñoma wūxi ya ūxūrūū aixcūma inayanaxoxēē i guxūma i tōrū chixexū.

13

Ñuxācū Tupanaxū tataāēxēē

¹ Rū ñuxma rū tama name na nūxū perūçhauexū na wūxichigū pegū pengechaūgūxū ñoma peeneèxū pengechaūxūrūū.

² Tama name na nūxū ipeyarūngūmaēxū na meāma penayaxuxū i ngēma duñxūgū i pepatawa ngugūxū. Erū nūxū tacuèx rū nūmaxū ga yemaācū naxūgūxū rū ñuxguacū rū tama nūxū nacuaācūma bexma Tupañarū orearū ngeruūgū i daxūcūāxū meā nayauxgū.

³ Rū name nixī i nūxna pecuèxāchie i ngēma duñxūgū i poxcuexū, ñoma pema rū ta naxrūū pepoxcūexūrūū. Rū ngēxgumarūū ta name nixī nūxna pecuèxāchie i ngēma duñxūgū i togū ngūxū nūxū ingexēēgūxū, erū ngūrūāchi tá ta ngēmaācū pexū nangupetū.

⁴ Rū ngēma yatūgū i āmaxū rū name nixī i meā naxmēmaā namaxē rū tūxū nangechaūgū. Rū ngēxgumarūū ta i ngexūgū, rū name nixī i meā natemaā namaxē rū nūxū nangechaūgū. Erū Tupana rū aixcūma tá nūxna naca rū tá nanapoxcūe i ngēma duñxūgū i naī i ngemaā rū èxna naī ya yatūmaā ipexū. Rū ngēxgumarūū tá ta tūxū napoxcūe ya guxāma ya yixema ngemēācūma rū ngeteācūma tūgūmaā maxēmarexe.

⁵ Rū tama name na dīerugama perūxīnūēxū. Rū name nixī i namaā pētaāēgū i ngēma marū pexū ngēxmaxū. Yerū Tupana rū ñanagürü:

“Tagutāma cuxna chixū, rū tagutāma cuxū íchatèx”,

ñanagürü.

⁶ Rū ñuxma na nūxū icuáxū na ngēmaācū tamaā inaxāūxū, rū ngēmacèx tama taxāne na ñagūxū:

“Nūma ya Cori nixī ya choxū rūngūxēēcū. Rū ngēmacèx taxucèxma chamuū. Erū taxucūrūwama texē tacū rū chixexū chomaā taxū”,

ñagūxū.

⁷ Rū name nixī i nūxna pecuèxāchie ga yema perū dauruūgū ga noxri pemaā icuáxū rū pemaā nūxū ixīgūxū ga Tupañarū ore. Rū name nixī i naga perūxīnūē ga na ñuxācū meā namaxēxū pepēxewa rū ñuxācū meā yaxōgūācūma nayuxexū. Rū name nixī ga nūma yaxōgūāxūrūū meā peyaxōgū i pemax.

⁸ Rū nūma ya Ngechuchu ya Cristu rū guxūguma nayanguxēē i ngēma tamaā nūxū yaxuxū. Rū nuxcūma rū nayanguxēē ga norū ore, rū ñuxma rū ta nayanguxēē. Rū guxūgutāma ngēmaācū nixī. Rū ngēmacèx tanaxwēxe na aixcūma nūxū yaxōgūxū.

⁹ Rū tama name i peyaxōgū i ngēma nguxēētaegū i tama toma pexū namaā tangūxēēxū i tama Tupañarū ixīgūxū. Rū nuxcūma rū naga taxī ga yema mugū ga Moiché ūmatūxū ga tūxna nachuxuxū na tacū ixīxū rū tacū ingōxū. Natürü yema mugū rū taguma tūxū naporaexēē ga na Tupanacèx imaxēxū. Rū ngēmacèx tanaxwēxe na Tupana ya tūxū ngechaūcūwa nayaxuxū i tōrū pora na aixcūma naxcèx imaxēxūcèx.

10 Rū ngēma duūxūgū i Moīchéarū mugūgu īxū, rū Tupanacēx naxūna nadai na tama napoxcueāxūcēx naxcēx i norū pecadu. Natūrū tama nūxū nayaxōgū ya Cristu ga tōrū pecaducēx yucū. Rū ngēmacēx taxucūrūwama taxrūū nanayauxgū i ngēma ngūxēē i Cristu nūxna uaxūxū.

11 Rū ngēma duūxūgūarū paigūarū āēxgacū, rū tupaucawa nanange ya nagū i naxūnagū na Tupanana naxāāxūcēx na tama Tupana napoxcuexūcēx i ngēma duūxūgū. Natūrū naxūnegū i ngēma naxūnagū, rū īāneārū īxpemawa nayanagugū.

12 Rū yexgumarūū ta ga Ngechuchu rū īāneārū īxpemawa ngūxū ninge rū nayu na nagūmaātama Tupanacēx yaxūūnegūxēēāxūcēx i duūxūgū.

13 Rū ngēmacēx i yixema, rū name nixī i nūxna tixīgachi i ngēma mugū ga Moīché ūmatūxū, rū name nixī i Ngechuchucēx taxī. Rū woo duūxūgū tūxū cugūegu, yema Ngechuchuxū na nacugūexūrū, rū name nixī i naxrūū yaxna namaā taxīnūē.

14 Erū yixema na yaxōgūxū, rū tāūtāma űoma i naāne i paxa tá gūxūwa tangēxmagūēcha. Erū daxūgūxū i naānewa tūxū nangēxma i tachica. Rū ngēma tá nixī i ingugūxū na guxūgutāma Tupanamaā ingēxmagūēchaxūcēx.

15 Rū ngēmacēx tanaxwēxe i Ngechuchu ya Cristuégagu guxūguma Tupanaxū ticuēxūgū. Rū ngēma na taēxmaā nūxū icuēxūgūxū, rū ngēma nixī i āmare i mexū i nūxna ixāxū.

16 ¡Rū tāxū i nūxū ipeyarūngūmaēxū na togūxū perūngūxēēxū rū namaā pengauxū i perū ngēmaxūgū! Erū ngēma nixī i āmare i Tupanana pexāxū i aixcūma namaā nataāēxū.

17 ¡Rū naga pexīnūē i ngēma perū dauruūgū i pemaā icuēxūgū, rū penaxūx i ngēma pemaā nūxū yaxuxū! Erū nūmagū rū Tupanapēxewa pexna nadaugū na meā pemaxēxūcēx erū nūxū nacuēxgū na Tupana tá nūxna çaxū i nachiga na űuxācū pexna nadaugūxū. Rū name nixī i meā namaā pemaxē i ngēma perū dauruūgū na wūxi i taāē na yīixūcēx i ngēma norū puracū rū tama wūxi i norū guxchaxū na yīixūcēx. Erū ngēxguma chi wūxi i norū guxchaxū yixīgu i ngēma norū puracū na pexna nadauxū, rū pema rū chi taxūūma i mexū nawa peyaxu i ngēma norū puracū.

18 Rū name i toxcēx peyumūxēgū. Erū toōēwa nūxū tacuēx na aixcūma meā tayanguxēēxū i ngēma puracū i Tupana toxna āxū rū tanaxwēxe na guxūguma ngēmaācū tanaxūxū.

19 Rū ngēma guxūārū yexera pexna naxcēx chaçaxū nixī na peyumūxēgūxū na Tupana paxa pexcēx choxū taeguxēēxūcēx.

Yema duūxūgūxū narūmoxē rū naxcēx ínaca na Tupana nūxū rūngūxēēxū

20-21 Rū űuxma chanaxwēxe i poraācū pexū narūngūxēē ya Tupana ya tōrū taāēxēerū rū tōrū ngūxmūēxēerū ixīcū. Rū nūma nixī ga yuwa ínadxēēāxū ga tōrū Cori ya Ngechuchu ya Cristu ya guxūma i yaxōgūxūārū dauruū ya guxāārū yexera ixīcū. Rū űuxma na curuchagu taxcēx nabaāxū ga guma nagū ga tūxū nūxū cuēxēēcū na űuxācū guxūguma tūxū nangechaūxū ya Tupana, rū chanaxwēxe na nūma ya Tupana pexū yamexēēgūxū rū pexū nangūxēēxū na aixcūma guxūma i perū maxūwa pimexūcēx. Rū ngēxgumarūū ta chanaxwēxe na Ngechuchu ya Cristuwa tūxū nangūxēēxūcēx ya Tupana na nūma nanaxwēxexūācūma ixīgūxūcēx. Rū űuxma tanaxwēxe i guxūguma yima Cristuxū ticuēxūgū. Rū ngēmaācū yī.

22 Pa Chaueneēgūx, pexū chacēxū na yaxna namaā pexīnūēxū i űāā noxretama i ore i pexū namaā chataāēxēēxū rū pexū namaā chaxucūxēxū.

23 Rū chanaxwēxe na nūxū pecuāxū rū taeneē ya Timutéu rū marū ínanguxuchi ga na napoxcuxū. Rū ngēxguma paxa nuā çauxūtawa nanguxgu, rū tá ngēma petanūwa çanaga i ngēxguma pexū ichayadēuxgu.

24 ¡Rū nūxū perūmoxēgū i guxūma i ngēma perū dauruūgū i pemaā icuāxū! ¡Rū ngēxgumarūū ta nūxū perūmoxēgū i guxūma i togū i taeneēgū i yaxōgūxū! Rū taeneēgū i Itāriaanewa ngēxmagūxū rū ta pexū narūmoxēgū.

25 ¡Rū Tupana poraācū pexū rūngūxēēx i guxāma i pemax! Rū ngēmaācū yī.

Rū nuāma pexna.

TUPANAARŪ ORE GA CHAŪTIÁGU ŪMATŪXŪ

Chaŭtiágu nūxŭ narūmoxē ga natanūxŭgū ga Yudūgū ga yaxōgūxŭ

¹ Pa Chautanūxŭgū i Yudūgū i Ngechuchuaaxŭ Yaxōgūxŭ i Guxŭ i Nañnewa Ngēxmagūxŭx, choma i Chaŭtiágu pexŭ charūmoxē. Rū choma nixŭ i Tanatū ya Tupana rū tōrū Cori ya Ngechuchu ya Cristuaxŭ chapuracūxŭ.

Ngēma cuēx i aixcūma Tupanawa ne ūxŭlchiga

² Pa Chaueneēgū i Yaxōgūxŭx, name nixŭ na petaāēgūxŭ i ngēxguma nagūxŭraūxŭ i guxchaxŭgū pexcēx ūnguxgu.

³ Erū pema nūxŭ pecuēx rū ngēxguma meā peyaxōgūmagu ega woo ŭacū rū guxchaxŭ pexŭ ūpetūgu rū wūxi i mexŭ nixŭ i ngēma. Erū ngēmaācū nixŭ ya Tupana i pexŭ naporaēxēxŭ na yexeraācū meā nūxŭ peyaxōgūxŭcēx.

⁴ Rū name nixŭ na peporaēxŭ na aixcūma Tupanapēxewa pimexŭcēx, rū naxcēxicatama pemaxēxŭcēx, rū taxuwama nachixexŭcēx i perū maxŭ.

⁵ Ngēxguma chi wūxie i petanūwa tama meā nūxŭ cuēxgu na ŭacū tūxŭ nanaxwēxexŭ ya Tupana, rū name nixŭ i nūxna naxcēx taca i cuēx, rū nūma tá guxŭma i norū ngūchaŭmaā tūxna nanaxā. Erū Tupana meāma guxŭ i duūxŭgūna nanaxā i cuēx, rū tama nayanuxŭ, rū taxūxŭma nanga.

⁶ Natūrū ngēxguma naxcēx itacaxgu rū tanaxwēxe na aixcūma tayaxōxŭ rū tá na tanayaxuxŭ i ngēma naxcēx itacaxŭ. Rū tama name na nagu tarūxŭnūxŭ rū tāūtama tanayaxuxŭ. Erū yīxema tama meā yaxōxē, rū űoma taxtūarū yuape i buanecūmaā guxŭwama cuexŭrūxŭ tixŭ i tūmaārū maxŭwa.

⁷⁻⁸ Rū yīxema duūxē ya űuxma meā yaxōxē rū moxŭ rū tama meā yaxōxē, rū taxucŭrūwama nagu tarūxŭnū na ŭacū Tupanaxŭtawā tayaxuxŭ. Erū yīxema duūxē ya ngēmaācū yaxōxē, rū tūmaārū maxŭwa rū tama aixcūma wūxigutamā tarūxŭnū.

⁹ Rū yīxema yaxōxē ya tama muārū dīeruāxē, rū name nixŭ i tataāē erū Tupanaxācū tixŭ rū tūmamaā nataāē.

¹⁰ Rū yīxema yaxōxē ya muārū dīeruāxē rū name nixŭ i tataāēama ega woo wūxi i ngunexŭ tūxŭ natauxgu i tūmaārū dīeru. Erū ngēma dīeruāxŭ i duūxŭgū, rū űoma putūrachacurūxŭ tama natai.

¹¹ Rū ngēxguma nangunagūgu ya ūēxcū rū poraācū nanguxetūgu, rū narūñexē i ngēma putūra rū narūngu i nachacu, rū ngēxma nagux na namexŭ. Rū ngēxgumarūxŭ tá ta nayu i ngēma dīeruāxŭchixŭ rū ngēxma tá nayarūxo i norū guxŭma.

Tupana tūxŭ naxŭ, natūrū tama chixexŭgu tūxŭ nanguxēēxŭcēx

¹² Rū nataāē ya yīma yatū ya meāma yaxōōmacū i ngēxguma Tupana nūxŭ ūxgu. Erū ngēxguma ngēmaācū yaxna namaā naxŭnūāmagu, rū Tupana tá namaā nataāē rū tá nūxna nanaxā i norū āmare i mexŭ i taguma gūxŭ. Rū ngēma nixŭ i āmare i Tupana tūmamaā ixunetaxŭ ya yīxema nūxŭ ngechaŭgūxe.

¹³ Natūrū ngēxguma texe űnū i chixexŭ tūmacēx ūnguxgu na chixexŭ taxūxŭcēx rū tama name i nagu narūxŭnū na Tupana tūmaāēwa űnanguxēēxŭ i ngema űnū i chixexŭ. Erū ya Tupana rū taguma naāēwa nangu na chixexŭ naxŭxŭ, rū ngexgumarūxŭ ta taguma chixexŭ i űnū texeāēwa nanguxēē na chixexŭ taxūxŭcēx.

¹⁴ Natūrū ngēma chixexŭ i tūmatama nagu tarūxŭnūxŭ nixŭ i chixexŭgu tūxŭ nguxēēxŭ. ¹⁵ Rū ngēma chixexŭ i tūmatama nagu tarūxŭnūxŭ nixŭ i tūxŭ pecaduāxēēxŭ. Rū ngēma pecadugagu tá nixŭ i dūxwa itayarūtaxuxŭ.

¹⁶ Pa Chaueneēgū ya Pexŭ Changechaŭgūxex, tama name i pegūtama pewomūxēēgū.

¹⁷ Erū guxŭma i ngēma aixcūma mexŭ i tūxŭ ngēxmaxŭ, rū naxŭtawā ne naxŭ ya Tupana ya daxŭgucū ga naxŭcū ga ūēxcū rū taumacū rū woramacurīgū rū ēxtagū. Rū nūma rū guxŭguma nanaxēxŭrūgumaraxŭ rū taguma naxŭchicŭtū.

¹⁸ Rū nūma nixŭ ga tūxna naxāāxŭ ga norū ore i aixcūma ixŭxŭ na ngēmaācū tūxŭ nangēxmaxŭcēx i maxŭ i taguma gūxŭ. Rū yemaācū nanaxŭ yerū nanaxwēxe na yixira nūxŭ na yaxōgūxŭ, rū yixcama i togū.

űuxācū aixcūma Tupanaāxŭ tayaxō

¹⁹ Pa Chaueneēgū ya Pexŭ Changechaŭgūxex, rū ngēxguma texē pemaā nūxŭ ixuxgu i Tupanaārū ore, rū name nixŭ i meā iperūxŭnūē. Rū tama name i tūxŭ pechoxŭgagū.

²⁰ Erū ngēxguma nanuxgu i wūxi i duūxŭ, rū tama Tupanaārū ngūchaŭ naxŭ.

²¹ Rū ngēmacèx name nixī i nūxū perūxoe i guxūma i ngēma chixexūgū i guxūwama ngēxmagūxū. ¡Rū meā penayaxu i ngēma ore i Tupana pexna āxū! Erū ngēmawa pexū nangēxma i maxū i taguma gūxū.

²² Rū tama name i iperūxīnūēmare i ngēma ore, natūrū name nixī i penaxū i ngēma pemaā nūxū yaxuxū. Erū ngēxguma iperūxīnūēmaregu rū tama penaxūxgu, rū pegūtama pewomūxēēgūmare.

²³ Erū yīxema irūxīnūēmarexe i Tupanaārū ore natūrū tama naxūxe i ngēma nūxū yaxuxū, rū wūxi i yatū i daucūwa nūgū dauchametūxūrū tixī.

²⁴ Erū nūgū nadauchametū, natūrū ngēxguma yaxūgachigu rū marū nūxū inayarūngūma na nañuxchametūrañxū i noxrix.

²⁵ Natūrū yīxema guxūguma meā nūxū daumatūxe rū naga īnūxē i ngēma ore i aixcūma ixīxū i pecaduwa tūxū īnguxuchixēēxū, rū Tupana rū tá aixcūma guxūwama tūxū narūngūxēē. Erū tama ngēma orexū taxīnūmare, natūrū tanaxū i ngēma tūmamaā nūxū yaxuxū.

²⁶ Rū ngēxguma chi wūxie nagu rūxīnūgu na meāma Tupanaxū tacuāxū natūrū tama nūxna tadēuxgu ya tūmaārū conū i tūmaārū orewa, rū tūgūtama tawomūxēē, rū tama aixcūma Tupanaāxū tayaxō.

²⁷ Natūrū ngēma nacūma i Tanatū ya Tupanapēxewa aixcūma ūūnexū, rū ngēma nixī na nūxū tarūngūxēēxū i tacutagū rū yutegūxū rū tūgūna tadauxū na tama ñoma i naāneārū chixexūgu taxūcuxū.

2

Name nixī i guxū i duñxūgūxū tangechañ

¹ Pa Chaueneēgūx, pema rū nūxū peyaxōgū ya tōrū Cori ya Ngechuchu ya Cristu ya mexēchicū. Rū ngēmacèx tama name na chixriācū penayaxuxū i ñuxre i duñxūgū rū meā penayaxuxū i togū.

² Rū ngēxguma chi perū ngutaquēxegu naxūcuxgu i wūxi i yatū i uirumaā aneraāxū rū mexchiruxū, rū ngēxgumarūxū chi ta ngēxma naxūcuxgu i wūxi i yatū i ngearū dīeruāxū rū wexachiruxū, rū name nixī i guxūxūma wūxigu meā peyaxu.

³ Natūrū tama name ega meā penayauxgu i ngēma mexchiruxū rū:

“¡Nuā mexū i naxmēxwēxewa rūto!” ñapegūxū nūxū, natūrū ngēma wexachiruxūxū rū:

“¡Cuma rū ngēxmatama naxi, rū ēxna yea ñatūanewa rūto!” ñapegūxū nūxū.

⁴ Rū ngēxguma tama wūxigu meā penayauxgu i ngēma taxre, rū pewatama nangox na tama aixcūma guxāxū pengechañgūxū rū chixexū i duñxūgū pixīgūxū ega ngēmaācū chixri penayauxgu i duñxūgū.

⁵ Pa Chaueneēgū ya Pexū Changechañgūxex, ¡Iperūxīnūē i ñaā ore! Tupana tūxū nade ya yīxema ngearū dīeruāxgūxe i ñoma i naānewa na meā nūxū tayaxōgūxūcēx. Erū nanaxwēxe i tanayauxgū i ngēma maxū i taguma gūxū i tūmamaā inaxunetaxū ya yīxema nūxū ngechañgūxe.

⁶ Natūrū pema rū chixri penayaxu i ngēma duñxūgū i ngearū dīeruāxgūxū rū meā penayaxu i ngēma duñxūgū i dīeruāxgūxū. ¿Taux ēxna ngēma dīeruāxgūxū yīxū i ngēma chixri pemaā maxēxū rū āēxgacūgūxūxtawa pexū iyaxuaxūgūxū?

⁷ Rū ngēma dīeruāxgūxū nixī i chixexū namaā ixugūxū ya Cristu ya perū Cori ya mexēchicū.

⁸ Tupanaārū orewa nangēxma i norū mu i guxū i mugūarū yexeraxū i ñaxū:

“¡Nūxū nangechañ i cumūcū ngēma na cugūtama cungechañxūrū!”

ñaxū. Rū ngēxguma aixcūma naga pexīnūēgu i ngēma mu, rū mexū nixī i pexūxū.

⁹ Natūrū ngēxguma meā penayauxgu i wūxi i yatū i mexchiruxū rū chixri penayauxgu i ngēma wexachiruxū, rū pecadu pexū. Rū Tupanapēxewa pechixexūgu erū tama naga pexīnūē i ngēma pexū namuxū.

¹⁰ Erū ngēxguma chi texē naga īnūgu i guxūma i Tupanaārū mugū natūrū chi wūxiwatama itatūxgu na tama naga taxīnūxū, rū chi ñoma guxūma i Tupanaārū mugūga tama taxīnūxūrū tachixexūgu.

¹¹ Erū nūmatama ya Tupana ga ñacū:

“¡Tāūtāma naī i nge i ātecūmaā cungeāē!” ñacū,

rū ñanagūrū ta:

“¡Tāūtāma cumāēta!”

ñanagūrū. Rū ngēxguma chi tama naī i nge i ātecūmaā cungeāēxgu, natūrū cumāētagu, rū tama aixcūma meā naga cuxīnū i ngēma Tupana tūxū muxū.

¹² Rū ngēmacèx name nixi na meã pidexagũxũ rũ meã pemaxèxũ. Erũ Tupana tá pexna naca i perũ maxũchiga ngoxi Cristu pexũ muxũãcũma pemaxè rũ èxna tama. Rũ ngēma Cristu tũxũ muxũ nixi na yigũ ingechaũgũxũ.

¹³ Erũ guxãma ya yixema tama tũmamũcũgũ tũxũ ngechaũtũmũũgũxe, rũ Tupana rũ tãũtãma nũxũ tangechaũtũmũũgũãcũma tũxna naca i tũmaãrũ maxũchiga. Natũrũ yixema tũmamũcũgũ tũxũ ngechaũtũmũũgũxe, rũ tãũtãma tamuũè i ngēxguma Tupana tũxna caxgu, erũ nũxũ tangechaũtũmũũgũãcũma tá tũxna naca.

Ega aixcũma yaxõgũgu, rũ tanaxwèxe i mexũ taxũgũ rũ nũxũ tarũngũxèè i togũ

¹⁴ Pa Chaueneègũx, ¿Tacũwa namexũ ega wũxie:

“Choma rũ Tupanaãxũ chayaxõ”, ñagũgu, natũrũ tama mexũ taxũxgu? ¿Pexcèx rũ Tupana tá tũxũ maxèèxũ ega ngēmaãcũ tayaxõxgux?

¹⁵⁻¹⁶ Rũ ngēxguma chi wũxi i taeneè rũ èxna taeyèx i yaxõxũ rũ nangexchirugu rũ nangewemũgu, rũ chi wũxie i pema rũ ñapegũgu:

“¡Mexũ cuxũ ùpetũ, rũ icũxuchũ na tama cuxũ nadeyuxũcèx, rũ meã nachibũ!” ñapegũgu, rũ ¿tacũwa name i ngēma ega tama nũxna penaxãxgu i ngēma nũxũ taxuxũ?

¹⁷ Rũ ngēxguma yaxõmaregu natũrũ tama mexũ ixũxgu, rũ tama togũxũ rũngũxèègu, rũ ¿tacũwa namexũ i ngēmaãcũ na yaxõxũ?

¹⁸ Erũ ngēxguma cuyaxõmaregu natũrũ tama mexũ cuxũxgu, rũ ngũrũachi tá wũxie ñatarũgũ cuxũ:

“Cuma rũ cuyaxõmare natũrũ taxuxũma i mexũ cuxũ Natũrũ choma rũ chayxõ rũ naètũ mexũ chaxũ. ¿Rũ ñuxãcũ tá nũxũ chacuãxũ na cuyaxõxũ ega tama mexũ cuxũxgu? Natũrũ choma rũ chorũ ù i mexũmaã tá cuxũ chanawè na aixcũma chayaxõxũ”, ñatarũgũ tá cuxũ.

¹⁹ Cuma cuyaxõ na nangẽmaxũ ya wũxitama ya Tupana. Marũ name. Natũrũ ngoxogũ rũ ta ngēmaãcũ nayaxõgũ, rũ poraãcũ nidũxrxũxe erũ Tupanaxũ namuũè.

²⁰ Pa Yatũ ya tama Meã Nagu Rũxinũcũx, cuma rũ tama nũxũ cucuèx i ngēxguma cuyaxõmaregu rũ tama mexũ cuxũxgu, rũ taxuwama name i ngēmaãcũ na cuyaxõxũ.

²¹ Tupana nũxũ ixuxgu rũ nuxcũmaũcũ ga tórũ õxi ga Abrãũ rũ wũxi ga yatũ ga mecũ nixi. Yerũ mexũ naxũ rũ Tupanaga naxĩnũ ga yexguma namaã nũxũ yaxuxgu na naxcèx yamaãxũcèx ga nane ga Ichaã.

²² Rũ ngēmawa nũxũ tacuèx rũ tama nayaxõmare ga Abrãũ, natũrũ mexũ naxũ ta. Rũ yema naxũũwa tũxũ nũxũ nacuèxèè na aixcũma Tupanaãxũ yaxõõxũ.

²³ Rũ yemaãcũ ningu ga yema ore ga ñaxũ:

“Abrãũ rũ Tupanaãxũ nayaxõ rũ yemacèx Tupana nũxũ nixu na mecũ yĩxũ yerũ nũxũ nayaxõ. Rũ nũxũ nixu ta na namũcũ yĩxũ ga Abrãũ”.

²⁴ Rũ ngēmawa nũxũ tadau na Tupana namaã taãèxũ ya yima yatũ ya mexũ ùcũ rũ tama yaxõmarecũ.

²⁵ Rũ yemaãcũ ta ngĩmaã nangupetũ ga nuxcũma ga Raã. Rũ Tupana ngĩmaã nataãè yerũ mexũ ixũ ga yexguma meã nayauxãgu ga ngĩpatawa ga yema orearũ ngeruũgũ ga Yudiũgũ. Rũ ngĩgagu namaxè ga yema orearũ ngeruũgũ yerũ to ga namagu iyamugũ ga yexguma norũ uwanũgũ nadaixchaũgu. Rũ woo ga ngĩma rũ chixri na namaxũxũ ga noxrix, natũrũ mexũ ixũ yerũ iyaxõ, rũ yemacèx Tupana ngĩmaã nataãè.

²⁶ Rũ wũxi i naxũne rũ taxuwama name rũ nayumare ega natauxguma i naãè. Rũ ngēxgumarũ ta nixi na taxuwama namexũ na yaxõmarexũ ega taxuũma i mexũ ixũxgux.

3

Tórũ conũchiga

¹ Pa Chaueneègũx, tama name i muxèma i pema rũ ngxũèetaexũgũ pegũ pixĩgũxèèchaũ. Erũ pema nũxũ pecuèx na yixema i ngxũèetaexũgũ na ixĩgũxũ, rũ guxũ i duũxũgũarũ yexera tá tũxna naca ya Tupana tórũ maxũchiga rũ tórũ puracũchiga.

² Guxãma i yixema rũ muèxpũxcũna chixexũ taxũe. Yima yatũ ya taguma chixexũxũ ixucũ rũ aixcũma mecũ nixi, erũ nũxũ nacuèx na ñuxãcũ guxũwama nũgũna nadauxũ na tama chixexũ naxũxũcèx.

³ Rũ ngēma na taga naxĩnũxũcèx i wũxi i cowaru, rũ tanaxwèxe na naxũtũxũnãguxũ na ngēmaãcũ yixema inaxwèxexũãcũma meã iyaxũxũcèx.

⁴ ¡Dũcèx nagu perũxinũè ya wapurugũ ya buanecũarũ poramaã ixũũne! Rũ woo nitaxũchi rũ buanecũ ya taxũchicũmaã inicuegũ, natũrũ íracũ ya quiyamaã nanatoxchinũ i norũ toxpèxerũ, rũ ngextã nũma ínanaxwèxexũwã nanaxũxèè.

⁵⁻⁶ Rũ ngēxgumarũ ta nixi ya tórũ conũ rũ woo na naxĩrachirèxũ, natũrũ namuxũchi i norũ ore. Rũ wũxitama i ùxũarũ yauraxũ i íraxũwã inaxũgũ na yaxaxũ i taxũma i naãne. Rũ tórũ conũ rũ ñoma wũxi ya ùxũrũ nixi. Rũ taxũnawa rũ wũxi i taxũ i chixexũ nixi ya yima tórũ conũ erũ nanachixexèè i guxũma i tórũ maxũ. Rũ ngēma Tupana ngoxogũxũ

Ípoxcuexũgune ya ũxēmawa ne naxũ i ngēma chixexũ i namaã yadexaxũ ya tórũ conũ. Rũ ngēma chixexũtamaã nanachixexēē i guxũma i tórũ maxũ.

⁷ Duũxũgũ rũ nũxũ nacuèx na íyapuxēēãxũ rũ nũxna nachogũxũ i nagũxũraũxũ i naēxũgũ i idũraexũ, rũ werigũ, rũ áxtapegũ, rũ choxnigũ.

⁸ Natũrũ taxũema nũxũ tacuèx na nũxna tachogũxũ ya tũmaãrũ conũ. Erũ wũxi i chixexũ i taxũ i taxucũrũwama texē iyarũxoxēēxũ nixĩ. Rũ ngēma norũ dexa rũ ũtrũtũ tũxũ nayuxēē.

⁹ Rũ yima tórũ conũtamaã nũxũ ticuèxũũ ya Tanatũ ya Tupana, rũ yimamaãtama chixexũ namaã tixugũe ta i duũxũgũ i Tupana nũgũãcũ ũxũ.

¹⁰ Rũ ngēma taèxmaã, rũ meã duũxũgũchiga tidexagũ, natũrũ ngēmatama taèxmaã rũ namaã taguxchigagũ ta. Pa Chaueneēgũx, tama name na ngēmaãcũ yĩxũ.

¹¹ Wũxi i dexaarũ chuxchuxũwatama rũ taxuacũma ínaixũxũ i dexá i mexũ rũ dexá i chixexũ.

¹² Pa Chaueneēgũx, wũxi i iguera rũ taxuacũma orĩbuarũ omaã naxo, rũ wũxi i uba rũ taxuacũma igueraarũ omaã naxo. Rũ ngēxgumarũtũ ta wũxi i dexaarũ chuxchuxũ i yucũrachĩũxũwa, rũ taxuacũma ínaixũxũ i dexá i mexũ.

Ngēma cuèx i aixcũma íxĩxũ

¹³ Ngēxguma chi petanũwa nangēxmagu i wũxi i duũxũ i nũxũ cuáxũ rũ meã naãēxũ cuáxũ, rũ name nixĩ na meã namaxũxũ rũ mexũ na naxũxũ rũ tama nũgũ yacuèxũũxũ na ngēmaãcũ pexũ nũxũ nadauxēēxũcèx na aixcũma wũxi i duũxũ i nũxũ cuáxũ yĩxũ.

¹⁴ Natũrũ ngēxguma chi pixãũxãchiwēxegũgu rũ togũchi pexaiegu rũ norũ yexera pegũ pixĩxēēchaũgu, rũ taxuacũma pegũgu perũxinũe na mexũgũ rũ nũxũ cuèxgũxũ pixĩgũxũ. Rũ wũxi i dora i taxũ nixĩ i ngēma ega ngēmaãcũ pixĩgũgu.

¹⁵ Erũ ngēma na íxãũxãchiwēxegũxũ rũ duũxũgũchi na íxaixũ rũ norũ yexera yigũ na íxũgũxēēchaũxũ, rũ tama Tupanawa ne naxũ, natũrũ ñoma i naãnecũãxwa rũ ngoxo i Chatanáwa nixĩ i ne naxũxũ.

¹⁶ Erũ ngextá ãũxãchi ítaxũwa rũ duũxũgũ nũgũ írũyexeraxēēchaũxũwa, rũ ngēma rũ taxuũma meã inixũ rũ nagũxũraũxũ i chixexũ nangēxma.

¹⁷ Natũrũ guxãma ya yixema aixcũma tũxũ nangēxmaxē i ngēma cuèx i Tupanawa ne ũxũ, rũ aixcũma meã tamaxē rũ guxãmaã tamedũmagũ, rũ meã duũxēxũ tayauxgũ i tũmapatawa, rũ meã itarũxinũe i tũmamũcũarũ ucuxē, rũ guxũ i duũxũgũ tũxũ nangechaũtũmũũgũ, rũ guxãmaãma tũgũ tawũxiguxēēgũ, rũ tixaixcũmagũ, rũ mexũ taxũgũ.

¹⁸ Rũ yixema naxcèx daugũxe na duũxũgũ nũgũtamaã irũngũxmũxũ, rũ wũxi i mexũ taxũgũ. Erũ ngēmawa tá nũxũ tadaugũ na aixcũma meã Tupanacèx namaxēxũ i ngēma duũxũgũ.

4

Duũxũgũ i ñoma i naãneãrũ ngũchaũcèx daugũxũchiga

¹ ¿Tũxũcũtũ pegũtamaã penuè rũ pegũ pedai? Pegũtamaã penuè erũ pexũ nangēxma i ngēma perũ ngũchaũgũ i chixexũgũ.

² Pema pexũ nangũchaũ i ngēma pexũ taxuxũ natũrũ taxuacũma pexũ nanguxũ, rũ ngēmacèx peyamèx i togũ. Rũ norũ ngēmaxũcèx pixãũxãchie natũrũ taxuacũma pexũ nanguxũtega, rũ ngēmacèx pegũtamaã penuè, rũ pegũ pedai. Rũ tama penayauxgũ i ngēma penaxwèxexũ erũ tama Tupanana naxcèx peca.

³ Rũ ngēxguma naxcèx ípecaxgu, rũ tama penayaxu, erũ naxcèx ípeca i ngēma tama Tupana pexũ naxwèxexũ. Rũ ngēma pematama penaxwèxexũ nixĩ i naxcèx ípecaxũ na namaã pegũtama petaãxēēēmarexũcèx.

⁴ Pa Duũxũgũ i Chixri Maxēũx, ¿Tama èxna nũxũ pecuèx rũ ngēxguma ñoma i naãnexũ pengechaũgu rũ Tupanamaã perũxuanũxũ? Erũ texē ya ñoma i naãnexũ ngechaũxē rũ Tupanamaã tarũxuanũ.

⁵ Rũ tama natũcèxma nixĩ i ngēma Tupanaãrũ ore i ñaxũ:

“Ngēma Naãē i Üünexũ i Tupana tũxna muxũ rũ tũxũ ninuxũ erũ noxrũ tixĩ rũ tũxũ ñaxũ,
nangechaũ”,

⁶ Natũrũ Tupana rũ tũxũ narũngũxēē na namaã iporaexũcèx i guxũma i ñoma i naãneãrũ ngũchaũ i chixexũ. Rũ ngēmacèx norũ orewa rũ ñanagũrũ:

“Tupana rũ tũmamaã nanu ya yixema tũgũ icuèxũxũgũxe, natũrũ tũxũ narũngũxēē ya yixema tama tũgũ icuèxũxũgũxe”,
ñanagũrũ.

⁷ Pa Chaueneēgũx, ¡Meã Tupanaga pexĩnũe! ¡Rũ nũxũ pexoó i ngoxo i Chataná! Rũ nũma rũ tá pexna niña.

⁸ ¡Tupanana pengaicamagũ! Rũ nũma rũ tá ta pexna nangaicama. Rũ pemax, Pa Pecaduãxgũxũ, ¡nũxũ perũxoe i pecũma i chixexũ! Rũ pemax, i Tupanawe rũixchaũxē

natürü ñoma i naãnewe rü ta rüxíxchaũxê, ¡penamexêêx i perü maxü na Tupanacëxicatama pemaxêxüçèx!

⁹ ¡Pegümaã pengechaũgü rü pexauxe erü pipecaduãx! Rü texé ya ñoma i naãneãrü taãêwa cugüxe, rü name nixí i tügümaã taxauxe. Rü texé ya tümacüma i chixexümaã taãxêxê, rü name nixí i Tupanapêxewa tügümaã tangechaũ.

¹⁰ Rü name nixí i Cori ya Tupanapêxegu pecaxãpüxügü rü namaã nüxü pixu na taxuwama pimexü. Rü ngêxguma i nüma rü tá pexü nicuèxüü rü pexü nataxêê.

Tama name i chixexügu cueneãmaã curüxínü

¹¹ Pa Chaueneëgüx, ¡Tãxü i chixexümaã pegü pixugüxü! Erü yíxema chixexümaã tümaëneëchigagu idexáxe rü êxna chixexümaã nüxü dawenüxê, rü chixe nüxü tawogü ta i Tupanaãrü ore. Rü ngêxguma chixexügu Tupanaãrü oremaã curüxínügu, rü Tupanaãrü orearü yexera cugü quixíxêêchaũ erü tama aixcüma naga cuxínü.

¹² Tupanaxícatama nixí ya tüxna naxácü i norü mugü rü ñuxüchi tá tüxna çacü rü ngoxi naga ixínüê i ngêma norü ore. Rü nümatama nixí i nüxü nangêxmaxü i pora na tüxü namaxêxêxü rü êxna tüxü nayuxêêxü. ¿Natürü texé quixü i cumax rü ngêmacèx cunangugüxü na ñuxácü namaxüxü i cumücü?

Taxúema nüxü tacuèx na tacü tá tüxü ngupetüxü i moxüãrü ngunexügu

¹³ ¡Choxü! ¡perüxínüê i pema na ñapegüxüxü:

“Ñuxma rü êxna moxü tá ná i ñãnewa taxí, rü wüxi ya taunecü tá ngêxma tayayaxu, rü tá ngema tataxegü na mucü i diëru ngíxü iyaxuxüçèx”, ñaperügügü!

¹⁴ Pema rü tama nüxü pecuèx na tacü tá pexü üpetüxü i moxü. ¿Tacü nixí i perü maxü? Perü maxü rü ñoma wüxi i chereña i paxaãchi nüxü idaaxü rü ngêxgumatama ngupetüxüürüü tá inayarüxo.

¹⁵ Rü narümemae nixí na ñapegüxü:

“Ngêxguma chi nanaxwêxegu ya Cori ya Tupana na imaxêxü, rü chi tanaxü i ñaã puracü i naga rüxínüêxü”, ñapegüxü.

¹⁶ Natürü i pema rü pegü picuèxüügüchaũ. Rü guxüma i ngêma rü tama name.

¹⁷ Yíxema nüxü cuáxe na ñuxácü Tupanapêxewa meã tamaxüxü, natürü tama naxúxe, rü pecadu taxü.

5

Ucuxê i diëruãxgüxüçèx

¹ Pa Duüxügü i Diëruãxgüxüx, ¡perüxínüê i ñaã ore! ¡Pexauxe rü aita pexüe erü chixexü tá pexü naxüpetü!

² Perü ngêmaxügü rü marü nangaue, rü ngêma pexchiru i mexêchixü rü nawe nanangö mü.

³ Perü uiru rü perü diëru rü ngêxma naxãütanü rü ngêxma nangaue. Rü ngêma norü ãütanü rü wüxi i perü cuèxruü tá nixí na pema rü tá ta ipeyarütauxexü ñoma tacü üxüwa ixaxüürü. Tupana ngíxü nadau i perü diëru i ngímaã penguüxcü, rü ngêmacèx tá pexü napoxcu i naãneãrü guxgu.

⁴ Rü yema perü puracütanüxü ga tama meã nüxü penaxütanüxü, rü ñuxma rü ngíxcèx nidexagü ga yema diëru ga tama nüxna ngíxü pexácü. Rü Tupana ya guxããrü Cori rü ngêma duüxügüxü naxínü na ngíxcèx yadexagüxü ga yema diëru ga nüxü ngíxü pengetanücü ga peanewa na napuracüxüçèx.

⁵ Rü ñoma i naãnewa rü pegü pengêãëgü rü pemepata rü pemuãrü ngêmaxüãxgü rü petaãëgü rü meã pechibüe. Natürü nawa tá nangu na ngêmacèx Tupana tá pexü poxcuexü.

⁶ Rü pema penapoxcue rü penadai i ngêma duüxügü i taxuüma i chixexü pemaã üchirêxü. Rü nümagü rü pexü narüturamaëgü, rü taxuacüma nügü inapoxügü.

Tanaxwêxe i tayumüxê rü meã ítananguxêê ya Cori ya Tupana

⁷ Rü ñuxma Pa Chaueneëgüx, rü name nixí i meã ípenanguxêê ñuxmatata inangu ya Cori ya Tupana. Rü dücax, yíxema naãnewa puracüxe rü meã ítananguxêê ya pucü na naxügüxüçèx i tümanetü. Rü ñuxüchi ñuxre ya tauemacü ítananguxêê na nayaxü i tümanetüarü o, rü ngêxguma rü tá tayabuxgü.

⁸ Rü pema rü ta penaxwêxe na meã ípenanguxêêxü na inanguxü ya Cori ya Tupana. ¡Rü petaãëgü, rü tãxü i nüxü perüçhauexü na ípenanguxêêxü! Erü marü ningaica na inanguxü ya tóru Cori.

⁹ Pa Chaueneëgüx, name nixí i nüxü perüxoe na pegüchigaxü pixuechaũ na tama ngêmacèx pexna naçaxüçèx ya Tupana. Erü marü ningaica na inanguxü na duüxügüxü yacagüxüçèx i norü maxüchiga.

¹⁰ Pa Chaueneëgüx, name nixi i nüxna pecuëxächie ga yema nuxcümaügüxü ga Tupanaärü orearü uruügü ga na ñuxäcü yaxna namaã naxinüëxü ga yexguma ngüxü yangegügu. Rü name nixi i pema rü ta ngëxgumarüü yaxna namaã pexinüëãma rü Tupanacëx pemaxëãma ega ngüxü pingegügu.

¹¹ Rü yixema nüxü tacuëx na nataãëgüxü ga yema duüxügu ga meã Tupanacëx maxëãmaxü ga yexguma ngüxü nüxü üpetügu. Rü pema nüxü pecuëx ga ñuxäcü meã namaxama ga guma Yox ga yexguma ngüxü nüxü üpetügu. Rü nüxü pecuëx ga yixcama ga na ñuxäcü törü Cori ya Tupana poraäcü nüxü rüngüxëëxü. Erü nüma ya törü Cori ya Tupana rü namecümaxüchi rü poraäcü nüxü tangechaütümüügü.

¹² Rü guxüärü yexera, Pa Chaueneëgüx, rü ngëxguma tacücëx ipexunetagu, rü tama name i Tupanaëgagu ipexuneta, rü ëxna ñoma i naãneegagu ipexuneta, rü ëxna tacü i to i naegagu ipexuneta. Natürü ngëxguma aixcüma yixügu i wüxi i ore jrü noxtacüma: “Ngü” ñapegü! Rü ngëxguma tama aixcüma yixügu i wüxi i ore jrü noxtacüma: “Tama” ñapegü! Rü ngëxguma ya Tupana rü täütäma pexü napoxcue naxcëx i ngëma perü uneta.

¹³ Rü ngëxguma wüxie i petanüwa naxixächiaëgu, rü name nixi na tayumüxëxü. Rü ngëxguma wüxie taäëgu, rü name nixi na tawiyaexü rü Tupanaxü ticuëxüxü.

¹⁴ Rü ngëxguma wüxie i petanüwa idaawexgu, rü name nixi i naxcëx peyaca i yaxögüxüärü äëxgacügü na tümacëx nayumüxëgüxcëx rü Cori ya Tupanaëgagu chixümaã tüxü yangögügüxcëx.

¹⁵ Rü ngëxguma aixcüma Tupanaãxü yaxögüäcüma nayumüxëgügu, rü tá tümacëx nitaane, rü nüma ya Cori ya Tupana tá tüxü inarüdaxëë nawa i tümäärü ñaawe. Rü ngëxguma chi tacü rü pecadu taxüxgu, rü Tupana tá tüxü nüxü nangechaü.

¹⁶ Rü ngëmacëx name nixi i pegümaã nüxü pixu i perü pecadugü rü pegücëx peyumüxëgü i wüxiechigü na pexcëx yataanegüxcëx. Rü yima mecü ya yatüarü yumüxë rü aixcüma napora erü Tupana nanangãxü.

¹⁷ Tupanaärü orearü uruü ga Eria nixi ga wüxi ga yatü ga taxrüü ixicü. Natürü yexguma nüma guxü ga norü ngüchaümaã nayumüxëgu na tama napuxüxcëx, rü tomaëxpüx ga taunecüarü ngäxügu rü tama napu ga yema naãnewa.

¹⁸ Natürü yemawena rü wenaxärü nayumüxë ga Eria rü pucüxcëx ínaca. Rü wenaxärü napu. Rü narüxü ga guxüma ga nanetügu.

¹⁹ Pa Chaueneëgüx, ngëxguma chi texë petanüwa Tupanana ixügachigu, rü tangëxmagu ya wüxie ya tüxü taeguxëxë na wenaxärü Tupanawe tarüxüxcëx, rü mexü taxü.

²⁰ Erü ngëxguma texë Tupanacëx nataeguxëëgu i wüxi i duüxü nüxna i norü chixexü, rü tümagagu Tupana tá nanamaxëë i ngëma duüxü, rü tá nüxü nüxü nangechaü i norü pecadugü.

Rü nüma pexna,
Chaütiágu

NÜXĪRAÜXÜ GA POPERA GA PEDRU ÜMATÜXÜ

Pedru nüxü narümoxê ga yema yaxögüxü ga to ga nachüülanegu woonexü

¹ Pa Chaueneëgüx, choma i Pedru nixi i pexcêx chanaxümatüxü i ñaã popera. Rü choma nixi i Ngechuchu ya Cristu choxü muxü na duüxügümaã nüxü chixuxüçêx i norü ore. Rü pexcêx chanaxümatü i pema na perü naãnena to i nachüülanegügu penawoonexü i Pötuaneua rü Gárateaneua rü Capadochiaaneua rü Áchiaaneua rü Bitiniãaneua ngêxmagüxe.

² Rü pexü nixi ga nadexü ga Tanatü ya Tupana, yerü woetama yema nixi ga nuxcümamaxüchima nagu naxinüxü. Rü nanamu ga Naãe i Üünexü na pexü yamexêëgüxüçêx na aixcüma napêxewa pixüünegüxüçêx rü Ngechuchu ya Cristuga na pexinüëxüçêx rü nagümaã na piyauxgüxüçêx na nataxuxüçêx i perü chixexügü. Rü chanaxwêxe i Tanatü ya Tupana poraãcü pexü narüngüxêë rü pexü nataãexêë.

Ítanangüxêë na wena tá imaxêxü

³ Rü ngüã nüxü ticuëxügü ya Tupana ya törü Cori ya Ngechuchu ya Cristu Nanatü! Yerü yexguma Ngechuchu ya Cristuxü wena namaxêëgu, rü tüxna nanaxã ga maxü ga yexwacaxüxü, yerü poraãcü nüxü tangechaütümüügü. Rü ngêmacêx i ñuxma i yixema rü ta ítanangüxêë na wena tá imaxêxü.

⁴ Rü pema rü wüxi i ngunexügu rü aixcüma tá penayauxgü i guxüma i ngêma mexügü i Tupana tá pexna äxü i ñuxma daxügüxü i naãnegu pexü namaã nangüxüxü. Rü ngêma tá pexna naxãxü rü tagutáma inayarüxo, rü tagutáma naxãüächü, rü tagutáma nangau.

⁵ Rü ñuxma na Tupanaãxü peyaxögüxü rü nüma rü norü poramaã tá pexna nadau ñuxmatáta aixcüma penayauxgü i ngêma maxü i taguma güxü i tá pexna naxãxü i ngêxguma nangüxu i naãne.

⁶ Rü ngêmacêx name nixi i poraãcü petaãëgü, rü nüetama nixi ega woo ñuxma ñaã perü maxüwa rü paxaxächü muxüma i guxchaxügü pexü üpetügu.

⁷ Erü ngêmaãcü nixi i pexü naxüxü ya Tupana na nüxü nacuãxüçêx rü ngoxi aixcüma peyaxögü rü êxna tama. Rü ngêxguma peyaxögüamagu ega woo guxchaxügü pexcêx íngüxu, rü ngêma perü ô rü wüxi i uiruarü yexera nixi na namexü erü ngêma uiru rü woo namexêchi natürü düxwa nangau. Rü ngêma uiru rü üxümaã nüxü taxü na nüxü icuãxüçêx rü ngoxi aixcüma uiruxüchi yüüxü. Rü ngêxgumarüü ta nixi i perü ô na guxchaxügümaã Tupana nüxü üxü na nüxü nacuãxüçêx rü ngoxi aixcüma nüxü peyaxögü na yixcama pexü yacuëxüüxüçêx rü mexü i pechica pexna naxãxüçêx rü pemaã nataãexüçêx i ngêxguma wena núma naxüxu ya Ngechuchu ya Cristu.

⁸⁻⁹ Pema rü Ngechuchu ya Cristuxü pengechaügü woo taguma nüxü na pedaugüxü. Rü ñuxma rü ta woo tama nüxü pedaugü, natürü nüxü peyaxögü, rü poraãcü petaãëgü. Rü ngêma perü taãëmaã rü taxuacüma nüxü pixuéga na ñuxãcü petaãëgüxüchixü, erü marü penayauxgü i perü maxü i taguma güxü. Rü ngêmacêx nixi i nüxü peyaxögüxü.

¹⁰ Rü nuxcümamaxüchima ga Tupanaãrü orearü uruügü, rü nüxü nixugüie ga na ñuxãcü tá Tupana pexü narüngüxêëxü. Rü nümagü rü poraãcü nangüie rü naxcêx nadaugü i ngêma maxü i taguma güxü.

¹¹ Rü nümagü ga yema orearü uruügü rü Tupanaãrü poperawa nangüie na nüxü nacuëxgüxüçêx na ñuxãcü tá na yüüxü rü ñuxguacü tá na nangóxü ga guma Maxêëëruü ga Cristu. Rü Cristuãe i Üünexü ga yema orearü uruügüwa yexmaxü, rü nüxü nüxü nacuëxêë ga na Cristu rü tá ngüxü yangexü rü tá nayuxü rü yixcama rü wena tá na namaxüxü rü ñuxüchi daxügüxü i naãnena tá na naxüxü na guxüäru äxgacü yüüxüçêx.

¹² Natürü Tupana rü yema nuxcümaügüxü ga orearü uruügüxü nüxü nacuëxêë na tãütáma nümagü nüxü nadaugüxü ga guma Maxêëëruü ga naxcêx nadaugücü, natürü pema tá yüüxü na nüxü pedaugüxü. Rü dücax, Pa Chaueneëgüx, gumatama Maxêëëruüchiga nixi ga perü orearü uruügü pemaã nüxü ixugüxü ga yexguma Tupanaãe i Üünexü ga daxüwa ne muxü yadexagüxêëgu. Rü guxüma i ngêma ore i yima Maxêëëruüchiga, rü woo Tupanaãrü orearü ngeruügü i daxüçüãx rü nüxü nangüchaügü na yexeraãcü nüxü nacuëxgüxü.

Tupana rü taxcêx naca na napêxewa naxüünexüçêx i törü maxü

¹³ Rü ñuxma na Cristuarü duüxügü pixügüxü, rü penaxwêxe na pexuãëgüxü rü ípememarexü na penaxüxü i norü ngüchaü. Rü name nixi i aixcüma meã ípenangüxêë i guxüma i ngêma mexügü i Tupana tá pexna äxü i ngêxguma Ngechuchu ya Cristu núma üxu.

¹⁴ Rū ñuxma na Tupanacägü pixigüxü, rü penaxwëxe na aixcüma naga pexinüëxü. Rū tama name i nagu pexi ga yema nuxcümaüxü ga perü ngúchaü ga üpa nagu pexixü ga yexguma tauta Tupanaxü pecuëxgu.

¹⁵ Natürü penaxwëxe i aixcüma meã pemaxë na Tupanapëxewa naxüünexüçex i perü maxü. Erü nüma ya Tupana ya pexü decü, rü naxüüne.

¹⁶ Rü norü ore i ümatüxüwa rü ñanagürü:

“Chanaxwëxe i chauxrüü pixüüne, erü choma rü chaxüüne”,
ñanagürü.

¹⁷ Rü pema na “Pa Tonatüx” ñapegüxü nüxü ya Tupana, rü ñuxma na ñoma i naãnewa pemaxëxü rü name nixi i guxüguma nüxü pemuë. Erü nüma rü aixcümaxüchi nanangugü i wüxichigü i duüxügüarü maxü na ñuxäcü yixü. Rü tüxü napoxcu ya guxäma ya texé ya chixexü ügüxe, rü nüetama nixi ega woo texé tixigu, erü napëxewa rü nawüxigumare i guxüma i duüxügü.

¹⁸⁻¹⁹ Rü Tupana rü marü pexü inanguxüxëë nawa ga yema nuxcümaüxü ga perü maxü ga taxuwama mexü ga perü oxigüxütawa peyaxuxü. Rü yema na nawa pexü inanguxüxëxüçex rü pexna naxääxüçex i maxü i ngexwacaxüxü, rü poräcü nüxü naxätanü. Yerü tama uiru rü éxna dïeru i ngauxwëxëümaã nanaxütanü, natürü Cristugü ya mexëchicümaã nixi ga naxütanüxü. Yerü nüma ga Cristu rü ñoma wüxi i carneru i taxuwama nañuxraüxü i Tupanacëx imáxürüü pexcëx nayu na pexü naxütanüxüçex.

²⁰ Rü nüma ga Tupana rü woetama nuxcümaxüchima tauta naãne ixügügu, rü marü Cristuxü naxuneta na pexcëx nayuxüçex. Natürü ñomaçüü nixi ga nangóxü ga guma Cristu na pexü nangüxëxüçex.

²¹ Rü ñuxma rü Cristugagu nixi i nüxü peyaxögüxü ya Tupana ga yuwa Cristuxü írüdaxëëcü rü daxüwa nagacü. Rü ngëmacëx nixi i ñuxma i Tupanaaxü peyaxögüxü rü ipenanguxëgüxü na daxüwa pexü nagagüxüçex.

²² Rü ñuxma na naga pexinüëxü i Tupanaärü ore i aixcüma ixixü rü pexü natauxcha na pegü pengechaügüxü erü Tupana rü marü pexü inayanaxoxëë i perü chixexügü. Rü ngëmacëx penaxwëxe i aixcüma guxü i perü ngúchaümaã pegü pengechaügü.

²³ Rü ñuxma i pema rü marü penayauxgü i ngexwacaxüxü i perü maxü. Rü ngëmacëx ñoma ngexwacëx pebuxëxüü pixigü. Natürü ngëma maxü rü tama penatü rü pee ya yuewëxëwewa nixi i penayaxuxü. Natürü Tupanaärü ore i maxüxü i taguma iyarüxoxüwa nixi i penayaxuxü.

²⁴ Erü Tupanaärü ore i ümatüxüwa rü ñanagürü:

“Guxüma i duüxügü rü ñoma wüxi i natüanerüümare nixi. Rü guxüma i norü mexü, rü wüxi i nanetüchacurüümare nixi. Rü ngëma natüane rü nayu, rü nachacu rü narüngu. Rü ngëxgumarüü ta nixi i duüxügü na tama nataixü i norü maxü i ñoma i naãnewa.

²⁵ Natürü törü Coriarü ore rü taguma inayarüxo”,

ñanagürü i Tupanaärü orewa. Rü ngëma Tupanaärü ore i mexü nixi ga pemaã nüxü yaxugüxü.

2

¹ Rü ngëmacëx name nixi i nüxü perüxoe i guxüma i chixexügü, rü ngëma na pidoratëëxügüxü, rü ngëma na togüpëxewa meã na pemaxënetaxü rü ngëma na pixäüxächiwëxëgüxü, rü ngëma na pexoregütëëxügüxü.

²⁻³ Rü ngëxguma chi aixcüma nüxü picuëxächitanügu na ñuxäcü namecümaxüchixü ya törü Cori, rü ñoma wüxi i õxchana i ngexwacëx buxü i naëgünenixü nüxü ngúchaüxürüü penaxwëxe i poräcü pexü nangüchaü i norü ore na ngëmawa peporaëxüçex rü meã peyaëxüçex i perü õwa na ngëmaäcü guxüwama namexüçex i perü maxü i taguma güxü.

Cristu nixi ya nuta ya maxücü

⁴ Rü ñuxma rü name nixi i törü Corina pengaicamagü. Erü nüma ya törü Cori nixi ya yima nuta ya maxücü ya Tupana nayaxucü na namaã inaxügüäxüçex ya napata. Rü woo duüxügü nüxü oexü, natürü yima nixi ya Tupana nayaxucü erü naxcëx rü namexëchi.

⁵ Rü ngëxgumarüü ta i pemax, rü Tupana pexü nade na napataärü nutagü ya maxëcü pixigüxüçex. Rü pema nixi i Tupanaärü ngüxëëruügu i üünexü i Ngechuchu ya Cristuégagu Tupanana ñmare pexägüxü. Rü ngëma ñmare i nüxna pexägüxü i namaã nataäxü rü ngema nixi i perü maxü i mexü i napëxewa.

⁶ Rü Tupana rü norü ore i ümatüxüwa rü Cristuchigaxü nixu rü ñanagürü:

“Ñuxma na ichanaxügüxü ya chopata, rü yima nuta ya nüxira chayaxüchicü, rü yima nixi ya nuta ya mexëchicü ya chomatama chanayaxucü na chopata namaã ichaxügüxüçex. Rü yima nuta rü chaunehiga nixi. Rü yixema nüxü yaxõxë, rü aixcüma tá tanayaxu i ngëma maxü i taguma güxü i tümamaã ichaxunetaxü”,

ñanagürü.

⁷ Rü pema na nüxü peyaxögüxü, rü Cristu rü pexcèx rü guxüwama name rü naporaxüchi. Natürü ngëma tama yaxögüxüçèx, rü taxuwama name. Rü ngëmacèx ya Tupana rü norü ore i ümatüxüwa rü ñanagürü:

“Yima nuta ya İpataarü üruügü nüxü ocü, rü chauxcèx rü gucü ya nutaarü yexera namexëchi. Rü ngëmacèx yimaçtüwa nixi ichanaxügüxü ya chopata”,

ñanagürü.

⁸ Rü Tupanaärü ore rü ñanagürü ta:

“Guxüma i ngëma tama yaxögüxü rü tama irüxünüëchaüxü rü yima nutagu tá nayarüpucütügü”,

ñanagürü. Rü ngëmaäcü i guxüma i ngëma tama yaxögüxü rü tá chixexügu nayi erü tama Tupanaga naxünüëchaü rü tama Cristuaxü nayaxögüchaü. Rü ngëmacèx Tupana tá nanapoxcue yema nüma nüxü yaxuxürüü.

⁹ Natürü pema nixi i duüxügü i törü äëxgacü ya Tupana pexü dexü na norü ngüxëëruügü pixigüxüçèx. Rü pema nixi i duüxügü i napëxewa ixüünexü erü nümatama ya Tupana rü norü duüxügüxü pexü nixigüxëë na nüxü pixuxüçèx i norü ore i aixcüma mexëchixü. Rü nümatama ya Tupana nixi ga chixexüwa pexü İnanguxüxëëxü na norü ngöonexü i mexëchixügu pechocuxüçèx.

¹⁰ Rü İpa ga pema rü tama Tupanaärü duüxügü pixigü, natürü i İuxma rü aixcüma norü duüxügü pixigü. Rü İpa rü taxüëaxüma pengeçauütümüügü, natürü i İuxma rü Tupanaäxü pengeçauütümüügü.

İuxma na Tupanaärü duüxügü pixigüxü, rü name nixi i meä naxcèx pemaxë

¹¹ Pa Chaueneëgu ya Pexü Changeçauügüxex, rü İuxma na Tupanaärü duüxügü pixigüxü, rü tama İoma i naäneçüäx pixigü. Rü ngëmacèx pexü çacèxü na nüxü perüxoëxüçèx i guxüma i ngëma ngüçauügü i chixexü i İoma i naäneçüäx nagu İxü. Erü ngëma ngüçauügü i chixexü rü taäxü chixexügu nanguxëëchaü.

¹² Rü name nixi i meä pemaxë napëxewa i ngëma duüxügü i tama Tupanaxü cuëxgüxü. Rü ngëxguma woo poraçü chixri peçhiga yadexagü i nümagü, rü tá nüxü nadaugü na İuxäcü mexü pexügüxü, rü tá Tupanaxü nicuëxüügü i ngëxguma Cristu wena nüma İxgu.

¹³ Rü name nixi na törü Cori ya Ngeçhuchugagu tımaga pexİNüëxü ya guxäma ya İyxema perü äëxgacügü İxigüxe. Rü ngëmaäcü name nixi i meä naga pexİNüë ya äëxgacü ya tacü ya Dumawa ngëxmacü, erü nüma nixi i guxü i togü i äëxgacügüëtüwa nangëxmaxü.

¹⁴ Rü ngëxgumarüü ta name nixi i naga pexİNüë i ngëma togü i äëxgacügü i petanüwa namugüxü ya yima äëxgacü ya tacü na napoxcueäxüçèx i ngëma chixexü ügüxü rü namaä nataäëgüxüçèx i ngëma mexü ügüxü.

¹⁵ Erü Tupana nanaxwëxe na mexü pexügüxü na ngëmaäcü İpeyanangeëxgüxëëxüçèx i ngëma duüxügü i tama Tupanaärü orexü cuäxçauügüxü rü chixri ngëma oreçhiga İdex-agüxü.

¹⁶ Rü İuxma na Cristu pexü İnguxüxëëxü, rü name nixi i duüxügü i aixcüma İnguxüxürüüäcü meä pemaxë. Natürü İuxma na İpengüxüxü rü tama name na ngëmamaä pegü İpepoxüxü na tacü rü chixexü pexügüxüçèx. Erü İuxma na Tupanaärü duüxügü pixigüxü, rü name nixi i norü ngüçauüxicatama pexügü.

¹⁷ Rü name nixi i meä penayauxgü i guxüma i duüxügü. İRü nüxü pengeçau i taeneëgu i yaxögüxü! İRü nüxü pemuüë ya Tupana! İRü naga pexİNüë ya äëxgacü ya tacü ya Dumacüäx!

Tanaxwëxe i Cristuriüü yaxna namaä taxİNüë i ngëxguma ngüxü İngegügu

¹⁸ Pa Duüxügü i Coriäxgüxüx, İrü nüxü pengeçauügü rü naga pexİNüë i perü corigü! Rü tama name i ngëma perü corigü i pemaä mecümaxüxüxicatama pengeçauügü, natürü name nixi i nüxü pengeçauügü ta i ngëma perü corigü i chixecümaxü.

¹⁹ Erü Tupana rü pemaä nataäë ega nüxü na pengeçauügüxüçèx yaxna namaä pexİNüëgu i ngëxguma texë natüçëxmamare chixexü pemaä İxgu rü ngüxü pexü tingexëëgu.

²⁰ Natürü İtacüwa pexü namexü ega yaxna namaä pexİNüëgu i ngëxguma wüxi i perü chixexüçèx pepoxcuegu? Natürü ngëxguma İacü rü mexü i pexüxügagu ngüxü pingegügu rü yaxna namaä pexİNüëgu, rü ngëma waxi nixi i Tupanapëxewa mexü.

²¹ Rü ngëma na mexü pexüxügagu ngüxü pingegüxüçèx nixi i Tupana pexü dexü. Yerü ga Cristu rü ta pexcèx ngüxü ninge. Rü yemaäcü pexü nüxü nadauxëë na İuxäcü nüma nanaxwëxexü na naxrüü yaxna namaä pexİNüëxü i ngëma ngüxü.

²² Nüma ga Cristu rü taguma pecadu naxü, rü taguma texëxü nawomüxëë.

²³ Rü yexguma duüxügü chixexü namaä İxugügu, rü nüma rü taxuüma ga chixexümaä nanangäxü. Rü yexguma ngüxü nüxü yangexëëgügu, rü nüma rü tama İacü rü chixexümaä nanaxäüxüne. Natürü Tupanamaä nüxü nixu na nüma namaä namexëëäxüçèx ga yema

duñxügü ga chixri namaã chopetüxü. Yerü nüxü nacuèx rü Tupana rü aixcüma meã nanangügü i guxüma i duñxügüarü maxü.

²⁴ Rü nümatama ga Cristu rü nügüxüñegu nayange ga tóru pecadugü ga yexguma curuchagu nayuxgu. Rü yemaãcü nanaxü na nüxü rüxoexüçèx i tóru chixexü na naxcèxicatama imaxèxüçèx. Nüma rü pexcèx nanapix na yemaãcü pexü nameèxèèxüçèx.

²⁵ Rü pema ga üpa rü ñoma carnerugü i nu ne naxïmarexüürü pixigü. Natürü i ñuxma rü marü Cristucèx pewoegu. Rü nüma nixi i perü dauruü yixü, rü nüma nixi i pexna nadauxü.

3

Ñuxäcü Tupana nanaxwèxe na namaxèxü i ngèma ixãmaxü rü ixãtexü

¹⁻² Rü pemax, Pa Ngexügüx, rü name nixi i petega pexinüè na ngèma pete i tama yaxõxü nüxü dauxüçèx i perü maxü i mexü i Tupanapèxewa rü duñxügüpèxewa rü ngèmacèx na yaxõxüçèx woo taxuüma i Tupanaärü orexü namaã pixugu.

³ Rü ngèma na aixcüma pimexüçèx, rü tama name i nagu perüxñüè na ñuxäcü pegü pemexèyæxüchixü, rü èxna uirunaxcèx i ngèxæruümaã pengèxæégüxü, rü èxna tatanüxüchixü i naxchirugu na picuxgüxü.

⁴ Natürü name nixi i perü maxüwa pegü pimexèégü rü guxüma i duñxügümaã pimécümagü rü taguma texémaã penuãégü, erü ngèma nixi i perü mexü i taguma iyarüxoñü i aixcüma mexü i Tupanapèxewa.

⁵ Rü yemaãcü norü maxü i mexümaã nixi ga nügü yangèxæégüxü ga yema nuxcümaügüxü ga ngexügü ga Tupanapèxewa ixüünexü. Rü nümagü rü Tupanaãxü nayaxögü rü natega naxñüè.

⁶ Rü yemaãcü ta iyixi ga Chara ga ngíte ga Abráüga na naxñüxü, rü ngürü corimaã naxuaxü. Rü pemagü rü tá ta ngürü pixigü ega mexü pexügügu. Rü ñuxüchi taxucèxtama tüxücüü petecèx pemüè.

⁷ Rü ngèxgumarüü ta i pemax, Pa Yatügüx, rü name nixi i meã pemèxü pengechaügü rü aixcüma yaxna ngímaã pexinüè, erü ngíma rü irüturamaè. Rü name nixi i ngímaã petaãégü erü Tupana rü pexna naxãaxürüü ngíxna nanaxã i ngèma maxü i taguma gúxü. Rü name nixi i ngèmaãcü meã ngímaã pemaxè na Tupana nüxü ñuxüçèx i perü yumüxégü.

Yixema mexü ügüxe ya ngüxü ingegüxechiga

⁸ Rü ngèmaãcü chanaxwèxe i guxãma i pema rü pegüxü pengechaütümüügü rü wüxigu perüxñüè, rü aixcüma nüxü pengechaügü i guxüma i taeneégü i yaxögüxü. Rü chanaxwèxe i aixcüma pemécümagü rü guxãmaã pegü pewüxigüxèè.

⁹ Rü ngèxguma texè chixexü pemaã üxgu, rü tama name i pema rü ta chixexü tümamaã pexü. Rü ngèxguma texè pemaã guxchigagu, rü tama name i pema rü ta tümamaã peguxchiga. Natürü narümemamaè nixi i mexü i oremaã tüxü pengãxüga rü tüxü perüngüxèè, erü Tupana pexü nadei na pexü nangüxèèxüçèx.

¹⁰ Erü Tupanaärü ore i ümatüxüwa rü ñanagürü:

“Ngèxguma texè taãècüma maxchaügu, rü name nixi i nüxna tadau ya tümäärü conü na tama chixexü i oremaã yadeaxüçèx. Rü ngèxgumarüü ta name nixi i nüxna tadau i tümãx na tama doraxü yaxuxüçèx.

¹¹ Rü name nixi i nüxna tayaxü i guxüma i chixexügü, rü mexü taxü. Rü ngèxgumarüü ta name nixi i guxüguma naxcèx tadau na togümaã tataãèxü.

¹² Erü tóru Cori rü nüxna nadau ya yixema aixcüma ímexè, rü nüxü naxñü i tümäärü yumüxè. Natürü tümamaã nanu ya yixema chixexü ügüxe”, ñanagürü i ngèma Tupanaärü ore.

¹³ ¿Rü texè tá chixexü pemaã üxü ega pema rü aixcüma guxüguma mexü pexügügu?

¹⁴ Natürü ngèxguma chi ngèma mexü na pexügüxüçèx ngüxü pingegügu, rü name nixi i petaãégü. ¿Rü taxucèxma texèxü pemüè, rü taxucèxma tacüçèx pexoegaãégü!

¹⁵ Rü name nixi i perü Corixü peyaxixèè ya Cristu rü aixcüma naga pexinüè, rü guxüguma ípememare na meã penangãxüçèx i guxüma i duñxügü i pexna çaxü na tüxücüü Cristuaxü peyaxögüxü.

¹⁶ Natürü name nixi i nüxü pengechaüácüma penangãxü rü tama pegügu perüxñüèácüma na norü yexera pixigüxü. Rü name nixi i meã pemaxè na taxucèxma pexoegaãèxüçèx. Rü ngèxguma ngèmaãcü pemaxègu rü tá naxãneè i ngèma duñxügü i chixri pechiga idexagüxü na ñuxäcü Cristucèx pemaxèxü.

¹⁷ Yixema rü ngüxü tingegü ega chixexü ixügügu. Natürü narümemamaè nixi na mexü ixügüxüçèx ngüxü na ingegüxü, ega ngèmaãcü Tupana naxwèxegu.

¹⁸ Yerü nümatama ga Cristu rü ngüxü ninge, rü wüxicanatama guxäärü pecaducèx nayu. Rü woo na mecü yixü rü taxcèx nayu i yixema i chixexü i duñxügü ixügüxü. Rü yemaãcü

nanaxü na Tupanaxütawa tüxü nagagüxcëx. Rü woo nayu ga naxüne, natürü ga naäë rü tama nayu.

¹⁹ Rü yexguma naxüne yuxgu rü naäë rü natanüwa naxü ga yema naäëgü ga Tupana poxcuexü, rü orexü namaä nayarüxu.

²⁰ Rü yema naäëgü ga yexma poxcuexü, rü yema nixi ga naäëgü ga yema duüxügü ga Noë maxügu tama ixinüechaüxü woo Tupana yaxna namaä naxinü ga yexguma Noë naxiyane ga guma wapuru. Rü 8 ga duüxügüxicatama nixi ga guma wapurugu ichoüxü, rü yema nixi ga guma mucü ga taxüchicüaru dexaétüwa maxëxü.

²¹ Rü yema dexa rü wüxi ga cuëxruü nixi. Erü ngëxguma dexawa íbaiegu, rü duüxügüxü nüxü tacuëxëë na Ngechuchu ya Cristu wena maxüxügagu yixü i tüxü nangëxmaxü i maxü i taguma gúxü. Rü tama taxüneärü düxétüwa na imexüxcëx nixi i íbaieü, natürü ítaibaie yerü marü Tupanana naxcëx taca na tüxü iyanaxoxëëäxüxcëx ga tórü pecadugü na aixcüma napëxewa imexüxcëx rü aixcüma mexügu rüxinüëxüxcëx.

²² Rü nüma ga Ngechuchu ya Cristu, rü daxüguxü i naänewa naxü, rü ñuxma rü Tupanaärü tügüncüwawa nangëxma. Rü ñuxma rü namëxwa nangëxmagü i guxüma i Tupanaärü orearü ngerudügi i daxüçüäx rü guxüma i äëxgacügi i daxüçüäx.

4

Tanaxwëxe i ngëma cuëx i Tupana tüxna äxümaä nüxü tariüngüxëë i taeneëgü

¹⁻² Rü ngëmacëx name nixi na ípememarexü na ngüxü pingegüxü yexgumarüü ga Cristu na ngüxü yangexü. Erü yixema ngüxü ingexe rü marü nüxü tarüxo i tümaärü pecadu na guxüguma meä Tupana naxwëxëxüäcüma tamaxüxüxcëx, rü tama i tümäxüne naxwëxëxüäcüma na tamaxüxüxcëx.

³ Üpa ga pemax, rü mucüma ga taunecü penaxüecha i ngëma chixexü i ñuxma i ngëma duüxügü i tama Tupanaxü cuëxgüxü ügüxü. Rü yexguma ga pema rü pecadu pexügüäcüma pemaxë, rü penaxü ga pexeneärü gorüchaü, rü pengäxë, rü peta ga nawa pexäügatanüxü pexügü, rü tacü i nguchiëxgüxü poraäcü pixaxcugü, rü tupanane-tachicüenëägüxü picüëxüügü i woo Tupana na pexna nachuxuxü i ngëma.

⁴ Rü yema duüxügü ga namaä pexämücügüxü ga yexguma chixri pemaxëgu, rü ñuxma rü poraäcü nagu narüxinüë na tacüxcëx tama natanügu pexägüxü rü tama nawe perüxüxü i ngëmacëx norü chixexü naxügügu. Rü ngëmacëx nixi i ñuxma i chixri pechiga yadexgüxü.

⁵ Natürü nümagü rü tá ta Cristupëxewa nangugü na namaä nüxü yaxügüxüxcëx na ñuxäcü namaxëxü. Rü nüma ya Cristu rü ínamemare na nüxna yacachigüxüxcëx i guxüma i duüxügü i maxëxü rü yuexü.

⁶ Rü ngëmacëx na Tupana rü naxüpa na nayuexü i duüxügü rü marü nüxna nanaxuaxü i maxü i taguma gúxü. Erü nanaxwëxe na naxrüü guxüguma mexüwa namaxëëchaxü ega woo ñoma i naänewa nayuegu i naxünegü.

⁷ Rü marü nixaica na nagüxü i ñoma i naäne rü guxüma i tacü i nawa ngëxmaxü. Rü ngëmacëx name nixi na ípexuäëxü rü meä peäë ta ípexügüxü rü guxüguma peyumüxëgüxü.

⁸ Rü guxüärü yexera i ngëma pexü chanaxwëxëxü nixi na aixcüma pegü pengechaügüxü i wüxichigü. Erü ngëxguma aixcüma yigü ingechaügügu rü ngëmaäcü inayarüxo i muxüma i pecadugü.

⁹ Rü meä pegü peyaxgü i wüxichigü i pechiüwa! Rü tama name i tümamaä penuäëäcüma tüxü peyaxu.

¹⁰ Rü wüxichigü i pemax, rü Tupana pexna nanaxä i perü cuëx. Rü ngëma perü cuëxmaä rü name nixi i wüxichigü pegü perüngüxëëgü, na aixcüma Tupanaärü ngüxëëruü i mexü na pixügüxüxcëx rü meä namaä pepuracüxüxcëx i guxüma i ngëma cuëx i Tupana pexna äxü.

¹¹ Rü ngëxguma texé nüxü ixuxgu i ore, rü name nixi i aixcüma Tupanaärü orexü tixu. Rü ngëxguma texé togüxü rüngüxëëgu, rü name nixi i Tupana tüxna äxü i poramaä tanaxü. Rü guxüma i ngëma pexüxü rü name nixi i meäma penaxü na ngëmaäcü Ngechuchu ya Cristugagu Tupanaxü picüëxüügüxüxcëx. Erü nüma ya Tupana rü guxüguma namexëchi rü naporaxüchi. Rü ngëmaäcü yü.

Ngëxguma Cristuaxü yaxöxgu rü ngüxü tinge

¹² Pa Chaueneëgü ya Pexü Changechaügüxex, ñuxma na taxü i guxchaxügü i perü ngxëëruü pexcëx inguxü, jrü täxü i pehäixächiaëgüxü, ñoma tacü i taguma nüxü pedaxü ngupetüxüürü!

¹³ Natürü narümemaë nixi na petaäëgüamaxü, yerü yema Cristu ngüxü na ingexüürü nixi i ngüxü na pingegüxü i ñuxmax na petaäëgüxüxcëx i ngëxguma wena nüma naxüxgu i nümax.

¹⁴ Rü ngëxguma Cristuaxü na peyaxögüxügagu texé pemaä guxchigagu, rü wüxi i perü taäë nixi i ngëma. Erü ngëmaäcü nüxü pecuëx na Tupanaäë i Üünexü rü pewa na nangëxmaxü.

¹⁵ Rū ngēxguma chi ngúxū pingegūgu, rú name nixī na wūxi i mexū na pexūgūxūgagu na yīxū rú tama wūxi i chixexūgagu na yīxū, ngēxgumarū i máeta rú éxna ngítēex rú éxna togūarū guxchaxūwa na pegū pengēxmagūxēxū.

¹⁶ Natūrū ngēxguma texē Cristuaxū tayaxōxūgagu ngúxū tingexgu, rú taxucēxma tūxcūū ngēmacēx taxāne. Rū name i ngēmacēx Tupanaxū ticuēxū.

¹⁷ Rū űuxma rú marū nawa nangu na Tupana ngúxū tūxū ingexēxū na ngēmaācū tūxū iyanawēxāchixēxūcēx i yixema na naxācūgū ixīgūxū. Rū ngēxguma ngēmaācū tamaā inaxūgūāgu, rú űūxācū tá nūxū naxūpetū i ngēma duūxūgū i tama Tupanaārū ore i mexūga űūēchaūxū?

¹⁸ Erū Tupanaārū ore i űmatūxūwa rú űnagūrū:
 “Ngēma duūxūgū i mexū űgūxū rú guxchaācūma nanayauxgū i maxū i taguma gūxū. Rū űuxma na ngēmaācū yīxū, űrū űuxācū tá nūxū nangupetūxū i ngēma duūxūgū i chixexū űgūxū rú pecaduāxgūxū?”
 űnagūrū.

¹⁹ Rū ngēmacēx ya yīxema Tupana naxwēxexūācūma ngúxū ingegūxe, rú name nixī na mexū taxūgūechaxū rú Tupana ya tūxū űcūmēxēgu na tanaxūxū i tūmaāē na nūxna tūxū nadauxūcēx. Erū nūma ya Tupana rú mecū nixī rú taguma texēxū nawomūxē.

5

Ucūxēgū naxcēx i ngēmayaxōgūxū

¹ Rū űuxmax, Pa Yaxōgūxūārū Āēxgacūgūx, rú pexna chanaxāxchaū i wūxi i ucūxē i mexū, erū choma rú ta pexrūū yaxōgūxūārū āēxgacū chixī. Rū chomaxūchima nixī ga nūxū chadauxū ga űuxācū ngúxū na yangexū ga Cristu. Rū choma rú tá ta pexrūū choxū nangēxma i chauchica i mexū i ngēxguma wena nūma naxūxgu.

² Rū chanaxwēxe i nūxna pedau rú nūxū perūngūxēē i guxūma i Tupanaārū duūxūgū i pemēxwa ngēxmagūxū. Rū name i mexū i perū ngūchaūmaā Tupana naxwēxexūācūma penaxū i ngēma puracū, rú tama texē pexū muxguxica penaxū rú éxna dīerucēx penaxū.

³ Rū tama name i namaā penuēācūma rú penangaācūma penamu i ngēma duūxūgū. Natūrū chanaxwēxe i mexū i perū maxū nūxū pewēx na űuxācū Tupana naxwēxexū na namaxēxū.

⁴ Rū ngēxguma wena nūma naxūxgu ya tórū Daurūxūchī ya Cristu, rú pema rú tá penayauxgū i wūxi i perū āmare i ngēxcuerū i mexēchixū i taguma ngauxū.

⁵ Rū ngēxgumarū ta i pemax, Pa Ngextūxūcūgūx, rú name nixī i naga pexīnūē i ngēma perū āēxgacūgū i Tupanaārū puracūma puracūxū. Rū guxāma i pema i yaxōgūxū, rú name nixī i wūxichigū pegū perūngūxēē rú taguma pegū perūxīnūē na pemūcūgūarū yexera pixīgūxū. Erū Tupanaārū ore i űmatūxūwa rú űnagūrū:

“Tupana rú tama norū me nixī i ngēma duūxūgū i nūgū icuēxūxūgūxū. Natūrū nūxū narūngūxēē rú namaā namecūma i ngēma duūxūgū i tama nūgū icuēxūxūgūxū”,
 űnagūrū i ngēma ore.

⁶ Rū ngēmacēx tama name i pegū picuēxūxū. Rū narūmemaē i Tupanamēxē ya poranetūxūwa pegū pengēxmagūxēē na nūma pexū yacuēxūxūgūxūcēx i ngēxguma nawa nanguxgu na ngēmaācū pemaā naxūāxū.

⁷ Rū name nixī i Tupanamēxēgu penaxū i guxūma i perū oegaāēgū, erū nūma ya Tupana rú guxūguma pegu narūxīnū rú aixcūma pexna nadau.

⁸ Rū name nixī i guxūguma pegūna pedaugū rú ipexuāēgū, erū perū uwanū i Chataná rú doma wūxi ya ai ya idūraxūchicūrū nanañaāne rú tūmacēx nadau na texēxū tá nachixexēxū.

⁹ ¡Rū peporaēamēx rú peyaxōgūamēx i ngēxguma űacū rú chixexū pemaā naxūxchaūgu! Erū nūxū pecuēx rú guxūma i taeneēgū i guxūwama ngēxmagūxū rú pexrūū ngēmatama ngúxū ningēgū.

¹⁰ Natūrū ngēxguma paxaxāchi űoma i naānewa ngúxū pingegūguwena, rú Tupana rú tá pexū nīmexēē na aixcūma napēxewa pīmexūcēx, rú tá pexū narūngūxēē na taguma nūxū perūxoexūcēx, rú tá pexū naporaēxēē na aixcūma perū maxūwa peporaēxūcēx. Rū daatama Tupana nixī ya tūxna naxācū i guxūma i mexū i tūxū ngēxmaxū, rú tūxū deicū na naxūdtawa tūxū nangēxmaxūcēx i tachica i mexū i taguma gūxū, erū Ngechuchu ya Cristuarū duūxūgū tixīgū.

¹¹ Rū name nixī i guxūguma nūxū ticuēxūūgū ya Tupana, erū nūma nixī i guxūārū āēxgacū yīxū i guxūguma. Rū ngēmaācū yī.

Pedru rú yema yaxōgūxūxū narūmoxē

¹² Taeneē ya Chiribānu ya meā yaxōcūmaā petanūwa chanamu i űaā nuxmarexū i popera na pexū chixucūxēgūxūcēx rú pemaā nūxū chixuxūcēx na ngēma pexū nangechaūxūgagu

yiixũ ya Tupana i aixcũma pexũ nangũxẽẽxũ. Rũ ñuxma na ngẽmaãcü pexũ nangechaũxũ, rũ name nixĩ i guxũguma naxcèx pemaxẽ.

¹³ Rũ pexũ narũmoxẽgũ i guxũma i taeneẽgũ i yaxõgũxũ i pexrũũ Tupana dexũ i núma Dumawa ngẽxmagũxũ. Rũ ngẽxgumarũũ ta pexũ narũmoxẽ i chorũ ngũxẽẽruũ i Marcu ya chaunerũũ ixĩcü.

¹⁴ Rũ chanaxwèxe i wũxichigũ i pema rũ pegũ pengechaũgũãcüma pegũ perũmoxẽgũ. Rũ ngẽxgumarũũ ta chanaxwèxe na aixcũma petaãẽgũxũ i guxãma i pema na Ngechuchu ya Cristuarũ duũxũgũ pixĩgũxũ. Rũ ngẽmaãcü yiĩ.

Rũ nuãma pexna,
Pedru

NORÜ TAXRE GA POPERA GA PEDRU ÜMATÜXÜ

Pedru nüxü narümoxë ga yema yaxöğüxü

¹ Pa Chaueneëgüx, choma i Chimáu i Pedru nixi i pexcëx chanaxümatüxü i ñaã popera. Rü choma rü Ngechuchu ya Cristuarü ngüxëëruü chixi, rü nüma nixi ga choxü namuxü na nüxü chixuxüçëx i norü ore. Rü pexcëx chanaxümatü i pema na toxrüü aixcüma peyaxöğüxü, erü törü Tupana rü törü Maxëxëëruü ya Ngechuchu ya Cristu rü aixcüma nimexëchi.

² Rü ñuxma na Tanatü ya Tupanaxü pecuáxü rü törü Cori ya Ngechuchuxü pecuáxü, rü chanaxwëxe i nümagü aixcüma pemaã namecüma rü aixcüma pexü nataãëxë.

Yaxöğüxücümagüchiga

³ Rü Tupana rü noxrütama poramaã marü tüxna nanaxã ga guxüma i ngëma nacüma i mexü i inaxwëxexü na aixcüma meã naxcëx imaxëxüçëx. Rü yemaäcü nanaxü ga yexguma tüxü nüxü nacüxëëgü ga guma törü Cori ya mexëchicü ga norü poramaã tüxü decü.

⁴ Rü yematama norü poramaã tüxna nanaxã ga guxüma ga norü ngüxëë i mexëchixü ga inaxunetaxü na naxrüü pimexüçëx rü nüxna pixigachixüçëx i guxüma i chixexügü i duüxügüaru ngüchaü i chixexügagu ñoma i naãnewa ngëxmaxü.

⁵ Rü ngëmacëx penaxwëxegü na pegü peporaexëxü na yexeracü peyaxöğüxü rü meã togüpëxewa pemaxëxü. Rü ñuxuchi name na meãma nüxü pecuáxü na ñacü yüxü i Tupana pexü naxwëxexü.

⁶ Rü ngëxgumarüü ta penaxwëxegü na meã pegümaã ipecuáxü na tama chixexügu peyixüçëx. Rü ñuxüchi name na yaxna pegümaã pexinüxü. Rü ngëxgumarüü ta name na aixcüma Tupanaxü pengechaügüxü.

⁷ Rü ñuxüchi penaxwëxegü na pegü pengechaügüxü ya guxãma i pemax. Rü ngëxgumarüü ta name na guxüma i duüxügüxü pengechaügüxü.

⁸ Rü ngëxguma aixcüma ngëma pexü chaxucuxëxüäcüma pemaxëgu, rü täütãma natüçëxma nixi i perü maxü, rü täütãma natüçëxma nixi na nüxü pecuáxü ya törü Cori ya Ngechuchu ya Cristu.

⁹ Natürü yixema tama ngëma pexü chaxucuxëxüäcüma maxüxë, rü ñoma tangexetüxürrüü tixi. Rü ñoma wüxi i duüxü i tama nagu rüxinüxü i ngëma yixcüra tá nüxü ngupetüxürrüü tixi, erü nüxü itayarüngüma na ñuxäcü Tupana tüxü nüxü ngechaüxü ga tümaãrü pecadugü.

¹⁰ Rü ngëmacëx, Pa Chaueneëgüx, name nixi na yexeraäcü meã Tupanacëx pemaxëxü na ngëmaäcü ipenawëxüçëx na aixcüma Tupanaãrü duüxügü ya pexcëx naçaxe rü pexü dexë na pixigüxü. Rü ngëxguma ngëmaäcü pemaxëgu rü tagutãma chixexügu peyi rü tagutãma Tupanaxü ipetëx.

¹¹ Rü ngëmaäcü ya Tupana, rü tá meã pexcëx nayawãxna i iãx na tauxchaäcü pichocuxüçëx i ngextã guxügutãma äëxgacü iyüxüwa ya törü Cori ya Ngechuchu ya Cristu ya törü Maxëxëëruü.

¹² Rü ngëmacëx woo marü nüxü na pecuáxü rü nagu na pexixü i ngëma ore i aixcüma ixixü, natürü guxügutãma pexna nüxü chacuëxächixëëëcha ga yema pexü namaã chaxucuxëxü.

¹³ Erü ñuxma na chamaxüxü i chomax, rü nagu charüxinü na namexü na pexna nüxü chacuëxächixëëëxü i ngëma ore i namaã pexü chixucuxëgüxü, na ngëmaäcü pexü changüxchaüxëëxüçëx na meã Tupanacëx pemaxëxü.

¹⁴ Rü pemaã nüxü chixu i ngëma, erü törü Cori ya Ngechuchu ya Cristu choxü nüxü nacüxëë na paxa tá chayuxü.

¹⁵ Rü ñoma rü ta na chamaxüxü, rü meã pexü chixucuxëgü na ngëxguma chayuxguwena rü guxüguma nüxna pecuëxächixëxüçëx i ngëma chorü ucuxëgü na ñuxäcü Tupana naxwëxexü na pemaxëxü.

Pedru rü namüçügü rü aixcüma Cristuxü nadaugü ga na ñuxäcü namexëchixü

¹⁶ Rü yexguma pexü tangüxëëgu na ñuxäcü naporaxü ya törü Cori ya Ngechuchu ya Cristu rü ñuxäcü tá wena na nataeguxü, rü tama tomatama togüãëwa tayaxuxü i ore nixi. Yerü tomatama toxetümaã nüxü tadau na ñuxäcü namexëchixü i nüma ya törü Cori.

¹⁷ Rü nüxü tadau ga yexguma Tanatü ya Tupana nüxü icuëxüügu. Rü nüxü taxinüë ga yexguma gumatama Tanatü ya Tupana ya Mexëchicü ñaxgu:

“Daa nixi ya Chaune ya nüxü changechaüxüchicü. Rü choma rü poraäcü namaã chataãëxüchi”,

ñaxgu.

18 Rū aixcūma tomaxūchima nūxū taxīnūē ga yema Tupanaga ga daxūgūxū ga naānēwa inaxūxū, yerū tomatama rū tōrū Corimāā tayexmagū nawa ga guma mēxpūne ga ūinene ga yexguma yema ngupetūgu.

19 Rū yemaācū nūxū tadau na aixcūma yīxū ga yema ore ga nuxcūmaūgūxū ga Tupanaārū orearū uruūgū nūxū ixugūgūxū. Yerū yema nūxū yaxugūgūxūrūūtama nixī ga nūxū tadauxū. Rū name nixī i pema rū ta aixcūma meā nāgu perūxīnūē i ngēma ore, erū wūxi i omū i iraxetūxū i ēānēxūwa ibaxixūrūū nixī. Rū ngēma ore rū tā pexū nūxū nacūxēēē i Tupanachiga űuxmatāta inangu ya tōrū Cori ya Ngechuchu ya Cristu ya yima woramacuri ya ngunetūxū ngōcūrūū ixīcū. Rū ngēxguma inanguxgu i nūma rū aixcūma tā meā pexū nūxū nacūxēēē i guxūma i nachiga.

20 Natūrū chanaxwēxe na guxūārū yexera nūxū pecuāxū i űāā ore i tā pemaā nūxū chixuxū. Rū dūcax, taxūema tūechamatama nūxū tacūx i űacūchiga na yīxū i Tupanaārū ore i ūmatūxū, ega Tupanaāē i Ūinexū tama tūxū rūngūxēēgu.

21 Yerū taxūma ga Tupanaārū orearū uruū rū nūechamatama nūgūāēwa nanayaxu ga yema ore ga nūxū yaxugūgūxū. Natūrū yexguma yema orexū yaxugūgūgu, rū Naāē i Ūinexū nixī ga yadexagūxēēxū.

2

Doramaā duūxūgūxū ngūxēēxūchiga

1 Natūrū nuxcūma rū nayexma ta ga Tupanaārū orearū uruūgūneta ixīgūxū ga Yudiugūtanūwa. Rū ngēxgumarūū tā ta petanūwa nangēxma i duūxūgū i ngūxēēruūgūneta ixīgūxū. Rū nūmagū rū tā doramaā nanaxūchicūū i Tupanaārū ore, rū ngēmaācū tā pexū nangūxēēē i ore i dora ixīxū na pexū nawomūxēēgūxūcēx. Rū nūmagū rū tāūtāma naga naxīnūēchaū ya yima tōrū Cori ya Ngechuchu ya Cristu ya norū Maxēxēēruūchirēx ixīcū. Rū ngēmagagu ya Tupana rū ngūrūāchi tā nanapoxcue i ngēma duūxūgū i ngēmaācū maxēxū, rū tā inayanaxoxēē.

2 Rū nūmagū rū tā nūxū nixugū na tama wūxi i chixexū yīxū ega woo taxūneārū ngūchaū ixūxgu. Rū muxūma i togū i duūxūgū rū tā nawe narūxī i ngēma chixexū i naxūgūxūwa. Rū ngēma chixri pexū ngūxēēxūgū rū muxūma i togū i duūxūgū rū tā chixri nachiga nidexagū i Tupanaārū ore i mexū i aixcūma ixīxū.

3 Rū nūmagū i ngēma duūxūgū i chixexū rū tā nūgūna nananugūchaū i guxūma. Rū ngēmacēx tā pemaā nūxū nixu i ore i chixexū ixīxū na ngēmaācū pexū nawomūxēēgūxūcēx rū pexū ngīxū nayauxgūxūcēx i perū dīeru. Natūrū tā napoxcue i ngēma duūxūgū, rū tāūtāma nibuxmū. Erū Tupana rū woetama nuxcūmama nanamexēē i ngēma poxcu.

4 Yerū ga Tupana rū tama nūxū nūxū nangechaū ga norū orearū ngeruūgū ga daxūcūāx ga pecadu ūgūxū. Rū yemacēx inaxēānēxūwa i ngoxogūxū inapoxcūxūwa nanawogū. Rū cadenamaā nayanēixgū na ngema nangēxmagūxūcēx űuxmatāta nawa nangu i ngēma ngunexū i nāgu Tupana nūxna caxū i guxūma i duūxūgū.

5 Rū yexgumarūū ta ga Tupana rū tama nūxū nūxū nangechaū ga yema nuxcūmaūgūxū ga duūxūgū ga chixexū ūgūxū. Rū yemacēx mucū ga taxūchicū naxcēx yēma nanamu na gumamaā nadaiāxūcēx ga yema duūxūgū ga chixexū ūgūxū. Natūrū ga Tupana rū Noexū nadau ga na meāma duūxūgūxū yaxucūxēgūxū na nūxū naxoexūcēx ga norū chixexūgū. Rū yemacēx ga Tupana rū Noexū namaxēē namaā ga 7 ga natanūxūgū. Natūrū nanada i gaxūma ga yema togū ga duūxūgū.

6 Rū Tupana rū yexgumarūū ta inayanaxoxēē ga guma iānegū ga Chodoma rū Gomora ga poraācū chixri duūxūgū nawa maxēne. Rū inanagu ga guma iānegū űuxmata norū tanimacaxicatama i yaxū. Rū yemaācū nanaxū na guma iānegū rū wūxi ga cuēxruū na yīxūcēx nūxū ga yema duūxūgū ga chixexū ga yemawena maxēxū.

7 Natūrū ga Chodomawa rū Tupana nanamaxēē ga Lox ga wūxi ga yatū ga mecū ixīcū ga poraācū ngechaūcū ga yexguma nūxū nadēuxgu ga űuxācū chixri na namaxēxū ga yema duūxūgū ga natanūwa nayexmaxū.

8 Rū guxū ga ngunexūgu rū nūma ga Lox ga meā maxūcū rū poraācū naāēwa nangux ga yexguma nūxū nadēuxgu rū nūxū naxīnūgu ga yema chixexūgū ga naxūgūxū ga yema duūxūgū ga natanūwa nayexmaxū.

9 Rū yema Loxū na namaxēēxūrūū ga Tupana, rū nūxū natauxcha na tūxū inangūxūxēēxū i ngēxguma Chatanā tūxna īnūgu ya yīxema meā maxēxē. Rū ngēxgumarūū ta ya yīxema chixexū ūgūxe, rū nūxū natauxcha na poxcuwa tūxū nangēxmagūxūcēx űuxmatāta nawa nangu i ngēma ngunexū i nāgu guxūma i duūxūgūxū yacagūxū.

10-11 Rū Tupana rū aixcūma tā nanapoxcue i ngēma duūxūgū i naxūneārū ngūchaūgu īxū i tama naga īnūēchaūxū ya tōrū Cori. Rū ngēma duūxūgū rū taxūegama naxīnūēchaū, rū nadauxcūraxūwēxēgu rū nūgūgūxūcatama narūxīnūē. Rū tama namuūē na namaā

naguxchigagüxü i ngêma âëxgacügü i daxüçüâx i Tupanatüüwa ngêxmagüxü. Rü ngêmaäcü namaxê i ngêma duüxügü. Natürü woo Tupanaârü orearü ngerüüü i daxüçüâx i ngêma duüxügüxü rüyexeraxüchiréxü, rü namuüê na ngêmaäcü namaâ naguxchigagüxü i ngêma âëxgacügü i daxüçüâx i Tupanatüüwa ngêxmagüxü.

¹²⁻¹³ Rü ngêma ngüxëëruüüneta, rü ñoma naëxügürüü nixügü, rü naëxügürüü taxuüma nacuëxgü. Rü ngêma naxüñegü naxwëxexü nixü i naxügüxü. Rü nabue na ñoma naëxügü i yayauxgüxü rü nadëjürüü yixügüxüçëx. Rü chixri nachiga nidexagü i ngêma tama nüxü nacuëxgüxü. Natürü ngêma chixexü i naxügüxügagu tá inayarütauxe, rü ngêmaäcü ngüxü tá ningegü nagagu i ngêma ngüxü i toguâxü yangexëëgüxü. Rü nümagü rü namaâ nataâëgü i ngêma chixexü i ngunecütama naxügüxü. Rü ngêxguma pemaâ nachibüegu, rü wüxi i chixexüchixü rü ânexüchi nixügü erü ngema rü ta nanaxügü i norü chixexügü i namaâ pexü nawomüxëëgüchaüxü.

¹⁴ Rü ngêma duüxügü rü taxuacüma wüxi ya ngeâxü nadaugümare, erü naâëwa rü nagu narüñüê na nüxü tangüchaüxü. Rü tama nüxü ningüêga na pecadu naxügüchaxü. Rü naxcëx nadaugü na ñuxäcü chixexü tuxü nayixëëxü ya yixema duüxëgü ya turaearü maxüâxgüxë. Rü nüxü nicuëxüchi na ñuxäcü tacü nügüna nanugüxü. Natürü Tupana rü marü namaâ nanaxuegu na napoxcueâxü.

¹⁵ Rü ngêma duüxügü rü tama nagu naxü i ngêma Tupana nüxü naxwëxexü, rü ngêmacëx inayarütauxe. Rü nagu naxü ga yema chixexü ga nagu yaxüxü ga nuxcümaüxü ga Tupanaârü orearü uruü ga Baräü ga Beü nane ga chixexü üxü na yemaäcü dïeru ngüxü nayauxüçëx.

¹⁶ Rü noxrütama buru ga woo taguma idexachirëxü, rü wüxi ga duüxürüü namaâ iyadexa rü inanga naxcëx ga yema chixexü ga naxüxchaüxü. Rü yemaäcü Baräxü iyachaxächixëê na tama naxüâxüçëx ga yema chixexü ga naxüxchaüxü.

¹⁷ Rü ngêma duüxügü rü taxuwama nime ñoma wüxi i puchi i ngearü dexäâxürüü. Rü ñoma wüxi i caixanexü i buanecü icuëxürüümare nixü na taxuwama yamexü. Natürü Tupana rü marü nanamexëê i wüxi i nachica i êanexüchixü i ngextä guxügütama inapoxcueâxüwa i ngêma duüxügü.

¹⁸ Rü ngêmaäcü tá nanapoxcue i ngêma duüxügü, erü nügü yacuëxüügüäcüma chixri nidexagü i ore i taxuwama mexümaâ. Rü tuxü nixucuxëgü na tümaxüñearü ngüchaügu na taxüxüçëx ya yixema marü ngexwacëx ngêmaxü rüxoëchirëxë.

¹⁹ Rü tümamaâ nüxü nixü rü ngêxguma nawe tarüxügu rü tá tuxü inanguxüxëê na taxuümëxëwa tangëxmagüxüçëx rü tümataanaxwëxexüäcüma tamaxëxüçëx. Natürü ngêma duüxügü i ngêmaäcü chixri idexagüxü, rü nümagütama rü norü chixexütüüwa nangëxmagü. Erü guxüma i duüxügü, rü ngêma nüxü rüyexeramaëxütüüwa nügü nangëxmagüxëê.

²⁰ Rü guxäma ya yixema marü törü Cori ya Ngechuchu ya Cristu ya törü Maxëëëruüxü cuëxgüxë, rü marü nawa itanguxü i ñoma i naâñearü chixexügü. Natürü ngêxguma chi wenaxäru naxcëx tawoegugu i ngêma chixexü i nawa itanguxüchirëxü, rü tümäärü me yixüga na wena ngêma chixexütüüwa tangëxmagüxü, rü aixcüma noxriarü yexera tichixe.

²¹ Erü ngêxguma chi nüxü tacuëxgüguwena nüxü tarüxoegu i ngêma ore i mexü ga noxri tayauxgüxü, rü narümemäê chi nixü ga noxtacüma täu chima nüxü na tacuëxgüxü i ngêma maxü i aixcüma mexü.

²² Tupanaârü ore i ümatüxüwa rü ñanagürü:

“Ngêma airu i nügü oxgüxü, rü wenaxäru naxcëx nataegu i norü oxü na yaweaxüçëx.

Rü ngêma cuchi i norü yora meäma aiyachirëxü, rü ngêxgumatama wenaxäru norü aiyaneçëx nataegu”,

ñanagürü i ngêma orewa. Rü ngêxgumarüü nixü i ngêma duüxügü i marü Tupanaârü orexü cuëxgüchirëxü rü ñuxüchi wenaxäru naxcëx woeguxü i norü chixexügü ga noxri nawa inanguxüchirëxü.

3

Törü Coriarü taeguchiga

¹ Pa Chaueneëgü ya Pexü Changechaügüxëx, ñaâ nixü i ngêma norü taxre i popera i pexcëx chaxümatüxü. Rü yema nüxüraüxü ga poperawa pemaâ nüxü chixuxürüü, rü wena pexü chixucuxëgü rü pexna nüxü chacuëxächixëê na aixcüma meä Tupanaârü oregu perüxüñëxüçëx.

² Rü chanaxwëxe i nüxna pecuëxächie i ngêma ore ga nuxcümaügüxü ga Tupanaârü orearü uruügü ga ixüñëxü nüxü ixügüxüxü. Rü ngêxgumarüü ta chanaxwëxe i nüxna pecuëxächie i ngêma törü Cori ya Ngechuchu ya törü Maxëëëruüärü mugü ga pexü nangüxëëxü ga norü orearü uruügü ga nüma pexütawa namugüxü.

³⁻⁴ Natürü chanaxwèxe i guxðärü yexera nagu perüxinüe i ñaã ore i pemaã tá nüxð chixuxð. Rü dücax, rü ngëxguma nagüxchaügu i ñoma i naãne, rü tá inangugü i duüxüügü i chixexð i nagu ixü i naxüneärü ngüchaügu. Rü nümagü rü tá nacugüeäcúma ñanagürügü:

“Düçex, Cristu inaxuneta na wena núma naxüegaxü. ¡Rü ñacü namaã nangupetü i ñuxma na tama inanguxð? Rü marü düxwa nayue ga tóru oxigü ga yaxögüxð, natürü noxri naãne üxgumama rü nanangëxgumarauñchatama i guxüma”, ñanagürügü tá.

⁵⁻⁶ Natürü ngëma duüxüügü i ngëmaäcü idexagüxð rü tama nüxð nacüëxgüchaü ga yema ngupetüxð ga yexguma Tupana ñoma ga naãnewa namuägu ga guma mucü ga tacü ga iyanaxoxëëcü ga guxüma ga ñacü ga ñoma ga naãnewa yexmaxü. Rü nuxcümamaxüchima naxüpa ga guma mucü rü woetama nayexma ga ñoma ga naãne rü guxüma i daxüwa nüxð idauxð ga Tupana ngoxëëxð ga yexguma namuägu na nangóxüçex. Rü yemaäcü dexächüüwa nangox ga ñoma ga naãne rü dexáarü ngäxütüchiüwa nayexma, yerü yemaäcü nanamu ga Tupana.

⁷ Natürü ngëma ñuxma ngëxmaxü i daxüwa nüxð idauxü rü ñoma i naãne rü Tupana namaã nanguxð na yixcama üxüwa yaxaxüçex, yerü yemaäcü namaã nanaxuegu. Rü ngëma ñoma i naãne rü ngëma daxüwa nüxð idauxü, rü yima üxü wa Tupana nüxð ixuxünewa tá nixi i aixcüma inaguäxü i ngëma ngunexü i nagu naxunetaxügu na napoxcuaeäxü rü chixexüwa nawoguäxü i ngëma duüxüügü i tama naga inüchaüxü.

⁸ Rü ñuxmax, Pa Chaueneëgü ya Pexü Changechaügüxex, tama chanaxwèxe i nüxð ipeyarüngümaë na wüxitama i ngunexü rü tóru Coricëx rü 1000 ya taunecürüü yixü. Rü ngëxgumarüü ta, 1000 ya taunecü rü tóru Coricëx rü wüxitama i ngunexürüü yixü.

⁹ Rü ñuxre i duüxüügü rü nagu narüxinüe na täütüma paxa inanguxü ya tóru Cori yema tamaã inaxunetaxürüü. Natürü nüma ya tóru Cori rü tama nanuxcüäe na yanguxëëäxü i ngëma norü uneta, natürü nüma rü tamaã yaxna naxünümare. Erü nüma rü tama nanaxwèxe na texe iyarütaxuxü, natürü nanaxwèxe na gaxäma nüxð rüxoexü i tümacüma i chixexü.

¹⁰ Natürü ngëma ngunexü i tóru Cori nagu inguxü, rü taxüema nagu inanguxëëxügu tá nixi. Erü ngürüächimare tá inangu ñoma wüxi i ngütëxäxü inguxürüü. Rü ñuxüchi guxüma i ñacü i daxüguxü i naãnewa ngëxmagüxü rü tá tagaäcü niwäüxügu rü ngëmaäcü tá inayarütauxe. Rü yima üëxcü rü tauemacü rü woramacurigü rü étagü rü tá nixae rü ngëxma tá nayarüxogü. Rü ngëxgumarüü tá ta i ñoma i naãne rü tá nixa namaã i guxüma i tacü i nawa ngëxmagüxü.

¹¹ Rü ñuxma na ngëmaäcü tá namaã nangupetüxü i guxüma i ñacü i ngëxmaxü, rü yexeraäcü penaxwèxe na aixcüma Tupanapëxewa pixüünexü rü nüma nanaxwëxexüäcüma na pemaxëxü.

¹² Rü name nixi i meã ipenanguxëë i ngëma ngunexü i nagu tá inanguxü ya tóru Cori ya Tupana. ¡Rü paxa guxüwama nüxð pixu i norü ore rü aixcüma naxcëx pemaxë na ngëmaäcü ipenanguxëëxüçex! Rü ngëma ngunexügu rü guxüma i daxüwa nüxð idauxü rü tá nixa rü tá inachaxichigü. Rü ñoma i naãne rü üëxcü rü tauemacü rü étagü rü yima üxümaã tá inachaxichigü.

¹³ Natürü yixema na yaxögüxü rü ítananguxëë i ngëma ngëxwacaxüxü i daxüguxü i naãne rü ngëxwacaxüxü i ñoma i naãne ga Tupana tamaã ixunetaxü. Rü ngëma rü guxütäma name, rü yixema rü tá ta aixcüma time.

¹⁴ Rü ngëmacëx, Pa Chaueneëgü ya Pexü Changechaügüxex, rü ñuxma na ipenanguxëëxü i ngëma, rü name nixi i aixcüma meã pemaxë rü aixcüma pegü pengechaügu na taxuwama nachixexüçex i perü maxü rü aixcüma petaäëgüxüçex i ngëxguma wena núma naxüxgu.

¹⁵ Rü name nixi i nüxna pecuëächie na yaxna tamaã naxünüxü ya tóru Cori, erü nanaxwèxe na tüxð nangëxmaxü i tóru maxü i taguma güxü. Rü ngëmatama pexcëx chanaxümatüxürüü ta nixi ga pexcëx naxümatüäxü ga taeneë ya nüxð ingechaügücü ya Pauru ga yexguma Tupana naporaxëëäcüma pexcëx naxümatüägu.

¹⁶ Rü guxüma ga norü poperawa rü ñaã pexcëx chaxümatüxüchiga nanaxümatü ga Pauru. Natürü yema pexcëx naxümatüxüwa rü nangëxma i ñuxre i ore i guxchaxü na nüxð icuáxü na ñacüchiga yixü. Rü ngëma duüxüügü i tama aixcüma Tupanaxü cuëxgüxü rü tama aixcüma yaxögüxü, rü nanaxüchicüügü i ngëma ore ngëxgumarüü na guxüma i Tupanaärü ore i ümatüxü naxüchicüügüxürüü. Natürü ngëma chixexü na naxügüxüxügu rü nügü tátama inayarütauxexëë.

¹⁷ Rü ngëmacëx, Pa Chaueneëgü ya Pexü Changechaügüxex, rü ñuxma na nüxü pecuáxü i tacü tá na ngupetüxü, rü name nixi i pexuäëgü na tama pexü nawomüxëëgüxüçex i ngëma chixexü i duüxüügü rü tama nüxü perüxoexüçex na meã peyaxögüxü.

¹⁸ Rü ngëmacëx, Pa Chaueneëgüx, penaxwèxe na pegü peporaexëëxü na wüxichigü i ngunexü yexeraäcü tóru Cori ya Ngechuchu ya Cristu ya tóru Maxëëëruüxü pecuáxüçex rü yexeraäcü nüxü picuáetanüxüçex na ñuxäcü aixcüma pexü nangechaüxü. ¡Rü ngëmacëx rü guxütüta rü ngüx nüxü ticuëxüügü! Rü ngëmaäcü yü.

Rü nuãma pexna,

NŨXĨRAŨXŨ GA POPERA GA CUÁŨ ŨMATŨXŨ

Ore i tũxũ maxẽẽxũchiga

¹ Pexcẽx tanaxũmatũ nachiga ya Tupana Nane ya Cristu ya yima woetama marũ nũxĩra yexmacũ ga yexguma noxritama tauta naãne ũxgu. Rũ nũma rũ Ore i Maxẽẽẽruũ nixĩ i naega erũ nũma nixĩ i tamaã nũxũ yaxuxũ i Tupanachiga rũ tũxũ namaxẽẽẽxũ. Rũ toma ga norũ ngũexũgũ na tixĩgũxũ, rũ nũxũ taxĩnũẽ rũ toxetũmaã nũxũ tadaugũ rũ tomẽxmaã nũxũ tingõgũgũ.

² Rũ yima Maxẽẽẽruũ ya Cristu rũ toxũ nũgũ nawẽx. Rũ nũxũ tadaugũ rũ duũxũgũmaã nũxũ tixu na ñaxãcũ yĩxũ. Rũ ñuxma rũ pemaã rũ ta nũxũ tixuchiga ya yima Cristu ya tũxna naxãcũ i maxũ i taguma gũxũ. Rũ noxri rũ Nanatũxũtawa nayexma, natũrũ ñoma ga naãnewa nangu rũ toxcẽx nangox.

³ Rũ yema toma nũxũ tadaugũxũ rũ nũxũ taxĩnũẽxũ rũ pemaã nũxũ tixu na tomũcũgũ pixĩgũxũcẽx, ngẽxgumarũũ i toma na Tanatũ ya Tupana rũ Nane ya Ngechuchu ya Cristumũcũgũ tixĩgũxũrũũ.

⁴ Rũ ngẽmacẽx pexcẽx tanaxũmatũ i ñaã ore na wũxigu aixcũmaxũchi itaãẽgũxũcẽx.

Ñoma ngõonexũrũũ name ya Tupana

⁵ Rũ ñaã nixĩ ga ore ga tomaã nũxũ yaxuxũ ga Ngechuchu ya Cristu. Rũ pemaã nũxũ tixu na ñoma ngõonexũrũũ namexũ ya Tupana, rũ nawa rũ nataxuma i chixexũ i ñoma eãnexũrũũ ixĩxũ, rũ bai i iraxũ.

⁶ Rũ ngẽxguma chi:

“Tanatũ ya Tupanamũcũgũ tixĩgũ”, ñagũgu, natũrũ chixri imaxẽgu, rũ tidoraemare erũ tama aixcũma meã tamaxẽ.

⁷ Rũ ngẽxguma chi Tupanarũũ ngõonexũwa imaxẽgu, rũ yigũmũcũgũ tixĩgũ i yixema, rũ Tupana Nane ya Ngechuchu rũ nagũmaã tũxũ inayanatauxẽẽ i guxũma i tũrũ chixexũ.

⁸ Ngẽxguma chi nũxũ ixuxgu rũ:

“Changearũ pecaduãx”, ñagũgu, rũ yigũtama tawomũxẽẽ, rũ tidoraemare.

⁹ Natũrũ ngẽxguma chi Tupanamaã nũxũ ixuxgu i tũrũ pecadugũ, rũ nũma tũxũ nũxũ nangechaũ rũ tũxũ inayanatauxẽẽ i guxũma i tũrũ chixexũ, erũ nũma rũ mecũ nixĩ rũ taguma tũxũ nawomũxẽẽ.

¹⁰ Natũrũ ngẽxguma chi:

“Tangearũ pecaduãxgũ”, ñagũgu, rũ doratẽẽx nũxũ tawogũ ya Tupana rũ tama aixcũma tawa nangẽxma i norũ ore.

2

Cristu rũ tũrũ chogũruũ nixĩ

¹ Pa Chauxacũgũx, pexcẽx chanaxũmatũ i ñaã ore na tama chixexũ pexũgũxũcẽx. Natũrũ ngẽxguma chi wũxie chixexũ ũxgu, rũ nangẽxma ya tũmaẽtũwa chogũcũ nũxna ya Tanatũ ya Tupana na tama tũxũ napoxcuxũcẽx. Rũ yima nixĩ ya Ngechuchu ya Cristu ya aixcũma mecũ ixĩcũ.

² Rũ guma Ngechuchu ya Cristu rũ nũgũ inaxã rũ nayu na naxũtanũãxũcẽx ga tũrũ pecadugũ. Rũ tama tũrũ pecadugũxicatama naxũtanũ, natũrũ guxũma i duũxũgũarũ pecadugũ ta naxũtanũ.

³ Rũ ngẽxguma chi naga ixĩnũẽgu i ngẽma tũxũ namuxũ ya Tupana, rũ nũxũ tacuẽx na aixcũma nũxũ icuãxũ.

⁴ Rũ ngẽxguma chi wũxie:

“Choma rũ Tupanaxũ chacuẽx”, ñagũgu, natũrũ tama naga taxĩnũgu i ngẽma tũxũ namuxũ ya Tupana, rũ wũxi i doratẽxãxũ tixĩ.

⁵ Natũrũ yixema naga ñnũxẽ i ngẽma tũxũ namuxũ ya Tupana, rũ aixcũmaxũchi Tupanaxũ tangechaũ. Rũ ngẽmawa nũxũ tacuẽxgũ na aixcũma Tupanaãrũ duũxũgũ ixĩgũxũ.

⁶ Rũ yixema:

“Tupanaãrũ duũxũ chixĩ”, ñagũxe, rũ name nixĩ na meã tamaxũxũ yema Ngechuchu ya Cristu meã maxũxũrũũ.

Tupanaãrũ mu i ngexwacaxũxũchiga

⁷ Pa Chaueneẽgũx, tama wũxi i ngexwacaxũxũ i Tupanaãrũ mu nixĩ i pexcẽx chaxũmatũxũ. Natũrũ ñaãtama noxriarũ ũgũgumama pexũ yexmaxũ ga mu nixĩ. Rũ ñaãtama nixĩ i Tupanaãrũ mu ga nuxcũmaũxũ ga marũ nũxũ pexĩnũẽxũ.

⁸ Natürü ñaã Tupanaãrũ mu i pexcèx chaxũmatũxũ rũ guxũguma nangexwacaxũ. Rũ ngèxguma naga pexĩnũegu i ñaã Tupanaãrũ mu na pegũ pengechaũgũxũ, rũ tama èãnexũwatama pemaxê, natürü Cristurũ ngẽma ngóonexũ i aixcũma ixĩxũwa pengẽxmagũ.

⁹ Rũ ngèxguma chi wũxie:

“Choma rũ ngẽma ngóonexũwa changẽxma”, ñagũgu, natürü tũmaẽneẽchi taxaixgu, rũ èãnexũwatama tangẽxma.

¹⁰ Yixema tũmaẽneẽxũ ngechaũxê rũ ngóonexũwa tamaxũ, rũ taxucèxma tũxcũũ pecadu taxũ.

¹¹ Natürü yixema tũmaẽneẽchi aixe, rũ èãnexũwatama tamaxũ, rũ èãnexũgu tixũ. Rũ tama nũxũ tacuèx na ngextá taxũxũ, erũ tũmacèx naxêãne.

¹² Pa Chauxacũgũx, pexcèx chanaxũmatũ erũ Cristugagu Tupana marũ pexũ nũxũ nangechaũ i perũ pecadugũ.

¹³ Pa Papágũx, pexcèx chanaxũmatũ i ñaã ore erũ nũxũ pecuèxgũ ya Tanatũ ya Tupana ga noxriarũ ügũgumama yexmacũ. Pa Ngextũxũcũgũx, pexcèx chanaxũmatũ erũ marũ nũxũ perũyexera i ngẽma ngoxo i Chataná i chixexũãrũ üruũ.

¹⁴ Pa Buxũgũx, pexcèx chanaxũmatũ erũ marũ nũxũ pecuèxgũ ya Tanatũ ya Tupana. Pa Papágũx, pexcèx chanaxũmatũ erũ marũ nũxũ pecuèxgũ ya Tanatũ ya Tupana ga noxriarũ ügũgumama yexmacũ. Pa Ngextũxũcũgũx, pexcèx chanaxũmatũ erũ peporae, rũ guxũguma peãewa nangẽxma i Tupanaãrũ ore, rũ marũ nũxũ perũyexera i ngẽma ngoxo i Chataná i chixexũãrũ üruũ.

¹⁵ ¡Tãxũ i pexũ nangũchaũxũ i ñoma i naãne rũ norũ ngẽmaxũgũ! Ngèxguma chi texéaxũ nangũchaũgu i ñoma i naãne rũ tama Tanatũ ya Tupanaxũ tangechaũ.

¹⁶ Erũ guxũma i ngũchaũgũ i ñoma i naãnewa ngẽxmaxũ rũ ñoma i naãneãrũtama nixĩ rũ tama Tupanaãrũ nixĩ. Rũ ngẽma ngũchaũgũ rũ ngẽma nixĩ i taxũneãrũ ngũchaũgũ, rũ taxetũarũ ngũchaũgũ, rũ yigũ na icuèxũtũgũxũ tórũ ngẽmaxũgũmaã.

¹⁷ Natürü ñoma i naãne rũ guxũma i ngũchaũgũ i nawa ngẽxmaxũ rũ tá nagux. Natürü yixema Tupanaga ñnũxê rũ guxũgutáma tamaxũ.

Ore i aixcũma ixĩxũchiga rũ ore i dora ixĩxũchiga

¹⁸ Pa Chauxacũgũx, paxa tá nagux i ñoma i naãne. Pema rũ marũ nũxũ pexĩnũchiga rũ tá ñnangu i wũxi i Cristuarũ uwanũ, natürü marũ ñnangugũ i muxũma. Rũ ngẽmawa nũxũ tacuèx na marũ nagũxchaũxũ i ñoma i naãne.

¹⁹ Rũ ngẽma Cristuarũ uwanũgũ rũ tatanũwatama nangẽxmagũchirẽx, natürü tama aixcũma tatanũxũ nixĩgũ, erũ ngèxguma chi tatanũxũ yixĩgũgu rũ tatanũgu chĩtama narũcho. Natürü marũ tatanũwa ñnachoũ i na meãma nũxũ icuãxũcèx na tama aixcũma tatanũxũ yixĩgũxũ.

²⁰ Natürü pema rũ Cristu marũ pexna nanamu i Naãe i Üünexũ, rũ ngẽmacèx meãma nũxũ pecuèx i Tupanaãrũ ore.

²¹ Rũ ñuxma rũ tama nixĩ na tama nũxũ pecuãxũcèx na pexcèx chaxũmatũxũ. Natürü pexcèx chanaxũmatũ erũ marũ meãma nũxũ pecuèx i ngẽma ore i aixcũma ixĩxũ. Rũ nũxũ pecuèx rũ ngẽma ore i aixcũma ixĩxũwa rũ nataxuma i dora.

²² ¿Texé tĩxũ ya yixema idoratèxáxe? Yixema:

“Ngechuchu rũ tama aixcũma Cristu ya Tupana Nane nixĩ”, ñagũxe, tixĩ ya idoratèxáxe. Yixema tixĩ ya Cristuarũ uwanũ, erũ tama nũxũ tacuãxchaũ ya Tanatũ ya Tupana rũ Nane ya Ngechuchu.

²³ Guxãma ya yixema tama nũxũ cuãxchaũxê ya Tupana Nane ya Ngechuchu, rũ tama nũxũ tacuãxchaũ ta ya Tanatũ ya Tupana. Natürü yixema Ngechuchuaũxũ yaxõxê, rũ Tanatũ ya Tupanaãxũ rũ ta tayaxõ.

²⁴ Rũ ngẽmacèx name nixĩ i peyaxõgũama i ngẽma ore ga noxri nũxũ pexĩnũexũ. Rũ ngèxguma peyaxõgũamagu i ngẽma ore ga noxri nũxũ pexĩnũexũ, rũ aixcũma norũ duũxũgũ pixĩgũ ya Tanatũ ya Tupana rũ Nane ya Ngechuchu.

²⁵ Rũ nũmatama ya Ngechuchu ya Cristu nixĩ i tamaã inaxunetaxũ na tũxna naxããxũcèx i maxũ i taguma gũxũ.

²⁶ Nangẽxma i duũxũgũ i chixexũwa pexũ gagũchaũxũ. Rũ ngẽmachiga nixĩ i pexcèx chanaxũmatũxũ i ñaã ore.

²⁷ Natürü pema rũ marũ Cristu pexna nanamu i Naãe i Üünexũ, rũ guxũguma pewa nangẽxma. Rũ ngẽmacèx tama penaxwèxe i to i perũ ngũxèxèxũ erũ nũmatama i Naãe i Üünexũ rũ pexũ nangũxèxèe i guxũma. Rũ norũ ngũxèxètae rũ aixcũma nixĩ rũ tama dora nixĩ. Rũ ngẽmacèx name nixĩ na guxũguma Cristuaũxũ peyaxõgũxũ, ngẽma Naãe i Üünexũ pexũ ngũxèxèxũãcũma.

²⁸ Rũ ñuxmax, Pa Chauxacũgũx, rũ name nixĩ na meãma Cristuaũxũ peyaxõgũxũ na tama nũxũ imuũxèxècèx, rũ tama ixãneẽxècèx napèxewa i ngèxguma wena nuã naxũxgu.

²⁹ Pema nũxũ pecuèx na Cristu rũ aixcũma mecũ yĩĩxũ. Rũ ngẽxgumarũũ ta name nixĩ na nũxũ pecuáxũ na guxũma i duũxũgũ i mexũ ùgũxũ rũ Tupanaxácũgũ na yixĩgũxũ.

3

Tupanaxácũgũchiga

¹ jDũcèx, Pa Chaueneègũx, ñuxácũ poraãcũ tũxũ nangechaũ ya Tanatũ ya Tupana! Rũ ngẽmacèx nixĩ i naxãcũgũmaã tũxũ naxuxũ i nũmax. Rũ aixcũma naxãcũgũ tixĩgũ. Rũ ngẽmacèx ñoma i naãnecũãx i duũxũgũ rũ tama tũxũ nacuáxchaũ erũ Tupanaxũ rũ ta tama nacuáxchaũgũ.

² Pa Chaueneègũ ya Pexũ Changechaũgũxe, ñuxma rũ marũ Tupanaxácũgũ tixĩgũ woo tama tũxũ nũxũ nacuèxèè na ñuxácũ tá ixĩgũxũ i yixcũra. Natũrũ nũxũ tacuèxgũ na Ngechuchurũũ tá ixĩgũxũ i ngẽxguma nangoxgu, erũ tá nũxũ tadaugũ na ñuxácũ yĩĩxũ i nũmax.

³ Rũ guxãma ya yixema yaxõxè na Ngechuchurũũ tá tĩĩxũ, rũ tũgũna tadau na Ngechuchu ya Cristurũũ aixcũma Tupanapèxewa tamexũ.

⁴ Natũrũ guxãma ya yixema pecadu ùxe, rũ Tupanamaã chixexũ taxũ. Erũ ngẽxguma tama Tupanaga taxĩnũgu, rũ tapecaduãx.

⁵ Pema nũxũ pecuèx rũ Ngechuchu ya Cristu rũ ñoma ga naãnewa naxũ na iyanaxoxèãxũcèx i tórũ pecadugũ. Rũ nũma rũ taguma pecadu naxũ.

⁶ Rũ ngẽmacèx guxãma ya yixema aixcũma nũxũ yaxõgũxe, rũ tama pecadu taxũgũecha. Natũrũ guxãma ya yixema pecadu ùechaxe, rũ ngẽmaãcũ tamaxè erũ taguma Cristuxũ tadau, rũ taguma nũxũ tacuèx.

⁷ Pa Chauacũgũx, jtãxũ i naga pexĩnũèxũ i ngẽma duũxũgũ i pexũ iyarũtauxexèèchaũxũ! Yixema mexũ ùxe rũ aixcũma mecũ tixĩ, ngẽxgumarũũ ya Cristu na aixcũma mecũ yĩĩxũrũũ.

⁸ Natũrũ yixema pecadu ùechaxe rũ ngẽmawa tũxũ tacuèx na Chatanáãrũ duũxũ tĩĩxũ, erũ nũma i Chataná rũ noxriarũ ùgũgumama pecadu naxũecha. Rũ yemacèx ga Tupana Nane rũ ñoma ga naãnewa naxũ na iyanaxoxèãxũcèx ga yema Chataná ùxũ.

⁹ Rũ yixema Tupanaxácũ ixĩxè rũ tama pecadu taxũecha, erũ naxãcũxũchi tixĩ. Rũ taxuacũma pecadu taxũecha erũ Tupana nixĩ ya tũmanatũ.

¹⁰ Yixema chixexũ ùxe rũ tũmañeèchi aixe, rũ tama Tupanaxácũ tixĩ. Rũ ngẽmawa nũxũ tacuèx na texè tixĩgũxũ ya Tupanaxácũgũ rũ texè tixĩgũxũ ya Chatanáãcũgũ.

Name nixĩ na yigũ ingechaũgũxũ

¹¹ Rũ yexguma noxritama pexũ tangúexèègu, rũ pemaã nũxũ tixu na guxãma yigũ ingechaxũgũxũ.

¹² Rũ tama tanaxwèxe na Caĩrũũ ngoxo i Chatanáãcũ ixĩgũxũ. Yerũ nũma rũ naèneèxũ nimèx. jRũ tacũcèx nixĩ ga yamaãxũ? Nayamèx yerũ yema nũma naxũxũ rũ tama name, rũ yema naèneè ùxũ rũ name.

¹³ Pa Chaueneègũx, jtãxũ i pebaixãchiãègũxũ ega pexchi naxaiegu i ñoma i naãnecũãx i duũxũgũ!

¹⁴ Yixema rũ marũ nũxna ítanguxũ i ngẽma yu rũ ñuxma rũ marũ maxũwaama tangèxmagũ. Nũxũ tacuèxgũ i ngẽma erũ nũxũ tangechaũgũ i taeneègũ. Yixema tama tũmañeèxũ ngechaũxè rũ yuwatama tangèxma.

¹⁵ Rũ yixema tũmañeèchi aixe rũ wũxi i máetaxũrũũ tixĩ. Rũ pema nũxũ pecuèxgũ i wũxi i máetaxũ rũ nũxũ nataxuma i norũ maxũ i taguma gũxũ.

¹⁶ Rũ Ngechuchu ya Cristu rũ tórũ pecaducèx nayu, rũ yemaãcũ tũxũ nũxũ nadauxèè i ngẽma ngechaũ i aixcũma ixĩxũ. Rũ ngẽxgumarũũ ta i yixema, rũ tanaxwèxe na ímëmarexũ na nũxũ rũngũxèèxũ i taeneègũ woo ngemagu iyuxgu.

¹⁷ Natũrũ ngẽxguma chi wũxi i yatũãxũ nangèxmagu i muxũma i norũ ngẽmaxũgũ, rũ chi nũxũ nadèuxgu i namũcũ na nũxũ nataxuxũ, rũ taxuacũma:

“Choma rũ Tupanaxũ changechaũ”, ñanagũrũ, ega tama nũxũ nangũxèègu i namũcũ.

¹⁸ Pa Chauacũgũx, tama name i taèxmaã rũ tórũ oremaãxícata ma nũxũ tangechaũ i taeneè. Natũrũ tanaxwèxe i tórũ maxũmaã rũ tórũ ù i mexũmaã nũxũ tangechaũ.

Tama taxãneè na Tupanana ingaicamagũxũ

¹⁹⁻²⁰ Rũ ngẽxguma aixcũma yigũ ingechaũgũgu, rũ nũxũ tacuèx na aixcũma naga ixĩnũèxũ i ngẽma ore i aixcũma ixĩxũ, rũ Tupanapèxewa rũ aixcũma naxãcũgũ ixĩgũxũ, woo ngẽxguma taãewa nagu rũxĩnũgu rũ:

“Tama Tupanaxácũ chixĩ”, ñagũgu. Erũ nũxũ tacuèx rũ Tupana nixĩ i taãèãrũ yexera, rũ nũma nũxũ nacuèx i guxũma.

²¹ Pa Chaueneègũ ya Pexũ Changechaũgũxex, ngẽxguma taãewa nũxũ icuèxgu na Tupanaxácũxũchi ixĩgũxũ, rũ tama taxãneè na nũxna ingaicamagũxũ ya Tanatũ ya Tupana.

²² Rũ nũma tá tũxna nanaxã i guxũma i tacũ i naxcèx ícaxũ erũ naga taxĩnũe i ngẽma tũxũ namuxũ rũ tanaxũ i ngẽma nũma namaã nataãxũ.

²³ Rũ nũma tũxũ namu na Nane ya Ngechuchu ya Cristuaxũ yaxõgũxũ rũ yigũ ingechaũgũxũ, yema nũma tũxũ namuxũãcũ.

²⁴ Rũ yĩxema naga ĩnũexẽ i ngẽma Tupana tũxũ muxũ, rũ aixcũma Tupanaãrũ duũxũgũ tixĩgũ rũ nũma ya Tupana rũ aixcũma tũmawa namaxũ. Rũ ñuxma rũ nũxũ tacuèx na aixcũma Tupanaãrũ duũxũgũ ixĩgũxũ rũ tawa namaxũxũ, erũ Naãe i Ũũnexũ ga tũxna namuxũ tũxũ nũxũ nacuèxẽe.

4

Yĩxema tũxũ nangẽxmaxẽ i Tupanaãe i Ũũnexũ rũ yĩxema tũxũ nangẽxmaxẽ i Cristuarũ uwanũãe

¹ Pa Chaueneẽgũ ya Pexũ Changechaũgũxex, ĩTãxũ i nũxũ peyaxõgũxũ i guxũma i orearũ uruũgũ i nũgũ ixugũgũxũ na aixcũma Tupanaãrũ orearũ uruũgũ yixĩgũxũ! Natũrũ name nixĩ i penangugũ i norũ ore na nũxũ pecuãxũcèx ngoxita aixcũma Tupanaãe yĩxũ i nawa idexaxũ rũ ãxna tama. Erũ ñoma i naãnewa rũ guxũlwama nangẽxma i muxũma i idoratèexgũxũ i nũgũ ixugũxũ na Tupanaãrũ orearũ uruũgũ yixĩgũxũ.

² Rũ tá pemaã nũxũ chixu na ñuxãcũ tá nũxũ pecuãxũ na texè tũxũ ya yĩxema aixcũma Tupanaãe tũmawa nangẽxmaxẽ. Rũ dũcax, guxũma i orearũ uruũgũ i nũxũ ixugũxũ na Tupana duũxũxũ yaxĩxẽexũ ya Ngechuchu ya Cristu, rũ ngẽma nixĩ i aixcũma Tupanaãe nawa idexaxũ.

³ Natũrũ guxũma i ngẽma orearũ uruũgũ i tama nũxũ ixugũxũ na Tupana duũxũxũ yaxĩxẽexũ ga Ngechuchu, rũ ngẽma rũ tama nũxũ nangẽxma i Tupanaãe i Ũũnexũ. Natũrũ Cristuarũ uwanũãe nixĩ i nawa nangẽxmaxũ. Marũ nũxũ pexĩnũe na ĩnanguxchaũxũ i Cristuarũ uwanũ, natũrũ ñuxma rũ marũ ñoma i naãnewa nangẽxma.

⁴ Pa Chauxacũgũx, pema rũ Tupanaxãcũgũ pixĩgũ. Rũ marũ nũxũ perũyexera i ngẽma tama aixcũma Tupanaãrũ orearũ uruũgũ ixĩgũxũ. Erũ ngẽma Tupanaãe i Ũũnexũ i peãewa nangẽxmaxũ rũ nũxũ narũyexera i ngẽma Cristuarũ uwanũãe i ñoma i naãnecũãxgũwa nangẽxmaxũ.

⁵ Rũ nũma i Cristuarũ uwanũãrũ duũxũgũ rũ ñoma i naãnecũãxgũ nixĩ. Rũ ngẽmacèx ñoma i naãnecigagu nidexagũ. Rũ ñoma i naãnecũãx i duũxũgũ rũ nũxũ ĩnarũxĩnũe.

⁶ Natũrũ i yixema rũ Tupanaxãcũgũ tixĩgũ. Rũ yĩxema Tupanaxũ cuãxe rũ tũxũ ĩtarũxĩnũ. Natũrũ yixema tama Tupanaxũ cuãxe rũ tama tũxũ ĩtarũxĩnũ. Rũ ngẽmawa nũxũ tacuèxgũ na texè tixĩgũxũ ya aixcũma Tupanaãrũ duũxũgũ ixĩgũxe rũ texè tixĩgũxũ ya Cristuarũ uwanũãrũ duũxũgũ ixĩgũxe.

Tupana tũxũ nangechaũ

⁷ Pa Chaueneẽgũ ya Pexũ Changechaũgũxex, name nixĩ na yigũ ingechaũgũxũ, erũ Tupana nixĩ ya tũxũ ngũexẽecũ na yigũ ingechaũgũxũ. Rũ guxãma ya yixema tũmaẽneexũ ngechaũxẽ rũ Tupanaxãcũ tixĩgũ rũ Tupanaxũ tacuèx.

⁸ Yĩxema tama tũmaẽneexũ ngechaũxẽ rũ tama Tupanaxũ tacuèx, erũ Tupana nixĩ ya tũxũ ngũexẽecũ na yigũ ingechaũgũxũ.

⁹ Tupana rũ ñoma ga naãnewa nanamu ga Nane ya nũgũmaã wũxicacũ na yimagagu tũxũ nangẽxmaxũcèx i maxũ i taguma gũxũ. Rũ yemawa Tupana tũxũ nũxũ nadauxẽe na ñuxãcũ tũxũ nangechaũxũ.

¹⁰ Rũ woo Tupanaxũ tangechaũgũ, natũrũ ngẽma ngechaũ i guxũãrũ yexera ĩxĩxũ nixĩ na nũma tũxũ nangechaũxũ rũ ñoma ga naãnewa na namuãxũ ga Nane na taxcèx nayuxũcèx rũ naxũtanũãxũcèx ga torũ pecadugũ.

¹¹ Pa Chaueneẽgũ ya Pexũ Changechaũgũxex, yexguma yemaãcũ tũxũ nangechaũgu ga Tupana, rũ ngẽmacèx name nixĩ i yixema rũ ta yigũ tangechaũgũ.

¹² Taguma texè Tupanaxũ tadau. Natũrũ ngẽxguma aixcũma yigũ ingechaũgũgu, rũ Tupana rũ tawa namaxũ rũ norũ ngechaũ rũ aixcũmaxũchi torũ maxũwa nangõx.

¹³ Rũ nũma rũ marũ tũxna nanamu ga Naãe i Ũũnexũ. Rũ ngẽmawa nũxũ tacuèx na aixcũma norũ duũxũgũ ixĩgũxũ rũ nũma rũ tawa na namaxũxũ.

¹⁴ Rũ tomatama nũxũ tadaugũ rũ nũxũ tixuchigagũ na Tanatũ ya Tupana nũma namuxũ ga Nane na guxũma i duũxũgũxũ namaxẽxẽxũcèx.

¹⁵ Rũ yixema yaxõxẽ rũ nũxũ ĩxuchigaxe na Tupana Nane yĩxũ ya Ngechuchu, rũ aixcũma Tupanaãrũ duũxũ tixĩ, rũ Tupana rũ tũmawa namaxũ.

¹⁶ Rũ yixema nũxũ tacuèxgũ rũ tayaxõgũ na Tupana rũ porãcũ tũxũ nangechaũxũ, erũ nũma nixĩ i aixcũma guxãxũ nangechaũxũ. Rũ yixema aixcũma tũmaẽneexũ ngechaũxẽ, rũ Tupanaãrũ duũxũ tixĩ, rũ nũma ya Tupana rũ aixcũma tũmawa namaxũ.

17 Rũ ngẽxguma aixcũma Tupanaxũ ingechaũgũgu, rũ tóru maxũwa nangox i ngẽma, rũ tãũtãma nũxũ tamuũẽ i ngẽma ngunexũ i nagu tũxũ yacagũxũgu naxcẽx i tóru maxũ. Erũ woo ñoma i naãnewa tangẽxmagũ, natũrũ napẽxewa rũ Cristurũũ tixĩgũ.

18 Rũ ngẽxguma aixcũma Tupanaxũ ingechaũgũgu, rũ nũxũ tacuẽx na tãũtãma tũxũ napoxcuexũ, rũ ngẽmacẽx tacucẽxma nũxũ tamuũẽ. Natũrũ ngẽxguma chi nũxũ imuũẽgu, rũ nũxũ tacuẽx na tama aixcũma nũxũ ingechaũgũxũ.

19 Rũ yixema rũ Tupanaxũ tangechaũgũ, yerũ nũxĩra tũxũ nangechaũ ga nũmax.

20 Ngẽxguma chi texẽ:

“Choma rũ Tupanaxũ changechaũ”, ñagũgu, natũrũ tũmaẽneẽchi taxaixgu, rũ tidora. Erũ ngẽxguma tama nũxũ tangechaũgu i tũmaẽneẽ i nũxũ tadauxũ ɔrũ ñuxũcũruwa tá nũxũ tangechaũ ya Tupana ya tama nũxũ tadaucũ?

21 Rũ Ngechuchu ya Cristu tũxũ namu rũ ñanagũrũ:

“Yixema Tupanaxũ ngechaũxẽ, rũ name nixĩ na tũmaẽneẽxũ rũ ta tangechaũxũ”, ñanagũrũ.

5

Nũxũ tariyexera i ñoma i naãneãrũ ngũchaũgũ

1 Ngechuchu rũ Tupana Nane ya Cristu nixĩ. Rũ guxãma ya yixema nũxũ yaxõxẽ, rũ Tupanaxãcũ tixĩgũ. Rũ yixema Tanatũ ya Tupanaxũ ngechaũxẽ, rũ nũxũ tangechaũ ta i guxũma i naxãcũgũ.

2 Rũ ngẽxguma Tupanaxũ ingechaũgũgu rũ naxũxgu i ngẽma nũma tũxũ namuxũ, rũ nũxũ tacuẽx na aixcũma nũxũ ingechaũgũxũ i ngẽma naxãcũgũ ixĩgũxũ.

3 Rũ ngẽxguma aixcũma Tupanaxũ ingechaũgũgu rũ naga taxĩnũẽ i ngẽma tũxũ namuxũ. Rũ ngẽma tũxũ namuxũ rũ tama naguxcha na naga ixĩnũẽxũ.

4 Erũ guxãma ya aixcũma Tupanaxãcũ ixĩxẽ, rũ tama ñoma i naãneãrũ ngũchaũ i chixexũgu tarũxinũ. Rũ yixema rũ tayaxõgũ, rũ ngẽmacẽx tama name i ñoma i naãneãrũ ngũchaũ i chixexũgu tarũxinũ.

5 Rũ yixema yaxõxẽ na Tupana Nane yĩxũ ya Ngechuchu, rũ yixema tixĩ ya tama ñoma i naãneãrũ ngũchaũ i chixexũgu rũxinũxẽ.

Ore i Tupana Nanechiga

6 Rũ nũxũ tacuẽx na aixcũma Tupana Nane yĩxũ ya Ngechuchu. Yerũ yexguma ñoma ga naãnewa nayexmagu rũ dexãwa inabaiegu, rũ nũmatama ga Tupana nũxũ nixu na Nanexũchi yĩxũ. Rũ yexguma curuchagu nayuxgu rũ nagũ inabaãgu ga Ngechuchu, rũ Tupana rũ wenaxãrũ inanaxẽx na aixcũma Nane na yĩxũ. Rũ ngẽxgumarũũ ta i ngẽma Naãẽ i Ũñexũ i taguma idoraxũ, rũ tũxũ nũxũ nacuẽxẽẽ na aixcũmaxũchi Tupana Nane na yĩxũ.

7 Rũ ngẽmaãcũ tũxũ nangẽxma i tomaẽxpũx i cuẽxruũgũ i tũxũ nũxũ cuẽxẽẽxũ na aixcũma Tupana Nane yĩxũ ya Ngechuchu.

8 Rũ ngẽma norũ wũxi nixĩ i Naãẽ i Ũñexũ, rũ ngẽma norũ taxre nixĩ ga yema Tupanaga ga yexguma Ngechuchu dexãwa ibaiegu, rũ ngẽma norũ tomaẽxpũx nixĩ ga yema Tupana xũũ ga yexguma curuchagu nagũ inabaãgu ga Ngechuchu. Rũ guxũma i ngẽma tomaẽxpũx, rũ wũxigu nũxũ nixu na aixcũma Tupana Nane yĩxũ ya Ngechuchu.

9 Nũxũ tayaxõgũ i duũxũgũ ega tacũxũ tamaã yaxugũgu. Natũrũ Tupanaãrũ ore nixĩ i yexeraãcũ aixcũmaxũchi ixĩxũ. Rũ Tupana nixĩ ya tamaã nũxũ ixucũ na Ngechuchu rũ Nane yĩxũ.

10 Rũ yixema nũxũ yaxõxẽ ya Tupana Nane rũ nũxũ tacuẽx na aixcũma yĩxũ i ngẽma ore i Tupana nũxũ ixuxũ i Nanechiga. Natũrũ yixema tama Tupanaãxũ yaxõxẽ rũ doratẽx nũxũ tawogũ ya Tupana erũ tama tayaxõ i ngẽma ore i Tupana nũxũ ixuxũ i Nanechiga.

11 Rũ ñãã nixĩ i norũ ore ya Tupana i tamaã nũxũ yaxuxũ, rũ ñanagũrũ:

“Chomatama marũ pexna chanaxã i maxũ i taguma gũxũ. Rũ ñãã maxũ rũ Chaunegagu pexũ nangẽxma”, ñanagũrũ.

12 Yixema nũxũ yaxõxẽ ya Tupana Nane rũ tũxũ nangẽxma i ngẽma maxũ i taguma gũxũ. Natũrũ yixema tama nũxũ yaxõxẽ ya yima Tupana Nane rũ tama tũxũ nangẽxma i ngẽma maxũ.

Cuãũ rũ ñuxre ga norũ ucixẽmaã inayacuẽxẽẽ ga norũ popera

13 Pa Chaueneẽgũx ya Tupana Naneãxũ Yaxõgũxex, pexcẽx chanaxũmatũ i ñãã ore na nũxũ pecuãxũcẽx na pexũ nangẽxmaxũ i ngẽma maxũ i taguma gũxũ.

14 Rũ ngẽmacẽx tama taxãneẽ na nũxna ingaicamagũxũ ya Tupana. Rũ nũxũ tacuẽxgũ ega tacũcẽx nũxna icaxgu, rũ nũma tũxũ naxĩnũ i ngẽxguma norũ ngũchaũ yixĩgu i ngẽma naxcẽx nũxna icaxũ.

¹⁵ Rũ ngẽxguma nũxũ icuèxgu na nũma tũxũ naxĩnũxũ i ngẽxguma ƣacũcèx nũxna icaxgu, rũ nũxũ tacuèx ta na tũxna naxããxũ i ngẽma naxcèx nũxna içaxũ.

¹⁶ Rũ ngẽxguma chi texé nũxũ dèuxgu i tũmaẽneẽ na pecadu naxũxũ, rũ name nixĩ na naxcèx tayumũxexũ ega tama pecadu i iyanatauxẽẽxũ yixĩgu. Rũ Tupana tá nanamaxẽẽ i ngẽma tũmaẽneẽ ega tama pecadu i iyanatauxẽẽxũ yixĩgu. Nangẽxma i pecadu i tũxũ iyarũtauxẽẽxũ. Rũ ngẽxguma ngẽma pecaduwe naxũamagu i wũxi i peeneẽ, rũ tama pemaã nũxũ chixu na naxcèx peyumũxẽgũxũ.

¹⁷ Guxũma i chixexũ i ixũxũ, rũ pecadu nixĩ. Natũrũ nangẽxma i pecadu i tama tũxũ iyarũtauxẽẽxũ.

¹⁸ Rũ nũxũ tacuèx, rũ yixema Tupanaxãcũ ixĩxẽ, rũ tama pecadu taxũecha, erũ nũma ya Tupana Nane rũ tũxna nadau. Rũ taxuacũma tũxna nangaicama i ngoxo i Chataná i tũxũ pecaduãxẽẽchaũxũ.

¹⁹ Nũxũ tacuèxgu na Tupanaxãcũgũ ixĩgũxũ, natũrũ guxũma i ñoma i naãnecũãx rũ ngoxo i Chatanámxẽewa nangẽxmagũ.

²⁰ Rũ nũxũ tacuèx ta na ñoma ga naãnewa nanguxũ ga Tupana Nane, rũ tũxna nanaxã ga cuèx na nũxũ icuèxgũxũcèx ya yima aixcũmaxũchi Tupana ixĩcũ. Rũ norũ duũxũgũ tixĩgũ ya yima aixcũmaxũchi Tupana ixĩcũ, erũ Nane ya Ngechuchu ya Cristuarũ duũxũgũ tixĩgũ. Rũ nũma ya Tupana Nane nixĩ i aixcũmaxũchi Tupana yĩixũ rũ tũxna naxããxũ i maxũ i taguma gũxũ.

²¹ Pa Chauxacũgũx, ¡Pegũna pedaugũ na tama nũxũ peyaxõgũxũcèx i tupanachicũgũ! Rũ ngẽxĩcatama nixĩ i chorũ ore i pemaã nũxũ chixuxũ.

Rũ nuãma pexna,
Cuãũ

NORŨ TAXRE GA POPERA GA CUÁŨ ÜMATÜXŨ

Cuáŭrũ moxē

¹ Pa Chaueneēgũ i Yaxōgũxe ya Tupana Pexũ Dexex, pexcēx chanaxũmatũ i choma i Cuáŭ i yaxōgũxũŕũ ãxgacũ na chiĩxũ. Choma rũ aixcũma pexũ changechaũ. Rũ tama i chaxica, natũrũ guxũma i ngēma nũxũ cuēxgũxũ i Tupanaãrũ ore i aixcũma ixĩxũ, rũ ngēxgumarũtũ ta pexũ nangechaũgũ.

² Pexũ tangechaũ erũ toxrũ nũxũ pecuēxgũ i ngēma ore i aixcũma ixĩxũ i guxũgutáma tawa ngēxmaxũ.

³ Rũ nũma ya Tanatũ ya Tupana rũ Nane ya Ngechuchu ya Cristu rũ poraãcũ tá pexũ narũngũxēgũ rũ nũxũ pengechaũtũmũgũ rũ pexũ nataãxēgũ, erũ nũxũ pecuēx i ngēma ore i aixcũma ixĩxũ rũ pegũ pengechaũgũ.

⁴ Rũ poraãcũ chataãē ga yexguma nũxũ chadēuxgu na ñuxãcũ ñuxre i petanũxũgũ rũ aixcũma meã naga na naxĩnũxũ i ngēma ore i aixcũma ixĩxũ, yema Tanatũ ya Tupana tũxũ muxũrũtũ.

⁵ Rũ ñuxmax, Pa Chaueneēgũ ya Pexũ Changechaũgũxex, rũ pexna nũxũ chacuēxãchixēē na namexũ na yigũ ingechaũgũxũ. Rũ ngēma rũ tama wũxi i ngexwacaxũxũ i Tupanaãrũ mu nixĩ. Natũrũ yematama nixĩ ga mu ga noxriarũ ũgũgumama Tupana tũxna ãxũ.

⁶ Ngēxguma Tupanaxũ ingechaũgũgu, rũ tanaxũ i guxũma i ngēma tũxũ namuxũ. Erũ nũma rũ noxriarũ ũgũgumama tamaã nũxũ nixu na yigũ ingechaũgũxũcēx i wũxichigũ.

Orearũ uruũgũ i womũxēēruũchiga

⁷ Guxũwama i ñoma i naãnewa rũ nanaxĩãne i muxũma i womũxēēruũgũ ixĩgũxũ. Rũ nũxũ nixuchigagũ na tama Tupana duũxũxũ yaxĩxēēxũ ga Ngechuchu ya Cristu. Rũ ngēma ngēmaãcũ idexaxũ, rũ wũxi i womũxēēruũ nixĩ, rũ Cristuarũ uwanũ nixĩ.

⁸ ¡Pexuãēgũ na taxũema pexũ womũxēēgũxũcēx rũ na tama natũcēxma yĩxũcēx i tórũ puracũ! ¡Natũrũ meã peyaxōgũama na aixcũma penayaxuxũcēx i guxũma i ngēma Tupana pexna ãxchaũxũ!

⁹ Rũ yixema nangupetũxēxē ga yema Cristu tũxũ ngũxēēxũ, rũ tama aixcũma Tupanaxũ tacuēx. Natũrũ yixema tama nũxna íchoxũxē ga yema Cristu tũxũ ngũxēēxũ, rũ aixcũma nũxũ tacuēx ya Tanatũ ya Tupana rũ Nane ya Ngechuchu.

¹⁰ Rũ ngēxguma chi wũxi i duũxũ petanũwa nguxgu rũ tama yema Cristu tũxũ ngũxēēxũmaã pexũ nangũxēēgu, rũ ¡tãtãma penayaxu i pechiũwa rũ bai i nũxũ perũmoxēgũ!

¹¹ Erũ ngēxguma wũxie tũmachiũwa nayauxgu, rũ tananaãēraxũ rũ natanũxũ tũgũ tixĩxēē nawa i ngēma norũ chixexũ.

Cuáŭrũ ore ga nawa iyacuáxũ

¹² Choxũ nangēxma i muxũma i to i ore i pemaã nũxũ chixuxchaũxũ. Natũrũ tama chanaxwēxe na ñãã poperawa pemaã nũxũ chixuxũ, erũ paxa tá petanũwa íchayadauxchaũ na chomatama pemaãxũchi nũxũ chixuxũcēx na ngēmaãcũ wũxigu aixcũma itaãēgũxũcēx.

¹³ Rũ ngēma nuã natanũwa changēxmaxũ i yaxōgũxũ i peeneēgũ ixĩgũxũ i Tupana dexũ, rũ pexũ narũmoxēgũ. Rũ ngēxĩcatama nixĩ i chorũ ore i pemaã nũxũ chixuxũ.

Rũ nuãma pexna,
Cuáŭ

NORŨ TOMAĒXPŨX GA POPERA GA CUÁŨ ŨMATŨXŨ

CuáŨ rŭ Gayumaã nataãe

¹ Pa Chaueneẽ, Pa Gayu i Aixcũma Cuxŭ Changechaũxẽx, rŭ cuxcẽx chanaxũmatũ i choma i CuáŨ i yaxõgũxũãrũ ãẽxgacũ na chũxũ.

² Pa Chaueneẽx, Tupanana chaca na meã cuxna nadauxũcẽx i curũ maxũwa rŭ cuxunewa, ngẽma curũ õwa cuxna na nadauxũrũũ.

³ Rũ poraãcũ chataãe ga yexguma núma naxĩxgu ga ñuxre ga taeneẽgũ, rŭ chomaã nũxũ yaxugũgu ga cuchiga na ñuxãcũ meã cuyaxõxũ i Tupanaãrũ ore i aixcũma ixĩxũ, rŭ guxũguma meã naga na cuxĩnũxũ.

⁴ Rũ guxũguma chataãẽxũchi i ngẽxguma nũxũ chaxĩnũgu na ñuxãcũ Tupanaãrũ ore nũxũ ixuxũãcũma meã namaxẽxũ i chauxacũgũ. Rũ aixcũma nataxuma i to i taãe i ngẽmaãrũ yexera ixĩxũ.

⁵ Pa Chaueneẽ i Cuxũ Changechaũxẽx, mexũ cuxũ erũ nũxũ curũngũxẽe i ngẽma togũ i taeneẽgũ i toxnamana ne ixũ i cuxũtawã ngugũxũ.

⁶ Rũ nũmagũ rŭ nuã nangugũ, rŭ torũ ngutaquẽxepataũwa nũxũ nixugũe na ñuxãcũ nũxũ cungechaũxũ rŭ namaã cumecũmaxũ. Rũ chanaxwẽxe i nũxũ curũngũxẽe i ngẽma taeneẽgũ i ngẽxguma wena cuxũtawã nangugũgu. Rũ ngẽxguma cuxna iyaxĩxgu rŭ jnũxna naxã i tacũ i nũxũ taxuxũ i norũ namawãt! Erũ Tupanaãrũ me nixĩ na ngẽmaãcũ nũxũ rũngũxẽẽxũ i norũ orearũ uruũgũ.

⁷⁻⁸ Rũ nũmagũ, rŭ Ngechuchu ya Cristuarũ puracũ nixĩ i naxũgũxũ, rŭ ngẽmacẽx norũ oremaã nanaxĩãne. Natũrũ tama nanayauxgũ i ngẽma tama yaxõgũxũãrũ ngũxẽe, rŭ ngẽmacẽx name nixĩ i yixema na nũxũ rũngũxẽẽgũxũ na ngẽmaãcũ yixema rŭ ta wũxigu namaã naxũgũxũcẽx i Tupanaãrũ puracũ.

Diõtepe rŭ chixexũ naxũ natũrũ Demẽtriu rŭ mexũ naxũ

⁹ Choma rŭ marũ chanaxũmatũ i wũxi i popera naxcẽx i ngẽma tupaucatanũxũgũ i curũ ããnawa ngẽxmagũxũ. Natũrũ nũma i Diõtepe rŭ tama naga naxĩnũchaũ i ngẽma nũxũ tixuxũ, erũ nanaxwẽxe na nũmatama namuãxũ i ngẽma tupaucatanũxũ.

¹⁰ Rũ ngẽxguma ngema chaxũxgu rŭ tá nũxũ chaxoregũ erũ tochiga i chixexũmaã inayarũdexanexũ. Rũ woo tomaã na ngexũ nawagũxũ, rŭ naẽtũwa to i chixexũ naxũ, erũ tama nanayauxchaũ i ngẽma taeneẽgũ i ngema ngugũxũ. Rũ nanachuxu na texẽ nayauxxũ i ngẽma taeneẽgũ. Rũ yixema nayauxchaũxẽ, rŭ ngutaquẽxepataũwa tũxũ ãnawoxũ.

¹¹ Pa Chaueneẽ i Cuxũ Changechaũxẽx, jãxũ i nũxũ cuyadauxũxũ i ngẽma togũ i chixexũ ũgũxũ! Natũrũ name nixĩ i nũxũ cuyadauxũ i ngẽma mexũ ũgũxũ. Erũ yixema guxũguma mexũ ũxe rŭ Tupanaxãcũ tixĩ. Natũrũ yixema chixexũ ũechaxe rŭ tama Tupanaxũ tacuẽx.

¹² Guxũma i duũxũgũ nũxũ ixuxgu i Demẽtriu rŭ wũxi ya mecũ nixĩ. Rũ toma rŭ ta nũxũ tacuẽx na meã naga naxĩnũxũ i Tupanaãrũ ore i aixcũma ixĩxũ. Rũ ngẽmacẽx toma rŭ ta nũxũ tixu na aixcũma mecũ yĩxũ. Rũ cuma nũxũ cucuẽx na aixcũma na yĩxũ i ngẽma nũxũ tixuxũ.

CuáŨãrũ ore ga nawa iyacuãxũ

¹³ Choma choxũ nangẽxmachirẽx i muxũma i chorũ ore i cumaã nũxũ chixuxchaũxũ, natũrũ tama ñãã poperagu cuxcẽx chanaxũmatũchaũ.

¹⁴ Erũ choma rŭ paxã ngema chaxũxchaũ, rŭ ngẽxguma rŭ meã tá yigũmaã tidexagũ.

¹⁵ jMeã cuxũ naxũpetũ rŭ tãxũ i cuxoegaãẽxũ! Tamũcũgũ i númacũãx rŭ moxẽ cuxcẽx ngema namugũ. Rũ chanaxwẽxe i nũxũ curũmoxẽ i wũxichigũ i tamũcũgũ i ngema ngẽxmagũxũ. Rũ ngẽxãcatama nixĩ i chorũ ore i cumaã nũxũ chixuxũ.

Rũ nuãma cuxna,
CuáŨ

POPERA GA YUDA ÜMATÜXÜ

Yema yaxögüxüxü narümoxë ga Yuda

¹ Pa Yaxögüxü i Guxüwama Ngëxmagüxüx, choma i Yuda nixi i pexcëx chanaxümatüxü i ñaã popera. Rü choma nixi i Chaütiágueneë chiüxü, rü Ngechuchu ya Cristuarü duüxü chixi. Rü pexcëx chanaxümatü i pema na Tanatü ya Tupana pexü dexü rü pexü ngechaüxü rü Ngechuchu ya Cristu pexna dauxü.

² Rü pexcëx chayümüxë na guxüguma Tupanaãxü pengechaütümüügüxüxëx, rü pexü nataãxëxëgüxüxëx, rü pexü nangechaüxüxëx.

Duüxügü i doramaã ngüexëëtaegüxüchiga

³ Pa Chaueneëgü ya Pexü Changechaügüxëx, noxri rü poraãcü choxü nangüchaü na pexcëx chanaxümatüxü nachiga i ngëma maxü i taguma gúxü i tüxü ngëxmaxü. Natürü ñuxma na petanügu nachocuxü i ñuxre i duüxügü i iyatoxëëgüchaüxü i Tupanaãrü ore, rü ngëmacëx chanaxwëxe na pexcëx chanaxümatüxü na pexü chaxucuxëxüxëx rü ípenapoxüxüxëx i ngëma ore i aixcüma ixüxü ga nuxcüma wüxicanatama Tupana norü duüxügüma äxü.

⁴ Rü ngëma duüxügü i pexü nawomüxëëäcüma petanügu chocuxü nixi i pexü ngüexëxü rü ñaxü:

“Tupana rü namecümaxüchi rü ngëmacëx täütáma pexü napoxcue ega woo chixri pemaxëgu”, ñaxü. Rü ngëxgumarüü ta tama nüxü nacüxëgüchaü ya tóru Cori ya Ngechuchu ya Cristu ya tóru yora ixü. Natürü ngëma duüxügü i ngëmaãcü maxëxü, rü woetama nuxcüma Tupanaãrü ore i ümatüxüwa rü marü nüxü nixu na Tupana tá napoxcuxü.

⁵ Rü woo na marü nüxü pecuáxü natürü pexna nüxü chacuëxächixëëchaü na ñuxäcü namaã nangupetüxü ga yema nuxcümaügüxü ga Yudiügü ga Moichéwe rüixü. Rü tóru Cori ya Tupana rü poraãcü nüxü narüngüxëë na Equitanewa ínangüxüxëx, natürü yixcama rü nanadai ga yema tama naga íñüëchaüxü.

⁶ Rü ngëxgumarüü ta pexna nüxü chacuëxächixëë na ñuxäcü namaã nangupetüxü ga yema daxüçüäx ga orearü ngeruügü ga noxri ixüünechirëxü natürü yixcama nagagutama pecadu ügüxü. Rü yemacëx ga Tupana rü éanëxüwa nanawogü, rü ngëxma nanapoxcue ñuxmatáta nawa nangu i ngëma ngunexü i nagu tüxü yacagüxü.

⁷ Rü yexgumarüü ta nüxü nangupetü ga guma íänegü ga Chodoma rü Gomora rü guma íänegü ga norü ngaicamagugüne. Yerü guma íänecüäxgü, rü poraãcü chixri nügümaã namaxë, rü yemacëx ga Tupana rü üxümaã ínanagu. Rü yemaãcü inayanaxoxëë ga guma íänegü na yemawa tüxü nüxü nacüxëxëxëx na nangëxmaxü i wüxi i poxcu naxcëx i guxüma i ngëma chixexü ügüxü.

⁸ Natürü woo ngëmaxü na nacüxëgüxü i ngëma idoraexü i petanügu chocuxü, natürü norü chixexügu narüxüñüëäma. Rü poraãcü chixri nügümaã namaxë, rü tama tóru Cori ya Tupanaga naxüñüëchaü, rü chixri Tupanaãrü orearü ngeruügü i daxüçüäxchigagu nidexagü.

⁹ Rü ngëma duüxügü rü naëchitamare nidexagü rü tama Tupanaãrü orearü ngeruü ga Miguéerüü nügüna nadau i norü orewa. Rü guma Miguére rü woo guxü i Tupanaãrü orearü ngeruügü i daxüçüäxârü äëxgacü na yüxü, natürü tama ngoxo ga Chatanámaã naguxchiga ga yexguma Moichéxüñecëx yéma nügümaã yaporagatanüçüüxgu, na nüxü nacüxëgüxüxëx na texëarü tá yüxü ga Moichéxüñe. Natürü nüma ga Miguére rü ñanagürümare:

“Cori ya Tupana tá cuxü nanga”,
ñanagürümare.

¹⁰ Natürü ngëma duüxügü i doramaã i petanügu chocuxü, rü tama Tupanaxü nacüxëgüäcüma chixri nachiga nidexagü, rü chixri norü orearü ngeruügü i daxüçüäxchiga nidexagü. Rü ñoma naëxügürüü naxüñüëärü ngüchaüwemare narüxü, rü ngëmaãcü namaxë. Natürü ngëma chixexü i naxügüxüxëx, rü Tupana tá nanapoxcue.

¹¹ Rü wüxi i ngechaüxüchi nixi naxcëx i ngëma duüxügü erü ngëmaãcü namaxë. Rü Caí ga naëñëxü imáxürüü nixügü. Rü äëxgacü ga Baráürüü díerucëx chixexü naxügü. Rü Corérüü tama Tupanaga naxüñüëchaü, rü ngëmacëx Tupana tá nanapoxcue.

¹² Rü ngëxguma tupaucawa tóru Coriarü ðnacëx pengutaquëxëgügu, rü wüxi i äñëxüchi nixügü. Erü narücutanüxü, rü poraãcü nachibüë rü naxaxëgü, rü nügügüxicatama narüxüñüë. Rü ñoma caixanëxü i ngearü pucüäxü i paanëxüçëtüwa üpetüxü natürü tama nanetüxü ix-aiyagüxürüü taxuwama nime. Rü ngëma nanetügü i ngëxguma norü owa nanguxgu rü tama

ixoxürüü nixîgü. Rü ñoma naîgü i guxüma i naxchúmèxāmaā napuxü rü yuxuchixürüü taxuwama nime i ngēma duüxügü.

¹³ Rü ñoma yuape i taxü i norü chixixü i äüächixü naxānacüwa yataxürüü nixîgü, erü poraäcü chixexü naxügü. Rü ñoma woramacurigü ya nu ne naxīmarecürüü nixîgü. Natürü Tupana rü marü namaā nanaxuegu na ngēma waanexüchixüwa guxügutāma nawogüāxü.

¹⁴⁻¹⁵ Rü nuxcümaücü ga Enó ga Adáüttaa ixícü rü ngēma duüxügüchiga nidexa ga yexguma Tupana yadexaxēēgu, rü ñanagürü:

“Rü nüxü chadau ya Cori ya Tupana na muxüchixü i norü orearü ngerüügü i daxücüāxmaā núma ücü na duüxügüna naçaxüçèx i norü maxüchiga rü napoxcueāxüçèx i guxüma i ngēma duüxügü i chixexü ügüxü rü namaā guxchigagüxü”,
ñanagürü.

¹⁶ Rü ngēma duüxügü rü ñacüçèx idexagüwèxexüchixü nixîgü, rü toguāxü ixuxwèxègüxüchixü nixîgü. Rü noxrütama ngüchaüçèx daugüxü nixîgü. Rü nügü icüxüügüxü nixîgü. Rü nümaxü meā tümachiga nidexagüneta ya duüxügü, na tümaxütawa ñacu na nayauxgüxüçèxmare.

Yuda nayauxcuxègü ga yema yaxögüxü

¹⁷ Pa Chaueneēgü ya Pexü Changechaügüxex, inüxna pecuèxāchie ga yema ore ga pemaā nüxü yaxügüxü ga tóru Cori ya Ngechuchu ya Cristuarü ngüexügü ga imügüxü!

¹⁸ Rü nümagü rü ñanagürügü pexü:

“Ngèxguma nagüxchaügu i naāne rü tá nangèxma i duüxügü i tá nüxü cugüexü i Tupanaarü ore rü noxrütama ngüchaü i chixexügmare maxèxü”,

ñanagürügü pexü.

¹⁹ Rü ngēma duüxügü nixî i pexü itoyexü na tama wüxigu perüxīnūèxüçèx rü tama meā peyaxögüxüçèx. Rü nümagü rü naxüñearü ngüchaüwe narüxü, rü tama nawa nangèxma i Tupanaāē i Üünexü.

²⁰ Natürü pemax, Pa Chaueneēgü ya Pexü Changechaügüxex, ¡rü pegü perüngüxèēx na guxüguma yexeraäcü nagu pexü rü peyaxögüxü i ngēma ore i üünexü i marü peyauxgüxü! ¡rü guxüguma Tupanaāē i Üünexüärü ngüxèēmaā peyumüxègü!

²¹ ¡rü guxüguma nagu pexü i ngēma Tupanaarü ngechaxü! ¡rü meā ípenangüxèēx i ngēma ngunexü i nagu tá núma naxüxü ya tóru Cori ya Ngechuchu ya Cristu na nüxü ingechaütümüügüäcüma tüxna naxāxüçèx i maxü i taguma gúxü!

²² ¡rü pexü nangechaütümüügü i ngēma tama aixcüma yaxögüxü, rü nüxü perüngüxèēgü na meā yaxögüäxüçèx!

²³ Rü togü, ¡rü paxa norü pecaduwa ípenayaxuchi na namaxèxüçèx rü tama yima üxü ya Tupana mexènegu yanatauxexüçèx! Rü woo ngēma tama yaxögüchaüxü, ¡rü pexü nangechaütümüügü! ¡Natürü pegüna pedaugü na tama norü chixexügu peyixüçèx! Rü ngēma norü chixexü i pexçèx mexcüraxüxü, ¡rü nüxü pexo!

Tupanaxü yacuèxüüäcüma inayacuèxèē ga norü popera

²⁴⁻²⁵ Rü yima wüxitama ya Tupana ya tóru Maxèxèēruü ixícü, rü nüxü nangèxma i pora na pexna nadauxüçèx na tama pecadugu peyixüçèx. Rü nüxü nangèxma i pora na iyanaxoxèēäxüçèx i guxüma i perü chixexügü na petaāégüäcüma nügüpèxewa pexü nagagüxüçèx i ngextá äèxgacü íyüxüwa. Rü ngèmacèx tanaxwèxe i tóru Cori ya Ngechuchu ya Cristuégagu Tupanaxü ticüxüügü, erü núma rü guxüärü yexera name rü napora, rü guxüçtüwa nangèxma, rü guxümaā inacuèx. Rü yemaäcü nixî ga nuxcümaxüchima, rü ngēmaäcü nixî i ñuxmax, rü guxügutāma ngēmaäcü yíi.

Rü nüma pexna,
Yuda

YEMA CUÁŪ NŪXŪ DAUXŪ I YIXCŪRA TÁ NGUPETŪXŪCHIGA

Ore ga Cuáŭxŭ nŭxŭ nacuèxèxŭ ga Ngechuchu ga Cristu

¹ Ñaã nixŭ i ngéma ore ga Tupana Ngechuchu ya Cristuxŭ nŭxŭ cuèxèxŭ na nŭxŭ norŭ duŭxŭgŭxŭ nŭxŭ nacuèxèxŭcèx i ngéma paxa tá ngupetŭxŭ. Rŭ nŭma ga Ngechuchu ya Cristu nixŭ ga norŭ orearŭ ngeruŭ ga daxŭcŭñaxŭ namuxŭ na norŭ duŭcŭ ga Cuáŭmaã nŭxŭ na yaxuxŭcèx.

² Rŭ choma i Cuáŭ chixŭ ga aixcŭma meãma nŭxŭ chadauxŭ rŭ chanaxŭmatŭxŭ ga guxŭma ga yema Tupanaãrŭ ore ga Ngechuchu chauxcèx ngoxèxŭ.

³ Rŭ tataãe ya yŭxema duŭxŭgŭpèxewa nawa ngŭxe i ñaã Tupanaãrŭ ore, rŭ ngèxgumarŭtŭ ta tataãgŭ ya yŭxema nŭxŭ Ìnŭèxè rŭ naga Ìnŭèxè i ñaã ore i ũmatŭxŭ, erŭ paxa tá ningu i ngéma nŭxŭ yaxuxŭ.

Cuáŭ naanaxŭmatŭ naxcèx ga yema 7 tŭcumŭ ga yaxŭgŭxŭ ga Áchiaanewa yexmagŭxŭ

⁴ Rŭ choma i Cuáŭ rŭ chanaxŭmatŭ i ñaã ore pexcèx i yaxŭgŭxe ya yima 7 ya ìãne ya Áchiaarŭ naãnewa ngèxmagŭnewa ngèxmagŭxe. Rŭ chanaxwèxe i pexŭ narŭngŭxèè rŭ pexŭ nataãèxèè ya yima Tupana ya woetama ngèxmaèchacŭ. Rŭ ngèxgumarŭtŭ ta chanaxwèxe i pexŭ narŭngŭxèè rŭ pexŭ nataãèxèè i ngéma Naãe i Ũñexŭ i naxŭtawa ne ũxŭ i perŭ dauurŭ ixŭxŭ i pema i yaxŭgŭxe ya yima 7 ya ìãnewa na pengèxmagŭxŭ.

⁵ Rŭ ngèxgumarŭtŭ ta chanaxwèxe na pexŭ nangŭxèèxŭ rŭ pexŭ nataãèxèèxŭ ya Ngechuchu ya Cristu ga aixcŭma meãma nŭxŭ ixucŭ ga Tupanaãrŭ ore ga ñoma ga naãnewa. Rŭ nŭma nixŭ ga nŭxŭra yuwa Ìnadaxŭ. Rŭ nŭma rŭ guxŭma i ñoma i naãnewa ngèxmagŭxŭ i naxŭtãneãrŭ ãèxgacŭgŭarŭ ãèxgacŭ nixŭ. Rŭ nŭma rŭ tŭxŭ nangechaŭ, rŭ nagŭmaã tŭxŭ Ìnayanaxoxèè i tŭrŭ pecadugŭ.

⁶ Rŭ ñuxma na guxŭãrŭ ãèxgacŭ yŭxŭ i nŭmax, rŭ tŭxŭ naxŭchica i ngextã nŭma ãèxgacŭ ìyŭxŭwa. Rŭ paigŭxŭ tŭxŭ nixŭgŭxèè na Nanatŭ ya Tupanaãxŭ ipuracŭexŭcèx rŭ nŭxŭ icuèxŭgŭxŭcèx. Rŭ name nixŭ i guxŭgutãma Cristuxŭ ticuèxŭgŭ, erŭ nŭma rŭ guxŭgutãma guxŭãrŭ ãèxgacŭ nixŭ. Rŭ ngémaãcŭ yŭ.

⁷ ¡rŭ dŭcax, marŭ ñingaŭca na caixanexŭgu Ìnanguxŭ ya Cristu! Rŭ guxŭtãma i duŭxŭgŭ nŭxŭ nadau, rŭ woo ga yema nacanapacŭtŭgŭxŭ rŭ tá ta nŭxŭ nadaugŭ. Rŭ guxŭ i duŭxŭgŭ i guxŭ i naxŭtãnecŭñaxŭ i tama yaxŭgŭxŭ rŭ norŭ muŭmaã rŭ norŭ ngechaŭmaã tá naxauxe i ngèxguma Ìnanguxgu i nŭmax. Rŭ aixcŭma ngémaãcŭ tá nixŭ.

⁸ Rŭ nŭma ya tŭrŭ Cori ya Tupana ya guxŭãrŭ ãèxgacŭ ixŭcŭ ya woetama ngèxmaèchacŭ, rŭ ñanagŭrŭ:

“Chowa nixŭ ga Ìnaxŭgŭxŭ ga guxŭma, rŭ nataxuma i ñacŭ i chorŭ yexera ngèxmaèchaxŭ”, ñanagŭrŭ.

Cuáŭcèx nangŭx ga Cristu ya mexèchicŭ

⁹ Rŭ choma i Cuáŭ na pexcèx chanaxŭmatŭxŭ i ñaã popera, rŭ peeneè chixŭ. Rŭ ngéma na Ngechuchuna na chaxŭxŭ rŭ chaxŭchica i ngextã nŭma ãèxgacŭ ìyŭxŭwa. Rŭ Ngechuchucèx pexrŭtŭ ngŭxŭ chinge, natŭrŭ nŭma pexŭ naporaxèèxŭrŭtŭ choxŭ naporaxèè na yaxna namaã chaxŭnŭxŭcèx i guxŭma i ngéma ngŭxŭ i choxŭ ũpetŭxŭ. Rŭ choma rŭ capaxŭ ga Pãtmagu chaxoxcu naxcèx na nŭxŭ chixuxŭ ga Tupanaãrŭ ore ga Ngechuchichiga.

¹⁰⁻¹¹ Rŭ wŭxi ga yŭxŭarŭ ngunexŭgu rŭ Tupanaãe i Ũñexŭ chomaã Ìnacuèx, rŭ changoxetŭ rŭ choweama nŭxŭ chaxŭnŭ ga wŭxi ga naga ga tagaxŭ ga ñoma cornetagarŭtŭ ixŭxŭ ga ñaxŭ choxŭ:

“Chowa nixŭ ga Ìnaxŭgŭxŭ ga guxŭma, rŭ nataxuma i ñacŭ i chorŭ yexera ngèxmaèchaxŭ. Rŭ ñuxma chanaxwèxe na wŭxi i poperagu cunaxŭmatŭxŭ i ngéma nŭxŭ cudauxŭ. Rŭ ñuxŭchi chanaxwèxe i ngéma yaxŭgŭxŭ ya yima 7 ya ìãne ya Áchiaarŭ naãnewa ngèxmagŭnewa ngèxmagŭxŭtanŭwa cunamu. Rŭ yima 7 ya ìãne nixŭ ya Epèchiu rŭ Esmira rŭ Pèrgamu, rŭ Tiatŭra rŭ Chardi rŭ Firaðérfia rŭ Laodichéa”, ñanagŭrŭ.

¹² Rŭ chaugŭ Ìchidau na nŭxŭ chacuáxŭcèx na ñacŭ yŭxŭ ga yema chomaã Ìdexaxŭ. Rŭ yexguma chaugŭ Ìchidèuxgu rŭ nŭxŭ chadau ga 7 ga weraarŭ ũruŭgŭ ga ũirunaxcèx ixŭgŭxŭ.

¹³ Rŭ yema 7 ga weraarŭ ũruŭgŭarŭ ngãxŭtanŭwa nŭxŭ chadau ga wŭxi ga duŭxŭ ga chauxcèx nangechuchu ga duŭxŭxŭ Ìxŭcŭraŭxŭ. Rŭ wŭxi ga naxchiru ga máxŭmaã naxŭxchiru. Rŭ wŭxi ga goyexŭ ga ũirunaxcèxmaã ñigoyeremŭ.

¹⁴ Rû nayae rû nachoxochi ñoma ñacü i choxochixürüü. Rû naxêtü rû ñoma üxüemarüü niyauracüü.

¹⁵ Rû nacutü rû ta niyauracüü ñoma cobrexüchi i meãma ípíxürüü. Rû yexguma yadexagu rû natagaxüchi ñoma taxü i dexá i chuxchuxü ägaxürüü.

¹⁶ Rû norü tügünemëxëwa nüxü nayexma ga 7 ga woramacurigü. Rû naãxwa nayexma ga wüxi ga tara ga guxücüwawa téxü. Rû nachiwe rû ñoma üëxcü poraãcü nguxetügurüü nixí.

¹⁷ Rû yexguma nüxü chadëuxgu, rû napëxegu chayangu ñoma chayuxürüü. Natürü ga nûma rû norü tügünemëxëmaã choxü ningögü, rû ñanagürü choxü:

“¡Tãxü i cumüxü! Choma nixí i chaxira chayexmaxü rû guxügutáma changëxmaëchaxü.

¹⁸ Rû choma nixí i yuwa ícharüdadü rû ñuxma rû chamaxü. Rû üpa rû chayü, natürü i ñuxma rû marü guxügutáma chamaxëcha. Rû choxmëxwa nangëxma na ñuxgu tá nayuxü i wüxichigü i duüxü. Rû ngëxgumarüü ta choma nixí i namaã ichacuáxü i ngëma nachica i ngextá ínangëxmagüxüwa i guxüma i duüxügü i yuexü.

¹⁹ Rû ñuxma rû chanaxwëxe i cunaxümatü i ngëma nüxü cudaduxü. Rû ngëma nixí i ñuxma ngëma yaxögüxümaã ngupetüxü, rû ngëma yixcüra tá ngupetüxü.

²⁰ Rû ñuxma rû tá cuxcëx chanangoxëë i ngëma ëxügüxü i ngëma 7 i woramacurigü i chorü tügünemëxëwa nüxü cudaduxüchiga rû ngëma 7 i weraarü üruügü i uirunaxcëxchiga. Rû ngëma 7 i woramacurigü i nüxü cudaduxü, rû ngëma äëxgacügü i ngëma 7 tücümü i yaxögüxüwëwa ngëxmagüxüchiga nixí. Rû ngëma 7 i weraarü üruügü rû ngëma 7 tücümü i yaxögüxü i yima 7 ya íãnewa ngëxmagüxüchiga nixí”.

2

Ore ga yema 7 tücümü ga yaxögüxülcëx ümatüxü Ore ga yema yaxögüxü ga Epëchiuarü íãnewa yexmagüxülcëx ümatüxü

¹ “Rû ñuxma chanaxwëxe i ngëma Epëchiuwa ngëxmagüxü i yaxögüxüärü äëxgacüçëx cunaxümatü, rû ñacurügü nüxü: ‘Naã nixí i norü ore ya yima ngëma yaxögüxüñtanügu yarüxüüücü rû norü tügünemëxëmaã nüxna daücü i ngëma yaxögüxüärü äëxgacügü’.

² Rû ñanagürü i nûmax:

‘Choma nüxü chacuëx i guxüma i ngëma cuxüxü. Rû nüxü chacuëx na ñuxãcü poraãcü choxü cupuracüxü rû ñuxãcü cunaxüamaxü i ngëma puracü woo ngëmacëx muxüma i guxchaxügü cuxcëx ínguxgu. Rû nüxü chacuëx na tama curü me yíxü i ngëma duüxügü i chixexü ügüxü. Rû ngëxgumarüü ta nüxü chacuëx na meã cunangugüarü maxüãxü i ngëma duüxügü i nügü ixügüxü na Tupana imugüxü yixügüxü natürü tama aixcüma íxügüxü na Tupana yamugüxü. Rû cuma rû nüxü cucüëxama na idoratëëxmargëxüxü yixügüxü.’

³ Rû woo naguxcha i ngëma puracü i chauxcëx cuxüxü, natürü cunaxüama. Rû woo chagagu poraãcü ngüxü na quingexü, natürü yaxna namaã cuxínü, rû tama nüxü curüchau.

⁴ Natürü nangëxma i wüxi i cuxüxü i tama chorü me íxüxü. Rû ngëma nixí na tama noxrirüü choxü cungechaxü i ñuxmax.

⁵ Rû ngëmacëx i ñuxma na ngëma chixexügu cunguxü, rû name nixí i nüxna cucüëxächi na ñuxãcü choxü cungechaxü ga noxrir. Rû name nixí i nüxü curüxo i curü chixexü rû noxrirüü choxü cungechaxüãcüma mexü cuxü. Natürü ngëxguma chi tama nüxü curüxoxgu i curü chixexü, rû paxa tá cuxü íchayadau, rû tá cuxü chaxo na tama ngëma togü i yaxögüxüñtanüwa cuxãchicaxüçëx.

⁶ Natürü nangëxma i wüxi i cuxüxü i chorü me íxüxü. Rû ngëma nixí na naxchi cuxaixü i ngëma chixexü i naxügüxü i ngëma Nicoraítagu. Rû choma rû ta naxchi chaxai i ngëma chixexü i naxügüxü’.

⁷ Rû yíxema áchixexë rû name nixí i naga taxínü i ngëma Tupanaãe i Üünexü nüxü ixügü namaã i ngëma yaxögüxüñtücümügü”. Rû ñanagürü:

“Yíxema nüxü rûporamaëxë i chixexü rû tá tuxü nüxü chamüxnetaxëë inorü o i ngëma orix i tuxü maxëxëëxü i Tupanaärü orixnecüwa ngëxmaxü”, ñanagürü i Naãe i Üünexü.

Ore ga yema yaxögüxü ga Esmiraarü íãnewa yexmagüxülcëx ümatüxü

⁸ Rû yema chomaã idexaxü rû ñanagürü ta:

“Chanaxwëxe i Esmirawa ngëxmagüxü i yaxögüxüärü äëxgacüçëx cunaxümatü, rû ñacurügü tá: ‘Naã nixí i norü ore ya yima nüxra yexmacü rû guxüguma ngëxmaëchacü ga paxaãchi yucü rû wenaxarü maxücü’.

⁹ Rû ñanagürü i nûmax:

‘Choma nüxü chacuëx i guxüma i ngëma cuxüxü. Rû nüxü chacuëx na ñuxãcü ngüxü quingexü. Rû nüxü chacuëx na cungearü diëruãxü i ñoma i naãnewa, natürü daxügüxü i naãnewa cuxü nangëxma i ngëma taguma güxü. Rû nüxü chacuëx na ñuxãcü chixri cuchiga

yadexagüxü i ngēma duüxügü i nügü ixügüxü na Yudiügu yixügüxü. Natürü i nümagü rü aixcüma Chatanáärü duüxügümare nixügü.

¹⁰ Rrü täxü i cumuüxü naxcèx i ngēma ngüxü i tá quingexü! Rrü ngoxo i Chataná rü tá norü duüxügüxü namu na poxcupataügu pexü napoxcuexüçèx i ñuxre i pema na ngēmaäcü pexü naxüxüçèx. Rrü ñuxre i ngunexü tá ngüxü pingegü. Natürü woo ngēmaäcü ngüxü pingegügu rü chanaxwèxe i choxü cuyaxöðma ñuxmatáta cuyux. Rrü choma rü tá cuxna chanaxä i curü ämare i maxü i taguma güxü.

¹¹ Rrü yíxema ächixexè rü name nixü i naga taxüñü i ngēma Tupanaäe i Üünexü nüxü ixuxü namaä i ngēma yaxöögüxütücumügü". Rrü ñanagürü:

"Yíxema ñoma i naänewa nüxü rüporamaèxè i chixexü, rü täütáma Tupana ngoxogüxü ípoxcuexüwa tüxü nawogü", ñanagürü i Naäe i Üünexü.

Ore ga yema yaxöögüxü ga Pérgamuärü iänewa yexmagüxüçèx ümatüxü

¹² Rrü yema chomaä idexaxü rü ñanagürü ta:

"Chanaxwèxe i Pérgamuwa ngēxmagüxü i yaxöögüxüärü äëxgacüçèx cunaxümatü, rü ñacurügü tá: 'Naä nixü i norü ore ya yima nüxü nangēxmacü i ngēma tara i guxüçüwawa téxü'.

¹³ Rrü ñanagürü i nümax:

'Choma nüxü chacuèx na yima iäne ya Chataná poraäcü namaä ícuáxünewa na cumaxüxü. Natürü woo ngēxma na cuxächüxü, rü tama choxü ícutèx. Rrü woo yexguma chorü orearü urüü ga mecü ga Atípaxü yamèxgügu nagu ga guma iäne ga nawa Chataná duüxügümaä ícuáxüne, rü tama nüxü curüxo na choxü cuyaxöðmaxü.

¹⁴ Natürü nangēxma i ñuxre i ñacü i cuxüxü i tama chorü me íxüxü. Rrü ngēma nixü na cugüxütawa cunangēxmagüxüèxü i ñuxre i curü duüxügü i tama nüxü rüxoechaüxü i ngēma ngüxèetae ga nuxcüma Baräü Yudiüguärü äëxgacü ga Baräxü namaä ucuxèxü na chixexügu Yudiüguxü nayixèèxüçèx. Rrü yema Yudiügu rü yema ucuxègagu nawa naxü ga yema petagü ga togü ügüxü naxcèx ga norü tupananetachicünèxägü. Rrü yexgumarüü ta yema ucuxègagu nixü ga naü ga ngemaä namaxèxü ga Yudiügu. Rrü ñuxma i ñuxre i curü duüxügü i Pérgamuwa ngēxmagüxü rü nagu naxü ga yema nuxcümaüxü ga ngüxèetae ga chixexü, rü tama nüxü narüxoechaü.

¹⁵ Rrü ngēxgumarüü ta ngema cunangēxmagüxüèe i ñuxre i duüxügü i tama nüxü rüxoechaüxü i ngēma Nicoraitagüärü ngüxèetae i Baräüärü ngüxèetaerü chixexü.

¹⁶ Rrü ngēmacèx chanaxwèxe i nüxü curüxo i ngēma chixexü. Rrü ngēxguma chí tama nüxü curüxoxgu, rü paxa tá ngema cuxütawa chaxü rü ngēma tara i chauèxwa ngēxmaümaä tá ngēma duüxügüxü chadaü.

¹⁷ Rrü yíxema ächixexè rü name nixü i naga taxüñü i ngēma Tupanaäe i Üünexü nüxü ixuxü namaä i ngēma yaxöögüxütücumügü". Rrü ñanagürü:

"Yíxema nüxü rüporamaèxè i chixexü rü tá tüxna chanaxä i päü i daxüçüäx. Rrü tá tüxna chanaxä ya wüxi ya nuta ya chöcü i wüxi i naega i ngexwacaxüxü nagu ümatüxü. Rrü yíxema nayaxuxexicatama tixü ya nüxü cuäxe i ngema naéga", ñanagürü i Naäe i Üünexü.

Ore ga yema yaxöögüxü ga Tiatíraarü iänewa yexmagüxüçèx ümatüxü

¹⁸ Rrü yema chomaä idexaxü rü ñanagürü ta:

"Chanaxwèxe i Tiatírawa ngēxmagüxü i yaxöögüxüärü äëxgacüçèx cunaxümatü, rü ñacurügü tá: 'Naä nixü i norü ore ya yima Tupana Nane ya ñoma üxüemarüü iyauraxetüçüücü rü nacutügü rü ñoma corbe i meäma ípixürüü íxüxüne'.

¹⁹ Rrü ñanagürü i nümax:

'Choma nüxü chacuèx i guxüma i ngēma mexü i cuxüxü. Rrü nüxü chacuèx na ñuxäcü cumüçügüxü cungechaüxü, rü ñuxäcü meäma choxü na cuyaxöðxü, rü ñuxäcü nüxü na curüngüxèèxü i ngēma togü i yaxöögüxü, rü ñuxäcü yaxna namaä cuxüñüxü i guxchaxügü. Rrü nüxü chacuèx i ñuxma na noxriarü yexera cunaxüxü i ngēma cuxü chanaxwèxexü.

²⁰ Natürü nangēxma i wüxi i cuxüxü i tama chorü me íxüxü. Rrü ngēma nixü na ngema cunangēxmaxèèchaxü i ngēma ngexü i Yechabé i nügü ixuxü na Tupanaärü orearü urüü na yixü, natürü norü ngüxèetaemaä chorü duüxügüxü ngema womüxèèxü na chixri namaxèxüçèx, rü naü i ngemaä inapegüxüçèx, rü nangöxgüäxüçèx i ngēma önagü i togü norü tupananetachicünèxägüçèx dèjxü na ngēmamaä nüxü yacuèxüügüxüçèx.

²¹ Rrü choma rü marü ngüxü íchanangüxè rü yaxna ngümaä chaxüñü na nüxü naxoxüçèx i ngēma ngüçüma i chixexü, natürü tama inaxwèxe na nüxü naxoxü rü ínatäaxü i ngēma ngüri chixexü i naxüxü.

²² Rrü ñuxma i ngēma nge rü tá ngüxü chidaawexèe na ngüri ngürücarewa ngüxü yangexüçèx, rü ngēma duüxügü i ngümaä ipexü i ngēma nge rü nümagü rü tá ta ngüxü na yangegüxüçèx ega tama nüxü naxoegu i ngēma chixexü i ngümaä naxügüxü.

²³ Rû tá chanadai i ngîxácûgü i ngêma nge. Rû ngêma nge tá nûxü nacuêxgü i guxüma i yaxôgüxü na aixcûma nûxü chacuáxü i ngêma naâewa naga naxînúxü i wüxichigü i duüxü. Rû wüxichigü i pemax rû tá pexü chanaxütanü ngêma na ñuxácü pemaxêxüácûma rû ñuxácü pemaxüácûma.

²⁴⁻²⁵ Natürü pemagü i Tiatíracüâx i tama naga îxê i ngêma nge xüârü nguxêêtae i chixexü rû taguma nawa ngüxe i ngêma ore i togü naxugügu rû Chatanáârü ore i êxügüxü îxîxü, rû tamaâ nûxü chixu rû ngêma pexü chanaxwêxexü nixî na meâ namaâ penguxügüxü rû naga pexînúêxü i ngêma chorü ore ñuxmatáta íchangu i chomax. Rû ngêxícata nixî i pexü chanaxwêxexü.

²⁶ Rû yíxema nûxü rüporamaêgüxe i ngêma chixexü rû naxügüamaxê i ngêma tûxü chanaxwêxexü ñuxmatáta tayuemare, rû tá chaugüxütawa tûxü chaxüchica na wüxigu chomaâ guxüârü âêxgacü tixîgüxücêx.

²⁷ Rû yema Chaunatü âêxgacüxü choxü na îxîxêêxü rû tá tûxna chanaxâ i pora na guxü i nachîüânegümaâ taporaxücêx. Rû ngêxguma ñoma i naâneçüâx i duüxügü tama tûmaga îñüegu rû ñoma wüxi i tûxü ngîxü ipuxêêxü rû tá namaâ tixîgü rû poraâcü tá tanapoxcúe.

²⁸ Rû tá tûxna chanaxâ ya yima woramacuri ya pèxmama nûxü idaucü'.

²⁹ Rû yíxema âchixêxê rû name nixî i naga taxînú i ngêma Tupanaâê i Üünexü nûxü ixuxü namaâ i ngêma yaxôgüxütücumügü' ñanagürü.

3

Ore ga yema yaxôgüxü ga Chardiarü îñewa yexmagüxücêx ümatüxü

¹ Rû yema chomaâ idexaxü rû ñanagürü ta:

"Chanaxwêxe i Chardiwa ngêxmagüxü i yaxôgüxüârü âêxgacüçêx cunaxümatü, rû ñacurügü tá: 'Ñaa nixî i norü ore ya Tupana Nane ya Naâê i Üünexü nawa ngêxmacü ya yima 7 ya woramacuri nûxü ngêxmacü'. Rû ñanagürü i nûmax: 'Choma nûxü chacuêx i guxüma i ngêma cuxüxü. Rû nûxü chacuêx ta rû woo guxüwama duüxügü nûxü ixugügu na Tupanacêx namaxêxü i ngêma yaxôgüxü i cuxütawa ngêxmagüxü natürü tama aixcûma nixî i ngêma, erü ngêma yaxôgüxü rû tama aixcûma choxü nayaxôgü rû tama aixcûma chauxcêx namaxê.

² Rû name nixî i cubaixâchi rû cugü íquicuêx rû cuyangüxêê i ngêma íraxü i mexü i cuxü íyaxüxü i marü iyarüxoxchaüxü. Erü nûxü chadau rû ngêma cuxüxü rû tama Tupanapêxewa name.

³ ¡Rû nûxna nacuêxâchi ga yema nguxêêtae ga mexü ga noxri nûxü cuxînúxü rû cuyaxuxü, rû naga ixü! ¡Rû nûxü rûxo i ngêma chixexü i cuxüxü! Natürü ngêxguma tama nûxü curüxoxgu i jurü chixexü, rû ñoma wüxi i ngîxêxâxü i ngürüâchi ínguxürü rû cuxütawa chaxü. Rû tãütama nûxü cucuêx na ñuxguacü yîxü.

⁴ Natürü ngema Chardiwa cuxü nangêxma i ñuxre i duüxügü i mexü i tama ñoma i naâneârü chixexümaâ nügü âüâchiarü maxüâxgüxü. Rû nûmagü rû tá cómüxümaâ nixâxchiru rû ngêmaâcü tá chomaâ inaxî, erü nûmagü rû duüxügü i mexü i chauxcêx maxêxü nixîgü.

⁵ Rû yíxema nûxü rüporamaêgüxe i chixexü, rû tá cómüxümaâ tixâxchiru. Rû tãütama nawa tûxü íchapiéga i ngêma chorü popera i naga chayawügüxü i ngêma duüxügü i nûxü nangêxmaxü i maxü i taguma gúxü. Rû Chaunatüpêxewa rû guxüma i norü orerü ngerügü i daxüçüâxgüpêxewa tá tûxü chixu na chorü duüxügü tixîgüxü'.

⁶ Rû yíxema âchixêxê rû name nixî i naga taxînú i ngêma Tupanaâê i Üünexü nûxü ixuxü namaâ i ngêma yaxôgüxütücumügü'.

Ore ga yema yaxôgüxü ga Firdérfiarü îñewa yexmagüxücêx ümatüxü

⁷ Rû yema chomaâ idexaxü rû ñanagürü ta:

"Chanaxwêxe i Firedérfiawa ngêxmagüxü i yaxôgüxüârü âêxgacüçêx cunaxümatü rû ñacurügü tá: 'Ñaa nixî i norü ore ya yima Üünecü ya aixcûma Cristu îxîcü ya Dabírüâ âêxgacü ya tacü îxîcü ya nûxü nangêxmacü i pora na yawâxnaâxücêx rû nawâxnaâxücêx i daxügüxü i naâne. Rû ngêxguma texêçêx yawâxnaâgu, rû taxucürüwama texê tûmachêxwa tanawâxta. Rû ngêxguma texêçêxwa nawâxtaâgu, rû taxucürüwama texê tûmacêx tayawâxna'.

⁸ Rû ñanagürü i nûmax:

'Choma nûxü chacuêx i guxüma i ngêma cuxüxü. Rû dücax, cuxü chanatauxchaxêê na togümaâ nûxü quixuxücêx i chorü ore, rû taxucürüwama texê cuxna tanachüxu na cunaxüxücêx i ngêma puracü. Rû choma nûxü chacuêx na tama aixcûma cuporaxüchixü, erü noxretama nixî i ngêma yaxôgüxü i cuxütawa ngêxmagüxü. Natürü cuma rû naga cuxînú i chorü ore, rû tama icyacüç na chorü duüxü quîxü.

⁹ Rû ngêmacêx i ngêma duûxûgû i Chatanâarû ixîgûxû i nûgû ixugûxû na chorû duûxûgû yixîgûxû natûrû tama aixcûma choxrû ixîgûxû, rû tá chananu na cupêxegu nacaxâpûxûgûxûcêx na nûxû nacuêxgûxûcêx na aixcûma cuxû changechaûxû.

¹⁰ Cuma rû meâma cuyanguxêe i ngêma cuxû chamuxû na aixcûma cuyaxôomaxû naetûwa i ngêma guxchaxûgû i cuxû ngupetûxû. Rû ngêmacêx tá cuxû íchapoxû na tama cuxna nanguxûcêx i ngêma guxchaxû i taxû i ñoma i naânewa tá ínguxû na guxûma i ñoma i naânecûâx i duûxûgûxû naxûxûcêx.

¹¹ Rû paxa tá ngema cuxûtawa chaxû. Rû chanaxwêxe i ñuxma meâ cumaxûxûrû meâ cumaxecha, na taxûema cuxna napuxûcêx i ngêma curû âmare.

¹² Rû yixema nûxû rûporamaêgûxe i guxûma i chixexû, rû Chaunatû ya Tupanaxûtawa tá tûxû changêmagûxêe na tagutâma ngema ítachoxûxûcêx. Rû tûmagu tá chanaxûmatû i naega ya Chaunatû ya Tupana. Rû ngêxgumarûû tá ta tûmagu chanaxûmatû i naega ya Tupanaârû îâne ya Yerucharêû ya ngexwacaxûne ya Tupanaxûtawa i daxûguxû i naânewa íruxîxûne. Rû ngêxgumarûû tá ta tûmagu chanaxûmatû i chauéga i ngexwacaxûxû'.

¹³ Rû yixema âchixêe rû name nixî i naga taxînú i ngêma Tupanaâe i Ûnexû nûxû ixuxû namaâ i ngêma yaxôgûxûtûcumûgû”.

Ore ga yema yaxôgûxû ga Laodichéawa yexmagûxûcêx ûmatûxû

¹⁴ Rû yema chomaâ idexaxû rû ñanagûrû ta:

“Chanaxwêxe i Laodichéawa ngêxmagûxû i yaxôgûxûârû âêxgacûcêx cunaxûmatû rû ñacurûgû tá: ‘Naâ nixî i norû ore ya yima aixcûma ixîcû ya aixcûma yanguxêêcû i ngêma nûxû yaxuxû rû ore i aixcûma ixîxûxûxîcatama ixucû. Rû nûma nixî ga inaxûgûâxû ga guxûma ga yema Tupana ûxû’.

¹⁵ Rû ñanagûrû i nûmax:

‘Choma nûxû chacuêx i guxûma i ngêma cuxûxû. Rû nûxû chacuêx na tama wûxi i duûxû i chauxchi aixû quixû, natûrû tama wûxi i duûxû i aixcûma choxû ngechaûxû quixî. Rû chierû noxtacûma wûxi i duûxû i chauxchi aixû quixîgu rû êxna noxtacûma wûxi i duûxû i aixcûma choxû ngechaûxû quixîgu.

¹⁶ Natûrû ñuxma na írarûwatama choxû cungechaûxû, rû ngêmacêx tá cuxû íchatêx. Erû tama noxtacûma wûxi i duûxû i chauxchi aixû quixî rû tama noxtacûma wûxi i duûxû i aixcûma choxû ngechaûxû quixî.

¹⁷ Rû cuma cugû quixuxgu rû cumuârû díeruâx, rû cumuârû ngêmaxûâx, rû meâma cuxû naxûpetû, rû taxuûma cuxû nataxu. Natûrû i cuma rû tama nûxna cucuêxâchi na chopêxewa rû wûxi i taxuwama mexû quixû, rû wûxi i ngechaûxûtchi quixû, rû wûxi i taxuûma cuxû ngêmaxê quixû, rû ñoma wûxi i ngexetûxûrû quixû, rû ñoma wûxi i ngexchiruxûrû quixû.

¹⁸ Rû ñuxma rû cuxû chaxucuxê na chauxûtawa naxcêx cutaxexûcêx i uiru i marû ûxûwa íguxû i nûxîcatama ixîxû. Rû ngêmaâcû tá aixcûma cuxû nangêxma i curû ngêmaxû. Rû ngêxgumarûû ta cuxû chaxucuxê na chauxûtawa naxcêx cutaxexûcêx i cuxchiru i cómûxû na ngêmagu quicûxûcêx na taxûema cuxû dauxûcêx na cungetchiruxû. Rû ngêxgumarûû ta cuxû chaxucuxê na chauxûtawa naxcêx cutaxexûcêx i curû meîxêtûxû na curûmexêtûxûcêx na wena quidauchixûcêx.

¹⁹ Choma rû tûxû chaxucuxê rû tûxû ichayarûwêxâchixêe ya guxâma ya yixema tûxû changechaûxê. Rû ngêmacêx name nixî i nûxû curûxo i cucûma i chixexû, rû aixcûma choxû cungechaû rû cunaxû i ngêma cuxû chanaxwêxexû.

²⁰ Rû dúcax, choma rû îâxwa tûmacêx chacagûecha. Rû ngêxguma chi texê choxû íngu rû chauxcêx tayawâxnagu, rû tá tûmaxûtagu chaxûcu. Rû tûmamaâ tá chachibû rû tûma i chomaâ.

²¹ Rû yixema nûxû rûporamaêgûxe i chixexû, rû tá chaugûxûtawa tûxû charûtogûxêe na chomaâ âêxgacû tixîgûxûcêx, yexgumarûû ga choma rû nûxû na charûporamaêxû ga chixexû, rû ñuxûchi Chaunatûxûtawa na chayarûtoxûrû na namaâ âêxgacû chîxûcêx’.

²² Rû yixema âchixêe rû name nixî i naga taxînú i ngêma Tupanaâe i Ûnexû nûxû ixuxû namaâ i ngêma yaxôgûxûtûcumûgû”, ñanagûrû ga yema chomaâ idexaxû.

4

Tupanaxû nataxêêgû i daxûguxû i naânewa

¹ Rû yemawena ga choma ga Cuáû rû nûxû chadau ga wûxi ga îâx ga iwâxnaxû ga daxûguxû ga naânewa. Rû yema naga ga nacornetagaraûxû ga noxri nûxû chaxînúxû ga chomaâ idexaxû, rû ñanagûrû choxû:

“¡Nuxâ naxînagû! Rû tá cuxû nûxû chadauxêe i ngêma yixcûra tá ngupetûxû”, ñanagûrû.

² Rû yexgumatama ga choma rû Tupanaâe i Ûünexû rû chauâêmeaã inacuèx, rû daxûwa nanaga. Rû yéma daxûguxû ga naânewa nûxû chadau ga wûxi ga tochicaxû ga mexêchixû ga yéma Tupana nawa rûtoxû.

³ Rû guma yema tochicaxûwa rûtocû, rû ñoma nuta ya mexêchicû ya yasperûû nixî na namexû rû ñoma nuta ya cornalinarûû nixî na namexû. Rû yema tochicaxûtêtuwa nayexma ga wûxi ga chirapa ga ñoma nuta ga esmerádarûû mexêchicû.

⁴ Rû yema tochicaxûcûwawa nayexmagû ga 24 ga togû ga tochicaxûgû ga nûxû ínumaêguáchixû. Rû yema tochicaxûgûwa narûtogû ga 24 ga âêxgacûgû ga yaxôgûxûârû ixîgûxû. Rû cómûxûmaã nixâxchiru rû uirunaxcêx nixî ga norû ngêxcuerûgû.

⁵ Rû yema nachica ga Tupana írûtoxûwa ínaxûxû ga bêjxbêxanexû rû duruanexû rû nagagû. Rû yema tochicaxûpêxewa nayexma ga 7 ga omûgû ga yéma naîgûxû. Rû yema omûgû nixî ga Tupanaâe i Ûünexû ga yema 7 ga yaxôgûxûtûcumûmaã icuáxû.

⁶ Rû yema Tupanaârû tochicaxûpêxewa rû ñoma dexáétûwarûû ixixûmaã nachaxu rû nichipetû woruarûû. Rû yema tochicaxûxû ínachomaêguáchi ga âgûmûcû ga daxûcûâx ga maxêxû ga guxûwama âxêtûxû naweama rû napêxewa.

⁷ Rû wûxi ga yema daxûcûâx ga maxêxû rû nanaxairaxû. Rû yema to rû nanawocaraxû. Rû yema norû tomaêxpûx rû nanaduûxûchiweraxû. Rû yema norû âgûmûcû rû nanaxiyû i gonagûxûraxû.

⁸ Rû yema âgûmûcû ga daxûcûâx ga maxêxû, rû wûxichigû nûxû nayexma ga 6 ga naxpêxatûgû. Rû guxûwama ga naxpêxatûétûwa rû naxpêxatûtûtuwa rû namuxêtû. Rû ngunecû rû chûtacû rû ñanagûrûgûecha:

“Naxûüne, naxûüne, naxûüne nixî ya tórû Cori ya Tupana ya guxûtêtuwa ngêxmacû rû woetama ngêxmaêchacû”, ñanagûrûgûecha.

⁹⁻¹⁰ Rû yema daxûcûâx ga maxêxû, rû yexguma nûxû yacuèxûûgûûxgu ga guma tochicaxûwa rûtocû, rû mochê nûxna naxâgûgû, rû yema 24 ga âêxgacûgû ga yaxôgûxûârû rû yima woetama ngêxmaêchacûpêxegu nacaxâpûxûgû, rû nûxû nicuèxûûgû, rû napêxegu nananu ga norû ngêxcuerûgû.

¹¹ Rû ñanagûrûgû:

“Pa Torû Cori, Pa Torû Tupanax, cuxû nixî i namexû na ticuèxûûgûxû rû cuxû tataxêégûxû, erû guxûtêtuwa cungêxma. Yerû cuma cunaxû ga guxûma rû curû ngûchaugagu nixî i nangôxû i ñuxmax”, ñanagûrûgû.

5

Popera ga idixixûchiga rû Tupana Nane ga ñoma wûxi ga carnerurûû imácûchiga

¹ Rû ñuxûchi nûxû chadau ga guma tochicaxûwa rûtocû, rû norû tûgûnemêxêwa nanange ga wûxi ga popera ga idixixû. Rû dûxêtuwa rû aixepewa rû naxâmatû ga yema popera. Rû 7 wa niñaxtachipêxe.

² Rû nûxû chadau ga wûxi ga norû orearû ngerûû ga daxûcûâx ga poraxûchixû ga tagaâcû ícaxû rû ñaxû:

“¿Texé tixî ya yixema mexe na tayagautanûxû i norû ñaxtachipêxexû rû ítayadixgûxû i ñaã popera?” ñaxû.

³ Natûrû woo ga daxûguxû ga naânewa rû bai ga ñoma ga naânewa rû bai ga yuexûtanûwa, rû tataxuma ga texé ga mexe na ítayadixgûxû rû nûxû tadaumatûxû na ñuxû ñaxû ga yema popera.

⁴ Rû choma rû poraâcû chaxaxu yerû tataxuma ga texé ga mexê na ítayadixgûxû rû nûxû tadaumatûxû na ñuxû ñaxû ga yema popera.

⁵ Natûrû wûxi ga yema 24 ga âêxgacûgû ga yaxôgûxûârû, rû ñanagûrû choxtû:

“¡Tâxû i cuxaxuxû! Erû yima Cristu ya Yudáata ya airûxû poracû ya âêxgacû ya Dabítaa ixícû, rû marû nûxû narûyexera i guxûma i chixexû. Rû ngêmacêx nûma nixî i namexû na yagautanûâxúcêx i ngêma 7 i norû ñaxtachipêxexû i ngêma popera rû na íyawêgûâxúcêx”.

⁶ Rû ñuxûchi nûxû chadau ga Tupana Nane ga ñoma wûxi ga carneruxacû ga mêxwa írûdaxûrûû yexma chicû naxûtagu ga guma tochicaxûwa rûtocû rû natanûgu ga yema âgûmûcû ga daxûcûâx ga maxêxû rû yema 24 ga âêxgacûgû. Rû nûxû nayexma ga 7 ga nachatacuxre ga norû poraarû cuèxruû rû 7 ga naxêtû. Rû guma 7 ga naxêtû rû ngêma nixî i Tupanaâe i Ûünexû i guxûma i ñoma i naânewa namuxûârû cuèxruû ixîxû.

⁷ Rû guma pecaduarû útanúcêx yucû rû guma tochicaxûwa rûtocúcêx nixû, rû nanayaxu ga yema popera ga norû tûgûnemêxêwa yexmaxû.

⁸ Rû yexguma nayauxâgu ga yema popera, rû yema âgûmûcû ga daxûcûâx ga maxêxû rû yema 24 ga âêxgacûgû rû inacaxgûâpûxû napêxegu ga guma pecaduarû útanúcêx yucû. Rû wûxichigû ga yema âêxgacûgû rû nûxû nayexma ga wûxi ga norû paxetarûû ga arpa. Rû yexgumarûû ta nûxû nayexma ga copa ga uirunaxcêx ga pumaratêxemaã napagûxû. Rû

yema pumaratêxe rû nayixichi ga yexguma yaxaxgu. Rû yema pumaragû, rû ngêma nixî i Tupanaârû duîxûgûarû yumûxêgûarû cuêxruûgû.

⁹Rû nagu nawiyaegû ga wûxi ga wiyae ga yexwacaxûxû ga ñaxû:

“Cuma nixî i cumexû na cunayaxuxû i ngêma popera rû cuyagautanûxû i ngêma norû ñaxtachipêxexû. Yerû cuma rû marû quimêxchirêx, rû cugûmaâ Tupanaâxû naxcêx cutaxe i nagûxûraûxû i duîxûgû i nagûxûraûxû i nachîûânecûûxû i nagûxûraûxû i nagawa idexagûxû.

¹⁰Rû ngêmagûxû cuyûchica i ngextá âêxgacû íquîxûwa, rû Tupanaârû ngûxêruûgûxû cuyaxîgûxêê na cumaâ wûxigu guxû i naânemaâ inacuêxgûxûcêx”, ñanagûrûgû.

¹¹Rû yemawena ichadawenû, rû nûxû chaxînú ga naga ga muxûchixûma ga Tupanaârû orearû ngeruûgû ga daxûcûûxû. Rû norû ngâxûwa nayexma ga yema tochicaxû rû yema âgûmûcû ga daxûcûûxû ga maxêxû rû yema 24 ga âêxgacûgû. Rû namuxûchima ga yema Tupanaârû orearû ngeruûgû ga daxûcûûxû ga yema yexmagûxû.

¹²Rû tagaâcû ñanagûrûgû:

“Daa nixî ya yima ñoma wûxi i carneruacûrûû imácû ga pecaduarû útanûcêx yucû. Rû nûma nixî i namexû na guxûârû âêxgacû yîxû, rû guxûârû yora yîxû, rû guxû i cuêx nûxû ngêxmaxû, rû guxûârû yexera naporaxû. Rû nûma nixî i namexû na guxâma nûxû ngechaûgûxû rû nataxêêgûxû rû nûxû icuêxûûgûxû”, ñanagûrûgû.

¹³Rû nûxû chaxînú ta ga naga ga guxûma ga yema Tupana ûxû i daxûgûxû i naânewa rû ñoma i naânewa rû naânetaûûwa rû taxtû i taxûwa ngêxmagûxû ga ñagûxû:

“Name nixî na guxûgutâma guxâma nûxû icuêxûûgûxû rû nûxû ngechaûgûxû rû nataxêêgûxû ya yima pecaduarû útanûcêx yucû rû yima ngêma tochicaxûwa rûtocû, erû nûmagû nixî i guxûguma âêxgacûgû yixîgûxû”, ñanagûrûgû.

¹⁴Rû yema âgûmûcû ga daxûcûûxû ga maxêxû rû ñanagûrûgû:

“Ngêmaâcû yî”, ñanagûrûgû. Rû yema 24 ga âêxgacûgû rû inacaxgûâpûxû rû nûxû nicuêxûûgû.

6

Yema 7 ga ñaxtachipêxe-ruûchiga

¹Rû ñuxûchi nûxû chadau ga yexguma guma pecaduarû útanûcêx yucû yagauyegu ga yema nûxûraûxû ga norû ñaxtachipêxexû ga yema popera. Rû nûxû chaxînú ga wûxi ga yema daxûcûûxû ga maxûxû ga tagaâcû ñoma duruanexûrûû ñaxû choxû:

“¡Nuâ naxû!” ñaxû.

²Rû ichadawenû rû nûxû chadau ga wûxi ga cowaru ga cómûxû. Rû yema naêtûwa rûtoxû rû nûxû nayexma ga wûxi ga norû wûra. Rû wûxi ga ngêxcuerû nûxna naxâ. Rû poraêêcûma norû cowarumaâ inaxûâchi na duîxûgûxû nayexeraxûcêx.

³Rû yexguma guma pecaduarû útanûcêx yucû yagauyegu ga yema norû taxre ga yema poperaarû ñaxtachipêxexû, rû nûxû chaxînú ga yema norû taxre ga yema daxûcûûxû ga maxûxû ga ñaxû choxû:

“¡Nuâ naxû!” ñaxû.

⁴Rû yema naxû ga wûxi ga cowaru ga dauxû. Rû yema naêtûwa rûtoxû rû wûxi ga tara ga taxû nûxna naxâ. Rû yexgumarûû ta pora nayaxu na iyanaxoxêêâxûcêx na nûgû nangechaûgûxû ga duîxûgû. Rû yemaâcû nanaxû na nûgû nadêjûcêx ga duîxûgû.

⁵Rû yexguma guma pecaduarû útanûcêx yucû yagauyegu ga yema norû tomaêxpûx ga yema poperaarû ñaxtachipêxexû, rû nûxû chaxînú ga yema norû tomaêxpûx ga yema daxûcûûxû ga maxûxû ga ñaxû choxû:

“¡Nuâ naxû!” ñaxû. Rû ichadawenû rû nûxû chadau ga wûxi ga cowaru ga waxûxû. Rû yema naêtûwa rûtoxû rû naxmêxwa nûxû nayexma ga wûxi ga ñacûarû yaruû ga balanza.

⁶Rû nûxû chaxînú ga wûxi ga naga ga yema daxûcûûxû ga maxêxûârû ngâxûtanûwa inaxûxû ga ñaxû:

“Wûxi i ngunexûârû puracûtanû rû naxâtanû i wûxi i kilo i trigo. Rû wûxi i ngunexûârû puracûtanû naxâtanû i tomaêxpûx i kilo i chebada. ¡Natûrû tâxû i cuyanatauxêêxû i ngêma chixû rû yima binu!” ñanagûrû.

⁷Rû yexguma guma pecaduarû útanûcêx yucû yagauyegu ga yema norû âgûmûcû ga yema poperaarû ñaxtachipêxexû, rû nûxû chaxînú ga yema norû âgûmûcû ga yema daxûcûûxû ga maxêxû ga ñaxû choxû:

“¡Nuâ naxû!” ñaxû.

⁸Rû ichadawenû rû nûxû chadau ga wûxi ga cowaru ga dexexû. Rû yema naêtûwa rûtoxû rû Yu nixî ga naega. Rû yema naweama ne ûxû, rû Yuexûchica nixî ga naega. Rû yema taxre nanayauxgû ga pora na ñoma ga naânewa rû wûxi ga yema norû âgûmûcûtûcumû

ga duñxügümaa inacuèxgüxcèx na daimaã rü taiyamaã rü daaweanemaã rü ngoxo idüraexümaa nayuexèèäxüxcèx.

⁹ Rü yexguma guma pecaduarü ütanüxcèx yucü yagauyegu ga yema norü wüximèèxpüx ga yema poperaarü ñaxtachipèxexü, rü nüxü chadau ga wüxi ga nachica ga ngextá Tupanacèx naxünaü nawa yagugüxü na nüxna naxägüäxüxcèx. Rü yema nachicatüüwa nüxü chadau ga naäëgü ga yema duñxügü ga Tupanaarü orexü na yaxugüxcèx nadèixü.

¹⁰ Rü yema naäëgü rü tagaäcü ñanagürügü:

“Pa Torü Cori ya Guxdèüwa Ngèxmacü rü Üüncü rü Ixaixcümäcü, ¿ñuxgura tá ta i nüxna cucaxü rü cunapoxcuexü i ngèma duñxügü i chixexü ga toxü dèixü?” ñanagürügü.

¹¹ Rü nüxüchi ga Tupana rü wüxichigü ga yema duñxügüna nanaxä ga naxchiru ga máxü rü cómü. Rü yema duñxügüäëgüxü ñanagürü:

“¡Paxaächi iperüngüè ñuxmatáta yangu i peeneëgü i Cristuaxü puracüexü i pexrüü tá dèixü!” ñanagürü.

¹² Rü yexguma guma pecaduarü ütanüxcèx yucü yagauyegu ga yema norü 6 ga yema poperaarü ñaxtachipèxexü, rü nüxü chadau ga poraäcü na naxiäxächianexü. Rü üèxcü rü wüxi ga naxchiru ga waxcharaxürü nixü. Rü tauemacü rü guxüwama nagürü naduema.

¹³ Rü woramacurigü rü èxtagü rü daxüwa narüyi rü ñoma ga naänegu nayi. Rü ñoma orix i doxüüma buanecü ya tacü rüyixèèxürü nixü.

¹⁴ Rü guxüma i daxüwa nüxü idauxü rü inayarütaxu. Rü ñoma wüxi i popera i dixcumüächixü rü iyarütaxuxürü nixü. Rü guxüma ga mëxpünegü rü capaxügü rü nixigachi ga nachicawa.

¹⁵ Rü ñoma ga naänewa yexmagüxü ga nachüänegüarü äëxgacügü, rü mëxpünemagu rü mëxpüneärü nutatanügu nicuxgü. Rü wüxigu yexma namaã nicuxgü ga yema togü ga äëxgacügü ga taxügü ga ñoma ga naänemaã icuèxgüxü, rü churaragüarü äëxgacügü ga taxügü, rü yema duñxügü ga muärü diëruäxgüxü, rü yema duñxügü ga ñoma ga naänewa poraexü, rü guxüma ga duñxügü ga coriäxgüxü, rü guxüma ga duñxügü ga ngearü coriäxgüxü.

¹⁶ Rü guxüma ga nümagü, rü guma mëxpünexü rü guma nutagüxü ñanagürügü:

“¡Toëtügu peyi na toxü ipicuxgüxcèx naxchaxwa ya yima ngèma tochicaxüwa rütocü, rü naxchaxwa ya yima pecaduarü ütanüxcèx yucü erü tama tanaxwèxe na toxü napoxcuexü!”

¹⁷ Erü marü inangu i ngèma ngunexü i äücümäxü i nagu napoxcuexü i ngèma duñxügü i tama Tupanaarü ixigüxü. ¿Rü texé tá namaã tapora i ngèma?” ñanagürügü.

7

Yema Yudiügü ga nacatüwa cuèxruüäxgüxüchiga

¹ Rü yemawena rü nüxü chadau ga ägümücü ga Tupanaarü orearü ngeruügü ga daxüdüax ga ñoma ga naäneärü ägümücüpèxegu chigüxü. Rü inanapoxügü ga gucüma ga buanecügü na tama waixüümüänetügu naxüxcèx, rü tama taxü i taxtüëtügu naxüxcèx, rü bai i tacü rü naiëtügu naxüxcèx.

² Rü yexgumarü ta nüxü chadau ga wüxi ga Tupanaarü orearü ngeruü ga daxüdüax ga üèxcü iyarügoxüwaama ne üxü. Rü nüxü nayexma ga Tupana ya Maxdücuarü tacüarü üëgarü. Rü nüma rü tagaäcü nüxna nacagü ga yema togü ga ägümücü ga Tupanaarü orearü ngeruügü ga nayauxgüxü ga pora na nachixexèëgüäxüxcèx ga guxüma ga waixümü rü guxüma ga taxü ga taxtü.

³ Rü ñanagürü nüxü:

“¡Täxü i yatacüma penachixèèxèxü i waixümü rü taxtü i taxü rü naigü, ñuxmatáta nacatüwa tayaxüarü cuèxruüäxgü i ngèma Tupanaarü duñxügü ixigüxü!” ñanagürü.

⁴ Rü nüxü chaxinü ga ñuxre na yixü ga yema cuèxruüäxgüxü. Rü guxüma ga Yudiügütanüwa rü 144,000 nixü.

⁵⁻⁸ Rü yema cuèxruüäxgüxü ga Yudiügü, rü ñaã nixü:

Yudátaagü - 12,000

Rubéütaagü - 12,000

Gadutaagü - 12,000

Achetaagü - 12,000

Netarítaagü - 12,000

Manachétaagü - 12,000

Chimeütaagü - 12,000

Lebítaagü - 12,000

Ichacátaagü - 12,000

Chaburáütaagü - 12,000

Yúchetaagü - 12,000

Beyamítaagü - 12,000

⁹ Rû yemawena ichadawenü, rû nüxü chadau ga muxüchixüma ga nagüxüraüxü ga duüxügü ga nagüxüraüxü ga nagawa idexagüxü ga guxüma ga nachüânëwa ne íxü. Rû yema tochicaxüpëxëgu rû guma pecaduarü ütanüçëx yucüpëxëgu nachigü. Rû yema na namuxüchixü rû taxucürüwa texë tayaxugü na ñuxre yíixü. Rû naxchiru ga icómüxü rû imáxümaâ nixáxchiru. Rû naxmëxwa nanangëgü ga wairaátügü.

¹⁰ Rû guxüma ga nümagü rû tagaácü ñanagürügü:

“Yima tórü Tupana ya tochicaxüwa rütocü rû yima pecaduarü ütanüçëx yucü nixí ya tüxü maxëkëgücü”, ñanagürügü.

¹¹ Rû guxüma ga Tupanaärü orearü ngeruügü ga daxüçüâx rû nüxü inachimaëguâchi ga yema tochicaxü rû yema 24 ga äëxgacügü rû yema ägümücü ga daxüçüâx ga maxëxü. Rû yema tochicaxüpëxëgu nanangüçuchitanü ga yema orearü ngeruügü, rû Tupanaxü nicüëxüügü.

¹² Rû ñanagürügü:

“Rû ngëmaácü yíi. Rû nüma nixí i namëxü na guxüguma guxâma nüxü icuëxüügüxü, rû nataxëëgüxü, rû moxë nüxna ixägüxü, rû nüxü ingechaügüxü, erü guxü i cuëx nüxü nangëxma, rû guxüçëtüwa nangëxma, rû guxüärü yexera napora. Rû ngëmaácü yíi”, ñanagürügü.

¹³ Rû ñuxüchi wüxi ga yema 24 ga äëxgacügü rû choxna naca, rû ñanagürü:

“¿Texëgü tixígü ya yíxema cómüchirugüxe, rû ngextá ne taxí?” ñanagürü.

¹⁴ Rû choma chanangäxü, rû ñacharügü:

“Pa Corix, cuma nixí i nüxü cucuáxü na texëgü tixígüxü”, ñacharügü. Rû yëxguma ga nüma rû ñanagürü:

“Yíxëmagü tixígü ga nawa ngupetütanüxë ga yema ngüxü ga taxü rû marü tügü iyauxgüchiruxe nagüwa ga guma pecaduarü ütanüçëx yucü. Rû ngëmacëx nixí i ticómüchiruxü.

¹⁵ Rû ngëmacëx nixí i Tupanaärü tochicaxüpëxëwa tangëxmagüechaxü rû ngunecü rû chütacü rû Tupana ingëxmaxüwa nüxü tapuracüexü. Rû nümatama ya Tupana ya tochicaxüwa rütocü rû tüxna nadau.

¹⁶ Rû marü tagutáma wenaxärü taiya tüxü nangux, rû tagutáma titawae. Rû marü tagutáma üëxcü tüxü nigu, rû tagutáma üëxcüarü nalanëxü tüxü nangux.

¹⁷ Erü yima pecaduarü ütanüçëx yucü i ngëma tochicaxüütawa ngëxmacü, rû tá aixcüma meã tüxna nadau ñoma carnerugüna idauxürüü. Rû nawa tá tüxü nagagü i ngëma dexáarü chuxchuxügü i maxëëruü. Rû Tupana tá tüxü inanapi i guxüma i tümagüüxëtü”, ñanagürü.

8

Yema norü 7 ga ñaxtachipëxëruüchiga rû yema buetare ga uirunaxcëxchiga

¹ Rû yëxguma guma pecaduarü ütanüçëx yucü yagauyëgu ga yema norü 7 ga yema poperaarü ñaxtachipëxëxü, rû ngäxü ga ora nachipetüanëmare ga daxügüxü ga naãnewa.

² Rû ñuxüchi nüxü chadau ga yema 7 ga Tupanaärü orearü ngeruügü ga daxüçüâx ga yëxma Tupanapëxëgu chigüxü. Rû wüxichigü nanayaxu ga norü corneta ga nüxna naxáxüne.

³ Rû yemawena inangu ga wüxi ga to ga Tupanaärü orearü ngeruü ga daxüçüâx. Rû yëma nanange ga wüxi ga norü buetare ga uirunaxcëx ga pumaraarü gutëxëruü. Rû yema uirunaxcëx ga pumaraarü gutëxëruütaxmüpëxëgu nachí. Rû nanayauxtëxe ga taxü ga pumara ga nüxna naxáxü na yema tochicaxüpëxëwa yëxmaxü ga pumaraarü gutëxëruütaxmüwa yaguáxüçëx, na yemaácü Tupanana naxáxüçëx ga yema pumaratëxe na yema pumaraema rû wüxigu Tupanaärü duüxügüarü yumüxëmaã Tupanaxütawa nangüçëx.

⁴ Rû yema pumaratëxe ga yema orearü ngeruüäxü yëxmaxü rû daxü naxüëma wüxigu namaã ga Tupanaärü duüxügüarü yumüxëgü ñuxmata Tupanaxütawa nangu.

⁵ Rû ñuxüchi ga yema orearü ngeruü rû nanayaxu ga yema buetare ga pumaraarü gutëxëruü. Rû yema pumaraarü gutëxëruütaxmüwa nanayaxu ga äwe ga naícü, rû gumamaã nanaxüäcu ga guma buetare. Rû ñuxüchi ñoma ga naãneëtügu nanaña. Rû yëxgumatama poraácü naduruächiane, rû poraácü nicuxcuane rû nibëjxëxane rû naxíxächiane.

Tupanaärü orearü ngeruügü ga daxüçüâxärü cornetachiga

⁶ Rû yëxguma ga yema 7 ga Tupanaärü orearü ngeruügü ga daxüçüâx ga icornetaäxü, rû nügü inamëxëëgü na nagu yacuegüxüçëx.

⁷ Rû wüxi ga yema Tupanaärü orearü ngeruü rû nüxíra nayacue ga norü corneta. Rû yëxgumatama ñoma ga naãneëtügu narüyi ga gáuxü rû üxüema ga nagümaã äëüxü. Rû wüxi

ga yema norü tomaëxpûxarü üye ga ñoma ga naâne rü nixa. Rü yexgumarüü ta wüxi ga yema norü tomaëxpûxarü üye ga naïxnecü rü nixa. Rü guxûma ga natüane rü nixae.

⁸ Rü yema norü taxre ga Tupanaârü orearü ngerüü rü nayacue ga norü corneta. Rü ñuxûchi wüxi ga ñacü ga taxûchixü ga namëxpûneraïxü ga iyauxraxü, rü yexma taxtü ga taxügu nanaña. Rü wüxi ga yema norü tomaëxpûxarü üye ga taxtü rü nagüxü nananguxuchi.

⁹ Rü wüxi ga yema norü tomaëxpûxarü üyetücumü ga yema taxtüwa maxëxü, rü nayue. Rü yexgumarüü ta wüxi ga yema norü tomaëxpûxarü üyetücumü ga wapurugü, rü inayi.

¹⁰ Rü yema norü tomaëxpûx ga Tupanaârü orearü ngerüü, rü nayacue ga norü corneta. Rü ñuxûchi wüxi ga taxûchicü ga woramacuri ga taemaxûchicü rü daxüwa narüngu. Rü wüxi ga omü ga ixaxürüü nixi. Rü nagu nangu ga wüxi ga yema norü tomaëxpûxarü üye ga natügu rü natüxacügü.

¹¹ Rü guma woramacuri rü Üxüxü nixi ga naega. Rü wüxi ga yema norü tomaëxpûxarü üye ga guxûma ga dexá rü naxüxchiü. Rü muxûma ga duïxügü rü yema dexáwa nayue yerü naxüxchiü.

¹² Rü yema norü ägümücü ga Tupanaârü orearü ngerüü rü nayacue ga norü corneta. Rü wüxi ga yema norü tomaëxpûxarü üye ga üëxcü rü nixo. Rü yexgumarüü ta wüxi ga yema norü tomaëxpûxarü üye ga tauemacü rü woramacurigü rü ëtagü rü nixo. Rü yemaäcü wüxi ga yema norü tomaëxpûxarü üye ga guxûma ga yema rü naxëane. Rü ga ngunecü rü ägümücü ga ora naxëane. Rü ga chütacü rü ägümücü ga ora nataxuma ga tauemacü rü bai ga woramacurigü rü bai ga ëtagü.

¹³ Rü yemawena ichadawenü rü nüxü chaxînü ga wüxi ga İyü ga daxügu İxexeïxü ga tagaäcü ñaxü:

“Nangechaütümügü i ngëma duïxügü i yea pecaduäxü i naânewa maxëxü i ngëxguma yacuegüagu tá ya norü cornetagu i ngëma togü i tomaëxpûx i Tupanaârü orearü ngerüügü”, ñaxü.

9

¹ Rü yema norü wüximëxpûx ga Tupanaârü orearü ngerüü, rü nayacue ga norü corneta. Rü nüxü chadau ga wüxi ga woramacuri ga daxüwa rünguü ga ñoma ga naânegu ngücü. Rü guma woramacuri nanayaxu ga yema äxmaxü ga taguma iyacuáxü rü chawi.

² Rü nayawäxna ga yema äxmaxü ga taguma iyacuáxü. Rü yema inayagoema ga caxixü ñoma wüxi i taxü i üxearü caxixürüü. Rü yema caxixü rü nanaxëmaxë ga üëxcü.

³ Rü yema caxixüwa inachoxü ga munügü ga naânegtügu yixü. Rü yema munügü rü nanayauxgü ga pora ga nüxna naxäxü na ñoma tuxchinawerüü duïxügüxü nachixüxcëx.

⁴ Rü yema munümaä nüxü nixu na tama natüanexü nachixexëxüxcëx rü bai i ñacü rü nanetügü rü bai i ñacü rü naigü. Natürü nanamu na nachixexëgüäxüxcëx ga yema duïxügü ga tama Tupanaârü cuëxruü nacatüwa yexmaxü.

⁵ Natürü tama nanamu na yema duïxügüxü nadëxüxcëx. Natürü nanamu na ngüxü nüxü yangexëmaregüxüxcëx ga wüximëxpûx ga tauemacü. Rü yema ngüxü ga nüxü yangexëgüxü, rü ñoma tuxchinawe duïxügüxü chixürüü nixi.

⁶ Rü ngëma ngunexügü rü duïxügü tá naxcëx nadaugü na nayuexü, natürü täütama nayue. Rü woo nanaxwëxegüxüchi na nayuexü, natürü taxucürüwatama nayue.

⁷ Rü yema munügü rü ñoma cowaru i guerawa İxürüü nixigü. Rü naëruwa nüxü nayexma ga ñacü ga ñoma ngëxcuerüü ga uirunaxcëxürüü İxigüxü. Rü nachiwe rü nanaduïxüchiweraxügü.

⁸ Rü nayaegü rü ñoma ngeäxyaerüü nixigü. Rü napütagu rü ñoma aipütägürüü nixigü.

⁹ Rü naxünewa nayexma ga norü poxürüü ga fierunaxcëx. Rü naxpëxatügüga rü ñoma muxüchine ya caru ya guerawa cowaru tügünegarüü İxixü.

¹⁰ Rü nareexügü rü ñoma tuxchinawerüü naxëne. Rü yema naneguwa rü naxäguchata na wüximëxpûx ya tauemacü duïxügüxü ngüxü yangexëgüxüxcëx.

¹¹ Rü yema munügarü äëxgacü, rü yema äxmaxü ga taguma iyacuáxü rü dauruü nixi. Rü Yudiügüga ga yema munügarü äëxgacü, rü Abadóü nixi. Rü Griégügüga rü Apolióü nixi. Rü ngëma rü: “Chixexëëruü”, ñaxüchiga nixi.

¹² Rü yexma nayacuëx ga yema nüxiraïxü ga chixexü ga taxü, natürü İnayaxüama ga to ga taxre.

¹³ Rü yema norü 6 ga Tupanaârü orearü ngerüü rü nayacue ga norü corneta. Rü nüxü chaxînü ga wüxi ga naga ga yema Tupanapëxewa yexmaxü ga uirunaxcëx ga pumaraarü gutëxerüütaxmüwa inaxüxü.

¹⁴ Rü yema naga rü nanamu ga yema orearü ngerüü ga cornetaäxü, rü ñanagürü nüxü: “İyawëgüxü i ngëma ägümücü i orearü ngerüügü i Chatanaârü İxigüxü i taxtü i Eufatégu ngäxügüxü!” ñanagürü.

¹⁵ Rû yemaâcü niwêgüxü ga yema âgümücü ga orearü ngeruüğü na nadaiâxüçêx ga wüxi ga yema norü tomaêxpüxaru üyetücumü ga duüxüğü. Yerü ga yema orearü ngeruüğü rü woetama yemacêx ínamemaregü na yema ora rü yema ngunexü rü guma tauemacü rü guma taunecü nadaiâxüçêx ga yema duüxüğü.

¹⁶ Rû nüxü chaxínü na ñuxre na yíixü ga yema orearü ngeruüğüaru churaragü ga cowaruétügu íxü. Rû 200 miyónégü nixíğü.

¹⁷ Rû yemaâcü nixí ga nüxü chadauxü ga yema cowarugü ga yexguma changoxetügu. Rû yema churaragü ga yema cowaruétügu íxü rü nüxü nayexma ga norü ngêcxuxüdnexü ga poxüruü íxíxü ga ñoma üxüxetürüü iyauraxü. Rû yema poxüruü rü nixâmatü rü nidaumatü rü niyêuxmatü rü nidexmatü. Rû yema cowaruerugü rü ñoma aierurüü nixíğü. Rû naâxgüwa ínaxüxü ga üxüema rü caxixü rü azufre.

¹⁸ Rû wüxi ga norü tomaêxpüxaru üyetücumü ga duüxüğü rü nayue namaâ ga yema tomaêxpüx ga chixexêêruü ga üxüema rü caxixü rü azufre ga yema cowarugüêxwa íchoxüxü.

¹⁹ Yerü ga yema cowarugü rü naâxwa rü nareexüwa nixí ga nüxü nayexmaxü ga norü pora na duüxügüxü nadêjixüçêx. Yerü ga nareexüğü rü ñoma âxtaperüü nixíğü, rü yemamaâ nanangöx ga duüxüğü rü ngüxü nüxü ningexêê rü nanadaí.

²⁰ Natürü ga yema togü ga duüxüğü ga tama yema poxcuruüğümaâ yuexü, rü tama nüxü narüxoe ga yema chixexüğü ga naxügüxü. Rû tama nüxü narüxoe na nüxü yacuèxüüğüxü ga ngoxogü rü norü tupananetachicünêxâgü ga uirunaxcêx rü dîerumünaxcêx rü cobrenaxcêx rü nutagünaxcêx rü naíñaxcêx. Rû yemaâcü nüxü nicuèxüüğüama ga yema norü tupanane-tachicünêxâgü ga ngearü maxüâxü rü tama nüxü dauxü rü tama nüxü íñüxü rü tama íxüxü.

²¹ Rû tama nüxü narüxoe na namâétagüxü, rü yayuüexü, rü nangêâêgüxü rü nangîtêxgüxü.

10

Orearü ngeruü ga nüxü yexmaxü ga popera ga idixixüchiga

¹ Rû nüxü chadau ga wüxi ga to ga Tupanaârü orearü ngeruü ga daxügüxü ga naânewa íruxíxü. Rû wüxi ga caixanexüârü ngâxüwa nayexma, rü wüxi ga chirapa naétügu nabo. Rû nachiwe rü ñoma üêxcürüü niyauracüü. Rû naparagü rü ta ñoma üxüemaruü niyauracüü.

² Rû naxmêxwa nüxü nayexma ga wüxi ga poperaxacü ga íwêgüxü. Rû norü tügünepara rü taxtü i taxüetügu nachicutü. Rû norü foxwepara rü waixüümüânegu nachicutü.

³ Rû ñuxüchi ga nüma rü tagaâcü aita naxü ñoma wüxi ya ai ya tagaâcü aita ücürüü. Rû yexguma aita naxüxgu rü 7 êxpüxcüna naduruâchiane.

⁴ Rû yexguma yema 7 êxpüxcüna na naduruâchianexüguwena rü chanaxümatüchaü. Natürü nüxü chaxínü ga wüxi ga naga ga daxügüxü ga naânewa ínaxüxü ga ñaxü choxü:

“¡Tâxü i cunangoxêêxü i ngêma 7 i duruanexü nüxü íxuxü! ¡Rü ngexrüma na cunaxümatüxü!” ñaxü choxü.

⁵ Rû ñuxüchi ga yema Tupanaârü orearü ngeruü ga nüxü chadauxü na taxtü ga taxüetügu rü waixüümüetügu nachicutüxü, rü daxü naxunagü ga norü tügünechacüü.

⁶ Rû ínaxuneta naegagu ga Tupana ya yima guxüguma maxücü ya yima naxücü i daxügüxü i naâne rü ñoma i naâne rü taxtü i taxü rü guxüma i íacü nawa ngêxmagüxü. Rû ñanagürü ga yema orearü ngeruü:

“Ñuxma rü marü táütáma nuxcü níngu i ngêma Tupana nüxü íxuxü.

⁷ Erü ngêxguma nawa nanguxgu na ngêma norü 7 i Tupanaârü orearü ngeruü ínaxügüxü na yacueâxü ya norü corneta, rü ngêxguma tá nixí i yanguxü ga yema noxri êxügüxü ga Tupanaârü uneta, yema nuxcümaüğüxü ga norü orearü uruüğümaâ nüxü yaxuxü”, ñanagürü.

⁸ Rû yema naga ga noxri nüxü chaxínüxü ga daxügüxü ga naânewa ínaxüxü, rü wenaxârü chomaâ nidexa. Rû ñanagürü choxü:

“¡Naxütawa naxü i ngêma Tupanaârü orearü ngeruü i taxtü i taxüetügu rü waixüümüâneetügu chicutüxü! ¡Rü nüxna nayaxu i ngêma poperaxacü i marü íwêgüxü i naxmêxwa ngêxmamaxü!” ñanagürü.

⁹ Rû naxütawa chaxü ga yema orearü ngeruü, rü nüxna naxcêx chaca ga yema poperaxacü na choxna naxâxüçêx. Rû nüma rü ñanagürü choxü:

“Ñaá nixí. ¡Rü nayaxu rü nangöx! Rû cuèxwa rü berurerüü tá namaícura. Natürü cuanüwa rü tá nanaxüxâchi”, ñanagürü choxü.

¹⁰ Rû yema orearü ngeruümxêwa chanayaxu ga yema poperaxacü, rü chanangöx. Rû chauèxwa rü berurerüü namaícura. Natürü yexguma chanangöxguwena rü chauanüwa rü nanaxüxâchi rü changuxneca.

¹¹ Rû ñuxüchi chomaâ nüxü nixu, rü ñanagürü choxü:

“Name nixí na wenaxârü Tupanaârü orexü quixuxü namaã i muxüma i nagüxüraüxü i duüxügü, rü muxüma i nachüüñecüñaxgü i duüxügü, rü muxüma i duüxügü i to i nagawa idexagüxü, rü muxüma i nachüüñegüarü ãëxgacügü”, ñanagürü choxtü.

11

Taxre ga orearü uruüchiga

¹ Rü yemawena chanayaxu ga wüxi ga dexnemenèxã ga ngugürü ixüxüne ga choxna naxãxüne. Rü guma choxna naxãcü rü ñanagürü choxtü:

“¡Inachi rü nangugü ya yima Tupanapata rü ngëma pumaraarü gutëxeruütaxmü! ¡Rü yaxugü rü ñuxre yüxü i ngëma duüxügü i ngëma Tupanaxü icuëxüügüxü!

² ¡Natürü ngëma naãxtü ya Tupanapata, rü täütãma cunangugü! Erü ngëma duüxügü i tama Tupanaãxü yaxögüxüna marü nanaxã. Rü nümagü rü tomaëxpüx ya taunecüarü ngãxü tá chixexü namaã naxügü ya yima ñãne ya ünene ya Yerucharëü.

³ Rü choma rü tá chanamu i taxre i chorü orearü uruügü na 1,260 i ngunexü duüxügümaã nüxü yaxugüxüxcëx i chorü ore. Rü nümagü i ngëma taxre rü tá niwëxchiru na ngëmawa duüxügü nüxü cuëxgüxcëx na ngechaü nüxü nguxgüxü”, ñanagürü choxtü.

⁴ Rü ngëma taxre i orearü uruügü nixí i norü cuëxruü i ngëma taxre i nanetü i orübu rü ngëma taxre i weraarü uruügü i torü Cori ya ñoma i naãnearü yora ixícüpëxewa ngëxmagüxü.

⁵ Rü ngëxguma texé chixexü namaã ügüchaügu i ngëma taxre i orearü uruügü, rü nümagü rü üxüema ya naãxwa ñacuexechinemaã tüxü tá ñagu. Rü ngëmaãcü tá inayanaxoxëë i norü uwanügü. Rü ngëmaãcü tá tüxü nadai ya yixema chixexü namaã ügüchaüxë.

⁶ Rü ngëma taxre i orearü uruügü rü nüxü nangëxma i pora na íyachaxächixüxcëx ya pucü na tama napuxüxcëx i guxüma i ngëma 1,260 i ngunexügü i nagu Tupanaârü orexü yaxugüxü. Rü ngëxgumarüü ta nüxü nangëxma i pora na nagüxü yaxixëëgüãxüxcëx i dexá. Rü ngëxgumarüü ta nüxü nangëxma i pora na ñoma i naãnewa namugüãxüxcëx i nagüxüraüxü i poxcuruügü na ngëmaãcü ngüxü duüxügüxü yangexëëgüxüxcëx i ngëxguma ngëma taxre naxwëxëgügu.

⁷ Natürü ngëxguma ngëma taxre i orearü uruügü naguxëëgügu na nüxü yaxugüxü i Tupanaârü ore, rü ngëma ngoxo i ngëma äxmaxü i taguma iyacuãxüwa íxüxüxü, rü tá ngëma taxrena nayuxu. Rü tá nüxü narüyexera, rü tá nanadai.

⁸ Rü ngëma naxünegü i ngëma taxre rü tá yima ñãne ga torü Cori nawa curuchawa ipotane ya Yerucharëüarü itamügüwa nawogü. Rü yima ñãne rü nachixe rü ngëmacëx Chodomaârü ñãnemaã i Equituanemaã nanaxugü.

⁹ Rü tomaëxpüx i ngunexüârü ngãxü rü muxüma i nagüxüraüxü i duüxügü rü muxüma i guxü i nachüüñecüñax i duüxügü rü muxüma i duüxügü i to i nagawa idexagüchigüxü, rü tá nüxü nadaugü i naxünegü. Rü täütãma nanaxwëxëgü na texé inatëxgüxü.

¹⁰ Rü ngëma duüxügü i ñoma i naãnewa maxëxü rü tá nataãëgü na marü nayuxëü i ngëma taxre. Rü ngëma na poraãcü nataãëgüxüchixü rü tá nügüna ãmare naxãgü, yerü yema taxre ga orearü uruügü rü poraãcü nanachixewe rü naãewa nananguxëëgü.

¹¹ Natürü yema tomaëxpüx ga ngunexüârü ngãxüguwena, rü Tupana wenaxârü nana-maxëxë ga yema taxre. Rü wenaxârü ñnarüdagü. Rü guxüma ga yema duüxügü ga nüxü daugüxü rü poraãcüxüchi namuë.

¹² Rü ñuxüchi ga yema taxre ga orearü uruügü, rü nüxü naxüñnë ga wüxi ga naga ga tagaãcü daxügüxü ga naãnewa inaxüxü ga ñaxü:

“¡Nuã daxüwa pexü!” ñaxü. Rü yemaãcü ga nümagü rü wüxi ga caixanëxügu daxügüxü ga naãnewa naxü. Rü norü uwanügü rü yëma nüxü narüdaunü.

¹³ Rü yexgumatama poraãcü naxüñaxchiane. Rü wüxi ga yema norü 10 arü üye ga guma ñãne, rü niwëxgü. Rü 7,000 ga duüxügü nayue namaã ga yema ñãxächiane. Rü yema togü ga duüxügü ga maxëxü rü poraãcüxüchi namuë. Rü Tupana ya daxügüxü i naãnewa ngëxmacüxü nicuëxüügü.

¹⁴ Rü yexma nayacuëx ga yema norü taxre ga chixexü. Natürü paxa tá ñangu i ngëma norü tomaëxpüx ixüxü.

Guma norü 7 ga cornetachiga

¹⁵ Rü yema norü 7 ga Tupanaârü orearü ngerüü, rü nayacue ga norü corneta. Rü nayexma ga nagagü ga tagaãcü daxügüxü ga naãnewa inaxügüxü ga ñagüxü:

“Ñüxma rü yima mecü na namaã inacuëxgüxü i ñoma i naãne, rü nüma nixí ya torü Cori ya Tupana rü Nane ya Cristu. Rü nüma rü guxügutãma namaã inacuëxgü”, ñagüxü.

¹⁶ Rü nümagü ga yema 24 ga ãëxgacügü ga norü tochicaxügüwa rütogüxü ga Tupanapëxewa, rü yexma nanangücuchitanü, rü Tupanaxü nicuëxüügü.

¹⁷ Rü ñanagürügü:

“Pa Torü Cori ya Tupana ya Guxdârü Yexera Poracüx, cuma rü woetama cuyexmaêcha, rü ñuxma rü ta cungëxmaêcha. Rû moxê cuxna taxägü, erü marü cugümëxëwa cunangëxmaxëê i guxüma, rü marü icunaxügü na namaã icucuáxü.

¹⁸ Rû ngëma duüxügü i tama cuxrü ixigüxü rü poraäcüxüchi nanuê, natürü nawa nangu i ngëma ngunexü i nagu tá cunapoxcuxëü. Rû ngëxgumarüü ta marü nawa nangu na nüxü quicagüxü i guxüma i duüxügü i yuexü. Rû marü nawa nangu na nüxü cunaxütanüxü i ngëma curü duüxügü i curü orearü uruügü, rü ngëma duüxügü i cupëxewa imexü, rü guxüma i ngëma duüxügü i cuxü muüxëü i yaexü rü buexü. Rû marü nawa nangu na icyanaxoxëëxü i ngëma duüxügü i nachixexëëxü i ñoma i naâne”, ñanagürügü.

¹⁹ Rû ñuxüchi Tupanapata ga daxüguxü ga naãnewa yexmane, rü niwãxna. Rû yëma norü aixepewa nüxü chadau ga yema baú ga Tupanaärü uneta ga nutagu ümatüxü. Rû nibëjxbëxane, rü poraäcü nicuxcuane, rü naxiãxächiane rü poraäcü gáuxü narüyi.

12

Wüxi ga nge rü wüxi ga coya ga taxü

¹ Rû ñuxüchi daxüwa nangox ga wüxi ga cuëxruü ga taxü. Rû iyexma ga wüxi ga nge ga üexürüü iyaurachirucüücü. Rû ngütüücutüwa nayexma ga tauemacü. Rû yema ngürü ngëxcuerü ga ngëruwa yexmaxü, rü 12 ga woramacurigü nixigü.

² Rû yema nge rü itacharaü. Rû poraäcü aita ixü yerü ixíraxacüchaü rü poraäcü ingxnecaxüchi.

³ Rû yemawena daxüwa nangox ga to ga cuëxruü. Rû yëma nayexma ga wüxi ga coya ga taxüchixü ga dauxü ga 7 ga naëru nüxü yexmaxü rü 10 ga naxchatacuxre. Rû wüxichigü ga naëruwa rü nüxü nayexma ga norü ngëxcuerüü.

⁴ Rû nareexümaã inayatüchigü ga wüxitücumü ga norü tomaëxpüxaruü üye ga woramacurigü, rü ñoma ga naãneëtügu nanawogü. Rû yema coya rü ngüpëxegu nayachi ga yema nge ga íraxacüchaücü, yerü tüxü nangöxchaü ga guxema ngíxäcuxe ga yexguma tabuxgu.

⁵ Rû yema nge rü ixíraxacü, rü nayatü. Rû nüma rü tá guxü i nachiüãneärü äëxgacü nixü, rü tá namaã inacuëx. Natürü ga guma ngíne rü Tupana ngxina nanayaxu rü yema inatöxüwa nanaga.

⁶ Rû yema nge rü wüxi ga nachica ga ngextá taxüema íxäpataxüwa íña. Rû yëma Tupana ngíxcëx nanamexëê ga wüxi ga ngíchica na yëma ngíxna nadauxüçëx rü ngíxü naxüwemüxüçëx ga 1,260 ga ngunexü.

⁷ Rû yemawena ga daxüwa rü nügü nadai. Rû Miguere ga Tupanaärü orearü ngeruügüaruü äëxgacü ixícü rü guxüma ga natanüxü ga orearü ngeruügü, rü nügü nadai namaã ga yema coya ga taxüchixü rü norü orearü ngeruügü. Rû yema coya rü ñuxüchi norü orearü ngeruügü i chixexü rü poraäcü Tupanaärü orearü ngeruügümaã nügü nadai.

⁸ Natürü ga yema coya rü norü orearü ngeruügü rü tama Tupanaärü orearü ngeruügüxü narüporamaëgü. Rû ñuxüchi ga yema coya rü norü orearü ngeruügü rü nangechica ga daxüguxü ga naãnewa.

⁹ Rû yemaäcü inatëxüchi ga daxüguxü ga naãnewa ga yema coya ga yema nuxcümaüxü ga äxtape. Rû nüma rü ngoxogo rü Chatanágu naxäega. Rû nüma nixü i guxüma i ñoma i naãneçüãx i duüxügüxü nawomüxëëxü. Rû nüma rü norü orearü ngeruügümaã ñoma ga naãnegu narüwoü.

¹⁰ Rû ñuxüchi nüxü chaxínü ga wüxi ga naga ga daxüguxü ga naãnewa tagaäcü ñaxü:

“Ñuxma rü marü nawa nangu na torü Tupana rü norü duüxügüxü namaxëxëëxü. Rû ñuxma rü nüma tüxü nüxü nadauxëê na guxdârü yexera naporaxü rü guxdârü äëxgacü yüxü. Rû Nane ya Cristu rü marü tüxü nüxü nadauxëê na guxümaã inacuáxü. Yerü marü daxüguxü ga naãnewa inatëxüchi ga Chataná ga ngunecü rü chütacü torü Tupanapëxewa taeneëgüxü yeüçürü ixuechaxü.

¹¹ Rû nümagü ga yema taeneëgü, rü marü Chatanáxü narüyexeragü nagügagu ga guma pecaduarü ütanüçëx yucü rü nagagu ga Tupanaärü ore ga nüxü yaxügüxü. Yerü ga nümagü rü tama nayanuxügü ga norü maxü, rü inamemaregü na Tupanacëx nayuexü.

¹² ¡Rü ngëmacëx petaäëgü i guxäma i pema i daxüguxü i naãnewa ngëxmagüxe! ¡Natürü pengechautümüügü i pema i yea naâne i pecaduáxüwa ngëxmagüxe rü taxtü i taxüwa ngëxmagüxe! Erü ngëma ngoxo i Chataná rü marü petanügu narütáe. Rû poraäcü nanu i nüma erü marü noxretama i ngunexü nüxü inayaxü na chixexü naxüxü, erü paxa tá napoxcu”, ñanagürü ga yema naga.

¹³ Rû yema coya ga taxüchixü ga Chataná nagu icüxü rü yexguma nügü yacuëxächigu ga ñoma ga naãnegu na natëxü, rü ngíwe ningëchigü ga yema nge ga íraxacücü.

¹⁴ Natürü ga Tupana rü ngíxü naxüxpexatü ga yema nge. Rû nanaxüyüpexatügüxaxü. Rû yemaäcü nachica ga ngextá taxüema íxäpataxüwa íña naxchaxwa ga yema coya ga Chataná

nagu icúxũ.. Rú yema nachicawa nixĩ ga Tupana ngĩxna dauxũ, rú ngĩxũ úwemúxũ ga tomaẽxpũx ga taunecuarũ ngãxũ.

¹⁵ Rú yema coya ga Chataná rú dexá nügüèxwa ínaxũxũxèè na wüxi ga natũ naxũxũcèx, rú yema natũmaã ngĩxũ yachaxèèxũcèx ga yema nge.

¹⁶ Natürü ga waixũtmü rú ningèx na iyachexèèãxũcèx ga yema dexá ga coya nügüèxwa íxũxũxèèxũ.

¹⁷ Rú ñuxũchi ga yema coya ga Chataná, rú poraãcũxũchima ngĩmaã nanu ga yema nge. Rú ínixũ na nügü namaã yadèjũxũcèx ga yema togü ga ngĩxãcũgü ga yema nge. Rú ngẽma ngĩxãcũgü i ngẽma coyamaã nügü dèjũxũ, rú ngẽma nixĩ i ngẽma duũxũgü i meã Tupanaãrũ orega ínũèxũ rú meã yaxõgüechaxũ i Ngechuchu ya Cristuarũ ore i aixcũma íxĩxũ. Rú ñuxũchi ga yema coya rú norü numaã taxtũ ga taxtũãnacũgu nayarũũ.

13

Taxre ga ngoxogũchiga

¹ Rú nüxũ chadau ga wüxi ga ngoxo ga taxtũ ga taxtũgu íñuãchixũ ga 7 eruxũ rú 10 chatacuxrexũ. Rú wüxichigü ga naxchatacuxrewa rú nüxũ nayexma ga norü ngèxcuerũ. Rú naerugũ naxũmatü ga ñuxre ga naegagü ga Tupanamaã guxchigagũxũ.

² Rú yema ngoxo ga nüxũ chadauxũ, rú wüxi ga airũ nixĩ. Rú naxmèxgü rú chatü ga taxtũmèxgürũ nixĩ. Rú naãx rú wüxi ga aièxritũ nixĩ. Rú yema coya ga Chataná rú yema ngoxoxũ naporaxèè na naxrũ naporaxũcèx rú naxrũ ãèxgacü yĩxũcèx na ñoma ga naãnemaã inacuãxũcèx.

³ Rú wüxi ga naèruwa ga yema ngoxo, rú nüxũ nayexma ga wüxi ga taxtũ ga norü oxri ga namaã nayuxchaxũ. Natürü ga yema norü oxri rú nüxũ nixè, rú naxcèx nitaane. Rú guxũma ga ñoma ga naãnecũãx ga duũxũgü rú poraãcü yema ngoxomaã naãaixãchie, rú nawe narũxi.

⁴ Rú ga duũxũgü rú yema coya ga Chatanáxũ nicuèxũũgü yerü yema ngoxoxũ naporaxèè na ãèxgacü yĩxũcèx. Rú yexgumarũ ta yema ngoxoxũ nicuèxũũgü, rú ñanagürũgü:

“¿Texé tangèxma ya ñãã ngoxorũü poraxe? ¿Rü texé tapora na namaã tũgü tadèjũxũ?” ñanagürũgü.

⁵ Natürü ga Tupana rú tama yema ngoxona nanachũxu na nügü yacuèxũũxũcèx rú tacü Tupanamaã yaxugũxũcèx rú ãèxgacü na yĩxũcèx ga 42 ga tauemacü.

⁶ Rú yemaãcü chixexũ naxü ga yema ngoxo. Rú poraãcü tacü Tupanamaã nixugü. Rú Tupanamaã naguxchiga, rú napatamaã rú ta naguxchiga, rú tũmamaã naguxchiga ya guxãma ya yixema daxũguxũ i naãnewa ngèxmagũxe.

⁷ Rú yema coya ga Chataná rú yema ngoxoxũ naporaxèè na Tupanaãrũ duũxũgũmaã nügü nadèjũxũcèx ñuxmatáta tũxũ nayexera. Rú ãèxgacũxũ nayaxĩxèè na namaã inacuãxũcèx ga nagũxũraũxũ ga duũxũgü ga guxũma ga nachiuãnecũãx ga nagũxũraũxũ ga nagawa idexagũxũ.

⁸ Rú tá ngẽma ngoxoxũ nicuèxũũgü i guxũma i duũxũgü i ñoma i naãnewa maxèxũ i noxritama naãne ùxgu ngeéagũxũ nawa i norü popera ya yima pecaduarũ útanũcèx yucü i nagu yawũgũãxũ i ngẽma duũxũgü i marü Tupana nüxna naxãxũ i maxũ i taguma gũxũ.

⁹⁻¹⁰ Rú ngèxguma texé ãxchixègu, rú name nixĩ i naga taxĩnũ i ñãã tá pemaã nüxũ chixuxũ. Rú ngèxguma texé tũmamaã naxuegugu na tũxũ yayauxgũxũ, rú noxtacũma tá tiyaxu. Rú ngèxguma texé tũmamaã naxuegugu na tũxũ yamèxgũxũ, rú noxtacũma tá tũxũ nimèxgü. Rú ngẽmacèx ya yixema Tupanaãrũ duũxũgü íxĩgũxe, rú woo tacü rú guxchaxũ tũxũ ngupètũgu, rú tanaxwèxe na yaxna namaã taxĩnũèxũ rú tayaxõgũamaxũ.

¹¹ Rú yemawena nüxũ chadau ga wüxi ga to ga ngoxo ga taxrechatacuxrexũ ga waixũmũãnewa íxũxũxũ. Rú yema naxchatacuxre rú ñoma carneruchatacuxrerũ nixĩ. Natürü ga naga rú wüxi ga coya ga taxũchixũgarũ nixĩ.

¹² Rú yexguma yema nüxĩraũxũ ga ngoxopèxewa nayexmagu, rú naxrũõtama napora. Rú ñoma ga naãnemaã inacuèx, rú nanamu ga ñoma ga naãnewa maxèxũ ga duũxũgü na yema nüxĩraũxũ ga ngoxo ga ixèãrũ oxriãxũxũ na yacuèxũũgũxũcèx.

¹³ Rú yema ngoxo nanaxũ ga taxtũ ga cuèxruũgü ga duũxũgü tama nüxũ cuãxũ na naxũgũãxũ. Rú daxũwa nanayixèè ga üxü, rú ñoma ga naãnegu nayĩ napèxewa ga duũxũgü.

¹⁴ Natürü ga Tupana rú tama yema ngoxona nanachũxu na ñoma ga naãnewa maxèxũ ga duũxũgũxũ nawomũxèèxũ namaã ga yema cuèxruũgü ga yema nüxĩraũxũ ga ngoxopèxewa naxũxũ. Rú yemaãcü ga yema ngoxo rú duũxũgũxũ namu na naxũgũãxũcèx ga naxchicünèxã ga yema nüxĩraũxũ ga ngoxo ga taramaã chexexũ rú poraãcü rüxõxũ rú tama yuxtũ.

¹⁵ Rú Tupana rú tama yema to ga ngoxona nanachũxu na namaxèèãxũcèx ga yema nüxĩraũxũ ga ngoxochicünèxã. Rú yemaãcü ga yema ngoxo rú nanamaxèè ga yema

naxchicünèxã na yadexaxücèx rü na nadaiãxücèx ga guxüma ga yema duüxügü ga tama nüxü icuèxüügüxü.

¹⁶ Rü yexgumarüü ta guxüma ga duüxügüxü namu na norü tügünemèxèwa rü èxna nacadüwa nüxü na nayexmaxücèx ga wüxi ga cuèxruü ga yema ngoxoéga ixixü. Rü yemaäcü nanamu ga guxüma ga duüxügü rü woo buxü rü èxna yaxü, rü woo duüxügü i muärü dièrûãxgüxü rü èxna ngearü dièrûãxgüxü, rü woo duüxügü i ngearü coriãxgüxü rü èxna duüxügü i ixãärü coriãxgüxü.

¹⁷ Rü taxucürüwa texé tümaärü ñacücèx tataxe rü èxna tümaärü ñacümaã tataxe ga yexguma tümaärü tügünemèxèwa rü èxna tümacatüwa tüxü natauxgu ga yema ngoxoéga rü èxna yema ngoxoégaarü cuèxruü ga número.

¹⁸ Rü ñaã orexü na icuãxücèx, rü tanaxwèxe na tüxü nangèxmaxü i törü cuèx. Rü yixema tüxü nangèxmaxè i tümaärü cuèx, rü name nixü i tanangugü i ngèma número i ngèma ngoxoéga ixixü. Erü ngèma número rü wüxi i yatüégachirèx nixü. Rü ngèma número rü 666 nixü.

14

Yema 144,000 ga duüxügüarü wiyae

¹ Rü yemawena ichadawenü, rü nüxü chadau ga guma pecaduarü ütanücèx yucü ga guma mëxpüne ga Siðügu äeganeeügu chicü. Rü naxütawa nayexma ga 144,000 ga duüxügü ga nacadüwa ixãegaxü namaã ga guma pecaduarü ütanücèx yucüéga rü Nanatü ya Tupanaega.

² Rü ñuxüchi nüxü chaxinü ga wüxi ga naga ga tagaxü ga daxügüxü ga naãnewa inaxüxü ga ñoma taxü i cotüna i chuxchuxügarüü ixixü rü ñoma poraãcü yaduruanexürüü ixixü rü ñoma muxüchixü i duüxügü i arpawa ipaxetagüxürüü ixixü.

³ Rü yema 144,000 ga duüxügü rü nagu nawiyaeügu ga wüxi ga yexwacaxüxü ga wiyae napèxewa ga Tupanaärü tochicaxü rü napèxewa ga yema ägümücü ga daxüdüãx ga maxèxü rü napèxewa ga yema 24 ga äëxgacügü. Rü taxucürüwama texé ga togue nüxü tacuèxéga ga yema wiyae. Rü yema 144,000 ga duüxügüxicatama nixü ga nüxü cuèxgüxü. Rü yema nixü ga Tupana ñoma ga naãnewa deixü na namaxèxèèãxücèx.

⁴ Rü yema nixü ga duüxügü ga tama ñoma ga naãneärü ngüchaü i chixexümaã nügu äüächiarü maxüãxgüxü rü tama nüxü rüxoexü na Tupanaãxü yaxögüãxü. Rü nümagü rü yima Tupana Nane ga pecaduarü ütanücèx yucüwe narüxü i ngextá inaxüdüwa. Rü yemagü nixü ga ñoma ga naãneçüãxtanüwa nüxira Tupana naxècx taxexü na noxrü rü Naneärü duüxügü i üünexü yixügüxücèx.

⁵ Rü yematanüwa rü tagama texé nüxü taxinü na doraxü yaxugüxü, erü Tupanapèxewa rü nataxuma i norü chixexü.

Orearü ngeruügu ga daxüdüãxärü orechiga

⁶ Rü ñuxüchi nüxü chadau ga wüxi ga to ga orearü ngerüü ga daxügüxü ga naãnegu ixexèxü ga iyangexü ga Tupanaärü ore i guxügutáma ixixü, na guxü i nachüüãneçüãxgümaã rü nagüxüraüxü i duüxügümaã rü guxüma i duüxügü i nagüxüraüxü i nagawa idex-agüxümaã nüxü yaxuxücèx. Rü yemaäcü inayange ga yema Tupanaärü ore na guxüma i ñoma i naãnewa maxèxü i duüxügümaã nüxü yaxuxücèx.

⁷ Rü tagaäcü ñanagürü:

“¡Nüxü pemuðè ya Tupana rü nüxü picuèxüügü! Erü marü nawa nangu na guxüma i duüxügüna naçaxü. ¡Rü nüxü picuèxüügü ya yima naxücü i daxügüxü i naãne rü ñoma i naãne rü taxü i taxü rü guxüma i natüxacügü!” ñanagürü.

⁸ Rü yemawena nangox ga to ga orearü ngerüü ga daxüdüãx, rü ñanagürü:

“Marü nagu nayarüchixe ya yima ñane ya taxüne ya Babiróniã, rü nagu napogüe rü nayawèxtaügüxèè ya norü ñgü. Yerü yema ñaneçüãx rü nanachixexèè ga guxüma ga to ga nachüüãneçüãx ga duüxügü. Rü guxüma ga yema duüxügüxü namu na naxügüãxücèx ga yema chixexü ga guma ñanewa naxügüxü ga Tupanapèxewa poraãcü chixexü”, ñanagürü.

⁹⁻¹⁰ Rü yemawena nangox ga to ga orearü ngerüü ga tagaäcü ñaxü:

“Ngèxguma chi texé nüxü icuèxüügu i ngèma ngoxo rü naxchicünèxãxü ticuèxüügu rü tügü itaxãxu na tümacatüwa rü èxna tümamèxèwa ngèma ngoxoégamaã tacuèxruüãxü, rü Tupana rü poraãcüxüchi tá tüxü napoxcu namaã i ngèma poxcu i guxüärü yexera ixixü i nümatama ya Tupana norü numaa namexèèxü. Rü üxümaã rü azufre i iyauraxümaã tá ngüxü tüxü ningexèè napèxewa i norü orearü ngerüü rü napèxewa ya yima Nane ga pecaduarü ütanücèx yucü.

¹¹ Rü naèma ya yima üxü ya nawa Tupana ngüxü tüxü ingexèene, rü guxügutáma ngema nicaixqueecha. Rü bai i írarüwa tá tüxü narüna i ngèma ngüxü ya yixema ngèma ngoxoxü rü

ngēma ngoxochicünèxãxũ icuèxũũgũxe rü tügũ ixãxê na ngēma ngoxoégamaã taxãegaxũ. Rü bai i ngunecũ rü bai i chütacũ tá tüxũ narũna i ngēma ngũxũ”, ñanagürü.

¹² Rü ngēmacèx ya yíxema Tupanaärü duũxũgũ ixĩgũxe rü norü orega ñnũxê rü Ngechuchuxaxũ yaxõgũxe, rü name nixĩ na yaxna namaã taxĩñũxũ rü tayaxõgũamaxũ ega woo tacũ rü guxchaxũ tüxũ ngupetũgũ.

¹³ Rü ñuxũchi nüxũ chaxĩnũ ga wũxi ga naga ga daxũguxũ ga naãnewa inaxũxũ ga ñaxũ choxũ:

“¡Naxũmatũ i ñaã ore i tá cumaã nüxũ chixuxũ! Rü ñuxmaũcũü tá tataãgũ ya yíxema tórũ Coriaxũ meã yaxõgũãcũma yuexe. Erũ Tupanaãe i Üünexũ rü ñanagürü: ‘Ngũ, ngēmáãcũ tá tataãgũ ya yíxema, erũ tá itarũngũê nüxna i túmaärü puracũgũ. Rü ngēma mexũ i taxũgũxũ rü túmamaã wixigu daxũguxũ i naãnewa tá naxũ’”, ñanagürü.

Ñoma i naãnewa nanade i ngēma duũxũgũ i Tupanaärü ixĩgũxũ

¹⁴ Rü ñuxũchi ichadawenũ rü nüxũ chadau ga wũxi ga caixanexũ ga cómũxũ. Rü yema caixanexũtũwa narũto ga Tupana Nane ga duũxũxũ ixĩcũ. Rü naëruwa nayexma ga wũxi ga norü ngëxcuerũ ga uirunaxcèx. Rü namëxwa nayexma ga wũxi ga cũxchi ga ñapomaguxũ ga tãxechixũ.

¹⁵ Rü Tupanapatawa ñaxũxũ ga wũxi ga to ga orearũ ngerũ ga tagaãcũ ñaxũ nüxũ ga guma caixanexũtũwa rütocũ:

“¡Inaxũgũ na cunadexũ i ngēma duũxũgũ i cuxrũ ixĩgũxũ! Erũ marũ nawa nangu na cugũũtawã cunagagũxũ, erũ ngēma curũ duũxũgũ i ñoma i naãnewa ngëxmagũxũ rü ñanamemare na cunadexũ”, ñanagürü.

¹⁶ Rü ñuxũchi ga guma yema caixanexũtũwa rütocũ rü ñoma trigu i buxuxũrũ ñaãneetũgũ ngĩmaã nayabuãchi ga norü cũxchi. Rü nanade ga yema norü duũxũgũ ga ñoma ga naãnewa yexmagũxũ.

¹⁷ Rü ñuxũchi daxũguxũ i naãnewa ngëxmane ya Tupanapatawa ñaxũxũ ga wũxi ga to ga orearũ ngerũ ga nüxũ nayexmacũ ga wũxi ga cũxchi ga ñapomaguxcũ ga tãxechixcũ.

¹⁸ Rü yema pumaraarũ gutëxerũtãtxmũwa ñaxũxũ ga wũxi ga to ga orearũ ngerũ ga üxũmaã icuãxũ. Rü nüma rü tagaãcũ ñanagürü nüxũ ga yema to ga orearũ ngerũ ga yema cũxchi ga ñapomaguxcũ ga tãxechixcũ nüxũ yexmaxũ:

“¡Inaxũgũ na cunadexũ i ngēma duũxũgũ i yéa naãnewa ngëxmagũxũ i tama Tupanaärü ixĩgũxũ! Erũ marũ nawa nangu na Tupana napoxcuxũ”, ñanagürü.

¹⁹ Rü yema orearũ ngerũ rü ñoma ga naãneetũgũ ngĩmaã nayabuãchi ga norü cũxchi. Rü nayadexechi ga yema duũxũgũ ga tama Tupanaärü ixĩgũxũ ga ñoma ga naãnewa yexmagũxũ. Rü wũxi ga taxũ ga nachicagu nanawocu na yexma Tupana norü numaã nadëjxcèx, ñoma ubagũ imëjxũũxũrũ.

²⁰ Rü yema nachica ga ñaãnewa Ixpemawa yexmaxũgũ nanada. Rü guma nagũ ga yéma íyaxũchicũ, rü 300 ga kilõmetru inayarũbaichi, rü wũxi ga metruarũ ngãxũ nixĩ ga norü mátama ga guma nagũ.

15

Tupanaärü orearũ ngerũgũ ga nüxũ nayexmaxũ ga 7 ga poxcuruũgũ

¹ Rü ñuxũchi ga daxũguxũ ga naãnewa rü nüxũ chadau ga wũxi ga to ga taxũ ga cuèxruũ ga namaã ñbaixãchixũ. Rü nayexma ga 7 ga orearũ ngerũgũ ga daxũcũãx ga nüxũ yexmagũxũ ga 7 ga poxcuruũ. Rü yema poxcugu nixĩ ga yagũxũ ga norü nú ga Tupana.

² Rü yexgumarũtã tá nüxũ chadau ga ñoma wũxi ga nanaxtaaëtũwarãxũ ga woruarũ iyaureëtũcũxũ ga üxũema nawa inachixũ. Rü yéma tayexmagũ ga guxema nüxũ rüyexeraxe ga yema ngoxo rü yema ngoxochicünèxã rü yema ngoxoéga rü yema número ga yema ngoxoéga ixĩxũ. Rü yema nanaxtaaëtũraũxũgũ tachigũ. Rü tüxũ nayexmagũ ga túmaärü paxetarũgũ ga arpa ga Tupana túxna äxũ.

³ Rü nagu tawiyaegũ ga Moíché ga Tupanaärü duũxũ ixĩcũarũ wiyae. Rü yexgumarũtã ta nagu tawiyaegũ ga yema wiyae ga guma Tupana Nane ga pecaduarũ ütãncèx yucũarũ ixĩxũ ga ñaxũ:

“Pa Torũ Cori ya Tupana ya Guxũãrũ Yexera Poracũx, nataxũchi rü namexëchi i guxũma i ngēma cuxũxũ. Rü cuma rü guxũgutãma guxũma i nachĩũãnegũarũ äëxgacũ quixĩ. Rü cuma rü aixcũma meãma namaã icucũx rü taguma quidora.

⁴ ¿Rü texé tãütãma cuxũ tamuũ, Pa Corix? ¿Rü texé tãütãma cuxũ ticuèxũ? Erũ cuma rü cuxicatama nixĩ i üünecũ quixĩ. Rü guxũma i nachĩũãnegũãx rü nuã tá naxĩ, rü tá cuxũ nicuèxũgũ. Yerũ marũ nüxũ nadaugũ na quixaixcũmaxũ i guxũma i ngēma nüxũ quixuxũwa rü aixcũma mea cunangugũxũ i guxũma i ngēma chixexũ ügũxũ rü ngēma mexũ ügũxũ”,

ñanagürü ga yema wiyae.

⁵ Rû yemawena ichadawenü rû nüxü chadau ga daxüguxü ga nañewa na yawãxnaxü ga yema nachica ga üünexü ga Tupanapataarü aixepewa yexmaxü ga ngexta namaã inanguxüügüxüwa ga guma nuta ga Tupanaârü mugü nagu ümatücü.

⁶ Rû guma Tupanapatawa ñachoxü ga yema 7 ga orearü ngeruügu ga daxüçüãx ga nüxü nayexmagüxü ga yema 7 ga poxcuruügu. Rû naxchiru ga mexëchixümaã rû iyauracüüxümaã nixãxchiru. Rû yema norü goyeremüügu rû uirunaxcëx nixü.

⁷ Rû ñuxüchi wüxi ga yema ägümücü ga daxüçüãx ga maxüxü, rû wüxichigü ga yema 7 ga orearü ngeruüguna nanaxã ga wüxi ga copa ga uirunaxcëx ga Tupana ya guxüguma maxëchacüarü nu i äücumaxümaã ixããcuxü.

⁸ Rû guma Tupanapata rû namaã naxãacu ga yema caixema ga Tupana ya mexëchicü rû poracüwa ne üxü. Rû taxucüruwama texë yexma taxücu ñuxmata nagü ga yema 7 ga poxcuruü ga yema 7 ga orearü ngeruüguaxü yexmaxü.

16

copagü ga Tupanaârü numaa ixããcuxüchiga

¹ Rû ñuxüchi nüxü chaxinü ga wüxi ga naga ga tagaacü guma Tupanapatawa inaxüxü ga ñaxü nüxü ga yema 7 ga orearü ngeruügu:

“Ñgema pexü, rû naãneetüwa peyabagüacu i ngëma 7 i copagü i Tupanaârü nu i äücumaxümaã ixããcuxü!” ñanagürü.

² Rû yema naxü ga wüxi ga Tupanaârü orearü ngeruü, rû naãneetügu nayabaacu ga norü copa. Rû guxüma ga duüxügu ga yema ngoxoégamaã ixãægaxü rû yema ngoxochicünëxãxü icuëxüügüxü, rû nawa inayarügogü ga taixna ga nguxuchixü ga taguma ixëxü.

³ Rû yema norü taxre ga orearü ngeruü, rû taxü ga taxtüëtügu nayabaacu ga norü copa. Rû nagüxü nananguxuchi ga dexã, rû ñoma wüxi i duüxü i texë imãxügürü nixü ga dexã. Rû guxüma ga tacü ga taxtüwa maxëxü rû nayue.

⁴ Rû yema norü tomaëxpüx ga orearü ngeruü rû natügüëtügu rû natüxacügüëtügu nayabaacu ga norü copa. Rû guxüma ga yema natügu rû natüxacügü, rû nagüxü nanacëxichi.

⁵ Rû ñuxüchi nüxü chaxinü ga yema Tupanaârü orearü ngeruü ga guxüma ga dexámaã icuáxü ga ñaxü:

“Pa Torü Cori ya Tupana ya Üüneçü ya Woetama Yexmaëchacü rû Ñuxma Ngëxmaëchacü, cuma rû wüxi i mexü cuxü na ngëmaacu dexá nagüxü cunacëxichixëëxü naxchaxwa i ngëma duüxügu.

⁶ Yerü nümagü rû nanadai ga yema curü duüxügu rû curü orearü uruügu, rû inanaba ga nagü. Rû ñuxma i cuma rû wüxi i mexü nixü i cuxüxü na ngëma dexá nagüxü cunacëxichixëëxü na nawa naxaxegüxüçëx. Yerü yema nixü ga yema nanaxwëxegüxü rû yemacëx nixü ga curü duüxüügüxü nadëjxü”, ñaxü.

⁷ Rû nüxü chaxinü ga wüxi ga naga ga yema pumaraarü gutëxeruütaxmüwa inaxüxü ga ñaxü:

“Ngü, Pa Cori ya Tupana ya Guxüârü Yexera Poracüx, aixcüma nixü i namexü i ngëma cuxüxü”, ñaxü.

⁸ Rû yema norü ägümücü ga orearü ngeruü rû üëxcüëtügu nayabaacu ga norü copa. Rû yemaacu poraacü nananaiemaxëë ga üëxcü na yema norü naifëmaxümaã ñnaguãxüçëx ga duüxügu.

⁹ Rû guxüma ga duüxügu rû poraacü nüxü nanguxema, natürü tama nüxü narüxoe ga nacüma ga chixexü rû tama Tupanaxü nicuëxüügü. Rû naguxchigagüama namaã ga Tupana ya guxüma i ngëma poxcuruümaã icuáçü.

¹⁰ Rû yema norü wüximëëxpüx ga orearü ngeruü, rû yema ngoxoarü tochicaxüëtügu nayabaacu ga norü copa. Rû guxüwama ga ngextã äëxgacü iyüxüwa ga yema ngoxo, rû naxëãne. Rû yema na poraacü nüxü nangüxü ga duüxügu, rû nügü nangóórü conüãxgü.

¹¹ Natürü woo yemaacu nüxü na nangupetüxü ga duüxügu, rû tama nüxü narüxoechaü ga yema chixexü ga naxüügüxü. Natürü yema na poraacü nüxü nangüxü ga norü taixnagü, rû naguxchigagüama namaã ga Tupana ya daxüguçü.

¹² Rû yema norü 6 ga orearü ngeruü, rû yema taxtü ga Euférateütu gu nayabaacu ga norü copa. Rû ñayache ga yema taxtü na wüxi ga nama na yixüçëx naxcëx ga yema nachiuñanegüarü äëxgacügü ga üëxcü iyarügoxüwa ne ixü.

¹³ Rû nüxü chadau rû yema coyaãxwa, rû yema nüxüraüxü ga ngoxoëxwa, rû yema to ga ngoxo ga yema orearü uruünetaxëxwa, rû wüxiëxwachigü inaxüxü ga wüxi ga naãë ga chixexü ga ñoma curururü ixüxü.

¹⁴ Rû yema ngoxoãëgü nixü ga naxüügüxü ga yema taxü ga cuëxruügu ga duüxügu taxucüruwa ügüxü. Rû yema ngoxogü rû ñachoxü na nangutaquëxexëëgüãxüçëx i guxüma

i ñoma i nañewa ngëxmagüxü i nachiüñanegüarü ãëxgacügü na Tupana ya Guxüãrü Yexera Poracümaã nügü nadaixüçëx i ngëxguma nawa nanguxgu i nañeärü gux.

¹⁵ Natürü dücax, rü pexuüãëgü erü törü Cori ya Ngechuchu ya Cristu rü ñanagürü:

“Choma rü ngürüächi taxüetáma choxü ñanguxëëyane íchangu, ñoma wüxi i ngítëxáxü ínguxürüü. Rü tataãe ya yíxema ímëmærexe ñoma wüxi i duüxü i naxchiru ímexëëxürüü na tama tangexchiruxüçëx rü taxánexüçëx i ngëxguma íchanguxgu”, ñanagürü.

¹⁶ Rü yema ngoxogü, rü nanangutaquëxëxëë ga guxüma ga ñoma ga nañewa yexmagüxü ga nachiüñanecüãxgüarü ãëxgacügü. Rü yema nachica ga nawa nangutaquëxëgüxü, rü Armaguedóügu naxãëga i Yudiügügawa.

¹⁷ Rü yema norü 7 ga orearü ngerüü, rü buanecügumare nayabaãcu ga norü copa. Rü guma Tupanapata ya daxüguxü i nañewa ngëxmanewa inanaxü ga wüxi ga naga ga tagaxü ga yema Tupanaärü tochicaxüwa inaxüxü ga ñaxü:

“Marü ningu”, ñaxü.

¹⁸ Rü nibëixbëxane, rü poraãcü nicuxcuane, rü niduruane. Rü poraãcü naxíãxächiane. Rü noxri Tupana duüxügüxü üxgumama rü taguma nayexma ga wüxi ga íãxächiane ga yemarüü poraxü.

¹⁹ Rü guma íãne ga taxüne ga Babiróniã, rü tomaëxpüxgu ningüxyeane. Rü guma íãnegü ga ñoma ga nañewa yexmagüne rü niwëxtaügü. Rü Tupana rü nüxna nacuaxächi ga guma íãne ga Babiróniãrü chixexü. Rü yemacëx norü numaã poraãcü nanapoxcu ga guma íãne, yerü poraãcüxüchi namaã nanu.

²⁰ Rü guxüma ga capaxügü rü guxüñnema ga mëxpünegü, rü inayarüxogü.

²¹ Rü daxüwa narüyi ga gáuxü ga ítapütaxü, rü duüxügüëtügu nayi. Rü wüxipütachigü ga yema gáuxü, rü 40 ga kilogu nixü ga nayaxü. Rü ga duüxügü rü Tupanamaã naguxchigagü nagagu ga yema poxcuruü ga gáuxü, yerü poraãcü nüxü nangux ga yema poxcu ga Tupana namaã napoxcuexü.

17

Íãne ga Babiróniã ga wüxi ga nge ga ngëãëxü- chicígu íxixüñe

¹ Rü yema 7 ga orearü ngerüü rü nüxü yexmagüxü ga 7 ga copagü, rü yematanüwa rü wüxi ga orearü ngerüü, rü chauxcëx nixü, rü ñanagürü choxü:

“¡Nuã naxü! Rü tá cuxü nüxü chadauxëë i ñacü tá nixü i ngürü poxcu i ngëma nge i ngeãëxüchicü i taxü i dexágüëtüwa rütöxcü.

² Rü ñoma i nañewa ngëxmagüxü i nachiüñanegüarü ãëxgacügü, rü ngímaã namaxë, rü yemaãcü poraãcü chixexü naxügü. Rü guxüma i ñoma i nañecüãx, rü ngürü chixexü nüxna naxüe”, ñanagürü.

³ Rü yexguma Tupanaãe i Üünexü yemaãcü choxü ngoxetüxëëgu, rü yema orearü ngerüü rü wüxi ga nachica ga ngextá taxüema íxãpataxüwa choxü naga. Rü yema ngíxü chadau ga wüxi ga nge ga wüxi ga ngoxo ga dauxüëtüwa rütöxcü. Rü yema ngoxo rü guxüwama naxãëgaxüne, rü yema naëgagü rü Tupanamaã naguxchiga. Rü 7 nixü ga naëru rü 10 ga naxchatacxre.

⁴ Rü yema nge rü wüxi ga naxchiru ga dauxracharaxü rü dauxümaã íxãxchiru. Rü uirumaã rü nutagü ga mexëchicümaã ingãxãë. Rü ngíxmëxwa ngíxü nayexma ga wüxi ga copa ga uirunaxcëx. Rü yema copa rü namaã naxããcu ga nagüxüraüxü ga yema Tupanapëxewa chixexü rü nagüxüraüxü ga chixexügü ga yema nge üxü.

⁵ Rü ngícatügu naxümatü ga wüxi ga naëga ga taxüema nüxü cuáxü na ñuxü ñaxüchiga yíxü. Rü yema naëga rü ñanagürü:

“Rü yima Babiróniã rü guxüma i ngema duüxügü i chixexü ügüxü i ñoma i nañewa maxëxüarü mamá nixü”, ñanagürü.

⁶ Rü ngíxü chadau ga yema nge ga na nangãxüxü namaã ga guma nagü ga yema duüxügü ga Tupanaärü íxügüxü rü yema duüxügü ga Ngechuchuarü orexü na yaxügüxüçëx dëixü. Rü yexguma yemaxü chadëuxgu, rü chaãaixächi.

⁷ Rü yexguma ga yema orearü ngerüü rü ñanagürü choxü:

“¿Ñacüçëx cuãaixächi? Dücëx, tá cumaã nüxü chixu na ñacüchiga yíxü i ngëma nge, rü ñacüchiga yíxü i ngëma ngoxo i 7 eruxü rü 10 chatacxrexü i naëtüwa natoxü.

⁸ Rü ngëma ngoxo i nüxü cudauxü, rü yema nixü ga nuxcümáxüchi maxchirëxü natürü ñuxma rü marü yuxü rü ngëma ämxaxü i taxuguma iyacuáxüwa ngëxmaxü. Natürü paxa tá ngema íxüxüxü, rü ñuxüchi ngëma nachica i guxügutáma nagu napoxcuxüwa tá üxü. Rü ngëma ngoxoma ä tá naãaixächiaëgü i ngëma duüxügü i ñoma i nañewa maxëxü i tama nawa ngoxëgagüxü i ngëma Tupanaärü popera i noxritama nañe íxügügu Tupana nagu yawügüxü i ngëma duüxügü i nüxü nangëxmaxü i maxü i taguma gúxü. Rü nümagü i ngëma

duũxügü rü aixcüma tá namaã nabaixächiãëgü i ngëxguma nüxü nadaugügu i ngëma ngoxo ga nuxcümaxüchi maxchirëxü rü yuxü natürü wena táxarü ínguxü.

⁹ Rü ñaã nixí i wüxi i ore naxcëx i ngëma duũxügü i nüxü natauxchaxü na nüxü nacuëxgüxü. Rü ngëma 7 i naëru i ngëma ngoxo, rü yima nixí ya 7 ya mëxpúnechiga. Rü yima 7 ya mëxpúnegetüwa nixí i natoxü i ngëma nge. Rü ngëxgumarüü ta i ngëma naërugü, rü 7 i nachiiãnegüarü ãëxgacügüchiga nixí.

¹⁰ Rü wüximëëxpüx i ngëma ãëxgacügü rü marü togü nüxü narüyexeragü, rü ñuxma rü marü tama ãëxgacügü nixígü. Rü ngëma norü 6 i ngëma ãëxgacügü, rü nüma rü ñuxma rü ãëxgacü nixí. Rü ngëma norü 7 tá nixí i yixcüra ínguxü. Natürü ngëxguma ínanguxgu i ngëma norü 7 i nawa iyacuáxü i ngëma ãëxgacügü, rü paxaãchimarë tá nixí i ãëxgacü yixü.

¹¹ Rü ngëma ngoxo ga nuxcümaxüchi maxchirëxü rü ñuxma rü marü yuxü, rü ngëma nixí i norü 8 i ngëma ãëxgacügü. Rü nüma rü ngëma 7 tanüxü nixí. Natürü i nüma rü ngëma nachica i guxtügutäma nagu napoxcuxüwa naxü.

¹² Rü ngëma 10 i naxchatacxre i nüxü cudauxü, rü 10 i nachiiãnegüarü ãëxgacügüchiga nixí. Natürü i nümagü rü tauta ínanaxügüe na duũxügümaã ínacüëxgüxü. Natürü yixcüra tá nanayauxgü i pora na wüxítatama i ora ngëma ngoxomaã wüxigu ãëxgacügü yixígüxülcëx.

¹³ Rü ngëma 10 i ãëxgacügü rü wüxigu nagu narüxínüë na ngëma ngoxona naxãgüãxülcëx i norü pora, na ngëma ngoxo namaã icuáxülcëx.

¹⁴ Rü ñuxüchi i ngëma ãëxgacügü rü ngëma ngoxo rü tá nügü nadai namaã ya yima Tupana Nane ga pecaduarü ütanülcëx yucü. Natürü ya yima Tupana Nane rü tá nüxü narüyexera, erü nüma rü guxü i corigüarü Cori nixí, rü guxü i nachiiãnegüarü ãëxgacügüarü ãëxgacü nixí. Rü yixema namücügü íxígüxe, rü yixemagü tixígü ya Tupana tüxü dexe rü tümacëx naçaxe. Rü tümagü rü aixcüma naga taxínüë”, ñanagürü choxü.

¹⁵ Rü yema orearü ngerüü rü ñanagürü ta choxü:

“Ngëma taxü i dexá i nüxü cudauxü i naëtüwa natoxü i ngëma nge i ngëãëxüchicü, rü nagüxüraüxü i duũxügüchiga nixí, rü guxüma i duũxügü i to i nagawa ídexagüxüchiga nixí, rü guxüma i nachiiãnegüãxgü i duũxügüchiga nixí.

¹⁶ Rü ngëma 10 i naxchatacxre i nüxü cudauxü i nüxü ngëxmaxü i ngëma ngoxo, rü tá ngëma nge i ngëãëxüchicüchicü naxaie. Rü tá ngëma ngena nanapuxü i guxüma i íacü i ngíxü ngëxmaxü, rü ngëmaãcü ngexchiruãcüma tá ngëxma íruxãüx. Rü tá ngíxü nangöxgü, rü üxüwa tá ngíxü nigügü.

¹⁷ Yerü ga Tupana rü yema 10 ga ãëxgacügüxü nagu narüxínüëxë na naxügüãxülcëx i ngëma nanaxwëxexü i nüma ya Tupana. Rü ngëmacëx i ngëma ãëxgacügü, rü tá wüxigu nagu narüxínüë na ngëma ngoxoxü naporaxëëgüxü na norü ãëxgacü yixülcëx ñuxmatáta Tupana yanguxëë i ngëma nüxü yaxuxü.

¹⁸ Rü ngëma nge i ngíxü cudëuxcü, rü yima nixí ya yima ñäne ya taxüne ya guxüma i nachiiãnegüarü ãëxgacügümaã icuáxüne”, ñanagürü.

18

Nagu nayarüchixe ga ñäne ga Babiróniã

¹ Rü yemawena nüxü chadau ga wüxi ga to ga orearü ngerüü ga daxügüxü ga naãnewa íruxüxü ga taxü ga ãëxgacü íxíxü. Rü yema orearü ngerüãrü yauracüxümaã nangóone ga ñoma ga naãne.

² Rü tagaãcü ñanagürü:

“Marü nagu nayarüchixe ya yima ñäne ya Babiróniã ya itaëgacüxüne. Rü ñuxma rü ngoxogüchii nixí rü nagüxüraüxü i naãe i chixexügüchii nixí. Rü ñuxma rü ngëxma naxächii i nagüxüraüxü i ngurucügü rü werigü i chixexü i duũxügü naxchi aieüxü.

³ Yerü guxüma ga nachiiãnegüãxgü, rü guma ñäneãrü chixexü nüxna naxüe. Rü norü ãëxgacügü, rü yema poraãcü chixri namaxë. Rü guxüma ga ñoma ga nachiiãnegüãxgü ga taxetanüxügü, rü nügü namuãrü díeruãxëëgü namaã ga yema ñäneãrü yemaxügü ga tama Tupanapëxewa mexü”, ñanagürü.

⁴ Rü ñuxüchi nüxü chaxínü ga to ga naga ga daxügüxü ga naãnewa ínaxüxü ga ñaxü:

“¡Dülcëx i guxäma i pema ya chorü duũxügü íxígüxe, rü ípechoxü nawa ya yima ñäne na tama ngëma ñänegüãxrüü pipecaduãxgüxülcëx rü tama nagu peyixülcëx i ngëma poxcu i tá yima ñänewa nguxü!

⁵ Erü ngëma ñänegüãxarü pecadugü, rü nügüëtüwa narünucue, rü düxwa marü daxügüxü i naãnewa nangu. Rü ñuxma ya Tupana rü nüxna nacüëxächicü i ngëma chixexü i naxügüxü, rü ngëmacëx tá yima ñänexü napoxcu.

⁶ Rü ngëma poraãcü chixexü na naxügüxü, rü ngëxgumarüü tá ta nixí na chixexümaã nüxü penaxütanüxü i pemax. ¡Rü ñuxma na ngëma ñänegüãx togümaã chixexü naxügüxü,

rü taxreëxpüxcüna tá penachixexëë i pemax! ¡Rü ngëma chixexü ga yema ñanecüãx togücëx mexëëgüxü, rü pema rü taxreëxpüxcüna tá ngëmaäcü naxcëx penamexëë!

⁷ ¡Rü ngëma na nügü yacuëxüütgüxü rü mexëchixüwa na namaxëxü, rü ngëxgumarüü tá ta nixü na ngüxü nüxü pingexëëgüxü rü ngechaü nüxü pingexëëgüxü! Erü ñuxma i ngëma ñanecüãx rü nügüãëwa ñanagürügü: 'Yixema rü ñoma wüxi i äëxgacürüü mexëchixüwa tangëxmagü. Rü tagutáma wüxi i yutexürüü tangechaügü', ñanagürügü nügüãëwa i ngëma ñanecüãx.

⁸ Rü ngëmacëx tá nixü i wüxítatama i ngunexügu ñanguxü i ngëma ñanearü poxcuruü. Rü ngëma ñanecüãx rü ngúanemaã tá nayue, rü poraäcü tá nangechaügü, rü poraäcü taiya tá nüxü nangux, rü norü ñane rü üxümaã tá nigu. Erü naporaxüchi ya yima Tupana ya guxüärü Cori ixücü i ngëma ñanexü poxcucü", ñanagürü ga yema naga.

⁹ Rü ngëma nachüüñanegüarü äëxgacügü ga yema ñanewa poraäcü chixri maxëxü rü mexëchixüwa yexmagüxü, rü tá poraäcü norü ngechaümaã yima ñanecëx naxauxe i ngëxguma nüxü nadaugügu i ngëma üxüema i namaã yaxaxü.

¹⁰ Natürü ngëma äëxgacügü rü ngëma poxcuxü na namuüëxüchëxwa rü tá yaxüwa nüxü narüdaunü, rü ñanagürügü tá:

"Cungechaütümüü, Pa Itaégacüxüne ya Ñane ya Babirónia ya Guxü i Nachüüñanegümaã Porachirënex. Erü wüxítama i oragu cuxcëx ñangu i curü poxcu", ñanagürügü tá.

¹¹ Rü guxüma i ñoma i nañnecüãx i taxetanüxü, rü tá poraäcü norü ngechaümaã naxcëx naxauxe ya yima ñane. Erü marü taxüetáma naxcëx nüxü tataxe i norü ngëmaxügü i ngëma nangegüxü.

¹² Rü marü taxüetáma naxcëx nüxü tataxe i norü uiru, rü norü diërumü, rü norü nutagü i mexëchixü, rü naxpügü i mexëchixü i dauxracharaxü rü idauxcharaü i ngëma nangegüxü. Rü ngëxgumarüü ta taxüetáma naxcëx nüxü tataxe i nagüxüraüxü i norü naixchipanügü i yixixü, rü norü ngëmaxügü i marfílnaxcëx rü mürapewa i mexëchixüñaxcëx rü cobrenaxcëx rü fierunaxcëx rü nutanaxcëx i ngëma nangegüxü.

¹³ Rü taxüetáma naxcëx nüxü tataxe i norü canela rü togü i norü üexüwemüxügü i yixixü, rü pumaratëxe i guruü ixixü, rü togü i pumaragü i yixixü, rü binügu rü chixügü, rü arina i mexëchixü, rü trigu i ngëma nangegüxü. Rü ngëxgumarüü ta ngëma nanagagü i wocagü, rü carnerügü, rü cowarügü, rü autügü i cowaru itüchigüxü, rü duüxügü i puracürügü. Rü ngëmaäcü woo duüxëgü rü ngëma tüxü nagagü na tümamaã nataxegüxücëx.

¹⁴ Rü ngëma taxetanüxü, rü ñanagürügü tá nüxü ya yima ñane:

"Cuwa rü marü nataxuma i ngëma orix i curü duüxügüarü me ixixü. Rü marü nataxuma i guxüma i ngëma meruügü ga noxri cuxü yexmaxü, rü tagutáma wenaxârü cuxü nangëxma", ñanagürügü tá.

¹⁵ Rü ngëma taxetanüxü i guxüma i ngëma orixgümaã rü ngëma meruügümaã taxegüxü rü guma ñanegu nügü muärü diëruäxëëxüchigüxü, rü yaxüwa tátama nüxü narüdaunü ya yima ñane, erü nüxü namuüë i ngëma poxcu i yima ñanexü üpetüxü. Rü tá poraäcü norü ngechaümaã naxauxe.

¹⁶ Rü ñanagürügü tá:

"Nangechaütümüü ya yima ñane ya itaégacüxüne. Erü noxri rü ñoma wüxi i nge i mexëchixü i naxchiru i dauxracharaxü rü dauxcharaxümaã äxchirucü i uirumaã rü nutagü ya mexëchicümaã ngëxäëxcürüü nixü.

¹⁷ Natürü ngürüächü nagux i guxüma i ngëma ñanearü meruügü", ñanagürügü tá. Rü guxüne ya wapurügüarü äëxgacügü, rü guxüma i norü duüxügü ya yima wapuruwa puracüexü, rü guxüma i duüxügü ya yima wapurugu ixü, rü guxüma i taxetanüxügü i wapurugu yarüxüxü, rü yaxüwa tátama nayachaxgütanüächü, rü ngëma tá nüxü narüdaunü.

¹⁸ Rü ngëxguma nüxü nadaugügu i norü caxixü na yaxaxü ya yima ñane, rü tagaäcü tá ñanagürügü:

"Nataxuma ya ná i yima ñane ya itaxégacüxünerüü ixixüne", ñanagürügü.

¹⁹ Rü norü ngechaümaã nügüëtügü tá waixümü nagünagügü, rü tá poraäcü naxauxe, rü tagaäcü ñanagürügü tá:

"Nangechaütümüü ya yima ñane ya itaxégacüxüne. Rü noxri rü norü yemaxügümaã nügü nümüärü diëruäxëëgü ga guxüne ga wapurügüarü yoragü. Natürü i ñuxma rü ngürüächü wüxi i oragutama rü inayarüxo i guxüma i ngëma.

²⁰ Natürü ñuxma na napoxcuxü ya yima ñane, rü name nixü i petaäëgü i pema i daxügüxü i nañnëwa ngëxmagüe, rü pema i Tupana pexü imugüe, rü pema i Tupanaärü orexü ixügüe, rü guxüma i pema i Tupanaärü duüxügü ixügüe. Erü ñuxma na napoxcuxü ya yima ñane, rü ngëmaäcü Tupana pexü naxütanü naxcëx ga yema chixexü ga pemaã naxügüxü ga guma ñanecüãx", ñanagürügü.

²¹ Rū ñuxūchi wūxi ga Tupanaārū orearū ngeruū ga daxūcūāx rū nanangenagū ga wūxi ga nuta ga taxūchicū ga ñoma ñacūarū caruūrū ixīcū. Rū yema orearū ngeruū rū taxtū ga taxūgu nanaña ga guma nuta ga taxūchicū, rū ñanagūrū:

“Ngēxgumarūū tá quixī na icuyarūxoxū, Pa ĩāne ya Itaxégacūxūne ya Babiróniāx, rū tagutāma texé wena cuxū nadau.

²² Rū tagutāma wena curū ĩtamūgūwa texé nūxū taxīnū i paxetarūūgū i arpagū rū quenagū rū cornetagū. Rū ngēxgumarūū ta cuwa nataxūtāma i puracūtānūxūgū i ñacūwa puracūexū, rū tagutāma texé nūxū taxīnū na cuwa ĩnapuracūexū i chawūarū caruūgū.

²³ Rū marū tagutāma texé nūxū tādau i cuwa i omū. Rū marū tagutāma texé nūxū taxīnū i ngīgūchigarū petagūarū cuxcuane. Rū ngēmaācū tá cumaā nangupetū woo ga noxri rū yema taxetanūxū ga cuwa taxegūxū rū guxūma ga togū ga taxetanūxūarū yexera nixīgū. Rū ngēmacēx tá poraācū cupoxcu nagagu ga yema chixexū ga namaā cunawomūxēxū ga guxūma ga togū ga nachīūānecūāx ga duūxūgū”, ñanagūrū.

²⁴ Yerū guma ĩānecūāx ga duūxūgū nixī ga nadējūxū rū inabaxēgūxū ga nagū ga Tupanaārū orearū uruūgū rū yema duūxūgū ga Tupanaārū ixīgūxū rū guxūma ga duūxūgū ga ñoma ga naānegu Tupanaarū oregagu nadējūxū.

19

¹ Rū yemawena nūxū chaxīnū ga muxūma ga duūxūgūga ga daxūguxū ga naānewa tagaācū ñagūxū:

“¡Ngīxā Tupanaxū ticuēxūūgū! Erū nūma nixī i tūxū namaxēxēxū. Rū nūma ya tōrū Tupana nixī i guxūārū yexera namexēchixū rū naporaxūchixū.

² Rū nūma rū aixcūma meāma nanangugū i guxūma i duūxūgarū maxū, rū aixcūma tá nanapoxcue i ngēma chixexū ūgūxū. Rū ngēmacēx marū nanapoxcu ya yima ĩāne ya itaxégacūxūne ya chixene ya norū chixexūmaā nachixexēne i guxūma i ñoma i naānecūāx i duūxūgū. Rū ñuxma i nūma ya Tupana rū norū duūxūgū ga guma ĩānecūāx dējūxūxū naxūtānū”, ñanagūrūgū.

³ Rū ñuxūchi wenaxārū ñanagūrūgū:

“¡Ngīxā Tupanaxū ticuēxūūgū! Erū ngema norū caxixū na yaxaxū ya yima ĩāne, rū tagutāma ngēma nayarūxo”, ñanagūrūgū.

⁴ Rū yema 24 ga āxgacūgū rū yema āgūmūcū ga daxūcūāx ga maxēxū rū yexma nanangūcuchitanū, rū Tupana ya norū tochicaxūwa rūtocūxū nicuēxūūgū. Rū ñanagūrūgū:

“Rū ngēmaācū yī. ¡Rū ngīxā nūxū ticuēxūūgū ya tōrū Cori!” ñanagūrūgū.

⁵ Rū ñuxūchi yema tochicaxūxūtawa inanaxū ga wūxi ga naga ga ñaxū:

“Name nixī i tōrū Tupanaxū picuēxūūgū i guxūma i pemax Pa Buxūgū rū Pa Yaxūgūx i norū duūxūgū na pixīgūxū rū nūxū na pemūxēxū”, ñaxū.

Tupana Nane ga pecaduarū ūtanūcēx yucūarū ngīgūarū petachiga

⁶ Rū ñuxūchi nūxū chaxīnū ga ñacū ga ñoma muxūchixū ga duūxūgū idexagūxūrūū ixīxū ga ñoma taxū i dexā i chuxchuxūrūū ixīxū ga ñoma poraācū yaduruanexūrūū ixīxū ga ñaxū:

“¡Ngīxā Tupanaxū ticuēxūūgū! Erū nūma ya tōrū Cori ya Tupana ya guxūārū yexera poracū, rū marū ningucuchi na guxūmaā inacuáxū.

⁷ ¡Rū ngīxā tataāgū rū guxū i tōrū taāēmaā nūxū ticuēxūūgū! Erū marū nawa nangu na iyangūxū ya yima Tupana Nane ga pecaduarū ūtanūcēx yucū. Rū ngēma norū duūxūgū i ñoma namēxūrūū ixīgūxū rū marū nūgū ĩnimexēgū.

⁸ Rū yima Tupana Nane rū ngēma nūxū yaxōgūxūxū namu na mexēchixū rū cōmūxū rū iyauracūxū i naxchirumaā na yaxāxchiruxū. Rū ngēma naxchiru i mexēchixū rū ngēma nixī i ngēma duūxūgūarū maxū i mexūchiga”, ñanagūrūgū.

⁹ Rū ñuxūchi ga Tupanaārū orearū ngeruū, rū ñanagūrū choxū:

“Chanaxwēxe i canaxūmatū i ñāā ore i cumaā tá nūxū chixuxū: ‘Tataāgū ya yīxema tūxna naxuxe i norū ngīgūarū petawa ya yima Tupana Nane ga pecaduarū ūtanūcēx yucū’”, ñanagūrū. Rū ñuxūchi ñanagūrū ta:

“Ngēma ore i cumaā nūxū chixuxū, rū Tupanaārū orexūchitama nixī”, ñanagūrū.

¹⁰ Rū choma rū yema orearū ngeruūpēxegu chacaxāpūxū na nūxū chicuēxūxūcēx. Natūrū ga nūma rū ñanagūrū choxū:

“¡Tāxū i ngēma cuxūxū! Erū choma rū ta Tupanaārū duūxū chixī, ngēxgumarūū i cuma rū cuenegū i Ngechucharū ore i aixcūma ixīxū ixōgūechaxūrūū ta chixī. Rū name nixī i Tupanaxū quicuēxūū”, ñanagūrū. Erū ngēma ore i Ngechuchichiga ixīxū, rū yematama ore nixī ga Tupanaārū orearū uruūgū nūxū ixugūexū ga yexguma Tupanaāē i Ūnēxū nawa ideaxgu.

Guma Tupana Nane ga cowaru ga cōmūxūētūgu tonagūcūchiga

¹¹ Rû ñuxûchi nûxû chadau ga daxûguxû ga naâne na yawâxnaxû. Rû yema nangox ga wûxi ga cowaru ga cômûxû. Rû guma naetûwa rûtocû rû Ixaixcûmacû rû Aixcûma Yanguxêêcû nixî i naega. Rû nûma rû aixcûma guxûma i duûxûgûarû maxûxû nacuèx, rû aixcûma tá guxûma i ngêma chixexû ûgûxûmaâ nûgû nadai rû tá nanapoxcûe.

¹² Rû naxêtûgû, rû ñoma ûxûemarû nîyauracûû. Rû naêruwa rû namu ga norû ngêxcuerûgû. Rû nacadûgu naxûmatû ga wûxi ga naega ga nûxîcatama nûxû nacuáxû.

¹³ Rû wûxi ga naxchiru ga ducharaxûgu nicûx. Rû naega rû Tupanaârû Ore nixî.

¹⁴ Rû nawe narûxî ga guxûma ga norû churaragû ga daxûcûâx. Rû nûmagû rû naxchiru ga imexêchixû rû cômûxûmaâ nixâxchiru. Rû cowarugû ga icômûxûtûgu naxî.

¹⁵ Rû naâxwa nayexma ga wûxi ga tara ga têxechixû na yemamaâ napîxêêâxûcêx i guxûma i ngêma duûxûgû i tama nûxû yaxôgûxû. Rû tá nûma nanaxwêxêûcûma ngêma duûxûgûmaâ inacuèx. Rû nûma rû tá poraêcû ngêma duûxûgû i tama yaxôgûxûxû napoxcu namaâ i ngêma poxcu ya Tupana ya Guxûxû Rûporamaêcû norû numaa mexêêxû. Rû ñoma ubagû i norû maîxruwa imêjtxûxûrû tá nixî na napoxcûeâxû.

¹⁶ Rû naxchirugu rû naperemagu naxûmatû ga wûxi ga naega ga ñaxû:

“Guxûma i nachîûânegûarû âêxgacûgûarû Âêxgacû, rû guxûma i corigûarû Cori ixîcû”, ñaxû.

¹⁷⁻¹⁸ Rû ñuxûchi nûxû chadau ga wûxi ga Tupanaârû orearû ngeruû ga daxûcûâx ga ûêxcûgu chixû. Rû nûma rû tagaâcû ñanagûrû nûxû ga guxûma ga ngurucugû ga yexma ixexêxûtanûxû:

“¡Nuâ pexî rû pengutaquêxegû naxcêx i ðna i taxû i Tupana pexcêx mexêêxû na penangôxûcêx i nachîûânegûarû âêxgacûgûmachi, rû churaragûarû âêxgacûgûmachi, rû yatûgû i poraxûchixûmachi, rû cowarugûmachi, rû ngêma cowaruêtûgu îxû i duûxûgûmachi, rû ngêma duûxûgû i coriâxgûxûmachi rû ngêma ngearû coriâxgûxûmachi rû ngêma buxûgûmachi rû ngêma yaxûgûmachi!” ñanagûrû.

¹⁹ Rû ñuxûchi nûxû chadau ga yema nûxîraûxû ga ngoxo rû guxûma ga nachîûânegûarû âêxgacûgû ga norû churaragûmaâ yema ngutaquêxegûxû na nûgû nadêjxûcêx namaâ ya yima cowaruêtûgu îxûcû rû norû churaragû.

²⁰ Rû yema nûxîraûxû ga ngoxo rû niyaxu. Rû wûxigu namaâ niyaxu ga yema to ga ngoxo ga orearû uruûneta ixîxû ga yema nûxîraûxû ga ngoxopêxewa naxîxû ga cuèxruûgû ga duûxûgû tama nûxû cuáxû na naxûgûâxû. Rû yema cuèxruûgûmaâ nixî ga nawomûxêêêxû ga yema duûxûgû ga nûxû icuèxûûgûxû ga naxchicûnêxâ ga yema nûxîraûxû ga ngoxo rû nûgû ixâgûxû na yema ngoxoégamaâ na yaxûégagûxû. Rû yema nûxîraûxû ga ngoxo rû yema to ga ngoxo ga orearû uruûneta ixîxû, rû wûxigu maxêxûma nawa nawoû ya yima naxtaa ya ûxûmaâ iyaurachiûne ya azufremaâ ixaxûne.

²¹ Rû yema tara ga têxechixû na guma cowaruêtûwa rûtocûêxwa yexmaxûmaâ nanadai ga yema ngoxogûarû ngûxêruûgû ga âêxgacûgû rû norû churaragû. Rû guxûma ga ngurucugû, rû yemamachimaâ nangâxcharaûgû.

20

Chataná rû 1,000 ga taunecû ninêjx

¹ Rû yemawena nûxû chadau ga wûxi ga Tupanaârû orearû ngeruû ga daxûguxû ga naânêwa írûixîxû. Rû naxmêxwa nayexma ga yema âxmaxû i taxuguma iyacuáxûârû chawî rû ñuxûchi wûxi ga cadena.

² Rû yema Tupanaârû orearû ngeruû rû yema coyaxû niyaxu. Rû yematama coya nixî ga yema nuxcûmaûxû ga âxtape ga ngoxo ga Chataná ixîxû. Rû yema orearû ngeruû rû 1,000 ga taunecûgûcêx nayanêjx.

³ Rû yema orearû ngeruû rû yema âxmaxû i taxuguma iyacuáxûgu nayatêxcuchi. Rû ñuxûchi yexma meâma nanawâxtaû na nûma ga Chataná rû marû taguma wenaxârû duûxûgûxû nawomûxêêêxûcêx ñuxmatáta 1,000 ya taunecû ngêxma yangeâ. Rû ngêxguma marû yanguxêêêgu ya yima 1,000 ya taunecû, rû tá paxaxâchi nayangêx.

⁴ Rû ñuxûchi nûxû chadau ga ñuxre ga tohicaxûgû. Rû yema tohicaxûwa tarûtogû ga guxema Tupanaxûtawa nayauxgûxe ga pora na duûxûgûxû ticagûxûcêx. Rû yexgumarû ta nûxû chadau ga naêgû ga yema duûxûgû ga Ngechucharû orexû na yaxugûxûcêx nadaûnaâgûxû. Rû yema nixî ga duûxûgû ga meâma nûxû ixugûxû ga Tupanaârû ore rû tama yema ngoxoxû icuèxûûgûxû rû bai ga yema ngoxochicûnêxâxû icuèxûûgûxû, rû tama nûgû ixâgûxû na nacadûwa rû êxna naxmêxwa yema ngoxoégamaâ yaxâgagûxû. Rû nûxû chadau ga wena na namaxêxû, rû 1,000 ga taunecû Cristumaâ wûxigu âêxgacû nixîgû.

⁵ Rû yemagû nixî ga nûxîrama írûdagûxû. Natûrû ga yema togû ga yuexû rû tâtûtama namaxê ñuxmatáta yima 1,000 ya taunecûguwena.

⁶ Rû tataãëgü ya yíxema tüxira írúdagüxe erü Tupanaãrû duüxügü tixígu. Rû ngêma Tupanaãrû poxcu rû marü täütáma tümacêx nixí. Rû tá Tupanaãrû rû Cristuarü ngüxêrüügü tixígu. Rû 1,000 ya taunecü tá Cristumaã ãëxgacügü tixígu.

ngoxo i Chataná rû marü nagu nayarüchixe

⁷ Rû ngêxguma marü nangupetügu ya yima 1,000 ya taunecü, rû Chataná rû tá ningêx i ngêma ínapoxcuxüwa.

⁸ Rû nüma i Chataná rû tá ínaxüxü na yawomüxêëãxüxcêx i guxüma i ñoma i naãnecüãx i duüxügü rû Goga rû Magoga na ngêmagüxü nangutaquêxexêëxüxcêx na Tupanaãrû duüxügümaã nügü nadêixüxcêx. Rû ngêma Chatanáãrû churaragü, rû ñoma taxtü i taxüãrû naxnecüchicutêxerüü tá namuxüchi.

⁹ Rû ngêmaãcü i Chatanáãrû churaragü rû tá ñoma i naãneãrû tagu ningüchi. Rû tá Tupanaãrû duüxügüxü rû yima íãne ya Tupana nüxü ngechaxüne ya Yerucharéüxü ínachoeguãchi. Natürü Tupana rû daxüwa tá nanayixêë ya üxü, rû yimamaã tá nixae i guxüma i ngêma namaã rûxuwaniügüxü.

¹⁰ Rû ngêma ngoxo i ngêma duüxügüxü womüxêëxü, rû nawa tá natáe ya yima naxtaa ya üxümaã iyaurachiüne ya azufremaã íxaxüne. Rû yima nixí ya naxtaa ga marü nawa nawoüne ga yema nüxíraüxü ga ngoxo rû yema to ga ngoxo ga orearü uruünetá íxíxü. Rû yima naxtaawa tá nixí i guxügutáma ngunecü rû chütaçü ngüxü yangegüxü.

Ngêma taxü i tochicaxü i cómüxüwa rütocüpêxewa nangugü i duüxügü

¹¹ Rû ñüxüchi nüxü chadau ga wüxi ga taxü ga tochicaxü ga cómüxü, rû nüxü chadau ga guma nawa rütocü. Rû gumachaxwa nibuxmü ga ñoma ga naãne rû guxüma ga daxüwa nüxü idaaxü, rû inayarütauxe.

¹² Rû nüxü chadau ga yema yuexü ga yaexü rû buexü ga Tupanapêxegu chigüxü. Rû ningena ga poperagü. Rû yexgumarüü ta ningena ga yema Tupanaãrû popera i nagu yawügüxü i ngêma duüxügü i nüxü nangêxmaxü i maxü i taguma güxü. Rû yema yuexü rû yexgumarüü ga ñuxãcü na namaxêxü ga wüxichigü rû yexgumarüü ga ñuxãcü na yema poperawa inaxümatüxüürüüãcüma Tupana namaã nüxü nixu na ngextá tá naxíxü.

¹³ Rû yema yuexü ga taxtü ga taxüwa yexmagüxü rû wenaxãrû ínarüdagü. Rû yema yuexü ga tauquewa yexmagüxü rû wenaxãrû ínarüdagü. Rû yemaãcü ínarüdagü ga guxüma ga duüxügü ga yuexü. Rû guxüma ga yema yuexü rû Tupana nüxna nicachigü rû yexgumarüü ga ñuxãcü na namaxêxü ga wüxichigü rû namaã nüxü nixu na ngextá tá naxíxü.

¹⁴ Rû yemawena rû guma naxtaa ga üxümaã iyaurachiünewa nawoü ga yu guxüma ga norü poramaã. Rû guma naxtaa ga üxümaã iyaurachiüne, rû ngêma nixí i poxcu i taguma iyacuãxü i tümacêx íxíxü ya yíxema tama Tupanaãrû duüxügü íxíxü.

¹⁵ Rû guma naxtaa ga üxümaã iyaurachiünewa tawoü ga guxema ingeégaxe nawa i ngêma Tupanaãrû popera i nagu tiwügüxü ya yíxema tüxü nangêxmaxê i maxü i taguma güxü.

21

Ngexwacaxüxü i ñoma i naãne rû guxüma i daxüwa ngêxmaxü

¹ Rû yemawena nüxü chadau na nayexwacaxüxü ga ñoma ga naãne rû guxüma ga ñacü ga daxüwa yexmagüxü. Yerü yema nüxíra yexmagüxü rû marü nangupetü, rû yema taxü ga taxtü rû marü nataxuma.

² Rû nüxü chadau ga guma íãne ga mexüne ga Yerucharéü ga yexwacaxüne ga daxügüxü ga naãnewa Tupanaxütawa írúxüxüne ga guxüwama mexêchine ñoma wüxi i pacü i ngêxguma iyangíxgu rû ngíteçêx ngígü mexêëxcürüü íxíxüne.

³ Rû nüxü chaxínü ga wüxi ga naga ga yema tochicaxüwa inaxüxü ga tagaãcü ñaxü:

“Tupana rû duüxügütanüwa nangexma i ñüxmax. Rû natanüwa tá namaxêcha. Rû nümagü rû norü duüxügü tá nixígu. Rû nüma ya Tupana rû natanüwa tá nangêxmaêcha, na guxümguma norü Tupana yíxüxcêx.

⁴ Rû nüma tá ínanapi i naxgüüëtü i guxüma i ngêma duüxügü. Rû marü täütáma texé tayu, rû texé tümaãrû ngechaümaã taxaxu, rû texé ngüxü tingegü. Erü guxüma i ngêma ngüxü rû marü inayarüxo”, ñanagürü.

⁵ Rû guma yema tochicaxüwa rütocü rû ñanagürü:

“Düçêx, choma rû chanangexwacaxüxêë i guxüma i ñacü i ngêxmaxü”, ñanagürü. Rû ñüxüchi ñanagürü ta:

“¡Naxümatü i ñaã ore! Erü ñaã ore rû aixcüma nixí, rû ñaã nixí i ore i mexü na yaxöxü”, ñanagürü.

⁶ Rû yemawena rû ñanagürü choxü:

“Ñuxma rü marü ningu i guxüma. Rü chowa nixí ga inaxügüxü ga guxüma, rü nataxuma i tacü i chorü yexera ngëxmaëchaxü. Rü yixema itawaxe, rü choma rü tá nangetanüäcuma tüxü chaxaxëëmare nawa i ngëma dexá i maxëëruü.

⁷ Rü yixema nüxü rüporamaëgüxe i chixexü, rü tá tanayauxgü i guxüma i ngëma mexügü i nüxü chixuxü. Rü choma rü tá tumaärü Tupana chixí, rü tüma i chauxacügü.

⁸ Natürü ngëma muüëxü i nüxü rüxoexü na chowe naxíxü, rü nawa tá nawoü ya yima naxtaa ya üxümaä iyaurachiüne ya azufremaä ixaxüne. Rü ngëxgumarüü ta i ngëma tama yaxögüxü, rü ngëma chixexü ügüxü, rü ngëma máetagüxü, rü ngëma naí i ngemaä ipexü, rü ngëma iyuüxü rü ngöxwëxegüxü, rü ngëma tupananetachicünëxäxü icuëxüügüxü, rü ngëma idoratóëxgüxü, rü nawa tá nawoü ya yima naxtaa ya üxümaä iyaurachiüne ya azufremaä ixaxüne. Rü ngëma nixí i poxcu i taguma iyacuäxü i nüxü inanguxëëxü i ngëma tama yaxögüäcuma yuexü”, ñanagürü.

Yexwacaxüne ga Yerucharéuchiga

⁹ Rü yema 7 ga orearü ngeruügü ga nüxü yexmagüxü ga 7 ga copagü ga yema 7 ga poxcuruümaä ixääcxuxü, rü yematanüwa rü wüxi ga orearü ngeruü rü chauxcëx nixü, rü ñanagürü choxü:

“¡Nuä naxü! Rü tá cuxü nüxü chadauxëë i ngëma yaxögüxü i ñoma namëxürüü tá ixíxgüxü ya yima Tupana Nane ga pecaduarü ütanücxëx yucü”, ñanagürü.

¹⁰ Rü yexguma yemaäcü Tupanaäe i Üünexü choxü ngoxetüxëëgu, rü yema orearü ngeruü rü wüxi ga mëxpüne ga taxünewa choxü naga. Rü choxü nüxü nadauxëë ga guma ñane ya üüne ga Yerucharéü ga daxügüxü ga naänewa Tupanaxütawa íruxíxüne.

¹¹ Rü guma ñane rü Tupanaärü yauracüüxümaä nangóone. Rü yema norü yauracüüxü ga guma ñane rü ñoma wüxi ya nuta ya mexëchicürüü nixí. Rü ñoma nuta ya yasperüü nixí na yachipetüxü.

¹² Rü guma ñane rü guxüwama ínapoxegu. Rü nataxüchi rü namáchanexüchi ga yema norü poxegüxü. Rü yema norü poxegüxü rü nüxü nayexma ga 12 ga norü íäx. Rü wüxichigü ga yema íäxwa nayexma ga wüxi ga Tupanaärü orearü ngeruü. Rü wüxichigü ga yema íäxwa nangoxëga ga wüxichigü ga yema 12 ga Acobu nane ga Yudiügü nawa ne íxü.

¹³ Rü tomaëxpüx ga norü íäx rü napëxewaama nayexma, rü yema to ga tomaëxpüx rü norü foxwecüwawa nayexma, rü yema to ga tomaëxpüx rü norü tügünecüwawa nayexma, rü yema to ga tomaëxpüx rü naweama nayexma.

¹⁴ Rü guma ñaneärü poxegüxü, rü 12 ga nuta ga taxüchicüëtüwa inaxügü. Rü wüxichigü ga guma nutagüwa nangoxëga ga wüxichigü ga norü ngüexügü ga guma Tupana Nane ga pecaduarü ütanücxëx yucü.

¹⁵ Rü yema orearü ngeruü ga chomaä idexaxü, rü nüxü nayexma ga wüxi ga norü ngügüxü ga uirumenëxänäxcëx na yemamaä nangugüäxücxëx ga guma ñane, rü norü íäxgü, rü norü poxegüxü.

¹⁶ Rü guma ñane rü nawüxigumare ga guxücüwawa. Rü norü mëx rü nawüxigumare namaä ga norü tatchinü. Rü yema orearü ngeruü rü yema uirumenëxämaä nanangugü ga guma ñane. Rü 2,200 kilómetru nixí ga norü mëx. Rü yexgumarüü ta 2,200 kilómetru nixí ga norü tatchinü. Rü 2,200 kilómetru ta nixí ga norü máchane.

¹⁷ Rü yemawena rü inanangu ga yema norü poxegüxü ga guma ñane. Rü 65 metru nixí ga norü máchane. Rü yemaäcü duüxügüarü ngügüxümaä nanangugü.

¹⁸ Rü yema norü poxegüxü ga guma ñane, rü nuta ga mexëchicü ga yaspenaxcëx nixí. Rü nümatama ga guma ñane rü uirunaxcëx nixí. Rü ñoma woruarüü niyauracüü.

¹⁹ Rü guma nutagü ga itacü ga norü poxegüxüpara ixígücü, rü nagüxüdraücü ga nuta ga imexëchicümaä nangëxäe. Rü guma nüxíraücü ga napara rü nuta ga yaspemaä nangëxäe. Rü guma norü taxre ga napara rü nuta ga safirumaä nangëxäe. Rü guma norü tomaëxpüx ga napara rü nuta ga ágatamaä nangëxäe. Rü guma norü ägümücü ga napara rü nuta ga esmerádamaä nangëxäe.

²⁰ Rü guma norü wüximëëxpüx ga napara rü nuta ga onichemaä nangëxäe. Rü guma norü 6 ga napara rü nuta ga cornalinamaä nangëxäe. Rü guma norü 7 ga napara rü nuta ga crisólitumaä nangëxäe. Rü guma norü 8 ga napara rü nuta ga berilumaä nangëxäe. Rü guma norü 9 ga napara rü nuta ga topásiumaä nangëxäe. Rü guma norü 10 ga napara rü nuta ga crisoprasamaä nangëxäe. Rü guma norü 11 ga napara rü nuta ga yachítumaä nangëxäe. Rü guma norü 12 ga napara rü nuta ga amatístamaä nangëxäe.

²¹ Rü yema 12 ga norü íäx ga guma ñaneärü poxegüxü rü perlanaxcëx nixí. Rü wüxichigü ga yema íäx rü wüxitama ga perla nixí. Rü yema norü ítamü ga guma ñaneärü ngäxüwa dapetüxü, rü uiruxicanaxcëx nixí. Rü ñoma woruarüü niyauracüü.

²² Rû guma îanewa rû taxúnema ga ngutaquêxepataxû ga ngextá Tupanaxû nawa yacuêxûügünexû chadau, yerû nûmatama ga Tupana ya poracû rû Nane ga pecaduarû ütânücêx yucû rû yéma nayexma na duûxûgû nûxû icuêxûügûxûcêx.

²³ Rû yima îâne rû taxucêxma ûêxcû rû tauemacû nûxû nabaxi, erû Tupanaârû ngóonexûtama nixî i nangóonexêêxû. Rû yima Tupana Nane ga pecaduarû ütânücêx yucû nixî ya norû omû ixîcû.

²⁴ Rû ngêma Tupanaârû ngóonexû i yima îanexû ngóonexêêxû tá nixî i nangóonexêêxû naxcêx i guxûma i ñoma i nañecûâx i duûxûgû. Rû ngema tá nangugû i guxûma i nachiûîañeguarû âêxgacûgû i yaxôgûxû rû tá Tupanana nayana i norû mexûgû.

²⁵ Rû norû îaxgû rû tagutáma narûwâxtagû erû ngema rû guxûguma nangunexecha rû taguma nachûta.

²⁶ Rû ngema tá nanana i guxûma i ñoma i nañeârû mexûgû.

²⁷ Natûrû tagutáma ngêxma naxûcu i ñacû i Tupanapêxewa chixexû, rû bai ya texé ya chixexû úxe rû êxna idoratêxáxe. Rû yíxema Tupana Nane ga pecaduarû ütânücêx yucûarû poperawa ngoxêgagûxexicatátama tixîgû ya ngêxma chocuxe.

22

¹ Rû ñuxûchi ga yema orearû ngerû rû choxû nûxû nadauxêê ga wûxi ga natû ga metacûchiûxû rû ichipetûchiûxû ga dexá ga maxêêruû. Rû yema tochicaxû ga nawa natogûxû ga Tupana rû Nane ga pecaduarû ütânücêx yucû, rû nawa nixî ga ne nadaxû ga yema natû.

² Rû guma îaneârû ngâxûwa dapetûxû ga ítamûlarû ngâxûgu nida ga yema natû. Rû norû guxûcutûwa narûxûgû ga naîgû ga maxêêruû. Rû yema naîgû rû wûxicanatama naxo ga wûxichigû ga tauemacûgu rû yemaâcû 12 êxpûxcûna naxo ga wûxi ga taunecûgu. Rû naâtûgû ga yema naîgû, rû guxû i nachiûîañecûâx i duûxûgû i yaxôgûxûârû taâêxêêruû nixî.

³ Rû ngema rû nataxûtáma i ñacû i Tupana chixexû namaâ naxuxuchixû. Rû yima îanewa tá nangêxma i norû tochicaxû ya Tupana rû Nane ga pecaduarû ütânücêx yucû. Rû norû duûxûgû rû tá nûxû nicuêxûügû.

⁴ Rû ngêma norû duûxûgû rû tá nachiwexûchixû nadaugû, rû tá naegamaâ nixâegacatû.

⁵ Rû ngema rû tagutáma nachûta. Rû ngêma norû duûxûgû, rû taxucêxáma nanaxwêxe i daparina rû êxna ûêxcû na nangóonexûcêx. Erû nûmatama ya tórû Cori ya Tupana rû tá nûxû nabaxi. Rû nûmagû i ngêma duûxûgû rû guxûgutáma wûxigu Tupanamaâ âêxgacûgû nixîgûecha.

Marû ningaica na wena núma naxûxû ya Ngechuchu ya Cristu

⁶ Rû ñuxûchi ga yema Tupanaârû orearû ngerû rû ñanagûrû choxû:

“Ñaa ore rû aixcûma ixîxû nixî, rû ñaa nixî i ore i mexû na yaxôxû. Rû núma ya tórû Cori ya Tupana ga nuxcûma norû orearû uruûgûmaâ nûxû ixucû ga ñacû tá na ngupetûxû, rû nûmatama nixî i ñuxma inamuâxû i norû orearû ngerû i daxûcûâx na norû duûxûgûxû nûxû nadauxêêxûcêx na ñacû tá paxa nangupetûxû”, ñanagûrû.

⁷ Rû núma ya tórû Cori ya Ngechuchu rû ñanagûrû:

“Paxa tá íchangu. Rû tataâe ya yíxema naga ñnê i ngêma Tupanaârû ore i ñaa poperagu ûmatûxû”, ñanagûrû.

⁸ Rû chomatama i Cuáû rû nûxû chaxînú rû nûxû chadau i guxûma i ngêma nûxû chixuxû. Rû yemaxû chaxînúguwena rû nûxû chadêuxguwena, rû yema orearû ngerû ga yemaxû choxû dauêêxûpêxegu chacaxápûxû na nûxû chicuêxûxûcêx.

⁹ Natûrû ga núma rû ñanagûrû choxû:

“¡Tâxû i ngêma cuxûxû! Erû choma rû ta Tupanaârû duûxû chixî, ngêxgumarû i cuma rû cueneêgû i Tupanaârû orexû ixugûxû rû ngêma duûxûgû i naga ñnêxû i ngêma ore i ñaa poperagu ûmatûxû. Rû name nixî i Tupanaxû quicuêxû”, ñanagûrû.

¹⁰ Rû ñanagûrû ta choxû:

“Tama name na icuyacûxû i ngêma Tupanaârû ore i ñaa poperagu ûmatûxû, erû marû ningaica na yanguxû i ngêma ore.

¹¹ Natûrû ngêma chixexû úgûxû, rû chixexû tá naxûgûecha. Rû ngêma Tupanapêxewa chixri maxêxû, rû chixri tá namaxêêcha. Natûrû yíxema mexû úgûxe, rû name nixî na mexû taxûgûechaxû. Rû yíxema Tupanapêxewa ixûûnêxê, rû name nixî na Tupanapêxewa tixûûneêchaxû”, ñanagûrû.

¹² Rû ñanagûrû ga Ngechuchu:

“Dúcêx, paxa tá íchangu namaâ i ngêma âmare i wûxichigûna tá chaxâxû ngêxgumarû i ñuxâcû tanaxûxû i tûmax.

¹³ Choma nixî i norû úgû i guxûma, rû chowa nixî i yacuáxû erû nataxuma i ñacû i choweama úxû.

¹⁴ Rû tataãêgü ya guxâma ya yixema yima pecaduarü ütânücêx yucügüwa tügü iyaxgüchiruxe na Tupanapêxewa timexüçêx na yima îâneârü îâxwa tichocuxüçêx rü nüxü tangõxnetagüxüçêx i ngêma norü o i ngêma naî i maxêêruü.

¹⁵ Natürü tâütâma yima îanewa nichocu i ngêma tama yaxõgüxü, rü ngêma iyuüxü rü ngõxwêxegüxü, rü ngêma naî i ngemaâ ipegüxü, rü ngêma máêtagüxü, rü ngêma tupanane-tachicünêxâxü icuêxüügüxü. Rû ngêxgumarüü ta i ngêma idoratêxgüxü i norü me ixixü na togüxü nawomüxêêgüxü, rü tâütâma nawa nichocu ya yima îâne.

¹⁶ Rû choma i Ngechuchu, rü guxâma i pema i yaxõgüxütanüwa chanamu i chorü orearü ngeruü na pemaâ nüxü yaxuxüçêx i guxüma i ngêma chorü ore. Rû choma nixî i Dabítaa chíixü. Rû choma nixî ya yima woramacuri ya pèxmama poraäcü nangõonexêêcürüü chíixü”, ñanagürü.

¹⁷ Rû Tupanaâê i Üünexü rü guxüma i yaxõgüxü, rü Ngechuchuxü ñanagürügü:

“¡Nuâ naxü!” ñanagürügü. Rû yixema nüxü inüxê i ñaâ ore, rü:

“¡Nuâ naxü!” ñatagügü. Rû yixema itawáxe rü tüxü nachixégaxe, rü name nixî i nuâ taxü rü tüxü nangetanüäcüma nawa taxaxe i ngêma dexá i maxêêruü.

¹⁸ Rû guxâma ya yixema irüxînúêxê i ñaâ Tupanaârü ore i ñaâ poperagu ümatüxü, rü tümamaâ nüxü chíxu rü ngêxguma chi texé iyatóxêêgu i ngêma Tupanaârü ore i ñaâ poperagu ümatüxü, rü Tupana rü tá tümacêx nanayexeraxêê i ngêma poxcuruügü i ñaâ poperawa nachiga naxümatüxü.

¹⁹ Rû ngêxguma chi texé nüxü üpetügu i wüxitama i ñaâ Tupanaârü ore i ñaâ poperagu ümatüxü, rü Tupana rü tâütâma tüxü nüxü nangõxnetaxêê i ngêma norü o i ngêma naî i maxêêruü i ñaâ poperawa nachiga naxümatüxü. Rû ngêxgumarüü tá ta tâütâma tüxü nimucuchi nawa ya yima îâne ya üünene i ñaâ poperawa nachiga naxümatüne.

²⁰ Rû yima nüxü ixucü i ñaâ ore, rü ñanagürü:

“Ngêmaäcü, paxa tá Íchangu”, ñanagürü. Rû ngêmaäcü yîi. Rû choma i Cuáü rü ñacharügü:

“¡Nuâ naxü Pa Cori ya Ngechuchu!” ñacharügü.

²¹ Rû chanaxwêxe i tórü Cori ya Ngechuchu ya Cristu poraäcü pexü narüngüxêê i guxâma i pemax. Rû ngêmaäcü yîi.